



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՀԱՄԼԵՏ ԳԵՎՈՐԳՑԱՆ

Դ Ր Ո

ԵՐԵՎԱՆ
ՀԵՂԻՆԱԿԱՅԻՆ ՀՐԱՏԱՐԱԿՈՒԹՅՈՒՆ
2014

ՀՏԴ 941(479.25)

ԳՄԴ 63.3(22)

Գ 479

Գիրքը տպագրվել է իրանահայուհի բարերարի՝ Արմինե Սեթիանյանի հովանավորությամբ

Տպագրվել է ԵՊՀ պատմության ֆակուլտետի խորհրդի երաշխավորությամբ:

Գիրքը հրատարակության են երաշխավորել գրախոսներ՝ պատմ. գիտ. դոկտոր, պրոֆեսոր Աշոտ Ներսիսյանը եւ պատմ. գիտ. դոկտոր, պրոֆեսոր Վալերի Թունյանը

Խմբագիր՝ պատմ. գիտ. թեկնածու Ավագ Հարությունյան

ԳԵՎՈՐԳՅԱՆ ՀԱՄԼԵՏ

Գ 479 Դրո/Հ. Գեւորգյան. -Եր.: Հեղ. հրատ., 2014 – 920 էջ + 16 էջ ներդիր:

Համլետ Գեւորգյանի «Դրո» պատմագիտական աշխատությունը ներկայացնում է Հայ ժողովրդի ռազմական եւ պետական ամենանշանավոր գործիչներից մեկի՝ Դրաստամատ Կանայանի կյանքն ու գործունեությունը, որն անմնացորդ նվիրում է Հայ ժողովրդի ազգային-ազատագրական պայքարին եւ Հայոց պետականության վերստեղծման ու վերակառուցման գործին: Պատմական իրողությունները ներկայացնում են 20-րդ դարակզբի այն անցքերը, որոնց ոգին ու կազմակերպիչն էր մենագրության հերոսը՝ Դրոն:

ՀԴԴ 941(479.25)

ԳՄԴ 63.3(22)

ISBN 978-9939-0-1227-8

© ԳԵՎՈՐԳՅԱՆ Հ., 2014

Իսկ Դրոն, Իգդիրցի այդ խմբապետը
որ եղել է հերոս, անվախ տեռորիստ...

ԵՂԻՇԵ ՉԱՐԵՆՑ

ՆԵՐԱԾՈՒԹՅՈՒՆ

«Ես ոչ մէկ ժողովրդի հանդէպ ատելութիւն չունեմ, բայց վայ այն ազգին, որ կը համարձակուի վատութիւն անել Հայ ժողովրդին, նա լինի թուրք, ռուս կամ այլ ազգի, ես զէնք պիտի վերցնեմ նրա դէմ...»:

...Այսպես էր ասում Դրոն Հայրենիքից հետո տարագրության տարիներին: Արդեն տասնամյակներ էին անցել նրա կյանքի փոթորկահույզ օրերից: Հայոց Ազատամարտի անպարտելի ռազմիկը ժողովրդի ու պատմության դատին հանձնելով իր հերոսականությունը ու դաժան մաքառումներով հազեցված կենսագրությունը՝ կյանքի վերջին տարիներն էր անցկացնում օտար փերում: Չնայած իր բացառիկ ծառայություններին, հայության գոյապայքարում եւ ազատագրված Հայրենիքի պետական շինարարության մեջ ունեցած վճռորոշ ու անգնահատելի դերակատարությանը՝ Դրոյի կյանքն ու գործունեությունը, հատկապես Հայրենական պատմաբանների կողմից, մինչեւ 90-ական թվականները արժանվույնս ուսումնասիրված չէին եւ նրա մասին որեւէ նշանակալի ու ամբողջական աշխատություն գոյություն չունեւ:

Ցավոք, Դրոյի, ինչպես եւ Հայոց Ազատամարտի բազում այլ նվիրյալների կյանքի ու գործունեության իմացության ու արժեւորման հնարավորությունը տասնամյակների ընթացքում բռնադատվել ու անջրպետվել է մեր ժողովրդի գիտությունից, որի ազատության գործին (հանիրավի մոռացված), հերոսները նվիրաբերել էին իրենց ողջ ուժն ու կարողությունը: Ավելին, Հայոց Ազատամարտի ականավոր նվիրյալներին ժողովրդի իմացությունից ամբողջովին անջրպետելու ու նրանց նկատմամբ ատելություն ու հակալրանք առաջացնելու դիտավորությամբ հորինել եւ հրապարակել են բազմաթիվ ստահող, իրականության հետ որեւէ առնչություն չունեցող նողկալի պատմություններ:

Յոթանասուն տարի շարունակ կոմունիստ պատմաբանների ու գաղափարախոսների հարվածների ամենաընդգծված ու «սիրված» նշանակետերից մեկը Դրոն էր:

Բանասիրության դոկտոր, պրոֆեսոր Գեուրգ Հայրյանի դիպուկ բնութագրմամբ՝ «Ստահող պրոպագանդան, որ սկիզբ էր առել արյունոտուշտ Աթարբեկյանից ու կիսախելագար Նուրիջանյանից, յոթանասուն տարի շարունակ զրպարտում, մրտտում էր նրա գործն ու անունը: Դրոն, այդ պրոպագանդայի համաձայն, լուր խմբապետ էր, և՛ ու սարսափ տարածող ահաբեկիչ, որի գործողություններն իբրև ուղղված էին ժողովրդի դեմ:

Ինչպիսի մոլորություն:

Այսպես կարող էին մտածել ստահակները, որոնք չէին հասկանում, որ այն ժամանակ ահաբեկչությունը ազատագրական պայքարի բաղադրիչ մասերից էր, որի միջոցով Հայ ժողովուրդը վրեժ էր լուծում իր երկու թշնամիներից՝ սովթանական Թուրքիայից և ցարական Ռուսաստանից»¹:

Դրոն Հայոց Ազատամարտի ականավոր գործիչներ Նիկոլ Դումանի, Գեուրգ Չաուշի, Սեբաստացի Մուրադի ու բազում այլ անվանի նվիրյալների պես անհարկի է համարել, գուցեև ժամանակ չի ունեցել գրի առնել ու սերունդներին փոխանցել իր կատարած գործերի առավել ուշագրավ ու ուսանելի մանրամասնությունները: Այս առումով, Անդրանիկն ու առավել եւս Գարեգին Նժդեհը այն երջանիկ բացառություններից էին, որոնք սերունդների ժառանգությունը թողեցեցին, կարելի է ասել, անգնահատելի հուշարձան հուշագրություններն ու մտորումներն զիրքը:

Այս առումով ուշագրավ է Դրոյին նվիրված Սիմոն Վրացյանի հետևյալ բնութագիրը. «Սակաւ չեն մարդիկ, որոնք, համեստութեան քղամիտ հագած, իբր թէ կարեւորութիւն չեն տալիս արտաքին փառքին, բայց ձեռքի տակից, ո՛չ մի միջոց չեն խնայում իրենց անունը յաւերժացնելու համար՝ դիւրասահ գրիչներին ու երգիչներին իրենց փառքը հիւսել տալով, իրաւ կամ անիրաւ պատմութիւնների հատորներով, ամէն միջոցով, միայն թէ «անմահանան»: Մարդիկ էլ կան, որոնց գործն է միայն հետաքրքրում, գաղափարը եւ գործը:

Դրոն վերջիններից էր: Նա իր մասին չէր ուզում խօսել եւ եթէ խօսում էլ էր, հերոսական ոչինչ չէր վերագրում իրեն:

Պարտականութիւնը կատարողի համեստութիւնը ունէր միայն: Նա կարող էր հատորներ գրել իր մասին-իր մասին համարեա ոչ մի

յուշ չթողեց: Յուշերի այն հատուածները, որ մնացել են նրանից (նկատի ունի իր խմբագրությունը լույս տեսած «ՎԵՄ» ամսագրում տպագրված Դրոյի գրած հուշերը, որոնք վերաբերում են 1905-1906 թթ. հայ-թուրքական ընդհարումներին-Հ. Գ.), անձնական գրեթէ ոչինչ չեն պարունակում, այլ նուիրում են իր գործակից ընկերներին: Անշուշտ, միայն հոգեկան ազնուութեամբ կարելի է բացատրել այն իրողությունը, որ Դրոյի կեանքն ու գործը դարուս մեծագոյն հայերից մէկի-մնացել է անծանօթ լայն հասարակութիւնից»¹:

Այսօր, ճիշտ է, արդեն հրատարակվել են հայոց պատմության այդ շրջանն ու նշանավոր գործիչների կյանքն ու գործունեությունը պատկերող զգալի թվով ուսումնասիրություններ, անգամ մեծածավալ մենագրություններ, բայց հայրենական պատմագիտությունն անհրաժեշտորեն անպայման պետք է իր անկողմնակալ ու գիտական առավել հիմնավոր խոսքն ասի պատմական հիշյալ ժամանակահատվածի, մասնավորապես Հայաստանի Հանրապետության կերտման եւ այդ գործում Հայ ազգային-քաղաքական կուսակցությունների ու առանձին գործիչների դերի, ծառայությունների ու ավանդի գնահատման վերաբերյալ:

19-րդարի վերջին եւ 20-րդ դարի սկզբներին Հայ ժողովրդի մղած ազգային-ազատագրական պայքարի ուսումնասիրությունը աներկբայորեն ցույց է տալիս, որ այդ տարիներին ամենադժվարին պայմաններում գործել են սեփական անձը անգամ զոհաբերելու պատրաստակամ, հայրենիքի ազատագրումը հավատամքի, կյանքի ու ապրելու գերխնդիր դարձրած բազում հայորդիներ, որոնք հանիրավի օտարվել էին Հայոց պատմության էջերից: Կարծում ենք, որ այսօր ավելի քան անհրաժեշտ է մեր ժողովրդին ըստ ամենայնի եւ պատշաճորեն վերադարձնել նրանից ժամանակավորապես, որոշակի հանգամանքների՝ մանավանդ գաղափարախոսական, պարտադրանքով օտարված զավակներին, առավել եւս հերոսներին եւ նվիրյալներին:

Որպես հիմք ընդունելով նաեւ այս անժխտելի ճշմարտությունը, ներկա աշխատությունում, որը նախկինում լույս տեսած «Դրո» աշխատության առավել ճշգրտված եւ ամբողջականացված վերահրատարակությունն է, արխիվային նորահայտ փաստաթղթերի, հուշագրությունների, վկայությունների ու մի շարք աշխատությունների ուսումնասիրությամբ փորձել ենք անաչառորեն ներկայացնել եւ արժեւորել Հայ ժողովրդի ազատագրության պայքարին նվիրված

¹ Գեուրգ Չայրյան, Վահագնի ծնունդը (Ասք Դրոյի մասին), Երևան, 2006, էջ 6:

¹ Վրացյան Ա., Սրբկածին Դրոն, էջ 103:

հայրողիներից առավել նշանավորներից մեկի՝ Դրոյի (Դրաստամատ Կանայան) կյանքն ու գործունեությունը եւ դրանով իսկ հերքել խորհրդային պատմագիտության մեջ նրան վերագրված, բայց իրականում նրա անձի հետ որեւէ կապ ու առնչություն չունեցող, մտացածին հորինվածքներն ու տեսակետները:

Նրա կյանքին ու գործունեությանը նվիրված այս աշխատությունում Դրոն գլխավորապես ներկայացվում է որպես ռազմական գործիչ, եւ այդ պատճառով էլ առավելապես կանգ ենք առել նրա հրամանատարությունը մղված կռիվների ու ճակատամարտերի նկարագրության եւ նշանակության գնահատման վրա:

Անժխտելի է, որ Դրոն նաեւ պետական եւ քաղաքական գործիչ է, մասնավորապես Հայաստանի Հանրապետության գոյատեւման վերջին շրջանում, երբ նա՝ որպես զինվորական նախարար, Սիմոն Վրացյանի գլխավորած ՀՀ կառավարության հանձնարարությամբ Համբարձում Տերտերյանի ընկերակցությամբ ղեկավարում էր Խորհրդային Ռուսաստանի պաշտոնական ներկայացուցիչ Լեզրանի հետ տարվող բանակցությունները եւ ղեկտեմբերի 2-ին իշխանությունը բոլշեւիկներին հանձնելու պահից, որպես ժամանակավոր իշխանության ներկայացուցիչ եւ զորքերի գլխավոր հրամանատար, պետք է իր վերաբերմունքն արտահայտեր նույն օրերին Ալեքսանդրապոլում ընթացող հայ-թուրքական բանակցություններին: Աննախադեպ ու ողջ հայության համար կարեւորագույն, բախտորոշ եւ չափազանց պատասխանատու պահ էր: Այդ ժամանակ մեծապես նաեւ Դրոյի ընդունած վճիռներից, վճռականությունից ու հաստատականությունից էր կախված Հայաստանի եւ հայ ժողովրդի հետագա ճակատագիրը: Նույն օրերին նրա ընդունած ծայրահեղ եւ ոչ հավասարակշռված, ժամանակի ոգուց եւ հնարավորությունից չբխող վճիռները միանշանակորեն կարող էին ծանրագույն եւ անկանխատեսելի հետեւանքներ ունենալ ողջ հայ ժողովրդի գոյության ու ճակատագրի վրա:

Հաշվի առնելով պատմական տվյալ ժամանակահատվածում վերոհիշյալ հարցերի կարեւորությունն ու նրբությունները՝ կարծում ենք, որ Դրոյի կյանքի ու գործունեության այդ շրջանն արժանի է ավելի համակողմանի եւ հիմնավոր ուսումնասիրության, ինչն առավելապես կամբողջականացնի հայ ժողովրդի ըր պատմության մեջ նրա իրական դերը որպես պետական, քաղաքական գործիչ:

Ներկա մենագրության մեջ ընդհանուր գծերով ու համառոտ ներկայացնելով տարագրության տարիներին նրա ծավալած գործունեությունը՝ ըստ ամենայնի չենք անդրադարձել այդ ժամանակաշրջանում նրա կատարած աշխատանքների լուսաբանմանը:

Դրոյի կյանքի ու գործունեության վերջին շրջանում առավել ուշագրավ է եւ նշանակալի երկրորդ աշխարհամարտի ժամանակաշրջանում նրա ծավալած գործունեությունը, երբ նա միմիայն իր հարազատ ժողովրդի շահերից ելնելով, հարկադրված համագործակցել է հիտլերյան Գերմանիայի հետ:

Այս հարցի առավել վիճահարույց լինելու եւ նրա վերաբերյալ եղած նյութերի սահմանափակության պատճառով ու ինչպես նաեւ նրա կերպարը առավելապես ամբողջացնելու համար 2000 թ. լույս ընծայած «Դրո» մենագրությունում ընդգրկել ու ընթերցողի ուշադրությանն էինք հանձնել ՀՅԴ Սիրիայի Կենտրոնական Կոմիտեի «Յուսաբեր» պաշտոնաթերթում 1948 թ. մայիսին հրատարակված «Դրոն եւ իր գործը» հոդվածը: Քանի որ այսօր հրատարակի վրա արդեն կան զգալի թվով ուսումնասիրություններ՝ նվիրված 2-րդ աշխարհամարտի ժամանակ առանձին հայ գործիչների, մասնավորապես Այսուհանդերձ, կարծում ենք, որ հայրենական պատմագիտությունը իր գիտական խոսքը պետք է ասի նաեւ վերոհիշյալ հարցի, մասնավորապես հայ-գերմանական հարաբերություններում Հ.Յ. Դաշնակցության դերակատարության եւ վերոհիշյալ գործիչների, այդ թվում եւ Դրոյի գործունեության համակողմանի ուսումնասիրության անկողմնակալ արժեւորման վերաբերյալ:

Ներկա աշխատասիրությունում տեղ է գտել Ս. Վրացյանին հասցեագրած Դրոյի ուշագրավ նամակը (15 օգոստոսի 1939 թ. Պուքրեշ (Քուխարեստ), որը պատմական գիտությունների դոկտոր, պրոֆեսոր Վ. Ղազարեցյանի եւ տողերիս հեղինակի առաջաբանով եւ ծանոթագրություններով լույս է տեսել «Բանբեր Հայաստանի արխիվների» հանդեսի 2006 թ. թիւ 1 համարում:

Հեղինակը իր երախտագիտությունն է հայտնում բոլոր նրանց, ովքեր անշահախնդրորեն իրենց նյութական եւ բարոյական աջակցությամբ օգնեցին «Դրո» գրքի վերահրատարակմանը:

ԴՐՈՅԻ ԳՈՐԾՈՒՆԵՈՒԹՅՈՒՆԸ
1905-1906 ԹԹ. ՀԱԹԹՈՒՐԳԱԿԱՆ ԸՆԴՀԱՐՈՒՄՆԵՐԻ
ԺԱՄԱՆԱԿԱՇՐՋԱՆՈՒՄ

1.1. ՈՒՍՈՒՄՆԱՌՈՒԹՅԱՆ ՏԱՐԻՆԵՐԸ:
ԳՅՈՒՂԱՊԵՏ ԳԱԼԱՎԱՅԻ ԵՎ ԲԱՔՎԻ ՆԱՀԱՆ ԳԱՊԵՏ
ԳԵՆԵՐԱԼ ՆԱԿԱՇԻՉՅԻ ԱՀԱՐԵԿՈՒՄՆԵՐԸ

1894թ. մայիսի 31-ի գիշերը Սուրմալու գավառի Իգդիր ավանում սարսափելի փոթորիկ էր ու երկրաշարժ: Բնությունն իր հզոր տարերքով կարծես կանխանշում էր այդ օրը լույս աշխարհ եկած Հայոց Ազատամարտի եւ անկախութեան մեծանուն նվիրյալի՝ գորավար Դրոյի (Դրաստամատ Կանայանի) կյանքի ու գործունեության մրրկածուփ ուղին:

Չափազանց անհանգիստ ու ազատատենչ բնությամբ էր օժտված Դրոն՝ Իգդիրի դպրոցի ամենաըմբոստ եւ աշխույժ աշակերտներից մեկը: Դպրոցն ու ուսումը, չնայած մտավոր փայլուն ընդունակություններին, չէին գրավում նրան: Դրոյի տարերքը զենքն էր ու ձիավարժությունը:

Դպրոցի պարապմունքներից առավել նրա համար սիրելի ու նախապատվելի էր ազատ կյանքը, իսկ դասերին չհաճախելու, խուսափելու պատրվակով՝ նա հաճախակի լինում էր սարերում, արոտավայրերում՝ իրենց հովիվների մոտ:

Վերհիշելով նրա մանկությունը՝ Հայ ականավոր գրող եւ ազգային գործիչ Ավետիս Ահարոնյանը (1917 թ. Հայոց Ազգային Խորհրդի Նախագահ) գրում է. «Ամբողջ տաք օրերին, Իգդիրի փոշոտ փողոցներով, տարիներ առաջ, ամէն երեկոյ առանց թամբի եւ իսպառ մերկ եւ անսանձ ձիու վրայ՝ մի վեց-յոթ տարեկան ջլուտ ու նիհար մանուկ էր սլանում, նույնպէս մերկ՝ ինչպէս էր իր երիվարը:

Փոքրիկ Դրոն էր... Դրաստամատը, իսկական անունով:

Օրւայ այդ պահին, իր հոր՝ քաջածանօթ Մարտիրոս Կոկոյի ձին ջրելու եւ զովացնելու համար Իգդիրի մեծ առուն էր առաջնորդում, ինքն էլ լողանում կենդանու հետ, նրա թիկունքին ցատկելով, մերկ սրունքներով նրա կողերին պլլած եւ ձեռքերով բաշին կախած, սիրում էր արշաւել փողոցներով դէպի շուկայ, չորս կողմից բարձրացած ծիծաղին ու կատակին պատասխանում էր վրանբաց թշնաման-

քով ու շարունակում իր Անօրինակ արշաւը, որսկան բազէի պէս՝ ամենհի երիվարի թիկունքին թառած»¹:

Հայրը՝ Սուրմալու գավառում իր հարստութեամբ ու դիրքով հայտնի Մարտիրոս Կանայանը (Կակո), որդուն կանոնավոր կրթություն տալու եւ նոր կյանք մտցնելու նպատակով տանում է Երեւան եւ ընդունել տալիս տեղի ուսական գիմնազիան: Նույն գիմնազիայում այդ տարիներին ուսանել են նաեւ Դրոյի հորեղբորորդիները՝ Համազասպ Հովհաննեսի Կանայանն ու Արզվարդ Մկրտչի Կանայանը:

19-րդ դարի վերջին Հայաստանի արեւմտյան հատվածի ազգային-ազատագրական պայքարի վերածննդի հետեւանքով քաղաքական զարթոնք էր ապրում նաեւ արեւելյան հատվածի հայութիւնը: Պատմական տվյալ ժամանակաշրջանի ազգային-ազատագրական շարժման դրոշակակիր Հ.Յ.Դաշնակցութիւնը Հայ ժողովրդի ազատագրական պայքարը կազմակերպելու ու ղեկավարելու նպատակով արդեն բազմաթիվ մարտական կազմակերպություններ էր հիմնել Հայաստանի եւ նրա սահմանամերձ հայաբնակ շրջաններում: Երեւանում ստեղծված ՀՅԴ կենտրոնական կոմիտեն (Մրգաստանի) կոչված էր համախմբելու եւ առաջնորդելու Արարատյան աշխարհի բոլոր այն ուժերին, որոնք ընդունակ էին ու պատրաստակամ իրենց նվիրաբերել Հայ Դատի դժվարագույն պայքարին:

Ձեյթունի, Տարոնի, Սասունի ու Վասպուրականի քաջակորով հայորդիների սխրանքների փառքն ու նրանց ձոնված երգերը տարածվելով թափանցել էին նաեւ Հայոց դպրոցները, մարտական երգերը շունչ ու ոգի էին ներարկել դպրոցականներին, որոնց թվում՝ նաև Երևանի ուսական դպրոցի սաներին:

Դրոն հետագայում բազմիցս պիտի խոստովանի, որ իր ապագա գործունեությունը մեծապես պայմանավորվել է դեռևս դպրոցական տարիներին քաջահամբավ հայդուկապետներ Նիկոլ Դումանի, Աղբյուր Սերոբի, Անդրանիկի եւ մյուս ֆիդայիների քաջագործությունների մասին լսած պատմություններով:

Դրոյի եւ գիմնազիայում ուսանող առավել խիզախ ու հայրենամոլ պատանիների՝ Սեդրակ Զալայանի (Սեթո), Տիգրան Դեւոյանի, Սմբատ Եղիազարյանի, Արտաշես Մեղքոնյանի ու այլոց (չուրջ 10 հոգի) նախաձեռնությամբ ստեղծվում է Հայ Երիտասարդաց Միությունը, որը Միսաք Թորլաքյանի հավաստմամբ՝ Դրոյի եւ ուրիշների խմբապետու-

¹ «Ալիք», 1956, մայիսի 4, էջ 41:

թյամբ ու նիկոլ Դումանի վերին հրամանատարությամբ, հետագայում դարձավ Հայ Երիտասարդաց Դաշնակցության հանրահայտ «Փոթորիկ» կամ «Բորեաս» խումբը¹:

«Բորեաս» խմբի կազմավորման գլխավոր նպատակն ու նվիրական երազանքը միակն էր. մեկնել Երկիր ու համարել իրենց սիրած հերոսների՝ Ֆիդայիների առաջնորդությամբ օսմանյան բռնապետության դեմ ազատագրական պայքարի դրոշմ պարզած մարտիկների շարքերը:

Երեւանի գիմնազիայում տիրապետող ուժը ուսումնական բարքերն էին:

«Տնօրենն ու նրա կամակատար դաստիարակները, - վերհիշում է Դրոյի դասընկեր Տիգրան Դեւոյանը, - ստիպում էին, որ երեխաները փոխեն իրենց ազգանունների վերջավորութիւնը՝ «եան»-ի տեղ ուսական «ով»-ով»²:

Տիգրան Դեւոյանի այս վկայութիւնը հաստատում է նաեւ Դրոյի հորեղբորորդի, հայագետ մանկավարժ Խաչատուր Կանայանը. «Երեւանի գիմնազիայի վարչութիւնը ուսումնական հիմնարկում ցուցանում էր իր մեծապետական շովինիզմի դեմքը: Օրինակ, պահանջում էր, որ հայերը իրենց ազգանունը վերջացնեն «ով»-ով եւ ոչ թե «յան»-ով: Այդ գիմնազիայում սովորել է նաեւ իմ վաղամեռիկ Արդվարդ եղբայրը: Առաջին թե երկրորդ դասարանում ուսաց լեզվի դասատուն նրա տետրի վրա գրված КАНАЯНը ջնջում է եւ պահանջում գրել КАНАՅԵ...» (Խաչատուր Կանայանի անտիպ ձեռագիրը պահվում է հեղինակի տնային դիվանում - Հ.Գ.):

«Բորեաս» խմբի անդամները հնարավոր միջոցներով պայքարում են ոչ միայն ուսացման քաղաքականության դեմ, այլեւ իրենց նպատակադրում են ահաբեկել ցարիզմի բոլոր այն ծառայամիտներին, ովքեր կփորձեին բռնադատել հայերի իրավունքներն ու ոտնահարել ազգային արժանապատվութիւնը³:

Խմբի ոգին եւ կենտրոնական դեմքը Դրոն էր:

Վերհիշելով գիմնազիայում ուսանելիս Դրոյի անցկացրած փոթորակալույց օրերը՝ նույն գիմնազիայի սան Թադե Պետրոսյանը գրում է. «Դեռ այդ օրերին նրա մէջ կը խլրտար ազատութեան եւ ըմբոստութեան ոգին, զրկուածներուն եւ տառապածներուն օգնութեան հասնելու սիրտը: Դեռեւս ուսական գիմնազիայի աշակերտ, ան իր շուրջն էր հաւաքել հասակակիցների մի խումբ եւ ուժգնորէն կը դիմադրէր ուս տեսչի հակահայ բոլոր հրահանգներին: Նրա

կազմած «Բորեագ» խումբը հայկական ազատասէր ոգու հնոց էր, որ ապագային դարձաւ ինքնապաշտպանութեան արժէքաւոր մի ուժ»¹:

Համաձայն վկայութիւնների՝ Դրոն գրեթե չի մասնակցել գիմնազիայում կազմակերպված միջոցառումներին, աշակերտական հավաքույթներին, նրան կարծես բնորոշ չեն եղել դպրոցական պատանու աշխարհն ու հետաքրքրասիրութիւնը:

«Մի անգամ, - շարունակում է Թադե Պետրոսյանը, - իմ հարցումին, թէ «Դրաստամա՛տ, ինչո՞ւ կը խուսափես մեր ընկերական հաւաքույթներէ», նա առանց երկար մտածելու պատասխանեց.

-Ես խօսքի եւ ճառի սիրահար չեմ: Իմ հոգին կենդանի գործ է սիրում: Ուր որ գործ կայ, եւ ո՛չ թէ խօսք, ես սիրով կ'երթամ այնտեղ»²:

19-րդ դարի վերջին Հայաստանի արեւմտյան հատվածի ազգային-ազատագրական պայքարի վերածննդի հետեւանքով քաղաքական գարթոնք էր ապրում նաեւ արեւելյան հատվածի հայութիւնը: Պատմական տվյալ ժամանակաշրջանի ազգային-ազատագրական շարժման դրոշակակիր Հ.Յ. Դաշնակցութիւնը Հայ ժողովրդի ազատագրական պայքարը կազմակերպելու ու ղեկավարելու նպատակով կարողացել էր արդեն բազմաթիւ մարտական կազմակերպութիւններ էր հիմնել Հայաստանի եւ նրա սահմանամերձ հայաբնակ շրջաններում: Երեւանում ստեղծված ՀԹԴ Մրգաստանի կենտրոնական կոմիտեն կոչված էր համախմբելու եւ առաջնորդելու Արարատյան աշխարհի բոլոր այն հայորդիներին, որոնք ընդունակ էին ու պատրաստակամ իրենց նվիրաբերել Հայ դատի երկարատեւ ու դժվարագույն պայքարին:

Ձեյթունի, Տարոնի, Սասունի ու Վասպուրականի քաջակորով հայորդիների սխրանքների փառքն ու նրանց ձոնված երգերը տարածվելով թափանցել էին նաեւ Հայոց դպրոցները, մարտական երգերը շունչ ու ոգի էին ներարկել դպրոցականներին:

«Բորեաս» խմբի անդամ Դրոն հետագայում բազմիցս պիտի խոստովանի, որ իր ապագա գործունեութիւնը մեծապես պայմանավորվել է դեռեւս դպրոցական տարիներին քաջահամբավ հայդուկապետեր Նիկոլ Դումանի, Աղբյուր Սերոբի, Գեւորգ Չավուշի, Անդրանիկի եւ մյուս Ֆիդայիների քաջագործութիւնների մասին լսած լեզենդատիպ պատմութիւններով:

Երեւանի ՀԹԴ Մրգաստանի կենտրոնական կոմիտեի անդամ Գալուստ Ալոյանի տեսադաշտից չեն վրիպում «Բորեասի» համարձակ

¹ Տե՛ս Թորլաքեան Ա., «Օրերուս հետ», Երևան, 1982, էջ 556:

² «Հայրենիք» ամսագիր, 1956, թիւ 10, էջ 17:

³ Տե՛ս Գեւորգեան Կ., Ամենու՛մ տարեգիրք, 1954, Ա. տարի, էջ 102:

¹ «Հայրենիք» ամսագիր, 1956, թիւ 10, էջ 17:

² Նույն տեղում:

տղաները, որոնք իրենց վարքով ու գործելակերպով արդեն արժանի վստահություն էին ներշնչում:

«Բորեաս» խմբի անդամ Սեդրակ Ջալալյանը (Ապարանի շրջանի Քասախ գյուղից - ՀԳ) վերհիշում է. «Երբ 17-18 տարեկան եղանք, արդեն ունէինք մօսին հրացաններ ու մատուցէր ատրճանակներ, որոնց գործածութիւնն ու նշանառութիւնը հասցուցած էինք կատարելութեան աստիճանին:

...1903-1904 թուականներուն, երբ մենք արդէն մեզ կը զգայինք հասուն, պատրաստի զինուորներ, ամբողջ Արարատեան Հայաստանը բռնկուած էր Երկրին օգնութեան հասնելու մոլեգին մղումով:

...Անչափահասներ ըլլալով, դեռ դաշնակցութեան կողմէ վաւերացուած մարտական խումբ չէինք: Անհատապէս կը դիմէինք դաշնակցութիւնը իր անձին մէջ մարմնաւորող, ամենահեղինակաւոր գործիչ Գալուստին՝ Խնասորի հերոսներէն, խնդրելով, որ մեզ միացնէ մեկնող հայդուկային խումբի մը: Բայց կը մերժուէինք այն պատճառաւնութեամբ, որ դեռ հասունանալու պէտք ունէինք»¹:

Գալուստ Ալոյանի խոհեմ մերժումները չեն ընկճում Դրոյի եւ իր ընկերների բուռն ձգտումը՝ զինվորագրվելու հենց այն կուսակցութեանը, որի դրոշով էին մարտնչում իրենց սիրած հերոսները:

Չանցած մի քանի ամիս «Գալուստը, - շարունակում է Ս. Ջալալյանը,- ընդունեց մեր խումբը Հ.Յ.Դաշնակցութեան մարտական կազմակերպութեան մէջ «Բորեաս» խումբ անուն տակ»²:

«Բորեաս» խմբի անդամներին ապագայում Հայոց ազատամարտին զինվորագրելու նպատակադրութեամբ ՀԵԴ Երևանի Մրգաստանի կենտրոնական կոմիտեն տրամադրում է մոսին հրացաններ ու մատուցեր ատրճանակներ և ոստիկանութիւննից թաքուն կազմակերպում զինավարժութիւններ: Շնորհիվ պարբերաբար կրկնվող զինավարժութիւնների ու մարզումների, նրանք զենքերի գործածութիւնն ու նշանառութիւնը հասցնում են կատարելութեան:

17-18 տարեկան հասակում անդամագրվելով Հ.Յ.Դաշնակցութեանը՝ Դրոն ձգտում էր դեպի մարտադաշտ՝ համալրելու այն ռազմիկների շարքերը, որոնց առասպելական գործողութիւնների արձագանքները բորբոքել էին իր հոգու հայրենանվեր կրակները:

Դեռ զիմնազիայում ուսանելու տարիներին փափագում էր ընդունվել ռազմական դպրոց՝ հասկանալով, որ կանոնավոր կրթու-

թյունը կարող է իրեն օգնել դառնալու իսկական, պրոֆեսիոնալ ռազմական գործիչ:

1903 թվականն էր, ցարիզմը՝ հավատարիմ իր հայակործան քաղաքականութեանը, հայոց դպրոցները, գրադարանները, թերթերն ու ամսագրերը փակելուց հետո հռչակեց հայ եկեղեցու կալվածքներն ու հարստութիւնները բռնագրավելու հունիսի 12-ի հանրահայտ հրովարտակ-օրենքը:

Մինչ այդ, ոչ հայոց դպրոցների պարբերաբար փակումը, ոչ ուսական զորքերի կողմից հայ մարտական ջոկատների ջախջախումը եւ ոչ էլ ցարական աստիճանավորների կողմից հայ գյուղացիների շահագործումն ու հարստահարումը կարծես թե արեւելահայութեան շրջանում չէին սերմանել ուսական պետականութեան դեմ ընդվզելու ձգտումներ: Սակայն եկեղեցական կալվածքների բռնագրավման մասին հրովարտակը միանգամից արթնացրեց «բարի ցարի» հավատով նիրհող հայութեանը, որը հզոր կայսրութեան պատմութեան ողջ ընթացքում աննախադեպ ու զարմանահրաշ երեւույթ էր: Ցարիզմի նենգադավ քաղաքականութեան դեմ հանդգնել, ընդվզել էր մի բուռ ժողովուրդ:

Ահեղ գոտեմարտի դուրս եկած ազատամարտիկների առաջավոր շարքում էր մինչ այդ գլխավորապես արեւմտահայութեան ազատագրութեան դրոշով առաջնորդվող Հ.Յ.Դաշնակցութիւն կուսակցութիւնը: Ի պաշտպանութիւն հարազատ եկեղեցու ունեցվածքի պաշտպանութեան՝ Դաշնակցութեան նախաձեռնութեամբ ստեղծվում է ժողովրդական շարժումը կազմակերպող ու ղեկավարող «Հայկական ինքնապաշտպանութեան կենտրոնական կոմիտեն», որի գործուն մասնակցութեամբ բողոքի ցույցեր, գործադուլներ կազմակերպվեցին Երեւանում, Թիֆլիսում, Կարսում, Բաքվում եւ այլ քաղաքներում ու բնակավայրերում: Հայ վրիժառուների գնդակների զոհ գնացին իրենց հակահայ գործունեութեամբ ու կեցվածքով առավելապես աչքի ընկած մի շարք ցարական աստիճանավորներ եւ ցարական զաղտնի ծառայութիւններին սպասարկող բազմաթիվ ազգադավ հայ կամակատարներ:

Նույն տարվա ամռանը հազարավոր հայերի բազմութիւնը՝ շարժվելով Էջմիածին, Ամենայն Հայոց կաթողիկոս Նրիմյան Հայրիկից պահանջում է, որ պատռի ցարի հրամանագիրը:

Հայաստանի տարբեր շրջաններից հավաքված բազմութեան մուտքը Էջմիածին խոչընդոտելու դիտավորութեամբ ցարական ոստիկանութիւնը փորձում է ցրել ցուցարարներին: Երեւանի ուսա-

¹ Նույն տեղում:

² Տե՛ս ԳՅԳ ԿԱ (Հայ Յեղափոխական Դաշնակցութեան Կենտրոնական Արխիվ, ԱՄՆ, Քոստոն), թժ.(թղթածրար) 451, գ. 78, էջ 3:

կան գիմնազիայի աշակերտների «Բորեաս» խումբը, որի կազմում էր նաև Դրոն, ի պաշտպանություն ցուցարարների, քարերի կարկուտ է տեղում ուստիկանների վրա եւ ջախջախում ուստիկանապետ Բալուեւի գլուխը:

Այդ ընդհարման ժամանակ պատանի Դրոն ստանում է իր առաջին մարտական սկրտությունը: Իսկ մի քանի շաբաթ անց, նրա անվրեպ հարվածի գոհն է դառնում Սուրմալուի գավառապետ Բոգուսլավսկու կարգադրությունները հավատարմորեն կատարող Թեջերապատ գյուղի գյուղապետ(գալավա) Մարտիրոսը, որը ուստիկանության հանձնարարությունները մշտապես հետեւում էր հեղափոխական գործիչներին ու նրանց գործերի ու գտնվելու վայրի մասին հայտնում «տերերին»:

Տարիներ անց այդ դեպքի մասին Դրոն Ս. Վրացյանին պատմել է հետեւյալը. «Մի երեկոյ, 1953 թ. հոկտեմբերի 15-ին, երբ, ըստ սովորութեան, միասին նստած տանը վերջիչումներ էինք անում անցեալից, Դրոն դարձաւ ինձ, թէ, -

- Գիտե՞ս ինչ, այսօր իմ գէնք բանեցնելու յիսնամեակն է:

եւ իմ պնդումի վրայ պատմեց: Վերջը ես պատմածը գրի առի.

- «1903 թուի ամառուանից մեծ թափ առաւ գէնքի փոխադրութիւնը դէպի Տաճկահայաստան: Գաւառապետ գազան Բոգուսլավսկին խիստ հետապնդում էր Հայ յեղափոխականներին: Թեջերապատ գիւղին դաւաճան գալաւա (գիւղապետ) Մարտիրոսը օգնում էր ուստիկանութեան: Որոշուեց խփել եւ գործը յանձնուեց ինձ, մեր չրջանի յանդուգն ու նուիրուած Դաշնակցական Գէորգանի (Դրոյի հորեղբորորդին է- Ն. Գ.) եւ ուրիշ մի ընկերոջ հետ միասին:

«Մեր տանը ապրում էր Սաշա Զարդոտիօ անունով մի սպայ, որի մօտ յաճախ հաւաքւում էին իր սպայ ընկերները եւ ուրախ ժամանակ էին անցնում: Այդ երեկոյ էլ, հոկտեմբերի 15-ին հիւրեր եկան: Սաշան խնդրեց ինձ, ձի նստեմ եւ երթամ շուկայից ուտելիք բերեմ: Գնացի: Նոր էի վերադարձել ուտելիքով, լուր բերին, թէ գալաւան երկու հոգու հետ միասին բաղնիք է գնում: Շտապով դուրս թռայ եւ մէկ հարւածով դետին փուեցի պոռալով «Սատկիր, դաւաճան շուն»: Վրայ հասաւ եւ Գէորգանը. նա էլ դաշոյնի երկու հարուած տուեց սրիկային: Դրանից յետոյ, ես անմիջապէս եկայ տուն: Սպաները թուղթ էին խաղում, նստեցի նրանց մօտ եւ սկսեցի դիտել խաղը:

«Դրանից յետոյ դէպքին ականատեսներ լուր էին տուել ուստիկանութեան: Մէկ էլ ուստիկանութիւնը չրջապատեց մեր տունը, թէ «աւազակ Դրոն մարդ է սպանել, ո՞ւր է»: Սպայ Սաշան պատասխա-

նեց, թէ Դրոն ամբողջ ժամանակ ինձ հետ էր եւ հետեւաբար, չէր կարող մարդ սպանել...»¹:

Գյուղապետի ահաբեկումը նա իրականացնում է այնպիսի արագությունով ու հմտությամբ, որ նրանց տանը հավաքված սպաներից եւ ոչ մեկի մտքով իսկ չի անցնում կասկածել նրա մեղսագործությունների վրա: Օրեր շարունակ ընթացող հարցաքննությունների ժամանակ Դրոյի «անմեղությունը» անվերապահորեն հավատացող սպաները միահամուռ կերպով պաշտպանում են նրան գազազած գավառապետի հարձակումներից:

«...Հա, - շարունակում է Դրոն, - այս էլ աւելացնեմ, 1916-ի վերջերը, ես Թիֆլիսում հանդիպեցի Սաշային: Այժմ գնդապետ էր, վիրաւորուած եկել էր ռազմաճակատից բժշկելու:

- Յիշո՞ւմ ես, - հարցրեց նա, - անպիտան Բոգուսլավսկին ուզում էր գալաւայի սպանութիւնը քո վրայ ձգել:

- Գիտե՞ս ինչ, Սաշա, - պատասխանեցի ես, - Բոգուսլավսկին իրաւունք ունէր, իսկապէս որ գալաւային ես էի սպանել: Գնդապետ Սաշա Զարդոտիօսն շքմած նայում է Դրոյի երեսին...»²:

Թեջերապատի գյուղապետի սպանությունը առաջին ահաբեկչական գործն էր Դրոյի մարտական կյանքում:

Վերոհիշյալ մարտական գործողություններից հետո, դպրոցական միջավայրը այլեւս չէր կարող բավարարել ռազմի փոթորկահույզ կյանքին ձգտող Դրոյին: Ռազմական կրթություն ձեռք բերելու վճռականությամբ նա որոշում է թողնել գիմնազիան եւ ընդունվել ռազմական դպրոց: Բայց ընդունված օրենքների համաձայն, ռազմական հաստատություններ կարող էին ընդունվել միայն դպրոցում բարձր գնահատականներ ունեցող եւ կարգապահությամբ աչքի ընկած սովորողները: Իսկ գիմնազիայում Դրոյի եւ գնահատականները, եւ կարգապահությունը անբավարար էին: Բայց նա արդէ վճռել էր եւ այլեւս ոչինչ չէր կարող նրան խոչընդոտել իրականացնելու իր վաղեմի երազանքը:

«Անհամարձակ, - գրում է Ս. Վրացյանը, - գնում է տեսչի մօտ, թէ՛ - Պարոն տեսուչ, ուզում եմ գնալ զինւորական դպրոց, բայց... նիշերս... կարելի՞ է մի բան անել...

- Սիրելիս, - ուրախանում է տեսուչը, - քո բոլոր երեքները հինգ կը դարձնեմ, վարքիդ գերօն եւս հինգ ու իսաչ կանեմ, միայն թէ գնաս... Կը մաղթեմ քեզ յաջողութիւն, որ զօրավար դառնաս ...»³:

¹ «Դրո», 1956, Պէյրուօ, էջ 6-7:

² Նույն տեղում:

³ Վրացեան Ս., Կեանքի ուղիներով, հ. Դ, 1965, էջ 126:

Գիմնագիտության ամենաըմբռստ ու անհանգիստ աշակերտը՝ Դրոն, գերազանցելով թյան վկայականը գրպանում մեկնում է Պյատի-գորակ եւ ընդունվում Ախուլգիինսկի գնդի ռազմական ուսումնարանը, որը միաժամանակ համարվում էր պարտադիր զինվորական ծառայություն:

Սակայն հարազատ ժողովրդի դաժան փորձություններով լեցուն կյանքը թույլ չի տալիս նրան ավարտելու զինվորական ուսումնարանը:

1905 թ. փետրվարին Անդրկովկասում բռնկվում են հայ-թուրքական (թաթար) ազգամիջյան ընդհարումները եւ Դրոն հայտնվում է հայության ինքնապաշտպանությանը զինվորագրված մարտիկների շարքերում:

20-րդ դարի սկզբներին ցարական լծի տակ հեծող ազգերից կովկասահայությունն էր, որն իր ազգային իրավունքներն ու արժանապատվությունը, եկեղեցին ու դպրոցները պաշտպանելու վճռակալությունը ընդվզեց ընդդեմ հզոր կայսրության: Մի՞թե «Եվրոպայի ժանդարմ» անունը վաստակած ցարիզմը կարող էր հանդուրժել նման հանդգնություն փոքր ազգի կողմից:

Մինչ վերահիշյալ որոշումների (Հայոց դպրոցների փակում, մի փոքր անց Հայ բարեգործական ընկերությունների հիմնած դպրոցների, գրադարանների, ընթերցողների, հրատարակչական ընկերությունների, թերթերի ու պարբերականների արգելման եւ վերջապես 1903 թ. Հայոց վանքապատկան հողերի ու գույքի՝ հոգուտ պետության բռնագրավման մասին հանրահայտ օրենքը) հռչակումը Հայ ժողովուրդը կայսրության մյուս ազգություններին հավասար եւ գուցե առավել հավատարմորեն ծառայում էր ռուսական պետության շահերին: Բազմաթիվ հայազգի գործիչներ փառաբանվեցին՝ տարբեր ժամանակահատվածներում ցարական վարչական մարմիններում եւ բանակում ծառայելիս: Նշանակալի էր նաեւ հայազգի արվեստագետների ու մշակույթի գործիչների ներդրումը ռուսական մշակույթի զարգացման գործում:

Հայ ազգային-ազատագրական պայքարի վերածննդի առաջին իսկ օրերից, երբ թուրքական բռնակալության ջարդարար սուրը սպառնում էր ողջ Արեւմտահայաստանը վերածել արյան հովիտների, ռուսական, թուրքական կայսրություններում, արտասահմանյան մի շարք երկրներում բնակվող հայության շրջաններում ծայր առած շարժումներն ուղղված էին միմիայն թուրքերի եւ քրդերի կողմից հարստահարվող արյունակիցների արդար դատի ու ոտնահարված

իրավունքների պաշտպանության: Եվ այդ պայքարը ուղղված էր միմիայն թուրքերի դեմ:

Ազգային-ազատագրական շարժումների հիմքի վրա կյանքի կոչված հայ ազգային կուսակցությունների (Արմենական, Հնչակյան, Հ.Յ.Դաշնակցություն) ծրագրերի, գործողությունների, համաժողովների ու ղեկավար մարմինների որոշումների մեջ դժվար է գտնել որեւէ փաստաթուղթ, արարք, որոնք ունենային հակառուսական, հակացարական ուղղվածություն ու բովանդակություն:

Առաջնորդվելով «Հայաստանն առանց հայերի» քաղաքականությունը, ցարիզմը՝ սկսած 19-րդ դարի երկրորդ կեսից հայության նկատմամբ հետեւողականորեն, բայց նուրբ վարպետությամբ կիրառելով հայաջինջ քաղաքականություն, միաժամանակ աշխատում էր Հայ հեղափոխական կուսակցությունների եւ ողջ ժողովրդի ուշադրությունը գլխավորապես բեւեռել Հայաստանի արեւմտյան հատվածի վրա՝ ստեղծելով այն կեղծ պատրանքը, թե իբր հայությունը ճնշվում եւ հոշոտվում է միայն օսմանյան թուրքիայի կայսրությունում: Այդ խաբկանքը հաջողությամբ իրականացվեց մինչեւ հայ եկեղեցու ունեցվածքը հօգուտ ցարական կառավարության բռնագրավելու՝ 1903 թ. հունիսի 12-ի հանրահռչակ օրենքի ընդունումը եւ 1905-1906 թթ. հայ-թուրքական ընդհարումները: Բայց իրականում ցարական կառավարությունը հիվանդագին կերպով արձագանքելով արեւմտահայության ազատագրական պայքարին եւ մեծապես նպաստելով համիդյան արյունոտ քաղաքականության կենսագործմանը՝ ամեն կերպ խոչընդոտում էր իրենց արյունակիցներին ջարդերից պաշտպանելու ոգով համակված հայ մարտական ու զինատար խմբերի, հեղափոխական գործիչների մուտքը երկիր: Հայաստանի արեւմտյան հատվածի ազատագրումը ցարիզմը դիտում էր որպես արեւելահայության ազատագրության ձգտումների ամենահզոր ազդակներից մեկը եւ այդ պատճառով միջոցների մեջ խտրականություն չէր չնայելով՝ գործադրում էր բոլոր միջոցները՝ խեղդելու ազգային-ազատագրական շարժումները Հայոց աշխարհի եւ՝ արեւմտյան, ե՛ւ արեւելյան հատվածներում:

Վիթխարածավալ կայսրությունում բռնկված հեղափոխական շարժումները խեղդելու համար իշխանություններն օգտագործեցին իրենց հզոր ռազմական ու ոստիկանական ուժերը, իսկ Անդրկովկասում հայակործան ծրագրի իրագործման համար ցարիզմն ուներ հիանալի միջոց. դա խավարամիտ, պանթուրքիզմի շնչով թունավորված կովկասյան թուրքերն (ազեր) էին:

Կովկասյան թուրքերի (թաթարների) վերնախավին հրաշալի հնարավորութիւն ընձեռվեց իր արյունակից թուրքերի քաղաքականութիւնը կյանքի կոչել նաեւ Անդրկովկասում: Եվ արեւելահայութեանը կոտորելու խորհրդավոր, լուռ համաձայնութեամբ կարծես ներդաշնակվեցին ցարական քաղաքականութիւնն ու պանթուրքիզմը, յուրաքանչյուրն առաջնորդվելով իր ազգային, պետական, քաղաքական շահերով ու հայ ժողովրդի նկատմամբ ծրագրած նպատակներով: Ի՞նչ է անունը այդ «ներդաշնակ» ծրագրի,- իրավացիորեն նշել է Լ.Յ. Դաշնակցութեան պաշտոնաթերթ «Դրօշակ»-ը,- մշակուած երկու մայրաքաղաքներում, թէեւ միմեանցից շատ հեռու եւ ըստ երեւոյթին շատ տարբեր, բայց «հոգով եւ սրտով» այնքան նման, այնքան համերաշխ: Հայաստան՝ առանց հայերի, ահա այդ անունը, արդէն ընտանի հայութեան ականջին, երբեմն ահաւոր ու սոսկալի, բայց այժմ արժանի հեզութեան եւ նոյնիսկ արհամարհանքի»¹:

Գոտեպնդված ցարական իշխանութիւնների հովանավորութիւնից՝ հայոց գյուղերը, քաղաքները ավերակոյտերի վերածելու ու հայի «հեքիաթային հարստութիւններին» տիրելու տենդով, ինչպես նաեւ հայութեան անպատրաստ վիճակից, թուրք զինված ու վաղօրոք նախապատրաստված ամբոխը փձերվարի Ե-ին Բաքվում դիմում է ամենավայրագ միջոցների, ամենուրեք կատարում է սպանութիւններ, թալան եւ հայերին պատկանող բնակարանների ու ձեռնարկութիւնների հրկիզումներ:

Ցարական իշխանութիւնների կողմից առաջինը Բաքվում հայկական կոտորածներ ու ազգամիջյան զինված բախումներ սանձազերծելը բնավ պատահական չէր:

Ս. Վրացյանի գնահատմամբ՝ «Տնտեսական ու մշակութային մեծ կշիռ էր ներկայացնում Բազուի հայութիւնը Կովկասում ընդհանրապէս եւ ազգային կյանքում ի մասնաւորի: Եւ զարմանալի չէ, ուրեմն, որ ռուս բռնապետութիւնը կոտորելու համար հայերի դիմադրական ուժը, հարուածը հայերի գլխին Բազուից իջեցրեց, իբրեւ գործիք ծառայացնելով խաւարակոռ մահամեղականութիւնը»²:

Հաշված օրեր անց հայերի կոտորածները եւ ջարդերի ալիքը Բաքվից տարածվում ողջ Անդրկովկաս:

«Այլեւս,- նշում է «Լուսն» հանդեսը, - կասկածելի չէ, որ թուրքերի ներկայ շարժումը Անդրկովկասում համախառնութեան առաջին ծաղիկն է: Բոլոր ոչ մահամեղական ականատեսները միաբերան վկայում են, որ թուրք խուժանը նախիջեւանում եւ գիւղերում յարձակումների ժամանակ ունեցել է կրօնական դրօշակ եւ Ալիի ձեռքը: Շատերը յարձակողներից հագած են եղել սպիտակ շապիկ կարմիր թեւերով եւ գլուխներին ունեցել են տանկական կարմիր ֆէսեր: Կարմիր ֆէսը համախառնական գաղափարի էմբլեմներից մէկն է»¹:

Ահեղ արհավիրքներին դիմագրավելու հայութեան միակ զենքը համընդհանուր ինքնապաշտպանութիւնն էր:

Ընդհարումների առաջին օրերին օգտվելով հայերի անպատրաստ ու աննպաստ վիճակից եւ իշխանութիւնների օժանդակութիւնից, թուրք ջարդարարներն անգթորեն ու անպատիժ արյան ու ավերումների տեսարանների են վերածում բազմաթիվ հայկական բնակավայրեր: Սակայն դա ծավալվող գործողութիւնների սկիզբն էր միայն: Պատմական տվյալ ժամանակահատվածում հայ ազգային կուսակցութիւնները եւ մասնավորապէս Լ.Յ. Դաշնակցութիւնը մինչ Կովկասում ծնունդ առած ազգամիջյան բախումները, գլխավոր ուշադրութիւնը կենտրոնացնելով արեւմտահայութեան ազատագրութեան պայքարի խնդիրների վրա եւ ընդհարումների առաջին օրերին հայտնվելով աննպաստ իրավիճակում ու անակնկալի գալով՝ չեն կարողանում ինչպես հարկն է արժանի հակահարված տալ թուրք ամբոխի վայրագութիւններին: Սակայն հաշված օրերի ընթացքում արագորեն կողմնորոշվելով ծավալվող դեպքերի քաոսում՝ Լ.Յ. Դաշնակցութիւնը, դրսեւորելով մեծազույն կազմակերպածութիւն եւ մարտունակութիւն, կարողանում է շատ լավ կազմակերպել հայոց ինքնապաշտպանութիւնը: Անխորտակ ինքնապաշտպանութիւն կազմակերպելու նպատակով ԼՅԴ վտանգված չըջաններն է ուղարկում նախորդ տարիներին անբասիր վարքով ու հերոսականութեամբ աչքի ընկած բազմաթիվ գործիչների եւ առաջին հերթին բազում կռիվների մասնակցած ու մեծ փորձառութիւն ունեցող ֆիդայիների, որոնց առաջնորդութեամբ հայաբնակ բոլոր վտանգված չըջաններում ստեղծվում են ինքնապաշտպանական մարտական խմբեր:

Թուրքերը փետրվարի 6-ին արյունալի սպանդանոցի են վերածում Բաքվի հայկական թաղամասերը:

¹ «Դրօշակ», 1905, էջ 73:

² Վրացեան Ս., Սրբկածին Դրոն, էջ 24-25:

¹ «Լուսն», 1905, քիւ 1, էջ 152:

Ընդհարումների հենց առաջին օրը Դրոն լքում է ռազմական դպրոցը եւ մի քանի զինորդների ընկերակցութեամբ (ուսումնառութեան ժամանակաշրջանը միաժամանակ համարվում էր պարտադիր զինվորական ծառայութեան) ու գալիս Բաքու:

Հայ-թուրքական ընդհարումների լուսաբանմանը նվիրված հոդվածաշարում ՀՅԴ Ոսկանապատի կենտրոնական կոմիտեի ներկայացուցիչ Աբրահամ Գյուլխանդանյանը իր հեղինակած «Բազուի անձնուէր մարտիկները» խորագիրը կրող հոդվածում ներկայացնելով Բաքվի ինքնապաշտպանական մարտերի հիմնական մասնակիցներին, պատմում է Բաքվում Դրոյի հայտնվելու մանրամասները:

Ըստ Աբրահամ Գյուլխանդանյանի վկայութեան՝ Դրոն, «Այդ շրջանի ամենապատասխանատու գործ կատարողներից մէկն եղաւ...» ու մի քանի զինվորներ փախչում են Վլադիկավկազի զորանոցից եւ տեղացի հայերի աջակցութեամբ փոխում են իրենց զինվորական համազգեստը ու մեծ դժվարութեամբ հասնում Բաքու:

Դրոյի ու զորանոցից փախած զինվորների մասին Աբ. Գյուլխանդանյանին հայտնում է է Բաքվի ՀՅԴ գործիչներից Գրիգոր Վեհապետյանը, որի ներկայացմամբ՝ «Վլադիկավկազի զորանոցից փախել են մի քանի հայ զինվորներ, որոնք ցանկանում են կուսակցական աշխատանքի լծուել: Լաւ եւ քաջ տղաներ են երեւում: Պէտք է անպատճառ վերցնել...»¹:

Աբ. Գյուլխանդանյանը բացասական պատասխան է տալիս Գրիգոր Վեհապետյանին, քանի որ համաձայն ՀՅ Դաշնակցութեան դավանած տեսակետի՝ բանակ զորակոչված բոլոր հայերը անկախ կուսակցական պատկանելութեանից, պիտի բարեխղճ կերպով ու կարգապահութեամբ կատարեն իրենց զինվորական պարտականութեանը: Իսկ ով խուսափում էր ծառայութեանից ու չէր վարժվում զինվորական կարգապահութեանը, ապա «...չէր կարող նաեւ լավ մարտիկ լինել յեղափոխական գործերի համար: Հետեւապէս ոչ մի կերպ պէտք էր քաջալերել զինուորական ծառայութեանից խուսափողներին եւ կուսակցական շարքերը լցնել այդպիսի տարրերով»²:

Աբ. Գյուլխանդանյանի մերժողական պատասխանը չէր կարող հուսալքել ու իր վճռից հետ պահել Դրոյին: ՀՅԴ կենտր. կոմիտեի ներկայացուցիչից մերժում ստանալուց հետո նա փողոցում հանդիպում է Աբ. Գյուլխանդանյանին եւ դարձյալ խնդրում, որն իրեն ու զորանոցից փախած զինվորներին վերցնեն դաշնակցական մարտիկների մեջ: Այս ան-

գամ պատասխանը դարձյալ նույնն էր՝ «... Դաշնակցութիւնը այդպիսիների համար տեղ չունի: Բայց երբ երիտասարդը վճռականապէս յայտարարեց, թէ մահ կայ, բայց վերադարձ չկայ այլեւս դէպի զօրանոց, ինձ մնում էր լուրձ կերպով խորհել այդ մասին: Եւ միւս օրը որոշ հարցուփորձից յետոյ, նպատակահարմար համարեցի այդ երտասարդին պահել մարտական խմբակի մէջ: Երիտասարդը Դրոն էր»¹:

Մահանդակական ամբոխի սանձազերծած ընդհարումների երկրորդ օրը ընդամենը յոթ մարտիկներով Բաքու է հասնում Նիկոլ Դումանը:

Պատմում է Բաքվի ընդհարումների մասնակից Թադե Պետրոսյանը. «Հասանք Մեիքեանի լուսանկարչատունը, ուր Նիկոլ Դումանը նշանակած էր իր շտաբի վայրը: Ներսը, Դումանը, Ա. Գիւլխանդանյանը, Հայր Աբրահամը եւ Դաշնակցական ինչչօն, մի սեղանի շուրջ նստած, ինքնապաշտպանութեան ծրագիրն էին մշակում: Իսկ մուտքին մօտ, ոտքի կեցած, անհամբեր սպասում էր անվեհեր երիտասարդներու մի խումբ: Այստեղ էին Մարտիրոս Չարուխչեանը, Մկրտիչ Աղամալեանը, Հմայակ Զամփուլադեանը, Առիւծ Աւագը, Թադ. Ամիրեանը: Հազիւ էին իրարու բարեւ ասել, երբ ներս մտաւ Դրաստամատ Կանաեանը՝ զինվորական համազգեստով:

«...Հազիւ մի քանի խօսք էինք փոխանակել Դ. Կանաեանի հետ, երբ Դումանը մոտեցաւ մեզ եւ լուրջ ու կտրուկ կերպով ասաց.

-Տղերք ջան, դրութիւնը ահաւոր է եւ ճակատագրական: Անհավասար պիտի լինի բախումը, բայց ոչ յուսահատական: Ամէն կերպ պէտք է յետ մղել զագագած թշնամուն եւ փրկել հայութիւնը...

Եվ ստանալով պէտք եղած հրահանգները մեր անելիքների մասին, ելանք քաղաք: Դումանը ամէն մէկիս տուեց մէկական մօտին հրացան կամ մաուզէր»²:

Մեծ վարպետութեամբ կազմակերպելով տեղի հայութեան ինքնապաշտպանութեանը՝ Նիկոլ Դումանի գլխավորած հայկական մարտախմբերը արժանի ջարդ են տալիս ցարական աստիճանավորների եւ անձամբ զենքերալ-նահանգապետ իշխան Նակաշիճեի առաջնորդութեամբ հայկական թաղերն ասպատակող թուրք ամբոխին: Մի խումբ քաջազուն հայորդիների, կայծակնային հարվածներից շանթահար Բաքվի թուրք առաջնորդները պարզում են սպիտակ դրոշն ու իշխանութեան ներկայացուցիչների միջնորդութեամբ հաշտութեան են կոչում մինչ այդ իրենց կողմից «վախկոտ» համարվող հայերին:

¹ «Հայրենիք» ամսագիր, 1953, թիւ 12, էջ 134:

² Նույն տեղում:

¹ Նույն տեղում:

² «Հայրենիք» ամսագիր, 1956, թիւ 10, էջ 18:

Այո՛, անվարան կարելի է պնդել, որ թուրքերի՝ հաշտության դիմելու միակ ծանրակշիռ պատճառը Դումանի գլխավորած քաջակորով հայորդիների հերոսական հարվածներն էին:

«Մոլլաները,- նշում է Վ. Մինախորյանը,- եկան հայկական եկեղեցի եւ քահանաների հետ համբուրեցին: Քահանաներն էլ գնացին մեծեյտ ու մոլլաների հետ համբուրեցին: Հայ եւ թուրք ամբոխը իրար խառնուեց. զարմացան տեղի ունեցած դէպքերի առթիւ. միաբերան դատապարտեցին «Շեյթանը», որ պատճառ էր դարձել երկու դարաւոր հարեւանների գոտութեան...»¹:

Այդ դեպքերի մասնակից Հ. Ստեփանյանը, նույնպես ըստ արժանվույն գնահատելով Բաքվում խաղաղություն հաստատելու գործում Դումանի եւ նրա գլխավորած մարտիկների անգնահատելի ծառայությունները՝ գրում է. «Ընդհարումների երրորդ օրը, Նիկոլ Դումանի քաջարի արժեքները՝ Դրոն, Խէչօն, Մարտիրոսը եւ նմանները, ո՛չ թէ միայն կարողացան յետ մղել թաթարական ստուար խմբերը, այլեւ՝ խորանալ դէպի թրքական թաղերը եւ թշնամուս գգալի կորուստներ պատճառել: Ուստի եւ կուտղ կողմերի հոգեւոր պետերը յարմար գտան միջամտելու: Եւ այսպէս, «խաղաղութիւնը» վերականգնուեց: Ինչ ասել կուզէ, որ սպիտակ դրօշակ պարզեց թուրք խուժանն այն ժամանակ միայն, երբ գգալի հակահարուած ստացաւ՝ շնորհիւ Նիկոլ Դումանի կազմակերպած խմբերի: Թուրքերը պարզ տեսան, որ կոտորուող հայերն արդէն բաւականաչափ թուրքեր են կոտորում...»²:

Մեկ շաբաթ տեւողութեամբ ընթացող կռիւներից հետո հաղթական հայ մարտիկները հավաքվում են Բաքվի հայութեան ինքնապաշտպանութեան ռազմական շտաբում՝ Մելիքյանի լուսանկարչատանը եւ անհամբերութեամբ սպասում հրամանատարին: Գալիս է Նիկոլ Դումանը:

«Մտաւ Դումանը՝ Խէչօյի հետ,- վերհիշում է Թադե Պետրոսյանը, - բոլորս ոտքի ելանք եւ սրտատրոփ սպասում էինք Դումանի խօսքին: Այդ պահ, համարեա անժպիտ մարդը ուրախ դէմքով եւ կրակոտ աչքերով նայեց բոլորիս եւ ասաց. «Ապրիք, տղերք ջան. Դաշնակցական վրիժառու հայդուկին վայել գործ կատարեցիք: Իմացած եղէք, որ մեծ դաւը սրանով չվերջացաւ: Եղէք միշտ եւ ամենուր պատրաստ՝ աւելի մեծ պայքարներու համար...»

Եւ Դումանը մօտեցաւ ամէն մէկիս եւ համբուրեց մեր ճակատները: Երբ մօտեցաւ Դրօյին, գրկեց նրան եւ ասաց.

- Այս արիւնոտ պայքարի մէջ մի նոր գիւտ արի: Այդ գիւտը Դրաստամատն է: Սա մեծ ապագա պիտի ունենայ, եթէ արժանաւայել միջաւայրի մէջ մնայ: Ապրիս, տղաս, քեզ վրայ մեծ յոյս ունեմ:

Դրօն անհուն ուրախութիւնից լացաւ: Մեծ ռազմիկի գովքը ամենամեծ վարձատրութիւնն էր Դրօյի համար:

- Պարոն Դուման, պիտի աշխատեմ քո յոյսը արդարացնել,- եղաւ Դրօյի պատասխանը¹:

Ճիշտ է, շնորհիվ հայ մարտիկների հերոսութեան Բաքվում շիկացած իրավիճակը խաղաղվել էր, բայց դեռ մնում էր չիրագործված եւս մի կարեւորագույն խնդիր: Ընդհարումների առաջին օրը ՀՅԴ Բաքվի կենտրոնական կոմիտեն մահվան էր դատապարտել հայերի ջարդերի կազմակերպիչ գեներալ Նակաչիճեհին եւ այդ մասին ի լուր ամենքի արդեն հայտարարվել էր: Իսկ նման պարագաներում դաշնակցութեանը երբեք չէր դրժել իր դատավիճիւրը:

Հարկ է ընդգծել, որ գեներալ-նահանգապետի ահաբեկման որոշումը կայացրել էր ոչ միայն Հ.Յ.Դաշնակցութեանը, այլեւ ռուս Սոցիալ-հեղափոխական կուսակցութեանը: Ընդառաջելով ռուս Սոցիալ-հեղափոխական կուսակցութեան դիմումին՝ Հ.Յ.Դաշնակցութեանը գեներալ Նակաչիճեհի ահաբեկումը իրականացնելու առաջնութեանը գիջում է ռուս հեղափոխականներին, որոնք թեպետ երկարատեւ նախապատրաստութեանից հետո, կազմակերպում են նահանգապետի ահաբեկումը, սակայն այն անցնում է անհաջող: Այժմ խոսքն արդեն Հ.Յ.Դաշնակցութեանն էր²:

Մի պետք է իրագործեր նահանգապետի ահաբեկումը: ՀՅԴ Բաքվի կենտրոնական կոմիտեին (Ոսկանյանի) թեպետ հայտնի էր Դրօյի կողմից թեջերապատ գյուղին գյուղապետ Գալավայի ահաբեկելու իրողութեանը, սակայն իրավամբ գտնում էր, որ Բաքվի նահանգապետ գեներալ Նակաչիճեհի ահաբեկում անհամեմատ ավելի դժվարին ու բարդ գործ է, առաջարկում է այդ գործողութեանը հանձնարարել առավել փորձառու եւ մարտական հարուստ կենսագրութեուն ունեցող ռազմիկի: Սակայն Նիկոլ Դումանի վճիռը հաստատական էր ու անառարկելի: Ընդառաջելով գեներալ Նակաչիճեհին ահաբեկելու Դրօյի բուռն ցանկութեանը՝ նա ասում է. «Շա՛տ լավ, Տէրը քեզ հետ, գնա, կը վերադառնաս կամ վահանը ձեռքիդ կամ վահանի վրայ», այս էր համբավավոր հաղուկապետի պատգամն ու հրամանը քսանամյա Դրօյին: Թեեւ նրա նախաիրած գեներալ մատուցեր էր, բայց որոշվում է գեներալ Նակաչիճեհի ահաբեկումը իրա-

¹ ՀԱԱ, ֆ. 4047, ց. 4, գ. 2, էջ 2-3:

² Ստեփանեան Յ., Նիկոլ Դուման, «Կայծեր» մատենաշար, Պէյրուք, թիւ 5, էջ 88:

¹ «Հայրենիք» ամսագիր, 1956, թիւ 10, էջ 18:

² Տե՛ս «Պատմագրութիւն Հայ Յեղափոխական Դաշնակց-ն», հ. Բ, էջ 372:

կանացնել ուղարկ հարվածով, որովհետեւ ուղարկ պայթյունի եւ թողած հետքերի տպավորությունը ավելի ցնցող եւ սարսափազդու պետք է լիներ¹:

Անսպասելի էր դեռեւս նոր-նոր մարտական առաջին փորձությունը ստացած Դրոյի համար նման պատասխանատու առաջադրանք ստանալ համբավովոր, խստապահանջ հայրուկապետից:

Դրոն այնքան էլ չի սիրել պատմել իր կատարած գործերի մասին եւ միշտ ընկերների թախանձանքին պատասխանել է «Ախար, ի՞նչ եմ արել, որ պատմեմ, դուք գրէք» արտահայտությամբ: Սակայն մեկ անգամ տեղի տալով հետաքրքրվողների հորդորներին՝ անդրադարձել է նակաշիճեի սպանություն մանրամասներին. «Որոշուած ժամին, պատմել է Դրոն, ինչ որ հարկաւոր էր հետս վերցրած, խեղճ ու կրակ ձեւ տալով ինձ, գնացի եւ կանգնեցի որոշուած տեղը: Թարսի նման այդ օրը սոսկալի փորցաւ ունէի եւ փորս գալարումների մէջ էր. մտածում էի գնալ մի մօտ տեղ հանգստանալ ու վերադառնալ, բայց երբ գզում էի, որ այդ ժամին նահանգապետը կարող է գալ ու գնալ, յետոյ ինչ անեմ եւ ինչ պատասխան տամ: Պիտի մնամ, մտածեցի, փորս տրորելով, ոտքերս վեր ու վար շարժելով, ման էի գալիս: Այդ ժամին ինձանից քիչ հեռու, մի կեռաս ծախող թուրք էր նստած, գնում էի նրա մօտ, մի բան ասում ու վերադառնում էի: Մէկ էլ տեսայ նահանգապետը կառքի մէջ. շրջապատուած հեծեալ պահակներով գալիս է. պատրաստուեցի, մոռացայ փորիս ցաւը եւ երբ մօտեցան ինձ, նետեցի ձեռքիս ուղարկ ճիշտ տեղը: Ահաւոր պայթումի ձայնից ու իրարանցումի մէջ, նոյն խեղճ ու կրակ ձեւը տալով ինձ, հեռացայ: Ձախ կողմից մի նեղ փողոց կար, մտայ այդ փողոցը, տեսայ որ մի դրան առաջ կանգնած էր յայտնի մանկաւարժ Տիգրան Ռաշտմանեանի կինը, որ Իգդիրից էր եւ ինձ բարեկամ: Հարցրեց ինձ. «Դրօ ջան, այդ ի՞նչ ձայն էր», ասացի՝ ձայնից մի հարցրու:

Մտայ ներս, ապա քիչ ետք, անմիջապէս միւս փողոցով, պտտուեցի եւ գնացի ահաբեկման տեղը, մտայ հասարակութեան մէջ իմանալու, թէ ինչ էր կատարուել: Տեսայ, որ հաւաքում էին թէ կառքի կտորները եւ թէ սպանուածների դիակների կտորները եւ այն աւերածութիւնը, որ ուղարկ կատարել էր շրջապատում: Միայն շատ ցաւեցի, որ կեռաս ծախող թուրքն էլ կտոր-կտոր էր եղել»²:

1905 թ. մայիսի 11-ին, Բաքվի փողոցներից մեկում, օրը ցերեկով, վրիժառու Դրոյի ուղարկ անվրեպ հարվածով արժանի դատաստանի

արժանացած հայակեր նահանգապետի սպանությունը ցնցող ու սարսափելի տպավորություն է թողնում ողջ Կովկասում:

«Դաշնակցութեան հմայքը, - գրում է Մ. Վարանդյանը, - որ մեծ էր արդէն եկեղեցական գոյքերու շուրջ կոիւններէն եւ ահաբեկումներէն ի վեր, խիստ բարձրացաւ ժողովուրդներու աչքին: Հայ մարտական կազմակերպութեան անունը կը հղովկէին բոլոր շրջաններում, ոմանք հիացումով ու պատկառանքով, ուրիշները՝ ատելութեամբ ու ատամներու կրճատցով: Իր շեշտակի հարուածով եւ յարուցած դղրդիւնով, այդ ահաբեկումը, զոր կարելի է համեմատել Պլէվէի եւ մեծ իշխան Սերգէի դէմ կատարուած մեծաշառաչ ահաբեկումներուն հետ, պիտի մնայ Հ.Յ.Դաշնակցութեան փառաւոր գործերէն մէկը»¹:

Կարելի է ասել, որ նահանգապետ գեներալ նակաշիճեի ահաբեկումն այն կարեւորագույն հիմնաքարն էր, որ մեծապես պայմանավորեց նրա հետագա գործունեությունը: Քսանամյա Դրոն ազատագրական պայքարի բովով անցած փորձառու եւ հեղինակավոր գործիչների կողմից ընդունվում է որպէս խիզախ մարտիկ ու վստահություն արժանի հմուտ ահաբեկիչ:

Աք. Գյուլխանդանյանի գնահատմամբ Դրոյի հետագա գործունեության համար առանձնահատուկ ու կարեւորագույն նշանակություն է ունեցել Բաքուն:

«Նրա կատարած բոլոր գործերը, - գրում է Աք. Գյուլխանդանյանը, - դարձել են պատմութեան սեփականութիւն: Սակայն, այդ բոլորի համար նա պարտական է նախ եւ առաջ Բազուին: Բազուն էր, որ հնարաւորութիւն տւեց նրան երեւան բերելու իր աննման խիզախութիւնը եւ հոգեկան կորովը: Բազուի մեջ կատարած իր հերոսական գործերով էր, որ նա հնարաւորութիւ ունեցաւ անարգել զարգացնելու իր անհատական քաջութիւնը եւ զինուորական ընդունակութիւնները: Բազուից յետոյ նա մասնակցեց հայ կեանքը մրկող բոլոր կոիւններին եւ պատերազմներին եւ ամէն տեղ, շնորհիւ իր վճռականութեան, անձնական քաջութեան եւ արտակարգ զինուորական ընդունակութիւնների, միշտ կարողացաւ առաջնակարգ դեր կատարել»²:

¹ Տե՛ս Վրացեան Ա., Մրրկածին Դրոն, էջ 27:

² «Հայրենիք» օրաթերթ, 1956, ապրիլի 22:

¹ Վարանդեան Մ., «Հ. Գ. Դաշնակցութեան պատմութիւն», հ. 1, էջ 24:

² «Հայրենիք» ամսագիր, 1953, թիւ 12, էջ 135:

1.2. ԿՈՏԱԹՔԻ, ԴԱՐԱԼԱԳԹԱԶԻ, ԵՐԵՎԱՆԻ, ԼԵՌՆԱԹԻՆ
ՆԱԽԻՋԵՎԱՆԻ ԵՎ ԶԱՆԳԵՁՈՒՐԻ ԻՆՔՆԱՊԱՇՏՊԱՆԱԿԱՆ
ՄԱՐՏԵՐՈՒՄ

Բաքվի փետրվարյան դեպքերը ծավալվող գործողությունների միայն սկիզբն էին: Շուտով ընդհարումներն ավելի մեծ ընդգրկումներով ու ուժեղացումով տարածվում են Երեւանի նահանգ, Արցախ, Զանգեզուր, Գանձակ եւ ընդհուպ Թիֆլիս:

Մայիսի 23-ին (12), դարձյալ թուրքերի նախաձեռնություններով, Երեւանում վերսկսվում են ընդհարումները եւ ինչպես ցույց են տալիս տեղի ունեցած դեպքերը, Հայկական կողմը այս անգամ եւս ինչպես Հարկն է նախապատրաստված էլ էր:

Օգտվելով Հայկական կողմի անպատրաստ վիճակից, թուրք հրոսակախմբերը նախահարձակ են լինում եւ միահամուռ կրակ տեղում քաղաքային շուկայի տարբեր մասերում գտնվող Հայերի վրա: Շուկայում սանձազերծած կոտորածից հետո, որին զոհ են դառնում 20 Հայեր, թուրքերը խմբերով՝ զինված խմբերի ուղեկցությամբ, վերադառնում եւ հավաքվում են իրենց թաղերում:

Հայկական կողմի համար թեեւ թուրքերի ձեռնարկած հարձակումը անսպասելի էր, բայց կարող էին համարժեք պատասխան տալ ու գնդակահարել բազմաթիւ թուրքերի: Նույնիսկ համանման իրավիճակում Հայկական կողմը առաջնորդվել է պաշտպանողական մարտավարությամբ եւ «Դրօշակ»-ի վկայությամբ «...իրենց զսպում էին, սպասելով տեսնել թէ կառաւարական պաշտոնեաները ի՞նչպէս կը վերաբերեն կոտորածի հեղինակներին»¹:

Գործին միջամտում է նահանգապետը, որը զինվորների ուղեկցությամբ հայտնվում է Հայկական թաղերում եւ համոզում Հայերին՝ կրակ չբացել: Հայերը իրենց հերթին շրջապատում են նահանգապետին եւ նրանից պահանջում իրենց հանձնել կռիվներ հրահրող գլխավոր կազմակերպիչներին:

Ուշագրավ է թուրքական կողմը ներկայացնող խաների դիրքորոշումն ու բացատրությունը: Նրանք հայտարարում են, որ կոտորածի հեղինակները, իրոք, թուրքերն են եւ նահանգապետին ներկայացնելով գործի հետ բոլորովին առնչություն չունեցող երեք թուրքերի, պահանջում են խստորեն պատժել նրանց:

«Դրօշակ»-ի գնահատմամբ, թուրքերն այդ քայլով փորձում էին «...Հայերին հանգստացնել աշխատեցին, բայց այստեղ եւս

թուրքերն իրենց սովորութեան հաւատարիմ մնացին, փոխանակ գլխավոր ոճրագործներին՝ նրանք ներկայացրին, իբրեւ յանցաւորներ, ինչ որ խեղճ ու կրակ համբալներ»²:

Նահանգապետին եւ Հայկական կողմին թուրք խաների տված խոստումները կեղծ էին եւ հաշվարկված: Հաջորդ օրերին թուրքերը դարձյալ նախահարձակ են լինում եւ քաղաքի զանազան մասերում կրակ բացում Հայերի վրա:

«Երեք օր շարունակ, նշում է Մ. Վարանդյանը, 1905-ի մայիսի 12 էն մինչեւ 15, իշխանութիւններու աչքին առջեւ կը կատարէր խուժանային գինարբուքը, ջարդ, հրդեհ, կողոպուտ, կանանց բռնաբարում, եկեղեցիներու սրբապղծում... Հայոց բոլոր ապրանքները յափշտակեցան, 182 Հայկական խանութներէն ազատեցան 4 հատ միայն: Եւ նոյն վայրագութիւնները՝ գաւառի մէջ»³:

Թուրքերի հարձակման ճիշտ հաջորդ օրը Բաքվից Երեւան է գալիս Դրոն: Քանի որ ցարական ոստիկանությունը փնտրում էր Բաքվի գեներալ-նահանգապետ իշխան Նակաշիճեի ահաբեկչին, այդ պատճառով Բաքվի ՀՅԴ կենտր. կոմիտեի (Ոսկանապատի) որոշմամբ, նա պետք է հեռանար Բաքվից:

Գեներալ Նակաշիճեի ահաբեկությունից հետո զինակիցների շրջանում արդեն անվեհեր ահաբեկչի անուն վաստասկած Դրոն գալիս է Երեւան եւ անմիջապես ներկայանում քաղաքի ինքնապաշտպանական ուժերի հրամանատար Դաշնակցական ինչոյին:

«Ես, գրում է Դրոն, ինչօրին երբեք այդքան ընկճւած ու մտազբաղ էի տեսել: Ով նրան ճանաչում էր, գիտէր, որ ինչքան էլ դժուար պայմանների մէջ էլ գտնուէր, միշտ կը պահէր հոգեկան արիությունը եւ իր մշտազւարթ եւ օրհնեալ կատակներով կուրախացնէր ամենքին: Այժմ ընկել էր խորունկ տխրութեան մէջ...»³:

Դրոյի այն հարցումին, թե ի՞նչ է տեղի ունեցել, ինչոն պատասխանել է. «-էլ ի՞նչ պիտի լինի...-հալա որ ջարդեցին, մնացածը յետոյ կը պատմեմ»⁴:

Դաշնակցական ինչոյի օգնական Փառակեցի Մկրտչի պատմածից պարզվում է, որ քաղաքի թուրքերն անսպասելիորեն հարձակվել ու սպանել են 20-25 Հայերի: Թուրքերի հարձակումը ոչ միայն սարսափի ու խուճապի էր մատնել քաղաքի Հայ բնակչությունը, այլեւ

¹ Նույն տեղում:

² Վարանդյան Մ., Գ. Յ. Դաշնակցութեան պատմութիւն, Երեւան, 1992, էջ 313:

³ «Դրո», Երեւան, 1991, էջ 179:

⁴ Նույն տեղում:

¹ «Դրօշակ», 1905, թիւ 7, էջ 103:

ծանրագույն խնդիրների առջև կանգնեցրել Երեւանի ՀՅԴ կենտրոնական կոմիտեին:

«Երեւանցիք,-գրում է Դրոն,-որ գուցէ ամենից լաւ ծանոթ էին Դաշնակցութեան մարտիկների կեանքին ու քաջագործութիւններին, որ ա՛յնքան մեծ յոյսեր էին դրել Դաշնակցութեան վրա, ա՛յժմ շշմել ու շարել էին: Ձէին հասկանում, թէ ի՞նչպես պատահեց կոտորածը, թէ ինչո՞ւ լուռ եւ անգործ էր Դաշնակցութիւնը, ինչո՞ւ հարւածին չպատասխանեց հակահարւածով»¹:

Քանի որ այդ ժամանակ քաղաքի ինքնապաշտպանությունը հուսալիորեն կազմակերպելու համար Երեւանի ՀՅԴ կենտրոնական կոմիտեի տրամադրութեան տակ չկար բավարար քանակութեամբ զենք ու զինամթերքըստ Փառակեցի Մկրտիչի վկայութեան, այդ պատճառով կենտր. կոմիտեն նույնպես սարսափի մատնված՝ գլուխը կորցրել ու հրահանգել էր առայժմ զգուշ մնալ ու տեղիք չտալ ընդհարումների²:

Ձուտ մարտավարական ու մանավանդ բարոյահոգեբանական առումով ձեռք բերած առաջին հաջողությունը թուրքական կողմին, անկասկած, մեծ ոգեւորություն էր պատճառել ու հայերի նկատմամբ նկատելի առավելություններ ընձեռել: Որեւէ կասկած լինել չէր կարող, որ թուրքերն անպայմանորեն կօգտագործեին հայ բնակչութեան մեջ տիրող խուճապային տրամադրութիւնն ու անկազմակերպ իրավիճակը եւ շատ շուտով կվերսկսեին հարձակումը:

Եթե թուրքերին հաջողվեր կրկնել նախորդ հարվածը, ապա ծանրագույն իրավիճակում կհայտնվեին ոչ միայն Երեւանի, այլեւ ողջ նահանգի հայ բնակչութիւնը: Քաղաքում ձեռք բերած հաղթանակն առավելագույն հնարավորութիւն էր ընձեռում թուրքերին ավելի հեշտութեամբ կոտորածներ սանձագործել ողջ նահանգում, որտեղ հայ բնակչութեան իրավիճակն արդեն չափազանց ծանր էր:

Համաձայն Դաշնակցական Խեչոյի վկայութեան՝ Երեւանի նահանգում մայիսյան առաջին դեպքերից հետո տիրել է հետեւյալ իրավիճակը. «Նախիջեւանն ու Շարուրը շատ ծանր վիճակի են մատնւած, կարող են ջարդվել, Դարալագեագը ենթակա է թարաքեամայի (թուրքական քոչվոր ցեղեր) անմիջական հարւածներին: Սուրմալուի մի բուռ հայութիւնն էլ բնաջնջման վտանգի տակ է: Երեկւայ ջարդը սիրտ պիտի տա Երեւանի թրքութեան, իսկ հայերի

ոգին պիտի ընկնի: Կռիւր շատ ա մէծ, իմ խելքի բանը չէ էս գործը: Բլնգեազ Կենտրոնական Կոմիտէի մէջ էլ էն մարդը չկայ, որ այս չափ զինւորական գործ ըմբռնի ու վարէ: Փամփուշտի ու զէնքի տեսակէտից էլ մենք շատ խեղճ ենք, մինչ թրքութիւնը զինւածա ու զինւում է կառաւարութեան օժանդակութեամբ: Ասում են՝ Դումանը պիտի գայ. խի՛ ուր ա մի գար...»³:

Ի՞նչ պետք է արվեր: Ո՞րն էր ելքը:

Անհրաժեշտ էր օգտագործել եղած հնարավորութիւնը եւ հակաակորդի համար անսպասելի մարտավարութեամբ ձեռնարկել այնպիսի պատասխան կանխարգելիչ գործողութիւն, որը կարող էր արմատական բեկում մտցնել ստեղծված կացութիւնը մեջ:

ՀՅԴ Երեւանի Մրգաստանի կենտր. կոմիտեն, ճիշտ է հրահանգել էր, որ առայժմ զգուշ մնալ ու տեղիք չտալ ընդհարումների, բայց Երեւանում էին մարտական բովով եւ Նիկոլ Դումանի դպրոցով անցած Սարգիս Օհանջանյանը (Ֆարհադ), Դաշնակցական Խեչոն ու Փառակեցի Մկրտիչը: Իրականում հենց նրանք էին դեկավարում քաղաքի ինքնապաշտպանական ուժերի մարտական գործողութիւնները:

Տվյալ ճակատագրական ու բախտորոշ պահին Երեւանի մարտական ուժերի հրամանատարութիւնը կայացնում է միակ արդյունավետ ու կշռադատված ճիշտ որոշումը, այն է՝ ոչ թե սահմանափակվել սոսկ կրավորական ինքնապաշտպանութեամբ, այլեւ նախահարձակ լինել, այսինքն գործել հարձակողական բնույթի մարտավարութեամբ:

Անդրադառնալով, Հիրավի, ճակատագրական նշանակութիւն ունեցող այդ մարտավարութեան կիրառման անհրաժեշտութեան արժեւորմանը՝ Դրոն նշում է. «Կուր մէջ յաղթութիւնը մեծ չափով ապահոււած է նրան, ով իր ձեռքը կառնէ նախաձեռնութիւնը: Բոլոր երեւոյթները ցոյց էին տալիս, թէ սպասելու անմիտ քաղաքականութիւնը կարող էր լինել լիովին կորստաբեր հայերի համար: Ընդհակառակը, հակահարւածը մեր կողմից յաջողութեան դէպքում հիմնովին պիտի փոխէր դրութիւնը եւ հայերին պիտի դնէր աւելի նպաստաւոր վիճակում...»

Լաւագոյն պաշտպանութիւնը յարձակումն էր²:

Այդ ժամանակ Երեւանի մարտական ուժերը, համաձայն Դրոյի վկայութեան, ունեին ընդամենը 100 մոսին հրացան եւ 50 ատր-

¹ Նույն տեղում, էջ 182:

² Նույն տեղում, էջ 180:

¹ Նույն տեղում:

² Նույն տեղում, էջ 183:

ճանակ, որոնց մեծ մասը եղել է մաուզեր: Նույն օրը Ալեքսանդրապոլից ստանում են 15 մոսիւն եւ 4000 փամփուշտ:

Համաձայն վաղօրոք մշակված ծրագրի՝ Հայ մարտական խմբերի մի մասը դիրքեր է գրավում մարտավարական առումով քաղաքի առավել կարեւոր նշանակութուն ունեցող մասերում եւ փակում Հայկական թաղերը տանող ուղիները, իսկ մյուս մասը պիտի բարձրանար Նորքի բարձունքները եւ այնտեղից գրոհեր ու կրակ տեղար Հայկական թաղերի վրա հարձակվող թուրքական հրոսակախմբերի վրա:

Մինչ մարտական գործողություններ սկսելը, Դրոն խնջոյին խնդրում է, որ նա իրեն վստահի թուրքերին թիկունքից հարվածող թուռցիկ մարտախմբի հրամանատարությունը:

Իր հուշագրությունում նկարագրելով կովի մանրամասները՝ Դրոն նշում է. «Դաշնակցական ինչօն համաձայնեց եւ իմ տրամադրութեան տակ դրեց թիֆլիսից նոր եկած տասը սքանչելի մարտիկներ՝ Կոփեցի Կեռագին, էրզրումցի Արամին, թիֆլիսեցի Շէկ Տիգրանին եւ այլն... ինչօյի հրահանգի համաձայն գնացի ուղիղ մեր պահեստապետի մօտ եւ տղաների համար ստացայ հրացաններ հարիւրական փամփուշտներով: Զինւած մարտիկներին միացան եւ Նորքի ուժերը, որոնց մի մասը անգէն էին կամ միայն դաշոյն ունէր»:

Մարտախումբը պիտի Նորքից աննկատ տեղափոխվեր Կոնդի բարձունքները եւ թիկունքից հարվածեր Հայկական թաղերի վրա հարձակվող թուրքերին:

Քանի որ Դրոյի գլխավորած թուռցիկ մարտախմբին տրված Հանձնարարությունը չափազանց կարեւոր էր, Նորք է գալիս նաեւ Երեւանի ինքնապաշտպանական ուժերի ընդհանուր հրամանատար Դաշնակցական խնջոն:

«Մեր շարժուելու վայրկեանին, շարունակում է Դրոն, հասաւ նաեւ ինչօն եւ մեր շուրջը գտնւած անգէն գիւղացիներին տեսնելով է սրախօսեց.

-Հը՛, ինչա՞, պոլկ (գունդ) էք կազմել:

Եւ հրամայեց, որ լոյսը չբացւած վերադառնանք Նորք»¹:

Ի դեպ, թեպետ մինչ այդ Դրոն մասնակցել էր Բաքվի փետրվարյան դեպքերին, բայց որպես մարտական խմբի հրամանատար Երեւանում տեղի ունեցած կռիվը նրա մարտական գործունեության

առաջին մարտական գործողությունն էր Արեւելյան Հայաստանի տարածքում:

Նորքեցիների առաջնորդութամբ մարտախումբը գիշերով աննկատ հասնում է Կոնդ: Նախորդ օրը քաղաքում ընթացող թեժ կռիվներում Դաշնակցական խնջոյի ընդհանուր հրամանատարութամբ գործող Հայ մարտիկները կարողացել են ոչ միայն անառիկ պահել իրենց դիրքերը, այլեւ դիմել են հարձակման եւ թուրքերի ձեռքից խլել մի քանի կարեւոր հենակետեր:

Հաջորդ օրը Հայ ինքնապաշտպանական ուժերը պիտի անսպասելի ու սրընթաց գրոհ ձեռնարկեին եւ երկու կողմից տեղացող հարվածներով վճռական պարտության մատնեին հակառակորդին: Դրոյի գլխավորած մարտախումբը հարմար դիրքեր է գրավում թուրքական թաղամասի վրա իշխող բարձունքի վրա, ապա որսալով հարմար պահը եւ միահամուռ համազարկեր տեղալով՝ գիշերով հարձակվում է թուրքական հրոսակախմբերի վրա, որոնք կրակ էին արձակում Հայկական թաղի ուղղութամբ:

Նկարագրելով այդ հիրավի վճռորոշ պահը՝ Դրոն գրում է. «Մեզ հետ եկած անգէն գիւղացիներն էլ «ուռա՛»-ներով սրտապնդում էին մեզ: Այդ աղմուկը գիշերային խորհրդաւորութեան մէջ ահաւոր տպաւորութիւն էր թողնում, եւ զարմանալի չէ, Դամբլբուլաղի թուրք թաղի բոլոր ճրագները անմիջապէս մարեցին, երթեւեկութիւնը փողոցներում դադարեց եւ յարձակումները Հայերի վրա վերջ գտան»¹:

Դրութեան լիիրավ տերն արդեն Հայ մարտիկներն էին, որոնք հարձակվում ու հեռահար մոսիւններից թուրքերի վրա կրակ էին տեղում Հանդիպակաց ուղղություններից: Թուրքերի շարքում խուճապն ու սարսափն ավելի է ուժեղանում, երբ Հայ մարտիկները ուժմբերի հարվածներով պայթեցնում են Հայկական դիրքերի մերձակայքում գտնվող թուրքերին պատկանող մի քանի տներ:

Եզրափակելով կովի մանրամասների նկարագրությունը՝ Դրոն նշում է. «...մեր թիկունքային հարւածը վճռական էր եւ շշմեցրեց թուրքերին...»

Գիշերային այդ գրոհը բոլորովին բարձրացրեց քաղաքի Հայերի բարոյական կորովը, ոգեպնդեց ու բարձրացրեց նաեւ նահանգի հայութեան տրամադրութիւնը:

Միւս օրը առաւօտեան գնացի տեսնելու ինչօյին: Նրա դեմքը փայլում էր ուրախութիւնից: Նա պինդ գրկեց ինձ, տաք-տաք

¹ Նույն տեղում, էջ 186:

¹ Նույն տեղում:

Համբուրնց ու ասաց. «Խաթաբեա՛ր(սխալվող), դու որ մի շաբաթ կուի անես Քանաքեռի Ջաբախանան(գեների պետական արհեստանոց, պահեստ-Հ.Գ.) քեզ չի հերիքի»¹:

Թուրք հրոսակախմբերը մայիսի 23, 24-ին եւ առավել ուժգնությամբ 25-ին գանգվածային գրոհներ են ձեռնարկում հայկական թաղամասերի վրա: Հայոց մարտական խմբերը հակահարվածով կանգնեցնում են թուրք հրոսակախմբերի գրոհները եւ խափանում հայկական թաղամասեր թափանցելու բոլոր փորձերը:

Ըստ արժանվոյն գնահատելով այդ կովում Երեւանի ինքնապաշտպանական ուժերի հաղթանակը՝ Ս. Վրացյանը գրում է. «Երեւանի թուրքերը, խրախուսվելով առաջին յաջողութիւնից, պատրաստուում են նոր յարձակման, բայց այս անգամ անակնկալի են հանդիպում: Խնչօն դասաւորել էր իր ուժերը այնպէս, որ թշնամին ընկնում է երկու կրակի միջեւ եւ շշմեցուցիչ հարուած է ստանում: Այս կուում աչքի ընկնող դեր է կատարում Դրոն իր թուղիկ խմբով եւ զինւած մարդկանցով ու կամաւորներով...»²:

Մայիսի 25-ի հաղթանակը Երեւանի նահանգում հայերի կողմից թուրքերին հասցրած առաջին լուրջ եւ ծանրակշիռ հարվածն էր: Ծնորհիվ կազմակերպված հակահարվածի, կանխվեց Երեւանի հայության գլխին ծառայած մահացու վտանգը: Որեւէ կասկած չիւնել չէր կարող, որ եթե թուրք ավազակախմբերին հաջողվեր թափանցել քաղաքի հայկական թաղերն ու կոտորել հայերին, ապա անկասկած կշարունակեին նույն սպանողն առավել հեշտությամբ եւ ոգեւորությամբ իրականացնել նաեւ նահանգի հայկական բնակավայրերում:

Սարգիս (Ֆարհատ) Օհանջանյանի հավաստմամբ, Երեւանում տեղի ունեցած մայիսյան կռիվներում հայ մարտիկների դրսեւորած քաջագործութունները հիացրել են ոչ միայն ռուս սպաներին ու զինվորներին, այլեւ նույնիսկ նահանգի եւ քաղաքի իշխանություններին, որոնք որեւէ փորձ չեն ձեռնարկել զինաթափելու հայ մարտիկներին³:

Երեւանի մայիսյան դեպքերից հետո, լուր ստանալով, որ Բաքվում ոստիկանությունը ձերբակալել է իր սիրելի ընկերոջը՝ Մարտիրոս Չարուխչյանին, նա անմիջապես վերադառնում է Բաքու: Քաղաքում նրա հայտնվելը զարմանք է հարուցում ՀԹԴ Ոսկանա-

պատի կենտրոնական կոմիտեի անդամներ Աբրահամ Գյուլխանդանյանին եւ Լեւոն Թադեւոսյանին (Պապաշա): Իրոք, մեծագույն հանդգնություն էր նրա հայտնվելը, ուր ցարական ոստիկանությունը համառորեն փնտրում էր Նակաշիճեի ահաբեկչին: Սակայն Դրոն չէր կարող չարհամարհել իրեն սպառնացող վտանգը, երբ ոստիկանությունը մահապատժի սպառնալիքով բանտ էր նետել նահանգապատի սպանության գործում մեղադրվող մարտական զինակցին: Հանդիպելով Մարտիրոսի քրոջը՝ կարողանում է գաղտնորեն տեսակցութուն կազմակերպել եւ մարտական ընկերոջն օգնելու անհրաժեշտ գործերը կարգավորելուց հետո դարձյալ վերադառնում է Երեւան եւ ներկայանում Երեւանի նահանգի ինքնապաշտպանության հրամանատար Նիկոլ Դումանին: Ճիշտ է, թեպետ Բաքվի կռիվների ժամանակ Դրոն գործել էր նրա հրամանատարությամբ, բայց իրականում նրան առաջին անգամ էր վիճակվում միայնակ հանդիպել ու առանձին խոսել Դումանի հետ, որի խստապահանջությունն ու զինվորական կարգապահության նկատմամբ դրսեւորած արտակարգ խիստ վերաբերմունքը հայտնի էր ամենքին:

«Կուսակցութիւնը,- ասել է Դումանը Դրոյին,- քո ձեռքով մի գործ է կատարել, այդ չի նշանակում, թէ դու հակառակ Կենտրոնական Կոմիտեի հրահանգի կարող ես, կամ իրաւունք ունիս վերադառնալ այն վայրը, որտեղից քո իսկ ապահովութեան եւ իրեն յայտնի այլ պատճառներով հեռացրել է: Հայ ազատագրական պայքարը շատ մեծ է, քեւալագէտութեան վայրկեաններն անխուսափելիորէն դեռ կը զան, հարկավոր է տնտեսել ուժերը եւ սպասել յարմար ժամանակի: Մանաւանդ դու, որ թէ գիմնազիայում ես սովորել, թէ զինւորական դպրոցում, շատ լաւ պէտք է հասկանաս, թէ ինչ բան է կարգապահութիւնը...»

Ես լուռ, գլուխս կախ լսում էի: Մերթ տաք քրտինք էր գալիս վրաս, մերթ պաղ: Ոյժ չունէի առարկելու կամ արդարանալու: Նրա պարզ, բայց կտրուկ եւ ազդող խօսքերը մխոււմ էին գլխումս այլեւ երբեք չմոռացուելու համար¹:

Հաջորդ օրը Դումանը դարձյալ կանչում է Դրոյին եւ առանց նրա կարծիքը հարցնելու, նշանակում Կոտայքի շրջանի ինքնապաշտպանական ուժերի հրամանատար: Առաջարկն անսպասելի էր եւ քանի որ ինքը դեռեւս չունէր հրամանատարության փորձառություն, փորձում է հրաժարվել: Բայց Դումանի վճիռները որպես օրենք անբեկանելի էին:

¹ Լույս տեղում, 186-187:

² Վրացեան Ս., Մրոկածից Դրոն, էջ 37:

³ Տե՛ս ԳՅԴ ԿԱ, թժ. 293, գ. 11, էջ 3:

«Նա (Դուժանը), - գրում է Դրոն, - դէմքը մի քիչ խոժոռած, սուր հայացք նետեց վրաս եւ արտասանեց.

- Վաղը առաւօտեան ժամը Զ-ին եկէք շտաբ. պատրաստ եղէք մեկնելու Ղըրխըրուլաղ (այժմ Աբովյանի շրջան - Հ.Գ.), - եւ ոսկրոտ ձեռքը պարզելով ինձ՝ աւելացրեց՝ ազատ էք, կարող էք գնալ:

Ինձ ոչինչ չէր մնում, բայց եթէ համակերպուել¹:

Լավ դաս էր Դրոյի համար Դուժանի՝ նման կտրուկ եւ խիստ արտահայտման ձեւն ու զինվորական չոր վերաբերմունքը:

Չնայած Կոտայքի շրջանում կռիվները մեծ ծավալներով ու ուժգնութեամբ տեղի չէին ունենում, բայց հայկական գյուղերը ցանկացած պահի կարող էին հարձակման ենթարկվել թարաքեամաների (քոչվոր թուրքեր - Հ.Գ.) եւ նրանց աջակցող քրդական հրոսակախմբերի կողմից: Հայկական բնակավայրերին սպառնացող այդ իրական վտանգին դիմազարվելու եւ հայ գյուղացիների անվտանգությունն ապահովելու համար անհրաժեշտ էր ըստ ամենայնի կազմակերպել շրջանի ինքնապաշտպանությունը: Մինչեւ Դրոյի գալը, Կոտայքի շրջանում արդեն կազմակերպվել էին որոշակի մարտական ուժեր, որոնց արդեն «բախտ էր վիճակվել» մի քանի կռիվներում ուժերը չափել թուրքական ու քրդական հրոսակախմբերի հետ: Կոտայքի մարտական ուժերի կազմակերպիչների թվում էին Բաշգառնեցի հանրահայտ ռազմիկներ Լազար Քոչարյանը (Մեծ կամ Քաչա), Մարտիրոս Աբրահամյանը, Մակեդոն Հակոբջանյանի, Խնկո Ասատրյանն եւ Արտուշ Քոչարյանը, որոնք մասնակցել էին Գայլ Վահանի ու բարբրոզի Միհրանի գլխավորությամբ տեղի ունեցած նշանավոր «Մոսուն - Զորի» արշավանքին եւ արդեն ձեռք էին բերել մարտական որոշակի փորձառություն:

Դրոն Կոտայքի ինքնապաշտպանական շրջանի հրամանատարությունը ստանձնել է 1905 թ. ամռանը: Նիկոլ Դուժանի հրամանով նրա օգնականն է նշանակվել բաշգառնեցի Լազար Քոչարյանը (Քաչալ Լազար), որը «Մոսուն - Զորի» արշավանքի ժամանակ առաջնորդել էր գառնեցիների տասնյակը: Հենց Կոտայքի շրջանում գործելու ժամանակ հիմք է դրվում Դրոյի եւ Հայոց Ազատամարտի նվիրյալ գործիչներ՝ Գառնի հայրենանվեր ականավոր զավակների՝ Լազար Քոչարյանի, Մարտիրոս Աբրահամյանի, Խնկո Ասատրկանի, Արտուշ Քոչարյանի, Մակեդոն Հակոբջանյանի եւ գառնեցի բազում այլ քաջակորով ռազմիկների ջերմ բարեկամությունը:

Հարկ է ընդգծել, որ ինչպես 1905-1906 թթ. հայ-թուրքական, այնպես էլ կամավորական շարժման, Մալխայան հերոսամարտերի եւ Հայաստանի Հանրապետության գոյությունից ժամանակահատվածում, վերահիշյալ գործիչները մեծամասամբ իրենց գլխավորած զորախմբերով մասնակցել են Դրոյի հրամանատարությունում տեղի ունեցած մարտական գործողություններին:

Դրոն Կոտայքի ինքնապաշտպանական շրջանի հրամանատարությունը ստանձնում է այն ժամանակ, երբ այդ շրջանի մարտական ուժերը Նիկոլ Դուժանի հանձնարարությամբ պիտի կենսագործեին մի շատ կարեւոր հանձնարարություն: Հայ բնակչության անվտանգությունն ապահովելու համար, համաձայն Դուժանի հրահանգի, հայ ինքնապաշտպանական ուժերը բոլոր շրջաններում նախ եւ առաջ պիտի «մաքրեին» թուրքաբնակ այն գյուղերը, որոնք ընկած լինելով հայկական գյուղերի միջնամասերում, խափանում եւ արգելակում էին հայ գյուղացիների ազատ երթևեկությունն ու հաղորդակցությունը:

Կոտայքի մարտական ուժերին տրվող հանձնարարությունը ստանալու նպատակով, Ղ. Քոչարյանն ու Մարտիրոսը ներկայանում են Երեւան՝ Դուժանի հրամանատարական կետը:

«Դուժանը, - գրում է Մարտիրոսը, - բացեց զինւորական քարտէզը, նայեց ուշի-ուշով:

- Գալուստ (Գալուստ Ալոյան-Հ.Գ.), Բաշգառնին ապահովելու համար, անհրաժեշտ է «մաքրել Բաշգառնիի եւ Կոտայքի միջեւ ընկած լեռնաշղթայի վրայ գտնւող թրքաբնակ գիւղերը», որպէսզի ազատ երթեւեկ ստեղծւի Բաշգառնիի ու Կոտայքի միջեւ...

Մատով ցոյց էր տալիս քարտէզի վրայ, գիւղերի անուներն արտասանում էր խորը զզւանքով...»¹:

Դուժանի հանձնարարությունը, որպես օրենք, անպայմանորեն պիտի կատարվեր: Կոտայքի մարտական ուժերը, նորքեցիների մարտախմբի համագործակցությամբ, ձեռնամուխ են լինում իրականացնել Գառնիից մինչեւ Կոտայք ձգվող տարածքում գտնվող թուրքաբնակ գյուղերի «մաքրում»-ը: Սակայն հայ բնակչությանը միայն թուրքերը չէին սպառնում: Բրդերը, որոնք ամռանը մշտապես անցկացնում էին մոտակա սարերում, պատեհ Հնարավորությունը օգտագործելով, նույնպես փորձեր էին ձեռնարկում ասպատակելու հայկական բնակավայրերը:

¹ Խմբագրատ Մարտիրոս Աբրահամեան, Իմ յիշելի յուշերը, գիրք 1, Թեհրան, 1978, էջ 104:

¹ Նույն տեղում:

Դրոյին վստահելով Կոտայքի շրջանի ինքնապաշտպանական ուժերի հրամանատարութիւնը՝ Դումանը նրան հանձնարարում է կազմակերպել Կոտայքի մարտական խմբերը եւ ոչ մի պարագայում թույլ չտալ, որպեսզի ամուսնը Գեղամա լեռները բարձրացող քուրդ ցեղախմբերը հարձակվեն ու թալանեին հայկական գյուղերը¹:

Հայ մարտական ուժերին մասամբ հաջողվում է կատարել Դումանի հանձնարարութիւնը եւ մի շարք բնակավայրեր մաքրել թուրքերից, սակայն նրանց արդյունավետ գործողութիւններին մեծապես խոչընդոտում էին ռուսական ոստիկանական ուժերը, որոնք Քանաքեռի պրիստով Խումարովի գլխավորութեամբ յուրաքանչյուր անգամ հայտնվում էին դեպքի վայրում եւ սատար կանգնում թուրք բնակչութեանը:

Օգոստոս ամսին, երբ Դրոն գյամրեցիների խնդրանքով գտնվում էր նրանց գյուղում պաշտպանելու դաշտում աշխատող գյուղացիներին թուրքերի հնարավոր հարձակումից, պրիստով Խումարովը, տեղի տալով թուրքերի կողմից միտումնավոր կազմակերպված սադրանքին, Հայ մարտիկներին ձերբակալելու նպատակադրութեամբ 12 կողակների եւ 10 միլիցիոներների ուղեկցութեամբ հայտնվում է այն վայրում, ուր տվյալ պահին իր զինվորներով գտնվում էր Դրոն: Նկատելով ռուս զինվորներին ու միլիցիոներներին, Հայ մարտիկները կարողանում են ձորերի միջով խույս տալ հետապնդումից, իսկ Դրոն 10 գյամրեցի մարտիկներով անկարող լինելով մեկնել Կոտայք, հայտնվում է Գառնիում եւ հենց այդ օրն էլ կայանում է նրա եւ Մարտիրոս Աբրահամյանի (խմբապետ բազառնեցի Մարտիրոս) ծանոթութիւնը:

Վերհիշելով այդ պահը՝ Մարտիրոսը գրում է. «Երեկոյան կողմն էր, երբ կալում զբաղւած էի, երբ լուր բերին, թէ 12 զինւած մարդիկ են եկել բաղբը եւ ինձ են ուզում:

Անմիջապէս ինձ հասցրի նրանց մօտ:

Տասը գեամրեցիներին ճանաչում էի, սակայն երկու հոգի անծանօթ էին ինձ, մէկն իմ հասակին էր, ընչացքները նոր բուսած կարճահասակ, իսկ միւսը՝ բարձրահասակ, յաղթանդամ մի տղամարդ...

Երբ ինձ ասացին.

- Ծանոթացիր Խմբապետի հետ, բարձրահասակին խմբապետ կարծեցի...նա ցոյց տվեց իր կողքինին: Կողքինը՝ ձեռքս սեղմելով ասաց.

- Դրօ Կանայեան:

Մարտիրոս...

Իմ կարծեցեալ խմբապետն էլ, իր հորեղբոր որդին՝ Գեորգանն էր (Հայրապետ Կանայան)²:

Այդ օրը Դրոն ծանոթանում է նաեւ Խնկո Ասատրյան եւ Արտուշ Քոչարյանի հետ ու նրանց եւ Գառնիի Հ.Յ.Դաշնակցութեան կոմիտեի անդամների մասնակցութեամբ քննարկում ինքնապաշտպանութեան կազմակերպման ու մասնավորապէս քրդերին առնչվող հարցերը:

Խորհրդակցութեան ժամանակ դիմելով ներկաներին՝ Դրոն հարցնում է. «- Ձեր սարերի քրդերը, որքա՞ն կուող ուժ կարող են տալ...- հարցրեց Դրօն լուրջ կերպով:

- Մօտաւորապէս հինգ հազար մարդ,- պատասխանեց կոմիտեի նախագահը:

- Գիւղի բոլոր կուող ուժերը թող պատրաստեն: Լաւ վայաղներ գտէք: Կը հավաքենք Կոտայքի բոլոր գիւղերի զէնք գործածել իմացողներին եւ կը յարձակենք քրդերի վրայ...³:

Սարերում հանգրվանած բազմահազար քրդերի վրա հարձակվելու չափազանց հանդուգն գործողութեան իրականացումը դժվարագույն խնդիր էր: Դումանն այդ մասին տեղեկանալով, հրահանգում է Դրոյին, որ «ինքնագլուխ, ո՛չ մի գործ չձեռնարկի...»³:

Դրոն լրջորեն մտադրվում է իրականացնել այդ շրջանների տարածքներն ու սարերը քրդերից մաքրելու գործողութիւնը, սակայն հանգամանքները խոչընդոտում են իրականացնել այդ ծրագիրը: Հայկական կողմի գործողութիւններին ակնդետ հետեւող պրիստով Խումարովն մեծաքանակ զինվորական եւ ոստիկանական ուժերով ավելի է ուժեղացնում բնակավայրերի վրա սահմանված հսկողութիւնն ու խուզարկութիւնները:

Պրիստով Խումարովի գլխավորած ոստիկանական ուժերի հերթական խուզարկութիւններից մեկի ժամանակ Դրոն Լազարի ընկերակցութեամբ Գառնիի մոտակայքում անսպասելիորեն հանդիպում է ոստիկաններին, բայց կարողանում է հնարամտորեն մոլորեցնել նրանց ու խուսափել հետապնդումից:

Համաձայն Մարտիրոսի պատմածի, այդ նույն օրը ինքն ու Խնկոն, կալերում աշխատելիս, լուր են առնում, որ իրենց խմբա-

¹ Նույն տեղում, էջ 111-112:

² Նույն տեղում:

³ Նույն տեղում:

¹ Տե՛ս նույն տեղում, էջ 110:

պետը՝ Դրոն մեն - մենակ հանդ է գնացել: Քանի որ այդ օրերին ոստիկանները հայկական բնակավայրերում խուզարկութուններ էին կատարում, նրանց խիստ մտահոգել է իրենց խմբապետի միայնակ հանդ գնալու հանգամանքը:

«Ես ու Խնկոն, պատմում է Մարտիրոսը,- վազեցինք հանդ, առանց գէնքի:

Գիւղից բավականին հեռացել էինք, երբ նկատեցինք, որ մի հոգի դէպի մեզ է գալիս... էլի վրայ նստած:

Սկզբում թուրքի նմանեցրինք, բայց յետոյ անդրադարձանք, որ թուրք չի կարող լինել: Խնկոն վազեց, մոտեցաւ- բռնեց էլի գլուխը եւ հարց տւեց հեծորին.

- Ադա մեր խմբապետին չտեսա՞ր, որտե՞ղ գնաց...

Մարդը անխոս ծիծաղում էր միայն: Երբ հասայ, ժպտոյից ու աչքերից ճանաչեցի՝ Դրոն էր»¹:

Նրա մտահոգացած հանդուգն, բայց իրականացնելու դեպքում չափազանց կարեւոր ու օգտակար գործողութիւնը նման իրավիճակում այլեւս անհնար է լինում իրականացնել:

Այսուհանդերձ Դրոն իր մարտական գինակիցների համադրածակցութեամբ վարպետորեն է կազմակերպում Կոտայք գավառի ինքնապաշտպանութիւնը: Թուրք եւ քուրդ քոչվորներին ոչ մի անգամ չի հաջողվում իրենց ասպատակութիւնները սփռել այդ գավառի հայկական գյուղերում:

Թշնամուն դիմավորելու համար ամենուրեք կազմ ու պատրաստ էին նրա եւ գինակիցների կազմած մարտախմբերը:

Ահա Դրոյի մասին Կոտայքի ինքնապաշտպանութեան կազմակերպիչներից մեկի՝ Արամայիս Ազնավուրյանի վկայութիւնը. «Յիշում եմ, աւելի քան յիսուն տարի առաջ էր, Կոտայք գիւղում նշանակուած էր Շրջանային Կոմիտէի ժողով: Դեռ ժողովը չսկսած, ներս մտաւ մի բոլորովին երիտասարդ զինուոր՝ հրացանը ձեռքին եւ ամբողջովին կորած փամփուշտակալների եւ փոշու մէջ: Ընդհանուր բարեւ տալով, մօտեցաւ կոմիտէի տեղացի անդամին.

- Որտեղ կարող եմ մի քիչ հանգստնալ, շատ բեզարած եմ:

- Հէնց էստեղ պառկիր, Դրո ջան, ոչ դու մեզ կը խանգարես, ոչ էլ մենք քեզ:

... Աւանեցի բիճան, Կոտայքի Շրջանային կոմիտէի ամենատարիքաւոր անդամը, այն որ նոյն տարին սպանուեց դաւաճանութեամբ, նկատեց նորեկ զինուորի հասցէին.

- Ջահել է, բայց արդէն արտակարգ ճարպիկ է ու յաջողակ, նաեւ առիւծի սիրտ ունի: Դժգոհ է թիկունքային զինուորական աշխատանքներից եւ ուզում է, որ Դու մանր նրան ուղարկի այն շրջաններից մէկը, ուր ընդհարումներ կան թուրքերի հետ:

Առաջին անգամ էի հանդիպում Դրոյին:

Աւանեցի բիճան շատ ճիշտ էր բնորոշել Դրոյին: Այնուհետեւ Դրոն ամբողջ կեանքի ընթացքում բազմաթիւ ապացոյցներ է տուել, որ գործ կազմակերպելու մէջ վերին աստիճանի «ճարպիկ էր», այսինքն՝ հնարամիտ էր, իսկ վտանգի պահերին «առիւծի սիրտ ունէր», այսինքն՝ քաջ էր հերոսութեան աստիճան»¹:

Կոտայքի գավառում կատարած գործերը Դրոյին չէին կարող բավարարել, նա ձգտում էր առավել գործուն մարտադաշտ եւ այդ խնդրանքով բազմիցս դիմում է Նիկոլ Դուճանին: Որպես վարձահատույց Կոտայքի գավառում ցուցաբերած արգասաբեր աշխատանքների եւ ընդառաջելով Դրոյի բուռն ցանկութիւններին, Դուճանը նրան նշանակում է Լեռնային Նախիջևանի ինքնապաշտպանութեան հրամանատար: Իսկ այդ նշանակումը հեշտ ու պատահական չէր: Դուճանի նման բազմափորձ եւ անառարկելի հեղինակութիւն չէր: Դուճանի նման բազմափորձ եւ անառարկելի հեղինակութիւն չէր: Դուճանի նման բազմափորձ եւ անառարկելի հեղինակութիւն չէր: Դուճանի նման բազմափորձ եւ անառարկելի հեղինակութիւն չէր: Դուճանի նման բազմափորձ եւ անառարկելի հեղինակութիւն չէր: Դուճանի նման բազմափորձ եւ անառարկելի հեղինակութիւն չէր: Դուճանի նման բազմափորձ եւ անառարկելի հեղինակութիւն չէր:

«Արդէն, - վերհիշում է Դրոն, - բաւական մտերմացել էի Դուճանի հետ: Նա արտակարգ ջերմութեամբ եւ սիրալիր վերաբերմունք էր ցոյց տալիս դէպի ինձ, բայց բոլոր դիմումներիս կտրուկ ու վճռական մերժումով էր պատասխանում:

-Եթէ ես ամէն զինուորի ու խմբապետի քէֆով շարժեմ եւ նրանց անհատական ցանկութիւններին յարմարուեմ, էլ ինչո՞ւ է իմ այստեղ նստելն ու հրամաններ տալը, - առարկում էր նա իմ թախանձանքներին: Եւ ոչնչով կարելի չեղաւ փոխել նրա կամքը»²:

1905 թ. օգոստոսին վերջապես իրականանում է Դրոյի բաղձանքը. Նիկոլ Դուճանը վերջապես որոշում է մարտադաշտում փորձարկել նրա հրամանատարական կարողութիւնները եւ նրան մի փոքրիկ խումբ վստահելով ուղարկում է Դարալագյազ, որտեղից պիտի անցնէր Լեռնային Նախիջևան:

¹ Նույն տեղում, էջ 114-115:

¹ «Ղայրեմիք» օրաթերթ, 1956, ապրիլի 26:

² «ՎԵՄ», 1934, մայիս-յունիս, էջ 3:

«Ինձ, - շարունակում է Դրոն, - Յանձնուած նոր խումբը բաղկացած էր 14 հոգուց: Ամենքն ալ ձիաւոր եւ զինուած բարձրագոյն հրացաններով: Տղաներից ոմանք էլ մարզուած էին ռումբ նետելու գործում:

Հրահանգներ ստանալուց յետոյ տղաներով մեկնեցի Դաւալու գիւղը՝ այստեղից Ջնջրլիի ու Մալիշկայի վրայով Սուլթանաբէկ գիւղը անցնելու համար»¹:

Այս անգամ արդեն հայտնվելով ռազմադաշտում որպես մարտական ուժերի հրամանատար՝ նա պետք է հանձնէր թերեւս ամենադժվարին քննութիւնը:

1905-1906 թթ. Կովկասում բռնկված ընդհարումներում հայ ժողովրդի մղած պայքարը ազգային միասնականութեան դրսեւորման եւ խիզախումների փայլուն օրինակ է: Ստանձնելով ինքնապաշտպանութեան դերը՝ Հ.Յ. Դաշնակցութիւնը մարտադաշտ է առաջնորդում մեր ժողովրդի ամենակենսունակ ու մարտնչող ուժերին:

Բացառութեամբ Անդրանիկի, որն այդ ժամանակ գտնվում էր Բուլղարիայում եւ Սասունի ու Տարոնի հայութեանը թուրք-քրդական հրոսակների ոտնձգութիւններից պաշտպանող հայդուկապետ Գեւորգ Չավուշի գլխավորած մարտական խմբի կազմում գտնվող հայդուկներից, վտանգված հայկական բնակավայրերը պաշտպանելու առաքելութեամբ ընհարումների շրջաններն էին եկել բազում կռիւների բովում թրծված համբավավոր Ֆիդայիներ: Համաձայն երեւանի նահանգի եւ Ջանգեզուրի ինքնապաշտպանական ուժերի ընդհանուր զորահրամանատար Նիկոլ Դումանի հրահանգի, առավել փորձառու եւ համբավավոր Ֆիդայիները ստանձնում են վտանգված շրջանների ինքնապաշտպանութեան կազմակերպման պատասխանատվութիւնն ու մարտական խմբերի հրամանատարութիւնը: Օրինակ, Ջանգեզուրի ինքնապաշտպանութեան դերը իր մշտական զինակիցների՝ Կայծակ Առաքելի եւ Ավոյի ընկերակցութեամբ ստանձնում է Սեբաստացի Մուրադը, Արցախինը՝ Խանասորի Վարդանն ու Համազասպը, Շամշադին-Ղազախում՝ Սեւքարեցի Սաքոն, Լեռնային Նախիջեւանում՝ Քեռին (Արշակ Գաֆաֆյան), Ղամարուի եւ Դավալուի ու Շարուրի շրջաններում՝ Տարոնի նշանավոր հայդուկներ Մախլուտոն (Սմբատ Բորոյան) եւ Սեյդո Պողոսը, Թիֆլիսինը՝ Տուրբախը եւ այլք:

Երիտասարդ Դրոն իր մարտական կարողութիւններով բազմափորձ ռազմիկների շրջանում պիտի ապացուցեր, որ ինքն արժանի է

նրանց հրամանատարը լինելու եւ վստահութեան արժանանալու պատվին: Մինչեւ Լեռնային Նախիջեւան անցնելը, Դրոն մի քանի օր անցկացնում է Դարալագյազում, ուր ինքնապաշտպանութեան դերն ստանձնել էին Տարոնի նշանավոր հայդուկ, Անդրանիկի եւ Գեւորգ Չավուշի զինակից Հաճի Հակոբ Կոտոյանը (Հաճի Կոտո-Հ.Գ.) եւ Աղբյուր Սերոբի մարտական ընկեր Առյուծ Ավագը: Դարալագյազի կռիւներին նվիրված իր հուշագրութիւնում Դրոն մեծ ջերմութեամբ ու հիացմունքով է նկարագրում Ֆիդայիների եւ հատկապես Առյուծ Ավագի քաջագործութիւնները²:

Առյուծ Ավագը հատկապես աչքի էր ընկել ու ժողովրդի մեջ մեծ հռչակ ձեռք բերել Դարալագյազին սահմանամերձ Նախիջեւանի տարածքում գտնվող թուրքական իթղուան գյուղը գրավելու ժամանակ՝ դրսեւորած հրամանատարական վարպետութեան ու քաջագործութեան շնորհիւ: Այդ օրերին իթղուանի վրա ձեռնարկած հաղթական գործողութիւնը նշանակալի երեւույթ էր: Ընդ որում, այդ հաղթանակը հայ-թուրքական կռիւներում առաջին հարձակողական բնույթի մարտական գործողութիւններից էր, որի կենսագործմամբ հայ մարտական ուժերին հաջողվում է ոչնչացնել թուրքական ուժերի հենակետներից մեկը եւ դրանով մեծ ոգեւորութիւն պատճառել Դարալագյազի ու Նախիջեւանի հայութեանը²:

Դարալագյազի ինքնապաշտպանութեան հրամանատար Հաճի Հակոբը իր օգնականների՝ Առյուծ Ավագի եւ Չոփուր Արսենի համագործակցութեամբ արդեն հասցրել էր շատ լավ կազմակերպել շրջանի հայութեան ինքնապաշտպանութիւնը եւ թուրքերի հետ ունեցած կռիւներում կարողացել թշնամուն արժանապատվորեն ցույց տալ հայ Ֆիդայու բազկի ուժն ու կարողութիւնը: Չնայած կռիւներում նվաճած հաղթանակներին, որոշակի սառնութիւն եւ լարվածութիւն էր արմատավորվել Տարոնի անվանի հայդուկների՝ Հաճի Հակոբի եւ Առյուծ Ավագի միջեւ: Աղբյուր Սերոբի զինակից Առյուծ Ավագը չէր կարողանում հաշտվել այն իրողութեանը, որ «Քաջալ Անդրանիկի» (այդպես են Անդրանիկին անվանել Աղբյուր Սերոբի զինվորները - Հ.Գ.) զինվորը՝ Հաճի Հակոբը, կարող է լինել Սերոբ Փաշի զինվորի հրամանատարը, իսկ նրա խորին համոզմամբ Սերոբից մեծ եւ քաջ մարդ աշխարհում գոյութիւն չունի:

«- Հէյ-Հէյ աշխարհ, քեզ հիմ դնողին ի՞նչ ըսեմ, - գանգատվում էր նա, - Սերոբ Փաշի մահէն ետ Քաջալ Անդրանիկ ընոր փոխնորդ ի

¹ Նույն տեղում, էջ 4:

² Տե՛ս Մույն տեղում, Մոյեմբեր-դեկտեմբեր, էջ 8:

² Տե՛ս «Դրօշակ», 1905, թիւ 8, էջ 116:

դառուի, էնօր ֆուլտաղչի (խաբեբա) զինուորն էլ, հրամանատար ի դարձի իմ գլխին, վայ լըմըն բաւոչ, էդ յուր հասանք... Բո տունն աւրի, աշխարհ...»¹:

Մի քանի օր Մալիշկայում Հաճի Հակոբին եւ Առյուծ Ավագին հյուրընկալվելուց հետո, Դրոն իր խմբով Սարվազ Խնչոյի ուղեկցութեամբ մեկնում է Սուլթանաբեկ, որտեղից պիտի անցնէր Լեռնային Նախիջևանի Նորս գյուղը: Նրա խումբը Սուլթանաբեկին մոտենում է ճիշտ եւ ճիշտ այն պահին, երբ թուրք քոչվորները, իջնելով սարերից, գրավում են գյուղի մերձակա բարձունքները եւ մի քանի ուղղութեամբ կրակի տակ վերցնելով գյուղը՝ փորձում են հափշտակել գյուղի նախիրը: Հանդիպելով գյուղացիների դիմադրութեանն ու չբավարարվելով բարձունքներից տեղացող կրակով թուրքերը փորձում են մեծ ուժերով ներխուժել գյուղ: Դրոն, ճիշտ ժամանակին հայտնվելով մարտադաշտում, իր խմբով անվարան օգնութեան է շտապում ինքնապաշտպանութեան դիմած գյուղացիներին եւ դիրքեր գրավելով կրակ տեղում թուրքերի վրա: Դժվար է պնդել, թե ինչ ճակատագրի կարժանանային գյուղի բնակչութունն ու Դրոյի մարտախումբը, եթե ամենավճուրղ պահին մարտադաշտում չհայտնվեին Առյուծ Ավագն ու նրա առաջնորդած զինվորները:

«Այդ վայրկեանին, - վերհիշում Դրոն, - չգիտեմ ո՞ր գիւղից, կայծակի արագութեամբ օգնութեան հասաւ Առիւծ Աւագը՝ հեծած իր գեղեցիկ սպիտակ նժոյգը: Նրան հետեւում էր իր խումբը: Մեր հրացաններուն ձայնը լսելուն պէս՝ նա շտապել էր մեզ օգնութեան: Մեր դիրքերը դիտելով եւ իմ զինուորական հրամանները լսելով՝ նա բղաւեց ամբողջ կոկորդով:

- Տո՛ւք... մոլի տղէք, էդա պրիցել ի՞նչ ի: Ես տասնեակ տարիներ զինուորութիւն իմ էրի, չըմ խասկցի պրիցել ինչ ի, վառէք, հա վառէք:

Ու դառնալով Բիւրդ Խնչոյին, որ նրա խմբի մէջ էր եւ իմ մտերիմ ընկերն էր, հրամայեց.

Տղայ, Բրդօ՛, քչէ՛ վրը թշնամուն վրէն:

Եւ իր ամեհի ձին՝ քառասմբակ ուղղեց դէպի թիւրքերի դիրքերը: Նրան հետեւեցին խմբի միւս անդամները: Փոթորիկ էր, կարծես, որ տարերային թափով առաջ սլացաւ, ճանապարհին իր ամեհի ուժի տակ խորտակելով ամէն բան»²:

Ոգեշնչվելով Առյուծ Ավագի քաջութեամբ՝ Դրոն խմբով արագորեն հետեւում է առջեւից գնացողներին ու հասնելով նրանց՝ հար-

ձակվում թուրքերի վրա: Հայկական ինքնապաշտպանական խմբերն Առյուծ Ավագի առաջնորդութեամբ անկասելի հարվածներով գրավում են թուրքերի դիրքերն ու ստիպում նրանց փախուստով լքել մարտադաշտը:

«Կոռուի ամենատաք վայրկեանին, Առիւծ Աւագը նկատեց, որ մի քանի թուրքեր ձորի միջով քշում էին նախիրը: Կանգ առաւ ու գոռաց մեզ.

- Տղէք, Սերոբ Փաշի զինուորի գլխին փափախ չկա՞յ, որ թուրքերը էդա նախիրը տանին, խլէ՛ք, էդ տաւարը:

Մենք անմիջապէս յարձակուեցինք տաւարը խլեցինք նրանց ձեռքից: Թարաքամներին հետապնդելիս Առիւծ Աւագը նկատում է, որ մի թուրք վախից պահուել է փոքրիկ քարի տակ...

Ու ձիուց իջնելով՝ վախից ահաբեկուած թուրքի գլուխը ջախջախել է իր հրացանի կոթով: Հարուածը այնքան սաստիկ է եղել, որ հրացանի կոթը կտորուել է»¹:

Արժանի ջարդ տալով հայկական գյուղերն ասպատակող թուրք քոչվոր հրոսակախմբերին՝ հայ զինվորներն այդ օրվա կռիւի գլխավոր հերոս Առյուծ Ավագի առաջնորդութեամբ հաղթականորեն մտնում են գյուղ:

Աղբյուր Սերոբի զինակցի՝ Առյուծ Ավագի եւ նրա խմբի հայդուկների ցուցաբերած սխրագործութիւնը շատ լավ, ուսանելի դաս էր Դրոյի համար:

Սուլթանաբեկի հաղթական կռիւից հետո Առյուծ Ավագի դժգոհութիւնն ավելի է մեծանում: Նրան թվում է, որ իր կատարած սխրագործութիւնները յուրացնելով Հաճի Հակոբը անուն եւ փառք է ձեռք բերում: Իր մտահոգութիւնները Դրոյին դառնութեամբ արտահայտելով շեշտում է. «- Մըր ամակ ջուր կըլնի, մըր քաջութիւն կը կորուսի:

Հէհէ՛յ, Սերոբ փաշա, քեռ գերեզմանին մըռնիմ, քեռ զինուորներ քաջութիւն կէնեն, իդա ֆուլտաղ (խաբեբա) Կոտոյի Հաճին կը շահուի:

...Քեռ տեսած (նկատի ունի Սուլթանաբեկի կռիւը - Ղ.Գ.) գրէ պ. Դումանին. թէ չէ մենք կը կուռինք, քաջութիւն կէնինք, դա քեռփակ օղլի ֆուլտաղ Կոտոյի Հաճին թուղթ կը գրէ ու մըր քաջութիւն իրեն կը վերագրէ: Վա՛յ լըմըն աշխարհ, քեռ հիմ դնողին ինչ ըսիմ»²:

Հնարավորին սահմաններում մխիթարելով Առյուծ Ավագին եւ նրա քաջագործութիւնների մասին նամակով հաղորդելով Նիկոլ

¹ «ՎԷՄ», 1934, Ույեմբեր-դեկտեմբեր, էջ 8:

² Նույն տեղում, էջ 6:

¹ Նույն տեղում:

² Նույն տեղում, էջ 7:

Դուժանին՝ Դրոն հրաժեշտ է ապիս Դարալազյազի Հայդուկներին եւ ուղեւորվում Լեռնային Նախիջեւան՝ ընդունելու տեղի ինքնապաշտպանական ուժերի հրամանատարությունը:

Ինչպես Կոտայքի, Դարալազյազի շրջաններում, այնպես էլ Լեռնային Նախիջեւանում բնակչության ինքնապաշտպանությունը կազմակերպելիս Դրոն առաջին հերթին պետք է ստեղծեր մարտական խմբեր, որոնց զինելու համար անհրաժեշտ էր հայթայթել զենք ու զինամթերք: Ընդհարումների բոլոր շրջաններում մարտական խմբերը կազմակերպվում էին համաձայն Երեւանի նահանգի եւ Զանգեզուրի ինքնապաշտպանական ուժերի հրամանատար Նիկոլ Դուժանի սահմանած խստիվ հրահանգների եւ կարգադրության:

«Համաձայն Դուժանից ստացած հրահանգի, - գրում է Դրոն, - Հայկական բոլոր գիւղերում ստեղծում էինք հետեւակ ու ճիւղեր մնայուն եւ թուլցիկ խմբեր: Նրանք, որի գլուխ կանգնած էր ընդհանուր խմբապետը կամ հրամանատարը, գիւղերի դասաւորութեան համեմատ բաժանւում էր շրջանակների: Ամէն մի շրջանակում փորձուած Հայդուկներից մէկը նշանակւում էր խմբապետ եւ մէկն էլ՝ նրան օգնական: Ըստ Դուժանի յատուկ կարգադրութեան, տեղական հետեւակ թուլցիկ խմբերը կազմում էին ռուսական բանակում ծառայութիւն արած երիտասարդ զինուորներից: Տեղական սեփականութիւն եղող զէնքերը տրւում էին զինւարժ տղաներին, որոնք մտնում էին տեղական զինեալ ուժերի շարքերը: Կուսակցական (նկատի ունի Հ.Յ.Դաշնակցությանը - Հ.Գ.) փամփուշտը տրւում էր միայն թուլցիկ խմբերին, որոնք նորը ստանալու համար պարտաւոր էին ներկայացնել կրակուած փամփուշտները»¹:

Բնակչության ինքնապաշտպանության կազմակերպման գործում ամենադժվարին եւ ամենակարեւորը՝ զենքի ու զինամթերքի ձեռք բերման խնդիրն էր: Բավարար քանակի զենք ու զինամթերք ունենալու դեպքում արդեն մեծ դժվարութիւն չէր ներկայացնում մարտական խմբերը կոպողներով համալրելը, քանի որ մարտնչելու տրամադրությամբ համակված մարդկանց քանակը քիչ չէր: Իսկ զենք ձեռք բերելը անհամեմատ դժվարին խնդիր էր:

«Զէնքը, - շարունակում է Դրոն, - այն օրերին շատ թանգ էր, մի մօսին հրացանը 2-300 ռուբլի արժէր, փամփուշտը հատը՝ 30-40 կոպէկ: Գիւղի ամէն ունեւոր բնակիչ պարտաւոր էր գնել որոշուած քանակով եւ տրամադրել ինքնապաշտպանութեան ընդհանուր գործին»²:

Նիկոլ Դուժանի սահմանած կարգի համաձայն, ինքնապաշտպանական խմբերին զենք ու զինամթերքով ապահովումը պետք է հոգային նաեւ համապատասխան բնակավայրի բնակիչները եւ առաջին հերթին հարուստ, ունեւոր մարդիկ: Դաժան պատիժ էր սպասվում այն ունեւոր Հային, որը կհանդգներ չենթարկվել ու չկատարել նրա սահմանած կարգը: Որպես ինքնապաշտպանական շրջանի հրամանատար՝ Դրոն խստորեն պետք է հետեւեր եւ կենսապորձեր մարտական խմբերի կազմակերպման գործում խստապահանջ հրամանատարից՝ Դուժանից ստացած հրահանգները եւ ժամանակին տեղյակ պահեր նրան այն ամենի մասին, ինչ որ կատարվում էր իրեն վստահված շրջանում:

Դարալազյազի դեպքերից հետո, մինչեւ Լեռնային Նախիջեւանի ինքնապաշտպանական ուժերի հրամանատարության ստանձնումը՝ Դրոն մի քանի ամիս անցկացնում է Երեւանում, որտեղ նա Նիկոլ Դուժանի հանձնարարությամբ ստանձնում է մայրաքաղաքի ինքնապաշտպանական մարտախմբերից մեկի հրամանատարությունը եւ միաժամանակ ուսանում հենց Դուժանի նախաձեռնությամբ հիմնած ու նրա անմիջական ղեկավարությամբ գործող ռազմագիտական դպրոցում:

Հայ-թուրքական ընդհարումները գնալով ավելի եւ ավելի էին խորանում ու ծավալվում եւ զուգահեռաբար Հայկական ինքնապաշտպանական մարտախմբերի քանակը շնորհիվ Նիկոլ Դուժանի գլխավորած Զինվորական մարմնի անբասիր ու արդյունավետ գործունեության, նույնպես ավելանում էին ու հզորանում: Ինքնաժողովրդական շրջանների զինական ուժերը կազմակերպելու եւ պաշտպանական շրջաններին զինական համապատասխան անհրաժեշտ էին մարտական համապատասխան որակներով օժտված հրամանատարներ: Իսկ փորձառու եւ կարող հրամանատարների քանակը խիստ սահմանափակ էր: Դուժարող հրամանատարների քանակը խիստ սահմանափակ էր: Դուժարող կատարում է շատ համարձակ ու միանգամայն կշռադատված եւ արդյունավետ, համանման իրավիճակում գուցե եւ միակ Հնարավոր քայլը: Նա ընտրում է առավել վստահութիւն ներշնչող երիտասարդների ու նրանց հանձնարարում ինքնապաշտպանական շրջանների եւ մարտական խմբերի հրամանատարությունը: Երեւանի մի քանի թաղերի ինքնապաշտպանական ուժերի հրամանատարներին, որոնց թվում էին Դրոն, Սեդրակ Զալալյանը (Սեթո), Սմբատ Եղիազարյանը, Արտաշես Մելքոնյանը եւ այլք:

Պիտի ընդգծել, որ «Բորեաս» խմբի անդամները ընդհարումների հենց առաջին իսկ օրից սկսած, արդեն դրսեւորել էին իրենց խիզա-

¹ Լույս տեղում:

² Լույս տեղում:

խությունն ու նվիրվածութիւնը: Նրանք իրենց հրաշալիորեն են դրսևեւորում ոչ միայն Երեւանում, այլեւ հայաբնակ վտանգված շրջաններում տեղի ունեցած մարտերում: Կոիվների առաջին իսկ օրից «Բորեաս»-ի անդամները մեկնում են ամենավտանգված բնակավայրերն ու իրենց գործուն մասնակցութիւնը բերում հայ բնակչութեան ինքնապաշտպանութեան կազմակերպմանը:

Ընդհարումների սկզբնական շրջանում վտանգված բնակավայրերից մեկը, եթե ոչ ամենավտանգվածը, Նախիջեւան քաղաքն էր: «Բորեաս»-ի զինավառ վեց անդամներ, որոնց թվում Սեդրակ Զալայանը, մեկնում են Նախիջեւան, ուր տեղի հայութիւնը այդ պահին չունենալով ինքնապաշտպանութիւն կազմակերպելու որեւէ նշանակալի միջոց, հայտնվել էր ծանրագույն իրավիճակում:

Ճիշտ է, «Բորեաս»-ի փոքրաքանակ խումբը շրջադարձային նշանակութիւն ունեցող գործողութիւններ չէր կարող իրականացնել, բայց մարտնչելու հաստատակամութեամբ տրամադրված զինավառ մարտիկների ներկայութիւնը որոշակի ոգի ու հույսեր է ներշնչում տեղի հայութեանը:

Ավելի քան երկու շաբաթ ընթացող մարտերում բորեասցիների դրսևեւորած անհողողդ կամքն ու հերոսական գործողութիւնները վեր են որեւէ գովեստից: Հատկապես արժանահիշատակ է ու նշանակալի նրանց ավանդը Նախիջեւան քաղաքի հայութեան ինքնապաշտպանութիւնը կազմակերպելու գործում¹:

1905 թ. փետրվարյան կոիվների վերջին օրերին, երբ թուրք զինյալ ամբողջ իր հերթական հարձակումն էր ձեռնարկում հայկական թաղամասի վրա «... Հանդիպում են մեր մարտիկների գրոհին եւ զոհեր տալով յետ են նահանջում:

Հայդուկների գալու լուրը տարածում է քաղաքում, եւ թուրքերը քաշւում են իրենց թաղը:

... Այդ ամբողջ ժամանակամիջոցում «Բոյրազ»-ցիները կազմակերպում են խմբեր թէ՛ քաղաքի եւ թէ՛ մօտակայ շրջանների համար, կապում են հայ ժողովուրդը ինքնապաշտպանութեան գործին եւ 15-րդ օրը վերադառնում Երեւան»²:

Երեւանի նահանգում ընթացող իրադարձութիւններին ուշի ուշով հետեւող Դուժմանին, անշուշտ, հայտնի էին «Բորեաս» խմբի անդամների կատարած սիրանքները, եւ այդ պաճառով հրամանա-

տարների ընտրութիւն կատարելիս նրանցից շատերին ընդգրկում է ինքնապաշտպանական ուժերի հրամանատարական կազմում:

Հայ-թուրքական ընդհարումների առաջին օրերին ընթացող մարտական իրադարձութիւնները ցույց տվեցին, որ այն մարտավարական ձեւերն ու միջոցները, որոնք մինչ այդ դեռեւս տիրապետող էին հայկական մարտախմբերի գործողութիւններում (տիրապետողը հիմնականում կոիվներ վարելու ֆիդայական եղանակն էր - Ղ.Գ.), նոր պայմաններում եւ իրավիճակում այլեւս արդիւնավետ չէին: Տվյալ ժամանակահատվածում այդ իրողութեան ճիշտ արժեւորումը եւ համապատասխան հետեւութիւններ անելը չափազանց կարեւոր էր: Նիկոլ Դուժմանը, ճիշտ ժամանակին ըմբռնելով այդ հանգամանքի կարեւորութիւնն ու նշանակութիւնը, աշխատում է հայկական ինքնապաշտպանական մարտախմբերը կազմել եւ մարզել կանոնավոր բանակում, հիմնականում ուսուսական բանակում տիրապետող օրենքներով ու չափանիշներով: Այդ նպատակի կենսագործման համար նա Երեւանում հիմնում է ռազմագիտական դպրոց, որտեղ սովորելու համար ընտրում է առավել աչքի ընկնող երիտասարդ մարտիկների:

Մի վկայութիւն այդ զինվորական դպրոցի սաներից մեկի՝ Սեդրակ Զալայանի հուշերից. «Այդ ժամանակ Նիկոլը որոշեց զինուորական դպրոց բացել այն երիտասարդների համար, որոնք գործնականի մէջ յաջողւում էին եւ իրենց ընդունակութիւններով խոստանում էին զինուորական ասպարէզում ղեկաւարողի դեր կատարել: Ընտրեց 12 հոգի, որոնց մէջ մտնում էր նաեւ Դրօն, հանտարել: Ընտրեց 12 հոգի, որոնց մէջ մտնում էր նաեւ Դրօն, հանգուցեալ Մկո Աղումալեանը, Վաղարշակ Գասպարեանը, Արտաշէս Մելքոնեանը, բժ. Սմբատ Եղիազարեանը, ես եւ ուրիշ ընկերներ: Որպէսզի դասընթացների ժամանակ մենք Երեւանից չհեռանանք, նա քաղաքի ինքնապաշտպանութեան ղեկը յանձնեց մեզ եւ այսպիսով 3 ամիս շարունակ Նիկոլը մեզ ծանօթացրեց զինուորական արուեստի թէօրիայի հետ: Որից յետոյ տուեց բոլորիս զինուորական խմբեր կազմելու, մարզեցնելու եւ ղեկաւարելու կարողութեան վկայականներ»¹:

Ուշագրավ է այն, որ ռազմագիտական դպրոցի սաների մեծ մասը Երեւանի ուսուսական գիմնազիայի եւ «Բորեաս» խմբի տղաներն էին, որոնց ուսուցանելուց զատ՝ Դուժմանն այդ օրերին տալիս էր մի շատ կարեւոր հանձնարարութիւն:

¹ Տե՛ս Դամիտ Գեւորգյան, Սեդրակ Զալայանի գործը եւ հուշերը, Երեւան, 2012:
² «Դայրեմիք» ամսագիր, 1957, թիւ 4, էջ 71:

¹ ԴՅԴ ԿԱ, թճ. 41, գ. 1:

Հավաստի աղբյուրներից տեղեկություն է ստացվում, որ Երեւանի նահանգապետը թուրքերին էր հանձնելու 60 մոսին հրացան եւ 7000 փամփուշտ: Նահանգապետի գործած նման արարքը Դուռնը չէր կարող հանդուրժել: Նա որոշում է բռնագրավել թուրքերին նվեր ուղարկվելիք զենքն ու զինամթերքը եւ այդ առաջադրանքի կատարումը հանձնարարում է Դրոյին եւ «Բորեաս»-ի տղաներին:

«Երիտասարդ քաջերը ամենայն զգուշութեամբ եւ յաջողութեամբ կատարում են Դուռնի հրամանը եւ ուղարկվելիք ամբողջութեամբ հասցնում Քանաքեռ: Դուռնը գտնում է քաջերի գործը, ամէն մէկին տալիս մի մօսին՝ իր փամփուշտներով եւ նրանց բոլորին լծում է շրջանի ինքնապաշտպանութեան գործին»¹:

Դասընթացներում սովորելուն զուգընթաց, Դրոն, ինչպես արդեն նշվել է, ղեկավարում է նաեւ Երեւանի շրջաններից մեկի ինքնապաշտպանական խմբերի մարտական գործողությունները: Դուռնը նրա հրամանատարութեամբ գործող թուուցիկ մարտական խմբին հանձնարարում է քաղաքի ամենապատասխանատու՝ կենտրոնական մասի՝ քաղաքային շուկայի ու Աստաֆյան փողոցի պաշտպանությունը:

Տ. Դեւոյանի վկայութեամբ. « Երեւանի մէջ, մեյդանի մօտերը, Դրոն ունէր իր հրամանի տակ ընտրովի մարտիկներից (նէչօն, ծապոնը) կազմուած թուուցիկ մարտական խումբ»²:

Թուրք պարագլուխները, պարտություն կրելով մայիսի 23-25-ին տեղի ունեցած կռիվներում, տենդագին ջանքեր են գործադրում համախմբել իրենց ուժերը եւ վերստին հարձակվել հայկական թաղամասերի վրա: Սակայն անգործություն մատնված չէր նաեւ հայկական կողմը: Թշնամուց առափնի եռանդուն գործում էր Նիկոլ Դուռնի գլխավորած հայկական ինքնապաշտպանական ուժերի հրամանատարությունը: Քաղաքի բոլոր թաղամասերում դիրքավորված մարտախմբերը կազմ ու պատրաստ սպասել են հակառակորդի հարձակմանը:

«Դրոն, - շարունակում է Տ. Դեւոյանը, - Ասթաֆեան փողոցի մօտ տղաները բաժանել էր երկու մասի, - մէկը նայում էր դէպի հրապարակը, միւսը՝ դէպի փոստի շրջանը»³:

Զուտ մարտավարական նկատառումով Նիկոլ Դուռնը հրամայում է չպատասխանել թուրքերի կրակոցներին եւ թույլ տալ, որպեսզի նրանք հնարավորինս ավելի մոտենան հայկական թաղա-

մասերին: Թուրք հրոսակախմբերն առավել ոգեւորված հայկական թաղամասերի լուծվելուց, անցնում են հարձակման եւ ընդհուպ մոտենում հայ ինքնապաշտպանական մարտիկների դիրքերին: Եւ միայն այդ ժամանակ «Վերջապէս, խօսեց Դուռնը հրամայելով. «Կրակ բոլոր դիրքերից»:

Նորքի տակի լեռներից, թուրքերին սահմանակից թաղերից մի այնպիսի ուժեղ համազարկ կապուեցաւ, որ 3-4 օր թուրքերը հնարաւորութիւն չունեցան իրենց քիթը դուրս հանելու: Իսկոյն մէջ ընկան մօլլաները, թէ «այս գործը շէյթանի գործն է» եւ խնդրեցին հաշտութիւն...»⁴:

Երեւանում գտնվելու ժամանակամիջոցում նրա գլխավորած մարտախմբերը՝ Նիկոլ Դուռնի ընդհանուր հրամանատարութեամբ գործող ինքնապաշտպանական ուժերի կազմում, արժանի ջարդ են տալիս մայրաքաղաքի հայկական թաղամասերը ներխուժելու փորձ անող թուրք հրոսակախմբերին եւ հուսալիորեն ապահովում հայկական թաղամասերի պաշտպանությունը: Երեւանում գործնական եւ տեսական շատ լավ դպրոց անցած, մարտական փորձառութիւն ձեռք բերած Դրոն մեկնում է Լեռնային Նախիջևան՝ ղեկավարելու այդ շրջանի ինքնապաշտպանությունը: Նախիջևանը հայկական այն շրջաններից էր, որն ավելի մեծ չափերով էր տուժել թուրք ավազակախմբերի հարձակումներից: Դրոյի խմբի գլխավորներից ոմանք հեգնանքով էին վերաբերվում իրենց 21-ամյա հրամանատարին, իսկ տարեց հայդուկներից մեկը՝ Խլաթցի Գալոն, նկատի ունենալով նրա երիտասարդ տարիքը, արհամարհանքով ասել է. «-Տղաք, մեր Մոկաց իշխաններ կը ժողովին ու էրկար ֆիքը կընեն, թէ իրենց հարկ որո՞ւ ձեռքով զրկեն Վանայ Վալիին, որ քրտեր չթալլեն ճամբին: Շատ ֆիքը կընեն, քիչ կընեն ու կ'որոշեն փողեր ժամկոչի աղուէսի վիզէն կապել, որ տանի, սաղ-սալամաթ տեղ հասցնէ: Հիմա մեր պարոն Դուռն մեզ կապեր է իդա աղուէսի վիզ (Խլաթցի Գալոն նկատի ունի Դրոյին - Ղ.Գ.)»²:

Սակայն շատ շուտով Խլաթցի Գալոն եւ մյուս փորձառու ֆիդայիները փոխելով իրենց վերաբերմունքը, ջերմ սիրով են կապվում իրենց երիտասարդ հրամանատարին:

Ինչպես Կոտայքի, Դարալագյազի, այնպես էլ հայաբնակ գրեթե բոլոր շրջաններում ամենավտանգավոր թշնամին, որը պետք է վնասազերծվեր, հենց առաջին հերթին քոչվոր խաչնարած թուրքերն

¹ «Չայրեմիք» ամսագիր, 1958, թիւ 10, էջ 20:

² Նույն տեղում, 1957, թիւ 9, էջ 12:

³ Նույն տեղում:

⁴ Նույն տեղում:

² «ՎԷՍ», 1934, Մոյսեմեր-դեկտեմբեր, էջ 9:

էին, որոնք արոտավայրեր փնտրելու, ոչխարի հոտերը պահելու պատրվակով անընդհատ տեղաշարժվում էին մի վայրից մյուսը եւ յուրաքանչյուր հնարավորութիւնն օգտագործելով՝ հարձակվում հայկական գյուղերի եւ ամառանոցների վրա: Թուրք քոչվորների, որոնք որպէս օրենք մշտապես շատ լավ զինված էին, գլխավոր նպատակը հայերի ունեցածքի, ոչխարի հոտերի, կովերի նախիրների, արոտավայրերի թալանն էր ու բռնագավթումը: Նման իրավիճակում հատկապէս զգոն եւ եռանդուն պետք է գործեին շարժական թուղցիկ խմբերը, որոնք մշտարթուն հետեւելով քոչվորների տեղաշարժերին՝ պատրաստ պետք է լինեին յուրաքանչյուր պահի հակահարված տալ նրանց ոտնձգութիւններին, իսկ անհրաժեշտութեան դեպքում հակառակորդի ձեռնարկած քայլերի մասին ժամանակին իրագրեւ դարձնելու շրջանի եւ գյուղերի ինքնապաշտպանական մարտախմբերի հրամանատարներին¹:

Դրոն բուռն գործունեութիւնն է ծավալում Լեռնային Նախիջեւանում: Երջանի գյուղերում տեղացիների ուժերից կազմակերպում է մարտական խմբեր եւ կապեր հաստատում հարեւան շրջանների ինքնապաշտպանական ջոկատների հետ: Նրա ակտիվ գործունեութիւնը եւ հայկական գյուղերում կատարվող տեղաշարժերը չեն վրիպում նրանց քայլերին ակնդետ հետեւող թուրք հրոսակապետների ուշադրութիւնից:

Նորս գյուղը, ուր գտնվում էր Դրոյի ռազմական շտաբը, բացառիկ կարեւոր ռազմական նշանակութիւն ուներ: Փաստորեն այդ գյուղի միջոցով էր իրականացվում հաղորդակցութիւնը Զանգեզուրի, Դարալագձաղի եւ Լեռնային Նախիջեւանի միջեւ:

Շուտով թուրքական մի քանի ցեղախմբերի միավորված ուժերը Լեռնային Նախիջեւանի ինքնապաշտպանութեան կենտրոնը խորտակելու նպատակով հարձակվում են Նորս գյուղի վրա: Դրոն, վաղորդ տեղյակ լինելով հակառակորդի ձեռնարկումներին, կարողանում է, ինչպէս հարկն է, վարպետորեն կազմակերպել ու ղեկավարել գյուղի պաշտպանութիւնը: Նրա հրամանատարութեամբ գործող մարչտական խմբերը ոչ միայն կարողանում են չեզոքացնել թշնամու հարձակումներն ու հուսալիորեն պաշտպանել գյուղը, այլեւ դիմելով հակազդոհների՝ արժանի ջարդ են տալիս թուրքերին եւ բռնագրավում զգալի քանակութեամբ զենք ու զինամթերք, ինչպէս նաեւ տավարի նախիր եւ ոչխարի հոտեր²:

¹ Տե՛ս 337 ԿՍ, ք. 4ր, գ. 208ա, էջ 12:

² Տե՛ս «ՎԷՍ», 1934, նոյեմբեր-դեկտեմբեր, էջ 6-7:

Այս հաղթանակից հետո նույնիսկ հեզնոտ Խլաթցի Գալոն սկսում է անկեղծ համակրանքով վերաբերվել Դրոյին:

Նորսի կռիվներից հետո Դուռնի հրամանով Դարալագձաղի եւ Լեռնային Նախիջեւանի ինքնապաշտպանութեան ընդհանուր հրամանատար է նշանակվում բազմափորձ Քեռին(Արշակ Գաֆաֆյան), իսկ Դրոն դառնում է նրա օգնականը:

Նիկոլ Դուռնի հրամանն ու Քեռուն որպէս իր փոխարեն ինքնապաշտպանական շրջանի հրամանատար նշանակելու լուրը նրան հայտնել է Դաշնակցական խնչոն: Մինչ այդ որպէս կանոն, Դրոն իրեն տրված բոլոր հանձնարարութիւնները կատարել էր գերազանց եւ խստապահանջ Նիկոլ Դուռնը երբեւէ առիթ չէր ունեցել նրան որեւէ ձեւով, դուրս-ինչ նկատողութիւն անել կամ հանդիմանել, եւ հանկարծ հրամանատարի փոփոխութիւն: Դաշնակցական խնչոյի համար այնքան էլ հաճելի չի եղել այդ լուրը հաղորդել Դրոյին եւ մտավախութիւնն է ունեցել, որ նա կառարկի եւ ինչ-որ ձեւով բացասաբար կվերաբերվի այդ նշանակումներին: Փոքր-ինչ կաշկանդվելով՝ Դաշնակցական խնչոն զգուշորեն փորձել է Դրոյին բացատրել հրամանատարութեան փոփոխութեան անհրաժեշտութիւնը:

«Ճիշտն ասած, - վերհիշում է Դրոն, - խնչոյի խօսելու ձեւը մի քիչ տարօրինակ թուաց ինձ, ինչ զայլի շարական էր կարողում գլխիս. որ պէտք է պէտք է. էլ ի՞նչ կարիք կայ երկար-բարակ խօսելու: Ես անմիջապէս կտրեցի նրա խօսքը.

- Էլ ինչ ես երկար ճառում, ես շատ ուրախ եմ, ես մեծ հաճոյքով շրջանը կը յանձնեմ Քեռուն: Խնչոն անուշ աչքերով նայեց երեսիս, զրկեց ինձ եւ ասաց.

- Այ, իմ բոլոր բալիկներն այսպէս են, կեցցե՛ս: Դուռնին էլ այս մասին գրել են, նա էլ է համաձայն: Քեռին շատ փորձուած, խիզախ, ազնիւ խմբապետ է, ինչպէս ինձ ես սիրում ու յարգում, այնպէս էլ նրան վերաբերուիք»¹:

Սիրահոժար ընդունելով կռիվներ վարելու հսկայական փորձառութիւնն ունեցող Քեռու (Արշակ Գաֆաֆյան) օգնականը լինելու Դուռնի որոշումը եւ մի քանի ամիս մարտնչելով նրա հրամանատարութեամբ՝ Դրոն աչքի է ընկնում բազմաթիվ կռիվներում ու արժանանում Քեռու հարգանքին ու վստահութեանը:

Դրոյի համագործակցութեամբ փորձառու ռազմիկ Քեռին թեպետ մեծ նվիրվածութեամբ ու արդյունավետութեամբ է կազմակերպում

¹ «ՎԷՍ», 1934, նոյեմբեր-դեկտեմբեր, էջ 13-14:

Լեոնային Նախիջեանի Հայ բնակչութեան ինքնապաշտպանութիւնը, բայց լարվածութիւնը գնալով ավելի ու ավելի է մեծանում: Թուրքերը, մի քանի կռիվներում արժանի ջարդ ուտելով՝ Քեռու եւ Դրոյի ղեկավարած ինքնապաշտպանական ուժերից, որոշում են Համախմբել եւ միացյալ ուժերով արշավել Հայկական բնակավայրերի վրա:

«Աղուտի թրքերը, Բազարչայէն նոր ուժեր ստացան եւ Համաձայնացած Դարաբասի եւ Քիւրտլարի թրքերի հետ՝ ծրագրած էին արշաւելու Սիսիանի վրայ՝ Ուղիի վրայով: Իսկ Մուսուլմանլարի թրքերը, Արցախի օգնութեամբ, ծրագրած էին Զարուղէն շարժուել դէպի Տեղ-Սնճորեսկ եւ սպառնալ Գորիսին: Ուղիին տիրանալով՝ թուրքերը պիտի վտանգէին ե՛ւ Սիսիանը, ե՛ւ Դարաբասի ձորը»¹:

Թուրքական ուժերի հիմնական կենտրոնավայրը՝ որջը, Աղուտ գյուղն էր: Քեռին, ճիշտ կողմնորոշվելով այդ իրավիճակում, վճռում է առաջին հերթին վերացնել հենց այդ գյուղը եւ այդ անչափ պատասխանատու գործը Հանձնարարում Դրոյին: Ստանալով Քեռու Հանձնարարութիւնը՝ Դրոն իր մարտախմբով գրավում է Ուղիի բարձունքներն ու Որոտանի կամուրջը եւ այնտեղից սրբնթաց գրոհ ձեռնարկելով՝ գրավում Աղուտ գյուղը եւ մեծ ջարդ տալով թուրքերին՝ փախցնում Բազարչայ:

«Յաղթական Դրօն,-պատմում է Թադե Պետրոսյանը(չրջանի ինքնապաշտպանական ուժերի հրամանատարներից է- Հ.Գ.),-վերադարձաւ Ախլաթան, ուր ես գացած էի Քեռու հետ: Անհուն կարօտով գրկեցի հին օրերի իմ ընկերոջը: Քեռին, երբ տեսաւ գրկախառնումը, ասաց. - Եթէ Արցախի եւ Արարատյան դաշտի ժողովուրդն ալ ձեզի պէս իրարու կապուած լինեին, մենք միշտ կը յաղթենք թշնամուն: Կեցցէ՛ք»:

Անմոռանալի եւ հիշարժան բազում օրեր է անցկացնում Դրոն Քեռու ընկերակցութեամբ Լեոնային Նախիջեանի եւ Սիսիանի շրջանի գյուղերում:

«Մեր շրջանի մէջ, - շարունակում է Թ. Պետրոսյանը, - Դրօն մնաց մի քանի ամիս, պտտեց բոլոր վտանգուած դիրքերը եւ խրախուսեց թուրքիկ խումբերը: Սիսիանի Հայութիւնը գուրգուրանքով է յիշում «Կրակ ու բոց խմբապետին»²:

Իր հուշերում անդրադառնալով Քեռու ընկերակցութեամբ վարած կռիվներին՝ Դրոն անկեղծ համակրանքով է ներկայացնում

բազմապատակ Հայդուկի, հիրավի, հիացմունքի արժանի քաջագործութիւնները, որոնցից ամենանշանավորը Սիսիան գյուղի գրավման հերոսամարտն է:

Քեռին մեծ սիրով ու ջերմութեամբ է վերաբերվել իր երիտասարդ օգնականին ու առանց երկմտելու նրան է վստահել ինքնապաշտպանութեան հետ կապված ամենակարեւոր գործերը:

«Նա, - վերհիշում է Դրոն, - ինձ տուել էր գործելու կատարեալ ազատութիւն: Ինձ էր յանձնել շրջանի տեղական ուժերի կազմակերպումը, մի սահմանափակումով սակայն.

- Դու ձիււորները թող, անոնք ունին իրենց խմբապետները: Եւ ես ձիււորներին թողած, ամբողջապէս կլանուեցի տեղական մարտական ուժերի կազմակերպման գործով»¹:

Պարտականութիւնների բերումով նա անընդհատ եղել է շարժման մեջ: Ճիշտ է, նրանց վստահված շրջանի գյուղերում արդեն ստեղծվել եւ գործում էին ինքնապաշտպանական խմբեր, բայց միաժամանակ անհրաժեշտ էր մշտարթուն վիճակում հսկել ու Համադրել այդ խմբերի գործողութիւնները եւ մշտապես մնալով կազմ ու պատրաստ, մարտական վիճակում, թույլ չտալ թուրք ու քուրդ զինյալներին ասպատակելու եւ թալանելու Հայկական բնակավայրերը եւ արոտավայրերում գտնվող ամառանոցներն ու կացարանները: Հերթական շրջագայութեան ընթացքում նա այցելում է Բունակոթ, ապա Թազա գյուղ: Պիտի ասել, ճիշտ է, Քեռին նրա տվել էր գործելու ինքնուրույնութիւն, սակայն բազմափորձ Հայդուկը ուշի ուշով հետեւել է նրանց գործողութիւններին ու տվել կշռադատված անհրաժեշտ խորհուրդներ ու Հանձնարարութիւններ:

Այդ անգամ եւս «... Քեռին կարգադրեց, որ զինուոր առնեմ եւ անցնեմ Թազա գիւղ, որ Հանդիսանում էր շրջանի գիւղերի սիրտը եւ մի տեսակ Հանգոյց էր դէպի Մազրա տանող ճանապարհին: Ես չէի ուզում նոյն օրը մեկնել, բայց Քեռին պնդեց իր կարգադրութեան վրայ: Նա կարծես բնազդով գգում էր, թէ մի բան է պատահելու:

- Այսօր եւ պէտք է երթաս, - ասաց նա վճռական կերպով, - ես այդ գիւղէն քիչ մը կը վախնամ: Զիււորներ ալ առ հետդ, որ կուզես»²:

Հետը վերցնելով իր մշտական ուղեկիցներ Իգդիրցի Քուրդ Խեչոյին (Քուրդը՝ Խեչոյի ածական անունն է - Հ.Գ.), Բերդակցի Օսկանին, Խլաթցի Գալոյին, Մոկացի Խեչոյին եւ այլոց, ընդամենը տասը

¹ «Չայրենիք» ամսագիր, 1958, թիւ 10, էջ 20:
² Նույն տեղում:

¹ «ԿԷՄ», 1935, մայիս-յունիս, էջ 13-14:
² Նույն տեղում:

զինվոր, Դրոն հրաժեշտ է տալիս Քեռուն եւ մեկնում Թագա գյուղ: Գյուղացիների հետ խոսելու նպատակով, նրանց եկեղեցում հրավիրում է հանդիպման՝ ընդհանուր ժողով: Գյուղի գիշերապահները այդ հավաքի ազդեցութեամբ, կարծելով, թե իրենց գյուղ մեծ քանակի մարտական ուժեր են եկել, թողնում են դիրքերն ու հանգիստ գնում տները: Թուրքերը, որոնք ուշի-ուշով հետեւում էին հայերի ամեն մի քայլին՝ անմիջապես օգտագործում են ընձեռված հնարավորությունը՝ հարձակվում գյուղի վրա: Այդ ժամանակ Դրոն իր մի քանի զինվորների հետ գտնվում էր եկեղեցում: Լսելով հրացանների կրակոցների ձայնը եւ գյուղացիների բարձրացրած աղմուկն ու աղաղակը՝ նա իր զինվորներով անմիջապես շտապում է դիմավորելու հարձակվողներին:

Վերհիշելով այդ պահը՝ Դրոն գրում է. «Տղե՛րք, հետեւեցէք ինձ», - հրամայեցի ես բռնակոթցիներին, - եւ ամենքս դուրս թռանք եկեղեցուց: Մեր միւս տղաներն էլ տկլոր ձիերը նստած, կայծակի արագութեամբ բարձրանում են դէպի թուրքերի բռնած դիրքերը...

Սակայն դեռ տեղ չհասած, տեսանք, որ թուրքերն արդէն գրաւել էին այդ բարձունքները: Վայրկեանը ճգնաժամային էր: Գիւղը իրական վտանգի տակ էր: Ամէն կողմից լսում էին անհանգիստ աղաղակներ: Մոկացի ինչոն ի գէն էր հրակիրում ժողովրդին եւ ինձ սիրտ տալու համար անւերջ կրկնում էր.

- Դերո ջան, վալլա՛հ տղեկներ յրմէն ելան դիրքերը՝:

Դրոն, համաձայն արդեն ընդունված զինվորական կարգ ու կանոնների եւ մարտավարութեանը, բռնակոթցիներից ու իր մարտական խմբի մարտիկներից շղթա կազմած գրոհում է բարձունքներում դիրքավորված թուրքերի վրա: Իսկ այդ ընթացքում հակառակորդի զինյալները հիմնական ուժերով գրոհելով թեւերից՝ փորձում են շրջանցել ու անցնել թիկունքը եւ շրջապատման մեջ վերցնել հայ զինվորներին: Եթե Դրոն չհասցներ ժամանակին փակել իրենց դիրքերը շրջապատել ձգտող թուրքերի ճանապարհը, ապա իրավիճակն անդառնալիորեն կարող էր դառնալ օրհասական: Պարզվում է, որ թուրքերն ունեին պատկառելի մարտական ուժեր, իսկ հայ զինվորների քանակը, տվյալ պահին, ավելի քան սահմանափակ էր: Նման դժվարին կացությունում ամենակարեւորը խուճապի չմատնվելն ու տեղի չտալն էր: Անհրաժեշտ էր պահպանել հանգստությունն ուսառնասրտությունը եւ ձեռնարկել ճիշտ ու համարձակ

քայլեր: Դրոյի ժամանակակիցների վկայութեամբ, նրա, որպես զորապետի ու ռազմիկի, կարեւորագույն եւ անփիճելի յուրահատկություններից ու առավելություններից մեկը հենց այն էր, որ նա երբեք, նույնիսկ ամենադժվարին, անելանելի ճգնաժամային իրավիճակում անգամ խուճապի չէր մատնվում եւ կատարում հակառակորդի համար միանգամայն անկանխատեսելի, ամենաանհրաժեշտ ու ամենավճռական քայլերը¹:

Այս անգամ եւս, կարծես հանպատրաստից հայտնվելով մարտադաշտում՝ նա սառնասրտորեն ընդունում է թուրքերի մարտահրավերը եւ որոշում անսասան պահել դիրքերն ու սպասել օգնական ուժերի գալստյանը:

«Թուրքերը, - գրում է Դրոն, - աշխատում էին անցնել մեր տղաների թիկունքը: Մի քիչ եւս եւ մերոնք պիտի կտրուէին թիկունքից: Մենք անմիջապէս վրայ տուէինք ու շեշտակի կրակի տակ առանք թուրքերին, որոնք անակնկալի եկած սկսեցին խուճապով յետ քաշուել: Մենք երեք հոգով, տաքացած, առանց մեզ հաշիւ տալու, թէ ինչ ենք անում, անցանք առաջ:

... Երկու կողմի համար էլ կռիւը օրհասական էր: Մենք նահանջի տեղ չունէինք, թուրքերն էլ հասկանում էին, որ եթէ տեղի տան, ոչ միայն իրենց ամբողջ ձեռնարկը կը վիժէր, այլեւ անձնապէս կը վտանգուէին»²:

Առանց դուռը-ինչ վախենալու թուրքերի մեծաքանակ ուժերից՝ Դրոն զինակիցներով առաջ է անցնում հակառակորդից եւ հասնելով տեղանքին իշխող բարձունքի գագաթը՝ դիրքավորվում է ու կրակ տեղում գյուղը թափանցելու փորձ անող թուրքերի վրա: Հայ զինվորները պաշտպանվում են աներբը եւ մեծ համառությամբ, բայց հակառակորդին վճռական պարտութեան մատնելու համար անհրաժեշտ էին օգնական ուժեր:

«Բողզանին (Բռնակոթի խմբապետ-Ղ.Գ.) ուղարկեցի գիւղ եւ պատուիրեցի, որ անմիջապէս մեզ օգնութեան գան 10 բռնակոթցիներ: Բողզանը գիւղ մտնելիս հանդիպում է Քեռուն, որը իր խոստման համաձայն 10 ձիաւորներով օգնութեան էր եկել Թագա գիւղ: Բողզանը նրան պատմում է մեր վիճակը, յայտնում է իր վիրաւորելը, աւելացնում է, թէ ես էլ եմ վիրաւորուած, եւ թէ շտապ օգնութիւն է հարկաւոր: Քեռին կարծում է, թէ ես սպանուած եմ, Բողզանը թաքցնում է տղաների մէջ լքում առաջ չբերելու համար:

¹ Նույն տեղում:

¹ Տե՛ս 737 ԿԱ, ք. 140, գ. 65, էջ 12:

² «ՎԵՄ», 1934, մայիս-յունիս, էջ 51:

Ուստի առանց երկար մտածելու, թռչում է ձին եւ քառասմբակ արշաւում դէպի մեր դիրքերը»¹:

Մինչ Քեռին կհասցնէր հասնել օգնութեան՝ Դրոն ընդամենը իր երեք զինակիցներով շարունակում է օրհասական գոտեմարտը բազմիցս գերակշռող հրոսակների դեմ: Արդեն սպառվում էին նաեւ փամփուռները, թշնամին տեսնելով հայ մարտիկների կողմից տեղացող կրակի թուլացումը՝ ոգեւորվում եւ դիմում է էլ ավելի կատաղի գրոհի: Պահը իրոք դառնում է ճգնաժամային ու անելանելի. եւս մի ակնթարթ եւ թուրքերը, օգտվելով հայ-դուռների փամփուռների սակավութունից՝ կարող էին նվաճել ռազմական կարեւոր նշանակութուն ունեցող Թագա գյուղը:

Իր հուշերում ներկայացնելով այդ ճակատագրական պահը՝ Դրոն նշում է. «Նոյն վայրկեանին, կատաղի փոթորիկի պէս սրարշավ հասաւ նաեւ Քեռին: Ես սարսափած գոռացի.

-Քեռի՛, թուրքերը մօտ են, շուտ իջիր ձիուց, կը խփուես:

Դեռ խօսքս չէի վերջացրել, երբ նրա տակի ձին գնդակահար գետին գլորուեց: Անայլալ, կարծես ոչինչ չէր պատահել մտրակն ու պարեքելումը(ատրճանակ)ձեռքին, Քեռին առաջ խոյացաւ թուրքերի վրայ: Տատանուելու ժամանակ չէր, մենք հետեւեցինք նրան »²:

Շուտով մարտադաշտում են հայտնվում նաեւ բռնակոթիցիները, իսկ մի փոքր անց՝ նաեւ Ախլաթան եւ Պննուս գյուղերի մարտախմբերը, որոնք լսելով Թագա գյուղի մերձակայքում տեղի ունեցող կռիւի արձագանքները՝ անմիջապէս շտապել էին օգնութեան: Համատեղ ուժերով ջախջախելով Թագա գյուղը ոչնչացնել ցանկացող թշնամու ուժերը՝ հայկական ինքնապաշտպանական մարտախմբերը Քեռու եւ Դրոյի առաջնորդութեամբ շարունակում են զարգացնել մարտում ձեռք բերած հաջողութունը: Պահն ու հակառակորդի ընձեռած հնարավորութունը ավելի քան նպաստավոր էին: Անհրաժեշտ էր առանց երկմտելու օգտագործել ընձեռված հրաշալի հնարավորութունն ու անհապաղ հարձակվել թուրքերի ամենանշանավոր հենակետի՝ Միսիան գյուղի վրա:

«Քեռին, - պատմում է Դրոն, - ձի հեծած անվերջ «ուռա» գոռալով գնում էր շղթայի առջեւից: Նա հրահանգել էր հիմքից քանդել եւ այրել Միսեանը, որ ոչինչ չմնա թշնամու համար կարեւոր ռազմական նշանակութուն ունեցող գիւղից»³:

Հայ մարտական խմբերը Քեռու ու Դրոյի առաջնորդութեամբ ներխուժում են Միսիան եւ սրի քաշում այդ գյուղի ու այնտեղ կուտակված թուրքերին, որոնք այնտեղ էին եկել հայկական Թագա գյուղը կործանելու եւ թալանելու նպատակով:

Եզրափակելով Միսիանի գրավման հերոսամարտի պատմութունը՝ Դրոն նշում է. «Փառաւոր ճակատամարտ էինք շահել: Միսեանի այրուելը սարսափելի տպաւորութիւն գործեց շրջանի թրքութեան վրայ, որի ողնաշարը վերջնականապէս կտտրոււմ էր: Միսեանն իր մեծութեամբ ու խաղացած ազդեցիկ դերով շրջանի թրքութեան սիրտն էր»:

Թագա գյուղի պաշտպանութեան եւ մանավանդ թուրքաբնակ Միսիան գյուղի կռիւներում նվաճած հաղթանակները ոչ միայն ամրապնդեցին հայ ինքնապաշտպանական ուժերի հեղինակութունը, այլեւ ավելի ոգեւորեցին ու մարտնչելու տրամադրութուն հաղորդեցին հայ բնակչութեանը:

«Այդ կուրից յետոյ էր, - շարունակում է Դրոն, - որ Մոկացի Խէչօն առիթ գտնելով՝ մեղայի եկաւ, թէ ինձ սխալ է ճանաչել եւ տղաների առջեւ իմ կարողութիւնները ծաղրելու համար մոկաց իշխանների առակն էր պատմել»⁴:

Մոտ մեկ տարի տարբեր շրջաններում մարտնչելուց հետո, արդեն անվախ խմբապետի անուն վաստակած Դրոն, օգտվելով կռիւների ժամանակավոր դադարից, ամուսնանալու նպատակով մեկնում է Իգդիր:

Նրա սիրած աղջիկը՝ Նվարդը, Կանայանների գերդաստանին թշնամաբար տրամադրված՝ Ավագյանների ընտանիքից էր: Ամիսներ առաջ խօսք անգամ չէր կարող լինել նրանց ամուսնութեան մասին: Բայց այդ օրերին խիզախ ահաբեկչի եւ խմբապետ-հրամանատարի անուն վաստակած Դրոյին իրենց փեսացու ունենալն արդեն մեծ պատիվ էր ցանկացած ընտանիքի, անգամ Ավագյանների համար: Թեպետ Դրոն արդեն հանրահայտ դեմք էր Իգդիրում, բայց Ավագյանները, այնուամենայնիւ, ոչ մի պարագայում լսել անգամ չէին կամենում Կանայանների հետ խնամիական կապեր հաստատելու մասին. թշնամանքն այդ երկու գերդաստանների մեջ գնալով ավելի էր խորացել:

Նրանց ամուսնութեան վերաբերյալ պահպանվել են հետաքրքրական մի շարք հուշագրութուններ, որոնցում հաստատվող իրողու-

¹ Նույն տեղում:

² Նույն տեղում, էջ 52:

³ Նույն տեղում:

¹ Նույն տեղում:

Թյունը՝ անձնական կյանքով օժտված եւ հայրենիքի ազատութեանը անմնացորդ նվիրված հայ զինվորի կերպարը բնութագրող պերճախոս վկայութիւնն է:

Դրոյի եւ Նվարդ Ավագյանի ամուսնութիւնն առանց որեւէ ծայրահեղ միջոցների գործադրման, օրինական ճանապարհով իրականացնելու համար, անհրաժեշտ էր հաշտեցնել թշնամաբար տրամադրված գերդաստաններին: Եթե չկայանար հաշտութիւնը, ապա երիտասարդ սիրահարները համաձայնութեան էին եկել փախչել Պարսկաստան ու այնտեղ ամուսնանալ: Իսկ այդ պարագայում թշնամանքը Կանայանների եւ Ավագյանների միջեւ կարող էր ծայրահեղորեն սրվել: Թշնամաբար տրամադրված գերդաստաններին հաշտեցնելու առաքելութիւնը հարկադրված ստանձնում է Հ.Յ. Դաշնակցութեան Մրգաստանի կենտրոնական կոմիտեն: Ի՞նչ պետք է արվեր:

Պատմում է Դրոյի համադասարանցի, «Բորեաս» խմբի անդամ Սեդրակ Զալայանը (Սեթո): Հաշտեցման գործի կազմակերպիչ, ՀՅԴ Երեւանի Մրգաստանի կենտրոնական կոմիտեի անդամ Գալուստ Ալոյանը հավաքում է Դրոյի մի քանի ընկերների եւ նրանց հայտնում հետեւյալը. «Մրգաստանի Կեդր. կոմիտէն, նկատի ունենալով, որ նման փախուստի պատճառով, երկու գերդաստանների թշնամութիւնը աւելի պիտի բորբոքուի, որոշել է ոչ մի ջանք չխնայել հաշտեցնելու երկու կողմերը, որպեսզի խնամիական կապերով անկեղծ բարեկամութիւն հաստատուի նրանց միջեւ: Ահա այդ առաքելութեամբ էլ որոշուած է ընկեր Աւետիք Իսահակեանը ուղարկել Իգդիր: Եւ որպեսզի մեր Աւոն ծեծ չուտի, որոշուած ենք նաեւ նրան ընկերակցել մեր լաւագոյն ռազմիկներէն ու միանգամայն Դրոյի մտերիմ ընկերները. Դաշնակցական խնչօն. Մկօ Աղամալեանը, Մարտիրոս Զարուխչյանը եւ երկու հոգի էլ «Բորեասից», որոնցից մին դո՛ւ»¹:

Թշնամի գերդաստաններին հաշտեցնելու առաքելութիւնը ստանձնած զինավառ խումբը Ավետիք Իսահակյանի առաջնորդութեամբ Երեւանից մեկնում է Իգդիր: Նրանց ներկայութիւնը պիտի բացարձակապես լիներ խիստ գաղտնի եւ աննկատ: Դեռեւս շարունակվում էին հայ-թաթարական կռիւները: Ցարական ոստիկանութիւնը եթե տեղեկանար Երեւանում եւ Իգդիրում խմբի անդամների ներկայութեան մասին, անկասկած կփորձեր ձերբակալել նրանց:

Խմբի կազմում չի եղել նաեւ Դրոն, որին նահանգի իշխանութիւնները խիստ կերպով հետապնդում էին:

Գիշերով խումբը հասնում է Իգդիր, եւ լուսը բացվելուն պես Ավետիք Իսահակյանը բանագնաց է ուղարկում Ավագյանների տուն, հայտնում նրանց իր Իգդիր գալու նպատակը եւ առաջարկում հանդիպել: Ավագյանները կտրականապես հրաժարվում են ընդունել նրա առաջարկութիւնը, պատճառաբանելով, որ որեւէ դեպքում իրենք չեն հաշտվելու, առավել եւս խնամիանալու Կանայան ընտանիքի հետ, ընդամին նշելով. «...Եթէ Դրոյի հանդէպ թշնամութիւն չկայ, քանի որ նա նորահաս երիտասարդ էր եւ մասնակցած էր տեղական վեճերուն»¹:

Ավետիք Իսահակյանի առաջնորդած խումբը հայտնվում է անորոշ իրավիճակում: Ի՞նչ պետք է անել: Խմբի անդամները խորհրդակցելով որոշում են դիմել Ավագյանների ընտանիքի երիտասարդ անդամներին: Ավետիք Իսահակյանը, ենթարկվելով խմբի որոշմանը, Մարտիրոս Զարուխչյանի ընկերակցութեամբ հանդիպում է երիտասարդներին, եւ մեծ վարպետութեամբ գովերգում է Դրոյին, նրա կատարած քաջագործութիւններն ու նրան ներկայացնելով որպէս ազգի նվիրյալ եւ հերոս, ի վերջո կարողանում է կոտրել երիտասարդների համառութիւնն ու ստանալ նրանց համաձայնութիւնը:

«Ավագեանները, - շարունակում է Ս. Զալայանը, - ի վերջոյ կը խոնարհին Նուարդի վճռական կեցուածքին առջեւ եւ երբ յաջորդօրը Աւօն կերթայ իմանալու իրենց պատասխանը, կը յայտնեն, թէ կը հաւանին խնամիանալ եւ ատով ալ վերջ տալ տնաքանդ պառակտումներուն»²:

Խմբի անդամները Նվարդի վճռական պահվածքի աջակցութեամբ հաջողութեամբ կատարում են թշնամի գերդաստաններին հաշտեցնելու առաջադրանքը եւ ի նշան ձեռք բերած հաղթանակի, խնջույք են կազմակերպում: Խնջույքի պահին տրվելով գինարբուքին, Սեթոն հումորով փոքր-ինչ կուպիտ պատասխաններ է տալիս Ավետիք Իսահակյանին, որը սեղանակիցների տրամադրութիւնն ավելի բարձրացնելու համար զվարճալի պատմութիւններ էր պատմում իր հայրենի Ապարանի կյանքից:

Վերհիշելով այդ պահը՝ Սեթոն գրում է. «Է՛յ, Գիւմրեցի բոչա, ըսի լրջութիւն կեղծելով, սրանից յետոյ չհամարձակուես Մարմար

¹ Կարօ Գեորգեան, Ամէնուն Տարեգիրք, 1959, էջ 181-182:

¹ Նույն տեղում:

² Նույն տեղում, էջ 183:

Ջարոյի բերեղ անուը բերանդ առնիլ... Ջարօն իմն է եւ կարգիլեմ քեզ Արագած բարձրանալ...

Աւօն թէ՛ «Ջարօն յաւէտ իմս կը մնայ, տղայ ես՝ առջեւս ելիր, ես քո մաուզէրից վախեցողը չեմ»...

... Հագիւ կարող էի ոտքի կենալ, աջ ու ձախ օրօրուելով: Տեղս նստելէ առաջ, ըսի:

- Աւօ՛ ջան, արի՛, իգդիրցիների նման մենք էլ հաշտուենք...

Եւ երբ կուացայ, որ հաշտութեան համբոյրը դրոշմեմ Աւոյի դէմքին, թշի փոխարէն անոր նշանաւոր քիթն էր ինկած բերանս: ...Համբուրելու փոխարէն ուժեղ կերպով խածեր էի քիթը... Աւոյի ճչոցին վրայ, տղաները բռնեցին զիս ու պառկեցուցին:

Արթնացուցին զիս լուսադէմին, երբ անաղմուկ դուրս պիտի գայինք իգդիրէն: Եւ դուրս եկանք:

Երբ հասանք Մարգարա գիւղը եւ իջեւանեցանք ընկերոջ մը տուն, Աւօն դարձաւ ինծի:

- So անաստուած, ըսաւ, այս ի՞նչ արեցիր քիթս, էս կերպարանքով ո՞նց երեւան կը մտնեմ...»¹:

Արդեն հայ-թուրքական ընդհարումների երկրորդ տարին էր: Հայաստանի տարբեր շրջաններից բազմաթիւ տազնապալի լուրեր էին հասնում Երեւան՝ ինքնապաշտպանութեան ընդհանուր հրամանատար Նիկոլ Դումանի մարտական շտաբը: Ռազմական իրադրութիւնը առավելապես լարված բնույթ էր ստացել Ջանգեղուրում, ինքնապաշտպանական ուժերի հրամանատար Սեբաստացի Մուրադը պահանջում էր օգնական ուժեր: Երջանի ինքնապաշտպանութիւնն ուժեղացնելու համար անհրաժեշտ էին խիզախ ու փորձառու մարտիկներ: Դրոն պիտի վերադառնար Ջանգեղուր: Դրոն ու Նվարդը իգդիրի ամենանշանավոր գերդաստանի գավակներն էին, եւ իհարկե պիտի կայանար նրանց շքեղ ու ճոխ հարսանիքը: Բայց քանի որ դեռեւս չէր կայացել նրանց հարսանեկան արարողութիւնը, այդ պատճառով նրա մեկնումը մարտադաշտ փոքր-ինչ ձգձգվում էր:

Այդ օրերին իգդիրի եկեղեցիներից մեկում՝ «...Գաւառական քաղաքի մէջ-գրում է Վահան Փափազյանը (Կոմս),- օգտուելով իր արձակուրդի օրերէն, պիտի ամուսնանար երիտասարդ, յանդուգն եւ Դումանի կողմէ սիրուած մարտական նոր ղեկաւարներէն մէկը:

Գաւառական այդ քաղաքը մեծ խրախճանքի մէջ էր: Խմբապետը տեղի յայտնի ընտանիքէն էր եւ սիրուած տեղի երիտասարդութենէն:

Պսակը պիտի կատարուէր իրիկունը: Եկեղեցին լուսաւորուած, տեղացիները տօնական հագուստներով խոնուած էին եկեղեցիի մուտքին մօտ:

Ահա եւ փեսան կը մտնէ եկեղեցին, իր զինակից ընկերներով շրջապատուած: Կուգայ նաեւ հարսը հարսնետօններով: Արարողութիւնը կը վերջանայ, հարս ու փեսան դանդաղ կը յառաջանան դէպի ելքը, երբ մարդ մը արագ կը մօտենայ փեսային եւ թուղթի կտոր մը կը պարզէ անոր: Հեռագիր մըն էր (գրուած պայմանական լեզուով). Նիկոլ Դումանը կը հրամայէր՝ անմիջապէս մեկնիլ Ջանգեղուր. «քեզի կարիք ունին» ... Խմբապետ փեսան վայրկեան մը շշմած՝ կարճանանայ. շուրջիները իրար կանցնին, բայց շփոթութիւնը ակնթարթ մըն էր, խմբապետը անվրդով ել դանդաղ կը շարունակէ իր երթը հարսի քովէն, բայց երբ տուն կը հասնին եւ ընտանիքի հարագատները բոլորուած էին նորապսակներու շուրջը, նոր փեսան կը մօտենայ իր հօրը՝

- Հայրիկ, հրաման է եկել Դումանէն. պիտի երթամ անմիջապէս... կիսն քեզի կը յանձնեմ, պիտի պահես ինչպէս քո գաւազը... Հայրը, աւանդապահ, ծանրագլուխ իշխանաւոր մը, կը շփոթուի, կարծես չըմբռնելով իմաստը տղայի խօսքերուն, ապա կը մրմնջէ:

- Ատաթ չէ, պալէս... մեղք է... վաղը կերթաս:

- Ձէ հայրիկ ջան, չի ըլլի, հրամանը հրաման է, կռիւ է...

- Դէ, տղերք ջան, ճիւրը թամբեք, - կը դառնայ նա իր զինակիցներուն: Ապա արագ կը մօտենայ հօրը եւ մօրը, ջերմօրէն կը համբուրէ անոնց դողող ձեռքերը, կը շոյէ հարսին գլուխը եւ դուրս կուգայ...»¹:

Դրոյի այդ տարօրինակ վարմունքը, հարսանիքը կիսատ ձգելու ու հեռանալու իրողութիւնը հաստատում է նաեւ Ս. Վրացյանը, բայց փոքր-ինչ այլ մեկնաբանութեամբ: Նա նույնպէս նկարագրում է հարսանեկան ճոխ արարողութեան եւ պսակադրութեան մանրամասները ու ներկայացնելով նաեւ այն պահը, երբ նորապսակները դուրս են գալիս եկեղեցուց, նշում է, որ հարսանքավորների ընդհանուր բացականչութիւնների եւ ցնծութեան մեջ փեսային է մոտենում մի անծանոթ երիտասարդ ու նրան հանձնում մի կնիքած թղթածրար:

«Դրոն բաց է անում եւ կարդում: Հրամանագիր էր Նիկոլ Դումանից, «Կռիւները վերսկսել են Ջանգեղուրում, անմիջապէս վերադառնալ ռազմաճակատ»...

¹ Լույս տեղում, էջ 184:

¹ Կոմս, Խոնարի Կերոսներ, մաս 1, Թեհրան, 1982, էջ 52-53:

Հագիւ տուն Հասած՝ Դրոն յայտնում է Հօրը, թէ պէտք է իսկոյն մեկնի: Իրարանցում, աղաչանք՝ գէթ մի օր մնալ, բայց Դրոն մնում է անդրդուելի: Հրամանը հրաման է. զինուորը պարտական է առանց առարկութեան անհապաղ ենթարկուել: Եւ ձգելով հարսանիքը կիսատ՝ Դրոն շտապում է վերադառնալ...»¹:

Այդ դեպքը կատարվել է 1906 թ. ամռանը: Դրոն մեկնում է Զանգեզուր՝ օգնելու տեղի ինքնապաշտպանական ուժերի զորահրամանատար Սեբաստացի Մուրադին:

Զանգեզուրը հայ-թուրքական ընդհարումների ամենադժվարին շրջաններից էր: Ամիսներ շարունակ բազմաթիվ թուրք հրոսակախմբեր ասպատակում ու ավերում էին հայկական գյուղերը եւ միջոցների մեջ խտրականութիւն չզննելով՝ ձգտում էին ոչնչացնել գավառի հայ բնակչութեանն ու տիրել նրա հարստութեանը: Մեծանուն սեբաստացի ռազմիկը, իր անբաժան զինակիցներ Կայծակ Առաքելի, Ավոյի եւ Մեչեղի Ավետիսի ընկերակցութեամբ Զանգեզուրի քաջարի լեռնականների մարտական ուժերի գլուխն անցած, կայծակնային հարվածներ էր հասցնում լեռնաշխարհի մերթ այս, մերթ այն բնակավայրերի վրա հարձակվող թուրք եւ նրանց միացած քուրդ ավազակախմբերին:

Դրոյին բախտ վիճակվեց իր սիրելի հրամանատարի՝ Քեռու ընկերակցութեամբ մարտնչել նաեւ Հայոց ազատամարտի նշանավոր ռազմիկ Սեբաստացի Մուրադի հրամանատարութեամբ:

Զանգեզուրում ընդհարումները չթուլացող ուժգնութեամբ դեռեւս շարունակվում էին: Չնայած հայ ինքնապաշտպանական ուժերի նվաճած հաղթանակների, թուրք հրոսակախմբերի դիմադրութիւնը դեռեւս լիոնին հաղթահարված չէր: Ձեռք բերած նվաճումներն ամրապնդելու եւ հակառակորդի դիմադրութիւնը վերջնականապես խորտակելու համար անհրաժեշտ էր փորձառու մարտական խմբերով համալրել Զանգեզուրի ինքնապաշտպանական ուժերի մարտաշարքերը: Այդ նկատառումով Նիկոլ Դումանի հանձնարարութեամբ Զանգեզուր են մեկնում մի քանի մարտական խմբեր, որոնց թվում էր նաեւ Մարտիրոս Աբրահամյանի գլխավորած գառնեցիների մարտական խումբը, որի անդամներից մի քանիսը մարտական մկրտութիւն էին ստացել՝ մասնակցելով Մոսուէ-Ձորի նշանավոր արշավանքին, ապա նաեւ Երեւանի նահանգում տեղի ունեցած կռիվներին²:

Հասնելով ռազմադաշտ՝ Դրոն Զանգեզուրի ինքնապաշտպանական ուժերի հրամանատար Սեբաստացի Մուրադի հանձնարարութեամբ ստանձնում է նրա գլխավորած ինքնապաշտպանական զորախմբի ջոկատներից մեկի հրամանատարութիւնը: Սիսիանում հանդիպում են մարտական զինակիցները՝ Դրոն ու Մարտիրոսը: Այդ օրերին խիստ տագնապալի կացութիւն էր ստեղծվել Գողթանում: Մարտիրոսի գառնեցիների մարտախումբը ընդգրկվում է Դրոյի գլխավորած ջոկատի կազմում ու մեկնում Գողթան, ուր մի քանի հաղթական կռիվներ մղելուց հետո անցնում են Ղափանի շրջան¹:

Այդ ժամանակ Զանգեզուրում էին գտնվում բազում համբավավոր Ֆիդայիներ՝ Քեռին, Մեչեղի Ավետիսը, Կայծակ Առաքելը, Ավոն եւ այլք:

Զանգեզուրում մղած կռիվներից արժանահիշատակ է Քեռու ընկերակցութեամբ Տաթեւի մոտակայքում նրանց առաջնորդած մարտախմբի կողմից թուրք հանրահայտ հրոսակապետ Սելիմի ավազակախմբի ջախջախումը: Տաթեւի մերձակայքում տեղի ունեցած կռիվ մասին Ս. Վրացյանին պատմել է Տաթեւի գյուղացիներից մեկը: Ըստ գյուղացու պատմածի՝ հրոսակապետ Սելիմի առաջնորդած ավազակախումբն ավարտութեան նպատակով պարբերաբար հարձակումներ է գործել հայկական գյուղերի վրա ու մեծ վնասներ հասցրել շրջանի հայ գյուղացիներին: Քեռու եւ Դրոյի գլխավորած մարտական խումբը դարանակալում ու «...թակարդն են ձգում Սելիմին եւ մինչեւ վերջին մարդը կոտորում՝ մեծ ցնծութիւն պատճառելով հայ գիւղացիներին»²:

Սիսիանի, Գորիսի շրջաններում արժանի ջարդ կրելով սեբաստացի անվանի ռազմիկի հրամանատարութեամբ մարտնչող ինքնապաշտպանական զորախմբերից՝ թուրք ցեղապետերը որոշում են միավորել իրենց զինական ուժերը եւ շարունակել առավել հզոր ու կազմակերպված զինախմբերով արշավել հայկական բնակավայրերի, մասնավորապես Տաթեւի, ապա նաեւ Ղափանի եւ Գեղվազի շրջանների վրա:

«Թուրք բէկերը, - նշվում է Զանգեզուրի ընդհարումները լուսաբանող հուշագրութիւններից մեկում,- իրենց կրած անյաջողութիւններից յետոյ՝ բարբաջանքների մէջ են ընկել եւ եռանդուն պատրաստուում են՝ նորանոր արշաւանքներ գործելու ամբողջ Ղա-

¹ Վրացեան Ս., «Մրրկածին Դրոն», էջ 47:

² Տե՛ս «Ղայրեմիք» ամսագիր, 1958, թիւ 3, էջ 27:

¹ Տե՛ս Մուսն տեղում:

² Վրացեան Ս., Կեանքի ուղիներով, հ. Ա, էջ 230-231:

փանի եւ Գիւնէյուզի վրայ: Ամէն օր սպառնական լուրեր են գալիս: Զանգիւրան գիւղում թուրք բէկերի մօտ եղել է բազմամարդ ժողով մասնակցութեամբ Պարսկաստանից եկած խաների»¹:

Թուրք բէկերի դիտավորությունները խափանելու, տեղի հայութեան ինքնապաշտպանությունը կազմակերպելու նպատակով Սեբաստացի Մուրադը գործադրով, որի կազմում էր նաեւ Դրոյի գլխավորած ջոկատը, մեկնում է Ղափանի շրջան: Զանգեզուրի շրջաններում իրենց ավազակային գործողություններով հայտնի Տանձավեր գյուղի բէկեր սուլթանովները թուրք հրոսակախմբի գլուխն անցած շարունակաբար, մինչ այդմ դեռեւս անպատիժ, ասպատակում էին հայկական գյուղերը:

Օգոստոսի 1-ին թուրք զինյալ խմբերը հարձակվում են Տաթեւ գյուղի վրա եւ հանդիպելով տեղի քաջակորով գյուղացիների դիմադրութեանը՝ նահանջում: Չանցած մի քանի օր ավելի մեծաքանակ ուժերով վերսկսելով հարձակումը՝ գրավում եւ մոխրակույտերի են վերածում ու թալանում հայերի ամառանոցները:

Անհրաժեշտ էր վճռական հակահարված տալ եւ մեկընդմիջտ վերջ տալ թուրք ավազակախմբերի գործողություններին: Մուրադը, խորհրդակցելով իր մարտական զինակիցներ Քեռու, Սմբատ Եղիազարյանի, Դրոյի, Կայծակ Առաքելի, Ավոյի եւ այլոց հետ, թշնամուն վերջնականապես ու գլխովին ջախջախելու նպատակով վճռում է ձեռնարկել հակառակորդի համար անսպասելի ու համարձակ գործողություն: Առաջնորդվելով Երեւանի նահանգի ու Զանգեզուրի ինքնապաշտպանական ուժերի ընդհանուր գորահրամանատար Նիկոլ Դումանի «Թշնամուն հարվածել ու ջախջախել հենց իր որջում» պատգամ-հրահանգով՝ զանգեզուրյան զորախմբերի հրամանատարութեանը որոշում է հարձակվել թուրքերի հիմնական որջի՝ Տանձավեր եւ Աղվանք գյուղերի վրա:

Թուրք հրոսակախմբերին վճռական պարտութեան մատնելու համար Մուրադը գործում է այնպիսի մարտավարութեամբ, որը խորապես կշռադատված էր ու կենսունակ, իսկ հակառակորդի համար՝ անսպասելի: Տանձավեր եւ Աղվանք գյուղերում կենտրոնացած էին թուրք պարագլուխներն ու նրանց առաջնորդած մարտական ուժերը: Եթե հայ ինքնապաշտպանական ուժերին հաջողվեր խորտակել այդ գյուղերում կենտրոնացած թուրք զինյալների դիմադրութեանն ու ոչնչացնել նրանց առաջնորդ աղաներին, խաներին ու բէկերին,

ապա անտարակույս առավել հեշտ կլիներ ծնկի բերել Զանգեզուրի մահմեդական բնակչութեանը:

Ճիշտ է, զուտ քանակական առումով Մուրադի առաջնորդած մարտական ուժերը զգալիորեն զիջում էին թուրքական կողմին, բայց դա չէր ամենակարեւորն ու վճռորոշը: Գործողութեան հաղթական ավարտն առաջին հերթին պետք է պահանջվեին գրոհի անսպասելիութեանն ու սրընթացութեանը եւ հրամանատարների ու զինվորների վարպետութեանը:

Օգոստոսի 8-ին թշնամու ավազակաբները ոչնչացնելու վճռականութեամբ Սեբաստացի Մուրադի գլխավորած զորախումբը, որի կազմում էր նաեւ Դրոյի զորաջոկատը, արշավում է Տանձավեր եւ Աղվանք գյուղերը, ուր, ինչպես արդեն նշվել է, կենտրոնացել էին թուրք առաջնորդների ու սուլթանովների գլխավոր ուժերը: Որպեսզի զրկի հակառակորդին տեղաշարժվելու, ուժերը մի ուղղութեանից մեկ այլ ուղղութեան տեղափոխելու հնարավորութեանից՝ Մուրադը որոշում է գյուղերի վրա հարձակումը իրականացնել մի քանի կողմից, միաժամանակ ու սրընթաց:

Համաձայն «Դրօշակ»-ի հոդվածագրի՝ «Մուրադը բաժանեց իր խումբը մի քանի տասնեակների: Աւուս իր տասնեակով գրաւեց գիւղի աջ կողմի բարձր դիրքը: Մի ուրիշ տասնեակ՝ Սմբատի ղեկավարութեամբ, անցաւ գիւղի ձախ կողմը: Մուրադը, վերցնելով իր հետ Դրոյի, Մկրտչի, Կնեազի, Կայծակ Առաքելի եւ Արսէնի տասնեակները, մտաւ գիւղը, նախօրօք պատուհիրելով զինուորներին՝ ձեռք չտալ կանանց, երեխաներին ու ծերերին»¹:

Քեռին, իր զորաջոկատով դիրքավորվելով գյուղի մերձակա բարձունքներում, պետք է հսկեր թուրքական այլ ուժերի տեղաշարժերը, որոնք կարող էին անսպասելիորեն հայտնվել ու ծանր կացութեան մեջ գցել հայ զինվորներին:

Մուրադի հրահանգով մարտական ջոկատները մրրիկի ուժգնութեամբ ներխուժում են թուրքերի որջը. «Երկու գիւղերում էլ հրդեհը սկսեց լափել տները, իսկ դիմադրող թուրք ասպատակիչները ընկնում էին մերոնց գնդակներից: Եւ ահա՛ նոյն բէկերը, աւազակապետները, որոնք ամբողջ երկու տարի ահ ու սարսափի մէջ էին պահում խաղաղ ժողովուրդը, այն նոյն «քաջերը» ամօթաբար փախչում էին հայրուկների առաջից, թողնելով տուն, տեղ, զէնք ու ընտանիք, չկարողանալով մի բույս դիմադրել հայրուկների գրոհին...»²:

¹ Լույս տեղում, թիւ 9, էջ 137:

² Լույս տեղում:

¹ «Դրօշակ», 1906, թիւ 9, էջ 55:

Հայկական ինքնապաշտպանական ուժերի գրոհը ավարտվում է փայլուն վերջաբանով. չանցած մեկ ժամ՝ ահեղ դատաստանի արժանացնելով բեկերի գլխավորած ավազակախմբերին՝ Հայ մարտիկները, բռնված թշնամուց գրաված զենքով ու զինամթերքով, հեռանում են այրվող գյուղերից:

Դրոն, չնայած իր երիտասարդ տարիքին, արդեն կռիվների պատկառելի փորձ ուներ: Նրան բախտ էր վիճակվել մարտնչել այնպիսի համբավավոր, փորձառու ռազմիկների ընկերակցությամբ, ինչպիսիք էին Նիկոլ Դուժանը, Սեբաստացի Մուրադը, Քեռին, Առյուծ Ավազը, Դաշնակցական խեչոն, Կայծակ Առաքելն ու Ավոն, որոնց կողքին լինելը մեծ պատիվ էր ու անզուգական ուսանելի դաս յուրաքանչյուր զինվորի համար:

Դրոն, վերոհիշյալ ականավոր ռազմիկների ընկերակցությամբ մասնակցելով թուրքերի հիմնական որջի՝ Տանձավեր եւ Աղվանք գյուղերի գրավման չափազանց կարեւոր նշանակություն ունեցող մարտական գործողությանը, հրաշալիորեն է հանձնում այդ հերթական քննությունը եւս:

Օգոստոսի 12-ին թուրքական մեկ այլ հրոսակախումբ, հիմնականում Ղաթար գյուղի բնակիչները, որոնց միանում են քրդական թարաքամա (քոչվոր) ցեղախմբի ձիավորները, հարձակվում են Բեխ Հայկական գյուղի վրա: Թուրք պարագլուխները ծրագրել էին այդ գյուղի բնակիչներին կոտորելուց ու նրանց ունեցվածքը տնօրինելուց հետո լիովին հողին հավասարեցնել նաեւ Կավարթ գյուղը: Տեղեկանալով այդ մասին՝ Մուրադն ընդամենը քսան ձիավորներով, Դրոյի, Կայծակ Առաքելի ու գյուժուխանցի Ավոյի ընկերակցությամբ անհապաղ գալիս է Կավարթ եւ իր ջոկատը համալրելով տեղի մարտունակ ուժերով՝ անվարան արշավում է թուրքական հրոսակախմբերի հավաքատեղիի վերածված Ղաթար գյուղի վրա: Առավոտյան, երբ թուրքերը հավաքված քննարկում էին Հայկական գյուղերի վրա հարձակվելու ծրագիրը, Մուրադը հասնում է Ղաթար եւ մարտական խումբը երեք մասի բաժանելով՝ տարբեր ուղղություններ սրընթաց նետվում թշնամու վրա:

«Դրոչակ»-ն ուժ պազրված այս կռվի լուսաբանմանը նվիրված հոդվածում նկարագրելով մարտական գործողության մանրամասները՝ հեղինակը նշում է. «...Մուրատի խմբակը ներս խուժեց գիւղը: Մօտակա տներն այրւում էին, կրակը արագօրէն լափում էր շէնքերը: Գնդակների տարափի տակ, որոնք կարկուտի պէս թափւում էին թուրքերի տներից, Մուրատը արագօրէն իջնում էր դէ-

պի գիւղի ներքին մասը՝ սարսափ տարածելով իր շուրջը: Ահա, նա եւ Առոն, Մկրտիչը, Կայծակն ու Դրոն...»¹:

Հայկական զորախմբի սրընթաց ու հանկարծակի գրոհից չփոթահար թուրքերը սթափվելով՝ պատսպարվում են տներում եւ գնդակների հեղեղով դիմավորում Հայ զինվորներին: Հրաշքներ էին գործում բազմափորձ ֆիդայիները, փորից վիրավոր Կայծակ Առաքելը, անտեսելով ընկերների թախանձանքները, համառորեն շարունակում է մարտնչել: Անտեղի զոհերից խուսափելու նպատակով Մուրադը երեք անգամ թշնամուն առաջարկում է անձնատուր լինել՝ խոստանալով խնայել հանձնվողների կյանքը, սակայն թուրքերը, մերժելով են նրա առաջարկն ու շարունակում դիմադրել: Պայթուցիկ նյութերով խորտակելով հակառակորդի դիրքերը՝ Հայ մարտիկները Մուրադի, Կայծակ Առաքելի, Ավոյի եւ Դրոյի առաջնորդութայամբ ներխուժում են թշնամու պաշտպանության հանդուսն ու անխնա կոտորում արդեն երկրորդ տարին անընդմեջ Հայկական գյուղերն ավերի ու մոխրակույտերի վերածող սուլթանների գլխավորած հրոսակախմբերին²:

Ընդհարումների օրերին Ձանգեղուրի ողջ տարածքը ողողվել էր տեղացի, ինչպես նաեւ հարակից շրջանների, Պարսկաստանի կողմից Հայերի բնակավայրերն ասպատակող թուրք հրոսակախմբերով: Ձարմանք է հարուցում, թե ինչպես էին Հայ ինքնապաշտպանական ուժերի հրամանատարները՝ ֆիդայիների եւ տեղի մարտական խմբերի գլուխն անցած, արագ տեղաշարժերով կարողացել Հայոց գյուղերը պաշտպանել մահմեդական ավազակախմբերի վայրագուժություններից: Մի օրինակ եւս:

Ղաթար գյուղում կենտրոնացած թուրքական ուժերին ջախջախելուց ընդամենը երկու օր անց՝ օգոստոսի 14-ին, թուրք զինյալ խմբերը պաշարում են Ուժանիս գյուղը: Հայ բնակչությունը, չերկնչելով թշնամու ուժերի բազմությունից, Եղվարդից եւ Հագարակից օգնության եկած մարտախմբերի աջակցությամբ դիմում է ինքնապաշտպանության: Թուրք հրոսակախմբերի ու նրանց աջակցող մահմեդական ամբոխի ձեռնարկած բոլոր գրոհներն անցնում են ապարդյուն: Մի շաբաթ չանցած թուրք զինյալ ամբոխին են միանում Ռահիմ ու Ալի խաների առաջնորդությամբ Պարսկաստանից Ձանգեղուր անցած 1500 ձիավորներ: Թշնամին, գոտեպնդվելով ուժերի հսկայական գերակշռությունից, փորձում է ներխուժել

¹ Նույն տեղում:

² Նույն տեղում:

գյուղ: Կովի ամենատրհասական պահին մարտադաշտ են հասնում Մուրադի, Դրոյի, Յապոնի եւ Հայրիկի գլխավորած մարտախմբերը եւ հողմի արագութեամբ հարվածում մոտալուտ հաղթանակի ակնկալիքով հայ պաշտպանների դիրքերը գրոհող թուրքերին թիկունքից: Կես ժամ չանցած թուրքերը, ջախջախվելով, սարսափահար փախուստի են դիմում¹:

Ամենուրեք հայ մարտական խմբերի վճռական հարվածներից ջախջախված մահմեդականները՝ ճարահատյալ պարզում են սպիտակ դրոշն ու դիմում հաշտութեան:

«Այնուհետեւ - գրում է Չանգեզուրի թեմի առաջնորդ Ներսես արքեպիսկոպոս Մելիք-Թանգյանը, - թուրքական խմբեր էին, որ գալիս էին Տաթեւ վանքը, հաշտութիւն էին խնդրում, իմ միջնորդութեանն էին դիմում, անիծում էին իրենց խաներին, որոնք կոտորածների պատճառ եղան, անիծում էին, որ զուր տեղը կուռեցրին երկու հարեւան ժողովուրդներուն»²:

1905-1906 թթ. հայ-թուրքական(թաթարական) ընդհարումների ուսումնասիրութիւնն աներկբա հավաստում է, որ եթե չլիներ ցարական իշխանութիւնների, զորքի ու ոստիկանական ուժերի միջամտութիւնը, ապա բազմափորձ Ֆիդայիների ու ռուսական բանակում մարտական մկրտութիւն ստացած հայ զինվորականների առաջնորդութեամբ մարտնչող հայկական մարտական ուժերը վերջնականապէս կջախջախեին մահմեդական հրոսակախմբերին, ու չէր բացառվում, որ Հարավային Կովկասը լիովին մաքրեին թուրք ու քուրդ բնակչութիւնից:

Անտարակուսելի է, որ Դրո-հրամանատարի ձեւավորման դպրոցը 1905-1906 թթ. հայ-թուրքական ընդհարումների ռազմաբեմն էր եւ սովյալ ժամանակահատվածում Հայոց ազատամարտի նշանավոր ռազմական գործիչներ Սեբաստացի Մուրադի, Կայծակ Առաքելի, գյուլմուշխանցի Ավոյի, Քեռու, Հաճի Հակոբի, Առյուծ Ավագի եւ, իհարկե, նրա իսկ ընդունմամբ «իմ մեծ ուսուցիչ Նիկոլ Դուման»- ի ղեկավարութեամբ ու ընկերակցութեամբ բազմաթիվ կռիւների մասնակցելը:

Մոտ մեկուկես տարի տեւողութեամբ ընթացող հայ-թուրքական ընդհարումներում Դրոն, մարտնչելով Բաքվի, Կոտայքի, Երեւանի, Դարալագյազի, Լեռնային Նախիջեւանի, ապա նաեւ Չանգեզուրի շրջաններում տեղի ունեցած բազմաթիվ կռիւների, աչքի է ընկնում

հրամանատարական ակնառու ունակութիւններով եւ իսկական ռազմիկին ընորոշ համեստութեամբ ու խիզախութեամբ¹:

Ուշագրաւ գնահատական է տալիս նրա գործունեութեանը հայտնի ազգային գործիչ, բժիշկ Երվանդ Խաթանեսյանը (Յ. Խաթանեսյանը որպէս բժիշկ ծառայել է Անդրանիկի գլխավորած 1-ին կամավորական զորախմբում, իսկ 1917-1918 թթ. համագործակցել է Սեբաստացի Մուրադին-Հ. Գ.). «Դրոն կարկառուն մարտիկի եւ ներհուն ռազմագէտի անունն չահեց: Նիկոլ Դումանը Դրոյի մէջ նշանակեց ու գտաւ նրբագագ հոտառութեամբ հետախոյզը, ռազմախաղերի բանիբուն գիւտարարը, թշնամու դիտաւորութիւնները նախատեսելու ընդունակ հայդուկը եւ ճակատամարտերի գաղտնիքին ու իմաստին դիւրաւ թափանցող տաղանդը: Սրանց վրայ աւելացրէք իր պայծառ իմացականութիւնը, իրազարձութիւնները յստակ տեսնելու եւ դատելու իւրայատուկ քանքարը, եւ հասկանալի պիտի լինի այն բարդ համարումը, որին իրաւամբ արժանի էր Դրոն»²:

1905-1906 թթ. բովանդակ Կովկասում բռնկված հայ-թուրքական ընդհարումների ժամանակ հայ ժողովուրդը դաժան, բայց հրաշալի քննութիւն բռնեց: Պատմական սովյալ ժամանակահատվածում պանիսլամիզմի գաղափարախոսութեամբ առաջնորդվող կովկասյան թուրքերի (թաթարներ) հրոսակախմբերի միջոցով ցարական իշխանութիւնների քաջալերանքով ու թողտվութեամբ սանձազերծված ջարդերի քաղաքանութիւնը իրականում հայութեան նկատմամբ կենսագործված ցեղասպանութեան առաջին փորձն էր, որը հիմնովին տապալվել է շնորհիվ հայ ազգային-ազատագրական պայքարի նշանավոր գործիչների առաջնորդութեամբ կովկասահայութեան մղած հերոսական ինքնապաշտպանութեան:

Մ. Վարանդյանի բնութագրմամբ՝ հայ ժողովուրդը, որը հարեւան ազգերի, նույնիսկ վրացիների ու ռուսների կողմից դիտվում էր որպէս ստորադաս ցեղ, շահի հետեւից ընկած, վախկոտ վաճառականների եւ վարժապետների զանգված, «...չուզեր այլ եւս էլ նահատակի անպատիւ դերը: Դարեր շարունակ խաչ ու աւետարանը կուրծքերիս սեղմած՝ համերաշխութեան քարոզը հնչեցրինք, եւ կոտորեցինք, գթութիւն աղերսեցինք-եւ կոտորեցինք: Շատ ար-

¹ Տե՛ս Մուլն տեղում, թիւ 2, էջ 27:

² Վարանդեան Մ., նշվ. աշխ., էջ 65:

¹ Տե՛ս «ՎԵՄ», 1934 (Դրոյի հուշերը նվիրված են 1905-1906 թթ հայ-թուրքական ընդհարումների ժամանակ իր մասնակցութեամբ Երեւան քաղաքում, Դարալագյազի, Լեռնային Նախիջեւանի ու Չանգեզուրի շրջաններում տեղի ունեցած ինքնապաշտպանական մարտերին):

² «Ալիք», Բացառիկ, 1956, մայիս 4, էջ 17:

դէն վայելեցինք կոտորուողի հուշակը, ամբողջ տիեզերքը սասանեցինք մեր մարտիրոսութեամբ-հերի՛ք է...»¹:

Յարական իշխանութիւնների թողտվութեամբ սանձազերծված ազգամիջյան կռիվներում մեր ժողովուրդը միմիայն հերոսական ինքնապաշտպանութեամբ նվաճեց ապրելու ու հարատեւելու իրավունքը եւ այդ գործում անգնահատելի են Հայոց ազատամարտին զինվորագրված հայրենաշունչ մարտիկների՝ Նիկոլ Դումանի, Սեբաստացի Մուրադի, Քեռու, Սեպուհի, Սեւքարեցի Սաքոյի, Վարդան Մեհրաբյանի, Սմբատ Բորոյանի, Կայծակ Առաքելի, գյումուշխանցի Ավոյի, Քեռու, Հաճի Հակոբի, Առյուծ Ավագի, Դաշնակցական ինչոյի, Սեյդո Պողոսի, Համազասպի, մշեցի Մագար Վարժապետի ու բազում այլ նվիրյալների, որոնց շարքում նաեւ Դրոյի ծառայութիւնները:

Կովկասահայութեան ինքնապաշտպանութեան կազմակերպման գործում անտարակույս պիտի ընդգծել Հ.Յ. Դաշնակցութեան ծառայութեանը, որը Մ. Վարանդյանի գնահատմամբ՝ «...իր ծոցեն առնելով Հայ բովանդակ ժողովուրդը, այդ երկարատեւ մաքառումներու ընթացքին ցուցաբերեց այնքան եռանդ, արիւթիւն ու անձնագոհութիւն, այնքան ռազմական ու ռազմագիտական կորով եւ տաղանդ, որ հակառակորդը շժմեցաւ-միանգամայն անսպասելի էր իրեն համար-շժմեցաւ նաեւ Չարիքը նիւթող ցարական կառավարութեան»²:

¹ Վարանդեան Ս., Ըշվ. աշխ., էջ 361:
² Նույն տեղում:

1.3. ԳԵՆԵՐԱԼ ԱԼԻԽԱՆՈՎ-ԱՎԱՐՍՍԿՈՒ ԵՎ ԵՐԵՎԱՆԻ ՈՍՏԻԿԱՆ ԱԳԵՏ ՏԵՐ-ՍԱՀԱԿՈՎԻ ԱՀԱՐԵԿՈՒՄԵՆԵՐԸ, ԴՐՈՆ ՀԻՆ ԲԱԹԱԶԵՏՈՒՄ

Անդրկովկասում ավարտվում են գրեթե երկու տարի տեւողութեամբ ընթացող Հայ-թուրքական ընդհարումները, բայց նրան վիճակված չէր ապրելու խաղաղ կյանքով: Փոքր-ինչ տեւած «խաղաղ կյանքից» հետո Դրոն Մարտիրոս Չարուխչյանի հետ անցնում է Բաքու, տեղի ՀՅԴ կենտրոնական կոմիտեի տրամադրութեան տակ: Այդ ընթացքում նրանց կյանքում կատարված ամենահիշարժան ու պատասխանատու գործը ցարական բանակի գեներալ, Նախիջեւանի թուրք Ալիխանով-Ավարսկու ահաբեկումն էր:

Վրաստանի Գուրիայի շրջանի գյուղացիական հուզումները դաժան միջոցներով խեղդելու պատճառով վրաց հեղափոխականները որոշել էին մահվան դատապարտել մարդակեր գեներալին: Ալիխանով-Ավարսկին ուղղակիորեն նպաստել էր նաեւ Նախիջեւանի Հայերի կոտորածների կազմակերպմանը:

Վրաց հեղափոխականների կողմից գեներալին սպանելու մի քանի անարդյունք փորձերից հետո, Դաշնակցութեանը վճռում է իր ուժերով իրագործել այդ օրերին Ալեքսանդրապոլի նահանգապետի գահին բազմած Ալիխանով-Ավարսկուն:

Ո՛ւմ պիտի վստահեին իրականացնելու գեներալին ահաբեկելու դատավճիռը: Հ.Յ.Դաշնակցութեան Բաքվի Ոսկանապատի կենտր. կոմիտեի եւ անձամբ Նիկոլ Դումանի վճռով գեներալի ահաբեկման գործը հանձնարարվում է Դրոյին եւ Մարտիրոսին:

Այդ մասին Դրոն Ս. Վրացյանին պատմել է, որ իր համաձայնութեանը ստանալու նպատակով, իրեն կանչել են ՀՅԴ Ոսկանապատի կենտրոնական կոմիտեի անդամներ Ա. Գյուլխանդանյանն ու Գրիգոր Աղաջանյանն ու հարցրել. «Ուզու՞մ ես զու կատարես այդ պարտականութեանը»:

-Ի հարկէ, ուզում եմ, այդ ինչ հարցնելու բան է:

-Ու՞մ հետ ես ուզում գնալ, երկու հոգով պէտք է անէք:

- Ի հարկէ Մարտիրոսի, այդ ի՞նչ հարցնելու բան է:

- Ուրեմն զնացէք պատրաստուեցէք, որ շուտով ճանապարհ ընկէք:

Դրոն շտապում է Մարտիրոսի մոտ ու նրան հայտնում իրենց համար չափազանց բաղձալի Ոսկանապատի կենտր. կոմիտեի վճիռը: «Մարտիրոսը խենթի պէս վեր թռաւ տեղից, փաթաթուեց վզիցս եւ սկսեց քաշքշեով ինձ, վալս պարել:

-Թո՛ղ ինձ. վերջ տուր յիմարութեանդ, բարկացայ ես:

-Ուուա՛, կեցցե՛ Հայաստան, պոռաց նա...

Երբ հանգստացաւ, նստեցինք խորհրդակցութեան. Մարտիրոսը խնդրեց՝

-Նիկոլի կարծիքը ի՞նչ է, նա էլ համամիտ է Ալիխանովի գործին:

Պարզ էր, որ Նիկոլ Դումանը գլխաւոր դատախազն էր Ալիխանովի՞:

Ստանալով «Ռականապատ» - ի գիտակիցների օրհնութիւնը՝ երկու ընկերները անցնում են Դիլիջան, ապա Ղարաքիլիսա, ու խնձորներով լեցուն ճամպրուկի մեջ տեղավորելով ուռմբերն ու ստրճանակները՝ մեկնում են Ալեքսանդրապոլ:

Ալիխանով-Ավարսկու սպանութեան կապակցութեամբ Դրոն պատմել է հետեւյալը. «...Ալեքսանդրապոլում ունէինք Աւոյի հասցէն՝ բանաստեղծ Աւետիք Իսահակյանի, որ ՀԹԴ Քարի (Ալեքսով) կենտր. կոմիտէի անդամ ու ներկայացուցիչ էր:

- Ինչ էք ուզում ինձանից, ինչո՞ւ էք եկել, - հարցրեց նա...

Մենք յանձնեցինք նրան կարմիր կնիքով թուղթը, որ հրահանգում էր «ամէն աջակցութիւն ցոյց տայ» մեզ, եւ պատմեցինք Ալեքսանդրապոլ մեր գալու նպատակը:

Աւոն սարսափահար բացականչեց.

- Ես ոչինչ չեմ կարող անել, հեռացէ՛ք այստեղից, շուտ...

Մարտիրոսը բարկացած ասաց.

- Մի՛նչ թէ հեռացէ՛ք... մենք Դաշնակցութեան գործով ենք եկել...

- Հեռացէ՛ք, կորէ՛ք, ես դաշնակցական չեմ... գործ չունեմ ձեզ հետ: Ռադ եղէ՛ք:

Ես Աւոյին ծանօթ էի, գիտէի նրա վախկոտ բնավորութիւնը: Կէս-լուրջ, կէս-կատակ ասացի նրան.

- Ուրեմն, այդպէս, դաշնակցական չես... նշանակում է՝ սխալուել ենք յայտնելով Ձեզ մեր գաղտնիքը... Յեղափոխական օրէնքով պէտք է այժմ սպանենք Ձեզ, որպէսզի մեզ չմատնէք...

- Կանէ՛ք, կանէ՛ք, շան տղերք, էդ էլ կանէ՛ք, - արտասանեց նա նոյնպէս կէս-լուրջ, կէս-կատակ...

Բայց եւ այնպէս մերժեց մեզ օգնել եւ ջանաց համոզել, որ անմիջապէս հեռանանք... Եւ զամբիւղները մեր ձեռքը տալով՝ ճամփուղերից՝ դուռը պինդ փակելով մեր յետեւից՝²:

Ձրկվելով Իսահակյանի աջակցութիւնից՝ Դրոն եւ Մարտիրոսը առանձին-առանձին շրջում են քաղաքում եւ զգուշորեն տարբեր միջոցներով աշխատում տեղեկութիւններ հավաքել: Նրանց հաջողվում է պարզել, որ Ալիխանով-Ավարսկին պատրաստվում է մեկնել Կարս:

«...Կարճ խորհրդակցութեան մէջ, - շարունակում է Դրոն, - որոշում է անմիջապէս ձեռնարկել գործը: Մարտիրոսը պնդում է, որ ուռմբը ինքը նետէ, Նակաշիձէի վրայ Դրոն էր նետել, ուրեմն այժմ առաջնութիւնը իրեն է պատկանում: Դրոն տեղի է տալիս...

...Փողոցներում իրարանցում, սոււոց, ոստիկանների թոհ ու բռհ... անցորդները շտապում են հեռանալ կողքի փողոցները: Զօրաւարը հպարտ բազմած կառքում եւ խուզարկու աչքերով դիտում է շրջապատը:

Մէկ էլ, ստուերի միջից դուրս է թռչում Մարտիրոս Չարուխչեանը, բացականչում է «առ քեզ» ու ուռմբը շարտում Ալիխանովի գլխին: Ահռելի պայթիւն: Կառքը եւ կառքի միջիները բզիկ-բզիկ են լինում:

Անդին՝ որոտում է Դրոյի մատուցէրը: Ընդհանուր խուճապի մէջ ահաբեկիչներն անհետանում են»¹:

Գեներալ Ալիխանով-Ավարսկու ահաբեկումը երկու տարի առաջ իրականացված Նակաշիձէի սպանութեան նմանութեամբ ցնցող տպավորութիւն է գործում բովանդակ Կովկասում: Ամենքը կարծում էին, որ գեներալի սպանութիւնը, ի պատասխան Գուրիայի արյունալի դեպքերի, վրաց հեղափոխականների գործն է:

Դրոն, օգտվելով տարածված այդ կեղծ լուրերից, անարգել անցնում է Բաքու եւ հաջորդ տարին այնտեղից մեկնում Հայաստան եւ 1908 թ. ամռանը Երեւանում կազմակերպում Երեւանի նահանգի ոստիկանապետ, հայ հեղափոխական գործիչների նկատմամբ թշնամանքով տրամադրված Տեր-Սահակովի սպանութիւնը:

Այս առնչութեամբ ուշագրավ հիշողութիւններ է պատմում Ա.Վրացյանը, որն, ի դեպ, Դրոյի հետ ծանոթացել է Տեր-Սահակովի ահաբեկումից մի քանի օր առաջ, Բաքուում: Ա. Վրացյանը որպէս Պետրոգրադի ուսանողութեան ներկայացուցիչ եկել էր Բաքու՝ մասնակցելու այդ օրերին այնտեղ գումարավոր Հ.Յ.Դաշնակցութեան Ռայոնական ժողովին: Երբ ավարտվում է Ռայոնական ժողովը, Ա.Վրացյանը Երեւան վերադառնալիս երկաթուղային կայարանում

¹ Վրացեան Ա. Սրբկածին Դրոն, էջ 51-52:

² Նույն տեղում, էջ 53-54:

¹ Նույն տեղում:

պատահաբար հանդիպում է Դրոյին եւ երկուսով միասին միեւնույն վագոնով գալիս են Երեւան: Դրոն այդ ժամանակ ստացել էր Երեւան վերադառնալու եւ Տեր-Սահակովին ահաբեկելու հրահանգը, որի մասին նա բնականաբար որեւէ մեկին իրավունք չուներ հայտնելու: Երեւանում հանդիպելով տարբեր մարդկանց, Ս. Վրացյանն, այնուամենայնիվ, նկատում է նրանց եւ Դրոյի գաղտնի ու խորհրդավոր հանդիպումներն ու խոսակցութիւնները:

«Դրոն անհետանում էր չզգիտեմ ուր եւ շարունակում իր խորհրդաւոր կեցուածքը:

... Մի օր էլ Դրոն յայտնեց, թէ պէտք է երթայ Իգդիր ծնողներին տեսնելու: Ես էլ վերջացրել էի Երեւան գործերս եւ պիտի անցնէի էջմիածին: Ծանապարհեցինք միասին...

էջմիածնում բաժանուեցինք: Ես տեղական ընկերների հետ, զբաղուեցի կազմակերպական գործերով: Դրոն, իր ասելով, երեկոյան պիտի հասնէր Իգդիր:

Յետոյ իմացա, որ Իգդիր իմ աչքին թող փչել է եղել: Էջմիածնում ինչ-որ անելիք ունէր եւ անմիջապէս վերադարձել էր Երեւան: Իսկ մի քանի օր անցած՝ Երեւանից ստացուեց ցնցող մի լուր:

Օրը ցերեկին, քաղաքի կենտրոնում, Շահնազարովի դեղատան առջեւ, մայթի վրայ, շանսատակ ընկել էր ոստիկանապէս Տեր-Սահակովը: Ահաբեկիչը ազատ էր:

... Նահանգապետ Տիգենհաուզէնի հաւատարիմ շուներ ամէն տեղ յայտարարում էր, թէ իր ջանքերով այլեւս Երեւանում ոչ մի յեղափոխական չէր մնացել...

Երեւանից մենք բաժանուեցինք: Կուսակցութեան որոշումով հակառակ իր կամքի, Դրոն հեռացաւ Կովկասից»¹:

Յարական իշխանութիւնները դաժան հալածանք են սկսում Հ.Յ.Դաշնակցութեան գործիչների դեմ: Մի՞թե ցարիզմը կարող էր մոռացութեան մատնել Անդրկովկասում իր հայաջինջ քաղաքականութեան տապալման գլխավոր «մեղսագործներին»: Ոստիկանութեան հալածանքներից խուսափելով՝ շատերն անցնում են արտասահման, իսկ Դրոն, օգտվելով Թուրքիայում հուշակված «սահմանադրութեան» իրավունքներից, վաճառական Սուրեն էֆենդի կեղծանունով անցնում է Հին Բայազետ եւ զբաղվում քարյուղի, շաքարի ու ցորենի առևտրով:

Հին Բայազետում կեղծանունով վաճառականութեամբ զբաղվելը նրա համար պարզապէս հուսալի միջոց էր իշխանութիւնների տեսադաշտից թաքցնելու իր բուն գործունեութիւնը:

Համաձայն նրա գործունեութիւնը ներկայացնող Հ.Յ. Դաշնակցութեան Կենտրոնական Արխիվում (ՀՅԴ ԿԱ, ԱՄՆ Բոստոն) վավերագրի՝ Դրոն որպէս բնակչութեան վայր ընտրել է ընտրել Հին Բայազետը Ռոստոմի խորհրդով: Եթե կարողանար որպէս վաճառական հաստատվել Հին Բայազետում, ապա այդ քաղաքից նա վաճառականի անվան տակ կարող էր համեմատաբար ավելի դյուրին ուղիներով կապեր ու հարաբերութիւններ հաստատել Երեւանի նահանգի եւ Վան-Վասպուրականի ՀՅԴ կառույցների հետ: Բացի դրանից, Դրոյի հայրը՝ Մարտիրոս Կանայանը որոշակի կապեր է ունեցել այդ տարածաշրջանում բնակվող ազդեցիկ քրդերի հետ¹:

Այդ նույն վավերագրում հիշատակվում է մի ուշագրավ դեպք, որը պերճախոս վկայութիւնն է նրա անվրեպ նշանառուի վարպետութեան: Հին Բայազետ ուղեւորվելիս, Դրոն նախ գալիս է իր հայրենի Իգդիր եւ մտնում գինետուն ու գինի է պատվիրում: Պարզվում է, որ այդ պահին Դրոյին գաղտագողի հետապնդող ոստիկանութեան գործակալներից մեկը հետեւելով, նույնպէս մտնում է գինետուն ու փորձում անաղմուկ ձերբակալել նրան: Այն պահին, երբ բարձրացնում է գինու բաժակը, նկատում է ատրճանակը ձեռքին, գինետան վերջում դռան մոտ կանգնած անծանոթ տղամարդուն ու անմիջապէս զգում իրեն սպառնացող վտանգը: Ակնթարթորեն հետեւում է վաճառատանի մոտ կանգնած Դրոյի կրակոցը, եւ զլիւից գնդակահարված ոստիկանութեան գործակալը փոխվում է հատակին: Մինչ քաղաքի ոստիկանութիւնը կտեղեկանար կատարվածի մասին եւ կփորձեր որոնել ու գտնել իր գործակալի գնդակահարողին, Դրոն արագավազ նժույգով արագորեն հեռանում է Իգդիրից ու արդեն մոտենում է Հին Բայազետին²:

Հաստատվելով Հին Բայազետում՝ նա նորհիվ իր հնարագիտութեան եւ ձեռքերեցութեան կարճ ժամանակահատվածում կարողանում է մեծ հեղինակութիւն ձեռք բերել առևտրականների եւ անգամ թուրք պաշտոնյաների ու քուրդ ցեղապետների շրջանում:

Մի փոքրիկ հատված Ավ. Ահարոնյանի կողմից Դրոյին նվիրված բնութագրից. «Հազիւ միջահասակ, կուռ ու թիկնեղ կազմուածքով,

¹ Տե՛ս ԳՅԴ ԿԱ, քժ. 142, գ18, էջ 1-2:

² Տե՛ս Ուլյն տեղում, էջ 2:

առնական գեղեցիկ գրույթը Հաստատորէն նստած կարճ պարանոցին, շատ մեղմ, գրեթէ նուրբ դիմագծերով այդ երիտասարդը ամբողջապէս իր զոյգ աչքերի մէջ է: Նրանք խորունկ են, իմացական եւ ուժեղ. իր հայեացքը դիւթիչ զօրութիւն ունի անգամ իր հանգստութեան մէջ եւ երբ մոռցւում է, յօնքերը կիտում եւ նուրբ շրթունքները ջղայնօրէն կծկում, այդ փոքրիկ մարդը դառնում է մի ահաւոր ու սաստկացող հսկայ: Իր ցատուձի տարերային պոռթկումը միշտ վտանգաւոր է վասն զի երբէք առանց հետեւանք չի անցնի:

Մասնաւոր կամ մտերմական յարաբերութիւնների մէջ եւ նամանաւանդ ընկերական շրջանում անուշ, քաղցրախօս, կատակասեր էր: Նա խստասիրտ է ու անողորմ ստանձնած գործի պարտականութեան ճամբին: Անզիջող ու անվարան, յամառ եւ հետեւողական, նա դադար չի առնի մինչեւ չիրագործի թէկուզ եւ ամենաւտանգաւոր եւ մահառիթմ ձեռնարկը: Ոչ մի արգելք կարող է նրան իր գծած ուղուց շեղել»¹:

Հին Բայագետում ապրած տարիների ընթացքում ցարական ոստիկանութեան հետապնդումներից հալածված Դրոյի մոտ են հանգրվանել նրա մարտական ընկերներից շատերը: Իսկ զինակիցների նկատմամբ նրա դրսեւորած վերաբերմունքը բացառիկ էր: Ձի եղել մեկը, որը չարժանանար նրա հոգատար վերաբերմունքին:

Անդրադառնալով Հին Բայագետում Դրոյի գործունեութեան, նրա ունեցած հեղինակութեան ու դիրքի գնահատմանը՝ Յապոնը (Հովհաննես Պարոնյան, Զանգեզուրյան ինքնապաշտպանական կռիւների Դրոյի մարտական զինակիցներից, որը նույնպես ցարական ոստիկանութեան հետապնդումներից խուսափելով՝ ապաստանել էր նրա մոտ - Ղ.Գ.) վերհիշում է. «Դրօն, որ մինչեւ իմ գնալս արդէն բաւական անուն ու ազդեցութիւն էր ձեռք բերել, այդ տարիների ընթացքում աւելի առաջացաւ ու այդ շրջանի բոլոր պաշտօնեանները, գիւղապետերն ու շուկայի մարդիկ ճանաչում եւ հաշուի էին առնում Սուրէն էֆենտիին: Իսկ մենք մեր այդ ազդեցութիւնը աշխատում էինք գործի դնել մէկ կողմից օգտակար լինելու համար մեր ցեղակիցներին, որտեղ ու ինչով կարող էինք, եւ միւս կողմից էլ տաճիկ անպարկեշտ պաշտօնէութեան առաջ պաշտպանելու հայ եւ թուրք գիւղացիների արդար գանգատը»²:

Հին Բայագետում նրա ծավալած արգասաբեր գործունեութեան իսկութիւնը վկայում է նաեւ Երեւանի ուսական գիմնազիայի

Դրոյի դասընկեր, «Բորեաս» մարտական խմբի անդամ Տիգրան Դեւոյանը:

«Դրօն, գրում է Տ. Դեւոյանը, - Հին Բայագետում կարողացել էր Հաստատել մեծ կապեր կառավարական բարձր պաշտօնեանների հետ: Նրա տունը ամէն օր լիքն էր հիւրերով, եւ ամէն մէկը արժանանում էր Դրոյի յատուկ ուշադրութեան եւ հիւրասիրութեան: Նա դարձել էր քիւրդերի կնքահայրը:

Երեւանի բանտից երբ ես փախայ եւ անցայ Դրոյի մօտ Հին Բայագետ, ինձ օգնեցին սահմանն անցնելու մի քիւրդ ցեղապետ եւ մի հայ: Երբ սահմանը անցանք եւ ցեղապետը իմացաւ, որ ես Սուրէն էֆենտիի ընկերն եմ, տարաւ իր վրանը հիւր, ոչխար մորթել տուեց եւ յետոյ ինքը տարավ ինձ յանձնեց Սուրէն էֆենտիին»³:

Համաձայն Տ. Դեւոյանի վկայութեան, նրանց հաջորդ հանդիպումը կայացել է տարիներ անց, Պարսկական հեղափոխութեան պարտութիւններից անմիջապէս հետո, Ախթամար կղզում, Բարեկենդանի օրը: Այդ օրը Ախթամարի վանքում հավաքվածների մեջ բացի Դրոյից ու Տ. Դեւոյանից, եղել են նաեւ Նիկոլ Դումանը, որը նոր էր վերադարձել Պարսկաստանից ու Գալուստ Ալոյանը: Ախթամարի վանքում կայացած հանդիպումից հետո նրանք երկուսով վերադառնում են Հին Բայագետ:

«Ճանապարհին, - գրում է Տ. Դեւոյանը, - ես առիթ ունեցայ տեսնելու, թէ Խնչ մեծարանքով քիւրդերը ամէն տեղ ընդունում էին Դրոյին: Ամէն տեղ ոչխար էին մորթում: Գիշերեցինք Իբրահիմ աղայի տանը: Առաւօտեան մօտ քսան զինուած քիւրդերով նա մեզ ճանապարհ դրեց մինչեւ Թափարիզի լեռնանցքը»²:

Դրոն գործուն կերպով մասնակցել է Բայագետի հայ բնակչու-թեան կյանքում տեղի ունեցող գրեթե բոլոր նշանակալի իրադարձութիւններին:

«Դրօն, - վկայում է Ս. Վրացյանը, - ջանք եւ նիւթական միջոցներ չէր խնայում եւ մշակութային գործերի համար. զարգ տալ կրթական գործին, տարածել հայերէն գրքեր, խրախուսել մշակութային ձեռնարկները...

Դերասան Յ. Զարիֆեանը պատմում էր, որ ինքը կազմակերպել է առաջին հայերէն ներկայացումը Հին Բայագետում, Դրոյի տանը, Դրոյի նիւթական եւ բարոյական քաջալերութեամբ: Նա ասում էր.

¹ «Ալիք» բացառիկ, 1956, մայիս, էջ 42:

² «Ղայրեմիք» ամսագիր, 1957, թիւ 6, էջ 160:

¹ «Ղայրեմիք» ամսագիր, 1957, թիւ 9, էջ 13:

² Նույն տեղում, էջ 14:

- Դրոյին պետք է համարել Հին Բայազէտի հայ թատրոնի հիմնադիրը...»¹:

Հին Բայազետում Դրոյի ծավալած գործունեության հաջողությունը իր նամակներից մեկում հաստատում է նաև Ռոստոմը:

«Դրօն,- նշում է Ռոստոմը,- Բայազէտ է. մեծ վաճառական է դարձել: Լաւ գործ է կատարում»²:

Թեպետ Հին Բայազետում ապրած տարիներին, նա վաճառականությունից զատ գործուն մասնակցություն է ունեցել քաղաքի մշակութային կյանքի եւ այլ ոլորտներում կատարվող իրադարձություններին, այնուամենայնիվ, նրա գործունեության հիմնական ուղեները զենք ու զինամթերքի տեղափոխությունն էր Արեւմտյան Հայաստան, առավելապես Վան-Վասպուրական:

Ակած 1908 թվականից, Հ.Յ.Դաշնակցության Երեւանի, Թիֆլիսի, ՀԹԴ Բաքվի կենտրոնական կոմիտեների հեղափոխական գործիչները կապը Երկրի, մասնավորապես Վասպուրականի, Տարոնի, Բիթլիսի եւ Շատախի հետ իրականացնում էին նաև Դրոյի միջոցով:

Վաճառական Սուրենն էֆենդին գաղտնի ուղիներով սերտ կապեր է հաստատում Ռոստոմի, Արամի եւ Իշխանի հետ:

Ինչպես հայտնի է 1905-1906 թթ. Անդրկովկասում ծավալված հայ-թուրքական ընդհարումներից հետո ցարական իշխանությունները դաժան հալածանքներ ու բռնություններ սկսեցին իրականացնել Հ. Յ. Դաշնակցության ու նրան համագործակցող անձանց նկատմամբ: Ցարական ոստիկանությունը հակապետական գործունեության շինծու մեղադրանքով ոչ միայն աքսորավայրերն էր ուղարկում հարյուրավոր դաշնակցականների, այլև իր գործակալների միջոցով աշխատում էր բացահայտել ու բռնագրավել ՀԹԴ զինապահեստները: Այդ ժամանակահատվածում Դաշնակցության առջև ծառայած ռազմավարական կարեւորագույն խնդիրներից մեկը Անդրկովկասի տարբեր վայրերում գտնվող զինապահեստներում ամբարված զենք ու զինամթերքի փոխադրումն էր Արեւմտահայաստան: Զենքերի տեղափոխման գործունեություններից մեկը շնորհիվ Դրոյի անցնում էր Հին Բայազետով:

ՀԹԴ զինապահեստների, եթե կարելի է այդպես անվանել, գլխավոր պահեստապետ-պատասխանատուն եղել է Նիկոլ Դումանը եւ նա է կազմավորել Երկիր տեղափոխվող զենք ու զինամթերքի առաքման գործը:

Իր Մեծն ուսուցչից՝ Նիկոլ Դումանից եւ միաժամանակ անձնական միջոցներով ձեռք բերած զենքն ու զինամթերքի տեղափոխության գործը հաջողությամբ կենսագործելու համար, Դրոն «...կազմակերպել էր կայարանները, գործի դրել երիտասարդ կամ հին փորձուած հայդուկներ եւ անձամբ հետեւում էր նրանց գործունեության: Պարբերաբար զեկուցումներ էր ուղարկում Կարին, Հայաստանի Բիւրոյի հատուածին, Ռոստոմի միջոցով: Ամէն անգամ, զեկուցում ստանալիս, Ռոստոմը սիրով խոսում էր Դրոյի մասին, որին շատ բարձր էր գնահատում»¹:

Քարյուղի, շաքարի բեռների միջոցով Դրոն կազմակերպում է զենքի ու զինամթերքի առաքումը Վանի եւ Լեռնապարի շրջանների Հ.Յ. Դաշնակցության կոմիտեներին: Ահա մի հատված Կովկասից Արեւմտահայաստան զենք ու զինամթերք տեղափոխելու գործողության մասնակից խմբապետ Ասլանի (Ասլան Ստեփանյան) հուշերից.

«Սուրէնը նոյն ինքը Դրօն էր, որ յատուկ գործերով հաստատուել էր Բայազէտում, ծպտուած՝ իբրև նաւթի ու շաքարի առեւտրական, Սուրէն ծածկանունով: Սուրէնն ամբողջ երեք օր մեզ պահեց իր մօտ, անհրաժեշտ ցուցմունքներ տուեց եւ մեր տարած զէնքերը գետեղելով շաքարի հակերի մէջ, իր յօթ ընկերների հետ ճամբու դրեց Վան՝ ինձ պահելով իր մօտ...»

...Հանգստիս» տասներորդ օրը լրացել էր, երբ Սուրէնն ինձ ուղարկեց Իգդիր, ասելով.

- Դէ գնա, հերիք է հանգստացար, զէնքերն արդէն պատրաստ են Իգդիրից Բայազէտ եւ ապա Վան փոխադրելու համար:

1912 թ. մայիս -1914 թ. մայիս, Սուրէնի մօտ մնացի, Իգդիր-Բայազէտ գծով դէպի Վան կուսակցական զէնք ու ռազմամթերք փոխադրելու գործի մէջ»²:

Նրա գործունեության Բայազետյան շրջանը ներկայացնող փաստաթղթերն ու վկայությունները մատնանշում են, որ նա, Հին Բայազետում ապրած տարիներին, իրեն դրսեւորել է որպես շնորհալի, տաղանդավոր առեւտրական: Աստիճանաբար ընդլայնելով գործունեության շրջանակները, նա կարողացել է սերտ կապեր հաստատել նահանգի բարձրաստիճան պաշտոնյաների, քուրդ ցեղապետների եւ բազմաթիվ առեւտրականների հետ: Շնորհիվ իր գործարարության եւ հաստատած կապերի, նա կարողանում է առավել հեշտությամբ

¹ Վրացեան Ա., Կեանքի ուղիներով, հ. 7, 1965, էջ 160-161:
² Ռոստոմ, 1979, էջ 188:

¹ Վրացեան Ա., Սրբկածին Դրոն, էջ 72:
² «Ալիք», բացառիկ, 1956, մայիսի 4, էջ 76-77:

եւ արդյունավետութեամբ մեծ քանակութեամբ ապրանք տեղափոխել իր ուզած վայրերը, մասնավորապես Վասպուրական:

«Այդ ընթացքում,- գրում է, - խմբապետ Ասլանը, - այնքան էի մտերմացել նրա ընտանիքի հետ, որ ամեն անգամ Իզդիր հանդիպելիս, Դրոյի հայրը՝ Կակօն ասում էր.

- Այ տղայ, ախր էն մեր տղան ինձ ի՞նչի մի երկու տող չի գրում:

Դրոյի քրոջ ամուսինը՝ Հայրապետ Լալաեանը հարցնում էր.

- Անվերջ ապրանք է ուզում, էդքան ապրանքը սպառո՞ւմ է՝:

Տվյալ ժամանակահատվածում Դրոյի գործունեությունը գլխավորապես ուղղված էր զենքերի տեղափոխման իրագործմանն ու Արեւմտահայաստանի ինքնապաշտպանության կազմակերպմանը: Վաճառական Սուրեն էֆենդու ապրանքների պարկերով Վան եւ Լեռնապարի շրջան տեղափոխվող զենքն ու զինամթերքը ծառայելու էր հենց այդ նպատակին:

Հ.Յ.Դաշնակցությունը նույնիսկ երիտթուրքերի սահմանադրության հռչակումից հետո իր գործունեության տեսադաշտից որոշակիորեն պահպանել է հայության ինքնապաշտպանությունը կազմակերպելու կարեւորագույն խնդիրը: Այս առումով ուշագրավ է Ռոստոմի 1914 թ. ապրիլի 2-ին թվագրված նամակը՝ հասցեագրված Ս. Վրացյանին. «... Դուք՝ ամերիկացիներդ ի գուր էք կարծում, թէ մենք խրուել ենք դպրոցական գործի մէջ եւ ինքնապաշտպանութեան համար ոչինչ չենք անում: Բացարձակ կերպով սխալ է այդ: Դպրոցը՝ իր հերթին, բայց մեր գլխաւոր մտահոգութիւնը ժողովրդի ֆիզիքական գոյութեան պահպանութիւնն է: Գիտես՝ ինչ օրեր ենք ապրում: Պոլսեցիք տարուած են բարենորոգումների յուսով եւ պարլամենտարիզմով: Երանի հաւատացելոց: Այդ բոլորը լաւ, բայց մեր յոյսը պէտք է մեր վրայ դնենք: Ամերիկայի ընկերները թող վստահ լինեն, որ մենք էլ իրենց պէս ենք մտածում եւ եթէ կարող են ինքնապաշտպանութեան գործին օգնել, թող փող չխնայեն: Դրօն Բայազէդում, Արամը Վանում, Փիլոսը եւ մենք մի քանի ընկերները այդ գործին են լծուած: Ցաւալին այն է, որ միջոցները պակաս են, մեր հարուստները գրպանները պինդ փակել են, իսկ աղքատ ժողովուրդը ինչ կարող է անել: Հայ հարուստը հոգին կը տայ, բայց փող չի տայ. չեն մտածում, որ վաղը թշնամին հոգին էլ կանչէ, փողն էլ»¹:

¹ Նույն տեղում:
² «Ռոստոմ», 1979, էջ 188:

Դրոն Հին Բայազետում մնում է մինչեւ առաջին աշխարհամարտի բռնկումը: Նա Հայոց ազատամարտի այն եզակի գործիչներից է, որը շնորհիվ իր ձեռներեցության եւ թուրք պաշտոնյաների ու քուրդ ցեղապետերի շրջանում ունեցած հարգանքի եւ հեղինակության, մինչեւ առաջին աշխարհամարտը որեւէ հալածանքի չի ենթարկվել իշխանութունների կողմից: Իսկ մինչ այդ, հատկապես 1912 թ. բռնկված թուրք-բուլղարական պատերազմի հետեւանքով թուրք իշխանութունները պատրվակ ծառայացնելով Անդրանիկի ու Գարեգին Նժդեհի գլխավորությամբ բուլղարական բանակի կազմում իրնց զորքերի դեմ կռվող ընդամենը 270 զինվորներից բաղկացած մարտախմբի առկայության փոստը, ավելի են ուժեղացնում վերահսկողությունը հանրահայտ գործիչների նկատմամբ: Այդ կարգավիճակը թեպետ Դրոյին չի վերաբերվում, սակայն պատերազմի նախօրեին նկատելիորեն փոխվում է իշխանութունների վերաբերմունքը նաեւ նրա նկատմամբ:

«...Բերկրիի մէջ, - գրում է Վ. Փափագյանը (Կոմս), - հանդիպեցայ Հայաստանցի պետերէն Մէհմէտ Սատրղ՝ մեր վաղեմի եւ հաւատարիմ բարեկամին, ըսաւ թէ կառաւարութիւնը գաղտնի հրահանգ է տուած սպանելու «Սուրեն էֆենդին»¹:

Վ.Փափագյանը Հին Բայազետում Դրոյին հյուրընկալվելիս, որպես պաշտոնական անձ(Վ. Փափագյանը թուրքական պառլամենտի (Մեջլիս) անդամ էր-Հ.Գ.) այցելել է նաեւ գավառապետին(գայմագամ), որի հետ, ի թիվս մի շարք հարցերի, գայմագամը հետաքրքրվել է նաեւ Դրոյով:

«...գիտեր, որ Դրոյի քով եմ իջած ու նենգ արտահայտութեամբ մը հարցուց, որ՝ շատո՞նց է կը ճանչնայի «Սուրեն էֆենդին»: Ըսի, թէ Կովկասի յայտնի առեւտրականներէն է եւ օգտակար կրնայ լինել այս շրջաններուն: «Այո, պատասխանեց նա քմծիծաղով մը, վաճառական ըլլալու համար դեռ շատ ջահել է»²:

Գավառի թուրք պաշտոնյաների ու սպանների կողմից իր նկատմամբ դրսեւորած բարյացակամ վերաբերմունքի կտրուկ փոփոխությունը չէր կարող վրիպել նրա ուշադրությունից:

Այդ ժամանակ Կովկասում արդեն ծավալվում էր կամավորական շարժումը, որի մասին Դրոյին, ըստ Յապոնի, նրան նամակով տեղեկացրել էր Աբրահամ Գյուլխանդանյանը:

¹ Փափագեան Վ., Իմ յուշերը, հ. 2, Պէյրուք, 1952, էջ 285-286:
² Նույն տեղում:

Միաժամանակ Ա. Գյուլիսանդանյանը հայտնում է, որ «...ամէն հնար գործ դնենք թիֆլիս գալու, ուր հայ կամաւորակամ խմբեր էին կազմուում, եւ կառավարութիւնը ներում էր խոստանում բոլոր նրանց, որոնք կը համաձայնէին մտնելու այդ խմբերի մէջ: Որքան էլ գրողը մեզ լաւ ծանօթ էր, այնուամենայնիւ, ոչ մի քայլ առինք, մինչեւ որ ստացանք երկրորդ նամակը, նոյն բովանդակութեամբ: Այստեղ արդէն որոշեցինք, որ Դրօն անմիջապէս անցնի թիֆլիս...»¹:

Համաձայն Ս. Վրացյանի հավաստման, մի թուրք սպայից տեղեկանալով իրեն սպառնացող վտանգի մասին, Դրօն վաղօրոք իր ընտանիքը փոխադրում է Կովկաս, ապա հնարամտորեն կարողանում է մոլորեցնել թուրք պաշտոնյաներին, նժույզին նստած հանգիստ դուրս գալ քաղաքից եւ իր բարեկամ քրդերի աջակցութեամբ անվտանգ հասնում Իգդիր²:

Յապոնի տեղկացմամբ՝ «Գնալուց առաջ նա այցելեց Բայազէտի միւթասարէֆին(քաղաքագլուխ) ու ասաց, որ որոշել է մի շաքաթով անցնել թիֆլիս եւ Կովկասի ու առհասարակ Ռուսաստանի մասին ճշգրիտ տեղեկութիւններ հաւաքել ու վերադառնալ Բայազէտ:

Միւթասարէֆը, ինչ ասել կուզի, հաւատացել էր եւ շատ հաւանել Դրոյի մտքին:

Անցէք թիֆլիս, Սուրէն էֆենդի,- ասել էր նա,-ամէն ինչ իմացէք, մանաւանդ էդ գալու՞մ ուսաների մասին, նրանց մտմտուքի, ծրագիրների մասին ու էլ յետ դարձէք...Այստեղ գործ շատ կուսենանք, Պոլսից հրահանգներ ունենք...

Միւս օրը Դրօն ճանապարհուեց թիֆլիս»³:

ԳԼՈՒԽ ԵՐԿՐՈՐԴ

ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԸ:
ԿԱՄԱՎՈՐԱԿԱՆ ԵԱՐԺՈՒՄ, ԴՐՈՆ ՀԱՅԿԱԿԱՆ Զ-Դ
ԿԱՄԱՎՈՐԱԿԱՆ ԶՈՐԱԽՄԲԻ ՀՐԱՄԱՆԱՏԱՐ

2. 1. Զ-Դ ԿԱՄԱՎՈՐԱԿԱՆ ԱՌԱՋԻՆ ԱՐՇԱՎԱՆՔԸ, ԿԱՎՐԵ - ԵԱՄԵՒ ԿՈՒՎԸ

Բռնկվում է առաջին համաշխարհային պատերազմը, եւ Դրօն հաջողութեամբ ազատվելով Հին Բայազետում իրեն սպառնացող անխուսափելի կործանումից, գալիս է իր հայրենի Իգդիր, ապա թիֆլիս, ուր այդ օրերին հայրենիքի ազատագրութեան բուռն ձգտումներով համակված՝ կենտրոնանում էին Հայոց ազատամարտի բովում թրծված բազում համբավվոր ռազմիկներ:

Գալիք ռուս-թուրքական պատերազմը եւ համայն Ռուսիայի տիրակալ Նիկոլայ 2-ի ու Կովկասի փոխարքա Վորոնցով-Դաշկովի «Հայաստանն ազատագրելու» խոստումները հայութեան շրջանում արդեն պարարտ հող էին նախապատրաստել կամավորական շարժման ծավալման համար:

Հայկական կամավորական շարժման, զորախմբերի կազմավորման եւ ընդդեմ Օսմանյան կայսրութեան նրանց մասնակցութեան վերաբերյալ հայ պատմագիտութեան մեջ եղել են եւ մինչեւ օրս զարգացվում են ոչ միանշանակ, երբեմն իրարամերձ տեսակետներ:

Ո՞վ էր կամավորական շարժման նախաձեռնողն ու կազմակերպիչը: Եթե հայ ազգային-քաղաքական կազմակերպութեւններից ամենահզորն ու հեղինակավորը Հ. Յ. Դաշնակցութեւնն էր, բնականաբար այդ առաքելութեւնն առավելապէս պիտի վերագրել նրան: Բայց արդյոք դա՞ է ճամրտութեւնը եւ որքանո՞վ է այն համապատասխանում իրականութեանը:

Բռնկվելու էր իր ընդգրկումներով ու ուժգնութեամբ նախադեպը չունեցող պատերազմ: Հարց է ծագում. ինչպիսի՞ն պիտի լիներ հայ ժողովրդի կողմնորոշումն ու վերաբերմունքը, նրա ազատագրական պայքարի ղեկն ստանձնած ՀԹԴ դիրքորոշումը, ռազմավարութեւնն ու մարտավարութեւնը պատերազմի բռնկման պարագայում:

Որեւէ գաղտնիք լինել չէր կարող. քանի որ Ռուսաստանն ու թուրքիան ընդգրկված էին երկու թշնամի, հակոտնյա ռազմաքաղաքական խմբավորումների՝ Անտանտայի ու Գերմանիայի գլխա-

¹ «Հայրենիք» ամսագիր, 1941, մայիս, էջ 169:

² Վրացեան Ս., Սրրկածին Դրոն, էջ 74-75:

³ Համլետ Գեւորգյան, Յապոնի(Յովհաննես Պարոնյան) գործը եւ հուշերը, Երևան, 2012, էջ 181-182:

վորած եռյակ միութեան կազմում, ապա պատերազմի բռնկման պարագայում Ռուսաստանի եւ Թուրքիայի միջեւ ծավալվող պատերազմական գործողություններն անտարակույս ընթանալու էին Կովկասյան ռազմաճակատում, իսկ դա նշանակում է, որն կռիվները տեղի էին ունենալու նաեւ Արեւմտյան Հայաստանի ու Հայաբնակ բազմաթիվ այլ բնակավայրերի տարածքներում:

Բնական է, որ պատրաստվելով պատերազմի, հակամարտող կողմերը՝ Ռուսաստանն ու Թուրքիան առաջնորդվելով իրենց ռազմական եւ աշարհաքաղաքական շահերով, պիտի հետամուտ լինեին շահել Հայութեան ու նրան առաջնորդող ազգային-քաղաքական կուսակցությունների աջակցությունը:

Ինչպիսին պիտի լիներ Հայութեան ու Հայ ազգային-քաղաքական կուսակցությունների կողմնորոշումն ու վերաբերմունքը պատերազմող կողմերի, այն է՝ Ռուսաստանի եւ Թուրքիայի նկատմամբ:

Վաղ թե ուշ բռնկվելու էր պատերազմն ու Հայութեանն անխուսափելիորեն կանգնելու էր երկընտրանքի առջեւ. ի՞նչ էր անելու Հայ երիտասարդությունը, պիտի զորակոչվեր օսմանյան բանակ, թե՞ խուսափեր ծառայությունից:

Առաջին աշխարհամարտի նախօրեին՝ 1914 թ. Հուլիսին էրզրումում կայանում է ՀՅԴ Հերթական Ցրդ Ընդհանուր ժողովը, որը պիտի քննարկեր ու իր հաստակ դիրքորոշումն արտահայտեր այդ խնդիրների նկատմամբ:

Ընդհանուր ժողովում ի թիվս մի շարք որոշումների, որոնք վերաբերում էին Թուրքիայի, այն է՝ երիտթուրք կառավարության հետ շարունակվող հարաբերություններին, Արեւմտյան Հայաստանում իրականացվող ռեֆորմներին ու բարենորոգումներին, ազգային հաստատությունների ձեւավորման, ընդունվում է նաեւ համապատասխան որոշում զինվորական ծառայության վերաբերյալ¹:

Այդ հարցի կապակցությամբ ժողովը ընդունում է «...յուրաքանչյուրը պարտավոր է կատարել իր քաղաքացիական պարտքը պետության հանդեպ»²:

Համաձայն այդ որոշման, պատերազմի դեպքում Հայութունը պիտի պահպաներ չեզոքություն: Օսմանյան կայսրության հպատակ, նրա քաղաքացին համարվող հայը պիտի զորակոչվեր ու ծառայեր թուրքական բանակում, իսկ ցարական կայսրության հայ քաղաքացին՝ ռուսական բանակում:

Կարելի է ասել, որ պատմական հիշյալ ժամանակահատվածում այդ որոշումը թերեւս, միակ հնարավոր իրատեսական որոշումն էր՝ պայմանավորված հայ ժողովրդի ու նրան առաջնորդող կազմակերպությունների իրական կացությամբ ու հնարավորությամբ, որը բացառում էր կողմնորոշումը դեպի Ռուսաստան կամ Թուրքիա:

Ժողովի մասնակիցներից թերեւս միակը եղել է Ռուբեն Տեր-Մինասյանը, որն արտահայտել է յուրահատուկ ու բոլորի համար խիստ տարօրինակ ու անսպասելի առաջարկություն:

Ս. Վրացյանի վկայությամբ՝ «Ռուբեն Տէր-Մինասեանը, Տարօնի ներկայացուցիչ, առաջարկեց կամաւորական խումբեր կազմել թուրք բանակի կողքին ռուսների դէմ, բայց այդ միտքը այնքան տարօրինակ թուաց, որ նոյնիսկ քուէարկութեան չզրուեց»³:

Ընդհանուր ժողովն արդեն ավարտվել էր, երբ էրզրում են ժամանում երիտթուրքական կուսակցության ազդեցիկ գործիչներ Բեհադդին Շաքիրի ու Նաջի բեյի գլխավորած թուրք կառավարության պատվիրակությունը՝ բանակցելու ժողովի մասնակիցների հետ: Քանի որ Ընդհանուր ժողովն արդեն ավարտվել էր, թուրք պատվիրակները բանակցում են ՀՅԴ բյուրոյի ներկայացուցիչներ Ռոստոմի եւ Վուսմանի հետ:

Երիտթուրքերի ներկայացուցիչներն անթաքույց տեղեկացնում են, որ Թուրքիան պատերազմելու է Ռուսաստանի դեմ եւ առաջարկում են, որ Դաշնակցությունը կովկասյան մյուս ազգութիւնների համագործակցությամբ ռուսական բանակի թիկունքում ապստամբություն բարձրացնի եւ կազմակերպի կամավորական խմբեր ու օգնի թուրքական բանակին: Թուրքական կողմը խոստանում էր, որ եթե հայերը ընդունեն իրենց առաջադրած պայմանները, ապա պատերազմի հաղթական ավարտի դեպքում Թուրքիայի հովանու ներքո կստեղծեն ինքնավար Հայաստան²:

Կ. Սասունու բնութագրմամբ՝ «Թուրքերը կուզէին, որ մենք ապստամբինք Արարատեան Հայաստանի մէջ, գործենք ռուսական բանակի կրճնակին, բացի օրինական զինուորներէ, կամաւորական գունդեր կազմակերպենք...»³:

Հ.Յ. Դաշնակցությունը, ինչպես արդեն նշվել է, Ցրդ Ընդհանուր ժողովում զինվորական ծառայության մասին ընդունել էր համա-

¹ Վրացյան Ս., Կեանքի ուղիներով, Գ. Գ, Պէյուք, 1963, էջ 9:

² Նույն տեսչում, էջ 10:

³ Սասունի Կ., Տաճկահայաստանը ռուսական տիրապետութեան տակ (1914-1918), էջ 22:

¹ Տե՛ս ՀԱՍ, ֆ. 1457, ց. 1, գ. 88, ք. 1-4:

² Նույն տեղում, ք. 4:

պատասխան որոշում եւ հիմք ընդունելով Հենց այդ որոշումը՝ փորձել է թուրքական կողմին համոզել, որ «Թուրքիան պատերազմին չմասնակցի, մնա չէզոք, որ թուրքերի վարած հակահայ քաղաքականութեան հետեւանքով հնարաւոր չէ կովկասում առաջ բերել որեւէ շարժում ի նպաստ Թուրքիայի, որ պատերազմի դեպքում հայ ժողովուրդը կը մնա օրինապահ եւ կը կատարէ իր քաղաքացիական բոլոր պարտականութիւնները...»¹:

Երիտթուրքերի ներկայացուցիչներին, բնական է, որ չէր կարող բավարարել հայկական կողմի ներկայացրած առաջարկութիւնն ու խոստումները եւ դրանով բանակցութիւններն ավարտվում են անարդյունք:

Չնայած այն հանգամանքին, որ Դաշնակցութիւնն ընդամենը օրեր առաջ տեղի ունեցած Ընդհանուր ժողովում ընդունել էր չեզոքութիւն պահպանելու եւ կամավորական շարժում ծավալելուց զերծ մնալու որոշում, այնուամենայնիվ, ձեռնամուխ է լինում ռուսական բանակի կազմում կամավորական զորախմբերի կազմակերպմանը:

Ինչն էլ եւ ի՞նչ հանգամանքների թելադրանքով Լ. Յ. Դաշնակցութիւնը հրաժարվեց պատերազմի բռնկման դեպքում չեզոքութիւն պահպանելու որոշումից եւ իր ձեռքը վերցրեց կամավորական զորախմբեր կազմակերպելու ու առաջնորդելու դերը:

Այս առումով բավական ուշագրավ են Հայաստանի Հանրապետութեան առաջին վարչապետ Հովհաննես Քաջազնունու դատողութիւնները, որոնք ինչ-որ չափով կարող են լույս սփռել կամավորական շարժման ճիշտ արժեւորման վրա:

«Պարապ բան կը լինէր,-գտնում է Հովհ. Քաջազնունին,- հարց դնել այսօր, թէ պէտք է արդեօք ասպարէզ գային մեր կամաւորները: Պատմական երեւոյթները ունեն իրենց սեփական ու անխորտակ տրամաբանութիւնը: 1914 թուականի աշնան հայ կամաւորական խմբերը կազմուեցին եւ կռուեցին թուրքերի դէմ, որովհետեւ չէին կարող չկռուել ու չկազմուել, սա բնական ու անխուսափելի հետեւանք էր մի հոգեբանութեան, որով սնուել էր հայ ժողովուրդը առնուազն մի քառորդ դար, մի ամբողջ սերունդ, այդ հոգեբանութիւնը պէտք է գտնէր իր արտայայտութիւնը եւ գտաւ:

Եւ Դաշնակցութիւնը չէր, որ պիտի կասեցնէր շարժումը, եթէ նոյնիսկ ցանկանար: Նա կարող էր եղած տրամադրութիւնը, ընթացք ու ելք տալ կուտակուած ցանկութիւններին, յոյսերին ու

յոյգերին, կազմակերպել պատրաստի ոյժը - այդքան կարողութիւն ու հեղինակութիւն ունէր: Բայց հակառակել հոսանքին ու իր սեփական գիծը տանել անընդունակ էր, թէկուզ այն միակ պատճառով, որ Դաշնակցութիւնը ինքը՝ մասսա է, բնագոյով ուժեղ, բայց գիտակցութեամբ թոյլ»¹:

Պիտի նկատել, որ Հովհ. Քաջազնունին հայ ազգային-քաղաքական այն եզակի գործիչներից էր, որոնք զգաստանալով ու մտավախութիւնը հայտնելով կամավորական շարժման հետեւանքով հայութեանը սպառնացող ահապոր հետեւանքներից, համաձայն չէին դրա ծավալմանն ու կազմակերպմանը:

Անդրադառնալով կամավորական շարժման ծավալման պատճառներին՝ Հայոց Ազգային Բյուրոյի կամավորական զորախմբերի շտաբի (Կարգադրիչ մարմին) պետ Նիկոլ Աղբալյանը 1917 թ. սեպտեմբեր, հոկտեմբեր ամիսներին թիֆլիսում կայացած Հայոց Ազգային Համախորհրդակցութիւնում ասել է. « Կամավորական շարժման մասին դատավճիռը կարճակի ապագա հայ պատմագիրը: Իսկ մենք, որպես ականատեսներ, կարող ենք մտքեր բանացնել այդ շարժման մասին եւ ցոյց տալ մեր վերաբերմունքը: Երբ ակնհայտ դարձավ, որ Թուրքիան էլ, որպես հակառակորդ մեր դաշնակիցներին, կովի է դուրս գալիս, այդ ժամանակ ինքնաբերաբար շարժում սկսվեց հայկական բոլոր խավերում: Կամավորներ երեւացին անգլիական եւ ֆրանսիական բանակներում: Կամավորական հոսանք սկսվեց նաեւ դեպի ռուսական բանակը: Այդ ցրիվ, անկազմակերպ շարժմանը որոշ ձեւ եւ ուղղութիւն տալու համար ծնվեց համապատասխան ազգային մարմին (նկատի ունի Հայոց Ազգային Բյուրոյի կազմում ստեղծված կամավորական գնդերի շտաբը՝ Կարգադրիչ մարմին, որի պետը ինքն էր, իսկ օգնականը՝ Սիմոն Վրացյանը - Լ. Գ.), որ իր ձեռքն առավ հայ կամավորական շարժման ղեկավարութիւնը»²:

Տարիներ շարունակ թուրքական իշխանութիւնները հայ ժողովրդի նկատմամբ գործադրած իրենց դժոխային քաղաքականութեամբ ատելութեան եւ պայքարի այնպիսի շիկացած տրամադրութիւններ էին սերմանել, որոնք կարող էին ժայթքել առաջին իսկ հնարավորութեան դեպքում: Ռուսական իշխանութիւններն, անշուշտ, քաջատեղյակ լինելով հայ-թուրք փոխհարաբերութիւններին,

¹ Քաջազնունի Յովհ., Գ.Յ. Դաշնակցութիւնը անելիք չունի այլեւս, 1923, Ալեքսանդրիա, էջ 7-8:

² «Բանքեր Դայաստանի Արխիվների», 1992, թիւ 12, էջ 79:

¹ Վրացեան Ա., Կեանքի ուղիներով, հ. Գ., էջ 11:

րին, Հայ ժողովրդի հոգեբանությունն ու ձգտումներին՝ լավագույնս օգտագործեցին այդ իրողությունը:

Գաղութային թուրքիայի դեմ պատերազմի՝ ռուսական հրամանատարությունը որոշում է հնարավորություն ընձեռել հայերին կազմավորելու իրենց կամավորական զորախմբերը, դրանով իսկ բավարարելով նրանց ազգային զգացումներն ու ձգտումները եւ երկրորդ՝ հնարավորություն տալ հայրենիքից հեռացած թուրքահայատակ հայերին վերադառնալ ու հանուն հայրենիքի ազատագրության պայքարել ընդդեմ թշնամու: Ցարական իշխանությունները ճիշտ էին գնահատել իրավիճակը:

«Այդ նկատառումներից ելնելով՝ գլխավոր հրամանատարության հովանավորությամբ եւ Ռուսիայի կայսեր համաձայնությամբ Թիֆլիսում փոխարքայի պալատում հրավիրվում է հատուկ խորհրդաժողով, որին մասնակցում են գեներալներ Միչլյանսկին եւ Յուզեֆին (Կովկասյան ռազմաճակատի հրամանատարն ու շտաբի պետը - Ն. Գ.), Գետերսոնը, Մեսրոպ Եպիսկոպոսը (Վրաստանի հայկական թեմի առաջնորդ, Հայոց Ազգային Բյուրոյի պատվավոր նախագահ), Թիֆլիսի քաղաքապետ Ս. Ի. Խատիսովը, հայկական կենտրոնական կոմիտեի նախագահ Ս. Ս. Հարությունյանը եւ գոկտոր Ն. Խ. Զավրիբե: Այդ խորհրդակցությունում հայերին առաջարկվում է կազմակերպել կամավորական խմբեր եւ նրանց հրամանատարներ նշանակել փորձված եւ հեղինակավոր առաջնորդների՝ «խմբապետեր»¹:

Ցարիզմը հրաշալիորեն օգտագործեց հայության հակաթուրք տրամադրությունները եւ այն վարպետորեն օգտագործեց ի շահ ռուսական զենքի հաղթանակի:

«Թուրքահայատակ հայերը գերազանց գիտեին տեղանքը եւ թուրքերեն ու քրդերեն լեզուները: Ռազմավարական ու մարտավարական խնդիրները լուծելիս՝ ռուսական հրամանատարությանը հայերի առավելություններն ու կարողություններն անհրաժեշտ էր առաջին հերթին օգտագործել հետախուզության եւ տեղանքի ուսումնասիրության նպատակներով...»²:

Համաձայն նաեւ Նիկոլ Աղբալյանի վկայության. «Ռուսական բանակի մեջ Հայ կամավորների պարտքն էր լինել օժանդակ ուժ եւ, որպես ներքին ծանոթ տարր, զբաղվել հետախուզական գործողու-

թյուններով: Կամավորական շարժումն ունի երկու շրջան. սկզբից մինչեւ 1915 թ. սեպտեմբերի 1-ը եւ մյուս շրջանը մինչեւ կամավորական զնդերի լուծարումը»:

Կամավորական շարժման մանրամասների ուսումնասիրությունը միանշանակորեն ապացուցում է, որ այն կյանքի է կոչվել ցարական իշխանությունների նախաձեռնությամբ ու հովանավորությամբ, իսկ Ն. Յ. Դաշնակցությունը հանգամանքների թելադրանքով շրջանցել է էրզրումում կայացած Թուրք Ընդհանուր ժողովում չեղարկված պահանջները, կամավորական շարժում չծավալելու վերաբերյալ իր ընդունած որոշումն ու իր ձեռքն է վերցրել կամավորական զորախմբեր կազմակերպելու եւ առաջնորդելու դեկր:

Այսուհանդերձ, պիտի ընունել, որ եթե չլինեք ցարական իշխանությունների նախաձեռնությամբ տված Ազգային Բյուրոյի ու Ն. Յ. Դաշնակցության համաձայնությունն ու գործուն մասնակցությունը, ապա դժվար է ասել, թե ինչպիսի լուծում էր ստանալու կամավորական խմբերի կազմավորման խնդիրը:

Այս հարցը իր վերջնական լուծումն է ստացել 1914 թ. սեպտեմբերի 21-23-ին տեղի ունեցած ՀԹԴ Կովկասի Ռայոնական ժողովում, որի օրակարգի 3-րդ կետն էր «Ձեկուցում հայ կամավորների կազմակերպման եւ յարակից խնդիրների մասին»¹:

Այդ հարցին վերաբերող գեկուցման մեջ, Ազգային Բյուրոյի նախագահ (Մեսրոպ Եպիսկոպոս) հիմնավորում է ռուսական բանակի կազմում կամավորական խմբեր կազմավորելու հիմնական դրդապատճառները, որոնցից կարելի է թվարկել.

1. Զանազան պետությունների հետ կուսակցության վարած բանակցություններն ու բարենորոգումներ չիրականացնելու թուրք կառավարության համառությունն ու չկամությունը:

2. Ռուս կառավարության հետ մտքերի փոխանակությունից երեւում էր, որ նա, զանազան քաղաքական նկատառումներով, վճռել է տաճկահայերի դրուժիներ բարելավել, որ նրա քաղաքական կուրսը ներկայումս նպաստաւոր է տաճկահայերի համար (նկատի ունի 1913 թ. հունիսի 4-ին Մանդելշտամի ներկայացրած՝ հայկական նահանգներում իրականացվող բարեփոխումների ռուսական տարբերակը, որը նախատեսում էր հայկական վեց՝ էրզրում, Բիթլիս, Վան, Խարբերդ, Դիարբեքիր եւ Սեբաստիա նահանգներից կազմել մեկ նահանգ - Ն. Գ.), բայց նրան խանգարում էր Գերմանիան, որ արգելք է հանդիսանում հայկական ռեֆորմների»²:

¹ ԳՅԴ ԿԱ, քժ. 14, գ. 6, էջ 8:
² Նույն տեղում, էջ 7:

¹ Վրացեան Ս., Հայաստանի Հանրապետութիւն, էջ 577:
² Նույն տեղում, էջ 578-579:

3. Կառավարութիւնը խոստանում է իրագործել ուէֆորմների սկզբնական ծրագիրը եւ ցանկութիւն էր յայտնում, որ Հայերը իրենց Համակրութեամբ աջակցին ուսւ գործին պատերազմի դէպքում: Այդ աջակցութիւնը պիտի կայանայ գործին թեթեւ ծառայութիւններ մատուցելու, մանաւանդ հետախուզումների ժամանակ, եւ ժողովրդական ինքնապաշտպանութեան մէջ»:

Հիմք ընդունելով ՂՅԴ Ռայոնական ժողովում հօդուտ կամավորական խմբեր կազմավորելու վերոհիշյալ փաստարկները՝ Ազգային Բյուրոն որոշում է. «...կամաւորների կազմակերպութիւնը, վարժութիւնը եւ ամբողջ զինվորական գործը յանձնել մեր կուսակցութեան: Թէ Ազգային Բիւրօն եւ թէ մեր ընկերները որոշում են գործին Համազգային բնույթ տալ...»¹:

Որպես ընդհանրացում պիտի փաստել, որ Լ. Դ. Դաշնակցութեանը կամավորական խմբեր կազմավորելու ու նրանց մարտադաշտ առաջնորդելու իրավունքը պայմանավորված է նաեւ Հայոց Ազգային բյուրոյի որոշմամբ:

Պիտի նկատել, որ կամավորական շարժման ծավալմանը մեծապես նպաստել է Ամենայն Հայոց կաթողիկոս Գեւորգ 5-րդը, որին համոզել ու հայութեան համար լավագոյն ապագա ստեղծելու խոստումներ էր տվել Կովկասի փոխարքա Վորոնցով-Դաշկովը²:

Տարիներ անց, կամավորական շարժման կազմակերպման հարցը քննարկվել ու իր գնահատականն է ստացել 1919 թ. Երեւանում կայացած ՀՅԴ Գ-րդ Ընդհանուր ժողովում: Հավանութիւն տալով ու արդարարացնելով կամավորական շարժման կազմակերպումը՝ Ընդհանուր ժողովը այն գնահատում է որպէս «...հայ ժողովրդի ինքնաշտպանական մէկ փաստ եւ մեր քաղաքական ազատագրութեան ազդակ»³:

Հայոց Ազգային Բյուրոյի դիրքորոշումը, ինչպէս նաեւ պատերազմի բռնկման պարագայում Դաշնակցութեան մարտավարութիւնն արդեն հստակ էր, իսկ ինչպիսի՞ն էր կամավորական զորախմբերի հրամանատարների, մասնավորապէս Դրոյի վերաբերմունքը կամավորական շարժման, եւ ըստ այդմ՝ կամավորական զորախմբեր կազմավորելու նկատմամբ:

Հայ ազատագրական պայքարի մարտական նշանավոր գործիչներից թերեւս միակը Նիկոլ Դուժմանն էր, որն այնքան էլ չի ոգեւորվել կամավորական շարժմամբ: Ի տարբերութիւն Նիկոլ Դուժմանի,

Հայկական կամավորական զորախմբերի հրամանատարներն առանց բացառութեան ողջունել են կամավորական շարժումը եւ մեծ հավատ ընծայելով ուսուսական գեներալի նկատմամբ, համոզված էին, որ ուսուսական հզոր բանակը հայ կամավորների աջակցութեամբ ի գործ է հեշտութեամբ ջախջախել թուրքական բանակը եւ կարճ ժամանակահատվածում ազատագրել Արեւմտյան Հայաստանը: Համանման համոզմունք եւ հավատ է ունեցել նաեւ Դրոն:

Ըստ Վ. Փափագյանի վկայութեան, կամավորական զորախումբ կազմավորելու անհրաժեշտութիւնը Դրոն մտահոգացել է դեռեւս Հին Բայազետում գտնվելու ժամանակ՝ Առաջին աշխարհամարտի նախօրեին:

Անդրադառնալով Հին Բայազետում իրենց կայացած հանդիպմանը՝ Վ. Փափագյանը գրում է. «Դրօն պատմեց, թէ քիւրդ համիտներու մէջ խլրտում կը նշմարէ. անոնց մեծերը վերջին օրերը Պայասներու մէջ խլրտում կը կարծես հսկողութեան տակ կը գետ լեցուցած են: Ըսաւ, թէ ինքն ալ կարծես հսկողութեան տակ կը գտնուի՝ բաներ կը դառնան իր շուրջը: Կը նախընտրէ վերադառնալ Կովկաս եւ վստահ է, որ պատերազմը պիտի պայթի. այդ ատէն արկոնքն ան կը խորհէր կազմելու գործը կամաւորական գունդ մը»¹:

Այն ժամանակ, երբ արդեն բուռն թափով ծավալվում էր կամավորական շարժումը, Դրոն հեռագրում է հիվանդանոցի մահճին գամված իր Մեծ ուսուցչին՝ Նիկոլ Դուժմանին, հայտնելով. «... բո հասցուցած գէնքի ուժերը պատրաստ են քու հրամանիդ տակ կուռի դաշտ դուրս գալու համար»:

Խորագետ Նիկոլ Դուժմանը նկատի ունենալով ու սթափ գնահատելով ինքնապաշտպանութեանը հայութեան անպատրաստ վիճակը, բոլորովին ոգեւորված չէր կամավորական շարժմամբ եւ այնքան էլ հավատ չի ընծայել ուսուսական զորքերի կողմից Արեւմտահայաստանի արագ ազատագրմանը: Այդ պատճառով նա Դրոյին պատասխանում է հետեւյալ դատողութեամբ՝ «Մեծ կուռ մը կը սկսուի, ուր փոքր ժողովուրդները, աւաղ, ըսելիք չունին, ես կը ցաւիմ, որ աճապարեցին մերոնք մեծերու կուռի միջամտելու համար»²:

Ռուսական անհաղթ գեներալի եւ նրա միջոցով Արեւմտահայաստանը հեշտութեամբ ազատագրելու նկատմամբ մեծ հավատ է ունեցել նաեւ Անդրանիկը: Հայտնի է նրա «Տղաներին կհագցնեմ տրեխներ, զրպանները կը լեցնեմ հալվա- մի շաբաթից Սալմաստից Վան կհասնեմ» թեւավոր արտահայտութիւնը³:

¹ Նույն տեղում, էջ 579:

² Տե՛ս ԳԱԱ, ք. 57, ց. 2, գ. 709, ք. 65:

³ Տե՛ս «Քաղվածքներ ԳՅԴ Գ-րդ Ընդհանուր ժողովի որոշումներից», Երեւան, 1920, էջ 3-4:

¹ Փափագեան Վ., Իմ յուշերը, հ. 2, էջ 285:

² Նիկոլ Դուժման, Պուրքեշ, 1933, էջ 15:

³ Վրացեան Ա., Սրբկածին Դրոն, էջ 79:

Կամավորական խմբերի կազմակերպիչներին ու հրամանատարներին գոհացնում էր նաև այն հանգամանքը, համաձայն որի նախատեսվում էր, որ հայկական կամավորական զորախմբերը հիմնականում գործեին Արեւմտյան Հայաստանի առավելապես հայերով բնակեցված շրջաններում: Նրանք համոզոգված էին, որ վտանգի պահին կարող էին զորավիճ կանգնել ու փրկել ջարդերից վտանգված շրջանների բնակչությանը: Իսկ ժամանակը հստակորեն ցուց տվեց, որ դա բոլորովին էլ այդպես չէր:

Կամավորական գնդերը կոչվում էին «խմբեր», ինչպես եւ ասված է ռուսական պաշտոնական հրամաններում: Խմբերը գտնվում էին փորձված մարդկանց հրամանատարության տակ: Բաղկացած էին 450 մարդուց, միայն 1-ին գունդը 1000 - ից ավելի էր: Խմբերը հետագայում միացան եւ վերածվեցին բատալյոնների: Խմբերը նպաստ էին ստանում պետությունից եւ Ազգային Բյուրոյից»¹:

Դատելով Հայ զինուժի եւ կամավորական խմբերի նկատմամբ ցարական իշխանությունների դրսևւորած վերաբերմունքից՝ կարելի է հաստատապես, աներկբա պնդել, որ ցարիզմը քաջատեղյակ լինելով թուրքիայի կողմից Օսմանյան տերության տիրապետության տակ բնակվող հայության անպաշտպանվածությանն ու հետեւաբար նրան սպառնացող անխուսափելի կոտորածների իսկությունը, ի սկզբանե որեւէ գործնական քայլեր չի ձեռնարկել կանխելու հայ բնակչությանը սպառնացող մահաբեր վտանգը: Այլապես ինչպե՞ս եւ ինչո՞վ բացատրել այն հանգամանքը, որ պատերազմի հենց առաջին օրերին ռուսական բանակ զորակոչված ավելի քան 200.000 հայ զինվորների ուղարկեցին մարտնչելու ոչ թե Կովկասյան, այլ Արեւմտյան՝ ռուս-գերմանական ու ռուս-ավստրիական ճակատ:

Միթե՞ պարզ եւ հասկանալի չէ, որ Կովկասյան ռազմաճակատում ավելի քան 200.000-250.000 հայ զինվորների ու դրան գումարած հայկական կամավորական զորախմբերի ներկայությունն անտարակույս կարող էր կանխել հայերի զանգվածային կոտորածները եւ հող նախապատրաստել Պատմական Հայաստանի երկու՝ արեւմտյան ու արեւլյան հատվածների միավորման եւ հայկական միացյալ պետականության վերստեղծման համար: Ժամանակը հստակ կերպով ցույց տվեց, որ հայ ժողովրդի պատմական հայրենիքում հայկական ինքնավարություն, առավել եւս պետականություն ստեղծելը ցարիզմի ծրագրերից ու քաղաքական նկրտումներից դուրս էր:

Վստահաբար կարելի է պնդել. եթե ցարիզմը 1-ին աշխարհամարտում իր որդեգրած ու կենսագործած քաղաքականության ուղրտում դրսևւորեր փոքր-ինչ հայամետ կեցվածք ու դիրքորոշում, ապա բանակ զորակոչված 200.000-250000 հայ զինվորների գոնե մի մասը Արեւմտյան ճակատից կտեղափոխեր մարտնչելու Կովկասյան ճակատ ու կռիվների ընթացքում կգործեր տիրող կացությանը համահունչ առավել կենսունակ ու արդյունավետ մարավարություն:

Ռուսական հրամանատարության որոշմամբ հայ կամավորական զորախմբերը պետք է գործեին հիմնականում այն ուղղություններում, որտեղ կենտրոնացված էին ռուսական զորամիավորումները: Նախատեսվում էր զորքերի հարձակման չորս հիմնական ուղղություն՝ 1. Սարիղամիշից դեպի Ալաշկերտի հովիտ, 2. Կազիզմանից եւ Իգդիրից դեպի Ալաշկերտի հովիտ, 3. Իգդիր, Մակու, Բայազետ-Վան, 4. Ջուլֆա-Խոյ-Դիլիման-Բաշկալե-Վան:

Չորս գլխավոր ուղղություն, եւ այդ պատճառով թուլյատրվել է կազմավորել կամավորական չորս զորախումբ, որոնցից յուրաքանչյուրը պիտի գործեր նախատեսված ուղղություններից որեւէ մեկում: Այսպես, առաջին ուղղությունում գործելու էր 4-րդ կամավորական զորախումբը (հրամանատար Արշակ Գաֆաֆյան-Քեոխի), երկրորդ ուղղությունում գործելու էր 3-րդ զորախումբը (հրամանատար՝ Համազասպ Սրվանձոյան), երրորդ ուղղությունում՝ Դրոյի գլխավորած 2-րդ զորախումբը եւ չորրորդ ուղղությունում Անդրանիկի 1-ին զորախումբը:

Կամավորական խմբերը կազմավորելու, զինելու ու հանդերձավորելու նպատակով Ազգային Բյուրոյի շրջանակներում ստեղծվում է հատուկ բաժին՝ Կարգադրիչ Մարմին(կամավորական զորախմբերի շտաբ), որի նստավայրը սկզբնական շրջանում գտնվում էր Թիֆլիսում, իսկ կռիվների ծավալման ժամանակ՝ Երևանում:

Ուշադրով է, որ Ազգային բյուրոյի հանձնարարությունները Կարգադրիչ Մարմնի ղեկավարումը վտահովել է այնպիսի մարդկանց, որոնք ոչ միայն զինվորական չէին, այլև երբեւէ չէին առնչվել ո՛չ զենքին ու ո՛չ էլ զինվորականության: Կարգադրիչ Մարմնի պետք նշանավոր հայազես, գրաքննադատ Նիկոլ Աղբալյանն էր, իսկ նրա օգնականը՝ Գեւորգյան ճեմարանի շրջանավարտ Սիմոն Վրացյանը:

Ս. Վրացյանի բնութագրմամբ՝ «երկուսս էլ ման էինք զայլս զինուորական համազգեստով, երկարավիզ կոշիկներով ու փափախով՝ նազան ատրճանակը գոտուց կախ: Կարող եք երեւակայել, թէ ինչ

¹ Բանբեր Հայաստանի Արխիվների, 1992, թիւ 1-2, էջ 81:

հերոսական տեսք ունեինք երկուսս էլ, բայց, մանաւանդ, Նիկոլը կախփեշ Ֆրէնչով եւ արդէն նկատելի դարձած կուզով: Դրոյի անվերջ կատակների նիւթն էինք երկուսս էլ»¹:

Ո՛վ պիտի հոգար լուծելու կամավորական զորախմբերը զինելու ու հանդերձավորելու ու այլ անհրաժեշտ պարագաներով ապահովելու խնդիրը:

Լեոյի հավաստմամբ՝ կամավորական զորախմբերի կազմավորման համար պահանջվող գումարի (ավելի քան 200000 ռուբլի) մեծ մասը պիտի հատկացներ Ազգային Բյուրոն, իսկ փոքր մասը՝ ցարական կառավարութունը²:

Դյուրին չէր կամավորական զորախմբեր կազմակերպելու, նրանց լուծելու զինելու, հանդերձավորելու եւ պատերազմական իրավիճակներում պահանջվող անհրաժեշտ պարագաներով ապահովելու խնդիրը: Ազգային Բյուրոյի Կարգադրիչ Մարմնի զեկուցումից պարզվում է, որ առանձնապես դժվար է եղել հեծյալ ջոկատներին ձիերով ապահովելը:

«Ամէն խումբ, նշվում է Կարգադրիչ Մարմնի զեկուցագրում, - կազմուած էր հետեւակ ու հեծեալ բաժիններից: Կառաւարութիւնը երկրորդ եւ չորրորդ խմբերին տուել էր 50 ձի, երրորդ խմբին՝ 70 ձի, իսկ առաջին խումբը պէտք է ունենար 200 ձի, բայց չէր կարողացել ձեռք բերել այդքանը: Յիսուն ձին շատ անբաւարար էր 400 հոգիանոց խմբի համար, մանաւանդ, եթէ նկատենք, որ առնուազն 25 ձի պէտք էին բեռների համար:

...Երկրորդ եւ երրորդ խմբերը ստիպուած եղան բեռնակիր անասուններ վարձելու, չորրորդ խումբը երկանիւ սայլակներ ու ձիեր գնելու: Խմբի մէջ բացի հեծեալ բաժինը ձիաւոր էին խմբապետն ու իր օգնականները, պետերն ու իրենց օգնականները, շտաբի գլխաւորն ու խմբապետի թիկնապահները...

Ներկայումս առաջին խումբն ունի 102 ձի, երկրորդը՝ 95, երրորդը՝ մօտ 50, չորրորդը՝ 109 ձի...»³:

2-րդ կամավորական զորախումբը կազմավորվում է իր ծննդավայր Իգդիրում: Ձորախմբի կազմավորման վայրի՝ Իգդիրի ընտրութունը պատահական չէր: Իր հայրենի քաղաքում Դրոն ավելի մեծ հնարավորութուն ուներ լավագույնս զինելու եւ հանդերձավորելու իր հրամանատարութեամբ մարտնչող մարտիկներին: Իսկ նրա հրա-

մանատարութեամբ գործող զորամասերը, որպես կանոն, միշտ էլ առանձնացել ու աչքի են ընկել նաեւ իրենց զինվածութեամբ եւ հանդերձավորմամբ:

Դրոյի գլխավորած երկրորդ կամավորական զորախումբը ուներ հետեւյալ կազմը. Յապոնի (Հովհաննես Պարոնյան) եւ գանձակեցի Ջեմլյակի (Հարություն Նանուսյան) հրամանատարութեամբ գործող երկու հեծյալ կեսարյուրակներ եւ կարբեցի Օնի (Հովհաննես Մելքոնյան), Խոսրով Եղիազարյանի, Մարտիրոս Աբրահամյանի (բաշգառնեցի խմբապետ Մարտիրոս), գանձակեցի Դալի Ղազարի եւ Թիֆլիսցի Ռիժա Տիգրանի գլխավորած հինգ հետեւակային հարյուրակներ: Դրոյի օգնականներն էին Արմեն Գարոն եւ Դաշնակցական Խնչոն:

Հարյուրակների բոլոր հրամանատարներն առանց բացառութեան Հայոց ազատամարտի բազմամյա պայքարում կոփված, 1905-1906 թթ. հայ-թուրքական ընդհարումներում մարտական հրաշալի դպրոց անցած քաջավարժ զինվորականներ էին: Իսկ նրանց հրամանատարը, չնայած իր երիտասարդ տարիքին արդեն արժանի հեղինակութուն էր վայելում Հայոց ազատամարտի նշանավոր ռազմագետ-գործիչների շրջանում: Եվ պատահական չէր, որ հրամանատարական կազմի ընտրութունները կատարելիս, Հայոց Ազգային Բյուրոն 2-րդ կամավորական խմբի հրամանատարութունը անվարան վստահեց 30-ամյա Դրոյին, երբ հայ կամավորների շարքերում կային այնպիսի հարուստ մարտական կեսազրութուն ունեցող հայդուկ-ռազմիկներ, ինչպիսիք էին Սեպուհը, Ամբաստ Բորոյանը (Մախլուտո), Գյուլուշխանցի Ավոն, Արմեն Գարոն, Դաշնակցական Խնչոն եւ այլոք:

«Այդ լուսաշող դէմքերի մէջ, - գրում է բժիշկ Եր. Խաթանեսյանը, - հնչում էր զօրեղ անունը մի երեսնամեայ երիտասարդի, որի արժէքը քչերին էր միայն ծանօթ:

Դա Դրօն էր:

Հանդիպեցի այն ժամանակ անտեղեակների, որոնք ապշանքի եւ շուշարանքի էին մատնուել, որ այս դեռատի եւ «անփորձ» մարտիկին էր վստահուած ու յանձնուած՝ կամաւորական Բ. գունդի հրամանատարութիւնը, իր ձեռքի տակ ունենալով Արմէն Գարոյի նման հին յեղափոխական մի տիտան եւ Դաշնակցական Խնչօյի նման ճարտար ու յանդուգն մի խմբապետ: Քչերը՝ իր զինակիցները եւ մարտական շարժումի ղեկաւարները միայն իմանում էին, որ Դրօն՝ այդ վարպետ, յանդուգն ու ձեռներէց ահաբեկիչը, օտուած էր ռազմաւարի բնածին ձիրքով: 1905-1906 թթ. հայ-թաթարական

¹ Վրացեան Ա., Կանքի ուղիներով, Կ. Ա., Պէյրուք, 1967, էջ 182:

² Տե՛ս Լեո, Թիւրքահայ գաղափարաբանութիւնը, Կ. Բ., էջ 111:

³ ՂԱ, ֆ. 57, գ. 37, ք. 25-26, էջ 79:

կուհիներին, նախ իբրև սոսկ զինուոր, բայց շուտով իբրև խմբապետ, Դրոն առարկան դառաւ զինուորական հանճարեղ ղեկավարի՝ Նիկոլ Դումանի բարձր գնահատականին»¹:

Ժամանակն ապացուցեց Դրոյին կամավորական զորախմբի հրամանատար ընտրելու անսխալութիւնը: Իսկ «Հայ ժողովրդի պատմութիւն» ութհատորյակի հեղինակները ընդամենը մի քանի նախադասութեամբ անդրադառնալով հայկական կամավորական խմբերի կազմավորմանը՝ նույնիսկ հարկ չեն համարել զորախմբերի հրամանատարների անունները թվարկելիս նշել նաեւ 2-րդ զորախմբի հրամանատարի՝ Դրոյի անունը:

«Սկզբնական շրջանում, - կարդում ենք «Հայ ժողովրդի պատմութիւն» - ում, - կազմակերպվեցին կամավորական չորս ջոկատներ, տարբեր ժամանակներում այդ ջոկատների հրամանատարներն են եղել Անդրանիկը (Օզանյան), Հայդուկներ Քեռին (Գաֆաֆյան Արշակ), Խանասորցի Վարդանը (Մեհրաբյան) եւ ուրիշներ»²:

Կամավորական զորախմբերը կազմակերպելու, այն մարտական ուժերով համալրելու, հանդերձավորելու համար լարված ու հետեւողական աշխատանք էր պահանջում նաեւ զորախմբերի հրամանատարներից: Դրոն իր զորախումբը կամավորներով համալրելիս եւ հրամանատարների ընտրութիւնը կատարելիս առաջին հերթին աշխատել է օգտագործել 1905-1906 թթ. Հայ-թուրքական ընդհարումներին մասնակցած իր մարտական փորձառու զինակիցների ուժերն ու հնարավորութիւնները: Նրանց ընկերակցութեամբ ու աջակցութեամբ Դրոն Հայաստանի զանազան շրջաններում հավաքագրում է կամավորների եւ նրանցով համալրում իր զորախմբի մարտաշարքերը:

Երկու վկայութիւն Դրոյի մարտական զինակիցներ Մարտիրոս Աբրահամյանի եւ Յապոնի (Հովհաննես Պարոնյան) հուշերից:

«Սեպտեմբերի 18-ին, - գրում է Մարտիրոսը, - պատրաստուում էի գնալ Երեւան եւ խօսել զինուորական պետի հետ, երբ ստացայ մի նամակ Դրոյից, որ գրում էր. «Սիրելի Մարտիրոս, ես վերադարձել եմ Երեւան, կամաւորական բանակ կազմելու: Եկ խորհրդակցենք» ...

Առաջին իսկ վայրկեանից ապշեցի: Դրոյի ստորագրութիւնը զարմացրեց ինձ: Այդ ինչպէ՞ս էր պատահել, որ տարիներով ուռա կառաւարութիւնից հետապնդուած Դրոն եկել էր Երեւան:

... Սեպտեմբերի 10-ին կազմած 30 հոգեանոց խումբը ուղարկեցի Երեւան...

Ես էլ Մակեդոնի հետ տեսնուեցի Դրոյի հետ: Դրոն Մակեդոնին 30 տղաներով ուղարկեց Իգդիր իսկ ինձ գնալ Նախիջևան՝ կամաւորներ հաւաքելու¹:

«Դրոն, - վերհիշում է Յապոնը, - ցոյց տուեց ինձ մի նամակ, որ յատուկ սուրհանդակի ձեռքով էր ստացել Թիֆլիսից: Նամակի մէջ գրուած էր, որ ամէն հնար գործ դնենք Թիֆլիս գալու, ուր հայ կամաւորական խմբեր էին կազմուում, եւ կառաւարութիւնը ներում է խոստանում բոլոր նրանց, ովքեր կը համաձայնէին մտնելու այդ խմբերի մէջ:

... Երբ հասանք Իգդիր, Դրոն այնտեղ չէր: Երեք օրից յետոյ եկաւ ու սկսեց կամաւորների արձանագրել: Մի քանի օրից կամաւորների արձանագրութիւնը յանձնեց ինձ, իսկ ինքը նորից անցաւ Թիֆլիս: Կազմուելիք խմբի համար գէնք, հազուատ եւ այլ մթերք ստանալու:

Արձանագրուած կամաւորներից վաշտեր կազմեցինք եւ ուղարկեցինք Բլուր գիւղը զինուորներին յատկացուած բնակարաններ կային:

Շուտով Դրոն վերադարձաւ Խէջօյի հետ միասին: Գործը յանձնեցի Դրոյին, իսկ ես անցայ Դարալագեազ՝ կամաւորներ արձանագրելու համար: Շատ կարճ ժամանակամիջոցում արձանագրեցի 40 հոգի, որոնց մէջ էր հուշակաւոր Տէր Գրիգոր քահանան, Դարալագեազի էրզափին գիւղից, իր 15 տարեկան տղայի հետ:

Հագիւ էի այդքան կամաւորներ արձանագրած, երբ Դրոյից հեռագրով հրահանգ ստացայ անմիջապէս մեկնելու Իգդիր: Կամաւորների հետ գնացինք Իգդիր:

Այստեղ կազմեցինք 2-րդ հայ կամաւորական խումբը, որի հրամանատար նշանակուեց Դրոն...»²:

Կամավորական 2-րդ զորախմբին զինվորագրված էին ընդհանուր թվաքանակով 472 մարտիկներ: Ի տարբերութիւն Անդրանիկի գլխավորած 1-ին զորախմբի, որի անդամների ճնշող մեծամասնութիւնը արեւմտահայեր էին, 2-րդ կամավորականին անդամագրված 472 մարտիկներից միայն 118-ն էին արեւմտահայեր, իսկ մնացած 354-ը՝ արեւելահայեր³:

1914 թ. հոկտեմբերի կեսերին հրաժեշտ տալով մերձավորներին ու ընկերներին՝ Դրոն Թիֆլիսից մեկնում է Իգդիր, ուր կազմ ու

¹ «Ղայրեմիք» ամսագիր, 1934, հունվար, էջ 67:

² Նույն տեղում, 1941, մայիս, էջ 173:

³ Տե՛ս ՀԱԱ, ֆ. 121, ց. 2, գ. 6, ք. 13:

¹ «Ալիք», բացառիկ, 1956, մայիսի 4, էջ 18:

² Հայ ժողովրդի պատմութիւն, հ. 6, էջ 548:

պատրաստ նրան էր սպասում արդեն կազմավորված 2-րդ կամավորական զորախումբը:

«Այսօրուայ պէս յիշում եմ,- գրում է Ս. Վրացյանը,- մեր ընթրիքը «Անոնա» ճաշարանում Դրոյի ճակատ մեկնելու առթիւ: Ներկաներից մտքումս մնացել են Յովհաննէս Թումանեանը, Խաչիկ Կարճիկեանը, բժ. Յակոբ Զաւրեանը, Նիկոլ Աղբալեանը եւ Յովսէփ Արղութեանը:

... Դրոն, որ միշտ նման հաւաքոյթների ոգին էր կազմում, ամբողջ ժամանակ նստած էր լուռ: Անսովոր մի բան: Ամենքը ուշադրութիւն դարձրին եւ հարցնում էին, թէ ինչ է պատահել, ինչո՞ւ է տխուր:

Իր վերջին խօսքում Դրոն ասաց.

- Ես գինուոր եմ: Քաղաքականութիւնից բան չեմ հասկանում: Բայց զգում եմ եւ համոզուած եմ՝ «էսօ բուղէտ պոսլեդնիյ ռեչիտելնիյ բոյ» - սա կը լինի վերջին եւ վճռական ճակատամարտը... Կամ ազատութիւն, կամ մահ... Ես զգում եմ նոյնպէս, որ ով գիտէ քանիսը մեզանից չեն վերադառնալու կռուի դաշտից... Մեծ գործերը մեծ զոհեր են պահանջում... Տղերք ջան, ցտեսութիւն...

Ամենքը յուզւած էին: Թումանեանը ոտքի ելաւ՝ երկար վզի վրայ գեղեցիկ գլուխը վեր.

- Դրո ջան. էս Հօ Հայոց ազգն է խօսում քո բերանով... Շէն մնաս, ի՞նչ մեծ խօսք ասացիր. «Մեծ գործերը մեծ զոհեր են պահանջում»... Թոյլ տուր համբուրեմ քո այդ հերոսի ճակատը...»¹:

Ղոկտեմբերի 18-ին սկսվում է ռուս-թուրքական պատերազմը, եւ Հայ կամավորական զորախմբերից առաջինը (Ղոկտեմբերի 24-ին Իգդիրից) ռազմաճակատ է մեկնում Դրոյի 2-րդ կամավորականը:

Հայկական կամավորական զորախմբերի գործողութիւնները լուսաբանող հուշագրութիւններից մեկում կարդում ենք. «Նախքան ճակատ մեկնելը բոլոր մարտիկները հաւաքուած են եկեղեցի, ուր կատարուած է հանդիսաւոր մաղթանք եւ ապա երդուած են բոլորը: Խորհրդաւոր եւ սրտառուչ էր տեսարանը, երբ 400 հոգի գլխաբաց, ձեռքերը բարձրացրած վերեւ երդուած էին մեռնել Հայրենիքի ազատութեան համար: Ամբողջ Իգդիրի եւ շրջակայքի գիւղացիութիւնը այնքան էր յուզուել, որ դժուարութեամբ էր բաժանուած կամաւորներից, երգերով ու կեցցէներով նրանք մի քանի վերստ ճանապարհ ձգեցին կամաւորներին եւ միայն ուշ գիշեր վերադարձան իրենց գիւղերը»²:

¹ Վրացեան Ս., Կեանքի ուղիներով, հ. 7, էջ 103:

² ՀԱԱ, ֆ. 121, ց. 2, գ. 47, ք. 6-7:

Դրոյի զորախումբը, որը գործելու էր գեներալ Նիկոլաեւի զորախմբի կազմում, համաձայն վերին հրամանատարութեան հրահանգի, պիտի անցնէր Հայկական Պար լեռնաշղթան եւ հաղթահարելով Թափարիզի լեռնանցքում (Գառնիձոր-լեռնանցք Մաղկանց լեռներում, Թոնդրակից 10 կմ. արեւելք) արդեն ամրացած հակառակորդի դիմադրութիւնը՝ գրավել քրդական Կավրե-Շամե գյուղը եւ հարձակուածը զարգացնել Վանի ուղղութեամբ¹:

Թուրքերի հետ ունեցած առաջին մարտը ընթացել է արագ եւ շատ հաջող: Չորախմբի ճանապարհին ընկած Թափարիզի լեռնանցքը գրավւած է եղել թուրք ժանդարմների կողմից: Այդ լեռնանցքով է անցնում Բերկրի գետի ավազանը Բայազետի շրջանի հետ կապող միակ կարճ ճանապարհը: Որպեսզի կամավորները կարողանային անցնել դեպի Բերկրի գետի ավազանը, ապա՝ Վան, անհրաժեշտ էր նախ եւ առաջ խորտակել այդ լեռնանցքում ամրացած թուրք ժանդարմների ու նրանց աջակցող քուրդ զինյալների դիմադրութիւնը: Խորհրդակցելով իր օգնականների՝ Արմեն Գարոյի եւ Խեչոյի հետ, Դրոն որոշում է շրջանցել հակառակորդի դիրքերը եւ թեւերից ու ճակատից տեղացող միաժամանակյա հարվածներով ջախջախել թշնամուն եւ գրավել բարձունքները:

«Եսպոնը, - գրում է Բաշգառնեցի Մարտիրոսը, - ըստ հրահանգի շարժուեց մինչեւ թշնամու մօտերը եւ մի աննկատելի շարժումով շրջանցեց նրա ձախ թեւը: Իմ հարիւրեակը կէս կիլոմետրի վրայ հետեւում էր Եսպոնին:

...Եսպոնի աննկատելի թեքումից յետոյ, ես շարունակեցի մօտենալ թշնամուն այնքան, որ նրանք սկսեցին կրակել հարիւրեակի վրայ, ուստի Ղոկատները բաժանեցի, որով մէկ Ղոկատը կրակելու ժամանակ, միւս Ղոկատը շարժուելու դիւրութիւն էր ստանում: Այսպէս յառաջանալով հասանք թշնամու դիրքերի դիմաց...

Եսպոնն արդէն անցել էր յարձակման թշնամու ձախ թեւի վրայ: Թշնամու դիրքերի կարգը խախտուեց: Մենք էլ մեր հերթին թռանք մեր դիրքերից եւ ուռաներով շարժուեցինք դէպի թշնամին: Միահամուռ գրոհի վրայ ժանդարմները թողին խրամատները եւ սկսուեց անկարգ, խուճապահար մի փախուստ»²:

Առաջին արգելքը հաղթահարված էր, զորախումբը արագորեն առաջանալով հաջորդ խոչընդոտը հաղթահարելու վճռականութեամբ կազմ ու պատրաստ, մուտք է գործում քրդական Կավրե-Շա-

¹ Տե՛ս ՀԱԱ, ֆ. 121, ց. 1, գ. 3, ք. 8:

² Խմբապետ Մարտիրոս Արախամյան, Աշխ. աշխ., էջ 223:

մե գյուղը: Մեծ ոգեւորութիւն էր տիրում կամավորների խմբերում: Հայրենիքը թշնամու ճիրաններից վերջնականապես ազատագրելու ձգտումը խանդավառել էր ամենքին: Սակայն հետագա դեպքերը, որոնք մեծ հիասթափութիւն են պատճառում կամավորներին, ընթանում են բոլորովին այլ՝ չսպասված ուղղութեամբ:

Դրոն՝ արագորեն անցնելով Հայկական Պար լեռնաշղթան, հաղթահարում է Թափառեսի բարձունքների արգելքները ու դեռ նոր էր հասցրել դիրքեր գրավել Կավրե-Շամե գյուղում եւ հանկարծ գեներալ Նիկոլաեւից ստանում է նահանջի անսպասելի հրամանը: Պարզվում է, որ գեներալ Աբացեւի (չափազանց թույլ ռազմագիտական կարողութիւններով այդ թրքամետ գեներալը ողջ պատերազմի ընթացքում աչքի է ընկել հատկապես իր հակահայ գործողութիւններով-Հ.Գ.) գորամասը, չկարողանալով դիմադրել Ալաշկերտի, Ղարաքիլիսա գյուղաքաղաքի կողմից թուրքական զորքերի գրոհներին՝ նահանջում է եւ դրանով իսկ հակառակորդին լուրջ հնարավորութիւն ընձեռում շրջապատելու գեներալ Նիկոլաեւի զորախմբին, որի առաջապահ մարտական միավորը Դրոյի խումբն էր: Եվ ինչպես հետագայում իրավացիորեն պիտի նշեր 2-րդ զորախմբի 1-ին հեծյալ հարյուրակի հրամանատար Յապոնը. «Պատերազմը հազիւ սկսած մեզ համար պարզում էր, որ ռուսը որոշած էր հայի գլխին խաղ խաղալ... Հրամանատարներն ու կամաւորները, փոխանակ նահանջի, պահանջում էին կոտրել դիմադրութիւնը ու օր առաջ հասնել պայքարող Վանին: Բայց ստիպուած էին ենթարկուել դաւադիր հրամանին»¹:

Դեպքերի նման զարգացումը զարմանք է հարուցում հայ կամավորներին: Մի՞թե հայրենիքն ազատագրելու ձգտումներով ոգեկոչված եւ մարտադաշտում դեռ նոր-նոր ոտք դրած հայ զինվորը կարող էր մտածել նահանջելու մասին: Մյուս կողմից, կամավորական զորախումբը բավական առաջ էր անցել հիմնական զորամասերից եւ նահանջի պարագայում կարող էր դյուրութեամբ զոհ դառնալ թշնամու մեծաքանակ ուժերի հարձակումներին: Զորախմբի հրամանատարութիւնը հետագա գործունեութեան համար պիտի հաշվի առներ ստեղծված կացութիւնը եւ գործեր իրականութեանը համահունչ մարտավարութեամբ:

Այդ իրողութիւնը լուսաբանող վավերագրերից մեկում պատմվում է հետեւյալը. «... հոկտեմբերի 30-ին մօտենում են Կաւրե-Շա-

մէ քրդական գիւղին: Որոշուած էր այսպէս. խումբը գնալու է առաջուց եւ նրան 6 ժամուա տարածութիւնից հետեւելու է ռուսական զօրքը: Կաւրե-Շամէից մերոնք պէտք է անցնէին Աբաղայի դաշտով դէպի Վան, յետեւից ունենալով ռուսական զօրքին, սակայն մերոնք երբ զբաղուած են լինում Կաւրե-Շամէով, այդ ժամանակ պատերազմական ծրագիրը փոխում է եւ ռուսները փոխում են իրենց ճամփան դէպի Դութաղ, առանց մեզ իմաց տալու»²:

Ի՞նչ անել: Իրենց անելիքները որոշակիացնելու նպատակով Դրոն զորախմբի հարյուրակների հրամանատարներին հրավիրում է խորհրդակցութեան:

«Արմէն Գարոն եւ Խէչոն, - գրում է 3-րդ հարյուրակի հրամանատար Մարտիրոսը, - խորհուրդ են տալիս «նահանջել»:

Դրօն առարկում է.

- Կոիւր դեռ նոր ենք սկսել, թշնամու ուժերը թարմ են եւ թուով շատ, եթէ նահանջենք, նրանք պիտի ոգեւորուեն եւ մեծ կորուստներ պատճառեն մեզ:

... Այդ ասելով Դրօն այլեւս չսպասեց, անհրաժեշտ կարգադրութիւններ արաւ, որովհետեւ թշնամին արդէն երես էր առել մեր տատանումը նկատելով»³:

Հարկ է նշել, որ հայկական զորախմբերը պատերազմի սկզբնական շրջանում այնքան էլ լավ զինված ու հանդերձավորված չէին. «Զորախմբերը պատերազմին մասնակցում էին առանց զնդացիրների, գումակի, երթային խոհանոցների, դեղորայքի եւ նույնիսկ առանց ջրամանների»³:

Կամավորները զինված են եղել տարբեր տեսակի հրացաններով ու ատրճանակներով, իսկ նրանց զլխավոր գեներ մարտական ոգին էր եւ իրենց գործի նկատմամբ ունեցած անհողողը հավատն ու վճռականութիւնը: Դրոն վճռում է չկատարել գեներալ Նիկոլաեւի հրամանը եւ ճակատամարտ տալ: Նա նաեւ հույս է փայփայել, որ իրենց հաջող գործողութիւններով կարող էին ոգեւորել ռուսական զորքերին եւ փոխել նրանց նահանջելու տրամադրութիւնները:

Հարյուրակների հրամանատարների եւ ողջ մարտախմբի տրամադրութիւնը մարտական էր: Դրոյի ընդամենը 500 զինվորներից բաղկացած զորախումբն անվարան ընդունում է քանակապես ավելի քան տասնապատիկ գերազանցող ուժեր ունեցող հակառակորդի

¹ ՀԱԱ, ֆ. 121, ց. 2, գ. 6, թ. 13:

² Խմբապետ Մարտիրոս Աբրահամյան, Եզվ. աշխ., էջ 223:

³ ՀՀԳ ԿԱ, թ. 503, գ. 14, էջ 15:

¹ «Հայրենիք» ամսագիր, 1942, մայիս, էջ 174:

մարտահրավերը: Բոլոր Հարյուրակների Հրամանատարներին խստագույնս հրամայվում է ոչ մի քայլ չնահանջել, դիմադրել մինչև վերջին փամփուշտը:

«Դրոն,-չարունակում է Մարտիրոսը, - գրում է ինձ, թէ Մակեդոնին ու Արշակին յայտնիր, որ դիրքերը ձեռքից չպիտի սան:

Մակեդոնն ինձ պատասխանում է.

«Դրոյին ասացէք, եթէ մենակ էլ մնամ, թշնամին Կարմիր սարը չի տեսնի»: Իսկ Արշակը պատասխանում է.

- Իմ դիրքերը գրաւող թշնամին դեռ չի ծնուել:

Եւ իսկապէս, երկուսն էլ արդարացրին Դրոյի յոյսերը»¹:

Թուրք-քրդական մարտախմբերի հրամանատարութիւնը վստահ իրենց ուժերի քանակական գերակշռութեանը, համարձակորեն գրոհում են գյուղի մատուցներում դիրքավորված կամավորական խմբի Հարյուրակների վրա: Հմտորեն ղեկավարելով մարտը՝ Դրոն հակառակորդի գնդակների հեղեղի տակ շարժվելով մի Հարյուրյակից մյուսը՝ քաջալերում եւ սխրանքների է կոչում Հայ զինվորներին: Թշնամին ճանաչելով Հայ մարտախմբի հրամանատարին, կրակը կենտրոնացնում է նրա վրա, բայց նա կարծես արհամարհելով իր վրա տեղացող գնդակները՝ արշավում է մի դիրքից մյուսը:

«Գետնի փոշին,- վերհիշում է Մարտիրոսը,- բարձրացած գնդակների կարկուտից եւ ձիու սմբակներից, իր մէջ առաւ նրան ձիու հետ միասին, ինձ թուաց, որ այլեւս ամեն ինչ վերջացաւ, բայց մի քանի վայրկեանից յետոյ, ձիով ճեղքելով փոշին՝ կրկին երեւաց Դրոն, գլուխը դրած ձիու ականջների արանքը քառատրոփ սլանալիս դէպի Կարմիր սարը՝ Մակեդոնի դիրքերը:

Հինգ ըոպէից աւելի չմնաց այնտեղ, կրկին շուռ տուեց ձին եւ նոյն արագութեամբ, այս անգամ գնաց կանգ առնելու Արշակի տղաների մօտ:

-Դէ, քալաչներս (քաջեր - Հ.Գ.)...

Մի քանի ըոպէից յետոյ վերադարձաւ նորից դէպի ինձ եւ ժպտալով ասաց.

- Տղաներս, քալաչներ են, շատ լաւ են դիմադրում: Մարտիրոս, թշնամին շատ է, շատ:

Լաւ տրամադրութեան մէջ էր եւ գոհ բոլորից»²:

Թշնամին, չկարողանալով կոտրել Կարմիր սարի բարձունքներում դիրքավորված Մակեդոնի եւ Արշակի Հարյուրակների դիմա-

դրութիւն, հարձակումը զարգանում է Կավրե-Շամի գյուղի ուղղութեամբ: Գյուղի վրա գրոհի նետվող քրդական հեծելախմբերին եթէ հաջողվեր հաղթահարել Հայ զինվորների դիմադրութիւնը, ապա ծանր վիճակի մեջ կարող էր հայտնվել ողջ գորագունդը: Կովի վճռական պահն էր: Դրոն թշնամուն թիկունքից հարվածելու ու նրան խուճապի մատնելու նպատակով գրոհի է նետում Դալի Դազարի, ապա Կարբեցի Օնեի Հարյուրակները: Նրա կիրառած մարտավարութիւնը պսակվում է լիակատար հաջողութեամբ: Կամավորների հուժկու հարվածն անկասելի էր, թշնամու ջախջախված զորախմբերը հետ են շարտվում գյուղի մատուցներից:

Նույն պատկերն էր տիրում ճակատամարտի մյուս հատվածում, ուր Մարտիրոսի Հարյուրակի, Զեմլյակի եւ Յապոնի հեծյալների հանդուգն գրոհներից թուրքերին ու քրդերին հաղողվում է ազատվել միայն փախուստով: Ճակատամարտի ողջ ընթացքում Դրոն անընդհատ կռիվների կիզակետում էր. «Այդպիսի մի խառը ժամանակ, - շարունակում է Մարտիրոսը, - Դրոն կրկին եկաւ մեզ մօտ: Էլ համբերել չկարողացայ ու դառնալով նրան ասացի.

-Դրօ ջան, խնդրում եմ, ցած արի ձիուց եւ եթէ Մակեդոնի մօտ ես ուզում գնալ, տուր ձիդ ես գնամ... - չթողեց խօսքս վերջացնեմ եւ ջղայնացած պատասխանեց.

- Ի՞նչ ես մտածում այդպէս խօսելով, Մարտիրոս, կարծում ես թէ դու ինձանից աւելի զոհաբերուելու իրաւունք ունես, թէ՞ ես, գնդակը, որ ինձ կպչի, քեզ կխնայի»:

Պատասխանի չսպասեց, մտաւ ձիու ականջները, ձուլուեց նրա հետ եւ սլացաւ դէպի Կարմիր սարը տղերքի մօտ»¹:

Ամբողջ օրն ուշադրութիւն չդարձնելով թշնամու կողմից արձակվող գնդակների կարկուտին՝ Դրոն, «Դե քալաչներս...» վանկարկելով, նետվում է մի Հարյուրակից մյուսը եւ Հայ զինվորները հրամանատարի համարձակութիւնից ավելի ոգեկոչված՝ ուժեղացնում են հարվածների հզորութիւնը: Կավրե-Շամի կռիվը կարծես թե մոտենում էր ավարտին, երբ Դրոն իր հերթական արշավից վերադառնալով Արշակի դիրքերից՝ տեսնում է Արմեն Գարոյին, ինչոյն եւ փորձում մոտենալ նրանց:

«Տեսայ,-վերհիշում է Մարտիրոսը,-պատրաստուեց իջնելու ձիուց, սակայն նկատեցի, որ անբնական կերպով թեքուեց թամբի վրայ եւ պիտի ցած ընկնէր, եթէ Արմեն Գարոն ու ինչոն չհասնէին:

¹ «Ալիք», 1956, մայիսի 4, էջ 73:

² ԴՅՂ ԿԱ, քժ. 503, գ. 14, էջ 15:

¹ Նույն տեղում:

Դրոյին գրկած, ձիուց ցած բերին եւ իրարանցում սկսուեց այնտեղ:
Աչքիս առաջ ամէն ինչ սեւացաւ: Տղաներին մի քանի խօսք
ասելուց յետոյ վազէ-վազ հասա գիւղ:

Արմէն Գարոն, տեսնելով վիճակս, մի կողմ քաշեց ինձ ու ասաց.

- Ջիսուեցնես Մարտիրոս, դրուժիւնը ծանր է:

Դրօն ուշակորույս վիճակում պառկած էր¹:

Հայկական կամավորական զորախմբերի գործողութիւնների լուսաբանմանը նվիրված վերոհիշյալ վավերագրում Կավրե-Շամե կովի մասին նշվում է. « Մի ժամուայ հրացանաձգութիւնից յետոյ մերոնք գրաւում են գիւղը... Կէս օրից յետոյ քիւրտերը նորից յարձակում են գիւղի վրայ, բայց անկարող լինելով դիմադրել, թողնում փախչում են: Սակայն, նորից, գիւղի զանազան ծայրերից իջնում են 2000 քիւրտ եւ կանոնաւոր զօրք, մերոնք ոչ միայն դիմադրում են քաջաբար, այլեւ մի քանի անգամ յարձակումներ են գործում իրենց դիրքերից եւ վախեցնում թշնամուն:

Այդ օրն է, որ վիրաւորւում է Դրօն²:

Հենց նույն օրը Կովկասյան ռազմաճակատի հրամանատարութիւնը ստանում է հետեւյալ հեռագիրը. «Ամբողջ առաջին օրը միայն մեր ուժերը ունեցել են ծանր կռիւմներ, վեց անգամ գերազանցող քրդերի ու թուրքական կանոնավոր զորամասերի դեմ: Մանր վիրավորված է Դրոն...»³:

Կավրե-Շամեի կռիվը շարժնակվել է մինչեւ մուլթն ընկնելը: Կամավորները Ֆիզայական կռիւների փորձից քաջատեղյակ էին, որ քրդերը սովորամար կռվում էին մինչեւ մուլթն ընկնելը: Զորախումբն աննահանջ աննահանջ դիմադրավել է հակառակորդի հարձակումները, ապա օգտվելով գիշերված խավարից՝ նահանջում են դեպի Ղրզլ Ղայա⁴:

Կամավորական 2-րդ զորախմբի հրամանատարութիւնը պիտի ընդուներ Դաշնակցական ինչոն, որը մինչ այդ մասնակցել էր բազմաթիվ կռիւների ու իր մարտական փորձառութիւնը ու կռիւներում դրսևւորած քաջութիւնը գինվորների շրջանում ավելի մեծ հարգանք ու հեղինակութիւն էր վայելում, բայց համաձայնութիւնը զորախմբի հրամանատարութիւնը ստանձնում է Բանկ Օտոմանի գրավման մասնակից Արմեն Գարոն:

¹ Նույն տեղում:

² ՀԱԱ, ֆ. 121, ց. 2, գ. 147, ք. 7:

³ Նույն տեղում, ֆ. 127, ց. 2, գ. 25, ք. 47:

⁴ «Ալիք», Բացառիկ, թիւ 87, էջ 75:

Զորախմբի նորընտիր հրամանատարի՝ Արմեն Գարոյի հանձնարարութեամբ վիրավոր Դրոյին թիկունք պիտի տեղափոխեր Մարտիրոսի հարյուրակը:

«Փայտերից մի պատգարակ շինեցինք, գրում է Մարտիրոսը, - և տակը փափուկ խոտ լցրեցիք Դրոյին տեղափոխեցինք նրա մէջ, ծածկելով զինուորական ծածկոցներով:

Վեց հոգի տղաներից պատգարակն առան իրենց ուսերի վրայ և սկսեցինք շարժել դէպի Ղրզլ-Ղայա: Ամեն մի չորսից-հինգ հարիւր մետրի վրայ փոխւում էին քաջերս, առանց հոգնութիւն զգալու, չէ որ նրանք շատ էին սիրում իրենց հրամանատարին և չէ որ նրանց ականջներում զրնգում էին դեռ Դրոյի բառերը, խառնւած գնդակների սուլոցին:

-Դե՛, քալաչներս...»¹:

Դրոյին ուշակորույս վիճակում տեղափոխում են Իգդիր, ապա Թիֆլիսի Արամյան հիվանդանոցը:

Պարզվում է, որ թշնամու արձակած գնդակը շատ խորը մխրճվել էր նրա թոքերի մեջ:

«Դրոն, նկատում է Աբ. Գյուլխանդանյանը, - շատ մահ է սպիռել եւ վերքեր է հասցրել հայութեան թշնամիներին, բայց եւ վերք է ստացել թշնամուց եւ իր կեանքի մէջ մինչեւ օրս պահում է թշնամուց ստացած գնդակը իբրեւ մի դաժան յիշատակ իր յաղթական օրերի»²:

Դրոյի զորախմբի մարտական գործողութիւնը որքան էլ հերոսական լիներ ու ոգեւորող, այնուամենայնիւ, դույզ-ինչ չէր կարող փոխել ռուսական զորքերի հրամանատարութեան ծրագրերն ու մարտավարութիւնը:

Քանի որ գեներալ Նիկոլաեւի զորամասը գեներալ Աբացեւի զորախմբի անհաջող գործողութիւնների հերեւանքով հարկադրված նահանջել էր սահման, այդ պատճառով Դրոյի զորախումբը հրաման է ստանում հեռանալ Թափառեղի լեռնանցքից, շարժվել Ալաշկերտի Ղարաքիլիսա՝ միանալու գեներալ Աբացեւի զորախմբին:

Արամյան հիվանդանոցում բուժվելու օրերին Թիֆլիս է ժամանում Ռուսիայի կայսր Նիկոլայ 2-րդը եւ այցելում գինվորական հիվանդանոցներ: Թիֆլիսի քաղաքագլուխ Ալ. Սատիսյանի ուղեկցութեամբ ցարը այցելում է նաեւ Արամյան հիվանդանոց, որտեղ պառկած էր Դրոն:

¹ «Ալիք». Բացառիկ, 1956, թիւ 87, էջ 75:

² «Յայրենիք» անսագիր, 1953, թիւ 12, էջ 135:

«... ես,- գրում է Ալ. Խատիսյանը, - պատմեցի ցարին Հայ կամաւորներու քաջագործութիւններու մասին, նոյնը Հաստատեցին եւ ցարին չըջապատող ուս զորավարները, եւ ցարը շնորհեց Դրոյի Գէորգեան զինուորական խաչը իր քաջութեան համար»¹:

Այդ օրերին Նիկոլայ 2-րդի եւ Դրոյի հանդիպման մասին զանազան շինծու, իրականութեան հետ որեւէ առնչութիւն չունեցող լուրեր էին շրջանառուում:

Ըստ գնդապետ Եգոր Տեր Ավետիքյանի պատմածի՝ Արամյան հիվանդանոց այցելելիս Դրոն իրեն խնդրել է, որ «...հերքեմ Թիֆլիզի հայկական շրջաններում պտտվող լուրը՝ իբր թէ Նիկոլայ 2-րդը սեղմել է նրա ձեռքը և հարցրել, թէ «Մ'րտեղ է սովորել զինուորական արհեստը» և որին նա իբր պաստասխանել է. «Հ.Յ. Դաշնակցութեան չկայում»:

Ինձ շատ խնդրեց, որ հերքեմ այդ լուրը»²:

Համաձայն Ռուսիայի կայսր Նիկոլայ 2-րդի հետ կայացած հանդիպմանը վերաբերող Դրոյի պատմածի՝ ցարը Թիֆլիսում գտնվելու ժամանակ Թիֆլիսի քաղաքագլուխ Ալ. Խատիսյանի եւ բարձրաստիճան զինվորականների ուղեկցութեամբ այցել է զինվորական այն հիվանդանոցը, որտեղ պառկած էր Դրոն եւ բազմաթիվ այլ զինվորականներ: Նիկոլայ 2-րդը հիվանդանոցի գլխավոր բժշկի եւ մի քանի բարձրաստիճան պաշտոնյանների ուղեկցութեամբ մեկ-մեկ մոտեցել է հիվանդներին ու հարցրել նրանց անունն ու վիրավորվելու հանգամանքը: Երբ մոտենում է Դրոյի մահճակալին, հիվանդանոցի կառավարիչը հայտնում է՝ «Դրո, հայկական կամավորական երկրորդ գումարտակի հրամանատար:

Ցարը խոժոռում է հայացքը և հարցնում.

«Իսկ ինչու՞ դուք չնահանջեցիք, երբ ձեզ այդպէս էր հրամայած:

«Չերդ Արքայական մեծութիւն, նահանջի հրաման ստացայ այն ժամանակ, երբ արդէն կուր մէջ էի թւով 4 անգամ շատ թշնամու հետ, երեք ուղղութիւններով: Այդ պայմաններում նահանջել նշանակում է կորցնել ամբողջ գումարտակը, ուստի յարմար դատեցի կուր մինչև գիշեր և քաշել գւշերայ մթութիւնից օգտուելով:

«Ես էլ այդպէս կանէի, ճիշտ ես նկատել, աւելացնում է ցարը և սեղմելով նրա ձեռքը, իր իսկ ձեռքով ամրացնում է Դրոյի կրծքին Գէորգի Ա. աստիճանը»³:

Մինչ Դրոն հիվանդանոցի մահճակալին գամված բուժում էր վերջը, Կովկասյան ռազմաճակատում կատարվում են այնպիսի իրադարձութիւններ, որոնք մեծապես պայմանավորեցին Արեւմտյան Հայաստանի եւ Հայութեան ողբերգական ճակատագիրը: Էն-վերի գլխավորած թուրքական զորքերը շարժելով Սարիղամիշ ծանր կացութեան մեջ են դնում ուսական զորաբանակին եւ հետագա Հաջողութեան դեպքում սպառնում ներխուժել Կարս, Ալեքսանդրապոլ, ապա նաեւ Կովկաս: Սարիղամիշի ճակատում թուրքական զորքերի ժամանակավոր Հաջողութիւնների հետեւանքով ռազմաճակատի մյուս հատվածներում տեղաբաշխված ուսական զորքերը հարկադրաբար թողնում են գրաված դիրքերն ու բռնում նահանջի ուղին: Բնական է, որ Հայ կամավորական զորախմբերը, որոնք գործում էին ուսական զորամասերի կազմում, նույնպես պիտի առաջնորդվեին նույն մարտավարութեամբ ու նահանջին:

Դրոյի բացակայութեան ընթացքում 2-րդ զորախումբը նրա օգնական Արմեն Գարոյի ու Դաշնակցական Խնդրի հրամանատարութեամբ Հաջողութեամբ մասնակցում է բազմաթիվ կռիվների եւ արժանանում ռազմաճակատի հրամանատարութեան գովասանքին:

«Հայերի մասնակցութիւնը առաջին աշխարհամարտին, 1914-1918 թթ.» պատմագիտական տեղեկագրում գրվատելով Դրոյի գլխավորած 2-րդ կամավորականի ձեռք բերած մարտական նվաճումները՝ հատկապես շեշտվում է Ալաշկերտի եւ Դիւմանի շրջանների հայութեան պաշտպանութեան եւ փրկութեան գործում զորախմբի նշանակալի ծառայութիւնները¹:

«Ռուսական հրամանատարութիւնը, նշվում է տեղեկագրում, շատ գոհ է զորախմբի այդ ծառայութիւնից, քանի որ նա զգալիորեն ազատեց այդ անխուսափելի պարտականութիւնը կատարելուց մյուս զորամասերին, որոնք զբաղված լինելով բազում այլ մարտական եւ ռազմավարական տեղաշարժերի իրագործմամբ, պետք է կատարեին ընդհանուր իրավիճակից թելադրվող այլ խնդիրներ ու հանձնարարութիւններ»²:

Ըստ կամավորական զորախմբերի գործունեութիւնը ներկայացնող «Исторический очерк о боевых действиях армянских добровольческих дружин» խերագիրը կրող մեկ այլ տեղեկագրի՝ Թափառեղի լեռնացիքից նահահանջելուց հետո 2-րդ կամավորականը տեղափոխվել է Ալաշկերտի տարածք ու գործելով Դերիկի շրջանում՝ մինչև դեկ-

¹ «Հայրենիք» ամսագիր, 1932, հոկտեմբեր, էջ 159:

² «Ալիք». Բացառիկ, 1956, թիւ 87, էջ 81:

³ Նույն տեղում, էջ 75:

¹ Տե՛ս ԳԳ ԲԿԱ, թժ. 503, գ. 6, էջ 18:

² Նույն տեղում:

տեմբերի 18-ը, գեներալ Աբացե գորախմբի ջոկատների համագործակցությամբ մասնակցել է 7 կռիվների: Սարիզամիչի հանրահայտ դեպքերից հետո, երբ տեղի է ունեցել ռուսական զորքերի ընդհանուր նահանջը, 2-րդ գորախումբը թողել է զբաղեցրած դիրքեն ու նույնպես նահանջել: Ռուսական զորքերի ընդհանուր նահանջի հետեւանքով հազարավոր հայեր հարկադրված լքելով իրենց բնակավայրերը՝ հանգրվանել էին Ալաշկերտի սարահարթում¹:

Տեղեկագրի հավաստամբ՝ «Այդ նահանջի ընթացքում 2-րդ գորախումբը իր գինական պաշտպանության տակ վերցրեց Ալաշկերտից գաղթող մեծաքանակ հայ փախստականներին»²:

2-րդ կամավորականի գործունեությանը վերաբերող մեկ այլ փաստաթղթում նշվում է. «Երկրորդ գունդը իր գործունեութեամբ շատ գոհ է թողել ռուս բանակի հրամանատարներին, իսկ զինուորական շրջաններից առանձին հիացմունքով են խոսում հայ կամավորների անվեհեր կռիվների մասին»³:

Մինչ Դրոն բռնում էր վերջը, Կովկասյան ռազմաճակատում կատարվում են այնպիսի իրադարձություններ, որոնք մեծապես պայմանավորում են Արեւմտյան Հայաստանի եւ հայութեան ողբերգական ճակատագիրը: Էնվերի գլխավորած թուրքական զորքերը շարժվելով Սարիզամիչ ծանր կացության մեջ են դնում ռուսական զորաբանակին եւ սպառնում ներխուժել Կարս, Ալեքսանդրապոլ, ապա նաեւ Կովկաս: Սարիզամիչի ճակատում թուրքական զորքերի ձեռք բերած հաջողությունների հետեւանքով ռազմաճակատի մյուս հատվածներում տեղաբաշխված ռուսական զորքերը հարկադրաբար թողնում են գրաված դիրքերն ու բռնում նահանջի ուղին:

1914 թ. դեկտեմբերին ավարտվում է հայ կամավորական զորախմբերի մարտական գործունեության առաջին փուլը, որի ընթացքում նրանք կորցրել են իրենց կազմի 1/3-ը, 156 զոհ եւ 743 վիրավոր, ցրտահարվածներ ու հիվանդներ⁴:

Հայ կամավորական զորախմբերը փոքր-ինչ հանգստանալու ու կազդուրվելու եւ մարտական կազմը համալրելու նպատակով տեղափոխվում են թիկունք, այելի ստույգ՝ Քանաքեռ:

¹ Տե՛ս ՀԱՍ, ֆ. 121, ց. 1, գ. 3, ք. 8-9:

² Նույն տեղում:

³ ՀՀ ԲԱՍ, քո. 503, գ. 14, ք. 7:

⁴ Տե՛ս ՀԱՍ, ֆ. 121, ց. 1, գ. 3, ք. 12:

2. 2. ԵՐԿՐՈՐԴ ԱՐՇԱՎԱՆՔԸ ԴԵՊԻ ՎԱՆ, ՇԱՍԱԽ, ՄՈՎՍ, ՌՇՏՈՒՆԻՔ, ՏԱՐՈՆ

Պատերազմի առաջին երկու ամիսները ցույց տվեցին, որ իզուր էին հայերի հույսերը, թե իբր ռուսական բանակն ընդունակ է եւ կարող մի քանի շաբաթների ընթացքում ջախջախել թուրքական զորքերին ու ազատագրել Արեւմտահայաստանը: Թուրքիայի զանազան շրջաններից մազապուրծ եղած հայ գաղթականները սարսափազդու լուրեր էին հաղորդում արեւմտահայութեանը սպառնացող անխուսափելի ջարդերի մասին:

Դեպքերի զարգացման ողբերգական ընթացքը ցույց տվեց, որ «ազատարար» ռուսական բանակը ոչինչ չձեռնարկեց, իսկ հայ կամավորական խմբերը չկարողացան խոչընդոտել ողջ Արեւմտահայաստանն ու Օսմանյան կայսրության մյուս հայաբնակ վայրերը ջարդերի սարսափելի տեսարանների վերածող թուրքերի ու քուրդ ջարդարար ավազակախմբերի հրեշավոր գործողությունները:

Անխուսափելի կոտորածներից փրկվելու նպատակով հայութունը Արեւմտահայաստանի մի քանի շրջաններում դիմել էր ինքնապաշտպանության: Հայոց Ազգային Բյուրոյի եւ կամավորական խմբերի առաջ ծառայած օրվա կարեւորագույն խնդիրը արեւմտահայութեանն օր առաջ օգնության հասնելն էր: Պիտի նշել, որ հայ կամավորական խմբերը գործում էին ռազմաճակատի տարբեր ուղղություններում եւ նրանցից յուրաքանչյուրն առանձին վերցրած չունեւր ռազմական այնպիսի հզորություն, որպեսզի կարողանար միայնակ լուծել կարեւորագույն նշանակություն ունեցող մարտական առաջադրանքներ: Իսկ ժամանակը չէր աշխատում ի նպաստ հայերի: Տվյալ ժամանակաշրջանում անհրաժեշտ էր միավորել հայկական բոլոր մարտական ուժերը եւ դրանք կենտրոնացնել առավել կարեւորություն ներկայացնող ուղղությունում, որպիսին համարվում էին Վան-Մուշ, Վան-Բիթլիս ուղղությունները:

1915 թ. գումարվում է Հայոց Ազգային Բյուրոյի համագումարը, որի մասնակիցները հիմք ունենալով պատերազմի հետեւանքով ծանրագույն իրավիճակում հայտնված հայութեան առաջնահերթ ու անհրաժեշտ խնդիրները՝ սահմանում են Ազգային Բյուրոյի գործունեության հիմնական հետեւյալ ուղղությունները.

ա. Հայ կամավորական խմբերի կազմակերպությունը, պահպանությունը և նրանց քանակի ավելացումը ըստ կարեւորության և պահանջի:

բ. Հայտնողովրդի ինքնապաշտպանությունը այն վայրերում, ուր նրան առավելապես վտանգ է սպառնում:

գ. Բանակցությունները ուսս զինվորական և քաղաքացիական իշխանությունների հետ վերահիշյալ խնդիրների բարեհաջող կարգավորման համար:

դ. և ի. Դրամական նվիրատվությունների հանգանակումը այլ և այլ հայաբնակ քաղաքներում և վայրերում հայ կամավորական խմբերի պահպանության համար: Բյուրոյի գլխավոր հոգատարության առարկան էր և շարունակում է մնալ մինչև այսօր հայ կամավորների գործունեությունը և նրանց պահպանությունը Տաճկաստանի ռազմաճակատում¹:

Հայ մարտական խմբերը ենթարկվում էին կովկասյան ռազմաճակատի հրամանատարությունները, իսկ առանց նրա համաձայնության խոսք անգամ չէր կարող լինել նրանց միավորվելու մասին: Առաջնորդվելով վերահիշյալ նկատառումներով՝ Հայոց Ազգային Բյուրոն դիմում է կովկասյան ռազմաճակատի հրամանատարությանը: Կովկասի փոխարքա Վորոնցով-Դաշկովի և կովկասյան ռազմաճակատի հրամանատարության միջնորդությամբ Գերագույն գլխավոր հրամանատարությունը հաստատում է հայկական կամավորական խմբերը միավորելու Ազգային Բյուրոյի ներկայացրած դիմումը: Կամավորական յուրաքանչյուր խմբի թվակազմը հասցվում է 1000-ի և այժմ արդեն նրանք իրենց հանդերձանքը, գեներալ և զինամթերքը պիտի ստանային ոչ թե Ազգային Բյուրոյի, այլ ի հաշիվ պետական միջոցների, ավելի ստույգ կովկասյան ռազմաճակատի հրամանատարության²:

Ի տարբերություն նախորդ արշավանքի, այս անգամ արդեն կամավորական զորախմբերը համեմատաբար ավելի լավ էին զինված ու հանդերձավորված: Մի վկայություն այդ արշավանքի մասնակից գեղապետ Ֆեոդոր Ելիսեեի հուշերից. «Հայ կամավորները լաւապէս հագուած-սարքուած էին: Անոնք կը կրէին ռուսական հրացաններ, շատերն ալ ունէին մաուզէր սիստեմի երկար ատրճանակներ փայտէ պատեանով...»

Քանի մը շարք փամփշտակալներով ծանրաբեռնուած կըլլային հայ կամավորներուն կուրծքն ու կողերը, և ատիկա ռազմաշունչ երեւոյթ կընծայէր անոնց...

¹ Կարապետյան Ս., Հայկական կամավորական խմբերը և ազգային գումարտակները Կովկասյան ռազմաճակատում 1914-1917 թթ., Երևան, 1999, էջ 123-124:
² ՀԱԱ, ֆ. 121, ց. 1, գ. 3, ք. 12:

Կամավորական գումարտակներէ իւրաքանչիւրն ունէր հարիւրեակ մը հեծեալ հետախոյզներ: Անոնց երկուսները ուժեղ էին և այծերու պէս արագաթռիչ...

Հայ կամավորներու փառապանծ պետերը Հայ քաղաքական գործիչներ էին... Անոնք հագուած ու զինուած էին սովորական կամավորներու պէս, միայն հրացան չէին կրեր իրենց վրայ: Ոչ մէկը ուսադիրներ կը կրէր, պարզ զինուոր կամ հրամանատար¹:

Բացի արդեն գործող կամավորական չորս զորախմբերից, ռազմաճակատի հրամանատարությունները Հայոց Ազգային Բյուրոյին թույլատրում է կազմավորել եւս մեկ զորախումբ:

Բացի դրանից, ռազմաճակատի հրամանատարության և անձամբ ռուսական 4-րդ կորպուսի հրամանատարի՝ հայազգի գեներալ Օգանովսկու առաջարկությամբ Հայոց Ազգային Բյուրոն կազմավորում է կամավորական 5-րդ զորախումբը, որի հրամանատար է նշանակվում Վարդան Մեհրաբյանը: Պիտի նշել, որ հինգերորդ զորախմբի կազմավորմանը նպատել է ռազմաճակատի Սարիղամիշի հատվածում թուրքական զորքերի ձեռք բերած ժամանակավոր հաջողությունը, որը խուճապային տրամադրություններ էր հաղորդել Թիֆլիսում գտնվող իշխանության ներկայացուցիչների շրջանում: Այդ ժամանակ Թիֆլիսում կային կռիվների բովով անցած ավելի քան 700 մարզված կամավորներ, որոնցից «...կազմուեց հիգերորդ գունդը Խանասորի հերոս Վարդանի ղեկավարությամբ: Այդ նորակազմ գունդը պէտք է անցնէր անմիջապէս Սարիղամիշի ռուս բանակին օգնութեան, սակայն անկարող եղաւ անմիջապէս գէնք ստանալ և մնաց Ալեքսանդրապոլ...»²:

Ազգային բյուրոյի Կարգադրիչ մարմնի պետի տեղակալ Ս. Վրացյանի հավաստմամբ՝ կամավորական նոր զորախումբ կազմավորելու նպատակով, գեներալ Օգանովսկու առաջարկությամբ կամավորական զորախմբերի հրամանատարների և Կարգադրիչ մարմնի անդամների մասնակցությամբ գումարավում է ժողով, որտեղ որոշվում է Խանասորի Վարդանի կամ Իշխանի(Հովսեփ Արղունի հրամանատարության) կազմավորել եւս մեկ զորախումբ և բոլոր հինգ խմբերը 4-րդ կորպուսի կազմում կենտրոնացնել Վան-Վասպուրականի և Տարոնի ուղղությամբ³:

Խանասորի Վարդանի (Վարդան Մեհրաբյան) գլխավորությամբ Քանաքեռում կազմավորվող 5-րդ զորախումբը հրանոթներ

¹ «Հայրենիք» ամսագիր, 1957, թիւ 8, էջ 21:
² ՀԱԱ, ֆ. 402, ց. 1, գ. 5, ք. 20:
³ Տե՛ս Վրացեան Ս., Կեանքի ուղիներով, հ. 4., էջ 68:

րի եւ հրացանների անբավարարութեան հետեւանքով չի կազմավորվում, իսկ կամավորները հարկադրված համալրում են 1-ին, 2-րդ, 3-րդ եւ 4-րդ զորախմբերի մարտաշարքերը:

Հայ Ազգային Բյուրոյի պահանջով կամավորական 2-րդ, 3-րդ եւ 4-րդ զորախմբերը միավորվելով Վարդանի ընդհանուր հրամանատարութեամբ կազմում են «Արարատյան ջոկատ» զորագունդը եւ որպէս գեներալ Օգանովսկու գլխավորած կորպուսի կազմում գտնվող գեներալ Նիկոլաեւի Բայագետյան զորամասի առաջապահ միավորում, պիտի գործեն իգդիր-Բերկիր-Կալա-Վան ուղղութեամբ: Անդրանիկի 1-ին կամավորական զորախումբը Սալմաստի շրջանից նույնպէս շարժվելու էր Վան:

Յուրաքանչյուր զորախմբի որպէս խորհրդական ուղեկցել է գեներալ Օգանովսկու շտաբի սպաներից մեկը: Դրոյի զորախմբի հետ եղել է զինվորական բարձրագույն դպրոցն ավարտած, ազգութեամբ լատիշ, հայասեր կապիտան Օգոլը¹:

Պիտի նշել, որ այս անգամ կամավորական խմբերին զենքն ու զինամթերքը տրամադրել է ռուս կառավարութեւնը, իսկ նյութական ու այլ անհրաժեշտ միջոցները ըստ նախապէս կազմած նախահաշիվի՝ Հայոց Ազգային Բյուրոն, որը այդ միջոցները ձեռք էր բերում հայաբնակ տարբեր բնակավայրերից ու առանձին անհատներից ստացած դրամական նվիրատվութեւններից²:

Վարդան Մեհրաբյանին «Արարատյան ջոկատ»-ի հրամանատար նշանակելու որոշումը կամավորական զորախմբերի հրամանատարների կողմից միանշանակորեն չի ընդունվել:

Ս. Վրացյանը, որն այդ ժամանակ վարել է Ազգային Բյուրոյի կամավորական խմբերի կազմավորման շտաբի (Կարգադրիչ մարմին) պետի՝ Նիկոլ Աղբալյանի տեղակալի պաշտոնը, անդրադառնալով «Արարատյան ջոկատ»-ի հրամանատարի ընտրութեան հարցին՝ գրել է. «Կրկնուէց Խանասորի արշաւանքի սխալը: Հրամանատարութեան ամենէն արժանաւոր թեկնածուն Նիկոլ Դումանը անտրտունջ ենթարկուեց որոշման եւ արշաւանքին մասնակցեց իբրեւ յիսնապետ, Անդրանիկը խռովեց եւ մերժեց մտնել Արարատեան ջոկատի կազմի մէջ: Պետք է ասել, որ Վարդանի ջոկատի հրամանատար նշանակելուց գոհ չէին եւ միւս հրամանատարները, մասնաւորապէս Դրօն, որ առողջացած, թէեւ գնդակը թռքերի մէջ, ստանձնել էր կամաւորական երկրորդ խումբի հրամանատարութիւնը»³:

Դրոն, իհարկեւ չէր կարող դեմ չլինել, որ Արարատյան զորագնդի հրամանատարութեւնը ստանձնեւ իր «Մեծ ուսուցչի»՝ Նիկոլ Դումանի մշտական հակառակորդ Վարդանը:

Խանասորի Վարդանը՝ անդրադառնալով իրեն Արարատյան զորախմբի հրամանատար նշանակելու իրողութեանը՝ պատճառաբանում է հետեւյալ փաստարկով. «Այդ ժամանակ Երեւանում էին մեր ընկերներից Ռոստոմը, Միքայել Հովանիսյանը (Մ. Վարանդյան) եւ ուրիշներ: Յանուն այդ մեծ եւ սրբազան զործի, ինձ ստիպեցին (ես չէի ուզում, իմանալով կամավորների եւ իրենց ղեկավարների բոլոր թերութեւնները եւ անդիստիպլին լինելը) բոլոր խմբերի ընդհանուր ղեկավարութեւնը վերցնել եւ շուտով առաջ շարժվել»¹:

Ս. Վրացյանի գնահատմամբ՝ այդ պաշտոնին առավել արժանի էր Անդրանիկը, բայց «...նա նահանջի ժամանակ այնպիսի ջլայնութիւն էր ցոյց տալիս, այնպիսի անհաւասարակչիւր բանէր անում, որ գրեթէ ամէնքը դէմ էին թէ՛ հրամանատարները, թէ՛ Ռոստոմը...»²:

Հարկ է ընդգծել, որ Ս. Վրացյանի արտահայտած վերոհիշյալ գնահատականը Դրոյին չի վերաբերվում:

Դրոն, համաձայն չէր, որ Խանասորի Վարդանը ստանձնեւ «Արարատյան ջոկատ»-ի հրամանատարութեւնը: Նրան անշուշտ հայտնի էին Վարդանի հրամանատարական համեստ կարողութեւնները, ինչպէս նաեւ նրա եւ իր «Մեծ ուսուցչի»՝ Նիկոլ Դումանի միմյանց նկատմամբ դրսեւորած ոչ այնքան բարյացակամ հարաբերութեւնները: Նա ցանկանում էր, որ Արարատյան զորագնդի հրամանատարութեւնը ստանձնեւ Անդրանիկը կամ Քեռին, որի հետ, որպէս իր նախկին հրամանատարի, կապված էր ջերմ սիրով ու հարգանքով: Նրա համոզմամբ ավելի ճիշտ ու օգտակար կլինեւ, եթէ զորագնդի հրամանատարութեւնը ստանձնեին Անդրանիկը կամ Քեռին, որոնք իրենց հրամանատարական կարողութեամբ ավելի բարձր էին, քան Վարդանը:

Վարդան Մեհրաբյանին «Արարատյան ջոկատ»-ի հրամանատար նշանակումից, ինչպէս արդեն նշվել է, հատկապէս խիստ դժգոհել է Անդրանիկը, քանի որ ինքն էր ցանկանում ստանձնել զորախմբերի ընդհանուր հրամանատարութեւնը, ուստի այդ հողի վրա ավելի են խորացել նշանավոր հայուկապետի եւ Ազգային Բյուրոյի միջեւ արդեն նկատելի հակասութեւնները:

¹ Տե՛ս Խմբապետ Մարտիրոս Աբրահամեան, Գշվ. աշխ., էջ 254:

² Տե՛ս Կարապետյան Ս., Գշվ. աշխ., էջ 124:

³ Վրացեան Ս., Կեանքի ուղիներով, հ. Գ, էջ 69-70:

¹ ՀԱԱ, ֆ. 402, ց. 2, գ. 11, գիրք 4, էջ 6:

² Վրացեան Ս., Կեանքի ուղիներով, հ. Գ, էջ 68:

³ ՀԱԱ, ֆ. 402, ց. 2, գ. 11, գիրք 4, էջ 6:

Խոյի շրջանում տեղի ունեցած Դյուզդազ սարի մերձակայքում տեղի ունեցած կռվից առաջ, խստորեն արտահայտելով իր դժգոհությունը ռազմաճակատ գտնվող Ռոստոմին, Անդրանիկն ասել է. «Դուք արհամարեցիք իմ քսան տարուան փորձառությունը:

...Դուք գնդապետ կրնա՞րէք Վարդանը, ինչու», որովհետեւ ան ուռւահայ է: Թո՛ղ, ան լինի, բայց այս բանակին մէջ մնալ ես այլեւս...»¹:

Անդրանիկն այն աստիճան վրդոված ու բարկացած է եղել այդ նշանակումից, որ երբ նույն օրը Ռոստոմն անգուշաբար վայր է ընկել ձիուց, Անդրանիկը դուռն ինչ չի փորձել օգնել նրան, թողել է իր կուսակցական ընկերոջը գետնին ընկած ու մտրակելով իր նժույզը՝ հեռացել:

Ճիշտ է, Վարդան Մեհրաբյանը օժտված չէր հրամանատարական ընդգծված կարողությամբ, բայց լինելով հեղափոխական առաջին սերնդի ու Դիրիկի վանքում հանգրվանած անդրանիկ հայդուկներից մեկը՝ իր հեղափոխական կենսագրությամբ զգալիորեն գերազանցում էր Անդրանիկին:

Այսուհանդերձ, որպեսզի գոհացում տրվեր Անդրանիկի դժգոհությանը, նրա գլխավորած 1-ին կամավորականը չի ընդգրկվում Արարարտյան զորագնդի կազմում եւ գործելու էր անկախ:

Մոտ երկու ամիս Թիֆլիսի Արամյան հիվանդանոցում բուժվելուց հետո Դրոն փետրվարի վերջերին դեռեւս լիովին չապաքինված վերադառնում է մարտաշարք եւ վերստին ստանձնում 2-րդ կամավորականի հրամանատարությունը:

«1915 թուի փետրուար 28-ին, նշում է Մարտիրոսը, Դրոն Երեւան եկաւ Թիֆլիսից: Կատարելապէս չէր բուժուել, Երեւանում կրկին պառկեց հիւանդանոցում: Բժ. Տէր-Գաբրիէլեանը կրկին գործողութիւն կատարելով՝ եկաւ այն եզրակացութեան, որ «գնդակը ձախ թոքից հանելը վտանգաւոր է, արիւնահոսութիւնը դադարեցնել թերեւս հնարաւոր չլինի...»

Տասնհինգ օր Երեւանի հիւանդանոցում մնալուց յետոյ, Դրոն վեր կացաւ եւ անցաւ իր գումարտակի գլուխը»²:

Քանաքեռում վերակազմավորվող հայկական զորախմբերը համալրվում են նոր կամավորներով: 2-րդ կամավորականի հրամանատար Դրոյի օգնական է նշանակվում Գարեգին Նժդեհը, իսկ նույն

խմբի 2-րդ վաշտի հրամանատարութիւնը ստանձնում է Ղազար Քոչարյանը (Քաչալ Ղազո կամ Մեծ Ղազար - Ն.Գ.):

Ապրիլի 15-ին զորախումբը թողնում է Երեւանը եւ մինչեւ ռազմաճակատ մեկնելը անցնում է ջմիածին՝ ստանալու Հայոց Հայրապետի օրհնութիւնը:

Պատմում է այդ արարողության մասնակից Վահան Համբարձումյանը. «Ամենայն Հայոց կաթողիկոսը՝ Գէորգ Ե. պիտի օրհնէր մեր քաջամարտիկները, որպէսզի իրենց սուրբ հատու եւ բազուկները հուժկու ըլլային: Ինչ ծաղկեփունջեր ու օվասաններ, ինչ յուզիչ տեսարաններ ու կեցցէներ... Ծերուկները կարտասուէին, երիտասարդներ կը խայտային:

Արարատեան գունդը գիշերը անցուց էջմիածին: Երգ ու պար, ցնծութիւն: Առաւօտեան, Գէորգեան ճեմարանի հարաւային բակի մէջ, կատարուեցաւ դրօշներու օրհնութիւնը, այրուձի եւ հետեակ, գէն ի ձեռքին, պատուի էին կեցած, երբ Վեհափառը, շրջապատուած եպիսկոպոսներով ու վարդապետներով, յամրաքայլ մօտեցաւ պատուոյ սեղանին, ուր դրօշակներ էին կանգնեցրած: Արարողութիւնը սկսաւ խուռներամ բազմութեան ներկայութեամբ, խորհրդաւոր լուծեան մէջ: Վեհափառը օրհնեց դրօշակները եւ հրամանատարներուն ուժ ու կարողութիւն մաղթեց»¹:

Ստանալով Հայոց Հայրապետի օրհնութիւնը՝ կամավորները շարժվում են Իգդիր եւ ապա պատրաստվում այնտեղից ուղևորվել ռազմաճակատ: Արեւմտահայաստանում ծավալվող դեպքերը հրամայաբար թելադրում էին, որ կամավորական զորախմբերը պետք է անհապաղ սկսեին արշավանքը եւ օր առաջ օգնություն հասնեին Վանի ու ինքնապաշտպանութեան դիմած մյուս շրջանների հայութեանը: Սակայն վերին հրամանատարութիւնը զանազան պատրվակներով ձգձգում էր հարձակումը:

Անդրադառնալով ուռւահայն հրամանատարութեան կողմից իրենց նկատմամբ դրսեւորած վերաբերմունքի գնահատմանը՝ «Արարատյան ջոկատ»-ի հրամանատար Վարդանը նշում է. «Այդ ժամանակաշրջանում մասնավորապէս եւ առհասարակ ընդհանրապէս ուռւաների վերաբերմունքը դեպի հայերը, դեպի հայկական հարցը շատ կասկածելի եւ խորհրդավոր է յեղել: Յերբ Վանը շրջապատված էր տաճկական զորքով, ժողովուրդը հերոսաբար ամբողջ ամիս դիմադրում էր, քանիսիցս դիմեցինք կառավարութեան, նկարագրեցինք Վանի

¹ Սեպուհ, էջեր իմ յուշերեմ, հ. Ա, էջ 184:

² Խմբապետ Մարտիրոս Աբրահամյան, ԾշՎ. աշխ., էջ 254:

¹ «Ալիք» բացատիկ, 1956, մայիսի 4, էջ 57:

դրությունը, վոր գործերը շարժեն դեպի այն կողմ: Նոքա մեզ պատասխանում էին. թէ այդ մենք պէտք է գնանաք, բայց վոչ այժմ»¹:

Երկար սպասեցնելուց հետո, կամավորական խմբերը վերջապես ստանում են դեպի Վան արշավելու հրամանը: Ղազար Քոչարյանի վկայութեամբ. «Իգզիբ էինք, երբ ստացուեցաւ Վանի Արամի մէկ գրութիւնը, որով անմիջական օգնութիւնը կը խնդրեր մեզմէ...»²:

Հապաղելու ժամանակ այլեւս չկար: Արամի գրութիւնը ստանալուն պես Արարատյան զորագունդը, որի կազմում էր նաեւ Դրոյի առաջնորդած կամավորական 2-րդ զորախումբը, անմիջապես ուղեւորվում է դեպի Վան:

«Ապրիլի 20-ին, - նշվում է կամավորական զորախմբերի գործողութիւնները ներկայացնող տեղեկագրերից մեկում, - ղեկարին արշավից հետո Արարատյան զորագունդը Իգզիբից հասնում է Կիզին-Դիզ եւ այնտեղ ընդգրկվում Բայազետյան զորամասի կազմում»³:

Արարատյան զորագունդն արշավանքի է դուրս եկել իր կազմում ունենալով 2300 հետեւակ ու 500 հեծյալ զինվորներ⁴:

Բացի Վարդանի գլխավորած Արարատյան զորագնդից, գեներալ Նիկողայեւի գլխավորած Բայազետյան զորամասի կազմում էին ընդգրկված գնդապետ Պերեպլավսկու 6 հարյուրակից բաղկացած գունդը՝ 8 գնդացիներով, գնդապետ Մազուզովի Կովկասյան 1-ին կազակական գունդը, Կուբանյան 4-րդ հրետանային մարտկոցը (6 հրանոթ), Կովկասյան 4-րդ հրետանային մարտկոցի լեռնա-հեծյալ դիվիզիոնը (6 հրանոթ), փոխգնդապետ Ուշակովի սահմանապահ բրիգադի 1-ին գումարտակը (մեկ հեծյալ եւ 4 հետեւակ հարյուրակ՝ գնդացիներով), Թուրքեստանյան 2-րդ գումարտակի 5-րդ վաշտը եւ եւս մեկ վաշտ⁵:

Որպեսզի զորամասերը կարողանային առաջ շարժվել եւ դուրս գալ Արաղայի դաշտավայր եւ օր առաջ ուղեւորվել դեպի Վան, անհրաժեշտ էր նախ եւ առաջ հաղթահարել Թափարեզի լեռնանցքը՝ ամրացված հակառակորդի արգելապատնեշն ու գրավել լեռնանցքը, որը ձմռանը մշտապես տեղացող առատ ձյան պատճառով միշտ փակ էր լինում: Բնակլիմայական դաժան պայմանների պատճառով լեռնանցքում ամրացված հակառակորդի դիմադրութիւնը հաղթահարելը հեշտ խնդիր էր:

«Ապրիլի 24-ին Բայազետյան զորամիավորմանը տրվում է հետեւյալ առաջադրանքը. հաղթահարել եւ անցնել Թափարեզի լեռնանցքով: Այդ առաջադրանքը կատարելու համար ապրիլի 23-ին Բայազետյան զորամիավորումը ընդունում է ելման դրութիւն»¹:

Զորախմբերը, համաձայն հրամանատարութեան որոշման, հարձակումը պետք է զարգացնեն հետեւյալ դասավորվածութեամբ.

«Փոխգնդապետ Ուշակովի գլխավոր զորասյունը սահմանապահ ծառայութեան երկու գումարտակներով եւ երկու գնդացիներով ու մեկ հեծյալ հարյուրակով գրավում է Ջամալ եւ Սուլեյմանբեկի շրջանը: Արարատյան զորագնդի պետ Վարդանի զորասյունը կամավորական 3-րդ եւ 4-րդ զորախմբերի, կազակների երկու եւ կես հարյուրակների, երկու գնդացիների, Կուբանյան 4-րդ մարտկոցի վաշտով գրավում է Բելլասերգ գյուղը:

Այլ զորասյունը՝ Դրոյի գլխավորած կամավորական 2-րդ զորախումբը, գրավում է Ներքին Զուրով գյուղը:

Գնդապետ Միգուզովի հեծյալները 2 գնդերով եւ գնդացիներով գրավում են Քարաքենտ եւ Թափարեզ գյուղերի շրջանը: Թուրքերը իրենց ուժերը կենտրոնացնում են Կավրե-Շամե գյուղի մերձակայքում, իսկ առաջապահ զորամասերը Թափարեզ սարի լեռնանցքում»²:

Այս արշավանքի ժամանակ ռուսական հրամանատարութեան կողմից կամավորական զորախմբերի նկատմամբ դրսեւորվել է ավելի մեծ ուշադրութիւն եւ վստահութիւն, քան նախկինում էր: Այսպես, օրինակ. «Կամավորական զորախմբերի հրամանատարներին հաճախակի նշանակել են զորասյունների պետեր, ընդամին, նրանց ենթարկելով նաեւ կանոնավոր զորամասեր եւ հրետանի...»³:

Ապրիլի 24-ին ստանալով հրամանատարութեան առաջադրանքը՝ զորասյունները սկսում են առաջխաղացումը: Գրոհի աջ թեւում գործող Դրոյի զորախմբին հանձնարարվում հետեւյալ առաջադրանքը. է առավոտյան ժամը 5-ին դուրս գալ Զուրավա գյուղից, ջախջախել զորասյանը դիմակայող Սարիմ Գյոլ լճի մերձակայքում դիրքավորված հակառակորդին եւ նրան հետ չպրտել Սարիմ Գյոլ եւ Դասիմ Գյոլ լճերի մյուս կողմը:

Հայկական մյուս՝ 3-րդ եւ 4-րդ զորախմբերն իրենց աջակցող ռուսական զորավաշտերի համագործակցութեամբ հարձակումը պիտի սկսեն Բելլասերգ գյուղի մոտակայքից եւ հաղթահարելով

¹ ՀԱԱ, ֆ. 402, ց. 2, գ. 11, գիրք 4, էջ 6-7:

² «Չայրեմից» ամսագիր, 1934, օգոստոս, էջ 135:

³ ՀԱԱ, ֆ. 121, ց. 2, գ. 32, ք. 34 (2):

⁴ Տե՛ս նույն տեղում, ց. 1, գ. 6, ք. 1:

⁵ Տե՛ս նույն տեղում:

¹ ՀԱԱ, ֆ. 121, ց. 2, գ. 32, ք. 34(2):

² Նույն տեղում:

³ ՀԱԱ, ֆ. 57, ց. 5, գ. 102, ք. 44:

դիմակայող հակառակորդի պաշտպանությունը՝ Թափառեզի լեռնանցքով դուրս գալին դեպի Աբաղայի դաշտավայրը:

Ճակատում զորքերի հարձակումը ընթացել է աննպաստ պայմաններում, թիկունքային ծառայությունների կողմից շատ վատ են կազմակերպվել մատակարարման աշխատանքները:

«Ճանապարհների եւ փոխադրամիջոցների բացակայության պատճառով ժամանակին չէին բերել ոչ հաց եւ ոչ էլ անասնակերը: Մարդկանց բաժանել էին ընդամենը 1/2 ֆունտ հաց»¹:

Բնությունն իր հզոր տարերքով շատ դժվար է գտնվել դեպի Վան արչավող զորքերի նկատմամբ: Տեղացող առատ ձյունը, փակելով բոլոր ճանապարհները եւ ուղիները, խոչընդոտում էր զորքերի առաջ շարժվելուն ու տեղաշարժերին: Ռուսական զորամիավորման առջեւից ընթացող հայ կամավորները անասելի դժվարություններ ու ուժերի գերազույն լարումով պետք է ճեղքեին ձյան հաստ շերտերը եւ ճանապարհ բացեին իրենց ետեւից եկող զորքերի համար:

«Մարդիկ եւ ձիերը, - գրում է այդ արչավի մասնակից կապիտան Աբրգովը, - թավալվում էին ձյան մեջ, նրանց մեծ դժվարությամբ էր հաջողվում օգնություն ցույց տալ: Զորախմբերը շարժվում էին ժամում մեկ վերստ արագությամբ: Ի դժբախտություն մեզ լեռներում սկսվել էր ձյունախառն ուժեղ բուքը»²:

Չնայած անասելի դժվարություններին, կամավորական զորախմբերը՝ գերմարդկային ջանքերով հաղթահարելով բնության հարուցած խոչընդոտները, քայլ առ քայլ առաջ են շարժվում եւ իրենց հետեւից տանում ռուսական զորագնդերը:

Ճեղքելով ձյան շերտերը՝ հայ կամավորները հասնում են թշնամու պաշտպանական բնագծերին եւ գրոհում նրանց դիրքերի վրա: Մեծ եռանդով ու անձնագոհությամբ գործել են կամավորական բոլոր զորախմբերն ու նրանց աջակցող ռուսական զորավաշտերը: Համազասպն իր կամավորներով հասնելով հակառակորդին՝ սրընթաց գրոհ է ձեռնարկում Թափառեզի հարավային ժայռերում դիրքավորված հենակետերի վրա եւ, հաղթահարելով թուրքերի դիմադրությունը՝ շուտ է տալիս իր զորախումբը Կավրե-Շամե գյուղի ուղղությամբ ու հարվածում այդ հատվածում դիմակայող ուժերի դիրքերին:

Այդ օրը Քեռու գլխավորած 4-րդ զորախումբը, համաձայն Բայազետյան զորամիավորման հրամանատարության հրահանգի, գտնվել է պահեստում (ռեզերվ)՝ Համազասպի 3-րդ զորախմբի թիկունքում:

Բազմափորձ եւ կյանքը կոխվների բովում անցկացրած Քեռու եւ նրա գլխավորած կամավորների համար, նույնիսկ ժամանակավորապես, անասելի ծանր է եղել հանգրվանել թիկունքում եւ իրենց արյունակիցների մարտական գործողությունների սոսկ ականատես լինելը: Կռիվների ամենաթեժ պահին անտեսելով հրամանատարության հանձնարարությունը, Քեռու զինվորները նետվում են գրոհի:

«Քեռու զորախումբը, - վավերագրված է վերոհիշյալ փաստաթղթում, - գնում էր Համազասպի զորախմբի հետեւից: Շատ դժվար էր Քեռու կամավորներին զսպել ռեզերվում: Լսելով կրակոցները՝ նրանք նետվում են գրոհի, իսկ շատերը թաքուն շարժվում են առաջ»¹:

Դրոյի զորախումբը՝ հարձակվելով ճակատի աջ թեւում, մեծ դժվարությամբ ու համառությամբ հաղթահարում է բնության հարուցած արգելապատնեշներն ու հակառակորդի դիմադրությունը եւ ներխուժում է Աբաղայի դաշտ: Երեկոյան մարտադաշտ է հասնում նաեւ գնդապետ Ուչակովի զորասյունը: Շարունակելով հարձակումը՝ Դրոյի զորախումբը մարտերով հաղթահարում է թուրքերի պաշտպանության հաջորդ հանգույցը եւ երեկոյան դրավում Սախմ եւ Դասիմ գյուղերի շրջանը²:

Նույն օրը Դրոն զորամիավորման հրամանատար գեներալ Նիկոլաեւին հաղորդում է. «Հայտնում եմ Ձերդ գերազանցությունը, որ Ձեր առաջադրանքը ապրիլի 25-ի լույս գիշերը կատարված է...»³:

Ճակատի կենտրոնում հայկական 3-րդ եւ 4-րդ կամավորական զորախմբերը, ռուսական զորքերի համագործակցությամբ, նույնպես խորտակում են հակառակորդի պաշտպանությունը եւ հետապնդելով նահանջող թուրքերին՝ հասնում մինչեւ Սաուկ գյուղը: Այսպիսով, հաջողությամբ կատարվում է զորամիավորման հրամանատարության առաջին առաջադրանքը՝ դժվարամատչելի Թափառեզի անցումը:

«Չնայած ճանապարհի դժվարություններին, ցրտին եւ սովին, բոլոր կամավորների տրամադրությունը եղել է հիանալի...»

Այդ մարտերի եւ այդ թվում նաեւ բնության դժվար տարերքի դեմ մղած դժվարին պայքարի ընթացքում Արարատյան զորագնդի բոլոր հրամանատարներն իրենց դրսեւորում են որեւէ գովեստից բարձր, արիությունը եւ անձնագոհությամբ»⁴:

Կռիվների ընթացքում առաջ անցնելով եւ ներխուժելով Աբաղայի դաշտ՝ Դրոյի առաջնորդած զորախումբը, նաեւ ճանապարհների

¹ Նույն տեղում, ֆ. 121, ց. 2, գ. 32, ք. 34 (2):
² Նույն տեղում:

¹ Նույն տեղում, ք. 36 (2):
² Տե՛ս նույն տեղում:
³ ԴԱ, ֆ. 121, ց. 2, գ. 32, ք. 32 (2):
⁴ Նույն տեղում, ք. 38:

դժվար հաղթահարելի լինելու պատճառով, կտրվում է զորամիավորման հիմնական ուժերից եւ հայտնվում մեկուսացված ու չափազանց դժվարին պայմաններում: Աբաղայի դաշտավայրի այն տարածքը, ուր ներխուժում են Դրոյի կամավորները, պատված է եղել անհամար, վեր ցցված սուր քարերով ու ժայռերով, որը որպէս պաշտպանութեան միջոց խելամտորեն օգտագործվել է հակառակորդի կողմից:

«...Ոչ մի,- պատմվում է հուշագրութունում, - հնարավորութունն չկար կապ հաստատել Դրոյի աջ զորասյունի հետ: Այդ զորասյունը անցնում էր այնպիսի տեղանքով, որտեղով դժվար թե անցած լինեն նույնիսկ առանձին մարդիկ...»

... Կամավորները հարկադրված էին հակառակորդին դուրս մղել յուրաքանչյուր քարի հետեւից...

Այդ քարերի միջով մոտավորապես 18 վերստ անցնելու ընթացքում զարնվելով քարերին՝ Դրոյի զորասյունը կորցնում է 13 մարդ: Չնայած դժվարութուններին՝ կամավորների եռանդուն հրամանատար Դրոն իր զորախմբով ապրիլի 27-ի երեկոյան հասնում է Սոուկ-սու գյուղից արեւմուտք...»¹:

Թափառեցի բարձունքների խոչընդոտները հաղթահարելուց հետո հաջորդ արգելապատնէշը Բերկրի-Կալայի լեռնանցքն էր, որտեղով պետք է անցնեին ուսական զորքերն ու հայ կամավորները:

Որպեսզի կարողանային արագորեն ու հեշտութեամբ հաղթահարել լեռնանցքը պաշտպանող հակառակորդի դիմադրութունը, Բայազետյան զորամիավորման հրամանատարը հրամայում է բոլոր զորասյուններին հարձակումը սկսել միաժամանակ եւ սերտ համագործակցութեամբ: Ապրիլի 30-ին զորասյունները շարժվում են դեպի Բերկրի լեռնանցքը: Համաձայն հրամանատարութեան առաջադրանքի, Համազասպի զորախումբը պիտի շարժվեր լեռնանցքի աջ կողմով, Դրոն՝ լեռնանցքով, Քեռին՝ ձախ թեւով: Հայկական կամավորական խմբերին հետեւելու էին Բայազետյան զորամիավորման հիմնական ուժերը²:

Հայ կամավորներն, ինչպես միշտ, առջեւում էին: Այդ օրը Բայազետյան զորամիավորման հրամանատարութեան որոշմամբ կամավորական զորախմբերին որպէս լրացուցիչ աջակցող ուժ տրվել է մեկական հեծյալ հարյուրակ:

Ցերեկվա ժամը 12-ին սկսվում է մարտը: Ճակատի կենտրոնում Դրոյի 2-րդ, ձախ եւ աջ թեւերում հարձակվող Համազասպի եւ Քե-

ռու 3-րդ եւ 4-րդ զորախմբերն անկասելի հարվածներով ճեղքում են հակառակորդի պաշտպանական բնագծերն ու առաջ խոյանալով՝ մոտենում ընդհուպ Բերկրի-Կալա քաղաքին եւ պատրաստվում անհապաղ գրոհելու¹:

Թուրքերը նահանջելիս քանդել էին մոտակայքով անցնող գետի միակ կամուրջը: Հարկավոր էր արագորեն հաղթահարել արգելքները եւ ժամ առաջ դրավել թշնամու պաշտպանութեան որջը: Առաջնորդելով հեծելախումբը՝ Դրոն անվարան մտնում է սառցակալած գետն ու հաղթահարելով այն, առաջապահ զորավաշտով նետվում հակառակորդի դիրքերի վրա:

Վերհիշելով այդ պահը՝ կամավորական 2-րդ զորախմբի 1-ին վաշտի հրամանատար Բաշգառնեցի Մարտիրոս Աբրահամյանը նշում է. «Դրոն իր Առջօ ձիով մտաւ ջուրը: Չին կանգնել չէր կարողանում, սակայն քիչ յետոյ գլուխը վեր տնկեց, ոտները տեղաւորեց ու կանգնեց: Ջուրը խփում էր ձիու կողքին, կրծքին, մինչեւ թամբի տակը ջուր էր:

Մենակ թամբը, Դրոն ու ձիու գլուխն էին երեւում:

Իմ ձիով կանգնեցի Դրոյի մի կողմում, ուր ջուրն այնքան էլ ուժեղ չէր, Ռուբէնն էլ միւս կողմում: Վաշտը ջոկատային շարքով, իրար ձեռք բռնած, անցաւ ձիերի վրայով:

Գետի միւս կողմում, մագլցեցինք բարձունքը եւ միւս կողմից իջանք թշնամու թեւը»²:

Քիչ անց կռվի դաշտ հասած իր զորախմբի մյուս վաշտերի եւ կամավորական 3-րդ ու 4-րդ զորախմբերի համագործակցութեամբ Դրոն գրավում է Բերկրի-Կալա քաղաքը: Գրեթե նույն պահին, քաղաք են մտնում նաեւ 3-րդ կամավորականի մարտիկները:

Այդ կռիվը լուսաբանող վավերագրում նշվում է. «...Դրոյի հեծեալները եւ Համազասպի վաշտերը գրոհում են Բերկրի-Կալայի վրայ եւ գրաւում այդ կարեւորագույն հանգույցը, որով վերջապէս մեր ձեռքն է անցնում Բերկրի-Կալայի լեռնանցքն ու Աբաղայի ողջ դաշտաւայրը»:

Ռազմավարական կարեւորագույն նշանակութուն ունեցող Բերկրի-Կալայի լեռնանցքի գրավման գործում այդ նույն վավերագիրը շնչող է ոչ միայն Դրոյի եւ Համազասպի կամավորական զորախմբերի վճռական դերը, այլ նաեւ «Աջ կողմի լեռներից Քեռու զորախմբի հայտնվելը շատ օգնեց Բերկրի-Կալայի գրոհին:

¹ Նույն տեղում, ք. 39:

² Նույն տեղում, ք. 41:

¹ Տե՛ս նույն տեղում

² Խմբագրւեալ Մարտիրոս Աբրահամյան, Գշվ. աշխ., էջ 258:

Այդ օրվա մեր կորուստներն են՝ 4 կամավոր զոհված, 8 վիրավոր եւ 25 ձի սպանված»¹:

Հայկական լեռնաշխարհն իր զարմանահրաշ բնութեամբ, կառուցվածքի բազմազանութեամբ եւ բնակչիմայական պայմանների կտրուկ փոփոխութեամբ երբեմն-երբեմն դժվարին ու անհասկանալի անակնկալներ է հրամցրել ու համապատասխան տրամադրութիւններ հաղորդել ռուսական զորքերին եւ նրանց շարքերում մարտնչող Հայ կամավորներին:

Հայ կամավորական զորախմբերի մարտական գործողութիւնների մասին իր «Казакы на Кавказком фронте 1914-1917» հուշագրքում ուշագրավ մանրամասներ է հաղորդում այդ կռիվներին մասնակից գնդապետ Ֆյոդոր Ելիսեեւը: Կազակ գնդապետի հուշագրքի մի քանի հատվածներ տպագրվել են «Հայրենիք» ամսագրում²:

«Թափառէգէն անդին, - պատմում է գնդապետ Ֆ. Ելիսեեւը, - կը սկսեր քարքարոտ վայրէջք մը, որուն սակայն շուտով կը յաջորդէ Աբաղայի տափաստանը:

Մենք մտանք շքեղ խոտաւէտ դաշտ մը, եւ կարծես կախարդական գավազանի մը հարուածով յեղաշրջուած էր կլիման: Ձմեռը փոխուած էր իսկական գարունի մը, եւ ատիկա մեզ կը պատճառեր զարմանք ու հաճոյք միանգամայն...

Դաշտին խոտը կը հասնէր մեր ձիերուն ծունկերը: Հրաշալի աղբիւտներ ու առուակներ կը հոսեին: Մեր տրամադրութիւնը մեկէն բարձրացաւ...»³:

Ներխուժելով Աբաղայի դաշտ ու ջախջախելով այդ շրջանում բնակվող քրդական հրոսակախմբերը՝ Հայ կամավորները վնասագործում են իրենց զորասյունների, գումակի եւ հաղորդակցութեան ուղիների եւ միջոցների վրա մշտապես ասպատակող քուրդ զինյալներին: Բազմաթիվ քրդեր սարսափից եւ հուսահատութիւնից անիմաստ համարելով իրենց դիմադրութիւնը՝ կամովին հանձնվում են Հայ կամավորներին:

«Նրեկոյան» հավաստում է վավերագիրը, - Բերկիր-Կալան գրավելուց հետո, Դրոն Հայերի միջոցով Մամեդ բեկից (քուրդ ցեղապետ-Հ.Գ.) ստանում է նամակ, որով նա հայտնում է, որ ինքն անիմաստ է

համարում ռուսական զորքերի դեմ կռիվը եւ այդ պատճառով ցանկանում է ողջ զինյալ խմբերով հանձնվել:

Չորախումբը մեծ սարսափ է տարածում մերձակայքում ապրող քրդերի վրա: Այդ դեպքերից հետո բավական էր, որպեսզի երեւային կամավորները, եւ քրդերն անմիջապես քաշվում էին իրենց որջերը»¹:

Չապասելով գեներալ Նիկոլաեւի զորագնդերին՝ Դրոն անվարան հարձակվում է Վան տանող ճանապարհի թշնամու հաջորդ արգելապատնէների վրա, եւ խորտակելով դրանք՝ արագորեն ուղեւորվում է Վան: Չորդ կամավորական զորախմբի հարեւանութեամբ դեպի Վան էին արշավում նաեւ Համազասպի եւ Քեռու գլխավորած Չորդ եւ 4-րդ կամավորական զորախմբերը:

Սարսափելի տեսարաններ են բացվում կամավորների առաջ: Դրոյի խումբն, անցնելով Աբաղայի դաշտավայրով, ողջ ճանապարհին հանդիպում է հայկական լքված, ավերակ գյուղերի եւ մորթված բազմաթիվ դիակների: Մի խոսուէն վկայութիւն գնդապետ Ֆ. Ելիսեեւի հուշերից. «Բաւական առաջացած էինք, առանց կենդանի շունչի մը հանդիպելու մեր ճամբին: Եւ յանկարծ շան հաջոց կը լսենք: Գիւղ մը երեւաց մեր առջեւ: Արագօրէն կը մտնենք գիւղէն ներս, բայց մարդ չենք գտներ հոն: Միայն մորթոտուած կանանց ու մանուկներու դիակներ կային: Ատկէ հետեւցուցինք, որ հայկական գիւղ մըն էր: Դիակները տակաւին քայքայուած չէին, որ կը նշանակէր թէ կոտորածը նոր էր տեղի ունեցած: Երկու-երեք նիւար շուներէ բացի, ուրիշ ոչ ոք ողջ մնացեր էր գիւղի մէջ»²:

Այդ ամբողջ ազատագրված տարածքում հանդիպում էին միայն թուրքական ու քրդական զինյալ խմբեր, որոնք զոհ էին դառնում սարսափազդու տեսարաններից վրեժխնդրութեամբ համակված Հայ զինվորներին:

«Դրոյի զինվորները գրոհում են նահանջող թուրքերի վրա եւ սրի են քաշում բազմաթիվ թուրքերի ու քրդերի: Դեպի դաշտավայրը փախչող համարյա բոլոր քրդերը սրի են քաշվել Ձեմլյակի (Դրոյի զորախմբի հեծյալ հարյուրակի հրամանատար Արտեմ Նանուսյան - Հ.Գ.) ձիավորների կողմից: Հետապնդելով թուրքերին, այդ քաջարի հեծյալները գրավում են Քեչկզ գյուղը»³:

Բարձր գնահատելով մարտերում Հայ կամավորների դրսեւորած հերոսական գործողութիւնները՝ գնդապետ Ֆ. Ելիսեեւը նշում է.

¹ ՀԱԱ, ֆ. 121, ց. 2, գ. 32, ք. 42 (2):

² Տե՛ս «Հայրենիք» ամսագիր, 1957, քիւ 8, էջ 25:

³ ՀԱԱ, ֆ. 121, ց. 2, գ. 32, ք. 42 (2):

¹ ՀԱԱ, ֆ. 121, ց. 2, գ. 32, ք. 42 (2):

² Տե՛ս «Հայրենիք» ամսագիր, 1957, քիւ 8:

³ Նույն տեղում, էջ 23:

«Հայ կամաւորները փաստօրէն արժէքաւոր օժանդակութիւններ կը նէին կօզակներէ կազմուած մեր Զօրամասին: Անոնք կը կռուէին մոլեռանգօրէն, գաղափարօրէն: Թուրքերն ու քիւրտերը հայ մը գերի չէին առներ, այլ անմիջապէս կը մեռցնէին զայն: Փոխադարձաբար նոյնը կընէին հայերը բռնուած թուրքի մը կամ քիւրտի մը: Անիկա կը ջարդէին զիրար»:

Բերկրի-Կալայի լեռնանցքի, քաղաքի եւ Աբաղայի դաշտավայրի գրավումը հուլիսի կարեւոր էր. նախ բնակչիմայական խստաշունչ պայմաններում հաղթահարվում է հակառակորդի դիմադրութիւնն ու հնարավորութիւն է ընձեռվում լեռնանցքով առաջ շարժվելու մնացած զորամասերին:

Անկասկած հայ կամավորները ավելի վաղ կարող էին մտնել Վան, եթէ չլինէին ռուսական հրամանատարութեան կիրառած հայ զինվորների համար անհասկանալի մարտավարութիւնն ու շինծու արգելքները: Բերկրի-Կալայում եւ նրան հաջորդած հենակետերում դիրքավորված թուրք զինվորների դիմադրութիւնն արագորեն խորտակելուց հետո, երբ Դրոն նույն ուժգնութեամբ անվարան առաջ էր շարժվում, հանկարծ ստանում է հարձակումը դադարեցնելու մասին զորախմբի հրամանատար գեներալ Նիկոլաեւի անսպասելի հրամանը:

«Բերկրի-Կալայի գրավումից հետո Բայազետյան զորամասին հրամայվում է ամրանալ Բերկրի-Կալայում եւ մնալ այնտեղ...»

Իսկ այդ ընթացքում ստացվում են տեղեկութիւններ, որ գրեթե մեկ ամիս պաշարման մեջ գտնվող Վանի հայութիւնը արդեն սպառել է փամփուշտները եւ հայտնվել օրհասական վիճակում²:

Անդրադառնալով ռազմաճակատում տիրող կացութեանը եւ հրամանատարութեան այդօրինակ անսպասելի հրամանին՝ Արարատյան զորագնդի հրամանատար Վարդանը գրում է. «Մենք գիտեինք, Վանը շրջապատուած կանոնաւոր զօրէիբով եւ քրդական հրոսակներով, կատաղի, անհաւասար կռիւ է տեղի ունենում եւ աշխատում էինք օր առաջ օգնութեան հասնել: Անսպասելի եւ մեծ եղաւ զարմանքս երբ գեներալ Նիկոլաեւը ինձ յայտարարեց, թէ կարգադրուած է Բերկրի Կալայում մնալ եւ առաջ չշարժել: *Наша задача только до Беркутала*»³:

Ավելի քան անհասկանալի ու զարմանալի էր նման որոշումը: Իսկ Վանից այդ օրերին ստացվող տագնապալի լուրերը թելադրում էին, որ անհրաժեշտ էր կատարել ճիշտ հակառակը:

Հապաղելը կարող էր ճակատագրական նշանակութիւն ունենալ: Թուրք հրամանատարութիւնը կարող էր օգտվել ռուսական զորքե-

րի պասիվութիւնից ու դանդաղկոտութիւնից եւ մեծ ուժեր նետելով Վան ընկնել քաղաքի հերոսամարտիկների դիմադրութիւնը:

Վարդանի պնդմամբ՝ ինքը ընդիմացել է հրամանատարին եւ առանց տատանվելու պատասխանել, որ իրենք կանգ չեն առնի եւ շրջանցելով գեներալ Նիկոլաեւի որոշումը, հրամայել է զորագունդին առաջ շարժվել մինչեւ Վանա լճի արեւլայն ափը՝ Ջանիկ¹:

Անկասկած, համանման դիրքորոշում առանց բացառութեան ունեցել են նաեւ զորախմբերի հրամանատարներն ու զինվորները:

Անդրադառնալով այդ օրերի դեպքերին՝ Բաշգառնեցի Մարտիրոսն իր հուշերում գրում է. «...Դրօն դիմեց զօրաւարին եւ խնդրեց թոյլ տալ առաջ շարժուելու, որպէսզի Վանի ժողովուրդը ի զուրկ կոտորուին: Զօրաւարը մերժեց:

Դրօն ի մի հաւաքեց իր զօրամասի խմբապետներին եւ յայտնեց, թէ Չերնոգուրովի եւ Անդրանիկի բանակը չի կարողանում առաջանալ Դիմանում տեղի ունեցող կռուի պատճառով, որով եւ մեզ էլ հրամայում է չառաջանալ, թէ մեր չառաջանալու դէպքում Վանի մեր ազգակիցները կարող են կոտորուել, թէ մեր այստեղ մնալը այսքան զինուած ուժով կը լինի դաւաճանութիւն ու կը ծանրանայ մեր խղճի վրայ: Առաջարկեց զօրամասը յանձնել Նժդեհին, իսկ ինքը որոշած է 150 տղաներով զաղտնի ճանապարհով մտնել Վան, որով հնարաւորութիւն պիտի տրուէր Վանին մի առ ժամանակ էլ դիմանալ: Հակառակ պարագային, եթէ այդ իրեն չյաջողուէր, գոնէ հանգիստ սրտով կը մեռնէինք մեր ժողովրդի հետ միասին:

Բոլորս տուինք մեր համաձայնութիւնը եւ պատրաստեցինք գիշերը մեկնել...»²:

Դրոյի վճիռներ ընդունելու համարձակութեան եւ հաստատակամութեան մասին ուշագրավ փաստեր է արձանագրում նաեւ 2-րդ կամավորականի հեծյալ հարյուրյակի հրամանատար Յապոնը: Ըստ նրա վկայութեան, այն պահին, երբ ռուսական հրամանատարութիւնը անորոշ պատճառներով ձգձգում էր հարձակումը, Դրոն լի էր վճռականութեամբ, թեկուզ փոքրաթիւ խմբով, անպայմանորեն շուտափուլթ օգնութեան հասնել Վանի պաշարված եւ ժամ առ ժամ անհամբերութեամբ կամավորներին սպասող հայութեանը³:

Բարեբախտաբար, ռուսական հրամանատարութիւնը առաջնորդվելով ինչ-ինչ նկատառումներով փոխում է իր նախկին որոշումը եւ

¹ «Յայրենիք» ամսագիր, 1957, թիւ 8, էջ 21:

² ՀԱԱ, ֆ. 121, ց. 2, գ. 32, ք. 42 (2):

³ ՀԱԱ, ֆ. 402, ց. 2, գ. 10, «Վարդանի հիշատակարանը», էջ 33

¹ Նույն տեղում:

² «Յայրենիք» ամսագիր, 1934, թիւ 8, էջ 73:

³ Տե՛ս «Յայրենիք» ամսագիր, 1941, թիւ 7:

գործերը վերսկսում են հարձակումը: Մայիսի 1-ին ռուսական զորքերն ու հայ կամավորները հասնում են Քելկ գյուղ, ուր յուրաքանչյուր զորախումբ ստանալով համապատասխան հանձնարարություն, շարունակում է հարձակումը դեպի Վան:

«... 3-րդ զորախումբը շարժվելու էր լճի առափնյա երկայնքով եւ պետք է գրավեր Փանզու գյուղը, 4-րդ զորախմբին հրամայվում է շարժվել Շեկյարի ուղղությամբ եւ գրավել Շեկյարի հարավային գագաթը: 2-րդ զորախմբին հրամայվում է առաջ շարժվել Կորսուս սարի ուղղությամբ եւ գրավել նրա գագաթը»¹:

Առաջապահ ունենալով հեծյալ հարյուրակները՝ զորախմբերը նետվում են գրոհի եւ հաջողությամբ խորտակելով թուրքերի պաշտպանությունը՝ մոտենում են Զանիկ եւ Դերիբեկ գյուղերին, գրավում դրանք եւ զարգացնելով հարձակումը՝ թուրքերից ու քրդերից մաքրում բազմաթիվ բնակավայրեր:

«... Թուրքերը թողնելով 240 դիակ եւ 300 զենք եւ շատ փամփուշտ՝ փախչում են հարավ...»

Դրոյի զորախումբը թուրքերի եւ քրդերի զորավաշտերի դեմ մարտի է բռնվում Շեխկարե գյուղի մոտ, ուր սպանվում են մեծ թվով թուրքեր եւ քրդեր, ինչպես նաեւ թուրքական մի յուզբաշի: Դրոն, հետապնդելով փախչող թուրքերին, հասնում է մինչեւ Ավերյակ գյուղը»²:

Գրավելով Շեխկարե, ապա Ավերյակ, իսկ հաջորդ օրը Զանիկ գյուղերը՝ Դրոյի գլխավորած կամավորական 2-րդ զորախումբը, առաջ ընկնելով հարձակվող զորամիավորումից՝ արագորեն մոտենում է Վանին:

«Բաւական մը յառաջացած էինք, - գրում է 2-րդ կամավորականի վաշտապետից Լազար Քոչարյանը,- երբ, թնդանօթի ձայներ լսուեցան. ձայները հարաւէն կուգային ու շատ պարզ էր, որ թուրքերը կրկին Վանը ուժակոծել էին սկսած: Ամբողջ գիշեր մենք լսեցինք թնդանօթի խուկ որոտները: Դրօն, իր վերցուցած ձիաւոր ջուկատները, հարթ ճանապարհով, իսկ մենք՝ Գիւսնոցի եւ Աւերեակի ուղղութեամբ սկսանք յառաջանալ: Եթէ չլլային ճանապարհի ընթացքին պատահած մէկ քանի փոքր ընդհարումները, որոնք բաւական ժամանակ խլեցին մեզմէ, գուցէ այդ օրը իսկ Վան մտնէինք: Թշնամու փոքրիկ ու անկանոն ուժերու երբեմնի յարձակումները ստիպեցին մեզ կանգ առնել ու ապահովելու համար մեր թիկունքը,

որոշ հետախուզութիւններ կատարեցինք: Աւարտելով մեզ համար շատ անախորժ, սակայն անհրաժեշտ աշխատանքը՝ երկու օր յետոյ միայն Վան ուղղուեցանք»¹:

Վանեցիների հերոսական ինքնապաշտպանության ու հայ կամավորական զորախմբերի հարձակումների հարկադրանքով թուրքական հրամանատարությունը ճարահատյալ վերացնում է քաղաքի պաշարումը: Հերոսամարտի զինվորները, ոգեւորված թուրքական բանակի փախուստից, գրոհում են քաղաքի թուրքական թաղամասերի վրա եւ կրակի տալիս դրանք: Վանից ոչ հեռու գտնվող հայ կամավորները, պարզորեն տեսնելով քաղաքից բարձրացող կրակն ու ծուխը եւ կարծելով, թե թուրքերն են այրել հայկական թաղամասերը, ավելի են արագացնում առաջխաղացումը: Այրվող քաղաքի տեսարանից խոցված Համազասպը (ծնունդով վանեցի-Ղ.Գ.), որի առաջնորդած 3-րդ կամավորականը փոքր-ինչ ավելի հեռու էր գտնվում քաղաքից, հեռագրում է Վանին ավելի մոտ գտնվող Դրոյին. «Հասիր, հարազատ քաղաքս այրվում է...»:

Իսկ այդ ժամանակ հայ կամավորները եւ հրամանատարությունը դեռեւս չգիտեին եւ չէին կարող իմանալ քաղաքում կատարվող դեպքերի իրական ընթացքն ու մանրամասները: Իրականում այրվում էին թուրքական թաղամասերը:

Մի փոքրիկ հատված Դրոյի պատմածից. «...Վերջապէս, ռուսական զօրաց հրամաններէն «մա՛րչ դէպի Վան» լսուեցաւ, ալ զինուորական օրէնք, կարգապահութիւն գոյութիւն չունեցաւ մեզ համար: Անմիջապէս ճամբայ ինկանք եւ վաղ առաւօտ, մութ ու լուսին, Շահպաղի բարձունքները հասանք: Այնտեղէն որոշ կը տեսնէինք Այգեստանի բոլորտիքը թուրքերու զատ թաղերը, որոնք դեռ կը վառուէին: Իսկ մեզ հետ եղող վանեցի քաջերը, ուրախութենէն խելագար, սկսեցին երգել. «Կուուեցէք տղերք, կուուեցէք քաջ-քաջ, անևհեր կանգնած թշնամու առաջ...»:

Յուզուեցայ ես ալ: Երգը իմ խմբապետիս Նիկոլ Դումանի երկիր մտնելու առաջին երգն էր, յօրինուած Վանի մօտ Պողազքեսասան գիւղի հայդուկային կուուին (1895) յիշատակին»²:

Համաձայն Արարատյան զորագնդի հրամանատարության որոշման՝ Վան քաղաք առաջինը պիտի մուտք գործեր յուրաքանչյուր երեք զորախմբերի 50 հեծյալ զինվորներից բաղկացած միացյալ ջուկատը, զորագնդի հրամանատար Վարդանի օգնական Դաշնակցական

¹ ՀԱԱ, ֆ. 121, ց. 2, գ. 32, ք. 44(2):

² Նույն տեղում:

¹ «Հայրենիք» ամսագիր, 1931, սեպտեմբեր, էջ 138:

² Նույն տեղում, 1967, հունիս, էջ 3:

Խնչոյի գլխավորութեամբ: Հեծյալ ջոկատի հետ Վան պիտի մուտք գործեր նաեւ Դրոյի գորախմբի Դալի Ղազարի գլխավորած վաշտը:

Արարատյան գորախմբի հրամանատար Վարդան Մեհրաբյանի պնդմամբ Վան մուտք գործելու պատիվը Դաշնակցական Խնչոյին ընձեռելու իրողութիւնը նրանց կողմից կանխամտածված էր եւ պտճառաբանված: Քանի որ նախորդ կռիւմների ժամանակ Հայկական որեւէ բնակավայր ազատագրելիս, երբեմն կամավորական գորախմբերի հրամանատարների միջեւ բուռն վեճեր է ծագել, գրաված տեղամասը առաջինը մուտք գործելու մենաշնորհը իր գլխավորած գորախմբին վերագրելու պտճառով, ուստի նման անցանկալի միջադեպեր տեղիք չտալու նպատակով, համաձայն Վարդանի հավաստման, որոշվում է. «...Վան մտնելուց կարող էր մրցման հետեւանքով աւելի մեծ անախորժութիւններ առաջ գալ, վորոշեցինք վոր Վան առաջին անգամ պէտք է մտնի Խէչոն»¹:

Մայիսի 5-ի առավոտյան Արարատյան գնդի հեծյալ ջոկատը Դաշնակցական Խնչոյի եւ քաղաքին ավելի մոտ գտնվող Դրոյի գորախմբի Դալի Ղազարի գլխավորած առաջապահ վաշտը սրարչավ մտնում են քաղաք: Ընդամենը երկու ժամ անց քաղաք են մտնում 2-րդ կամավորական գորախմբի մյուս վաշտերը: Հայ կամավորական չորս գորախմբերից Դրոյի գլխավորած գորամասը, այնուամենայնիվ, առաջինն է մտնում Վան եւ արժանանում քաղաքի բնակչութեան ջերմ ընդունելութեամբ:

Վանի հերոսամարտի ղեկավարներից Հայկ Կոստյանը, վերհիշելով իր եւ քաղաքում գտնվող ողջ բնակչութեան համար այդ երջանիկ պահը, ջերմութեամբ գրում է. «30-օրեայ գոյամարտի անհաւասար խիզախումներից յետոյ, արիւնոտ պայքարի քննութեամբ յաղթանակը նւաճած մի սերունդ՝ այն օրը իր ազատ թեւերուն մէջ ընդունեց Արարատեան գնդի մաս կազմող մէկ հազարեակին եւ նրա առաջնորդ հրամանատար Դրոյին:

Վան քաղաքամիջի Զինուորական Վարիչ կազմը այդ օր իւր 150-ի հասնող ժողովրդական զէնքերով զինուած մարտիկներով միասին կեդրոնացած էին հազարաւոր երկսեռ քաղաքացիների հետ, պատմական քաղաքի հիւսիսային կողմի դաշտագետնի վրայ, Աւանուց գետափին, ընդառաջելու Դրոյին եւ իւր գնդին...
... Ու հասաւ պահը ցանկալի...

Պահերից ամենից աննկարագրելին, ամենից պատմականը:

Ահա գնդի հրամանատար քաջարի Դրոն, իր երկու թիկնապահների հետ սրարչաւ, փոշու ամպերը յետեւ թողած, հասաւ մեզի՝ գոչելով հաղթ ձայնով.

Ողջո՞յն հերոսներին, ապրէք տղաներ, երջանիկ ենք, որ դիմաւորում էք մեզ իբրեւ յաղթողների, փառք ձեր զէնքերին... պատիւ ձեր գինապայքարին...

Մենք մեզ տեսանք շրջապատուած կամաւորական վաշտերի քառակուսի շրջանակի մէջ: Իսկ Դրոն ձիուց վայր ցատկելով ողջագուրեց մեզ, միշտ կրկնելով.

«Շնորհաւորում եմ ձեր ժողովրդական փայլուն յաղթանակը, ձեր զէնքի փառքը, շատ ապրէք...»

Ապա հրամայեց գնդի առաջին հարիւրակին օդի մէջ կրակել համազարկերով հրացանային հինգական փամփուշտներ, ուռաներով հանդերձ...Մեր մարտիկները, որոնք զինուած էին տասհարուածեան մաուզեր ատրճանակներով, օդի մէջ պարպեցին 10-ական գնդակներ՝ գնդացրային արագահարուածութեամբ:

Այս ժամանակ ահա, շարժուեցին մեր երկու դրոշները, որ նշանակ եղաւ, որպէսզի բերդի բարձունքներից որոտան մեր գրաւուած թնդանօթները՝ 50 հրանօթային արձակումներով:

Հայկական զէնքի փառատօնով, թնդանօթային որոտներով, հայ հողի վրայ, մենք ընդունեցինք Դրոյին եւ իր գնդին»²:

Երկու օր անց քաղաք են մտնում Համազասպի եւ Քեռու 3-րդ, 4-րդ մարտագնդերը եւ գեներալ Նիկոլաեւի գորագնդերը, իսկ ավելի ուշ Վան է հասնում նաեւ Անդրանիկի գորամասը:

Վանի ազատագրման կապակցութեամբ Կովկասյան ռազմաճակատի հրամանատարութիւնը Հայոց կաթողիկոսին հղում է հետեւյալ շնորհավորական հեռագիրը. «Ամբողջ սրտէ շնորհակալութիւն կը յայտնեմ Ձեզի՝ էջմիածնի տաճարին մէջ ամենաբարձրեալին ուղղուած Ձեր ջերմ աղօթքներուն համար այն անմոռանալի օրը, երբ իմ ղեկաւարութեանը յանձնուած յաղթական զօրքերու եւ քաջարի հայ կամաւորներու կողմէ Վանը ազատուեցաւ քրիստոնէութեան պատմական թշնամիէն, եւ հայ ժողովուրդը՝ իր դարաւոր բռնակալէն»²:

Քրիստոնեութեան անունից խոսող, կեղծ ջերմութեամբ համեմված հեռագրի հեղինակը օրեր անց առանց վարանելու եւ մոռացութեան մատնելով Քրիստոսին, անձամբ պիտի ստորագրի Վանի մահվան դատավճիռը՝ ուսական զորքերի կողմից քաղաքն ու Արեւմտահայաստանի մյուս շրջանները թողնելու հրամանը:

¹ ՀԱԱ, ֆ. 402, ց. 2, գ. 11, գիրք 4, էջ 62-63:

¹ «Ալիք», բացառիկ, 1956, մայիսի 4, էջ 62-63:

² «Չայրեմիք» անսագիր, 1927, սեպտեմբեր, էջ 76:

Վանում գտնվելու հենց առաջին օրը Դրոն շտապում է տեսակցել ու սփոփել թուրքերի կողմից դավադրաբար սպանված Իշխանի ընտանիքին: Հին Բայազետում վաճառականությամբ զբաղվելու տարիներին նա սերտ բարեկամություն էր հաստատել Վանի գործիչների եւ հատկապես Լեռնապարի մարտական ուժերի կազմակերպիչ ու առաջնորդ Իշխանի հետ:

Դրոյի եւ Իշխանի կնոջ՝ Սիրանուշի հանդիպման ականատես Արամ Տապաղյանը, վերհիշելով այդ հուզիչ տեսարանը, գրում է. «1915 մայիս 3-ին Վանի հերոսամարտի յաղթանակի առաջին առաւօտն էր: Նահատակ Իշխանի սգաւոր այրիին՝ Հօրեղբօրս աղջկա Սիրանուշին քովն էի, երբ յանկարծ սենեակին դռան վրայ երեւցաւ չերքէզի տարազով, թուխ դէմքով, հագիւ 30 տարեկան երիտասարդ մը: Ձեռները դէպի Սիրանուշը երկարելով ըսաւ մորմոքած ձայնով.

- Ախ, իմ անբախտ քոյրս:

Սիրանուշը լալազին, խօսքը եկտրին ուղղելով, հարցուց.

- Ո՛ւր է Սուրէն էֆենտի (Դրոյի ծածկանունը Հին Բայազետում ապրած տարիներին - Ղ.Գ.), ուր է քո սիրելի ընկերդ, իմ աննման Իշխանը... Տխուր եւ ճնշիչ մթնոլորտը մեղմացնելու համար՝ Սուրէն էֆենտին սկսաւ պատմել, թէ ինչպէս իր զօրախումբը հասած էր Վան...»¹:

Դրոյի անմիջական նախաձեռնությամբ հայ զինվորները Հիրճ գյուղում հայտնաբերում են Իշխանի եւ նրա զինակիցների մարմինները եւ տեղափոխելով Վան՝ ամփոփում քաղաքի գերեզմանատանը:

Դրոյի կյանքի ու գործունեության մասին պահպանված փաստերի, հուշագրությունների եւ կարծիքների ուսումնասիրությունն անառարկելիորեն հավաստում են ոչ միայն նրա քաջության ու զորավարական տաղանդի իրողությունը: Հայ ազատամարտի նշանավոր գործիչների համաստեղության մեջ նա եզակիներից էր նաեւ իր անբասիր ընկերասիրությամբ եւ հասարակ զինվորի նկատմամբ դրսեւորած ուշադրությամբ եւ հոգատարությամբ: Ահա իր գոհված զինակիցներից մեկի ընտանիքի նկատմամբ նրա ցուցաբերած վերաբերմունքի մի փոքրիկ վկայություն.

«Նորին գերազանցութեան փոխ թեմակալին Հայոց

Ներկայացնելով Ձերդ գերազանցութեան էրզափենցի (Շարուր-Դարալազեազի գավառ - Ղ.Գ.) Յարութիւն Սայադեանի խնդիրը, պատիւ ունիմ յայտնելու, որ անցեալ 1914 թ. նոյեմբերի 1-ին Տաճ-

կաստանի Կիարէ-Շամէ գիւղի կուռւմ սպանուեց նրա որդի՝ Ալեքսան Յարութիւնի Սայադեանը: Նրա 6 հոգուց բաղկացած ընտանիքը եւ ծերունի հայրը մնացել են զուրկ նիւթական միջոցից:

Խնդրում եմ Ձերդ գերազանցութիւնից, եթէ Հնարաւոր կլինի, Ձեր միջնորդութեամբ այդ ընտանիքին ցոյց տրուէր նիւթական որեւէ աջակցութիւն, որով հանգուցեալի որդիներին եւ ծերունի հօրը գոնէ որոշ չափով մխիթարութեան պատճառ կը լինէնք, ոգեւորելով նրա ընտանիքին: 3 մարտի 1915 թ.»¹:

Իսկ Դրոյի միջնորդություններն ու դիմումները, որպես կանոն, երբեք ապարդշուն էջին անցնում:

Նրան բնութագրող մի հատկանշական կողմ եւս: Դրոն, գործարարության եւ մարդկանց հետ լեզու գտնելու զարմանալի շնորհներով էր օժտված: Որպես օրենք, նրա ղեկավարած զորամասերը իրենց զինվածությունները, նյութական ապահովվածությամբ եւ կարգապահությամբ միշտ լավագույնն են եղել: Նույնիսկ բարձրաստիճան զինվորականները սիրով էին համաձայնել ծառայելու նրա հրամանատարության գործող զորամասերում: Գուցե եւ նրա հաջողությունների գաղտնիքը պայմանավորված էր նաեւ վերոհիշյալ գործոններով: Վասպուրականի ազատագրումը դեռ միայն սկիզբն էր այն գործի, որին իրավամբ կոչված էին ծառայելու հայ կամավորները: Առջեւում էին թուրք իշխանությունների յաթաղանի մյուս գոհերը՝ Շատախը, Մոկսը, Բիթլիսը, Տարոնը, Սասունը եւ Արեւմտահայաստանի մյուս շրջանները:

Վանի ազատագրման օրը Արամ Մանուկյանի նախաձեռնությամբ կազմակերպվում է ընդունելություն՝ ի պատիվ գեներալ Նիկոլաեւի ու նրա սպաների: Այդ հանդիպմանը, բացառությամբ Անդրանիկի, որն ի դեպ վանեցիներից դժգոհ լինելու պատճառով կտրականապես հրաժարվել է այցելել քաղաք, ներկա են գնվել կամավորական զորախմբերի հրամանատարներն ու հայ ազգային կուսակցությունների ներկայացուցիչները:

Այդ ընդունելության մասին ուշագրավ հուշեր է պատմում հանդիպման մասնակից՝ վերոհիշյալ գեղապետ Ելիսեեւը:

«Մենք մեծ երկհարկանի տան մոտ ենք: Լայն աստիճաններով վեր եմ բարձրանում: Բացելով երկփեղկանի դուռը, մտնում եմ հսկայական դահլիճ, որտեղ երկու երկար սեղանների շուրջ, ծածկված սպիտակ սփռոցներով եւ սպասքավորված, նստած էին մոտ 100 սպա մեր ջոկատից:

¹ Նույն տեղում, 1967, մայիս, էջ 2:

¹ ՀԱԱ, ֆ. 121, ց. 2, գ. 25, ք. 17:

Անցյալ տարվա օգոստոսից Մերվից պատերազմ գնալու օրվանից, մենք մեկ անգամ էլ չէինք նստել այնպիսի սեղանի շուրջ, որը «մարդավարի» ծածկված լիներ ընթրիքի համար, այսինքն ծածկված լիներ սպիտակ պիտոցով եւ ամբողջովին սպասքավորված: Տեսնելով այդ ամենը, այն էլ կիսավայրենի թուրքիայում, այդ պատճառով ես զարմացած էի:

Համաձայն զինվորական կանոնադրության, պետք է զեկուցել ներկաներից ավագ պետին, սվյալ դեպքում՝ գեներալ Նիկոլաեւին... Երկու կողմից նրա մոտ նստած էին հայկական զորախմբերի առաջնորդները՝ Համազասպը, Դրոն, Քեռին եւ ինչ-որ հայ՝ քաղաքացիական կոստյումով, շատ սեւ, խուզած մորուքով, մտավորականի դեմքով ու տիտուր աչքերով: Նա քաղաքագլուխ Արամ փաշան էր (իրականում Արամ Մանուկյանն այդ ժամանակ ոչ թե Վանի քաղաքագլուխն էր, այլ գեներալ Նիկոլաեւի հրամանով նշանակվելու էր Վանի նահանգի նահանգապետ-Հ. Գ.): Նրանց հետեւում նստած էին մեր գնդերի հրամանատարները, ըստ սպաները՝ ըստ «կոչումների»:

Ընթրիքը նոր էր սկսվել: Զեկույցս լսելուն պես բարձրահասակ, չոր, 65 տարեկան, սպիտակամորուք ծերուկ գեներալ Նիկոլաեւը ոտքի կանգնեց: Նրա օրինակին հետեւեցին մյուսները... Հաճելի էր թուրքիայում, հատկապես Արամ փաշային ցույց տալ ռուսական կայսերական բանակի կարգապահությունը, որը պարտադիր էր բոլորի համար, եւ՝ գեներալի, եւ՝ մյուսների...

Զարմանալիորեն սեղանի շուրջը լուռթյուն էր տիրում:

Բայց ահա ոտքի կանգնեց Արամ փաշան: Նա խմեց հաղթական Ռուսական կայսերական բանակի կենացը: Նա խոսում էր հայերեն: Նրա խոսքը մեզ համար ամբողջական ֆրագներով թարգմանում էր Դրոն՝ նրանց ամենախիզախն ու ականավորը՝ 2-րդ զորախմբի պետը:

Դրոն՝ ամրակազմ, միջահասակ, խիտ սեւ խուզած մորուքով մարդ էր: Զինվորական համազգեստով, նա հզոր եւ հաճելի տպավորություն էր գործում: Իր տեսքով նա նմանվում էր գեներալ Կուտեպովին»¹:

Ռուսական բանակի ու հանդիսությանը ներկա գտնվող սպաներին ուղղույնի խոսքեր ուղղելուց հետո, Արամը դիմում է գեներալ Նիկոլաեւին ու խնդրում թույլատրել հեռագիր ուղարկել Ռուսաստանի վեհապետին: Արամի խնդրանքը զարմանք է հարուցում:

«Մենք, գրում է գնդապետ Ելիսեեւը,՝ ակամայից զգաստացանք. հայերի հեռագիր հեռավոր թուրքիայից անձամբ ռուսական ցարին, դա այդ ժամանակ ինչ-որ արտակարգ երեւույթ էր»²:

Գնդապետ Ելիսեեւը իր հուշագրքում մեջբերում է հեռագիրն ամբողջությամբ:

«Ձերդ Գերագանցության ծննդյան օրը համընկավ Ձեր զորքերի Հայաստանի մայրաքաղաք մուտք գործելու օրվան: Ցանկանալով Ռուսաստանի հաղթանակն ու հզորությունը, մենք՝ Հայաստանի ներկայացուցիչներս խնդրում ենք մեզ ընդունել Ձեր հովանավորության ներքո: Եւ թող Մեծ Ռուսաստանի կայսրության շքեղ ու բազմերանգ ծաղկեփնջի մեջ, որպես փոքրիկ բուրավետ մանուշակ, ապրի ինքնավար Հայաստանը»¹:

Գնդապետ Ելիսեեւի խոստովանությամբ՝ հեռագիրը նախադասությունն առ նախադասություն խելացիորեն ու հասկանալի ներկայացրել է Դրոն, որին հետեւել են հանդիսության ներկա գտնվող Արարատյան զորախմբի սպաների բուռն ու երկարատեւ ծափահարությունները: Գեներալ Նիկոլաեւը զգաստացած ոտքի է կանգնում ու ասում. «Խնդրեմ, խնդրեմ... ես թույլատրում եմ»²:

Վանի հաղթական մուտքից ընդամենը մեկ օր անց Դրոյի զորախումբը դարձյալ կոիվների հորձանուտում էր: Զորախումբը, այս անգամ առանց հրանոթների ու գնդացիների, զարգացնելով հարձակումը, միայնակ պիտի օգնության հասներ Շատախի եւ Մոկսի ինքնապաշտպանության դիմած հայությանը: Քեռու եւ Համազասպի զորախմբերը առաջանալու էին դեպի Ոստան:

Շատախի հայությունը ապրիլի առաջին իսկ օրերին գեներալի մեկով՝ արդեն երկրորդ ամիսն էր, ինչ համառորեն անհավասար ինքնապաշտպանական մարտեր էին մղում թուրք ժանդարմական եւ քրդական զինյալ զորախմբերի դեմ:

«Կոիվը, - նշում է Արարատյան զորագնդի հրամանատար Վարդանը, - միայն Վանի մէջ չէր. շրջակա գավառները նույնպես կոիվների մէջ էին: Հարկավոր էր շտապ օգնության հասնել գավառներին: Ժամանակ չկորցնելով, հենց մյուս օրը մի դրուժինա Դրոյի ղեկավարությամբ ուղարկեցինք Շատախի կողմերը, մյուս դրուժինան՝ Քեռու ղեկավարությամբ ուղարկեցինք Ռշտունիք»³:

Իրոք, ընդամենը մեկ օր Վանում անցկացնելով 2-րդ կամավորականը, իր շարքերը համալրելով տեղացի մարտիկներով, հրաման է ստանում ուղեւորվել Շատախ, փրկել ինքնապաշտպանության դիմած շատախցիներին եւ այդ շրջանը մաքրել քրդերից:

¹ Елисеев Ф. С., Казаки на Кавказком фронте 1914-1917, М., 2001, ст. 94:
² Նույն տեղում:

¹ Նույն տեղում:
² Նույն տեղում:
³ ՂԱ, ֆ. 57, ց. 5, գ. 11, գիրք 4, էջ 6:

Շատախցիների գինված պայքարը արեւմտահայութեան մղած 1915 թ. ինքնապաշտպանական մարտերի ամենահերոսական եւ ուսանելի, բայց դեռեւս ըստ արժանւոյն չուսումնասիրված էջերից մեկն է: Չնայած թուրք իշխանութիւնների նենգադավութեանը զոհ էր գնացել ինքնապաշտպանութեան ոգին ու կազմակերպիչը՝ Լեւոնապարի Իշխանը, սակայն ազատատենչ շատախցիները, հավատարիմ մնալով իրենց հերոսական անցյալին եւ Իշխանի ներդրած մարտական ավանդին՝ ավելի քան մեկուկես ամիս անկուտրում համառութեամբ ու հերոսական մաքառումներով պաշտպանեցին իրենց կյանքն ու ազգային արժանապատուութիւնը:

Շատախի պաշտպաններին օգնութեան հասնելը կապված էր լուրջ դժվարութիւնների հետ: Շատախ տանող ուղին անցնում էր քրդերով խիտ բնակեցված Գորան դաշտավայրով: Թուրքական հրամանատարութիւնը քրդական յուրաքանչյուր գյուղ վերածել էր ամուր պաշտպանական հանգույցի: Բացի դրանից, Հիրճ գյուղից դեպի Գորանի դաշտ տանող միակ ճանապարհը չըջափակված էր կիրճերով, որի թաքստոցներում դիրքավորվել էին թուրք զինվորներն ու քրդական զինյալ խմբերը¹:

Հարձակումը զարգացնելու կամավորների միակ հնարավորութիւնը թշնամու ամրութիւնները չըջանցելն էր: Պահեստում թողնելով Յապոնի, Ջեմլյակի եւ Խոսրովի հեծյալ ջոկատները՝ Դրոն հրամայում է Ղազար Քոչարյանի վաշտին չըջանցել թշնամու ամրութիւններն ու հարվածել թիկունքին:

Ռազմախաղն ավարտվում է գերազանց վերջաբանով, թուրք-քուրդ հրոսակախմբերը, ընկնելով խաչածեւ կրակի տակ, դիմում են փախուստի: Գորանի դաշտ տանող ուղին բաց էր: Դրոյի զինվորները հողմի նման ներխուժելով դաշտ՝ մեկը մյուսի հետեւից գրավում են քրդական գյուղերը եւ մոտենում դեպի Շատախ տանող ամենաուժեղ արգելապատնեչին՝ Աղվուտ գյուղին: Հաղթական կռիւներից հետո բարձր մարտական տրամադրութեամբ համակված հայ զինվորները հաշված ժամերի ընթացքում ընկճում են հակառակորդի դիմադրութիւնը եւ մտնում հայկական Սեւտիկն գյուղը:

Թուրքական զորքերը, որոնք քրդական հրոսակախմբերի հետ արդեն 45-րդ օրն էր, ինչ պաշարել էին Շատախը, հայ կամավորների լուրն առնելուն պես լքում են մարտադաշտը:

Կամավորական զորախմբերի մարտական գործողութիւնները պատմող ռազմական ամփոփագրերից մեկում այդ մասին գրված է. «2-րդ կամավորականը, մայիսի 8-ին սկսելով հարձակումը, բազմիցս բախվել է

Գորան դաշտում համախմբված քրդերի հետ, որոնք փակել էին դեպի Շատախ տանող ուղին: Բայց պարտութիւն կրելով յուրաքանչյուր կովում, քրդերը մաքրում են այդ շրջանը եւ զորախումբը մայիսի 12-ին մուտք է գործում Շատախ»¹:

Թուրքական զորքերի ու քրդերի փախուստը եւ հայ կամավորական զորախմբերի հաղթանակներն ավետող լուրերն անմիջապես տարածվում են նրանց գալստյանը սրտատրոփ սպասող Շատախի ինքնապաշտպանութեան մարտիկների շարքերում:

Պատմում է Շատախի ինքնապաշտպանութեան հրամանատարներից՝ Տիգրան Բաղդասարյանը. «Լեւոնը (Լեւոն Շաղոյանը նույնպես ինքնապաշտպանութեան հրամանատարներից է - Հ.Գ.) կը գրէ. «Դրոն 1000 հոգով Սեւտիկն է: Երեկոյեան աշխատիր ամէն գնով հոս լինել. խորհրդակցելու համար Ծառնուլի վրայ կատարուելիք վաղուան արշաւանքի մասին...

... Երկու ձի կը պատրաստեն անմիջապէս եւ Սեւտիկնցի Յակոբի հետ կը շտապեմ հասնել Սեւտիկն: Մուլթն էր արդէն, երբ կը հասնիմ գիւղը: Աչքի կը զարնեն մեր կամաւորների վրաններն իրենց պլպլուան ճրագներով:

Կը մտնեմ տէրտրոջ սենեակը, եւ ահա կը հանդիպիմ Դրոյին չըջապատուած իր վաշտապետներով՝ Նժդեհը, Մեսրոպը, Եսպոնը, Մարտիրոսը եւ այլն: Կը համբուրւիմք, կը սկսիմք զրոյց անել: Կը պատմեն ինձ իրենց կռիւների եւ ապագայի մասին: Ես էլ իմ հերթին՝ մեր կռիւների մասին:

- Այդպէս, ուրեմն Ծառնուլի արշաւանքը թողնենք ուրիշ անգամուան, այնպէս չէ, էֆենտի, - հեգնելով կը վերջացնէ Դրոն:

- Այո, պ. հրամանատար, - կը պատասխանեմ, - բայց երեւի ուրիշ ծառնուցներ կ'ունենանք»²:

1915 թ. մայիսի 12-ին 2-րդ կամավորական մարտախմբի գլուխն անցած՝ Դրոն հաղթականորեն մուտք է գործում Շատախ գավառի ինքնապաշտպանութեան կենտրոն՝ Թաղ գյուղը³:

Կովկասյան ռազմաճակատի հրամանատարութեանը ուղղված զեկուցագրերում արժանւոյնս գնահատելով 2-րդ զորախմբի գործունեութիւնը՝ նշվում է. «Մայիսի 8-ին սկսելով առաջխաղացումը՝ 2-րդ զորախումբը բազում մարտեր մղեց թուրքերի եւ քրդերի հետ, որոնք, կենտրոնանալով Գորան դաշտավայրում, փակել էին դեպի

¹ Նույն տեղում, ֆ. 57, ց. 5, գ. 102, ք. 44:

¹ ՀԱՍ, ֆ. 121, ց. 2, գ. 8, ք. 6:

² «Դայրեմիք» ամսագիր, 1931, հոկտեմբեր, էջ 138-139:

³ ՀԱՍ, ֆ. 121, ց. 2, գ. 8, ք. 6:

Շատախ տանող ճանապարհը: Բայց յուրաքանչյուր քայլում պարտության մատնելով հակառակորդին՝ զորախումբն արագորեն մաքրեց այդ շրջանները եւ մայիսի 12-ին մուտք գործեց Շատախ»¹:

«Կանցնի, - գրում է Տիգրան Բաղդասարյանը, - հայկական բանակը եւ նրան կհետեւի Շատախի պզտիկ բանակը իր յաղթանակի երգն երգելով... Կը մտնենք վերջապէս Թաղը: Պատուհաններից, կտուրներից, կանայք եւ աղջիկներ ծաղիկներ կը սփռեն կամաւորների անցած ճանապարհով: Ուրախ զուարթ կանցնի բանակը եւ կը հաստատուի «Ամբրի Իգիւ», Տիգրիսի եզերքին:

Այդ օրը շատախցին հանգիստ ու խաղաղ քնեց»²:

Վանից մինչեւ Շատախի գյուղերը ձգվող տարածքը ամբողջովին մաքրված էր թուրքերից ու քրդերից: Ետեւում էին մնացել բազում մաքառումներով լեցուն տանջալի օրերը: 1915 թ. հունիսին Շատախի Ջնով գյուղում հանդիպելով գյուղացիներին եւ նրանց պատմելով զորախմբի անցած մարտական ուղու մասին՝ Դրոն որպէս անկեղծ խոստովանանք ասել է. «Ռուսական հողից, Անդրկովկասից մինչեւ Վասպուրական, մինչեւ Շատախ անցել եմ մեր ժողովրդի դիակների վրայով, մեր ավերված գյուղերով, մոխրակուլտի վերածված բնակավայրերով: Արցունքով եմ անցել»³:

Կռիվների ընթացքում կամավորները բռնազրապում են մեծ քանակութեամբ ռազմավար, հազարավոր ոչխարներ եւ բաժանում Շատախի եւ Սեւտիկնի հայ բնակիչներին:

Գավառի ազատագրումը դեռեւս տեղի բնակչութեան ապահովագրութեան վերջնական ու կայուն երաշխիքը չէր: Թուրք հրամանատարութիւնը, վերախմբավորելով հայ զինախմբերի հարվածներից ցաքուցրիվ եղած ուժերը սպառնում էր քուրդ հրոսակախմբերի աջակցութեամբ հարավային շրջաններից վերստին հարձակվել Շատախի վրա: Անհրաժեշտ էր կայուն հիմքերի վրա դնել գավառի ինքնապաշտպանութիւնը: Շատախի շրջանների ներքին կյանքը կարգավորելու, ինքնապաշտպանութիւնը կազմակերպելու նպատակով Դրոյի նախաձեռնութեամբ ինքնապաշտպանական ուժերի հրամանատարներ Սամվել Պետրոսյանի եւ Տիգրան Բաղդասարյանի ղեկավարութեամբ կազմակերպվում են գավառի կառավարութիւն եւ ոստիկանութիւն, որոնք անմիջականորեն պիտի ենթարկվեին Արամ Մանուկյանի գլխավորած Վանի նահանգապետութեանը:

¹ Նույն տեղում:

² «Հայրենիք» ամսագիր, 1931, հոկտեմբեր, էջ 138-139:

³ ՀԱԱ, ֆ. 370, ց. 2, գ. 5, ք. 9:

Շատախի գրավումից մեկ շաբաթ անց Դրոն արչավում է Մոկաց աշխարհ, ուր տեղի հայութիւնը, կենտրոնանալով մի քանի բնակավայրերում, օրհասական կռիվ էր մղում թուրք-քուրդ հրոսակախմբերի դեմ: Մոկաց աշխարհի հայկական բնակավայրերը վերածվել էին Վանի եւ Շատախի շրջաններից նահանջող թուրքական զորքերի ու հատկապէս քրդական հրոսակախմբերի հարձակման հերթական նշանակետերի: Մոկսի հայութիւնը հայտնվել էր ծանրագույն իրավիճակում: Անհրաժեշտ էր անհապաղ օգնութեան շտապել, այլապէս տեղի հայութեանը սպառնում էր անխուսափելի կործանում:

Քանի որ Մոկսի հայ բնակչութեան ինքնապաշտպանական մարտերը ընթանում էին մի քանի հանգուցներում, այդ պատճառով Դրոն, մասնատելով իր զորախմբի ուժերը, հարձակումը զարգացնում է երեք հիմնական ուղղութիւններով: Համաձայն նրա հրամանի, Դալի Ղազարի, Յապոնի, Տիգրանի հարյուրակներն ու Մարտիրոսի վաշտը Նժդեհի հրամանատարութեամբ արչավում են Մոկս, մակվեցի Մեսրոպի վաշտը՝ Սոքան, իսկ ինքը զորամասերի մնացած ջոկատների գլուխն անցած շարժվում Սպակերտ:

Ռազմաճակատում տեղի ունեցող մարտական գործողութիւնները բնութագրող վերոհիշյալ ամփոփագրերը անդրադարձել են նաեւ Մոկսի դեպքերին. «... Մոկսի ապստամբները հայտնվում են կրիտիկական իրավիճակում: Թուրք ժանդարմների եւ քրդական ուժերի հետ Սոքանի (Շատախի արեւմուտք) մոտ ունեցած հաջող կռիվներից հետո զորախմբի 2-րդ վաշտը հաղթահարելով դժվարանցանելի լեռներն ու կիրճերը՝ մայիսի 18-ին մտնում է Մոկս: Մոկսի եւ նրա հարակից բոլոր շրջանները մեր ձեռքն անցնելը հնարավորութիւն ստեղծեց ամուր կապ հաստատելու Մոկսի եւ Աղթամարի (մայիսի 16-ին գրավել էր Քեռու 4-րդ զորախումբը - Հ. Գ.) միջեւ»¹:

Ամփոփելով դեպի Վանա լճի հարավային շրջանները ազատագրելու նպատակով 2-րդ կամավորականի ձեռնարկած մարտական գործողութիւնների արդյունքները՝ կարելի է ասել. մի շարք մարտերում արագորեն հաղթահարելով թշնամու դիմադրութիւնը՝ Դալի Ղազարի, Յապոնի, Տիգրանի հարյուրակներն ու Մարտիրոսի վաշտը Նժդեհի առաջնորդութեամբ գրավում են Մոկսը, Մեսրոպը՝ դժվարին կռիվներից հետո Սոքանը, իսկ Դրոն, ջախջախելով Սպակերտը պաշարող թուրքական զորաջոկատներին՝ ազատագրում է գյուղը եւ այնտեղ համախմբված ավելի քան չորս հազար հայերի տեղափոխում Մոկս: Հաջողութեամբ էին զարգանում նաեւ կամա-

¹ ՀԱԱ, ֆ. 121, ց. 2, գ. 8, ք. 17:

վորական մյուս խմբերի հարձակումները: Քեռին եւ Համազասպը միացյալ ուժերով գրավում են Ոստանը եւ Աղթամարը¹:

Ռազմաճակատում միմյանց հարեւանութեամբ մարտնչող հայ կամավորականների կապն ու համագործակցութիւնը պատշաճ բարձրութեան վրա էր, ինչը եւ խոստովանում են նրանց մարտական գործողութիւնները բնութագրող ամփոփագրերը. «... իր աջ թեւը ապահովելու համար, զորախմբի հրամանատար Դրոն դեռեւս Գորանի դաշտում մղած կռիւների ժամանակ առանձնացրեց կես հարյուրյակ Ղազարի գլխավորութեամբ եւ ուղարկեց Փեսանդաշտ: Այդ քայլով նա ապահովեց նաեւ դեպի Ոստան-Աղթամար առաջացող 4-րդ զորախմբի ճախ կողմը»²:

Շատախի գավառում եւ Մեծ Հայքի ամենափոքր նահանգի՝ Մոկաց աշխարհում 2-րդ կամավորական զորախմբի մղած կռիւներն ավելի քան արգասաբեր էին:

«Դրոն եւ Քեռին, - շեշտում է Վարդանը, - շրջաններ գալով, տեղի ունեցած կռիւները շարունակվում են: Քեռին Վոստանում թուրքերից 2 թնդանոթ է խլում, վորոնց ուղարկում է Վան:

Դրոն գործում է Շատախի եւ Մոքսի շրջաններում եւ հաջող կռիւներ է մղում»³:

Ռազմաճակատը Մոկսից ձգվելով հասնում է մինչեւ Աղթամար ու Սուրբ Հակոբ, ուր բացի Դրոյի եւ Քեռու 2-րդ ու 4-րդ զորախմբերից, դիրքեր են զբաղում նաեւ Տիգրան Բաղդասարյանի եւ Լեւոն Շաղոյանի գլխավորած տեղի ինքնապաշտպանական ջոկատները: Թուրքական եւ քրդական ուժերը, հայտնվելով ծանր իրավիճակում, փորձում են անընդմեջ գրոհներով թափանցել 4-րդ զորախմբի թիկունքը, ապա ճեղքել Աղթամարից մինչեւ Մոկս ճակատային բնագիծը պաշտպանող կամավորների եւ ինքնապաշտպանական ջոկատների պաշտպանութիւնը եւ բացել դեպի հարավային շրջանները ձգվող ուղիներն ու միաժամանակ Մոկսը կտրել Շատախից:

Անդրադառնալով այդ օրերին Դրոյի զորախմբի մղած մարտերի լուսաբանմանը՝ ուղղաճակատից առաջվող ամփոփագրերից մեկում նշվում է. «...Թուրքերի կողմից 4 օրերի՝ մայիսի 22, 23, 24 եւ 25-ին ձեռնարկված անընդմեջ գրոհները հետ են մղվում միասնաբար գործող կամավորների եւ Մոկսի զինված

հայերի կողմից: Միաժամանակ ձախողվեցին նաեւ հարավային կողմից Մոկսը Շատախից կտրելու նպատակով թշնամու կողմից ձեռնարկված փորձերը:

... Մոկս-Շատախ, Աղթամար-Ոստան ուղղութեամբ 2-րդ զորախմբի մղած պաշտպանական հաջող գործողութիւններին նպաստել է երկու հանգամանք. 1. Կամավորական 1-ին զորախումբը, գրավելով Շատախին հարող Նորդուզի շրջանը, կապ է հաստատում գեներալներ Նազարբեկովի եւ Նիկոլաեւի զորամասերի միջեւ:

2. 4-րդ զորախումբը 3-րդի համագործակցութեամբ, որը Վանից շարժվել է մայիսի 19-ին, առաջանում է Աղթամար-Ար. Հակոբ-Ջեյվա ուղղութեամբ եւ դրանով սպառնալիք ստեղծում թշնամու ճախ թեւի վրա»¹:

Ջեյվայի կռիւի նախօրեին, 1915 թ. հունիսին, գեներալ Նիկոլաեւի հրամանով հայ կամավորական զորախմբերի հրամանատարները պիտի մշակեին համատեղ գործելու ծրագիր ու մյուս օրն անցնեին հարձակման: Իսկ դա նշանակում էր, որ գեներալը հայ կամավորական զորախմբերին ինքնուրույն գործելու իրավունք ու հնարավորութիւն էր ընձեռում:

Խմբապետ Ասլան Ստեփանյան վկայութեամբ՝ «Այնտեղ էին բոլոր հրամանատարները՝ Վարդան, Խէչօ, Քեռի, Համազասպ, Անդրանիկ, Դրո:

Իբրեւ Անդրանիկի զինւոր, նրան ընկերացողների մէջ էի նաև այս փոքր յուշ պատմողը (նկատի ունի իրեն-Հ.Գ.)...

Հայ կամաւորական գնդերի հրամանատարները վիճում էին, համաձայնութեան չէին գալիս:

-Հայ ենք, չենք կարող զիջել և համաձայնել,-բարձրաձայն ասում էր Դրոն:

Եւ ցրուցեին առանց համաձայնելու: Յաջորդ առաւօտեան, ամէն մէկը իր գիտցած ձեւով սկսեց յարձակումը, որ ծանր նստեց, բայց, այնուամենայնիւ, մեր կամաւորական ոյժերը յաղթեցին, պատուեցին շղթան, և Խալիլ բէյըր նահանջեց»²:

Վանից մինչեւ Շատախ-Մոկս, Աղթամար-Ոստան եւ Նորդուզ ձգվող շրջանների ազատագրական մարտերում հայկական կամավորական զորախմբերը գործել են մեծ կազմակերպվածութեամբ ու համագործակցած: Առջեւում Տարոնն էր ու Սասունը: Տարոն տանող ճանապարհի առաջին խոչընդոտը Սորբն էր, ապա Դատվանը:

¹ Տես նույն տեղում, էջ 10:

² Նույն տեղում:

³ ՀԱԱ, ֆ. 402, ց. 2, գ. 11, գիրք 4, էջ 9:

¹ Նույն տեղում, էջ 7:

² «Յառաջ», Բացառիկ, 1956, թիւ 78, էջ 78-79:

Թուրք հրամանատարութիւնը հասցրել էր զգալի ուժեր կենտրոնացնել Սորբում եւ այն վերածել պաշտպանութեան ամուր հենակետի: Սորբի մտակայքում գտնվող բարձունքները հակառակորդի կողմից նույնպէս ամրացվել էին:

Զարգացնելով նախորդ մարտերում նվաճած հաղթանակները՝ 3-րդ եւ 4-րդ զորախմբերը Քեռու ընդհանուր հրամանատարութեամբ դաժան կռիւներից հետո մայիսի 25-ին գրավում են Զեյվան, ապա մարտադաշտ հասած 2-րդ զորախմբի վաշտերից մեկի համագործակցութեամբ շարունակում են առաջխաղացումը եւ մայիսի 30-ին հասնում մինչեւ Սորբ, սակայն զինամթերքի սակավութեան պատճառով դադարեցնում են հարձակումը¹:

Եթե կամավորական զորախմբերին հաջողվեր գրավել Սորբ եւ Դատվան բնակավայրերը, ապա փաստորեն բացվելու էին Տարոն, Սասուն եւ Բիթլիս տանող ուղիները:

Թուրք հրամանատարութիւնը, նկատի ունենալով Մոկսի ու Սորբի ուղղութիւններից իրենց զորքերին սպառնացող վտանգը, լրացուցիչ ուժեր է կենտրոնացնում Սորբի ճակատում եւ մայիսի 31-ին անցնում հակահարձակման: Կամավորական բոլոր չորս զորախմբերը հարկադրված նահանջում են Զեյվա, ապա Սուրբ-Հակոբ եւ ընդհուպ մինչեւ Մոկս:

Մայիսի 31-ի դրութեամբ ուսական ճակատի դեմարկացիոն գիծը, որը զբաղեցնում էին կամավորական չորս զորախմբերը, ձգվում էր Վանա լճից հարավ դեպի Նորգեղ, Մոկս, Շատախ, Նորդուզ, իսկ աւսական զորաասերը դեռեւս գտնվում էին Վանում²:

Զեյվայի մարտերի նախօրեին հայկական բոլոր չորս զորախմբերը Նիկոլաեւի զորամասից անցնում են Տրուխինի զորամասը:

Գններալ Տրուխինի զորախմբի պաշտպանական դիրքերը ձգվում են Զեյվա գյուղից մինչեւ Սուրբ Հովհաննեսի վանքը: Այդ ժամանակ բացի հայկական 1-ին, 2-րդ, 3-րդ եւ 4-րդ կամավորական մարտախմբերից, Տրուխինի զորամասի կազմում էին նաեւ սահմանապահ հետեւակային գումարտակը, հեծյալ ջոկատը, Անդրբայկայան կազակական բրիգադը³:

Ինչպէս վկայում են ռազմական ամփոփագրերը, ռազմաճակատում հանգիստ իրավիճակը տեւել է ընդամենը երկու շաբաթ հունիսի 1-ից մինչեւ 14-ը, այսինքն՝ մինչեւ Զեյվայի մարտերը, որոնք տեղի են ունեցել նույն ամսի 15-ին եւ 16-ին:

Այդ ընթացքում 3-րդ եւ 4-րդ զորախմբերին է միացել նաեւ 2-րդ զորախումբը, որի կազմի մեկ վաշտ մնում է Մոկսում, մեկ հետեւակ վաշտ Շատախում եւ մեկ հեծյալ դասակ Գորանդաշտում: (Այդ շրջանների ինքնապաշտպանութեան ղեկավարումը իրականացնելու էին Նժդեհը եւ Մեսրոպը՝ Զ.Գ.):

Հունիսի 15-ին այդտեղ է գալիս նաեւ 1-ին զորախումբը, որը Նորդուզից դուրս է գալիս մայիսի 28-ին, իսկ հունիսի 12-ին՝ Արտամտից¹:

Եթե ընդհանրացնենք մայիս-հունիս ամիսներին Վանա լճի հարավային շրջաններում ուսական զորքերի համագործակցութեամբ հայ կամավորական զորախմբերի իրականացրած մարտական գործողութիւնները, ապա պիտի արձանագրել, որ համատեղ ուժերով ձեռնարկած այդ գործողութիւնների արդյունքում ազատագրվել են Զեյվա, Թախման, Սուրբ Հակոբ, Ախթամար, Վարկունիս եւ բազմաթիւ այլ բնակավայրեր:

Հակառակորդը ավելի համառ դիմադրութիւն է ցուց տվել Զեյվայում, ուր թուրք զինվորների հետ կենտրոնացել էին քրդական զինյալ հրոսակախմբերը: Զեյվայի կռիւում ամենեւին լուրջ ուշադրութեան չարժանացնելով իրենց վրա տեղացող համագարկերը՝ հայ կամավորները նետվում են գրոհի ու ընդհուպ մոտենում են հակառակորդի դիրքերին ու նեխուժում գյուղ: Թուրք զինվորներն ու քրդերը պատասպարվելով գյուղի տներում՝ կատաղի դիմադրութիւն են ցույց տալիս, բայց անկասելի էր հայ մարտիկների գրոհը:

Վանի գործողութեանը Արարատյան զորազնդի մասնակցութիւնը պատկերող ակնարկում ներկայացնելով այդ պահը՝ նշվում է. «Անցնելով խրամատների գիծը՝ կամավորները փախչող թուրքերի ու քրդերի հետեւից ներխուժում են գյուղ, ուր մարտերը ծավալվում են ավելի կատաղութեամբ ու ուժգնութեամբ: Փողոցները ծածկվում են դիակներով: Գյուղի տներում պատասպարվելու փորձ անող քրդերը՝ կոտորվում են: Ողջ մնացածները նետվում են գետ, որ կարողանան անցնել հակառակ ափը: Սակայն, կամավորները, որոնք վաղօրոք դիրք էին գրավել գետի հակառակ ափին, նրանց դիմավորում են հզոր համագարկերով: Դրանով ավարտվում է մարտը: Հայ կամավորները նվաճում են հերթական հաղթանակը»²:

Պիտի նշել, որ տեղի ունեցած կռիւներում հայ կամավորները հակառակորդի համեմատաբար ունեցել են ավելի քիչ կորուստներ: Օրինակ, Զեյվայի ազատագրման մարտերում հայ կամավորների կորուստներն են 14 զոհ եւ 23 վիրավոր, իսկ թուրքական կողմը

¹ ՀԱԱ, ֆ. 121, ց. 2, գ. 8, թ. 18:
² Նույն տեղում:
³ ՀԱԱ, ֆ. 45, ց. 1, գ. 3, թ. 8:

¹ Նույն տեղում, էջ 8:
² ՀԱԱ, ֆ. 121, ց. 1, գ. 1, թ. 18

300 սպանված ու 100 վիրավոր: Այդ կոպուս կամավորները որպես ուղղամար վերցնում են ավելի քան 250 հարացան¹:

Ձեյվայի մոտակայքում ձեռք բերած հաղթանակից հետո, ինչպես արդեն նշվել է, մինչև հունիսի 28-ը հանգիստ է եղել: Այդ ընթացքում հակառակորդի ուժերին որպես համալրում միանում են 106 եւ 107 հետեւակային գնդերը: Նույն ամսին ուղղամարտ Ալաշկերտ-Ղարաքիլիսայի ուղղութեամբ խալի փաշայի ձեռնարկած հարձակմանը զուգընթաց, թուրք հրամանատարութիւնը տենդազին միջոցներ է գործադրում կանգնեցնելու գեներալ Տրուխինի զորամասի ու հայ կամավորական զորախմբերի հետագա առաջխաղացումը, որը ուղղված էր մի կողմից դեպի Բիթլիս, իսկ մյուսը՝ Նեմրուժ միանալու գեներալ Նազարբեկովին, որը գտնվում էր Փթխուս-Քար-մուսը շրջանում:

«... Թուրքերը, - նշվում է ուղղամարտի ամփոփագրերում, - կենտրոնացնելով 106 եւ 107 գնդերը Սորբի մոտ՝ խնդիր են ստանձնում խոչընդոտել ուսանների մուտքը Սորբ-Վանիկ»²:

Չափազանց կարեւոր էր, որ ուսանական զորքերն ու կամավորական զորախմբերը գրավեին Սորբը, ապա Դատվանն ու առաջնային դեպի Ախլաթ, Տարոն եւ Սասուն: Սակայն այդ ուղղութեամբ գործող թուրքական զորամասերը՝ խալի փաշայի կողմից ուղարկված 106 եւ 107 գնդերի ուժերով համալրելուց հետո՝ ուսանական զորքերի ու կամավորական զորախմբերի համար ավելի է դժվարանում Սորբի գրավումն ու հետագա առաջացումը: Իսկ այդ ժամանակ 2-րդ կամավորականի՝ Մարտիրոսի, Օնեի եւ Մեսրոպի գլխավորած վաշտերը գտնվում էին Մոկսում:

Հարձակման գլխավոր ուղղութիւնը Սորբն էր, ապա Դատվանն ու Տարոնը: Անհրաժշտ էր այդ ճակատում միավորել կամավորական զորախմբերի մարտական ողջ ուժերն ու գործել ավելի կազմակերպված ու համագործակցված:

Առաջնորդվելով այդ նկատառումով, Դրոն Ոստանից երկտող է ուղարկում Մոկսում գտնվող Նժդեհին՝ հրահանգելով, որ Մարտիրոսի եւ Օնեի վաշտերը ուղարկել իր մոտ՝ Աղթամար:

«Նժդեհը, գրում է Մարտիրոսը, - չէր ուզում գումարտակի միաւորները բաժանել իրարից, գտնելով՝ «Կամ բոլորս էլ պիտի գնանք, կամ ոչ ոք»: Շապոնն ու ես դիտել տւինք, որ «երբ հրամանատարը կանչել է մեզ, մենք պիտի մեկնենք առաւօտեան, չենք կարող մնալ»...

Առաւօտեան, երկու վաշտով ճանապարհւեցինք Մոկսից»¹:

Մարտական ուժերի անհրաժեշտ վերադասավորումից հետո գեներալ Տրուխինը վճռական գրոհ է ձեռնարկում Սորբի մերձակայքում դիրքավորված թուրքական 105 եւ 107 գնդերի վրա: Համաձայն հրամանատարութեան մտահղացման, հարձակումը ընթացել է հետեւյալ մարտավարութեամբ. Բեռու գլխավորած 4-րդ զորախումբը գրոհը զարգացրել է թուրքական զորաբանակի ձախ թեւի վրա, Անդրանիկի 1-ին զորախումբը՝ կենտրոնի, իսկ Դրոյի 2-րդ եւ Համազասպի 3-րդ զորախմբերը եւ սահմանապահ ջոկատները՝ աջ թեւի վրա:

Մարտերի առաջին օրը 1-ին եւ 4-րդ զորախմբերը, հանդիպելով հակառակորդի համառ դիմադրութեանը, ունեցել են զգալի կորուստներ: Գեներալ Տրուխինը, նկատի առնելով այդ օրվա մարտի ոչ այնքան գոհացուցիչ արդյունքները, վճռում է դադարեցնել հարձակումը եւ հետ քաշել զորքերը²:

Բայց կատարվում է ճիշտ հակառակը, չնայած ունեցած շոշափելի կորուստներին. «... Գիշերը 1-ին զորախմբի մի քանի դասակապերի նախաձեռնութեան շնորհիվ հաջողվում է դասակները առաջ շարժել եւ գրավել երկրորդ գծի խրամատները: Մյուս խմբերը, լսելով բարձրաձայն ուռուսան, նույնպես անցնում են հարձակման եւ վերջ ի վերջո գրավում գլխավոր դիրքերը: Թուրքերը արագորեն նահանջում են դեպի Սորբ»³:

Հունիսի վերջերին հայկական մարտախմբերը, գեներալ Տրուխինի զորախմբի մյուս զորաջոկատների համագործակցութեամբ, միահամուռ ուժերով գրոհում են Սորբի վրա: Այդ օրերին ընթացող կռիվներում հայ կամավորական զորախմբերը, իրենց գործողութիւնների փոխհամագործակցութիւնը պատշաճ մակարդակով չհամաձայնեցնելու պատճառով, հաղթանակը նվաճում են մեծ դժվարութեամբ եւ զգալի կորուստներով:

Համաձայն Ձեյվա-Սորբ-Դատվան կռիվների մասնակից խմբագետ Ասլան Ստեփանյանի վկայութեան, որն այդ ժամանակ ծառայում էր Անդրանիկի 1-ին կամավորականում, կռիվ նախօրերին հարձակման միասնական գործողութեան մանրամասները համաձայնացնելիս «Հայ կամավորական գնդերի հրամանատարները վիճում էին, համաձայնութեան չէին գալիս:

¹ Տե՛ս նույն տեղում, ք. 3-18:
² ՀԱԱ, ֆ. 121, ց. 1, գ. 3, ք. 3:

¹ Խբբայետ Մարտիրոս Աբրահամեան, Եզվ. աշխ., էջ 272:
² Տե՛ս ՀԱԱ, ֆ. 121, ց. 1, գ. 3, ք. 3:
³ Նույն տեղում:

- Հայ ենք, չենք կարող զիջել եւ համաձայնել, - բարձրաձայն ասում էր Դրօն:

Եւ ցրեցին առանց համաձայնելու: Յաջորդ առաւօտեան, ամէն մէկն իր գիտցած ձեւով սկսեց յարձակումը, որ ծանր նստեց...»¹:

Սորբի մատուցներում մղվող առաջին օրվա մարտերը չափազանց դանդաղ ու ծանր էին ընթանում: Բլրալանջերի հարմարավետ դիրքերում ամրացած թուրք զինվորները թնդանոթներից ու գնդացիներից տեղացող կրակով խափանում էին հայ զինվորների գրոհները: Երեկոյան մարտադաշտ հասցրած թնդանոթներով մշակելով հակառակորդի դիրքերը՝ կամավորական զորախմբերը սրընթաց նետվում են գրոհի:

Դրոյի զորախումբն առաջին կամավորականի Արտաշես Սուչյանի գլխավորած վաշտի համագործակցութեամբ ճեղքում է բարձունքներում ամրացած թշնամու դիմադրութեանը եւ հասնում լճափ, որի ափերի երկայնքով հաջողութեամբ հարձակվում էին Անդրանիկի զորախմբի մյուս վաշտերը:

Հակառակորդի դիմադրութեանը խորտակում են նաեւ Համազասպի եւ Քեռու զինվորները: Արդեն հաջորդ օրը՝ կոտորելով հակառակորդի համառ պաշտպանութեանը, հայ կամավորները գրավում են Սորբը, իսկ թշնամու ջախջախված զորքերի մնացորդները նահանջում են Դատվան²:

Ոգեշնչված հայ կամավորների հերոսական գործողութուններով՝ ռուս զորավաշտերն նոյնպես առաջ են շարժվում:

Ռուսական չորրորդ զորախմբի հրամանատար գեներալ Տրուխինը, հիացած հայ կամավորների մարտական անբասիր գործողութուններով, ընդգծում է հաղթանակի ձեռքբերման գործում. «... Անդրանիկի եւ Դրոյի խումբերուն յաղթական յարձակումը հակառակորդի ձախ թեւին դէմ: Համազասպի խումբին յարձակողականը խիստ դժուարին պայմաններու մէջ, առանց հրետանի աջակցութեան, ձիւնապատ լեռներով: Թշնամին յամառ հետապնդումը այդ խումբին կողմէ...»³:

Հայ զինավաշտերին հրաշալի հնարավորութեան է ընձեռվում կրնկակոխ հետապնդել նահանջող հակառակորդին եւ արագորեն գրավել նաեւ Դատվանը: Եթե մարտական գործողութուններն արագ ընթացք ունենային, ապա Տարոն մտնելու խնդիրը զգալիո-

րեն կհեշտանար: Սորբի կովում պարտութեանը կրած թուրք հրամանատարութեանը դժվար թե կարողանար հասցնել ամուր պաշտպանութեան կազմակերպել: Սակայն ճակատի հրամանատար գեներալ Տրուխինը, ոչ մի փաստարկներով չարդարացված պատճառաբանութեամբ եւ կարծես կանխամտածված դիտավորութեամբ, խոչընդոտում է հայ զինվորների հարձակումը եւ դրանով իսկ թուրքերին հնարավորութեան ընձեռում ամրապնդվելու Դատվանում: Եւ միայն հուլիսի 4-ին, Սորբի գրավումից երեք օր անց, հայ կամավորները հրաման են ստանում գրոհելու Դատվանը: Ռուսական հրամանատարութեան բարեհաճութեամբ շահած ժամանակահատվածում թուրքերին հաջողվում է համալրել զորքերի մարտաշարքերը եւ Դատվանը վերածել անմատչելի ամրոցի: Այս անգամ արդեն հայ կամավորական մարտախմբերի հրամանատարներին էին ենթարկվում նաեւ ռուսական մի քանի զորավաշտեր:

Դատվանի մատուցներում ընթացող մարտերի առաջին օրը, չնայած գործադրած մեծազույն ջանքերին, հայ զինվորներին չի հաջողվում թուրքերին դուրս շարժել իրենց անմատչելի դիրքերից: Հաջորդ օրն առավոտյան գեներալ Տրուխինը մարտադաշտ է դուրս բերում հեծելազորային գունդն ու հրանոթների մարտկոցը: Մի քանի ժամ շարունակ ընթանում էր միայն հրանոթային մենամարտ, իսկ երեկոյան կողմ. «Ամբողջ ճակատը յարձակման էր դիմել:

Դրօն առաջանում էր կենտրոնով ու գրաւում թշնամու կարեւոր դիրքերը, որոնք իշխում էին թշնամու Դատվանի դիրքերի վրայ: Իսկ Անդրանիկի զօրամասը Դրոյի ձիւնաշերտով վերցրեց Դատվանի դիրքերը»¹:

Թուրքերի հզոր կրակակետերը հաղթահարելով՝ հարձակումը հաջողութեամբ էին զարգացնում Համազասպն ու Քեռին: Անձնուրաց էին գործում Դրոյի վաշտերն ու հարյուրակների հրամանատարներ Մարտիրոսը, Մեծ Ղազարը, Յապոնը, Կարբեցի Օնեն, Ջեմլյակը, Դալի Ղազարն ու մյուսները: Այլեւս անկարող լինելով դիմադրել տարբեր ուղղութեաններից տեղացող ուժգին հարվածներին՝ հակառակորդը ստիպված տեղի է տալիս եւ սկսում կանոնավոր մարտաշարքերով նահանջել: Թուրքերի կանոնավոր նահանջը փախուստի վերածելու նպատակով հայ հեծելախմբերը Դաշնակցական ինչոյի գլխավորութեամբ սրընթաց գրոհ են ձեռնարկում եւ քշում նրանց մինչեւ Գրգուռ: Սակայն թուրքերն այս անգամ մար-

¹ «Ալիք», բացատիկ, 1956, մայիսի 4:
² Տե՛ս «Յայրենիք» ամսագիր, 1927, նոյեմբեր, էջ 77:
³ Նույն տեղում:

¹ Նույն տեղում:

առաջադառն են դուրս բերում Գրգուռի մոտակայքում թաքնված ուժերն ու գնդաջրային կրակահերթերով դիմադրում Հայ Հեծելազորախմբերին: Թշնամու գնդաջրային համազարկերից զոհվում է Հայոց ազատամարտի արժանավոր բազմազատակ գինավոր Դաշնակցական ինչոն:

Ներկայացնելով այդ ճակատագրական պահը՝ Մարտիրոսը գրում է. «Թշնամու խուճապահար նահանջի ժամանակ, Դաշնակցական ինչոն, Դրոյի, Անդրանիկի ու Համազասպի ձիաւորների գլուխն անցած, սլացաւ գէպի ոստիւր:

Արարչու գնացող ձիաւորները արդէն քիչ էին մնացել, որ Հասնէին տանիկ Հետեւակազորին ու սկսէին նրանց սրախողտող անել, երբ Գրգուռ լեռան փէշի ձորից, Թշնամին բաց արեց գնդաջրային իր կրակը ու քիչ անց, հէնց նոյն ձորից երեւաց Թշնամու նոյնպէս արարչու եկող Հեծելազորը...

Կողմերը իրար խառնեցին...

Եւ Դաշնակցական ինչոն, ինչ-որ մի խենթ ու ճարպիկ սրամարտի տանելով աղաներին կարողացաւ անակնկալի բերել Թշնամուն ու յաղթութեան նժարը իջեցնել իր օգտին, նահանջի ստիպելով Թշնամի Հեծելազորին: Թշնամին ճիշտ է սր ընկրկեց, մէջքը դարձրեց մերձեց ու փախաւ... տակայն ափսոս, հազար ափսոս, ընկաւ մեր տննման ու Թաւան ինչոն...»¹:

Չերկնչելով կորկտի ուժեղութեամբ տեղացող գնդակներից՝ Չեմլյակն իր ձիովոր հարյուրակով անկասելի հարվածով հետ է շարժում թուրքերի հակադրուհը եւ մարտադաշտից դուրս բերում զոհված հերոսի դիակը: Մարտը չղաղարող ուժեղութեամբ շարունակվում է նաեւ գիշերը: Գիշերային խավարն անգամ անգոր էր արգելակելու ճակատամարտը հաղթական վախճանի հասցնելու Հայ գինավորների բուռն ձգտումները: Դրոն, ճեղքելով այդ կռիվներում իրենց լավագույնս զրսեւորած թուրքերի զորաշղթան, գրավում է քաղաքի նավահանգիստը, իսկ Անդրանիկի գինավորները ներխուժում են քաղաք:

Երկօրյա ճակատամարտը ավարտվում է թուրքական զորքերի դժման պարտութեամբ²:

Գնեներալ Տրուխինը արժանվույնս գնահատելով Հայ կամավորների մարտական գործողությունները, հեռագրում է հրամա-

նատարութեանը. «Երկօրյա ճակատամարտի ատեն իր ղեկավարութեանը յանձնուած ջոկատի զորքերը դուրս քշեցին թշնամիին իր դիրքերէն: Յաղթութիւնը գլխաւորաբար արդիւնքը պէտք է նկատել երկու երրորդով Հայ կամաւորներէ բաղկացած մեր հետեւակազորքի կրակին...»¹:

Սորբի եւ Դատվանի հաղթական մարտերից հետո փոխվում է նաեւ ուսուսական զորքերի տրամադրութիւնը: Տրուխինին փոխարինած գնեներալ Նազարբեկովը՝ մարտադաշտ դուրս բերելով իր հրամանատարութեամբ գործող զորքերի հիմնական խմբավորումը ու ողջ հրետանին՝ պարտութեան է մատնում իրեն դիմակայող թուրքական զորագնդերին, մտնում Տարոն աշխարհի Ախլաթ գավառը եւ հունիսի 11-ին հասնում մինչեւ Խանիկ գյուղ²:

Դրոյի զորավաշտերը հասնում են մինչեւ Գրգուռի ստորոտում գտնվող Ջրխոր գյուղը, իսկ ապա մեծանուն հայդուկապետ Աղբյուր Սերոբի ծննդավայր՝ Սողորդ: Միաժամանակ Գրգուռ եւ նեմրութ լեռների ուղղութեամբ է առաջանում Անդրանիկի, իսկ Բիթլիսի՝ Քեռու եւ Համազասպի մարտախմբերը:

Կավրե-Շամբի կովից մինչեւ Բերկրի, Վան եւ ապա Շատախի, Մոկսի, Սորբի ու Դատվանի ազատագրման մարտերում փայլուն քննութիւն է բռնում Հայ կամավորական զորախմբերի ամենաերիտասարդ հրամանատարը՝ 32-ամյա Դրոն: Անցած բոլոր մարտերում նրա ղեկավարած զորախումբը մշտապես կրակների կիզակետում էր եւ մեծամասամբ ամենաառաջավոր գծում: Դրոն մարտերում զրսեւորած քաջութեամբ եւ հիրավի իր ռազմագիտական տաղանդով իսկական ռազմիկի, զորահրամանատարի վառ օրինակ էր:

Բնութագրելով Դրոյի մարտական շնորհները՝ բժիշկ Եր. Խաթանեսյանը գրում է. «Ականատես եմ եղել Սորբից մինչեւ Դատուան ու Գրգուռ կամաւորական չորս գունդերի մղած ճակատամարտերին: Ես տեսայ եւ խոր յուզումով տեսայ, թէ ինչպէս Սորբի յաղթանակից յետոյ Անդրանիկը բաղեղի պէս փաթաթուեց Դրոյին, համբուրեց նրան ու իր վաղեմի ընկերոջ, աննման հայդուկին՝ Քեռիին ուղղելով խօսքը, ասաց.

- Ասլան է Տերօն, Ասլան:

Անդրանիկը Տերօ էր արտասանում Դրոյի անունը: Բայց այդ հնչիւնի մէջ մէկտեղուած էին հիացում, խանդաղատանք, բերկրանք եւ հպարտանք»³:

¹ Խոջապետ Մարտիրոս Աբրահամեան, Գշվ. աշխ., էջ 279-280:
² Տե՛ս Դաշնակցութեան ամսագիր, 1927, նոյեմբեր, էջ 76-77:

¹ Լույս տեղում, էջ 77:
² Տե՛ս ՅԱՍ, ք. 45, գ. 1, գ. 21, ք. 33:
³ «Ալիք», բացառիկ, 1956, մայիսի 4, էջ 16:

Թվում էր, թե այլևս ոչ մի ուժ չէր կարող խոչընդոտել ուսուսական գորազնդերի եւ հայ կամավորների հաղթական պոռթկումը: Ջենքերի համազարկերի արձագանքներն արդեն հասնում էին Տարոնի եւ Սասունի լեռների ամրություններին եւ իրենց բազուկների ուժին ապավինած տասնյակ հազարավոր հայերի, որոնք ամեն օր եւ ամեն ժամ սպասում էին «ազատարար» ուսուսական գորքերի եւ հայ կամավորական խմբերի օգնությանը:

Սորբի եւ Դատվանի հաղթական մարտերից հետո կամավորական զորախմբերը մեկ շարաթ, մինչեւ Վարդավառի օրը մնում են Դատվանում, եւ այդ նույն օրը ստանում են Ռուբեն Տեր Մինասյանի ահազանգ Հնչեցնող նամակը, որով նա ներկայացնում է Սասունում հանգրվանած տասնյակ հազարավոր մարդկանց աղետալի վիճակը եւ միաժամանակ տեղեկացնելով, որ «Մշոյ դաշտում տաճկական զորք չկայ, միայն գաղթող քրդութիւն կայ»:

Առաջարկում էր.

«Մի զօրամասով իջէք Մշոյ դաշտ, նեմրութի վրայով: Միանալով մեզ, կը փրկեք քառասուն հազար հայութիւնը սովամահ կոտորելուց եւ այլն»¹:

Ռուբենի նամակն ստանալուն պես, զորախմբերի հրամանատարներ Անդրանիկը, Քեռին, Դրոն եւ Համազասպը անհապաղ ներկայանում են գեներալ Տրուխինին ու նրան իրագեկում նամակի բովանդակութիւնը: Այդ մասին նրանք տեղեկացնում են նաեւ կորպուսի հրամանատար գեներալ Օգանովսկուն:

Հրամանատարութեան որոշմամբ Անդրանիկի ու Դրոյի 1-ին եւ 2-րդ զորախմբերն սիբիրյան կազակների մեկ գունդ Դատվանից մեկնում են Սողորդ, որտեղից նեմրութի վրայով ու Մշո դաշտով պետք է շուտափույթ ուղեւորվեին Սասուն²:

Դժբախտաբար, ռազմաճակատում հետագա դեպքերը զարգանում են այնպիսի ուղղվածութեամբ, որը ողբերգական ազդեցութիւն է գործում Սասունի լեռներում խմբված բազմահազար հայութեան ճակատագրի վրա:

Ախլաթ գավառ մուտք գործելուց հետո ուսուսական զորքերը դարձրեցնում են հարձակումը: Ցավոք, այդ ժամանակ ուսուսական զորքերի գործողութիւններում ինչ-ինչ պատճառներով դարձյալ նկատվում են դանդաղկոտութիւն ու անվճռականութիւն: Թուրք հրամանատարութիւնը, օգտվելով ուսուսական զորքերի կրավորակա-

նութիւնից, փորձում է ռազմաճակատի թեւերից եւ ճակատից տեղացող զրոհներով հետ շարտել ուսուսական զորքերին եւ թույլ չտալ նրա հետագա առաջխաղացումը դեպի Մուշ եւ Սասուն: Գեներալ Նազարբեկովը թուրքերի ծավալած եռանդուն գործողութիւններին կանխարգելիչ հակահարված հասցնելու նպատակով փորձում է որոշակի քայլեր ձեռնարկել. «Նկատելով թուրքերի հարձակումը, ես առաջարկեցի գեներալ Շարպանտեւին իր հեծելազորով հարվածել թուրքերի թեւին եւ նույնիսկ անցնել նրանց թիկունքը: Նա իմ առաջարկութեանը ոչնչով չպատասխանեց...»¹:

Համաձայն գեներալ Թ. Նազարբեկովի վկայութեան, ուսուսական բանակի, հատկապես հեծյալ զորամասերի համար բավականին դժվար է եղել լեռնային պայմաններում մարտնչելը: Ռուս զինվորներն ու հեծյալ զորամասերը, որոնք առավելապես վարժված էին բնակլիմայական բոլորովին այլ պայմաններում կռվելու, չկարողանալով հարմարվել Հայաստանի խստաշունչ լեռնային պայմաններին՝ շարքից դուրս էին գալիս²:

Իսկ հարձակումն անհրաժեշտ էր շարունակել եւ թույլ չտալ, որպեսզի թուրք հրամանատարութիւնը համալրի եւ վերախմբավորի իր ուժերն ու անցնելով հարձակման՝ ուսուսական զորքերից եւ հայ կամավորներից խլի նախաձեռնութիւնը:

«Երեկոյան, գրում է գեներալ Թ. Նազարբեկովը, - մոտենալով Ալջեւագին, ես դիմեցի գեներալ Շարպանտեւին եւ ասացի, թե նա որպես ավագ չի ուզենա ընդունել զօրամասի հրամանատարութիւնը»³:

Գեներալ Նազարբեկովի առաջարկութեան նպատակը միակն էր. համախմբել այդ շրջաններում գործող բոլոր մարտական ուժերը եւ վճռական քայլերով փլուզել թուրք հրամանատարութեան ձեռնարկումները:

«Նա, - շարունակում է գեներալ Նազարբեկովը, - այդ իմ հարցին պատասխանեց. «Դուք այդ շատ եք ուզում»: Ես նրան պատասխանեցի, որ պետք է իմանալ. եթե նա չի ուզում, ապա ինքը կընդունի հրամանատարութիւնը եւ կտա հանձնարարութիւններ:

Նա ինձ ոչինչ չպատասխանեց եւ շարունակեց դրագունների հետ ոչ թե Ալջեւագ, այլ դեպի Նորչեն գյուղի ուղղութեամբ»⁴:

Ընդամենը մի քանի օրից պարզվում է ուսուսական գեներալի լուսթեան գաղտնիքը: Գեներալ Շարպանտեւն այդ ժամանակ արդեն

¹ Խմբագրատ Մարտիրոս Աբրահամեան, Եջվ. աշխ., էջ 281:
² Տե՛ս նույն տեղում, էջ 282-283:

¹ ԳԱԱ, ֆ. 45, ց. 1, գ. 21, ք. 33:

² Տե՛ս նույն տեղում:

³ Նույն տեղում:

⁴ Նույն տեղում:

տեղյակ լինելով հրամանատարութեան կողմից իրենց զորքերի նահանջելու վերաբերյալ արդեն ընդունած որոշմանը, չի ցանկացել, որ այդ իրողութիւնը, որպես գաղտնիք հայտնի դառնա նաեւ հայազգի գեներալին, իսկ Սասունի լեռներում խմբված բազմահազար հայեր սպասում էին «ազատաբեր» ռուսական բանակին եւ հայ կամավորներին:

Այո, ռուսական զորքերի հրամանատարութիւնը մի շարք նկատառումներով աշխատում էր հայերից թաքցնել ու ծածուկ պահել իրենց զորքերի նահանջելու իրողութիւնը:

Այս առնչութեամբ Վարդանը ներկայացնում է իր եւ գեներալ Նիկոլաեւի միջեւ կայացած հետեւյալ խոսակցութիւնը. «Կողմնակի կերպով իմանում եմ, վոր գեներալ Նիկոլաեւը առանց մեզ իմաց տալու ուզում է գաղտնի կերպով նահանջել դէպի Կովկաս: Գնում եմ մտքը եւ հարցնում նահանջի առթիւ. Ասում է այո՛, ուզում եմ նահանջել եւ չեմ ուզում վոր ժողովուրդը իմանա. վոր նա էլ միանա եւ խանգարի մեր նահանջի ճանապարհը»¹:

Հայ կամավորական մարտախմբերի համար թերեւս ամենապատասխանատու պահն էր: Այժմ արդեն իրենց վճռական խոսքը պիտի ասեին հենց իրենք՝ կամավորական զորախմբերը, որոնք կոչված էին ժամանակին օգնութեան հասնել եւ կոտորածներից փրկել արեւմտահայութեանը, իսկ այս դեպքում՝ Սասունի լեռներում խմբված բազմահազար հայութեանը: Ինչո՞ւ հայ կամավորական զորախմբերը չեն փորձել անցնել Տարոն եւ Սասուն: Ս. Վրացյանը, որն այդ օրերին Ն. Աղբալյանի ընկերակցութեամբ, որպես Ազգային Բյուրոյի ներկայացուցիչ գտնվում էր ռազմաճակատում, պատմում է կամավորական զորախմբերի հրամանատարների մասնակցութեամբ ինձորկին գյուղում, լճափի այգիներում տեղի ունեցած զինվորական մի խորհրդակցութեան մասին, որին մասնակցել են նաեւ ինքն ու Ն. Աղբալյանը: Այդ խորհրդաժողովը տեղի է ունեցել անմիջապես Սորբի կովից հետո, Դատվանի մարտերի նախօրեին:

Կ. Սասունու վկայութեամբ Տ. Դեւոյանը (գեներալ Օգանովսկու կորպուսի հետախուզութեան բաժնի պետ-Չ.Գ.), ճիշտ այդ օրերին ստացել էր շորի կտորի վրա գրված ծածկագիր մի նամակ, որը գրել էին Վ. Փափաղյանն ու Ռուբենը:

«Անոնք,- նշում է Կ. Սասունին,- կը գրէին Սասնոյ կռիւներու մասին եւ կը յայտնէին թէ՛ իրենք երեք ամիսներէ ի վեր ինքնապաշտպանութեան կռիւներուն մէջ սպառուած են եւ եթէ ընդհա-

նուր բռնկում մը տեղի ունենայ, իրենք միայն 8 օր պիտի կարողանային դիմանալ: Եթէ այդ կարճ միջոցին ռուսական զորքերը եւ կամաւորները չհասնէին, հայութեան ամբողջ ռազմամթերքը պիտի վերջանար եւ ժողովուրդը կոտորուէր...»¹:

Վստահ լինելով, որ կամավորներն իրենց ահագանգն ստանալուն պես անհապաղ կշտապեն օգնութեան, նամակի հեղինակները նամակում նույնիսկ նշել են հետեւյալ գործնական քայլերը. «...պահակներ ունենանք նէմրութի գագաթին, եւ կրակ վառենք հոն, որպեսզի Սասնոյ լեռներէն նշարուին բոցերը, իբրեւ ազգանշան սկսած ընդհանուր յարձակողականին: Իսկ իրենք Սասնոյ լեռներու վրայ պիտի վառէին երկու խոշոր կրակներ, ի նշան օրհասական կռուին...»²:

Նամակում նրանք նշել են նաեւ ծածկագրի՝ «Բլրուլը թող չերգէ Մշո դաշտերում» երգի այսինչ տունները»³:

Կամավորական զորախմբերի հրամանատարութիւնն անշուշտ քաջատեղյակ էր Սասունից հնչեցրած անհապաղ օգնութեան հասնելու ահագանգին: Նախորդ մարտերում ռուս հրամանատարութեան դրսեւորած ոչ այնքան հուսադրող ու անհասկանալի գործելակերպը հուշում էր, որ հերթական անգամ ռուսական զորքերի հարձակումը տարբեր պատճառաբանութեամբ կարող էր ձգձգվել, եւ Սասունի լեռներում պատսպարվածները կարող էին ժամանակին չստանալ անհրաժեշտ օգնութիւն: Եթե ռազմաճակատում դեպքերը, որը բնավ չէր բացառվում, ծավալվեին համանման ուղղվածութեամբ, ապա իրենց վճռորոշ խոսքը պիտի առանց երկմտելու ասեին հայ կամավորական զորախմբերը:

Ինձորկին գյուղում կայացած խորհրդաժողովում կամավորական զորախմբերի հրամանատարները Հայոց Ազգային Բյուրոյի ներկայացուցիչների մասնակցութեամբ քննարկել են հենց այդ՝ հայ կամավորական զորախմբերով, առանց ռուսական զորքերի մասնակցութեան Տարոն եւ Սասուն անցնելու հարցը:

Համաձայն Ս. Վրացյանի հավաստման, հայ կամավորական զորախմբերի հրամանատարներից Տարոն եւ Սասուն անցնելու ամենաջերմեռանդ պաշտպանը եղել են Դրոն, ինչպես նաեւ Քեռին եւ Դաշնակցական ինչոն: Նրա առաջարկած ծրագրի համաձայն, Ազգային Բյուրոյի ներկայացուցիչները եւ զորախմբերի հրամանա-

¹ Սասունի Կ., Թրքահայաստանը Ա. աշխարհամարտի ընթացքին (1914-1918), Պէյրուք, 1966, էջ 86:

² Նույն տեղում:

³ Նույն տեղում:

¹ ՀԱԱ, ֆ. 402, ց. 2, գ. 11, ք. 9:

տարները պիտի դիմեն հայերի կողմից սիրված, ծերունազարդ գեներալ Տրուխինին ու նրանից պահանջին, որպեսզի նա արտոներ Անդրանիկի ընդհանուր հրամանատարութեամբ միավորել հայ կամավորական զորախմբերը եւ նրանց միացնել կազակների երկու հարյուրակ, հրանոթային երկու մարտկոց ու արշավել Տարոն, ապա նաեւ Սասուն: Ընդ որում Դրոն վաղօրոք խոսել էր կազակների հետ ու ստացել էր նրանց համաձայնութիւնը:

«Դրոն, գրում է Ս. Վրացյանը, համոզուած էր, որ կամաւորները յաջողութեամբ կը հասնեն Տարոն եւ կազատեն այնտեղի հայութիւնը: ...Մրազիրը յանդուգն էր: Անյաջողութեան դէպքում կարող էին զոհուել կամաւորները, բայց յաջողութեան պարագային կը փրկուէր Տարոնի հայութիւնը, որ դեռ կանգուն էր եւ յուսահատօրէն պաշտպանուած էր թշնամու դէմ: Մեծ նպատակը կարդարացնէր ամէն զոհողութիւն»¹:

Ըստ Ս. Վրացյանի, Դրոյի առաջարկութեանը հիմնականում ընդդիմացել է Անդրանիկը, որը խելագարութիւն է համարել միայն հայ կամավորական զորախմբերով Տարոն եւ Սասուն արշավելը:

«Անդրանիկը-գրում է Ս. Վրացյանը,-սխալ եւ անիրագործելի էր համարում Դրոյի ծրագիրը, կամաւորական խմբերը առանձին, ասում էր նա, չեն կարող Տարոն հասնել եւ պէտք է իրենց շարժումները յարմարացնեն ուսու բանակի տակտիկային»²:

Նա հեղինակը ծաղրել է այդ առաջարկութիւնը պաշտպանող Ազգային Բյուրոյի ներկայացուցիչներին եւ փորձել է ցույց տալ, որ Թիֆլիսի «Թիկունքի հերոս» վարժապետները (քանի որ Ազգային Բյուրոյի նստավայրը Թիֆլիսն էր, ուստի նկատի ունի նրա անդամներին եւ մասնավորապէս Ն. Աղբալյանին ու Ս. Վրացյանին - Ղ.Գ.) ոչինչ չեն հասկանում ռազմական գիտութիւններից եւ ուզում են վտանգել կամավորների կյանքը:

«Ցաւալի էր,- նշում է Ս. Վրացյանը,- լսել Սասունի հերոսի այդ տարօրինակ խօսքերը...

Դրոն սիրում էր Անդրանիկին: Նա կը գերադասէր, որ Անդրանիկը լինէր Արարատեան ջոկատի հրամանատար Վարդանի տեղը, բայց չէր կարող ըմբռնել Անդրանիկի բռնած դիրքը»³:

Ս. Վրացյանի վկայութեամբ, խորհրդակցութեան հաջորդ օրը ինքը Վարդանի ուղեկցութեամբ այցելել է գեներալ Տրուխինին եւ

ցավ հայտնել զորքերի նահանջի հետեւանքով տարոնահայութեանը սպառնացող դաժան ճակատագրի վերաբերյալ: Գեներալը հասկացրել է, որ «ինքը ուրախ կինի, եթէ կամաւորական խումբերը, իբրեւ ընդհանուր ջոկատի յառաջապահներ, շտապեն հասնել Մուշի շրջանի ժողովրդին օգնութեան: Պատերազմների պատմութիւնը, ասաց նա, այդպիսի օրինակներ չատ ունի:

Երբ Անդրանիկը լսեց Տրուխինի կարծիքը, հեղինակը ժպտաց եւ ոչինչ չասաց: Նրա կարծիքը Տրուխինի մասին յայտնի է, ծերունին ցնդած է»¹:

Ս. Վրացյանը գտնում է, որ Անդրանիկի նման դիրքորոշումը պայմանավորված էր այն հանգամանքով, որ Ազգային Բյուրոն ոչ թէ իրեն, այլ Վարդանին էր նշանակել Արարատյան զորագնդի հրամանատար: Անդրանիկը չէր կարողանում հաշտվել նաեւ այն իրողութեանը, որ Վան մտնողներից առաջինը իր զորախումբը չի եղել եւ այդ պատճառով նույնիսկ մերժել է քաղաք այցելելու վանեցիների հրավերը:

Անդրանիկի դիրքորոշումն անշուշտ պատճառաբանված էր: Նախ, հայ կամավորական զորախմբերի հրամանատարութիւնը որեւէ տեղեկութիւններ չի ունեցել այդ օրերին Տարոնում եւ Սասունում գտնվող թուրքական զորքերի ու նրանց աջակցող քրդական զինյալ խմբերի ստույգ քանակի եւ տեղաբաշխման վայրերի մասին: Ավելին, համաձայն ուսուական զորքերի հրամանատարութեան տվյալների, ռազմաճակատում թուրքական զորքերի շարքերը համալրել էին նոր զորամասեր, որը պատճառ էր հանդիսանում ուսուական զորքերի նահանջին: Համանման իրավիճակում, իրոք, մեծ համարձակութիւն եւ պատասխանատվութիւն էր պետք ունենալ, չտիրապետելով հակառակորդի իրական ուժերի եւ դասավորութեան մասին որեւէ հավաստի տեղեկութիւնների, որոշում կայացնել միմիայն կամավորական զորախմբերով արշավել Տարոն եւ Սասուն: Իսկ եթէ կամավորներին չհաջողվեր անցնել Սասուն եւ նրանք մինչեւ Սասուն հասնելը, կես ճանապարհին բախվին մեծաքանակ թուրքական զորքերին ու քրդական զինյալ խմբերին: Կարելի է պնդել, որ Անդրանիկի մտավախութիւնը առավելապէս պայմանավորված էր նաեւ հենց այդ հանգամանքով, եւ ոչ թէ միայն Սիմոն Վրացյանի վկայակոչած փաստարկներով:

Անտարակույս, Անդրանիկը մյուսներից ոչ պակաս, գուցե եւ առավել, մտահոգված էր Սասունի լեռներում պատսպարված բազ-

¹ Վրացեան Ս., Մրոկածին Դրոն, էջ 88:

² Նույն տեղում:

³ Նույն տեղում:

¹ Վրացեան Ս., Կեանքի ուղիներով, հ. 7, էջ 91-92:

մահազար մարդկանց ճակատագրով: Նա գտնում էր, որ կամավորական զորախմբերը տվյալ ժամանակահատվածում հայությանը պաշտպանող միակ մարտական ուժերն էին, իսկ ո՞վ կպաշտպաներ ժողովրդին կոտորածներից, եթե, բախվելով թշնամու մեծաքանակ ուժերին, ջախջախվեին նրա վերջին հույսն ու մարտական միակ ուժը՝ կամավորական զորախմբերը:

Սասուն արշավելու հարցում Դրոյին առավելապես պաշտպանել է կամավորական 4-րդ զորախմբի հրամանատար Քեռին եւ Արարատյան զորագնդի հրամանատարի օգնական Դաշնակցական Խեչոն:

«Երբ, - չարունակում է Ս. Վրացյանը, - Անդրանիկը վերջացրեց իր տաք հակաճառութիւնը Դրոյին, Քեռին բարձրացրեց իր գլուխը եւ ի լուր ասաց.

- Ես քեզ հետ եմ, Դրո:

Խեչոն աւելացրեց.

- Ես էլ: Միւսները լուռ մնացին:

Ժողովը բանաձեւ չհանեց: Որոշումը յետաձգուեց վաղուան»¹:

Հաջորդ օրը տեղի է ունենում Դատվանի կռիվը, որտեղ, ինչպես արդեն նշվել է, զոհվում է Հայ կամավորական զորախմբերով Տարոն եւ Սասուն արշավելու ամենաջերմեռանդ կողմնակիցներից մեկը՝ Դաշնակցական Խեչոն:

Տարոնի եւ Սասունի տասնյակ հազարավոր հայության համար կենսական նշանակություն ունեցող այս կարեւորագույն հարցի վերաբերյալ միասնական եւ անհրաժեշտ որոշում կայացնելու գործում, այնքան էլ հասկանալիմ չէ Արարատյան զորագնդի հրամանատար Խանասորի Վարդանի դերն ու մասնակցությունը: Որեւէ տարակույս լինել չի կարող, որ եթե նա, որպես զորագնդի հրամանատար, ունենար հրամանատարին անհրաժեշտ հեղինակություն ու կշիռ, եւ իհարկե իր հրամանատարությունը գործող զորախմբերի հետագա գործողությունների վերաբերյալ հստակ ու կայուն դիրքորոշում, ու կողմնակից լիներ Սասուն արշավելուն, ապա միանգամայն հնարավոր է, որ այդ բախտորոշ պահին կայացվեր ամենաօգտակար եւ կշռադատված որոշումը, եւ հետագա գործողությունները զարգանային ճիշտ հակառակ ուղղվածությամբ: Եւ քանի որ Սասուն արշավելու կապակցությամբ զորախմբերի հրամանատարները պաշտպանել են ոչ համարժեք, այլ տարաբնույթ տեսակետներ, այդ պատճառով չի կայացվել միանշանակ որոշում: Կամավորական զորախմբերը, ենթարկվելով ռուսական զորքերի հրամանատարության որոշանք, եւ կարծես մոռանալով Տարոնն ու Սասունը, ինչպես նաեւ

իրենց հիմնական կոչումն ու պարտականությունը, նույնպես բռնել են նահանջի ուղին:

Իր հուշերում հպանցիկ անդրադառնալով Տարոն եւ Սասուն կամավորական զորախմբերի մուտք չգործելու պատճառների հիմնավորմանը՝ Վարդանը գրում է. «Մտածում էինք Մուշ անցնել, բայց որովհետեւ ռուսները չգնացին, մենք էլ չէինք կարող մեր փոքրաթիվ ուժերով ավելի խորը մտնել: Թուրքերի նահանջելուց հետո մենք էլ նահանջեցինք դեպի Վան»¹:

Ձի բացառվում, որ միասնական եւ անհրաժեշտ վճիռ կայացնելուն կարող էր խոչընդոտել նաեւ զորախմբերի հրամանատարների միմյանց նկատմամբ դրսեւորած վերաբերմունքը:

Կռիվների ընթացքում միշտ չէ, որ կամավորական զորախմբերի հրամանատարները գործել են հաշտ ու համերաշխ: Նրանց միջեւ երբեմն պատահել են տարաձայնություններ եւ անհարկի վիճաբանություններ: Խանասորի Վարդանը, իր անտիպ մեծածավալ հուշերում անդրադառնալով զորախմբերի հրամանատարների փոխհարաբերությունը, ներկայացնում է Դրոյի եւ Համազասպի, Անդրանիկի ու Քեռու միջեւ տեղի ունեցած վեճերը:

Դրոյի եւ Համազասպի վեճը տեղի է ունեցել Բերկրի-Կալայի գրավման ժամանակ: Այդ հաղթական գործողությանը մասնակցել են կամավորական 2-րդ, 3-րդ, 4-րդ զորախմբերը, որոնք իրենց դրսեւորել են փայլուն կերպով: Բայց անհարկի անախորժություն Դրոյի եւ Համազասպի միջեւ, այնուամենայնիվ, քաղաքը գրավելուց հետո ծագել է:

«...քիչ էր մնում, - վկայում է Վարդանը, - իրար կոտորէին, մեկն ասում էր յես եմ առաջ մտել Բերկրի, մյուսն ասում էր ես եմ մտել»²:

Անդրանիկի եւ Քեռու, որն իր հրամանատարական բազմաշնորհ կարողություններից զատ, հայտնի է նաեւ համեստությամբ եւ զինվորների ու մերձավորների նկատմամբ դրսեւորած հարգալից վերաբերմունքով, միջեւ ծագած վեճը տեղի է ունեցել Ռշտունիքում ընթացող կռիվների ժամանակ:

Անդրադառնալով այդ միջադեպի ծագման մանրամասներին՝ Վարդանը գրում է. «Այդ կողմի դիրքերից մեկում մեծ անախորժութիւն առաջ յեկավ Քեռիի եւ Անդրանիկի մէջ: Պատճառը Քեռու հարյուրապետերից մէկը՝ Արամայիս Ազնաւուրյանը, Անդրանիկի հրամանը չի կատարել: Անդրանիկն էլ գալով Քեռու բանակ, սկսեց Արամայիսին անպատվել: Արամայիսը չպատասխանեց, բայց Քեռին

¹ Լույս տեղում, էջ 88-89:

¹ ՀԱՍ, ֆ. 402, ց. 2, գ. 11, գիրք 4, էջ 5:

² Լույս տեղում, էջ 2:

վոր այնտեղ պառկած էր, վորպես թէ քնած էր, լսում է բոլոր խօսքերը եւ տեղից վեր կենալով սկսեց Անդրանիկին պատասխանել, վոր դու իրավունք չունես իմ հարյուրապետին անպատվել, գործ ունես, ինձ հետ խոսիր: Քիչ էր մնում, վոր իրար անպատիվ խոսքեր ասեին ու կոխվ տեղի ունենար, մէջտեղ ընկանք ու չթողինք»¹:

Այդօրինակ վիճաբանություններ կարող էին ծագել, բայց բացարձակապես չպետք է հիմք հանդիսանային ու խոչընդոտեին հայության համար կենսական նշանակություն ունեցող միասնական որոշումներ ընդունելուն:

Եթե կամավորական զորախմբերը, այնուամենայնիվ, փորձեին միասնական ուժերով ձեռնարկել արշավանքը եւ կարողանային ազատագրել Տարոնն ու Սասունը, ապա դրանով մեծագույն եւ անգնահատելի ծառայություն կմատուցեին բովանդակ հայ ժողովրդին ու, բնականաբար, այլեւս որեւէ արդարացնող կամ դատապարտող տեսակետներ չէին հնչի կամավորական շարժման ու զորախմբերի օգտակարության վերաբերյալ: Բայց նման փրկարար գործողություն կամավորները չձեռնարկեցին:

Հետագայում պարզվում է, որ այդ ժամանակահատվածում թուրք հրամանատարութայունը Տարոնում շատ քիչ զորք է ունեցել ու եթե հայ կամավորական բոլոր 4 զորախմբերը, այնուամենայնիվ, փորձեին միասնաբար արշավել Սասուն, ապա այնտեղ տեղաբաշխված թուրքական փոքրաքանակ զորամասը ի զորու չէր լինի դիմակայելու նրանց հարձակմանը ու առավել եւս խոչընդոտեր զորախմբերի անցումը Սասուն: Չորս կամավորական զորախմբերը իրենց հետ կարող էին տանել զգալի քանակությամբ տեխնիկա, զենք ու զինամթերք ու դրանցով զինել Սասունում հանգրվանած զենք կրելու ընդունակ տղամարդկանց: Եթե կամավորական խմբերը հասնեին Սասուն, ապա լեռնաշխարհն անտարակույս կվերածվեր պաշտպանութայան հզոր հանգույցի, եւ թուրք հրամանատարութայունը դժվար թե կարողանար խորտակել այդ անառիկ ամրոցը: Սակայն, ի դժբախտություն Սասունի եւ այնտեղ հանգրվանած բազմահազար հայերի, ռազմաճակատում դեպքերը զարգանում են այնպիսի ուղղվածությամբ, որի պատճառով տասնյակ հազարավոր հայեր կոպելով մինչեւ վերջին փամփուշտը՝ զոհ են դառնում թուրքքրդական ջարդարանների:

Կ. Սասունին, ներկայացնելով ռուսական զորքերի եւ հայ կամավորական զորախմբերի, իր իսկ արտահայտությամբ, «Մեծ նահանջը», իրավացիորեն հարց է տալիս. «Ի՞նչպես պատահեցաւ, որ մեր

կամավորական զնդերը հասան Դատւան ու Ախլաթ, եւ սակայն չկրցան օգնութեան հասնիլ Տարոնին...

Պատմութեան առջեւ չպիտի կրնան արդարանալ անոնք, որ նմարութի եւ Սիփանի ստորոտներէն նահանջեցին, տեսնելով հեռուն Մշոյ դաշտը, Մուշը ու Սասունը կրակի մէջ...»¹:

Կ. Սասունին իրավացիորեն գտնում է, որ հին ֆիդայիներից եւ բազմաթիվ կոխմաների բովով անցած փորձառու զինվորներից բաղկացած կամավորական խմբերը, որոնք կազմավորվել էին գերազանցապես արեւմտահայութայանն արհավիրքներից պաշտպանելու ու ազատագրելու նպատակով, պարտավոր էին գործել բոլորովին այլ մարտավարութայամբ: Կամավորական չորս զորախմբերը կարող էին չհնազանդվել ռուսական հրամանատարութայան հրամանանին եւ միացյալ ուժերով ներխուժելով Մշո Դաշտ՝ բարձրանային Սասուն ու ազատեին այնտեղ կուտակված հայութայանն եւ իրենց հետ տեղափոխել ավելի ապահով վայր²:

Մանավանդ, ինչպես արդեն նշվել է, որ այդ օրերին Տարոնում եղել է թուրքական ընդամենը մի փոքրաքանակ զորամաս, որը լուրջ խոչընդոտ չէր կարող հարուցել դեպի Սասուն արշավող հայ կամավորական խմբերի ճանապարհին:

Այս հարցում Կ. Սասունու եւ Ս. Վրացյանի ներկայացրած պատճառաբանութայուններն ու մեկնաբանութայունները գրեթե նույնն են:

«Ինձի-գրում է Կ. Սասունին, ծանօթ է, որ Դատվանի մէջ, վճռական այդ վայրկեանին, վերլիշուած խնդիրը քննութեան նիւթ դարձած է Դրոյի եւ Անդրանիկի կողմէ: Դրոն առաջարկած է երկու գունդերով չնահանջել, այլ ներխուժել եւ միանալ Մշոյ եւ Սասոյ կուտոյներուն: Սակայն Անդրանիկ ընդդիմացած է, ըսելով որ ինքն ստիպուած է ենթարկուիլ զինվորական կարգապահութեան»³:

Եթե հիմք ընդունենք Կարո Սասունու վկայութայունը, ապա պիտի փաստենք, որ այն ամենայն հավանականութայամբ տեղի է ունեցել Սիմոն Վրացյանի ներկայացրած ինձորիկինի խորհրդածողովից եւ Դատվանի կովից ու Դաշնակցական ինչոյի զոհվելուց հետո, երբ արդեն հայտնի էր ազատագրված տարածքները թողնելու ու նահանջելու ռուսական հրամանատարութայան մտադրութայունը: Դժբախտաբար այս կարեւորագույն խնդիրը վճռելիս Հայոց Ազգային Բյուրոյի ներկայացուցիչների (Ազգային Բյուրոյի Կարգադրիչ

¹ Նույն տեղում, էջ 6:

¹ Սասունի Կ., Թրքահայաստանը Ա. աշխարհամարտի ընթացքին (1914-1918), էջ 96:

² Տե՛ս նույն տեղում:

³ Նույն տեղում:

մարմնի պետնիկոյ Աղբալյանը եւ նրա տեղակալ Միմոն Վրացյանը ռազմաճակատում էին գտնվում կամավորական զորախմբերի մուտքը հնարավորիս Տարոն ու Սասուն արագացնելու առաջնությունով (Հ.Գ.) եւ զորախմբերի հրամանատարների միջեւ առաջացած տարաձայնությունների հետեւանքով չկայացվեց միասնական որոշում, ու ռուսական զորքերի նահանջի հետեւանքով հայ կամավորական զորախմբերը մեկընդմիջտ գրկվեցին Սասունի լեռներում ապաստանած տասնյակ հազարավոր հայությանը օգնություն հասնելու հնարավորությունից:

Ովքե՞ր էին մեղավորները: Այս հարցում միանգամայն արդարացի է Կարո Սասունին՝ գտնելով. «Ո՛վ առաջարկած ըլլայ եւ ո՛վ որ ալ մերժած՝ միեւնոյն է. գործը,-յեղափոխական գերագոյն պարտականութիւնը - չիրագործուեցաւ, եւ ատոր համար ե՛ւ Դրօն ե՛ւ Անդրանիկ եւ միւսները յանցաւոր կը մնան Տարօնի նահատակուած ժողովրդի առջեւ...»

Բազմահազար արծիւներու աչքերը ջուր կտրեցան հեռաւոր Նէմբուսի անկակառոյց, բայց Նէմբուսի գազաթէն հրեղէն լեզուները չխօսեցան... Ու «Բըլբուլը այլեւս չերգեց Մշո դաշտերում»¹:

Ըստ Մարտիրոսի պատմածի, Սողորդում Անդրանիկի զինվորները մի թուրք զինվոր են բռնում, որը հարցաքննության ժամանակ զարմացած հայտարարել է. «Մեր զօրքը վերցրել է Մանազկերտը... դուք ի՞նչ էք անում այստեղ...»

- Էդ շան ձագը սուտ կըսէ, տարէ՛ք,- բարկացաւ Անդրանիկը:

Ու շան ձագին «տարան»²:

Այդ դեպքից քսան ըոպե անց, զորախմբերի հրամանատարները ստանում են թուրք զինվորի հաղորդածը հաստատող գեներալ Նազարբեկովի նամակը, որտեղ գրված էր. «Տաճիկները գրաւել են Մանազկերտը: Ինձ հրահանգւած է նահանջել անմիջապէս, սակայն նկատի ունենալով, որ դուք կարող էք պաշարւել, այդ վտանգից ձեզ դուրս բերելու նպատակով, իմ նահանջը յետաձգում եմ մինչեւ գիշերւայ ժամը 12-ը: Եթէ չհասաք, ես կը նահանջեմ. գիշերւայ ժամը 12-ին, Ախլաթ եղէք: Զօր. Նազարբեկեանի գրութիւնն անմիջապէս ուղարկեց Դատուան՝ Զօր. Տրուխինին»³:

Ինչպիսի՞ մարտավարությամբ պիտի առաջնորդվեին կամավորական զորախմբերը:

Մարտիրոսի վկայությամբ՝ «Անդրանիկը նստեց ձին եւ իր ձիաւորներին ու վաշտապետներին հետն առած, մեկնեց, թողնելով հետեւակ զինւորներին:

Դրոն կարգադրեց շարք կազմեցնել բոլոր հետեւակ վաշտերին եւ ստուգում կատարել: Ստուգումը վերջանալուց յետոյ, իմ վաշտին յետնապահ կարգեց եւ հետեւյալ յայտարարութիւններ արաւ.

- Բոլոր վաշտապետերն պէտք է գնան իրենց վաշտի ետեւից: Մէկ զինւոր իսկ յետ թողած վաշտապետը, պատասխանատու է իր գլխով: Վաշտերի ջոկատներն ու դասակները կանոնաւոր շարքեր կազմած պիտի լինեն եւ հաւաք, որպէսզի ամեն պահ պատրաստ լինեն անակնկալների համար...»¹:

Համաձայն զինվորական ընդունված մարտավարության, զորքերի նահանջելու ժամանակ հեծելազորը պիտի պաշտպանի հետեւագործի թիկունքը: Այդ նկատառումով Դրոն դիմում է կազակների գնդապետին ու խնդրում, որ նա համապատասխան կարգադրութիւն անի: Գնդապետը մերժում է Դրոյի խնդրանքը՝ առարկելով, որ իր հեծելազորը պատասխանատու է թնդանոթների համար ու այդ պատճառով հարկադրված է առաջ անցնել հետեւակից:

«Դրոն,-գրում է Մարտիրոսը,-պատրաստակամութիւն յայտնեց իր վրայ վերցնել թնդանոթների ապահովութեան պատասխանատուութիւնը:

- Եւ համապատասխան ստացական կը տամ,-վերջացնելու համար ասաց Դրօն, բայց գնդապետը չէր ուզում համաձայնել, կրկնելով իր առարկութիւնը:

- Այդ դէպքում, ես մերոնց կը հրամայեմ կրակ բանալ ձեզ վրայ, որպէս փախուստ տուղի,-եղաւ Դրոյի վերջին խօսքը:

- Գնդապետը տեղի տւեց...»²:

Զրդ կամավորական զորախումբը 1-ին կամավորականի հետեւագործի ու կազակական գնդի հետ կանոնավոր զորաշարքով նահանջում է Ախլաթ:

¹ Նույն տեղում, էջ 97:

² Նույն տեղում:

³ Նույն տեղում, Ծշվ. աշխ., էջ 282:

¹ Նույն տեղում:

² Նույն տեղում, էջ 283:

2.3. ՆԱՀԱՆՁԻ ԴժՎԱՐԻՆ ՕՐԵՐԸ

Կովկասյան ռազմաճակատի ռուսական բանակի բարձրաստիճան հրամանատարությունը զորքերի զանգվածային նահանջի անհրաժեշտությունը հիմնավորում է այն պարզունակ, մտացածին փաստարկներով, թե իբր Մանագլեբի շրջանում հայտնվել են թուրքական մեծաքանակ զորամիավորումներ, որոնց դեմ առճակատելը հավասարազոր էր կործանման:

Իրոք, ռուս-թուրքական ռազմաճակատում թուրք հրամանատարությունը, օգտվելով ռուսական զորքերի դանդաղկոտությունից եւ ոչ այնքան կազմակերպված գործողություններից, կարողանում է մի փոքր համալրել զորամասերը եւ մի քանի ուղղություններում հարձակումներ ձեռնարկել ռուսական զորքերի դիրքերին: Թեպետ թուրքական զորքերի հարձակումները այնքան մեծ հզորությամբ չեն կենսագործվել, այնուամենայնիվ, ռուսական զորագնդերն առանց մեծ ջանքեր գործադրելու՝ թողնում են նախօրեին գրաված տարածքները եւ նահանջում Ալջեւազ գյուղի ուղղությամբ: Հայկական կամավորական զորախմբերը, ենթարկվելով ռազմաճակատի հրամանատարության հրամանին, նույնպես բռնում են նահանջի ուղին¹:

Հուլիսի 13-ին Դրոն, իր զորախմբով նահանջելով, հասնում է Ալջեւազ, ուր արդեն գտնվում էր գեներալ Նազարբեկովը: Դա նրանց առաջին հանդիպումն էր:

«... 7-րդ գնդից հետո, - գրում է Նազարբեկովը, - շատ մեծ կարգապահությամբ ու կազմակերպված եկավ հայկական 2-րդ կամավորական զորախումբը: Այստեղ ես առաջին անգամ տեսա Դրոյին, որն իր էներգիայով եւ կազմակերպվածությամբ ինձ, ինչպես նաեւ ողջ շրջապատի վրա շատ լավ տպավորություն թողեց: Չորախումբը իր արտաքին կեցվածքով հիշեցնում էր կանոնավոր բանակի կարգապահ եւ լավ կազմակերպված զորամասի:

2-րդ զորախմբից հետո ոչ այնքան կազմակերպված եկավ Անդրանիկի 1-ին զորախումբը: Մարդիկ շատ տանջված էին, եւ դա հասկանալի էր: 1-ին կամավորականի կազմի մեծ մասը Մուշի դաշտավայրից էին: Նրանք շատ ճնշված էին: Շատերի դեմքերից երեւում էր լիակատար հիասթափություն եւ անտարբերություն»²:

Մանագլեբի եւ Փրխուս գյուղի ուղղություններում թուրքական զորքերի կողմից ձեռք բերված ոչ այնքան նշանակալի հաջողությունները, ռուսական հրամանատարությունը կարծես առիթ ընձեռեցին արագորեն թողնել գրաված տարածքները եւ բռնել նահանջի ուղին: Իրենց նահանջը առավելապես արդարացնելու դիտավորությամբ ռուս հրամանատարները նրբորեն տարածել էին հակառակորդի «մեծաքանակ» ուժերի ողորմածությունը հանձնվելու լուրերը:

Չորքերի նահանջի ծրագիրը մշակելու նպատակով ճակատի հրամանատար, գեներալ Թ. Նազարբեկովը իր գլխավորած զորամասի, ինչպես նաեւ հայ կամավորական զորախմբերի հրամանատարներին, հրավիրում է զինվորական խորհրդակցության եւ հրամայում թողնել գրաված տարածքները: Խորհրդակցությանը ներկա է գտնվել նաեւ Դրոն, որին խստիվ զարմացրել է ռուսական զորքերի հրամանատարության կողմից ընդունված անհասկանալի մարտավարությունը, որը բնավ պատճառաբանված չէր որեւէ հիմնավոր ու փաստարկված նախադրյալներով:

Պատմում է 2-րդ կամավորականի հեծելախմբի հրամանատար Յապոնը. «...երբ ժողովից վերադարձաւ, կանչեց ինձ ու ասաց, որ դրուժիւնը բաւական լուրջ է, քանի որ տաճիկները գրաւել են Արձեշը ու կտրել նահանջի գիծը:

Ռուսները կարող էին անձնատուր լինել, բայց մենք անձնատուր լինելու մասին մտածել իսկ չէինք կարող: Հէնց այդտեղ էլ Դրոյի հետ որոշեցինք, որ ռուսական բանակի անձնատուր լինելու դէպքում՝ նրանից բաժանուենք ու թշնամու շղթան ճեղքելով՝ Ալադաղով անցնենք Դիադին: Այդտեղի բոլոր ճար ու ճամբաներին լաւ ծանօթ էինք»¹:

Դրոյի մտավախությունը իզուր էր. ռուսական զորքերի նպատակը Հայաստանը հայերից դատարկելն էր եւ ոչ թե անձնատուր լինելը: Եւ ինչպես իրավացիորեն նշում է Գաբրիել Լազյանը «Ռուսները իրենց համար բեռ կը նկատէին ազատագրուած հայ գաղթականները եւ երբեք տրամադիր չէին աչքառու զոհողութիւն մը կատարել, հայ նոր բազմութիւններ ազատելու համար»²:

Նահանջի հրամանը Վանում սարսափելի իրավիճակ էր ստեղծել: Վարդգես Ահարոնյանը, որն այդ օրերին գտնվում էր Վանում, պատմում է հետեւյալը.

¹ Տե՛ս ՀԱՍ, ֆ. 45, ց. 1, գ. 71, ք. 70-71:

² Նույն տեղում:

¹ «Հայրենիք» ամսագիր, 1941, մայիս, էջ 175:

² Լազեան Գ., Հայաստանը եւ Հայ Ղատը, էջ 182:

«Վանից քաշուելուն վճռական կերպով դէմ էր Արամը, որ իր տեսակէտը պարզեց մօտաւորապէս հետեւեալ բառերով.

«Մենք մի ամբողջ ամիս դիմադրեցինք թուրք բանակին եւ թուրք ու քուրդ զինուած խուժանին, ունենալով միայն հազիւ հազար կտոր զէնք, որից 400-ը ատրճանակներ էին, մնացածի մի մասը որսորդական հրացաններ, շատ սահմանափակ քանակութեամբ ռազմամթերք: Հիմա Վանի պաշտպանութեան համար մենք կարող ենք ունենալ մեր կամաւորական չորս զնդերը...»

Վանի եւ Մոկսի ու Շատախի երիտասարդութիւնից կարելի է զինել մէկ կամ երկու հազար հոգի եւս:

«...Մինչեւ ռուսների վերադարձը մենք կարող ենք պաշտպանել այս հայութիւնը, մինչ գաղթը կարող է այս ժողովրդի մէջը կոտորել»¹:

Արամի տեսակետը պաշտպանում էին առանց բացառութեան կամավորական զորախմբերի բոլոր հրամանատարները եւ Ազգային Բյուրոյի ներկայացուցիչները:

«Ն. Աղբալեանը իր սովորական պատկերալից ու կտրուկ ոճով ձեւակերպեց իր ասելիքը. «Ռուսները գնո՞ւմ են՝ թող գնան, մենք էստեղ ենք, ռուսները կը գան, մենք էլի էստեղ ենք»²:

Այո, հայերը լի էին վճռականութեամբ մինչեւ վերջ պայքարելու, սակայն ռուսական հրամանատարութիւնը ուներ իր հաստատուն եւ ոչ մի ուժով չբեկանվող դատավճիռը:

Եթե հիմք ընդունենք ու հավատանք Վարդանի խոստովանութեանը, ապա պիտի արձանագրել, որ ռուսական կողմը վաղօրոք իրեն հայտնել էր զորքերի առաջիկա նահանջի մասին, եւ բնականաբար ռազմաճակատում տեղի ունեցող իրադարձութիւններն ու կտրուկ շրջադարձերը հայկական կողմի համար այնքան էլ անակնկալ չպետք է լինեին: Ըստ նրա խոստովանութեան, Երեւան - Վան ուղղութեամբ հարձակվող ռուսական զորքերի 4-րդ բանակային կորպուսի (հրամանատար՝ գեներալ Օզանովսկի) շտաբի պետ, ազգութեամբ լատիշ Վլադիմիր Անտոնովիչ Օզոլը, որը հայտնի էր իր հայամետ վերաբերմունքով, դեռեւս Երեւանում գտնվելու ժամանակ իրեն հայտնել է հետեւյալը. «... Մենք Վան մտնելուց այնտեղ յերկար չպետք է մնանք, ուստի դուք պատրաստվեցեք մեծ թվով մարդիկ, զենք ու ռազմամթերք ունենալ, վորպեսզի կարողանաք մեր նահանջից հետո դիմանալ Վանում... Վլադիմիր Անատո-

լեւիչ Օզոլը (լատիշ) շատ կարգին եւ անկեղծ մարդ էր, նրա ասածները Երեւանում իրենց նահանջի մասին, ճիշտ իրականացան»¹:

Վանի նահանջի մասին պատմող վավերագրերից պարզվում է, որ Արամն այնուամենայնիվ դիմել է գեներալ Նիկոլաեւին եւ խնդրել նրանից նահանջելու դեպքում իր տնօրինութեանը հանձնել լեռնային հրետանի, հեռագրասարքեր ու կապի միջոցներ, զենք ու զինամթերք եւ անհրաժեշտ այլ պարագաներ, ինչը նահանջելիս զորքերը չէին կարողանա իրենց հետ վերցնել: Գեներալ Նիկոլաեւից չստանալով որեւէ որոշակի պատասխան՝ Արամը նույն պահանջով դիմում է նաեւ գեներալ Յուրենիչին. այս անգամ եւս պատասխանը քար լուծթյունն էր²:

Անդրադառնալով հայ բնակչութեան նկատմամբ ռուս հրամանատարութեան ու մասնավորապէս գեներալ Նիկոլաեւի դրսեւորած վերաբերմունքին՝ Արարատյան զորագնդի հրամանատար Վարդանը գրում է. «Կողմնակի կերպով իմանում եմ, որ Նիկոլաեւը առանց մեզ իմաց տալու, ուզում է գաղտնի կերպով նահանջի դէպի Կովկաս: Գնում եմ մօտը եւ խոսում նահանջի առիթով: Ասում է, այո՛ ուզում եմ նահանջել եւ չեմ ուզում, որ ժողովուրդը իմանա, որ նա էլ միանա եւ խանգարի մեր նահանջի ճանապարհը: Նկատի ունենալով նոցա նահանջը, որից յետոյ մեր դրութիւնը ծանրանում էր, խնդրեցի վոր գտնէ մեզ թողնի իրենց թնդանութեանը իրենց զինւորներով եւ անթել հեռագիրը: Պատասխանեց, վոր վոչինչ չեմ կարող թողնել...»³:

Հարցն արդեն վերջնականապէս վճռված էր: Հարց է ծագում, ինչու՞ ռուսական զորքերը, որոնք մեծ զոհողութիւնների գնով հասել էին Տարոն եւ Բիթլիս, լքեցին ռազմաճակատն ու բռնեցին նահանջի ուղին:

Այս հարցում առավել ընդունված պատճառաբանութիւնն այն է, որի համաձայն ռուսական զորքերի նահանջը պայմանավորված էր ճակատում տեղի ունեցած փոփոխութիւնների վերաբերյալ 4-րդ կորպուսի հետախուզական բաժնի պետ Տիգրան Դեւոյանի ներկայացրած չափազանցված տեղեկութիւնները: Համաձայն Տիգրան Դեւոյանի ներկայացրած տեղեկութիւնների՝ Մանազկերտի շրջանում հայտնվել էին 70000 զինվորներ ունեցող թուրքական նոր զորամասեր, որոնց հարձակման պարագայում ռուսական

¹ Ահարոնեան Վ., Անդրանիկ, Բոսթըն, 1967, էջ 31-32:
² Նույն տեղում:

¹ ՀԱԱ, ֆ. 402, ց. 2, գ. 11, գիրք 4, էջ 9:
² Նույն տեղում, ֆ. 57, ց. 5, գ. 120, ք. 9:
³ Նույն տեղում, ֆ. 402, ց. 2, գ. 11, գիրք 4, էջ 9:

գործերը կարող էին կտրվել թիկունքից ու հայտնվել ծանրագույն իրավիճակում:

Կարո Սասունու պնդմամբ՝ «...Տ. Դեւոեան, որ զօր. Օգանովսկու կեդրոնական սպակադոյին կից հետախուզական բաժինը կը վառէր, իր զեկուցման մէջ թրքական յարձակողական բանակի ուժը ներկայացուցած էր մօտ 70000 հոգի: Այդ տուեալները ցոյց կուտային, որ Բուլանուխ-Մանազկերտի ուսական բանակը չպիտի կրնար դիմադրել այդպիսի խոշոր ոյժի մը եւ հետեւաբար հարկադրուած էր ընդհանուր նահանջ մը ընել ամբողջ ճակատի վրայ»¹:

Կարո Սասունին, որը Ռոստոմի եւ Արամի հանձնարարութեամբ մեկնել էր Մանազկերտի շրջան, այնտեղ պիտի պարզեր ուս հրամանատարութեանը Տիգրան. Դեւոյանի հաղորդած տեղեկութիւնների իսկութիւնն ու հնարավոր բոլոր միջնորդները ներդնելով՝ կարողանար հասնել նրան, որ ուսական զորքերն ու կամավորական զորայինները նահանջեին ոչ թե Դատվան-Բիթլիսի ուղղութեամբ, այլ առաջանային դեպի Մշո դաշտ, որտեղից ավելի դժուարին էր առաջանալ Սասուն, ուր հանգրվանել էին բազմահազար տարոնահայեր:

Մանազկերտում ծանոթանալով այնտեղ տիրող կացութեանը՝ Կարո Սասունին իր դժգոհութիւնն է հայտնում Տիգրան Դեւոյանից եւ հայտնում, որ թուրքական բանակի զինվորների մոտավոր թիվը կարող է լինել ոչ թե 70000, այլ 30000²:

Հարց է ծագում. միթե՞ Մանազկերտում թուրքական զորքերի կենտրոնացման վերաբերյալ միայն Տիգրան Դեւոյանի ներկայացրած տեղեկութիւնը կարող էր բավար հիմք ծառայել, որպեսզի ուսական բանակի հրամանատարութիւնը կայացներ մեծ զոհողութիւնների գնով նվաճած տարածքները վերստին հակառակորդի տնօրինութեանը հանձնելու որոշումն ու դիմեր զանգվածային նահանջի: Իսկ ո՞ր էին Կովկասյան ռազմաճակատի հետախուզական մյուս ծառայութիւնների տվյալները:

Քննադատաբար արժեւորելով ուս հրամանատարութեան որդեգրած մարտավարութիւնը՝ Գաբրիել Լազյանը իրավագիտորեն նշում է. «Կը կարծենք, թէ այս մեղադրանքները չափազանցութիւն են. ուս հրամանատարութիւնը այս կամ այն զինուորական կարեւոր շարժումը՝ նահանջ կամ յառաջխաղացում չի կատարէր միայն մէկ տեղեկութեան վրայ յենուելով»³:

Իրոք, միթե՞ ուս հրամանատարութիւնը ռազմաճակատում տեղի ունեցող իրադարձութիւնների, հակառակորդի տեղաշարժերի վերաբերյալ ստույգ տեղեկութիւններ ստանալու այլ աղբյուրներ ու միջոցներ չուներ:

Այս հարցին պատասխան է տալիս հենց Տ. Դեւոյանը: Իր գրութիւններից մեկում փորձելով հերքել իրեն ներկայացրած մեղադրանքը՝ Տ. Դեւոյանը գրում է. «Յետախուզութիւնը կատարում էր. 1. զինուորներին հետախուզութեամբ՝ գերի բռնելով, 2. յատուկ լրտեսների միջոցով, որը ուղարկում էին թշնամու կողմը, 3. գրառուած վայրերի տեղացի ազգաբնակչութեան հարցաքննութեամբ, 4. փախած եւ գերի բռնուած գերիների հարցաքննութեամբ, 5. գերիների մօտ գտնուած փաստաթղթերի ուսումնասիրութեամբ, 6. թշնամու շրջանում գտնուող մնայուն աշխատողների (rezident) միջոցով, 7. օտար դաշնակից տերութիւնների յետախուզական տւեալների օգտագործմամբ...»¹:

Բացի թվարկածներից, Տ. Դեւոյանի պնդում է, որ Ռուսական ամբողջ ճակատի վրայ, յուրաքանչիւր գունդ, բրիգադա, դիվիզիա եւ կորպուսի շտաբը ունեին իրենց յետախուզական գործի վարիչը»²:

Տ. Դեւոյանը թեպետ չի ժխտում իր հաղորդած տեղեկութեան իսկութիւնը, սակայն իր վկայակոչած փաստարկներով ցոյց է տալիս, որ միայն իր հաղորդածը չէր կարող բավար հիմք հանդիսանալ ուս հրամանատարութեան համար արմատական նշանակութիւն ունեցող վճիռներ կայացնելիս, քանզի նա տնօրինում էր հակառակորդի մասին բավարար տեղեկութիւններ ստանալու բազմաթիվ այլ միջոցների:

Ռուսական զորքերի նահանջի վերաբերյալ ուշագրավ բացատրութիւն է տալիս Սերովբե Մխիթարյանը: Նրա դնահատմամբ ուսական զորքերի նահանջը գլխավորապես պայմանավորված էր Կ. Պոլիսի եւ Բոսֆոր ու Դարդանելի նեղուցների նկամամբ Անգլիայի եւ Ֆրանսիայի դրսեւորած վերաբերմունքով: Նրանք, ըստ Ք. Մխիթարյանի, քանի որ քաջատեղյակ էին թուրքիայի մայրաքաղաքի ու նեղուցներների նկատմամբ Ռուսաստանի ունեցած վաղեմի ցանկութեանը, ձգտում էին իրենց դաշնակից Ռուսաստանից այն գրավել ավելի շուտ եւ հաստատվել այնտեղ³:

Ի պատասխան Անգլիայի ու Ֆրանսիայի, Ռուսաստանի իշխանութիւնները «...պարտադրել էին ցարական Ռուսաստանի զի-

¹ Ասունի Կ., Թրքահայաստանը Ա. աշխարհամարտի ընթացքին, (1914-1918), էջ 169:

² Նույն տեղում, էջ 88:

³ Լազեան Գ., Հայաստանը եւ Հայ Դատը, Երեւան, 1991, էջ 182:

¹ ԳՅԴ ԿԱ, Ա. Կ., թ. 78, գ. 8, թ. 2:

² Նույն տեղում:

³ Տե՛ս Մխիթարեան Սերովբե, Հայկական Հարցը, Փարիզ, 1968, էջ 39:

նուորական իշխանութիւններին կովկասյան ճակատում նահանջ ու պարտութիւն ձեւացնել, որպէսզի այդ ճակատում թուրքերը յաղթանակ ու ինքնավստահ զգան իրեն եւ կարողանան բոլոր տրամադրելի ուժերը փոխադրել ու կեդրոնացնել Դարդանելի ռազմաճակատում, որպէսզի Ռուսաստանի «դաշնակիցներն» իրենից առաջ չկարողանային գրաւել նեղուցներն ու Կ. Պոլիսը»¹:

Ս. Մխիթարյանի գնահատմամբ՝ Կ. Պոլսի ու նեղուցների նակատմամբ դաշնակից տերութիւնների՝ Անգլիայի, Ֆրանսիայի եւ Ռուսաստանի որդեգրած հակադեմ վերաբերմունքն էր այն հիմնական պատճառը, որի հետեւանքով «...1915 թ. յուլիսի 23-ին ռուսական բանակը, առանց ենթակա ըլլալու թրքական մեծ յարձակողականի, նահանջեց Տարսնի ճակատեն, ուր մօտ 200 հազար հայեր լքեցան թմնամիտ ձեռքը եւ ահաւոր եղեռնի մը զոհեր եղան»²:

Եթե ընդհանրացնենք ու անաչառ գնահատենք ռուսական զորքերի նահանջը, ապա պիտի աներկբա փաստել, որ այն կործանարար նշանակութիւն ունեցավ հայութեան համար: Այս առումով, կարելի է ասել, միանգամայն արժանահամար է Վարդան Մեհրաբյանի հետեւյալ եզրահանգումը. «Այս բոլորը ցոյց էին տալիս, որ հայերի կոտորուելը ցարական կառավարութեան ցանկութիւնն է: Իզուր չէ Լորանովը ասել, որ մենք Հայաստանը կողզէնք առանց հայերի, իսկ դժբաղտ տաճկահայ ժողովուրդը իրա փրկութեան յոյսը դրել էր քրիստոնեա ռուս կառավարութեան վրայ»³:

Հուլիսի կեսերին երեք ուղղութիւններով սկսվում է ռուսական զորքերի նահանջը: Նահանջի առաջին թեւը Բուլանուխ-Մանազկերտ-Ալաշկերտ-Արարատյան դաշտ ուղղութիւնն էր: Երկրորդ ուղղութիւնը ձգվում էր Վանա լճի հարավային ափով դեպի Սորբ, Ոստան, Վան եւ ապա Արճակ-Սարայի գծով դեպի Իրան: Մյուս թեւը նահանջելու էր Ախլաթ, Արճեշ, Բերկրի եւ Աբաղայի դաշտի միջով դեպի Կովկաս: Դրոյի զորախումբը Անդրանիկի 1-ին կամավորականի հետ պիտի նահանջեր երրորդ ուղղութիւնով: Ընդ որում Անդրանիկի զորախումբը պիտի ընթանար գաղթական քարավանի առջեւից, իսկ Դրոյի զորախումբը, որպէս հետնապահ պաշտպաններ գաղթականութեան թիկունքը:

Համաձայն Կ. Սասունու՝ «Այս երեք ուղղութեամբ նահանջող ժողովուրդի թիւը 150,000-էն ավելի էր: Կամաւորական բոլոր գուն-

դերու զինուորները միասին առած՝ 5000-ի կը հասնէին: Ատոնց վրայ պէտք է ավելացնել 3000-ի չափ ալ զինուած ժողովուրդ, որ կրցած էր օգտուել բանակներու ներկայութիւնէն ու զինուել հնարաւոր միջոցներով»¹:

Հուլիսի 15-ին սկսվում է ռուսական զորքերի զանգվածային նահանջը: Դրոյի զորախումբը նահանջելիս անցնում է քանդված ու ավերակների վերածված Ախլաթով եւ մոտենում Արճեշին, ուր հարյուրավոր զինված քրդեր պաշարել էին զենքի դիմած տեղի հայ բնակչութեանը: Արագորեն ոչնչացնելով քուրդ հրոսակներին՝ Դրոն իր զորախմբի պաշտպանութեան տակ է վերցնում Արճեշի հայութեանը:

Ընդամենը 70 օրվա կարճատեւ կենսագրութիւն ունեցավ Վանի փոքրիկ հանրապետութիւնը: Արամի հմուտ ղեկավարութեամբ կառավարվող Վասպուրականի քաղաքական, տնտեսական ու մշակութային կյանքում արդեն ակնառու էին ձեռք բերած առաջին լուրջ նվաճումները:

Ռուստոմի գնահատմամբ՝ «...մեր Արամը իր ընկերներով արդեն ստեղծել է Հայաստան եւ կազմել Հայկական կառավարութիւն: Մենք այժմ ազատ Հայաստան ենք: Մենք եւս միւսների նման կառավարութիւն ունենք եւ այլեւս ստրուկ չենք: Մեր դարերի կորուստը վերջապէս գտանք եւ հայ ժողովուրդը դարերի իղձը կատարեց եւ նա այսօր ազատ է»²:

Իզուր էր Ռուստոմի ուզելորութիւնը: Իրոք, Վանի Հանրապետութիւնը այն իրական վարչաքաղաքական կառույցն էր, որի վրա Հայաստանի պատմական տարածքում կարող էր կյանքի կոչվել հայկական անկախ պետականութիւնը: Սակայն Հայաստանի պատմական տարածքում հայկական պետականութեան հաստատումը, թեկուզ որեւէ կարգավիճակով Ռուսաստանի կայսրութեան կազմում, ցարիզմի ծրագրերից դուրս էր:

Այժմ արդեն ամբողջ Վասպուրականը տեղահան եղած՝ բռնել էր գաղթի ուղին: Պատմում է Ռուբեն Տեր-Մինասյանը. «Դուրս կուգանք Շատախի սահմանից եւ կը մտնենք Հայոց Ձոր: Մարդ չենք գտնի: Ձորս կողմ ամայի, բառի բովանդակ իմաստով: Բոլորը գացած են: Մաքրուած են ամէն տեղ...

Յուլիսի 21-ին հասանք Վան: Ինչպէս է դատարկուած այդ քաղմամարդ քաղաքը: Թողած ամէն ինչ՝ երկու օր առաջ էին գաղթած

¹ Նույն տեղում, էջ 40:

² Նույն տեղում:

³ ՀԱԱ, ֆ. 402, ց. 2, գ. 11, ք. 5:

¹ Տե՛ս, Սասունի Կ., նշվ. աշխ., էջ էջ 90:

² ՀԱԱ, ֆ. 1048, ց. 1, գ. 281, ք. 1:

վանեցիները: Այգեստանի մէջ կը հանդիպինք Արամին: Հոն են նաեւ Վարդանը, Համազասպը եւ Արմէն Գարօն: Կը բարեւինք վշտալից: Խօսք չկայ ասելու, սեւ թախիծը պատած է բոլորին:

Իմանալով, որ առաջից վտանգը կը սպառնայ, հրաժեշտ կը տանք իրենց եւ կը շտապենք ժողովրդի մօտ, շուտ ճամբայ հանելու համար: Հրդեհն արդէն սկսած էր լափել Խաչ փողոցի շէնքերը: Կը գտնենք մեր ժողովուրդը, կը քշենք առանց հանգիստ տալու եւ կը հասնենք Բերկրի»¹:

Պատկերը նույնն էր նաեւ մյուս շրջաններում, ուր հայութիւնը դարձյալ հարկադրված էր լքել իր բնօրրանն ու բռնել գաղթի տանջալի ուղին:

Երբ ռազմաճակատում, սկսած հուլիսի 10-ից, նկատելի են դառնում ռուսական զորքերի գրաված տարածքները թողնելու եւ նահանջելու մտադրութիւնները, ուժեղանում է քրդական հրոսակախմբերի շարժումը Մոկս-Շատախ շրջաններում: Մոկսում, ինչպես արդեն նշվել է, կանգնած էր 2-րդ զորախմբից մեկ վաշտ, իսկ Շատախում՝ մեկական հեծյալ եւ հետեւակ դասակներ: Հուլիսի 10-ի լույս 11-ի գիշերը քրդերը հարձակվում են Մոկսի վրա, բայց հետ են շարժվում կամավորների կողմից: Հարձակումները շարունակվում են նաեւ հաջորդ օրերին եւ հուլիսի 14-ին Մոկսում իրավիճակը դառնում է օրհասական: Ելքը մեկն էր, գաղթ²:

Նժդեհի, Մեսրոպի զինավաշտերի եւ իրենց մարտական ուժերի պաշտպանութեամբ գաղթի ճամփան է բռնում նաեւ Մոկսի ու Շատախի հայութիւնը, եւ հետեւելով Վանի գաղթականութեան քարավաններին՝ շարժվում դեպի Բերկրի-Կալայի ուղղութեամբ:

Ռուսական զորքերի նահանջն արդեն իրողութիւն էր, եւ տվյալ պարագայում կարեւորագույն խնդիրը գաղթականութեան անվտանգութեան ապահովումն էր:

Եթե նախորդ կռիւների ընթացքում հայ կամավորները մշտապես գործում էին հարձակման սուր ծայրում, ապա նահանջի դեպքում վերջնամասում ապահովում էին մյուս զորամասերի եւ գաղթականութեան նահանջը:

«Նահանջի ժամանակ, - նշվում է Վանի նահանգին վերաբերվող վավերագրերից մեկում, - 2-րդ զորախումբը մշտապես եղել է հերթապահ, ընդ որում նրա հրամանատար Դրոն, որի պաշտպանութեանը հանձնված էր նաեւ հրետանին, նշանակվում է ձախ զորասյունի

պետ եւ պետք է պաշտպաներ կիրճը, որտեղով պետք է անցնեին զորքն ու գաղթականութիւնը»¹:

Մի հետաքրքիր մանրամասն եւս. նույն վավերագրերից պարզվում է. «Միայն այն ժամանակ, երբ բնակչութիւնն ու նրանց պաշտպանող 1-ին եւ 2-րդ զորախմբերն արդեն հասել էին Բերկրի, գեներալ Տրուխինն առաջարկում է կամավորներին մնալ, եթե կցանկանային»²:

Իրոք, ճակատագրի դառը հեգնանք. գեներալ Տրուխինի առաջարկութիւնը չափազանց ուշացած էր, թեպետ, ինչպես արդեն նշվել է, գեներալը այդ նույնը կամավորական խմբերին առաջարկել էր դեռեւս նահանջի նախօրեին: Կարեւոր է ընդգծել, որ այդ առաջարկութիւնը պայմանավորված էր հայ բնակչութեան նկատմամբ գեներալի դրսեւորած բարի կամեցողութեամբ, որը բնավ համահունչ չէր ռուս հրամանատարութեան դիրքորոշմանը:

Քանի որ գաղթականութեան պաշտպանութիւնը դեպքերի թելադրանքով ստանձնելու էին կամավորական զորախմբերը, ուստի նրանք մշտապես պիտի կազմ ու պատրաստ լինեին դիմագրավելու հակառակորդի հարձակումները: Դրոյին սպասում էր մի նոր եւ չափազանց պատասխանատու փորձութիւն: Նրա զորախումբը, համաձայն գեներալ Նազարբեկովի հանձնարարականի, Անդրանիկի 1-ին կամավորականի համագործակցութեամբ պիտի պաշտպաներ ու ապահովեր մի քանի կիլոմետր երկարութեամբ ձգվող գաղթական քարավանների անվտանգութիւնը:

Հայ գաղթականների հսկայական բազմութիւնը հուլիսի 23-ին հասնում է Բերկրի: Նույն օրը նահանջողներին անընդհատ հետապնդող թուրքական զորքերն ու քրդական հրոսակախմբերը նույնպես հասնում են Բերկրի եւ գազանային մոլուցքով նետվում գաղթական բազմութեան վրա: Ռուսական զորքերն ու Անդրանիկի զորախումբը բավականին առաջ էին անցել: Համազասպի եւ Քեռու զորախմբերը «Արարատյան» զորազնդի հրամանատարութեան եւ անձամբ հրամանատարի՝ Վարդանի անփուլթ ղեկավարման հետեւանքով կտրվելով գաղթականութեան հիմնական զանգվածից, անցել էին Պարսկաստան:

Ճակատագրական պահ էր. Բերկրին կարող էր վերածվել բազմահազարանոց գաղթականութեան գերեզմանոցի, եթե ամենավճճորոջ պահին թշնամու հետ օրհասական գոտեմարտի բռնված Վասպուրա-

¹ «Հայրենիք» ամսագիր, 1948, թիւ 8, էջ 144:
² Տե՛ս ՀԱԱ, ֆ. 121, ց. 1, գ. 8, ք. 10:

¹ ՀԱԱ, ֆ. 57, ց. 5, գ. 102, ք. 47:

² Նույն տեղում:

կանի, Ռշտունիքի(Գավաշ), Մոկսի եւ Շատախի մարտիկներին օգնութեան չհասնելու Դրոյի զորախումբը:

Բերկրի-Կալայի պաշտպանութեան կռիվները Դրոյի մարտական կենսագրութեան ամենանշանակալի էջերից են:

Հուլիսի 23-ին ամենաճակատագրական վայրկյանին հասնելով մարտադաշտ, Դրոն, որի զորախմբին միացել էին նաեւ Նժդեհի եւ Մեսրոպի վաշտերը, գաղթականութեան նահանջը ապահովելու նպատակով հրամայում է Մարտիրոսի, Մեծ Ղազարի, Յապոնի զորավաշտերին՝ անհապաղ գրավել Բերկրիի կիրճը եւ տեղանքն իշխող բարձունքները: Հրամանը ճիշտ ժամանակին էր: Թուրքական զորքերը, որոնց գործուն կերպով աջակցում էին քուրդ հրոսակախմբերը, աշխատում էին գրավել դեպի Աբաղայի դաշտը կիրճերով անցնող միակ ուղին եւ շրջափակելով մի քանի տասնյակ հազարի հասնող գաղթականութեանը՝ Բերկրիի վերածել արյան ծովի:

Երկու օր շարունակ Վասպուրականի, Ռշտունիքի, Մոկսի եւ Շատախի ինքնապաշտպանական մարտախմբերի համագործակցութեամբ անպատմելի խիզախումներով տապալելով թուրքական կանոնավոր զորագնդերի եւ քրդական զինյալ խմբերի իրար հաջորդող գրոհները, Դրոյի զորախումբը հնարավորութիւն է ընձեռում գաղթականութեան մեծ մասին անցնելու Բերկրիի կիրճով եւ փրկվելու անխուսափելի կործանումից:

«Այդ նահանջի ընթացքում, - նշվում է ռազմաճակատից հաղորդվող ամփոփագրում, - իր մարտական պաշտպանութեամբ խումբը (Դրոյի 2-րդ կամավորական գունդը- Հ.Գ.) կարողացավ ապահովել Ալաշկերտի սարահարթում խմբված հսկայական քանակի հայ փախստականների տեղափոխութիւնը»¹:

Այդ օրերին զորքերի նահանջի ու գաղթականութեանը պաշտպանելու գործում ռուս հրամանատարութեան գործողութիւններում դրսևեորվել են այնպիսի անփութութիւններ եւ անկազմակերպվածութիւն, որ կարծես այդ ամենը իրագործվել է վաղօրոք մշակված սցենարով ու կանխամտածված, որպեսզի թուրքերին հնարավորութիւն ընձեռվի ոչնչացնելու հերոսական ինքնապաշտպանութեամբ փրկված Վասպուրականի, Շատախի, Ռշտունիքի ու Մոկսի տասնյակ հազարավոր հայ բնակչութեանը: Իսկ դա կատարվել է այնպիսի պայմաններում, երբ ռազմաճակատի այդ հատվածում գտնվող ռուսական զորքերը՝ գեներալ Օզանովսկու 4-րդ կորպուսի (գեներ-

րալներ Նազարբեկովի, Նիկոլաեւի, Տրուխինի եւ Շարպանտեւի գլխավորած ղեկիզիանները եւ այլ զորամասեր-Հ.Գ.) ուժերը ոչ միայն ի զորու էին պատշաճ մակարդակով ապահովելու գաղթականութեան նահանջը, այլ նաեւ ընդհանրապես չնահանջել եւ անգամ հարձակողական գործողութիւններ ձեռնարկել:

Վկայակոչենք այդ դեպքերի վերաբերյալ գեներալ Նազարբեկովի, որպես անմիջական մասնակցի, գնահատականը. «Շուտով ես իմացա, որ գեներալ Նիկոլաեւը իր զորամասով, որ տեղաբաշխված էր Վանում եւ նրա մերձակայքում, արագորեն լքել է քաղաքը եւ շարժվել Բերկրի-Կալայի ուղղութեամբ եւ դրանով խուճապ առաջացրել վանեցիների եւ շրջակա բնակչութեան շրջանում:

... Այդ նահանջը, որ ոչ մի հիմք չուներ, պետք է համարել հանցագործութիւն, քանի որ գեներալ Նիկոլաեւի զորամասին ոչ մի վտանգ չէր սպառնում...

... Նիկոլաեւը ունենալով քաղաքը պաշտպանելու համար բավականաչափ ուժեր՝ կարող էր թողնել Վանը եւ նահանջել միայն ծայրահեղ դեպքում ու ավելի կազմակերպված վիճակով: Ավելին, նահանջի ճամփան ընտրելով վատթարագույնը՝ Բերկրի-Կալայի ուղղութիւնը, որն անցնում է կիրճերով ու ձորերով, գեներալ Նիկոլաեւը շատ վատ է կազմակերպել գաղթականութեանը պաշտպանելու գործը, որի պատճառով հայկական 3-րդ եւ 4-րդ կամավորական խմբերը թյուրիմացաբար ու անկազմակերպվածութեան պատճառով կտրվում են գաղթականութիւնից եւ հայտնվում Պարսկաստանի տարածքում...»¹:

Գեներալ Նազարբեկովը, նույնպես ենթարկվելով վերին հրամանատարութեան հրամանին, իր զորամասով նահանջում է դարձյալ Բերկրի-Կալայի ուղղութեամբ, ուր հանդիպում է գաղթի տաժանակիր ուղին բռնած տասնյակ հազարավոր հայերի:

«Մոտենալով Բերկրի-Կալայի կիրճին, - վերհիշում է գեներալ Նազարբեկովը, - ես տեսա գաղթականներին, որոնք զանգվածաբար հեռանում էին Վանից եւ նրա մերձակա գյուղերից: Մարդու հոգին ցնցող նույն պատկերն էր, ինչ տեսել էի 1914 թ. դեկտեմբեր ամսին Սալմաստից եւ Խոյից նահանջելու ժամանակ:

Նայելով այդ թշվառ փախստականներին՝ ես չէի կարողանում հասկանալ, թե ինչո՞ւ է այդ կատարվում, քանի որ Վանին ոչ մի վտանգ չէր սպառնում եւ բացի դրանից Վանի մատուցները հարավային ուղղութեամբ պաշտպանված էին գեներալ Տրուխինի զորամա-

¹ ԳՅՂ ԿԱ, քժ 503, գ. 16, էջ 3:

¹ ԳՍԱ, ք. 45, գ. 1, գ. 21, ք. 42:

սերի ուժերով (3-րդ եւ 4-րդ հայկական կամավորական խմբերը, սահմանապահների մեկ գումարտակ, Սիրիայի կազակների մի գումառ եւ մեկ մարտկոց), իսկ լճի հյուսիսային մասում իմ զորամասն էր: Այս ամենից բացի Վանում կային եւս բավականաչափ ուրիշ ուժեր»¹:

Հասնելով Բերկրի-Կալա, գեներալ Նազարբեկովը, համաձայն իր հուշերի, ձեռնարկում է հետեւյալ միջոցառումները. «... 20-ին զորամասը հասավ Բերկրի-Կալա: Հասնելով Բերկրի-Կալա եւ հանձնարարեցի Արնիսյան զորախմբին նահանջել նույնպես Բերկրի-Կալա, իսկ Ներջինյան կողակական գնդին եւ թեթեւ մարտկոցին մեկնել Վան միանալու գեներալ Տրուխինի զորամասին: Հետագայում գեներալ Տրուխինը իր զորամասով հետ քաշվեց Պարսկաստան:

Բերկրի-Կալայում եւ հրաման ստացա առանց կանգ առնելու շարժվել մինչեւ մեր սահմանը: Չուզենալով փախստականներին թողնել քրդերին հոշոտելու (այդ շրջանը բնակեցված էր բացառապես քրդերով), եւ փախստականների պաշտպանությունը հանձնարարեցի Անդրանիկին եւ Դրոյին:

21-ին եւ առանց հայկական զորախմբերի շարունակեցի իմ նահանջը... Դրոն ստիպված էր իր զորախմբով, որին կամավոր միացել էր նաեւ ռուսաստանի Կորովկովի սահմանապահների ջոկատը, պաշտպանել փախստականների նահանջը»²:

Վասպուրականի բնակչության գաղթի մասին Մարտիրոսը պատմում է հետեւյալը. «... Զօր. Նազարբեկեանն իր Զ-րդ գնդով, Արճեչից շարժուեց, որպէսզի Բաթնոցով անցնի Ղարաքիլիսա, միանալու իր 5-րդ, 6-րդ եւ 7-րդ գնդերին, իսկ Դրոյի գումարտակը ճանապարհուեց Բերկրի-Կալա:

Երբ Բերկրի-Կալա հասանք, Անդրանիկի վրանը խփուած էր Բերկրի-Կալայի մօտիկ մի բլուրի վրայ: Մեր տեղ հասնելուն պէս, Անդրանիկը շարժուեց դէպի Ղրղլ-Դիզա, այնտեղից էլ դէպի Իգդիր: Բերկրի-Կալայում մնաց մեր գումարտակը միայն:

Վանի ժողովուրդը գաղթում էր Զիլանի ձորով: Գաղթականութեանը կողոպտելու նպատակով, քրդերն եկել, բռնել էին ձորը:

Խոսքովի հարիւրակը ամբողջ ցերեկն զբաղուած էր վանեցիներին անվտանգ անցկացնելու գործով: Սակայն մէկ հարիւրեակ չէր կարող ապահով պահել եօթ կիլոմետր երկայնք ունեցող ձորը, երբ մի կողմից էլ անընդհատ աճում էր ախորժակ սրած քրդերի թիւը:

Արեւը մայր մտնելուն պէս, երեւացին Մոկսի, Շատախի, Սպակերտի եւ Կաւաչի գաղթող հայութեան կարաւանները:

...Տաճիկները թնդանօթի կրակ բացեցին Վանից երկարող ճամփին գտնուող գաղթականութեան վրայ...

Կէս գիշեր էր, երբ հրահանգ ստացայ, ամբողջ վաշտով քաշուել Բերկրի-Կալայի կամուրջը, նահանջելու համար:

Մենք ի վիճակի էինք շարաթնորով պաշտպանելու թշնամու դէմ, սակայն Վանի գաղթող ժողովրդին ապահով անցկացնելու կարեւոր խնդիրը կար:

...Գաղթականութեանը հասցրինք Մոււս-սու եւ Բերկրի-Կալա վերադարձանք կեսօրուայ մօտ»¹:

Կ. Սասունին, որն ապահատես է եղել գաղթի տեսարաններին, նույնպես գտնում է, որ նահանջելու ընթացքում հայ բնակչության անվտանգության ապահովումն ու պաշտպանությունը ռուսական բանակի եւ կամավորական զորախմբերի հրամանատարության կողմից կազմակերպվել էին չափազանց անփուլթ եւ ոչ պատշաճ մակարդակով:

«Նահանջը, - գրում է Կ. Սասունին, - վանեցիներու համար եղաւ դժնդակ: Գիւղացիները գտնէ փոխադրական միջոցներ ունէին, կամ վարժ էին չարքաշուութեան: Իսկ Վան քաղաքի ժողովուրդն ուղղակի արգահատելի տեսարան մը կը պարզէր Իգդիրէն մինչեւ Բայազիտ Աղա... Բայազիտ Աղայէն կարելի եղաւ ստուգել, որ Քեռին եւ Համազասպ հասած են մինչեւ Բերկրի, կռուի բռնուած են, ու տեսնելով որ ճանապարհը կտրուած է, փոխած են իրենց նահանջի գիծը: Դրոյի ձիաւորները շարաթ մը կրցան պահել Բայազիտ Աղան, ու ապահովեցին նահանջող ժողովրդի թիկունքը...»²

Հայրենի պատմաբաններից Մ. Կարապետյանը իր հեղինակած «Հայ կամավորական խմբերը եւ ազգային գումարտակները Կովկասյան ռազմաճակատում» գրքում մի շարք վավերագրերի օգտագործմամբ ներկայացնելով ու արժանավույնս գնահատելով 2-րդ կամավորական զորախմբի մարտական գործողությունները՝ նշում է, որ 2-րդ կամավորականը 1-ին, 3-րդ եւ 4-րդ զորախմբերի համագործակցությամբ Սորբի ու Դատվանի շրջաններում մի շարք կատաղի կռիվներ մղելուց հետո. «... շտապ վերադարձավ Բերկրի-Կալա, այստեղ մի քանի օր կարողացավ դիմադրել թշնամու գրոհները, որը հարձակումներ էր գործում Արճեչի կողմից: Այդ ժամանակ 2-րդ կամավորական խումբն ապահովեց նաև Բերկրիի ճանապարհով Արևլյան Հայաստան անցնող 200.000 հայ գաղթականության անվտան-

¹ Նույն տեղում:

² Նույն տեղում, ք. 43:

¹ Խմբապետ Մարտիրոս Աբրահամեան, ԳՂՎ. աշխ., էջ 285-286:

² Սասունի Կ., Թրքահայաստանը Ա. աշխարհամարտի ընթացքին, էջ 94:

գուժյուլներ: Բերկրիից նահանջելով, մեկ օր անց Դրոն՝ Հեծյալ մի խմբով կրկին վերադարձավ Բերկրիի կամուրջը և այնտեղից Արևլյան Հայաստան Հասցրեց մեծ քանակությամբ հայ որբեր»¹:

Դժբախտաբար, Բերկրի-Կալայի մոտակայքում թուրքերի և քրդերի հարձակումներին զոհ են գնում մեծ քանակությամբ գաղթականներ: Եթե մինչև Բերկրի կամավորական զորախմբերի փոխհամագործակցությունը խելացիորեն կազմակերպվեր, ապա հնարավոր էր ապահովել ողջ գաղթականության անկորուստ անցումը Երևանի նահանգ:

Իր հուշերում դարձյալ հպանցիկ անդրադառնալով գաղթի նկարագրությանը, Արարատյան զորագնդի հրամանատար Վարդանը գրում է. «... չհանդիպելով վոչ մի թուրքի հասանք Բերկրի Կալա: Այստեղ էին Դրոն յուր դրուժինայով, Անդրանիկը մի քանի զինվորներով և ինչ-որ գեներալ Նադեժդին առանց զորքի: Բերկրիի շրջանում կային վոչ մեծ թվով թուրքական զորքեր, որոնց հետ կռիվ բռնվեցինք: Անգեմ ժողովուրդից մի քանի զոհեր տալով, անցանք այտ շրջանը: Բերկրի հասնելով, այդտեղ կանգ առանք, վորովհետև բավականին ժողովուրդ կար յետ մնացած և յատուկ ձիավորներ յետ ուղարկեցի, վոր ժողովուրդյան շտապեցնի մեզ հասնելու: Բերկրիի մոտ է գտնվում Բանդի-Մահու գետը, վորի մոտ և կռիվ է տեղի ունեցել և զոհերը այստեղ են տրվել...»²:

Վասպուրականից գաղթողների երկրորդ՝ ավելի փոքրաքանակ քարավանը ճանապարհը Ալադաղի քրդերի կողմից փակելու պատճառով հարկադրված ուղեւորվում է Ատրպատական, իսկ երրորդ խումբը, որի հետ եղել է Կ. Սասունին, Բուլանուխ-Մանազկերտ-Ալաշկերտ երթուղով՝ Իգդիր:

Կարո Սասունին գրում է, որ իրենք երբ հասնում են Իգդիր, խորհրդակցում են և երեք ընկերներով անմիջապես մեկնում են Կավրե-Շամե, ու այնտեղ հանդիպում Դրոյին: Այնտեղից նրանք ուղեւորվում են Բայազետ-Աղա, ուր այդ պահին գտնվում էին Դրոյի հեծյալները:

«Բայազետ Աղայն կարելի եղաւ ստուգելու գրում է Կ. Սասունին, որ Քեռու և Համազասպ հասած են մինչև Բերկրի, կուռի բռնուած են, ու տեսնելով որ ճանապարհը կտրուած է, փոխած են իրենց նահանջի գիծը:

Դրոյի ձիավորները շարաթ մը կրցան պահել Բայազետ Աղան, ու ապահովեցին նահանջող ժողովուրդի թիկունքը...»³:

Կ. Սասունու գնահատմամբ՝ «Ձիավորներու այդ խումբը փրկարար աշխատանք կատարեց: Ամէն մի զինուոր, մէկ կամ երկու մանուկ իր գրկին մէջ, հարիւրաւոր այնպիսի հոգիներ հասցուցին կայաններ ու կրկին դարձան հաւաքելու, եթե առաջին անգամ չէին կրցած բոլորը փոխադրել»⁴:

Ճանապարհին նրանք հանդիպում են Իգդիր գնացող Անդրանիկին, Արամին ու Վարդանին, ապա նաև զինվորների, ոստիկանների ու որբերի ու երեխաների:

Վան-Վասպուրականի բնակչության գաղթի մանրամասների ուսումնասիրությունը պարզորոշ ցույց է տալիս, որ այն ռուսական հրամանատարության կողմից, կարծես ինչ-որ հատուկ դիտավորությամբ, միտումնավոր կերպով կազմակերպվել է չափազանց անփուլթ ու անկազմակերպ: Իր հերթին, Արարատյան զորախմբի հրամանատարությունը գաղթականության անվտանգությունն ապահովելու գործում նույնպես չի գնվել պատշաճ բարձրության վրա և զուտ մարտավարական առումով թույլ է տվել աններելի սխալներ:

Իհարկե, այս հարցում իր մեղքի բաժինն ունեն Արարատյան գնդի հրամանարար Վարդանն ու նրա գլխավորած սպայակույտը (շտաբ):

Մարտիրոսի վկայությամբ Բերկրիում ավելի քան երկու տասնյակ հազար գաղթականների անիմաստ կորստի ցավից հավասարակշռությունը կորցրած Դրոն խստորեն հանդիմանում ու անպատվում է «Արարատյան» զորագնդի հրամանատար Վարդանին, որն այդ օրերին, չգտնվելով հրամանատարական պատշաճ բարձունքում, կորցրել էր հայ կամավորական զորախմբերի գործողությունները փոխհամաձայնեցնելու ղեկն ու պարտականությունը⁵:

Նույն իրողությունն իր հուշերում հավաստում է նաև Յապոնը. «Այստեղ Դրոն հանդիպում ունեցաւ Վարդանի հետ և մեղադրեց նրան, որ Քեռու և Համազասպի խումբերը թողել էր և ինքը գնացել Վան, մինչդեռ իբրև հրամանատար, պարտաւոր էր իր երկու խումբերու հետ լինելու:

Քեռու և Համազասպի խումբերը զօրաւար Տրուխինի զօրամասի հետ նահանջեցին պարսկական գծով»⁶:

¹ Կարապետյան Մ., «Հայ կամավորական խմբերը և ազգային գումարտակները Կովկասյան ռազմաճակատում», Երևան, 1999, էջ 71-72:

² ՄԱ, ֆ. 402, ց. 2, գ. 11, գիրք 4, էջ 103:

³ Սասունի Կ., Թրքահայաստանը Ա. աշխարհամարտի ընթացքին, էջ 94:

⁴ Նույն տեղում:

⁵ Տե՛ս «Հայրենիք» ամսագիր, 1937, հունվար, էջ 77:

⁶ Նույն տեղում, 1941, մայիս, էջ 175:

Արցախի Ազգային Խորհրդի նախկին նախագահ Եղիշե Իշխանյանի վկայությունները, տարիներ անց խմբագրած Համազասպը իրեն պատմել էր Բերկրի մոտ տեղի ունեցած Դրոյի եւ Վարդանի ընդհարման մասին, «...Թէ Դրօն վիրաւորել էր Վարդանին ծանր խօսքերով, ինչպէս կասեն՝ վարանում էի հաւատալ Համազասպին, որ լաւ էէր տրամադրած դէպի Դրօն, սակայն երբ այդ մասին պատմեց Դրօն նւիրած մարտիկներից Բաշգառնեցի Մարտիրոս Աբրահամեանը, ամենայն մանրամասնութեամբ, որ Դրօն կառապանի հայհոյանքից աւելի խիստ հայհոյանք է տւել Վարդանին, շատ ծանր տպաւորութիւն էր թողել վրաս: Եւ, ըստ Մարտիրոսի, քիչ էր մնացել, որ երկու կողմի զինւորները բախւէին»¹:

Փաստն այն է, որ ռուսական զորքերի եւ կամավորական զորախմբերի անփութ եւ անկազմակերպ գործողությունների հետեւանքով թուրքերի ու քրդերի զոհն են դառնում ավելի քան քսան հազար վասպուրականցիներ: Իսկ Սասունի լեռներում խմբված ու ինքնապաշտպանության դիմած տասնյակ հազարվոր հայեր անափ հույսով եւ հավատով դեռեւս սպասում էին իրենց ազատարարների՝ հայ կամավորական զորախմբերի գալստյանը:

2.4 ԱԼԱԴԱՂԻ ՊԱՏԺԻՉ ՋՈՐԱԽՄԲԻ ԳՈՐԾՈՒՆԵՈՒԹՅՈՒՆԸ: ԵՐՐՈՐԴ ԱՐՇԱՎԱՆՔԸ: ԴԵՊԻ ՄԱՆԱԶԿԵՐՏ, ԽՆՈՒՎ ԵՎ ՄՈՒՇ

Հուլիսի վերջին Դրոն գաղթականության հետ միասին հասնում է Իգդիր: Արդեն պատմության գիրկն անցած բազում ճակատամարտերից ու դժվարին ապրումներից հետո նա բնավ տրամադրություն չի ունեցել գոնե փոքր-ինչ շունչ առնելու հայրենի միջավայրում: Դրոյի գլխավոր մտահոգությունը թշնամու ճիրաններում դեռեւս մաքառող Տարոնն ու Սասունն էին:

Իգդիրում Դրոն կրկին անգամ կտրուկ կերպով բարձրացնում է կամավորների զորախմբերով Տարոն եւ Սասուն արշավելու հարցը: Սասունի լեռներում խմբված բազմահազար հայությունը մեծ հույսով ու հավատով եւ անհամբերությամբ դեռեւս սպասում էր իր ազատարարներին: Իգդիրում Հայոց Ազգային Բյուրոյի ներկայացուցիչների ու կամավորական զորախմբերի հրամանատարների մասնակցությամբ տեղի է ունենում խորհրդակցություն, ուր մասնակիցները քննարկում են ռազմաճակատում տիրող իրավիճակն ու Տարոնին օգնության հասնելու հարցը:

Խորհրդակցության մասնակից Ս. Վրացյանի վկայությամբ՝ «Դրոն նորից պնդում էր իր առաջարկի վրայ՝ դնելով իր թեկնածուութիւնը, բայց այս անգամ Անդրանիկի առարկութիւնները աւելի հիմնաւոր էին եւ ցոյց տուած դժուարութիւնները՝ աւելի ակնյայտ: Անդրանիկը վճռական կերպով մերժեց մասնակցել նման «խելագար» ծրագրի ու հեռացաւ Իգդիրից»¹:

Իրօք, իրավիճակը ռազմաճակատում դեպի Սասուն արշավելու համար այլեւս նախկինը չէր: Այն ժամանակ կամավորական զորախմբերի համար անհամեմատ ավելի հեշտ էր Տարոն աշխարհի Ախլաթ գավառից արշավել Մուշ եւ Սասուն, քան Իգդիրից, որն, ի տարբերություն Ախլաթի, զգալիորեն հեռու էր գտնվում Մուշից ու առավել եւս՝ Սասունից:

Ճիշտ է, Հայոց Ազգային Բյուրոյի ներկայացուցիչների ու կամավորական զորախմբերի հրամանատարների մասնակցությամբ Իգդիրում կայացած խորհրդակցությունը Սասունի լեռներում ապաստանած տարոնահայությանը օգնության հասնելու վերաբերյալ որոշակի դրական որոշում չկայացրեց, բայց այդ հարցում նրա վճռակա-

¹ Իշխանեան Ե., Լեռնային Արցախ 1917-1920, Երեւան, 1999, էջ 682:

¹ Վրացյան Ս., Մրրկածին Դրո, էջ 89:

նությունն ու տրամադրվածությունն անսասան էին: Եվ միայն շաբաթներ անց նրա համառ պահանջներից հետո բարձրաստիճան հրամանատարությունը վերջապես բարեհաճում է համաձայնվել, որ Դրոն հայ կամավորական զինախմբերից կազմած զորամասով արշավի Տարոն եւ Սասուն:

Կ. Սասունու հավաստմամբ, որն այդ ժամանակ գտնվում էր ռազմաճակատում եւ քաջատեղյակ էր այնտեղ տեղի ունեցող իրադարձություններին, Դրոն ռուսական բանակի հրամանատարությանն է ներկայացնում Տարոն եւ Սասուն արշավելու համարձակ ու ուշադրավ մի ծրագիր, որը հավանության է արժանանում գեներալ Օգանովսկու կողմից: Համաձայն այդ ծրագրի, նա 200-300 մարտիկներից բաղկացած հեծելախմբով Մանազկերտից շեշտակի հարվածով պիտի ներխուժեր Մշո դաշտ եւ իրեն միացնելով Քանի (Սասուն) մարտական ուժերը, ճեղքեր թուրքական բանակի արգելապատնեշն ու այնտեղ գտնվող հայությանը դուրս բերեր պաշարման օղակից:

«Ես,- գրում է Կ. Սասունին, - ջերմ կողմնակից էի այդ ձեռնարկին, եւ քանի մը ընկերներով եւ Մշեցի ու Սասունցի ձիաւորներով միացանք Դրոյի խումբին:

Դրոյի ձիաւոր զորամասը Ալաշկերտ հասած էր եւ քանի մը օրէ պիտի մեկնէր Մանազկերտ»¹:

Դրոյի ծրագիրը թեպետ շատ հետաքրքիր էր եւ համարձակ, բայց այդ օրերի համար անիրականանալի: Մանազկերտից մինչեւ Քան(Սասունի լեռնաշղթա) ձգվող 120 կմ երկարություն ունեցող տարածքում ամուր կերպով նստած էին թուրքական կանոնավոր բանակի բազմաթիվ զորամասեր, որոնց շարքերը 200-300 մարտիկներից բաղկացած հեծելախմբով ճեղքելն ու հաջողությամբ Սասուն հասնելը գրեթե անիրագործելի էր: Բացի դրանից, ըստ Կ. Սասունու, կար նաեւ «Երկրորդ պարագան՝ Ալատաղի եւ Զիլանի քրդերու թիկունքային գործունեութիւնն էր: Անոնք քաջալերուելով Բերկրիի կոտորածէն եւ կողոպուտէն, սկսած էին աւելի խիզախ շարժումներ ընել ոչ միայն դէպի Բերկրի եւ Աբաղայ, այլ նաեւ դէպի Ալաշկերտի դաշտը եւ դեպի Մանազկերտ տանող ճանապարհները»²:

Քրդական հրոսակախմբերի գործողութիւնների հետեւանքով ռազմաճակատում ստեղծված իրավիճակի թելադրանքով փոխվում

է Դրոյի մտահղացած ծրագիրը: Նախ, անհրաժեշտ էր վնասագերծել քրդերի հարձակումները, ապահովել թիկունքի անվտանգությունը, ապա նոր միայն ձեռնամուխ լինել Տարոն եւ Սասուն արշավելու ծրագրի կենսագործմանը:

Ռուսական 4-րդ կորպուսի հրամանատար գեներալ Օգանովսկին Դրոյին հանձնարարում է մեկ այլ պատասխանատու առաջադրանք:

«Զօր. Օգանովսկին,- նշում է Կ. Սասունին,- համաձայնեցաւ արշաւանք մը կատարել Ալատաղի վրայ, եւ տրամադրեց 250 կօզաքներ գնդ. Կարելքովի ղեկաւարութեամբ: Դրօն իր ձիաւոր զօրամասով ստանձնեց արշաւանքի ղեկաւարութիւնը: Այսպիսով, Մանազկերտ մեկնելու խնդիրը քանի մը շաբաթով յետաձգուեցաւ, ու մենք մեկնեցինք դէպի Ալատաղ»¹:

Երկրորդ զորախմբի մարտական գործունեության լուսաբանմանը նվիրված փաստաթղթերից մեկում այդ առնչությամբ նշվում է. «...այդ միջոցին ռուսական չորրորդ զօրաբանակէն հրաման ստացաւ անցնիլ անմիջապէս Դիատին, ուր կազմուեցաւ պատժախումբ մը երկու հարիւրեակ ռուսաց հեծելազօրքերէ եւ երկու հարիւրեակ Բ. գունդի ձիաւորներէ բաղկացած:

Այդ պատժախումբին նպատակն էր մաքրել Դիատինէն դէպի հարաւ մինչեւ Արճէշ Ալատաղ կոչուած լեռնաշղթային քիւրտերը եւ Դիատինէ դէպի հարաւ արեւելք մինչեւ Թուլթաքի քիւրտերը...»²:

Քանի որ Ալաղաղի շրջանի քրդական զինյալ հեծելախմբերն արագ տեղաշարժերով բազմիցս հարձակումներ էին գործում ռուսական թիկունքային զօրամասերի, գումակների եւ հաղորդակցության ուղիների վրա, այդ պատճառով Ալաղաղի տարածքը քրդական հրոսակախմբերից մաքրելը շատ կարեւոր էր նաեւ ռուսական հրամանատարության համար: Ահա այդ պատճառով կարեւորելով Դրոյի գլխավորությամբ ձեռնարկվող արշավանքի նշանակութիւնը՝ ռուսական 4-րդ կորպուսի հրամանատարութիւնը նրա տնօրինությանն է հանձնում կազակական երկու հեծյալ հարյուրակ:

Անդրադառնալով Դրոյին տրված այս նույն հանձնարարության մեկնաբանմանը, որն ընդունված է անվանել «Ալաղաղի արշավանք», Բաշգառնեցի Մարտիրոսը գրում է. «Յիշեալ գաղթի ժամանակ, Ալաղաղի քրդութիւնը շատ էր անհանգստացրել գաղթակաւորութեանը, անընդհատ յարձակում գործելով ճանապարհի վրայ:

¹ Սասունի Կ., Թրքահայաստանը Ա. աշխարհամարտի ընթացքին (1914-1918), էջ 104:
² Նույն տեղում:

¹ Նույն տեղում:
² ՂԱԱ, ֆ. 57, ց. 5, գ. 102, ք. 53:

Այդ պարագան դրաւած լինելով բարձր սպայակոյտի ուշադրութիւնը, Դոյնի հրահանգուեց հետեւակը թողնել հանգստանալու, վերակազմել, մարզել եւ երեք հեծեալ հարիւրեակներ կազմել՝ Ալադաղի քրդութիւնը պատժելու համար:

Դրան արագ կերպով կազմակերպելով հարիւրեակները, մեկնեց Ալադաղ¹:

Կամավորական մյուս զորախմբերը մի փոքր դադար առնելու նպատակով տեղափոխվում են թիկունք: Այդ ընթացքում նրանք պետք է համալրեին իրենց մարտաշարքերը, վերախմբավորեին ուժերը, հանգստանային, կազդուրվեին եւ պատրաստվեին նոր գոտեմարտերի:

Սեպտեմբերի 6-ին 2-րդ կամավորականը հասնում է Դիադին եւ միանալով ռոտմիստր Կորոլկովի (ազգութեամբ ռուս Կորոլկովը, հետագայում զնդապետ, ռուսական բանակի հեռանալուց հետո մնում է հայկական զորքերի կազմում եւ կռիվների մեծ մասում մարտնչում է Դրոյի ընկերակցութեամբ - Հ.Գ.) գլխավորած երկու հեծյալ հարյուրյակներին, պատրաստվում է հաջորդ օրն իսկ դիմելու վճռական գործողութիւններին: Դրոյի մտահոգացմամբ պատժիչ զորախմբի գործողութիւնների հանկարծակիութիւնն ու անսպասելիութիւնը հուսալիորեն ապահովելու եւ թշնամուն անակնկալի բերելու նպատակով զորախումբը բաժանվում է երկու զորասյուների, որոնք պետք է գործեին խիստ փոխհամաձայնեցված եւ հնարավորին սահմաններում գաղտնիորեն եւ անաղմուկ: Չորասյուներից յուրաքանչյուրին հատկացվում է հայ կամավորների եւ ռուս զինվորների մեկական հեծյալ հարյուրյակ: Չորասյուները պետք է աննկատ եւ զգուշորեն անցնեին Ձիլանձորի արեւմտյան բարձրութիւնների վրա իշխող Ալադաղի ամենաբարձր գագաթը՝ Կոճպաչը եւ արեւելքի ու արեւմուտքի ուղղութեամբ հարձակվեին քրդերի վրա: Նախապատրաստական աշխատանքներն ավարտելով գիշերը, չորասյուները լուսը բացվելուն պես անաղմուկ սկսում են առաջխաղացումը: Միաժամանակ քրդերի նահանջի ճանապարհները փակելու նպատակով առանձնացվում է 80 զինվոր թվակազմով կազակական շոկատ, որը դիրքեր է գրավում Բերկրիի ձորի հյուսիսային բարձունքներում:

«Որոշեցին նախ պատժել Թուճին, որտեղ կը գտնուէին Սէիտ բէկի, Հազօ բէկի, Շէյի Սալա բէկի եւ Ալի բէկի ցեղերը»²:

Քուրդ ցեղերի նման ընտրութիւնը պատահական չէր, այն կատարվել է մտածված եւ հաշվենկատորեն: Կոտորածների ժամանակ հենց այդ ցեղերն էին առավելապես անգթորեն դրսեւորել իրենց:

Չնայած պատժիչ զորախումբը, համաձայն Դրոյի խստագույն հրահանգի, գործում էր անաղմուկ ու զգուշորեն, այնուամենայնիվ, քրդերը նկատում են հարձակվողներին եւ հրացանի կրակոցներով իրենց ցեղակիցներին գուժում հայերի հարձակումը: Քրդերը դուրս թափվելով վրաններից՝ հասցնում են դիրքեր գրավել եւ սկսում եռանդուն պաշտպանվել: Սակայն նրանց հուսահատական դիմադրութիւնը երկար չի տեւում: Պատժիչ զորախմբի հրամանատարութեան մարտավարութիւնը շատ ճիշտ էր, մինչ քրդերը կհասցնեին դիրքեր գրավել եւ պաշտպանվել, անսպասելիորեն սարերի արեւելյան կողմից հայտնվում է պատժախմբի մյուս զորասյունը ու հեծյալ եւ հետեւակ մարտաշարքերով հարձակվում քրդերի վրա: Հանկարծակիի եկած քրդերը, խուճապի մատնվելով լքում են մարտադաշտն ու փորձում փախչել:

2-րդ կամավորականի գործունեութիւնը պատմող փաստաթղթերից մեկում այդ մասին արձանագրված է հետեւյալը. «Քիւրտերը շատ մեծ կորուստներ ունենալով զէնքերը թափեցին եւ խելակորույս վիճակի մէջ խուճաբորով անձնատուր եղան, 300 քիւրտ դիակներ ընկած էին գետին, կիները եւ երեխաները զրկեցան Ատիճէվագ, մերոնք գրաւեցին 10.000 ոչխար, 1000 տաւար, 50 ձի եւ մնացեալ իրեղենները...Մեր կորուստներն էին 2 կամաւոր, մէկ կազակ վիրաւոր եւ 6 ձի սպանուած»¹:

Առաջին հարվածն ավարտվում է գերազանց վերջաբանով, հերթն արդեն մյուս ցեղախմբերինն էր:

«Կոճպաչէն դէպի հարաւ կը գտնուէին շեյի Մարուֆի եւ Մուստաֆա բէկի ցեղերը: Այդ ցեղերը շատ մեծ գազանութիւններ ցոյց տուած էին նախորդ օրը կոտորուած Ալի բէկի ցեղին հետ Բերկրիի դաշտի մէջ գաղթող հայերու դէմ»²:

Այս ցեղախմբերի դեմ ձեռնարկած գործողութեան արդյունքը, նախկինի համեմատութեամբ, մի փոքր համեստ էր: Քուրդ հովիվները պատահականորեն նկատում են հարձակվողներին եւ կարողանում փախչել ու լուր հասցնել իրենց ցեղակիցներին: Քրդերի մի մասին հաղղվում է տարբեր ուղղութեամբ հեռանալ եւ ազատվել: Իսկ մյուս մասը զոհ է դառնում վրեժխնդիր հայ զինվորների համա-

¹ Խմբապետ Մարտիրոս Աբրահամեան, Ոչվ. աշխ., էջ 289:
² ՊԱ, ֆ. 57, ց. 5, գ. 102, ք. 53:

¹ Նույն տեղում, ք. 54:

² Նույն տեղում, ք. 53:

գործերին: Այդ կովում կամավորների ավարն էր 5000 ոչխար, 2000 տավար եւ մի քանի ձի¹:

Սեպտեմբերի 13-ին պատժիչ զորախումբը ձեռնամուխ է լինում Ջիլանի քրդերի «մաքրման» գործողութիւնների իրականացմանը: Որպեսզի գործողութիւնն ընթանար առավելագույն արդյունավետութեամբ, զորախմբի հրամանատարութիւնը վճռում է նախ եւ առաջ գրավել եւ փակել քրդերի փախուստի հնարավոր, դեպի Ջիլանաձոր եւ Բերկրի տանող ճանապարհները: Լուսաբացին երկու հարյուրակ արագորեն առաջ է շարժվում եւ մոտենալով այդ անցատեղերին՝ փակում նահանջի ուղիները, իսկ զորախմբի մյուս ուժերը գրեթե նույն ժամանակամիջոցում հարձակվում են քրդերի բնակատեղերի վրա: Պատժիչ զորախմբի հուժկու հարվածներից սարսափի մատնված քրդերը, հասկանալով իրենց վիճակի ողջ անհուսալիութիւնն ու կործանման ստույգ վտանգը, փորձում են բանակցութիւնների մեջ մտնել հարձակողների հետ: Կամավորների պահանջը միակն էր, բոլոր տղամարդիկ եւ առաջին հերթին նրանց առաջնորդները՝ շեյխ Մարուֆը եւ Մուստաֆա բեկը իրենց որդիներով եւ եղբորորդիներով, առանց որեւէ նախապայմանի պետք է զինաթափվեին եւ հանձնվեին: Քրդերը, շատ լավ ճանաչելով հայերին եւ ճիշտ գնահատելով նրանց ասպետական կարողութիւններն ու բարի վերաբերմունքը, դիմում են խորամանկութեան:

«Քիւրտերը չը համաձայնեցան եւ կռիւր շարունակեցին նկատի առնելով, որ մերոնք կանանց եւ երեխայոց կը խնայեն, իրենց կիները եւ երեխաները դիզեցին մեր գնդակներուն հսկողութեան ներքեւ եւ այրերը ձորին հանդիպակաց կողմը քարերու, կենդանիներու, կանանց մէջ զանազան տեղեր դիրք բռնեցին...»²:

Կռիւր չթուլացող ուժգնութեամբ շարունակվում է գրեթե հինգ ժամ: Այդ օրը եղանակն ավելի քան բարեհաճ ու գթասիրտ է գտնվել քրդերի նկատմամբ: Կովի ժամանակ սաստկորեն տեղացել է կարկուտ եւ անձրեւ, ու քրդերի մի մասը, օգտվելով բնութեան ընձեռած շոյլ պարզեւից, կարողանում է փախչելով ազատվել: Հայ զինվորները, փակելով քրդերի փախուստի հնարավոր ճանապարհները, կազակների համագործակցութեամբ շրջապատում են եւ անխնա կոտորում իրենց հարվածների տակ հայտնվող քուրդ տղամարդկանց:

Ջիլանի քրդերի հաշիվները մաքրելուց հետո Դրոյի զորախումբն անցնում է հյուսիս եւ գերեզարում ու զինաթափում այդ

շրջանների քրդերին: Մի հետաքրքիր փաստ. այն շրջանի քրդերը, որոնք չէին մասնակցել հայերի կոտորածներին ու առանց դիմադրելու դիմավորել էին կամավորներին, նրանց կողմից որեւէ բռնութեան չեն ենթարկվել: Նրանք միայն զինաթափվել են ու վնասագործվել:

Հայերի վրեժխնդրութեան հաջորդ գոհը հայ բնակչութեան նկատմամբ իրենց ընդգծված դատաւարութեամբ աչքի ընկած Ալադաղի եւ Դիադինի քրդերն էին, որոնք լսելով պատժիչ զորախմբի գործողութիւնների մասին՝ այդ օրերին անցել էին Թուրքի կողմը եւ պատսպարվել Թանթուրաքի արոտավայրերում եւ քարանձավներում: Պատժիչ զորախումբը սրարշավ մոտենում է Թուրքիին, նախ բռնում եւ պատշաճ դատաստանի է արժանացնում Ալադաղի եւ Դիադինի քրդերին ապաստանողներին, ապա հարձակվում այդ վայրերում պատսպարվածների վրա:

«Մերոնք պատժեցին մեծ Թուրքի աչքի ընկնող մարդիկ, մնացածին ձեռք չը տուին: Միւս կողմանէ հաց տանող քիւրտերը հարցաքննեցին, որոնք եւ առաջնորդեցին դէպի Թշնամին: Քիւրտերը բաժանուած էին երկու մասի, մէկ մասը, որ կարելի եղաւ գտնել, պատսպարուած էր քարաժայռերի մէջ, ձորին բերանը: Մերոնք մօտենալով եւ զանազան բաներ վառելով ծուխ առաջ բերին: Մէկ մասը խեղդուեցաւ եւ միւս մասը անձնատուր եղաւ»:

Մոտ մեկ ամիս է տեւում «Ալադաղ» պատժիչ զորախմբի արշավանքը: Հայրենակիցների կործանման ցավով ու վրեժխնդրութեամբ բռնկված Դրոն Ջեմլյակի, Յապոնի, Խոսրովի հեծելախմբերի եւ փոխգնդապետ Կորուկովի զորամասի գլուխ անցած՝ ներխուժում է Դոմպանտի, Ջիլանի եւ Ալադաղի շրջանները եւ մոտ մեկ ամիս տեւողութեամբ ընթացող կռիվներում, առանց խնայելու, կոտորում այդ շրջանների թուրք-քուրդ խմբերին, որոնք ամենավայրագ ձեւով էին հաշվեհարդար տեսել հայերի հետ:

«Ալադաղի (Մադկանց լեռինք) քրդութիւնը պատժելուց յետոյ՝ շարունակում է Մարտիրոսը, - Դրոն վերադարձաւ Ջեմլեակի, Եապոնի ու Խոսրովի երեք հեծեալ հարիւրեակներով, իսկ Կորուկովի սահմանապահ հարիւրեակն էլ գնաց իր կայանը»²:

Պատժիչ արշավանքը ունեցավ փայլուն եւ արդյունավետ ավարտ: Արշավանքի ժամանակ զոհվում են 6 հայ կամավորներ, իսկ ռուս զինվորներից՝ ընդամենը 4 վիրավոր³:

¹ Տե՛ս նույն տեղում, էջ 55:

² Նույն տեղում, էջ 56:

¹ Նույն տեղում:

² Խմբապետ Մարտիրոս Արքահամեան, ԳՂՎ. աշխ., էջ 289:

³ Տե՛ս ՅԱԱ, ֆ. 57, ց. 5, գ. 102, ք. 56:

Արժանվույնս գնահատելով Դրոյի ներդրումը «Ալադադի արշավանք»-ը մեծ վարպետութեամբ ու արդյունավետութեամբ իրականացնելու գործում, Տիգրան Դեւոյանը, որն այդ ժամանակ ծառայում էր գեներալ Օգանովսկու գլխավորած 4-րդ կորպուսի հետախուզութեան բաժնում, գրում է. «Ալադադը կարճ ժամանակուան մէջ մաքրուեց Դրոյի եռանդին եւ տեղին լաւ ծանոթ լինելու շնորհիւ: Քիւրդերը քշուեցին Բիթլիսի ուղղութեամբ: Դրոյի խումբի ձեռքն անցաւ մօտ 30,000 տաւար, որի մէկ մասը բաժանուեց Հայ փախստականներին, իսկ միւսը՝ Հայ խմբերին¹:

Ըստ «Ալադադի արշավանք»-ի մասնակից Կ. Սասունու, արշավանքի արդյունքն է. «Մօտ 40 գիւղ եւ եայլախ ոչնչացան: Տասնեակ Հազար քրդեր բնաջնջուեցան...»

Արշաւոդ բանակը զինուորական գրաւման ենթարկեց աւելի քան 40,000 խոշոր գլուխ անասուններ, ինչպէս նաեւ ձիեր եւ բազմաՀազար ոչխարներ...»²:

Ըստ Մարտիրոսի եւ Տ. Դեւոյանի վկայութեան, քրդերից բռնագրաված ավելի քան երեք տասնյակ Հազարի Հասնոդ ոչխարների Հոտը եւ ավելի քան 5000 կովեր քշում են Երեւանի նահանգ եւ Հանձնում գաղթականութեանը եւ կամավորական զորախմբերին:

Ի տարբերութեան Մարտիրոսի եւ Տ. Դեւոյանի, Կ. Սասունին նշում է, որ քրդերից բռնագրաված բազմաՀազար կովերի ու ոչխարների միայն չնչին տոկոսն է բաժին Հասել գաղթականութեանն ու Հայ կամավորներին, իսկ «...մնացած ամբողջութիւնը ռուսական բանակի սեփականութիւնը դարձաւ»³:

Ալադադի արշավանքի Հաղթական ու արդյունավետ կռիվներից հետո, Համաձայն ռուսական զորաբանակի Հրամանատարութեան թույլտվութեան, արդեն կարելի էր կենսագործել դեպի Տարոն եւ Սասուն ծրագրած արշավանքը: Դրոն մեծ եռանդով պատրաստվում է արշավանքի, բայց դժբախտաբար արդեն ուշ էր: Սասունից ռազմակայան Հասած Ռուբեն Տեր-Մինասյանն ու Վահան Փափազյանը (Կոմս) գլուխում են Տարոնի եւ Սասունի Հայութեան բնաջնջման իրողութեանը: Սասունի լեռներում պատասպարված ժողովրդի կողմից օգնութեան Հայցող՝ օրեր առաջ Իգդիր Հասած մշեցի Նազարեթ վարժապետը ցնցող լուրի ներգործութեանից շանթահար՝ ասում է. «Ախ, ինչպես ինձի մտիկ չըրին, - կ'ըսէր սրտաշարժ

Հառաչանքով մը, - եթէ կամաւորական մէկ խումբ զրկելու ըլլային, այդ շրջանի բոլոր ժողովուրդը կ'ազատուէր, որովհետեւ, արդէն թիւրք իշխանութիւնը շատ աննշան թիւով զօրք ունէր այնտեղ, եւ անոնք ալ «Հայ Ֆիդայի» անունէն սարսափահար պիտի փախչէին:

Գլուխը կախեց կրծքին վրայ. քանի մը ըտպէ լուռ մնալէ յետոյ ըսաւ. «Վահան Փափազեանը (Կոմս) իր վերջին նամակով Սասունէն կը գրէր: Ամէն առաւօտ, երբ արշալոյսը կը շառագունէր Սասունի լեռնակատարէն, աչքներին այն կողմ յառած օգնութեան կսպասեց: Մ'ըր է Անդրանիկը, ո'ւր է Արամը...»⁴:

Նահանջից հետո Դրոյի 2-րդ զորախումբը, մի քանի օր Իգդիրում անցկացնելուց հետո, մեկնում է Երեւան եւ Հանգստանալու նպատակով մոտավորապես մեկուկես ամիս մնում այնտեղ:

Ռուսական զորքերի նահանջը ոչ միայն թուրք իշխանութեանն ենթին հնարավորութեան շնորհեց ջարդերի ալիքը սփռել Տարոնի, Սասունի եւ Հայկական մյուս գավառներում, այլեւ Հուսախաբութեան եւ դասալքութեան տրամադրութեաններ սերմանեց Հայ կամավորական զորախմբերի դերի շարքերում:

Հայ կամավորական զորախմբերի մարտական գործողութեանները ներկայացնող տեղեկագրի ընութագրմամբ՝ «Նահանջը ահռելի դժբախտութեանն ու աղետ պատճառեց Վանի նահանգի ողջ բնակչութեանն ու մասնավորապես կամավորներին: Արարատյան զորախումբ, որը իրեն փայլուն կերպով էր դրսեւորել Հատկապես Վանի մարտական գործողութեանների ավարտական փուլում ու դաժան փորձութեանների դիմացել երկու ամիս (10 մայիսի-19 Հուլիս) տեւողութեամբ ընթացող բազմաթիվ կռիվներում՝ կազմալուծվեց: Բազմաթիվ կռիվների մասնակցութեանից հոգնած ու մեծագույն զոհողութեանների գնով իրենց մարտական նվաճումների կորստից հիասթափված կամավորները Հասնելով Իգդիր՝ սկսում են ցրվել: Հատկապես արեւմտահայերը, որոնք կազմում էին կամավորների մեծամասնութեանը, իրենց Հարազատներին որոնելու պատրվակով լքում էին մարտաշարքերն ու մեկնում իրենց ծննդավայրերը...»⁵:

Ջորախմբերում կամավորների մարտաշարքերը գնալով ավելի ու ավելի էին նորանում:

Ռուսական զորքերի նահանջի հետեւանքով, չորս զորախմբերում մարտնչող, Հուսալքութեան գիրկն ընկած ավելի քան 4000

¹ «Չայրեմիք» ամսագիր, 1957, սեպտեմբեր, էջ 15:

² Սասունի Կ., Թրքահայաստանը Ա. աշխարհամարտի ընթացքի(1914-1918), էջ 105:

³ Նույն տեղում:

⁴ «Սպարեզ», թիւ 468, էջ 5:

⁵ ՀԱԱ, ֆ. 121, ց. 1, գ. 8, թ. 23:

կամավորներից մնացել էին ընդամենը 12000 մարտիկներ, որոնք ըստ վերոհիշյալ տեղեկագրի՝ «...ծայրահեղ հոգնած էին ու խիստ կարիք ունեին հանգստի»¹:

Հայ ժողովրդի գոյապայքարի բախտորոշ ժամանակահատվածում գերմարդկային ջանքեր էին գործադրում Հայոց Ազգային Բյուրոն, որի, ինչպես նաև կամավորական զնդերի հրամանատարությունների նպատակալաց աշխատանքի շնորհիվ ոչ միայն հնարավոր եղավ կասեցնել մարտախմբերում սկիզբ առած դասալքությունն ու անկարգապահությունը, այլև Երեւանի մեջ կազմել երկու նոր մարտական զորախմբեր՝ 6-րդ եւ 7-րդ:

«Կովկասյան բանակի շտաբի հետ տարված բանակցություններից հետո որոշվում է. 1. թողնել 3-րդ եւ 4-րդ զորախմբերը Դիլմանում եւ նրանց համալրման համար 6-րդ եւ 7-րդ զորախմբերից առանձնացնել 750 մարդ: 2. Կարճ ժամանակամիջոցում համալրել եւ դարձյալ ճակատ ուղարկել 1-ին եւ 2-րդ կամավորական զորախմբերը:

Համաձայն այդ որոշման, օգոստոսի 8-ին Դիլման են ուղարկվում 750 կամավորներ եւ քայլեր ձեռնարկվում 1-ին եւ 2-րդ զորախմբերը վերակազմավորելու ուղղությամբ:

Աստիճանաբար գալիս են նոր կամավորներ եւ վերադառնում զորամասերը լքած զինվորները²:

Ըստ վերոհիշյալ տեղեկագրի՝ զորախմբերի կազմավորումը շարունակվում է երեք ամիս (օգոստոս, սեպտեմբեր, հոկտեմբեր): Համաձայն 4-րդ կորպուսի հրամանատարության 1915 թ. օգոստոսի 3-ին ստորագրած թիւ 61 հրամանի՝ Հայկական բոլոր կամավորական զորախմբերը ենթարկվելու էին Կովկասյան 1-ին բրիգադի հրամանատար գեներալ մայոր Յուրկեւիչին, որին տալիս են ղեկիցիայի հրամանատարի կարգավիճակ³:

Պիտի նշել, որ այդ որոշումը միանգամայն համահունչ էր Հայոց Ազգային Բյուրոյի ցանկությանը:

Դրոն, Երեւանում համալրելով նախորդ մարտերում զգալի կորուստներ կրած 2-րդ կամավորական զորախումբը, նույն տարվա նոյեմբերի 26-ին իր զորավաշտերի գլուխն անցած ուղեւորվում է Իգդիր, մի փոքր անց՝ Բատնու: Այս անգամ նրա գլխավորած զորախումբը բաղկացած էր 1240 կամավորականներից, որից 585-ը՝ արեւելահայեր էին իսկ 655-ը՝ արեւմտահայեր:

¹ Տե՛ս Լույն տեղում:

² Լույն տեղում, թ. 22:

³ Տե՛ս Լույն տեղում:

1916 թ. սկզբներին Կովկասյան հրամանատարությունը ձեռնարկում է վճռական եւ խոշոր մարտական գործողություններ ռազմաճակատի մի շարք ուղղություններում: Գլխավոր՝ Կարին, Մուշ եւ Բիթլիս ուղղություններում կենտրոնանում են Հայ կամավորական զնդերը: Դրոյի 2-րդ կակավորականը, որը հանդիսանում էր գեներալ Աբացեւի զորամասի առաջապահ ջոկատը, գործելու էր Խնուս-Մուշ ուղղությամբ: 1916 թ. ձմռանը իրականացվող ռազմական գործողությունները Արեւմտահայաստանի ազատագրման ձգտումներով համակված ռազմադաշտ մեկնող կամավորական զորախմբերի 5-րդ արշավանքն էր:

Ինչպես նախորդ երկու արշավանքներում, այս անգամ էլ Դրոյի հետ էին զորախմբի 1-ին եւ 2-րդ հեծյալ զորավաշտերի հրամանատարներ Ջեմյակն ու Յապոնը, 1-ին, 2-րդ եւ 3-րդ հետեւակային վաշտերի հրամանատարներ Դալի Ղազարը, Բաշգառնեցի Մարտիրոսն ու Մեծ Ղազարը (Ղազար Քոչարյան)¹:

Կամավորների ոգեւորությունը, օր առաջ մարտադաշտ մեկնելու ցանկությունը բարձր էր: Դարձյալ հնարավորություն էր ընձեռնվել Հայրենի հողը վերջնականապես ազատագրելու եւ կոտորածներից ազատված Հայության վերջին բեկորները փրկելու համար:

«Շատ ժամանակ, գրում է Մարտիրոսը, չէր անցել այն օրուանից, երբ ստիպուած կոնակ դարձրինք Սասնոյ ժողովրդին, առանց կարողանալու դոյզն օգնութիւն իսկ հասցնել նրան: Վրէժխնդրութեան կրակը կրկնակի ուժգնութեամբ բոցավառուած մեր հոգիներում, ահա թէ ինչու այնքան անհամբերութիւն կար բոլորիս մէջ»²:

Այդ ժամանակ ուսսական զորքերի նահանջի հետեւանքով ռազմաճակատի գիծը կրճատվել էր: Եթե մինչեւ 1915 թ. ամառը ուսսական ճակատը Վանի լճի հարավ արեւմտյան ափից՝ Դատուանից, ձգվում էր Ախլաթի վրայով մինչեւ Մանազկերտ ու այնտեղից Ալաշկերտ, ապա այժմ, երբ ռազմաճակատի գիծը կրճատվել էր, սկսվում էր Ոստանից եւ այնտեղից Վանի եւ Բերկրիի վրայով Բատնու եւ Ալաշկերտ³:

Նոյեմբերի վերջերին ուսսական զորքերը՝ վերսկսելով հարձակումը հաստատվում են Արճեչ-Բատնու բնագծերում: Արճեչը Բատնուից բաժանվում է Մաղկաց լեռներով եւ դրանց կապող հաղորդակցության ուղին անցնում է Զիլանի ձորով, որը գրեթե մշտապես

¹ Տե՛ս Խմբապետ Մարտիրոս Աբրահամեան, Ըշվ. աշխ., էջ 90-91:

² Լույն տեղում:

³ Տե՛ս Ահարոնեան Վ., Անդրանիկ Մարզը եւ Ուազմիկը, Բոսթըն, 1957, էջ 56:

ենթարկվել է քրդական զինյալ Հեծելախմբերի Հարձակումներին: Ռուսական հրամանատարությունը Արճեշ-Բատնոս ձգվող տարածքը քրդական ցեղախմբերից մաքրելու նպատակով առավելապես օգտագործում էր Հայկական զորախմբերին:

Թուրքական հրամանատարությունը մի շարք կռիվներում կորցնելով մեծ քանակությամբ մարտական ուժեր եւ ռուսական զորքերի հարձակումը խոչընդոտելու նպատակով, ավելի է ակտիվացնում քրդական հրոսակախմբերի գործողությունները: Քուրդ Հեծելախմբերի անակնկալ եւ պարբերաբար շարունակվող հարձակումները վտանգավոր կացություն են ստեղծում ռազմաճակատի թիկունքում: Նոյեմբերի վերջերին ու դեկտեմբերի սկզբներին քրդերի գործած հարձակումների եւ ավերածությունների հետեւանքով խափանվում են ռուսական տարբեր զորամիավորումների միջեւ հաղորդակցության ուղիները: Ռազմաճակատի թիկունքը մաքրելու ու հաղորդակցության ուղիները վերականգնելու նպատակով ռուսական բանակի հրամանատարության կարգադրությամբ Հայկական կամավորական 1-ին եւ 2-րդ զորախմբերից կազմվում է երկու արշավախումբ:

Առաջադրանքը կատարելու նախօրեին Դրոյի 2-րդ կամավորական զորախումբը գտնվում էր Բատնոսում, իսկ Անդրանիկի 1-ին կամավորականը՝ Արճեշում:

Ձմռան դաժան պայմաններում Հայկական 1-ին եւ 2-րդ կամավորական զինախմբերը հրաշալիորեն կատարեցին մարտական առաջադրանքը: Ծնորհիվ Հայ կամավորների անբասիր մարտական գործողությունների, ոչ միայն մաքրվեց թիկունքը եւ վերականգնվեցին հաղորդակցության ուղիները ռուսական զորամասերի միջեւ, այլեւ բավարար հնարավորություն ստեղծեցին հետագա ռազմական գործողությունների ծավալման համար:

Վարդգես Ահարոնյանը, որն այդ ժամանակ որպես Անդրանիկի համհարզ եւ 1-ին կամավորականի քարտուղար գտնվում էր ռազմաճակատում, նշում է. «...Արճեշի ռուսական զորախմբի եւ Պանոսի չրջանի ռուս ոյժերի միջեւ կապ հաստատելու համար մեր գունդը եւ ռուս կողակների մի հարյուրակ, եւ Դրոյի գունդը Պատնոսից մի քանի անգամ արշաւանք են կազմակերպել Ջիլանի ձորը թշնամուց ազատ պահելու համար: Բայց ամեն անգամ Ջիլանի ձորը թշնամուց մաքրելուց յետոյ, երբ մեր ոյժերը Արճեշ ու Բատնոս են վերադարձել, քիւրդերը, շատ չանցած, նորից իջել են Ջիլանի ձոր... Հոկտեմբերի, նոյեմբերի ընթացքում մեր եւ Դրոյի զորախումբը ստիպուած են եղել մի քանի անգամ, բաւական զոհեր տալով մաքրել Ջիլանի ձորը, մինչեւ որ դեկտեմբերին ձիւնը ծածկել է Ջիլանի ձորը...»

Ջիլանի ձորի կռիւները ղեկավարել էր Սմբատը...»¹:

Թեպետ Վ. Ահարոնյանի այն պնդման, որ «դեկտեմբերին ձիւնը ծածկել է Ջիլանի ձորը եւ անկարելի դարձրել ռազմական շարժումները...», Դրոյի զորախումբի մարտական ուղին ներկայացնող ռազմական ամփոփագրերը մատնանշում են, որ 2-րդ կամավորականը, այնուամենայնիվ, շարունակել է մարտական գործողությունները:

Համաձայն այդ ամփոփագրերի տեղեկացման «...Բ. գունտին վրայ պարտք էր դրուած պաշտպանել Սանճանի զօրամասի ձախ թեւը եւ հետախուզութիւններ կատարել Կորչեն, Ատիլճէվազի, Արճեշի եւ Մանազկերտի ուղղութեամբ: Այդ նպատակով Հայկական ձիւնը խումբերը ուժեղացուած էին 100 կազակով ու 200 հետեակ ռուս զինուորներով»²:

Առաջադրանքը հաջողությամբ կատարելու համար նախ եւ առաջ հարկավոր էր իմանալ թուրքական բանակի, քրդական ուժերի, նրանց տեղաբաշխման վերաբերյալ որոշակի տեղեկություններ: Այդ նպատակով 2-րդ կամավորականի հրամանատարությունը կազմակերպում է հետախուզություն եւ հետախուզյունների ջանքերով գերի վերցրած թուրք զինվորներից ու քրդերից տեղեկանում. «...Թրքական կառաւարութիւնը կը կազմակերպէր Կոփէն դէպի Ախլաթ մինչեւ Սիփան գտնուած քիւրտերը, որոնց բաժնած էր 1500 հրացան: Հետախուզութիւնը ուժեղացուցին եւ յիսնապետ Յակոբին հետ յիսնեակ մը զրկեցին Սիփանի ուղղութեամբ»³:

Ձեռնամուխ լինելով առաջադրանքի կատարմանը՝ ջոկատը Սիփան տանող ճանապարհին հանդիպում է թուրքական առաջապահ ուժերին: Մեկ վաշտով եւ 800 քուրդ զինյալների կազմով Բատնոսի արեւմուտքում գտնվող Թիրամուտ գյուղի մոտակայքում դարանակալելով Հայ հետախուզյուններին, թուրքերը փորձում են անակնկալի բերել եւ ջախջախել նրանց: Անսպասելիորեն Հայտնվելով հակառակորդի թակարդում՝ խումբն ընդունում է մարտահրավերը եւ առանց խուճապի, անկոտորում դիմադրությամբ սկսում քայլ առ քայլ նահանջել դեպի Բատնոս ու հասցնում իրենց վիճակի մասին լուր ուղարկել հրամանատարությանը: Մինչ օգնության կանչով ուղարկված հետախուզյուն կհասցնել հրամանատարությանը հաղորդել պատահարի մասին՝ Դրոն, լսելով հրաձգության ձայնը, իրադրությունը տեղում պարզելու նպատակով դեպքի վայրն է

¹ Նույն տեղում:

² ՀԱԱ, ֆ. 157, ց. 5, գ. 106, ք. 5:

³ Նույն տեղում:

ուղարկում խորով եղիագարյանի գլխավորած հիսնյակը: Օգնութունը ճիշտ ժամանակին էր: Հասնելով մարտադաշտ՝ խորովի հիսնյակը միանում է հետախույզների ջոկատին եւ հանպատրաստից դիրքավորվելով միահամուռ համազարկերով կասեցնում հակառակորդի առաջխաղացումը: Քանի որ արդեն մուլթն ընկնում է, երկուստեք դադարեցնում են գործողութիւնները եւ սպասում լուսաբացին:

Լույսը բացվելուն պես 2-րդ կամավորականը կենտրոնացնում է ողջ ուժերը եւ կազակական հարյուրյակի համագործակցութեամբ անցնում հարձակման:

«Միւս օրը լուսաբացին մերոնք սկսան յառաջ խաղալ, մի փոքր դիմադրութիւնէ մը ետքը թշնամիին ձիաւորն ալ նահանջեց դէպի Կէլէրաշ: Ժամը 10-ին սկսուեցաւ ընդհանուր յարձակումը Կէլէրաշի վրայ: Գնե՛րալը, տեղեկանալով դրութեանը, անմիջապէս ղրկեց 4 գնդացի, 2 թնդանօթ եւ մէկ գումարտակ, որոնք հագիւ հասան ժամը 4-ին, երբ արդէն ջարդուած թշնամին կը հալածուէր...»

Բ. գունտը եւ կազակները այս կռիւներուն ստացան 15 Գէորգեան խաչ եւ 20 մէտալ Գէորգեան ժապաւէնով¹:

Ջախջախելով հակառակորդի առաջապահ ուժերը՝ զորախումբը, անգամ փոքր-ինչ դադար չառած, հրամանատարութեան կողմից ստանում է հաջորդ առաջադրանքը՝ անհապաղ շարունակել հետախուզութիւնը եւ պարզել Կոփի շրջանում տեղաբաշխված հակառակորդի ուժերը եւ անհրաժեշտութեան դեպքում նաեւ դիմել հարձակման: Ձմռան խստաշունչ պայմաններում, առանց դադարի, մարտական պատասխանատու առաջադրանքների կատարումը, մեղմ ասած, Հեշտ գործ է:

«Դեկտեմբերի 16-ի գիշերը ժամը 2-ին շարժուեցան դէպի Մանազկերտ: 24 աստիճան ցուրտ կը տիրէր: Բ. գունտին ետեւէն կուգային ռուսական երկու գումարտակ հետեւակներ, որոնք պիտի ամրանային Մանազկերտի մէջ եւ հակառակ պարագային պիտի պաշտպանէին մերոնց»²:

Մանազկերտում ընդամենը մեկ օր մնալուց հետո Դրոյի զորախումբը, որին դարձյալ օգնելու էր կազակական հարյուրակը, շարունակում է առաջխաղացումը եւ հետախուզութիւն կատարելուց հետո հաջորդ օրն եւեթ հարձակվում Կոփում դիրքավորված թուրքերի եւ նրանց աջակցող քրդերի վրա: Գործողութեան հաջողութիւնը պետք է ապահովվոր հարվածների արագութեամբ ու հանկարծակիութեամբ:

«Որոշուեցաւ, որ մեր հեծելազօրքը 1 հարիւրեակ կազակներու հետ միասին յարձակուեն Կոփի վրայ:

...Ժամը 10-ին մօտեցան աննկատելի կերպով Կոփին: Մառախուղը պատած էր ամէն կողմ: Ժամը 11-ին անցան Կոփի չայը, շղթայ կազմելով եւ ուռա գոչելով յարձակուեցան: Թշնամիին ահաբեկուած պահակները առանց հրացան արձակելու սպանուեցան: Ատոնք Համիտիյէ գունդերուն կը պատկանէին:

... Համիտիյէ գունդերը գլուխները կորցուեցած տուներու լուսամուտներէն անդիէն անկանոն հրաձգութիւն կը կատարէին...»¹:

Կովի համազարկերի արձագանքներից տեղեկանալով հայկական ուժերի հարձակման մասին՝ Կոփի մոտակայքում գտնվող թուրքական զորավաշտերը շտապում են օգնութեան եւ թնդանօթներից տեղացող կրակով եւ հետեւակագործի գրոհներով փորձում հայ զինվորներին դուրս բերել գյուղի տարածքից եւ բաց դաշտում նրանց հետ հաշվեհարդար տեսնել: Սակայն դա սոսկ ցանկութիւն էր: Արագորեն վնասագործելով քրդերին՝ կամավորները հետ են մղում թուրքերի գրոհները եւ անցնելով հարձակման՝ հուժկու հարվածներով ջախջախում թուրքական զորավաշտերը:

«Մեր կորուստները եղան այս ձեռնարկին մէջ 1 զինուոր, 3 հայու եւ 2 կազակի ձի սպանուած: Ցուրտէն սառած 25 հայ, 100 կազակ ու ռուս զինուոր: Հետախուզութիւնը տեւեց 48 ժամ անընդհատ: Մերոնք ստացան 8 խաչ եւ 4 մէտալ Գէորգեան»²:

Այս հաղթանակից հետո 2-րդ զորախումբը շարունակում է հարձակումը եւ մի քանի վայրերում ջախջախելով զորքերի հաղորդակցութեան ուղիների եւ թիկունքի վրա ասպատակող քրդական հրոսակներին, քշում է նրանց մինչեւ Սիփան:

Եթե ամփոփենք Դրոյի 2-րդ կամավորականի ձեռնարկն արշավանքի արդյունքները, ապա կարելի է ասել. զորախումբը, որի կազմում էին նաեւ կազակական մեկ հետեւակ եւ հեծյալ վաշտեր, ջախջախելով Բատոնուից մինչեւ Արճեշ եւ Սիփան ընկած շրջաններում գործող քրդական զինված խմբերին՝ հունվարի սկզբներին Աղի-Գյաղուկ լեռնանցքի մոտակայքում միանում է Անդրանիկի գլխավորած զորախմբին³:

Հունվարի 6-ին 2-րդ կամավորականը Մանազկերտի մոտ գետանցում է Եփրատը եւ ուղղութիւն վերցնում դեպի Խնուս:

¹ Լույս տեղում, էջ 57:

² Լույս տեղում, էջ 58:

¹ Լույս տեղում:

² Լույս տեղում, էջ 59:

³ Տե՛ս ՀԱԱ, ֆ. 121, ց. 1, գ. 8, ք. 22-44:

«Յուճուարի Զ-ի գիշերը, - նշվում է 2-րդ կամավորականի գործունեության լուսարանմանը նվիրված զինվորական ամփոփագրում, - ռուսական 4-րդ զորաբանակէն հրահանգ ստացուեց, որ հետեւեալ օրը անմիջապէս շարժուին դէպի Մանազկերտ, Սուճուարնջի, Շերանշէյխ եւ այնտեղ միանալ ձիաւոր գումարտակին, որը չէր կրցել անցնիլ թշնամիին ուժեղ ըլլալու պատճառով: Բ. գունտին կառաջարկուէր անմիջապէս անցնիլ Քարաքէօրբի թրքական դիրքերու ետեւը, որու դիմաց կը կռուին արդէն ռուսական հետեւակ պոլքերը...»¹:

Ստանալով մարտական առաջադրանքը՝ Դրոյի 2-րդ կամավորական զորախումբը հունվարի 10-ին սկսում է իր ռազմարշավը եւ մոտավորապէս հաղթահարելով 40 վերստ տարածութիւն՝ ճանապարհին ռուսական զորամասերի համագործակցութեամբ կարաքեօրբի բնակավայրի մոտակայքում հաղթահարում է թուրքերի դիմադրութիւնը եւ նույն օրը երեկոյան մուտք գործում Մանազկերտ: Ինչպէս եւ նախորդ ռազմարշավների ժամանակ, որպէս ռուսական բանակի առաջապահ ուժերից մեկը՝ զորախումբը պետք է գործեր հարձակման սուր ծայրում, ամենավտանգավոր տեղերում եւ իր հետեւից տաներ հարձակվող զորաբանակի հիմնական ուժերը: Պիտի նկատել, որ անընդմեջ ընթացող կռիւմներում, կամավորները բավարար ժամանակ չէին ունենում իրենց շարքերը համալրելու, փոքր-ինչ հանգստանալու ու կազդուրվելու համար:

«Մեր կամաւորական գնդերը, - նկատում է Վ. Ահարոնյանը, - առհասարակ, զինաւարժութեան եւ կարգապահութեան վարժուելու ժամանակ չէին ունենում: Հազիւ մի գնդի զինուոր արձանագրուած եւ հրացան ըստացած, մեր կամաւորները ուղարկուած էին ռազմաճակատ: Կամաւորներ կային, որոնք իրենց կեանքում առաջին անգամ էին հրացան ձեռք առնում եւ մի քանի օր չանցած արդէն կռուի ճակատ ուղարկուած: Բայց այդ անվարժ ու յաճախ անկարգապահ կամաւորները հիանալի կռուողներ էին»²:

Ընդամենը մեկ գիշեր անցկացնելով Մանազկերտում, 2-րդ զորախումբը, համաձայն վաղօրոք ստացած առաջադրանքի, առավոտյան վերսկսում է ռազմարշավը եւ դարձյալ անցնելով 40 վերստ տարածութիւն, նույն օրը մուտք է գործում Սուլթանլի, իսկ երեկոյան Շիրվանշէյխ: Ծանապարհի ողջ ընթացքում զորախումբն երբեմն հարկադրված է լինում մարտի բռնվել քրդերի հետ, որոնք

¹ ՀԱԱ, ֆ. 157, ց. 5, գ. 102, ք. 59:

² Սիարոնեան Ա., նշվ. աշխ., էջ 116:

ռուսական զորքերի ներկայութիւնից գլուխները կորցրած, թողնելով իրենց ողջ հարստութիւնը՝ սարսափահար փախչում էին: Քրդերի դիմադրութիւնն աննշան էր եւ գրեթէ չէր խանգարում զորախմբի արագ առաջխաղացմանը: Բայց երբ զորախումբը Շիրվանշէյխից անցնում է Ջարկեսիվկ, դեմ հանդիման բախվում է թնդանոթներով ու գնդացիներով զինված թուրքական զորավաշտերին, որոնք ռուսական զորքերի հիմնական ուժերին հանդիպելուց խուսափելու նպատակով նահանջում էին:

«Բ. գունդը ամբողջապէս մէկ հարիւրեակ կազակներու հետ շարժուեցան: Շատ դժուարին ճամբաներու պատճառով հետեւակը յոգնած եւ սպառուած էր: Ժամը 8-ին 200 առաջապահներէ լուր ստացանք, որ թշնամին յետ կը նահանջէ ռուսական գրոհին ներքեւ, իսկ իրենց ուժը քիչ է նահանջողներուն քամակը անցնելու համար»¹:

Հանդիպելով թշնամուն՝ Դրոն, չնայած զինվորների հոգնածութեանն ու ուժերի սահմանափակութեանը, իր զորախմբի եւ կազակների միացյալ ուժերով անվարան շարժվում է ընդառաջ եւ ընթացքից հարձակվում նրանց վրա: Հանպատրաստից նրա կիրառած մարտավարութիւնը պսակվում է հաջողութեամբ: Թուրքերն ընկնելով երկու՝ հետեւից եկող ռուսական գնդերի եւ ճակատից գրոհող Դրոյի զորախմբի հարվածների տակ, հայ զինվորներին դիմագրավելու համար թողնում են ընդամենը մեկ հարյուրյակ, իսկ հիմնական ուժերով սկսում անկանոն նահանջել: Արագորեն իրենց ճանապարհից վերացնելով թուրք հարյուրյակի հարուցած արգելապատնէշը՝ կամավորներն ու կազակները շարունակում են հետապնդել հակառակորդի հիմնական ուժերին եւ երեկոյան մարտադաշտ հասած ռուսական զորքերի համագործակցութեամբ շրջապատում եւ ոչնչացնում են նահանջողներին:

«...Թշնամին թողած էր 100 սպանուած եւ գերի թողած 300 զինուոր եւ 9 սպայ: Իսկ ռուսական ճակտին վրայ թողած էր 500 դիակ: Այդ օրը մեր զինուորները սարերէ ու ձորերէ անցնելով 40 վերստ ճամբայ ըրած էին»²:

Թուրքական զորքերը ռուսական զորագնդերի եւ հայ կամավորների հարվածներից մազապուրծ նահանջում են խնուս: Եթե անհապաղ չչարունակվեր նահանջող թուրքական զորքերի հետապնդումը, ապա նրանք կարող էին լրացուցիչ ուժեր մոտեցնել եւ շատ լավ ամրապնդվել խնուսում: Հարկավոր էր կանխել ու ի չիք դարձնել

¹ ՀԱԱ, ֆ. 157, ց. 5, գ. 106, ք. 59:

² Նույն տեղում, ք. 60:

Խնուում ամրապնդվելու թշնամու հնարավորությունը: Հունվարի 12-ին կամավորները վերսկսում են հարձակումը եւ արագորեն շարժվում դեպի Խնուս:

Մինչեւ Չամուրլու գյուղն ընկած տարածքը հակառակորդի հետնապահ ուժերն առավելապես սարսափի եւ ահաբեկվածության պատճառով որեւէ լուրջ դիմադրություն ցույց չեն տվել, իսկ գյուղի մերձակայքում մեկ ժամ դիմադրելուց հետո թուրք զինվորները, անկարող լինելով դիմադրավել կամավորների եւ կազակների ներդաշնակ ու հուժկու գրոհներին, թողնում են մարտադաշտն ու արագորեն նահանջում Խնուս:

«Մեր աջ եւ ձախ թեւերը լինելով զուտ ձիաւոր երկու կողմէն արքանի պէս կը սեղմէր ահաբեկած թշնամին, որ կեդրոնէն ալ հետապնդուած ողորմելիօրէն կը ջանար խուսափել, թողնելով ճանապարհին հիւանդներ, գէնքեր, ձիեր, շորիներ եւ այլն»¹:

Հունվարի 15-ին կամավորները ուսական Լաբինսկյան գնդի համագործակցութեամբ ջախջախում ու փախուստի են մատնում իրենց դիմակայող հակառակորդին, երեկոյան ներխուժում ե Խնուս եւ մինչեւ լույս մաքրում քաղաքը թշնամու զինվորներից:

«Չորս օրուայ ընթացքին Բ. գունդը կատարած էր 150 վերստ ճամփայ սոսկալի ցուրտով: Հետեւակը մասնաւոր կերպով գնահատութեան արժանի էր, որովհետեւ հակառակ այնպիսի զժուարու-թիւններու ետ չի մնաց եւ ձիաւորներու հետ համընթաց եղաւ:

Մեր կորուստները եղան հայերէն սպանուած 2 եւ 12 վիրաւոր եւ կազակներէն սպանուած 6 եւ 8 վիրաւոր եւ 25 ձի սպանուած:

... Թշնամին թողած էր 600 դիակ, առանց հաշուելու ձորերու, ճամփաներու եւ ասդին անդին մնացած դիակները...

Մեր Բ. կամաւորական գունդը իր անվեհեր եւ տոկուն զինուորական գործողութեանց համար ստացաւ ջերմ շնորհակալութիւններ: Գեներալը իր խօսքը սկսաւ «Քաջ հայեր» կոչելով: Գեներալի կողմէն հայկական գունդին եւ անոր հետ գործող կազակներու համար նշանակած է 20 Գէորգեան խաչ եւ 20 մէտալ Գէորգեան ժապաւէնով»²:

Խնուսի ազատագրումից հետո Դրոյի զորախումբը, նույն հաջողութեամբ, ուսական զորքերի համագործակցութեամբ շարունակում է հարձակումը:

1916 թ. փետրվարի սկզբներին ուսական զորքերի եւ հայ կամավորական զորախմբերի կողմից իրականացվող հարձակողական

գործողությունները դարձյալ պսակվում են հաջողութեամբ: Արդեն նույն ամսի 5-ին, Դրոյի առաջնորդած զորախումբը հնգօրյա դժվարին մարտերից հետո, հաղթահարելով հակառակորդի դիմադրությունը՝ առաջինն է մտնում Մուշ, իսկ մի քանի օր անց նոր միայն քաղաք է հասնում ուսական զորքը: Մուշ քաղաքն ազատագրելուց երկու օր անց Դրոն բարձրանում է Սասուն, ապա շարժվում Առաքելոց վանքը:

Վերջապես նա Տարոնում էր ու Սասունում, այն ֆիդայիների հայրենիքում, որոնց մասին ժողովրդի մեջ տարածված առասպելանման պատմություններն ազատութեան պայքարին զինվորագրվելու ձգտումներ էին սերմանել նաեւ իր հոգում: Բայց պատանեկութեան տարիներին նրա երազած հայոց ըմբոստ լեռնաշխարհի հերոսներն այլեւս չկային: Սոսկալի պատկեր էր տիրում հայոց հինավուրց հողում, Տարոնի ողջ բնակավայրերը թուրքերն ու քրդերը հասցրել էին քանդել ու վերածել մոխրակույտերի: Այժմ նրա զորագնդի մարտիկներին մնում էր հավաքել լեռների ծերպերում, թաքստոցներում պատսպարված եւ հրաշքով փրկված հայերին:

Փետրվարի 24-ին Բիթլիսի շրջանից դեպի Մշո դաշտ է շարժվում Անդրանիկի 1-ին կամավորական զորախումբը: Հայկական Նորչեն գյուղում Անդրանիկը հանդիպում է Դրոյի հրամանով Մուշից Բիթլիս տանող ճանապարհը պաշտպանող Դալի Ղազարի զինավաշտին: Վարդգես Ահարոնյանի (այդ օրերին ծառայում էր Անդրանիկի մոտ - Ղ.Գ.) վկայութեամբ, Անդրանիկին հիացրել են Դրոյի զինվորների կարգապահությունն ու մարտական կեցվածքը: Դալի Ղազարի վաշտի զինվորների խրոխտ տեսքից զգացված Անդրանիկը «... վրդովուած նետեց մեր գնդի զինուորների երեսին.

- Դուք ալ զինուոր էք, ասոնք ալ...»¹:

Մուշի գրավումից հետո 2-րդ կամավորական զորախմբի հրամանատարությունը ընդունում է գնդապետ Եզոր Տեր-Ավետիքյանը, իսկ Դրոն հիվանդութեան պատճառով տեղափոխվում է թիկունք՝ բուժվելու:

Նրա բացակայութեան ժամանակ զորախումբը մասնակցում է Տարոնի եւ Սասունի շրջանները թուրքերից եւ քրդերից մաքրելու կռիվներին, ապա տեղափոխվում Բիթլիսի ճակատ:

Կլիմայական բարդ պայմաններում Բիթլիսը գրավելու նպատակով ձեռնարկված մարտական գործողություններն ավարտվում են

¹ Նույն տեղում:

² Նույն տեղում, ք. 60-61:

¹ Սհարոնեան Վ., Եզվ. աշխ., էջ 115:

չափազանց բարեհաջող: Փետրվարի 18-20-ը թուրքական զորքերը լքում են Բիթլիսը: Այդ կովում 2-րդ կամավորական զորախումբը, համագործակցելով գլխավոր տեղամասում հարձակվող Անդրանիկի 1-ին կամավորական զորախմբի հետ, զգալի ավանդ է ներդնում Բիթլիսի եւ նրա շրջակա բնակավայրերի ազատագրման գործում, իսկ Դալի Ղազարի գլխավորած 1-ին վաշտը քաղաք ներխուժող զինվորների առաջին շարքերում էր:

Բիթլիսի գրավումից հետո Դրոյի զորախումբը վերադառնում է Մուշ: Ապրիլի 3-ին զորախումբ է վերադառնում ապաքինված Դրոն եւ վերստին ստանձնելով 2-րդ կամավորականի հրամանատարութունը, հաջորդ օրն իսկ իր զորավաշտերին առաջնորդում է մարտի: Նա արդեն գիտեր, որ Կովկասյան ռազմաճակատի գլխավոր հրամանատար մեծ իշխան Նիկոլայ Նիկոլաիչը որոշել էր ցրել հայ կամավորական զինախմբերը: Երկրորդ կամավորականի վաշտապետերը, տեղեկանալով այդ մասին, իրենց վրդովմունքն են հայտնում ու հրաժարվում մասնակցել արդեն ընթացող ճակատամարտին, սակայն Դրոն՝ դիմելով զինակիցներին ասել է. «-Ընկերներ, ես հասկանում եմ ձեր վրդովմունքը, սակայն առաջարկը մերժելը տգեղ վերաբերմունք է լինի մեր կողմից: Մինչեւ հիմա այսքանը կատարել ենք անտրտունջ, այս անգամ էլ առանց տրտունջի կը գնանք, կը մասնակցենք յարձակմանը, տղամարդավարի կը կատարենք մեր պարտականութիւնը ...

Դրոյի խօսքը օրէնք էր բոլորիս համար...ինչպէ՞ս կարելի էր առարկել նրան: Ուստի լռեցինք... »¹:

Եվ վերջին անգամ Արեւմտյան Հայաստանի Հողում Դրոն իր կամավորներին առաջնորդում է գրոհի Կազմագեադուկ բնակավայրում կուտակված թուրքական ջոկատների վրա: Այդ օրը տեղի ունեցած կովում 2-րդ զորախմբի մասնակցութունը փրկարար նշանակութուն է ունեցել ծանր վիճակում հայտնված ռուսական զորամասի համար: Հասնելով մարտադաշտ՝ զորախումբն անմիջապես դիմում է հարձակման: Կամավորների առաջին հարվածն անկասելի էր. թուրքական զորախումբը մեծ կորուստներով սկսում է նահանջել: Սակայն մարտադաշտ են հասնում թուրքական նոր գումարտակներ եւ նահանջող զինաջոկատների հետ հարձակվում հայ զինավաշտերի վրա: Թշնամու արձակած գնդակներից վիրավորվում է 2-րդ վաշտի հրամանատար Բաշգառնեցի Մարտիրոսը, սպանվում է հայ գո-

րադնդի կազմում գործող ռուսական վաշտի հրամանատար Իվանովը: Ռուս զինվորները իրենց հրամանատարի սպանվելու տեսարանից հուսալքված՝ դիմում են փախուստի: Մարտիրոսի վիրավորվելու պատճառով հրամանատարութունը կորցրած 2-րդ վաշտի հայ զինվորները, տեղի տալով թուրքերի գրոհներին՝ հետեւում են ռուսների օրինակին: Ջարմանալի եւ նախադեպը չունեցող երեւույթ էր: Դրոյի զինվորներն առանց հրամանի երբեք չէին նահանջել. «Դրոն, վկայում է Մարտիրոսը,- վրայ էր հասել: Յետ նահանջող կամաւորները, տեսնելով իրենց սիրելի հրամանատարին, կանգ էին առել:

Դրոն խառնիճաղանջ զօրքին կարգի էր բերել, յարձակուել թշնամու վրայ, վերականգնել դրութիւնը, յետ վերցրել ռուսների թողած գնդացիները, կարգով նահանջել ու ամրացել էր նախկին դիրքերում՝ Ջանգուկի բարձունքներում»¹:

Իսկ Դրոյի վաշտապետերից բաշգառնեցի Ղազար Քոչարյանը, անդրադառնալով այդ կովի մանրամասներին, նշում է. «Ճիշտ այդ միջոցին էր (նկատի ունի ռուս զինվորների փախուստի պահը - Ղ.Գ.), որ ռուս հրամանատարը օգնութիւն կը խնդրէր Դրոյէն: Վերջինը, թէպէտ էլ ոչ մէկ հնարաւորութիւն չունէր օգնելու, բայց եւ այնպէս կիսավաշտ մը օգնութեան կողարկէ, այսպէսով քաջալերելու համար ռուս զօրքը: Սակայն մինչ այդ, ռուսները արդէն նահանջել սկսած էին:

...Թշնամին երես առած ռուսներու անկարգապահ ընթացքէն, քայլ առ քայլ կը հետեւէր մեզ: Հազար ու մէկ տեսակ դժուարութիւններով, մեծ մասամբ Դրոյի շնորհիւ, կարելի եղաւ կանգնեցնելու զօրքը»²:

Ահա այս կովից հետո Դրոն իր զորախմբի հրամանատարութունը հանձնում է գնդապետ Սամարցեւին ու իր մի խումբ մարտական զինակիցների հետ ուղեւորվում Երեւան:

Հայ կամավորական զորախմբերի մարտական գործողութունների ուսումնասիրութունը ցույց է տալիս, որ պատերազմի ողջ ընթացքում մասնակցելով բազմաթիվ մարտերի ու մշտապես գործելով ռազմաճակատի ամենաշիկացած կետերում՝ 2-րդ կամավորականը հայ կամավորական մյուս զորախմբերի համեմատ, ունեցել է ավելի քիչ մարտկային կորուստներ:

Համաձայն կամավորական զորախմբերի մարտական գործունեութունները ներկայացնող ամփոփողի՝ 1915 թ. նոյեմբերից մինչեւ

¹ «Հայրենիք» ամսագիր, 1934, հունվար, էջ 82:

¹ Լույս տեղում:

² «Հայրենիք» ամսագիր, 1941, թիւ 2, էջ 118:

1916 թ. հունվարը, Դրոյի 2-րդ կամավորականը ունեցել է՝ 51 զուգ-ված, 104 վիրավոր եւ 44 ցրտահարված զինվորներ¹:

Այս փաստը, անկասկած, խոսուէն վկայութիւնն է հրամանատարի՝ Դրոյի զորավարական բացառիկ օժտվածութեան, կռիվներում նրա դրսեւորած կենսունակ ու խելամիտ մարտավարութեան:

Հարկ է նշել, որ հայկական զորախմբերի կազմավորման եւ նրանց հետագա գործունեութեանն առնչվող խնդիրների կենսագործման գործում Հայոց Ազգային Բյուրոյի եւ ցարական կառավարութեան միջեւ որոշակի ընդհանրութիւնների առկայութեան պայմաններում եղել են նաեւ խոր, ընդգծված հակասութիւններ:

1917 թ. սեպտեմբեր-հոկտեմբեր ամիսներին Թիֆլիսում գումարված Հայոց Ազգային համախորհրդակցութիւնում կամավորական շարժմանը նվիրված իր գեկույցում Հայոց Ազգային Բյուրոյի կամավորական զորախմբերի շտաբի պետ Նիկոլ Աղբալյանը, անդրադառնալով կամավորական զորախմբերի կազմավորման մանրամասներին ու ցարական կառավարութեան կողմից կամավորական զորախմբեր նկատմամբ դրսեւորած վերաբերմունքին՝ նշում է. «1915 թ. սեպտեմբերի վերջում կամավորական գնդերն այլեւս իբրեւ այդպիսիք գոյութիւն չունեին, նրանց մի մասը ցրվեց, զինապարտները լուծվեցին ռուսական զորքի մեջ իբրեւ սովորական զորամասեր: Ազգային Բյուրոյի եւ ցարական կառավարութեան մեջ կար բացարձակ հակադրութիւն, նույնիսկ թշնամանք: Մինչդեռ Հայոց Ազգային Բյուրոն աշխատում էր մեծացնել գնդերի թիվը, կառավարութիւնն ընդդիմանում եւ աշխատում էր եղածի ուժն ամեն տեսակ արգելքներով թուլացնել: Նա ընդառաջ չէր գնում գնդերի ամենատարրական, նույնիսկ տեխնիկական պահանջներին»²:

1916 թ. հայ կամավորական զորախմբեր գործուն աշկցութեամբ ռուսական զորքերի կողմից Արեւմտյան Հայաստանի գրեթե ողջ տարածքը գրավելուց հետո, Կովկասի նոր փոխարքա Նիկոլայ Նիկոլաիչի օրոք ցարիզմի քաղաքական բառապաշարից ընդմիջտ անհետանում է «Հայաստանի ինքնավարութիւն» հասկացութիւնը:

Հայոց Ազգային Բյուրոյին ու հայ կամավորական զորախմբերի հրամանատարութեանը դեռեւս հայտնի չէր Անտանտայի տերութիւնների միջեւ կնքված գաղտնի համաձայնագրի իրողութիւնը: 1916 թ. գարնանը Լոնդոնում եւ Պետերբուրգում կայացած բանակցութիւններում Անգլիան, Ֆրանսիան եւ Ռուսաստանը ստորագրել

էին Թուրքիայի բաժանման գաղտնի համաձայնագիրը, ըստ որի հայերին խոստացած տարածքները պիտի բաժանվեին երկու մասի:

1. Էրզրումի, Վանի ու Տրապիզոնի նահանգները (վիլայեթ) ստանում էր Ռուսաստանը:

2. Սիրիան եւ Կիլիկիան մինչեւ Խարբերդ բաժին էր հասնելու Ֆրանսիային:

Հայութեան եւ Հայաստանի նկատմամբ Ռուսական կայսրութեան դրսեւորած քաղաքականութեան անաչառ վերլուծութիւնն ու եզրահանգումը մատնանշում է, որ ցարիզմը հասել էր իր նպատակին: Իրականացվել էր Գալիցիաների ու Լոբանով-Ռոստովկինների վաղեմի ծրագիրը՝ «Հայաստանը մնացել էր առանց հայերի», եւ դատարկված Հայաստանը, համաձայն Անտանտայի տերութիւնների միջեւ կնքված վերոհիշյալ գաղտնի համաձայնագրի, պիտի վերածվեր կազակական բնակավայրերի: Հայկական ինքնավար նահանգների փոխարեն ստեղծվելու էին Եփրատյան ու Տիգրիսյան կազակութիւններ: Լուծարվում են, ինչպես արդեն նշվել է, մինչ այդ գլխավորապես ռուսական գեներալ-հաղթանակներին ծառայած հայ կամավորական զորախմբերը, որոնք ռուս իշխանութիւններին այլեւս պետք չէին:

Թիֆլիսում կայացած համախորհրդակցութիւնում խոսելով կամավորական զորախմբերի լուծարման պատճառների մասին, Նիկոլ Աղբալյանը վկայակոչում է հետեւյալ ուշադրավ փաստարկները. «Կառավարութեան թշնամանքը դեպի հայ կամավորներն ուներ մի այլ հիմնական պատճառ. այդպիսի մի զինական ուժ որոշ բարոյական կշռով չէր կարող հաճելի լինել բռնակալութեան: Այդ ուժը նկատվում էր իբրեւ մի վտանգ ապագայի համար: Ահա այդ էր պատճառը, որ կամավորների կատարած մի շարք փայլուն գործողութիւններն անտեսվում էին պաշտոնական մարմինների կողմից, չէին հրատարակվում, մի բան, որ խոր կերպով վիրավորանք էր հասցնում թե՛ մարտիկներին եւ թե՛ առհասարակ հայերի ազգային զգացմունքներին»¹:

Վերոհիշյալ Հայոց Ազգային համախորհրդակցութեան նիստերից մեկում ելույթ ունենալով եւ անդրադառնալով կամավորական խմբերի կազմավորման ու լուծարման եւ արեւմտահայութեան կոտորածների խնդիրներին, Դրոն ասում է. «...Ռուս կառավարութիւնը մեզ իրեն գործիք դարձրեց, եւ երբ մեր կարիքն անցավ, մեզ դեն չպրտեց: Մենք այնպես դժգոհ ենք Ազգային Բյուրոյից, որ մեզ կա-

¹ Տե՛ս ՀԱՍ, ֆ. 121, ց. 1, գ. 16, ք. 5:

² Բանբեր Հայաստանի Արխիվների, 1992, քիւ 1-2, էջ 79:

¹ Նույն տեղում, էջ 84:

ուսմանը հարկը նետեց, որ վերջիվերջո մեր խմբերը լուծեց իր-
րեւ Հեղափոխականների օջախներ: Պետք է մխիթարվենք, որ թեկուզ
ուշ, Հասկացանք կառավարության քաղաքականությունը մեր վե-
րաբերմամբ: Որ թուրքահայերի կոտորած պետք է լինեք, այդ ինքը
անկասկածելի էր համարում: Թուրքահայերը չէին կարող լույս
մտալ¹:

Համաձայն Անտանտի տերությունների միջեւ կնքված համա-
ձայնագրի՝ Հայկական նահանգների ու հայ բնակչության նկատ-
մամբ ձեւակերպվել է նաեւ ցարիզմի քաղաքականությունը:

1916 թ. Հունիսի 14 (27) Ռուսաստանի արտաքին գործերի նա-
խարար Սազոնովը գրում է Կովկասի փոխարքա Վորոնցով Դաշկո-
վին փոխարինած Նիկոլայ Նիկոլաիչին. «Հնարավոր է որոշ շրջա-
նակում հայերին տրամադրել դպրոցական եւ եկեղեցուն գործելու
ինքնուրույնություն, մայրենի լեզվից օգտվելու իրավունք: Կարելի
է տրամադրել նաեւ քաղաքային ու գյուղական ինքնավարություն
այն պայմանով, որ ընտրությունների ժամանակ հարգվի ազգաբ-
նակչության տոկոսային հարաբերակցությունը: Ոչ քրիստոնյա ազ-
գերի նկատմամբ պետք է կիրառել նույն սկզբունքներն այնքանով,
որքանով թույլ կտան տեղական պայմաններն ու նրանց մշակութա-
յին զարգացման աստիճանը»²:

Պատասխան նամակում Կովկասի փոխարքա Նիկոլայ Նիկոլաիչը
կտրականապես մերժում է թուրքահայաստանի ինքնավարության
գաղափարը, բայց դրա փոխարեն ընդունում է Սազոնովի տեսակե-
տը, ըստ որի կարելի էր հայերին տրամադրել դպրոցական ու եկեղե-
ցական ինքնուրույնություն, մայրենի լեզվից օգտվելու իրավունք:
Ըստ փոխարքայի պնդման, այդ բոլորը կարելի է տրամադրել հայե-
րին, եթե պաշտոնական գործառույթներում պահպանվի ուսուցիչն
լեզվի առաջնությունը³:

Այսինքն, համաձայն փոխարքա Նիկոլայ Նիկոլաիչի տեսակե-
տի, եթե նախատեսվում էր հային տալ մայրենի լեզվից օգտվելու
իրավունք, ուրեմն նրա համար ոչ թե հայոց լեզուն պիտի լինեք
առաջնայինը, այլ ուսուցիչները:

1916 թ. Հունիսի 6-ին կազմվել է թուրքիայից գրաված տարածք-
ները կառավարելու ծրագիրը, եւ գեներալ Պեչկովը նշանակվել է
այդ տարածքում կազմավորվող նահանգի նահանգապետ⁴:

¹ Սույն տեղում:

² Раздел Азиатской Турции по секретным документам, Москва, 1924, см. 42.

³ Տե՛ս նույն տեղում, էջ 44:

⁴ Տե՛ս նույն տեղում, էջ 48:

Հայուսթյան նկատմամբ նախորդ տարիների ցարիզմի դրսևորած
քաղաքականությունը ցույց է տալիս, որ այդ այդ ծրագրերը
կարող էին կյանքի կոչվել, եթե տեղի չունենար փետրվարյան Հեղա-
փոխությունը: 1917 թ. փետրվարյան Հեղափոխության Հետևանքով
ու ցարիզմի տապալումով այդ ծրագիրը մնաց թղթի վրա ու չիրա-
կանացվեց:

Ցարիզմի քաղաքականությունից խորապես հիասթափված Դրոն
թողնում է գինվորական ծառայությունը եւ արվելով դառը վշտե-
րին՝ թափառում Թիֆլիսում, Երեւանում, Իգդիրում եւ այլ վայրե-
րում: Նա երբեք չհամաձայնվեց կրելու իրեն բազմիցս առաջարկ-
ված ուսական սպայի ուսադիրները եւ մտնել բանակային ծառա-
յության մեջ:

Ս. Վրացյանի վկայությամբ՝ Դրոն այդ ժամանակ առավելապես
տրվել է ցուփ ու շվայտ կյանքի եւ հաճախակի «Ամբողջ գիշերներ լու-
սացնում էր թղթի սեղանի գլուխը կամ քէֆերի մէջ: Բայց ցաւը մնում
էր ցաւ. չէր ամոքում: Ընկերների յորդորները չէին օգնում...»¹:

Մի օր, երբ նրանք միասին հերթական անգամ այցելում են Իգ-
դիր, Դրոն Ս. Վրացյանին առանց նախապես զգուշացնելու, տանում
է մի անձանոթ տուն, ուր հավաքվել էին մեծ թվով հյուրերը եւ ա-
ռատորեն զարդարված սեղանների շուրջը բոլորած, ինչ-որ արարո-
ղություն էին նշում: Հավաքվածներն ընդգծված ջերմությամբ են
ընդունում Դրոյին ու Վրացյանին: Ճոխ խնջուքն ավարտելուն
պես, հավաքվածները, որոնց թվում նաեւ Դրոն, մեծ խանդավառու-
թյամբ տարվում են թղթախաղով:

Դրոն, ընդգծված հաճույքով եւ նաեւ ջղայնությամբ ու աղմկոտ,
մինչեւ լուսաբաց մասնակցել է թղթախաղին:

«Խաղացողները, շարունակում է Ս. Վրացյանը, աղմուկով սկսե-
ցին հաշուել շահ ու զէնը: Դրոն տարել էր 3600 ուրլի- ահարկու
մի գումար այդ օրերի համար...»

Նա բաժանեց թղթադրամները երեք մասի:
- էս մէկը քեզ, Կարմիր Խաչի համար, եւ յանձնեց տանտիկնոջ,
որ ՀԾԴ տեղական մասնաճիւղի նախագահն էր:

- էս մէկն էլ քեզ Կազմակերպութեան համար, տուեց Թոփալ
եղոյին:

- էս մէկն էլ- դարձաւ ինձ- առ, կը տաս Ռոստոմին, նա գիտէ
գործածելու ձեւը:

Եւ ձեռքերը կրծքին խաչածեւած, խղճալի տեսք առնելով կատակեց.

¹ Վրացեան Ս., Սրրկածին Դրո, էջ 93:

—էլ պրծաւ... Էս վերջինն է: Էլ ձեռքս թուղթ չեմ առնելու...»¹:

Շուտով Դրոն հայտնվում է կապալառուի պաշտոնով եւ ստանձնում Կաղզվան-Կողբ զինվորական ճանապարհի շինարարութեան վարձակալման իրավունքը:

«Շնորհիվ իր լայն կապերի, շարունակում է Ս. Վրացյանը, դիւրութեամբ ստացաւ զինուորական ճանապարհի շինութեան կապալը Կաղզուան-Կողբ գծի վրայ եւ եռանդով գործի անցաւ-դրամ շահելու: Ըստ սովորութեան գործի դրեց իր գնդի մարտիկ տղաներից շատերին, որոնք մի կողմից գերծ մնացին բարոյական արատներից, որոնց ենթակայ են գորացումի ենթակաները»²:

Դրո մարդը զարմանալի առեղծվածային երեւույթ էր: Հազվադէպ եւս ղեկավարէր, երբ նա որեւէ գործ ձեռնարկէր եւ հաջողութեամբ չհասնէր: Իր համար այս նոր, բոլորովին անձանոթ բնագավառում դարձյալ դրսեւորվում են նրա կազմակերպչական անբասիր ընդունակութեանները:

¹ Նույն տեղում:
² Նույն տեղում, էջ 94:

**3. 1. ՀԱՅԿԱԿԱՆ ԲԱՆԱԿԱՅԻՆ ԿՈՐԳՈՒՄԻ ԿԱԶՄԱՎՈՐՈՒՄԸ,
ԴՐՈՆ ԵՐԵՎԱՆԻ ՆԱՀԱՆԳՈՒՄ, ՄԱՀՄԵԴԱԿԱՆ
ՀՐՈՍԱԿԱՆՄԱԲԵՐԻ ԵԼՈՒՅԹՆԵՐԻ «ԽԱՂԱՂՆՅՈՒՄԸ»**

Փետրվարյան հեղափոխութեանից հետո իրավիճակը ոչ միայն Ռուսաստանում, այլեւ Կովկասի քաղաքական կյանքում եւ ռազմաճակատում կտրուկ կերպով փոխվում է:

Փետրվարյան հեղափոխութեան հետեւանքով Ռուսաստանի իշխանութեան ղեկն ստանձնած ժամանակավոր կառավարութեանը հաստատապես տրամադրված էր շարունակել պատերազմը եւ դաշնակիցների համագործակցութեամբ այն հասցնել հաղթական ավարտի: Ժամանակավոր կառավարութեան որոշմամբ լուծարվում են պետական կառավարման նախկին մարմինները, այդ թվում նաեւ Վորոնցով-Դաշկովի գլխավորած Կովկասի փոխարքայութեանը եւ նրա փոխարեն 1917 թ. մարտի 9-ին Պետական Դումայի նախկին հինգ անդամների՝ ազգութեամբ ռուս Վ. Խառլամովի (նախագահ), Մ. Պապաջանյանի (հայ), Ա. Չխենկելի, եւ Կ. Աբաշիճեի (վրացիներ), Մ. Զաֆարով (թուրք) կազմով հիմնվում է Անդրկովկասի հատուկ կոմիտե (ՕՅԱԿՈՄ):

Համաձայն տրված իրավունքների՝ Անդրկովկասի հատուկ կոմիտեն պիտի հանդես գար ժամանակավոր կառավարութեան անունից եւ գործեր հիմնականում ռուսական գործերի ու հայ կամավորական զորախմբերի կողմից ազատագրված Արեւմտյան Հայաստանի տարածքում: Փոքր-ինչ առաջ ընկնելով նշենք, որ այդ նորաստեղծ հատուկ կոմիտեն գործել է չափազանց թույլ եւ աչքի չընկնելով գրեթե ոչ մի կառուցողական, դրական գործերով՝ կարճատեւ ժամանակ անց լուծարվել է:

Պատերազմը շարունակելու նկատառումով ժամանակավոր կառավարութեան որոշմամբ Կովկասյան զինվորական օկրուգին փոխարինում է Կովկասյան ռազմաճակատը, որն իր գործունեութեանը պիտի համաձայնացնէր Կովկասում հաստատված նոր իշխանութեան՝ Անդրկովկասի հատուկ կոմիտեի (ՕՅԱԿՈՄ) հետ¹:

Հայաստանի ու Հայկական հարցի նկատմամբ Ռուսաստանի ժամանակավոր կառավարութեան դիրքորոշումն ու ընդունած որո-

¹ Տե՛ս ԳԱԱ, ք. 121, գ. 2, գ. 31, ք. 24:

շումները որոշակի հավաստ էին ներշնչել հայությանը, սակայն շատ շուտով Ռուսաստանի քաղաքական կյանքում կատարվում են այնպիսի կտրուկ ու շրջադարձային նշանակություն ունեցող իրադարձություններ ու փոփոխություններ, որոնք դառն հիասթափություն են պատճառում Հայաստանի պետականությունը վերականգնելու հույսեր փայփայող հայությանն ու ռուսական բանակում ծառայող Հայ սպաներին ու զինվորներին:

Ճիշտ է, ժամանակավոր կառավարությունը ձգտում էր եւ հաստատակա ծրագրել էր շարունակել պատերազմը եւ դաշնակիցների համագործակցությամբ այն հասցնել հաղթական ավարտի, սակայն Արեւմտյան ու Կովկասյան ռազմաճակատներում պատերազմական գործողությունները զարգանում են հակառակ ուղղվածությամբ: 1917 թ. ապրիլին Քիֆլիսում կայացած զինվորական խորհուրդների պատգամավորների Անդրկովկասի երկրամասային համագումարում կովկասյան բոլշևիկները մերժում են պատերազմը շարունակելու ժամանակավոր կառավարության դիրքորոշումը:

1917 թ. հեկտեմբերի 25-ին բոլշևիկները Տրոցկու եւ Լենինի առաջնորդությամբ Պետրոգրադում իրականացնում են պետական հեղաշրջում ու բռնազավթելով իշխանությունը՝ արմատապես փոխում են պատերազմի նկամամբ ժամանակավոր կառավարության որդեգրած ռազմավարությունը:

Մերժելով պատերազմը՝ իշխանությունը բռնազավթած խորհրդային կառավարությունը (ժողովրդական կոմիսարների խորհուրդ) 1917 թ. դեկտեմբերի սկզբներին հրահանգում է ռազմաճակատների հրամանատարներին՝ կապել հակառակորդի հետ ու ներկայացնել զինադադար կնքելու առաջարկությունն ու պայմանները¹:

Իհարկե, Ռուսաստանի, որը զուտ քանակական առումով ուներ ցամաքային ամենամեծ բանակը, դուրս գալը պատերազմից, խիստ շահավետ էր գրեթե պարտության չեմին հայտնված Գերմանիայի գլխավորած ռազմա-քաղաքական խմբավորման համար: Բնական է, որ Գերմանիայի գլխավորած Քառյակ միությունը պիտի սիրահոժաբար ընդուներ իրենց համար փրկարար նշանակություն ունեցող Խորհրդային Ռուսաստանի ներկայացրած հաշտություն կնքելու առաջարկությունը:

1917 թ. դեկտեմբերին Բրեստ-Լիտովսկում սկսվում են բանակցությունները Քառյակ միության եւ Խորհրդային Ռուսաստանի մի-

ջեւ: Բանակցություններն ընթանում են երեք փուլերով եւ մշտապես քննարկվել է հայկական տարածքներին վերաբերող հարցը: Քառյակ միության ներկայացուցիչները քաջատեղյակ լինելով Ռուսաստանում տիրող աղետալի կացությանն ու բանակի քայքայման, բարոյալքման ու ռազմաճակատը լքելու տրամադրվածության իրողությանը՝ ծանրագույն պահանջներ են ներկայացնում Ռուսական կողմին: 1918 թ. փետրվարի 3-ին Խորհրդային Ռուսաստանը ներկայացնող պատվիրակությունը ընդունում է Քառյակ միության կողմից իրենց ներկայացրած բոլոր պահանջները: Համաձայն այդ պայմանագրի՝ Ռուսաստանը պարտավորվում է առավելագույնս ուժ շաքախմբել ընթացքում գործերը դուրս բերել գրավյալ տարածքներից, զորացրել Հայ զինվորներից կազմված զորախմբերը եւ Թուրքիայի տնօրինությանը վերստին հանձնել Արեւմտյան Հայաստանը, Կարսի մարզն ու Սարիղամիշի շրջանը:

Իսկ Ո՛վ պիտի պաշտպաներ Արեւմտյան Հայաստանի ազատագրված տարածքներն ու Մեծ Եղեռնից հետո թուրք եւ քուրդ ջարդարարների սրից կոտորածներից փրկված հայության վերջին բեկորները: Զորքերը դուրս բերել գրավյալ տարածքներից ու ցրել հայկական ռազմական կազմավորումները միանշանակորեն հավասարազոր էր Արեւմտյան Հայաստանի կորստին:

1918 թ. փետրվարի 10-ին, Տրոցկին Բրեստ-Լիտովսկում Գերմանիայի գլխավորած ռազմա-քաղաքական խմբավորման ու Ռուսաստանի խորհրդային իշխանության ներկայացուցիչների մասնակցությամբ ընթացող բանակցությունների ժամանակ ժողովրդական կոմիսարների խորհրդի կողմից հայտարարում է. «... սրանով տեղեկացնում ենք մեզ հետ պատերազմող, դաշնակից եւ չեզոք երկրների կառավարություններին ու ժողովուրդներին, որ Ռուսաստանը, հրաժարվելով անեքսիոնիստական պայմանագիր ստորագրելուց, իր կողմից ավարված է համարում պատերազմական դրությունը Գերմանիայի, Ավստրո-Հունգարիայի, Թուրքիայի եւ Բուլղարիայի հետ: Միաժամանակ ռուսական զորամասերին բոլոր գծերում լիակատար զորացրման հրաման է տրվում»¹:

Անդրկովկասի քաղաքական ուժերը մերժելով Խորհրդային Ռուսաստանի քաղաքականությունն ու Բրեստ-Լիտովսկի պայմանագրով իրենց պարտադրված պայմանները՝ 1917 թ. նոյեմբերին ստեղծում են երկրամասային նոր իշխանություն՝ Անդրկովկասի կոմիսարիատ,

¹ Տե՛ս Արտեմ Օհանջանյան, Եշվ. աշխ., էջ 127:

¹ Նույն տեղում, էջ 128:

իսկ 1918 թ. փետրվարի 10-ին Անդրկովկասյան Սեյմ(օրենսդիր գերագույն մարմին (խորհրդարան)):

Անդրկովկասյան Սեյմում ընդգրկված էին Անդրկովկասի քաղաքական կուսակցությունները(32 վրացի մենչեվիկներ, 30 թուրք մուսաֆաթիստներ, 27 դաշնակցականներ եւ 19 պատգամավոր սոցիալիստ-հեղափոխական կուսացությունից):

Սեյմի նախագահ է ընտրվում Ն. Զիսիձեն:

Նորընտիր Սեյմի որոշմամբ ձեւավորվում է Անդրկովկասյան կառավարությունը, որի կազմում ընդգրկվում են հայ, վրաց եւ կովկասյան թուրք-թաթարների ազգային-քաղաքական կուսակցությունների նեկայացուցիչները: Անդրկովկասյան կառավարությունում գերիշխող դիրք են ունեցել վրաց մենչեվիկները, որոնց ներկայացուցիչներից Ե. Գեգեչկորին ստանձնում է վարչապետի, Ա. Զիսնկելին՝ արտաքին գործերի, Գ. Գեորգաձեն՝ ռազմական, Ն. Ռամաշվիլին՝ ներքին գործերի նախարարի պաշտոնները: Վրացիներին էր պատկանում նաեւ կապի ու հաղորդակցության նախարարությունը, որի ենթակայություն տակ էր գտնվում հաղորդակցության միջոցները՝ երկաթուղին ու մնացած բոլոր տրանսպորտային այլ միջոցները: Իսկ դա նշանակում էր, որ ի տարբերություն հայերի, որոնք մեծ դժվարությամբ էին կարողանում օգտվել երկաթուղու եւ փոխադրամիջոցների ծասույթություններից, վրացիները առանց որեւէ լուրջ խոչընդոտի կարող էին Վրաստան տեղափոխել ռուսական զորքերի թողած պահեստներում ամբարված զենքն ու զինամթերքը, հանդերձանքը եւ այլն:

Ռուսաստանում իշխանությունը բռնազավթած բոլշեվիկյան կառավարությունը չճանաչեց Անդրկովկասյան կոմիսարիատը(կառավարություն): Իր հերթին Անդրկովկասյան կառավարությունը թեպետ նույնպես չէր ճանաչում խորհրդային իշխանությունը եւ գործում էր անկախ, բայց դեռեւս չէր հայտարարել իր անկախությունն ու փաստորեն մասն էր կազմում Ռուսաստանի:

Պատերազմի նկատմամբ խորհրդային իշխանության որդեգրած ռազմավարությունն ու հնչեցրած կոչերն ու հայտարարությունները քաոսային, անկառավարելի իրավիճակ են ստեղծում բանակում, այդ թվում նաեւ Կովկասյան ճակատում:

Ռուսաստանում տիրող սոցիալ-տնտեսական, քաղաքական ծայրահեղ անմխիթար իրավիճակը պարարտ հող է ստեղծում հեղափոխական տրամադրությունների առավելագույնս ներթափանցման ու արմատավորման համար ոչ միայն կայսրության բազմազգ բնակ-

չուլթյան մեջ, այլեւ բանակում եւ իհարկե նաեւ Կովկասյան ռազմաճակատի զորամասերում:

Իրենց քարոզչական զինանոցում ունենալով 1917 թ. հոկտեմբերի 25-ին տեղի ունեցած համառուսաստանյան խորհուրդների 2-րդ համագումարի կողմից ընդունած «Խաղաղություն եւ հող» դեկրետներն ու կորչի պատերազմը, կեցցե խաղաղությունը կարգախոսները, բոլշեվիկ քարոզիչները թափանցելով բանակի շարքերը՝ մեծապես նպաստում են բանակի, բնականաբար նաեւ ռազմաճակատների քայքայմանն ու մերկացմանը:

Ցարիզմի տապալման ու հատկապես արեւմտյան ճակատում գերմանական ու ավստրո-հունգարական բանակների կողմից կրած պարտությունների հետեւանքով ռուսական զորքերի շարքերում արդեն նկատվում էր դասալքությունը, սակայն դա, կարելի է ասել, դեռեւս չարիքների փոքրագույնն էր: Հոկտեմբերյան հեղաշրջումը բազմամապատկեց կոիվները շարունակելու նկատմամբ ռուս զինվորներին համակած հոռետեսություն: Ռուսական զորաբանակներում նախկին մարտունակության եւ ռազմական կարգապահության փոխարեն արդեն նկատվում էին բարոյալքության ու ռազմաճակատը կազմալուծելու բացահայտ նշաններ:

Տեղիք տալով բոլշեվիկների քարոզչությանը՝ զինվորները այլեւս չէին ենթարկվում իրենց հրամանատարներին ու հրաժարվում էին կատարել նրանց հրամանները: Հայրենիք վերադառնալու ցանկությամբ համակված ռուս զինվորները զանգվածաբար լքում էին ճակատն ու հեռանում Ռուսաստան¹:

Բնականաբար, նույն իրավիճակն էր տիրում նաեւ Կովկասյան ռազմաճակատում:

Ներկայացնելով այդ օրերին Կովկասյան ճակատում տիրող իրավիճակը՝ վավերագրերից մեկը ցավով արձանագրում է, որ ռազմաճակատից ռուսական զորքերի զանգվածաբար հեռանալու հետեւանքով՝ անօրինակ հերոսականության, տոկունության, անյուր տառապանքների գնով ձեռք բերած նվաճումները հավասարվեցին զրոյի ու անպատմելի աղքատության:

Շարունակելով ռազմաճակատում տիրող ծանրագույն կացության նկարագրությունը՝ վավերագիրը իրավացիորեն նշում է. « Առաջ եկավ թուրքերի դեմ հայերի միայնակ պայքարելու ահավոր խնդիրը, քանի որ Անդրկովկասում վրացիներից ու թաթարներից

¹ Տե՛ս նույն տեղում::

սպասվելիք հույսերը շատ քիչ էին, ինչը հետագայում հստակորեն սպացուցեց ժամանակը:

Վրացական զինված ուժերը կենտրոնացված էին Բաթումիում ու նրա շրջակայքում: Մահմեդականությունը փոքր-ինչ ավելի կազմակերպված էր: Հավաքվել ու կենտրոնացվել էին հսկայական քանակությամբ զինված հրոսակախմբեր, որոնք ձեռք-ձեռքի տված թուրքական հարձակվող զորքերին, մեկնում էին ոչ միայն ճակատ, այլև հարձակվում էին հայերի բնակավայրերի, թիկունքի ու հարդրակցության ուղիների վրա»¹:

Տվյալ ժամանակահատվածում դեպքերի նման կտրուկ շրջադարձը դժվարին կացություն էր ստեղծել նաև ուսական հրամանատարության համար եւ ստեղծված ծանր մթնոլորտն անհրաժեշտաբար թելադրում էր դիմել վճռական միջոցների: Ռազմաճակատի մերկացումը փաստորեն իրական հնարավորություն էր ընձեռում թուրքերին, համարելով բանակի մարտական կազմը, վերստին զավթել ոչ միայն Արեւմտյան Հայաստանը, այլև Անդրկովկասը եւ օգտվելով ուսական զորքերի բացակայությունից՝ առանց մեծ ջանքերի, իրականացնել պանթուրքիզմի ծրագիրը, այն է՝ զբաղել Բաքուն եւ դուրս գալ Հյուսիսային Կովկաս, ապա մինչև Բաշկիրիա, Թաթարիա ու Միջին Ասիա: Ռազմաճակատը կայունացնելու համար անհրաժեշտ էին միմիայն կարգապահ ուղղման միավորումներ, իսկ այդպիսիք կարող էին լինել հայկական մարտական ուժերը, որոնք շահագրգռված էին պաշտպանելու Արեւմտահայաստանն ու Անդրկովկասը:

Այդ օրերին Կովկասյան ռազմաճակատի զանազան ուղղություններից Թիֆլիս (այստեղ էր գտնվում Կովկասյան ռազմաճակատի գլխավոր հրամանատարության ռազմակայանը՝ Հ.Գ.) առաջվող հեռագրերում զորամիավորումների հրամանատարությունը, ներկայացնելով զինվորների զանգվածային դասալքության հետեւանքով ճակատում ստեղծված անմխիթար ու անկառավարելի իրավիճակը, գլխավոր հրամանատարությունից խնդրում էր ռազմաճակատ ուղարկել ազգային, գլխավորապես հայկական զորամասեր, առանց որոնց ստեղծված դժվարին իրավիճակում անհնարին էր կայունացնել եւ պաշտպանել ռազմաճակատի առկա բնագծերը, որոնք Սեւ ծովից ձգվում էին մինչև Պարսկաստան²:

Դրոն այդ օրերին գտնվելով Երեւանում՝ իր մարտական զինակիցներ Մարտիրոսի, Մեծ Ղազարի, Յապոնի, Խոսրով Եղիազարյանի

եւ այլոց համագործակցությամբ գործելով Երեւանի նահանգում, աշխատում էին խոչընդոտել թուրք եւ քուրդ հրոսակախմբերի գինյալ ելույթներն ու պաշտպանել հայ բնակչությանը այդ հրոսակախմբերի հարձակումներից:

Ռուսաստանի քաղաքական կյանքում տեղի ունեցող արմատական տեղաշարժերի հետեւանքով Կովկասում ու ռազմաճակատում կատարվող դեպքերի թելադրանքով՝ նա շտապում է Թիֆլիս եւ հայտնվում ծավալվող դեպքերի կիզակետում:

Ռազմաճակատի կայունացման եւ ամրապնդման միակ երաշխիքը ազգային զորամասերի առկայությունն էր: Հայկական զորամասերի կազմակերպման մասին պաշտոնական որոշումն ընդունվել է 1917 թ. սեպտեմբեր-հոկտեմբեր ամիսներին Թիֆլիսում կայացած Հայոց ազգային համախորհրդակցությունում (համագումար), չնայած ի դեմս հայկական կամավորական զորախմբերի, այդ զորամասերի կազմակերպման հիմքերը, փաստորեն, դրվել էին դեռևս կամավորական շարժման սկզբնական շրջանում:

Ի դեպ, այդ համախորհրդակցությանը, որին ներկա էին «հայ հասարակության գրեթե բոլոր խավերը՝ քաղաքական կուսակցությունների, մտավորականության, զինվորականության, հոգեւոր դասի ներկայացուցիչներ, այլ գործիչներ, հյուրեր, բացառությամբ հայ բոլշեւիկների, որոնք բոյկոտեցին խորհրդակցությունը, եւ այդ ժամանակ մեծ ազդեցություն չունեին քաղաքական կյանքում», մասնակցել են, որպես պատգամավորներ նաև կամավորական զորախմբերի հրամանատարներից Անդրանիկն ու Դրոն¹:

Թիֆլիսյան համախորհրդակցության աշխատանքների լուսաբանմանը վերաբերվող արձանագրություններից մեկում կարդում ենք. «Նախագահն (այդ օրը նիստը վարել է Նիկոլ Աղբալյանը՝ Հ.Գ.) ընդհատելով խոսողներին՝ առաջարկում է ողջունել կամավորական գործի այն հերոսներին, որ հիմա նստած են մեր շարքերում (բուռն ծափեր):

Անդրանիկն ու Դրոն ոտքի են կանգնում եւ շնորհակալություն հայտնում (բուռն, երկարատեւ ծափահարություններ)»²:

Սեպտեմբերի 26-ին տեղի ունեցած հերթական նիստերից մեկում համաժողովը անդրադառնում է նաև հայկական զորամասերի կազմակերպման հարցին եւ ի թիվս մի շարք որոշումների, ընդունում է նաև հետեւյալը.

¹ ՀԱԱ, ֆ. 121, ց. 1, գ. 15, ք. 8:

² Տե՛ս ՀԱԱ, ֆ. 121, ց. 1, գ. 33, ք. 10-13:

¹ Տե՛ս Բանբեր Հայաստանի արխիվների, 1992, քիւ 1-2, էջ 5:

² Նույն տեղում, էջ 81:

«Ճակատի ամրացումը:

Վերջին ժամանակներում զորքի մեջ նկատվող կազմալուծման նկատմամբ ժողովը գտնում է անհրաժեշտ կռվել դասալքութայան դեմ ընդհանրապես եւ հայ զինվորների մեջ մասնավորապես: Ներկա քաղաքական մոմենտը անհրաժեշտ է դարձնում հայկական զորամասերի կազմակերպումը, այդ զորամասերին հայկական շրջանները պետք է ցույց տան ամեն աջակցություն: Միեւնույն ժամանակ, ի նկատի ունենալով սերտ կապը ճակատի եւ թիկունքի միջեւ, վերջինում անհրաժեշտ է կազմակերպել ժողովրդական միլիցիա, խոսքի ամենալայն իմաստով»¹:

Համաժողովը հայ ականավոր գրող եւ ազգային-քաղաքական գործիչ Ավետիս Ահարոնյանի նախագահութեամբ ընտրում է 15 անդամներից բաղկացած Արեւելահայ Ազգային Խորհուրդ, որը մինչեւ 1918 թ. մայիսի 28-ը, այսինքն մինչեւ Հայաստանի Հանրապետության հռչակումը, իր մասնաճյուղերով (Բաքվի Ազգային Խորհուրդ՝ նախագահ Աբ. Գյուլխանդանյան եւ Երեւանի Ազգային Խորհուրդ՝ նախագահ Արամ Մանուկյան) հանդիսանում էր հայութեանը ղեկավարող գլխավոր մարմինը:

Նորընտիր Հայոց Ազգային Խորհուրդ ուներ տարբեր բաժիններ, այդ թվում նաեւ զինվորական բաժին, որի գործառույթի ու պարտականությունների մեջ առավելապես մտնում էին զորամասերի կազմավորման, զինման եւ հրամանատարական կազմի ընտրության հետ կապված խնդիրները:

Առաջնորդվելով պատմական սովյալ ժամանակահատվածի հրամայականով եւ թիֆլիսում կայացած Համաժողովում ընդունած հայկական զորամասեր կազմակերպելու որոշմամբ՝ նորընտիր Հայոց Ազգային Խորհուրդը հայկական զորամասեր կազմակերպելու թույլտվության նպատակով դիմում է Կովկասյան ռազմաճակատի գլխավոր հրամանատարութեանը եւ նրա միջոցով նաեւ Ռուսաստանի ժամանակավոր կառավարութեանը:

Կովկասյան ռազմաճակատի գլխավոր հրամանատար գեներալ Լեբեդիևսկին սթափ գնահատելով իր գլխավորած ճակատում ստեծված տաղնապալի իրավիճակը՝ շատ արագ արձագանքում է Հայոց Ազգային Խորհրդի կողմից իրեն ներկայացրած դիմումին:

Այս կապակցությամբ վերոհիշյալ վերագրությունում նշվում է. «Նկատի ունենալով, որ Կովկասյան ռազմաճակատում մինչ այժմ

գործող զորամասերի մեջ հայկական գումարտակները (նկատի ունի հայ կամավորական զորախմբերը ցրելուց հետո կազմավորված հայկական վեց գումարտակները-Հ. Գ.) լավագույնն են եւ օժտված հրաշալի մարտական կարողություններով ու կազմակերպվածությամբ, Կովկասյան ռազմաճակատի գլխավոր հրամանատար գեներալ Լեբեդիևսկին 1917 թ. սեպտեմբերին դիմեց գլխավոր հրամանատարութեանը, պահանջելով թույլատրել կազմավորել հայկական երկրորդ հրաձգային բրիգադ»¹:

Տիրապետող իրավիճակում այլընտրանք գոյություն չուներ:

Կերենսկու գլխավորած ժամանակավոր կառավարությունը ռազմաճակատի տիրող տաղնապալի իրավիճակի թելադրանքով համոզվում է, որ հայ կամավորական զորախմբերի աջակցությամբ ռուսական զորքերի նվաճած տարածքները թուրքական զորքերի հարձակումներից կարելի էր ապահովել միայն ազգային զորամասերի ուժերով: Իսկ ռազմաճակատում ծավալվող դեպքերն աներկբա մատնանշում էին, որ ամենահուսալին կարող էր լինել միայն հայկական ազգային զորամասերը:

Հիմք ունենալով այդ հանգամանքը՝ գլխավոր հրամանատարության թույլտվությամբ՝ 1917 թ. նոյեմբերին հայկական երկու հրաձգային բրիգադները միավորվում են Հայկական հրաձգային կորպուսի (հետագայում՝ առանձնակի) կազմում»²:

Ժամանակավոր կառավարության թույլտվությամբ Կովկասյան ռազմաճակատի հրամանատարութեանը արտոնվում է կազմավորել ազգային զորամիավորումներ, որոնց թվում նաեւ հայկական երկու զորամասեր: Նախատեսվում էր կազմավորել հայկական երկու զորամիավորում: Առաջին զորամիավորումը՝ 60.000 թվակազմով բանակային կորպուսը պիտի կազմավորվեր ի հաշիվ արեւմտյան ռազմաճակատում մարտնչող ավելի քան 200.000 հայ զինվորների եւ հայկական կամավորական խմբերի:

Երկրորդ զորամիավորումը՝ Անդրանիկի գլխավորությամբ բացառապես արեւմտահայերից կազմված աշխարհազորային դիվիզիան էր՝ 30.000 թվակազմով:

Այդ օրերին ստեղծվում է նաեւ Հայկական Ձինվորական Խորհուրդ, որի պարտականությունն էր հայկական զորամասերի կազմավորումն ու նրանց գործունեության համադրումը: Ձինվորական խորհուրդը, որպես հայկական զորամասերի իրավական ներկա-

¹ Լույս տեղում, էջ 142:

¹ ՀԱԱ, ֆ. 121, ց. 1, գ. 15, ք. 8:

² Լույս տեղում:

յացուցչութիւն, ճանաչվեց Ռուսաստանի Ժամանակավոր կառավարութեան եւ Անդրկովկասի Կոմիտարիատի կողմից:

Դժբախտաբար, ծրագրած այդ բոլոր միջոցառումները դառնում են անիրականալի, իսկ դժվարագույն պայմաններում արդեն կյանքի կոչված Հայանպաստ գործերի արդյունքը՝ ապարդշուն:

Հոկտեմբերյան հեղաշրջումից հետո տապալվում է Հայկական զորամիավորումների կազմավորման գործը: Համաձայն Ազգային Խորհրդի եւ Ժամանակավոր կառավարութեան միջեւ կայացած համաձայնութեան, Արեւմտյան ռազմաճակատից Կովկաս ժամանող 50.000 հայ զինվորները Ռուսաստանում բռնկված քաղաքացիական կռիվների, ճանապարհների շրջափակման պատճառներով չկարողացան տեղ հասնել:

Հայրենիք վերադարձող Հայ զինվորների մեծ մասը քաղաքացիական կռիվների օրերին Կարմիր բանակի Հայազգի հրամանատարների կոչով՝ Համալրելով նրանց իսկ գլխավորած զորամասերը Ռուսաստանի անծայրածիր տափաստաններում մարտնչում էին հանուն Խորհրդային իշխանութեան հաղթանակի: Իսկ նույն ժամանակամիջոցում եղեռնի ահավոր սարսափներն ապրած, Հայրենիքի մեծագույն մասը կորցրած, սովի, ցրտի, տիֆի ու համաճարակի ճիրաններում տառապող հայութիւնը խմբված Արարատյան աշխարհում՝ օրհասական պայքար էր մղում իր գոյութիւնը պահպանելու համար:

Կարմիր Հոկտեմբերի շնորհիվ տապալվեցին նաեւ Հայկական ազգային զորամիավորումներ ստեղծելու իրական հնարավորութիւնները: Կովկասյան ռազմաճակատի հրամանատար գեներալ Լեբեդինսկու համաձայնութեամբ, այդ ճգնաժամային օրերին, Հայ ժողովրդի գոյապայքարը առաջնորդող միակ փաստական ուժը՝ Հայոց Ազգային Խորհուրդը, կարողացավ կազմել միայն 16000-18000-անոց բանակային մեկ կորպուս:

Հայոց Ազգային Խորհուրդի առաջարկութեամբ՝ Կովկասյան ռազմաճակատի հրամանատարութիւնը Հայկական կորպուսի հրամանատար է նշանակում հանրահայտ զորահրամանատար, ցարական բանակի բարձրաստիճան կադրային սպա, գեներալ Թովմաս Հովհաննեսի (Իվան) Նազարբեկովին: Ուշադրով է եւ ավելի քան անհասկանալի, որ ոչ Հայոց Ազգային Խորհուրդը եւ ոչ էլ Կովկասյան ռազմաճակատի հրամանատարութիւնը այդ նշանակումը վաղորդ չէին համաձայնացրել գեներալ Թ. Նազարբեկովի հետ: Նրան, Հայկական կորպուսի հրամանատարի պաշտոնում նշանակելու իրողութիւնը հայտնել են փոքր-ինչ ավել ուշ:

Գեներալ Թ. Նազարբեկովի Հաժառամամբ՝ «1917 թ. հոկտեմբերին գտնվելով Վանա լճի արեւմտյան ափին ընկած Քարմաւեղու գյուղում, որտեղ Կովկասյան 2-րդ հրամանային զինվորային շտաբն էր (նա այդ ժամանակ այդ զինվորային հրամանատարն էր-Ն. Գ.), ստանում եմ հետեւյալ հեռագիրը. «Սպասում ենք Ձեր գալուստնը՝ կազմավորելու Հայկական կորպուս: Մ. Պապաջանով*»¹:

Թիֆլիսից ստացած հեռագիրը խիստ զարմացրել է գեներալ Թ. Նազարբեկովին, քանի որ նա մինչ այդ որեւէ տեղեկութիւն չի սենեցել կազմավորվող ազգային զորամասերի ու այդ թվում Հայկական կորպուսի մասին:

«Եւ-գրում է գեներալ Թ. Նազարբեկովը,-հեռագրով պատասխանեցի Պապաջանովին, որ նպատակադրվել եմ հոկտեմբերի վերջերին վերցնել արձակուրդ: Քանի որ ողջ պատերազմի ընթացքում ոչ մի անգամ չեմ օգտվել արձակուրդ գնալու իրադրութից, համոզված եմ, որ ինձ չեն մերժի եւ ես կգամ Թիֆլիս: Պապաջանովի հեռագրից հետո, Թիֆլիս արձակուրդ գնալու հարցով զեկուցագիր ուղարկեցի կորպուս: Եւստով կորպուսի շտաբից ստացա թույլտվութիւն եւ տոմս»²:

Գեներալ Թ. Նազարբեկովը մի քանի օր անց գալիս է Թիֆլիս ու անմիջապես ներկայանում Հայոց Ազգային Խորհուրդին:

«Հայոց Ազգային Խորհուրդը,- գրում է գեներալ Թ. Նազարբեկովը,-հաստատեց ինձ կորպուսի հրամանատար ընտրելու զինվորական բաժանմունքի որոշումը: Երբ ինձ հայտնեցին այդ մասին, ես ներկայացա Ազգային Խորհուրդի նիստին եւ շնորհակալութիւն հայտնեցի նրանց այդ ընտրութեան ու ինձ այսպիսի պատվի արժանացնելու համար»³:

Հայոց Ազգային Խորհուրդ այցելելիս գեներալը հանդիպում է նրա նախագահ Ավետիս Ահարոնյանին, ապա նաեւ զինվորական բաժանմունքի նախագահ կապիտան Արսեն Շահամազյանին (հետագայում գնդապետ: Նրա գլխավորութեամբ 1919 թ. աշնանը զանգեզուրյան մարտական ուժերը ջախջախում են Զանգեզուր ներխուժած գեներալ Շիրխինսկու գլխավորած ազերի 15000-ոց բանակն ու Հալի Սամլուի քրդական հրոսակախմբերին-Ն. Գ.), որի պատմածից տեղեկանում է, որ իր նշանակումը Հայոց Ազգային Խորհրդի անդամների

*Պապաջանով Սիքայել, հայ քաղաքական եւ հասարակական գործիչ, կաղետ: Պետական Դումայի 4-րդ նստաշրջանի անդամ, իսկ 1917 թ. Օսոմոնի անդամ:
¹ Բանբեր Հայաստանի արխիվների, 1992, թիւ 3, էջ 37:
² Նույն տեղում:
³ Նույն տեղում, էջ 39:

կողմից ընդունվել է ոչ թե միանշանակորեն, այլ որոշակի տարածայնությամբ:

Պարզվում է, որ Ազգային Խորհրդի անդամներից մի քանիսը առաջարկել են, որ Հայկական կորպուսի հրամանատարի պաշտոնում ընտրեն որ թե գեներալ Թովմաս Նազարբեկովին, այլ գեներալ Միքայել Արեշելին: Բարեբախտաբար զինվորական բաժանմունքը մերժել է այդ առաջարկությունը¹:

Հայ-թուրքական պատերազմի մանրամասների ուսումնասիրությունն աներկբա մատնանշում է, որ հայկական կորպուսի հրամանատար, գեներալ Թ. Նազարբեկյանի հրամանով Անդրանիկից հետո ստանձնելով երկրապահ ուղղմանակառի հրամանատարությունը, պարտավորական հոգեբանությամբ համակված գեներալ Միքայել Արեշելը (Մ. Արեշյան) առավելապես աչքի է ընկնել խուճապահարությունում, անվճարականությամբ ու մարտեր վարելու անընդունակությամբ:

1917 թ. դեկտեմբերին Կովկասյան ուղղմանակառի գլխավոր հրամանատար գեներալ Լեբեդինսկու թիւ 136 հրամանի համաձայն հիմք դրվեց Հայկական կորպուսի կազմավորմանը:

Հայկական նորաստեղծ զորամիավորման միջուկն էին կազմում 1-ին աշխարհամարտի կռիվների բովով անցած, հրաշալի մարտական կոփվածք եւ որակներ ունեցող Հայ կամավորական զորախմբերի եւ ինքնապաշտպանական մարտերի փորձառու հրամանատարներն ու զինվորները:

Հայոց Ազգային Խորհրդի եւ Կովկասյան ուղղմանակառի հրամանատարության փոխհամաձայնությամբ Հայկական կորպուսի զինվորական կոմիսարի պաշտոնը վստահվում է Դրոյին:

Ցարական նահանգապետի, գեներալի ու բարձրաստիճան պաշտոնյանների ահաբեկիչը, Հայ-թուրքական ընդհարումներում Բաքվի, Կոտայքի, Երեւան քաղաքի, Դարալագյազի, Լեռնային Նախիջևանի եւ Զանգեզուրի ինքնապաշտպանական մարտերի ամենաբրիտասարդ խմբապետը եւ ապա կամավորական շարժման ընթացքում զորահրամանատարական փայլուն կարողություններ ու դրսևորած 33-ամյա Դրոն գեներալ Թովմաս Նազարբեկյանից հետո փաստորեն առաջին դեմքն էր հայկական նորաստեղծ զորամիավորումում:

Դրոյին քննադատելիս ուշագրավ ընդհանրացում է կատարում Ս. Վրացյանը՝ նշելով. «Դաշնակցական ահաբեկիչ Դրոն դարձաւ Քարիւղի եւ շաքարի վաճառական՝ Սուրէն Էֆենտի: Սուրէն Էֆեն-

տի եղաւ Կամաւորական գնդի հրամանատար: Գնդի հրամանատարը փոխուեց խճուղի շինող կապալառուի: Կապալառուն դարձաւ գինուորական կոմիսար, փաստորէն զինուորական գերագոյն պետ Արարատեան Աշխարհի»¹:

Դրոյին՝ Հայկական զորքերի զինվորական կոմիսար նշանակելու կապակցութեամբ ուշագրավ մանրամասներ է հաղորդում Հայ Զինվորական Խորհուրդի անդամ Թադե Պետրոսյանը:

«... Ըստ յեղափոխութեան շրջանի պահանջին, Հայ Զինուորական Խորհուրդը հրապարակ բերեց Հայկական ուժերի գլխաւոր կոմիսարի հարցը: Այդ առթիւ Արամեանցի շէնքի մէջ, որ Հայ Զին. Խորհրդի շտաբն էր, կայացաւ խառն նիստ, որին ներկայ էին Հայ Ազգային Խորհրդի կողմից Ռուբէն Տէր-Մինասեանը, Լեւոն Աթաբէկեանը եւ Կորիւն Ղազարեանը, իսկ Անդրկովկասի կառավարութեան կողմից՝ Մ. Պապաջանեանը եւ Պարոյր Լեւոնեանը, ինչպէս եւ Հայ Զին. Խորհրդի դիւանը յանձին կապիտան Արսէն Շահմազեանի եւ պարուչիկներ Գագա Տէր-Օհանեանի եւ տողերիս գրող Թադէոս Պետրոսեանի:

... Հայ Զինուորական Խորհրդի կողմից կոմիսարի թեկնածու առաջարկուեց Դրոն: Ժողովականները պաշտպանեցին այդ առաջարկը...»²:

Զինվորական Խորհրդի որոշումը որպեսզի իրական ուժ եւ արժեք ստանար անհրաժեշտ էր, որ այն հավանութեան արժանանար Ազգային Խորհրդի եւ Հայկական բանակային կորպուսի ընդհանուր զորահրամանատար գեներալ Թ. Նազարբեկյանի կողմից:

«Մեր, պատմում է Թ. Պետրոսյանը, առաջին տեսակցութիւնը եղաւ զօրաւար Թ. Նազարբեկեանի հետ: Հերոս զօրավարը անհուն գոհունակութեամբ ընդունեց Դրոյի ընդհանուր զինուորական պաշտօնը: Անդրկովկասի կառավարութեան Դաշնակոյր եւ իր օգնական Պարոյր Լեւոնեանը եւ որեւէ առարկութիւն չարին Դրոյի նոր պաշտօնի դէմ:

... Հայոց Ազգային Խորհուրդը եւս ողջունեց Դրոյի մասին եղած որոշումը:

Օրեր առաջ Հայ Զինուորական Խորհուրդը դիմած էր նաեւ Արամին, որ իր կարծիքը յայտնէր այդ մասին: Արամը հեռագրով դիմած էր Հայոց Ազգային Խորհրդին՝ խնդրելով, որ նա ուժ տայ հերոս Դրոյի թեկնածութեան»³:

¹ Վրացեան Ս., Սրբկաթին Դրոն, էջ 95:

² «Դայրենիք» ամսագիր, 1956, թիւ 10, էջ 24:

³ Նույն տեղում, էջ 24-25:

¹ Տե՛ս նույն տեղում:

Եվ այդչափ պատասխանատու պաշտոնը նրան վստահելը պատահական չէր, այն համակողմանիորեն հաշվարկված էր ու մտածված, ինչն ակնառու կերպով ապացուցեց ժամանակը:

«Ազգային Խորհրդի, - գրում է Ս. Վրացյանը,- զինուորական մասի վարիչն էր Մոսկուայի Հայկական Կոմիտեի նախագահ՝ Ստեփան Մամիկոնեանը՝ մի լրջամիտ եւ պատուական հայ, օգնական ունենալով Ռուբեն Տէր-Մինասեանին: Թէ Վարիչը եւ թէ օգնականը չունէին պահանջուած ծանօթութիւնը բանակի գործերում եւ հեղինակութիւնը զինուորականութեան աչքին, այդ պատճառով երբեմն բարդութիւններ էին ստեղծում, մանաւանդ Անդրանիկի եւ իր կողմնակիցների եւ Ազգային Խորհրդի վարիչների միջեւ: Դրօս հակակշռող ուժ էր, իբրեւ վստահութիւն ու համակրանք վայելող անձնաւորութիւն: Հակառակ իր տաքարիւն բնաւորութեան նա զարմանալի նրբամիտ վերաբերմունք էր ցոյց տալիս եւ դիւրութեամբ գտնում էր ձեւը եւ միջոցը մարդկանց յուզումները հանդարտեցնելու: Մանաւանդ, զինուորականները նրան յարգում եւ սիրում էին: Իր այդ յատկութիւնների շնորհիւ Անդրկովկասի բարձր իշխանութիւնը Դրօսին նշանակեց զինուորական կոմիսար»¹:

Քանի որ արդեն ընտրվել էին Հայկական կորպուսի հրամանատարը եւ զինվորական կոմիսարը՝ գեներալ Թ. Նազարբեկյանն ու Դրոս, ուստի անհրաժեշտ էր ձեռնամուխ լինել կազմավորել կորպուսը ու ընտրել նրա կազմում ընդգրկվող զորագնդերի հրամանատարական կազմը:

«Դժվար էր գտնել խոստովանում է գեներալ Թ. Նազարբեկյանը,- զորամասերի հմուտ լավ հրամանատարներ, թեպետ զանկացողները քիչ չէին:

...Թիֆլիս ժամանեց Դրոս: Հայկական ազգային ժողովը նրան նշանակել էր կորպուսի կոմիսար:

Մի քանի օր անց հավաքվեց հանձնախումբը, որը բաղկացած էր զինվորական բաժանմունքի անդամներից (նկատի ունի Ազգային Խորհրդի զինվորական բաժինը-Հ. Գ.): Դրոսին ու ինձ էր հանձնարարված կորպուսի բարձրատիճան դեմքերի ընտրութիւնը»²:

Ճիշտ է, հրամանատարների ընտրութիւնը հարցում գեներալ Թ. Նազարբեկյանի ու Դրոսի միջեւ եղել են որոշակի տարաձայնութիւններ, այնուամենայնիվ, կորպուսի զինվորական ծառայութիւնների պետերի ու զորամասերի հրամանատարների ու սպայա-

կուսերի(շտաբ) պետերի ընտրութիւնը կատարվել է գլխավորապես նրանց առաջարկութեամբ ու փոխհամաձայնութեամբ¹:

Հայկական կորպուսի կազմավորման գործում անշուշտ պիտի արժանավոյնա ընդգծել Ավետիս Ահարոնյանի գլխավորած Հայոց Ազգային Խորհրդի եւ նրա մասն կազմող զինվորական բաժանմունքի ու հայ Զինվորական խորհրդի ծառայութիւնը: Գլխավորապես հենց նրանց ջանքերով էր իրականացվում հայ սպաների, զորամասերի շարքերը համալրող կամավորների զորահավաքը, լուծվում պարենի ու հանդերձավորման եւ նաեւ մասամբ գեներալ զինամթերքի ձեռք բերման խնդիրները:

Արժանավոյնա գնահատելով Հայկական կորպուսի կազմավորման գործում Հայոց Ազգային Խորհրդի ծառայութիւնը՝ պրոֆեսոր է. Զոհրաբյանը իրավամբ նշում է՝ «Պետք է արժանին մատուցել Հայոց Ազգային Խորհրդին, նրա ղեկավարութեանը՝ 1917 թ. աշնան քաղաքական չափազանց բարդ ու լարված իրադրութեան պայմաններում ճիշտ կողմնորոշվելու, գալիքը կանխազգալու եւ նրան նախապատրաստելու ուղղութեամբ ձեռնարկած հերոսի տիտանական ու անձնագոհ շխատանքի համար:

...Չլինեք այդ աշխատանքը, չէր լինի այսօրվա Հայաստանը, քանի որ առանց կազմակերպված զինական ուժի հայութիւնն ի վիճակի չէր լինի դիմագրավելու ոչ միայն օսմանյան արշավող զորքերին, այլեւ ներքին թշնամուն՝ տեղական թուրքերին»²:

«1918 թ. Փետրվարի 25-ին կորպուսի շտաբը տեղափոխվեց Ալեքսանդրապոլ... Մարտի 3-ին Հայկական կորպուսի հրամանատար գեներալ Նազարբեկովը (այդ օրվանից արդեն Նազարբեկյան- Հ. Գ.) ռազմաճակատի գլխավոր հրամանատար գեներալ Օդոշելիձեից ընդունեց ամբողջ ռազմաճակատի հրամանատարութիւնը»³:

Գեներալ Նազարբեկյանի ու Դրոսի գլխավորած Հայկական կորպուսի կազմի էին մտնում Արեւյանի 1-ին, Սիլիկյանի 2-րդ դիվիզիաներն ու գնդապետ Ղորղանյանի գլխավորած հեծյալ բրիգադը եւ թիկունքային ծառայութիւնները:

1917 թ. դեկտեմբերին Կովկասյան ռազմաճակատ իրականում արդեն գոյութիւն չունեց: Բուլղերիկների քարոզչութիւնը եւ խորհուրդների հռչակած «հող եւ խաղաղութիւն» կարգախոսները

¹ Վրացեան Ս., Կեանքի ուղիներով, 1956, հ. 7, էջ 178-179:

² Բանբեր Հայաստանի արխիվների, 1992, թիւ 3, էջ 40:

¹ Տե՛ս նույն տեղում, էջ 41-42:

² Զոհրաբյան Է., Ազգամիջյան կոիվները Երեւանի նահանգում 1918թ. Երեւան 2000, էջ 17:

³ ՀԱԱ, ֆ. 121, ց. 1, գ. 98, թ. 1:

իրենց կախարդիչ գորությամբ վերջնականապես բարոյալքելով ուսական բանակը՝ Հող նախապատրաստեցին ուսումնական կառուցման վերջնական քայլի մասն ու կազմալուծման համար: Ռուս զինվորները զանգվածաբար լքում էին ուսումնական տունն էին վերադառնում: Ընդ որում ճակատից հեռացող ուսուցիչները սիրահարաբար օգնում էր նաև թուրքական կողմը՝ նրանց տրամադրելով տրանսպորտի զանազան միջոցներ:

«Տարերային ուժի, - գրում է Երեւանի Ազգային խորհրդի կոմիտեի անդամ Արշալույս Ազնավուրյանը, - հեղեղի պէս տեղի ունեցաւ այդ տեղատուութիւնը՝ ճակատից դէպի Ռուսաստան»:

...Դէպի տունն շտապող ուսական զորամասերը իրենց ճամբին խորտակում էին ամէն ինչ: Խորթ չէր նրանց հոգուն նաև թալանն ու կրակը: Երեւանում խանութները կողոպտելու նպատակով հրդեհ առաջ բերին խանութների շրջանում, որպէսզի քաղաքացիներին շփոթի մատնեն ու լաւապէս հասնեին իրենց սեւ նպատակին»¹:

Համանման իրավիճակ է տիրել բոլոր այն վայրերում եւ հատկապես երկաթուղային հանգույցներում, որտեղով անցել են ուսումնական զանգվածաբար հեռացող ուսական զորքերը: Տագնապալի եւ անիշխանական կացութիւնում է հայտնվում նաև Անդրկովկասյան Հանրապետութեան մայրաքաղաք Թիֆլիսը, որտեղ ապրում էին բազմահազար հայեր: Բացի դրանից, այնտեղ էր գործում ազգային բազմաթիվ մշակութային եւ կրթական հաստատութիւնների զգալի մասը: Թիֆլիսն այդ ժամանակ նաև հայ քաղաքական կուսակցութիւնների եւ Հայոց Ազգային խորհրդի կենտրոնավայրն էր:

1917 թ. նոյեմբերի 29-ից մինչեւ դեկտեմբերի 8-ը Հ.Յ.Դաշնակցութեան Բյուրոյի նախաձեռնութեամբ Թիֆլիսում գումարվում է խորհրդատողով, ուր որպես օրվա կարեւորագույն հարցեր քննարկվել են ուսումնական կայունացման, թիկունքի ապահովութեան, պարենավորման, դասալքութեան դեմ առնելու եւ հարեւան ազգերի հետ ունենալիք փոխհարաբերութեան խնդիրները²:

Մայրաքաղաքում տիրող անիշխանութիւնն ու քառուր, որը նախ եւ առաջ կարող էր իրական սպառնալիք ստեղծել հայ բնակչութեան անվտանգութեան, Ազգային խորհրդի եւ հայ քաղաքական կուսակցութիւնների գործունեութեան համար, անհրաժեշտաբար պահանջում էր ձեռնարկել որոշակի կտրուկ եւ վճռական քայլեր:

¹ Արամը, 1969, էջ 98:

² Տե՛ս Իշխանեան Ե., Լեոնային Ղարաբաղ 1917-1920, էջ 52-53:

Թիֆլիսում կայացած խորհրդատողովի մասնակից, Արցախի Ազգային խորհրդի նախկին նախագահ Եղիշե Իշխանյանը նկարագրելով ուսումնական կազմալուծման հետեւանքով Թիֆլիսում տիրող ծայրահեղ քառուր ու պայթյունավտանգ իրավիճակը, գրում է. «Քաղաքում տիրող անիշխանութիւնը, որ ծայրայեղութեան էր հասել, պակաս չափով չէր մտահոգում թէ՛ բնակիչներին եւ թէ՛ մեզ բոլորին»¹:

«Ժողովը որոշեց հեռագրել Դրոյին՝ հայկական մէկ գունդ առած գալու, Թիֆլիս քաղաքը խաղաղեցնելու եւ կարգը վերականգնելու»²:

Դրոն այդ օրերին գտնվում էր Երեւանի նահանգում, ուր գլխավորապես զբաղվում էր հայկական կանոնավոր զորամասերի կազմավորման եւ թուրք բնակչութեան հնարավոր զինված ելույթները կանխելու ու թիկունքում խաղաղ կարգավիճակն ապահովելու գործերով: Ստանալով խորհրդատողովի որոշումը՝ նա անհապաղ մի զորամասի գլուխ անցած, ժամանում է Թիֆլիս:

«Երեկոեան, - շարունակում է Ե. Իշխանյանը, - հայկական մէկ գնդի գլուխ անցած Դրոն Թիֆլիս հասնելով, գունդը տեղաւորելով, ուղղակի գալիս է ժողովատեղին, երբ դեռ նիստը շարունակում էր:

Մենք նոր տեղ հասանք, ասաց Դրոն, ազգը ի՞նչ է հրամայում մեզ, ի՞նչ պիտի անենք»³:

Խորհրդատողովին մասնակցում էին Հ.Յ.Դաշնակցութեան գրեթե բոլոր նշանավոր դեմքերը՝ Արամ Մանուկյանը, Ավետիս Ահարոնյանը, Նիկոլ Աղբալյանը, Ռուբեն Տեր-Մինասյանը, Վահան Փափագյանը (Կոմս), Վահան Նավասարդյանը, Ալ. Խատիսյանը եւ այլք⁴:

«Նախագահը նկարագրեց քաղաքի ողբալի կացութիւնը, քաղաքի ազգաբնակչութիւնը ահաբեկած է շրջան առած զանազան լուրերի հետեւանքով թէ՛ կարող է քաղաքացիական կռիւ սկսել, ալան-թալանի կը ենթարկեն մարդիկ, մէկ ուսուցիչ էլ չկայ, որ նման դէպք տեղի ունենալուց կարողանայ կտրուկ միջոցի դիմել եւ խաղաղութիւնը վերականգնել: Հենց այդ նպատակով էլ յարմար գտանք, որ դու այստեղ լինես հայկական գնդի գլուխ անցած: Նույնիսկ վրացիներն էլ են ցանկացել որ մեր գնդերից մէկը գայ կարգ ու կանոն պահպանելու»⁵:

Դրոն եւ իր զինակիցները պատվով են հանձնում այս պատասխանատու քննութիւնը եւս: Հայկական զորագնդի ներկայութիւնը

¹ Նույն տեղում, էջ 56:

² Նույն տեղում, էջ 58:

³ Նույն տեղում, էջ 56:

⁴ Տե՛ս նույն տեղում:

⁵ Նույն տեղում:

ավելի քան բավական էր զսպելու ռազմաճակատից հեռացող զինվորներին, որոնք կարող էին առաջին իսկ հնարավորութայան դեպքում տրվելու թալանի եւ ավերածութուններ գործելու կրքերին: Հայ զինվորների անբասիր գործունեութունից գոհ են մնացել ոչ միայն Հայ բնակչութունը, այլեւ վրացիներն ու մայրաքաղաքի այլազգի բնակիչները եւ կադրային զինվորականները:

Ծնորհիվ Դրոյի եւ նրա գլխավորած զինվորների՝ Թիֆլիսում հաստատվում է խաղաղ եւ կայուն իրավիճակ, իսկ ռազմաճակատը գնալով ավելի ու ավելի էր կազմալուծվում ու մերկանում:

Եվ այս ամենի ակնատեսն էր Չարդերի սարսափները տեսած եւ ռազմաճակատի մերկացման հետեւանքով դարձյալ մոտալուտ կոտորածների սարսափով ապրող Հայութունը:

Սեւ ծովից մինչեւ Պարսկաստան ձգվող 720 կմ երկարութայամբ հսկայածավալ ռազմաճակատը, ուր նախկինում կենտրոնացված էին ռուսական ավելի քան «200.000 հետեւակ զինուորներ եւ 30 գունդ ձիաուր համապատասխան հրետանիով եւ մօտ 120.000 հոգիների թիկունքային մասերով»¹, այժմ պաշտպանելու էին Վանում, Խնուսում, Ալաշկերտում, Էրզրումում, Կարինում, Երզնկայում ու Բաբերդում տեղաբաշխված հայկական փոքրաքանակ զնդերը, որոնց մարտաշարքերը պիտի համալրեին հայկական բանակային կորպուսի նոր-նոր ձեւավորվող զորամասերը:

Թուրքերն, օգտվելով հոկտեմբերի շնորհած պարգեւից, այն է՝ ռազմաճակատի մերկացումից մեծ եռանդով ձեռնամուխ են լինում ոչ միայն վերախմբավորելու ու համալրելու իրենց զորամասերը, այլեւ օգտագործում էին բոլոր հնարավոր միջոցները՝ խոչընդոտելու ռազմաճակատը Հայ մարտական ուժերով կայունացնելու Հայոց Ազգային Խորհրդի ձեռնարկումները:

«Ինչ-որ մուկ ձեռք, - նշում էր այդ օրերին «Հորիզոնը», - պատերազմի եւ խռովութեան սերմեր է փորձում ցանել հայ եւ թուրք ժողովուրդների մէջ...»²:

Իրականում ոչ մի մուկ ձեռք գոյութուն չունեւ: Ռուսական փետրվարյան հեղափոխութունն ու առավելապես բոլշեւիկների հոկտեմբերյան հեղաշրջումը, խոստումները եւ քարոզչութունը, ինպես նաեւ ռազմաճակատում ռուսական զորքերի բացակայութունն ու թուրքական զորքերի մոտալուտ հարձակման իրողութունը, թարմ լիցք էին հաղորդել Անդրկովկասում եւ հատկապես

Արեւելյան Հայաստանի տարածքում բնակվող մահմեդական հրոսակախմբերի ավազակային ու թալանչիական գործողութուններին:

Պատերազմում պարտութայան եզրին հասած Թուրքիան, օգտվելով Հոկտեմբերի «շնորհներց» ու ռուս զինվորների հեռանալու հետեւանքով ռազմաճակատի մերկացումից, իր պանթուրքական ծրագրերը իրականացնելու նպատակով պիտի մտներ Կովկաս, իր ձեռքը վերցնելու Բաքվի նավթը: Իսկ Անդրկովկասում հաստատվելու եւ Բաքու հասնելու համար թուրք հրամանատարութունը նախ պիտի հաղթահարեր հայկական զորամասերի դիմադրութունն ու վերստին գրավեր ոչ միայն Արեւմտյան Հայաստանը, այլեւ Արեւլյան Հայաստանը:

Թուրք հրամանատարութունը հայկական զորամասերի դիմադրութունն արագորեն հաղթահարելու նպատակադրութայամբ, ծրագրել էր ռազմական գործողութունները իրականացնել, կարելի է ասել, համակողմանիորեն մշակված մարտավարութայամբ:

Համաձայն այդ մարտավարութայան՝ ռազմաճակատում թուրքական զորքերի հարձակմանը զուգընթաց, միաժամանակ պիտի զենքի դիմեին Արեւելյան Հայաստանի տարածքում բնակվող մահմեդական զինյալ հրոսակախմբերը, որոնց գործողութունների հետեւանքով հայկական զորամասերի թիկունքում պիտի ստեղծվեր կատարյալ խառնաշփոթ, քոսային ու անկառավարելի իրավիճակ:

Երեւանի Ազգային Խորհրդի անդամ Արշալույս Աստվածատրյանի տեղեկացմամբ՝ «Այդ նպատակը դյուրութայամբ իրագործելու համար, նա՝ Ադրբեջանի քաղաքական գործիչների օգնութայամբ՝ շարժման մեջ էր դրել հայկական շրջաններում ապրող թուրքերին և քրդերին»¹:

Եթե թուրք հրամանատարութայանը հաջողվեր իրականացնել իր ծրագրած մարտավարութունը, ապա հայկական զինուժը հարկադրված կլիներ պատերազմել ոչ միայն արտաքին ճակատում՝ ընդդեմ թուրքական կանոնավոր զորամասերի, այլեւ ներքին ճակատում՝ ընդդեմ թուրք սպաների ու գործակալների գործուն մասնակցութայամբ կազմակերպված մահմեդական հրոսակախմբերի:

Թուրքական զինվորական հրամանատարութայան կողմից Կովկաս գործուղված սպաների ու գործակալների հրահրմամբ համաթուրանական գաղափարներով վարակված կովկասյան թուրքերը (ռուսական պաշտոնական օղակներում նրանց անվանել են կովկասյան թաթարներ-Հ. Գ.) ռազմաճակատի թիկունքը խարխիւելու

¹ Վրացեան Ա., Հայաստանի Հանրապետութիւն, 1982, Թեհրան, էջ 122:
² «Հորիզոն», 1918, մայիսի 9:

¹ Աստվածատրյան Ա., Սարդարաբաթի պատմաշինութունը եւ այլ երկեր, Երեւան, 2007, էջ 694:

եւ հայկական գործադրումների կազմավորումը խոչընդոտելու դիտավորութեամբ՝ պարբերաբար հարձակումներ էին գործում հայոց գյուղերի ու հաղորդակցութեան կարեւորագույն հանգույցների, մինչեւ անգամ ճակատ մեկնող հայ զինաշուկատների վրա, ստեղծելով կատարյալ քառասյին եւ անկառավարելի իրավիճակ:

«Ամեն տեղ-շարունակում է Ա. Աստվածատրյանը,-կռիվ էր: Հարձակվում էին թուրքերը եւ քրդերը: Պաշտպանվում էին հայ գործառնները եւ ինքնապաշտանական խմբերը: Երկաթուղին հայերի համար կտրված էր, գնացքից հանում էին հայերին եւ ամենքի աչքի առջեւ մորթում: Դավալուն կտրված էր Երեւանից: Շարուր-Նախիջեւանի ամբողջ գավառներում կռիվներ էին տեսի ունենում թուրքերի եւ հայերի միջև»¹:

Այդ ժամանակահատվածու համանման իրավիճակ է տիրել գրեթե ողջ Արեւլյան Հայաստանում, ամենուրեք զինված բախումներ:

Թագմաճակատի թիկունքում գործելու համար թուրք հրամանատարութիւնը ակտիվացնում է նաեւ քրդական հրոսակախմբերի գործողութիւնները:

«Օգտուելով, նշում է «Հորիզոնը», - ժամանակակեր կառավարութեան թուլութիւնից եւ պրոպոկացիոն մութ ուժերի զրդումից, Սուրմալուից ու Հայոց Ձորից մինչեւ Մամախաթուն քրդական աւազակաբարոյ, մինչեւ ատամները զինուած հրոսակախմբերը յարձակում են խաղաղ բնակչութեան վրայ, կողոպտում են, վիրաւորում ու սպանում: Չեն քաշում անգամ զինուորների ու պարէնատար գործառնների վրայ էլ յարձակուելուց»²:

Թագմաճակատի թիկունքում ստեղծված տագնապալի կացութիւնը ինչ-որ եղանակով շտկելու ու կարգավորելու նպատակով, Ռուսաստանի ժամանակավոր կառավարութեան որոշմամբ խառը ազգաբնակչութիւն ունեցող վայրերում ստեղծվում են «Ազգային խառը մարմիններ»: Այդ մարմինները ժողովրդի կողմից ընտրված յուրօրինակ գործադիր իշխանութիւններ էին, որոնք պիտի ոչ միայն տեղերում ղեկավարեին գյուղական համայնքները, այլեւ կայուն խաղաղութիւն հաստատեին տարբեր ազգութիւններին պատկանող բնակիչների միջեւ: Իսկ Հայաստանի տարածքում՝ բուն ռազմաճակատի թիկունքում, կայուն խաղաղ իրավիճակի հաստատումը թուրք իշխանութիւնների նպատակներից դուրս էր, նրանց անհրաժեշտ էր ճիշտ հակառակը:

Թուրք քարոզիչներն ու գործակալները իրենց հավատակիցների մոլեռանդութիւնն ու ընչաքաղցութիւնն ակտիվ խստացնելու, բորբոքելու եւ նրանց քրիստոնյաների դեմ առավելագույնս գորաշարժելու նպատակով ակտիվ ու ակտիվ են ակտիվացնում իրենց գործունեութիւնը: Անդրադառնալով այդ ժամանակահատվածում թուրք բնակչութեան շրջանում տիրապետող տրամադրվածութեանն ու նրանց քարոզիչների գործունեութեանը, Մարտիրոս Աբրահամյանը նշում է. «Մենք (թուրքերը - Հ.Գ.) պիտի զինուենք, աշխատենք կամաց-կամաց խառնել երկիրը, ճանապարհները կտրենք, ֆրոնտի գործին ուղարկուող պարէնը թալանենք, որ քաղցած մնան:

... Կակազում պիտի յարձակուենք անհաւատ քրիստոնեաների վրայ, քանդենք գիւղերը, սպանենք, թալանենք, որ քրիստոնեաների գլուխը խառնուի իրենց պաշտպանելով, մինչեւ որ Օսմանց եղբայրների գործերը կը կարողանան յառաջանալ:

... Երբ օսմանցու գործերը կը հասնեն այստեղ, այս գեղեցիկ երկիրը կը դարձնենք զուտ մահմեդական երկիր...»³:

Ժողովրդի ինքնապաշտպանութիւնը կազմակերպելու եւ անվտանգութիւնը ապահովելու նպատակով ստեղծվում են «Ժողովրդական միլիցիաներ», որոնք պետք է գործեին շրջաններում եւ գյուղերում, ցուցակագրեին զենքերն ու զենքի ընդունակ մարդկանց եւ հիմք դնեին ինքնապաշտպանական ջոկատների:

«Գործի կազմակերպումը, - շարունակում է Մարտիրոսը, - յանձնում է Դրոյին:

Խոսքով եղիազարեանն ուղարկուեց Նոր-Բայազէդի շրջանը, Եսպոնը՝ Դարալագեագի:

Մեծ Ղազարը ճանապարհուեց, կազմակերպելու համար Նախիջեւանի եւ Գողթանի շրջանների ինքնապաշտպանութիւնը: Ինձ կարգադրեց անցնել գործի՝ կազմակերպել Չանգի-Բասարի, Դաւալուի եւ Ղամարլուի հայութեանը:

Օնէն՝ Արարատի, Աշտարակի եւ Էջմիածնի, իսկ Յովսէփը՝ Սուրմալուի պատասխանատուներն էին»²:

Չնայած Դրոյի կողմից ձեռնարկված վերահիշյալ քայլերին, իրավիճակը գնալով ակտիվ է շիկանում եւ լուրջ կերպարանք ստանում:

Այդ օրհասական ժամանակաշրջանում ժողովրդի ֆիզիկական գոյութիւնը հնարավոր էր ապահովել միմիայն ազգի կենսունակ, առողջ ուժերի համախմբման եւ թշնամու ոտնձգութիւններին անխորտակ հարվածներով պատասխանելու միջոցով:

¹ Նույն տեղում:

² «Հորիզոն», 1918, մայիսի 9:

¹ Խմբապետ Մարտիրոս Աբրահամեան, Գշվ. աշխ., էջ 362:

² Նույն տեղում, էջ 263:

Անդրադառնալով այդ օրերին տեղի ունեցած դեպքերին՝ Դրոն նշում է. «Մի կողմից մեր դրան առջև կանգնած էր դարաւոր թշնամին՝ թուրքը իր բանակներով, իսկ միւս կողմից թաթարների հետ մեր ներքին կռիւները կյանում էին Հայ ժողովրդի հիւանդութիւնները սպառնում էին զանազան շրջանների: Ռուս բանակը հեռանում էր խուճապահար եւ արտաքին օգնութեան ոչ մի յոյս չէր մնում:

Ի՞նչ անել, ինչպէ՞ս փրկել ժողովրդի գոյութիւնը, ի՞նչ միջոցով դուրս գալ այս ծանր իրավիճակից:

Շուարումի, լքումի եւ յուսահատութեան այս խեղճով մթնոլորտի մէջ է, որ Հայ ժողովրդի մարտական մեծ կուսակցութիւնը՝ Հ.Յ.Դաշնակցութիւնը տուեց վճռական որոշումը եւ տէր կանգնեց Հայութեան ճակատագրին: Նա կուռից դուրս ուրիշ միջոց չգտաւ մեր ժողովուրդը փրկելու»¹:

Հայոց Ազգային Խորհուրդը, ժողովրդի մարտական ոգին բարձրացնելու եւ նրան թշնամու դեմ քաջաբար մարտնչելու վճռականութիւնը հաղորդելու նպատակով, ոգեշնչող կոչերով դիմում է բովանդակ Հայութեանը: Անտարակույս շատ մեծ պետք է լիներ Դրոյի նկատմամբ Հայութեան ու հատկապէս զինվորականութեան տաճած սերը, հարգանքն ու վստահութիւնը, որպեսզի Հայոց Ազգային Խորհուրդի նախագահ Ավետիս Ահարոնյանը Հայ մարտիկներին ռազմի դաշտ ու սիրանքների կոչելիս՝ նշեր. «Ո՛վ արի, նախնեաց մեր անզուգական հերոսների քաջութեամբ զինւած մարտիկներ, դէպի ճակատ՝ մեր նոր հերոսամարտին, ուր ձեր հրամայողը, մարտի սրբազան դաշտում ձեզ առաջնորդողը ԴՐՕՆ է, մեր ամէնքի պաշտելի հերոսը, որ երբեք պարտուել չգիտէ»²:

Այդ ժամանակ Դրոյի գործունեութեան ոլորտը ընդգրկում էր ռազմաճակատում եւ թիկունքում ծավալվող մարտական գործողութիւնների կարեւորագույն ու հրատապ լուծում պահանջող խնդիրները: Նախ, որպէս Երեւանյան զորախմբի հրամանատար, Դրոն Երեւանի նահանգում եւ Արեւելահայաստանի մյուս շրջաններում պիտի իրականացներ թուրք զինված խմբերի զանգվածային ելույթների շտապ «խաղաղեցումը», ռազմաճակատի թիկունքի ապահովումն ու կայունացումը եւ ապա, որպէս հայկական բանակային կորպուսի զինվորական կոմիսար, նրա անմիջական պարտականութիւնների մեջ էին մտնում Հայկական բանակային կորպուսի զորա-

մասերի կազմավորման եւ հայկական ողջ զինված ուժերի մարտական խնդիրների, մարտավարութեան մշակման, ինչպէս նաեւ դեկավարման հետ կապված աշխատանքները:

Պարտականութիւնների բերումով նա հարկադրված լինում էր ոչ միայն ռազմաճակատում ու կռիվների թատերաբեմի վերածված շրջաններում, այլեւ Թիֆլիսում, ուր Հայոց Ազգային Խորհուրդը, Ձինվորական խորհուրդը եւ հայկական բանակային կորպուսի հրամանատարութիւնը քննարկում էին ռազմաճակատին ու թիկունքին վերաբերվող խնդիրները: Որպէս օրենք, ռազմաճակատի հետ կապված ցանկացած հարցի քննարկման ժամանակ Դրոն իր դատողութիւնները շարադրում էր առանց երկմտելու, ռազմական իրավիճակը խորութեամբ ըմբռնող իրատես ռազմագետի տրամաբանութեամբ ու համարձակութեամբ:

Հայոց Ազգային Խորհուրդի զինվորական մասի վարիչը Մոսկվայի Հայկական կոմիտեի նախագահ, մասնագիտութեամբ իրավաբան Ստեփան Մամիկոնյանն էր, իսկ տեղակալը՝ Ռուբեն Տեր-Մինասյանը: Նրանք զինվորական չէին ու ծանոթ չլինելով բանակին վերաբերող խնդիրներին, բնականաբա չունեին բավարար հեղինակութիւն զինվորականութեան շրջանում, եւ այդ պատճառով հաճախ վեճեր են ծագել նրանց ու զինվորականների միջեւ:

Ս. Վրացյանի գնահատմամբ՝ «Դրոն հակադէպ ուժ էր, իբրեւ բոլորի վստահութիւնն ու համակրանքը վայելող անձնաւորութիւն: Հակառակ իր տաքարիւն բնաւորութեան նա զարմանալի նրբամիտ վերաբերմունք էր ցոյց տալիս եւ դիւրութեամբ գտնում էր ձեւը եւ միջոցը մարդկանց յուզումները հանդարտացնելու համար:

Մանաւանդ զինվորականները նրան յարգում ու սիրում էին:

Ես յիշում եմ մէկից աւելի դէպքեր, երբ Դրոն, մի տեսակ, զազանազուսալի դեր էր կատարում կուռի փոխուած սուր վեճերը հանդարտացնելու համար, մանաւանդ, Անդրանիկի եւ Ռուբէն Տէր Մինասեանի միջեւ, որին Անդրանիկը, չգիտեմ ինչո՞ւ, տանել չէր կարողանում: Դրոյին իրեն համար ամենաընդունելի մտքերը նա լսում էր անվրդով»¹:

Ինչպէս արդեն նշվել է, 1917 թ. դեկտեմբերին Կովկասյան ռազմաճակատ փաստորեն գոյութիւն չունեի: Բնական է, որ այդ հանգամանքն արմատապէս պիտի փոխեր թուրք հրամանատարութեան տրամադրվածութիւնն ու մարտավարութիւնը: Հաջորդ տարվա փետրվարի 9-ին էրզրումի զորախմբավորման հրամանատար, զենեւրալ Օդոշելիձեան Կովկասյան ռազմաճակատի գլխավոր հրամանա-

¹ Հայաստանի Հանրապետութեան 60-ամեակը 1918-1978, էջ 5:
² Դրո, Երեւան, 1991, էջ 238:

¹ Վրացեան Ս., Սրրկածին Դրոն, էջ 98:

տարությանը ուղղված հեռագրում նշում է. «Վեհիբ փաշան բոլորովին որոշակի յայտարարեց, որ պատերազմի իրաւունքով մեր գրաւած թուրքական վայրերում մուսուլման բնակչութիւնը պահպանելու նպատակով ինքը առաջ կը շարժուի մինչեւ ոռւս զօրքերի հանդիպելը, որպիսի զօրքեր նա չի համարում հայկական զօրամասերը: Այս նկատմամբ խնդրում եմ շուտափոյթ կարգադրէք անյապաղ էրզրում (Կարին) ուղարկել ոռւսական կորպուսի գէթ մի քանի բատալիոններ, իբրեւ յառաջապահ զօրքեր, որը թերեւս թուրքերին հարկադրէ էրզրումի վրայ չշարժուելու: Առանց այս միջոցի, այսինքն՝ եթէ էրզրումը գրաւուած մնաց բացառապէս Հայկական զօրամասերով թուրքերն անխուսափելիօրէն կը գրաւեն էրզրումը»¹:

Իգուր էր գեներալի պահանջը, Կովկասյան ճակատում այլեւ ոռւսական ոչ մի ռազմական ուժ գոյութիւնն չուներ, եւ այդ իրողութեանը քաջատեղյակ թուրք հրամանատարութիւնն աշխատում էր դիվանագիտական փակուղիների առաջ կանգնեցնել Կովկասյան հրամանատարութեանը՝ արդարացնելու թուրքական զօրքերի սպասվելիք հարձակումը:

Եվ դժվար չէր հասկանալ, որ թուրքերը՝ օգտվելով ռազմաճակատի մերկացումից, կխախտեին 1917 թ. դեկտեմբերին Երզնկայում ոռւս հրամանատարութեան հետ կնքված զինադադարը եւ համալրելով ու վերախմբավորելով իրեց բանակը, շատ շուտով կդիմեին ակտիվ մարտական գործողութիւններին:

Բարբրդից Երզնկա եւ մինչեւ Բիթլիս ու Վան ձգվող հսկայածափալ ռազմաճակատում հայ փոքրաթիվ նորաստեղծ զնդերին վիճակված էր դիմադրաբերել թեւեւ մի շարք ճակատամարտերում պարտված, բայց դեռեւս զգալի հզորութեամբ օժտված եւ հայ զորագնդերից անհամեմատ բազմաքանակ թուրքական կանոնավոր զորամիավորումներին, որոնց հիմնական միջուկը կազմում էին առաջին աշխարհամարտի հնոցում թրծված, անգամ անգլո-ֆրանսիական զօրքերի դեմ Գալիպոլիսի ու Դարդանեյլի նշանավոր ճակատամարտերին մասնակցած բազմաթիվ սպաներ ու զինվորներ: Հարց է ծագում կարո՞ղ էին Հայոց նորաստեղծ փոքրաքանակ ուժերը պաշտպանել Սեւ ծովից մինչեւ Ուրմիա ձգվող ավելի քան 720 կիլոմետրի հասնող հսկայածափալ ռազմաճակատը, որը նախկինում պաշտպանում էին ավելի քան 300.000 զինվորներ:

Հայ ժողովրդի համար կենսական նշանակութիւն ունեցող վերահիշյալ հարցը քննարկելու եւ անհրաժեշտ որոշում կայացնելու նպատակով 1918 թ. դեկտեմբերին Թիֆլիսում գումարվում

է Հայոց Ազգային եւ Ապահովութեան Խորհուրդների համատեղ խորհրդակցութիւն, որին մասնակցել են նաեւ Արամ Մանուկյանը, Անդրանիկն ու Դրոն:

Խորհրդակցութիւնում ի թիվս մի շարք հարցերի, քննարկվել է նաեւ Դրոյի ներկայացրած առաջարկութիւնը, որը տեղիք է տվել բուռն վիճաբանութիւններին:

Ավելի քան զարմանալի է ու անբացատրելի, որ հայութեան համար ճակատագրական ու բախտորոշ նշանակութիւն ունեցող հարցերի քննարկմանը նվիրված նիստը կայացել է առանց հայկական զորամիավորումների բարձրաստիճան հրամանատարների, այդ թիվում նաեւ գեներալ Թ. Նազարբեկյանի, մասնակցութեամբ: Իսկ նրանց տեսակետը, որպես կադրային ու փորձառու զինվորականների, ավելի քան անհրաժեշտ էր:

Ելնելով ռազմաճակատում տիրող իրական կացութիւնից եւ մարտական ուժերի հնարավորութիւնից, Դրոն հավատարիմ համոզմունքները համարձակորեն արտահայտելու իր սկզբունքայնութեան, շատերի համար անսպասելի՝ առաջարկում է փոքրացնել, կրճատել ռազմաճակատը եւ եղած ուժերը կենտրոնացնելով ավելի փոքր հատվածում՝ ստեղծել պաշտպանութեան հզոր հանգույց: Չնայած սահմանամերձ մի քանի կետերում արդեն գործում էին հայ երկրապահ նոր-նոր կազմավորված, փոքրաքանակ մարտական կազմ ունեցող զորագնդերը, սակայն ապրիլյան եղեռնից հետո Արեւմտահայաստանը մեծամասամբ ամայացել էր, եւ բացառութեամբ Վանի, հայկական մյուս գավառներում մահմեդականութիւնն արդեն բնակչութեան մեծամասնութիւնն էր կազմում: Թիկունքը ռազմաճակատից բաժանող տարածքում վիստում էին թուրքական հրամանատարութեան գործակալների կողմից առաջնորդվող թուրք-բուրդ եւ չերքեզ զինյալ բազմաթիվ հրոսակախմբեր: Իսկ ռազմաճակատի պաշտպանունակութիւնը ամրապնդելու համար անհրաժեշտ էր թիկունքի հետ կայուն փոխկապակցվածութիւն, զինվորական համալրումների, զենքի, ռազմամթերքի ու պարենի մատակարարումների անխափան ապահովում: Տվյալ պարագայում, քանի որ թիկունքը մահմեդական հրոսակախբերի պարբերաբաժ կրկնվող զինված ելույթների պառճառով վտանգված էր, այդ պատճառով հայկական բնակավայրերի անվտանգութեան ապահովման, ինչպե՞ս նաեւ ռազմաճակատը թիկունքին կապող հաղորդակցութեան ուղիների անխափան գործելուն նպատակաուղղված ջանքերն անասելի դժվարութիւնների առջեւ էր կանգնեցրել Հայոց Ազգային Խորհրդին եւ հայկական զորաբանակի հրամանատարութեանը:

¹ «Յորիզոն», 1918, թիւ 33:

Անդրադատելով ռազմաճակատի խեղդիների քննարկմանը նվիրված Ազգային Խորհրդի կողմից գումարված խորհրդատվում Դրոյի պաշտպանած տեսակետի լուսարանմանը, Միսոն Վրացյանը գրում է. «Դրոն իրանց առաջ եւ այդ օրերի համար «ապրտափելի» իրանքն ասաց.

- Ձեր այդ առաջարկները բոլորն էլ փորձուած են (մինչեւ Դրոյի իրանք առնելը բոլոր ելույթ ունեցողները՝ Ավ. Ահարոնյանը, Անդրանիկը, Ռուբենը, Խաչատուր Կարճիկյանը, Սա. Մամիկոնյանը եւ այլք, որտեղայնով էին նոր գորտեղ հայտարարելու միջոցով ռազմաճակատի առկա տարածքը պահպանելու օգտին - Ղ.Գ.): Անգուտ է դրանց վրայ այս դեմը: Իրողութիւնը այն է, որ ուստ գորքերը հեռանում են ետեւից եւ մենք ի վիճակի չենք, բուտարար գորք չունինք նրանց լքած բոլոր դիրքերը գրտակելու: Որոշ ժամանակ էլ եթէ այդպէս շարունակուի, ռազմաճակատը պիտի մերկանայ, եւ թշնամին առանց դիմադրութեան առաջ պիտի շարժուի: Հետեւաբար, ի՞նչ պէտք է անել:

Եվ պատից կախուած զինուորական քարտէզի առաջ անցնելով շարունակեց.

- Տեսնում էք այս տարածութիւնը, ահա Վանը, այս Բիթլիսն է, այս Մուշը, այս Երզնկան... Այս ամբողջ տարածութիւնը մենք պէտք է պաշտպանենք, մենք՝ հայերս, մի բուտ ուժերով: Հնարաւոր բան է:

- Հնարաւոր է, - լսուեց մի ձայն:
- Ոչ հնարաւոր չէ:
- Ապա, ուրեմն, ի՞նչ անել, - շարունակեց Դրոն:
- Պէտք է կարեացնել ռազմաճակատը: Վան-Երզնկա դիրք չենք կարող պաշտպանել, գուցե՛ կարողանանք...

Սենեակում լսուեցին վրդովուած բացականչութիւններ: Անդրանիկը բեղերն էր կրծոտում:

- Մի վրդովուէք, - ձայնը բարձրացրեց Դրոն, - Հաշիւը պարզ է, եթէ չենք ուզում ամբողջը կորցնել, պահենք գոնէ մէկ մասը:

Ու սկսեց գորամասերի անուններ յիշել, վայրերի տարածութիւնները ներկայացնել, մեր ուժերը համրել:

- Հաշիւը պարզ է, միայն մեր ուժերով չենք կարող Վան-Երզնկա-Տրապիզոն դիրք պաշտպանել: Դա արտուրդ է: Պէտք է քաշենք մեր ուժերը Բայազէդ-Բասէն գծի վրայ... Պէտք է Վանի, Մուշի, Երզնկայի շրջանների բոլոր պահեստները ոչնչացնենք... Պէտք է մեր ուժերը, պաշտպանութեան բոլոր միջոցները կենտրոնացնենք կարճ սահմանագծի վրայ, այլապէս...

- Այլապէս, ի՞նչ, - լսուեց մի խեղդուկ ձայն:

- Այլապէս, Թրքահայաստանը կորցնելուց յետոյ, Ռուսահայաստանն էլ կը կորցնենք...

Սենեակում տիրեց խորին լուռութիւն: Անդրանիկը, որ նստած էր մօտս, դրան մօտ, գլուխը կախ, ցնցուած էր ներքին յուզումից՝ սեւ ամպի պէս պատրաստ պայթելու:

-Ես համաձայն եմ Դրոյին, բայց...չկարողացաւ շարունակել ՌուբէնՏէր Մինասեանը: Սեւ ամպը պայթեց ասեւելի որոտով...

Անդրանիկը, վագրի կատաղի ոստիւնով, ցատկեց տեղից եւ բուռնքնները ճոճելով խոյացաւ Ռուբէնի վրայ, որ յանկարակիի եկած, մի պահ լուեց, ապա, անցնելով սեղանի միւս կողմը, նոյնպէս բուռնքնները ճոճելով՝ սկսեց պոռալ Անդրանիկի երեսին: Ժողովը խանգարուեց:

Ռուբէնը մեղք չունէր. Անդրանիկի զայրոյթի առարկան Դրոն էր, բայց Դրոյի վրայ չէր կարող պոռալ, ինչպէս չէր կարող պոռալ Բեռի կամ Ռոստոմի վրայ: Անդրանիկը սիրում էր Դրոյին եւ մի քիչ էլ պատկառում էր, հակառակ տարիքի տարբերութեան»¹:

Դրոյի առջարկած տեսակետի իսկութեան մասին հավաստում է նաեւ Արեւմտահայոց Ազգային Խորհրդի նախագահ Վահան Փափազյանը (Կոմս). «...Դրոն կը պնդէր ճակատը կարճացնել, գորքերը Բասէն, Բայազէդ գծին վրայ տեղափոխել: Այդ ժամանակ նրա տեսակէտը չընդունուեց...»²:

Բացի դրանից, Դրոն առաջարկում է եւս մի բրիգադ կենտրոնացնել Դիլիջանի ուղղութեամբ: Նրա համոզմամբ՝ եթէ մեր գորքերը ռազմաճակատում մատնվին անհաջողութեան, ապա այդ բրիգադի աջակցութեամբ կարելի կլինի շարժվել Գանձակի եւ Արցախի ուղղութեամբ եւ «...միանալով Բաքուին՝ ապահովել հայ ժողովրդի գէթ մարդկային գոյութիւնը»³:

Տվյալ ժամանակահատվածում նրա տեսակետը զուտ հոգեբանական, բարոյական առումով դժվար ընկալելի էր եւ գուցե թե՛ ճիշտ չէր հնչում: Իրոք, դժվար էր համակերպվել Արեւմտյան Հայաստանը թողնելու մտքին, բայց իրական կացութեան խոր իմացութեան ու գնահատման եւ սթափ ու առողջ բանականութեան տեսանկյունից Դրոյի առաջարկը ճիշտ էր, խորապես կշռադատված, ինչը եւ ապացուցեց ժամանակը:

Ազգային Խորհուրդը որոշում է պահել ռազմաճակատը: Այդպիսի որոշման ընդունման կողմնակիցների համոզմամբ, Թուր-

¹ Վրացեան Ա., Կեանքի ուղիներով, հ. 7, Պէյրուս, 1965, էջ 179-181:
² ՀՀԴ ԿԱ, թժ. 206, գ. 65/3:
³ Տե՛ս Վրացեան Ա., Կեանքի ուղիներով, հ. Բ, էջ 181:

քիան եւ նրա դաշնակից տերութիւնները՝ Գերմանիան, Ավստրո-
Հունգարիան եւ Բուլղարիան գրեթէ պարտովել էին ու թուլացել, իսկ
նրանց հաղթող տերութիւնները դրական վերաբերմունք ունեին
Հայ Դատի եւ Հայութեան նկատմամբ:

Մերծելով Դրոյի առաջարկութիւնը՝ Հայոց Ազգային Խորհուր-
դը որոշում է Անդրանիկին, որը ի դեպ Երզնկայից մինչեւ Վան եւ
Բիթլիս ձգվող ռազմաճակատը պահպանելու ամենաջերմեռանդ
կողմնակիցն էր, նշանակում է Էրզրումի երկրապահ ճակատի հրա-
մանատար այն համոզմամբ, որ նշանավոր Հայդուկապետը, իր հե-
ղինակութեամբ եւ ռազմական կարողութեամբ կկարողանա ոգեկո-
չելով զորքին ու ժողովրդին՝ պաշտպանել ռազմավարական վճռա-
կան նշանակութիւն ունեցող Էրզրումի բերդաքաղաքը: Ավելին,
Հայոց Ազգային Խորհրդի միջնորդութեամբ Կովկասյան ռազմաճա-
կատի հրամանատար գեներալ Լեբեդիւնսկու հրամանով 1919 թ.
հունվարին նրան շնորհվում է գաւուրյադ(պաշտոնակատար) գեներ-
ալ-մայորի զինվորական աստիճան:

Հարկ է նշել, որ Անդրանիկին երկրապահ ռազմաճակատի հրամա-
նատարի պաշտոնում նշանակելիս, իսկ դա հավասարազոր է դիվի-
զիայի հրամանատարի պաշտոնին, Հայոց Ազգային Խորհուրդն ու
Արեւմտահայ Ապահովութեան Խորհուրդը, ինչքան էլ տարօրինակ
ու անհասկանալի լինի, շրջանցել էին Հայկական բանակային կոր-
պուսի հրամանատարութեանը, նույնիսկ գեներալ Թ. Նազարբեկո-
վին եւ հաշվի էին առել նրանց կարծիքը:

Կորպուսի հրամանատար գեներալ Թ. Նազարբեկյանի գնահատ-
մամբ՝ ճիշտ էր Անդրանիկին այդ պաշտոնին նշանակելը: Գեներ-
ալի կարծիքով այդ նշանակումը հավանաբար կատարվել էր նրա
ազդեցիկ կողմնակիցների միջնորդութեամբ¹:

1918 թ. փետրվարին թուրքերը, խախտելով Երզնկայի զինադա-
դարը, անցնում են Հարձակման: Կատարվում է այն, ինչ կանխատե-
սում էր Դրոն: Ձնայած հերոսական դիմադրութեանը՝ Հայկական
փոքրաքանակ ուժերը չկարողանալով կայուն դիմադրութիւն ցույց
տալ թուրքական զորքերին, թողնում են Բաբերդը, Երզնկան, Վանը,
Բիթլիսը եւ վերջապես, Արեւմտահայաստանի ամենակարեւոր հենա-
կետը՝ Էրզրումը: Ընդ որում՝ Էրզրումի մատուցներում եւ բուն բեր-
դաքաղաքում հայկական զորքերի դիմադրութիւնը եղել է բավա-
կան անկազմակերպ եւ թույլ, եւ ինչպես իրավացիորեն նշում է գե-

ներալ Հախվերդյանը, «... թուրքերը հեշտութեամբ կարողացան
գրավել բերդաքաղաքը, թերեւս միայն Մուրադին (նկատի ունի Սե-
բաստացի Մուրադին - Հ.Գ.) իր ձիավորներով հաջողվեց փոքր-ինչ
զսպել թուրքերի ճնշումը...»²:

Զկար այլեւս Հայաստանի արեւմտյան հատվածի վերջին պատ-
վարը՝ Էրզրումի հզոր բերդաքաղաքը: Դեպի Արեւմտյան Հայաս-
տան, արա նաեւ Արեւելյան Հայաստան տանող ուղիները բաց էին:

Ս. Վրացյանի վկայութեամբ. «Տարիներ անց Բէյրութից վերջին
անգամ Ամբրիկա մեկնելիս՝ Դրոն, կրկին ու կրկին անգամներ, ման-
րամասնորէն յիշեց այդ միջադէպը: Նա համոզուած էր, որ եթէ այն
ժամանակ իր առաջարկը ընդունուէր, շատ դժբախտութիւններ տեղի
էէին ունենայ»²:

Էրզրումի անկումից հետո թուրքական զորքերը, կրնկակոխ հե-
տապնդելով նահանջող հայկական զորազնդերին, մոտենում են Սա-
րիղամիշին: Ահափոր սպառնալիք է կախվում Հայաստանի մնացած
փոքրիկ տարածքում հավաքված Հայութեան վերջին բեկորների
վրա, եթե հայկական զորքերը չկարողանային արժանի դիմադրու-
թիւն ցույց տալ եւ կանգնեցնել թուրքերին: Ռազմաճակատում
վատթարագույն ուղղվածութեամբ զարգացող մարտական գործո-
ղութիւններին գուզընթաց՝ թիկունքում շարունակաբար կրկնվող
թուրք զինված խմբերի ելույթներն իրենց բնակավայրերին էին գա-
մել գնեքի ընդունակ հայերին, որոնք Արեւելահայաստանի տարած-
քում ծայր առած զինված բախումների ճնշման տակ առավելապես
մտահոգված էին իրենց գյուղերի եւ ընտանիքների ապահովութեան
պահպանմամբ: Թուրք հրամանատարութեան նախաձեռնութեամբ
արյունակիցների միջոցով Հայաստանի շրջաններում ստեղծված
քառասային կացութիւնն իր սեւ գործը կատարեց: Ռազմաճակատից
իրենց ընտանիքների ճակատագրով տազնապած բազմաթիվ Հայ
զինվորներ լքում էին զորամասերը եւ վերադառնում հարազատ

* Համաձայն ցարական բանակի գործող օրենքների, զինվորական աստի-
ճան չունեցող անձնավորութայնը կարելի էր ժամանակավորապես (գաւուր-
յադ) շնորհել գեներալ- մայորի զինվորական աստիճան, եթե նա նշանակ-
վում էր դիվիզիայի հրամանատար:

Նա այդ կոչումը կարող էր կրել այնքան ժամանակ, քանի դեռ զբաղեց-
նում էր դիվիզիայի հրամանատարի պաշտոնը: Հակառակ պարագայում,
այսինքն երբ թողնում կամ հեռացվում էր զբաղեցրած պաշտոնից, այն է՝
դիվիզիայի հրամանատարությունից, այլեւս իրավունք չունէր կրելու գե-
ներալի աստիճանն ու հազմելու գեներալի համազգեստը:

¹ ՀԱԱ, ֆ. 45, ց. 1, գ. 32, ք. 24(2):

² Վրացեան Ս., Կեանքի ուղիներով, հ. 7, էջ 180:

¹ Տե՛ս Բանբեր Հայաստանի արխիվների, «Թ. Նազարբեկյանի հուշերը»,
1992, քի. 3, էջ 70:

վայրերը: Հայ զորազնդերում ծնունդ առած զանգվածային դասալքումներն ու տիրապետող անկազմակերպ վիճակը կարող էին ամենաողբերգական հետեւանքներն ունենալ:

Հեռավոր Ամերիկայում հրատարակվող Հ.Յ. Դաշնակցության «Ասպարէզ» օրաթերթը այդ օրերին դիմելով տեղի հայությանը գրում է. «Մօտ երկու միլիոն հայութիւնը, 300 հազար հայերու բեկորները, որոնք իրենց յոյսը դրած էին ուսւ յեղափոխական ժամանակաւոր կառավարութեան վրայ, այսօր վտանգի սպառնալիքի ներքեւ կը գտնուին:

Կովկասեան ռազմաճակատի անխնամ վիճակը թիւրքերու հակադարձակման հաւանականութիւնը, քիւրտերու մշտական թալանն ու սպանութիւնները, տեղական թաթարներու հապճեպ զինուելն ու վրացիների երկդիմի քաղաքականութիւնը վտանգի նոր դուռ բաց կանեն հայութեան համար: Մինակ ենք մեր անզօրութեան մէջ եւ մեր թշուառութեան հետ, շրջապատուած ենք մեզ չսիրող եւ մեզ հետ մրցակցող տարրերով, որոնք ամէն առիթ չեն փախցնի՝ հարուածելու մեզ»¹:

Ռուսական զորքերի կողմից ռազմաճակատը լքելու հետեւանքով ծանրագույն իրավիճակ էր ստեղծվել ոչ միայն ռազմաճակատում, այլեւ թիկունքում եւ հատկապես Երեւանի նահանգում:

«Երեւանի նահանգը, գրում է Ս. Վրացյանը, արեւելահայութեան սիրտը, գրեթէ կէս առ կէս Հայ եւ մահմետական-չատ կարեւոր ազգային-քաղաքական տեսակէտից, խոցելի էր ապահովութեան նկատառումներով: Մահմետական զանգուածները ենթակայ էին համաթրքական քարոզիչների գրգռումին, պատրաստ ազգամիջեան ընդհարումների համար: Անհրաժեշտ էր պահել անդորրութիւնը, ինչ գնով լինի, մանաւանդ որ ռազմաճակատը, հետզհետէ մերկանում էր ուսւ զորամասերից»²:

Անհրաժեշտ էին կարող, ձեռներեց ու մեծ հեղինակութեամբ օժտված, ազատագրական պայքարի նբութիւններն ու դժվարութիւնները ապրած փորձառու գործիչներ՝ քառասյին կացութիւնը շտկելու եւ թիկունքում ծավալվող աշխատանքները կարգավորելու համար: Հայոց Ազգային Խորհրդի որոշմամբ, 1917 թ. դեկտեմբերի վերջերին Երեւան էր գալիս Արամ Մանուկյանը եւ իրեն հատուկ մեծագույն եռանդով ձեռնամուկ լինում Արարատյան աշխարհի ծայրահեղ լարված ու խառնաշփոթ իրավիճակի կարգավորման խնդիրների լուծմանը: Արամի առաջարկութեամբ Երեւանում ստեղ-

¹ Ասպարէզ, 1918, 1918, թիւ 488, էջ 2:
² Վրացեան Ս., Կեանքի ուղիներով, հ. 7, էջ 178:

ծվում է Ազգային Խորհրդի իրավունքով մի մարմին՝ Հատուկ Կոմիտե, որի ձեռքում է կենտրոնանում նահանգի քաղաքական, տնտեսական եւ ռազմական իշխանութիւնը:

Հատուկ Կոմիտեի կազմում ընդգրկվել են Արամ Մանուկյանը, անկուսակցական Մկրտիչ Մոսինյանը (Մ. Մոսինյանը անդամագրվել է ՀՅԴ 1919 թ.-Հ. Գ.), Արշալույս Աստվածատրյանը, Երեւանի նահանգական կոմիտար Սահակ Թորոսյանը եւ Հայ զինվորական միութեան նախագահ բժ. Հովհաննես Մելիքյանը:

Հատուկ կոմիտեի նախագահ է ընտրվում Մ. Մոսինյանը, իսկ քարտուղար՝ Սարգիս Օհանջանյանը (Յարհատ)¹:

Անհրաժեշտութեան դեպքում Հատուկ Կոմիտեի նիստերին մասնակցել են Երեւանի շրջանի զինվորական ուժերի հրամանատար, գեներալ Մ. Սիրլիկյանն ու Հայկական բանակային կորպուսի զինվորական կոմիտար Դրոն: Հատուկ Կոմիտեի նախագահը թեպետ ընտրվել էր Մ. Մոսինյանը, սակայն Ազգային Խորհրդի ու Երեւանի նահանգի փաստացի ղեկավարը Արամ Մանուկյանն էր:

Ժողովրդի փրկութիւնն առաջին հերթին պայմանավորված էր միմիայն կազմակերպված ու մարտունակ բանակի գոյութեամբ, իսկ հայրենիքին ծառայելու պատրաստակամ արհեստավարժ կազմային զինվորականների քանակը այնքան էլ պատկանելի չէր:

Հատուկ Կոմիտեի անդամ Ա. Աստվածատրյանի գնահատմամբ՝ «Յատուկ Կոմիտէի առաջին ու գլխաւոր մտահոգութիւնն էր ռազմաճակատի ամրացումը եւ նրա կապակցութեամբ՝ թիկունքի ապահովութիւնը: Այդ նպատակով Յատուկ Կոմիտի առաջին քայլը եղաւ զինակոչ յայտարարել: Այդ հայտարարութեան համաձայն՝ զէնքի տակ էին կանչուում մինչեւ 28 տարեկանները:

Յատուկ Կոմիտէն այդ առթիւ մի կոչով դիմեց ժողովրդին, որով բացատրում էր կացութեան լրջութիւնը, զինակոչի անհրաժեշտութիւնը եւ, յանուն Ազգային Խորհրդի, հրաւեր ուղղում զինապարտների՝ երեք օրուայ պաշարով ներկայանալու տեղական զինուորական կենտրոնները»²:

Արամ Մանուկյանը, չնայած երբեւէ չէր զբաղվել զինվորական գործունեութեամբ, բայց ժամանակաշրջանի թելադրանքով դրսեւորելով զարմանալի կազմակերպչութիւնը եւ համառութիւնը՝ գուգահեռաբար վարում էր նաեւ Երեւանի Ազգային Խորհրդի զինվորական մասի գործերը:

¹ Տե՛ս Վրացեան Ս., Հայաստանի հանրապետութիւն, էջ 121:
² Նույն տեղում:

«Մինչև կառավարութեան թիֆլիսից Երեւան ժամանելը, գրում է Ռուբեն Տեր-Մինասյանը, 1918-ին Արամը վարում էր գինուտրական գործերը իր յատուկ ձեռով, առանց կապուելու ընդհանրապէս ընդունուած գինուտրական օրէնքներով եւ կանոններով: Նա ժողովրդական կազմակերպութիւնը ճաշակաւորած եւ ուժեղացուցած էր գինուտրական արուեստով: Գուցէ այս ինքնուրոյն ձեւը քննադատութեան ենթարկուի գինուտրական քննադատների կողմից եւ որոշ թերութիւններ գտնուին գինուտրական գիտութեան տեսակետից, բայց իրականութիւն է, որ կիրառուած ժողովրդական-գինուտրական ձեւերի շնորհիւ, առանց նիւթական եւ դրամական միջոցների, մի պատկառելի գինուտրական ոյժ էր կազմակերպուած թուրքերի դիմաց, որից կակնածէին նոքա»¹:

Հայ ժողովրդի Համար ճակատագրական նշանակութիւն ունեցող ժամանակում Երեւանում էր նաեւ Հայկական գործերի գինվորական կոմիսար Դրոն, որն իրեն Հատուկ եռանդով, Արամի Համագործակցութեամբ, ձեռնամուխ է լինում Հայկական բանակի զորամասերի կազմավորման, ինչպէս նաեւ մահմեդական հրոսակախմբերի պարբերաբար կրկնվող գինված ելույթները «խաղաղացնելու» աշխատանքներին:

Երեւանի նահանգում Հայկական զորամասի կազմավորման գործում անգնահատելի է նաեւ այդ նույն զորամասի (Հայկական բանակային կորպուսի 2-րդ դիվիզիա-Հ. Գ.) հրամանատար գեներալ Մովսես Սիլիկյանի ներդրումը:

Ս. Վրացյանի գնահատմամբ՝ «Արամի խոհեմ դիւանագիտութիւնն եւ Դրոյի երկաթէ բազուկը, ինչպէս եւ տեղական գործիչների իմաստուն ու անձնուէր ճիգերը, երկար ժամանակ, Համեմատաբար, խաղաղ պահեցին Արարատեան Դաշտը»²:

Չնայած խաղութիւնը պահպանելու նկատառումով Հայկական կողմի գործադրած ջանքերին, թիկունքում եւ մասնավորապէս Ս. Վրացյանի մատնաշած «Արարատեան Դաշտ»ում տիրող կացութիւնն ավելի ու ավելի էր շիկանում ու սպառնալի դառնում:

Երեւանի նահանգում խիստ տագնապալի կացութիւնում էին ստեղծում նաեւ քուրդ հրոսակախմբերը, որոնք 1917 թ. գարնանը գետանցելով Արաքսը, Թուրքիայի եւ Պարսկաստանի տարածքից պարբերամար ներխուժում էին Երեւանի նահանգ ու միանալով իրենց Հավատակիցներին, Հարձակվում եւ բռնութիւնների, թալանի ու ավարատութեան էին ենթարկում Հայկական գյուղերը: Բրդերի

Հարձակումներն առավել հաճախակի կրկնվել է Դրոյի Հայրենի Սուրմալու գավառում:

ՀՅԴ պաշտոնաթերթ «Հորիզոն»-ը փաստելով թուրքական եւ պարսկական քրդերի ավազակային գործողութիւնների ծավալների ընդարձակման իրողութիւնը՝ նշում է. «Վերջերս Արազդաշտում դեպի Նոր-Բայազետի անւանի ամառանոց Այրինջա եւ դիմել 170 հոգի Ջալալի քրդեր, բոլորն էլ Հեծեալ եւ զինւած տաճկական երեք-գծանի հրացաններով: Եղջիւրաւոր անասուններ քշել-տանելը, գիւղերի վրայ յարձակելը, սպանութիւնը, թալանը, կանանց փախցնելը եւ բռնաբարելը կամաց-կամաց սկսում են զանգւածային կերպարանք ստանալ: Ջալալիների ընդհանուր թիւը սկսած Բայազետ-Օրգով գծից մինչև Մասիսի ու Պարսկաստանի սահմանները՝ Հասնում է, ըստ հեղինակաւոր աղբիւրների՝ 9-10 հազար...»¹:

Երեւանի նահանգում կացութիւնը վատթարագույնի էր հասցրել նաեւ այն հանգամանքը, որ մի քանի Հարյուր հազարների Հասնող գաղթականութեան զգալի մասը խմբվել էր Արարատյան աշխարհում: Անհրաժեշտ էր թուրք-քուրդ ավազակախմբերի անընդմեջ Հարձակումներից պաշտպանել եւ կերակրել արդեն սովամահութեան գիւղիկն ընկած գաղթականութեանը:

Այդ օրերին արեւմտահայ գաղթականների հոծ բազմութեան հետ էջմիածնի, Աշտարակի շրջաններն է Հասնում Կարո Սասունին եւ ապա գալով Երեւան՝ ներկայանում է Ազգային Խորհրդի (Հատուկ Կոմիտե) անդամներին:

«Հոն էր, - վերհիշում է Կարո Սասունին, - Արամը, իբրեւ լիազօր, Հոն էր Դրոն, իբրեւ զինական ուժերու հրամանատար: Կարճ էր իմ զեկուցումը:

- Տեղահան ժողովուրդը, բաց երկնքի տակ, զօրամասեր եւ ժողովրդական բանակ, առանց կայանի ու ամէն օր կուի՝ շրջապատի թաթարներու հետ:

Կարկուտ տեղաց իմ գլխուն, զեկուցումը երբ վերջացրի:

Սահակ Թորոսեան եւ քանի մը այլ ընկերներ, որոնք Ազգային Խորհրդի անդամ էին, իմ վրայ յարձակուեցան բռնու քննադատութեամբ:

- Այս ի՞նչ կողոպուտ ու թալան, այս ի՞նչ մարդասպանութիւն է, մենք ընկերվարականներ ենք, այս արարքներուն վերջ պիտի տրուի:

Ջարմացած կը նայէի Ազգային Խորհուրդի անդամներուն զարացած դէմքին:

¹ Ռուբեն, նշվ. աշխ., հ. 7, էջ 330-331:

² Վրացեան Ս., «Կեանքի ուղիներով», հ. 7, էջ 178:.

¹ «Հորիզոն», 1917, օգոստոսի 20:

- Բայց, ընկերներ, էջմիածնի եւ Աշտարակի շրջաններուն մէջ մեր զինուորներէն յիսունէ աւելի զոհեր խլած են թաթարները, իսկ Թալինի ապստամբները 19 սասունցիների արիւնը թափած են անոր պարիսպներուն տակ:

Մտիկ ընողի դէմք չունէին իմ ունկնդիրները: Ես ալ զայրացած էի: Նայեցայ Արամին:

Արամ եւ Դրօն ոտքի ելան...

- Դուք Հանդարտօրէն գնացէք, եւ ձեր գործը շարունակեցէք: Կարեւորութիւն մի տաք ըսածներուն: Կացուցիւնը չեն ըմբռնէր:

Արամի եւ Դրօյի հաւաստիքները զիս Հանդարտեցուցին»¹:

Արամն ու Դրոն երկրում տիրող կացութիւնը ճիշտ էին ըմբռնել եւ խորապես կշռադատված գիտեին իրենց գործը: Հատկապես Դրոն, որն այդ օրերին պետք է առաջնորդեր Երեւանի նահանգում բռնկված մահմեդական հրոսակախմբերի զինված ելույթները ճնշելու նպատակով կազմավորվող նոր զորամասերը, գերազանց էր ըմբռնել, որ Հայաստանի տարածքում մահմեդական բնակչութիւնի զանգվածային զինված ելույթները ճնշելու ու արմատախիլ անելու եւ ռազմաճակատի թիկունքն ամրապնդելու միակ երաշխիքը գնեքն է ու մարտունակ զորամասերի առկայութիւնը:

Ներկայացնելով ռազմաճակատում ու Երեւանի նահանգում տիրող իրավիճակն ու այնտեղ տեղի ունեցող առավել արմատական նշանակութիւն ունեցող դեպքերը, Ս. Վրացյանը գրում է. «Թէ զօրամասերի մէջ տիրող անիշխանական տրամադրութեան վերջ տալու եւ թէ նահանգում ծայր տւած անկարգութիւնները զսպելու նպատակով Արամն ու Դրօն անհրաժեշտ գտան ստեղծել առողջ զինուորական մի կորիզ, որի վրա յենւած կարողանային երկրի մաքրագործման ու խաղաղութեան գործը դնել իրական հիմքերի վրա: Այդ նպատակով Դրօյին յանձնարարեց կազմել մի հետեւակ բրիգադ եւ մի ձիաւոր դիվիզիոն»²:

Գլխավոր վտանգը ներկայացնում էր ներքին թշնամին՝ թուրքական եւ քրդական վաղօրոք շատ լավ զինված հրոսակախմբերը, որոնք կազմ ու պատրաստ հարմար պահի էին սպասում՝ ասպատակելու հայկական բնակավայրերը: Նրանց դեմ պայքար ծավալելու նպատակով Երեւանի նահանգում հատուկ նշանակութիւն գործադրում էին կազմավորման (չպետք է շփոթել հայկական բանակային կորպուսի զորամիավորումների հետ, որոնք արդեն հիմնակա-

¹ Արամը, Երեւան, 1991, էջ 536-537:

² Վրացեան Ս., Հայաստանի Հանրապետութիւն, 1982, Թեհրան, էջ 122:

նում կազմավորվել էին եւ գտնվում էին ռազմաճակատում- Հ.Գ.) համար անհրաժեշտ էր նաեւ Կովկասյան ռազմաճակատի հրամանատարութիւնի թուլացումը:

1918 թ. հունվարի 26-ին Հայոց Ազգային Խորհուրդը Կովկասյան ռազմաճակատի գլխավոր շտաբին դիմում է հետեւյալ խնդրանքով. «Բանակի կոմիսար Դրօյի զինվորական միավորումների կազմավորման համար խնդրում ենք հրամայել Ալեքսանդրապոլից պարտիզանական զորամաս տեղափոխել 10-րդ հեծյալ հարյուրակը»¹:

Կովկասյան ռազմաճակատի հրամանատարութիւնը մինչեւ իրեն յուրահատուկ դանդաղկոտութեամբ կհասցնէր պատրաստել հրամանների նախագծերը, Դրոն, չսպասելով վերին հրամանատարութիւնի պատասխանին, կարճ ժամանակահատվածում հասցնում է կազմավորել առանձին հատուկ նշանակութիւն բրիգադը: Նոր զորամիավորման միջուկն էին նրա մարտական զինակիցներ Խոսրով Եղիազարյանի եւ բաշգառնեցի Մարտիրոս Աբրահամյանի, պորուչիկ Սերյոժա Փիրումյանի, գանձակեցի Չեմյակի (Արտեմ Նանուսյան) եւ «Ալադաղի արշավանքի» մասնակից կապիտան Կորուկովի հրամանատարութեամբ գործող հեծյալ հարյուրակները, որոնք հետագայում միավորվելով գնդապետ Կորուկովի հրամանատարութեամբ՝ կազմեցին պարտիզանական 2-րդ հեծյալ գունդը:

Անդրադառնալով Դրօյի գլխավորութեամբ կազմավորվող զորամասի մանրամասներին՝ Ս. Վրացյանը նշում է. «Դրօն իսկոյն գործի կանչեց հմուտ խմբապետներ Բաշ Գառնեցի Մարտիրոսին, Խոսրով Եղիազարեանին եւ յանձնարարեց նրանց՝ ստանձնելով ռուսների թողած 800 ձիերը՝ ձեռնարկել կամաւորների հաւաքման: Երկու օրւա ընթացքում հաւաքեցին աւելի քան 200 զինուորներ, մեծ մասամբ կամաւորական 2-րդ գնդի նախկին մարտիկներից: Միաժամանակ կոչ ուղղեց սուլումայեցիներին, եւ ահա դէպի Երեւան շարժեցին զինուորներ ու սպաներ սպայ Սահակեանի ու Շաւարչեանի ղեկավարութեան տակ:

Մի շաբաթւայ մէջ կազմեց 6 վաշտ հետեւակ՝ պարտիզանական գնդի, իւրաքանչիւր վաշտը 200 սևին, եւ երկու ձաւոր հարիւրակ՝ Խոսրովի ու Մարտիրոսի...

Գնդապետ Զալինեանին յանձնարարեց՝ ընդունելով 2-րդ սահմանապահ գնդի Քանաքեռում թողած գոյքը, ձիերն ու ռուս սպաների մի մասին՝ կազմակերպել մի ձիաւոր գունդ: Այդ ռուս սպանե-

¹ ՀԱԱ, ֆ. 121, ց. 2, գ. 119. ք. 15:

րի մէջ էր եւ գնդ. Կորուկովը (այդ ժամանակ նա դեռեւս կապիտան էր-Հ. Գ.), որը նշանակեց պարտիզանական գնդի ձիաւոր դիվիզիոնի հրամանատար եւ կարգադրութիւն ստացաւ կազմելու 3-րդ հարիւրեակը սպայ Փիրումեանի հրամանատարութեան տակ: Մի ուրիշ սպայ՝ փոխ-գնդապետ Պերեկրոստովը նշանակուեց հրամանատար պարտիզանական հետեւակ գնդի»¹:

Ս. Վրացյանի ներկայացրած փաստերը իր հուշերում հաստատում է նաեւ Մարտիրոսը՝ նշելով. «Դրոյի հրահանգով գնդ. Ջալիւնեանը Քանաքեռում կազմակերպում էր հայկական երկրորդ Հեծելազուկը, գնդ. Պերեկրոստովը՝ պարտիզանական հետեւակ գուկը:

Առաջին, երկրորդ, երրորդ, չորրորդ, հինգերորդ եւ վեցերորդ հայկական գումարտակները լրացւում եւ վերածուում են գնդերի:

...Մինչ այդ Դրոյին օժանդակում էր գնդ. Դանիել Բէկ Փիրումեանը: Այդ օրերին Երեւան եկաւ Զօր. Սիլիկեանը եւ տեսնելով տիրող եռ ու զեռը՝ ցանկութիւն հայտնեց մասնակցել ուժեր կազմակերպելու գործին...

Եւ պիտի ասել, որ նա շատ կարեւոր աշխատանքներ կատարեց...»²:

Թուրք եւ քուրդ զինված հրոսակախմբերի դեմ պայքարելու նպատակով Երեւանի Ազգային Խորհուրդը գործնական քայլեր է ձեռնարկել՝ կոիվներին մասնակից դարձնելով նաեւ Արարատյան աշխարհում ապաստանած եզդիներին, որոնց նկատմամբ Թուրք հրոսակախմբերը գործել էին բազմաթիվ բռնութիւններ:

Համաձայն Հ. Թուրչյանի պնդման, Մայիսյան Հերոսամարտերի նախօրերին Ալեքսանդրապոլում Գարեգին Նժդեհը փորձել է զորամաս կազմակերպել եզդիներից, սակայն նրան չէր հաջողվել կազմավորել եզդիներից բաղկացած մարտական խմբերը: Այդ ուղղութեամբ ավելի արգասաբեր են եղել Դրոյի ջանքերը: Այն, ինչ չի հաջողվել իրականացնել Նժդեհին, իրականացրել է Դրոն³:

Հ. Թուրչյանի հավաստմամբ՝ «Դրոյին հաջողվում է գնդի ընդունակ բոլոր եզդիներին ոտքի հանել նրանց ճանաչված Ջհանգիր աղայի հրամանատարութեամբ: Այդ ժամանակ Արագածի երկու լանջերին և Արարատյան դաշտում էին գտնվում Վանի վիլայեթից գաղթած Ջհանգիր աղայի եզդիները, որոնք կարող էին տալ մինչև 1500 կովոդ: Այդ վայրերում էին գտնվում նաև Սինազի ուսանալատակ եզդիները՝ հայկական կրթութիւն ստացած ճեմարական Ուսուբ բեյի (ուսանել է Գեւորգյան ճեմարանում ու աշակերտել Կոմիտասին-Հ. Գ.) ղեկավարութեամբ:

Կարսի հայերի հետ նահանջել և Արագածի հյուսիսային լանջերին էին ապաստանել Կարսի եզդիները, որոնք Ուսուբ բեյի հետ միասին կարող էին տալ մի քանի հարյուր կովոդ: Բաշ-Ապարանի կոիվների օրերին Ջհանգիր աղան միավորում է բոլոր եզդիներին և շուրջ 1500 հեծյալ ու հետեւակ կովոդներով մասնակցում է Բաշ-Ապարանի կոիվներին»¹:

Պիտի նկատել, որ այդ գործում Դրոյին անտարակույս օգնել ու աջակցել է եզդիների առաջնորդ Ուսուբ բեկը (Ուսուբ բեկ Թեմուրյանց, Անդրկովկասի եզդիների առաջնորդ, հետագայում Հայաստանի Հանրապետութեան պառլամենտի անդամ-Հ. Գ.), որը նույնպես Իզդիրցի է, Դրոյի հայրենակիցը:

Հայտնի է, որ նրանց ընտանիքները Իզդիրում բնակվելիս եղել են ջերմ բարեկամակամներ, իսկ «Դրոն և Ուսուբ բեկը փոքրուց չփվել, ընկերութիւն են արել, և այս երկու ընտանիքները հաճախ հյուրընկալել են միմյանց: Ուսուբյանները միշտ շեշտում են, որ Դրաստամատ Կանայանը եղել է Ուսուբ բեկի քավորը»²:

Փոքր-ինչ առաջ ընկնելով ասենք, որ Մայիսյան Հերոսամարտերին Հերոսաբար մասնակցելու համար եզդիական գումարտակի հրամանատար պորուչիկ Ուսուբ բեկ Թեմուրովը 1918 թ. գնեերալ Մ. Սիլիկյանի հրամանով պարգևատրվել է 4-րդ աստիճանի Գեորգեյան խաչ շքանշանով³:

Անժխտելի է Ջհանգիր աղայի գլխավորած եզդիական Հեծելազորի մասնակցութիւնը Սարդարաբատի ու Բաշ Ապարանի ճակատամարտերին: Այսուհանդերձ, պիտի նշել, որ Հ. Թուրչյանի վկայակոչած եզդիների զորամասի «...1500 հեծյալ ու հետեւակ» թվաքանակն ավելի քան չափազանցված է:

Նրա հրամանատարութեամբ Սարդարաբատի եւ Ապարանի ճակատամարտերում մասնակցած եզդիական Հեծելազորը բաղկացած էր ավելի քան 300 հեծյալ մարտիկներից: Պիտի խոստովանել, որ կոիվներում բովով անցած 300 փորձառու մարտիկներից բաղկացած Հեծելազորն այդ օրերին մարտական զգալի ուժ էր:

Երեւանի նահանգը վերածվել էր Թուրք զինված հրոսակախմբերի ուղղման գործողութիւնների թատերաբեմի:

«Արդէն 1918 թ. յունւարից սկսած, գրում է Ս. Վրացյանը՝ Երեւանեան նահանգը գրեթէ ամբողջապէս թաթերաբեմ էր դարձել մահմետական խռովութիւնների: Զուգընթացաբար թրքական շար-

¹ Վրացեան Ս., Հայաստանի Հանրապետութիւն, էջ 122-123:

² Խմբագրու Սարտիրոս Աբրահամեան, Աշխ., էջ 370-371:

³ Տե՛ս Թուրչյան Յ., Սարդարաբատի հերոսամարտը, Երևան, 1965, էջ 164:

¹ Նույն տեղում:

² Նույն տեղում:

³ Տե՛ս ՀԱԱ ֆ. 204, ց. 1, գ. 42, ք. 145:

ժամեր էին տեղի ունենում եւ Կարսի, Թիֆլիսի ու Գանձակի նահանգներում՝ բոլոր այն վայրերում, որոնք որեւէ կապ ունէին ճակատի պաշտպանութեան հետ»¹:

Խռովությունները մոտենում էին Երեւանին: Մայրաքաղաքի մտակայքում գտնվող Զանգիբաթարի շրջանը (ներկայիս Մասիսի շրջանը - Ն.Գ.) վերածվել էր թուրք զինամբերի յուրօրինակ ուղմակայանի: Հունվարի 29-ին Երեւանի հատուկ կոմիտեն ստանում է հետեւյալ տագնապալի հեռագիրը.

«Ուլուխանլու-Նախիջեւան երկաթուղային հատուածին վրայ կացութիւնը այն աստիճան սպառնական է, որ եթէ անմիջապէս զբաւաւան կառախումք մը չի ղրկուի՝ հաղորդակցութիւնները երկար ատենուայ համար պիտի դադրին: Արաքսի եւ Գարապուրուների կայաններուն միջեւ գտնուող Մասիսայի կայարանին վրայ քիւրտերը երկրորդ անգամ ըլլալով յարձակում գործած են: Յարձակումը յետ է մղուած: Պաշտօնեաները պահակազօրքի եւ զէնքի առաքումը կը խնդրեն»²:

Այս հեռագրից մի քանի օր անց թուրքերը գրավում են Ուլուխանլու կայարանը եւ անվարան կոտորում մոտեցող զնացքների վազուներում գտնվող հայերին: Ուրուխանլու կայարանի գրավումով փաստորեն կտրվում է Կարս-Ալեքսանդրապոլ-Երեւան երկաթուղային ուղին: Չնայած Արամի, Դրոյի եւ թուրք պատասխանատու գործիչների միջեւ կայացած վիճելի հարցերը խաղաղ ճանապարհով լուծելու համաձայնութեամբ՝ իրավիճակը մնում էր շատ բարդ ու անկառավարելի: Նույն օրերին թուրք զինյալները պաշարում են Կողբ գյուղաքաղաքը եւ շրջափակում Իզդիր-Երեւան ճանապարհը, դրանով իսկ ողջ Սուքումալուի գավառը կտրում Արարատյան դաշտից:

Նույնիսկ քրդական ավազակախմբերը՝ չուզենալով ձեռքից բաց թողնել հայ գյուղերը թալանելու ու կողոպտելու պատեհ հնարավորութեանը, անցնում էին Արաքսը եւ հարձակվում հայկական գյուղերի վրա:

Չպետք է անվերապահ ընդունել, որ առավելապես ավարառութեան նպատակներ հետապնդող քրդերը մարտավարական առումով անկազմակերպ էին ու անմարտունակ, իսկ նրանց կոխվել կրում էր ոտով ամբոխային ու հախուռան բնույթ: Նրանց մասնակցութեամբ տեղի ունեցած կոխվելների մանրամասների ուսումնասիրութեանը

մատնանշում է , որ 1917 թ. գարնան ու ամռան ամիսներին թուրքիայի եւ Պարսկաստանի տարածքից Երեւանի նահանգ ներխուժած քուրդ հրոսակախմբերը իրենց գործելակերպի յուրահատկութեամբ ու մարտավարութեամբ արմատապես տարբերվում էին հայութեանը քաջածանոթ քրդերից, որոնց ավազակային գործողությունները գլխավորապես միտված էին հիմնականում թալանի ու ավարառութեան:

«Հորիզոն»-ում տպագրված «Քրդական վտանգը» խորագիրը կրող հոդվածի հավաստմամբ՝ թուրքիայի ու Պարսկաստանի տարածքից Երեւանի նահանգ ներխուժած քրդական հրոսակախմբերի բոլոր անդամներն էլ երիտասարդ էին եւ անխտիր շատ լավ զինված՝ գլխավորապես ռուսական մոսին հրացաններով: Ավելին, «Հորիզոն»-ի հավաստմամբ՝ «Բոլոր քրդերը մարզած են ռազմական տեսակետներով: Նրանք այսօր չեն ներկայացնում սոսկ զինւած մարդկանց մի մասսա, այլ պատրաստւած, կանոնաւոր զօրք:

...Քրդերի յարձակումները սովորական աւազակային չեն, այլ կատարեալ արշաւներ են՝ ռազմական բոլոր մանրամասներով¹:

Քրդական զինյալ հեծելախմբերի շարունակաբար կրկնվող հարձակումների ու ավազակային գործողութեանների հետեւանքով կացութեանը տագնապալի է դառնում ոչ միայն Երեւանի նահանգի գավառներում, այլեւ Երեւան քաղաքում:

«Այս ամենը,-նշում է Ա. Աստվածատրյանը,-բարձրացնում էր քաղաքի (Երեւան) մահմեդական խուժանի տրամադրութիւնը: Եւ ահա փետրվարի 22-ին Երեւանը եւ դարձավ թատերավայր հուզումնալի դեպքերի: Միայն երկու կողմերի ներկայացուցիչների պաղարյունութեամբ եւ Արամի ու Դրոյի ջանքերի շնորհիվ կարելի եղավ փրկել քաղաքը անդամանալի աղետից»²:

Ըստ «Քրդական վտանգը» հոդվածագրի՝ քրդերի գործողութեանները, որոնք որպես կանոն կրում էին ամբոխային ու ավազակային բնույթ, այս անգամ բոլորովին այլ էին, ոչ ավազակային ու ավարառու:

Միափ զնահատելով քուրդ զինյալ խմբերի գործողութեանների յուրահատկութեանն ու մարտավարութեանը՝ «Հորիզոն»-ի հոդվածագիրը գտնում է, որ «Այստեղ անկասկած է քաղաքական աստառը, ամէն քայլափոխում, ամէն մի շարժման մէջ նկատելի է ծրագրւած գործունեութիւն:

¹ Կրացեան Ա., Գայաստանի Գանրապետութիւն, էջ 123:
² «Գայրեմիք» օրաթերթ, 1918, հուլիսի 13:

¹ «Հորիզոն», 1917, սեպտեմբերի 2:

² Տե՛ս Աստվածատրյան Ա., Սարդարաբաթի պատմաշինութիւն եւ այլ երկեր, էջ 694:

...Չտեսնել եւ չըմբռնել, թե այստեղ մեր թշնամու մատը կայ, նշանակում է կոյր լինել կամ գիտակցաբար աչք գոցել կատարուող անցուղարձերի հանդեպ...»:

Հիմք ունենալով վերոհիշյալ նախադրյալները՝ հողվածագիրը եզրակացնում է. «Այս ծրագրւած քրդական շարժումները հենց մի նպատակ ունեն-վտանգել թիկունքը, խանգարել հաղորդակցութիւնը, «աբողի» երթեկեկութիւնը, զօրքի ազատ շարժումը... Անկասկած է մեզ համար նաեւ մի բան, այն կապը, այն գաղտնի յարաբերութիւնը, որ կայ քրդերի, քրդական ներկայ շարժման եւ որոշ թրքութեան մէջ...»¹:

Փոքր-ինչ առաջ ընկնելով՝ նկատենք, որ ժամանակը միանշանակ ապացուցեց վերոհիշյալ հողվածագրի եզրահանգումներն ու փաստարկումները:

Այդ օրերին Անդրկովկասյան Սեյմն ու կոմիսարիատը եւ Հայոց Ազգային Խորհուրդը պարբերաբար Հայաստանի տարբեր շրջաններից ստանում էին բազմաթիվ բողոք-հեռագրեր, որոնցում Հայ բնակչութիւնը ցասուժով հայտնում էր մահմեդական զինված խմբերի ու զօրքերի միջեւ տեղի ունեցած բախումների եւ հայկական բնակավայրերում ու հաղորդակցութեան հանգույցներում թուրք եւ քուրդ հրոսակախմբերի կողմից գործած վայրագութիւնների մասին²:

Ռազմաճակատի բախտը, հետեւաբար Հայ ժողովրդի գոյութեան խնդիրը մեծապես կախված էին նաեւ թիկունքում Արարատյան աշխարհում ծավալվող իրադարձութիւնների հետագա ընթացքից: Հայաստանից թիֆլիս առաքվող բազմաթիվ բողոք-հեռագրերի եւ հայ-թուրք բախումների արձագանքների հարկադրանքով Անդրկովկասյան կառավարութիւնը (կոմիսարիատ) տեղում ընդհարումների պատճառները ուսումնասիրելու ու համապատասխան վճիռներ կայացնելու նպատակով բարեհաճում է «հաշտարար դատավորների ու քննիչների» հանձնախումբ ուղարկել Երեւան: Անդրկովկասյան կոմիսարիատի պատվիրակութեան անդամներն էին ինչպէս Կարճիկյանն (Խ. Կարճիկյանը Անդրկովկասյան կառավարութեան ֆինանսների նախարարն էր-Հ. Գ.) ու Ջաֆարովը³:

Անդրկովկասի Սեյմի եւ Կառավարութեան (Կոմիսարիատ) պատվիրակութեան խնդիրն էր. մանրակրկիտ ուսումնասիրել եւ ծանոթանալ Երեւանի նահանգում ու նրա հարակից շրջաններում տիրող կացութեանը եւ հակամարտող կողմերի ներկայացուցիչների

մասնակցութեամբ քննարկել ու բացահայտել զինված համակարգութիւնների ուղղվածութիւնն ու պատճառները եւ համապատասխան քայլեր ու միջոցներ ձեռնարկել դադարեցնելու զինված բախումներն ու հաստատելու խաղաղ իրավիճակ:

Պատվիրակութեան անդամները համաձայն իրենց տրված հանձնարարականի, Հայաստանում տեղի ունեցող դեպքերին առավել մոտիկից ծանոթանալու նպատակով այցելում են հայ եւ մահմեդական մի քանի գյուղեր: Պատահել են դեպքեր, որ մահմեդաբնակ գյուղերում պատվիրակութեան անդամներին դիմավորել են շատ վատ, իսկ փետրվարի 15-ին «Ալեքսանդրապոլի մօտ Մոլլա-Մուսա(թուրք) (ներկայիս Ոսկեհասկ) գիւղի բնակիչները յարձակուեցին իրենց մօտ եկող պատգամաւորութեան վրայ, սպանեցին զինուորական խորհրդի ներկայացուցիչ համակրելի հասարակական գործիչ Ասրիբէկեանին և ուրիշ վեց հոգու ու վիրաւորեցին վեց հոգու...»:

Այս դէպքը ահագին յուզում առաջ բերեց: Մոլլա-Մուսա գիւղը ենթարկուեց թնդանօթածաւթեան: Կայարանում գտնուող վաթսուն թուրքերը տարուեցին քաղաքից դուրս ու կոտորեցին...»¹:

Պատվիրակները լինում են ամենաշիկացած տեղամասում՝ Ուլուխանյու կայարանում, որտեղ նրանց դիմավորում են թուրք զինվորներից բաղկացած կայարանի զինված պահակախումբն ու մի քանի հարյուր զինված թուրք գյուղացիներ եւ ձիավորներ:

Ավելի քան զարմանալի ու վրդովեցուցիչ էին կոմիսարիատի պատվիրակութեանը ներկայացրած մահմեդականների ներկայացուցիչների հետեւյալ պահանջները..

1. «...մահմեդականներին տրվի այն քանակութեամբ զենք, ինչ քանակութեամբ որ համապատասխան է իրենց ազգաբնակչութեան թվին»²:

Մահմեդական հրոսակախմբերի շարունակաբար կրկնվող զինված ելույթներն արդեն միանշանակ ապացուցել էին, որ նրանք շատ լավ զինված էին ու կազմակերպված: Այս պարագայում կոմիսարիատի ներկայացուցիչներին ներկայացնելով մահմեդականներին զենք հանձնելու պահանջը, նրանք դրանով ձգտում էին, որ իրենց զենք կրելու կարգավիճակը համարվի անհրաժեշտ ու օրինական, իսկ զինված ելույթները դիտվեին ոչ թե որպէս ապստամբ ձեռնարկներ, այլ սոսկ ինքնապաշտպանութիւն:

Կոմիսարիատի ներկայացուցիչների գլխավոր խնդիրը ոչ միայն խաղաղութեան հաստատումն էր, այլեւ երկաթուղու երթեկութեան

¹ «Յորիզոն», 1917, սեպտեմբերի 2:

² Տե՛ս Վրացեան Ա., Հայաստանի Հանրապետութիւն, էջ 124-131:

³ Տե՛ս Աստվածատրյան Ա., Գլխ. աշխ., էջ 694:

¹ Արամ Մանուկյան(Փաստաթղթերի ու Գյուլթերի ժողովածու), Երեւան, 2009, էջ 461:

² Աստվածատրյան Ա., Գլխ. աշխ., էջ 696:

վերականգնումը: Այս հարցում մահմեդական կողմի դիրքորոշումն ու պահվածքը եղել են ավելի քան կոշտ ու անզիջող:

2. Մահմեդականների ներկայացուցիչները հայտնում են, որ «...իրենք թույլ չեն տա երկաթուղային հաղորդակցության վերականգնումը, մինչև որ հիմնական պահանջը չգոհացվի: Եթե հայերը կամենում են խաղաղությամբ կարգադրել այս բախումը, նրանք պարտավոր են անհապաղ լուծել իրենց զորագնդերը, և զենքերը հանձնել թուրքերին, այլապես իրենց թույլ տա կարգի վերականգնում»¹:

Որեւէ կասկած լինել չի կարող, որ մահմեդական կողմը քաջատեղյակ էր Երեւանի նահանգում հայկական զորագնդերի կազմավորման իրողությունը եւ այդ պատճառով նրանց համար առաջնահերթ ու կեսական նշանակություն ունեւ հայկական զինուժի զինաթափումն ու լուծարումը:

Ա. Աստվածատրյանի գնահատմամբ՝ «Միանգամայն պարզ է, որ տեղական մահմեդական բնակչության ներկայացուցիչների բերանով տրված այդ պահանջը (հայկական զորամասերի լուծում և զենքերի հանձնումը թուրքերին) անողը տաճիկ հրամանատարությունն էր, որ կուզեր առանց դիմադրության հանդիպելու մտնել Անդրկովկաս»²:

Խ. Կարճիկյանն ու Զաֆարովը Երեւանի նահանգում իրենց տեսածն ու դիտարկումները պիտի ներկայացնեն Կոմիսարիատի ու Սեյմի քննությունը:

Ճակատագրի ինչպիսի դառը հեգնանք. պատմությունը կրկնվում է: Ճիշտ 13 տարի առաջ՝ 1905 թ. իր իսկ թելադրանքով կովկասյան թուրքերի կողմից արեւելահայության նկատմամբ գործադրած բռնությունների ու սպանությունների հետեւանքով բռնկված հայ-թուրքական ընդհարումները տեղեւրում «ուսումնասիրելու եւ խաղաղեցնելու» նպատակով Անդրկովկասյան փոխարքայության իշխանությունները մեկը մյուսի հետեւից Երեւանի նահանգ էին գործուղում կեղծ, մտացածին հանձնախմբեր ու «հաշտարար դատավորներ», որոնց «ուսումնասիրություններն ու զեկուցագրերը» որեւէ ազդեցություն չէին ունենում խաղաղություն հաստատելու գործում:

1918 թ. հայ-թուրքական ընդհարումների նկատմամբ իր դրսեւորած վերաբերմունքով Անդրկովկասի կառավարությունը, կարծես ժառանգելով Վորոնցով-Դաշկովի փոխարքայության «բարի»

ավանդույթները, նույնպես «քննիչների» եւ «հաշտեցնողների» հանձնախմբեր է առաքում Երեւանի նահանգ:

Երեւանի նահանգի մահմեդական Ազգային խորհուրդը Կոմիսարիատի պատվիրակությանն ու հայկական կողմին անթաքույց խոստովանում է, որ ինքը պատասխանատու չէ մահմեդական բնակչության հակաօրինական խայտառակ գործողությունների համար:

Ա. Աստվածատրյանի գնահատմամբ՝ «Դրանով մահմեդական Ազգային խորհուրդը անուղղակի կերպով խոստովանում էր նաև, որ այդ թուրք բնակչությունը ենթարկվում էր «դրսից» արված կարգադրություններին, իսկ այդ «դուրսը» թուրքիան էր՝ կոնակ ունենալով Ազրբեջանի քաղաքական գործիչներին»³:

«Հաշտարարների» գործունեությունից պարզորոշ ակնառու էր, որ այն կոչված չէր բացելու թուրք զինախմբերի կողմից երկաթուղու եւ հաղորդակցության մյուս ուղիների շրջափակումը: Թուրքական կողմի ղեկավարությունը նույնպես անզիջողական ու թշնամական կեցվածք էր որդեգրել:

Եվ մինչ «հաշտարարների» հանձնախմբեր տեղեւրում զբաղվում էր ընդհարումների պատճառների ուսումնասիրությունը, թուրք զինախմբերի ելույթներն ավելի ու ավելի էին ծավալվում Դավալուի (Արարատ), Ղամարուի (Արտաշատ) եւ Նախիջևանի, Շարուր-Դարալագյազի եւ այլ շրջաններում:

Խուլությունները խաղաղեցնելու նպատակով Երեւանի Ազգային Խորհրդի նախաձեռնությամբ գումարվում է հայերի եւ թուրքերի ներկայացուցիչների ժողով, որի մասնակիցները քննարկելով նահանգում ստեղծված ծանր կացությունը, կայացնում են մի շարք որոշումներ, որոնցից առավել կարեւորներն էին՝ «քաղաքը հայտարարել պատերազմական դրութեան մէջ, կազմել ռազմա-յեղափոխական դատարան, բանալ ճանապարհները՝ ապահովելու համար զօրամասերի մեկնումը ռազմաճակատ...»⁴:

Ժողովում Արամ Մանուկյանը մասնակիցներին կոչ է անում գործադրել հնարավոր բոլոր միջոցները վերջ տալու նահանգում տիրող անիշխանությանն ու զինված բախումներին:

Հակառակ հայկական կողմի՝ ժողովին մասնակցող մահմեդական Ազգային խորհրդի ներկայացուցիչները հայտարարում են, որ անկարող են զսպել թուրքերին եւ խնդրում են հայ զինվորական մարմնի աջակցությունը: Այս հայտարարությունն ավելի քան տա-

¹ Նույն տեղում:

² Նույն տեղում:

¹ Նույն տեղում, 694:

² Տե՛ս Արամ Մանուկյան, Երեւան, 2009, էջ 462:

բորինակ է ու անհասկանալի: Ստացվում է, որ թուրք բնակչու-
թյունը չէր ենթարկվում Ազգային խորհրդին: Հարց է ծագում. իսկ
ո՞ւմ էր նա ենթարկվում¹:

Մահմեդական Ազգային խորհրդի ներկայացուցիչներին պահ-
վածքը միանգամայն հասկանալի է: Թուրք բնակչության զինված
եղույթները թելադրված էին թուրքական բանակի հրամանատարու-
թյան կողմից, իսկ Մահմեդական Ազգային խորհրդի ներկայացու-
ցիչները ոչ միայն քաջատեղյակ էին այդ իրողությանը, այլև գոր-
ծում էին հենց նրա թելադրանքով:

Ա. Աստվածատրյանի գնահատմամբ՝ «Այժմ բոլորի համար պարզ
էր, որ ստեղծուած վիճակը անտանելի էր: Եթէ նրան վերջ չտրուէր,
ո՛չ ռազմաճակատին կարելի էր օգնութեան հասնել, ո՛չ էլ թիկուն-
քում կարգ հաստատել»-մի բան, որին ձգտում էր թշնամին»²:

Ապարդյուն էին նաև Թիֆլիսից Երեւան ժամանած Անդրկովկա-
սյան Կոմիսարիատի պատվիրակության թուրք բնակչությանը ներ-
կայացրած զինված եղույթները դադարեցնելու ու իշխանութուննե-
րին ենթարկվելու պահանջները:

Պատվիրակության անդամներն անարդյունք վերադառնում են
Թիֆլիս եւ իրենց ուսումնասիրութայն մասին զեկուցումներ են
ներկայացնում Անդրկովկասյան Սեյմի ու Կոմիսարիատի քննու-
թյանը: Խ. Կարճիկյանի ու Ջաֆարովի զեկուցումները տեղիք են
տալիս բուռն վեճերի ու քննարկումների:

«Մահմեդական պատգամավորները մեղադրում էին հայերին,
թե նրանք Երեւանի նահանգը մաքրում են մահմեդական բնակչու-
թյունից՝ «հայկական հող պատրաստելու համար»: Իսկ հայերը մե-
ղադրում էին մահմեդականներին, որ նրանք իրենց հարձակումնե-
րով ու ավազակային շարժումներով անդամալուծել են կյանքը և
անհնարին են դարձնում զորամասերին ճակատ ուղարկել»³:

Քանի որ պատվիրակության առաքելութունը Երեւանի նա-
հանգ ավարտվել էր անարդյունք, իսկ մահմեդական բնակչության
զինված եղույթները գնալով ավելի ու ավելի էին ծավալվում,
Անդրկովկասյան Սեյմը մի նոր պատվիրակութուն է ուղարկում,
որի նախագահն էր վրացի Գեորգաձեն:

Երեւանի Ազգային խորհրդի ու Հայկական բանակային կոր-
պուսի զիվորական կոմիսար Դրոյի պահանջը Կովկասյան Սեյմի
պատվիրակութունից նույնն էր: Ռազմաճակատում տիրող անմ-

խիթար, տազնապալի իրավիճակը հրամայաբար պահանջում էր
դադարեցնել թուրք զինված խմբերի եղույթներն ու անհապաղ
բացել նրանց կողմից շրջափակված հաղորդակցութայն ուղիներ-
ը, թիկունքում կազմավորվող զորամիավորումները հասցնել
մարտադաշտ՝ համալրելու թուրքական բանակի հետ գոտեմարտի
բռնված հայկական զորագնդերը:

Վերադառնալով Թիֆլիս՝ Գեորգաձեն Անդրկովկասյան Սեյմի
ուշադրութայնն է ներկայացնում Երեւանի նահանգում տեղի ունե-
ցող զինված բախումներն արտացոլող մի զեկուցագիր, որը գրեթե
նույնն էր, ինչ օրեր առաջ Կոմիսարիատին ինչպեստուր Կարճիկյանի
ներկայացրածը:

Սեյմին ներկայացրած զեկուցագրում ներկայացնելով մահմեդա-
կան հրոսակախմբերի զինված եղույթների հետեւանքով Երեւանի
նահանգում տիրող անմխիթար իրավիճակը՝ Գեորգաձեն նշում է.
«...երկաթուղու վրա ոչինչ չէք գտնի. չկան կայարաններ, չկան շեն-
քեր, ամեն ինչ թալանված է, ամեն բան փչացած: Կայարաններում
չէք տեսնի ո՛չ մի կենդանի էակ, ո՛չ մի ծառայող, ամեն ոք հեռա-
ցել-կորել է, ոչինչ չի մնացել: Այս վիճակում են գտնվում Ուլու-
խանլու, Արարատ և ուրիշ կայարանները: Պատվիրակության ունե-
ցած տեղեկութուններով դեպի Ջուլֆա տանող գծի վրա որևէ շար-
ժում, զորամասերի որևէ փոխադրութուն, ինչ զորամաս էլ ուզում է
լինի՝ ռուս թե հայ, բոլորովին անհնարին է»⁴:

Գեորգաձեն պատվիրակության կողմից Սեյմի պատգամավորնե-
րին հայտնում է, որ թուրքերը ոչ միայն փակում են երկիրը թշնա-
մու հարձակումներից պաշտպանելու նպատակով ռազմաճակատ
մեկնող հայկական զորամասերի ճանապարհները, այլև իրենց գոր-
ծունեութայնը բնորոշ թալանչիութունն ու ավազակային հատկա-
նիչները վերագրում հայ զինվորներին:

«Ահա այսպիսի հանգամանքներում, -նշում է Գեորգաձեն,-երբ
ոչ միայն ազատ հաղորդակցութիւն չի կայ երկաթուղիներով, այլև
փակուած է երթեւեկը գիւղերի միջեւ - այս դրութեան մէջ հայկա-
կան զօրքերի կոմիսար Դրոն յայտարարեց, որ բոլոր ռազմագիտա-
կան ճանապարհները փակուած են հայկական զօրամասերի առջև:
Նա վճռական ու յամառ կերպով պահանջում էր, որ իրեն ցոյց
տրուի որևէ ճանապարհ, թէկուզ շատ վատ ու անյարմար, թէկուզ
ամենանցանկալի մի ճանապարհ: Այդ պահանջին նրան պատաս-
խանուեց, որ ռազմագիտական բոլոր ճանապարհները փակուած են

¹ Տե՛ս նույն տեղում, էջ 463:

² Նույն տեղում:

³ Աստվածատրյան Ա., նշվ. աշխ., էջ 695:

⁴ Նույն տեղում:

ուղղամաճակատ գնացող Հայ զորամասերի առջև: Մահմեդականների ներկայացուցիչները չառարկեցին»¹:

Հիմք ընդունելով պատվիրակության նախագահ Գեորգաձեի գեկուցումը՝ Սեյմը, ուշադրության չարժանացնելով մահմեդական պատգամորենների հնչեցրած բողոքներն ու պահանջները, ընդունում է մի բանաձև, համաձայն որի «...անմիջապես պետք է ձեռք առնվեն վճռական միջոցներ, որպեսզի զորամասերը (Հայկական) կարողանան անուս արգելքի անցնել սահմանագլուխ»²:

Ճիշտ է, Սեյմը ընդունել է վերահիշյալ որոշումը, բայց այն որևէ գործնական նշանակություն չունեցավ ու Հէր կարող ունենալ:

Քանի ու կովկասյան թուրքերն ու Սեյմի նրանց ներկայացուցիչները առաջնորդվում էին թուրք իշխանությունների կողմից ստացած հրահանգներով, ուստի Հէին կարող համաձայնել ու կատարել Սեյմի որոշումը: Իսկ Կովկասյան Սեյմն ու նրա գործադիր մարմինը՝ Կոմիսարիատը չունեին այն անհրաժեշտ ուժն ու լծակները, որպեսզի կարողանային հարկադրել մահմեդական կողմին՝ ընդունելու իրենց կայացրած որոշումը: Իսկ մահմեդական հրոսակախմբերն ու նրան առաջնորդները, բնավ ուշադրության չարժանացնելով Սեյմի ընդունած որոշումը, շարունակում էին փակ պահել թիկունքը ռազմաճակատին կապող հաղորդակցության ուղիները ու չթուլացող ուժգնությունը հարձակումներ էին ձեռնարկում Հայկական բնակավայրերի վրա:

Բնական է, որ Երեւանի Հատուկ Մարմինը, Արարատյան աշխարհում կազմավորվող Հայկական զորքերի հրամանատարությունը (հրամանատար՝ գեներալ Մովսես Սիլիկյան) եւ իհարկե Դրոն Հէին կարող սոսկ դիտորդի դերում լինել եւ մատնվել անգործության՝ Հանգիստ դիտելով իրենց հայրենիքի կործանումը:

Այլեւս հապաղելու եւ թուրքերի հետ անիմաստ բանակցություններ վարելու ժամանակ չկար: Եթե Հայկական զորամասերը եւ նրանց առաջնորդող Դրոն եւ Արամ Մանուկյանի գլխավորած Երեւանի Հատուկ Մարմինը անհապաղ չձեռնարկեին համապատասխան վճռական քայլեր, չջախջախեին ու չմարեին մահմեդական հրոսակախմբերի զինված ելույթները եւ չբացեին թիկունքը ռազմաճակատին կապող հաղորդակցության ուղիները, ապա թուրքական զորքերին առավել մեծ հնարավորություն կընձեռվեր սահմանափակ ժամանակահատվածում ներխուժել Արարատյան դաշտ

եւ այդ դեպքում Հայաստանն անտարակույս կարող էր Հայտնվել անելանելի օրհասական իրավիճակում: Ստեղծված ծանրագույն իրավիճակում այլընտրանք ու ելք այլեւս գոյություն չունեին: Ելքը միակն էր՝ զենքի ուժը:

«Երեւանի զինուորական կոմիսար Դրոն պահանջեց գծի ապահովությունը Կովկասեան Սէյմի Հաշտարար ներկայացուցիչներից, եւ սպառնաց մերժման դէպքում զէնքով բաց անել այդ»¹:

Կրկնակի անգամ թուրքերի հետ բանակցելու անհաջող փորձից հետո՝ փետրվարի 22-ին, Դրոն Ուլուխանլուում կենտրոնացած թուրքական զորախմբերի դիրքերին թնդանոթային կարկուտ տեղալուց հետո հակառակորդի ուժերի վրա գրոհի է նետում 3-րդ պարտիզանական եւ 4-րդ գնդերը: Տվյալ պարագայում զենքի ուժով Ուլուխանլու կայարանը գրավելը միակ միջոցն էր վերականգնելու կարեւորագույն նշանակություն ունեցող Երեւան-Ալեքսանդրապոլ, ապա դեպի Կարս ձգվող երկաթուղին: Թուրքերն ամիսներ շարունակ թեպետ շատ լավ նախապատրաստվել էին, սակայն հարձակումն այնքան սրընթաց ու հզոր է եղել, որ հարձակումից մի քանի ժամ չանցած հակառակորդը՝ ի նշան հնազանդության, պարզում է սպիտակ դրոշն ու հանձնվում հաղթողի ողորմածությունը: Եվ նույն օրը, ի նշան Ուլուխանլուի հաղթանակի, Դրոն Հայոց Ազգային Խորհրդին է հղում հետեւյալ հեռագիրը. «Ձօրամասը գնում է Ղամարլու, միանալու Ղամարլուի զօրամասին եւ բանալու Դաւալուում 4-րդ գնդի մէկ գումարտակի ճանապարհը: Մէկ օրուայ հրացանաձգութիւնից յետոյ Աղհամզալում, ուղարկուած հայ-թրքական պատուիրակութիւնը, որ թուրքերը ետ քաշուեն ու չխանգարեն զօրքին առաջ անցնելու, արդիւնք չտուեց: Թուրքերը օգնութեան հասած քրդերի հետ դիմեցին յարձակման՝ կամենալով ջարդել մեր զօրամասը եւ գրաւել հրետանին: Թուրքերը ունէին ձեռքի ռումբեր: Այն ժամանակ մենք որոշեցինք վերջ տալ այդ ամենին եւ օգնութիւն հասցրինք գնդ. Դուլուխանեանին՝ հրամայելով յարձակուել ու գրաւել Ուլուխանլուն, որ եւ կատարուեց: Ուլուխանլուն գրաւուած է, շրջանը մաքրուած: Մեր զոհերն են՝ 9 սպանուած, 32 վիրաւոր, որոնցից երկուսը՝ սպայ:

Թուրք պատգամաւորները մեղադրում են իւրայիններին, որի համար կան փաստեր, եւ խնդրում են հաշտութիւն: Մեր դրած պայ-

¹ Լույս տեղում, էջ 699:

² Լույս տեղում, էջ 700:

¹ «Չայրեմիք» օրաթերթ, 1918, հոկտեմբերի 15:

մաններն են. բանալ ճանապարհները, չկտրել հեռագրական թելերը եւ հրացանի չբռնել գնացքները»¹:

Արամի հիշատակին նվիրված հուշագրությունում՝ Ա. Աստվածատրյանը, որն այդ ժամանակ Երեւանի Հատուկ Կոմիտիի գինվորական մասի վարիչն էր, անդրադառնալով Ուլուխանյուլի թուրքական ամրացված հենակետի գրվմանը՝ գրում է. «Երբ որովհետեւ բոլոր միջոցները սպառուած էին, ուստի Արամը, խորհրդակցելով գորավար Սիլիկեանի և Դրոյի հետ, ապա խօսելով սրանց տրամադրութիւններէ մասին Հատուկ Կոմիտէում, որոշեց դիմել կտրուկ միջոցներին...»

1918 թ. փետրուարի վերջերին Դրոս իր ուժերով պաշարեց Ուլուխանյուլն: Նախքան գինուորական գործողութիւնների սկսելը, Արամ Մանուկեանի թելադրանքով առաջարկուեց թուրքերին վար դնել զէնքերն ու ենթարկուել իշխանութեան: Ի զուր: Այն ժամանակ Դրոս անցաւ գործի, խորտակեց թուրքերի դիմադրութիւնը և գիւղը մատնեց կրակի:

Ուլուխանյուլցիների համար դա անսպասել էր: Չարաչարորէն պատժուելով՝ նրանք խելքի եկան, յայտնեցին հնազանդութիւն ու այնուհետեւ մինչև վերջ հաւատարիմ մնացին իշխանութեան: Այսպիսով բացուեց երկաթուղային հաղորդակցութիւնը Ալեքսանդրապոլի հետ, բացուեց և՛ Ղամարուլի ճանապարհը»²:

Ուլուխանյուլ երկաթուղային կայարանի գրավումը հայկական կողմի համար թեպետ ուներ ռազմավարական կարեւորագույն նշանակութիւն, եւ ինչ-որ տեղ կտրեց հակառակորդի մարտական տրամադրվածությունն ու ոգեւորությունը, սակայն կռիվները մի շարք շրջաններում դեռեւս շարունակվում էին:

Քանի որ թուրքերի գինված ելույթները միաժամանակ բռնկվում էին տարբեր վայրերում, ուստի Դրոս ստիպված էր գործել մեծ արագությունով ու վճռականությամբ: Նրա առաջնորդությամբ հայ գինվորները արշավում են բազմաթիվ շրջաններ:

Ինչպես եւ նախորդ բոլոր մարտերում, հայ-թուրքական ընդհարումների ժամանակ Դրոյի կողքին էին նրա գինակիցները՝ կամվորական 2-րդ գորսխմբի հրամանատարները: Մահմեդական հրոսակախմբերի դեմ ընթացող կռիվներում իրենց հրամանատարական վարպետությամբ ու քաջությամբ պատշաճ բարձունքում էին հեծելախմբերի հրամանատարներ Մարտիրոս Աբրահամյանն ու Խոսրով Եղիազարյանը, որոնք նույնպես բազում ապստամբական

օջախների առկայության եւ մարտական ուժերի փոքրաքանակության պատճառով ստիպված էին գործել տարբեր վայրերում եւ դարձյալ մեծ արագությամբ:

Այդ նույն առաքելությամբ Դարալագյազում էր գործում Դրոյի մարտական գինակիցներից՝ 2-րդ կամավորականի հեծյալ վաչտի հրամանատար Յապոնը (Հովհաննես Պարոնյան), որի արտահայտությամբ՝ «...ընդամենը 28 հայկական գիւղերի ուժին կռիւնած՝ կարողացայ մարդկային շատ չնչին կորուստով գրաւել 100-ից աւելի թուրք գիւղեր...»¹:

Յավոք, թուրք եւ քրդական հրոսակախմբերի հետ տեղի ունեցած ընդհարումների ժամանակ հայկական կողմը նույնպես ունեւնում է լուրջ կորուստներ: Դավալուի (Արարատ) շրջանում ընթացող կռիվներում զոհվում է հեծյալ հարյուրակի հրամանատար Խոսրով Եղիազարյանը: Այդ օրը նրա գլխավորած հարյուրյակը գործել է մեծ ծանրաբեռնվածությամբ եւ դեպքերի թելադրանքով հարկադրված է եղել անընդհատ կռիվներ մղելով՝ սրընթաց տեղաշարժեր կատարել մի վայրից մյուսը: Սկզբում նրա հարյուրակը օգնութեան է հասել Ռեհանյուլ գյուղի բնակչությանը, որի վրա հարձակվել էին Վեդիի շրջանի թուրք գինյալ հրոսակախմբերը: Գյուղացիների աջակցությամբ արժանի ջարդ տալով թշնամուն՝ Խոսրովը շտապում է իր ծննդավայրին՝ Դավալուին օգնութեան, որը նույն ժամանակամիջոցում տարբեր ուղղություններից պաշարել են Շարուրի թուրքերն ու Բոռուանի քրդերը:

Հայկական բնակավայրերն ասպատակող քուրդ հրոսակախմբերից իրենց դաժան ու ավարառու գործողություններով աչքի են ընկել հատկապես Մասիս սարի մերձակայքում բնակվող քրդերը, կեղ հատկապես Մասիս սարի մերձակայքում բնակվող քրդերը, որոնք տիրելով Հին Բայազետի ռուսական գինապահեստներում ամբարված հսկայական զենքին ու գինամթերքին, գետանցում էին Արաքսն ու միացած տեղի քրդերին, հարձակվում հայկական բնակավայրերի վրա: Մասիսի քուրդ հրոսակախմբերն՝ ասպատակելով հայկական մի շարք գյուղեր, հասնում են նաև Դավալու (Արարատ), որտեղ հանդիպում են լուրջ դիմադրության: Քրդերի համար կատարյալ անակնկալ է եղել հայերի կատաղի դիմադրությունը: Դավալուի ինքնապաշտպանական ուժերը թեև քաջաբար կռվել են, սակայն չեն կարողացել երկարատեւ դիմադրություն ցույց տալ, քանի որ տեղացի քրդերը քաջածանոթ լինելով տեղանքին, հայերի մարտական ուժերին ու նրանց դասավորվածությանը, առաջնորդում ու աջակցում էին գյուղի վրա հարձակվող իրենց արյունակիցներին²:

¹ Վրացեան Ա., Հայաստանի Հանրապետութիւն, էջ 127-128:
² Արամ Մանուկյան, Երեւան, 2009, էջ 463:

¹ Գեւորգյան Գ., Յապոն, Երեւան, 2013, էջ 183:

² Տե՛ս Սիմոնյան Ա., Վայոց Ձոր, Երեւան, 2011, էջ 97:

Այդ օրերին Դավալուում ծավալվող դեպքերի մանրամասները պատմող ակնարկներից մեկի հեղինակը, ներկայացնելով այնտեղ տիրող կացությունը, գրում է. «Դավալուն դժոխք էր դարձել: Հրացանների ճայթյուններ, սրերի շաչյուններ, փայտերով ու բուռնցքներով տուր ու դմփոցներ: Չոր դաշտերի և գյուղերի փողոցների փրատփրատան հողի և փեյիների փոշին երկինք բարձրացավ ու շրջակայքը դարձավ անտեսանելի:

Դիմադրողներին սպանում էին, ենթարկվողներին հավաքում, խառնում էին անասուններին ու քշում...

Նույնիսկ բարուրի երեխաներին օրորոցով, բեռների հետ կապել էին գոմեշի կամ եզան վրա ու քշում էին, որ Արաքսն

...Ողջ Դավալու գյուղը քրդերի ալան-թալանին էր մատնված: Եւ ո՞վ կկարծեր, որ Մասիսի մեր ծանոթ քրդերը, մեր մազդար քուրդ չորբանները, մեր սարերի տերերը, իրենց ապրեցնող ժողովրդի վրա կհարձակվեն ու հաշիվը այդպես բաց կանեն:

Հազարավոր անասուններ, այդ թվում նաև թուրք գեղերից, հավաքում, հազարավոր տներց գուլքը բեռնում էին ու քշում, ընդդիմացողներին սպանում...

Այդ խառնաշփոթության ժամանակ տեղական կուզողներին օգնության հասավ Ղամարուի միլիցիայի ձիավոր վաշտը խոսրովբեկի հրամանատարութայամբ...»¹:

Խոսրով Եղիազարյանի հարյուրակի Դավալու հասնելու նախօրերին՝ փետրվարի 18-ին, քրդերը հարձակվում են Խուլթր գյուղի վրա եւ չհանդիպելով դիմադրության՝ ներխուժում են գյուղ, կոտորում են բնակչությանն ու ավարառութայան են ենթարկում եւ հրդեհում գյուղացիների տներն ու գոմերը: Դավալուից օգնութայուն գնացող 20 հոգանուց խումբը թեեւ ուշացումով է հասնում է դեպքի վայրը, բայց, այնուամենայնիվ, կարողանում է օգնել բնակչությանը դուրս գալու քրդերի պաշարման օղակից ու տեղափոխվել Դավալու: Բացի Խուլթր գյուղի փրկված բնակիչներից, քրդերի մեծաքանակ զինված ամբոխի դեմ անընդմեջ կռիվներ մղելով, Դավալուում են տեղափոխվում նաեւ Աղաջան եւ Ուզունլախ գյուղերի բնակիչները²:

Փետրվարի 19-ին հազարից ավելի զինյալ քրդեր մոտենում են Դավալուին եւ փորձում ներխուժել գյուղ: Դավալուում հանգրվանած հարեւան գյուղերի բնակիչներն ու դավալեցիք համապատաս-

խան պաշտպանական դիրքեր գրավելով՝ դիմում են ինքնապաշտպանութայան: Այդ բախտորոշ պահին մարտադաշտում է հայտնվում Խոսրով Եղիազարյանի գլխավորած հարյուրակն ու սրընթաց գրոհ ձեռնարկում Մասիսի քուրդ հրոսակախմբերի վրա եւ ջախջախելով ու հետ շարտելով նրանց՝ հարձակվում է Բոռուլանի քրդերի վրա եւ հետապնդելով նրանց՝ հասնում մինչեւ Արաքս:

Քրդերը փախչելով մտնում են գետը՝ «... մեծ զոհեր տալով գետի մէջ: Արաքսի միւս ափին, աջ կողմին մի տնակ կար, որի լուսամուտները նայում էին գետին:

Այդ լուսամուտներից, քրդերի բացած կրակներից վիրաւորում է Խոսրովը, ծանրօրէն... Նրան օգնութեան փութացող իր օգնական Արամայիսն էլ նրա կողքին ընկնում է նոյնպէս, սպանում են իրար ետեւից 4-5 զինուորներ, նոյն տեղում: Կռիւր դադարում է այն ժամանակ, երբ քրդերը անցած են լինում գետը»³:

Դրոն, որը շատ է սիրել Խոսրովին, լսելով նրա զոհվելու լուրը՝ առաջնորդելով պարտիզանական զնդի վաշտերից մեկը շտապում է Դավալու, սակայն Կարալար գյուղի մերձակայքում հարձակման է ենթարկվում Վեդիբասարի թուրքերի կողմից: Չհսկում է վաշտի հրամանատարը ու երեք զինվորներ²:

Դրոն հաղթահարելով թուրք զինյալների ու քրդերի դիմադրութայունը, փետրվարի 25-ին հասնում է Դավալու եւ զինվորական պատիվներով հողին է հանձնում Խոսրովին ու կռիվներում զոհված մյուս զինվորներին: Տեսնելով հակառակորդի կողմից գյուղի փողոցներում թափված գնդակահարված հայերի դիակները՝ վրեժխնդրութայամբ բռնկված գումարտակի մարտիկները ներխուժում են քրդերի տները, սպանում են պատահած քրդերին եւ անտարակույս կչարունակին կոտորածը, սակայն գործին միջամտում են Դրոն եւ գումարտակի սպաները, որոնց «...մեծ դժվարութայամբ միայն հաջողվեց զսպել զինվորներին և փրկել մնացած քրդերին»³:

Կռիվների ընթացքում հիացմունք ու միաժամանակ զարմանք է հարուցում թշնամու նկատմամբ հայ զինվորների դրսեւորած մարդկային վերաբերմունքը: Վերոհիշյալ դեպքից հետո, հայ զինվորները կարծես մարելով իրենց հոգում բռնկված վրեժխնդրութայունը՝ «...Դավալուի քրդերին ոչ միայն ձեռք չին տվել, այլև թույլ էին

¹ Նույն տեղում, էջ 98:

² Տե՛ս ԳԱ, ֆ.276, ց. 1, գ. 4, ք. 24-25:

¹ Խմբապետ Մարտիրոս Աբրահամեան, Եզվ. աշխ., էջ 372-373:

² Տե՛ս ԳԱ, ֆ.222, ց. 1, գ. 24, ք. 3-րդ մաս, ք 441:

³ Չոհրաբեյան Է., Ազգամիջյան կռիվները Երեւանի նահանգում 1918 թ., Երեւան, 2000, էջ 32 (ԳԱ, ֆ. 276, ց. 4, գ. 4, ք. 25):

տվել, որ անվնաս փոխադրվեն Ավշար գյուղը՝ իրենց հետ տանելով նաև շարժական գույքը»¹:

Դրոյի հրամանով գոհված Խոսրով Եղիազարյանի փոխարեն հեծյալ հարյուրակի հրամանատար է նշանակվում Նիկողայոս Թարխանյանը (Կոլյա Թարխանով), որը նույնպես լավագույնս դրսեւորելով իրեն՝ հրաշալի մարտական ուղի է անցնում: Դրոն կնքում է Նիկողայոս Թարխանյանի հեղափոխական անունը եւ այդ օրվանից նրան անվանում են Կուռտ:

Արարատյան աշխարհում ընթացող կռիվներում քաջաբար են մարտնչել 2-րդ կամավորական զորախմբի կազմում մարտական փորձառություն ձեռք բերած զինվորականները: Իսկ հայկական զորաբանակի զինվորական կոմիսարը մարտնչում էր պատանեկան ավյունով՝ մշտապես իր զինվորների կողքին ու կռիվների ամենադժվարին տեղամասերում:

Արեւելյան Հայաստանում թուրք եւ քուրդ հրոսակախմբերի դեմ Դրոյի գլխավորած մարտական ուժերի մղած կռիվների մասին, իր հուշերում բազմաթիվ ուշագրավ դրվագներ է ներկայացնում գեղապետ Կորովկովի գլխավորած պարտիզանական հեծյալ գնդի հարյուրակի հրամանատար Մարտիրոսը:

Մի փոքրիկ, բայց իր բովանդակութամբ միանգամայն անկեղծ զարմանք եւ հիացմունք հարուցող վկայություն Մարտիրոսի հուշերից: Փետրվարի կեսերին Դրոն իր զորախմբի գլուխն անցած մաքրում է Ղամարուլուի, Դավալուի շրջանների մահմեդաբնակ շրջաններն ու հետապնդելով հայկական գյուղերն անընդմեջ ասպատակող Շարուրի, Վեդիքասարի, Բաշքենդի թուրքերին՝ հասնում է Արաքսի ու Հրազդանի խառնարանը:

«Քիւրտերը, գիշերուան ժամը 3-ին հասնելով Արաքսի ափը, թիկունքից յարձակւում են գումարտակի ու ժողովրդի վրայ, որ Արաքսը դեռ անցած չի լինում: Խուճապ է առաջ գալիս զօրքի ու ժողովրդի մէջ, որ քիչ է մնում իրեն գցի Արաքսը:

Դրօն, տեսնելով այդ դրուժիւնը, մառուզէր ատրճանակը հանած, առաջանում է դէպի քրտերը... Դրոյի քայլը ոգեւորում է շատերին, եւ ահա հակայարձակմամբ յետ են շարտուում քրտերը...»²:

Կռիվներից մեկի ժամանակ, ճիշտ այն օրը, երբ Խոսրով Եղիազարյանի մարտական խումբը Դավալուի շրջանում կռիվներ էր մղում թուրք հրոսակախմբերի եւ Մասիսի ու Բոռուլանի քուրդ

զինյալների դեմ, Մարտիրոսը իր գլխավորած հեծյալ հարյուրակով հետապնդելով թուրք եւ քուրդ հրոսակախմբերին, հասնում է Մասիս սարի մերձակայքում գտնվող Ալիղըզլի հայաբնակ գյուղը, որն այդ պահին պաշարված էր քրդերի կողմից: Գյուղի բնակչութայան անխուսափելի կոտորած էր սպառնում, եթե հեծյալ հարյուրակը չհասցներ օգնութայն հասնել պաշարման մեջ հայտնված ալիղըզլիցիներին: Սրբնթաց գրոհով խորտակելով քուրդ զինյալների դիմադրությունը՝ հեծյալները գրավում են գյուղը: Զարգացնելով հարձակումը, Մարտիրոսը հեծյալ հարյուրակի մի տասնյակը թողնում է նվաճած դիրքերի պաշտպանութայն համար, իսկ մյուս տասնյակներով շարժվում դեպի քրդաբնակ Փրչո գյուղը եւ հաշվի չառնելով իր առաջնորդած ուժերի փոքրաքանակությունը, գրոհում է հակառակորդի վրա: Նրա առաջնորդած մարտիկների գրոհն այս անգամ դարձյալ անկասելի էր:

«Թշնամին,-գրում է Մարտիրոսը,- փախուստ տւեց դէպի Արալըղ-Բաշքենդ գիւղը:

Մեր ձեռքն անցաւ 200-220 հրացան՝ ուսական մոսին եւ տաճկական քիւչուկ չափու: Այդ գէնքերն էլ լցրինք Ֆուրգոնների մէջ եւ վերադարձանք Ալիղըզլի»¹:

Մարտիրոսի հեծյալների տեղաշարժերին ակնդետ հետեւող հակառակորդը, մեծաքանակ ուժեր կենտրոնացնելով, պաշարում է գյուղը: Հեծելախումբը կարող էր սրբնթաց գրոհով ճեղքել պաշարման շղթան ու հեռանալ, սակայն այդ պարագայում քրդերը կներխուժեին գյուղ ու անխնա կկոտորեին բնակչութայնը: Այդ իրավիճակում, բացի պաշտպանվելուց, այլընտրանք գոյություն չուներ:

Ավելի քան տասը օր հայ մարտիկներն անխորտակ պաշտպանությամբ ոչ միայն կարողանում են հաջողությամբ դիմակայել թշնամու բազմիցս կրկնվող հարձակումները, այլեւ երբեմն դիմում են հակահարձակումների: Հարկ է նկատել, քանի որ ուժերը բացարձակ անբավարար էին ու չնայած դրսեւորած հերոսականութայնը, այնուամենայնիվ, պաշարման օղակից դուրս գալու համար անհրաժեշտ էր օգնություն:

Սթափ գնահատելով ստեղծված իրավիճակը, Մարտիրոսը իրենց կացութայն մասին երկու անգամ լուր է ուղարկում Դրոյին ու Արամ Մանուկյանին եւ խնդրում օգնություն:

Պաշարման 16-րդ օրը Մարտիրոսին է հասնում Դրոյի հետեւյալ նամակը. «Սիրելի Մարտիրոս,

¹ Լույս տեղում:

² Խմբագրատ Մարտիրոս Աբրահամեան, Գշվ. աշխ., էջ 372-373:

¹ Լույս տեղում, էջ 378-379:

Ստացա գրածդ երկրորդ նամակը, առաջին նամակդ դեռ չեմ ստացել, որովհետև այստեղ չէի: Քո կուրի օրը, կուր ունեցաւ նաև Խոսրովը եւ սպանեց...

Գնացի Դաւալու, ճանապարհ փակեց, մնացի այնտեղ: Այսօր ճանապարհը բացեցի, եկայ Լամարու եւ ստացայ նամակդ: Անմիջապէս կարգադրեցի պարտիզան հետեւակ զնդի առաջին գումարտակի պետ Ասիկ Թարվերդեանին, որ անցնի Արագը եւ օգնութեան հասնի քեզ: Թշնամու ուժը շատ է, եթէ Հնարաւորութիւն ունես, այդ կողմից խփիր թշնամու թեւից, որ կարողանանք միանալ... »¹:

Մարտիրոսը հաջողութեամբ է կատարում Դրոյի առաջադրանքը: Նրա հարյուրյակը գիշերով անցնում է հարձակման եւ մաքրելով իր ճանապարհին գտնվող քրդական գյուղերը, բացում է դեպի Մասիս ու Արալը-Բաշքենդ տանող ճանապարհն ու միանում մարտադաշտում հայտնված Ասիկ Թարվերդեանի գումարտակին: Այդ հաղթական կռիւնց հետո Մարտիրոսը, համաձայն Դրոյի կարգադրութեան, զիրքերի պաշտպանութունը հանձնում է Ասիկի գումարտակին, իսկ ինքը վերադառնում է Ալիղըզլի:

Նույն օրը երեկոյան, Դաշբուռու կողմից մարտադաշտում են հայտնվում 500 քուրդ հեծյալներ, շրջանցում են Ալիղըզլի գյուղը, որտեղ այդ պահին գտնվում էր Մարտիրոսի հեծյալ հարյուրակը, անսպասելիորեն հարձակվում Ասիկի գումարտակի վրա: Անակնկալի եկած գումարտակի մարտիկները խուճապի են մատնվում եւ լքելով զիրքերը՝ դիմում փախուստի:

Մարտիրոսի գնահատմամբ, բարեբախտաբար այդ ճակատագրական պահին ներկա է լինում Դրոն, իսկ նույն ընկերներին մարտադաշտ են հասնում Արտուշ Քոչարյանի եւ Լեւոն Տեր Մելիքսեթյանի գլխավորած գառնեցի 15 փորձառու մարտիկներ, որոնք, լսելով իրենց հրամանատարի պաշարված լինելու մասին՝ շտապել են օգնութեան:

Ի՞նչ պիտի արվեր: Ասիկի գումարտակը դիմել էր փախուստի, իսկ մարտադաշտում մնացել էին Դրոն ու գառնեցիների փոքրաքանակ մարտախումբը: Դրոն իր մարտական հարուստ կենսափորձով քաջատեղյակ էր քրդերի ամբոխային կռիվներ վարելու մարտավարութեանը եւ գիտեր, որ սրընթաց ու անսպասելի գրոհ ձեռնարկելու պարագայում նրանք խուճապի պիտի մատնվեին ու լքեին մարտադաշտը: Հավատարիմ իր դավանած առաջին իսկ Հնարավորութեան դեպքում հարձակում ձեռնարկելու մարտավարութեանը՝ նա առաջնորդելով գառնեցիների փոքրաքանակ մարտախումբը, անվարան գրոհում է քրդերի վրա:

Երբ ինչ-որ մեկը հարցրեց զրոյի է վերստին այդ Դրոյի առջեւ չ' գտնուում այդ խումբը. որովք զինուոր էին ստանդարտով եւ չ'տեսնեցողով... —

Դրոն բա էր նախաձեռն անում ընդհանուր շարժումներով: — Տղերք ծան էք որովք չ' տեսաք գէ. մեզ տեսնեմ. ինտելեք ինձ. առաջ... Նամակ կոյ տեսաւ որ բազումների ազաները. որոնք որովհետ շատ սիրում էին Դրոյին. անտարբարութեամբ են տեսնելով Դրոն... կրակ կորած կատարում են նրա չ'բռնանք:

Դրոն այդ փոքրիկ խումբով կայսերական գրուներով, չ'փոխութեան է ժամանում ՏԱԿ Կոնստանդ քուրդ զինուորներին. ճանաչելի որդարարում կրանց մեծ արեւմտեան առաջնորդում ցար ու ցրիւ եղած գումարտակի մէջ. որը չ'տեսնում է կործ ժամանակում, Դրոյի կողմակիորդութեան ազանքի շնորհիւ:

Ընձանդուցեցով այդ կռիւն որդարները. հարկ է ընդծել, որ որհաստեան որովին չ'տեսնելով մարտադաշտ Դրոն գառնեցի քաջավարձ ազատամարտիկների գործուն աջակցութեամբ տեսնում է Հերթեան հաղթանակը եւ առաջ կատարածից փրկում գյուղում գտնվող ավելի քան 2000 հայերի եւ անկորուստ տեղափոխում Արարատի ու Արտաշատի շրջանները:

Պատ ընդունել, որ բովանդակ հայութեան համար բախտորոշ նշանակութեան ունեցող ժամանակահատվածում Դրոյի ծավալած գործունեութեանը ավելի քան արդաստար էր ու խիստ արդյունավետ: Նրա գլխավորած մարտական ուժերի գործողութունների հետեւանքով գեներալ դիմած գրեթե 50 թուրքաբնակ ապստամբ գյուղեր պարզում են աղիտակ դաշը, զինաթափվում ու հանձնվում հաղթողի պարձառութեանը:

Ինչպես արգեն նշվել է, թուրք հրամանատարութեան ծրագրած մարտավարութեան հետեւանքով հայկական զինուժը հարկադրված պատերազմում էր երկու ճակատով՝ արտաքին եւ ներքին, այսինքն ընդգնեմ թուրքական կանոնավոր զորամասերի՝ ռազմաճակատում եւ մահճակատահրատակախմբերի՝ երկրի ներսում: Հարց է ծագում. ինչպիսի՞նք ուղղվածութեամբ կգարգանային դեպքերը ռազմաճակատում ու ինչպիսի՞նք իրավիճակում կհայտնվեին այնտեղ գտնվող հայկական մարտական ուժերը, եթե կտրված մնային թիկունքից եւ ժամանակին չստանային անհրաժեշտ օգնություն:

Դրոյի գործունեութեան ուսումնասիրութունն աներկբա մատնանշում է, որ Մայիսյան հերոսամարտերի նախօրերին (1918 թ. հուն-

¹ Նույն տեղում, էջ 383:

¹ Նույն տեղում, էջ 385-386:
² Տե՛ս ՅԱԱ, ֆ. 121, ց. 2, գ. 84, ք. 5:

վար, փետրվար, մարտ) Արամ Մանուկյանի գլխավորան Երեւանի Հատուկ կոմիտեի հետ նրա համազորակցութիւնը, որը դեռեւս իր արժանի գնահատականը չի ստացել Հայ պատմագիտութեան կողմից, իր ազգանպաստ արդյունավետ գործունեութեամբ ու փրկար նշանակութեամբ, կարելի է իրավամբ նշել, որ վեր է որեւէ գովասանքից ու գնահատականից:

Հայկական մարտական ուժերի վճռական գործողութիւնների շնորհիվ կտրուկ կերպով փոխվում է օրեր առաջ Հայոց Ազգային Խորհրդի, Արամի եւ Դրոյի խաղաղութեան կոչերն ու առաջարկութիւններն արհամարհող թուրքերի գինված ելույթների կազմակերպիչների դիրքորոշումը: Անդրկովկասյան Սեյմը (Անդրկովկասի բարձրագույն օրենսդիր մարմինը՝ պառլամենտ - Հ.Գ.) արդեն այս անգամ հեղեղվում է Հայ զինվորների հարվածներից սարսափի մատնված թուրք առաջնորդների կողմից ուղարկված բողոք-հեռագրերով, որոնցով նրանք գունազարդված՝ ներկայացնում են Հայերի կողմից մահմեդական բնակչության նկատմամբ իրականացրած ջարդերն ու բռնութիւնները: Սեյմի մի շարք անդամներ եւ հատկապես մահմեդական պատգամավորներն անմիջապես օգտագործում են այդ հանգամանքն ու պառլամենտի ամբիոնից մեղադրանքների շարան են տեղում Հայերի հասցեին ու որեւէ անգամ չհիշատակելով հայկական բնակավայրերի վրա մահմեդական հրոսակախմբերի պարբերաբաժ կրկնվող գինված հարձակումները:

«Նրանք իրար յետեւից բարձրանում էին ամբիոնը եւ արտասանում ցատկով լի, կրքոտ ճառեր՝ ուղղուած Հայերի ու դաշնակցութեան դէմ: Ամբողջ պատասխանատուութիւնը, նրանց կարծիքով, ընկնում էր Հայերի վրայ, որոնք բռնի միջոցներով ձգտում էին ստեղծել «հայկական հողամաս»: Հայկական զօրամասերը չեն ենթարկուում կենտրոնական իշխանութեան (նկատի ունի Կովկասյան Սեյմը ու կոմիսարիատը - Հ.Գ.) եւ փոխանակ ռազմաճակատ մեկնելու՝ կուռում են խաղաղ ազգաբնակչութեան դէմ: Երեւանի դէպքերի հեղինակները Դրոն, գնդ. Փիրումեանն ու մի շարք ուրիշ Հայ զինուորականներն ու գործիչներն են: Անհիմն է այն ամբաստանութիւնը, թէ մահմեդականները փակում են ճանապարհը Հայ զօրամասերի առջեւ եւ այլն, եւ այլն»¹:

Ահա Կովկասյան իշխանութիւնները եւ նրա կողմից ընդհարումների պատճառներն ու ուղղվածութիւնը տեղեւում ուսումնասիրելու նպատակով Հայաստան ուղարկված «հաշտարարների»

հանձնաժողովի աշխատանքների արդյունքի նկատմամբ մահմեդական պատգամավորների դրսեւորած վերաբերմունքի մի պերճախոս վկայութիւն: Իսկ Կովկասյան Սեյմի ու Կոմիսարիատի ղեկավարութիւնը պարտավոր էին բողոքի ալիք բարձրացրած մահմեդական պատգամավորներին հիշեցնել օրեր առաջ Հայաստանից վերադարձած Սեյմի ու Կոմիսարիատի ներկայացուցիչների ու անձամբ պատվիրակութեան նախագահ Գեորգաձեի գեկուցումներն ու ընդհարումներն դադարեցնելու ու թիկունքը ռազմաճակատին կապող հաղորդակցութեան ուղիները բացելու Սեյմի կայացրած որոշումը, որը բացարձակապես անուշադրութեան մատնվեց եւ դույզն-ինչ չիրականացվեց մահմեդական հրոսակախմբերի ու նրանց առաջնորդների կողմից:

Երեւանի Հատուկ կոմիտեի անդամ Արշալույս Աստվածատրյանը Արամին նվիրված հուշերում անդրադառնալով այդ օրերին Հայաստանի տարածքում ծայր առած ընդհարումների վերլուծութեանը՝ գրում է. «Թուրք հակապետական ու հակահայկական շարժումները ստացել էին տարբերային բնոյթ: Յարձակում էին թուրքերն ու քրդերը, պաշտպանուում Հայ զօրամասերն ու ինքնապաշտպանութեան խմբերը: Այս վերջինները կազմակերպուել էին Դրոյի նախաձեռնութեամբ՝ յատկապես ժողովրդի ինքնապաշտպանութեան համար՝ հնարաւորութեան սահմաններում չէզոքացնելու նպատակով զօրքի միջամտութիւնը, զօրքի, որի միակ նպատակը ռազմաճակատ մեկնելն էր»¹:

Որքան էլ աղմկեին ու բողոքեին Սեյմի մահմեդական պատգամավորները, այսուհետ այդ ամենը որեւէ նշանակութիւն ալլեւս չէր կարող ունենալ: Հայկական մարտական ուժերը սահմանափակ ժամանակահատվածում, առաջնորդվելով հարձակողական մարտավարութեամբ, փայլուն կերպով են կատարում մահմեդական հրոսակախմբերին «խաղաղեցնելու» հույժ կարեւոր առաջադրանքը:

Թուրք հրոսակախմբերի գինված ելույթները շնորհիվ Դրոյի կազմավորած ու առաջնորդած զօրամասերի, կարելի է ասել, անգնահատելի գործողութիւնների, հաջողութեամբ «խաղաղեցվել էին», եւ բացվել էին թիկունքը ռազմաճակատին կապող ճանապարհները: Երեւանի նահանգում տիրող իրավիճակն արդեն թույլ էր տալիս, որ Դրոն այսուհետ իր ուշադրութիւնը կենտրոնացնէր ռազմաճակատում ծավալվող մարտական գործողութիւնների ղեկավարման ու զօրամասերի կազմավորման խնդիրների վրա:

¹ Վրացեան Ա., Հայաստանի Հանրապետութիւն, էջ 135:

¹ Արամը, Թեհրան, 1960, էջ 101:

Ս. Վրացյանի բնութագրմամբ՝ «1918 թուականը ճակատագրական տարի եղաւ Արարատեան Աշխարհի համար:

Տեղական թրջութիւնը, Թուրքիայի եւ Ադրբէյջանի (Այդ ժամանակ Ադրբեջան անվանումը դեռեւս չէր գործածվում: Ներկայիս ադրբեջանցիներին անվանում էին կովկասյան թուրքեր կամ թաթարներ-Ղ. Գ.) դրդումով գլուխ էր բարձրացել հայութեան դէմ, նպատակ ունենալով Սուլթանի տիրաօպետութիւնը տարածել Վոսֆորից մինչեւ Բագու եւ Թաշքենտ: Հայաստանը սեպ էր խրոնած թրջութեան կուրծքը. պէտք էր դուրս հանել այդ սեպը: Երեւանեան նահանգի, Գանձակի, Բագուի ամբողջ տարածութեան վրայ եւ հայկական զօրամասերի թիկունքում, ամէն կողմ, թրջական խռովութիւններ էին ծագում, յարձակումներ հայերի վրայ, հայկական ջարդեր, տեղահանումներ: Օրհասական ժամանակ էր հայերի համար, լինել-չլինելու հարց: Գոյութեան պայքար:

Եւ պէտք էր ասել, որ մասնաւորապէս Արարատեան Դաշտում, հայութիւնը այդ պայքարից դուրս եկաւ յաղթանակով ու պատուով, մեծ չափով, շնորհիւ քաղաքացիական եւ զինուորական ղեկավարութեան Արամի եւ Դրոյի»¹:

3.2 ՍԱՐԻՂԱՄԻՇԻ ԵՎ ՍՈՒՐՄԱԼՈՒԻ ՌԱԶՄԱՃԱԿԱՏՆԵՐՈՒՄ

Երեւանի նահանգում, Արամ Մանուկյանի համադործակցութեամբ Դրոն անպատմելի ջանքեր է գործադրում ռազմաճակատը կայունացնելու, զինվորական ջոկատներ կազմավորելու եւ ժողովրդի ու հոսալքութեան տենդով բռնված հայ զինվորների մարտական ոգին բարձրացնելու ուղղութեամբ: Հայկական զորաբանակի զինվորական կոմիսարը երբեմն հարկադրված էր լինել ռազմաճակատի ամենաառաջավոր բնագծերում: Հայկական բանակային կորպուսի ստեղծման առաջին օրերից մինչեւ 1918 թ. փետրվարի վերջերը Դրոն այդ նույն կորպուսի զինվորական կոմիսարն էր, իսկ երբ թուրքական զորագնդերը գրավում են էրզրումի բերդաքաղաքը եւ ապա մոտենալով Սարիղամիշի ու Կարսի մատույցներին՝ սպառնում ներխուժել Արարատյան դաշտ, նա ներկայանում է Արարատյան դաշտում տեղաբաշխված հայկական զորքերի (հայկական բանակային կորպուսի 2-րդ դիվիզիան-Ղ. Գ.) հրամանատար գեներալ Մովսես Սիլիկյանին եւ անկեղծորեն հայտարարում. «Ես, - պատմում է Դրոն,- գնացի Սիլիկեանի մօտ, եւ յայտարարեցի, որ այլեւս հայկական բանակի կոմիսարը չեմ, ես ինձ դրի Սիլիկեանի տրամադրութեան տակ»¹:

Ռազմաճակատի թիկունքում բռնկված թուրք զինյալ հրոսակախմբերի զանգվածային ելույթները հիմնականում «խաղաղված» էին, եւ Դրոն արդեն կարող էր մեկնել ռազմաճակատ՝ մարտնչելու կռիվների ամենաթեժ կետերում: Այդ ժամանակ մարտերն ընթանում էին ռազմաճակատի Սարիղամիշի հատվածում:

Սարիղամիշում կուտակվել էին հազարավոր գաղթականներ, իսկ ռուսական զորքերի հեռանալուց հետո պահեստներում ամբարված էին մեծ քանակութեամբ զենք ու զինամթերք, սննդամթերք, հանդերձանք եւ ռազմաճակատի համար բազմաթիվ այլ անհարաժեշտ պարագաներ: Ռազմաճակատում մարտնչող հայկական զորքերի, այն է՝ հայկական բանակային կորպուսի հրամանատարութեան առջեւ ծառայած առաջնահերթ խնդիրներից մեկը, անչուշտ, գաղթականութեան եւ պահեստներում ամբարված զենքն ու զինամթերքը եւ մյուս ապրանքները հնարավորինս արագ թիկունք տեղափոխելն էր:

Նախ, անհրաժեշտ էր կանգնեցնել թուրքական զորքերի հարձակումներն ու կայունացնել ռազմաճակատը:

¹ Վրացեան Ս., Կեանքի ուղիներով, հ. 7, էջ 181:

¹ Դրոյի ծայնագրութունից:

կովկասյան ռազմաճակատի կառուցվածքում եւ հրամանատարների կազմում արդեն տեղի էին ունեցել որոշակի փոփոխութիւններ: Մարտի 3-ին Օլթիից մինչեւ Մակու ձգվող ռազմաճակատի հրամանատարութիւնը, գեներալ Օդոշելիձեի փոխարեն, ընդունում է Հայկական կորպուսի հրամանատար գեներալ Թովմաս Նազարբեկյանը, որն այդ օրերին արդեն գտնվում էր Սարիղամիշում: Օլթիից մինչեւ Բաթում ընկած տարածքը Թուրքական զորքերի հարձակումից պիտի պաշտպանեին վրաց ազգային զորամասերը: Այդ երկու Օլթի-Մակու ու Օլթի-Բաթում ռազմաճակատներում տեղաբաշխված հայկական, ինչպես նաեւ վրացական բանակային կորպուսի զորամասերը համադրելու էր կովկասյան ճակատի գլխավոր հրամանատար գեներալ Լեբեդիկինսկին, որը ենթարկվում էր Անդրկովկասյան կառավարութիւնը եւ բացառապես լինում էր իր կենտրոնատեղ Թիֆլիսում:

Մարտի 6-ին Սարիղամիշի հատվածում մարտնչող հայկական զորքերի հրամանատարութիւնը ստանձնում է գեներալ Արեշյանը: Սարիղամիշի ճակատում տեղաբաշխված հայկական զորքերն ունեին հետեւյալ կազմը. «Ռուս սպաներէ կազմուած առանձին ջոկատ. Ա. հայկական առանձին կիսաբաժին (Երզնկայի եւ Կարինի գունդերը) , Ա. եւ Բ. հայկական զարկորդաց գունդ եւ վաշտ մը Դ. Հայկական զարկոնդաց գունդէն. Սարիղամիշ բերուած էր նաեւ Գ. եւ Է. գունդերը Կարսէն եւ Ալեքսանդրապոլէն եւ Ա. հայկական հեծելոց գունդը՝ Թիֆլիսէն:

Այս զորախումբը, որը կը գտնուէր զօր. Արէշեանի հրամանատարութեան տակ եւ բաղկացած էր գլխաւորաբար Ա. հայկական զարկորդաց զօրաբաժնի եւ Ա. առանձին կիսաբաժնի մասերէն, կը հաշուէր իր կազմին մէջ մինչեւ 13 սակաւաթիւ վաշտ, 30 դաշտային ու լեռնային թնդանօթ եւ 4 հեծելոց գումարտակ»¹:

Ա. Հարութիւնյանը իր հեղինակած «Թուրքական ինտերվենցիան Անդրկովկաս 1918 թ. եւ ինքնապաշտպանական կռիւիները» արժեքավոր պատմագիտական աշխատութիւնում ավելի որոշակի է ներկայացնում Սարիղամիշի ճակատում կենտրոնացված հայկական բանակային կորպուսի զորամասերը:

Ըստ Ա. Հարութիւնյանի՝ «1. 1-ին, 2-րդ, 4-րդ եւ 7-րդ հրաձգային գնդերը, յուրաքանչյուրում 3 գումարտակ, ամեն գումարտակում 1000 սվին, ունեին 12.000 մարդ:

2. Սեպուհի, Մուրադի եւ Դալի Ղազարի կամավորական հեծյալ եւ հետիոտն խմբերը:

3. Ջորս լեռնային եւ դաշտային մարտկոցներ, յուրաքանչյուրում՝ 4, ընդամենը՝ 16 հրանոթ:

4. Նոր Սելիմում տեղավորված էր հատուկ բրիգադ, որի կազմում մտնում էր 2 հետևակային գունդ:

5. Հատուկ ջոկատի 3 մարտկոցներ(12 հրանոթ) եւ մեկ հեծյալ գունդ:

6. Մեկ զրահապատ գնացք, որ կանգնած էր Բեգլի-Ահմեդում:

7. 1-ին հայկական հեծյալ գունդը:

8. Սարիղամիշին մոտենում էր ռուս սպաների ջոկատը, գնդապետ Եֆրեմովի հրամանատարութիւնը:

Այսպիսով, ստացվում է, որ մարտի առաջին օրերին Սարիղամիշի անմիջական պաշտպանութիւնը համար կենտրոնացվել էին 6 հետևակային, 2 հեծյալ գնդեր, 7 հրետանային մարտկոցներ, 28 հրանոթներ, 3 կամավորական ջոկատ, սպայական ջոկատ եւ այլն: Միայն հետևակային գնդերում հաշվվում էր 18.300 սվին»¹:

Բացի վերոհիշյալ զորամասերից, Կարսի ամրոցում էր գտնվում 1-ին հեծյալ, 3-րդ հրաձգային գնդերը, բերդային հրետանային գունդը, սակրավորների վաշտը, հրանոթների մարտկոցներ եւ անգամ մի քանի օդանավ ²:

Միաժամանակ, մի քանի հայկական զորամասեր էին տեղաբաշխված Ալեքսանդրապոլում, Ջալալօղլիում եւ Ղազախի շրջանում:

Օրինակ, Ա. Հարութիւնյանի անդամը՝ «Ալեքսանդրապոլում որպես ռեզերվ կենտրոնացված էին հայկական 8-րդ հրաձգային գունդը՝ բաղկացած 3 գումարտակից(մոտ 3000 սվին), պահեստային գունդը, սակրավորների գումարտակը, պահեստային հեծյալ հսկազրոնը, դաշտային 2 մարտկոց (8 հրանոթ):

Ջալալօղլիում տեղավորված էր Լոռու գունդը, Ղազախում՝ Ղազախի գունդը եւ, այսպես կոչված, Ղարաբաղի գունդը, որը տեղից տեղ էր շարժվում, ձգտելով ընկնել Ղարաբաղ: Ախալքալաքում եւ Ախալքխայում կազմավորվել էին մի շարք ստորոբաժանումներ...

Մնորանիկը ևս արդեն ձեռնամուխ էր եղել հարվածային զորամասի ստեղծմանը (նկատի ունի բացառապես արևմտահայ զինվորներից բաղկացած Հայկական առանձին հարվածող զորամասը-Հ. Գ.) ³:

¹ Հարութիւնյան Ա., Թուրքական ինտերվենցիան Անդրկովկաս 1918 թ. եւ ինքնապաշտպանական կռիւները, Երևան, 1984, էջ 138:

² Տե՛ս նույն տեղում, էջ 139:

³ Նույն տեղում:

¹ «Հայրենիք» ամսագիր, 1927, թիւ 2, էջ 157:

Թվարկելով տարբեր վայրերում կենտրոնացված հայկական բանակային կորպուսի կազմում ընդգրկված զորամասերը՝ Ա. Հարությունը գտնում է, որ այդ ժամանակահատվածում հայկական զորամասերը զուտ քանակական առումով «...գերազանցում էին դեմ հանդիման կանգնած թուրքական զորքերին»։ Որպես ապացույց Ա. Հարությունյանը մեջբերում է գեներալ Նազարբեկյանի հետեւյալ վկայությունը՝ «Զորամասերը կազմավորվել էին զգալի քանակությամբ և չնայած դասալքության փաստերին, քանակով մեր ուժերը, անշուշտ, գերազանցում էին թուրքերին՝ նրանց հարձակման ժամանակ։ Եւ այդ ուժերը միանգամայն բավական էին, որպեսզի ոչ միայն ետ մղվեր թուրքերի սկզբնական հարձակումը, այլ անգամ՝ հաջողություն ունենայինք»¹։

Փոքր-ինչ առաջ անցնելով նշենք. ճիշտ է, հայկական զորքերը քանակական առումով գուցեև գերակշռում էին թուրքական զորքերին, սակայն գեներալ Արեշյանի գլխավորությամբ Սարիղամիշի ռազմաճակատում ծավալվող մարտական գործողությունների ընթացքն ու հայ զորահրամանատարների կենսագործած մարտավարությունը միանշանակորեն ցույց տվեցին, որ այդ ամենը դեռեւս բավարար չէին հաղթանակներ նվաճելու համար։

Էջրումի անկումից հետո հայկական զորքերը աստիճանաբար նահանջելով կանգ էին առել եւ դիրքեր գրավել Սարիղամիշից տարբեր հեռավորության վրա գտնվող հետեւյալ հինգ գլխավոր հենակետերում. 1. Դեպի Բարդուս (18 վերստ), 2. դեպի Ղարաուրգան (25 վերստ), 3. դեպի Միջնկերտ (27 վերստ), 4. դեպի Իսլամաձորի գառիթափ եւ Կիզիլ-Քիլիսա ու Սուրբ Խաչ սար (մոտավորապես 25 մինչեւ էջնոս) եւ 5. դեպի Կարակուրտ (29 վերստ)։

Բոլոր այդ ուղղությունները, հատկապես Ղարաուրգանի ճակատային բնագիծն ու Միջնկերտը եւ աջ թեւի դեպի Բարդուս ձգվող հատվածը, շատ կարեւոր էին²։

Գնդապետ Շնեուրի գնահատմամբ՝ «Էջրումի շրջանը գրավելուց յետոյ, թուրքերը միառժամանակ կանգ առան։ Միառժամանակ Սարիղամիշում տեղադրին աշխատանք էր կատարում հայկական զորամասերը կարգի բերելու համար։ Կովկասեան Բանակի Սպայակոյտտը անուանափոխուած էր Հայկական Առանձին Զորաբաժնի Սպայակոյտ անունով եւ գտնվում էր Ալեքսանդրապոլում...»³։

¹ Լույս տեղում։

² Տե՛ս ՀԱԱ, ֆ. 121, ց. 1, գ. 37, ք. 11-12։

³ «Սարղարաբատի հերոսամարտը» գրեց՝ գլխավոր սպայակոյտի պետ գնդապետ՝ Ալեքսանդր Կ. Շնեուրը», Ֆրեզնո, 1967, էջ 15։

Սարիղամիշի շրջանի տարածքը շատ բարդ կառուցվածք ունի։ Այն բնակավայրերը, ուր տեղաբաշխված էին հայկական զորամասերը, խորը փոստակի մեջ գտնվող Սարիղամիշի հետ կապված են հիմնականում նեղ արահետներով, ինչը նկատելիորեն դժվարացնում էր հուսալի կապի, փոխհամագործակցության հաստատումը ռազմաճակատի տարբեր ուղղությունների միջև։ Դժվարանց ուղիներով կատարվող տեղաշարժերին մեծապես խոչընդոտում էին նաեւ ձյունն ու մառախուղը։ Զորքերի լիարժեք ղեկավարումը դժվարացնում էր նաեւ կապի միջոցների բացակայությունը։ Նման բարդ պայմաններում չափազանց դժվար էր կազմակերպել մարտական ուժերի անհրաժեշտ փոխհամագործակցությունն ու տեղաշարժերը եւ զորամասերի վերախմբավորմանն ու համալրմանը նպատակաուղղված աշխատանքները։ Չնայած առկա դժվարություններին, անհրաժեշտ էր հաստատակամորեն պաշտպանել Սարիղամիշը եւ խափանել հակառակորդի որեւէ փորձ՝ գրավելու ռազմավարական կարեւորագույն նշանակություն ունեցող հանգույցը։

Նախ, Սարիղամիշը ռազմաճակատի կարեւորագույն՝ Ղարաուրգան, Մեջնկերտ, Բարդուս, Կարակուրտ եւ Կազիզման ուղղությունների հետ կապակցվող եւ այնտեղ ծավալվող մարտական գործողությունները կարգավորող եւ համադրող կենտրոնն էր։

2. Սարիղամիշը դեպի Հայաստանի արեւելյան հատվածը տանող հիմնական ուղիների դարպասն էր ու արգելապատնեչը։ Եթե հայկական զորքերը չկարողանային պահել Սարիղամիշի դիրքերը, ապա դրան անմիջականորեն հաջորդելու էր Կարսի բերդաքաղաքը, որը տվյալ պահին դեռեւս ինչպես հարկն է նախապատրաստված չէր եւ թուրքական զորքերի հարձակման դեպքում դժվար թե կարողանար որեւէ լուրջ դիմադրություն ցույց տալ։

3. Սարիղամիշի պահեստներում ամբարված էին մեծ քանակությամբ զենք, զինամթերք, հանդերձանք, սննդամթերք եւ այլ արժեքավոր իրեր։ Ռուսական զորքերը Կովկասյան ճակատը զանգվածաբար լքելիս թողել էին այդ ամենը, եւ ժամանակ էր պահանջվում, որպեսզի պահեստներում ամբարվածները տեղափոխեին երեւան, Կարս, Ալեքսանդրապոլ։ Իսկ Սարիղամիշից դեպի Կարս ձգվող երկաթգիծը, թույլ թողունակության պատճառով, ի զորու չէր կարճ ժամանակամիջոցում Սարիղամիշում ամբարված ողջ «հարստությունը» տեղափոխել թիկունք։ Սարիղամիշը հանձնելու պարագայում այդ ողջ հարստությունը, բնականաբար, կանցներ թուրքերի տնօրինությանը։

4. Սարիղամիշում հանգրվանել էին հազարավոր գաղթականներ, որոնց անվտանգությունը հարկավոր էր ապահովել եւ թույլ չտալ, որպեսզի նրանք գոհ գնային թշնամու վայրագություններին:

Խելամտորեն եւ սթափ գնահատելով Սարիղամիշի ռազմավարական նշանակությունն ու նահանջելու դեպքում սպասվելիք հետեւանքների արժեքը՝ հայկական կորպուսի շտաբից գեներալ Արեշյանին է ուղարկվում հետեւյալ հեռագիրը. « ... Կորպուսի հրամանատարը (գեներալ Թ. Նազարբեկյան -Հ.Գ.) ընդունում է, որ Ձեր գործիքների վիճակը հեշտ չէ, բայց դրա հետ միասին կորպուսի հրամանատարը գտնում է, այդպիսի տեսակետ ունի նաեւ Ազգային Խորհուրդը, որ Սարիղամիշի շրջանն ունի ծայրահեղ կարեւոր նշանակություն: Կորպուսի հրամանատարը հավատում է, որ Դուք եւ Ձեր գործիքների սպաները կանէք ամեն ինչ պաշտպանելու Սարիղամիշի շրջանը, որով հնարաւորութիւն կ'ընձեռվի Կարսը դարձնել կովի համար պիտանի, հակառակ պարագայում Կարսը կ'ընկնի ընդամենը մի քանի օրում»¹:

Մարտական ակնառու կարողություններից զուրկ գեներալ Արեշյանը ռազմաճակատի հրամանատարությունը ստանձնելու հենց առաջին օրից թերահավատորեն տրամադրվելով Սարիղամիշը պահելու հնարավորությունների նկատմամբ՝ պահանջում է թողնել պաշտպանական բնագծերը եւ նահանջել Կարս:

Ելնելով Սարիղամիշի պահպանման հույս կարեւոր նշանակությունից, ռազմաճակատում տեղի ունեցող իրադարձությունները տեղում ուսումնասիրելու ու համապատասխան վճիռներ ընդունելու նպատակով Հայոց Ազգային Խորհրդի մի քանի անդամների ուղեկցութեամբ Սարիղամիշ է ժամանում Ազգային Խորհրդի նախագահ Ավ. Ահարոնյանը եւ Հայկական կորպուսի հրամանատար գեներալ Թ. Նազարբեկյանի, Դրոյի, գեներալ Արեշյանի մասնակցութեամբ գումարում գինվորական խորհրդակցություն:

Գեներալ Արեշյանը, ներկայացնելով ճակատում ստեղծված կացությունը, դարձյալ առաջարկում է թողնել Սարիղամիշի շրջանը, գործասները համարել ի հաշիվ Երեւանյան ուղղությունում տեղաբաշխված ուժերի եւ այն կենտրոնացնելով Կարսում եւ նրա մատուցներում՝ բերդաքաղաքը վերածել պաշտպանական հզոր հանգույցի: Կարսի բերդաքաղաքը, ընտ Արեշյանի, այն միակ հուսալի պաշտպանական հանգույցն էր, որտեղ ամրապնդվելով՝ հնարավոր

կլիներ կանգնեցնել հակառակորդի հարձակումը: Իր առաջարկությունը հիմնավորելու համար նա որպես փաստարկ վկայակոչում է.

1. Ռազմաճակատի աջ թեւի՝ Արդահան-Օլթի-Բարդուս հատվածի թուլությունն ու անհուսալիությունը: Ըստ նրա, թուրքերը հեշտութեամբ կարող են օգտագործել այդ խոցելի տարածքը եւ այնտեղից առանց որեւէ դժվարություն անցնել մեր զորքերի թիկունքն ու շրջափակման մեջ վերցնել Սարիղամիշի ողջ խմբավորումը: Նրա մտավախութեամբ, կարող էր կրկնվել էնվեր փաշայի գլխավորած թուրքական զորքերի 1914 թ. դեկտեմբերի նշանավոր գորաշարժը:

2. Զորքերում արմատավորված բարոյահոգեբանական անմխիթար վիճակը, որի պատճառով գործասներում արդեն նկատվում էին դասալքության դեպքեր²:

Ռազմաճակատում ծավալվող գործողություններին ոչ համահունչ գեներալ Արեշյանի ներկայացրած տեսակետը, որը առավելապես արդյունք էր պարտվողական հոգեբանության ու խուճապային տրամադրության, քան իրական կացության թելադրանքի ու սթափ գնահատման՝ մերժվում է: Ազգային Խորհրդի անդամները, Հայկական կորպուսի հրամանատարն ու գինվորական կոմիսարը, համակողմանիորեն քննարկելով ռազմաճակատում ընթացող մարտական գործողությունների իրական վիճակը եւ հաշվի առնելով ուժերի հարաբերակցությունն ու Սարիղամիշի ռազմավարական նշանակությունը, հանգում են միանգամայն հակառակ տեսակետի³:

«Նրանց կարծիքով, - նշվում է Սարիղամիշի կռիվների եւ այդ խորհրդակցության մեկնաբանմանը նվիրված փաստաթղթերից մեկում, - նախորդ կռիվների փորձը միանշանակորեն ապացուցել էր Սարիղամիշի, որպես Կարսի եւ Ալեքսանդրապոլի բանալու, ահռելի նշանակությունը: Եթե թուրքերը տիրեին Սարիղամիշին, ապա անմիջապես իրենց ձեռքը կվերցնեին ամենակարեւոր ու հուսալի հենակետը, որտեղից նրանք օգտվելով նաեւ երկաթգծի ծառայությունից՝ կարող են շարժվել հյուսիս, միաժամանակ իրենց հետ տանելով պահեստներում կուտակված հարստությունը: Եվ վերջապես, Սարիղամիշում կուտակվել է մեծաքանակ գաղթականություն եւ անհրաժեշտ է որոշակի ժամանակ, որպեսզի թիկունք տեղափոխվեն գաղթականությունն ու ռուսական զորքերի հեռանալու պատճառով այնտեղ պահեստավորված սարքավորումները...»³:

¹ Տե՛ս ՀԱԱ, ֆ. 121, ց. 1. գ. 37, թ. 13-14:

² Տե՛ս Բանբեր Հայաստանի Արխիվների, 1992, թիւ 3, էջ 96:

³ ՀԱԱ, ֆ. 121, ց. 1. գ. 37, թ. 13-14:

¹ Նույն տեղում, ց. 2, գ. 176, թ. 5:

Ռազմական խորհրդակցությունում չի ընդունվում Սարիղամիշը թողնելու եւ դեպի Կարս նահանջելու գեներալ Արեշյանի առաջարկությունը, եւ որոշվում է պահել առկա ռազմաճակատը, որն այդ ժամանակ ունէր հետեւյալ կառուցվածքը.

«Բարդուսի ուղղութեամբ պաշտպանվում էր Տեր—Ղեւոնդյանի զորախումբը, Ղարաուրգանի ուղղութեամբ՝ Դալի Ղազարի ջոկատը, Միջնկերտի ուղղություն է ուղարկվում էրզրումի գնդի երկու վաշտերը, որոնք այնտեղից ճանապարհվելով Նոր Սելիմ միանում են գնդապետ Մորելի բրիգադին: Կարակուրտում եղել են 2-րդ հրաձգային գնդի 4 վաշտերը (3 կադրային եւ մեկ հավաքական), իսկ Բաշքոյում Սեպուհի եւ Մուրադի հեծյալ պարտիզանները»¹:

Այն պահին, երբ Սարիղամիշում ընթանում էր ռազմական խորհրդակցություն, իրավիճակը ռազմաճակատում՝ Հակառակորդի ձեռնարկած գործողությունների հետեւանքով, կտրուկ կերպով փոխվում է: Մարտադաշտի առաջավոր բնագծերից ստացած տեղեկություններից հայտնի է դառնում, որ մարտի 11-ին թուրքական զորքերը վերսկսում են հարձակումը եւ առանց որեւէ ջանքերի գրավում թուրքական Միջնկերտ գյուղը (չպետք է շփոթել ռուսական Միջնկերտ գյուղի հետ - Զ.Գ.) եւ շարունակելով առաջխաղացումը Սարիղամիշի խճուղով գրավում են Ղարաուրգանի մերձակա Ենիկեյ-Ջյակ եւ ռուսական Միջնկերտ, Աբուլվերտ գյուղերը: Պաշտպանութեան այդ բնագծում դիրքավորված Դալի Ղազարի զորաջոկատները չկարողանալով պատշաճորեն դիմակայել թուրքական զորքերի գրոհներին՝ նահանջում են Հայդարա գյուղը: Ռազմաճակատի Ղարաուրգան-Միջնկերտ հատվածում հայկական զորքերի նահանջի հետեւանքով ստեղծվում է շատ վտանգավոր ու տագնապալի իրավիճակ: Թուրքերը կարող էին լրացուցիչ ուժեր նետել մարտադաշտ եւ խորացնելով ճեղքումը, զարգացնել ձեռք բերած նվաճումն ու հարձակվել Սարիղամիշի վրա: Հարկավոր էր ձեռնարկել անհրաժեշտ քայլեր եւ վճռական ու արագ գործողություններով հետ շարտել թուրքերին ու փակել ճեղքվածքը:

Իր աշխատություններում Դրոյի կյանքին ու գործունեութեանը բազմաթիվ էջեր նվիրած Ս. Վրացյանը, որը 1918 թ. գարնան սկզբներին որպէս Ազգային Խորհրդի ներկայացուցիչ գտնվում էր Սարիղամիշում՝ այդ ուղղութեան զորահրամանատար գեներալ Արեշյանի զինվորական շտաբում, պատմում է. «... Մի օր էլ ըմբոս-

տացաւ եւ մերժեց ճակատ երթալ Սարիղամիշում գտնուող 101-րդ ճիւղերը հարիւրեակը: Արեշեանի բոլոր ջանքերը կարգի բերելու անցան անօգուտ...

Ջօրավար Արեշեանը սիրտը բռնած՝ չարչարում էր ցաւից ու անկարողութիւնից՝ չարչարելով նաեւ մեզ: Նստած մոայլ՝ ելք էինք որոնում անելանելի եւ անտանելի կացութիւնից: Եթէ այս դրութիւնը շարունակուէր, կարճ ժամանակամիջոցում ռազմաճակատը փուլ կը գար, եւ թշնամին անարգել կը յառաջանար դէպի Կարս եւ Ալեքսանդրապոլ:

Մէկ էլ հրաշք: Վագներեան հերոսի պէս՝ ներս մտաւ Դրօն: Ռոտեղից որտեղ եւ ի՞նչ օրհասական վայրկեանին: Կարծես լոյս բերեց հետը: Նոյն իսկ Արեշեանի դէմքը պայծառացաւ: Դրօն բանակի կոմիսարն էր:

...Դրօն յայտնեց, թէ եկել է Երեւանից զէնք ու ռազմամթերք հայթայթելու Արարատեան դաշտի զօրամասերի համար: Կարսից ստացել եւ ուղարկել է որոշ քանակութեան փամփուշտ եւ հագուստներ ու զնդացիքներ: Հիմա ուզում է Սարիղամիշի պահեստներից զէնք ու փամփուշտ ուղարկել Երեւան:

Բոլոր պահեստները, իբրեւ պարէտի, իմ տրամադրութեան տակ էին: Ես, իհարկէ, առաջարկեցի ինչ որ հնարաւոր է փոխադրել: Արեշեանը անմիջապէս հաւանութիւն տուեց.

- Տարեք ինչ որ ուզում էք եւ ինչքան որ ուզում էք:

Միայն թէ, սիրելի պարոն Դրօ, մնացէք մի քանի օր օգնելու մեզ:

Դրօն շտապում էր վերադառնալ Երեւանի նահանգը, ուր արիւնահեղ քաղաքացիական կռիւներ էին տեղի ունենում եւ ուր ինքը շրջանի հրամանատարն էր: Միայն ստիպողական հարկադրանքի տակ անձամբ եկել էր զէնք ու զինամթերք տանելու: Բայց զօր. Արեշեանի եւ մեր խնդրանքը այնքան բուռն էր, որ ստիպուած եղաւ տեղի տալ: Իր զինուորական բացառիկ բնագրով նա արագ կերպով ըմբռնել էր կացութեան ահաւոր լրջութիւնը եւ անմիջական դարմանումի անհրաժեշտութիւնը:

Առաջին հերթին անհրաժեշտ էր վերջ տալ 101-րդ հարիւրեակի ըմբոստութեան, որը բարոյալքում ու կազմալուծում էր բանակը: Մարդիկ զինուած՝ նստել էին զօրանոցում եւ մերժում էին ենթարկուել հրամատարութեան ցուցական կերպով:

Իբրեւ բանակի կոմիսար, Դրօն արագ կերպով պատրաստեց ինչ-որ զինուորական ոյժ եւ հրամայեց, ըմբոստները դուրս գան զօրանոցից ... Դրօն մի կարճ ճառով դիմեց նրանց հայրենասիրութեան՝

¹ Նույն տեղում:

յորդորելով, որ մեկնեին ռազմաճակատ հայրենիքի պաշտպանութեան համար: Աջ ու ձախից լսուեցին տրտնջոցներ, մերժումի բացականչութիւններ: Դրօն մի պահ լուռ դիտեց եւ, յանկարծ, վազրի ոտտիւնով ատրճանակը ուղղեց հարիւրեակին ու գոչեց.

- Հանդարտ:

Անակնկալի եկած զինուորները արագ կատարեցին հրամանը: - Տասը քայլ առաջ - գոռաց Դրոն:

Առանց վարանումի զինուորները առաջ անցան տասը քայլ:

- Հրացանները դնել գետին, - հրամայեց Դրօն:

Մի պահ տատանումից յետոյ, ամէնքը հրացանները վայր դրին:

- Սուրբը դնել գետին, - նորից հրամայեց Դրօն:

Զինուորները սուրբըն էլ դրին վար:

- Տասը քայլ յետ, - գոչեց Դրօն:

Հարիւրեակը մէկ մարդու պէս քաշուեց յետ, նախկին տեղը:

Դրօյի կարգադրութեամբ եկան, արագ կերպով հաւաքեցին ու տարին հրացաններն ու սուրբը: Ապա Դրօն պահանջեց, որ անմիջապէս յանձնեն ըմբոստութեան պարագլուխներին: Առանց դժուարութեան յանձնեցին երկու հոգի:

Հարիւրեակը զղջում ու հնազանդութիւն յայտնեց: Լուրը կայծակի արագութեամբ հասաւ ռազմաճակատի զօրամասերին եւ ցնցող տպաւորութիւն գործեց նրանց վրայ¹:

Դրօյի կողմից ռազմաճակատում 101-րդ հարյուրյակի ըմբոստութեան չեզոքացումն ու զինաթափումը պատմող Ս. Վրացյանի ներկայացրած վերոհիշյալ փաստը իր հուշագրութիւնում հաստատում է նաեւ Վահան Փափազյանը (Կոմս), որը գեներալ Արեշյանին օգնելու հանձնարարութեամբ այդ ժամանակ նույնպես գտնվում էր ռազմաճակատում:

«Նկատելի էր յուսալքում զինուորներու շարքերուն մէջ...

... Ոգիի եւ կորովի անկում նահանջող զօրամասերու մէջ: Արէշ-եանը անճրկած էր ու յուսահատած: Ոչ մէկ հաւատք ունէր մեր զինուորներուն վրայ. կրաւորական դիրք բռնած էր եւ Սարիղամիշէն նահանջի կողմնակից: Դասալքութեան դէպքեր նկատուեցան: Նոյն իսկ ճակատ ղրկուելիք վաշտերէն մէկը մերժեց տեղէն շարժուիլ - ապստամբած էին: Ծիշտ այդ օրերուն Դրօն հոն եկաւ, որ իր սովորական վճռականութեամբ գործի ձեռնարկեց - յանցաւոր վաշտը զինաթափ ըրաւ: Տեղի վրայ գտնուող Ազգային Խորհրդի ան-

դամներու, Դրօյի եւ Արէշովի հետ որոշեցին Վրացեանի նախագահութեամբ արտակարգ զինուորական դատարան կազմել եւ պատժել այդպիսիներին¹:

Դրօյի գործունեութեանը նվիրված հուշագրութիւնում Սարիղամիշի ճակատում տեղի ունեցած վերոհիշյալ դեպքի իսկութիւնը հավաստում է Թադե Պետրոսյանը. «1918 -ին Սարիղամիշի հայ մի զօրամասի մէջ ստեղծուել էր անմիջապէս կացութիւն: Հրամանատարական կազմը, հին ցարական օրերի բարձրաստիճան սպաներ, անելի վիճակի մէջ էր ընկած: Եվ ահա անակնկալօրէն երեւում է կոմիսար Դրօն եւ, առանց ճառ ու քարոզի, զինուորական ոգիով անմիջապէս վերջ է տալիս տխուր կացութիւնը՝ ապահար թողնելով հին հրամանատարները»²:

Դրոն՝ քաջ գիտակցելով թուրքական զորքերի հարձակման հետեւանքով ռազմաճակատում ստեղծված պայթյունավտանգ իրավիճակի ողջ կարեւորութիւնը՝ վճռում է մեկնել Ղարաուրզան-Միջնկերտ ուղղութիւն եւ անձամբ առաջնորդել հայ զինվորներին:

Ա. Հարութիւնյանը իր հեղինակած «Թուրքական ինտերվենցիան Անդրկովկաս 1918 թ. եւ ինքնապաշտպանական կռիվները» աշխատութիւնում վերլուծելով Սարիղամիշի ռազմաճակատում տեղի ունեցած մարտական գործողութիւնները եւ հպանցիկ անդրադառնալով Ղարաուրզանի հատվածում տեղի ունեցած դեպքերին ու դուլզն չնշելով այդ ճակատում Դրօյի ներդրած, հիրավի, անգնահատելի ծառայութիւնը՝ գրում է. «Մարտի 23-ին թուրքերը Ղարաուրզանի մոտ գրոհեցին հայկական կամավորական ջոկատի պաշտպանութեան բնագիծը: Վերջինս նահանջեց Խան-Դերի բնագիծը: Սարիղամիշից օգնում էին ջոկատին՝ կանգնեցնելու թուրքերի առաջխաղացումը»³:

Համաձայն այդ օրերին ռազմաճակատում տիրող կացութիւնը լուսաբանող տեղեկագրի՝ «Այդ ժամանակ ժամանում է կորպուսի զինվորական կոմիսար Դրոն, եւ գեներալ Արեշյանը՝ գնահատելով այդ առաջնորդի ժողովրդականութիւնը, անմիջապէս նրան է հանձնում Խան զորախումբը (այդ զորախումբը պայմանականորեն անվանվում է Խան-Դերիի սարի անունով - Հ. Գ.) եւ նրան հանձնարարում մարտի 14-ին Ղարաուրզանի եւ Միջնկերտի շրջանում անցնել հարձակման: Դրօյի հրամանատարութեան ներքո եղել են 1-ին գնդի

¹ «Ասպարեզ», 1956, ապրիլի 3, էջ 3-4:

¹ Փափագեան Վ., Իմ յուշերը, Բէյրութ, հ. 1, 1952, էջ 468:

² «Չայրեցի» ամսագիր, 1956, թիւ 10, էջ 25:

³ Չարութիւնյան Ա., նշվ. աշխ., էջ 143:

3 վաշտեր, Դալի Ղազարի 4-րդ զորախմբի 4 վաշտեր, Արամի խումբը, 101-րդ Հեծյալ հարյուրյակը, 4-րդ լեռնային մարտկոցը եւ մեկ թեթեւ հրանոթ: Այդ ամենից զատ նրան օգնելու համար ուղարկվում են Մուրադի եւ Սեպուհի Հեծյալ վաշտերը:

Զորախմբի կազմում ընդգրկվում են նաեւ 12 սպաներ գնդապետ Միրզոեւի գլխավորութեամբ¹:

Ղարաուրգանի ուղղութիւնը ռազմավարական առումով շատ կարեւոր էր, եւ այդ պատճառով թուրքերն աշխատում էին անպայմանորեն գրավել Հենց այդ հատվածը: Մինչ մարտի 11-ի դեպքերը Ղարաուրգանը արդեն ձեռքից ձեռք էր անցել: «Մարտի 6-ին, - նշվում է տեղեկագրում, - Զովինի լեռնանցքում քրդերի կողմից գնդակոծվել է հայկական առաջապահ ուղեկալը: Հակառակորդը երեք կողմից հարձակվելով Ղարաուրգանի վրա, այնտեղից դուրս է մղել մեր առաջապահ զորախումբը, բայց Սարիղամիշից եկած համալրումը, մարտի 7-ին դուրս է մղել թուրքերին ու քրդերին Ղարաուրգանից եւ այնտեղ հաստատել կայուն իրավիճակ»²:

Ռազմավարական կարեւորագույն նշանակութիւն ունեցող բերդաքաղաքի՝ Էրզրումի հանձնումից եւ հայկական զորամասերի ոչ այնքան կազմակերպված նահանջից հետո ռազմաճակատի առաջավոր բնագծերում դիրքավորված հայ զինվորների շրջանում դեռեւս նկատելիորեն տիրապետում էին խուճապային տրամադրութիւններն ու անկազմակերպ իրավիճակը: Զորքերի մարտաշարքերն ուժեղացնելու, մարտնչելու ոգին եւ պատրաստակամութիւնը բարձրացնելու ու կայունացնելու համար հրամանատարութիւնից պահանջվում էր ուժերի գերագույն լարում եւ հսկայածավալ աշխատանք: Ընդունելով ռազմաճակատի ամենապատասխանատու եւ վտանգված շրջանի՝ Ղարաուրգան-Միջնկերտ հատվածի հրամանատարութիւնը՝ Դրոն պետք է միավորեր այդ ուղղութեամբ գործող զորավաշտերը, կազմակերպեր հակահարձակումը եւ հաղթահարելով թուրքական զորքերի դիմադրութիւնը, ինչպես նաեւ ձմռան խստաշունչ պայմանների հարուցած խոչընդոտները՝ Հետ նվաճեր Սարիղամիշի համար վճռական նշանակութիւն ունեցող Ղարաուրգան-Մեջնկերտ շրջանը:

Նրա մասին պատմող բազում վավերագրերը, հուշագրութիւններն ու այլ փաստաթղթերը միանշանակորեն վկայում են, որ Դրոն շատ լավ կարողացել է ընդհանուր լեզու գտնել եւ հաջողութեամբ

համագործակցել ինչպես արհեստավարժ սպաների, այնպես էլ ոչ արհեստավարժ զինվորականների հետ: Ղարաուրգան ուղղութիւնում իրականացրած մարտական գործողութիւնների ժամանակ դարձյալ նույնն էր, նրա զորախմբում ժողովրդական անվանի հերոսների՝ Սեբաստացի Մուրադի, Սեպուհի, Զեմլյակի, Արամի եւ Դալի Ղազարի ընկերակցութեամբ հաշտ ու համերաշխ կռվում էին արհեստավարժ զինվորականներ: Դրոն, իրոք, կարողացել է մեծ արդունակաստութեամբ ներդաշնակել զինվորականութեան այդ երկու ուժերն ու կարողութիւնները:

Մարտի 13-ին, հակառակորդի դիրքերը փոքր-ինչ ուսումնասիրելուց եւ զորավաշտերին համապատասխան հրահանգներ տալուց հետո, Դրոն հաջորդ օրն առավոտյան տալիս է թուրքական զորքերի պաշտպանական հենակետերի վրա գրոհելու հրամանը: Խորտակելով նախորդ օրերի հաջողութեամբ թեւավորված թուրքերի դիմադրութիւնը՝ զորախումբը շարժվում է առաջ:

«Հարձակում կատարվեց հաջողութեամբ: Զորախումբը աջ թեւում հասնում է մինչեւ Սիբասարի բարձունքը, իսկ կենտրոնում եւ ձախ թեւում գրավում Խորում լեռը...»¹:

Այդ օրվա կռիվների ընթացքում եղել են նաեւ չնախատեսված դեպքեր: Տարվելով գրոհներով՝ Մուրադի ու Սեպուհի Հեծյալ վաշտերը մխրճվում են հակառակորդի դասավորութեան խորքը եւ մերկացնելով հարձակվող զորախմբի ձախ թեւը, հնարավորութիւն ընձեռում թուրքերին բաց տարածքից հարվածելու կենտրոնում եւ ձախ թեւում հաջողութեամբ հարձակվող 4-րդ եւ 1-ին գնդերի զորավաշտերի թիկունքին: Հայտնվելով երկու հանդիպակաց հարվածների արանքում, Դրոյի զորախմբի կենտրոնն ու ձախ թեւը հարկադրված սկսում են նահանջել: Կռիվների ամենավճռական պահն էր. Դրոն թուրքերի առաջխաղացումը կասեցնելու նպատակով գրոհի է ուղարկում նախորդ կռիվներում իրեն փայլուն կերպով դրսեւորած Արամի գլխավորած վաշտը:

«Արամի խումբը, - նշվում է մարտական գործողութիւնների տեղեկագրում, - գործելով հերոսաբար, հարվածում է թուրքերի առաջ ընկած տեղամասին եւ հակառակորդը ջախջախվելով ու նահանջելով՝ մեր զորքի տնօրինութեանն է հանձնում մարտադաշտը»²:

Ղարաուրգանի ուղղութեամբ Դրոյի զորախմբի հաղթական գործողութիւնների մասին վկայում է նաեւ Սարիղամիշի ռազմա-

¹ ՀԱԱ, ֆ. 121, ց. 1, գ. 37, ք. 15:

² Նույն տեղում, ք. 10:

¹ Նույն տեղում, ք. 15:

² Նույն տեղում:

ճակատի հրամանատար գեներալ Արեշյանը. «Հարձակումն ընթացավ Հաջողությամբ: Աջ թեւի զորամասերը Հասան Սարիբանի բարձունքը, գրեթե մինչեւ Ջոկ, իսկ կենտրոնի ու ձախ թեւերը գրավեցին խորոմ Լեռը:

... Այդ օրվա մեր կորուստներն են 8 զոհ եւ 12 վիրավոր»¹:

Թուրքական ջախջախված զորամասերը նահանջելով Ղարաուրգան-Մեջնկերտ շրջանից, միանում են ուրիշ զորամասերի եւ Հաջորդ օրը եւեթ հարձակվում Քոչաքիլիսա, Կարակուրդ գյուղերի վրա ու առանց մեծ դժվարության գրավում այդ բնակավայրերը: Ռազմաճակատում իրավիճակը ավելի է շիկանում, երբ Սարիղամիշի բարձունքներից հայ զինվորները նկատում են թուրքական նոր հեծյալ եւ հետեւակ զորամիավորումներին, որոնք շարժվում էին դեպի Բարդուսի եւ Խան-Դարեսայի լեռնանցքի ուղղությամբ: Թուրքերի նպատակը միանգամայն հասկանալի էր. գրավելով Բարդուսը եւ անցնելով լեռնանցքը՝ նրանք կարող էին դուրս գալ թիկունք եւ պաշարման մեջ վերցնել այդ շրջանում մարտնչող հայկական զորքերը:

«...Այդ շրջանցումը զորախմբում առաջ է բերում ցնցում, եւ առաջապահ զորամասերի զինվորները վախենալով շրջապատման վտանգից՝ սկսում են լքել մարտադաշտը»²:

Ռազմաճակատի հրամանատարությունը ձեռնարկում է տենդային քայլեր: Դեպի լեռնանցք է շարժվում Պանդուխտի գլխավորած պարտիզանական զորախումբը: Մարտի 16-ին թիկունքից Սարիղամիշի շրջան է հասնում 1-ին հեծյալ գունդը եւ կենտրոնանում Կարակուրդ եւ Կոչաքիլիսա ուղղությամբ: Նույն օրերին ռազմաճակատի առաջավոր հատվածում է հայտնվում նաեւ Ջեմլյակի հեծյալ զորաջոկատը: Թուրքական զորքերի առաջխաղացումը կասեցնելու եւ նրանց կողմից նվաճված գյուղերը հետ վերցնելու նպատակով ռազմաճակատի հրամանատարությունը կենտրոնացնում է եւս մի քանի զորամասեր եւ անցնում հարձակման:

Ղարաուրգան-Մեջնկերտ գործողության արդյունավետ ավարտից հետո պաշտպանական հանգույցներում թողնելով իր զորախմբի մի մասը՝ Դրոն զորախմբի ձախ թեւի ուժերով ռազմաճակատի հրամանատարությունը կողմից կենտրոնացված զորամասերի համագործակցությամբ հարձակում է ձեռնարկում թուրքական զորքերի վրա: Գրոհող զորավաշտերի հարվածն անկասելի էր, թուրքերը

հետ նահանջելով հայկական զորքերի տնօրինությունն են հանձնում Կարակուրդ եւ Կոչաքիլիսա գյուղերի շրջանը: Այդ օրվա մարտերում իրենց անբասիր գործողությամբ առանձնապես աչքի են ընկնում 1-ին հեծյալ գնդի, եւ Ջեմլյակի գլխավորած հեծյալ ջոկատի մարտիկները:

Թուրք զինվորների վկայություններից պարզվում է, որ Սարիղամիշի ուղղությամբ գործում էին թուրքական 9-րդ, 12-րդ եւ 36-րդ դիվիզիաները, որոնք մարտական մեծ փորձառություն էին ձեռք բերել մասնակցելով բազմաթիվ կռիվների եւ անգամ Գալիպոլիի նշանավոր ճակատամարտին:

Թուրքական զորքերի հարձակումներին զուգընթաց իրենց գործողություններն են ակտիվացնում նաեւ քուրդ հրոսակախմբերը, որոնք չբավարարվելով միայն թալանով, թիկունքի եւ հաղորդակցության միջոցների վրա պարբերաբար կատարվող ասպատակություններով, սկսում են պարբերաբար հարձակումներ գործել նաեւ հայկական զորամասերի վրա: Իրենց ձեռնարկած գործողությունների ընթացքում քրդերին հաջողվում է գրավել եւ հենակետի վերածել Կըզլ-Քիլիսա գյուղը ու այնտեղից հաճախակի հարձակումներ գործել հայկական զորամասերի եւ հատկապես թիկունքային ծառայության ուժերի վրա: Քուրդ հրոսակախմբերի սանձարձակություններին վերջ տալու նպատակով Դրոն Ղարաուրգանի հաղթական գործողությունից հետո զորախմբի մի մասով հարձակվում է Կըզլ-Քիլիսա գյուղում կենտրոնացած քրդական հրոսակախմբերի վրա եւ նույն օրը եւեթ կորպուսի շտաբը ռազմաճակատից ստանում է հետեւյալ հաղորդագրությունը. «Սարիղամիշի ուղղությամբ նորից հետ է գրավվել Բարդուսի մերձակայքում գտնվող Կըզլ-Քիլիսա գյուղը»¹:

Այս արդյունավետ գործողություններից հետո ռազմաճակատի Ղարաուրգան-Մեջնկերտ-Կարակուրդ հատվածում ժամանակավորապես հաստատվում է հարաբերականորեն կայուն իրավիճակ:

Անդրադառնալով Սարիղամիշի ռազմաճակատում այդ օրերին ընթացող կռիվների եւ նրանում Դրոյի ավանդի գնահատմանը՝ հայկական Բանակային կորպուսի հրամանատար, գեներալ Թ.Նազարբեկյանը նշում է. «Երեկոյան կողմ (մարտի 6-ին) վերադարձա Սարիղամիշ: Հաջորդ օրը նախագահի (նկատի ունի Հայոց Ազգային խորհրդի նախագահ Ավետիս Ահարոնյանին - Հ.Գ.) գլխավոր

¹ Նույն տեղում, ք. 44 ա:

² Նույն տեղում, ք. 15:

բությամբ ժամանեցին Ազգային Խորհրդի մի քանի անդամներ: Նրանց հետ էր նաև կորպուսի նախկին զինվորական կոմիսար Դրոն, որը պարզվում է, հրաժարվել էր այդ պարտականությունից և ցանկություն էր հայտնել մեկնել ռազմաճակատի առաջավոր գիծ և մարտնչել հակառակորդի դեմ: Նրա փոխարեն կոմիսար էր նշանակվել Հակոբ Քրիստափորի Զավրիբեր:

Դրոն հաջորդ օրը՝ մարտի 8-ին, մեկնել էր առաջավոր զորամաս Ղարաուրզանի ուղղությամբ և ստանձնել այդ զորամասի հրամանատարությունը: Կարող եմ համարձակորեն ասել, որ շնորհիվ սպաների և զինվորների միջավայրում ունեցած իր հեղինակությունն ու խիզախությունը, նա կանգնեցրեց հակառակորդի հարձակումը ու մենք կարողացանք ավելի երկար մնալ Սարիղամիշում»¹:

Սարիղամիշի ռազմաճակատի Ղարաուրզանի ուղղությունում Դրոյի գլխավորած զորաջոկատների հաջողությունը հույս կարեւոր էր: Հայկական կորպուսի հրամանատարությունը ավելի քան անհրաժեշտ էր գոնե մի քանի օր ժամանակ, որպեսզի կարողանար ոչ միայն զորամասերը համալրել նոր ուժերով և համապատասխան քայլեր ձեռնարկել խուճապն ու անկազմակերպվածությունը մարտաշարքերից արմատախիլ անելու ուղղությամբ, այլև թիկունք տեղափոխել գաղթականությունը, պահեստներում ամբարված զենքն ու զինամթերքը, հանդերձանքը և այլ արժեքավոր իրեր:

Վկայում է գնեցրալ Թովմաս Նազարբեկյանը. «Ես օգտվեցի այդ դադարից: Նախորդ մարտերի նահանջի հետևանքով խարխլված զորամասերը ուժեղացվեցին և փոքր-ինչ կարգի բերվեցին... Շարունակվեց ուժեղացված տեմպերով փախստականների, Սարիղամիշի հարուստ պահեստներից զենք ու զինամթերքի, հանդերձանքի, սննդամթերքի և այլ կարեւոր սարքավորումների բեռնաթափումը: Պահեստների կողքերին թափված էին մեծաքանակ շաքար, թեյ, կրուպա և պահածոներ: Ունենալով սահմանափակ քանակի վագոններ, ես այդ բոլորը, ինչպես նաև փախստականներին ուղարկեցի Ալեքսանդրապոլ²:

Գնեցրալ Նազարբեկյանի վկայություններից նաև պարզվում է, որ Սարիղամիշի պահեստների հարստությունից առավելապես օգտվել են վրացիները, որոնք ունենալով ավելի շատ վագոններ՝ կարողացել են թիկունք տեղափոխել Սարիղամիշում ամբարված հարստության մեծ մասը:

Ղարաուրզան-Միջնկերտ ուղղությունում Դրոյի գլխավորած զորամասի և Կարակուրդ-Կոչաքիլիսա շրջանում նրա գործուն մասնակցությունը ձեռք բերած ակնառու նվաճումների շնորհիվ, ճիշտ է, կասեցվեց հակառակորդի հարձակումը, բայց թուրք հրամանատարությունը բոլորովին մտադրված չէր սահմանափակվել սոսկ ձեռք բերած նվաճումներով և կանգ առնել Սարիղամիշի դարպասների առջև: Որպեսզի հայկական զորքերի հրամանատարությունը կարողանար թուրք հրամանատարությունը ստիպել հրաժարվելու իր մտադրություններից, անհրաժեշտ էր զարգացնել Դրոյի և նրա հարեւանությունը գործող զորամասերի հարձակումները և առավելապես կազմակերպված հարվածներով վճռական պարտության մատնել հակառակորդին: Սակայն հայկական զորքերը և մարտական պատրաստվածության և բարոյահոգեբանական առումով դեռևս հեռու էին այդչափ կարեւոր ու պատասխանատու խնդիրներ կենսագործելու կարողությունից:

Միանգամայն պարզ է և հասկանալի, որ հայկական կողմի որդեգրած պաշտպանական, իսկ երբեմն էլ հարկադրական հակահարձակումների մարտավարությունը առավելաբար ձեռնառու էր թուրքերին, որոնք օգտվելով Հայերի ոչ այնքան ակտիվ պահվածքից, կարողանում էին արագորեն կատարել ուժերի անհրաժեշտ վերախմբավորումներ և հարվածել հայկական ուժերի պաշտպանական բնագծերի մերթ այս ու մերթ այն հատվածներին: Հայկական զորքերի հրամանատարությունը հաղորդակցության ուղիների և կապի անբավարարվածության պատճառով դժվարությամբ էր կարողանում ժամանակին արձագանքել ռազմաճակատում ծավալվող դեպքերին:

Հարկ է նշել, որ իր բարձրության վրա չէր գտնվում ռազմաճակատի հրամանատար գնեցրալ Արեշյանը, որը կտրուկ, եռանդուն գործողություններ ձեռնարկելու փոխարեն, ի սկզբանե հայկական կորպուսի շտաբն է հեղեղում Սարիղամիշը թողնելու պահանջով հագեցած հեռագրերով:

Ղարաուրզան-Միջնկերտ և Կարակուրդ-Կոչաքիլիսա շրջաններում կրած պարտություններից հետո թուրքերը դարձյալ կատարում են ուժերի նոր վերախմբավորում և հարձակում ձեռնարկում այս անգամ արդեն ռազմաճակատի աջ թեւի ուղղությամբ ու մարտի 22-ին գրավում Բարդուս, Ղզըլքիլիսա և Զերմուկ գյուղերը: Եթե թուրքերին հաջողվեր զարգացնել իրենց գրոհները, ապա նրանք կարող էին դուրս գալ Նոր Սեւիմի շրջան, գրավել երկաթգիծը ու մի

¹ Բանբեր Հայաստանի Արխիվների, 1992, թիւ 3, էջ 96:
² Նույն տեղում:

փոքր առաջ չարժեքով՝ պաշարման մեջ վերցնել Սարիղամիշի ճակատում մարտնչող ողջ հայկական զորքերը:

Իրենց զորքերի հարձակումներին ավելի մեծ թափ ու արագություն հաղորդելու դիտավորությամբ թուրք հրամանատարությունը դարձյալ ակտիվացնում է քուրդ հրոսակախմբերի գործողությունները:

«Քրդական հրոսակախմբերը Սարիղամիշի վրա շարժվում էին էրզրումի, Խնուսի եւ Ալաշկերտի Հարավ-արեւմտյան եւ հարավային կողմից: Յուրաքանչյուր ուղղությամբ շարժվող հրոսակախմբերում քրդերի թիվը հասնում էր մոտավորապես 1000-ի: Ջինյալ խմբերի կազմը մշտապես փոխվում էր:

... Գլխավորապես զբաղվելով թալանով եւ ավազակությամբ քրդերն, այնուամենայնիվ, շեղելով հայերի ուշադրությունը, էսպես օգնում էին թուրքերին: Նրանց դեմ պայքարելու համար հայերը հարկադրված առանձնացնում էին մարտական զգալի ուժեր»¹:

Այն պահին, երբ թուրքերը հարձակումը ծավալում էին ռազմաճակատի աջ թևի՝ Բարդուսի ուղղությամբ, Դրոն հաստատակամորեն պահում էր Ղարաուրգան-Մեջնկերտ պաշտպանական բնագծերը: Թուրք հրամանատարությունը մինչեւ Բարդուսի ուղղությամբ հարձակում ձեռնարկելը մեկ անգամ եւս փորձ է անում ընկճել Ղարաուրգան-Մեջնկերտ չրջանում դիրքավորված հայ մարտիկների դիմադրությունը: Մարտի 18-ին կենտրոնացնելով զգալի քանակության մարտական ուժեր՝ հակառակորդը վերսկսում է գրոհները Ղարաուրգանի ուղղությամբ: Դրոն իր զորախումբը զուտ մարտավարական նպատակով քաշում է մի փոքր հետ, մինչեւ Խանդերիի բնագիծը եւ այնտեղից հարձակվում թուրքերի վրա ու հետ չարտելով նրանց դեպի ելման դիրքերը, խափանում հակառակորդի հերթական ձեռնարկումներից եւս մեկը:

«...Այդ ժամանակ նկատվում է, - նշվում է ռազմական ամփոփագրում, - որ հակառակորդը փորձում է շրջանցել այդ զորախմբի աջ թևը: Նահանջը կանգնեցվեց: Դրոյի զորախմբի աջ թևը ամրացավ էջնոսի սարահարթում»²:

Ղարաուրգանի հատվածում կրելով իր հերթական պարտություններ՝ թուրք հրամանատարությունը իր զորքերի հարձակումը նպատակաուղղում է ռազմաճակատի աջ թևը: Պետք է նկատել, որ այդ շրջանը եղել է Սարիղամիշի ճակատի ամենաանհուսալի եւ անպաշտպան ուղղությունը: Բարդուսից դեպի արեւմուտք՝ մինչեւ Սեւ

ծով, Բաթում ձգվող տարածքը, պետք է պաշտպանեին վրացական զորքերը, որոնց գործողությունների ներդրումը թուրքերի դեմ համատեղ ուժերով մղվող պատերազմում բացարձակապես չի զգացվել: Թուրքերը կարող էին յուրաքանչյուր պահի լավագույնս օգտագործել վրաց զորքերի կողմից բարձրիժողի, անպաշտպան տարածքը եւ հարվածել Սարիղամիշի զորախմբի աջ թևին եւ դուրս գալ հայկական զորքերի թիկունքը:

Մեկ անգամ եւս դրսևերելով իր մարտական կարողությունները եւ անառիկ պահելով իրեն վստահված ճակատի հենակետերը, Դրոն հնարավորություն է ընձեռում հայկական զորքերի հրամանատարությունը գլխավոր ուշադրությունը բեւեռելու ռազմաճակատի մյուս, մասնավորապես Բարդուս, նոր Սեւիմ ուղղությունների պաշտպանության ամրապնդման վրա:

Թուրքական զորքերի կողմից Բարդուսի գրավումից հետո Սարիղամիշի ռազմաճակատի հրամանատարությունը, դարձյալ հայտնվելով ծանր կացությունում, փորձում է կտրուկ եւ համապատասխան ձեռնարկումների միջոցով շտկել իրավիճակը: Ինչպես արդեն նշվել է, Բարդուսի ուղղությամբ հարձակվող հակառակորդին կանգնեցնելու ու Խանդերիի լեռնանցքը փակելու առաջադրանքով այդ շրջան է ուղարկում Պանդուխտի զորախումբը:

Ըստ գեներալ Արեշյանի վկայության, Բարդուսի ուղղությամբ մարտնչող զորամասերն իրենց դրսևերել են շատ վատ:

Ներկայացնելով ռազմաճակատում տիրող կացությունը՝ գեներալ Արեշյանը նշում է. «Վերջապես իմ ռազմաթիվ կարգադրություններից հետո, - նշում է գեներալ Արեշյանը, - Պանդուխտի զորախումբը սկսում է հարձակումը Բարդուսի վրա եւ հասնում մասնավոր հաջողության, գրավում է Քչուրչկի, Ջակիմ գյուղերը: Հակառակորդը ձեռնարկում է հակահարձակում եւ առանց որեւէ դժվարություններից հետ մղում Պանդուխտի եւ գեներալ Տեր-Ղեւոնդյանի զորամասերը, որոնք մի փոքր դիմադրելով փախչում են եւ մերկացնում ամբողջ թևը: Այդ ճակատում դիմադրություն ցույց տալու մասին խոսք անգամ լինել չի կարող, քանի որ այնտեղ ոչ մի զինվոր այլեւս չի մնացել: Հաշվի առնելով Բարդուսի ուղղությունը պաշտպանելու անհրաժեշտությունը ու Խանդերիին (Դրոյի ճակատի անմիջական թիկունքը - Ղ.Գ.), էջնոսին եւ Մեջարլիին սպառնացող կործանարար վտանգը, ես ռազմաճակատի մնացած տարբեր զորամասերի վաշտերին հրամայեցի գրավել եւ պաշտպանել Սարիղամիշի մերձակայքում գտնվող բարձունքները...»:

¹ ՀԱԱ, ֆ. 121, ց. 1. գ. 37, ք. 1:

² Նույն տեղում, ք. 45:

¹ Նույն տեղում, էջ 45 ա:

Ռազմաճակատի աջ թեւի տարածքները կորցնելուց հետո Դրոյի զորախումբը դարձյալ հաստատակամորեն պաշտպանում էր Ղարաուրգան-Մեջնկերտ շրջանը: Ռազմաճակատի հրամանատարու թյուրուներ անհրաժեշտաբար պետք է շտապ ուժեղացնեն Նոր Սելիմի պաշտպանական հանգույցը եւ հնարավոր բոլոր միջոցները ներդնելով՝ խոչընդոտեն երկաթգծին տիրելուն եւ Սարիղամիշը շրջանցելուն նպատակաուղղված թուրք հրամանատարութեան ձեռնարկումները:

Նոր Սելիմի պաշտպանական շրջանն ուժեղացնելու նպատակով այդ ուղղութեամբ է կենտրոնացվում գնդապետ Մորելի եւ կապիտան Շնեուրի գլխավորած հատուկ զորախումբը: «... մեր Առաջին Յատուկ Հայկական Վաշտը, - գրում է գնդապետ Շնեուրը (այդ ժամանակ ուներ կապիտանի աստիճան- Հ.Գ.), - որի հրամանատարն էր ընդհանուր սպայակոյտի անդամ՝ գնդապետ Մորել, իսկ ես վարիչն էի նրա սպայակոյտի, անցաւ Նովո-Սելիմ: Նրա պարտականութիւնն էր՝ պաշտպանել աջ թեւը եւ միաժամանակ նա ընդհանուր պահեստի ոյժն էր»¹:

Գեներալ Նազարբեկյանի հավաստմամբ, գնդապետ Մորելի եւ կապիտան Շնեուրի գլխավորած հատուկ զորախումբը ունեցել է հետեւյալ կազմը. «Հետեւակային երկու գունդ, հետեւակային մեկ գումարտակ, հրետանային 3 մարտկոց եւ հատուկ հեծյալ գունդ»²:

Այդ ժամանակ նոր Սելիմի շրջանում են հայտնվում նաեւ Զեմլյակի, ինչպես նաեւ Դրոյի զորախմբի Արամի գլխավորած հեծյալ զորավաշտերը:

Թուրքական զորքերի կողմից Սարիղամիշը շրջանցելու փորձերը խափանելու համար, ըստ գեներալ Նազարբեկյանի վկայութեան, կարելի էր օգտագործել իր տրամադրութեան ներքո գտնվող «Հայկական 1-ին հեծյալ գունդը, ռուս սպայական զորախումբը, ինչպես նաեւ Ալեքսանդրապոլի 8-րդ հետեւակային գունդն ու սակրավորային գումարտակը»:

«Այդ զորամասերը, - գրում է գեներալ Նազարբեկյանը, - եթե ռազմաճակատի կարիքները պահանջեին, ես կարող էի ժամանակին տեղափոխել ճակատ, իսկ ծայրահեղ դեպքում կարիք կարող էինք վերցնել նաեւ Հայկական 3-րդ հետեւակային գունդը...»³:

¹ «Սարդարաբատի հերոսամարտը», գրեց գլխաւոր սպայակոյտի գնդապետ Ալեքսանդր Շնեուր, 1967, Ֆրեզմու, էջ 18:

² Բանբեր Հայաստանի Արխիվների, 1992, թիւ 3, էջ 96:

³ Նույն տեղում:

թվում է՝ հայկական ուժերը ավելի քան բավարար էին թուրքական զորքերի հարձակումը կանգնեցնելու եւ Սարիղամիշը անառիկ պահելու համար, բայց կատարվում է ճիշտ հակառակը: Մարտի 23-ին գեներալ Արեշյանը արձակում է Սարիղամիշը թողնելու հրամանը:

Մարտի 22-ի դրութեամբ Սարիղամիշի պաշտպանական բնագծերում տիրել է հետեւյալ իրավիճակը. «Սարիբանի խնուղի, Մեջնկերտ, էջնոս, Վանկի լեռնանցք, Մեղերլի: Բարդուսին է մոտենում գնդապետ Մելիք-Շահնազարովի գունդը: Նոր Սելիմի ուղղութեամբ հակառակորդը գրավել է Բաշկե գյուղը եւ ուժեղ ճնշում է մեր աջ թեւը: Էջնոսի ուղղութեամբ աշխատում է թուրքական հրետանին: Նկատվել է թուրքական 2-3 գնդերի, յուրաքանչյուրը 3 գումարտակ կազմով, տեղաշարժը դեպի Սարիղամիշ: Մինչեւ մարտի 21-ը Սարիղամիշի զորախումբը կորցրել է մոտավորապես 100 մարդ: Հակառակորդի առաջխաղացումը դեպի Վարիշան կանգնեցվել է: Բաշկեի մերձակայքում շարունակվում է քրդերի կուտակումը: Երկաթգծի պաշտպանութեան համար առանձնացվել է 1 վաշտ, 2 գնդացիք եւ 2 հրանոթ»¹:

Ճիշտ է, հայկական զորքերի շարքերում նկատվում էին դասալքութեան դեպքեր ու բարոյահոգեբանական անբավարար վիճակ, բայց զորամասերի մեծ մասը տրամադրված է եղել մարտականորեն եւ հրամանատարութեան անհողողող կազմակերպվածութեան դեպքում կարելի էր հաջողութեամբ մարտնչել, եւ պահել Սարիղամիշը: Սակայն գեներալ Արեշյանի, ինչպես այդ մասին վկայում է ընդհանուր զորահրամանատար գեներալ Նազարբեկյանը, պարտավորական հոգեբանութեանն ու հոռետեսական տրամադրութեանը իրենց բացասական ազդեցութեանն են ունենում մարտադաշտում ծավալվող դեպքերի հետագա զարգացման վրա:

Մարտի 22-ին ռազմաճակատում տիրող կացութեան եւ զորամասերում արմատավորված դասալքութեան պատճառով ծայրահեղ հուսահատութեան մատնված գեներալ Արեշյանը հայկական կորպուսի հրամանատարութեանն է ներկայացնում Սարիղամիշը թողնելու եւ ռազմաճակատի հրամանատարութեանից հրաժարվելու իր առաջարկները: Ռազմաճակատում հայկական զորամասերի դրութեանը իրոք այնքան էլ բարվոք չէր, բայց այդ պահին ավելի քան հարկավոր էր ներդնել ողջ ուժերն ու կարողութեանները եւ հաստատակամորեն մարտնչելով ու չընկնելով խուճապի եւ հուսալքութեան գիրկը՝ պահել ռազմաճակատը:

¹ ԳԳԲԿԱ (Հայաստանի Հանրապետության Կենտրոնական Արխիվ, ԱՄՆ, Բոստոն), թիւ 503, թժ. 14, գ. 6, էջ 3:

Ստանալով Արեւշանի հեռագիրը՝ գեներալ Նազարբեկյանը պատահանում է. «Սարիղամիշի շրջանի ամուր պաշտպանությունը այն օրերից ավել է շատ լավ արդյունք. քրդերը Աղ-Քարի շրջանից այլևս չեն տեղաշարժվում ոչ արեւելք, ոչ էլ արեւմուտք: Կազիզմանի նահանգի մահմեդականությունը հանձնել է գեներալ Ե. հնազանդություն հայտնել, որն էլ հնարավորություն տվեց մեր զորամասերին շարժվել Կազիզմանից: Եվ վերջապես, երկու օրվա մարտերից հետո քո զորախմբի կորուստները քիչ են: Ես գտնում եմ, որ զորքերը կանգնած են բավականաչափ ամուր և զրա հետ միասին թուրքերը այնքան էլ ուժեղ չեն: Վաղը, մարտի 23-ին քո զորախմբին ուղարկում եմ համալրում: Խնդրում եմ բոլոր սպաներին ու զինվորներին ներշնչել մեր հայրենիքի տարածքները պաշտպանելու և թշնամուս պատշաճ հարվածներ հասցնելու համոզմունքը...»¹:

Կադրային զինվորականը, որպես կանոն կատարում է վերին հրամանատարության հրամաններն ու հանձնարարությունները, սակայն այս անգամ կադրային զինվորական գեներալ Արչեյանը շիժու պատճառաբանությամբ շրջանցում է վերագասի՝ գեներալ Թ. Նազարբեկյանի հանձնարարությունը:

Չափանելով կորպուսի հրամանատարի խոստացած օգնական ուժերին՝ գեներալ Արեւշանը հաջորդ օրը եւեթ դարձյալ նույն պահանջով գեներալ Նազարբեկյանին է հղում հետեւյալ հեռագիրը.

«Ես պահի գնահատման համոզվածության և ֆիզիկական իրավիճակի պատճառով զորախումբը հրամայել չեմ կարող: Այսօր երկու անգամ ունեցել եմ գլխապտույտ և առաջին անգամ կոկորդիցս արյուն է գնացել: Հրամանատարությունը հանձնում եմ գնդապետ Բեյ Մամիկոնյանին»²:

Առանց հայկական զորքերի ընդհանուր զորահրամանատարի՝ գեներալ Նազարբեկյանի գլխավորության և համաձայնության, հայկական զորամասերը գեներալ Արեւշանի խուճապային տրամադրվածություն հետեւանքով չհասցնելով անգամ պայթեցնել ու ոչնչացնել քաղաքում գտնվող պահեստները, մեկը մյուսի հետեւից նահանջելով թողնում են Սարիղամիշը: Եւ միայն վերջին պահին Սեբաստացի Մուրադն ու Սեպուհը կարողանում են իրենց առաջնորդած զինվորների աջակցությամբ պայթեցնել Սարիղամիշում գտնվող հսկա զինապահեստների մի մասը:

Գեներալ Արեւշանի հոգեբանության վրա բացասաբար էին ազդել ուղղափառաբան Բարդուղ-Վարիշան-Նոր Սելիմ ուղղությունը մարտի 2-ին թուրքերի ձեռք բերած հաղթանակները:

«Ապիլի 5-ին (մարտի 23-ին), - գրում է Գ. Ղորղանյանը, - թուրքերը գործողութիւններ սկսան, յարձակուելով Սարիղամիշի շուկատի դիրքերու կեդրոնին, գլխաւորաբար անոր աջ թեւին դէմ Վարիշանի ուղղութեամբ: Յամառ ճակատամարտէ մը ետք Վարիշանի մօտ, որը կը պաշտպանուէր Ա. առանձին կիսաբաժնի կողմէ գնդապետ Մորեւի հրամանատարութեամբ, թուրքերը գրաւեցին այդ վայրը»¹:

Ճիշտ է, թուրքերը գրավում են Վարիշանը և սպառնում Նոր Սելիմին, բայց դա բնավ էլ չէր նշանակում, թե կացութիւնը անշտկելի էր և Սարիղամիշը անպայմանորեն պետք է պարպվեր: Կազմակերպված և վճռական գործողություններ ձեռնարկելու դեպքում կարելի էր շտկել կացութիւնը, մանավանդ որ, ըստ գեներալ Նազարբեկյանի հավաստման, մարտական ուժերը բավարարում էին:

«Հաշվի առնելով, - նշում է գեներալ Արեւշանը, - Բարդուսի ուղղութիւնը պաշտպանելու անհնարինությունն ու Խանդերին, էջնոսին և Մեջատլիին սպառնացող կործանարար վտանգը, ես ուղղափառաբան մնացած տարբեր զորամասերի վաշտերին հրամայեցի գրավել և պաշտպանել Սարիղամիշի մերձակայքում գտնվող բարձունքները...»

Մինչև մարտի 23-ը Սարիղամիշը բոլոր առումներով տեղահանվեց ամբողջութեամբ: Փոքր-ինչ արժեք ունեցող սպառազինություններ չթողնելով հակառակորդին՝ պայթեցվեց և ոչնչացվեց»²:

Կորպուսի հրամանատարին հասցեագրած գեներալ Արեւշանի հեռագիրը, ապա նաև Սարիղամիշի անսպասելի հանձնումը ցնցող տպավորություն են թողնում, չէ որ հենց վերջին հեռագրով գեներալ Նազարբեկյանը հրամայել էր, համաձայն նույն Արեւշանի վկայության, «...կորպուսի հրամանատարը պատասխանեց, որ Սարիղամիշը անհրաժեշտ է պահել»³:

Անդրադառնալով գեներալ Արեւշանի հեռագրի և Սարիղամիշը հանձնելու իրողության գնահատմանը՝ գեներալ Նազարբեկյանը նշում է. «Ինձ սարսափելիորեն զարմացրեց այդ հեռագիրն իր անսպասելիութեամբ: Գուցե եւս ուրիշին էի նշանակելու տեղակալ, և երկրորդ, Սարիղամիշից նահանջելու պատճառ և հիմքեր չկային: Թուրքերի այն ուժերը, որոնք սպառնում էին շրջանցել Սարիղամիշը, փոքրաթիվ էին, և չէին կարող զորախմբի համար լուրջ վտանգ ներկայացնել:

¹ ՀԱԱ, ֆ. 121, ց. 2, գ. 176, ք. 10:

² Նույն տեղում, ք. 9:

¹ «Հայրենիք» ամսագիր, 1927, թիւ 2, էջ 159:

² ՀԱԱ, ֆ. 121, ց. 1, գ. 37, ք. 47:

³ Նույն տեղում, էջ 46:

... Ես խորապես համոզված եմ, եթե չլիներ Արեշելի ինքնա-
ներշնչումը, քանի դեռ թուրքերը չէին հասցրել ավելի ուժեղանալ,
ապա կարելի էր Սարիղամիշը պահել ավելի երկար ժամանակով»¹:

Կորպուսի շտաբի պետ, գեներալ Վիշինսկին՝ զայրացած Սարի-
ղամիշը հանձնելու չպատճառարանված քայլից, պահանջում է դա-
տի տալ գեներալ Արեշյանին: Հետագայում Սարիղամիշը հանձնելու
իր վճիռն արդարացնելու ու հիմնավորելու նպատակով գեներալ
Արեշյանը նշում է. «Մարտի 23-ին ժամը 17-ին ինքնաթիռով (այ-
րուպյան) կատարած հետախուզությունը պարզել է, որ Բարդուսի
կողմից դեպի Կիզիլ-Չուբախի շարժվում էր 14 զորասյուն, յուրաքան-
չյուրը ոչ պակաս մի վաշտ կազմով: Իմ հետախուզությունը դրանից
մեկ օր առաջ պարզել էր 1500 թուրք զինվորների շարժումը դեպի
Բարդուս: Հետախուզության հայտնած այդ տվյալները անվերապա-
հորեն ապացուցում են մարտի 23-ին Սարիղամիշի նահանջի իրա-
վացիությունը»²:

Իսկ դեպքերն անդառնալի էին. գեներալ Արեշյանի թուլամոր-
թությունը, մարտական ոչ բավարար պահվածքն ու իրավիճակին
տիրապետելու անկարողությունն իրենց սեւ գործը կատարեցին.
Թշնամուն հանձնվեց դեպի Արեւելահայաստան տանող Հերթական
կարեւորագույն պաշտպանական հանգույցներից եւս մեկը:

Սարիղամիշը հայկական զորքերի կողմից պարպելու պահին
Դրոն գտնվում էր իր գլխավորած ճակատի՝ Ղարաուրզանի ուղղու-
թյամբ: Դատելով այդ ժամանակահատվածում ռազմաճակատում
ընթացող մարտական գործողությունների իրական վիճակը բնու-
թագրող վավերագրերից, կարելի է միանշանակորեն պնդել, որ նա
այդ օրերին երբեւէ չի նպատակադրվել դույզն-ինչ տեղի տալ հա-
կառակորդի ճնշումներին եւ նահանջել: Եթե չլիներ ռազմաճակատի
աջ թեւի՝ Բարդուսի ուղղությամբ թշնամու ուժերի ճեղքման ու
թեւանցման վտանգը, ապա Դրոյի զորախումբը հաստատակամորեն
կկանգներ եւ կպաշտպաներ իրեն վստահված ճակատը: Հենց Սարի-
ղամիշի պարպման օրը՝ մարտի 23-ին, թուրքական զորքերը գրոհներ
են ձեռնարկել նաեւ Ղարաուրզան-Մեջնկերտ ուղղությամբ: Դրոյի
գլխավորած զորամասերը, ինչպես եւ նախորդ մարտերում, այս ան-
գամ դարձյալ անկտորում պաշտպանություն մղեցին գրոհները եւ հետ
են մղում հակառակորդի գրոհները:

Հետաքրքիր իրավիճակ է ստեղծվում: Ղարաուրզանի շրջանում
Դրոյի զորախումբը հաստատակամորեն կանգնեցնելով թուրքերին

պահում է իրեն վստահված ճակատը, իսկ ռազմաճակատի մեկ այլ
հատվածում թուրքերն օգտվելով հայկական զորքերի թույլ գոր-
ծողություններից առաջ են շարժվում: Եթե թուրքերին հաջողվե-
ր պարզել Վարիշանն ու ապա նաեւ Նոր Սելիմը, ապա նրանք
կկործին երկաթգիծը, կհայտնվեին Սարիղամիշի թիկունքում, եւ
ռազմաճակատում մարտնչող հայկական զորքերը, ինչպես նաեւ
ամենահեռավոր հատվածում դիրքավորված Դրոյի զորախումբը
անխուսափելիորեն կհայտնվեին շրջափակման մեջ: Տվյալ իրավի-
ճակում, մանավանդ Սարիղամիշը պարպելուց հետո, որպեսզի ա-
պահովվեին ռազմաճակատի թիկունքի ու դեպի Կարս ձգվող հա-
ղորդակցության միջոցների եւ մյուս ուղղություններում տեղա-
կայված զորամասերի անվտանգությունը, հայկական զորքերի
հրամանատարությունը նախ եւ առաջ պիտի ուժեղացներ Վարի-
շանի եւ Նոր Սելիմի պաշտպանական բնագծերը, կազմակերպե-
ր տարբեր շրջաններում մարտնչող զորքերի անվտանգ նահանջը եւ
փորձեր կտրուկ եւ կենտրոնացված հակահարվածներով կանգնեց-
նել հակառակորդի առաջխաղացումը:

Մարտի 24-ին գնդապետ Մորելի եւ կապիտան Շենուրի
գլխավորած զորամասերը Վարիշանի ուղղությամբ անցնում են
հարձակման եւ հետ չպրտելով թուրքերին՝ գրավում են այդ
բնակավայրը:

«... Ապրիլի 6-ին (մարտի 24), - գրում է գեներալ Գ. Ղորղա-
նյանը, - Մորելը ետ նետեց թուրքերը Վարշանէն դէպի արեւ-
մուտք, այն նոյն պահուն, երբ Սարիղամիշի ջոկատը կոտույ
դէպի Նոր Սելիմ կը նահանջեր»¹:

Մարտի 23-ին Հերթական անգամ հետ մղելով թուրքերի զանգ-
վածային գրոհները, Դրոն, համաձայն ռազմաճակատի հրամանա-
տարի հրահանգի եւ պաշարման վտանգից խուսափելու նպատա-
կով, հարկադրված թողնում է Ղարաուրզանի շրջանն ու սկսում
կանոնավոր զորաշարքերով ու կազմակերպված մարտավարու-
թյամբ նահանջել: Դրոյի զորախումբը փաստորեն Արեւմտահա-
յաստանի վերջին տարածքներից՝ Սարիղամիշի շրջանից հեռացող
հայկական վերջին մարտական ուժն էր:

Նկարագրելով այդ պահը, գնդապետ Շենուրը գրում է. «...
հայկական վերջին միաւորները թողին հեռացան թուրքիայից:
Յետնապահ գունդը՝ Դրոյի (Դրաստամատ Կանաեան) հրամա-

¹ Բանբեր Հայաստանի Արխիվների, 1992, թիւ 3, էջ 96:
² ՂԱԱ, ֆ. 121, ց. 1. գ. 37, ք. 47:

¹ «Հայրենիք» ամսագիր, 1927, թիւ 2, էջ 159:

նատարութեան տակ, յանձինս նրա ունէր արժանաւոր, խիզախ ղեկաւար, որ մնում էր Ղարաուրգանի շրջանում: Նրա առջեւ՝ փոքրիկ թիկունքային ջոկատ՝ 30 մարդուց, գնդապետ Թորգոմի ղեկաւարութեամբ: Դէպի աջ, այսինքն դէպի հյուսիս այդ «աղիքից» ոչի՛նչ: Ամայի, ոչ ոքի կողմից չբռնուած տարածութիւն (նկատի ունի դեպի արեւմուտք վրացական զորքերի կողմից լքված, անպաշտպան տարածքները - Հ. Գ.)¹:

Աստիճանաբար նահանջելով եւ ճանապարհին բազմիցս հետ մղելով իրեն կրնկակոխ հետապնդող հակառակորդի զրոհները՝ Դրոյի զորախումբը հասնում է Սարիղամիշ: «...Գնդապետ Թորգոմի ջոկատը, շարունակում է գնդապետ Ծնեուրը, պաշարուեց քրդերի կողմից: Նա քաշուեց Դրոյի յետնապահ գունդի մօտ: Շուտով քրդերի յետեւից երեւացին թրքական կանոնաւոր զօրամասեր, եւ Դրոն դանդաղօրէն քաշուեց Սարիղամիշ, իսկ նրա հետեւից շարժում էին թուրքերը»²:

Սարիղամիշին տիրելը թուրք հարամանատարութեան համար, կարելի է ասել, ունեւր ռազմավարական նշանակութիւն: Գնդապետ Ծնուրի գնահատմամբ «...Բարդուսի անցքից հյուսիս, ձգւում էր անիւային ճամբաների ցանցը հրդրումից, որ հնարաւորութիւն էր թուրքերին բռնելու մեր աջ թեւը և ուղակի դուրս գալու Կարսի վրայ»³:

Այդ շրջանը, որը գնդապետ Ծնեուրի գնահատմամբ՝ հրդրումի ռազմաճակատի «Աքիեսյան կրունկն» էր, ըստ վրացիների հետ ունեցած համաձայնութեան պիտի պաշտպանեին վրացական զորքերը: Սակայն այդ օրերին, երբ հայկական զորքերը դաժան կռիւներ էին մղում ընդդեմ թուրքական դիվիզիաների, այդ տարածքում վրացական որեւէ զօրամաս գոյութիւն չուներ:

«Վրացական բանակը, գրում է գնդապետ Ա. Ծնեուրը, կազմակերպւում էր, կազմակերպւում եւ ճակատ դուրս չէր գալիս»⁴:

Դրոն իր զորախումբով Սարիղամիշ է հասնում այն ժամանակ, երբ քաղաքում այլեւս հայկական զորքեր չկային: Հեռանալով լքված Սարիղամիշից՝ զորախումբն այնուհետեւ շարժվում է դեպի Նոր Սելիմի շրջան, ուր տվյալ ժամանակահատվածում կենտրոնանում էին ռազմաճակատի գրեթե ողջ ուժերը:

Ռազմավարական նշանակութիւն ունեցող Սարիղամիշը, որտեղ կենտրոնացված էին հսկայան քանակութեամբ զինապահաստներ,

հակառակորդի տնօրինութեանը հանձնելուց հետո, ռազմաճակատում տիրող կացութիւնը հայկական զորքերի հրամանատարութեանը հրամայաբար թելադրում էր փոխել մարտավարութիւնը, կատարել զորքերի վերախմբավորում եւ վճռական քայիեր ձեռնարկել կանգնեցնելու թուրքական զորքերի առաջխաղացումը:

Ռազմաճակատի հրամանատարական կազմում կատարվում են փոփոխութիւններ: Գեներալ Նազարբեկյանի հրամանով ռազմաճակատի հրամանատարութիւնը ստանձնում է զինվորականութեան շրջանում հարգանք չվայելող գնդապետ Բեյ-Մամիկոնյանը, որին զինվորականները հեգնանքով անվանել էին էլ Մամիկոնյան, այսինքն Բեյի փոխարեն՝ էլ:

Այժմ հայկական զորքերի հիմնական խնդիրն էր խելամտորեն ու արդյունավետ օգտագործել եղած մարտական ուժերի հնարավորութիւնները եւ կազմակերպված ու համարձակ գործողութիւններով կանգնեցնել թուրքերի հարձակումները, հակառակ պարագայում, գեներալ Գ. Ղորղանյանի գնահատմամբ, «... եթէ թուրքերը շարունակէին իրենց առաջխաղացումը Վարիշանի կողմէն դէպի Կարս-Սարիղամիշ երկաթուղագիծը, Սարիղամիշի ջոկատը կարող էր կտրուել Կարսէն...»¹:

Սարիղամիշը պարպելու պահին ռազմաճակատում մարտնչող զորքերի քանակը, ըստ գեներալ Արեշյանի հավաստման. «... Սարիղամիշի վերջին գործողութիւնների ժամանակ իմ հրամանատարութեան տակ կային 5000 զինվորներ խմբերի հետ (նկատի ունի ոչ կանոնավոր՝ Արամի, Զեմլյակի, Դալի Ղազարի եւ այլոց գլխավորած կամավորական զորաջոկատները - Հ. Գ.)»²:

Նոր Սելիմի շրջանում, համաձայն գեներալ Նազարբեկյանի տվյալների, մարտի 24-ի դրութեամբ, կենտրոնացվել էին Երզնկայի գունդը, 1-ին հեծյալ գունդը, 7-րդ հետեւակային գնդի երկու գումարտակներ, 4-րդ հետեւակային գնդից մեկ գումարտակ եւ 3 հրետանային մարտկոց 14 հրանոթներով³:

Այս թվարկված ուժերին միանում է նաեւ Դրոյի զորախումբը, որի կազմում մի քանի կանոնավոր զորավաշտերի հետ միասին գործում էին Արամի եւ Զեմլյակի գլխավորած հեծելազորայիները եւ Դալի Ղազարի կամավորները:

Սարիղամիշի հայկական զորախմբի դեմ թուրքերը, համաձայն գեներալ Արեշյանի վկայութեան, կենտրոնացնում են. «... հետախու-

¹ «Սարղարաբատի հերոսամարտը», գրեց գլխաւոր սպայակոյտի գնդապետ Ալեքսանդր Ծնուր, էջ 18:

² Լույն տեղում, էջ 16:

³ Լույն տեղում:

⁴ Լույն տեղում, էջ 15:

¹ «Հայրենիք» ամսագիր, 1927, թիւ 2, էջ 159:

² ՀԱԱ, ֆ. 121, ց. 1, գ. 37, ք/46:

³ Բանբեր Հայաստանի Արխիվների, 1992, թիւ 3, էջ 97:

գուժյան տվյալներով կազմում էին 6 գուճող, յուրաքանչյուրը 1000-1200 սվին, ոչ պակաս 16 հրանոթ եւ մեկ հեծյալ գուճող»¹:

Ռազմաճակատում զորքերն առավելագույնս կազմակերպելու, մարտաշարքերը համալրելու եւ մարտական ոգին ու պատրաստվածությունը բարձրացնելու համար բացարձակապես ժամանակ չկար: Հայկական նահանջող զորամասերին կրնակակոխ հետապնդում էին թուրքական զորքերն ու քուրդը հրոսակախմբերը: Հակառակորդին արժանիորեն դիմակայելու համար հայկական զորքերի հրամանատարությունը ստիպված էր բոլոր անհրաժեշտ պատրաստությունները կատարել ընթացքից եւ շատ արագ: Գեներալ Արեշյանին փոխարինած գնդապետ Բեյ-Մամիկոնյանի գլխավորությամբ Նոր Սելիմի շրջանում կենտրոնացված զորամասերից կազմավորվում է հարվածող զորախումբ, որն անհրաժեշտ պահին պետք է անցնեի հարձակման եւ մյուս զորամասերի համագործակցությամբ հետ շարտեր թուրքերին ու խոչընդոտեր նրանց առաջխաղացումը դեպի Կարս:

Թուրքերը երկար սպասեցին չեն տալիս: Մարտի 25-ի առավոտյան հրետանային նախապատրաստությունից հետո նրանք վերսկսում են հարձակումը եւ գրոհում կապիտան Հալաբյանի գլխավորած Երզնկայի գնդի եւ գնդապետ Մորելի զորախմբի դիրքերին: Համառ պաշտպանությամբ դիմադրավելով թուրքերի գրոհներին՝ հայկական զորքերը առանց որեւէ խուճապի, կազմակերպված ձեռով սկսում են մի փոքր հետ նահանջել:

«Նոր Սելիմից, - նշվում է այդ մարտերի լուսաբանմանը նվիրված վավերագրում, - բացվեց պատասխան հրետանային կրակը: Ժամը 12-ին Նոր Սելիմի զորախումբը սկսեց նահանջել դեպի Օլուխլի: Նրան որպես օգնություն շտապել են 1-ին դիվիզիայի զորամասերը: Ժամը 15-ին սկսել է նահանջել նաեւ գնդապետ Մորելի զորախումբը, ընդ որում, առաջինը նահանջել է դեպի Բեյկար, իսկ երկրորդը դեպի Բայբուրս:

Նահանջել են մարտերով...»²:

Հաջորդ օրը նահանջող զորամասերը ճակատի հրամանատարությունից ստանալով համապատասխան օգնական ուժեր՝ 7-րդ գուճողը 2 հրանոթներով եւ 1-ին հեծյալ գուճողը, կանգնեցնում են թուրքերի հարձակումը³:

«Թուրքերը, - շարունակվում է նույն վավերագրում, - հրետանային կրակի եւ հեծյալների ճնշման հետեւանքով նահանջել

են: Երեկոյան կողմ կռիվը դադարել է: Զորախմբի կորուստները մեծ չեն»⁴:

Շնորհիվ ժամանակին ձեռնարկված համապատասխան քայլերի՝ հաջողվում է կանգնեցնել թուրքերի առաջխաղացումը: Անհրաժեշտ էր զարգացնել մարտադաշտում ձեռք բերած նվաճումները եւ հուժկու հարվածներով վճռական պարտության մատնել թշնամուն:

Մարտի 27-ին Դրոյի եւ գնդապետ Բեյ-Մամիկոնյանի գլխավորած հարվածող զորախմբերը Երզնկայի, 1-ին հեծյալ գնդերի եւ գնդապետ Մորելի առաջնորդած զորամասի համագործակցությամբ անցնում են հարձակման եւ խորտակելով թուրքական զորամասերի դիմադրությունը՝ առաջ են շարժվում ու հետ շարտում նրանց կլման դրությունից այն կողմ⁵:

«Նոր Սելիմի շրջանում մեր զորամասերը անցնում են հարձակման եւ հաղթահարելով հակառակորդի համառ դիմադրությունը՝ հաջողությամբ առաջ շարժվում»³:

Այդ մարտերում հատկապես աչքի են ընկնում Դրոյի զորախմբի՝ Արամի եւ Զեմլյակի գլխավորած հեծյալ զորավաշտերը: Նույնիսկ գեներալ Արեշյանը, որը որպես կանոն, ընդգծված հակակրանքով է արտահայտվում ոչ կադրային զինվորականների նկատմամբ, արժանվոյնս գնահատելով այդ մարտերում Արամի եւ Զեմլյակի զորախմբերի դրսեւորած մարտական որակները, նշում է. «... Զեմլյակի զորախումբն ու Արամի ճիավորները կռվել են նույնիսկ կանոնավոր զորամասերից ավելի լավ: Այս երկու հրամանատարների Եռանդը վեր է ամեն մի գովեստից»⁴:

Մարտի 25-27-ի մարտերում դրսեւորելով մարտական գերազանց որակներ եւ կազմակերպվածություն՝ հայկական զորքերը հասնում են շոշափելի հաջողության: Սակայն, ցավոք, գեներալ Արեշյանին փոխարինած ճակատի հրամանատար գնդապետ Բեյ Մամիկոնյանն իր նախորդի համանմանությամբ չդրսեւորելով մարտական պատշաճ հատկանիշներ, չի կարողանում ինչպես հարկն է զարգացնել ձեռք բերած նվաճումները եւ վճռական պարտության մատնել հակառակորդին:

Այս կռիվներում գնդապետ Բեյ Մամիկոնյանի դրսեւորած ոչ այնքան դրական վարքագծի մասին քննադատաբար է արտահայտվում կորպուսի հրամանատար գեներալ Նազարբեկյանը⁵:

¹ Նույն տեղում:

² Նույն տեղում:

³ Նույն տեղում, ք. 46:

⁴ ՀԱԱ, ֆ. 121, ց. 1, գ. 37, ք. 46:

⁵ Տե՛ս Բանբեր Դայաստանի Արխիվների, 1992, քիւ 2, էջ 46:

¹ ՀՀ ԲԿԱ, քիւ 503, քժ. 14, գ. 6, էջ 3:

² Նույն տեղում, էջ 5:

³ Նույն տեղում:

Մարտի 27-ին Հաջողությամբ ձեռնարկած Հարձակումը կանգ է առնում: Թուրքերը, մարտադաշտ նետելով լրացուցիչ ուժեր, կարողանում են կանգնեցնել հայկական զորքերի Հարձակումը:

Ռազմաճակատում տիրում է հարաբերական դադար: Այս մարտերից հետո Դրոն, օգտվելով ռազմաճակատում Հաստատված կայուն իրավիճակից, վերադառնում է Երեւան, բայց նրան վիճակված չէր հանգստանալու:

Մի էական ճշտում: Գեներալ Թ. Նազարբեկյանը իր հուշերում մանրամասնորեն ներկայացնելով հայ-թուրքական պատերազմի առավել արմատական նշանակություն ունեցող մարտական գործողություններն ու իր քննադատական վերաբերմունքն արտահայտելով հայկական զորքերի հրամանատարություն կիրառած մարտավարությունը, միաժամանակ իր դժգոհությունն է արտահայտում ոչ կադրային զինվորականների ու ազգային գործիչների նկատմամբ: Նրա գնահատմամբ՝ «Դրոն առանց որեւէ մեկի թուլությունը հարցնելու՝ մեկնել է Երեւան: Բոլորը գերազանց գիտեին, որ Հայաստանի ճակատագիրը վճռվում է Կարսի դաշտերում եւ թվում էր, որ ազգային բոլոր գործիչները՝ Դրոն, Արամը, Անդրանիկը, Սեպուհը, Մուրադը, Դալի Լազարը եւ այլոք պետք է գտնվեին ճակատում ու իրենց օրինակով եւ հեղինակությամբ բարձրացնեին զինվորների մարտական ոգին: Բայց ցավոք, նրանք, զրեթե բոլորն այդ ժամանակ ճակատում չէին»¹:

Իհարկե, ճամրիտ է գեներալ Թ. Նազարբեկյանը՝ գտնելով, որ ազգի ճակատագրական պահին բոլորը պարտավոր էին լինել ճակատում, բայց պիտի նշել, որ նա այս հարցում այնքանել իրավացի չէ՝ մեղադրելով վերոհիշյալ ազգային գործիչներին, որոնք այդ ժամանակ ճակատում չէին գտնվում:

Այդ նույն ժամանակահատվածում ժողովրդի պահանջով ու ընտրությամբ Արարատյան աշխարհում դիկտատոր հռչակված Արամ Մանուկյանը հսկայական աշխատանք էր ծավալում կարգմակերպելու թիկունքը, կարգավորելու Երեւանի նահանգում գեներալ Մ. Միրիկյանի հրամանատարությամբ կազմավորվող 2-րդ դիվիզիան համալրող զինվորների զորահավաքը:

Նախորդ բոլոր մարտերում իրենց քաջաբար դրսևելորած Սեբաստացի Մուրադին եւ Սեպուհին ռազմաճակատից հեռացրել էր ճակատի ապաշնորհ հրամանատար գեներալ Արեշյանը, որն արհամա-

¹ Նույն տեղում, թիւ 3, էջ 100:

րական վերաբերմունք ունեն ոչ կադրային զինվորականների նկատմամբ: Գեներալ Արեշյանի, որին ի դեպ պաշտպանում էր գեներալ Թ. Նազարբեկյանը, կարգադրությամբ լուծարվել էին Սեբաստացի Մուրադի եւ Սեպուհի գլխավորած կամավորական հեծյալ զորախմբերը, որոնց անբասիր, հերոսական գործողությունների շնորհիվ անխուսափելի կոտորածից փրկվել էին տասնյակ հազարավոր հայեր: Անդրկովկասի տարածքից երկու նշանավոր հերոսներին հեռացրել է Հայոց Ազգային Խորհուրդը¹:

Անդրանիկը, որը էրզրումի անկումից հետո գեներալ Թ. Նազարբեկյանի հրամանով ազատվել էր զբաղեցրած պաշտոնից (դիվիզիայի հրամանատար-Հ. Գ.), ռազմաճակատի հրամանատարությունը հանձնել էր գեներալ Արեշյանին եւ կազմավորում էր արեւմտահայ զինվորներից բաղկացած Առանձին Հարվածող զորամասը:

Դրոն, ճիշտ է, այդ ժամանակ Կարսի ճակատում չէր, բայց դարձյալ գտնվում էր կրակների կիզակետում: Նա Սարիղամիշ-Կարս ուղղությունից գալիս է Երեւան ու անմիջապես մեկնում է Իզդիրի ճակատ:

Հայկական զորքերի հրամանատար գեներալ Թ. Նազարբեկյանը նույնպես նախապատվություն տալիս էր կադրային զինվորականներին ու նախեւառաջ պաշտպանում եւ Հաստատում էր նրանց առաջարկությունները: Պատերազմի ողջ ընթացքում գեներալ Թ. Նազարբեկյանի հրամանատարական կետը գտնվել է ճակատից զգալիորեն հեռու եւ նա հազվադեպ է եղել ռազմաճակատի առաջավոր բնագծերում, զինվորների կողքին: Կարելի է Հաստատապես պնդել, որ նա ընտրել ու գործում էր ռազմական գործողությունները վարելու այնպիսի այնպիսի մարտավարությամբ, որն այնքան էլ համահունչ չէր ռազմաճակատում տիրող կացությունը: Չի բացառվում, որ լիովին չտիրապետելով ռազմաճակատում ու թիկունքում տեղի ունեցող իրադարձություններին, նա կարող էր ոչ միտումնավոր, բայց փոքր-ինչ այլ կերպ ներկայացնել ու գնահատել ոչ կադրային, ազգային-ազատագրական պայքարի կրակներում Հաստանացած, ազգային հերոսի անուն վաստակած զինվորական գործիչների գործունեությունն ու իրական նկարագիրը:

Ինչպես արդեն նշվել է, գլխավոր ռազմաճակատը, ուր այդ օրերին ընթանում էին մարտական հիմնական, վճռորոշ գործողու-

¹ Մանրամասն տե՛ս Գեորգյան Գ., Սեբաստացի Մուրադ, Երեւան, 2005, էջ 331-369:

թյունները՝ էրզրում-Սարիղամիշ-Կարս ուղղությունն էր: Բացի գլխավոր ճակատից, կային նաև երկրորդական նշանակություն ունեցող ուղղություններ, որոնք անտարակույս նույնպես ունեին իրենց կարեւորությունն ու նշանակությունը: Երբ թուրքերը, խախտելով ուս Հրամանատարության հետ 1917 թ. դեկտեմբերին կնքած Երզնկայի զինադադարը, անցնում են Հարձակման գլխավոր՝ Երզնկա-էրզրում-Սարիղամիշ ուղղությամբ, մնացած երկրորդական ուղղություններում գտնվող զորամասերը հատուկ առաջադրանքներով փոխադրվում են ավելի կարեւոր վայրեր:

Այսպես. «Ե. Հայկական գունդը եւ Գ. առանձին կիսաբաժինը (Ա. եւ Բ. Վանի գունդերէն բաղկացած) ետ քաշուեցան Վանի լճի շրջանն, ուր բոլորովին մեկուսացուած վիճակի մէջ էին, եւ ուղարկուեցան Բայազետ: Հոն, ապահովելով Երեւանեան նահանգի հարաւային սահմանները, այդ զօրամասերը մնացին մինչեւ ապրիլի կէսը, ապա փոխադրուեցան Իգդիր...»¹:

Մինչեւ մարտի կեսերը Հայկական զորքերի Հրամանատարությունը, կատարելով զորամասերի անհրաժեշտ վերախմբավորում եւ կենտրոնացում, Հայկական մարտական ուժերը տեղաբաշխում է երկու գլխավոր ուղղությամբ:

1. «Սարիղամիշի խումբ՝ բաղկացած 9 վաշտէ. ներգործականրէն կը պաշտպանէր Արաքս գետի գիծը»²:
2. Սուրմալուի ուղղություն:

Դրոն հրաժեշտ տալով Սարիղամիշի զորախմբին, գալիս է Երեւան, ապա առանց դուլզն-ինչ դադար առնելու մեկնում է Իգդիր, ուր այդ օրերին մի քանի զորամասերի հետ գտնվում էր գնդապետ Տիգրան Բաղդասարյանի գլխավորած Վանի գունդը:

Սուրմալու գավառում դարձյալ հայտնվել էին թուրք եւ քուրդ հրոսակախմբերը, որոնք պարբերաբար հարձակումներ էին գործում Հայկական բնակավայրերի, իսկ երբեմն էլ նաև այդ ուղղությամբ տեղաբաշխված զորամասերի վրա:

«Սուրմալուի ճակատին վրայ, - գրում է գնդապետ Տ. Բաղդասարյանը, - գտնուած ենք առաջին անգամ 1918 -ին, երբ Վանէն նահանջեցինք ու Պայազիտի վրայով Իգդիր եկանք: Այդ ատեններն ալ նոյն անապահովութիւնն ու վտանգը կը սպառնար Սուրմալուի Հայ ազգաբնակչութեան: Թէեւ բաւականաչափ Հայկ. զօրամասեր կը գտնուէր Իգդիրի եւ Կողբի շուրջ, սակայն քիւրտերը

յանդգնած էին յարձակուելու Թաշբուռուն Հայկ. մեծ գիւղի վրայ, զայն տեղահան ըրած եւ յառաջանալով մինչեւ Տէլիք Թաշ՝ կտրած էին Իգդիր-Մարգարա խճուղին եւ այդպիսով խզած Սուրմալուի կապը Էջմիածնի եւ Երեւանի հետ»³:

Հարկավոր էր վերջ տալ թշնամու սանձարձակություններին, վերականգնել գավառի կապը մայրաքաղաքի հետ եւ հուսալիորեն պաշտպանել Հայկական բնակավայրերը թուրք-քուրդ հրոսակախմբերի ասպատակություններէր:

Դրոն իր հայրենի Սուրմալու գավառ է մեկնում հենց այդ առաքելությամբ: Մի քանի օր անցկացնելով Իգդիրում եւ ծանոթանալով գավառում տիրող կացությանը, Դրոն որոշում է անցնել վճռական գործողությունների: Թուրք Հրամանատարությունը, ելնելով զուտ ապագայի ծրագրերից, ռազմական հենակետի էր վերածել թուրքաբնակ Դիզա գյուղը: Այդ գյուղում կենտրոնացնելով կանոնավոր զորքեր, գնդացիներ եւ կառուցելով ռազմական ամրություններ՝ թուրք Հրամանատարությունը ձգտում էր պաշտպանական անխորտակ ամրոցի վերածել այդ գյուղը:

«Գլխաւոր ճամբան, - նշում է գնդապետ Տ. Բաղդասարյանը, - միանգամ ընդմիշտ ապահովելու համար, պէտք էր վերադարձել Թաշբուռունը, քանզի Դիզա կոչուած ամրոցը եւ տեղահան ընել անոր շուրջ հաւաքուած զինուած թաթար ազգաբնակչութիւնը»⁴:

Այդ ժամանակ բացի Վանի գնդից Իգդիրի շրջանում տեղաբաշխված էին նաև «Բաղդասարովի զօրամասը, Ձէյթունի գունդը, Ախլաթի շրջանէն նահանջող Սմբատի եւ ուրիշ խումբեր»⁵:

Չնայած հիշյալ զօրամասերը եւ խմբերն արդեն ունեին մարտական որոշակի փորձառություն, բայց Դրոն որոշում է ծրագրված գործողության իրականացումը հանձնարարել Վանի գնդին:

«Չեմ գիտեր, - չարունակում է գնդապետ Տ. Բաղդասարյանը, - թէ ինչո՞ւ այդ ծանր ռազմական պարտականութիւնը մեզ բաժին ինկաւ: Մեր զօրամասի պակասները լրացնելէ եւ երկու դաշտային թնդանօթ տալէ յետոյ, Դրոն մեզի հրամայեց յառաջ շարժել եւ ամէն գնով գրաւել Դիզան»⁶:

Մարտական գործողությունները տեւում են ընդամենը երկու օր: Առաջին օրը Հայկական զորավաշտերը գրավում են Դաշբուռունը

¹ Մատենաշար «Ռազմիկ», թիւ 1, «Հայաստանի Հանրապետութեան վերջալուսին», գրեց Տ. Բաղդասարեան, Փարիզ, 1937, էջ 200:

² Նույն տեղում:

³ Նույն տեղում:

⁴ Նույն տեղում:

¹ «Հայրենիք» ամսագիր, 1927, թիւ 2, էջ 159:

² Նույն տեղում:

եւ հաջորդ օրը հարձակվում Դիզայի վրա: Թուրքերն օգտագործելով գյուղի շրջակայքում կառուցած ամրութիւնները, բուռն կերպով դիմադրում են հայկական զորավաշտերի գրոհներին: Ձնայած թուրքերի համառ դիմադրութեանը, կռիվը երկար չի շարունակվել: Խորտակելով թուրքերի համառ դիմադրութիւնը՝ հայ զինվորները ներխուժում են Դիզա:

«Մինչեւ կէսօր թշնամին արդէն բարոյալքուած ու ջախջախուած էր: Մեր ձիաւորները եւ հետեւակները միաժամանակ մտան անառիկ համարուած այդ մեծ գիւղը եւ թաթար վերջին կուռուղներէն ազատուածները Արաքսի ալիքներուն յանձնուեցան...»¹:

Գլխավոր խնդիրը կատարված էր: Դրոն գերազանց է կատարում հայկական զորքերի հրամանատարութեան հերթական առաջադրանքը: Ընդամենը երկու օրվա ընթացքում հայկական զորքերը նրա առաջնորդութեամբ ջախջախում են Սուրմալուի շրջաններն ասպատակող թուրք զորամասերին եւ նրանց աջակցող քուրդ հրոսակախմբերին ու մաքրում գավառի տարածքները թշնամու ուժերից:

Եթե ընդհանրացնենք եւ անաչառորեն արժեւորենք նրա գործունեութեան այդ շրջանը, ապա կարելի է անվարան հաստատել, որ հայկական զորքերը նրա անմիջական ղեկավարութեամբ կարողացան կանգնեցնել եւ հետ մղել թուրքական զորքերի հարձակումները ոչ միայն ռազմաճակատի գլխավոր՝ Սարիղամիշ-Ղարաուրգան-Կարս ուղղութեամբ, այլեւ հասան նշանակալի արդյունքների նաեւ Սուրմալուի ճակատում:

Դրոյի գործունեութեան այդ շրջանը սահմանափակված չէ միայն բանակի հետ առնչվող խնդիրներով եւ ռազմաճակատում ընթացող մարտական գործողութիւնների ղեկավարման աշխատանքներով:

Թիկունքում առկա էին բազում բացասական երեւոյթներ, որոնց հրատապ լուծումը անհրաժեշտ էին ոչ միայն թիկունքի, այլեւ ռազմաճակատի ամրապնդման համար:

Թուրք զինված զանգվածների ելույթներին զուգընթաց երկրում աննախադեպ չափերի էին հասել գողութեան եւ ավազակութիւնների դեպքերը: Հայաստանում տիրող դժվարին կացութիւնը լիցքավորել էր ազգային խնդիրների ըմբռնողութիւնից եւ հայրենասիրական տարրական զգացմունքներից զուրկ բարոյալքված որոշ հայ տարրերի, որոնք իրենց խառնակչութեամբ ու թալանչիական գործողութիւններով ապակայունացնում էին առանց այն էլ անմխիթար քաղաքական եւ տնտեսական իրավիճակը: Անկարգութիւնների

ալիքը տարածվել էր նաեւ Երեւանում, եւ տեղի Հատուկ Կոմիտեից զգալի ջանքեր էին պահանջվում զբաղվելու նաեւ այդ կարգի դժվարութիւնների հաղթահարմամբ:

Դրոն երբեմն ստիպված էր լինում զբաղվել հասարակական կարգ ու կանոնի ապահովութեան խնդիրներով:

Վերոհիշյալ Արշալույս Աստվածատրյանը, անդրադառնալով նմանօրինակ դեպքերին Դրոյի մասնակցութեանը, գրում է.

«Մի օր, երբ Ազգային Խորհրդի շէնքում, Յատուկ Կոմիտէի նախագահութեան սենեակում Մ. Մոսիսեանի հետ աշխատում էինք, դրսից, Աստաֆեան փողոցից լսուեցին աղմուկ-աղաղակներ, ձայնները գնալով աւելի սաստկացան: Արամը բացակայ էր: Աշխատանքը ընդհատեցի եւ դուրս եկայ պատշգամբ, հասկանալու համար աղմուկի պատճառը: Ինչ որ ջղայնացած իրարանցում կար փողոցում, ուր ահագին ամբոխ էր հաւաքուել. ոմանք աշխատում էին խառնակիչներին-աղմկարարներին ի կարգ հրաւիրել, բայց անյաջող: Նրանց ելույթներն աւելի սպառնական կերպարանք էին առնում, երբորտեղից որտեղ երեւաց Դրօն եւ անմիջապէս մտաւ ամբոխի մէջ, կարծես երկնքից ուրուր իջաւ հաւերի մէջ. աղմկարարները ծակ ու ծուկ քաշուեցին, ամբոխը ցրուեց, եւ փողոցն ստացաւ իր խաղաղ, բնական տեսքը:

Մի փոքրիկ, ըստ ինքեան աննշան դէպքը, որ սակայն բնորոշ վկայութիւն է Դրոյի նկարագրի մասին: Ամէն տեղ, ամէն ժամանակ վտանգի (մեծ թեւ փոքր) պահերին նա երեւան էր հանում զինուորական իր բացատիկ յատկութիւնները, - մի հայեացքից ըմբռնել կացութիւնը եւ անմիջապէս անցնիլ գործի՝ միայն հերոսին յատուկ վստահութեամբ դէպի գործի յաջող վախճանը»¹:

Խորագետ քաղաքական գործիչ, տաղանդավոր կազմակերպիչ Արամ Մանուկյանի եւ մարտական երկաթյա կարգապահութեամբ օժտված աննկուն հրամանատար Դրոյի համագործակցութիւնը Արարատյան աշխարհում տվեց իր արգասաբեր պտուղները: Նրանց, ինչպես նաեւ Երեւանի Հատուկ Կոմիտեի մյուս անդամների ջանքերով Հնարավոր եղավ լուծել թերեւս ամենահրատապ խնդիրը՝ մարել Հայաստանի տարածքում բռնկված թուրք հրոսակախմբերի զանգվածային ելույթները եւ ապահովել թիկունքը ռազմաճակատին միացնող ուղիների անխափան աշխատանքը: Բացի վերոհիշյալից, Երեւանի Հատուկ Կոմիտեն Հայաստանում տիրող ճգնաժամային

¹ Նույն տեղում:

¹ «Յայրենիք» օրաթերթ, 1956, ապրիլի 27:

պայմաններում կարողացավ կազմավորել նոր գործադիրներ, որոնք անգնահատելի ծառայություն ունեցան Հայության գոյապայքարի մարտերում: Այս գործում նույնպես անժխտելի ու անգնահատելի է Դրոյի ներդրած զգալի վաստակը:

Հայության գոյապայքարում գործասերի կազմավորման կենսականորեն չափազանց կարևոր գործի իրականացումը դյուրին խնդիր չէր: Զորամասերի կազմավորման համար անհրաժեշտ էին ոչ միայն մարտական ուժեր, զենք, հանդերձանք: Զինվորներին հարկավոր էր կերակրել, իսկ այդ օրերին, երբ երկրում տիրում էր սովն ու համաճարակը, եւ յուրաքանչյուր օր սովամահության զոհն էին դառնում հազարավոր մարդիկ, անասելի ծանր էր լուծել զինվորներին կերակրելու խնդիրը: Միշտ չէ, որ հայ գյուղացին սիրահոգաբար է համաձայնել հաց տրամադրել զինվորներին: Եղել են դեպքեր, երբ Երեւանի Հատուկ Կոմիտեն ու Արամ Մանուկյանը, գյուղերից հաց ձեռք բերելու համար, հարկադրված դիմել են բռնի միջոցների: Համանման իրավիճակում իր վճռորոշ խոսքն է ասել Հատուկ Կոմիտեի եւ անձամբ Արամ Մանուկյանի հրահանգով գործող Հատուկ նշանակության մարտախումբը (Ազգային խորհրդի գվարդիան), որի հրամանատարն էր Նիկոլ Դուբանի դպրոցի սան, Երեւանի նահանգում պանիսլամիզմի հիմնադիր, Նախիջևանի Հայության կոտորածների գլխավոր կազմակերպիչ, փաստաբան Կինգիրլինսկու ահաբեկիչ, Ապարանի շրջանի Քուչակ գյուղի արժանավոր զավակ՝ Մաթեոս Հովհաննիսյանը¹:

Չնայած թիկունքում ձեռք բերած հաջողություններին՝ ռազմաճակատում ծավալվող գործողությունները գնալով ավելի ու ավելի սպառնալի կերպարանք էին ստանում, իսկ քաղաքական ու ռազմական իրավիճակը զարգանում է ի վնաս Հայության:

Քուրքական զորքերը գրավելով Սահղաղիշը, ապա նաեւ Բաթումի նահանգի զգալի մասը՝ փաստորեն արդեն ներխուժել էին Անդրկովկաս տարածքը եւ հիմք ունենալով մարտի 3-ին կնքած Բրեստ-Լիտովսկի դաշնագիրը՝ Կովկասյան կառավարությունից պահանջում են հանձնել Բաթում քաղաքը: Բաթումը վերցնելու թուրքական կողմի ներկայացրած վերջնագիրը նոր իրավիճակ է ստեղծում: Բաթումիի նավահանգիստը ռազմավարական նշանակություն ունեւր Վրաստանի համար, քանզի քաղաքը ծովային այն կարեւորագույն ուղին ու վայրն էր, որի միջոցով Վրաստանը ելք ունեւր եւ հաղորդակցվում էր արտաքին աշխարհի հետ:

Վրացիները, որոնք մինչ այդ որեւէ լուրջ քայլեր չէին ձեռնարկել խոչընդոտելու դեպի Կովկաս թուրքական զորքերի առաջխաղացմանը, այս անգամ վճռականորեն տրամադրվում են դիմադրել եւ հակառակորդին չհանձնել ոչ միայն Բաթումը, այլեւ վրացական որեւէ, անգամ մի փոքրագույն տարածք:

Իսկ այդ ընթացքում Կովկասյան Կոմիսարիատի ու թուրքական պատվիրակությունների միջեւ Տրապիզոնում ընթացող բանակցությունները դեռեւս չարունակվում էին

Ի պատասխան Բաթումը իրեն հանձնելու թուրքերի ներկայացրած պահանջին՝ Կովկասյան Սեյմը մարտի 31-ին հրավիրում է նիստ, որտեղ վրաց սոցիալ-դեմոկրատական կուցակցությունը Ն. Ժորդանիայի առաջարկությամբ ընդունվում է հետեւյալ բանաձեւը. «Նկատի ունենալով, որ թուրքիո եւ Անդրկովկասի միջեւ կարելի չէրալ խաղաղ համաձայնութեան մը գալ սահմաններու վերաբերմամբ, կառաջարկուի Անդրկովկասեան պատուիրակութեան անմիջաէս վերադառնալ Թիֆլիս»¹:

Ա. Սատիսյանի բնութագրմամբ՝ «Ժորտանիայի բացատրութեամբ այդ բանաձեւի ընդունումը կը նշանակէր պատերազմի յայտարարութիւն թուրքիո դէմ: Պատերազմը վարելու համար ընտրուեցաւ մարմին մը արտակարգ լիազօրութիւններով: Այդ մարմնի մէջ կը մտնէին վարչապետ եւ միաժամանակ զինուորական նախարար Գեգեչկորի, ներքին գործերու նախարար Ռամիշվիլի եւ ելեւմտական նախարար Կարճիկյան»²:

Ճիշտ է, գլխավորապես վրաց պատվիրակների պնդմամբ՝ Սեյմը ընդունում է թուրքիային պատերազմ հայտարարելու որոշում, սակայն հետագա դեպքերը եկան ապացուցելու, որ վրացիներն այնքան էլ լուրջ ու վճռականորեն տրամադրված չէին դիմակայելու թուրքական զորքերի հարձակմանը:

1918 թ. ապրիլի 1-ին թուրքական զորքերը գրեթե առանց դիմադրութեակ գրավում են Բաթումը, որի բերդում (Միխայլովյան ամրոց) 300 սպաների գլխավորությամբ կենտոնացված էին ավելի քան 3000 զինվորներ:

Ավելին, Բաթումը գրավելուն զուգընթաց, թուրքական զորքերը խորանում են Վրաստանի խորքերն ու դարձյալ գրեթե առանց դիմադրութեան գրավում մի շարք բնակավայրեր, այդ թվում նաեւ Ախալցխան, Ախալքալախն ու մի շարք այլ շրջաններ:

Դրան հակառակ, Հայ-թուրքական ճակատում հայկական զորքերը համառ դիմադրություն են ցույց տալիս դեպի Կարս առաջացող թուրքական զորքերին:

¹ Տե՛ս «Հայրենիք» ամսագիր, 1950, թիւ 11, էջ 50:

¹ Սատիսեան Ա., Եզվ. աշխ., էջ 50:

² Նույն տեղում:

Բաթումը Հաննելուց Հետո, վրաց իշխող կուցակցութեան մեջ ծագում են լուրջ տարաձայնութիւններ:

«Անոնք կը զգային, գրոմ է Ալ. Սատիսյանը, որ իրենց ժողովուրդը չուզեր կուռիլ Բաթումի անկումէն յետոյ: միւս կողմէ, գտած էին միջոցը համաձայնութիւնն էր երմանիոյ Հետ:

Այս պարագան բախտորոշ ազդեցութիւն ունեցաւ դէպքերու ընթացքին վրա»¹:

Թուրքական կողմը քաջատեղյակ լինելով Կովկասյան Կոմիսարիատում եւ Սեյմում, ինչպես նաեւ պարերագմի նկատմամբ վրաց իշխող կուսակցութեան մեջ տիրող տարաձայնութիւններին, Անդրկովկասյան կառավարութեանն է ներկայացնում երկրամասը անկախ հռչակելու վեջնագիրը: Իսկ Անդրկովկասը պաշտոնապես դեռեւս գտնվում էր Ռուսաստանի կազմում եւ այդ պատճառով ռազմաճակատում գտնվող Հայկական, վրացական, ինչպես նաեւ կովկասյան թուրք-թաթարներին պատկանող զորքերը ենթարկվում էին Կովկասյան ռազմաճակատի գլխավոր հրամանատար գեներալ Լեբեդինսկուն:

Թուրքական կողմի պահանջն անշուշտ խորապես կշռադատված էր: Եթե Անդրկովկասյան Սեյմը եւ կոմիսարիատը հռչակեին Անդրկովկասի անկախութիւնը, ապա ռազմաճակատում մարտնչող Հայ, վրաց ու կովկասյան թուրքերի զորքերն այսուհետ ենթարկվելու էին ոչ թե գեներալ Լեբեդինսկուն, այլ Կովկասյան կառավարութեանն ու նրա ռազմական նախարարութեանը:

1918 թ. ապրիլի 9-ին Սեյմը կայացնում է Ռուսաստանի կազմից դուրս գալու, Անդրկովկասյան հանրապետութեան անկախութիւնը հռչակելու որոշումը: Վարչապետ Գեգեչկորիի գլխավորած կառավարութեանը փոխարինած Չխենկելիի կառավարութիւնը որոշում է թուրքիայի Հետ վերսկսել ընդհատված բանակցութիւնները:

Սեյմը հիմք ունենալով Չխենկելիի զեկուցումը՝ ընդունում է Հետեւյալ բանաձեւը. «...Սէյմը կառավարիչ կառավարութեան շարունակել Հաշտութեան բանակցութիւնները եւ միջոցներ ձեռք առնել Հաշտութիւնը շուտափոյթ կերպով կնքելու Համար. միժամանակ Սէյմը կառավարիչ կառավարութեան եռանդուն միջոցներ ձեռք առնել երկրի պաշտպանութիւնը կազմակերպելու Համար»²:

Սեյմի Հ. Դ. Դաշնակցութեան անդամներն լուռ համաձայնութեամբ ընդունում են այդ որոշումը, քանի որ ըստ Ալ. Սատիսյանի

պնդման՝ «...բոլորին ցանկութիւնն էր պահպանել Համերաշխութիւնը Անդրկովկասեան դրացիներու եւ, մասնաւորապէս, Վրացիներու Հետ՝ մինակ չմնալու Համար Թուրքերու Հետ: Պատերազմի ամբողջ պատասխանատուութիւնը Թուրքերուն Հետ Հ. Յ. Դաշնակցութիւնը իր վրայ չէր կրնար վերցնել, իսկ այդպէս պիտի ըլլար, եթէ ան գործէր Հակառակ վրացիներուն»¹:

Ճիշտ է, դժվար է այս Հարցում մեղադրել Հ. Յ. Դաշնակցութեանը Համանման որոշմանը համաձայնելու Համար, իրոք ցեղասպանութիւն ապրած Հայ ժողովուրդը գտնվում էր անպատմելի ծանրագույն, անելանելի իրավիճակում, սակայն ռազմաճակատում ծավալվող Հետագա դեպքերն եկան ապացուցելու, որ այդ բախտորոշ ժամանակահատվածում վրացիների համագործակցութիւնն ակնկալող Հայութիւնը, այնուամենայնիւ, մեն-մենակ մնաց թուրքերի դեմ ու ապավինելով իր սեփական ուժերին՝ դատապարտված էր միայնակ վճռելու իր ճակատագիրը:

Հաշված օրը անց «...եռանդուն միջոցներ ձեռք առնել երկրի պաշտպանութիւնը կազմակերպելու Համար» որոշում կայացրած Կովկասյան կառավարութեան վրացի ղեկավարները կայացնում են Հայ ժողովրդի Համար ճակատագրական նշանակութիւն որոշում:

Գերմանական ու թուրքական հրամանատարութեան Հետ ձեռք բերած գաղտնի համաձայնութեան Կովկասյան կառավարութեան նախագահ Չխենկելիին եւ ռազմական փոխնախարար գեներալ Օդոչելիձեան առանց Հայոց Ազգային Խորհրդի եւ կառավարութեան Հայ նախարարների գիտութեան, ապրիլի 12-ին հրամայում են Հայկական զորքերի հրամանատար գեներալ Նազարբեկյանին (նա անմիջականորեն ենթարկվում էր Կովկասյան կառավարութեանը եւ ռազմական նախարարութեանը - Հ.Գ.) թուրքերին Հանձնել Կարսի հզոր բերդաքաղաքը:

Համաձայն Կարսի բերդապետ գեներալ Դեւեւի, որը նոր էր ստանձնել այդ պաշտոնը եւ դեռուս այնքան էլ տեղեկացված չէր ռազմաճակատում տիրող իրավիճակին, ներկայացրած զեկուցագրի՝ Կարսի ամրոցում ապրիլի 22-ին կենտրոնացված էին հետեւյալ զորամասերը. 1) Երեք գումարտակներից բաղկացած 1600 թվակազմ ունեցող Կարսի բերդային հետեւակ գունդը, 2) 1200 զինվորներ ունեցող 3-րդ հրաձգային գունդը, 3) 221 հետեւակ եւ 100 հեծյալ այլ զորամասերից եւ անձնակազմից զուրկ ռուսական հրետանային գնդի 3-րդ մարտկոցը, որոնք առանձնացված էին որպէս պահեստային ուժեր:

¹ Նույն տեղում, էջ 53:

² Նույն տեղում, էջ 55:

¹ Նույն տեղում, էջ 54-55:

Գեներալ Դեեւի Հաշվարկմամբ՝ Կարսի ամրոցում կային ընդամենը 3000 զինվորներ:

Առավել հզոր ուժ էր ներկայացնում Կարսի բերդային հրետանային ստորաբաժանումը, որի կազմում գտնվել էր զորումի ու Կարսի հրետանային դումարտակներում ծառայում էին 100 սպաներ ու 1700 զինվորներ: Բացի դրանցից բերդի համապատասխան կետերում տեղադրված էին 70 գնդացի:

Կարսի բերդի ներսում առանց օգտագործման եղել են 700 հրանոթ, որոնք գեներալ Դեեւի վկայությամբ՝ մեծ մասը հին էին, բայց օգտագործման համար պիտանի:

Ամրոցում էին 4-5 հեծյալ հարյուրակներ, որոնք պարտականությունը ուստիկանական ծառայություններ կատարելն էր:

Կարսի ամրոցը ունեցել է իր ավիացիան՝ բաղկացած անօդադործելի 3 ինքնաթիռներից¹:

Բերդապետ գեներալ Դեւի Հավաստմամբ՝ Կարսի բերդի ճարտարագիտական (ինժեներական) պատրաստվածությունը միանգամայն բավարար էր, իսկ աննդամթերքի եւ հանդերձանքի պաշարները կարող էին լիարժեք բավարել եթե բերդի պաշարումը շարունակվեր նույնիսկ մի քանի ամիս: Բերդը ապահովված էր նաև բժշկա-սանիտարական անհրաժեշտ միջոցներով²:

Ըստ գեներալ Դեեւի զեկուցագրում տեղ գտած սովյալների՝ Կարսի բերդաքաղաքը պաշարող թուրքական 5-րդ, 9-րդ եւ 36-րդ դիվիզիաները բաղկացած էին երեք գնդերից, որոնցից յուրաքանչյուրի կազմում կային 1200 զինվոր, այսինքն բոլոր երեք դիվիզիաներում մարտնչող զինվորների ընդհանուր քանակը կազմում է 10.800:

Դիվիզիաներից յուրաքանչյուրուրը ունեցել է 12 հրանոթ եւ 36 գնդացի: Բացի այդ ամենից, թուրքաքական դիվիզիաների շարքերում մշտապես եղել են 3000-4000 քուրդ հեծյալ զինյալներ:

Եթե անաչառ ու անկողմնակալ համեմատենք Կարսի ամրոցի եւ հակառակորդի մարտական ուժերին վերաբերող գեներալ Դեեւի զեկուցագրում տեղ գտած սովյալների հարաբերակցությունը, ապա աներկբա պիտի պնդել, որ խոսք անգամ չպետք է լիներ ըստ ամենայնի ամրացված հզոր բերդաքաղաքի հանձնման մասին, բայց կատարվում է ամենասարսափելին. «... Կարսի բերդը, - նշում է հայկական բանակային կորպուսի շտաբի պետ գեներալ Վիշինսկին, - անտարակոյս, յետ կը մղէր թիւրքերին. այսօր էլ դեռ բերդը շատ

լաւ պաշտպանւում էր. մինչեւ որ ստացուեց վարչապետ Ջիսենկելիի եւ զօր. Օդոշելիձէի կարգադրութիւնը, որ բանագնացներ ուղարկուեն՝ ճշտելու համար բերդի դատարկման պայմանները: Այս բանը բերդապետին յայտնելուց յետոյ՝ կոիւր դադարեց: Զօրքերը՝ ենթարկուելով հրամանի՝ հեռացան Աղաջ-Աղբաբա-Հարամ Վարդան առաջավոր դիրքերից...»¹:

Գեներալ Թ. Նազարբեկյանը եւ Կարսի բերդաքաղաքի զինվորական պարետ, գեներալ Դեւը կադրային զինվորականներ էին եւ համաձայն բանակում ընդունված անխախտ օրենքի, նրանք որպես կադրային զինվորականներ, պիտի ենթարկվեին վերին հրամանատարությունն ու կատարեին իրենց տրված հրամանները:

Գնդապետ Շնեուրի համոզմամբ՝ Կարսի ուղղությամբ հարձակվել են «...թուրքական 12-րդ եւ 36-րդ զորաբաժինները (գեներալ Դեեւի զեկուցագրում՝ 5-րդ, 9-րդ եւ 36-րդ դիվիզիաներ-Հ. Գ.): Այն, ինչ-որ մեզ՝ ուղևորական հին սպաներիս համար պարզ էր՝ էրզրումի նահանջով պարզ երեւաց նաեւ միւս հրամանատարական կազմին, որ պէտք էր նահանջել մինչեւ Կարս, ուր կային ուժեղ բերդային դիրքեր, ուժեղ հրետանի եւ ուր հասնում էին արդեն թիւուներում նոր կազմակերպուած թարմ զորամասեր: Այնտեղ (Կարսի բերդաքաղաքում) կարելի էր դիմանալ բաւական երկար ժամանակ, մինչեւ որ հայ բնակչութիւնը կը պարպէթր ու կը հեռանար դէպի ուղևորական Հայաստան»²:

Գնդապետ Շնեուրի գնահատականում, պիտի ասել, որ կա որոշակի վիճահարույց կետեր. 1. Ու՞մ նկատի ունի գնդապետ Շնեուրը նշելով՝ « էրզրումի նահանջով պարզ երեւաց նաեւ միւս հրամանատարական կազմին, որ պէտք էր նահանջել մինչեւ Կարս:

2. Ավելի քան անհասկանալի է Հայկական բանակային կորպուսի հրամանատարությունը որդեգրած մարտավարությունը: Բերդաքաղաքում գնվող հայկական զորքերը իրենց թվակազմով գրեթե չէին զիջում այդ ուղղությամբ հարձակվող թուրքական 12-րդ ու 36-րդ դիվիզիաններին, իսկ զինվածությամբ, հատկապես հրետանիով, նույնիսկ գերազանցում էին: Հարց է ծագում. ինչու՞ հայկական զորքերի հրամանատարությունը չէր ծրագրում ոչ թե «դիմանալ բաւական երկար ժամանակ, մինչեւ որ հայ բնակչութիւնը կը պարպէր ու կը հեռանար դէպի ուղևորական Հայաստան», այլ գործեր հար-

¹ Տե՛ս ՀԱԱ, ֆ. 121, ց. 1, գ. 42, ք. 29:

² Տե՛ս Աույն տեղում:

¹ Վրացեան Ա., Հայաստանի Հանրապետութիւն, էջ 110:

² «Սարդարաբատի հերոսամարտը», գրեց գլխավոր սպայակոյտի գնդապետ Ալեքսանդր ՇՆԵՈՒՐ, 1967, Ֆրեզնու, էջ 16:

ճակողական մարտավարութեամբ եւ ձեռնարկելով առավել վճռական հարձակողական գործողութիւններ՝ պարտութեան մատնելու ու ջախջախելու հակառակորդին:

Պատմական այդ ժամանակահատվածում հայ-թուրքական ռազմաճակատում տեղի ունեցած ռազմական գործողութիւնների ու հրամանատարական կազմի մարտական որակների ու կիրառած մարտավարութեան մանրակրկիտ ուսումնասիրութիւնն աներկբա հավաստում է. եթե կադրային զինվորականների փոխարեն Կարսի բերդաքաղաքի պատասխանատուները լինեին հայ ազգային-ազատագրական պայքարի հնոցում ծնունդ առած եւ հայրուկային կռիվներում թրծված զինվորականները, ժողովրդական հերոսներ Անդրանիկը, Սեբաստացի Մուրադը, Սեպուհը, Սմբատը կամ Դրոն, ապա, կարելի է վստահաբար պնդել, որ նրանք առանց Հայոց Ազգային Խորհրդի համաձայնութեան եւ թուլտվութեան, որեւէ պարագայում չէին համաձայնի կատարել Կարսի հզոր բերդաքաղաքն առանց դիմադրութեան թշնամուն հանձնելու Կովկասյան կառավարութեան (Կոմիսարիատ) նախագահ Չխենկելիի եւ ռազմական նախարար գեներալ Օդոշելիձեի հայակործան հրամանը:

Ահավասիկ որպէս ասածի օրինակ հիշենք 2-րդ կամավորական զորախմբի մղած Կավրե-Շամեի կռիվը, երբ Դրոն շրջանցելով վերին հրամանատարութեան կողմից իրեն տրված նահանջելու հրամանը՝ չնահանջեց ու կռիվ տվեց զորախմբին քանակապէս քառապատիկ անգամ գերազանցող հակառակորդին:

Հայոց Ազգային Խորհրդի կողմից իրենց վստահված տեղամասերում նույն ոգով եւ մարտավարութեամբ են առաջնորդվել նաեւ Սեբաստացի Մուրադը՝ Երզնկայում, իսկ Սեպուհը՝ Բաբերտում:

Թուրքական հրամանատարութեան նպատակը բոլորովին էլ միայն Կարսի բերդաքաղաքը չէր: Խախտելով Կովկասյան կառավարութեան հետ կնքված ապրիլյան զինադադարը՝ թուրքական զորքերը անսպասելիորեն վերսկսում են հարձակումը եւ գետնացելով Արփա գետը, մոտենում են Ալեքսանդրապոլին ու վերջնազեր ներկայացնում հայկական բանակի հրամանատարութեանը:

Իսկ այդ օրերին Բաթումիում վերսկսվել էին բանակցութիւնները թուրքական եւ Անդրկովկասյան կառավարութեան պատվիրակութիւնների միջեւ: Բանակցութիւններին Անդրկովկասյան կառավարութեան պատվիրակութեան կազմում հայկական կողմից մասնակցում էին ՀՅԴ անդամներ Ալ. Խատիսյանը, Հովհ. Քաջազնունին, Ս. Վրացյան, Կ. Ղազարյանը, եւ Վահան Մինախորյանը:

Հայութեան համար ճազատագրական ու բախտորոշ նշանակութիւն ունեցող օրերին կապը Բաթումիի եւ Թիֆլիսի ու Երեւանի Ազգային Խորհուրդների միջեւ շատ թույլ է գործել: Պատվիրակութիւնը տեղեկութիւններ չէր ստանում ռազմաճակատում ծավալվող զեպքերի մասին, իսկ Երեւանը անտեղյակ էր բանակցութիւնների ընթացքից:

Այսուհանդերձ, Թիֆլիսից Ս. Վրացյանին ու Կ. Ղազարյանին հաջողվում է մայիսի 15-ին կեսօրվա ժամը 2-ին ուղիղ հեռագրաթելով կապվել Երեւանի հետ ու Բաթումիում ընթացող բանակցութիւնների մասին որոշ մանրամասներ հաղորդել ապարատի մոտ գտնվող Արամին ու Դրոյին:

Ս. Վրացյանն ու Կ. Ղազարյանը հայտնում են, որ խաղաղարար պատգամավորութեան առաջին նիստը կայացել է մայիսի 11-ին, որին ներկա են եղել թուրքական, գերմանական եւ Դադստանի պատգամավորութիւնը: Բանակցութիւններին մասնակցելու նպատակով Բաթումի պիտի ժամանեին նաեւ Ավստրիայի ու Բուլղարիայի պատգամավորութիւնները:

Թուրքական պատգամավորութեան կազմում նիստին մասնակցել է թուրքիայի ծովային նախարար, երիտթուրքերի պարագլուխներից Ջեմալ փաշան, որը հայ պատգամավորների հետ ունեցած զրույցի ժամանակ հայտնել է, որ «...տաճկահայերը նորէն իրենց հայրենիք վերադառնալ չեն կարող»¹:

Ս. Վրացյանի ու Կ. Ղազարյանի տեղեկացմամբ՝ բանակցութիւններում իրենք պահանջել են հիմք ունենալ միայն Բրեստի պայմանագիրը, սակայն թուրքական կողմը խիստ կեպով բողոքել է այդ պահանջի դեմ, ու ներկայացրել են իրենց նոր պահանջները, որոնք՝ «...հասնում են համարեա ձեր սահմաններին-(այսինքն Երեւանի սահմաններին-Հ. Գ.):»

Անդրադառնալով հայ-թուրքական ռազմաճակատում տեղի ունեցող իրադարձութիւններին, նրանք Արամին ու Դրոյին ներկայացնում են Ալեքսանդրապոլից գեներալ Արեշլից ստացած հեռագրի բովանդակութիւնը, համաձայն որի «...տաճիկները նախայարձակի դիմեցին, և ուժակոծում են Ալեքսանդրապոլը և որ մեր զօրամասերը դիմադրութիւն են ցոյց տալիս: Հենց նոր Ազգային Խորհրդից խնդրում են յայտնել ձեզ, որ ընդհանուր հրամանատարը հրամայել է դիմադրել»²:

¹ Ձանգ, 1918, մայիսի 17(4), թիւ 34:

² Նույն տեղում:

Արամին ու Դրոյին հայտնելով պատերազմը շարունակելու վերաբերյալ Հայոց Ազգային Խորհրդի տեսակետն ու Հայկական բանակային կորպուսի հրամանատար գեներալ Նազարբեկյանի հրամանը, նրանք միաժամանակ տեղեկացնում են թուրքական կողմի ներկայացրած պահանջները, որոնց համաձայն «Տաճկական հրամանատարը ուղտիմատումի ձևով պահանջել է տաճկական շտաբի տրամադրութեան տակ դնել Ալէքսանդրապոլ-Ձուլֆա երկաթուղազիծը, որպեսզի իրանց զորամասերը տեղափոխվեն Ձուլֆա, անգլիացիների դէմ... Պահանջել են նաև յետ քաշել մեր զօրքերը երկաթուղու գծից 20 վերստ հեռու դէպի մեր սահմանը: Խաղաղ բնակչութեանը խնդրում են մնալ իր տեղում: Պատերազմից յետոյ, սահմանը կը լինի Արփաչայը»¹:

Թուրք պատգամավորութեան ներկայացրած պայմանների մեջ առավելապես ուշադրով է «Պատերազմից յետոյ, սահմանը կը լինի Արփաչայը» խոստովանութիւնը: Ստացվում է, որ չնայած այն իրողութեանը, որ պատերազմը շարունակվում էր, ու դեռևս տեղի չէին տեղի ունեցել Մայիսյան հերոսամարտերը, սակայն թուրքական կողմն արդեն գծազրել էր Հայ-թուրքական սահմանը, որը լինելու էր Արփաչայը:

Բանակցութիւններում թուրքերին, ինչպես նաև գերմանացիներին հետաքրքրել են Հայ-թուրքական հարաբերութիւնները Երեւանի նահանգում: Չնայած այն իրողութեանը, որ Երեւանի նահանգում թուրք հրոսակախմբերը շարունակաբար գեներալ էին դիմում հենց թուրքիայի թելադրանքով ու աջակցութեամբ, սակայն թուրք պատգամավորները պահանջել են վերջ տալ մահմեդական ազգաբնակչութեան վրա գործադրած ճնշումներին ու բռնութիւններին: Թուրք պատգամավորները հայտարարել են, որ եթե Հայկակա կողմը չդադարեցնի մահմեդական բնակչութեան նկատմամբ գործադրվող բռնութիւնները, ապա հակառակ պարագայում իրենք ստիպված կլինեն թուրքական զորքերով պաշտպանել իրենց հավատակիցներին: Այսինքն անթաքույց սպառնում են ներխուժել Արարատյան դաշտ ու Երեւան:

Արամին ու Դրոյին հետաքրքրել է Հայութեան նկատմամբ գերմանական կողմի պաշտպանած դիրքորոշումը:

Ըստ Ս. Վրացյանի ու Կ. Ղազարյանի. «Գերմանացիների մասին մենք էլ նոյն կարծիքին ենք և այդ ուղղութեամբ աշխատում ենք Բաթումում, մենք նրանց ասել ենք, որ կընդունենք ամեն մի պայ-

ման, միայն թէ ապահովեն մեր Ֆիզիկական գոյութիւնը: Նոքա ասացին, որ Գերմանիան երբէք թոյլ չի տայ, որ տաճիկները Հայերի վերաբերմամբ իրագործեն իրենց ծրագիրը: Միայն թէ Հայերը անկեղծօրեն ընդունեն գերմանական օրինեստացիան: Նրանք պաշտպանում են Բրեստի պայմանագիրը»¹:

Հայ-թուրքական ռազմաճակատում ծավալվող դեպքերը հստակորեն ցույց տվեցին, որ միանգամայն անհիմն էին ու անիրագործելի Հայութեանը սատարելու գերմանական կողմի հնչեցրած խոստումները: Այդ պայքարում Հայութեանը բացարձակապես մենակ էր, եւ նրա Ֆիզիկական փրկութեան գործում բացառվում էր երրորդ ուժին ապավինելը:

Բաթումիում ընթանում էին բանակցութիւնները, իսկ ռազմաճակատում հենց այդ օրը կատարվում են այնպիսի իրադարձութիւններ, որոնք անակնկալ էին ոչ միայն բանակցութիւնների մասնակից Հայ պատգամավորների ու Երեւանի Ազգային Խորհրդի անդամների, այլև Հայկական բանակային կորպուսի հրամանատարութեան համար:

Դատելով տվյալ ժամանակահատվածում ռազմաճակատում տեղի ունեցած դեպքերի ընթացքը բնութագրող վավերագրերի, Հուշագրութիւնների բովանդակութիւնից եւ Հայկական զորքերի (Հայկական բանակային կորպուսի) ընդհանուր զորահրամանատար, գեներալ Նազարբեկյանի խոստովանութիւնից, Հայկական բանակային կորպուսի եւ մասնավորապես նույն կորպուսի առաջին դիվիզիայի հրամանատարութեան համար միանգամայն անսպասելի էին Ալեքսանդրապոլի ուղղութեամբ թուրքական զորքերի արագ հարձակումներն ու Հայկական բանակի հրամանատարութեանը ներկայացրած վերջնագիրը:

Հայկական զորքերը, չհասցնելով ինչպես հարկն է նախապատրաստվել ու բավարար մարտական պատրաստվածութեան հասցնել մարտաշարքերը եւ տեղի տալով անկազմակերպվածութեանն ու խուճապին, արագորեն լքում են մարտադաշտն ու գրեթե առանց դիմադրութեան քաղաք-ամրոցը հանձնում հակառակորդին²:

Հարկ է նշել, որ ռազմաճակատում ծավալվող դեպքերի զարգացման, գիւնվորների մարտական եւ բարոյահոգեբանական կեցվածքի ու տրամադրութեան վրա բացասական ազդեցութիւն է գործել Կարսի հզոր բերդաքաղաքի անսպասելի եւ առանց դիմադրութեան թշնամուն հանձնելու իրողութիւնը: Զորամասերում մեծ չափերի

¹ Նույն տեղում:

¹ Նույն տեղում:

² Տե՛ս ԳԱԱ, ֆ. 121, ց. 2, գ. 92, էջ 6-12:

էր հասել զանգվածային դասալքությունը: Կովկասյան կառավարությունը հայութեան նկատմամբ դրսեւորած այդ դավաճանական եւ հանցավոր քայլով կոտորում է հայկական բանակի դիմադրողական ուժին եւ պատճառ դառնում ահապոր ողբերգությունների:

«Այսպիսով, - իր հուշերում գրում է գեներալ Նազարբեկյանը, - տեղի ունեցան մեկը մյուսին հաջորդող կործանարար մի շարք իրադարձություններ. Բաթումիի հանձնումը, այնուհետեւ, համաձայն կնքված զինադադարի, առանց դիմադրութեան Կարսի ամրոցի հանձնումը եւ վերջում, զինադադարի ընթացքում, Ալեքսանդրապոլի մոտ, թուրքերի գետնանցումը Արփաչայ: Արդյունքում, դեռեւս բավականաչափ չհամադրված ու չկազմակերպված հայկական զորքերը, թուրքերի գործադրած սարսափելի վայրագությունների, սարսափելի բնակչիմայական ծանր պայմաններում անընդմեջ չզաղարող մարտական գործողությունների ազդեցութեան հետեւանքով վերջնականապես բարոյալքվելով եւ կորցնելով մարտունակությունը՝ լքում են մարտաշարքերն ու միանում փախստականներին, որոնք այդ օրերին նման էին փախչող եւ փրկութիւն որոնող մարդկանց տարերային ծովի»¹:

Ալեքսանդրապոլի անկումից մի քանի օր անց թուրքերը, շարունակելով հարձակումը, մարտական գործողություններ են ձեռնարկում ռազմաճակատի ողջ երկայնքով: Հայկական զորքերը, դիմադրելով թշնամու գերակշռող ուժերին, աստիճանաբար նահանջում են, ընդ որում մի մասը՝ առաջին դիվիզիան եւ երկրորդ դիվիզիայի 7-րդ եւ 8-րդ զնդերը, դեպի Փամբակի լեռնանցք՝ փակելով Համամլու-Ղարաքիլիսա տանող ճանապարհը, իսկ մյուս մասը՝ 2-րդ հեծյալ գունդը, 1-ին եւ 2-րդ բրիգադները՝ դեպի Սարդարապատ՝ համալրելու այդ ուղղությամբ մարտնչող գեներալ Սիլիկյանի գլխավորած Երեւանյան զորախմբի մարտաշարքերը:

Թուրք հրամանատարութիւնն իր զորքերը բաժանելով չորս զորախմբերի՝ հարձակումը զարգացնում է հետեւյալ ուղղութիւններով.

1. Առաջին զորախումբը (Մյուրսեյ բեյի գլխավորած 5-րդ դիվիզիան), նպատակ ունենալով գրավելու Վրաստանի մայրաքաղաք Թիֆլիսը, հարձակվելու էր Վորոնցովկայի (Կալինինո) ուղղությամբ դեպի Բոլնիս-Ուաչեն, Բորչալու, ուր պետք է միանար Ղազախից դեպի Թիֆլիս շարժվող թուրքական զորքերին:

2. Երկրորդ զորախումբը (Ջամիլ-Ջավադ բեյի գլխավորած 11-րդ դիվիզիան) պետք է հարձակում գործեր Ջաջու-Համամլու-Ղարա-

քիլիսա-Ղազախ-Ելիզավետպոլ ուղղութեամբ եւ միանալով այդ շրջանների թուրք զինյալ խմբերին՝ շարժվեր դեպի Բաքու:

3. Երրորդ զորախումբը (Էսադ փաշայի 9-րդ դիվիզիան) հարձակվելու էր Ալեքսանդրապոլ-Համամլու-Բաշ-Ապարան ուղղութեամբ: Այդ զորախմբի նպատակն էր արագորեն անցնել Ապարան-Աշտարակ կամ Ապարան-Եղվարդ գիծը եւ մոտենալով Երեւանին՝ շրջափակման մեջ վերցնել Երեւանյան զորախումբն ու անհրաժեշտութեան դեպքում փակել Հրազդան-Սեւան ձգվող նահանջի ուղիները, ապա հարձակումն արագորեն զարգացնել դեպի Բաքու:

4. Չորրորդ զորախումբը (36-րդ դիվիզիա) Ալեքսանդրապոլից հարձակվելու էր դեպի Սարդարապատ¹:

Իր զորքերը բաժանելով մի քանի խմբավորումների՝ թուրք հրամանատարութիւնը ծրագրում է տարբեր ուղղութիւններից տեղացող հարվածներով գրավել Երեւանն ու, արագորեն հայերի հետ մեկընդմիջտ հաշիվները մաքրելուց հետո, ձեռնամուխ լինել իրենց գլխավոր նպատակի կենսագործմանը:

Ինչպես իրավացիորեն մատնանշում է գեներալ Ղորղանյանը, «...1918 թ. ամռանը, թուրքական բանակի գործողութիւնների նպատակը, թուրքական հրամանատարութեան պլանի եւ գերմանական գլխավոր շտաբի ցուցումների համաձայն, Կովկասյան ճակատում անգլիական բանակի աջ թեւի ոչնչացումն էր Մուսուլում եւ Բաքվի շրջանի գրավումը: Քանի որ Հայաստանը ներքաշված էր պարսկական Ադրբեջան եւ Բաքու տանող ճանապարհներին տեղի ունեցող մարտական գործողութիւններում, նրա գրավումը եւ նրա բանակային կորպուսի ոչնչացումը թուրքերի համար անհրաժեշտութիւն էր...»²:

Սակայն ինչպես ապացուցեց ժամանակը, թուրքերն իրենց հաշիվների մեջ այս անգամ արդեն չարաչար սխալվում էին:

Ինչ էին իրենցից ներկայացնում եւ ինչպիսի՞ թվական ունեին թուրքական դիվիզիաները: Համաձայն Կարսի բերդի եւ կայազորի պետ գեներալ Դեւի՝ Կովկասյան ռազմաճակատի հրամանատար գեներալ Լեբեդինսկուն հասցեագրված ապրիլի 22-ի զեկուցագրի, թուրքական դիվիզիաները բաղկացած էին երեք զնդերից, որոնցից յուրաքանչյուրի կազմում հաշվվում էր մոտավորապես 1200 սպին (հետեւակային զինվոր): Բացի հետեւակայիններից, յուրաքանչյուր

¹ Տե՛ս Գարուբունյան Ա., Թուրքական ինտերվենցիան Անդրկովկաս 1918 թ. եւ ինքնապաշտպանական կռիվները, Երեւան, 1984, էջ 174:

² Սարդարապատ, Բաշ-Ապարան, Ղարաքիլիսա, Երեւան, 1998, էջ 114:

գունդ ունեցել է 12 գնդացիք եւ չորս հրանոթ: Բացի թվարկածներէց, թուրքական զորքերի շարքերում մարտնչել են նաեւ Հեծյալ գնդեր ու 3000-4000 զինյալ քրդեր¹:

Մեկ այլ սկզբնաղբյուրի հավաստմամբ՝ հայ-թուրքական ռազմաճակատում կենտրոնացած թուրքական ղեկիզիանները, իրենց կազմում ունեին 1600-1800 թվակազմ ունեցող չորս հետեւակային գնդեր, հեծյալ վաշտ, հրետանային մարկոց եւ թիկունքային ծառայութիւն(գումակ) ու այդ ամենին գումարած քրդական հեծյալ հրոսակախմբեր²:

Ինչպիսի՞ մարտական ուժերով կարող էր հայկական զորահրամանատարութիւնը, մասնավորապէս գեներալ Սիլիկյանի Երեւանյան զորախումբը, ղիմակայել քանակական առումով զգալի գերակշռութիւն ունեցող թուրքական զորամասերին:

Համաձայն գեներալ Սիլիկյանի վկայութեան՝ իր հրամանատարութեամբ գործող Երեւանյան զորախումբը բաղկացած է եղել հետեւյալ զորամասերից.

1. Պարտիզանական գունդը՝ հրամ-տար գնդապետ Պերեկրյոստով.
2. Պարտիզանական հեծյալ գունդը՝ հրամանատար փոխգնդապետ Կորոլկով.
3. Վանի առաջին գունդը՝ հրամանատար գնդապետ Յուզբաշեւ.
4. Վանի երկրորդ գունդը՝ հրամանատար գնդապետ Չախմախչեւ.
5. Երկրորդ հեծյալ գունդը (Քանաքեռ)՝ հրամանատար գնդապետ Զալինյան.
6. Վեցերորդ գունդը (Ղամարլու)՝ հրամանատար գնդապետ Դուրախով.
7. Չորրորդ գունդը (Վաղարշապատ)՝ հրամանատար գնդապետ Հովսեփյան.
8. Հրետանային բրիգադ.
9. Կամավորական խմբեր:

Բացի դրանցից, Վանից եւ Խնուսից նահանջող որոշ ստորաբաժանումներ գալիս էին Երեւանի կողմերը³:

Գեներալ Սիլիկյանը, իր նամակներում թվարկելով զորամասերի տեսակները, համարներն ու հրամանատարներին, չի անդրադառնում նրանց թվակազմին: Այս հարցին առնչվող հրապարակումներից պարզվում է, որ Երեւանյան զորախումբն ունեցել է հետեւյալ

թվակազմը. «... մօտաւոր հաշւով, զօր. Սիլիկեանի զօրքի քանակը, այդ օրերին, հասնում էր 10000 հոգու՝ բաղկացած հետեւյալ մասերից, 4-րդ գունդը՝ 1500 սուլին, 5-րդ գունդը՝ 800 սուլին, Պարտիզանական առաջին գունդը՝ 1200, Երզնկայի գունդը՝ 700, Մակուի գունդը՝ 300, սպայակոյտի պարետի գումարտակը՝ 200, Վանի առաջին եւ երկրորդ գնդերը՝ 2500 սուլին, երկրորդ ձիաւոր գունդը՝ 700, Զէյթունի ձիաւոր գունդը՝ 500, Սմբատի, Դալի Ղազարի, Մուրատի խմբերը՝ 500 ձիաւոր, եւ չորս մարտկոց 16 թնդանօթներով»⁴:

Երեւանյան զորախմբի թվարկած վերոհիշյալ զորամասերին պետք է գումարել նաեւ Ղամարլուում (Արտաշատ) տեղաբաշխված գնդապետ Դուրախյանի 6-րդ գունդը՝ 1800 սվին, գնդապետ Սակիւի գումարտակը՝ 400 սվին, որոնք մայիսի 23-ին եւ 25-ին տեղափոխվեցին Բաշ-Ապարանի ճակատ եւ հրետանային եւս երկու մարտկոց:

Մայիսի 21-ին Սիլիկյանը իր գլխավորած զորախմբին տրված հրամանում նշում է. «Հակառակորդը ընդհատել է խաղաղ բանակցութիւնները եւ ղիմել է հարձակման Հայկական կորպուսի ողջ ռազմաճակատով»²:

Բացի արդեն թվարկած ուղղութիւններից, թուրքական զորքերի հարձակում դեպի Արարատյան դաշտ, ապա նաեւ Երեւան, կատարվում էր նաեւ Սուրմալու գավառի ուղղութեամբ: Ռազմաճակատի այդ ուղղութիւնը դեպի մայրաքաղաքը տանող ամենակարճ ճանապարհն էր: Թուրք հրամանատարութիւնը, հաշվի առնելով այդ կարեւորագույն հանգամանքը, Սուրմալուի ճակատում է կենտրոնացնում 12-րդ ղեկիզիան եւ փորձում քրդական զինյալների աջակցութեամբ հաղթահարել այդ շրջանում ղիրքավորված հայկական զորքերի ղիմադրութիւնը եւ Մարգարայի ու Կարակալայի կամուրջներով գետանցել Արաքսն ու ներխուժել Արարատյան դաշտ: Սուրմալուի ռազմաճակատում մարտնչող հայկական զորամասերը գնդապետ Դանիել Բեկ Փիրումյանի (Երեւանյան զորախմբի հրամանատար, գեներալ Սիլիկյանի տեղակալը - Ն.Գ.) գլխավորութեամբ համառ պաշտպանութեամբ կարողանում են կանգնեցնել հակառակորդին, բայց Կարսի եւ նրան հաջորդած Ալեքսանդրապոլի բերդաքաղաքների անսպասելի հանձնումը եւ հայկական զորքերի անկազմակերպ նահանջն ու բանակի շարքերում սողոսկած դասալքութիւնն իրենց բացասական ազդեցութիւնն են գործում նաեւ այս ուղղու-

¹ Տե՛ս ԴԱԱ, ֆ. 121, ց. 1, գ. 42, ք. 29:

² Տե՛ս ԴԳ ԲԿԱ, քիւ 508, քժ. 12, գ. 4:

³ Հարութունյան Ա., Թուրքական ինտերվենցիան Անդրկովկաս 1918 թ. եւ ինքնապաշտպանական կռիվները, էջ 182-183: ԴԱԱ, ֆ. 45, «Սիլիկովի նամակները Նազարբեկովին»:

⁴ «Հայրենիք» ամսագիր, 1925, մայիս, Մելիքեան, «Արեան ճանապարհով»:

² ԴԱԱ, ֆ. 204, ց. 1, գ. 43, ք. 6:

թյամբ մարտնչող զինվորների եւ հրամանատարութեան վրա: Եթե իրավիճակը ռամաճակատի մյուս հատվածների համանմանութեամբ շիկանար եւ տագնապալի դառնար նաեւ այս շրջանում, ապա Արարտյան դաշտում տեղաբաշխված հայկական զորքերը կհայտնվին շրջափակման մեջ¹:

Կարսի, ապա Ալեքսանդրապոլի անկումն ու թուրքական զորքերի արագ առաջխաղացումը, համաձայն Դրոյի վկայութեան, իրենց բացասական ազդեցութիւնն էին գործել նաեւ Դանիել բեկ Փիրումյանի մարտական տրամադրվածութեան վրա: Ռազմաճակատում տիրող քաոսային, տագնապալի իրավիճակը ինչ-որ չափով հուսալքութեան գիրկն էր ընկղմել մարտական հրամանատարին, որն ընդամենը մի քանի օր անց փայլուն քննութիւն է հանձնելու արդեն Սարգարապատի ճակատամարտում:

Աթափ ու կշռադատված գնահատելով Սուրմալուի ուղղութեան հույժ կարեւոր նշանակութիւնն ու այնտեղ ստեղծված ճգնաժամային կացութիւնը, Երեւանյան զորախմբի հրամանատար գեներալ Սիլիկյանն այդ ճակատում մարտնչող զորքերի հրամանատարութիւնը հանձնարարում է Դրոյին:

Ստանալով գեներալ Մ. Սիլիկյանի հանձնարարութիւնը՝ նա մեկնում է Սուրմալուի ռազմաճակատ եւ գնդապետ Դանիել բեկ Փիրումյանից ստանձնում այդ ուղղութեամբ մարտնչող զորքերի հրամանատարութիւնը:

«Ասի,- պատմում է Դրոն,- Դանիել բեկ, դու գնա, քեզ արդեն նշանակել են Սարգարապատի ուղղութիւն, դու գնա էջմիածինի ստանցիան, դիրքեր կազմի, ես բանակները հետ կբաշխեմ...»¹:

Ինչպես եւ նախորդ մարտերում, այս անգամ դարձյալ Դրոյի հետ էին Մարտիրոսի, Կուռտ Թարխանյանի գլխավորած հեծելապաշտերը, որոնք մտնում էին փոխգնդապետ Կորուկովի գլխավորած 1-ին հեծյալ գնդի կազմում ու նրա անմիջական համանատարութեամբ գործող՝ բացառապես Իգդիրցի, ավելի քան 800 զինվորներից բաղկացած զորամասը: Իսկ այդ ժամանակ Սուրմալուի ճակատում հայկական զորամասերը հայտնվել էին չափազանց ծանր իրավիճակում: Թուրք հրամանատարութիւնը, զգալի ուժեր կենտրոնացնելով, հարձակում է ձեռնարկում նաեւ այս ուղղութեամբ: Նպատակը միակն էր՝ արագորեն ընկճել Սուրմալուի ճակատի պաշտպանների դիմադրութիւնը, գետանցել Արաքսը եւ ներխուժել Արարտյան

դաշտ, շրջապատման մեջ վերցնել այնտեղ մարտնչող հայկական զորամասերն ու գրավել Երեւանը:

Սուրմալուի ճակատը պաշտպանող հայկական փոքրաքանակ ուժերը՝ գնդապետ Չարուխչյանի Վանա գունդը, գնդապետ Սակիւնի գումարտակը եւ Մակեդոնի հարյուրակը, սկզբում կարողացել են լուրջ դիմադրութիւն ցույց տալ, սակայն հետագայում, տեղի տալով թուրքական մեծաքանակ զորամասի ճնշմանը՝ հարկադրված նահանջել են: Օրգով գյուղում Վանա գունդը պաշարվում է թուրքերի կողմից եւ չնայած հրամանատարի՝ գնդապետ Չարուխչյանի գործադրած հերոսական ջանքերին, մեծ կորուստներ է տալիս ու փախուստի դիմում: Հայկական բանակի հրամանատարութիւնը Սուրմալուի ռազմաճակատում ստեղծված աղետալի կացութիւնը շտկելու համար անհապաղ այնտեղ է ուղարկում օգնական ուժեր՝ գնդապետ Դուրխանյանի Գրգ գնդի մեկ գումարտակ եւ փոխգնդապետ Կորուկովի հեծյալ գունդը: Այդ ժամանակ այնտեղ է մեկնում նաեւ Դրոն:

Պատմում է Գրգ գնդի 4-րդ վաշտի հրամանատար, պողպորուչիկ Մամիկոն Իսահակի Տեր-Սարգսյանը. «1918 թվի ապրիլ ամսում լուր ստացվեց, որ տեղական թուրքերն ու քրդերը գիշերը հարձակվել են Օրգովում մեր զինանոցների վրա, կոտորել են 300-ից ավելի զինվոր ու սպա, որոնց թվում նաեւ գնդի հրամանատար Չարուխչյանին: Հրոսակային խմբերը օգտվելով ժամանակավոր հաջողութիւններից, հարձակվել էին Իգդիրի վրա, ուր շտապ մեկնել էր Դրոն, եւ կարգադրված Գրգ գնդին, շտապ օգնութեան ուղարկել մեկ գումարտակ: Մեր գումարտակը ուժեղացված չորս ծանր գնդացիներով գիշերը հասավ Իգդիր: Առավոտյան լույսը բացվելուն պես կռիվը սկսվեց Իգդիրի պատերի տակ: Ամբողջ օրը տեւեց մարտը: ... Դրութիւնը վերականգնելուց հետո, գումարտակը տեղափոխվեց գյուղերում ըստ վաշտերի»¹:

Անդրադառնալով նույն դեպքերի գնահատմանը՝ Մարտիրոսը գրում է. «...տաճկական ոյժերը կրկին յարձակման ձեռնարկեցին լուսաբացին: Գնդ. Սակիւնի գումարտակը եւ Մակեդոնի հարիւրեակը վերստին ուժեղ դիմադրութիւն ցույց տալով, յետ չարտեցին թշնամուն, մինչ Վանեան գունդը խուճապային նահանջի դիմեց: Գնդապետ Չարուխչեանը շատ էր աշխատել կանգնեցնել փախուստի դիմող իր ոյժերին, բայց չէր կարողացել... իր կեանքը վրայ տալով, սպանուել էր Արխաշում:

¹ Դրոյի ձայնագրութիւնից:

¹ ՀԱՍ, ֆ. 403, ց. 1, գ. 40, թ. 1-2:

Իգդիրից կրկին հասանք օգնութեան... երկու հետեւակ գումարտակ եւ իմ հարիւրեակը, յետ չպրտեցինք թշնամուն եւ նորից գրաւեցինք Զիլին: Վանեան գունդը մնաց իր դիրքերում, իսկ երկու գումարտակները Օրգովում, նրան մօտիկ, որ հարկ եղած դէպքում օգնութեան շտապեն»¹:

Այդ կոնվներում, բացի վերոհիշյալ Երգ գնդի վաշտերից, իրենց անկոտրում մարտունակութեամբ աչքի են ընկել նաեւ Դրոյի անմիջական հրամանատարութեամբ գործող իգդիրցիների ջոկատը, գնդապետ Սակինի գումարտակը, Մակեդոնի հարյուրակն ու փոխգնդապետ Կորոկովի հեծյալ գունդը:

Սուրմալուն անընդմեջ ենթարկվում էր թուրքական զորքերի կատաղի հարձակումներին: Թուրքերն անընդմեջ գրոհներով ձգտում էին արագորեն հաղթահարել Սուրմալուի պաշտպանների դիմադրությունը եւ գետանցելով Արաքսը՝ հարձակումը զարգացնել դեպի Երեւան:

Դրոն՝ անխորտակ պաշտպանութեամբ, իսկ երբեմն էլ ակտիվ հարձակումներով կասեցնելով հակառակորդի գրոհները, ձախողում է Արարատյան դաշտ թափանցելու թուրք հրամանատարության ձեռնարկումները:

Մինչեւ Սարդարապատի ուղղությունում մարտական հիմնական գործողությունների սկսվելը Դրոյի գլխավորած Հայ զինագնդերը հուսալիորեն պաշտպանում էին Սուրմալուի ճակատը թուրքերի չդադարող հարձակումներից: Հայկական բանակի հրամանատարության, անձամբ գեներալ Սիլիկյանի ձեռնարկած միջոցառումների շնորհիվ հաջողվում է կայունացնել Սուրմալուի ռազմաճակատը:

Համաձայն Դրոյի վկայության, զորքերը տեղաբաշխված են եղել հետեւյալ դասավորությամբ. «... բանակները կանգնած են Սակինի բատալիոնը (գումարտակ) Զորի դեմ, լավ բատալիոն է, իմ պարտիզանական գունդը, որը 4-րդ դարձավ բռնել է Ղոնչան, Օրգով եւ Ղարաբուղաջան, գունդն էլ 1400 հոգի: Հեծելազորն է Կորոկովի, որը բռնել է մեր աջ թեւը, դեպի Կողբի ուղղությամբ: Այնտեղ էին հանգուցյալ Բուլանիցի Մուրադը 300-400 հոգով եւ 800 հոգի էլ իգդիրցիներ էին: Այս 1100 հոգին բռնել էր ձախ թեւը՝ դեպի Դաշուտունի ուղղությամբ»²:

Չափազանց կարեւոր էր թույլ չտալ, որպեսզի թուրքական զորքերը գետանցեն Արաքսն ու ներխուժեն Արարատյան դաշտ, ուր

այդ օրերին հայութեան վերջին բեկորները խմբված իրենց հայրենիքի վերջին հողակտորի վրա, գոյամարտ էին մղում թշնամու կանոնավոր զորագնդերի դեմ:

Թուրքական զորքերը՝ զարգացնելով հարձակումը, շարժվում են նաեւ դեպի Համամլու, ապա Ղարաքիլիսա: Մայիսի 21-ին Հայոց Ազգային Խորհուրդը գեներալ Նազարբեկյանից ստանում է հետեւյալ հեռագիրը. « Հակառակորդը գրավել է Համամլուն եւ շարունակում է հարձակումը: Զորախումբը նահանջում է դեպի Կիպլակ, ապա Ղարաքիլիսա»³:

Թուրք հրամանատարության հիմնական նպատակը ոչ թե Համամլուն կամ Ղարաքիլիսան գրավելն էր, այլ դուրս գալ Երեւան եւ Արարատյան դաշտ, արագորեն հաղթահարել այնտեղ կենտրոնացած հայկական զորամասերի դիմադրությունը, ապա շարժվել դեպի Բաքու՝ օր առաջ տիրելու նավթահանքերը:

Զարգերի ահավոր սպառնալիք է ծանրանում Արարատյան աշխարհի փոքրիկ հողակտորի վրա կուտակված հայութեան վերջին բեկորների վրա:

Գեներալ Նազարբեկյանի շտաբը Կովկասյան բանակի հրամանատարությանը եւ Հայոց Ազգային Խորհրդին ուղղված զեկուցագրում նշում է. «Գեներալ Սիլիկովը հաղորդում է. մայիսի 21-ին, մոտավորապես ժամը 17-ին մարտն սկսվեց Երեւանյան երկաթուղու մոտակայքում գտնվող Սարդարապատի մատուցներում: Սարդարապատի ջոկատը նահանջում է Ղարա-Կոյունլու, Կերպալու եւ հայկական Զեյվայի ուղղությամբ

Կենտրոնացնելով հեծելազորը Մարգարայի մոտակայքում, հայկական զորամասերը իգդիրի ուղղությունում փակել են Արաքսի գետանցումները (խոսքը վերաբերում է իգդիրի ուղղությունում մարտնչող Դրոյի զորախմբին - Հ.Գ.): Հաջորդ օրն առավոտյան ժամը 9-ին ստացվել է հեռագիր Ղարաքիլիսայից, ըստ որի Ղարաքիլիսան գրավված է թուրքական զորքերի կողմից: Ստեղծվել է կորպուսը թիֆլիսից ամբողջովին կտրելու իրավիճակ:

Գեներալ Նազարբեկովը մեկ անգամ եւս համառորեն պնդում է, որպեսզի կառավարությունը շտապի կնքելու հաշտություն»²:

Ռազմաճակատում ստեղծված չափազանց աննպաստ իրադրության պատճառով վտանգավոր կացության մեջ է հայտնվում նաեւ Սուրմալուի ուղղությունում մարտնչող Դրոյի զորախումբը: Թուր-

¹ Խմբապետ Մարտիրոս Աբրահամեան, նշվ. աշխ., էջ 399-400:

² Նույն ծայնագրությունը:

¹ ՀԱԱ, ֆ. 204, ց. 1, գ. 43, թ. 6:

² ՀՀ ԲԿԱ, թիւ 508, թժ. 14, գ. 6, էջ 18:

քական բանակի հետագա առաջխաղացման դեպքում Սուրմալուի ճակատը եւ տեղի հայ բնակչուկները կարող էին կտրվել Սարգա-րապատի շրջանում գործող հիմնական ուժերից եւ հայտնվել շրջա-պատման մեջ: Առաջնորդվելով ռազմաճակատում տիրող իրավիճա-կի թելադրանքով՝ Դրոն գործերի պաշտպանությունը կազմակեր-պում է գավառի հայ բնակչության տեղափոխությունը եւ այրելով Մարգարայի եւ Կարակալայի կամուրջները, մայիսի 20-ին գետան-ցում է Արաքսն ու կանոնավոր զորաշարքերով, անկորուստ նահան-ջում Արարատյան դաշտ, ուր Արամ Մանուկյանի գլխավորած Հա-տուկ կոմիտեն, գեներալ Սիրիկյանի ռազմական շտաբի համագոր-ծակցությամբ, անպատմելի ջանքեր էր գործադրում՝ ողջ Երեւանի նահանգը վերածելու անխորտակ մարտական ամրոցի¹:

Ա. Հարությունյանը իր հեղինակած «Թուրքական ինտերվեն-ցիան. Անդրկովկաս 1918 թ. եւ ինքնապաշտպանական կռիվները» պատմագիտական արժեքավոր աշխատությունում, ճիշտ է, անդրա-դառնում է նաեւ հայ-թուրքական ռազմաճակատի Սուրմալի ուղ-ղությունը՝ նշելով. «Սիրիկովին հայտնի էին, որ Երեւանին վտանգ էին սպառնում նաեւ Կողմի ու Իգդիրի կողմից դեպի Երեւան շարժ-վող թուրքական 5-րդ և 12-րդ հետևակային դիվիզյանները: Այստեղ նա առանձին ռեզերվներ չուներ, բացի մի քանի ստորաբաժանում-ներից, որոնց հրամայեց պայթեցնել Ղարաղալայի ու Մարգարայի կամուրջները, Արաքսի ձախ ափին խրամատներ կառուցել և թույլ չտալ թշնամուն անցնել գետը»², բայց միայն իրեն հայտնի պատ-ճառաբանությամբ չի նշում, որ Սուրմալուի ճակատում իր մատ-նանշած Արաքսի երկու կամուրջները այրելու եւ գործին ու բնակ-չությանը գետի մյուս ափը տեղափոխելու եւ պաշտպանական դիրքեր ընտրելու գործողությունները ղեկավարել է Դրոն:

Բացի դրանից, Սուրմալուի ուղղությունում գործել են թուրքա-կան ոչ թե երկու՝ 5-րդ եւ 12-րդ դիվիզիաները, այլ միայն Մյուրսել փաշայի գլխավորած 5-րդ դիվիզիան ու քրդական հեծելախմբեր:

Հայկական բանակի գորահրամանատարության կողմից Դրոյի գորախումբը Սուրմալուից Երեւանյան ուղղություն տեղափոխելու վճիռը ռազմավարական առումով շատ ճիշտ էր եւ հույժ կարեւոր:

Եթե անաչառորեն գնահատենք Սուրմալուի ուղղությունում Դրոյի գլխավորությամբ հայկական զորքերի մարտական գործո-ղությունների արդյունքն ու նշանակությունը, ապա պիտի միան-

շանկորեն ընդգծել, որ այն առաջին ծանրակշիռ նվաճումն էր Մայիսյան հերոսամարտերում: Փաստորեն թուրքական մեկ ամբողջ դիվիզիա ու նրան աջակցող քրդական հեծյալ հրոսակախմբերը, կտրվելով թուրքական հիմնական ուժերից՝ մնում են Արաքսի մյուս ափին եւ չեն կարողանում մասնակցել Արարատյան աշխարհում ծավալվող մարտական գործողություններին: Թուրքական զորքերը, իհարկե, փորձեր են ձեռնարկել նույնպես գետանցել Արաքսն ու մասնակցել Արարատյան աշխարհում ընթացող կռիվներին, սակայն յուրաքանչյուր անգամ հանդիպելով գետանցումները պաշտպանող հայ մարտական ուժերի անսասան դիմադրությանը՝ չեն կարողա-նում անցնել Արաքսն ու ներխուժել Արարատյան դաշտ: Դրան հակա-ռակ, Սուրմալուի ճակատի հայկական զորքերը՝ գետանցելով Արաք-սը, մասնակցում են Սարգարապատի ու Բաշ Ապարանի ճակատա-մարտերին:

Բազում մարտերում կոփված, փորձառու եւ մարտունակ զորա-մասերի ներկայությունը ավելի քան անհրաժեշտ էր ռազմաճակատի մյուս ուղղություններում մարտնչող հայկական զորքերը համալրե-լու եւ թուրքերի հարձակումները հաջողությամբ դիմադրավելու համար: Արաքսի գետանցումները պաշտպանելու նպատակով հայ-կական բանակի հրամանատարությունը Վանի գնդի կազմից առանձնացնում է ավելի փոքրաքանակ մարտական ուժեր, որոնք լավագույնս կատարելով իրենց տրված առաջադրանքը՝ հուսալիո-րեն պաշտպանում են գետանցումները եւ խոչընդոտում թուրքա-կան զորքերի ներխուժումը Արարատյան դաշտ:

¹ Տե՛ս «Հայրենիք» ամսագիր, 1936, մարտ, էջ 104:

² Հարությունյան Ա., «Թուրքական ինտերվենցիան Անդրկովկաս 1918 թ. եւ ինքնապաշտպանական կռիվները, Երևան, 1984, էջ 177:

3.3. ԲԱՇ-ԱՊԱՐԱՆԻ ՀԵՐՈՍԱՄԱՐՏԸ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՀՌՁԱԿՈՒՄԸ

Մայիսի 21-ին Դրոն արդեն հասնում է Վաղարշապատ երեւանյան զորախմբի հրամանատար գեներալՄ. Սիլիկյանի շտաբ եւ իր զորագնդերով համալրում այդ ուղղութեամբ (Սարդարապատ) մարտնչող զորքերի մարտաշարքերը:

Այդ օրը կատաղի մարտեր էին ծավալվում ռազմաճակատի երեք գլխավոր՝ Սարդարապատի, Բաշ-Ապարանի եւ Ղարաքիլիսայի ուղղութեամբ:

Մայիսի 22-ին հայկական զորամասերը Սարդարապատի ուղղութեամբ անցնելով հարձակման Քյորփալու-Քյուրաքյանլու (Արշալույս-Տերիկս)- Հայ Ջեյվա (Առատաչեն), Ղուրղուղուլի (Արմավիր) բնագծերից՝ հուժկու հարվածներով հետ են չպրտում թուրքերին մինչեւ Արաքս կայարանը եւ հետ վերցնում Սարդարապատ կայարանն ու Մոլլա-Բայազեթ (Բամբակաշատ) բնակավայրերը: Կարելի է փաստել, որ դա Սարդարապատի ուղղութեամբ հայկական զորքերի ձեռք բերած առաջին լուրջ նվաճումն է:

Բաշ-Ապարանի ուղղութեամբ՝ հայկական կանոնավոր զորամասերի բացակայության պայմաններում, թուրքական առաջապահ զորաջոկատների դեմ եռանդուն մարտական գործողություններ են ծավալում ապարանցիների աշխարհագրայինները:

Ղարաքիլիսայի ուղղութեամբ թուրքական զորքերը հասնում են Ղչյաղ, եւ Անդրանիկը երկօրյա մարտերից հետո մայիսի 22-ին թողնելով Զալալօղլին՝ նահանջում ու մայիսի 23-ին հասնում է Դսեղ¹:

Անդրանիկի զորախմբի եւ հայկական զորամասերի կողմից Զալալօղլու պարպումից հետո թուրքերի համար իրական հնարավորություն է ընձեռում այդ ճակատում հարձակումը ծավալել հենց Ղարաքիլիսայի ուղղութեամբ:

Հայկական բանակի հրամանատարությունը իր գլխավոր ջանքերն ու մարտական ուժերը նպատակաուղղում է հենց այս երեք գլխավոր ճակատներում, ուր վճռվելու էր Հայության գոյության ու ապագայի հարցը:

Մի կարեւոր ու էական ճշտում:

Անդրադառնալով, իհարկե, ոչ այնքան հիմնավոր, մայիսյան հերոսամարտերի որոշ մանրամասների նկարագրությանն ու արժեքումանը՝ խորհրդային պատմագիտության մեջ այն տեսակետն է, ըստ

որի հայկական զորքերի հրամանատարությունը մտադրություն չի ունեցել ճակատամարտել Արարատյան դաշտ ներխուժած թուրքական ուժերի դեմ եւ նույնիսկ որոշել էր հանձնել Երեւանն ու նահանջել դեպի Սեւանի կողմերը:

Վկայակոչենք բուհերի ուսանողների համար մինչեւ 80-ական թթ. որպես դասագիրք ծառայող Վ. Պարսամյանի եւ Շ. Հարությունյանի խմբագրած «Հայ ժողովրդի պատմություն»-ում այդ հարցը մեկնաբանող հետեւյալ տեսակետը. «Գլխավոր հրամանատարության ապիկարության պատճառով հայկական զորամասերի մեծ մասում հուսալքություն էր առաջ եկել: Վտանգավոր դիրք էին բռնել Դաշնակցության պարագլուխները: Բաթումիի հայ պատվիրակները հեռագրում էին Թիֆլիս՝ Հայոց Ազգային Խորհրդին, այլևս ռազմական դիմադրություն ցույց չտալ թուրքերին: Մայիսի 18-ին Երեւանի քաղաքային Դուման որոշում ընդունեց չդիմադրել Երեւան շարժվող թուրքերին եւ հանձնվել նրանց ողորմածությանը»²:

Համանման տեսակետներ են զարգացնում նաեւ խորհրդահայ պատմաբաններ Մ. Աղայանն ու Հ. Թուրչյանը²:

Կարծում ենք, հարկ չկա կանգ առնել գլխավոր հրամանատարության եւ «Դաշնակցության պարագլուխների» հասցեին արված ոչ պատշաճ արտահայտությունների վերլուծությանը, քանի որ միանգամայն պարզ է ու ակնհայտ հեղինակների կողմից վերոհիշյալ «Դաշնակցության պարագլուխների»-ն հանիրավի վարկաբեկելու ու զրպարտելու միտումը, իսկ ինչ վերաբերում է Երեւանի Քաղաքային Դումայի որոշման ճշմարիտ գնահատականին, ապա պետք է ընդգծել հետեւյալը.

Նախ, Հայկական կորպուսի հրամանատար, գեներալ Թ. Նազարբեկյանի եւ Երեւանյան զորամիավորումների ընդհանուր հրամանատար գեներալ Սիլիկյանի հրամանագրերում այդպիսի որոշում չկա եւ չի եղել, իսկ եթե կա եւ եղել է, ապա վերոհիշյալ տեսակետի պաշտպանողները պարտավոր են մատնանշել այդ որոշումը հավաստող սկզբնաղբյուրն ու փաստաթուղթը:

2. Երեւանի Քաղաքային Դումայի իրավասությունների մեջ ամենեւին չի մտել ղեկավարելու եւ ուղղություն տալու Երեւանի

¹ Պարսամյան Վ. Ա., Գարությունյան Շ. Լ., Հայ ժողովրդի պատմություն, Երեւան, 1979, դասագիրք բուհերի ուսանողների համար, էջ 417:

² Աղայան Օ., Դոկտեմբերը եւ հայ ժողովրդի ազատագրական պայքարը, Երեւան, 1982, էջ 126: Թուրչյան Յ., Սարդարապատի հերոսամարտը, Երեւան, 1965, էջ 81-82:

¹ Տե՛ս ԴԱԱ, ֆ. 121, ց. 1, գ. 35, ք. 17-20:

նահանգում ընթացող մարտական գործողությունները եւ հետեւաբար՝ վճռելու պատմական տվյալ ժամանակի համար մեծ նշանակություն ունեցող երեւանը պահելու կամ նահանջելու խնդիրը:

3. Երեւանի նահանգի փաստական ղեկավարը Հայոց Ազգային Խորհրդի կողմից Երեւան գործուղված եւ ժողովրդի կողմից Արարատյան աշխարհի դիկտատոր հռչակված Արամ Մանուկյանի գլխավորած Երեւանի Ազգային Խորհուրդը (Հատուկ կոմիտե) էր: Միմիայն Հատուկ կոմիտեն էր իրավասու Երեւանը թողնելու կամ պահելու վճիռ կայացնել, եթե, իհարկե, այդ քայլը համաձայնեցներ Հայոց Ազգային Խորհրդի, Հայկական կորպուսի հրամանատարության եւ անձամբ Երեւանի ուղղությամբ գործող զորքերի ընդհանուր զորահրամանատար, գեներալ Սիլիկյանի հետ:

Մի վկայություն Երեւան քաղաքի զինվորական պարետ, գնդապետ Արշավիր Շահխաթունու հուշերից. « Թուրքերը յառաջանում են դէպի Սարդարապատ-Քարխուն ճակատից: Ալեքսանդրապոլից, Անիից եւ Ադինից կտրուած ենք: Չունիմ որեւէ պահեստի զինուոր՝ թշնամուն դիմադրելու համար: Կարելի արէք անմիջապէս ինձ հասցնելու Ձեր տրամադրութեան տակ եղած պահեստի զինուորները, ինչպես նաեւ պաշար, փամփուշտ, ռազմամթերք եւ այլն: Յայտնեցէք Արամ փաշային գաղտնապէս թէ՛ պիտի աշխատիմ նահանջել դէպի Քարխունի ճահիճները եւ ամրանալ Թոզ-Թէփէլէրի վրայ: Դուք ամրացրէք Երեւանը:

Տեղի մի տաք շփոթութեան եւ իրարանցումի...»¹:

Գեներալ Սիլիկյանի եւ Երեւանի զինվորական պարետ գնդապետ Ա. Շահխաթունու միջեւ կայացած այս հեռախոսազրույցը տեղի է ունեցել մայիսի կեսերին, երբ իրոք ռազմաճակատում մարտական գործողությունները դեռեւս ծավալվում էին հօգուտ թուրքերի: Նույնիսկ այդ ծանր ժամանակներում գեներալ Սիլիկյանի հրահանգը հստակ է. «... ամրացրէք Երեւանը, Տեղի մի տաք շփոթութեան եւ իրարանցումի»:

Ահա այս հարցին առնչվող եւս մի ուշագրավ վկայություն-փաստարկ Երեւանի Հատուկ կոմիտեի անդամ Արշալույս Աստվածատրյանի «Սարդարապատի պատմաշինություն»-ը գրքից. «Այդ առթիւ պիտի ասել, որ «ընդհանուր յուսալքման այդ օրերին» (Հ. Թուրքյանի խոսքերն են- Հ. Գ.) Քաղաքային խորհուրդը իբր ինքնավար մարմին, կարող էր յուսահատական նման որոշում հանել: Սակայն այդ

որոշումը գործնական որեւէ հետեւանք չէր կարող ունենալ եւ կը մնար մեռած տառ, քանի որ այն վաւերացուած չէր Ազգային Խորհրդի, աւելի ճիշտ՝ նրա գործադիր մարմնի՝ Յատուկ կոմիտէի կողմից, որը երկրի բարձրագոյն իշխանութիւնն էր:

...Քաղաքային ինքնավարութեան Խորհրդի հանած որոշումը դաշնակցական քաղաքագլխի առաջարկով, մի որոշում, սակայն, որ ժամանակին ոչ մի հետեւանք չի ունեցել եւ մնացել է մեռած տառ, որն այժմ Թուրքեանի «բարի ցանկութեամբ» յարուսթիւն է առնում Հ. Յ. Դաշնակցութեան կատարած «մեղքերի» թիւն աւելացնելու համար»¹:

Արարատյան աշխարհում ընթացող մայիսյան դեպքերի ուսումնասիրությունը անառարկելիորեն ապացուցում է, որ Հայ քաղաքական եւ ռազմական այն գործիչները, որոնք անմիջականորեն կապված են եղել ծավալվող իրադարձություններին, ճնշող մեծամասնությունամբ վճռականորեն համակված են եղել Երեւանը մինչեւ վերջը պահելու եւ թուրքերի դեմ ճակատամարտելու մտադրությամբ:

Նույն տեսակետն է պաշտպանել նաեւ Դրոն:

«Դրոն, - վերհիշում է Վահան Աֆրիկյանը, - նկարագրելով այդ վիճակը (նկատի ունի Կարսի եւ Ալեքսանդրապոլի անկումից հետո երկրում ստեղծված վիճակը - Հ. Գ.) ասում էր.

«Ծանր կոշմարի տակ գլուխներս կորցրած, Արամի գրասենյակից դուրս գալով, Արամը, ես եւ Երեւանի յայտնի վաճառական, Հասարակական գործիչ Յովհաննէս Մելիքեանը, մտանք զբօսավայր, շարունակելով մեր խորհրդակցութիւնը: Ես առաջարկեցի հրահանգել սպայակոյտին անմիջապէս բանակը ուժեղացնել եւ բաժանել երկու մասի՝ Սարդարապատի եւ Բաշ-Ապարանի: Այնուհետեւ կտրուկ միջոցների դիմել, թույլ չտալ Երեւանի Ազգաբնակչութիւնը տեղից շարժուելու, անգամ շարժուողին գնդակահարելու որոշումով, որպէսզի կոտուղ զինուորը զգայ, որ Երեւանը կանգուն է եւ իրեն նահանջելու տեղ չկայ»²:

Նա ճիշտ էր ըմբռնել պահի լրջությունը: Երեւանի հանձնումը կարող էր կործանարար ազդեցություն գործել զինվորների մարտական, բարոյահոգեբանական տրամադրությունների եւ դեպքերի հետագա զարգացման վրա: Խորագետ զորապետի լրջությամբ գնահատելով Հայաստանում ստեղծված ռազմական իրավիճակը՝ Դրոն

¹ Արամը, մահուան յիսնամեակի առթիւ, Բէյրութ, 1969, էջ 506:

¹ Աստուածատուրեան Ա., Սարդարապատի պատմաշինութիւնը, Պէյրութ, 1966, էջ 32:

² «Ղայրենիք» օրաթերթ, 1956, ապրիլի 28:

պնդում է, որ անհրաժեշտ է առանց Երեւանը հանձնելու վճռական ճակատամարտ տալ Արարատյան դաշտավայրը ներխուժած թուրքական զորաբանակին: Նույն տեսակետն է պաշտպանում նաեւ Արամ Մանուկյանը:

Երեւան-Սարդարապատ ուղղութիւնում գործող Հայկական զորքերի հրամանատարութիւնը (հրամանատար՝ գեներալ Սիլիկյան) որոշ տատանումներից հետո վճռում է պահել Երեւանն ու ճակատամարտ սկսել Սարդարապատում:

Այդ որոշումը իրականացնելու վճռականութեամբ Դրոն Սիլիկյանի հետ էջմիածնից մեկնում է Երեւան՝ հանդիպելու Արամին:

«- Մենք որոշել ենք, կռիւ պիտի տանք Երեւանի փողոցների մէջ եւ մեր դիակները պիտի թափենք Երեւանի մէջ, - յայտնում է Դրոն:

- Ես էլ ձեզ խօսք եմ տալիս, որ էջմիածնում կը մեռնեմ, - միւս կողմից աւելացնում է զօրաւար Սիլիկեանը»¹:

Վիճակն արդեն զցված էր, Արամը վաղօրոք լի էր հաստատակամութեամբ հօգուտ ճակատամարտի:

Ժողովրդի եւ զինվորների ոգին բարձրացնելու նպատակով մայիսի 21-ին Երեւանի Հայոց Ազգային Խորհուրդը արդեն հրապարակել էր հետեւյալ կոչը.

«Երեւանի ամբողջ Հայ ժողովուրդը վճռել է դիմադրել:

Դիմում ենք բոլոր Հայ սպաներին, որպէսզի նրանք գան եւ կամաւորական խմբերի գլուխն անցած ընդառաջն թշնամուն:

Ովքեր ցանկանում են ղեկաւարի, առաջնորդի դեր ստանձնել, թող դիմեն Երեւանի Ազգային Խորհուրդ հէնց այսօրուանից:

Երեւանի Հայոց Ազգային Խորհուրդ

21 Մայիսի 1918 թ., Երեւան»²:

Երեւանի Ազգային Խորհրդի հրապարակած կոչին զուգահեռ՝ ժողովրդին «Հայեր, շտապեցէք Հայրենիքն ազատելու» ուղերձով դիմում է նաեւ Երեւանյան զորախմբի հրամանատար, գեներալ Սիլիկյանը: Իր ուղերձում կարեւորելով տվյալ բախտորոշ ժամանակահատվածում գեներալի դիմելու հույս կարեւորութիւնը՝ գեներալ Սիլիկյանը նշում է.

« Հայեր,

Ժամանակը չէ դանդաղելու: Բոլոր մինչեւ յիսուն տարեկան հասակ ունեցողները պարտաւոր են զէնքի տակ գալու, եւ ես պահան-

ջում եմ բոլորից ներկայանալ իրենց զէնքերով ու փամփուշտներով Հայրենիքի պաշտպանութեան համար:

Հայուհիներ,

Յիշե՛ք 5-րդ դարու փափկասուն տիկնանց, որոնք ոգեւորեցին իրենց ամուսիններին դէպի Մեծ Գործը անմահ Վարդանի կռիւների ժամանակ, հետեւեցէ՛ք նրանց օրինակներին, եթէ չէ՛ք ուզում, որ Ձեր պատիւը ոտնակոխ լինի, խրախուսեցէ՛ք նրանց եւ արհամարհէ՛ք այն վախկոտներին, որոնք զանազան պատրուակներով խուսափում են ճակատ գնալուց: Հաւաքեցէ՛ք նրանց համար ռազմամթերք, հաց, չոր եւ ուրիշ մթերքներ...

Խորին կերպով համոզուած եմ, որ այս իմ կոչը անարձագանք չի մնայ եւ երկու օրուայ ընթացքում կը կազմակերպուի մի այնպիսի քաջարի զօրաբանակ, որին կը յաջողուի վաճառել թշնամուն Հայրենի հողի սահմաններից եւ ապահովել Հայ ժողովրդի գոյութիւնը:

Յանուն բազմաշարժար Հայ ժողովրդի Ֆիզիկական գոյութեան,

Յանուն ոտնակոխ եղած ճշմարտութեան,

Ուտքի կանգնեցէ՛ք: Դէպի գործ, դէպի սրբազան պատերազմ...»¹:

Երեւանի Ազգային Խորհուրդն ու Երեւանում կազմավորվող Հայկական բանակային կորպուսի 2-րդ դիվիզիայի հրամանատարութիւնը, ի դեմս Արամ Մանուկյանի, գեներալ Մ. Սիլիկյանի ու Դրոյի, այդ օրերին առավելագույն ջանքեր էին գործադրում Հայոց աշխարհի վերջին փոքրիկ հողակտորն ու մայրաքաղաքը պաշտպանելու եւ թշնամուն ջախջախելու ուղղութեամբ:

Ռազմաճակատից ստացվող տեղեկութիւններից պարզվում է, որ Երեւանին սպառնում էր ոչ միայն Սարդարապատի ուղղութեամբ հարձակվող թուրքական բանակը: Հայկական բանակային կորպուսի 1-ին դիվիզիայի (հրամանատար՝ գեներալ Արեշյան)՝ Ալեքսանդրապոլից Ղարաքիլիսա նահանջելը թուրքական զորքերի հրամանատարութեանը հնարավորութիւն է ընձեռում 9-րդ դիվիզիայի ուժերով մայիսի 20-ին գրավել Համամու (Սպիտակ) կայարանը եւ ապա չհանդիպելով որեւէ լուրջ դիմադրութեան, դեպի Երեւան հարձակումը զարգացնել Ապարան-Նոյվարդ կամ Ապարան-Աշտարակ ուղղութեամբ:

Մայիսի 21-ին գեներալ Սիլիկյանը իր գլխավորած զորամասերին տրված հրամանում նշում է. «Հակառակորդը ընդհատել է խաղաղ բանակցութիւնները եւ դիմել է հարձակման Հայկական կորպուսի ողջ ռազմաճակատով»²:

¹ Նույն տեղում:

² Սարդարապատ, Բաշ-Ապարան, Ղարաքիլիսա, Երեւան, 1998, էջ 25:

¹ Նույն տեղում, էջ 29:

² ՀԱԱ, ֆ. 204, ց. 1, գ. 43, ք. 8:

Ի տարբերություն Սարդարապատի եւ Ղարաքիլիսայի, ուր այդ օրերին կենտրոնացվել էին Հայկական բանակային կորպուսի առաջին եւ երկրորդ դիվիզիայի զորազնդերն ու մի շարք այլ զորախմբեր, Բաշ-Ապարանի ուղղությունում մինչեւ մայիսի 23-ը լիարժեք կանոնավոր զորամասեր դեռեւս չեն եղել: Հայկական բանակի հրամանատարությունը ռազմաճակատի այդ հատվածում հակառակորդի գործողություններին իրագեկ լինելու, հետախուզություն անցկացնելու, իսկ անհրաժեշտության դեպքում նաեւ բնակչության ինքնապաշտպանությունը կազմակերպելու նպատակով Բաշ-Ապարանի ճակատ է ուղարկում Սեդրակ Զալալյանի եւ Արսեն Տեր-Պողոսյանի (Բաֆֆու «Խենթ») վեպի հերոս Վարդանի (Խենթի)՝ Սամսոն Տեր Պողոսյանի որդին-Ղ.Գ.) գլխավորած մարտական խմբերը:

Առանձին փոքր ընդհարումներ թուրքերի հետախուզական առաջապահ ջոկատների հետ քրդական Ղոնդախսազ գյուղի ու նրա հարեւանությունում գտնվող Ճըլիգոլի մերձակա բարձունքներում մղել են Մելիքգյուղի եւ Դանագիրմազի (Նիգավան) ինքնապաշտպանական փոքրաքանակ ջոկատները՝ Սարգիս Պողոսյանի (Տեր Տաճատ) եւ Հարություն Գրիգորյանի (Մելիքգյուղացի Արսենի Արթեն) գլխավորությամբ: Կարելի է ասել, որ ինքնապաշտպանական այդ փոքր մարտերը Բաշ-Ապարանի հերոսամարտի նախերգանքներն էին:

Հաղթահարելով մի քանի տասնյակի հասնող աշխարհագրորայինների դիմադրությունը՝ թուրքերը շարժվում են դեպի Բաշ-Ապարան:

Մինչեւ թուրքերի՝ Բաշ-Ապարանին մոտենալը՝ Սեդրակ Զալալյանն ու Արսեն Տեր-Պողոսյանը գավառապետ ալիբուզակցի Մաթեոս Հովհաննիսյանի եւ տեղի բնակչության գործուն աջակցությամբ հաշված օրերի ընթացքում հասցնում են կազմակերպել ինքնապաշտպանական աշխարհագրորային մարտախմբեր եւ լուրջ դիմադրություն ցույց տալ թուրքական Զոր դիվիզիայի առաջապահ զորաջոկատներին: Առաջին լուրջ բախումները տեղի են ունեցել «Դավաթոյին» կոչվող տեղամասի բարձունքներին, Քասախ գետին հարող բլուրներին եւ Արագածի լեռնալանջերին, որտեղով անցել են աշխարհագրորայինների պաշտպանական առաջին դիրքերը: Դավաթոյնի պաշտպանական բնագծերից անմիջապես հետո Ապարանին մերձակա բլուրներով, Քասախ գետի բարձրադիր ափին գտվող Մուլքի գյուղից դեպի արեւմուտք մինչեւ Ապարանի բերդ, Արագածի փեշերի բարձունքները, անցել է պաշտպանական երկրորդ գիծը:

Մինչեւ մայիսի 23-ը Հայկական բանակի կանոնավոր զորամասերի բացակայության պայմաններում թուրքերի դեմ կռվել են

Սեդրակ Զալալյանի, Արսեն Տեր-Պողոսյանի գլխավորած մարտախմբերը եւ նրանց գործուն մասնակցությամբ կազմակերպված Ապարանի, Արագածի, Նիգավանի, Մելիքգյուղի, Քուչակի, Քասախի (Չամուլու), Վարդենիսի եւ մյուս գյուղերի աշխարհագրորայինները:

Բաշ-Ապարանի ուղղությամբ թուրքական զորքերի առաջխաղացումը հայտնի է դառնում հայկական բանակի հրամանատարությունը, բայց դեռեւս պարզ չէր հարձակվող զորամասի կազմն ու ուժերը՝ գումարտակ էր, գունդ է, թե դիվիզիա:

Մայիսի 23-ին Հայկական բանակային կորպուսի հրամանատար գեներալ Նազարբեկյանը ռազմաճակատից հեռագրում է Հայոց Ազգային Խորհրդին.

«... Ստացվել է հաղորդագրություն Բաշ-Ապարանի եւ Ղարաքիլիսայի ուղղությամբ թուրքական զորքերի մասին:

Գեներալ Միրիկյանը հաղորդում է Սարդարապատի ուղղությամբ իր հարձակման մասին, որն առայժմ ընթանում է հաջողությամբ¹:

Բաշ-Ապարանի ճակատում թուրքերի հայտնվելը կրկնակի սպառնալիք է ստեղծում Երեւանի համար: Մայրաքաղաք տանող հյուսիսային դարպասները բաց էին: Ի պատիվ Հայկական զորքերի հրամանատարության, պիտի ընդգծել, որ նա կարողանում է ճիշտ ժամանակին նկատել ու գնահատել Ապարանի ուղղությամբ Երեւանին սպառնացող մահացու վտանգը:

Հաշվի առնելով ռազմաճակատում ստեղծված տագնապալի իրավիճակը՝ Երեւանյան զորախմբի հրամանատար, գեներալ Միրիկյանը Հայկական բանակային կորպուսի հրամանատարության համաձայնությամբ, Երեւանյան ուղղությունից Բաշ-Ապարանի ճակատ է ուղարկում մի քանի զորամասեր: Ռազմաճակատի Ապարանյան ուղղության հայ զորազնդերի հրամանատարությունը վստահվում է Դրոյին:

Ինչպիսի մարտական ուժերից էր կազմված Դրոյի Ապարանյան զորախումբը: Գեներալ Նազարբեկյանին հասցեագրված նամակներից մեկում անդրադառնալով այս հարցին՝ գեներալ Միրիկյանը գրում է.«Երեւանյան զորամասը բաժանված է երկու զորախմբերի.

1. Գնդապետ Փիրուժովի զորախումբը Սարդարապատի ուղղությամբ: Այդ զորախմբի խնդիրն էր կանգնեցնել թուրքերի հարձակումը եւ անցնելով հարձակման՝ հետ շարտել հակառակորդին Արփաչայից արեւմուտք:

2. Դրոյի զորախումբը (երկու գումարտակ, երկու լեռնային հրանոթ եւ հեծյալ պարտիզանական գունդ) պետք է հարձակվեր Աշտա-

¹ ԳԴԱ, քիւ 503.թժ. 16, գ. 6, էջ 19-20

րակ-Բաշ-Ապարան խճուղիով եւ գրոհելով Հետ շարտեր թուրքերին արեւմուտք»¹:

Երեւանյան զորախմբին 1918 թ. մայիսի 21-ին տրված իր թիվ 20 հրամանագրում գեներալ Սիլիկյանը նշում է. «Դրոյի հատուկ զորախմբին (պարտիզանական հեծյալ գունդ՝ չորս հարյուրակ, հայկական 2-րդ գունդը՝ երկու էսկադրոն, հայկական հրանոթային բրիգադին՝ երկու լեռնային հրանոթ)՝ արագորեն ուղեւորվել Ալի-Քուչակի շրջան մինչեւ հակառակորդի Հետ հանդիպելը եւ նրանց ուժերի գերակշռութեան դեպքում համառորեն կառչելով յուրաքանչյուր դիրքին՝ մարտերով դանդաղորեն նահանջել Աշտարակի ուղղութեամբ: Երեւանյան զորախմբի պետը գեներալ Սիլիկով»²:

Ի տարբերութիւն Նազարբեկյանին հասցեագրված նամակում եղած վկայութեան, Սիլիկյանի այս հրամանագրում չեն նշվում Երդ գնդի գումարտակները, որոնք Ղամարլուից (Արտաշատ) պետք է տեղափոխվեին Աշտարակ, ապա Ապարան:

Բաշ-Ապարանի ճակատամարտը բացառիկ տեղ է գրավում Դրոյի մինչ այդ միայն հաղթանակներով հագեցած մարտական հարուստ կենսագրութիւնում: Նա ոչ այնքան մեծ խանդավառութեամբ է ընդունում Բաշ-Ապարանի ճակատը ղեկավարելու որոշումը: Նա այդ օրերին հայկական զորահրամանատարութեանն, ավելի ստույգ՝ Երեւանյան զորախմբի հրամանատար գեներալ Սիլիկյանին է ներկայացնում հակառակորդին վերջնականապես ջախջախելու չափազանց համարձակ եւ բավական հետաքրքիր մի տարբերակ:

Նշելով այն նախադրյալից, որ Սարդարապատի ուղղութիւնում հայկական զորքերը քանակապես եւ որակով համարյա չէին զիջում հակառակորդին առաջարկում է չմասնատել ճակատում գտնվող զորագնդերը եւ հզոր, կենտրոնացված հարվածով ջախջախել թուրքական սարդարապատյան խմբավորումը, ապա հիմնական ուժերը տեղափոխել Բաշ-Ապարանի ճակատ եւ շրջապատել ու պարտութեան մատնել նաեւ թուրքական զորախմբերին: Նրա կարծիքով՝ մինչեւ Սարդարապատի հատվածում թուրքական զորքերին ջախջախելը, հայ աշխարհագրայինները եւ փոքրաթիվ կանոնավոր զորաջոկատները ի զորու կլինեին պաշտպանելու Ապարանի ճակատը: Նրա այդ պնդումը հիմնված էր նաեւ ռազմաճակատից ստացված այն ոչ ճիշտ տեղեկութեան վրա, ըստ որի Ապարանի ճակատում հարձակվում էին թուրքական միայն երկու գումարտակներ:

Իր մտահղացումը իրականացնելու նպատակով Դրոն առաջարկում է իրեն թողնել Սարդարապատի ուղղութիւնում: Սակայն գեներալ Սիլիկյանն արդեն ունեւր իր որոշումը:

«... Էստեղ, - պատմում է Դրոն, - մի վէճ ունեցանք Սիլիկեանի հետ: Ինձ ասում ա, քեզ նշանակում եմ Բաշ-Ապարանի հրամանատար: Մոխէյ Պավլովիչ (գեներալ Սիլիկյանի անունն ու հայրանունն է - Հ. Գ.), ուր ուզես կերթամ, մի բաժանիր բանակը: Թող ամբողջ ուժով յարձակուենք Սարդարապատից գալող բանակի վրայ, լաւ ջարդենք: Ի՞նչ տեղեկութիւն ունենք, մեզ տեղեկացնում են, թէ ընդամէնը երկու թարուրա (գումարտակ-Հ. Գ.): Նրանք եթէ Աշտարակ էլ իջնեն՝ կը ջարդենք»¹:

Տվյալ պարագայում պատերազմը շարունակելու Դրոյի մտահղացման կենսագործումը մեծ համարձակութիւն եւ պատասխանատվութիւն էր պահանջում: Իրոք, չափազանց վտանգավոր էր Երեւանի հյուսիսային դարպասի պաշտպանութիւնը թողնել միայն տեղի աշխարհագրի եւ փոքրաթիվ կանոնավոր զինաջոկատների հույսին: Օգտվելով իրենց ուժերի գերակշռութիւնից՝ թուրքական զորքերը կարող էին ընկճել Բաշ-Ապարանի պաշտպանների դիմադրութիւնը եւ արագորեն մոտենալով Երեւանին, շրջապատման օղակի մեջ վերցնել Սարդարապատի ճակատում գործող հայկական զորագնդերը:

Համաձայն գեներալ Ղորղանյանի գնահատման.

«... Զօր, Սիլիկեանը, սպառնալով Ալեքսանդրապոլի ուղղութեամբ թուրքերու կոնակին, իր կարգին կարող էր կտրուել Երեւանէն, եթէ Դրոյի ջոկատը չհասցնէր կանգնեցնել թշնամիի առաջխաղացումը»²:

Հաշվի առնելով դեպքերի զարգացման նման հնարավորութիւնը՝ Մ. Սիլիկյանը չի ընդունում Դրոյի առաջարկած տարբերակը եւ նրան ուղարկում է Բաշ-Ապարանի ճակատ:

Ա. Հարութիւնյանը իր հեղինակած «Թուրքական ինտերվենցիան Անդրկովկաս 1918 թ. եւ ինքնապաշտպանական կռիւները» մենագրութիւնում նկարագրելով հայ-թուրքական ռազմաճակատում տեղի ունեցող մարտական գործողութիւններն ու հայկական զորքերի հրամանատարութեան կենսագործած մարտավարութիւնը՝ գրում է . «Գեներալ Սիլիկովը հետախուզութեան օգնութեամբ արդեն տեղյակ էր, որ թուրքերի մյուս զորախումբը դեպի Երեւան է

¹ ՀԱԱ, ֆ. 121, ց. 1, գ. 35, ք. 17-23, էջ 3:

² Նույն տեղում:

¹ «Ղայրեմիք» օրաթերթ, 1956, մայիսի 27:

² «Ղայրեմիք» ամսագիր, 1928, քիւ 5, էջ 125:

չարժվում Բաշ-Ապարանի կողմից, ուստի հաշվի է առնում գործի նաև այդ կողմը: Նա առանձնացրեց Երդ հրաձգային գունդը (հրամանատար՝ գնդապետ Դոլուխանով), պարտիզանական հեծյալ գունդը (հրամանատար՝ գնդապետ Զալինով) և գնդապետ Սիլիևի սահմանապահ գումարտակը:

Այս խմբի մարտական խնդիրն էր՝ ուժեղ հակազորահանրի միջոցով ետ շարժել թշնամում Բաշ-Ապարանի մոտից»¹:

Ա. Հարությունյանը, որի հեղինակած վերոհիշյալ մենագրությունում պատմական հիշյալ ժամանակահատվածը, մասնավորապես Մայիսյան հերոսամարտերը ներկայացնող լավագույն պատմագիտական աշխատությունը, այս հարցում այնքան էլ անկողմնակալ չէ: Հիշատակելով գնդապետներ Դոլուխանովին, Զալինովին, Սիլիևին և նրանց հրամանատարությունները: Ապարանի ճակատ մեկնող զորամասերը՝ նա ինչ-ինչ նկատառումով չի նշում Ապարանյան զորախմբի հրամանատարի՝ Դրոյի անունը: Նկատվում է, որ Ա. Հարությունյանը խուսափում է հիշատակել ոչ կազրային զինվորականների, հայ ազգային ազատագրական պայքարի այն գործիչների, անգամ ակնավոր, անունները, որոնք Հ. Յ. Դաշնակցության անդամներ էին: Օրինակ, Արամ Մանուկյան, Վահան Փափազյան (Կոմս), Ռուբեն Տեր-Մինասյան և Հայոց Ազգային Խորհրդի անդամներ և այլոք:

Բացի դրանից, մայիսի 23-ին Ապարանի ճակատ մեկնած զորախմբի կազմում, թվակազմով ամենամեծ զորմասը եղել է գնդապետ Կորոլկովի 650 մարտիկներից բաղկացած պարտիզանական հեծյալ գունդը: Դոլուխանովի Երդ գնդի չորս գումարտակներից առաջին օրը Ապարանի ճակատ է մեկնել ընդամենը մեկ գումարտակ: Գնդապետ Դոլուխանովի 2-րդ հեծյալ գունդը իր կազմում ունեցել է ընդամենը 100 զինվոր, իսկ գնդապետ Սիլիևի գումարտակը Ապարանի ճակատ է տեղափոխվել մայիսի 26-ին:

Ճակատամարտի ժամանակ գնդապետ Զալինյանը զուգահեռաբար գլխավորել է Ապարանյան զորախմբի շտաբը:

Դրոն Բաշ-Ապարանի ճակատն է մեկնում համեմատաբար փոքրաթիվ ուժերով: Նրա գլխավորած զորամասի ամենահզոր մարտական ուժը՝ պարտիզանական գունդը, Սիլիևյանը պահում է Սարդարապատի տեղամասում:

Բաշ-Ապարանի զորախմբի մարտական կազմի մասին գեներալ Մ.Սիլիևյանի նամակում և հրահանգում արդեն նշվել է: Այս հար-

ցում գեներալ Մ. Սիլիևյանի տեղեկությունները ավելի է որոշակիացնում Մարտիրոս Աբրահամյանի հետեւյալ վկայությունը.

«Մեր ուժերն էին

Պարտիզանական հեծեալ գունդը - չորս հարիւրեակ - շուրջ 650 թուով սուր, գնդ- Զալինեանի գնդից՝ 100 սուր, Արամի մոտ եղած ճիւղերը պարանցի Մաթէոսի՝ գլխավորութեամբ 20 սուր, հետեւակ Երդ գնդից մէկ գումարտակ՝ շուրջ 300 սուր, ապարանցի Սէթոյի (չամուկեցի Սեդրակ Զալալյան - Հ.Գ.) տեղացի ճիւղերը՝ 30-35 սուր... մօտաւորապէս 800 սուր և 300 սուր, չհաշուած տեղացիներից կազմակերպուած 1000 հոգանոց հետեւակազօրը»²:

Պարտիզանական հեծյալ գնդի հրամանատարն էր գնդապետ Կորոլկովը, նույն գնդի չորս հարյուրակների հրամանատարներն էին Մարտիրոս Աբրահամյանը, Կուռո Թարխանյանը, գանձակեցի Զեմլյակը (Արտեմ Նանուկյան) և Սերյոժա Փիրումյանը: Երկրորդ հեծյալ գնդի հրամանատարն էր գնդապետ Զալինյանը, իսկ հետեւակային Երդ գնդի հրամանատարը՝ գնդապետ Դոլուխանյանը, հրետանային մարտկոցինը՝ Սուլթան-Շահը:

Թվարկված վերոհիշյալ մարտական ուժերին Ապարանի ճակատում նրանց են միանում Սեդրակ Զալալյանի և Արսեն Տեր-Պողոսյանի գլխավորած աշխարհազորային մարտախմբերը:

Մի փոքրիկ, բայց էական պարզաբանում:

Անդրադառնալով Բաշ-Ապարանի ուղղությունում ինքնապաշտպանության կազմակերպման «իրողություն» վերլուծությանը, Հ.Թուրչյանն իր «Սարդարապատի հերոսամարտը» աշխատությունում գրում է. «Բաշ-Ապարանի ճակատում, որտեղ ոչ մի կազրային հայ զորք չկար, դիմադրությունն, ինչպես արդեն ասել ենք, սկսել էին Քյուլուջա (ներկայիս Վարդենիս - Հ.Գ.) գյուղը հավաքված աշխարհազորայինները՝ տեղացիներ կոմունիստ Դավիթ Մեխիբեթյանի և Մաթեոս Հովհաննիսյանի ղեկավարությամբ: Մայիսի 23-ին իրենց խմբերով նրանց օգնության են հասնում Արսեն աղան (Տեր-Պողոսյան) և Սեթոն (Սեդրակ Զալալյան)»³:

Մանոթանալով Թուրչյանի կողմից Բաշ-Ապարանի ինքնապաշտպանության կազմակերպմանը տրված գնահատականին, բնականո-

¹ Ապարանցի Մաթեոս (քուլակցի Մաթեոս Յովհաննիսյան), այդ ժամանակ Երեւանի Ազգային խորհրդի հատուկ հանձնարարություններ կատարող զորախմբի (զվարիայի) հրամանատարն էր ու միաժամանակ Ապարանի ցավառակի պատասխանատուն:

² Խմբապետ Մարտիրոս Աբրահամյան, Եզվ. աշխ., էջ 401:

³ Թուրչյան Յ., Եզվ. աշխ., էջ 163-164:

¹ Հարությունյան Ա., «Թուրքական Ինտերվենցիան Անդրկովկաս 1918 թ. և ինքնապաշտպանական կռիվները», Երևան, 1984, էջ 177:

րեն ծագում են հետեւյալ հարցումները, որոնց պատասխանը բացակայում է հիշյալ աշխատությունում:

1. Բացի հեղինակի կամքով կոմունիստ հորժրջված Դավիթ Մեխրսեթյանից եւ Մաթեոս Հովհաննիսյանից, ովքե՞ր էին իր իսկ կողմից թվարկված Բաշ-Ապարանի ինքնապաշտպանության մյուս կազմակերպիչները:

2. Ի՞նչ միջոցներով եւ ինչպե՞ս նրանց հաջողվեց մեկ երկու օրվա ընթացքում զինել եւ կազմակերպել տեղի աշխարհազորային զինաջոկատներին, որոնք կարողացան մինչեւ հայկական կանոնավոր զորամասերի ճակատ հասնելը դիմագրավել եւ կասեցնել թուրքական մի ամբողջական կանոնավոր դիվիզիայի հարձակումները:

Ամենեւին չնպատակադրվելով թերագնահատելու Բաշ-Ապարանի ինքնապաշտպանության կազմակերպման գործում ապարանցի աշխարհազորայինների հերոսական գործողությունները, այնուամենայնիվ, հարկ է նշել, որ Թուրքյանի վերահիշյալ պնդումներում ակնհայտ է դեպքերի ու փաստերի անիրագվելություն եւ միտումնավոր խեղաթյուրում:

Կոմունիստ պատմաբանը Բաշ-Ապարանի հերոսամարտի կազմակերպմանը վերագրելով բացառապես ժողովրդական ընույթ, ընթերցողից թաքցնում է, որ իր թվարկածներից Սեթոն (Սեղրակ Զաւայան) եւ Արսեն աղան (Սամսոն Տեր-Պողոսյան - Զ. Գ.) Զ. Յ. Դաշնակցության անդամներ էին, որոնք իրենց մարտական խմբերով այդ ուղղությունում էին գտնվում Երեւանի Հատուկ կոմիտեի, Արարատյան ռազմաճակատի հրամանատարության եւ անձամբ Արամ Մանուկյանի գիտությունը ու հրահանգով:

Վկայակոչենք Զ. Թուրքյանի հիշատակածներից մեկի՝ Սեթոյի հուշագրությունից մի հատված.

«Երբ տաճիկները սկսեցին առաջանալ Ղարսի վրայ եւ ներսից թուրք ազգաբնակչութիւնը սպառնական դիրք բռնեց դէպի նորակազմ հայկական կառավարութիւնը- էջմիածնում Ազգային Խորհուրդը հրաւիրեց ինքնապաշտպանութեան խորհուրդ Սիլիկեանի նախագահութեամբ: Այդ խորհուրդը ինձ առաջարկեց կազմակերպել կամաւորական մի զօրամաս: Որոշեց լիազօրութեան սահմանները եւ հրահանգեց էջմիածնի գաւառի քաղաքացիական հիմնարկութիւններին ենթարկուել իմ կարգադրութիւններին ինքնապաշտպանութեան վերաբերեալ բոլոր հարցերում: Սիլիկեանի տուած հրահանգների մի մասն էին միայն կատարել, երբ տաճիկները գրաւեցին Ղարսը եւ սպառնում էին Ալեքսանդրապոլին: Արամը հեռագրեց

ինձ, դադարեցնել գործողութիւնները, որպէսզի տաճիկներին առիթ չը տանք մեր ներքին գործերին խառնուելու: Միաժամանակ հրահանգեց ուժեղացնել իմ զօրամասը թէ մարդկանցով եւ թէ ռազմամթերքով: Ալեքսանդրապոլից ինձ ուղարկեցին 4 գնդացիք եւ այլ ռազմամթերք եւ հրահանգեցին միշտ պատրաստ սպասել Նազարբեգեանի հրամանին: Այնինչ Ալեքսանդրապոլը անսպասելի կերպով պարտուեց եւ մեզ ոչ մի հրահանգ չը տրուեց: Այդ ժամանակ ինքնազուլի մենք դիմադրեցինք Ալեքսանդրապոլից առաջացող տաճիկներին, նոյնիսկ հակառակ գեներալ Սիլիկեանի կամքին, մինչեւ որ Արամը որոշեց զօրք ուղարկել Ապարանի սահմանները դիմադրելու համար»¹:

Քանի որ մինչեւ Բաշ-Ապարանի տարածքում թուրքական Գրդ դիվիզիայի հայտնվելը մարտական գործողությունները գլխավորապես ընթանում էին Արարատյան դաշտում, գեներալ Սիլիկյանի գլխավորած ռազմական շտաբը եւ Արամ Մանուկյանը, հեռատեսութեան գնահատելով Բաշ-Ապարանի կողմից մայրաքաղաքին սպառնացող իրական վտանգը, այդ ուղղություն են ուղարկում վերոհիշյալ գործիչներին: Եվ նրանք իրենց մարտական խմբերի աջակցությամբ կարողանում են ի հաշիվ Ապարանի գյուղերի բնակչության, կազմակերպել ինքնապաշտպանական ջոկատներ, որոնք անգնահատելի ծառայություն մատուցեցին Բաշ-Ապարանի ճակատամարտի ողջ ընթացքում:

Երեւանում հրատարակվող «Ձանգ» լրագիրը պատշաճ իրատեսությամբ արժեւորելով Բաշ-Ապարանի ճակատամարտում Ապարանի զավառակի շխարհազորայինների ինքնապաշտպանական մարտերի նշանակությունը՝ գրում է. «Մարդկային տուած այն զոհերը, որ ունեցաւ այս պատերազմում Աբարանը, մի գրաւական են նրա արիութեան ու տոկունութեան եւ այն հերոսական կոիւները, որ ժողովուրդն ինքը առանց որեւէ դրսի ուժի, քաջաբար կազմակերպեց ու տուեց Բաշ-Աբարանի կողքերում ընկած բարձունքների վրա, մինչեւ կանոնաւոր ուժի առաքումը, տաճիկների հետ շարտումը դէպի Միլիքէնդ՝ փայլուն ապացոյցներ են նրա հայրենասիրութեան եւ քաջութեան»²:

Դրոն իր գորախմբով Բաշ-Ապարանի ճակատ է հասել մայիսի 23-ի երեկոյան՝ մայրամուտից 1-2 ժամ առաջ: Ավելի ստույգ, որպես առաջապահ ուժ, այդ նույն օրը, նույն ժամին առաջինը Բաշ

¹ ԳՅԴ ԿԱ, թժ. 16, գ. 5, էջ 3:

² «Ձանգ», Երեւան, 1918, սեպտեմբերի 24:

Ապարանի ճակատ է հասել հայկական Երդ գնդի պողպորուչիկ Մամիկոն Իսահակի Տեր-Սարգսյանի (ծնվել է Ելիզավետապոլի նահանգի էրքեջ գյուղում (ներկայիս Շահումյանի շրջան)-Հ. Գ.) գլխավորած 4-րդ վաշտը¹:

Վաշտի հրամանատարի վկայությունը, Բաշ-Ապարանի ճակատում մարտնչող Դրոյի գլխավորած զորախմբի գլխավոր հարվածային ուժը՝ Երդ գնդի վաշտերը գինված էին «...երեք գլխանի ֆրանսիական «Լեբել» սիստեմի հրացաններով, սակայն առանց սվինների, իսկ գնդացրորդները, հետախույզները և հրետանայինները ռուսական կարաբիներով: Գնդացրային մեկ կոմանդան գինված էր ռուսական սիստեմայի «Մակսիմ» ծանր գնդացիրներով, իսկ մյուսը՝ անգլիական «Վիկերա» սիստեմայի եռոտանի գնդացիրներով»²:

Զորախմբի հայտնվելը ճիշտ ժամանակին էր: Այդ օրը աշխարհագրորայինները չափազանց ծանր ու համառ մարտեր էին մղել: Քաջաբար դիմադրելով հրանոթների և գնդացիրների աջակցությամբ հարձակվող թուրք զորաշուկատների գրոհներին՝ աշխարհագրորայինները, տեղի տալով հակառակորդի գերակշռող ուժերին, հարկադրված նահանջել են պաշտպանության երկրորդ բնագիծ: Թուրքերը՝ շրջանցելով Ապարանը և հարձակումը զարգացնելով երկու ուղղությամբ, փորձել են թեւերից տեղացող հարվածներով ընկճել աշխարհագրորայինների դիմադրությունը:

Պատմում է Երդ գնդի 4-րդ վաշտի հրամանատար՝ վերոհիշյալ պողպորուչիկ Մամիկոն Իսահակի Տեր-Սարգսյանը. «Մայիսի 23-ին, ժամը երկուսին վաշտը Աշտարակից դուրս եկավ դեպի Բաշ-Ապարան... Գումարտակը շարժվում էր Բաշ-Ապարան տանող խճուղով, իսկ գնդի հետախույզները մեզանից դեպի Ղարաքիլիսա (Կիրովական) ընկած բարձունքների վրա էին՝ անտառի փեշով քողարկված...»

Երբ բավականին մոտ էինք Բաշ-Ապարան գյուղին, պարզվեց, որ թշնամու հեծյալ՝ հետախույզները թվով 15-20 հոգի մտել են գյուղը և սկսել են հավերի որսը... Թշնամու հետախույզների հավերով զբաղվելը վաշտին հնարավորություն տվեց աննկատելի կերպով մոտենալ փոքր մասերով գյուղից դեպի հարավ-արեւելք Արագածի փեշերից կախված լեզվակին և ամրանալ նրա վրա... Դեռ չէինք հասցրել անգամ ստուգելու յուրաքանչյուր գինվորի ընտրած բնակեցի ապահովությունը թշնամու կրակից, երեւաց թշնամին: Նա շարժվում էր խճուղով դեպի Բաշ-Ապարան:

¹ Տե՛ս ՀԱՍ, ֆ. 403, ց. 1, գ. 40, ք. 11-12:

² Նույն տեղում, ք. 2-3:

Թշնամու զորասյունի գլուխը մոտենում էր մեզ, իսկ պոչը պերեվալից չէր կտրվում: Վաշտի քանակը, նրանց արանքներում շարժվող գնդացիրները՝ ձիերու վրա և հրանոթները ապացույց էին, որ շարժվողը գուճո էր:

Օրը վերջանալու վրա էր: Թշնամուն պետք է թույլ տայինք մոտենալու մեզ մինչեւ 150-200 քայլ և նոր միայն 160-170 հրացանից և երկու ծանր գնդացիրներից հանկարծակի կրակ թափենք թշնամու գլխին:

... Վաշտի հանկարծակի կրակը մեխեց թշնամուն տեղում, մի քանի ռոպե նրանք քարացած գլորվում էին գետին և վերջը խելքի գալով տեղից շարժվեցին:

... 10-15 ռոպե անց միայն նրանց հետին ստորաբաժանումներից բացազատվեցին երկու վաշտ խճուղով աջ և ձախ ու սկսեցին հարձակվել մեր ուղղությամբ¹:

Բաշ-Ապարանի ուղղությամբ հայկական կանոնավոր զորամասերի հայտնվելը թուրքերի համար անսպասելի էր: Մայիսի 23-ի երեկոյան հայկական զորամասերի հարվածներից հանկարծակի եկած թուրքերը՝ տալով զգալի կորուստներ, այնուամենայնիվ, կարողացել են վերախմբավորել իրենց ուժերը և գնդացիրների ու թնդանոթների կրակի աջակցությամբ ստիպել հայկական ուժերին նահանջելու դեպի Արագածի լանջերը:

«Զյունոտ փեշերին չհասած, շարունակում է պողպորուչիկ Տեր-Սարգսյանը, թշնամին գրավեց մեր թողած լեզվակը, և մուխը ընկավ»²:

Ըստ պողպորուչիկ Տեր-Սարգսյանի՝ մայիսի 24-ի դրությամբ հայկական մարտական ուժերը Բաշ-Ապարանի ռազմաճակատում տեղաբաշխվել են հետեւյալ դասավորությամբ. « Լեւինական տանող խճուղուց ձախ մինչեւ Արագածը ներառյալ տրված էր Երդ գնդին, որի հրամանատարն էր պոլկովնիկ Դյուլխանովը (հայ), աջ թեւը Ալիքուչակ գյուղից դեպի Ղարաքիլիսա (Վանաձոր) ընկած անտառապատ բարձունքները՝ հանձնված էին հեծելազորայիններին, որոնց հրամանատարներն էին պոլկովնիկներ Զալինովը (հայ) և Կորոլովը (ռուս), իսկ նրանց և Երդ գնդի արանքում պետք է գործեին մնացած խմբերը»³:

Մայիսի 23-ի երեկոյան տեղի ունեցած մարտերը դեռեւս բավարար պատկերացում չէին կարող տալ թուրքական զորամասերի քա-

¹ Նույն տեղում, ք. 12-13:

² Նույն տեղում:

³ Նույն տեղում:

նակի, նրանց գինվածութան Հագեցվածութան եւ մարտական պատրաստվածութան ու որակների մասին:

Ձորախմբերի եւ արդեն նրան միացած աշխարհագրոբայինների անելիքները ավելի որոշակիացնելու, հաջորդ օրվա մարտական խնդիրները մշակելու համար Դրոն գումարում է գինվորական խորհրդակցություն:

«Մայիսի 23-ից 24-ը, - գրում է պողպորուչիկ Տեր-Սարգսյանը, - գիշերը տեղի է ունենում բարձրաստիճան հրամանատարների խորհրդակցություն Դրոյի գլխավորությամբ, որտեղ ընդունվում են որոշումներ մայիսի 24-ի անելիքների մասին: Տրվում են կոնկրետ խնդիրներ»¹:

Քանի որ Ապարանյան զորախմբի հրամանատարության շրջանում դեռեւս տիրում էր այն նախկին կարծիքը, ըստ որի իրենց ռազմաճակատում կռվում էին ընդամենը թուրքական երկու գումարտակներ, ապա որոշվում է ուժերի անհրաժեշտ վերախմբավորում կատարելուց հետո անցնել հարձակման, դրանով իսկ ժամանակ շահել, մինչեւ մյուս զորախմբերի տեղ հասնելը: Քանի որ զորամասերն իրենց թվակազմով այնքան էլ բազմամարդ չէին, ապա որոշվում է այն համալրելի հաշիվ աշխարհագրոբայինների:

Սեդրակ Զալալյանի վկայությամբ «Երբ Դրոն զօրքով եկաւ Աբարան, իմ 1200 զինուորներից (նկատի ունի աշխարհագրորդ - Ն.Գ.) վերցրեց 700 հոգի, լրացրեց ուրիշների զորամասերը, իսկ 500 զինուորներ ու իմ 4 գնդացիները թողեց իմ հրամանի տակ»²:

Ի հաշիվ աշխարհագրոբայինների համալրելով սակավաթիվ զորավաշտերի մարտաշարքերը՝ Ապարանյան զորախումբն անմիջապես դիմում է մարտական գործողությունների³:

Իսկ ընդամենը երկու օր անց գեներալ Մ. Սիլիկյանի շտաբին հայտնի է դառնում, որ Բաշ-Ապարանի ուղղությամբ թուրք հրամանատարությունն արդեն կենտրոնացրել էր լրացուցիչ մարտական ուժեր:

«Հավաստի տեղեկությունների համաձայն, - մայիսի 25-ի թվագրված 22 հրամանում նշում է գեներալ Սիլիկյանը, - մայիսի 23-ի երեկոյան Բաշ-Ապարանից հյուսիս-արեւմուտք Գյոզդարայի, Կիրխի, Դագերմանի, Հաջի-Նախլի շրջանում հայտնվել են 106 գնդի երեք գումարտակներ երկու հրանոթներով»⁴:

«Հայերի մասնակցությունը համաշխարհային պատերազմի ժամանակ Կովկասյան ճակատում» գրքում նույնը հաստատում է գեներալ Գ. Ղորղանյանը: Նրա վկայությամբ՝ «Արդէն մայիսի 23-ին Բաշ-Ապարանի շրջանին մէջ Երեւան հանուած էր Գ. Թուրքական զօրաբաժինը, որը՝ Ա. Հայկական զարկորդաց զօրաբաժնի մասերը Լարաքիլիսէ նահանջելէ ետքը՝ կը յառաջանար Համամու կայարանէն:

Այսպէսով, զօրավար Սիլիկեանը, սպառնալով Ալեքսանդրապոլի ուղղութեամբ թուրքերու կոնակին, իր կարգին կարող էր կտրուել Երեւանէն, եթէ Դրոյի ջոկատը չկասեցնէր թշնամիի յառաջխաղացումը...»¹:

Անհրաժեշտ էր ժամանակ շահել, մինչեւ մյուս զորախմբերը տեղ կհասնեն: Ահա այդ նպատակով մայիսի 25-ին Դրոն եղած ուժերով հարձակվում է հակառակորդի վրա՝ հետ շարտելով թուրքերին, գրավում է Ապարանը, եւ զարգացնելով հարձակումը՝ հասնում մինչեւ եզրինների Ղոնդաղսազ գյուղը:

«Մայիսի 20-ին թէ 21-ին, - գրում է Մարտիրոսը, - թողնելով Սուրմալուն, 23-ին մենք արդեն Չամուլու գիւղումն էինք: Մայիսի 24-ին հետախուզութիւն է կատարուում դէպի Դանազիրմազը, իսկ 25-ին անցնում ենք յարձակման»²:

Մայիսի 25-ին Հայկական բանակային կորպուսի ռազմականայնից Հայոց Ազգային Խորհուրդը ստանում է հետեւյալ հեռագիրը. «Դրոն հարձակվեց եւ Բաշ-Ապարանի հյուսիսային կողմում ջախջախեց թուրքերին: Ղոնդաղսազ գյուղի մոտակայքում հեծելազորի (Կորուկովի հեծելազնդի Զեմլյակի գլխավորած հարյուրակ-Ն. Գ.) գրոհի հետեւանքով թրատված են 30 ասկյար եւ մեկ սպա»³:

Այս իրողությունը վերոհիշյալ գրքում հաստատում է նաեւ գեներալ Գ. Ղորղանյանը. «Մայիսի 24-ին Դրոն հասավ Ալիքուչակ գյուղը եւ շարունակելով առաջխաղացումը՝ մայիսի 25-ին հարձակվեց թուրքական 3-րդ դիվիզիայի առաջապահ զորքի վրա Բաշ-Ապարանի հյուսիսում: Այդ ճակատամարտի ընթացքում հեծելազորի 2-րդ ջոկատը Ղոնդաղսազ գյուղի մոտ շեշտակի հարձակվեց թշնամու վրա, որը կորցրեց 30 զինվոր եւ 1 սպա»⁴:

Մայիսի 25-ի Հայկական զորախմբերի ձեռնարկած հարձակման հաջողությունը չափազանց կարճատեւ էր: Թուրք հրամանատարությունը

¹ Նույն տեղում:

² ՀՀԳ ԿԱ, թ. 41, գ. 5, էջ 3:

³ Տե՛ս նույն տեղում:

⁴ ՀԱԱ, ֆ. 204, ց. 1, գ. 43, ք. 9-10, էջ 4:

¹ «Հայրենիք» ամսագիր, 1928, թիւ 5, էջ 125:

² Խմբապետ Մարտիրոս Աբրահամեան, նշ. աշխ., էջ 407-408:

³ ՀՀԳ ԿԱ, թ. 503, գ. 14, էջ 20:

⁴ «Հայրենիք» ամսագիր, 1928, թիւ 8, էջ 128:

նը՝ մարտադաշտ նետելով թարմ ուժեր, հաջորդ օրը՝ վաղ առավոտյան հուժկու հակազուհէ է ձեռնարկում հայկական զորախմբերի դեմ:

«Առաջին անգամ, - խոստովանում է Դրոն, - մի յարձակում գործեցինք, յաջող, բայց յաջող էլ ետ չպրտեցին մեզ...

էնպէս ետ չպրտեցին, որ Բաշ-Ապարանն էլ ձեռքիցս առանք¹:

Առաջին անհաջողութիւնը լավ դաս էր: Պարզվում է, որ Բաշ-Ապարանի ուղղութեամբ գործում են ոչ թե երկու գումարտակներ, ինչպես նախկինում կարծում էին, այլ թուրքական Գրդ դիվիզիայի ողջ զորագնդերը, իսկ թուրքական դիվիզիաները պատերազմական իրավիճակում, որպես օրենք, համալրված էին եւ բավականին լավ զինված:

Ապարանի ուղղութիւնում հայտնված Գրդ դիվիզիան մասնակցել էր 1916 թ. գարնանը տեղի ունեցած Գալլիպոլիի նշանավոր ճակատամարտին, որտեղ թուրքական բանակը կարողացել էր հաղթել անգլո-ֆրանսիական բանակին: Ճիշտ է, այդ դիվիզիան, որի հրամանատարը Գալլիպոլիի ճակատամարտի մասնակից գեներալ-լեյտենանտ, փորձառու էսադ փաշան էր, նախորդ մարտերում զգալի կորուստներ էր կրել, սակայն նրա կազմում մարտնչում էին մեծ թվով սպաներ ու զինվորներ, որոնք, անցնելով պատերազմի բովով՝ ձեռք էին բերել կռիվներ վարելու փորձառութիւն:

Չնայած այն հանգամանքին, որ Գալլիպոլիի նշանավոր ճակատամարտում թուրքական զորքերի հրամանատարները թուրք զինվորականներն էին, սակայն ճակատամարտը իրականում ղեկավարել են գերմանացի զինվորականները: Իսկ Գրդ դիվիզիայի հրամանատարը՝ գեներալ էսադ փաշան, նույնպես մասնակցել էր Գալլիպոլիի ճակատամարտին ու եղել է թուրքական զորքերի հրամանատարութեան գործողութիւնները համադրող գեներալ Փոն Սանդերսի մերձավորագույն օգնականը: Այնպես որ հանձին գեներալ էսադ փաշայի, Դրոն գործ ունեւր պատերազմի բովով անցած պրոֆեսիոնալ ու փորձառու զինվորականի հետ:

Ի՞նչ էր իրենից ներկայացնում թուրքական Գրդ դիվիզիան:

Մարտիրոս Աբրահամյանի հավաստեամբ՝ «Բաշ-Ապարանում կենտրոնացված էր մի զորամաս՝ Գ-10 հազար հոգուց բաղկացած: Նույն թվով տանկական ուժեր կային նաեւ Սարդարապատի եւ Ղարաքիլիսայի ճակատում»²:

Անդրադառնալով Ապարանյան զորախմբի առաջին հարձակողական գործողութեանը՝ գեներալ Նազարբեկյանը նշում է. «Դրոն

թուրքերի հետ առաջին հանդիպական մարտը տվել է Բաշ-Ապարանի մոտերքում: Չդիմանալով թուրքերի հարձակմանը՝ զորախումբը նահանջել է դեպի հարավ եւ դիրքավորվելով Ղազնաֆարի մերձակա բարձունքներում եւ քարանձավներում՝ կարգավորել է իր մարտական ուժերը եւ սպասել համալրման»¹:

Միաժամանակ, մյուս՝ Ղարաքիլիսայի եւ Սարդարապատի ուղղութիւններում ընթացող կռիվներում, ի տարբերութիւն Բաշ-Ապարանի ճակատի, մայիսի 26-ի դրութեամբ հաջողութիւնը առավելապես հայկական զորքերի կողմն էր: Մայիսի 27-ին Հայկական բանակային կորպուսի շտաբի պետ գեներալ Վիլինսկին իր պաշտոնական զեկուցագրում հաղորդում է. « Ալեքսանդրապոլի ուղղութեամբ մեր զօրքերը Ղչլաղի մօտ, կանգնեցնելով թշնամու առաջխաղացումը մայիսի 25-ին, որը գերիների ասելով, նպատակ ունէր Ղարաքիլիսայի գրաւումը, 26-ի առաւոտեան իրենք յարձակում գործեցին եւ թշնամու աջ թեւի յետէն անցան Գետդա-Մայմէի սարի վրայով, չնայելով տեղի անմատչելի դժուարութիւններին մեր յարձակումը յաջողութեամբ պսակուեց եւ երեկոյեան դէմ, յամառ կռուից յետոյ յետ մղուեց Հալի-Ղարալից եւ այն բարձունքները, որոնք գտնւում են այդ գիւղից դէպի արեւելք: Միաժամանակ յարձակման դիմեցինք եւ ճակատի ուղղութեամբ ուղիղ հարուածով գրաւեցինք 650-ի շրջանում ընկած բարձունքները: Մեր կողմից հետապնդած թշնամին փախուստի դիմեց...

Երեւանեան ուղղութեամբ մայիսի 26-ի վաղ առաւօտեան թշնամին գերազանց ոյժերով յարձակման դիմեց Բաշ-Աբարանի զօրամասի դէմ եւ ձախ թեւի կողմից եւ ձախ թեւից մեր թիկունքն էր անցնում: Որովհետեւ օժանդակ ուժեր դեռ չէին հասել եւ չկամենալով շրջապատուած լինել, մեր զօրամասը յետ նահանջեց Կազինաֆար-Ղարաքիլիսա գիւղի շրջանը, որտեղ միացաւ օգնութեան եկող զօրամասին: Նահանջի ժամանակ մենք թողինք մի թնդանօթ:

Սարդարապատի ուղղութեամբ թշնամու աջ թեւը սկսեց յետ նահանջել Արաքս կայարանից: Մեր զօրամասերը ճակատի ամբողջ ուղղութեամբ վճռական յարձակման դիմեցին»²:

Մայիսի 26-ին թուրքերը զարգացնելով ձեռք բերած հաջողութիւնը՝ հասնում են մինչեւ Ղազնաֆար-Ղարաքիլիսա, Ալիքուչակ եւ Չամուլու (Քասախ) գյուղերի մատուցները, ուր նրանց կազմ ու պատրաստ սպասում էին պորուչիկ Սահակյանի եւ գնդապետ Կորու-

¹ «Ղայրենիք» օրաթերթ, 1956, մայիսի 27:

² Խմբագետ Մարտիրոս Աբրահամեան, ԵՂ. աշխ., էջ 407-408:

¹ ՀԱԱ, ֆ. 204, ց. 1, գ. 43, ք. 9-10, էջ 4:

² Նույն տեղում:

կովի պարտիզանական հեծյալ, Կուռտ Թարխանյանի եւ բաշգառնեցի Մարտիրոսի զորավաշտերը:

«Մեր կռիւները,-գրում է Արշակ Զամայանը,-մայիսի 26-ին հասել էին իրենց գագաթնակէտին: Այդ օրը Դրօն Ղարաքիլիսա-Կազինաֆար գծի վրայ կատաղի կռիւներ էր մղում Համամուլուից եկած թուրքական զօրամասերի հետ նրանց դէպի Դուզքենդ շարտելու համար»¹:

Ճակատամարտի ամենավճռող եւ ամենադրամատիկական պահերից մեկն էր: Եթե Ապարանյան զորախումբը չկարողանար պաշտպանութեան այդ բնագծում կանգնեցնել դեպի Երեւան շտապող, դիվիզիայի հիմնական ուժերով հարձակվող հակառակորդին, ապա թուրքերը դուրս կգային Աշտարակ Երեւան տանող խճուղին եւ դժվար էր ասել, թե այնուհետեւ հայկական մարտական ուժերն ինչպես կկարողանային կանգնեցնել նրանց առաջխաղացումը: Քաջ գիտակցելով իրենց վստահված ռազմաճակատի կենսականորեն անհրաժեշտ նշանակութիւնը՝ հայկական զորավաշտերը դրսևերելով մեծագույն կամք եւ հաստատակամութիւն կանգնեցնում են հակառակորդի հարձակումը: Թուրքական զորքերի առաջխաղացման բոլոր փորձերը ձախողվում են: Դրոյի զորավաշտերը, ապարանցի աշխարհազորայինների համագործակցութեամբ, աննկուն պաշտպանութեամբ խափանում են թուրքական զորքերի գրոհները:

«... տաճկական զօրախմբերը, - նշում է Մարտիրոսը, - դուրս են գալիս Ապարանից, բարձրանում, իջնում Չամրուլու գիւղը: ...մէկ ջուկատ դիրք պիտի բռնէր Չամրուլուի դիմաց, մեր ձեռքին պահելու համար խճուղին, միւս ջուկատը դիրք պիտի գրաւէր Ալիքուլեյակի դիմաց, նորեն խճուղին անվտանգ պահելու դիտումով, իսկ երրորդը պիտի գնար Կազանաֆարից շարժուած թշնամու դէմ: ...Չամրուլու հասած թշնամին ուզում էր բռնել խճուղին, երբ առաջին ջուկատը պաշտպանութեան դիմեց, իսկ երկրորդ ջուկատն ամրանալով Ալիքուլեյակի դիմացի քարքարոտ մի կէտում... արգելելով նրա յառաջխաղացումը դէպի խճուղին...»²:

Հայ զօրախմբերի առաջին հարձակումները թեեւ ձախողվեցին, բայց ձեռք բերվեց ամենակարեւորը՝ Դրոն կարողացավ մի փոքր ժամանակ չահել:

1918 թ. մայիսյան կռիվներին ըստ էութեան հայութեան մղած գոյամարտի երեք հիմնական (Սարդարապատ, Ղարաքիլիսա, Բաշ-Ապարան) եւ փոխկապված ուղղութիւններն էին: Թուրքաքանչուր

ուղղութեան անհաջողութիւնը կարող էր ողբերգական հետեւանքներ ունենալ հայ ժողովրդի գոյապայքարի վերջնական արդյունքի վրա: Այս առումով տվյալ ժամանակահատվածում Բաշ-Ապարանի ճակատամարտը՝ իր պատմական դերով ձեռք է բերում արտակարգ կարեւորագույն նշանակութիւն:

Բաշ-Ապարանի ճակատում թուրքական Գրդ դիվիզիայի հիմնական ուժերի հայտնվելը շատ ծանր կացութիւն է ստեղծում Ապարանյան զօրախմբի համար: Անկասկած, չափազանց դժվար էր փոքրաքանակ ուժերով դիմակայել բազում ճակատամարտերի փորձառութեամբ անցած մի ամբողջ կադրային դիվիզիայի գրոհներին: Հայկական բանակի հրամանատարութիւնը, այս անգամ եւս գտնվելով պատշաճ բարձրութեան վրա ճիշտ գնահատելով Բաշ-Ապարանի ուղղութեան կարեւորութիւնն ու այնտեղ ստեղծված տագնապալի իրավիճակը, որոշում է ուժեղացնել Ապարանյան զօրախումբը: Հայկական բանակի հրամանատարութեան կայացրած այդ չափազանց կարեւոր ու անհրաժեշտ որոշմանը վճռականապես նպաստել են Սարդարապատի ճակատում մեր զորքերի ձեռք բերած ակնառու նվաճումները: Եթե Սարդարապատի ուղղութիւնում այդ օրերին հայկական զորքերի հարձակումները չպսակվեին հաջողութեամբ, ապա, բնականաբար, Երեւանյան զօրախմբի մարտական ուժերը կհայտնվեին դժվարին իրավիճակում եւ դժվար էր ասել, թե հայկական բանակի հրամանատարութիւնը ինչպես եւ ինչ զօրամասերով կկարողանար ուժեղացնել Բաշ-Ապարանի ռազմաճակատը: Իսկ իրականում այլընտրանք չկար եւ չէր կարող լինել, եթե հանկարծ թուրքերն ընկճեին Ապարանյան զօրախմբի դիմադրութիւնն ու շարժվեին դեպի Երեւան, ապա բնականաբար ի չիք կդառնային եւ կփլուզեին Սարդարապատի ուղղութիւնում ձեռք բերած նվաճումները:

Սարդարապատի ուղղութեամբ մայիսի 22-24-ին ձեռնարկած հաղթական հարձակումները եւ ռազմաճակատում զորագնդերի հետագա գործողութիւնների համար ստեղծված բարենպաստ պայմանները հնարավորութիւն ընձեռեցին որպեսզի հայկական բանակի հրամանատարութիւնը կարողանա լրացուցիչ մարտական ուժեր տեղափոխել Բաշ-Ապարանի ճակատ:

Երեւանյան զօրախմբի հրամանատար գեներալ Սիլիկյանի մայիսի 25-ի թվագրած թիվ 22 հրամանի համաձայն, Ապարանյան հատուկ զօրախումբը ստանում է հետեւյալ հանձնարարութիւնը.

«Դրոյի հատուկ զօրախմբին.

Շարունակել հակառակորդի դիրքերի ուժեղ հետախուզումը Գեղալ-Դարա, Հաջի-Խալիլ շրջանում: Գեղապետ Դուռխանովի զօրա-

¹ Նույն տեղում, գ. 12, թ. 2:

² Խմբապետ Մարտիրոս Աբրահամեան, Ըջ. աշխ., էջ 407-408:

սյունների մոտենալուն պես դիմել վճռական հարձակաման եւ ջախջախել ու Արփաչայից այն կողմ շարտել հակառակորդին: Հաջողութեան դեպքում շարունակել հետապնդումը, մինչեւ նրա լրիվ ոչնչացումը:

Հաստատել ամենահուսալի կապ Երեւանյան զորախմբի հետ Աշտարակի միջոցով, որտեղ կա զինվորական հեռագրատուն:

Երեւանյան զորախմբի պետ գեներալ-մայոր Սիլիկով¹:

Մայիսյան հերոսամարտերին վերաբերող փաստաթղթերի, հուշագրությունների, զինվորական հրամանագրերի ու ռազմաճակատի տարբեր հատվածներից առաքված ամփոփագրերի ուսումնասիրութունն ու վերլուծությունն ակնհայտորեն մատնանշում են, որ փոխհամագործակցությունը Երեւանյան զորախմբի հրամանատարութեան եւ ռազմաճակատների միջեւ, մասնավորապես Բաշ-Ապարանի, որոշ բացթողումներով հանդերձ, գտնվել է պատշաճ եւ անհրաժեշտ բարձրության վրա: Երեւանյան զորախմբի հրամանատար Սիլիկյանն ու նրա գլխավորած շտաբը, մարտերի ողջ ընթացքում դրսևորելով բարձր կազմակերպվածություն եւ ուշի-ուշով հետեւելով ռազմաճակատի տարբեր ուղղություններում ընթացող մարտական գործողություններին, կարողացել են ճիշտ գնահատել տիրող կացությունն ու ընդունել համապատասխան վճիռներ:

- Նույն, թիվ 22 հրամանագրով գեներալ Սիլիկյանը Բաշ-Ապարանի եւ Սարդարապատի զորախմբերի կայուն ռադիոկապ հաստատելու, ռազմաճակատներին մարտնչող զորամասերին ժամանակին զինամթերքով, պարենով ապահովելու համար, կարգադրում է.

«Կապի պողպտուղիկ Տեր-Մկրտչյանին. հաստատել ռադիոկապ Բաշ-Ապարանի եւ Սարդարապատի զորքերի հետ, որի համար Բաշ-Ապարանի հատուկ զորախմբի պետ Դրոյի տրամադրութեան տակ ուղարկել ռադիոկայան: Հաստատել զինվորական կայուն հեռագրակայան Աշտարակում եւ Սարդարապատի զորախմբի շտաբում.

- Հրետանու պետ գեղապետ Արարատովին. կազմակերպել Դրոյի զորախմբին փամփուռների առաքումը՝ ի հաշիվ զինվորական պահեստների...

- Երկրորդ կարգի գումակ Դրոյի զորախմբում չկա...

- Բաշ-Ապարանի ուղղությունը մթերքով եւ ջրով ապահովելու են ինտենդանտական զորամասերի եւ բեռնատարների միջոցով...»²:

Իսկ նույն ժամանակամիջոցում Բաշ-Ապարանի ռազմաճակատում Դրոյի զորաջոկատները դիրքավորվելով Չամուռուցի (Քասախ)

մինչեւ Ալիքուչակ եւ Ղազնաֆարի (Արագած) հարակից բարձունքներում, պատրաստվում էին վճռական գոտեմարտի:

Մայիսի 26-ի դրութեամբ ռազմաճակատի գիծն անցնում է վերահիշյալ պաշտպանական բնագծերով: Նույն օրը Բաշ-Ապարանի ճակատ են հասնում Դոլուխանյանի Թ-րդ գնդի հիմնական ուժերը (երեք գումարտակ - 1800 սվին, որից 400-ը մայիսի 23-ի երեկոյան արդեն ճակատում էին), գնդապետ Սակինի գումարտակը (400 սվին), Մակեդոնի հարյուրակը (150 սվին), Ջհանգիր աղայի եզդիների հեծելազորը (300 հեծյալ) եւ շտաբ-կապիտան Իգիթխանյանի հրետանային մարտկոցը (4 հրանոթ):

Մի փոքրիկ, բայց էական ճշտում: Երեւանի պետական համալսարանի Հայոց պատմութեան ամբիոնի հրատարակած «Հայոց պատմություն» դասագրքում հեղինակը համառոտակիրորեն ներկայացնելով Մայիսյան հերոսամարտերը՝ Բաշ-Ապարանի ճակատամարտի մասին նշվում է. «Այդ օրերին թուրքական հրամանատարությունն իր Գ-րդ դիվիզիան շարժեց Բաշ Ապարանի ուղղութեամբ, որպեսզի Սարդարաբատում կռվող հայկական զորամասերին հարվածի թիկունքից: Հայկական ուժերի հրամանատարությունը ճիշտ որոշելով թուրքական հարվածի ուղղությունը՝ Բաշ Ապարան ուղարկեց վեց հազարանոց մի զորամաս Դրոյի գլխավորութեամբ:

...Այդ ճակատամարտում հայերի հետ միասին մարտնչում էր Ջհանգիր աղայի հրամանատարութեամբ գործող եզդիների 1500 հորդանոց աշխարհագոներային ջոկատը»³:

Այո, հայկական ուժերի հրամանատարությունը, ավելի ստույգ գեներալ Մ. Սիլիկյանը, սթափ գնահատելով ռազմաճակատում տիրող իրական կացությունը, Դրոյի ուղարկելով Ապարանի ուղղություն, ճիշտ որոշում է կայացրել: Սակայն պիտի ասել, որ դասագրքում նշված «Բաշ Ապարան ուղարկեց վեց հազարանոց մի զորամաս» արտահայտությունը փոքր-ինչ չափազանցված է եւ չի համատասխանում իրականութեանը: Եթե Ապարանի ճակատում մարտնչող կանոնավոր զորամասերին գումարենք Սեդրակ Ջալալյանի եւ Արսեն Տեր Պողոսյանի գլխավորած կռիվներին մասնակցած 1200 աշխարհագորայիններին, ապա թուրքական 8-10000 թվակազմ ունեցող Գ-րդ դիվիզիային դիմակայող Դրոյի հրամանատարութեամբ ճակատամարտին մասնակցած զինվորների ընդհանուր քանակը առավելագույնս կլինի 5000:

¹ ՀԱՍ, ֆ. 204, ց. 1, գ. 43, ք. 9-10, էջ 4:

² Նույն տեղում:

³ Հայոց Պատմություն, Երևան, 2012, էջ 516-517:

Իսկ ինչ վերաբերում է դասագրքում տեղ գտած այն տվյալին, որ Ապարանի ճակատամարտին մասնակցել է Ջհանգիր աղայի գլխավորած 1500 հոգանոց աշխարհագորային ջոկատը, ապա պիտի նշել, որ այդ տվյալը ավելի քան ուռչացված է: Ջհանգիր աղայի գլխավորած եզդիների հեծյալ ջոկատը բաղկացած է եղել ավելի քան 300 մարտիկներից, որոնք Մայիսյան հերոսամարտերի առաջին օրերին մասնակցել են Սարդարաբատի ճակատամարտին, ապա մայիսի 26-ին տեղափոխվել են Ապարանի ճակատ եւ իրենց անժխտելի ներդրումը ունեցել Ապարանյան զորախմբի նվաճած Հաղթանակի գործում:

Մայիսի 26-ին ստանալով համալրումը՝ արդեն Դրոյի հրամանատարութեան տակ էին Սարդարաբատի եւ Սուրմալուի ուղղութեամբ գործող նրա գլխավորած պարտիզանական բրիգադի գրեթե ողջ ուժերը: Վերախմբավորելով տեղ հասած զորամասերը՝ Դրոն առանց հապաղելու սրընթաց հարձակումով հետ է մղում հակառակորդին եւ ընդհուպ մոտենում Ապարանին:

Ինգամաճակատում հայկական բանակի կանոնավոր զորամասերի ներկայութիւնն ու ձեռնարկած հաջող գրոհները ոգեւորում եւ մարտնչելու ավելի մեծ կորով են հաղորդում տեղի բնակչութեանը:

Պատմում է Բաշ-Ապարանի ճակատամարտի մասնակից Միսաք Թորլաքյանը. «... Անկանոն խումբեր, ոմանք զինեալ, ոմանք կացին ու սուր ձեռքերին, ոմանք ծեր, ոմանք երիտասարդ, իրարու ետեւէ կը մօտենային ու...»

- Բարեւ, Դրօ ջան, ահա եկանք, հրամայէ:

Եւ Դրօն անհրաժեշտ կարգադրութիւններ կրնէր, բոլորին ծառայութիւնը ի սպաս դնելու հայրենիքի փրկութեան գործին: Պատմական, ճակատագրական օրեր էին. եւ Աւարայրը վերակենդանացած էր: Դարակոր հայութիւնը յարութիւն էր առած իր մարտական կեցուցացքով¹:

Հարկ է նշել, որ Բաշ-Ապարանի ռազմաճակատում մարտնչող կամավոր աշխարհագորայինները միայն տեղացիները չէին: Երգ գնդի 4-րդ վաչտի հրամանատար Տեր-Սարգսյանի հուշերից պարզվում է, որ կովոդների շարքերում եղել են նաեւ Ղամարլուի (Արտաշատ) կամավորները:

«... Բաշ-Ապարան ժամանեցին, - նշում է Տեր-Սարգսյանը, - կամավորներ Ղամարլուի շրջանից՝ ինձ մոտ 4-րդ վաչտն էին ուղարկել առանց հրացանի մոտ երեսուն հոգի, որոնք ունեին իրենց մեջքին

կապած մի քանի օրվա ուտելիք: Դրանց առաջնորդներն էին Դաւարի Մարկոս Բաղալյանը եւ Օղուքեկվեցի Վարանցով Գեորգյանը: Եկածների մեջ կար մի ծերունի, որին կոչում էին Համբարձում բիճա (Դաւար գյուղից):

Նրանք բաժանվեցին դասակների մեջ, սպանված ու վիրավորներին փոխարինելու նրանց հրացաններով: Նրանցից մեկը սպանվեց եւ երեքը թեթեւ վիրավորվեցին, իսկ Մարկոս Բաղալյանը, որին Հաջի Մարկոս էին կոչում, Գէորգեւսկի խաչը կրծքին՝ կոխվները վերջանալուց հետո վերադարձավ տուն¹:

Թուրքական Զորք դիվիզիայի հրամանատարութիւնը, իր հերթին, վաղօրոք տիրելով ռազմական առումով կարեւոր նշանակութիւն ունեցող Արագածի մոտակա բարձունքներին՝ ծրագրում է օգտագործել տեղանքի բարենպաստ հնարավորութիւնները եւ բարձունքներից տեղացող կրակի պաշտպանութեամբ թեւանցել ու արքցանի մեջ վերցնելով ջախջախել Հայ զինագնդերին: Ճակատամարտի հաղթական վախճանը պայմանավորված էր ոչ միայն զինվորների խիզախութեամբ եւ մարտնչելու հմտութեամբ, այլեւ հրամանատարութեան մարտավարական կարողութիւններով ու վճռականութեամբ:

Մի թե թուրք հրամանատարութեանը, ի դեմս 1-ին աշխարհամարտի բովով անցած գեներալ-լեյտենանտ էսադ փաշայի, կհաջողվեր գերազանցել արդեն բազում մարտերի մասնակցած եւ միայն հաղթանակի դափնիներ վաստակած Դրոյին: Բազմակողմանիորեն քննարկելով հակառակորդի հրամանատարութեան կողմից գործադրվելիք հնարավոր քայլերը, նա ծրագրում է ճակատամարտը շարունակելու իր տարբերակը:

Պիտի աներկբա ընդունել, որ Բաշ Ապարանի ճակատամարտում հայկական զորքերի նվաճած հաղթանակը մեծապես պայմանավորված էր Դրոյի կողմից կիրառված խորապես կշռադատված ու համարձակ մարտավարութեամբ: Նրա մտահղացմամբ ճակատամարտը պիտի կենսագործվեր հետեւյալ մարտավարութեամբ: Քանի որ Արագածի բարձունքները թշնամու կողմից գրավված լինելու պատճառով հայկական զորագնդերը զրկվել էին Արագածի ուղղութեամբ հարձակվելու, թեւերում տեղաշարժվելու հնարավորութիւնից, ուստի Դրոն որոշում է հիմնական ուժերը հակառակորդից աննկատ կենտրոնացնել ճակատի կենտրոնում եւ անսպասելի, սրընթաց գրո-

¹ Թորլաքեան Ա., Օրերուս հետ, Պէյրուք, 1963, էջ 408-409:

¹ ՀԱԱ, ֆ. 403, ց. 1, գ. 40, էջ 7:

Հով ճեղքել թուրքական զորքերի պաշտպանությունը՝ զրկելով նրանց թեւերում ձեռք բերած առավելություններից:

«Ալազէօզում, պատմում է Դրոն, ունէի մի բատալիոն (գումարտակ), թողեցի երկու վաշտ: Էն երկու վաշտն էլ իջացրի: Բեզբրվնի (պահեստային) բատալիոնից էլ երկու վաշտ ուղարկեցի կենտրոն: Ուրեմն կենտրոնում ունեմ վեց վաշտ»¹:

Դրոն՝ Համարձակորեն մերկացնելով թեւերը եւ նույնիսկ թուլացնելով Արազածի լանջերից հարձակվող թուրքերին դիմադրող միակ գումարտակը, յուրաքանչյուր չորս վաշտերից երկուսը տեղափոխում է կենտրոն: Սակեյարի գումարտակը, Կորուկովի եւ Ջհանգիր աղայի հեծելազորը առաջավոր գծից դուրս է բերում թիկունք: Ճակատամարտի նախօրյակին տեղում է հորդ անձրեւ ու կարկուտ: Եվ մինչ թուրքերը ծվարած տանջվում էին տեղացող կարկուտի հարվածներից, Դրոն օգտվելով բնության պարզեւած դաժան, բայց սովյալ պահին Հայկական զորքերի համար բարեպատեհ շնորհից, հետախուզության միջոցով վերջնականապես պարզում է հակառակորդի զբաղեցրած դիրքերի դասավորվածությունն ու նրանցում տեղաբաշխված մարտական ուժերի քանակը²:

Բացվում է մայիսի 28-ի առավոտը, մի պատմական օր, որը ընդմիջտ պիտի մնա Հայոց պատմության դյուցազնագրքում:

Լուսաբացին Դրոն տալիս է հարձակման հրաման: Ճակատամարտի կենտրոնում թուրքերը չդիմանալով Հայ զինվորների փոթորկալի կրակին ու հուժկու գրոհներին, թողնում են դիրքերն ու նահանջում Ապարան: Թուրք հրամանատարությունը ի պատասխան կենտրոնում հայերի ձեռնարկած հարձակումների, օգտվելով բարձունքներում ունեցած դիրքային առավելությունից, փորձում է հարվածել մեր զորքերի թեւերին, ապա՝ թիկունքին: Սակայն աներբր էր պորուչիկ Սահակյանի հրամանատարությամբ գործող ընդամենը երկու վաշտերի եւ ապարանցի աշխարհագորայինների դիմադրությունը:

Իր օրագրում ներկայացնելով Երեւանյան զորախմբի մայիսի 28-ից մինչեւ հունիսի 3-ը ծավալած գործողությունները՝ գեներալ Սիլիկյանը անդրադառնալով մայիսի 28-ին Բաշ Ապարանի ուղղությունում տեղի ունեցող մարտերին՝ նշում է, որ ռազմաճակատի «...ձախ թեւում Ալազյալ սարի վրա դիրքեր է գրավում Հայկական Երդ գնդի գումարտակներից մեկը: Այդ գումարտակը հետ է մղում թուրքերի ձեռնարկած մի քանի հարձակումները»³:

Բազմաթիվ գրոհներից հետո չկարողանալով ընկճել ռազմաճակատի թեւերում մարտնչող Հայ զինվորների դիմադրությունը՝ թուրք հրամանատարությունը դիվիզիայի գլխավոր ուժերը նետում է կենտրոն եւ փորձում հարձակումը զարգացնել այդ ուղղությամբ: Դրոյի մտահղացումը իրականանում է: Թուրքերը իրենց ուժերը Արազածի անառիկ բարձունքներից տեղափոխում են ճակատի կենտրոն, ուր Դրոն նրանցից գաղտնի կենտրոնացրել էր իր զորաշուկատների մեծ մասը:

Ամենավճռական պահն էր: Անհրաժեշտ էր մի խիզախ թուրք, անկասելի հարված: Կռիվներում Դրոյի նախընտրած մարտավարությունն էր. հակառակորդի տեսադաշտից ուժերի աննկատ կենտրոնացում ու անսպասելի խոյահարիչ ու սրընթաց հարված: Բաշ-Ապարանի ճակատամարտում հակառակորդին վերջնական պարտության մատնելու նպատակով՝ նա գործել է հենց այդ մարտավարությամբ: Ճակատամարտի վճռական պահին սթափ գնահետով հարմար պահը՝ Դրոն հրանոթների հզոր կրակի ուղեկցությամբ հարձակման է նետում թիկունքում կենտրոնացված ողջ ուժերը:

Վերհիշելով այդ պատմական պահը՝ Դրոն նշում է.

«Էստեղ էր, որ Կորուկովը (հեծյալ զինավաշտերի հրամանատար - Ն.Գ.) իր պատմական դերն արեց: Ասի՛ կավալերիան (հեծելազոր) մեռցնելու եմ ուղարկում:

Եզդիներին էլ ուղարկեցի: Ջհանգիր աղան:

Ամբողջը ատակի (հարձակման) շարտեցի:

Բայց կավալերիայի պատմութեան մէջ քիչ ա պատահել, գիտես Վարդգես (Ավետիս Ահարոնյանի որդին՝ Վարդգես Ահարոնյանը, որը Դրոյից գաղտնի ձայնագրել է Ապարանի և Սուրմալուի կռիվներին նվիրված նրա այս պատմածը - Ն.Գ.), 700 հոգի կավալերիայից 160-ը թափեցին:

Բայց ճղեց:

Ձեմլեակն էլ սպանուեց, ահագին տղաներ սպանուեցին:

Ճղեց, պատուեց ու անցավ դրանց թիկունքը:

Սակելին (գնդապետ Սակինի գումարտակը - Ն.Գ.) էլ շարտեցինք:

Բայց այդպէս արագ փախուստ ես չէի սպասում թուրքերի կողմից»¹:

Պատմում է Մարտիրոսը. «Ճաշից յետոյ Դրոն եկաւ առաջաւոր դիրքերը եւ յարձակման պատրաստուելու հրահանգ տուեց...

Ճակատը մէկէն «ուռա՛յի» դիմելով, անցաւ գրոհի...

¹ «Հայրենիք» օրաթերթ, 1956, մայիսի 27:

² Տե՛ նույն տեղում:

³ ՀԱԱ, ֆ. 121, ց. 2, գ. 82, ք. 5:

Թշնամու ոյժերի կէսը դիրքերում քնած լինելով հակառակորդն անակնկալի եկաւ եւ դուրս գալով դիրքերից՝ դիմեց խուճապային փախուստի:

Մի կողմից մեր գնդացիներն սկսեցին հնձել, իսկ Ալազեազի կողմից էլ մեր գումարտակների գնդացրային կրակն ու համազարկերը նեղ դրեցին թշնամուն:

... տաճկական երեք գունդ իրար խառնուած փախուստի էին դիմել, ...սակայն ընկնելով գնդապետ Սակինի գումարտակի եւ Մակեդոնի հարիւրեակի համազարկերի տակ, վերադարձան եւ Բաշ-Ապարանի մօտով ուղղուեցին դէպի Դանագիրմազի բարձունքները»¹:

Լեռնալանջերին դիրքավորված թուրքական ջոկատները տեսնելով յուրայինների փախուստը, իրենք եւս լքում են ամրություններն ու նահանջում:

«Մեր զորքերի հարձակման հետեւանքով,-գրում է գեներալ Սիլիկյանը,- հակառակորդը փորձում է ամրանալ Մուլքի գյուղի բարձունքներից մինչեւ Բաշ Աբարան ձգվող տարածքում»²:

Հայկական զորքերն արդեն հարձակման են անցնում ճակատի ողջ երկայնքով: Հարկավոր էր թույլ չտալ թուրքերին դիրքեր գրավել ու ամրանալ: Դրոյի հրամանով Կուռո Թարխանյանի հեծյալ հարյուրակը Քասախի գետափով շարժվում է դեպի Ապարան ու թիկունքից սրընթաց գրոհ է ձեռնարկում հակառակորդի վրա:

Թուրք հրամանատարութունը իր զորքերի վերջնական ջախջախումը կանխելու համար մարտադաշտ է նետում պահեստային զորաջոկատները ու դիրքեր գրավում Տանագիրմազի (Նիգավան գյուղ - Հ.Գ.) մոտերքում: Հարկավոր էր արագորեն զարգացնել հարձակումը եւ թուրքերին զրկել վերախմբավորվելու ու նոր դիրքերում ամրապնդվելու հնարավորութունից:

«Էստեղ էր, - շարունակում է վերհիշել Դրոն,- որ ասի, «տղերք ջան, յոգնած էք, ջարդուած էք, թշնամու պոչիցը չպիտի կտրուել»³:

Ձթողնելով ուշքի գալու թուրքերին՝ Դրոն մայիսի 28-ի գիշերը Տանագիրմազի մոտերքում հաղթահարելով հակառակորդի դիմադրութունը, գրավում է գյուղը եւ հաջորդ օրը հասնում մինչեւ եզդիների Միրաք եւ Ղոնդախսազ գյուղերը:

Մայիսի 29-ին թուրք հրամանատարութունը կենտրոնացնելով ուժերը, փորձում է կանգնեցնել հայկական զորքերի հարձակումը, սակայն նրա ձեռնարկումներն արդեն ապարդյուն էին:

Գեներալ Մ. Սիլիկյանի հավաստմամբ՝ «Չնայած այն հանգամանքին, որ Բաշ Աբարանի ուղղությունում մայիսի 29-ին, ամբողջ օրվա ընթացքում, թուրքական զորքերը մի քանի անգամ դիմել են հակահարձակումների, բայց մեր զորամասերը համառ մարտերից հետո կարողացել են ժամը 18-ի մոտերքը պիսովին ջախջախել ու փախուստի մատնել նրանց...»

Հետապնդումը շարունակվում է»¹:

Հայկական զորքերի հաղթանակը ձեռք է բերվում ոչ միայն շնորհիվ Հայ զինվորների քաջության, այլեւ հրամանատարության կողմից կռիվներում դրսեւորած կշռադատված ու արդյունավետ մարտավարության: Պիտի անվերապահորեն ընդունել, որ կռիվների ողջ ընթացքում հայկական զորքերի հրամանատարութունը, գտնվելով պատշաճ բարձրության վրա, զուտ մարտավարական առումով գերազանցեց թուրք հրամանատարությանը:

Մարտիրոսի հավաստմամբ՝ մայիսի 28-ի հաղթական հարձակման ավարտին «Կուռոյի հարիւրեակը գետափով դուրս եկաւ Չամրուլի տափարակը եւ մեր հարիւրեակները միանալով թոյլ չտուին, որ թշնամին ամրանայ Դանագիրմազի բարձունքներում... Նահանջելով մինչեւ Հաջի-Խալիլ:

Պոստեր նշանակելով այդ նոյն բարձունքներում գիշերեցինք Դանագիրմազ գիւղում: Մեր գործն արդէն թեթեւացել էր, որովհետեւ մինչեւ Ալեքսանդրապոլ՝ մեր դիրքերը միշտ էլ իշխող էին նրանց ուժերին: Միւս կողմից էլ կոտրել էր թշնամու յամառ թափը... դիմադրութիւնն անգամ»²:

Ճակատամարտում վճռական բեկումն արդեն կայացել էր: Զարգացնելով հարձակումը՝ հայկական զորքերը մայիսի 29-ին հասնում են Հաջի-Խալիլ (Մաղկահովիտ) եւ ապա մինչեւ Մունջուղլի (Միլքար), Ախուլա (Բերքառատ) եւ Գյոզալդարա (Գեղադիր) գյուղերը եւ համաձայն Հայ եւ թուրք հրամանատարության միջեւ կնքված մայիսի 28-ի զինադադարի՝ կանգնեցնում առաջխաղացումը:

Դրոյի եւ Մարտիրոս Աբրահամյանի խոստովանությամբ՝ իրենք այդ զինադադարի մասին իմացել են միայն մայիսի 29-ին, Հաջի-Խալիլ գյուղում, այն էլ թուրք բանագնացից:

«Մայիսի 29-ին, - վկայում է Դրոն, - ես դուրս եկայ Շիրակի դաշտավայրը, ուր հայկական մի մեծ գյուղ կար (նկատի ունի Հաջի-Խալիլ, ներկայիս Մաղկահովիտ գյուղը-Հ.Գ.): Այնտեղ էլ եկաւ թուրք բանագնացը...»³:

¹ Խմբագրւած Մարտիրոս Աբրահամեան, Եջ. աշխ., էջ 413:

² ՀԱԱ, ֆ. 121, ց. 2, գ. 82, ք. 5:

³ «Հայրենիք» օրաթերթ, 1956, մայիսի 27:

¹ ՀԱԱ, ֆ. 121, ց. 2, գ. 82, ք. 5:

² Խմբագրւած Մարտիրոս Աբրահամեան, Եջ. աշխ., էջ 413:

³ «Հայրենիք» օրաթերթ, 1956, մայիսի 27:

Այս նույն իրողութեան մասին մի փոքր ավելի մանրամասն ներկայացնում է նաև Մարտիրոսը. «Որպէս առաջապահ, իմ հարիւրեակը, վաղ առաւօտեան շարժեց դէպի Հաջի-Սալիլ... ուր գիւղի ծայրին (այդ նկատեցի իմ հեռադիտակով) մի գինւոր դուրս եկաւ հրացանի ծայրին սպիտակ թաշկինակ ամրացրած...»

Երկու գինւոր ուղարկեցի, պատուիրելով կապել աչքերը եւ բերել ինձ մօտ: Ասկիսարը յարգալից բարեւելուց յետոյ, ասաց.

- Խնդրում եմ ինձ ուղարկեցէք ձեր գլխաւոր հրամանատարի մօտ: Բաթումի համագումարում մեր կառավարութիւնը հաշտուել է հայերի հետ... Հայերն ազատութիւն են ստացել, մեզ հրահանգուած է դադարեցնել կռիւր:

Տաճիկ գինւորին ուղարկեցի Դրոյի մօտ»¹:

Նույն օրը պատերազմական գործողութիւնները դադարեցվում են ռազմաճակատի բոլոր՝ Սարդարապատ, Բաշ-Ապարան, Ղարաքիլիսա ուղղութիւններում: Դրոյի գլխավորած զորագնդերի հաղթական գրոհները փլուզեցին Ապարան-Եղվարդ կամ Ապարան-Աշտարակ ուղղութեամբ Երեւանն ու Արարատյան գործարումը շրջապատման մեջ վերցնելու ռազմական ծրագիրը, մայրաքաղաքի հյուսիսային դարպասն անառիկ էր:

Գններալ Սիլիկյանը Հայոց Ազգային Խորհրդին ուղղված զեկուցագրում հաղորդում է.

«Ազգային Խորհրդին

էջմիածին, - երեք օրուայ յամառ կռիւներից յետոյ Սարդարապատի ուղղութեամբ, մայիսի 27-ին, մի թեւից շրջապատուելով եւ ճակատից յետ չպրտուելով մեր զօրքերից տաճիկները դիմեցին անկարգ նահանջի հետապնդուելով: Հետապնդումը շարունակեց մինչեւ Ղարանլու կայարանը Ս. Սոզուկի գիւղը: Տաճիկների կորուստները զգալի են: Միեւնոյն ժամանակ, Բաշ-Ապարանի ուղղութեամբ թշնամին երկու արտիլերիստական գնդով նեղուելով մեր առաջապահ հեծելագնդից Ղազնաֆար-Ղարաքիլիսա գիւղերի գծի վրայ, երկու օրուայ կռիւներից յետոյ, յերեկոյեան դէմ, մայիսի 29-ին, գլխովին ջարդեցին եւ յետ չպրտուեցին:

... Այդ կռիւներում մեր կորուստները աննշան են: Չօրքի տրամադրութիւնը գերազանցօրէն բարձր է: Ներկայումս զօրքերը բռնում են ուժեղ դիրքեր: Որոշում է դեմարկացիոն գիծը:

Գններալ Սիլիկեան»²:

Բաշ-Ապարանի ճակատում Հայոց զօրքերի հաղթանակի լուրը նույն օրը հասնում է Երեւան եւ ջերմ խանդավառութիւն առաջ բեր-

րում մայրաքաղաքում կուտակված բազմահազար հայութեան շրջանում: Ոգեկոչված Բաշ-Ապարանի հաղթութիւնը ավետող լուրից՝ ժողովուրդը հոծ բազմութեամբ շրջափակում է Երեւանի Ազգային Խորհրդի շէնքն ու արտատրոփ սպասում Սարդարապատի ճակատից սպասվող տեղեկութիւններին:

«Դրօն» գրում է Հայոց Ազգային Խորհրդի նախագահ Ավետիս Ահարոնյանը, - սեղմել է թշնամուն եւ հալածում է անխնայօրէն, Սարդարապատ՝ դը, Սարդարապատ՝ դը... Ազգային Խորհրդի պատշգամբի առջեւ հազարաւոր ամբոխը հեռում էր անհանգստութիւնից ու անհամբերութիւնից: Յաղթութեան ձայներ էին շնչում իրար: Հաւատաւ...յոյսի ու երջանկութեան դողոցք ամէն կողմ: Ահա Արամը երեւաց պատշգամբում շրջապատուած գործակիցներով. հայեացքները դարձան նրան: Հեռագիր կայ ձեռքին, յուզմունքից գունատ է, բայց ժպիտ կայ երեսին: Այդ մտայլ մարդը ուրախ է իր ձեռքի խորհրդաւոր թերթիկով, որպէս մանուկն իր բռնած թուչնիկով: Քար լուսթիւն: Բազմութիւնն ասես շնչելուց իսկ դադարել էր, ամբողջ այդ գորշ եռուն գանգուածը դարձել էր մի հատ աչք եւ լողոկթիւն: Մովսէսը Սինա լեռից անելի մեծ պատգամ չէր բերել Իսրայէլին...

«Ժողովուրդ Հայոց, լսեցէք մեր քաջարի հրամանատար զօր. Սիլիկեանի հեռագիրը».

«Հինգ օրերից ի վեր տեւող ճակատամարտը վերջացաւ թշնամու կատարեալ պարտութեամբ»¹:

Տարիներ անց հայկական բանակի ընդհանուր զորահրամանատար գեներալ Թ. Նազարբեկյանի խնդրանքով անդրադառնալով մայիսյան հերոսամարտերի համառոտակի վերլուծութեանն ու նկարագրութեանը՝ գեներալ Սիլիկյանը, դարձյալ հավաստելով Բաշ-Ապարանի ճակատամարտում Դրոյի գլխարկութեամբ հայկական զօրքերի նվաճած հաղթանակը՝ նշում է. «... Նրան (Դրոյին) օգնելու համար ես նշանակեցի 2-րդ հեծյալ գունդը եւ կարծեմ 2 հրանոթ (կարող է 4 հրանոթ), ավելի ճիշտ 4 հրանոթ: Համալրումից անմիջապէս հետո, ջոկատն անցավ հարձակման եւ մարտի մեջ մտավ Բաշ-Աբարանից հարավ, կարծես մայիս 27-ին կամ 28-ին, եւ ինչպէս գեկուցեց Դրոն, նրա դեմ էին հանել թուրքերի լավագույն ուժերը: Թուրքերը պարտութիւն են կրել եւ արագ նահանջել, մի մասը՝ Ալեքսանդրապոլ, մի մասն էլ՝ Համամլու»²:

Բաշ-Ապարանի հաղթական ճակատամարտի գնահատականը տվել է նաև Սարդարապատի հայկական զորախմբի շտաբի պետ

¹ Խմբապետ Մարտիրոս Աբրահամեան, Ազ. աշխ., էջ 413:
² «Հորիզոն», 1918, 12 յունիսի:

¹ «Ալիք» բացառիկ, «Դրոյի յիշատակին», 1956, էջ 43:
² ՀԱԱ, ֆ. 45, ց. 1, գ. 18:

կապիտան Շնեոլը (Հետագայում Հայկական բանակի գլխավոր շտաբի պետ՝ գնդապետ - Ն.Գ.)

«Միաժամանակ Սարդարապատի կռուի Հետ,-նշում է գնդապետ Շնեոլը,- թուրքերը փորձեցին ներխուժել Հայաստանի սիրտը աւելի հիւսիսից՝ Բաշ-Աբարանի վրայով, բայց չարաչար ջախջախուեցին Դրաստամատ Կանայեանի (Դրո) ձեռքով»¹:

Ցավոք, խորհրդահայ պատմագիտութիւնը տասնամյակների ընթացքում ըստ արժանւոյն չգնահատելով մայիսյան Հերոսամարտերի, մասնավորապես Բաշ-Ապարանի ճակատամարտի պատմական, հիրավի անգնահատելի նշանակութիւնն ու իրական արժեքը՝ ժողովրդին անջրպետել էր իր հերոսական ոչ վաղ անցյալի ճշմարիտ իմացութիւնից: Որպես խոսուէն փաստարկ վկայակոչենք խորհրդահայ Հանրագիտարանում Բաշ-Ապարանի Հերոսամարտին նվիրված հետեւյալ փոքրիկ հատվածը.

«1918-ին Ապարանի բնակիչները Բաշ-Ապարանի ճակատամարտում զգալի հարված հասցրին թուրք զավթիչներին՝ կասեցնելով Ալեքսանդրապոլից դեպի Երեւան շարժվող թուրքական զորքերի առաջընթացը»²:

Պատմական իրողութիւնը կիսաճշմարտանման Հայեցակետով արժեքավորելը ոչ մի քննադատութեան չզիմացող պարզունակ խաբկանք է: Իրօք, ճակատամարտին մասնակցած աշխարհագորայինների ներգրոււմը արժանի է ամենամեծ գնահատականի: Սակայն սովյալ պարագայում հարկավոր չէ ունենալ մեծ երեւակայութիւն եւ պատմական դեպքերի իմացութեան խոր գիտելիքներ՝ ըմբռնելու համար մի պարզ ճշմարտութիւն. տեղի բնակիչները ուժերից կազմված մի քանի շոկատներ ինչքան էլ հերոսականութիւն եւ համարձակութիւն ցուցաբերին, այնուամենայնիւ, առանց կանոնավոր զորախմբերի աջակցութեան ի զորու չէին դիմագրավել թնդանոթներով, գնդացիներով զինված մի ամբողջ դիվիզիայի հարձակումները: Ավելին, ձգտելով նսեմացնել Դրոյի հիրավի անգնահատելի ծառայութիւնը՝ ժողովրդի մեջ տարածում էին այն մտացածին ստահող լուրերը, թե իբր Դրոն չի զարգացրել Հայոց հաղթական զորքերի ու աշխարհագորի հարձակումները եւ դրանով իսկ հնարավորութիւն ընձեռել թուրքերին՝ անվտանգ նահանջել Դարաքիլիսա եւ անսպասելիորեն հայտնվելով մարտադաշտում վճռել ճակատամարտի ելքը:

Որպես ապացույց վկայակոչենք Հ. Թուրչյանի «Սարդարապատի Հերոսամարտը» եւ Ծ. Աղայանի «Հոկտեմբերը եւ Հայ ժողովրդի ազատագրական պայքարը» աշխատութիւններում տեղ գտած հետեւյալ պնդումները.

«...Մայիսի 29-ին թուրքերն արդեն գլխովին ջախջախված էին եւ խուճապահար փախչում էին դեպի Համամլու եւ Ալեքսանդրապոլ: Հայ զորքը հաղթական առաջ է գնում եւ գրավում Դանազիրմազի իշխող բարձունքները»:

Անկեղծորեն նշելով Բաշ-Ապարանի ճակատամարտի հաղթանակը՝ հարգարժան պատմաբանը, այնուամենայնիւ, հաջորդ տողերում առանց վարանելու առիթը բաց չի թողնում սեւացնելու ու զրպարտելու հաղթական ճակատամարտի դաշնակ (ըստ Հ. Թուրչյանի - Ն.Գ.) հրամանատարին:

«Գրավում է (խոսքը Հայոց զորքի մասին է- Ն.Գ.), շարունակում է Թուրչյանը,- ու կանգ առնում, որովհետեւ խուճապահար փախչող թուրքերը սպիտակ դրոշ պարզած պարլամենտյոր են ուղարկում Դրոյի մոտ եւ հայտնում, որ Բաթումում իբր թե զինադադար է կնքվել: Դրոն ընդունում է տաճիկների առաջարկութիւնը, դադարեցնում է նրանց հետապնդելը, հնարավորութիւն ընձեռելով, որ իր դեմ կռվող էսադ փաշայի զորքերն օգնութեան գնան ունենալով, որ իր դեմ կռվող էսադ փաշայի զորքերն օգնութեան գնան Ձավիդ փաշային եւ շարունակեն Դարաքիլիսայում պարտված հայ բեկորների ջախջախումը Լոռվա ձորում»¹:

Զբավարարելով իր կողմից հորինված Բաշ-Ապարանի հաղթական ճակատամարտում Դրոյի դերն ու վաստակը նսեմացնող վարկածներով, Թուրչյանը ավելի է խորացնում մտացածին կեղծիքն ու զրպարտութիւնը. «Դրոն Բաշ-Ապարանի ռազմաճակատում, որ Հայ ժողովրդի ինքնապաշտպանութեան կենտրոնն էր դարձել պատերազմական նոր իրադրութեան մեջ, չուզեցաւ զրկված լինել միտակ Ձավրիբեի եւ մյուս վարժապետների դափնիներից, զինադադարի ընդունման գործով ասում է, թե երբ թշնամին ընկճված է ու չլմած, իսկ մենք հաղթական ենք, ապա պետք է մարդասիրաբար դադարեցնենք մեր զարկը, որ հակառակորդը հնարավորութիւն ստանա ուշքի գալու: Նման ռազմավարութեան հետեւանքով ոչ միայն վերջնական ջախջախման ենթարկվեց Դարաքիլիսայի Հայ զորքը, այլեւ ապարդյուն անցան Բաշ-Ապարանի եւ Սարդարապատի այնքան փայլուն հաղթանակները»²:

¹ «Սարդարապատի հերոսամարտը», գրեց գլխավոր սպայակոյտի գնդապետ Ալեքսանդր Կ. Շնեոլ, էջ 43:

² Հայկական սով. հանրագիտարան, հ. 1, Երեւան, 1974, էջ 563:

¹ Թուրչյան Հ., Երկ., աշխ., էջ 166-167:

² Նույն տեղում:

Նույն սցենարով եւ նույն դիտավորութեամբ է առաջնորդվել նաեւ Մ. Աղայանը, որը Հոկտեմբերի լուսի ներքո ներկայացնելով Հայ ժողովրդի ազատագրական պայքարը՝ Բաշ-Ապարանի հերոսամարտի հրամանատարին բացառապես ներկայացնում է Թուրքիայի կողմից ավելի վաղ վերագրված մեղադրանքները:

«Նուճապի մատնված Թուրքերը, սպիտակ դրոշ բարձրացնելով, Բաշ-Ապարանի զորախմբի հրամանատար Դրոյին հայտնում են, որ Բաթումում արդեն զինադադար է կնքվել եւ առաջարկում են Հարձակումը դադարեցնել: Քաղաքականապես ոչ հեռուես Դրոն իր զինակից դաշնակցականների նման համաձայնում է եւ դադարեցնում հարձակումը: Օգտվելով դրանից, էսադ փաշան Հնարավորութիւն ստացավ իր զորքերը շարժել դեպի Ղարաքիլիսա եւ օգնել Զավիդ փաշային, որը շարունակում էր հայկական պարտված զորքերի մնացորդների եւ բնակչութեան ջարդը»¹:

Այսպիսի տեսակետները չունեն իրական եւ ոչ մի հիմք ու բովանդակութիւն: Նախ, Ղարաքիլիսայի քառօրյա մարտերն ավարտվել են մայիսի 28-ին, եւ հայկական զորքերը՝ նույն օրն եւեթ թողնելով Ղարաքիլիսան, մայիսի 29-ին արդեն գտնվում էին Դիլիջանում: Մայիսյան հերոսամարտերի մանրակրկիտ ուսումնասիրութիւնը աներկբա ցույց է տալիս, որ Ղարաքիլիսայի հերոսամարտում, որն իր ուժգնութեամբ ու քառօրյա կռիվներին երկուստեք մասնակցած զորքերի քանակութեամբ փոքր-ինչ գերազանցում էր Սարդարաբատի եւ Բաշ-Ապարանի ճակատամարտերին, հայ մարտական ուժերը 26-27-ին տեղի ունեցած կռիվներում դրսևերել են արիութեան ու անձնագոհութեան հիւքանչ օրինակներ: Իզուր է, որ Թուրքական զորքերի հրամանատար Վեհիբ փաշան արժանավույնս է գնահատել ու հիացմունքով արտահայտվել՝ ընդգծելով ճակատամարտում հայ զինվորի դրսևերած հերոսականութիւնն ու մարտնչելու անբասիր ձգտումն ու մարտական կարողութիւնը: Դժբախտաբար ճակատամարտում իրավիճակը կտրուկ փոխվել է մայիսի 28-ին: Այդ օրը Թուրքական զորքերը հուժկու գրոհ են ձեռնարկում ռազմաճակատի հարավային հատվածում եւ Գյաղա-Մայմեխի տարածքից դիմելով հարձակման՝ հաղթահարում են հայկական զորքերի ձախ թեւի դիմադրութիւնն ու շրջանցելով Ղարաքիլիսան՝ փակում են դեպի Դիլիջան ձգվող նահանջի ուղիները²:

Համաձայն գնդապետ Բեյ-Մամիկոնյանի գլխավորած ռազմական շտաբի ճակատամարտը շարունակելու վաղօրոք մշակած մարտավարութեան՝ ճակատի ձախ թեւում մարտնչող հայկական զորքերին պիտի միանային գնդապետ Սամարցյանի, իսկ աջ թեւում դիրքավորված գնդապետ Ղորղանյանի գնդին պիտի մօտենային շտապեր Դսեղում գտնվող Անդրանիկի զորամասը: Սակայն, ավելի քան անհասկանալի եւ կարելի է ասել, առեղծվածային պատճառներով Անդրանիկը պատշաճ ուշադրութիւն չդարձնելով ռազմաճակատի հրամանատար գնդապետ Բեյ-Մամիկոնյանի հրահանգին՝ չի ներկայանում ռազմադաշտ՝ զբաղեցնելու իր գլխավորած զորամասին հատկացված պաշտպանական տեղամասը:

Հետագայում Գ. Նժդեհը քննադատաբար անդրադառնալով Ղարաքիլիսայի ճակատամարտի մանրամասների վերլուծութեանը ցավով պիտի նշեր. «Իզուր սպասեցինք Անդրանիկին, նա չկար եւ չպիտի հայտնվեր: Նրա ունեցած մի քանի հազար զինվորների մեկ յոթերորդն անգամ բավական պիտի լիներ, կտրելով երկաթուղու գիծը, գալ ու թառել Ղարաքիլիսան եզերող արևելյան բարձունքներին: Այդ անելով՝ նա ոչ միայն ձախողանքի մատնած կլիներ մեր զորքերը Ղարաքիլիսայի մեջ չըջապատելու թշնամու փորձը, այլև մեզ հնարավորութիւն կընձեռեր, ռազմագիտական աքցանի մեջ առնելով թշնամուն, դեպի Ալեքսանդրապոլ շարտել նրան»¹:

Ճակատում մարտնչող հայկական զորքերը չստանալով անհրաժեշտ օգնութիւնը եւ խուսափելով վերջնական չըջապատման փչացում են հրանոթներն ու հարկադրված լքում պաշտպանական դիրքերը եւ նահանջելով կենտրոնանում են Շահալի գյուղում²:

Հայկական զորքերի անհարաժեշտ փոխհամագործակցութեան հանցավոր ու չպատճառամանված բացակայութեան եւ հրամանատարութեան անփութութեան անպատասխանատու գործողութիւնների հետեւանքով «Ղարաքիլիսայից դեպի Շահալի Ղորղանյանի շուկատի մեծ մասի նահանջից անմիջապես հետո երկաթգիծը նույնպես կտրվեց թշնամու կողմից, որով Ղարաքիլիսան ամբողջութեամբ հայտնվեց շրջապատման օղակում: Շրջապատման մեջ մնացած հայ զինվորները եւ սպաները, 3-4 ժամյա կատաղի մասրտում լրիվ սպառելով զինամթերքը զոհվեցին, մասամբ էլ գերի ընկան (1000 հոգի): Մայիսի 28-ի երեկոյան ժամը 4-ին Թուրքական 11-րդ դիվիզիայի առաջապահը մտավ Ղարաքիլիսա»²:

¹ Աղայան Ծ., Եզվ. աշխ., էջ 149:

² Տե՛ս «Սարդարաբատ, Բաշ-Ապարան, Ղարաքիլիսա», Երևան, 1998, էջ 219-220:

¹ Նույն տեղում:

² Նույն տեղում, էջ 221:

Ղարաքրիխայի ուղղութիւնում հայ զինվորների կորուստներին Հայաստանի խորհրդարանին ներկայացրած զեկուցագրում անդրադարձել է նաև Դրոն:

Հայաստանի խորհրդարանի 1918 թ. հոկտեմբերի 23-ին տեղի ունեցած նիստում՝ ներկայացնելով Մայիսյան դեպքերի ժամանակ Ղարաքրիխայում տված կորուստները «Նախագահը անմիջապես կարդում է Ղարաքրիխայից ստացված հեռագրերը, որոնցից մեկով Ղարաքրիխայի հայութիւնը ի դեմս Դրոյի շնորհավորում է խորհրդարանի բացումը այժմ, քանի որ ժամանակին հնարավորութիւն չի եղել այդ անել և Բ. հեռագիրը, որով Դրոն հայտնում, որ Ղարաքրիխայում ու շրջակայքում մայիսյան դեպքերին սպանվածների թիվը մոտ 7000 է, որոնցից շատ շատերի համար անթաղ դիակները նոր են հավաքել ու հոգեհանգիս կատարել»¹:

Մայիսյան հերոսամարտերի ուսումնասիրութիւնը միանշանակորեն հավաստում է, որ ավելի քան հիմնավորված ու ճարտար է Ղարաքրիխայի ճակատամարտին տված Մեսրոպ եպիսկոպոս Տեր-Մովսիսյանի հետևյալ գնահատականը. «Եթե Ղարաքրիխայի պատերազմը, հակառակ հայ զինվորի անվեհեր քաջության, այնքան անփառունակ վերջացավ, դրա մեղքը ընկնում է միմիայն ապաշնորհ ղեկավարների վրա»²:

Դրոյի զորախումբը մայիսի 28-ի գիշերը դեռևս գտնվում էր Ապարանի մոտակայքի Դանազիրմազ (Նիգավան) գյուղի մոտերքում: Եթե նույնիսկ նրա ճանապարհին կանգնած չլինեք անգամ թուրքական զեթ մեկ զինվոր, ապա հայկական զորքը չէր կարող միեւնոյն ժամանակահատվածում գտնվել Բաշ-Ապարանի ուղղութիւնում եւ ճիշտ ժամանակին այնտեղից հասնել ավելի քան 50 կմ հեռավորութիւն վրա գտնվող Ղարաքրիխա եւ անմիջապես մտնել մարտադաշտ:

Երկրորդ, ծանոթանալով վերոհիշյալ տեսակետներին, դարձյալ բնականորեն մի պարզագույն հարց է ծագում՝ որտեղից, ի՞նչ փաստաթղթից կամ սկզբնաղբյուրից են Հ. Թուրքյանն ու Մ. Աղայանը պարզել, որ «քաղաքականապես ոչ հեռատես Դրոն իր զինակից դաշնակցականների նման համաձայնում է եւ դադարեցնում հարձակումը, որի հետեւանքով էսադ փաշային հնարավորութիւն է ընձեռում «գերձայնային արագութեամբ» Բաշ-Ապարանից, նույն օրը մայիսի 29-ին, հասնել Ղարաքրիխա, որտեղ, ի դեպ, նույնիսկ

մայիսի 28-ի երեկոյան այլևս հայկական զորքեր չկային, եւ օգնել Ջավիզ փաշային վերջնականապես ջախջախելու «հայկական պարաված զորքերի մնացորդներին»:

Ավելին, Հ. Թուրքյանը նույնիսկ բառացիորեն մեջբերում է իբր թե Դրոյի կողմից ստված խոսքերը: Այդ դեպքում բարեխիղճ պատմաբանը պարտավոր է նշել, ցույց տալ այն փաստաթուղթը, կամ մարտնչ պարտավոր է նշել, ցույց տալ այն փաստաթուղթը, կամ սկզբնաղբյուրը, որտեղից օգտվել է: Պատասխանը միանշանակ է. այդպիսի փաստաթուղթ եւ սկզբնաղբյուր գոյություն չունի եւ երկու հեղինակներն էլ չխորշելով մասցածին պատկերներ հորինելուց, առաջնորդվել են միայն մեկ նպատակով՝ խեղաթյուրել ու վարկաբեկել այն ամենը, ինչ ձեռք է բերվել Հ.Յ. Դաշնակցութեան եւ նրա անկանախորհրդիների ջանքերով:

Երրորդ, դիմենք արխիվային փաստաթղթերի օգնութեանը: Գեներալ Նազարբեկյանի ռազմական շտաբի կողմից Կովկասյան բանակին եւ Հայոց Ազգային Խորհրդին հասցեագրված զեկուցագրերից վկայակոչենք հետևյալ փաստաթուղթը.

«Մայիսի 29-ին Բաշ-Ապարանի ջոկատը մտնեցավ Բաշ-Ապարանի բարձունքներին: Հրանոթային հզոր մենամարտից հետո թուրքերը հեռ շարավելով Չինգիլ եւ Փոլիջա սարերի կողմը՝ ձեռնարկում են եւս մեկ հակահարձակում, բայց նորից հեռ են շարավում ու նահանջում»³:

Եվս մեկ կարեւոր փաստարկ: Վկայակոչենք այդ օրերին Բաշ-Ապարանի ուղղութիւնից կորսուած հրամանատարութեանը ներկայացրած ռազմական երկու ամփոփագրերը:

«Մայիսի 30-ին Բաշ-Ապարանի ուղղութեամբ հեռ շարաված թուրքերը կանգ են առնում եւ ամբողջովում»⁴:

Եվս մեկը.

«Հունիսի 2-ին Բաշ-Ապարանի ուղղութեանց ստացվել է հետագիր, ըստ որի թուրքերը ակտիվութեան են ցուցաբերել, բայց մեր հրետանու կրակի շնորհիվ հեռ են շարավել»⁵:

Բաշ-Ապարանի ճակատից հաղորդած վերահիշյալ ամփոփագրերից դժվար չէ հասկանալ, որ թուրքական զորքերը ոչ թե «Դրոյի թողալովութեամբ» աներեւակային արագութեամբ կորսուեցին եւ մայիսի 28-ին հայտնվել Ղարաքրիխայի ճակատում, այլ համաձայն զենեւոյ Ղարաքրիխայի հովաստման դիրքեր գրավելով... Դեպ

¹ ՀԱՍ. ֆ. 198, ց. 1, գ. 16, ք. 1:

² «Սարդարաբատ, Բաշ-Ապարան, Ղարաքրիխա», էջ 221:

¹ ՀԱՍ. ֆ. 121, ց. 1, գ. 98, ք. 32:

² ՀՀ ԲԿԱ. քիւ 503, քծ. 14, գ. 6, էջ 22:

³ Նույն տեղում:

քեանդ, Գիւզալդարէ, Աղբուլա եւ Մունջուխլի գյուղերի ուղղությունում, նույնիսկ փորձել են դիմել հարձակողական գործողություններին¹:

Հայրենի պատմաբաններից ակադեմիկոս Հրաչիկ Սիմոնյանի գնահատմամբ «Դրոյի գլխավորութեամբ Բաշ-Ապարանում տարած փայլուն հաղթանակն իրեն արդեն վերագտնող հայութեանը նոր ոգևորություն ներարկեց, նա նորից համոզվեց, որ ինքն ունակ է իրեն պաշտպանելու, եթե համախումբ և վճռական լինի»²:

Հարկ է նշել, որ Սարգարապատի եւ Բաշ-Ապարանի ուղղություններում մայիսի 28-ից հետո տեղի ունեցած իրադարձությունների ճշմարիտ գնահատականը դժվար է փնտրել միայն հայ-թուրք փոխհարաբերությունների շրջանակներում:

Մայիսի 26-ին լուծարքի է ենթարկվում Անդրկովկասյան Սեյմը, եւ նույն օրը Վրաստանի Ազգային խորհուրդը՝ ապավինելով թուրքիայի դաշնակից Գերմանիայի հովանավորությանը, Ն. Ժորդանիայի գլխավորությամբ հռչակում է Վրաստանի անկախությունը: Հաջորդ օրը նույն բովանդակության հռչակագիր է ընդունում նաեւ ազերի Ազգային խորհուրդը:

Չկար այլեւս հայերին, վրացիներին ու ազերիներին գոնե ձեւականորեն միավորող Կովկասյան հանրապետությունը: Հայոց Ազգային խորհրդի առջեւ ծառայել էր լուծելու հետեւյալ խնդիրը. կամ ընդհատել Բաթումի բանակցությունները, հրաժարվել թուրքերի հետ բանակցելուց եւ շարունակել պատերազմը, կամ ծանր զիջողությունների գնով հռչակել Հայաստանի անկախությունը:

Անժխտելի փաստ է, որ հաղթական մարտերից ոգեշնչված հայկական զորքերը թե ուզմական եւ թե բարոյահոգեբանական առումով պատրաստ էին զարգացնել ձեռք բերած հաջողությունները եւ առաջ շարժվել:

Իսկ Արարատյան զորախմբի հրամանատար գեներալ Սիլիկյանը, ելնելով ուզմականատում տիրող նպաստավոր կացությունից եւ հայ զինական ուժերի մարտական տրամադրությունից, նպատակադրվում է գրավել Կարսն ու Ալեքսանդրապոլը: Սակայն նույն օրերին Բաթումիում ընթացող բանակցություններում հայ-թուրք պատվիրակությունների միջեւ հենց մայիսի 28-ին կայացվում է զինադադարի ժամանակավոր համաձայնություն, որի մասին ուզմականատի տարբեր հատվածներում մարտնչող հրամա-

նատարներն արդեն հաջորդ իսկ օրը ստանում են գեներալ Նազարբեկյանի հրամանը:

Դրոն հայ եւ թուրք հրամանատարության միջեւ կնքված ժամանակավոր զինադադարի մասին տեղեկանում է մայիսի 29-ին, երբ նրա գլխավորած զորքը գտնվում էր Մաղկահովիտ գյուղի մերձակայքում: Ինչպես նա, այնպես էլ Արարատյան ուղղության զորահրամանատար գեներալ Մ. Սիլիկյանն ու Սարգարապատի հայկական զորագնդի հրամանատար Դանիել Բեկ-Փիրումյանը, որպես զինվորականներ, պարտավոր էին կատարել գլխավոր հրամանատարության հրամանը:

Պիտի նկատել, որ զինադադարի հրամանն ստանալուց հետո երկուստեք ակտիվ մարտական գործողություններ չեն ծավալել ոչ միայն Բաշ-Ապարանի, այլեւ Սարգարապատի ուղղությունում, չնայած մասնակի բախումներ շարունակվել են մինչեւ հունիսի կեսերը: Անժխտելի է նաեւ՝ այն իրողությունը, որ թուրքական զորքերի հրամանատարությունը երբեք չէր նպատակադրվի գնալ զիջքի հրամանատարությունը երբեք չէր նպատակադրվի գնալ զիջքի հրամանատարությանը, Բաշ-Ապարանի եւ Լանադադարի, եթե չլինեք Սարգարապատի, Բաշ-Ապարանի եւ Լանադադարի ուղղություններում Հայոց զորքերի կողմից ստացած ջախջախիչ հարվածները:

Նազարբեկյանի հրամանը խոր հրասթափություն եւ վրդովմունք է առաջ բերում մայիսյան հաղթանակներից գոտեպնդված հայ զինվորների ու բնակչության շրջաններում:

Հունիսի 2-ին Երեւանի Ազգային խորհուրդը ստանում է Հայոց Ազգային խորհրդի նախագահ Ավ. Ահարոնյանի եւ քարտուղար Ն. Աղբալյանի ստորագրությամբ վավերացրած հետեւյալ հեռագիրը. «...Ազգային խորհուրդը ստիպւած եղաւ ընդունել ուլտիմատումը (նկատի ունի Բաթումիի բանակցություններում թուրքական պատվիրակության կողմից Անդրկովկասի կառավարությանը ներկայացրած վերջնագիրը-Հ.Գ.), մի կողմից փրկութեան յոյս չունենալուց վերջնագիրը-Հ.Գ.), մի կողմից փրկութեան յոյս չունենալուց վերջնագիրը-Հ.Գ.), մի կողմից փրկութեան յոյս չունենալուց վերջնագիրը-Հ.Գ.), մի կողմից փրկութեան յոյս չունենալուց վերջնագիրը-Հ.Գ.), մի կողմից փրկութեան յոյս չունենալուց վերջնագիրը-Հ.Գ.): Ինչպէս անցեալ անգամ հիւանդութեան եւ սովի զոհ դարձնել: Ինչպէս անցեալ անգամ գրեցինք, մենք յոյս չունինք, թէ այս հաշտութիւնը տեսական կլինի, բայց ուրիշ ելք չէր մնում Հայոց Ազգային խորհրդին, քան անել այս քայլը...»¹:

Վերլուծելով այդ օրերին Երեւանում տիրող դրամատիկ իրավիճակը՝ Ս. Վրացյանը գրում է.

¹ Տե՛ս «Հայրենիք» ամսագիր, 1928, քիւ 5, էջ 125-126:

² Սիմոնյան Դ., Անդրանիկի ժամանակը, էջ 145:

¹ ՀԱԱ, ֆ. 289, ց. 1, գ. 11, թ. 1:

«...Յուսահատութիւնը անսահման էր. Երեւանի Ազգային Խորհուրդը անընդհատ նիստեր էր գումարում, բայց որոշ եզրակացութեան չէր կարող յանգել. մեծամասնութիւն չէր կազմում: Արամը գրեթէ չէր մասնակցում այդ նիստերին. նա ամփոփուել էր իր մէջ եւ սպասում էր զօր. Նազարբէկեանին: Ազգային Խորհուրդն ալեկոծուում էր առանց նրան- ոմանք առաջարկում էին հաշտել կացութեան հետ եւ ընդունել Բաթումիի դաշնագրի պայմանները, ուրիշները- գլխաւորապէս, դաշնակցականները - պահանջում էին չեղեալ համարել զօրավար Նազարբէկեանի հեռագիրը հաշտութեան մասին, զօրքերի ընդհանուր հրամանատար նշանակել զօրավար Սիլիկեանին եւ շարունակել պայքարը:

Յուցարարները, կանայք եւ օրիորդներ - դրօշակները ձեռներին՝ կանգնում էին Ազգային Խորհրդի շէնքի առջեւ եւ ներկայացուցիչների բերանով յայտարարում, թէ իրենց շրջանը ամբողջ ունեցուածքն ու կուռող ուժերը տրամադրում է Ազգային Խորհրդին, միայն թէ թշնամու պայմանները չընդունեն:

Վճիռ տալը այնչափ դժուար էր. վտանգը շատ էր մեծ: Հայկական զօրքերի ընդհանուր քանակը, այդ օրերին հասնում է 30 ոչ լրիվ գումարտակների, մինչդեռ Թուրքիան շարժման մէջ էր դրել 5 դիւիզիա (3-րդ, 5-րդ, 9-րդ, 11-րդ, 36-րդ), այսինքն 50 գումարտակ եւ ի վիճակի էր նորանոր ուժեր հասցնելու: Հայ զինուորների թիւը 12000-ը չէր անցնում: Թիւրքերն առաջ էին քաշել 35000 կուռող:

Ազգ. Խորհուրդը չկարողացաւ միակամութիւն երեւան բերել, եւ զօր. Սիլիկեանին մնում էր ենթարկւել զօր. Նազարբէկեանի հրամանին: Պատերազմը վերջացաւ¹:

Պատերազմը շարունակելու կամ դադարեցնելու վերաբերյալ իր վճռորոշ խոսքը պիտի ասեր նաեւ Երեւանի Ազգային Խորհուրդն ու նրա առաջնորդ Արամ Մանուկյանը: Երեւանն արդեն ստացել էր պատերազմը դադարեցնելու վերաբերյալ հայկական զօրքերի հրամանատար գեներալ Թ. Նազարբէկյանի հրամանն ու Հայոց Ազգային Խորհրդի որոշումը: Համանման իրավիճակում Երեւանի Ազգային Խորհուրդն ու Արամ Մանուկյանն այլընտրանք ունենալ չէին կարող:

Իրօք, ռազմաճակատում եւ հատկապէս Անդրկովկասյան հանրապետութեան բարդ եւ քաոսային իրավիճակը դժվարին երկընտրանքի առջեւ էր կանգնեցրել Հայոց Ազգային Խորհրդին: Մայիսի 26-

ին Անդրկովկասյան Սեյմի լուծարման եւ նույն օրը վրացիների կողմից Անդրկովկասյան կառավարութեան կազմից դուրս գալու ու անկախութեան հռչակագիր ընդունելու քայլերը նոր կացութեան առջեւ կանգնեցրին Հայոց Ազգային Խորհրդին:

Հայոց Ազգային Խորհուրդը՝ հայտնվելով դժվարագույն իրավիճակում, բնականաբար, ստեղծված կացութեանից դուրս գալու համար պիտի համապատասխան քայլեր ձեռնարկեր: Մայիսի 26-ին գումարվում է Հայոց Ազգային Խորհրդի նիստ, ուր պետք է որոշվեր Հայաստանը անկախ հանրապետություն հռչակելու կամ չհռչակելու խնդիրը: Ազգային Խորհրդի անդամ Արտաշես Բաբալյանի (հետագայում Հայաստանի Հանրապետութեան խնամատարութեան նախարար -Ղ.Գ.) վկայությամբ այս խնդրի վերաբերյալ տիրապետել է երկու հիմնական կարծիք.

1. Ազգային Խորհրդի մի մասը, որոնց թվում նաեւ ինքը՝ Արտաշես Բաբալյանը, ինչպէս նաեւ Ավ. Ահարոնյանն ու Ռուբեն Տեր-Մինասյանը, պնդել են, որ չպետք է հռչակել Հայաստանի անկախությունը: Իրենց տեսակետը հիմնավորելու համար նրանք վկայակոչել են հետեւյալ փաստարկները.

ա. Հայկական տարածքների մեծ մասը գտնվում էր Թուրքերի տիրապետութեան տակ:

բ. Անդրկովկասը երեք անկախ մասերի բաժանելը Թուրք իշխանութունների կողմից առաջադրված պայմաններն էին:

Ելնելով այդ նախադրյալներից՝ նրանք գտնում էին, որ ներկա պայմաններում Ռուսաստանից անջատվելը վտանգավոր է եւ ոչ նպատակահարմար: Անդրկովկասում տիրապետող վատթարագույն իրավիճակի ստեղծման գործում մեղադրելով իրենց վրաց գործընկերներին, նրանք դատապարտում եւ քննադատում էին նրանց անջատողական քայլերը: Իհարկե, վրացական կողմի դրսեւորած հակահայ քայլերն ակնհայտ են, բայց իզուր է նրանց մեղադրելը: Վրաց ազգային գործիչներն արել էին ճիշտ եւ ճիշտ այն, ինչը թելադրում էր ժամանակը եւ Վրաստանի շահերը:

2. Ազգային Խորհրդի մյուս անդամները, որոնց թվում էր Սիմոն Վրացյանը, կողմ էին Հայաստանի անկախութեան հռչակմանը¹:

Մայիսի 27-ի հարավ կովկասյան Թուրքերի (Թաթար) կողմից իրենց անկախությունը (ապագա Ադրբեջանի հանրապետություն) հռչակելու փաստն ավելի է հստակեցնում ձեռնարկվելիք քայլերը:

¹ Վրացեան Ս., Հայաստանի Հանրապետութիւն, էջ 144-145:

¹ Տե՛ս «Հայրենիք» ամսագիր, 1923, յունիս, էջ 43:

Մայիսի 28-ին, Հայոց Ազգային խորհուրդը դեռևս անկախության հռչակագիրը չընդունած՝ որոշում է վերստին պատվիրակություն (Ալ. Խատիսյան, Հովհ. Քաջազնունի, Մ. Պապաշանյան) ուղարկել Բաթումի եւ Հայաստանի անունից թուրքական կողմի հետ վերսկսել ընդհատված բանակցությունները:

Մայիսի 29-ին Թիֆլիսում գումարվում է Հ.Յ. Դաշնակցության Արեւմտյան եւ Արեւելյան Բյուրոների, Ազգային Խորհրդի դաշնակցական ներկայացուցիչների, ինչպես նաեւ Սեյմի հայ պատվիրակների միացյալ խորհրդատուները, ուր մեկ անգամ եւս քննարկելով Անդրկովկասում եւ ռազմաճակատում տիրող քաղաքական ու ռազմական իրավիճակը, որոշվում է Հայաստանը հռչակել անկախ հանրապետություն: Եվ խորհրդատուների վճռից հետո միայն Հայոց Ազգային Խորհուրդը որոշում է ընդունել հետեւյալ հռչակագիրը.

«Անդրկովկասի յայտարարութիւնը քաղաքական ամբողջութեան լուծումով եւ Վրաստանի ու Ադրբեջանի անկախութեան հռչակումով ստեղծուած նոր դրութեան հանդէպ Հայոց Ազգային Խորհուրդը իրեն յայտարարում է հայկական գաւառների գերագոյն եւ միակ իշխանութիւն: Որոշ ծանրակշիռ պատճառներով թողնելով մօտիկ օրերում կազմել Հայոց Ազգային կառավարութիւն: Ազգային Խորհուրդը ժամանակաւորապէս ստանձնում է կառավարութեան բոլոր ֆունկցիաները հայկական գաւառների քաղաքական եւ վարչական դեկր վարելու համար:

1918 թ. Մայիս 30, Թիֆլիս, Հայոց Ազգային Խորհուրդ»¹:

Մայիսյան հերոսամարտերը հայ ժողովրդի ազգային-ազատագրական պայքարի միասնության եւ անպարտ ոգու դրսեւորման հիասքանչ օրինակ են, որոնց ծնունդն ու արդյունքն էր Հայաստանի Հանրապետությունը: Հարյուրամյակներ շարունակ ազգային պետականությունը կորցրած հայությունը անպատմելի արհավիրքների ու հերոսական մաքառումների գնով ձեռք բերեց իր հայրենի փոքրիկ հողակտորում գոյատեւելու, ազատ ու անկախ ապրելու իրավունքը:

Արժանվույնս գնահատելով Հայաստանի անկախության հռչակման գործում մայիսյան հերոսամարտերի եւ հայկական զորքերի ավանդն ու նշանակությունը, Հայոց Ազգային Խորհրդի նախագահ Ավ. Ահարոնյանն ու քարտուղար Ն. Աղբալյանը Երեւանի Ազգային Խորհրդին հասցեագրված՝ 1918 թ. հունիսի 5-ին թվագրված ուղեր-

ձում գրում են. «Ձեր կոիւնների մասին մենք տեղեկութիւններ ստացանք Վեհիբ փաշայից: Մեր թեկուզ եւ ոչ մեծ եւ աղքատ, սակայն ազատ Հայաստանի համար մենք պարտական ենք զօրքերի ինքնագոհողութեանը: Պէտք է ենթադրել, որ զօրքերի ընդհարումները թուրքերին ստիպեցին ճանաչել Հայաստանը»¹:

Այս հարցում երկրորդ կարծիք լինել չի կարող: Եթե չլինեին մայիսյան հերոսամարտերը, հայ ժողովրդի եւ հայկական բանակի հերոսական դիմադրությունը, ապա թուրքերը երբեք չէին համաձայնի դադարեցնել պատերազմական գործողությունները եւ առավել եւս, թեկուզ փոքր հողակտորի վրա, ճանաչել Հայոց անկախ պետականությունը՝ Հայաստանի Հանրապետությունը:

Մայիսյան հերոսամարտերի պատմական նշանակության մասին հետաքրքիր եւ ուշագրավ գնահատական է տալիս գեներալ Գ. Ղորղանյանը. «... անհրաժեշտ է քանի մը խօսք ասել մայիսի 24-էն մինչեւ մայիսի 26-ը Հայկական Զօրամարմնի մղած կոիւններու նշանակութեան մասին, երբ հայկական զօրքերը մասնակի տաքթիք յաջողութիւններ ունեցան Ղարաքիլիսէի, Սարդարաբազի եւ Բաշ-Աբարանի մօտ՝ զօրավար Նազարբեկեանի, զօրավար Սիլիկեանի եւ Դրօյի հրամանատարութեան տակ:

Այդ յաջողութեանց ռազմական արդիւնքը այն էր, որ թուրքերու յառաջացումը առժամապէս կասեցուցեալ, ու անոնք բաւական ժամանակ կորսնցուցին: Իսկ քաղաքական արդիւնքը ուղղակի նշանակալի եղաւ հայ ժողովուրդի ապագայի համար»²:

Ինչպես արդեն նշվել է, թուրքերի գլխավոր խնդիրը հնարավորինս արագ դեպի Բաքու դուրս գալն էր: Գերմանիան ու նրա գիւնակից տերությունները պատերազմում Անտանտայի տերություններին վերջնական պարտության մատնելու նպատակադրությամբ՝ պատրաստվում էին վճռական ռազմական գործողությունների եւ նրանց չափազանց անհրաժեշտ էր վառելիք՝ նավթ, որը գտնվում էր Բաքուում: Թուրք հրամանատարության հաշվարկով թուրքական զորքերը պետք է արագորեն ընկճեին իրենց ճանապարհը պատենշող հայկական զորամասերի դիմադրությունը եւ շարժվեին դեպի Բաքու, ապա նաեւ Կովկասի թուրքաբնակ մյուս վայրերը: Սակայն այս անգամ նրանց հաշվարկներն այնքան էլ ճիշտ չէին: Հայկական զորքերն իրենց հերոսական դիմադրությամբ խափանեցին նրանց

¹ ՀԱԱ, ֆ. 200, ց. 1, գ. 23, ք. 125-127:

² «Հայրենիք» ամսագիր, 1928, յթի 5, էջ 126:

ծրագրերը, եւ թուրքերը կորցրին իրենց համար չափազանց կարեւոր ավելի քան հինգ ամիս ժամանակը:

Գեներալ Գ. Ղորղանյանը՝ շեշտելով թուրքերի ժամանակի կորուստը, նկատի ունի հենց այս հանգամանքը:

«... այդ կռիւները, - նշում է գեներալ Ղորղանյանը, - ցոյց տուին, որ Հայկական Զօրամարմնի դիմադրական կորույր խորտակուած է, եւ որ թուրքերը պէտք էին գործ դնել բաւական ջանք ու ատեն, որ պէսզի ստիպէին Զօրամարմինը՝ զէնքը վար դնել»¹:

Մայիսյան հերոսամարտերում եւ նրան նախորդած կռիւներում Հայկական զորքերի դրսեւորած անկոտրում դիմադրութիւնն ու ձեռք բերած նվաճումը, ըստ գեներալ Ղորղանյանի, թուրք հրամանատարութեանը կանգնեցնում է երկրնտրանքի առջեւ. կամ պետք է շարունակել պատերազմը, որն անվերապահորեն նշանակում էր ուժերի կորուստ եւ գլխավոր նպատակի՝ Բաքու ու թուրքաբնակ մյուս վայրերը դուրս գալուց հրաժարում անորոշ ժամանակով, կամ հանուն գլխավոր նպատակի իրականացման, գոնե ժամանակավորապես, Հայաստանի հետ հաշտութիւն:

Երկրնտրանքից դուրս գալու ելքը գտնվեց.

«Վերոհիշեալ կռիւներէն քանի մը օր յետոյ, - շարունակում է գեներալ Ղորղանյանը, - թուրքիա ճանչցաւ Հայաստանի անկախութիւնը, ստորագրելով անոր հետ հաշտութեան դաշինք (4 յունիս 1918) ու ձեռք բերելով գործողութեանց ազատութիւն այդ ռազմաբեմի վրայ: Թուրքերը վճռեցին այդպիսի քայլ մը առնել, վասնզի չվաւերացնելով դաշինքը՝ միշտ հնարաւորութիւն ունէին պատեհ վայրկեանին իրենց զէնքը Հայաստանի դէմ դարձնել:

Կեդրոնական պետութիւններու պարտութիւնը ի դերեւ հանեց այդ ծրագիրը: Իովին կտրուած լինելով արտաքին աշխարհէն, Հայ ժողովուրդը իր փրկութեամբ պարտական է միայն իր որդիներու՝ Ղարաքիլիսէի, Բաշ-Աբարանի եւ Սարդարաբատի մարտիկներու դիւցազնութեան»²:

Ահա պատմական այդ իրողութեան Դրոյի գնահատականը.

«Կատարուեց հրաշքը: Դաշնակցութիւնը կարողացաւ ի մի հավաքել եւ գոյապայքարի ճակատ նետել Հայութեան բոլոր կենդանի ուժերը: Հայաստանն ամբողջ, մեծով- պզտիկով, ոտքի կանգնեց եւ պատուով մեռնելու կամ ազատ ապրելու վճռով կուրծք տուեց թշնամուն: Որքան յուզիչ դրուագներ եւ հերոսական դէպքեր կարելի է նկարագրել այն կռիւներից, որոնց արդիւնքը եղաւ մայիսի 28

պատմական թուականը: Սարդարաբատի, Ղարաքիլիսէի, Բաշ-Աբարանի ճակատամարտերուն մէջ իր տարած անօրինակ յաղթանակներով Հայ ժողովուրդը տիրացաւ ազատ եւ անկախ ապրելու անփոխարինելի բարիքին: Այդ ճակատամարտերն եղան պատճառ, որ տաճիկները հարկադրուեցին դաշինք կնքել հայերի հետ եւ ճանաչել Հայաստանի անկախութիւնը:

Յարգանք Հայ ժողովրդին, նրա յեղափոխական մարտիկներին եւ ղեկավարներին, փառք Հայ բանակին եւ նրա անձնուէր զինուորներին ու սպաներին, որոնք գիտցան արհամարհել ամէն դժուարութիւն եւ կամքով խոյացան մահուան դէմ մինչեւ արեան վերջին կաթիլը կոռուելու վճռականութեամբ:

Այդ հերոսների կերտած թուականն է մայիսի 28-ը»¹:

Եթե ըստ ամենայնի անաչառ գնահատենք Մայիսյան հերոսամարտերի դերն ու նշանակութիւնը, ապա պիտի փաստել, որ այդ ճակատամարտերում Հայ մարտական ուժերի նվաճած հաղթանակը ոչ միայն անգնահատելի է իր համազգային պատմական նշանակութեամբ, այլեւ մեկ այլ ակնառու իրողութեամբ: Թուրք հրամանատարութեան հարձակման նպատակետը ոչ միայն Հայաստանն էր, այլեւ Բաքուն եւ Վրաստանի մայրաքաղաք Թիֆլիսը: Հարց է ծագում. ինչպիսի՞ իրավիճակում կհայտնվեին Բաքուն պաշտպանող Կոմունայի զորքերը, եթե չլինեին Հայկական զօրամասերի հերոսական դիմադրութիւնն ու Սարդարաբատի, Բաշ Ապարանի եւ Ղարաքիլիսայի հերոսամարտերը: Նույնը հավասարապես վերաբերում է Վրաստանին ու նրա մայրաքաղաք Թիֆլիսին:

Անտարակույս, եթե թուրքական զորքերին հաջողվեր արագորեն հաղթահարել Երզնկայից, էրզրումից մինչեւ Սարդարաբատ, Ապարան եւ Ղարաքիլիսա ընկած տարածքում մարտնչող Հայկական զորքերի դիմադրութիւնը, ապա նրանք կարող էին առավել հեշտութեամբ ու անհամեմատ կարճատեւ ժամանակահատվածում հայտնվել Բաքու ու Թիֆլիս եւ իրենց համազործակցող տեղի մարտական ուժերի համազործակցութեամբ՝ գրավել այդ քաղաքները:

Այս առումով ուշադրավ է Ա. Հարութիւնյանի դատողութիւններն ու տրված գնահատականները:

Թեպետ նա իր դատողութիւններում ու գնահատականներում անհամեմատ քիչ է հիշատակում Բաշ Ապարանի ճակատամարտը, սակայն իրավացիորեն նշում է. «...միթե՞ պարզ է, որ եթե Սարդարաբատում և Ղարաքիլիսայում հայկական զորքերը չկաշկանդեին, չկազմալուծեին թուրքական դիվիզիաների հարվածային ուժերը,

¹ Նույն տեղում:

² Նույն տեղում, էջ 127:

¹ «Հայաստանի Հանրապետութեան 60-ամեակը 1918-1978 թթ.», էջ 5:

ապա նրաք հաղթական արշավով կհայտնվեն Ղազախում, Ելիզա-վետապոլում...

Ավելին, այդ դիվիզիաները ավելի շուտ կհայտնվեն Բաքվի մասուլյաններում, քան Շահումյանն ու Կուրդանովը կհասցնեն կազմավորել կոմունայի զորքերը»¹:

Ա. Հարությունյանի գնահատմամբ՝ Հայկական զորքերի դիմադրությունը կանխեց նաև դեպի Վրաստան, Թիֆլիս առաջացող թուրքական զորքերի հարձակումը եւ դա հնարավորություն ընձեռեց վրացիներին ժամանակ չափել ու համոզել գերմանացիներին ու թուրքերին, որպեսզի «...ազգական էջելունները Թիֆլիսով չանցնեն: Սակայն, եթե թուրքական այդ դիվիզիաները, որոնց մարտունակությունը Չարդվեց Սարդարաբատում եւ Ղարաքիլիսայում, իրենց լիակատար կազմով հայտնվեն Սաղախլու կամ Նավթալուզ կայարաններում, ապա հազիվ թե որևէ մեկը կասկածեր, որ նրանք, որհամարելով բոլոր համաձայնագրերը, հիմնովին տակնուվրա կանեն Թիֆլիսը»²:

Դրոյի մարտական գործունեության այդ ժամանակահատվածին փոքր-ինչ իրազեկ մարդը կարող է անվարան հաստատել Սիմոն Վրացյանի հետևյալ կարծիքը.

«Յիշե՛ք միշտ, որ եթէ այսօր Հայաստանը Հայաստան է իր ազգային կազմով եւ ազգային պետական կառույցով, հայութիւնն այդ բանի համար երախտագէտ պէտք է լինի առաւելուպէս Արամին ու Դրոյին եւ, իհարկէ, Արարատեան աշխարհի հայ ժողովրդին ու գործիչներին»³:

Մայիսյան հերոսամարտերի հաղթանակի եւ Հայաստանի Հանրապետության կերտման գործում Դրոյի հիրավի անգնահատելի ներդրումն ու վաստակը արժանվոյնս գնահատել ու նշել են նրա ժամանակակիցներից շատերը:

Մի ուշադրավ վկայություն եւս: Համառոտակի նարագրելով Երեւանյան զորախմբի մայիսի 22-29-ին ծավալած արգասաբեր գործողությունները՝ կորպուսի հրետանային բրիգադի հրամանատար, իսկ 1919 թվականից մինչեւ 1920 թ. մայիսը Հանրապետության պաշտպանության նախարար գեներալ Արարատյանը գրում է. «...ուզում եմ մի քանի խոսք ասել Երեւանի Ազգային Խորհրդի գործունեության մասին, որի ոգին էին Արամ Փաշան(Մանուկյան) ու ոգով զինվորական, մեր ազգային հերոս Դրոն:

Երեւանի շրջանում, իշխանությունը ամուր գտնվում էր Արամ Մանուկյանի ձեռքում, որը համերաշխ գործում էր ժողովրդին ու զորքին ոգեշնչող գեներալ Սիրիկյանի եւ Դրոյի հետ: Երեւանի շրջանի ռազմական եւ տնտեսական հզորության կազմակերպման նրանց ակնառու ունակությունը հայերին հնարավորություն տվեց գեներալ ձեռքին պահել մի կտոր հողը, միակ քաղաք Երեւանը եւ Սուրբ Էջմիածնի վանքը: Եվ եթե մեր՝ Հայերիս հետ հաշվի էին նստում այն ժամանակ եւ հաշվի են նստում այժմ, ապա այդ ես վերագրում եմ բացառապես երեք անձանց՝ Արամին, գեներալ Սիրիկյանին, Դրոյին»¹:

Բազում կոիվների հորձանուտում թրծված մարտական գեներալի անկեղծ խոստովանությունն ու գնահատականը ավելի քան խոսուեն է:

Աբ. Գյուլխանդանյանի գնահատմամբ՝ «Եթէ մեր այժմեան փոքրիկ հայրենիքը 1918 թուին ձեւաւորուեց եւ իրական կերպարանք ստացաւ, Դրոյի բազկի ուժով եւ նրա կորովով էր, որ այդ հայրենիքի անկիւնաքարերից մէկը դրուեց...»²:

Իսկ այդ ընթացքում Բաթումիում բանակցությունները դեռեւս շարունակվում էին: Բանակցությունների մասնակից հայ պատվիրակների հետագա խոստովանությունից պարզվում է, որ մայիսյան դեպքերի ազդեցության շնորհիվ փոխվում է նաև թուրք պատվիրակների ընդգծված կարծի ու կոչտ վերաբերմունքը: Թուրքերը, որոնք մինչ այդ առաջնորդվում էին միմիայն Վրաստանի եւ Ադրբեջանի անկախությունը ճանաչելու դիրքորոշմամբ, այժմ արդեն խոսում էին նաև Հայաստանի մասին, իսկ նրանց պատվիրակության ղեկավար Խալիլ փաշան նույնիսկ խնդրում է հայ պատվիրակներին Հայոց Ազգային Խորհրդին հաղորդել, որ իրենք համաձայն են «Հայաստան կազմակերպելուն Կովկասի այն վայրերում, որոնք իրենց կողմից գրավված են...»³:

Հունիսի 4-ին հայ եւ թուրք պատվիրակությունները միջև ստորագրվում է նաև պատերազմը դադարեցնելու մասին համաձայնագիրը: Թուրքերը, ճակատագրի դառը հեգնանքով, առաջինը ճանաչելով Հայոց անկախ Պետականությունը, Հայաստանի Հանրապետությունը՝ համաձայնվում են Հայաստանի համար սահմանված մոտավորապես 10000 քառակուսի կիլոմետրին ավելացնել եւս 1000 քառակուսի կիլոմետր: Հանրապետության սահմանները հասնում էին

¹ Հարությունյան Ա., նշվ. աշխ., էջ 188:

² Նույն տեղում:

³ Վրացեան Ա., Կեանքի ուղիներով, հ. 7, էջ 182:

¹ ՀԱԱ, ֆ. 121, ց. 1, գ. 82, ք. 18:

² «Հայրենիք» ամսագիր, 1953, թիւ 12, էջ 135:

³ ՀԱԱ, ֆ. 200, ց. 1, գ. 11, ք. 42-44:

Ջաջուռ կայարանից Ալազյազի գագաթը եւ այնտեղից ձգվում դեպի Վաղարշապատ¹:

Այսպիսով, Անդրկովկասյան Սեյմի ու կոմիսարիատի լուծարմամբ, համաձայն Բաթումի պայմանագրի, Անդրկովկասում ձեւորվում են երեք հանրապետություններ՝ Հայաստան, Վրաստան եւ Արեւլակովկասյան մուսուլմանական հարապետություն, որը Նուրի փաշայի կողմից Բաքուն գրավելուց հետո, կոչվեց Ադրբեջանական դեմոկրատական հանրապետություն²:

Անդրկովկասում նոր-նոր ծնունդ առած հանրապետությունների փոխհարաբերություններն ի սկզբանե կրում էին ոչ թե բարեկամական, այլ ավելի շուտ թշնամական բնույթ, քանզի նրանց միջեւ կային հողային, տնտեսական ու բազում այլ վիճահարույց խնդիրներ, որոնք որեւէ պահի կարող էին վերածվել առճակատման ու զինված բախումների:

Ռուսները, վերլուծելով Անդրկովկասյան նորատեղծ երեք հանրապետությունների փոխհարաբերությունը, վկայակոչում է Անդրկովկասի վիճակագրությունն ու ժողովուրդների քանակական կազմն ու դասավորվածությունը, որոնցով պայմանավորված էին Հայաստանի, Վրաստանի եւ Ադրբեջանի հանրապետությունների ներքին ու արտաքին քաղաքականությունը:

Ըստ Ռուսների՝ «Համաձայն ուսու պաշտոնական վիճակագրութեանց, 1915 եւ 1917 թուականներին՝ Անդրկովկասի 195.000 քառ. վերստ(1 քառ. վերստը հավասար է 1,14 քառ. կիլոմետրի) տարածություն վրայ կապրէին^(*) —

Հայ	1.786.000
Մահմետական	2.522.000
Վրացի	1.784.000
Ջանազան	914.000
Գումար	7. 006.000 » ³ :

Ներկայացնելով Անդրկովկասի ազգաբնակչության վիճակագրական տվյալները՝ Ռուսները կատարում է հետեւյալ պարզաբանումը. «Ի՞նչ են ասում այս թվերը: Եթէ նկատի առնենք, որ վրացիներին թուի մէջ մտնում են մօտ 130.000 մահմեդական վրացիներ, իսկ 2. 522.000 իսլամների մէջ մտնում են տաճիկներ, քիւր-

տեր, լեռնականներ, եւայլն(որոնք եթէ դուրս հանելու լինենք՝ մօտ 1.600.000 թաթար է մնում Անդրկովկասում)»¹:

Ներկայացնելով Անդրկովկասի ազգաբնակչության վերոհիշյալ վիճակագրությունը՝ Ռուսները կատարում է հետեւյալ ուշագրավ եզրակացությունը.

«ա. Որ Անդրկովկասի թաթար, հայ եւ վրացի տարրերը համարեա հաւասար ոյժ կը ներկայացնեն.

բ. Որ հաւասար ուժերը պիտի ձգտում ունենային հաւասար կտորների բաժանել Անդրկովկասը:

Եւ իրօք, այս ուժերի հաւասարութիւնը ստեղծում էր երեք իրարու հաւասար հակադիր ուժեր, որնցմէ իւրաքանչիւրը կը ջանար իր սահմանները գծել կամ ազգագրական իրաւացի հիմքի վրայ եւ կամ սահմանային, տնտեսական, զինուորական եւ քաղաքական շահերու նկատառումով»²:

Կովկասյան հանրապետությունները դեռ նոր էին ձեւավորվում եւ միայն ժամանակը ցույց կտար, թե ինչես ուղղվածությամբ էին ընթանալու նրանց փոխհարաբերությունները: Իսկ Բաթումիում արդեն կնքվել էր համաձայնագիր եւ հայոց զորքերի հրամանատարությունը այլեւս ոչինչ չէր մնում անելու, բացի վերոհիշյալ համաձայնագրի կենսագործումից:

Զինադադարի հրամանն ստանալուց հետո նույնպես անորոշ վիճակում հայտնված Դրոն վերադառնում է Երեւան: Հայկական զորքերի հրամանատարական կազմի շրջանում, ինչպես որ սպասվում էր, դարձյալ տիրել են իրարամերժ տեսակետներ պատերազմի հետագա ընթացքի վերաբերյալ:

Բաթումի հաշտության պայմանագրից իր դժգոհությունն ու անհամաձայնությունն է արտահայտել Անդրանիկը:

Ակադեմիկոս Հր. Միմոնյանի գնահատմամբ՝ «Անդրանիկին հատկապես հավասարակշռությունից հանել էր պայմանագրի 4-րդ հոդվածը, որի համաձայն ինքն ու իր զորքը, ըստ էության, համարվում էին օրենքից դուրս: Միայն իր զորամասի զինվորների թիվը ավելի քան երկու անգամ գերազանցում էր հայոց հանրապետության համար նախատեսված զորքի թվին(համաձայն Բաթումիի պայմանագրի՝ Հայաստանին իրավունք էր վերապահվում ունենալ 1200 զինվորներից բաղկացած բանակ-2. Գ.)»³:

¹ Նույն տեղում:

² Նույն տեղում, էջ 178-179:

³ Սիմոնյան Գ., նշվ. աշխ., հ. Բ, էջ 161:

¹ Նույն տեղում, գ. 12, ք. 12-13:

² Տե՛ս նույն տեղում:

³ Ռուբէն, նշվ. աշխ., հ. 7, էջ 178:

Մերժելով Բաթումիի պայմանագիրը՝ Անդրանիկը հրաժարվում է կատարել իր գործամասը ցրելու Հայկոց Ազգային Խորհրդի պահանջը՝ պատճառաբանելով, որ իր զորքը բաղկացած է արեւմտահայ զինվորներից, իսկ հաշտութուն կնքողը Ռուսահայ Ազգային Խորհուրդն է:

Իր գլխավորած Հարվածող Ձորամասի հետագա անելիքները որոշելու նպատակով՝ Անդրանիկը հունիսի 4-ին հրավիրում է զինվորական խորհրդի նիստ: Իր ելույթում ընդգծելով, որ ինքն ու իր զորքը զրկված են Հայաստանում մնալու իրավունքից՝ Անդրանիկը հայտնում է, քանի որ իրավունք չունի գործամասը ցրելու, ուստի «...միայն մի ելք է տեսնում՝ զորքով ու գաղթականների զանգվածով հեռանալ Հայաստանի Հանրապետության տարածքից:

...Հարվածող Ձորամասի զինվորական խորհուրդը որոշում է թողնել Կովկասը և բռնել Բաղդադի ճանապարհը»¹:

Նույն օրը՝ հունիսի 4-ին, զինվորական խորհրդի նիստի ավարտից հետո, Անդրանիկը գեներալ Նազարբեկյանին, Հայոց Ազգային Խորհրդին ու Հայաստանի Ապահովության Խորհրդին հասցեագրած հեռագրում հայտնում է. «Նկատի ունենալով, որ Դուք սեփական ձեռքով Ձեր վրա եք նետել սև ստրուկի հավերժական շղթանները՝ և՛ խիղճը, և՛ պատիվը անամոթաբար ծախելով դրանց նկատմամբ ոտնձգություն անող անպատկառ հակառակորդին, հաղորդում եմ, որ իմ զինվորը այսուհետև չի կարող մնալ իր դիրքերում որպես անզեն մարտիկ և լինել լկտի հակառակորդի կողմից բազմաչարչար հայրենիքի սուրբ մարմնի պղծման լուռ վկան, ուստի իմ ջոկատը այսօր երեկոյան կամ վաղը առավոտյան կմեկնի այստեղից: Կարգադրեք Սեմյոնովկայում կանգնած զորամասերին առաջ շարժվելու և գրավելու իմ ջոկատի կողմից այժմ զբաղեցրած դիրքերը »²:

Անժխտելի է, որ եթե Անդրանիկի առաջնորդած ըստ ամենայնի զինված և հանդերձավորված զորամասը մասնակցեր Ղարաբաղի ճակատամարտին, ապա բնավ չէր բացառվում, որ այդ ճակատամարտը նույնպես հաղթական ավարտ ունենար: Եթե Սարդարաբատի ու Բաշ-Ապարանի հաղթական ճակատամարտերին գումարվեր նաև Ղարաբաղի ճակատը, ապա Բաթումիում ընթացող բանակցություններում հայկական պատվիրակությունը անտարակույս կհայտնվեր ավելի շահեկան իրավիճակում ու արդյունքում

ձեռք կբերեր ավելի մեծ իրավունք ու հնարավորություն՝ կնքելու հայտնության համար շատ ավելի դրական պայմանագիր:

Մեղադրանքի ու անարգանքի սյունին դամելով Հայոց Ազգային Խորհրդին ու հայկական բանակի հրամանատարությունը՝ Անդրանիկը բնավ չի խոստովանում ու չի ընդունում ստեղծված դժգույն կացությունում իր ունեցած մեղքի բաժինը:

Այս առումով խիստ ուշագրավ է, իսկ զուտ իմացաբանակ տեսանկյունից բավականին խոսուն Անդրանիկի հեռագրին ուղղված գեներալ Նազարբեկյանի հետեյալ պատասխանը. «Ստանալով Ձեր հեռագիրը, հայտնում եմ, որ դա ինձ չի վիրավորում, որովհետև անհաջողության գլխավոր հանցավորներից մեկը ես համարում եմ Ձեզ և Ձեր զորամասը: Ունենալով այնպիսի մեծ ուժ, ինչպիսին Ձերն է, միամիտ է պաշարման վտանգի և կորստի շտաբի հետ կապ չունենալու պատճառաբանությունը: Ձալալոլլիից նահանջեցիք, ունենալով Ձեր դիմաց տաճկական մի գումարտակ հետևակ զորք և որով մերկացրիք Ղարաբաղիսայի զորամասի շատ կարևոր թևը: Նման երևույթ տեղի ունեցավ նաև Հրզրումի և Սարիղամիշի տակ: Նախքան այդպես անթույլատրելի կերպով մեղադրեիք ձեր ղեկավարին, որի անձնավորությունը և հայացքները անցյալի փորձից շատ լավ գիտեք, պետք էր որոնել ամոթալի հաշտության իսկական հանցավորներին ու պատճառները: Պատմությունը կքննի ու կդատապարտի իսկական հանցավորներին, որոնց պատճառով Հայոց Ազգային Խորհուրդը ստիպված եղավ ընդունել ստորացուցիչ հաշտությունը...»¹:

Պատերազմը դադարեցնելու վերաբերյալ գեներալ Սիրիկյանի տեսակետն հայտնի է: Սակայն կային նաև այնպիսի ռազմական գործիչներ, որոնք համաձայն էին անգամ Երեւանը հանձնելու գնով ձեռք բերել կոիվները դադարեցնելու համաձայնությունը:

Բաշ-Ապարանի հաղթանակի գլխավոր հերոսն այլընտրանք չէր կարող ունենալ: Դրոյին խիստ զայրացրել էր մեծ զոհողությունների ու զիջողությունների գնով թուրքերի հետ հաշտություն կայացնելու քարոզիչների տեսակետը: Այս կապակցությամբ արդեն բազմիցս հիշատակված Մարտիրոսը պատմում է մի ուշագրավ դրվագ:

«Երեւանում տեղի ունեցած խորհրդակցության մասին լսեցինք, թէ՛ զորավար Բէդժանբէգովը և Դրոս ընդհարուել են: Զորավարը յայտնել է, որ եթէ տաճիկները ցանկանան վերցնել Երեւանը, մենք

¹ Նույն տեղում, էջ 164:

² Նույն տեղում, էջ 165:

¹ Նույն տեղում, էջ 166:

պէտք է տեղի տանք, քանի որ դիմադրել չենք կարող: Իսկ Դրօն առարկել է ասելով. «Դու նախ քո կիներն ու աղջիկները տար յանձնիր տաճիկներին, ապա քեզ իրաւունք համարիր տաճիկներին յանձնելու հայ գիւղացու կիներն ու աղջիկները առանց կռուի»:

Ընդհարումը այն աստիճան է հասել, որ Դրօն ցանկացել է ատրճանակով խփել զօրավար Բէժանբէգովին, բայց արգելել են նրան»¹:

Չնայած հունիսի 4-ին կնքված զինադադարին՝ դրուժնուքը ռազմաճակատի տարբեր հատվածներում դեռևս շարունակում էր մնալ լարված ու անորոշ: Թուրքերն այս անգամ էլ հավատարիմ գտնվելով զինադադարը խախտելու իրենց հարազատ սկզբունքին, մերթընդմերթ մինչև հունիսի վերջերը փորձել են վերսկսել հարձակումները ե՛ւ Սարդարապատի եւ թե՛ Բաշ-Ապարանի ուղղութիւններում: Վերոհիշյալ ուղղութիւններից այդ օրերին ստացված տեղեկագրերն ակնհայտորեն ապացուցում են, որ թուրքերի համար ծայրաստիճան դժվար է եղել հաշտվել անգամ ընդամենը 11000 քառակուսի կիլոմետր տարածք ունեցող նորաստեղծ Հանրապետութեան գոյութեան հետ²:

Հայաստանի նորաստեղծ Հանրապետութիւնում առավել ծանր իրավիճակում էին գտնվում արեւմտահայ գաղթականները, որոնք բնակութեան վայր որոնելու ու որեւէ տեղ հաստատվելու նպատակով հարկադրված տեղափոխվում էին մի շրջանից մեկ այլ շրջան: Մահմեդական հրոսակախմբերն այդ տեղափոխութիւնները խափանելու դիտավորութեամբ հաճախակի հարձակվել են գաղթականների վրա եւ կատարել բազմաթիւ սպանութիւններ ու բռնութիւններ:

Անհրաժեշտ էր պաշտպանել գաղթականների անվտանգութիւնը, այլապես նրանք հեշտութեամբ կզաւակնային մահմեդական հրոսակախմբերի հարձակումների զոհը:

Ապարանի ճակատամարտից հետո Դրօն գնդապետ Կորուկովի գլխավորած պարտիզանական հեծյալ գնդի հեծյան հարյուրակների հրամանատարներ Կուռ Թարխանյանին եւ Սերյոժա Փիրումյանին թուլյատրում է ընդամենը երեք օրով գնալ Երեւան, իսկ Մարտիրոսը բուժվելու նպատակով նույնպես մեկնում է մայրաքաղաք: Դրոն իր գլխավորած զորախմբի հետ թեպետ ճակատում մարտական գործողութիւնները զադարել էին դեռևս մնում էր Ապարան-Ալեքսանդրապոլ-Թալին տարածաշրջանում՝ մահմեդական

հրոսակախմբերի հարձակումներից պաշտպանելու այդ շրջաններում հանգրվանած գաղթականութեանը:

Հովհ. Քաջազնունու գլխավորած Հայաստանի Հանրապետութեան նորընտիր կառավարութիւնը Թիֆլիսից դեռևս չէր ժամանել Երեւան, իսկ Արամ Մանուկյանի ղեկավարութեամբ գործող Երեւանի Հատուկ Կոմիտեն (Վարիչների Մարմին) նախկին եռանդով ու նվիրվածութեամբ Արարատյան աշխարհչարունակում էր իր գործունեութիւնը:

Ամերիկահայ նշանավոր պատմաբան Ռիչարդ Հովհաննիսյանը իր հեղինակած «Հայաստանի Հանրապետութիւն» աշխատութիւնում, ի թիվս բազում այլ հարցերի, անդադառնալով Հայաստանի Հանրապետութեան անդրանիկ կառավարութեան կազմավորման մանրամասներին՝ նշում է. «Մինչ այդ Հայաստանն անկախ էր՝ համեմայն դեպս անվանապես, մեկ ամբողջ ամիս, սակայն վարչութեան միակ նմանութիւնը Երեւանի շրջակայքում մնում էր ժողովրդական դիկտատուրան: Այն գլխավորում էր Արամ Մանուկյանը՝ 1915 թ. ինքնապաշտպանութեան եւ Երեւանի նահանգի 1918 թ. մայիսի դիմադրութեան առաջնորդը եւ Դրոն (Դրաստամատ Կանայան)՝ փառաբանված պարտիզանական հրամանատարը: Երկու ղեկավարներ, որոնք շատ ժամանակակիցների գնահատմամբ դիտվում էին որպես Հանրապետութեան իսկական հիմնադիրներ, չազատվեցին իրենց պարտականութիւններից անգամ Ազգային Խորհրդի կողմից Քաջազնունու կատավարութեան հաստատումից հետո, որովհետև պաշտոնական կառավարութիւնը դեռևս մնում էր Թիֆլիսում...»¹:

Արամը այդ օրերին թեպետ գործի բերումով գլխավորապես գտնվում էր Երեւանում, սակայն անխափան կապի մեջ էր շրջանների, այդ թիվում նաեւ Դրոյի հետ եւ քաջատեղյակ էր Հայաստանի տարբեր վայրերում կատարվող իրադարձութիւններին:

Մարտիրոսը այդ օրերին տառապել է ստամոքսի սարսափելի ցավերից եւ ինչպես արդեն նշվել է, բուժվելու նպատակով մեկնել է Երեւան: Մինչև բժշկին ներկայանալը, հանդիպել է մի քանի ընկերների, որոնք, տեղեկանալով նրա հիվանդութեան մասին, առաջարկում են մասնակցել իրենց կազմակերպած խնջույքին ու կոնյակ խմել: Տեղի տալով ընկերների հորդորներին՝ Մարտիրոսը խնջույքի ժամանակ մի քանի գավաթ կոնյակ է խմում, որից հետո ի զարմանս իրեն ու ընկերների, ստամոքսի ցավերը իսպառ կտրվում են:

Հաջորդ օրը նա ներկայանում է բժիշկներին եւ արժանանում նրանց դժգոհութեանն ու հանդիմանութեանը:

¹ «Հայրենիք» ամսագիր, 1934, մարտ, էջ 107-108:

² ՀԳՂ ԿԱ, թժ. 1/1., գ. 6:

¹ Հովհաննիսյան Ռ., Հայաստանի Հանրապետություն, հ. 1, Երեւան, 2005, էջ 43:

«Գլխաւոր բժշկի զայրագին յանդիմանութիւնից յետոյ սթափուած, ինքս ինձ հաշիւ էի տալիս անխոհեմութեանս մասին, երբ ներս մտաւ Արամը:

-Ի՞նչ եղաւ, ի՞նչ էք անում,- դիմեց նա գլխաւոր բժշկին:

...Նւազ չեղաւ Արամի զարմանքըն ու բարկութիւնը:

-Այդպիսի անխելութիւն կանե՞ն, իսկ եթէ հիմա մահացած լինէիր...ի՞նչ է քեզ նմաներին փոխարինողներ շա՞տ ունենք: Դէհ, գնա գտիր Կուռոյին ու միւսներին եւ որքան կարող էք շուտ, գնացէք ճակատ, Դրօն մենակ է, ձեզ է սպասուած»¹:

Կատարելով Արամ Մանուկյանի հրահանգը՝ Մարտիրոսը հաջորդ օրը Կուռո թարխանյանի, Սերյոժա Փիրումյանի եւ մյուսների ընկերակցութեամբ մեկնում են Ապարան եւ անմիջապէս ներկայանում այնտեղ գտնվող Դրոյին ու վերստին ստանձնում Ապարանում տեղաբաշխված պարտիզանական հեծյալ գնդի կազմում գործող իրենց հարյուրակների հրամանատարութիւնը:

Դրոն համապատասխան հանձնարարութիւն է տալիս իր հրամանատարութեան տակ գնվող զորամասերի հրամանատարներին, իսկ Մարտիրոսին ու Կուռոյին հանձնարարում է «...չարժեւ ղէպի Ձանգիրասարի Հաջի Էյլազ գիւղը եւ բռնել Ենգիջայի բարձունքից մինչեւ Թագաքենդի դիմացի երկաթուղագիծը:

Մուլթն էր արդէն, երբ մի գնացք եկաւ Ալեքսանդրապոլից:

Գնացքը կանգնեցրինք եւ հեռախոսով կապեցինք Դրոյի հետ: Կարգադրեց, որ թույլ տանք գնացքը շարունակի իր ճամբան:

Գնացքի մէջ էր տաճիկ ոյժերի Կովկասեան ճակատի ընդհ. հրամանատար Խալիլ փաշան, իր սպայակոյտի անդամների հետ, որ Երեւան էր գնում, բանակցելու Ազգային Խորհրդի հետ»²:

Դրոյին հրահանգով Ազատ գետի երկայնքով դեպի Գառնի տեղափոխվող Ղամարլուի գաղթականութեան անվտանգութիւնն ապահովելու նպատակով գնդապետ Կորոյկովի գլխավորած պարտիզանական հեծյալ գունդը տաղափոխվում է Ղամարլուի (Արտաշատ) շրջան եւ դիրքեր գրավում Ազատ գետաբերանի մերձակա բարձունքների վրա:

Մարտիրոսի վկայութեամբ՝ «Առաւօտեան, Միլիի Դարայի թրջութիւնը յարձակւել էր Սբ. Գեղարդի եւ Գողթ գիւղի վրայ: Գառնեցիներից եւ գաղթականներից մի քանի խմբակներ կազմե-

լով, շտապեցի դէպքի վայրը, միաժամանակ մի գրութեամբ այդ մասին տեղոկացնելով գնդ. Կարալկովին:

Հակառակորդին յետ շարտեցինք եւ հետապնդեցինք մինչեւ Միլիի Դարա, որից յետոյ Վերադարձանք Բաշգառնի»¹:

Այդ գործողութիւնից հետո, գնդապետ Կորոյկովի պարտիզանական հեծյալ գունդը, որի կազմում էր Մարտիրոսի հեծելաւաշտը, Դրոյի հրահանգով մեկնում է Քանաքեռ՝ հանգստանալու:

Համաձայն զինադադարի՝ սահմանված գոտիներում տեղաբաշխված հայկական զորամասերը մշտապէս գտնվել են լարված, կազմ ու պատրաստ վիճակում: Ավելին, օգտվելով թուրքական զորքերի մերձութիւնից եւ զինական ու բարոյական աջակցութիւնից, դարձյալ դուրս են բարձրացնում Հայաստանի տարածքում բնակվող թուրք զինված զանգվածները: Ձանգիրասարի եւ Վեդիրասարի շրջանների ողջ տարածքը վերածվում է թուրք հրոսակախմբերի զինված ելույթների ռազմաբեմի, բայց այս անգամ ավելի թույլ ու սահմանափակ ընդգրկումով: Ինչպէս եւ ամիսներ առաջ, թուրք զանգվածների «խաղաղացնելու» գործը դարձյալ ստանձնում է Ձանգիրասարի ռազմաճակատի գորահրամանատարութիւնը ընդունած Դրոն:

Հուլիսի 10-ին Հայաստանի Հանրապետութեան կառավարութեան անդամները վարչապետ Հովհաննէս Քաջազնունու գլխավորութեամբ Թիֆլիսից ժամանում են Երեւան:

Հուլիսի 19-ին Դրոն գեներալ Նազարբեկյանի եւ Արամ Մանուկյանի ընկերակցութեամբ Երեւանի մերձակայքում դիմավորում է Հովհ. Քաջազնունու գլխավորած կառավարութեան ու Հայոց Ազգային Խորհրդի անդամներին:

Դրոյի կարգադրութեամբ Հայաստանի Հանրապետութեան կառավարութեանը դիմավորող պատվո պահակը գնդապետ Կորոյկովի, Կուռո թարխանյանի եւ Մարտիրոս Աբրահամյանի գլխավորած հեծելազորն էր:

Վերհիշելով այդ հիշարժան պահը՝ Մարտիրոսը գրում է. «Ի՞նչ երջանիկ օր էր...Բա՛խտ ունենալ, դիմաւորելու մեր հարազատ կառավարութեան...երազ չէր, այլ իրականութիւն:

Հայաստանի բոլոր շրջաններից Երեւան եկած գիւղացիութիւնը, սայլերը զարդարած, ուրախութեան արցունքն աչքերին, աղոթքը շրթունքներին, դիմաւորում էր իր Նորածին Հանրապետութեան Կառավարութեան...

¹ Խմբապետ Մարտիրոս Աբրահամյան, ԳՂՎ. աշխ., էջ 418:

² Նույն տեղում, էջ 419:

¹ Նույն տեղում, էջ 419-420:

Երբ պատուոյ պահակի պետը զեկուցումից յետոյ բարի գալուստ մաղթեց կառավարութեան, Աստաֆեան փողոցն ողողած ժողովուրդն սկսեց հեկեկալ ուրախութիւնից: Միթէ՞ այլ կերպ կարող էր լինել...

Այնքա՞ն զոհաբերութիւն եւ պայքար...

Այնքա՞ն արիւն... այս օրւան հասնելու համար»¹:

Հովհաննես Քաջազնունու գլխավորած կառավարութեան նախարարութեան նախարարներն էին՝ Ալեքսանդր Սատիսյանը՝ արտաքին գործերի, Արամ Մանուկյանը՝ ներքին գործերի, Սաչատուր Կարճիկյանը՝ ֆինանսների, գեներալ Հովհաննես Հախվերդյանը՝ զինվորական:

ՀՀ կառավարութեանը զուգահեռ ձեւավորվում է նաեւ Հայաստանի օրենսդիր բարձրագույն մարմինը:

Վրացյանի ներկայացմամբ՝ «Թիֆլիսի եւ Երեւանի Ազգ. Խորհուրդների մի շարք խառն նիստերում վերջնական ձեւ ստացան Ազգ. Խորհուրդն ու կառավարութիւնը: Որոշեց, հակառակ ժողովրդականների քէէի, եռապատկել Ազգ. Խորհուրդի անդամների թիւը եւ հրաւիրել այլազգիների՝ թուրքերի, եզդիների ու ուսանների ներկայացուցիչներին: Այս ձեւով կազմեց Հայաստանի առաջին օրէնսդիր մարմինը՝ Հայաստանի Խորհուրդ անունով»²:

Աննախանձելի առաքելութիւնն էր վիճակվել իրականացնելու Հանրապետութեան նորընտիր ղեկավարութեանը: Երկիրը ծայրահեղորեն քայքայված, տասնյակ հազարավոր անապաստան գաղթականներ, սով ու համաճարակ, իսկ մյուս կողմից՝ մայրաքաղաքից ընդամենը մի քանի կիլոմետր հեռավորութեան վրա կենտրոնացած թուրքական զորքեր, եւ այդ ամենից զատ թուրք հրոսակախմբերի զինված ելույթներն, ինչպես նաեւ հայ ապորինի զինված խմբերի (մուզբրիստ)անօրինական ու թալանչիական գործողութիւնները:

Ռ. Հովհաննիսյանի պատկերավոր բնութագրմամբ՝ «Նոր ժամանած վարիչների առջև բացված պատկերը դժվար էր նկարագրել: Ամառվա օդը ծանրացած էր մահվան թանձր ստվերներով: Հիվանդ ու քաղցած մարդիկ ուրվականների պես երևում էին ցեխոտ խրճիթների խորշերում ու կեղտի մեջ: Ասում էին, որ թուրքերը խղճացել էին հայերին՝ բավական հող թողնելով զանգվածային գերեզմանի համար, և այդ գնահատականը հազիվ թե չափազանցված թվար Հանրապետութեան առաջին տառապալից ամիսներին: Տեղացիներն ու գաղթականները սնվում էին մի բուռ ցորենի հատիկներով և խո-

տերի ու բույսերի ապուրով. բայց ձմռան վրա հասնելով նույնիսկ դրանք էլ անհետացան»¹:

Դարձյալ առաջնահերթ խնդիրն է դառնում երկրի քաղաքական իրավիճակի կարգավորման հարցերի լուծումը, առանց որի անհնարին էր որոշակի քայլեր ձեռնարկել նորաստեղծ Հանրապետութեան տնտեսական եւ սոցիալ-քաղաքական կյանքի կարգավորման ուղղութեամբ: Անհրաժեշտ էր վճռական քայլեր ձեռնարկել արմատախիլ անելու զինված ելույթներն ու Հանրապետութեան կառավարութեանը հնարավորութիւն ընձեռել լրջորեն զբաղվելու Հայոց պետականութեան հիմքերի կառուցման ու ամրապնդման խնդիրներով:

Այն օրերին, երբ Երեւանում Սարգարապատի եւ Բաշ-Ապարանի ճակատամարտերի մասնակիցները հանդիսավորութեամբ դիմավորում էին Թիֆլիսից Երեւան ժամանած Հայաստանի Հանրապետութեան վարչապետ Հովհաննես Քաջազնունու գլխավորած կառավարութեան անդամներին, Դրոյի գլխավորած հայկական զորազնդերը գրոհում էին Չանգիբասարի եւ Վեդիբասարի շրջաններում գործող թուրքական հենակետերի վրա:

Դրոյի զորազնդերի հարվածներն, ինչպես միշտ, անվրեպ էին: Զախըխված թուրք զինախմբերը՝ վերջնական կործանումից փրկվելու համար, ստիպված հանձնվում են հաղթողի ողորմածութեանը:

Դրոն այս անգամ էլ փայլուն կերպով է իրականացնում թուրքերին «խաղաղացնելու» գործողութիւնները եւ դրանով ՀՀ նորաստեղծ կառավարութեանը ժամանակավորապես ազատում թուրք հրոսակախմբերի հարուցած գլխացավանքից:

Հարկ է ընդգծել, որ մահմեդական հրոսակախմբերի պարբերաբար կրկնվող զինված ելույթների «խաղաղեցմամբ» Դրոն մեծապես նպաստեց Արարատյան աշխարհի մաքրմանը, ավելի ստույգ՝ նրա հայացմանը: Այս առումով ուշադրով է Ս. Վրացյանի հետեւյալ գնահատականը. «Հարցրեք ոեւէ հայի՝ ո՞ւմ ենք պարտական առաւելապէս Արարատեան դաշտի հայացումը: Այլ եւ այլ-իրական կամ շինծու-անուններ պիտի լսեք ի պատասխան. բայց քչերը հաւանաբար, պիտի տան Դրոյի անունը: Մինչդեռ եթէ այսօր Հայաստանը-անկախ վարչաձեւից-ազգային պետութիւն է, եթէ հայերը կազմում են Հայաստանի բնակչութեան 80-85 տոկոսը, այդ պարտական ենք Դրոյին եւ ի հարկէ Արամին իրենց գործակիցներով»²:

¹ Նոյն տեղում, էջ 420-422:

² Վրացեան Ս., Հայաստանի Հանրապետութիւն, էջ 182:

¹ Դովհաննիսյան Ռ., ՍԶՎ. աշխ., էջ 44:

² Վրացեան Ս., Սրբկածին Դրոն, էջ 103-104:

Թուրք հրոսակախմբերի գինված ելույթները ճնշելը հարցի լուծման միայն մի կողմն է, առաջին կարեւորագույն քայլը: Պակաս կարեւոր չէր մահմեդական բնակչությանը գինաթափելն ու հարկեր գանձելը: Հանրապետութիւնում հանգրվանել էին տասնյակ հազարավոր գաղթականներ, հարկավոր էր նրանց կերակրել, փրկել սովամահութիւնից: Այս գործը թեեւ առավելապես վերաբերում է Արամ Մանուկյանին, որպես Հայաստանի Հանրապետութեան ներքին գործոց նախարարի, բայց թուրքաբնակ գյուղերից հարկեր գանձելու գործընթացին իր գլխավորած զորամասով մասնակցել է նաեւ Դրոն: Նրա որոշմամբ՝ Արամի ենթակայութեամբ պիտի գործեին նաեւ գնդապետ Կորուկովի հեծյալ գնդի բազմափորձ հարյուրյակները, որոնցից Մարտիրոս Աբրահամյանի հեծյալ հարյուրյակը թուրքական գյուղերը գինաթափելու եւ նրանցից հարկեր հավաքելու նպատակով, միլիցիայի շոկատի հետ միասին գործուղվել է Նոր Բայազետի շրջան:

«Մեր կազմն էր, գրում է Մարտիրոսը, - Տիգրան Բաղդասարեանն իր զինւորներով, իմ հարիւրակը, Ողմեցի Սիմոնի 25 ձիաւորները եւ Ողմեցի Ասլան Ստեփանեանի 70-80 զինվորները»¹:

Զորախումբը եղել է Ձողում, Բասարգեչարում, Նոր Բայազետում եւ առանց որեւէ բռնութեան դիմելու՝ պահանջել է հանձնել գյուղացիների մոտ գտնվող զենքերն ու մուծել օրենքով սահմանված երկու տարվա հարկը: Թուրք առաջնորդները հավաքել ու հայկական կողմին են հանձնել են մի քանի տասնյակ հնամաշ ու ոչ պիտանի զենքեր եւ դրանով փորձել ապակողմնորոշել ու չհանձնել մարտական զենքերը: Նրանց համար, իհարկեւ, անցանկալի էր ոչ միայն գինաթափվելը, այլեւ սահմանված հարկեր վճարելը: Թուրքերը թեպետ խոստացել են հանձնել զենքերն ու հարկերը, սակայն մշտապես տարբեր պատրվակներ վկայակոչելով խուսափել են ու ձգձգել կատարել իրենց տված խոստումը: Ի դեպ, համանման գործելակերպը թուրքերի համար ընդունված ու գերադասելի մարտավարութիւնն էր, որը հայկական կողմի համար չպետք է գաղտնիք լիներ:

Պարզվում է, որ խաղաղ ճանապարհով այնքան էլ հեշտ չէր իրականացնել թուրք բնակչության գինաթափումն ու գանձել սահմանված հարկը: Ի՞նչ պիտի արվեր, ելքը մեկն էր:

Մարտիրոսի վկայութեամբ՝ «Մի առաւօտ թնդանօթները դրինք Բասարգեչարի վերի մասում: Իմ հարիւրեակը բռնեց Ձողի հարաւա-

յին կողմի իշխող դիրքերը, որպեսզի հարեւան գիւղերից օգնութեան չկարողանան հասնել, իսկ Ասլանն ու Սիմոնը յառաջացան դէպի Ձող: Թնդանօթների որոտը բաւական եղաւ... Ձողեցիք բերին եւ յանձնեցին թէ՛ զէնքերը եւ թէ՛ տուրքը»¹:

Նույն մարտավարութեամբ նրանք գործել են նաեւ Բասարգեչարում, Նոր Բայազետում եւ թուրքաբնակ մյուս գյուղերում, իսկ արդուները եղել է ավելի քան արդյունավետ:

«Մեր նշանակած ժամկէտին, վկայում է Մարտիրոսը, - բոլորն էլ կատարեցին իրենց պարտականութիւնը, հպատակութիւն հայտնեցին կառավարութեան եւ խոստացան հանգրիստ մնալ»²:

Հայաստանի Հանրապետութեան կառավարութեան առջեւ ծառայած առաջնահերթ խնդիրներից էր բանակի կազմավորումը: Նորաստեղծ ՀՀ բանակը կազմավորվում է՝ հիմք ունենալով զենեքալ թ. Նազարբեկյանի գլխավորած Առանձին հայկական կորպուսի զորամասերը: Համաձայն Բաթումիի պայմանագրի, ՀՀ բանակը պիտի ունենար ընդամենը մեկ դիվիզիա:

Գեներալ Թ. Նազարբեկյանի թիւ 99 հրամանով (1918 թ. հուլիսի 26) իր գլխավորած կորպուսը վերածվում է Հայկական առանձնակի դիվիզիայի³:

Դիվիզիայի հրամանատար է նշանակվում զենեքալ Մովսես Սիլիկյանը, իսկ շտաբի պետ է փոխգնդապետ Վեքիլյանը:

Հայաստանի Հանրապետութեան տարածքում թուրք զանգվածների վառած հրդեհը մարելուց հետո Դրոն ստանձնում է ՀՀ զորների երեւանյան զորախմբի հրամանատարութիւնը: Այդ նշանաբերի երեւանյան զորախմբի հրամանատարութիւնը: Ուղղակի գոկումը պատահական չէր: Ռազմական առումով Երեւանյան զորախմբի հրամանատարի ուսերին տվյալ ժամանակահատվածում դրված էր թերեւս ամենածանր եւ պատասխանատու պարտականութիւնը: Ինչպես արդեն նշվել է, թուրքական զորաբանակը գտնվում էր Երեւանից ընդամենը մի քանի կիլոմետր հեռավորութեան վրա եւ բացառված չէր, որ թուրք հրամանատարութիւնը ցանկացած պահին խախտեր գինաթափարի համաձայնագիրը եւ զորքերը շարժեր մայրաքաղաքի վրա: Զինվորների զգոնութիւնն ու մարտական կուռ պատրաստութիւնը պատշաճ բարձրութեան վրա մշտապես պահելու եւ ավելորդ բախումներից խուսափելու համար հրամանատարից պահանջվում էր լարված, հաստատակամ աշխատանք ու ծայրաստիճան զգուշութիւն:

¹ Նույն տեղում, էջ 423:

² Նույն տեղում:

³ Տե՛ս ՅԱՍ, ք. 204, ց. 1, գ. 47, ք. 2:

¹ Խմբապետ Մարտիրոս Աբրահամեան, Եզվ. աշխ., էջ 422:

Ս. Վրացյանի բնութագրմամբ՝ «Երեւանի գինեալ ուժերի հրամանատար-պաշտօնը անուն էր լոկ, փաստօրէն Դրոն ամէն ինչ էր կազմակերպւող հայ բանակում: Հայաստանը ունէր զինուորական նախարար՝ զօր. Հախվերտեանը, ունէր սպարապետ՝ Նազարբէկեան: Երկու քաջ, ուզմագէտ եւ հմուտ զինուորականներ: Երկուսն էլ անպայման հայ եւ հայրենասեր, բայց ոչ հայերէն լեզու գիտէին, ոչ հայութիւնն ու հայ իրականութիւն էին ճանաչում բաւարար չափով: Ոչ էլ իրենց անուններով ու հեղինակութեամբ դեռ ընդունակ էին ոգեւորելու եւ բարձր հեղինակութիւն դառնալու հայ ժողովրդի աչքին: Դրոյի ներկայութիւնը նրանց կողքին լրացնում էր այդ պակասը:

Դրոն անունով խմբապետ էր, կոչումով՝ յեղափոխական, հմտութեամբ եւ փորձառութեամբ՝ զինուորական: Այն անձը, որ իր բարոյական հեղինակութեամբ կարող էր ներքին շաղախը դառնալ նորակազմ բանակի եւ կամաւորական խմբերի միջեւ: Ջօր. Նազարբէկեանն ու Հախվերտեանը այդ լաւ հասկացան եւ շատ բարձր էին գնահատում Դրոյի ներկայութիւնը բանակում: Կառավարութիւնը եւս, Քաջազունիի գլխաւորութեամբ, շուտով համոզուեց, թէ ինչ անփոխարինելի ուժ է իրեն համար Դրոն, որպէս անվիճելի հեղինակութիւն մարտական տարրերի աչքին»¹:

Դրոն պատվով է հանձնում այս քննութիւնը եւս: Իզուր չէր, որ նորաստեղծ Հանրապետութեան զինված ուժերի հրամանատարութիւնը հենց նրան է վստահում այդչափ պատասխանատու գործը:

ՀՀ նորընտիր կառավարութեան առջեւ ծառայած ամենադժուարին ու կարեւորագույն խնդիրներից մեկը Հանրապետութեան ներքին կյանքում կարգ ու կանոնի հաստատումն էր: Պատերազմից հետո երկրում հայտնվել եւ գործում էին զինված բազմաթիւ խմբեր, որոնք իրենց ավազակային ու թալանչիական գործողութիւններով քառասային եւ անկառավարելի իրավիճակ էին ստեղծում: Պետութեան կայացման, բնակչութեան անվտանգութիւնն ու իրավունքները պաշտպանելու համար անհրաժեշտ էր հանրապետութիւնը մաքրել անբարո եւ վնասակար տարրերից: ՀՀ ներքին գործոց նախարարը Արամ Մանուկյանն էր: Բնականաբար, Հանրապետութեան տարածքում ներքին կարգուկանոնի հաստատումը գլխավորապես նրա իրավասութիւնների ոլորտն էր:

Հանրապետութիւնում խաղաղ իրավիճակ, կարգուկանոն հաստատելու համար ներքին գործերի նախարարութիւնը 1918 թ. օգոստոսի 21-ին կառավարութեանը, ապա նաեւ ՀՀ Խորհրդին

ներկայացրեց բնակչութեանը զինաթափելու, զենքն ու զինամթերքը պետականացնելու նախագիծը¹:

«Նման իրավիճակում, ազդարարում էր Արամ Մանուկյանը, կառավարութիւնը չի կարող կարգ ու կանոն հաստատել կամ իրական իշխանութիւն ունենալ իր ձեռքին, քանի դեռ ամբողջ քաղաքացիական բնակչութիւնը զինաթափված չէ և չի սովորել հարգել կարգապահութիւնը: Նա մերժում էր այն պատճառաբանութիւնը, կարգապահութիւնը: Նա մերժում էր այն պատճառաբանութիւնը, կարգապահութիւնը համար զինված ազգաբնակչութիւնը կարևոր ուզածական ուժ է ներկայացնում, այն ուժն էր միայն անիշխանութեան համար»²:

Որքան էլ զարմանալի հնչէի, Հայաստանի Խորհրդի ու կառավարութեան քննարկմանը ներկայացրած Արամի համակողմանիորեն կշռադատված ու չափազանց օգտակար նախագիծը, որն անտարակույս պայմանավորված էր երկրում տիրապետող չափազանց ծանր կացութեամբ, տեղիք տվեց բուռն վիճաբանութիւնների ու քննադատութիւնների, հատկապես ընկերվարական զաղափարախոսութիւն ջատագովող անձանց կողմից:

Արամ Մանուկյանի նախագծին առավելագույնս ընդգիմացել ու խիստ քննադատութեամբ է հանդես եկել սոցիալ-դեմոկրատական կուսակցութիւնը: Մերժելով բնակչութեանը զինաթափելու նախագիծը՝ սոցիալ-դեմոկրատ Թադեոս Ավդալբեկյանը պնդում էր, որ կառավարութիւնը խիստ սխալվում է՝ նույնացնելով անիշխանութիւնը զենք կրելու ազատութեան հետ: Քաղաքացիները զենք ունենին շատ երկրներում, որտեղ անիշխանութեան հետքն իսկ չկար: Նրա գնահատմամբ՝ «...երկիրը մաքրելն է կաշառակեր պաշտոնյաներից, ովքեր անտեսում կամ խախտում են կառավարութեան ցուցումները և վարկաբեկում նրան: Քաղաքացիները կզինաթափվին սեփական կամքով, երբ կենտրոնական կառավարութիւնը ցույց տար, որ ի վիճակի է օրինականութիւնը հաստատել և պաշտպանել բոլոր բնակիչներին»³:

Ժողովրդական կուսակցութեան ներկայացուցիչ Ստեփան Մալխասյանը իր կուսակցութեան անունից հայտարարել է, որ զենքի խտրով հսկողութիւնը եւ հանցագործների դեմ կտրուկ քաղաքականութիւնը համապատասխանում են իր կուսակցութեան սկզբունքներին: Չմերժելով նախագիծը է նա միաժամանակ հայտարարում է, որ

¹ Տե՛ս ԳՍԱ, ք. 200, ց. 1, գ. 105, ք. 2:

² Գովհաննիսյան Ռ., Եզվ. աշխ., էջ 48:

³ Նույն տեղում:

¹ Նույն տեղում, էջ 110-111:

«...ժողովրդական ֆրակցիան կարող էր պաշտպանել Արամի առաջարկությունը միայն այն դեպքում, եթե այդ գործողությունը սկսվեր ներքին լիակատար ապահովություն ձեռք բերելուց հետո: Անգամ այդ դեպքում, զինաթափումը պետք է սկսվեր հսկողության առավել դժվար ենթարկվող սահմանամերձ շրջաններից և աստիճանաբար շարժվեր դեպի ներս և մայրաքաղաք»¹:

Սոցիալ-դեմոկրատ Թադեոս Ավդալբեկյանի «...երկիրը մաքրելն է կաշառակեր պաշտոնյաններից...» պահանջն անկասկած վիճարկելի է, բայց ինչու², ի՞նչ նպատակով Հայաստանի Հանրապետության բնակիչները պիտի զինված լինեն:

Հայաստանի Հանրապետության իրավիճակի ու քաղաքական կուսակցությունների գործունեության ուսումնասիրությունը մատնանշում է, որ ժողովրդավարական սկզբունքներով առաջնորդվող կուսակցությունները ինչպես հարկն է չէին գնահատել ժամանակաշրջանի գործոնը, Հայաստանում տիրող իրական կացությունը: Նրանց համար, որպես ընդդիմադիր ուժի, շատ ավելի գերադասելի էր քննադատել ու մերժել ՀՀ կառավարության եւ Հ.Յ.Դաշնակցության, որպես իշխող կուսակցության քաղաքականությունն ու ձեռնարկած քայլերը, քան թե գործել Հայաստանի ու հայ ժողովրդի իրական կացության ու շահերի թելադրանքով ու կատարել իրականությունը համահունչ եզրահանգումներ եւ անհրաժեշտ գործնական քայլեր:

Չիշտ է հանրապետության ներքին ու արտաքին խնդիրների վերաբերյալ հայ քաղաքական կուսակցությունները որդեգրել էին ու ներկայացնում էին տարաբնույթ, իսկ երբեմն իրարամերձ տեսակետներ, սակայն անհրաժեշտ էր ինչ-որ որոշում ընդունել:

Այսուհանդերձ, 1918 թ. օգոստոսի 29-ին Հայաստանի խորհուրդը ընդունում է «Մասնաւոր սեփականութիւն կազմող գէնքերի եւ զինամթերքների պետականացման մասին» օրենքը, ըստ որի նախատեսվում էր, բացի որսորդական հրացաններից, պետականացնել բոլոր տեսակի զենքերը²:

Համաձայն այդ օրենքի՝ զենքն ու զինամթերքը կամովին չհանձնելու դեպքում, քաղաքացիներին սպառնում էր երեք ամիս ժամկետով բանտարկություն կամ 3000 ռուբլի տուգանք³:

Հայաստանի Հանրապետությունում տիրող կացությունը հրամայաբար թելադրում էր չտրվել տվյալ ժամանակաշրջանին անհա-

րիր ու ավելորդ ժողովրդավարությունը եւ վճռական քայլեր ձեռնարկել՝ զինաթափելու ժողովրդի համար չարիք դարձած զինված խմբավորումներն ու արմատախիլ անել երկրում տիրող քառսն ու անկառավարելի իրավիճակը: Չնայած Արամ Մանուկյանի գլխավորած ՀՀ ներքին գործերի նախարարության գործադրած եռանդուն ջանքերին, այնուամենայնիվ, անհրաժեշտ էր նաեւ զինվորականության գործունե աջակցությունը:

Երեւանյան զորախմբի հրամանատար Դրոյի պարտականությունների մեջ էին մտնում ոչ միայն մայրաքաղաքի եւ նրա հարակից շրջանների պաշտպանությունը, այլ նաեւ կարգուկանոնի հաստատումն ու պահպանումը, ինչպես նաեւ վնասակար ու ավազակաբարո տարրերի անօրինական գործողությունների վնասազերծումը: Արամ Մանուկյանն ու Դրոն խիստ եւ հետեւողական պայքար են ծավալել հանրապետության տարածքը վերահիշյալ տարրերից մաքրելու, երկում խաղաղ ու տանելի պայմաններ հաստատելու համար: Իսկ այդ ժամանակահատվածում դա էին պահանջում պետության ու ժողովրդի շահերը: Հանրապետության տարածքը անցանկալի եւ վնասակար տարրերից մաքրելու գործում հարկ է եղել հաղթահարել, ինչպես արդեն նշվել է ոչ միայն ընդդիմադիր ձախակողմյան կուսակցությունների, այլեւ իրենց կուսակցական գործընկերների, անգամ կառավարության որոշ անդամների դիմադրությունը, որոնք առավելապես առաջնորդվելով ընկերվարական ու ժողովրդավարական սկզբունքներով, շատ հաճախ ընդդիմանում էին Արամի եւ Դրոյի գործադրած, նրանց բնորոշմամբ, ոչ ընկերվարական, բռնի միջոցառումներին: Բայց ժամանակը հրամայաբար պահանջում էր գործել արագ ու նպատակասլաց, իսկ անհրաժեշտության դեպքում անգամ բռնի միջոցների գործադրմամբ:

ՀՀ կառավարության եւ Հ.Յ. Դաշնակցության ղեկավար մարմնի որոշ անդամներ նույնիսկ ցանկացել են, որ Դրոյի «բռնի» գործելակերպի ջերմեռանդ պաշտպան ՀՀ ներքին գործոց նախարար Արամ Մանուկյանը ինչ-որ պատրվակով կամ հանձնարարությամբ մեկներ հանրապետությունից: Շատ շուտով Արամին «կարեւորագույն հանձնարարությունից» հանրապետությունից հեռացնելու պատրվակը ներկայանում է:

Հայաստանի Խորհրդի որոշմամբ, Հայաստանի Հանրապետության պատվիրակությունը պիտի 1918 թ. դեկտեմբերի սկզբներին մեկներ Փարիզ՝ մասնակցելու հաղթանակած դաշնակից տերություններին խաղաղության խորհրդաժողովին: Հայաստանի Խորհրդի եւ ՀԵԴ Բյուրոյի որոշմամբ ՀՀ պատվիրակության նախագահ նշա-

¹ Նույն տեղում, էջ 49:

² ՀԱՍ, ֆ. 199, ց. 1, գ. 4, ք. 1:

³ Տե՛ս նույն տեղում:

նակվում է Ավ. Ահարոնյանը, իսկ երկու անդամներից մեկը պիտի լիներ Արամ Մանուկյանը:

Ըստ Հ. Ամատունու, Արամին պատվիրակության կազմում ընդգրկելու կողմնակիցները թեեւ հասկանում էին, որ «...այն պայմաններուն մէջ, երբ Հայաստանը կանցներ մաքրագործումի շրջանէ մը, այդ պաշտոնին վրայ անօր մնալը խիստ կարեւոր էր: Ասիկա կըմբռնէին բոլոր ժողովականները, բայց կը զգային թէ՛ այդ պաշտոնին վրա անօր աւելի երկար մնալը պատճառ պիտի ըլլար անօր ֆիզիքական քայքայումին եւ թերեւս մահուան...»¹:

Որեւէ տարակույս լինել չի կարող, որ շատերին է մտահոգել Արամ Մանուկյանի առողջական անմխիթար վիճակը, բայց ընկերվարական եւ ժողովրդավարական սկզբունքների ջատագով գործիչների համար ցանկալի էր Հայաստանից Արամի բացակայությունը: ՀՀ ներքին գործոց նախարարի համար կարեւորագույնը Հայաստանը զինված խմբավորումներից, ապստամբ տարրերից մաքրելն ու երկրում կարգուկանոնի, օրինականության հաստատումն էր: Արամի գնահատմամբ, այս գործում այնքան էլ ընդունելի չէին ընկերվարական եւ ժողովրդավարական սկզբունքների ջատագով գործիչների տեսակետները:

Հայաստանի եւ հայության համար ծանրագույն ժամանակահատվածում ստանձնելով Արարատյան աշխարհի առաջնորդի չափազանց պատասխանատու դերը՝ Արամը իր գործունեությամբ ու փորձով գերազանց գիտե՞ր մահամեղական ամբոխի ու նրանց առաջնորդների հետ ընկերվարական ու ժողովրդական սկզբունքներով գործելու սնանկությունն ու ավելորդությունը:

Այս հարցում Արամն ու Դրոն գործել են միասնաբար եւ փոխհամաձայնեցված ու բնականաբար Հայաստանի Հանրապետության պատվիրակության կազմում Արամ Մանուկյանի ընդգրկելու խնդիրը չէր կարող չմտահոգել Դրոյին: Ճիշտ է նա Հայաստանի նորաստեղծ Հանրապետությունում ուներ անժխտելի կշիռ ու հեղինակություն, սակայն նրա համար չափազանց դժվարին կլինե՞ր առանց Արամի գործունե աջակցության հանրապետությունը մաքրել անցանկալի ու վնասակար տարրերից, հատկապես զինված խմբերից եւ հաստատել կայուն խաղաղ իրավիճակ:

Դեկտեմբերի 1-ին Արամի բնակարանում տեղի է ունենում ՀԾԴ Բյուրոյի ժողովը, որտեղ ի թիվս մի շարք հարցերի, պիտի լուծվե՞ր նաեւ Փարիզ մեկնող ՀՀ պատվիրակության կազմի հարցը: Համա-

ձայն նախնական պայմանավորվածության, Արամը նույնպես պիտի ընդգրկվե՞ր պատվիրակության կազմում:

Արամը, լսելով պատվիրակության կազմում իրեն ընդգրկելու ժողովականների առաջարկությունը, խիստ գայրանալով՝ բացականչել է. «Ես Պատերազանության անդամ, բայց ես կեանքիս մէջ գործ ունեցած չեմ դիւանագիտական աշխարհին հետ: Մի՛ մոռանաք նաեւ, որ իմ ներկայութիւնը ներքին նախարարութեան մէջ խիստ կենսական է այս օրերուն, եթէ պիտի ուզէք, որ Հայաստանը դառնայ իսկապէս Հայաստան»¹:

Արամը համառորեն հրաժարվում է ընդունել պատվիրակության կազմում ընդգրկվելու եւ Փարիզ մեկնելու առաջարկությունը, սակայն ժողովականները ոչ պակաս համառությամբ պնդում եւ պահանջում են հաստատել նրա թեկնածությունը: Հանրապետությունում տիրող անմխիթար ու անկառավարելի կացությունը չէր կարող չմտահոգել նրան ու բնական է, որ նա պիտի մերժե՞ր ընդգրկվելու պատվիրակության կազմում, որը հավասարազոր էր լքելու ծանրագույն իրավիճակում գտնվող Հայաստանը: Վիճաբանությունը Արամի եւ ժողովականների միջեւ շարունակվում էր, եւ դեռ պարզ չէր, թե այն ինչպիսի ավարտ կունենար, երբ հանկած արագորեն ներս է մտնում Դրոն, ներողություն խնդրում ժողովի ատենապետից եւ հայտնում, որ ինքը ուզում է շատ կարեւոր հայտարարություն անել:

Ատենապետի թույլտվությամբ Դրոն հայտնում է. «Ընկեր Ատենապետ, կիմանամ թէ՛ մտադրութիւն ունիք Արամը նշանակելու Պատերազանության անդամ: Ես կը հաստատեմ, թէ պիտի հրաժարիմ զօրաբաժնի հրամանատարութունէ, եթէ Արամը հեռանա ներքին գործերու նախարարութենէն, որովհետեւ ոչ մէկուն կրնամ վստահիլ ինձի յանձնուած խիստ կարեւոր առաքելութիւնը...»²:

Դրոյի կողմից, կարելի է ասել, ներկայացրած վերջնագիրը արմատապես փոխում է ժողովի մասնակիցների տրամադրվածությունը: Նրա հայտարարությունը ժողովի մասնակիցները ընդունում են որպես ահազանգ ու սպառնալիք:

Հարցը, կարելի է ասել, արդեն լուծված էր: Ժողովականները հասկանում էին, որ Հայաստանի Հանրապետության կառավարության կողմից Դրոյին տրված չափազանց կարեւոր հանձնարարությունը, այն է՝ հանրապետության տարածքը մահամեղական ապս-

¹ «Չայրենիք» ամսագիր, 1940, թիւ 12, էջ 72:

¹ Նույն տեղում:

² Նույն տեղում:

տամբ, ինչպես նաև ավազակաբարո ու վնասակար տարրերից մաքրելը, առանց Արամի գործուն մասնակցութեան, անհնարին կլինեն կենսագործել:

Դրոն հրապարակում է Հայտարարութիւնը եւ առանց պատասխան ստանալու՝ մեկնում, իսկ «...Արամը իր քթին տակէն կը ժպտէր գոհունակ...»¹:

Արամը մնում է Հայաստանում, բայց դժբախտաբար նրան վիճակված չէր երկար ապրել: 1919 թ. հունվարի 29-ին, թոքբխտ հիվանդութեամբ ու բժավոր տիֆով վարակված Արամը կնքում է իր մահկանացուն:

Ի դժբախտութիւն Հայաստանի ու բովանդակ Հայութեան, Արամի մավանից ընդամենը 10 օր առաջ(1919 թ. հունվարի 19-ին), դարձյալ բժավոր տիֆով վարակված, իր մահկանացուն էր կնքել Հայ ազգային-ազատագրական պայքարի մեծամաստակ գործիչ, Ն. Յ. Դաշնակցութեան հիմնադիր անդամներից՝ Ռոստոմը (Ատեփան Զորյան): Անտարակույս, նրանց մահը ծանրագույն հարված էր Հայոց պետականութեան կայացման ու ամրապնդման գործին:

Հայաստանի Հանրապետութեանը սպասում էին բազմաթիվ դժվարագույն փորձութիւններ, որոնց հաղթահարման համար անհրաժեշտ էին հայրենանվեր, հզոր կամքով ու կազմակերպական տաղանդով օժտված գործիչներ: Իսկ երկրորդ Ռոստոմ եւ Արամ, որնք ի զորու լինելն արժանորեն փոխարինել նրանց, ինչպես միանշանակորեն ցույց տվեց ժամանակը, դժբախտաբար չգտնվեցին:

Դրոյին սպասում էր մի նոր փորձութիւն, ուր նա կրկին անգամ պիտի Հաստատեր իր նվաճած անհաղթ զորահրամանատարի կոչումն ու համբավը:

1918 թ. դեկտեմբերին բռնկվում է Հայ-վրացական պատերազմը:

ԴՐՈՅԻ ԴԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆ-
ՆԵՐԻ ԸՆԴԱՐՁԱԿՄԱՆ ԵՎ ՊԱՇՏՊԱՆՈՒԹՅԱՆ ԳՈՐԾՈՒՄ

4. 1. ՀԱՅ - ՎՐԱՑԱԿԱՆ ՊԱՏԵՐԱԶՄԸ

Ավարտվում է առաջին Համաշխարհային պատերազմը եւ Գերմանիայի գլխավորած Համադաշնութեան երկրները, որի կազմում էր նաև Թուրքիան, պարտվում են եւ հանձնվում Անտանտի տերութիւններին տնօրինութեանը:

Հայաստանի նորաստեղծ Հանրապետութիւնը իր գոյութեան կարճատեւ, ընդամենը մի քանի ամիս ապրած ժամանակահատվածում, միջազգային ասպարեզում տեղի ունեցող դեպքերի թելադրանքով թեւակոխում է զարգացման նոր շրջան:

1918 թ. հոկտեմբերի 30-ին կնքված Մուզրոսի պայմանագրի Համաձայն՝ Թուրքիան իրեն ճանաչում է լիակատար պարտված եւ պարտավորվում է մինչև 1919 թ. ապրիլը իր զորքերը դուրս բերել Անդրկովկասից եւ նահանջել մինչև 1914 թ. ուս-թուրքական սահմանը: Նույն պայմանագրի 24-րդ հոդվածի Համաձայն Անտանտի տերութիւններին իրավունք է վերապահվում առանց որեւէ խոչընդոտի գրավել նաև Հայկական վեց՝ Էրզրումի, Բիթլիսի, Վասպուրականի, Խարբերդի, Դիարբեքիի եւ Տրապիզոնի նահանգները:

Հայաստանի Հանրապետութեան կառավարութեան առջև ծառայած բազում խնդիրների շարքում, թերեւս, ամենաառաջնահերթ եւ կարեւորագույններից մեկը, բնականաբար, դառնում է Հանրապետութեան տարածքների ընդարձակման կենսագործումը, որը պետք է ընթանար մի քանի ուղղութեամբ, ընդամենի հաղթող տերութիւնների համաձայնութեամբ եւ աջակցութեամբ: Առանց այդ խնդիրների լուծման, խոսք անգամ չէր կարող լինել երկրի, որը պարփակված էր միայն Երեւանի շուրջը, հետագա զարգացման եւ ուժեղ պետականութիւն ստեղծելու մասին:

Հայաստանի Հանրապետութեան կազմում առաջին հերթին պետք է միավորվեին մայրաքաղաքին մերձակա շրջանները՝ Ալեքսանդրապոլն ու Նոր Բայազետը, ապա նոր միայն Կարսի ու Շարուր-Նախիջևանի նահանգները:

«Ատոմ, գրում է Հանրապետութեան վարչապետ Ալ. Խատիսյանը, - սակայն կովկասեան Հայաստանի սահմաններու խնդիրը չփակուե-

¹ Նույն տեղում, էջ 72-73:

ցաւ. վիճելի կը մնային Արցախն ու Զանգեզուրը, որոնց վրայ յաւակնութիւն ունէր Ադրբեջանը, Լոռին, Ախալքալաքը եւ Կարսի շրջանի որոշ մասերը, որոնք կը պահանջուէին Վրաստանի կողմէ, եւ վերջապէս Օլթին ու Նախիջեւանը, որոնք թուրքերու աշխարհակալութեան առարկա էին: Սահմանային այս խնդիրներէն զատ, Հայաստանի կառավարութիւնը իր առջեւ ունէր ամէնէն մեծ հողային վէճը՝ Թրքահայաստանի վերայէթներու վերաբերմամբ¹:

Հանրապետութեան սահմանների ընդարձակումը կենսականորեն անհրաժեշտ էր, բայց իրագործումը չափազանց դժվար, եւ ինչպես ցույց տվեց ժամանակը, սահմանների ընդարձակման գործում հանդիպելով իր հարեւան պետութիւնների անցիջում դիմադրութեանը՝ Հայաստանը ներքաշվում է պատերազմի մեջ եւ զենքի ուժով հարկադրված պաշտպանում իր իրավունքները:

Ծանր օրեր էր ապրում նորաստեղծ Հանրապետութիւնը. մի կողմից երկրում տիրող դժվարին կացութիւնը, բազմահազար գաղթականութեան սուվյալ ու թշվառ վիճակը, մյուս կողմից՝ մուսաֆաթական Ադրբեջանի դավերն ու Արցախի, Զանգեզուրի, Նախիջեւանի նկատմամբ զավթողական հավակնութիւնները եւ հանկարծ հողային տարածքների առնչութեամբ մյուս հարեւանի՝ Վրաստանի հետ բռնկված ընդհարումները:

Անդրկովկասում վարչատարածքային հարցը վաղուց էր հասունացել, եւ այն իր լուծումը պիտի գտներ դեռեւս մինչ փետրվարյան հեղափոխութիւնը:

Անդրկովկասյան ժողովուրդների՝ հայերի, վրացիների եւ ազերիների միջեւ գոյութիւն ունեցող հողային, սահմանային վեճերը հիմնականում կապված էին Հայաստանի պատմական գավառների՝ Արցախի, Զանգեզուրի, Զավախքի, իսկ հայ-վրացական ընդհարումների նախօրեին՝ նաեւ Լոռի-Փամբակի տարածքների պատկանելութեան վիճարկման հետ:

Ինչպես հայտնի է, որպեսզի հայութիւնը չկազմեր բնակչութեան մեծամասնութիւնը, Արցախի եւ Զանգեզուրի գավառները ցարական կառավարութեան կողմից դիտավորյալ մտցվել էին առավելապես մահմեդական հավատքին դավանող բնակչութիւն ունեցող ելիզավետպոլի, իսկ Զավախքի ու Բորչալուի գավառները՝ Թիֆլիսի նահանգի կազմում: Լոռի-Փամբակը մասն էր կազմում Բորչալու գավառի:

Հիշյալ գավառներում (Զավախք եւ Բորչալու) բնակվում էին 260000 հայեր, 7000 վրացիներ եւ 3000 այլազգիներ¹:

Հայ - վրացական խնդիրների առնչութեամբ արխիվային փաստաթղթերի ուսումնասիրութիւնը հստակորեն մատնանշում է, որ վրաց քաղաքական կուսակցութիւնները մինչեւ Անդրկովկասում անկախ հանրապետութիւնների հաստատումը այդ հարցերի լուծման վերաբերյալ պաշտպանել են հետեւյալ դիրքորոշումը. «... Սոցիալ-դեմոկրատները (մենչեիկները) հայտարարել են. «Ինքնակառավարման տերիտորիալ սահմանները պետք է որոշվեն ըստ այդ շրջաններում մեկ կամ այլ ազգերի բնակչութեան տոկոսային հարաբերութեան՝ միաժամանակ հաշվի առնելով նաեւ այդ ազգերի տնտեսական ու մշակութային պայմանները: Իսկ երբ սահմանները որոշվեն, ապա այն պետք է հաստատվի այդ շրջաններում բնակվող ժողովուրդների հանրաքվեի միջոցով:

Վրացական ֆեոդալ-սոցիալիստական հեղափոխական կուսակցութեան կոնֆերանսը վրացական սահմանների առնչութեամբ որոշեց. Վրաստանի տարածքը պետք է կազմված լինի հետեւյալ շրջաններից՝ Թիֆլիս, Գորի, Դուշեթ, Թելավ, Սիղնախ, Թիոնեթի, Բորչալու, Ախալցիխ, Ախալքալաք, Քութաիս, Բաթում, Սուխում, եթե այդ շրջաններում անցկացված հանրաքվեները պետք է համաձայնութիւն տան նմանօրինակ որոշմանը²:

Ինչպես հստակորեն մատնանշվում է փաստաթղթում, վրաց մենչեիկների ընդունած այս որոշման մեջ, ճիշտ է, ամրագրված են նաեւ Ախալքալաքի, Բորչալուի շրջանները, բայց չկա որեւէ նշում Լոռի-Փամբակի մասին: Բնակավայրերի նշումները նրանք կատարել են համապատասխան գավառների եւ նահանգների անվանմամբ, իսկ դրանց մաս կազմող շրջանները, անկախ բնակչութեան կազմից եւ պատկանելութիւնից, չեն նշվել: Ցարիզմի օրոք Լոռի-Փամբակի շրջանները մաս էին կազմում Բորչալուի գավառի:

Մենչեիկների բանաձեւում կարեւորվում է նաեւ հիշյալ շրջանների պատկանելութեան հարցը հանրաքվեով որոշելու սկզբունքը:

Վիճելի տարածքային հարցերը նման ժողովրդական սկզբունքով լուծելու հարցում հայ եւ վրացական քաղաքական հոսանքների միջեւ այդ ժամանակաշրջանում տիրում էր կատարյալ համաձայնութիւն եւ փոխըմբռնում: Սակայն 1918 թ. մայիսի 26-ի անկախութեան հռչակագիրը ընդունելուց հետո, Վրաստանի նորաս-

¹ Խատիսեան Ալ., Հայաստանի Հանրապետութեան ծագումն ու զարգացումը, 1968, էջ 154:

¹ Տե՛ս ԳՅԴ ԿԱ, քժ. 65, գ. 1, էջ 4:

² Նույն տեղում:

տեղծ հանրապետության իշխանության ղեկն ստանձնած, նախկինում ժողովրդական սկզբունքով առաջնորդվող սոցիալ-դեմոկրատները (մենչեկիներ) կտրուկ կերպով փոխում են տարածքային հարցերին վերաբերող իրենց դիրքորոշումը:

1918 թ. հունիսին Վրաստանի Հանրապետության ղեկավարներ Ռամաչվիլին եւ ժողդանիան այցելում են Հայոց Ազգային Խորհրդի ներկայացուցչություն եւ Ալ. Ահարոնյանին, Հովհ. Քաջազունուն եւ Ալ. Խատիսյանին իրենց կառավարության անունից հրավիրում մասնակցելու Ախալքալաքի, Բորչալու գավառի, որի կազմում էր Լոռվա շրջանը, ըստ ազգային պատկանելության բաժանելու նպատակով գումարվող խորհրդակցությանը: Հայոց Ազգային Խորհրդի հանձնարարությամբ հայ պատգամավորներ Խաչատուր Կարճիկյանը, Ալ. Խատիսյանն ու Ղորղանյանը ներկայանում են Վրաստանի կառավարությանը:

Այստեղ նրանց սպասում էր կատարյալ անակնկալ.

«Իրակկի Մերեթելին հայտարարում է, որ Վրաստանը պետք է վերցնի Ախալքալաքը, Ղազախը, Բորչալուն եւ Փամբակը»¹:

Մինչ այդ բոլորովին այլ տեսակետ պաշտպանող Իրակկի Մերեթելու անսպասելի հայտարարությունը զարմանք ու ցասում է առաջացնում հայ պատգամավորների շրջանում:

«Այս առիթով Խաչատուր Կարճիկյանը հայտարարում է, որ Մերեթելու հայտարարության մեջ ինքը տեսնում է Հայաստանը Վրաստանի, Ադրբեջանի եւ Թուրքիայի մեջ բաժանելու հին նախագծի իրագործման գործընթացը»²:

Բողոքը լսելուց հետո Մերեթելին ժամանակ է խնդրում հայկական ներկայացուցչությունից մտածելու՝ նորից հանդիպելու խոստումով: Բայց դրա փոխարեն մի քանի օր անց առանց հայկական կողմի տեղեկության գծվում է վրացական սահմանը, որի մեջ ներառվում են բոլոր վիճելի շրջանները»³:

Երեւանի Ազգային Խորհրդի անդամ Արշալույս Աստվածատրյանի բնութագրմամբ՝ «Այդ անիրավ ու անարդար պահանջով վրացիներն ուրանում էին իրենց բերնով տված հայտարարությունը, թե հիշյալ հողամասերը պատկանում են հայերին, և թե այդ հարցում իրենք միանգամայն համամիտ էին հայերին: Իսկ այժմ վրացիներն իրենց տեսակետները փոխել էին, որովհետեւ Վրաստանի ապահո-

վության համար անհրաժեշտ էին համարում Ախալքալաքի գավառը և Լոռին մինչև Շահալի»¹:

Վրաստանի Հանրապետության կառավարության վերաբերմունքը բավականին հետաքրքիր էր: Ըստ նրա եւ Ադրբեջանի կառավարության նպատակադրության, Անդրկովկասի ողջ բնակչության ավելի քան 30 %-ը կազմող հայությունը պետք է ամփոփվեր միայն Սեւանա լճի ավազանում եւ Արարատյան դաշտի մի մասում, այսինքն բավարարվեր ընդամենը 11000 քառ. կմ տարածքով, որը կազմում էր Անդրկովկասի միայն 5 %-ը: Իսկ հայերից ավելի պակաս բնակչություն ունեցող Վրաստանը հավակնում է տիրելու Անդրկովկասի ամբողջ տարածքի 42 %-ին, այսինքն մոտ 8 անգամ ավելի, քան պետք է ունենային հայերը: Անդրկովկասի տարածքի մնացած 53 %-ին հավակնում էր տիրել Ադրբեջանը²:

Համաձայն Թիֆլիսում հրատարակվող (1917թ.) «Կավկասյի կալենդար»-ի տվյալների, որն իր «Հայաստանի Հանրապետություն» աշխատությունում հիմք է ընդունում նաեւ պրոֆեսոր Ռիչարդ Հովհաննիսյանը, 1916 թ. Անդրկովկասը ունեցել է 6.973.800 բնակչություն, բացառությամբ Դաղստանի ու բաժանված էր հետեւյալ ազգային-կրոնական խմբերի՝

«Հայ առաքելական 1.722.500	Շիա մահմեդական 1.485.200
Հայ ուղղափառ 2.200	Սունի մահմեդական 817.200
Հայ հարանվանական 56.900	Քուրդ մահմեդական 97.100
Վրացի ուղղափառ 1.641.000	Եզդի 40.400
Վրացի մահմեդ-ն 139.300	Գնչու 40.200
Ռուս ուղղափառ 352.600	Հրեա 65.900
Ռուս աղանդ-ն 99.500	Եւրոպացի 2.200
Լեռնական մահմեդ. 117.000	Այլ քրիստ-ներ 198.600
Լեռ-ն այլ հավ-ներ 46.900» ³ :	

Թեպետ Ռուբենի, ինչպես արդեն նշվել է, վերլուծությամբ ու եզրահանգմամբ.

«ա. Որ Անդրկովկասի թաթար, հայ եւ վրացի տարրերը համարեա հաւասար ոյժ կը ներկայացնեն.

բ. Որ հաւասար ուժերը պիտի ձգտում ունենային հաւասար կտորների բաժանել Անդրկովկասը:

¹ Նույն տեղում:

² Նույն տեղում:

³ ԳՅԴ ԿԱ, քժ. 65, գ. 1, էջ 4:

¹ Աստվածատրյան Ա. «Սարդարաբատի պատմաշինությունը» եւ այլ երկեր Երևան, 2007, էջ 670:

² Տե՛ս նույն տեղում:

³ Գովհաննիսյան Ռ., Ըշվ. աշխ., էջ 70:

Սակայն ժամանակը շատ շուտով եկավ ապացուցելու, որ Կովկասյան Հանրապետությունների փոխահարաբերություններում առկա սահմանային ու տնտեսական վեճերն ավելի քան լուրջ էին, որոնք ի վերջո վերածվում են պատերազմական գործողությունների:

Տվյալ ժամանակաշրջանում ի հաշիվ Հայաստանի պատմական դավառների, Անդրկովկասում երկու հզոր՝ Վրացական եւ Ադրբեջանական պետություններ ստեղծելու հարցում մեր հարեւան երկու ժողովուրդների կառավարությունների միջեւ գոյություն ունեին քաղաքական ու տնտեսական շահերի վրա հիմնված կատարյալ փոխհամաձայնություն եւ ներդաշնակություն:

Հայ-ադրբեջանական հակամարտությունը նոր չէր: Հայաստանի Հանրապետության կառավարության համար անակնկալ չէր ադրբեջանական իշխանությունների զավթողական վերաբերմունքը Արցախի եւ Զանգեզուրի նկատմամբ: Սակայն բոլորովին այլ էր Վրաստանի պարագան:

«Վրացիները, գրում է Արեւմտահայոց Ազգային Խորհրդի նախագահ Վահան Փափազյանը (Կոմս), կլանելով Ախալքալաքը, Արտահան-Արդուխի շրջանները եւ մեր առջեւ փակելով Սեւ ծովը տանող ճորտիսի հովիտը, հողամաս մը որ բացառապէս հայերով բնակեցուած էր եւ հարուստ էր անտառներով ու հոչակաւոր պղնձահանքովը:

...Վրացիները, որոնք պատմութեան մէջ միշտ եղբայրօրէն կենակցած են հայութեան հետ, գերազանցեցին ազրպէյջանցիներուն. ախորժակնին ուտելով բացուեցաւ: Օգտուելով Հայաստանի Հանրապետության ներքին ծանր վիճակէն, տնտեսական ծանր պայմաններէն եւ նորակազմ պետութեան յարաբերական թուլութիւնէն, յանկարծակի խուժեցին Լոռիի գիւղերը եւ փորձեցին վրացական վարչութիւններ հաստատել»¹:

Անշուշտ, Վրաստանի կառավարության նման ձգտումների եւ մտադրությունների համար կային որոշակի նախադրյալներ:

Նախ՝ իշխանության դեկն ստանձնած, մինչ այդ ժողովրդավարական քաղաքականությամբ առաջնորդվող վրաց սոցիալ-դեմոկրատներին քաջ հայտնի էր ոչ միայն Հայաստանի, Թուրքիայի եւ Ադրբեջանի ավանդական հակամարտությունը, այլեւ մեր երկրի քաղաքական ու տնտեսական կյանքի ծայրահեղորեն խաբխրված, անմխիթար իրավիճակը:

2. Վրացական իշխանությունների ինքնավստահ, զավթողական տրամադրությունները մեծապես լիցքավորել էր Թուրքիայի հզոր

դաշնակցի՝ Թիֆլիսում գտնվող Գերմանիայի ներկայացուցչությունը, որը վրաց կառավարությանը խոստացել էր տնտեսական եւ անգամ ռազմական օգնություն հայ-վրացական հնարավոր ընդհարումների ժամանակ:

Վկայակոչենք Թիֆլիսում Հայաստանի Հանրապետության ներկայացուցիչ Արշակ Զամալյանի եւ Գերմանիայի ներկայացուցիչ Ֆոն Բրեսի միջեւ կայացած պաշտոնական զրույցից մի ուշագրավ հատված:

«Անդրկովկասում գերմանական միսիայի ներկայացուցիչ Ֆոն Բրեսը Թիֆլիսում հայտնում է Զամալյանին, որ հայերն ազատեն «վրացական» տարածքներն առանց արյունահեղության:

Զամալյանի այն հարցապնդմանը, թե ինչո՞ւ է գերմանական միսիայի ներկայացուցիչը խառնվում վրաց-հայկական գործերին եւ սատար կանգնում վաղուց ի վեր հայերին պատկանող հողերին հավակնող Վրաստանին, Ֆոն Բրեսը պատասխանել է, որ Գերմանիան գտնվում է Վրաստանի հետ նույն միություն մեջ եւ պարտավորություն է վերցրել պաշտպանել այդ հանրապետության տարածքային շահերը եւ դա է իրենց միսիայի նպատակը Անդրկովկասում»¹:

Գերմանիայի գորակցության խոստումներից թեւավորված՝ վրաց իշխանությունները քաղաքական եւ տնտեսական բնագավառում դեռ նոր-նոր ինքնուրույն քայլեր ձեռնարկող Հայաստանի Հանրապետությանը լուրջ մրցակից չէին համարում եւ այդ պատճառով ձգտում էին ամեն գնով կենսագործել հզոր վրացական պետություն ստեղծելու պատեհ առիթն ու հնարավորությունները:

Ավելին, նույնիսկ այն ժամանակ, երբ Մուղղոսի զինադադարից հետո Գերմանիան եւ Թուրքիան այլեւս չունեին որեւէ նշանակալի ազդեցություն, իսկ Կովկասում հաստատվել էր անգլիական գերիշխանությունը, Վրաստանը դարձյալ չէր ձերբազատվում Լոռիի նկատմամբ զրսեւորած նախկին նկրտումներից: Ըստ վրաց իշխանությունների որդեգրած տեսակետի, սահմանային հարցերը հօգուտ Վրաստանի լուծումն անհրաժեշտ է, որովհետեւ. «...հայերի շահն էլ պահանջում է այդ շրջանների Վրաստանի սահմաններում լինելը, որովհետեւ այդպիսով յանձին Վրաստանի, Կովկասում կը ստեղծուի կենսունակ ու հզոր քրիստոնեայ պետութիւն, որը գերմանացիների աջակցութեամբ կը պաշտպանէ եւ հայերին»²:

Վիճակն արդեն զգված էր, սահմանային հարցերի վերաբերյալ վրաց կառավարության այդօրինակ դիրքորոշումը բնականաբար պիտի վերածվեր առճակատման:

¹ ԳՅՂ ԿԱ, թժ. 65, գ. 1, էջ 4:
² Տե՛ս նույն տեղում:

¹ Փափազեան Վ., Իմ յուշերը, հ. 2, Պոլսոթ, 1952, էջ 495-496:

Անդրադառնալով հայ-վրացական ընդհարումների լուսաբանմանը՝ Հայաստանի Հանրապետության առաջին վարչապետ Հովհ. Քաջազնունին գրում է.

«Իեկտեմբերի սկզբներին ծագեց կարճատեւ հայ-վրացական պատերազմը:

Երբ թուրքական բանակը՝ Ալեքսանդրապոլի վրայից անցնելով հասաւ Փամբակ ու գրաւեց Ղարաքիլիսան, վրացիները օգտուեցին հանգամանքից ու զօրքերը մտցրին հայկական Լոռին: Պատրուակը այն էր, թէ ուզում են կանգնեցնել թուրքերի առաջխաղացումը դէպի Թիֆլիս: Բայց թուրքերի հեռանալուց յետոյ էլ վրացիները չուզեցին դատարկել Լոռին, ընդհակառակը, եռանդօրէն աշխատում էին ամրացնել ու յաւերժացնել իրենց տիրապետութիւնը, իսկ տեղացիների դժգոհութեան արտայայտութիւնները խեղդում էին դաժանօրէն:

Լոռին կուսածաղիկ էր Հայաստանի ու Վրաստանի միջեւ, ամէնից ցաւոտը հայ-վրացական սահմանային վէճերի մէջ: Մեզ վրայ ճնշում գործ դնելու նպատակով, Վրաստանը փաստօրէն կտրել էր մեր հաղորդակցութիւնը դրսի աշխարհի հետ, փակել էր մեր սահմանները, նոյնիսկ այն հասցը, որ ուղարկում էր դրսից մեր սովմահ գաղթականութիւնը կերակրելու համար, այդ հասցն էլ հանդիպում էր Վրաստանում բազմազան արգելքների ու ուշանում էր, լրիւ չէր հասնում տեղը:

Վրաստանը գրաւել էր Լոռին, փակել երկաթուղին ու պաշարել մեզ, այն էր պատերազմի հիմնական պատճառը:

Իսկ անմիջական առիթը՝ Լուսայ մի քանի հայ գիւղերի ապստամբութիւնն էր եւ վրաց կառավարութեան գործադրած անհամապատասխան խիստ միջոցները, կարծես կառավարութիւնը առիթ էր որոնում (ու նույնիսկ ինքը ստեղծում) որպէսզի կոտորի ու ահաբեկի հայ ազգաբնակչութիւնը»¹:

Ավելին, կտրուկ փոխվում է վրաց իշխանութիւնների վերաբերմունքը վիրահայութեան, հատկապես Թիֆլիսահայութեան նկատմամբ: Վրաստանի տարածքում բնակվող հայութիւնը ենթարկվում է բռնութիւնների ու թալանի:

Անդրադառնալով այդ օրերին Վրաստանում հայ բնակչութեան նկատմամբ վրաց իշխանութիւնների դրեսեւորած քաղաքականութեանը՝ «Ձանգ»-ը նշում է. «...Տները խուզարկելիս՝ թալանում ու

գողանում են հայերի ստացւածքներն ու ոսկեղենը: Գրավում են հայերի գույքերը: Հայկական հասարակական ու քաղաքական կազմակերպութիւնները խեղդւած են: Փակւած են «Նոր Հորիզոն», «Աշխատաւոր», «Ձնամեա Նարողա», «Կովկասի Կոմիտէ» թերթերը: Խմբագիրները ձերբակալւած են: Թիֆլիսի բոլոր հայ միլիցիոններները՝ 476 հոգի, զինաթափ են արւած եւ հեռացւած են պաշտօնից: Պարզ երևում է, որ վրացիները կամենում են հայերին քայքայել տնտեսապէս եւ նրանց ոյժը թուլացնել Վրաստանում:

Թէ Վրաստանի կառավարութեան, թէ պաշտօնեաների եւ թէ վրաց հասարակութեան վերաբերումը դէպի հայերը անհանդուրժելի է: Հայերը ենթարկւում են քաղաքական ու բարոյական ամենաճանր ճնշումների»¹:

Մայրաքաղաք Թիֆլիսում վրաց իշխանութիւնները բռնադրավել են հայերին պատկանող բանկերը, առեւտրի եւ սպասարկման կետերը, հիվանդանոցները, կրթական ու մշակութային օջախները, ինչպես նաեւ տարբեր նշանակութեան բազմաթիւ հիմնարկներ ու ձեռնարկութիւններ:

Հայ-վրացական հակամարտութիւնը ավելի է շիկանում, երբ հայկական զորքերը Դրոյի գլխավորութեամբ հոկտեմբերի 18-ին մուտք են գործում Լոռի եւ գրավում Շահալի կայարանից մինչեւ Կամենկա գետը ընկած տարածքը, որտեղ մինչեւ այդ գտնվում էին թուրքական զորքերը: Ընդ որում հայկական զորախմբի մուտքը Լոռի-Փամբակ կատարվել է խելամտորեն հաշվարկված, եւ որպեսզի հակառակորդը չկարողանա համապատասխան քայլեր ձեռնարկել, գործողութիւնը իրականացվել է սրընթաց, հակառակորդի համար աննկատ:

Ըստ Ս. Վրացյանի՝ Դրոյի հրամանատարութեամբ գործող Դիլիջան-Լոռի զորամասն այդ միջոցին բաղկացած էր հերելւլ մարտական ուժերից, «...պարտիզանական հետեւակ գունդ՝ գնդ. Միրիմանյան և հրամանատարութեան տակ, պարտիզանական ձիաւոր գունդ՝ հրամանատար գնդ. Կորոլկով, 4-րդ լեւնային մարտկոց (4 թնդանոթ) եւ նոր կազմուող Ղազարի միլիցիոն գունդը՝ սպայ Թ. Մնացականեանի գլխավորութեամբ: Դրօն զօրամասի հրամանատար է նշանակել օգոստոսին: քաղաքացիական մասի օգնականն էր Սարգիս Մանասեանը (ՀՀ ներքին գործերի նախարարի տեղակալ, ապա նախարար)»²:

¹ Քաջազնունի Յովհ., Գ. Յ. Դաշնակցութիւնը անելիք չունի այլեւս, Ալեքսանդրիա, 1926, էջ 39-40:

¹ «Ձանգ», 1918, դեկտեմբերի 29, թիւ 86:

² Վրացեան Ս., Հայաստանի Հանրապետութիւն, էջ 195:

Պատերազմի ժամանակ զորախումբը համալրվել է եւս մի քանի զորամասերով:

Դրվիջան-Լոռի զորախումբը գործել է հետեւյան մարտավարութեամբ. «... Հոկտ. 18-ին Իրօն կարգադրեց Կոռո Թարխանեանին, 2 հարիւրեակ ձիաւորներով շտապ գնալ գրաւել Դսեղ-Քոլագերան-Կաչական գիծը, իսկ Բաշ-Աբարանի զօրամասը՝ առաջին ձիաւոր գունդ, 5-րդ հետեւակ գունդ, 1 մարտկոց-հրամանատարութեամբ գնդ. Ղորղանեանի՝ անցնելով Սպիտակի լեռնանցքը՝ գնաց բռնեց Զալալ-Օղլի-Գերգեր-Կուրթան գիծը: Կարգադրութիւնը կատարուեց շատ արագ, եւ Հոկ. 21-ին արդէն չրջանը ամբողջութեամբ հայերի ձեռքին էր, գրեթէ առանց միջադէպի»¹:

Դեկտեմբերի 19-ին հայկական բանակի զինվորական շտաբի պետը ստանում է հետեւյալ հեռագիր-գեկուցագիրը.

«Հաղորդում եմ, որ հոկտեմբերի 18-ին ժամը 18-ին Շահալի կայարանը գրավված է մեր հեծելազորի կողմից:

Փոխգնդապետ Ծնեուր»²:

Իսկ ընդամենը երկու օր անց, նույն ամսի 21-ին, զինվորական նախարարի անունով ստացվում է հետեւյալ գեկուցագիրը.

«Հաղորդում եմ, որ հոկտեմբերի 19-ի լույս 20-ի գիշերը մեր զորքերի կողմից գրավված է Նովո-Պոկրովկա, Զալալ-Օղլի, Վարդանլու եւ Կարքենդ ռազմաճակատը: Վրաց-գերմանական ճակատը որոշակիացնելու նպատակով կատարվում է հետախուզություն:

Գեներալ-մայոր Սիրիկով»³:

Կատարվեց Լոռին իր իսկական տիրոջը վերադարձնելու առաջին անհրաժեշտ քայլը: Լոռվա տարածքի զգալի մասը, որտեղ մինչ այդ տեղաբաշխված էին թուրքական զորքերը, արդեն վերահսկվում էր հայկական զորքերի կողմից:

Թուրքական զորքերի կողմից բռնագրավված էր նաեւ Ախալքալաքի գավառը, իսկ Բորչալուի մյուս շրջանները, այդ թվում նաեւ Լոռվա տարածքի մի մասը, տնօրինում էին վրացական զորամասերը:

Հարկ է նշել, որ Բորչալուի գավառում, որի վարչական միավորը, ինչպես արդեն նշվել է, կազմում էր նաեւ Լոռին, վրացական զորամասերի հայտնվելը կատարվել էր Հայոց եւ Վրաց Ազգային Խորհուրդների փոխհամաձայնությամբ:

Համաձայն Բաթումիի պայմանագրի, Հայաստանի Հանրապետությունը իրավունք ուներ պահելու ընդամենը մեկ դիվիզիա: Հանրա-

¹ Նույն տեղում:
² ՀԱԱ, ֆ. 276, ց. 1, գ. 78, ք 45:
³ Նույն տեղում:

պետութեան բանակը ուներ մեկ դիվիզիա եւ նրա հրամանատարը գեներալ Մ. Սիրիկյանն էր, մնացած զորամասերը, այդ թվում նաեւ Դրոյի գլխավորած Դրվիջան-Լոռի զորախումբը կազմում էին այդ դիվիզիայի բաղկացուցիչ մասերը:

1918 թ., երբ թուրքական զորքերը Ալեքսանդրապոլի գրավումից հետո սպառնում էին հարձակումը զարգացնել դեպի հյուսիս, Հայոց Ազգային Խորհուրդը, հաշվի առնելով Վրաստանի սահմանների պահպանության հարցը եւ ընդառաջելով Ռամիշվիլու եւ Ժորճանիայի դիմումներին, համաձայնվեց, որպեսզի վրացական զորամասերը մուտք գործեն Բորչալուի շրջանը: Ընդամենն, այդ ժամանակ Վրաց Ազգային Խորհրդի ներկայացուցիչները հավատացնում էին, որ վրացական զորքերն անմիջապես կպարպեն Բորչալուն, եթե թուրքերը հեռանան Վրաստանի սահմանամերձ շրջաններից: Սակայն ժամանակը ցույց տվեց, որ վրաց կողմը ոչ միայն չկատարեց իր խոստումը, այլեւ հիշյալ տարածքների նկատմամբ դրսեւորած իր հավակնութեամբ պատճառ հանդիսացավ հայ-վրացական ընդհարումներին:

Ա. Հարությունյանը, ինչպես արդեն նշվել է, միանգամայն փաստարկված, ընդգծելով Մայիսյան հերոսամարտերի դերն ու նշանակությունը դեպի Թիֆլիս արշավող թուրքական զորքերի հարձակումը կասեցնելու գործում, իրավացիորեն գրում է. «Չխենկելին և Օդոշելիձեն (Վրաստանի Հանրապետության վարչապետն ու զինվորական փոխնախարարը-Ն. Գ.), որոնք այնքան ճիգեր էին գործադրում ստիպելու Նազարբեկովին՝ Կարսը թուրքերին հանձնել առանց դիմադրության, կհամոզվեին, որ, այնուամենայնիվ, Թիֆլիսը ավելի հեշտ էր պաշտպանել Սարիգամիշի, Կարսի, Արդահանի մատուցյաներում, Սարդարաբատի տակ, քան Նավթալուղում: Կրկնում ենք, Թիֆլիսը գերծ մնաց թուրքական արշավանքից՝ թուրքերին Ղարաբաղի սայում, Սարդարաբատում և Բաշ Ապարանում հայկական զորքերի հասցրած հակահարվածի շնորհիվ»¹:

Թուրքական զորքերի դուրս բերումը գրավյալ տարածքներից եւ դրանք հայկական զորամասերով փոխարինելու գործողությունը կատարվել է հայկական եւ թուրքական զորքերի հրամանատարության նախնական պայմանավորվածությամբ եւ փոխհամաձայնությամբ: Ընդամենն՝ հայկական կողմի հետ տարվող բանակցություններ վարել է Անդրկովկասում թուրքական զորքերի հրամանատար Նավիլ փաշան: Հայաստանի զինվորական նախարար, գեներալ Հախ-

¹ Հարությունյան Ա., նշվ. աշխ., էջ 188:

վերջանին հասցեագրված՝ այս հարցերին նվիրված հեռագրերից մեկում նշվում է.

«Զերդ Գերագանցութիւն

ես ստացել եմ հեռագիր ինչի վաշայից: Նա ինձ խնդրել է հայանել Զեզ, որ զօրքերի դուրս բերումը սկսելու է այս ամսի 18-ին (հոկտեմբերի 18-ին - Ն.Գ.): Նա խնդրել է Զերդ գերագանցութեանը անել բոլոր կարգադրութիւնները նշուած օրը պարպած տարածքները գրաւելու համար:

Օտոմոնյան կայսրութեան ներկայացուցիչ
եւ դիվիզիոնի գեներալ Մախմեդ- Ալի»¹:

ՀՀ զինվորական նախարար գեներալ Հախվերդյանի հեռագրից պարզվում է, որ գրավյալ տարածքներից թուրքական զորքերի դուրս բերմանն առնչվող բանակցութիւնները, Հանրապետութեան կառավարութեան հանձնարարութեամբ, թուրքական զորքերի հրամանատարութեան հետ, գնդապետ Ղորղանյանի ընկերակցութեամբ, վարել է անձամբ Դրոն²:

Հանրապետութեան կառավարութեան որոշմամբ՝ նա նշանակվում է նաեւ ազատագրված տարածքները մուտք գործող զորամասի հրամանատար եւ նույն տարվա դեկտեմբերին, երբ թուրքերը հեռացան Ալեքսանդրապոլից, ազատագրված քաղաքը մուտք գործող զորամասը առաջնորդում էր Դրոն: Զուգահեռաբար, նրա հրամանով հայկակամ մեկ այլ զորամաս, իհարկե, ՀՀ կառավարութեան համաձայնութեամբ, մուտք է գործում Զավախք:

Ալեքսանդրապոլից Դրոն ՀՀ կառավարութեանն ուղղված հեռագրում հաղորդում է. «Մեր զորամասը գրավեց Ախալքալակի Գորելովկա գիւղը: Դեկ. 8-ի առաւօտեան մի առաջապահ խումբ ուղարկուեց Բոգդանովկա»³:

Պարզվում է, որ վրացական կողմը հայկական զորքի մուտքը Զավախքի տարածք խոչընդոտելու եւ իր իշխանութիւնն այնտեղ լիարժեքորեն հաստատելու նպատակով արդեն ձեռնարկել էր որոշակի անհրաժեշտ քայլեր:

Նույն հեռագրում Դրոն հաղորդում է. «Երբ վերջիններս (նկատի ունի հայկական զորամասը-Ն.Գ.) հասնում են այնտեղ վրացական մի սպայ առաջարկում է մեր զօրքին հեռանալ եւ բոլորովին դատարկել Ախալքալակի գաւառը:

Պահակի պետը յայտնում է, որ առանց իր իշխանութեան թոյլտուութեան նա չի թողնի շրջանը. դրանից յետոյ յայտնում է վրացական մի զօրամաս թուրք 300 հոգի եւ մի թնդանութիւն: Դեկ. 8-ին ժամը 2-ին Բոգդանովկա մտած զօրախումբը լսել է հրացանաձգութեան եւ գնդացիների ձայներ: Հետեւանքներն անյայտ են»¹:

Լոռվա տարածքը թուրքական զօրքերի կողմից պարպելու իրողութիւնը Հայաստանի Հանրապետութեան կառավարութեանը հայտնի դարձավ դեռեւս օգոստոսի 31-ին, այսինքն ավելի վաղ, քան Գերմանիայի գլխավորած ռազմա-քաղաքական միութեան վերջնական պարտութիւնն ու Մուզրոսի գինադադարը:

Այդ օրը՝ օգոստոսի 31-ին, օսմանյան արեւելյան բանակի հրամանատար ինչի վաշան պաշտոնական այցով ժամանել էր Երեւան: Իհարկե, նրա ժամանանումը Երեւան պատահական լինել էր կարող, այն խորապես կշռադատված էր:

Անդրադառնալով ինչի վաշայի եւ Հայաստանի Հանրապետութեան ղեկավարների հանդիպման մանրամասներին՝ Վրաստանում Հայաստանի Հանրապետութեան դիվանագիտական հավատարմատարը գրում է. «Օգոստոսի 31-ին առաւօտեան ինչի վաշան Ֆոն-Կրէստի (Թիֆլիսում Գերմանիայի ներկայացուցիչը - Ն.Գ.), բարոն Տրանկենշտայնի (Ավստրիայի դիվանագիտական երկայացուցիչը - Ն.Գ.) եւ իմ ուղեկցութեամբ մտաւ Երեւան: Ընդունելիութիւնը բաւական սրտագին էր: Կայարան էր եկել ներքին գործերի մինիստր պ. Արամը, որ ինչի վաշայի վաղեմի ընկերն է. ինչի վաշան վազելով ընառաջեց եւ գրկախառնուեց պ. Արամի հետ: Դրանից յետոյ ինչի վաշան ընդունեց պատուաւոր պահակախմբի պարադը եւ ապա պատուաւոր հեծելազօրի ուղեկցութեամբ Արամի հետ միասին գնաց քաղաք: Միւս հիւրերը հետեցին նրանց»²:

Երեւանում ինչի վաշան հանդիպումներ է ունենում ՀՀ վարչապետ Հովհ. Քաջազնունու, խորհրդարանի նախագահ Ավ. Սահակյանի, Դիմանի նշանավոր ճակատամարտում նրան պարտութեան մատնած, ՀՀ բանակի սպարապետ գեներալ Թ. Նազարբեկյանի ու այլ պաշտոնատար անձանց հետ: Բանակցութիւնների ժամանակ ի թիվս բազմաթիվ քննարկվող հարցերի, անդրադառնում են նաեւ Ախալքալակի եւ Լոռի-Փամբակի շրջանները թուրքական զօրքերից պարպելու խնդիրներին: Նույն օրը ի պատիվ ինչի վաշայի Հայաստանի կառավարութեան կողմից տրվում է պաշտոնական ճաշկերույթ:

¹ ՀԱԱ, ֆ. 276, ց. 1, գ. 78, ք. 18:

² Տե՛ս նույն տեղում:

³ «Ձանգ», 1918, դեկտեմբերի 29, քիւ 86:

¹ նույն տեղում:

² ՀՀ ԲԿԱ, պ. 12, դ. 5, թժ. 65, գ. 1, էջ 2-3:

«Ճաշը իր վախճանին էր մոտենում, երբ ինչիլ փաշան, որ փոքր-ինչ գինով էր, խնդրեց բերել Անդրկովկասի քարտէզը եւ երկար նայելուց յետոյ վեր կացաւ ու յայտարարեց, թէ այլեւս խոսքերը բաւական են, գործ է հարկաւոր այժմ եւ ինքը, իբրեւ կատարումը իր հայանպաստ խոսքերի խոստանում է երեք օրուայ ընթացքում իր պատասխանատուութեամբ համաձայնութիւն գալով Հայոց կառավարութեան հետ, դատարկել Հայստանի գրաւած մասերը (Փամբակ եւ Լոռի) ամբողջովին կամ մասամբ:

Այս յայտարարութիւնը գերմանացիների եւ ակտրիացիներին սկզբում չփոթութեան մէջ գցեց, սակայն վերջը նրանք էլ ուրախ էին(մի տեսակ չարախնդութեան շեշտ կար այդ ուրախութեան մէջ) եւ մեզ դրդում էին մինչեւ անգամ խօսք առնել ինչիլ փաշայից, որ Ալեքսանդրապոլը դադարկի...

Ճաշից յետոյ տեղի ունեցաւ պ. Արամի բնակարանում մեր պաշտոնական խորհրդակցութիւնը:

Առաջին հերթին պ. Հովհ. Քաջազնունին դրեց խորհրդակցութեան առաջ Փամբակն ու Լոռին դատարկելու հարցը: Երկար թեր ու դէմ խօսակցութիւն տեղի ունեցաւ այս շուրջը, եւ հարցը փոխուեց նրանով, որ ինչիլն երեք օրուայ ընթացքում պէտք է իր կառավարութեանը այդ գաւառները դատարկելու առաջարկ անի եւ համապատասխան հրաման ստանալուց յետոյ դատարկի»¹:

Հոկտեմբերի 5-ին ինչիլ փաշան դարձյալ ժամանում է Երեւան եւ հայտնում, որ այս անգամ արդեն ինքը հրաման է ստացել դատարկել Լոռի-Փամբակի շրջանները: Այս հաղորդումից հետո հայ-թուրք զինվորական շտաբի ներկայացուցիչներն անմիջապէս մշակում են հիշյալ շրջաններում թուրքական զորքերին հայ զորամասերով փոխարինելու ծրագիրը, որն էլ իրականացվում է նույն տարվա հոկտեմբերի 18-ին²:

Մի ուշադրավ փաստ. թուրքական քաղաքականութեան դերն ու ազդեցութիւնը հայ-վրացական պատերազմում:

Նույն ինչիլ փաշան, մինչեւ թուրքական զորքերի կողմից Լոռի-Փամբակի տարածքի պարպումը, դեռեւս սեպտեմբերին Թիֆլիսում Հայաստանի կառավարութեան հավատարմութեան ղեկավարին (հավատարմատար՝ Ա. Ջամալյան - Հ.Գ.) հստակորեն արդեն արտահայտել էր այդ շրջանների նկատմամբ թուրքիայի դիրքորոշումը:

1918 թ. սեպտեմբերի 21-ին թվագրված՝ Թիֆլիսում Հայաստանի միսիայի թիվ 2 օրագրում կարդում ենք. «Լոռի եւ Փամբակի շրջան-

ները Հայաստանի մի մասը համարելով, ինչիլն առաջարկեց անմիջապէս այնտեղ հայկական քաղաքացիական ադմինիստրացիա ուղարկելու: Տաճկական զօրքը կը մնայ տեղերում, բայց ամբողջ քաղաքացիական կառավարութիւնը պիտի հայկական լինի: Ազգաբնակչութիւնը (խոսքը հայ գաղթականների մասին է - Հ.Գ.) կարող է անմիջապէս վերադառնալ: Երկաթուղային վարչութեան հարցը դեռ լուծւած չէ: Մեր տպաւորութիւնն այն է, որ պիտի մնայ տաճիկների ձեռքում: Ինչիլն աւելացրեց, որ վրաց կառավարութիւնը Արդու-Քերիմից (Թուրքիայի ներկայացուցիչը Թիֆլիսում - Հ.Գ.) քաղաքացիական վարչութեան մասին իմանալով, պաշտոնապէս յայտնել է, որ իր վարչութիւնը պիտի ուղարկի ազատուող շրջանները կառավարելու համար: Սակայն ինչիլը մեզ հաւաստիացրեց, որ նրա ստացուած բացորոշ հրամանի հետեւանքով վրացիներն այդ շրջանները չը պէտք է մուտք գործեն ու Լոռին եւ Փամբակը Հայաստանի մասը լինելով, վարչութիւնը պէտք է լինի միմիայն հայկական»¹:

Ինչիլ փաշայի՝ օգոստոսի 31-ին եւ հոկտեմբերի 5-ին արած պաշտոնական հայտարարութիւններին, ինչպէս եւ վերոհիշյալ տողերի բովանդակութեան ծանոթութիւնը բնականորեն հարց է առաջադրում. ինչո՞ւ Գերմանիայի, որն, ի դեպ, միանշանակորեն պաշտպանում էր Վրաստանին, դաշնակից Թուրքիան ժամանակից շուտ էր բացում իր խաղաքարտերը եւ Հայաստանի Հանրապետութեան կառավարութեանը աջակցում վերստին հաստատվելու այդ տարածաշրջաններում: Որո՞նք են Թուրքիայի կողմից ձեռնարկված նման քայլերի պատճառն ու նպատակները: Մի՞թե Թուրքիան եւ բազմափորձ դիվանագետ ինչիլ փաշան կարող էին անկեղծ, բարյացակամ վերաբերմունք դրսեւորել իրենց թշնամի, թեկուզեւ ոչ այնքան ուժեղ պետութեան՝ Հայաստանի Հանրապետութեան նկատմամբ: Իհարկեւ, ոչ, ճակատագրի հարկադրանքով ճանաչելով Հայաստանի անկախութիւնը, Թուրքիան երբեք չէր համակերպվել Հայաստանի Հանրապետութեան գոյութեան, առավելեւս նրա կայացմանն ու հզորացման իրողութեանը: Պարզորոշ տեսնելով իրենց մոտալուտ պարտութիւնը եւ ստիպված հաշտվելով գրավյալ տարածքները պարպելու դառը փաստին՝ Թուրքիան ուղիներ էր որոնում Անդրկովկասում իրավիճակը ապակայունացնելու, ազգային թշնամանքը ավելի խորացնելու եւ այն ընդհուպ մինչեւ պատերազմի վերածելու ու դրանով իսկ Հայաստանի նորաստեղծ հանրապետութեանն ու հայութեանը մեկ անգամ եւս հարվածելու ուղղութեամբ:

¹ Նույն տեղում, էջ 3:

² Տե՛ս նույն տեղում:

¹ ԳԳԲԱ, պահ. 12, դ. 5, թժ. 65, էջ 5:

Ամենայն հավանականութեամբ Հայաստանի նկատմամբ Թուրքիայի դրսեւորած հիշյալ «Ջերմ բարեացակամ» վերաբերմունքը հենց այդ նպատակն էր հետապնդում, մասնավաճնդ որ քաջատեղյակ էր բովանդակ Անդրկովկասում, մասնավորապես նորաստեղծ Հայաստանի եւ Վրաստանի հանրապետութիւններում տիրող կացութեանը, նրանց միջեւ գոյութիւն ունեցող սահմանային վեճը:

Դրոյի գլխավորած զորքերի մուտքը Լոռի վրացական կառավարութեան համար պատրվակ է ծառայում, որպեսզի ողջ Անդրկովկասում եւ տարբեր մակարդակի հանդիպումներում աղաղակի հայերի ռազմական ներխուժման մասին, չնայած Բորչալուի գավառի եւ հայկական այլ շրջանների գրավումով ինքն էր արդեն տվել նախահարձակ լինելու օրինակը:

Հայաստանի Հանրապետութեան կառավարութեան կողմից Լոռվա տարածք հայկական զորքեր մտցնելու իրողութիւնը գնահատելով որպես Վրաստանի շահերի դեմ ուղղված քայլ՝ վրաց հանրապետութեան արտաքին գործոց նախարարը հոկտեմբերի 19-ին Հայաստանի դիվանագիտական ներկայացուցիչ Արշակ Զամայանին է հանձնում հետեւյալ բողոքագիրը.

«Վրաստանի Հանրապետութեան կառավարութիւնը տեղեկացաւ, որ Թիֆլիսի նահանգի մէկ մասը՝ Քոբէր կայարանից սկսած մինչեւ սահմանակից կամուրջը, այլեւ Սանահինի մօտի շրջանները, սոյն հոկտեմբերի 18-ին գրաւուել են հայկական կանոնաւոր զորքերի առաջին եւ չորրորդ հրացանաձիգ գնդերի կողմից: Վրաց կառավարութիւնը, որ միշտ պատրաստ է խաղաղ, փոխադարձ համաձայնութեան միջոցով կարգաւորել սահմանների հարցը բարեկամ Հայաստանի Հանրապետութեան հետ, իր պարտականութիւնն է համարում յայտնելու, որ քանի այդպիսի համաձայնութիւն չի կայացել, հայկական զորամասի մուտքը Թիֆլիսի նահանգի սահմաններից ներս՝ վրաց կառավարութեան կողմից կը դիտուի որպէս Հայաստանի կողմից արուած ակներեւ մի թշնամական քայլ Վրաստանի նկատմամբ»¹:

Հայկական զորամասի մուտքը զուտ հայկական ու հայաբնակ Լոռի գայրույթ ու ցասում է առաջ բերում Հայաստանի Հանրապետութեան հետ սահմանների հարցը «խաղաղ, փոխադարձ համաձայնութեան միջոցով կարգավորելու միշտ պատրաստ» վրաց կառավարութեան շրջանում: Վրաց արտաքին գործոց նախարարի վերոհի-

շյալ հեռագիրը կրկին հավաստում է, որ գերմանացիների զինուճալակցութեամբ խանդավառված Վրաստանի իշխանութիւնները լի էին հաստատակամութեամբ զավթելու Լոռին, որը Վահան Փափագյանի (Կոմս) բնորոշմամբ «... Հայաստանի թոքն է. առանց այդ գեղեցիկ եւ ռազմական կարեւորութիւն ունեցող շրջանի եւ երկաթուղագծին, անկարելի էր շնչել»²:

Առաջնորդվելով վիճելի տարածքների հարցը գնքի ուժով լուծելու սկզբունքով վրաց կառավարութիւնը, բացի գերմանացիներից, փորձում է գտնել նոր դաշնակիցներ ու աջակիցներ:

1918 թ. սեպտեմբերի 23-24 թվագրված՝ Թիֆլիսում Հայաստանի միսիայի թիվ 4 օրագրում նշված է. «... Գեգեչկորին եւ գեն. Մազնիելը հասել են Եկատերինբուրգ, Ալեքսեւեւի Կուբանի ներկայացուցիչների հետ խորհրդակցելու: Ըստ դեռեւս չստուգուած տեղեկութիւնների, Մազնիելի զօրախմբի ծախսերը հոգում է Կուբանի կառավարութիւնը»³:

Վրաստանի իշխանութիւնները տենդագին պատրաստութիւններ են տեսնում պատերազմի պատրաստվելու ուղղութեամբ, իսկ հետեւանքը իրեն երկար սպասեցնել չի տալիս:

Վրաց զինվորական նախարարի հրամանով հոկտեմբերի 20-ին Սանահինում գտնվող վրացական զրահագնացքի պետ, կապիտան Գոգոաձեն Լոռվա հայկական զօրախմբի սահմանապահ վաշտի հրամանատարութեանն է ներկայացնում հետեւյալ վերջնագիրը.

«Հիմնուելով Վրաստանի Հանրապետութեան զինուորական նախարարի թիւ 372 հեռագրի վրայ, յանձնարարում եմ ձեզ 24 ժամուայ ընթացքում տեղեկացնել ձեր կառավարութեանը, որ դուք պէտք է հեռանաք ձեր այժմ գրաւած տեղից Շահալի կայարանից այն կողմը: Սպասում եմ ձեր պատասխանին հոկտեմբերի 22-ին, ժամը 2-ին»³:

Հայկական կողմին վերջնագրի պահանջները արագորեն կատարել հարկադրելու դիտավորութեամբ՝ վրացիները չսպասելով անգամ իրենց վերջնագիր-հեռագրի պատասխանին, աստիճանաբար զինական ուժեր, անգամ զրահագնացքներ են կենտրոնացնում Լոռվա շրջանի առավել կարեւոր նշանակութիւն ունեցող կետերում եւ հաղորդակցութեան ուղիներում:

Հոկտեմբերի 21-ին կապիտան Գոգոաձեն զինվորական նախարարութիւնից ստանում է մեկ այլ հեռագիր.

¹ Փափագեան Վ., Իմ յուշերը, հ. 2, էջ 496:

² ԳԳ ԲԿԱ, պատ. 12, դ. 5, քժ. 65, էջ 1:

³ ԳԱԱ, ֆ. 276, ց. 1, գ. 80, էջ 13:

«Վաղը, ամսի 22-ին, ժամը 12-ն, երկաթուղով ձեռք բերած և զայնուհետև հանձնարարված 250 զինուորային զենքեր, զէպի Վարոնցովկա է շարժվում զօր. Ցիցիանովի զօրամասը՝ բաղկացած մարտկոցներից և հետևակներից: Չօր. Ցիցիանովի գալուց յետոյ նա կրնազուհի բոլոր զօրքերի հրամանատարութիւնը: Ամբողջ Բարչալուի գաւառի մաքրագործման և մինչև Քիֆլիսի (նկատի աւելի Քիֆլիսի նահանգը, որի սահմանների մէջ ցարական իշխանութիւնների կամքով մտցվել էր նաև հայկական Լոռվա գավառը - Հ.Գ.) սահմանները հետևաբար պայմանը անպայման է»¹:

Միանգամայն բնական է, որ հայկական կողմը չէր կարող վրացիների կողմից ձեռնարկվող գործողութիւնների ասոյ հանդիսատեսը լինել: Ի պատասխան վրացական կողմի ձեռնարկած քայլերի, ՀՀ կառավարութեան որոշմամբ գեներալ Միլիկյանի հրամանատարութեամբ գործող զինվորային կազմում, բայց ինքնուրույնաբար գործելու իրավունքով, Դրոյի զինավորութեամբ կազմավորվում է Դիլիջան - Ղարաքիլիսա զինվորական օկրուգ: Արդեն գծվար չէր հասկանալ, որ հարցը լուծվելու է ռազմական միջոցներով: Մարտական գործողութիւններ ծավալելու համար անհրաժեշտ էր կազմակերպել թիկունքը, ամյալ պարագայում Լոռվա բնակչութեանը, հատակ սահմանել ու կարգավորել բնակչութեան և զինվորականութեան գործառույթներն ու փոխհարաբերութիւնները:

Ստանձնելով զորքերի հրամանատարութիւնը՝ Դրոն 1918 թ. նոյեմբերի 26-ին ստորագրում է հետեւյալ հրամանը.

« Հայտնում եմ ի գիտութիւն և ի գործ, որ ես նշանակվել եմ Դիլիջան-Ղարաքիլիսայի ռազմական օկրուգի հրամանատար և բոլոր զինվորականներին, քաղաքացիական անձանց և ձեռնարկութիւններին հրամայում եմ, որ ծառայողական հարցերով ինձ դիմել Ղարաքիլիսա գյուղում:

Հիմք. Հայկական զինվորային նոյեմբերի 14-ի թիւ 005 հրամանի:

2. Հայտնում եմ հայկական զինվորային նոյեմբերի 14-ի թիւ 005 հրամանի քաղվածքը. Հայտնում եմ առաջնորդվելու համար միևնիստների խորհրդի հոկտեմբերի թիւ 50 որոշումը, 1. Դիլիջանի և Ղարաքիլիսայի տեղամասերը ժամանակավորապես միավորվում են Դիլիջան-Ղարաքիլիսա մեկ միասնական օկրուգում, որը թե քաղաքական և թե զինվորական առումով ենթարկվելու է միմիայն օկրուգի պետին:

3. Հրամայում եմ բոլոր գյուղերում անցկացնել կոմիսարների նոր ընտրութիւններ...

¹ Լույս տեղում:

4. Նկատի ունենալով Դիլիջանի և հատկապես Ղարաքիլիսայի գյուղական բնակչութեան տնտեսական ծանր վիճակը, հրամայում եմ բոլոր զինվորական մասերին, որ առանց տեղամասային ու գյուղական կոմիսարների գիտութեան և թույլտվութեան բնակչութեանից ոչինչ չգանձել: Գանձումը պետք է կատարվի գյուղական և տեղամասային վարչութիւնների ու համայնքների ներկայացուցիչների ներկայութեամբ, միայն սահմանված պետական գներով: Փողը պետք է վճարվի տեղում, առանց ուշացնելու:

5. Ձինվորականներին քաղաքացիական իշխանութիւնների կողմից օգնութեան հայցով դիմելու դեպքում, բոլոր զինվորական մասերի պետերին հրամայում եմ ցուցաբերել օրենքով սահմանված օգնութիւն:

6. Քաղաքական իշխանութիւնները պետք է օրենքով սահմանված կարգով, ամեն միջոցներ ներդնեն, աջակցեն զինվորական մասերին:

Դիլիջան-Ղարաքիլիսա զինվորական օկրուգի պետ Դրո»¹:

Վրացական կողմը իր գրաված տարածքում բացահայտորեն տեղաբաշխում է նոր մարտական ուժեր և ռազմական տեխնիկա:

Ուշի-ուշով հետեւելով վրացիների կատարած քայլերին՝ հայկական զորախմբի հրամանատարութիւնը նույնպես նպատակադրվում է դիմել վճռական գործողութիւնների:

Հոկտեմբերի 21-ին Հայաստանի Հանրապետութեան զինվորական նախարարը ստանում է Լոռիի շրջանում տիրող իրավիճակի ներկայացնող հետեւյալ հեռագիրը.

«Ձինվորական նախարարին

Վրացիները Շահալին պարպելու վերաբերյալ ներկայացնում են վերջնագիր և գրահազանցքը մոտեցրել են Կոբեր կայարանին: Սանահին կայարանում նրանք կենտրոնացրել են 300 զինվորներ, որոնց առավոտյան միանալու է եւս 500 մարդ: Նրանց ակտիվ գործողութիւն ծավալելու դեպքում Դրոն մտադրվել է հարձակվել և գրավել Սանահին կայարանը:

Նա խնդրում է անհապաղ հրամայել Դիլիջանի պահեստներից սալ հրացանի փամփուշտներ, նռնակներ...

Փոխգնդապետ Շեկուր»²:

Իր շտաբի պետի՝ Շեկուրի հեռագրի իսկութիւնը, Հայաստանի Հանրապետութեան արտաքին գործոց նախարարին հասցեագրված

¹ ՀԱԱ, ֆ. 201, ց. 1, գ. 102, ք. 89:

² ՀԱԱ, ֆ. 276, ց. 1, գ. 78, ք. 44:

Հոկտեմբերի 22-ի հեռագրում, հավաստում է նաև հայկական դիվիզիայի զորահրամանատար գեներալ Սիրիկյանը:

«Հոկտեմբերի 21-ին, նշում է գեներալ Մ. Սիրիկյանը, վրացիները մոտեցրել են Կոթեր կիսակայարանին զրահագնացք, իսկ Սանահին կայարանին 300 զինվորներ: Առավոտյան նրանց են միանալու եւս 500 զինվորներ: Այդ նույն օրը 10 զինվորներով Քարանջի գյուղն է եկել գերմանական սպան: Վրացիները պահանջել են մաքրել Շահալին»:

Դիվիզանի զորախմբի պետին հանձնարարված է հակառակորդի ակտիվ գործողությունների դեպքում դիմել հարձակման եւ զրավել Սանահինը»¹:

Վրացիները, չսպասելով Հայաստանի իշխանությունների հետ ընթացող բանակցությունների արդյունքներին, ավելի ու ավելի են ավելացնում իրենց զորքերի թիվը Լոռվա տարածքում:

Վրաց զինվորական նախարարության կողմից ձեռնարկվող քայլերը արդեն ոչ այլ ինչ էին, եթե ոչ պատերազմական գործողություններ ծավալելու բացահայտ մարտահրավեր:

Վրաց կառավարության վերջնագիր ներկայացնող հեռագրերը եւ վիճելի տարածքներում վրացական կողմի ձեռնարկած գործողությունները փոթորկահատուկ իրավիճակ են ստեղծում Հայաստանի խորհրդարանում ու կառավարությունում: Հայաստանի խորհրդարանի Հոկտեմբերի 22-ի նիստում վարչապետ Հովհ. Քաջազնունին հայտարարում է.

«Մեր հողի մի մասը, Լոռի-Փամբակի շրջանում, գրաւուած էր թուրքական զորքերով: Մեր կառավարութիւնը մի քանի անգամ բողոքներ ներկայացրեց թուրքաց կառավարութեան, ինչպէս նաև գերմանական եւ աւստրիական մինիստրներին եւ միշտ պատասխան ստացաւ, որ գրաւումը ժամանակաւոր է:

Հոկտ. 5-ին ինչի փաշան Երեւանում յայտնեց, որ հրաման է ստացուել դատարկել վերոհիշեալ երկրամասերը: Անմիջապէս մեր եւ թրքական շտաբները գծեցին այդ գործողութեան ծրագիրը, որը սկսուեց հոկտ. 13-ին եւ առանց որեւէ միջադէպի, շարունակուեց մինչեւ հոկտ. 18-ը, երբ գիշերուայ ժամը 12-ին հեռագիր ստացուեց Դրոյից այն մասին, որ «վրացիները վերջնագիր են ներկայացրել դատարկելու համար մեր ստացած շրջանը մինչեւ Շահալի ու շարժուիլ Կոթերի վրայով»: Նա խնդրում է կարգադրութիւն անել: Մեր կառավարութիւնը որոշեց շրջանակ վերջնագիրը, չյանձնել Շահալի կայարանը եւ զինուած ուժի դիմելու պարագային ցոյց տալ դիմադրութիւն»¹:

Չնայած հանրապետության ծանր կացությանը, այնուհանդերձ, Հայաստանի Հանրապետության խորհրդարանն ու կառավարությունը չէին կարող ընդունել վրաց կառավարության վերջնագիրը, որը միանշանակորեն կհանգեցնէր ոչ միայն Ջավախք աշխարհի, այլև Բորչալու գավառի Լոռի-Փամբակի շրջանի կորստյանը:

Հայոց խորհրդարանի որոշման համաձայն վարչապետ Հովհ. Քաջազնունին ի պատասխան վերջնագրի, Արշակ Ջամայանի միջոցով վրաց կառավարությանն է հղում հետեւյալ հեռագիրը.

«Հայաստանի խորհրդարանը լսելով Վրացական հա.4303 դիմումի եւ Շահալին պարպելու վերջնագիր-պահանջագրի մասին իմ հարդրումը, որոշեց. հավանություն տալ կառավարության գործողություններին եւ առաջարկեց հետագայում էլ հետեւել ընդունված ուղղությանը:

2. Պարտավորեցնել կառավարությանը ամեն ջանք գործադրել կոնֆլիկտը խաղաղ ճանապարհով լուծելու համար՝ հուսալով, որ Վրաստանը ձեռնպահ կմնա հարձակողական գործողություններից եւ չի անցնի իր գբաղեցրած գիծը:

Խնդրում եմ այդ մասին հաղորդել Վրաստանի կառավարութեանը:

Հա.519 մինիստր նախագահ Քաջազնունի»²:

Սակայն ապարդյուն էին սահմանային խնդիրները խաղաղ ճանապարհով լուծելու Հայաստանի կառավարության գործադրած ջանքերը:

Վրաստանի Հանրապետության կառավարության պահանջը մեկն էր. դուրս բերել հայկական զորագնդերը Լոռվա գավառից եւ Հայաստանի կառավարությանը հարկադրել ընդունել վիճելի բոլոր տարածքների նկատմամբ Վրաստանի իրավասությունն ու գերիշխանությունը: Ավելին, Վրաստանի կառավարության որոշումով շրջափակվեց Հայաստանի համար կենսական նշանակություն ունեցող Բաթում-Ալեքսանդրապոլ երկաթուղին՝ կտրելով մեր երկիրը ԱՄՆ-ից եւ Անգլիայից ստացվող տնտեսական օգնությունից: Օգտվելով այն հանգամանքից, որ թուրքիայի պարտության հետեւանքով թուրքական զորքերը հարկադրաբար պարպել էին Ախալքալաքի շրջանները՝ վրացական զորամասերը դեկտեմբերի 5-ին գրավում են նաև այդ գավառը:

¹ Նույն տեղում, ք. 49:

² Նույն տեղում:

² ԳԳԲԿԱ, պահ. 12, դ. 5, քժ. 65, էջ 6:

Գրաված տարածքներում վրաց իշխանությունները գեներալ և ժողով անլուր տառապանքների ու հարստահարումների էին ենթարկում Հայ բնակչությանը: Իսկ Լոռվա մի շարք գյուղերը վրաց զինվորականության զրահագնացքների հրանոթներից ու գնդացիներից տեղացող կրակով ուժեղացվել են քանդելը դարձել էր պարբերաբար կրկնվող սովորական երեւույթ:

Ախալքալաքի եւ Լոռի-Փամբակի շրջաններում վրաց զինվորները մահվան սպառնալիքով հարկադրում էին Հայ բնակչությանը կեղծ վկայություններ տալ՝ իբր թե իրենք հոժարակամ համաձայն են միանալ Վրաստանին եւ ոչ Հայաստանին:

Այդ օրերին Հայաստանի Հանրապետության կառավարության անունով բազմաթիվ հեռագրեր էին ստացվում հիշյալ շրջանների Հայ բնակիչներից, որոնցում նրանք իրենց զայրույթն ու բողոքն էին արտահայտում վրաց զինվորների գործադրած վայրագությունների կապակցությամբ:

Վկայակոչենք Ուղուկար(Օձուն) գյուղից ուղարկված հեռագիրը.

«Հայաստանի զինվորական նախարարին

Հաղորդում ենք, որ դեկտեմբերի 5-ին վրացական զորքերը փորձել են գեներալ և ժողով գրավել Ուղուկար գյուղը:

Երկու օր Ուղուկարը գտնվել է հրանոթային կրակի տակ: Վրացիները սպառնում են ոչնչացնել ուղուկարցիների 1000 տները: Խնդրում են օգնության հասնել զոհվող հարազատ ժողովրդին»¹:

Արժանին պիտի մատուցել Ուղուկարի բնակչությանը: Ուղուկարցիները, ճիշտ է, երեք օր անընդմեջ ենթարկվում են թնդանոթներից ու գնդացիներից տեղացող կրակին, սակայն իրենց դրսևորել են արժանապատվորեն ու հերոսաբար:

Համաձայն Ուղուկարի ղեպերը «Ձանգ»-ում ներկայացրած հոդվածագրի, «...600 հոգի գիւղացիներ ոտքի կանգնեցին և հրացաններով ու քարերով վրաց չորս հարիւրակի մի մասը ջարդեցին, իսկ մնացած մեծ մասը քեցին սահմաններից և այդպիսով պարզեցին սպասամբուժեան դրօշակը»²:

Բնական է, որ Լոռիում գտնվող ՀՀ զորքը եւ նրա հրամանատարը՝ Դրոն, չէին կարող այնտեղ ծավալվող դեպքերի սոսկ հանդիսատեսը լինել ու չասեին իրենց վճռորոշ խոսքը:

ՀՀ կառավարությանը հասցեագրած զեկուցագրերում ահազանգելով վրացական զորքի կողմից ուղուկարցիների նկատմամբ կի-

րառած բռնություններ մասին՝ Դրոն դեկտեմբերի 8-ին թվագրած հեռագրում հայտնում է. «Ուղուկարցիները ահա երկու օր է, որ գտնուում են վրացական զորքի թնդանոթային եւ գնդացրային կրակի տակ: Լոռու շրջանի հիւսիսային մասի Հայ գիւղերը ենթարկուում են թալանի եւ կողոպուտի նոյն զորքերի կողմից: Ազգաբնակչութիւնը օգնութիւն է խնդրում, դրութիւնը ծայր աստիճան յուսահատական է: Յայտնում եմ, որ եթէ վրացական զորամասերը կչարունակեն տանջել Հայ ժողովրդին այլևս չեմ կարող լուել: Խնդրում եմ Հայաստանի կառավարութեանը ձեռք առնել կտրուկ միջոցներ կամ ընդունել իմ հրաժարականը

Սպասում եմ շուտափոյթ պատասխանի»¹:

Դրոյի կողմից ՀՀ կառավարությանը ներկայացրած, կարելի է ասել, վերջնագիրը պատահական լինել չէր կարող, այն անկասկած խորապես կշռարատված էր ու հաշվարկված: Նա համոզված էր, որ վրաց իշխանությունները իրենց զորքերը որեւէ պարագայում դուրս չէին բերելու Լոռվա տարածքից եւ այն հոժարակամ գիջեին Հայաստանի Հանրապետությանը: Հայ եւ վրաց կառավարությունների միջև տեղի ունեցող բանակցություններն աներկբա ցույց էին տալիս, որ այդ հարցը կարելի էր լուծել միմիայն գեներալ միջոցով և ինչքան շուտ, այնքան լավ:

Դրոն մեծ հեղինակություն էր վայելում Հայաստանում եւ հատկապես բանակում: ՀՀ կառավարությանը ներկայացնելով վերոհիշյալ վերջնագիրը, նա համոզված էր, որ այդ օրերին կառավարության համար գրեթե անհնարին կլինեի ընդունել զորքերի հրամանատարությունը թողնելու նրա ներկայացրած հրաժարականը:

Իսկ այդ ընթացքում վրացական կողմը ավելի է սաստկացնում Լոռվա հայության նկատմամբ գործադրած բռնությունները: Դեկտեմբերի 11-ին Դրոյի անունից գնդապետ Միրիմանյանը Հայոց Ազգային Խորհրդի նախագահ Ավ. Ահարոնյանի, Պապաջանյանի եւ Արզումանյանի ներկայությամբ Վրաստանի Հանրապետության ներկայացուցչին է ներկայացնում գեներալ Մուլուկիձեի զորքերի կողմից գնդացիներով ու թնդանոթներով Ուղուկար գյուղը ուժեղացված վրացական զորքերի կողմից զորքերի կողմից զեկուցագրերում ահազանգելով վրացական զորքի կողմից ուղուկարցիների նկատմամբ կի-

րառած բռնությունները: Դրոն մեծ հեղինակություն էր վայելում Հայաստանում եւ հատկապես բանակում: ՀՀ կառավարությանը ներկայացնելով վերոհիշյալ վերջնագիրը, նա համոզված էր, որ այդ օրերին կառավարության համար գրեթե անհնարին կլինեի ընդունել զորքերի հրամանատարությունը թողնելու նրա ներկայացրած հրաժարականը:

Նույն օրերին, ՀՀ զինվորական նախարարության գլխավոր շտաբին ուղղված զեկուցագրում, հետախուզական բաժնի պետ գնդապետ Զինկեւիչը հաղորդում է վրացական զորքերի կողմից Լոռվա

¹ Նույն տեղում, էջ. 13:

² «Զանգ», 1918, դեկտեմբերի 15:

¹ Նույն տեղում:

² Տե՛ս ՅԱԱ, ֆ. 200, ց. 1, գ. 16, ք. 13-14:

Հայության նկատմամբ գործադրած ոչ միայն բռնութիւնները, այլև Ուզուկար եւ Մաթեր գյուղերի վրա գնդացիներին ու թնդանութիւններին գյուղերը ուժակոծելու փաստերը¹:

Այսուհանդերձ, պիտի արժանին մատուցել Լուսի Հայությանը: Գլխավոր շտաբին Հասցեագրած ղեկավարների 12-ի ղեկավարութեամբ գնդապետ Զինկելիչը տեղեկացնում է, որ Ուզուկար եւ Մաթեր ու նրանց մերձակա գյուղերի բնակիչներն այլևս անկարող լինելով համակերպվել վրացական կողմից իրենց նկատմամբ գործադրած բռնութիւններին, հարձակվել են վրաց զինվորների վրա եւ փախուստի մատնելով նրանց՝ խլել են գնդացիներն ու փակել երկու զրահագնացքների ճանապարհը: Գնդապետ Զինկելիչի տեղեկացմամբ՝ Հայ գյուղացիները գրավել են Սանահին գյուղը եւ մոտեցել Ալավերդի գործարանին²:

Նույն օրը՝ ղեկավարների 12-ին, ՀՀ վարչապետին Հասցեագրած հեռագրում Դրոն հաղորդում է, որ Ախալքալակում մեր զորքերը, համաձայն դիվիզիայի հրամանատարի (նկատի ունի գեներալ Սիլիկյանին-Հ. Գ.) հրամանի ու իր կարգադրութեամբ՝ Բոգղանովկայից նահանջել են Գորելովկա: Վրացական 300 հոգանոց զորաջոկատը եւ 4 թնդանոթ մոտեցել են Գորելովկային, իսկ այնտեղ գտնվող մեր զորամասը նահանջել է դեպի սահմանը:

ՀՀ կառավարութեանը տեղյակացնելով Լոռիում եւ Ախալքալակում տիրող իրավիճակը՝ Դրոն նույն հեռագրում հայտնում է, որ ինքը որոշել է վաղը առավոտյան Ախալքալակի սահման տեղափոխել առաջին դիվիզիոնը եւ խնդրում թույլ տալ անհապաղ գրավել Սանահինը, Վորոնցովկան ու Ալավերդին: Նրա գնահատմամբ՝ Լուսի տարածքում ծավալվող դեպքերը չպետք է հետաձգվեն³:

Դեկտեմբերի 12-ին Հայաստանի Հանրապետութեան վարչապետ Հովհաննես Քաջազնունին վերջին անգամն է դիմում Վրաստանի կառավարութեանը:

«Վրաստանի կողմից բռնութեամբ զավթած Բորչալուի գավառում վրացական զորքի գործողութիւնները այդ շրջանում ստեղծել են այնպիսի իրավիճակ, որն այլևս հնարավոր չէ հանդուրժել: Միայն այդ շրջանից վրացական զորքի դուրս բերումը կարող է կանխել հետագա արյունահեղութիւնը եւ հաստատել ամուր բարեկամական հարաբերութիւններ Հայաստանի եւ Վրաստանի միջեւ:

Այդ նպատակով Հայաստանի կառավարութիւնը պատիվ ունի Վրաստանի կառավարութեանը առաջարկելու անհապաղ դուրս բերել վրացական զորքերը Բորչալու գավառի հայկական մասից: Հրաժարվելու կամ հապաղելու դեպքում Հայաստանի կառավարութիւնը իր քաղաքացիների ապահովութիւնը վրացական զորքերի բռնութիւններից պաշտպանելու նպատակով հարկադրված կլինի ձեռնարկել անհրաժեշտ միջոցներ»¹:

Վրաց իշխանութիւնները հարկ չեն համարում պատասխանել, նույնիսկ որեւէ ձեռով արձագանքել իրենց ուղղված ՀՀ կառավարութեան ներկայացրած դիմումին:

Հայկական եւ զուտ հայերով բնակեցված տարածքների նկատմամբ Վրաստանի իշխանութիւնների զավթողական տրամադրութիւնները պայմանավորված էին նաեւ Հայաստանի նորաստեղծ հանրապետութեան իրական կացութեամբ, երկրում տիրող տնտեսական ու ընդհանրապես բոլոր առումներով տիրող վատթարագույն իրավիճակով: Վրաստանի իշխանութիւնները, անշուշտ, տեղյակ էին այս ամենին եւ այդ պատճառով համոզված, որ ծայրահեղ ճգնաժամային իրավիճակում գտնվող Հայաստանի Հանրապետութիւնն ի զորու չէր լինելու մարտի դաշտ դուրս բերելու կազմակերպված բանակ եւ պատերազմելու բոլոր առումներով անհամեմատ բարվոք վիճակում գտնվող Վրաստանի դեմ:

1. Ի տարբերութիւն եղեռնի ահափոր սարսափներն ապրած Հայության եւ անհամար կոիվների ռազմաբեմի վերածված Հայաստանի, Վրաստանն ու վրաց ժողովուրդը ոչ միայն չէին ապրել Հայությանը վիճակված սարսափները, այլև չէին տուժվել պատերազմի հետեւանքով: Այս առումով Վրաստանը Հայաստանի նկատմամբ ուներ մի շարք անվիճելի առավելութիւններ:

Պատերազմի ողջ ընթացքում եւ անգամ այն պարագայում, երբ ռուսական զորքերի կողմից կովկասյան ճակատը լքելու հետեւանքով, թուրքական զորքերին հաջողվեց ներխուժել Անդրկովկաս, Վրաստանը գրեթե չտուժեց: Ավելին, լինելով Գերմանիայի դաշնակիցը, Վրաստանի հանրապետութիւնը զգալի օգնութիւն էր ստացել նրանից, որը դրականորեն էր ներգործել նրա տնտեսութեան կայունութեան պահպանմանը:

2. Վրաստանի մայրաքաղաք Թիֆլիսը Կովկասի փոխարքայութեան կենտրոնն էր: Ցարական իշխանութեան տապալումից եւ փոխարքայութեան վերացումից հետո Վրաստանում ու Թիֆլիսում

¹ Տե՛ս Բանբեր Հայաստանի Արխիվների, 1991, թիւ 3, էջ 25:

² Տե՛ս նույն տեղում, էջ 74:

³ Տե՛ս նույն տեղում:

¹ «Հայրենիք» ամսագիր, 1957, թիւ 2, էջ 8:

մնացել էին մեծ քանակությամբ զենք ու զինամթերք եւ այլ հարստութիւններ: Հայտնի է, որ Անդրկովկասյան կառավարութիւնում վրացիների ձեռքում էին կենտրոնացված կառավարութիւն գլխավոր պաշտոնները՝ վարչապետ, ներքին եւ արտաքին գործերի, ռազմական, ինչպես նաեւ հաղորդակցութիւն նախարարութիւններ: Վրացական կողմը հետեւողականորեն, մեծ արդուենակետութիւնով ու նպատակաւացորեն օգտագործել էր այդ հանգամանքը եւ կարողացել Վրաստան տեղափոխել Արեւմտահայաստանում, մասնավորապես Սարիղամիշի եւ Օլթիի ռուսական հրամանատարութիւն ռազմական պահեստներում ամբարված զենք ու զինամթերքի, հանդերձանքի եւ պարենի մեծագույն մասը:

3. Շատ լավ վիճակում էին Վրաստանի հաղորդակցութիւն ուղիները, հատկապես երկաթուղին, որը մեծ հնարավորութիւն էր ընձեռում վրացական կողմին պատերազմի բռնկման պարագայում ապահովել ռազմաճակատի եւ թիկունքի անխափան կապը եւ ճիշտ ժամանակին անհրաժեշտ զինուժով, զենք ու զինամթերքով համալրել եւ մատակարարել իրենց զորամասերը:

4. Համաձայն Հովհաննես ավ. քահանա Հաճյանի, վրացական կողմը օգտագործել է «... Թիֆլիսում կենտրոնացած հայոց անհատական մեծաթէք ունեցւածքները... Թիֆլիսի դրամանատներում դրամն առատ էր, որի մեծագույն մասը պատկանում էր հայերին»¹:

Ըստ նույն Հովհաննես ավ. քահանա Հաճյանի հավաստման, որն այդ ժամանակ բնակվում էր Թիֆլիսում, Վրաստանի մայրաքաղաքի ազգաբնակչութիւն մեծամասնութիւնը հայեր էին:

«Մինչեւ 1914 թւի պատերազմը, համաձայն ըստույգ վիճակագրութեան, Թիֆլիսի 280.000 ազգաբնակչութիւնից 150.000-ը հայեր էին, մնացածը վրացի, թուրք, ռուս եւ այլն: Այս թւի վրայ եկաւ ու աւելացաւ պատերազմի հետեւանքով տաճկահայ, պարսկահայ, եւս առաւել Կարսից գաղթած բազմահազար հայութիւնը (նկատի ունի Անդրկովկասի ֆեդերացիայի վարչապետ Ջրենկելու եւ ռազմական նախարար Օդոշելիձեի կարգադրութիւնով 1918 թ. ապրիլի 12-ին Կարսի բերդաքաղաքը թուրքերին առանց դիմադրութիւն հանձնելու հետեւանքով Թիֆլիսում հանգրվանած կարսահայութիւնը-Չ.Գ.)»²:

5. Վրաստանի մահմեդական բնակչութիւն գործոնը: Վրացական կողմը շատ լավ գիտեր, որ պատերազմի ծավալման դեպքում Լոռվա

սահմանակից շրջանների թուրք բնակչութիւնը հնարավոր բոլոր միջոցներով կաջակցեր իրենց եւ կկովեր հայկական զորքերի դեմ:

6. Վրացական կողմին անշուշտ հայտնի էին ՀՀ իշխանութիւնների նկատմամբ Հայաստանի տարածքում բնակվող մահմեդական բնակչութիւն դրսեւորած չենթարկվելու ու զենքի դիմելու, ապատամբութիւն բարձրացնելու սրամադրվածութիւնները: Թուրքիայի կապիտուլյացիայից հետո բազմաթիւ թուրք սպաներ, սիւնկերով եւ բնակչութիւն հաստատելով Հայաստանի թուրքաբնակ վայրերում, գործուն կերպով զինում եւ կազմակերպում էին թուրք բնակչութիւնը: Այդ ժամանակահատվածում Հայաստանի իշխանութիւնների համար առաջնահերթ ու կարեւորագույն խնդիրներից մեկը, եթե ոչ կարեւորագույնը, նպատակաւորված էր հանրապետութիւն սահմանների անվտանգութիւն ապահովմանը եւ հայ բնակչութիւնը մահմեդական հրոսակախմբերի հնարավոր հարձակումներից պաշտպանութիւն կազմակերպմանը:

Հիմք ընդունելով ու առաջնորդվելով վերոհիշյալ հանգամանքներով՝ Վրաստանի Հանրապետութիւն իշխանութիւնները սոցիալ-տնտեսական ու քաղաքական անմխիթար վիճակում գտնվող Հայաստանին լուրջ հակառակորդ ու մրցակից չէին համարում եւ «... արբեցրել, յոխորտանքի էին մատնել, եւ թեւ էին տալիս Վրաստանի արտաքին գործոց նախարար Ն. Ռամաշվիլիին (այդ պաշտոնում նա փոխարինել է Գեգեչկորիին-Չ.Գ.), թէ՛ «Թիֆլիսի նահանգն անվիճելիորէն համարում է վրացական հող», իսկ զինւորական նախարար Գէորգաձէին, թէ՛ «Ինքը զէնքի ուժով շուտով կը ճնշէ հայոց ապատամբիւնը»¹:

Եվ Հայաստանի, եւ Վրաստանի կառավարութիւնները վիճելի տարածքների նկատմամբ ունեին իրենց հաստատուն ու միանգամայն հակադիր դիրքորոշումը, որը դիվանագիտական փակուղի էր ստեղծում հարցը խաղաղ միջոցներով լուծելու ճանապարհին:

Վրաստանի Հանրապետութիւն կառավարութիւն անդամներից միակ պաշտոնյան արտաքին գործոց նախարար Գեգեչկորիին է եղել, որն աշխատել է խաղաղութիւն լուծել հարցը, բայց հաղթել է ագրեսիվ մասը, որը կողմնակից է եղել Հայաստան Հանրապետութիւնի հետ պատերազմելուն²:

Մնում էր միայն մեկ միջոց՝ դիմել զենքի:

«Հանգիստ սրտով չէ,- գրում է Երեւանի Ազգային խորհրդի անդամ Արշալույս Աստվածատրյանը,- Հայաստանի կառավարութիւն-

¹ Յովհաննես ավ. քահանա Հաճյան, Հայոց տաճանքի ճամբաներով, Թեհրան, 1965, էջ 127:

² Նույն տեղում, էջ 139:

¹ Նույն տեղում, էջ 125-126:

² Տե՛ս «Ձանգ», 1918, դեկտեմբերի 15:

նը մտնում էր պատերազմի մէջ - ան շատ լաւ գիտէր, որ պայմանները աւելի քան աննպաստ էին: Նոր էր վերջացել պատերազմը. երկիրը լի էր գաղթականներով, որբերով ու ապրում էր տնտեսական ծանր վիճակ, հաղորդակցութեան միջոցները ողբալի էին, հարեւանների վերաբերմունքը, բացի Իրանից, թշնամական էր. երկրի բնակչութեան մահմետական մասը կիսաապստամբ վիճակում էր: Եվ, այնուամենայնիւ, հայ ժողովուրդը հերոսական ճիգերով շտկել էր իր մէջքը եւ լծուել շինարարական աշխատանքի: Եւ ահա՝ նորից պատերազմ:

Սակայն, ինքնապաշտպանութեան այլ ճանապարհ չկար: Կառավարութիւնն այդ քայլն արեց՝ սպառելով բոլոր միջոցները¹:

Այժմ արդեն վճռորոշ խոսքը պատկանում էր հայ զորաբանակին եւ նրա հրամանատար Դրոյին:

Հայաստանի կառավարութեան դիրքորոշումը Լոռին վրացական զորքերից գնքի գորութեամբ մաքրելու գործում արդեն միանշանակ էր ու վճռված: Սակայն վրացական զորքերի կողմից բռնագավթված էր նաեւ գուտ հայկական եւ հայաբնակ Զավախքը: Ինչպիսի՞ն պիտի լինէր Հայաստանի Հանրապետութեան դիրքորոշումը Զավախքի հարցում: Միանգամայն պարզ էր ու հասկանալի, որ ինչպես Լոռվա շրջանը, այնպես էլ Զավախքը վրացական զորքերից հնարավոր էր մաքրել միմիայն գնքի միջոցով: Արդյո՞ք ծանրագույն տնտեսական կացութիւնում գտնվող Հայաստանի Հանրապետութիւնն ի գորու էր, որպես ռազմավարական եւ կենսական նշանակութիւն ունեցող խնդիր, իր գործունեութեան ոլորտում ներառել նաեւ Զավախքի ազատագրումը:

Զավախքի հարցը քննարկվել է ՀՀ կառավարութիւնում 1918 թ. դեկտեմբերի 1-ին կայացած խորհրդակցութիւնում:

«Լսեցին. Մինիստր - նախագահը գեկուցանում է զինվորական մինիստրից ստացված գրութիւնը Ախալքալաքի գավառը զինական ուժ մտցնելու մասին: Այս հարցի մասին զինվորական մինիստրը հատուկ խորհրդակցութիւն է ունեցել դիվիզիայի պետ գեներալ Սիլիկովի, զինվորական շտաբի պետ գեներալ Դոլուխանովի, դիվիզիայի շտաբի պետ գեղապետ Զինկելիչի եւ Դիլիջանի շրջանի պետ Դրոյի հետ: Խորհրդակցութիւնը նկատի առնելով սպասվելիք բարդութիւնները հարավային սահմանի վրա եւ մի քանի այլ հանգամանքներ, միաձայն եկել է այն եզրակացութեան, որ ներկայիս Ախալքալաքի գավառը զորքեր չպետք է մտցնել...»

Որոշեցին. Ընդունել զինվորական մինիստրի պատճառաբանութիւնների հիմնավորվածութիւնը եւ լիազորել նրան՝ չմտցնել ներկայումս Ախալքալաքի գավառ զորք եւ առայժմ բավականանալ նախապատրաստական գործողութիւններով²:

Զավախքի հարցում որդեգրելով համանման դիրքորոշում Հայաստանի կառավարութիւնը, բնականաբար, իր ուժերն ու կարողութիւնները պիտի առավելագույնս նպատակաուղղեր լուծելու Լոռին վրացական զորքերից մաքրելու խնդրին:

Հայ-վրացական զինված առճակատումը կանխելու փորձ է արել, անկասկած Վրաստանի կառավարութեան թելադրանքով ու արտոնութեամբ, Վիրահայոց Ազգային խորհուրդը: 1918 թ. դեկտեմբերի 11-ին Վիրահայոց պատվիրակութիւնը, որի կազմում էին Վրաստանի խորհրդարանի անդամ Ա. Երզնկյանը, Ա. Քոչարյանը, Տեր-Օհանյանն ու Արովյանը Թիֆլիսից գալիս են Ղարաքիլիսա, հայկական կողմին համոզելու, կռիվը դադարեցնելու ու վեճը խաղաղ ճանապարհով լուծելու առաքելութեամբ: Սակայն Վիրահայոց Ազգային խորհուրդի պատվիրակութեան առաքելութիւնն անցնում է ապարդյուն³:

Պատերազմը կանխելու փորձ է արել Հայաստանում Վրաստանի ներկայացուցիչ Ս. Մդիվանին: ՀՀ արտաքին գործոց նախարար Սիրեկան Տիգրանյանի հետ կայացած հանդիպման ժամանակ նա Հայաստանի կառավարութեանը առաջարկել է զորքերը դուրս բերել Լոռվա տարածքից, հայ ու վրաց ներկայացուցիչներից կազմել խառը հանձնախումբ, ապա մեկնել գյուղերը հորդորելու գյուղացիներին, որ նրանք հնազանդվեն ու ճանաչեն Վրաստանի իշխանութիւնը, մինչեւ բանակցութիւնների միջոցով սահմանային վեճերի խաղաղ ճանապարհով լուծումը:

Ի պատասխան Ս. Մդիվանիի առաջարկութեան, Ս. Տիգրանյանը նախ իր բողոքն է հայտնում ազգաբնակչութեան նկատմամբ վրաց իշխանութիւնների գործադրած բռնութիւնների կապակցութեամբ, ապա ներկայացնում ՀՀ կառավարութեան տեսակետը. «Մեր կառավարութիւնը կարծում է, որ կատարւած իրադարձութիւններն ու ստեղծւած դրութիւնը պահանջում են, որ վրաց դեմոկրատիկ հանրապետութեան կառավարութիւնը իր իսկ սեփական նախաձեռնութեամբ դուրս հանէ այդ բոլոր վայրերից իր զորքերը, յարգելով ժողովուրդների ինքնորոշման իրաւունքը...»³:

¹ ՀՀ ԲԿԱ, պահ. 12, դ. 5, քծ. 65/1, էջ 14:

¹ ՀԱԱ, ֆ. 206, ց. 1, գ. 105:

² Տե՛ս Վրացեան Ս., Հայաստանի Հանրապետութիւն, էջ 218:

³ «Զանգ», 1918, դեկտեմբերի 29, քիւ 86:

Ս. Մդիվանունն խոստանալով, որ նրա առաջարկությունը կհայտնի կառավարությանը՝ ՀՀ արտաքին գործոց նախարար Սիրեկան Տիրապետյանն ասում է. «...խնդրում եմ որևէ կերպ իմաց տաք վրաց կառավարությանը, որ գոնե անմիջապես վերջ տրևի բոլոր պատերազմական գործողություններին և զօրք ուղարկելուն, որովհետև դրանով ավելի է խորացնում վիճը, բորբոքում կրթերը և դժարացնում խաղաղ յարգարման հնարաւորութիւնը»¹:

Արդեն որևէ գաղտնիք չէր ու միանգամայն ակնհայտ էր վիճելի հարցը խաղաղ ճանապարհով լուծելու՝ Վրաստանի կառավարության դիրքորոշմամբ պայմանավորված Մդիվանու առաջարկած տարբերակի իրական իմաստն ու նպատակը:

Ս. Վրացյանի արտահայտությունը՝ «Մի ձեւ, որ, ի հարկէ, անհնար էր ընդունել ստեղծած պայմաններում: Եւ դէպքերն ընթացան իրենց ճանապարհով. խօսքը մնացել էր զէնքին»²:

Դեկտեմբերի 13-ին Դրոն ստանում է Լոռի-Փամբակը վրացական զորքերից մաքրելու Հայաստանի Հանրապետության կառավարության հրամանը:

Դիլիջան-Լոռի գորախմբի հարձակումը նախատեսվում էր զարգացնել Վորոնցովկա-Պրիվոլնոյե-Սանահին-Օփրեթ-Այրում ուղղությամբ ավելի որոշակի՝ կենտրոնում Ղարաքիլիսայի զորամասը, աջ կողմը՝ Դիլիջանի, իսկ ձախ կողմը՝ Ջալալովլի: Զուգահեռաբար հատուկ նշանակությամբ մեկ այլ զորամաս գործելու էր Ախալքալաքի գավառի սահմաններում³:

Դրոյի երեք զորաշարքերով հարձակվող զորամասերն ունեին հետևյալ կազմը. «... աջ թեւում փոխ-գնդապետ Կորոլկովի 6-րդ գնդի 2-րդ վաշտով, 2 գնդացիրով, 3 հարիւրեակ ձիաւորով եւ միլիցիոն գնդի 4 վաշտով: Կենտրոնում փոխ-գնդապետ Նեստերովսկին 4-րդ գնդի 2 գումարտակով, 4 գնդացիրով, 7-րդ լեռնային մարտկոցի 2 թնդանօթով: Ձախ թեւում գնդապետ Տէր-Նիկողոսեանը 5-րդ գնդի 3 գումարտակով, 12 գնդացիրով, 4-րդ լեռնային մարտկոցի 3 թնդանօթով: Ընդհանուր պահեստ՝ հրամանատար գնդապետ Միրիմանեանը 4-րդ գնդի 3 վաշտով, 4-րդ գնդի ձիաւոր հետախույզներով եւ 7-րդ լեռնային մարտկոցի 2 թնդանօթներով: Զօրամասի ուժերի համազումար թիւն էր՝ 28 վաշտ, 26 գնդացի, 7 լեռնային թնդանօթ, 4 հարիւրեակ ձիաւորներ»⁴:

Վրաստանի դեմ պատերազմող Դիլիջան-Լոռի գորախմբի թվականի վերաբերյալ տվյալներ կան նաև Հանրապետության զինվորական նախարար գեներալ Հախվերդյանի հուշագրությունում.

«...3-րդ բրիգադը 5-րդ եւ 6-րդ գնդերը հրետանային մարտկոցներով տեղաբաշխված էին Ղարաքիլիսայում եւ Դիլիջանում:

2-րդ գունդը 6-րդ մարտկոցով եւ 4-րդ գունդը, որի գումարտակներից մեկը ավելի վաղ ուղարկվել էր Ախալքալաքի ուղղությամբ:

Գնդապետ Կորոլկովի պարտիզանական հեծյալ գունդը, որը նախկինում տեղաբաշխված էր Շահալի - Վորոնցովկայի շրջանում:

Բացի թվարկվածներից, կային տեղացիներից կազմված աշխարհագորային վաշտեր, որոնք լրացրել էին կանոնավոր զորագնդերի շարքերը: Վաշտերը 100-120 անձնակազմ ունենալու պայմաններում զորամասերի ընդհանուր անձնակազմի քանակը պետք է կազմեր 6000 սվին, 2000 աշխարհագորայիններ եւ 16-20 հրանոթ»⁵:

Չնայած թվարկված բոլոր գնդերը մայիսյան հերոսամարտերի բովում թրծված, փորձառու, հրաշալի զորամասեր էին, բայց իրականում Դրոյի գլխավորած Դիլիջան-Լոռի գորախմբի մարտական հարավորությունները բավական համեստ էին: Նույն ճակատում գործող վրացական զորաբանակը մարտակազմով, զինվածությամբ եւ մանավանդ հանդերձավորմամբ, ռազմամթերքի ու սննդամթերքի ապահովվածությամբ զգալիորեն գերազանցում էր կիսաստվյալ եւ վատ հանդերձավորված հայկական զորամասերին: Վրացական զորքերի կազմում գործում էին նաև թնդանոթներով ու գնդացիներով զինվորված 4 զրահագնացքներ, որոնք ռազմական հզոր ուժ էին ներկայացնում:

Նկատի ունենալով հայկական բանակի անբավարար պատրաստվածությունն ու Հանրապետությունում տիրող չափազանց ծանր իրավիճակը՝ Հայաստանի կառավարության ղեկավար շրջաններում եղել են գործիչներ, մասնավորապես՝ ՀՀ պաշտպանության նախարար, գեներալ-մայոր Հախվերդյանը, որոնց կարծիքով ձմռան խստաշունչ պայմաններում պատերազմ սկսելը աննպատակահարմար է եւ վաղաժամ:

Համաձայն գեներալ Հախվերդյանի տեսակետի, պատերազմական գործողություններն անհրաժեշտ էր սկսել թիկունքն ապահովելուց, բանակի մարտաշարքերը համալրելուց, մարտական պատրաստվածությունն անհրաժեշտ մակարդակի բարձրացնելուց եւ զորամասերը պարենով, հանդերձանքով ու բավարար քանակի ռազմամթերքով ապահովելուց հետո⁶:

¹ Նույն տեղում:

² Վրացեան Ս., Հայաստանի Հանրապետութիւն, էջ 219:

³ Տե՛ս «Ձանգ», նույն տեղում:

⁴ Վրացեան Ս., Հայաստանի Հանրապետութիւն, էջ 220:

⁵ ՀԱԱ, ֆ. 45, ց. 1, գ. 32, թ. 8:

⁶ Տե՛ս նույն տեղում:

Անկասկած խելամիտ տեսակետ է, սակայն այդ ամենի իրականացման համար ժամանակ էր պետք: Միաժամանակ չպետք է անտեսվեր եւ մոռացութեան մատնվելու նաեւ այն իրողութիւնը, որ վրացական կողմը քնած չէր ու իր հերթին տենդագին գործողութիւն էր ծավալել բանակի կազմավորման ու հզորացման ուղղութեամբ: Եթե վրացիներին հնարավորութիւն եւ ժամանակ ընձեռվեր ավելի ամրապնդվելու գրավյալ տարածքներում, ապա հայկական զորամասերին դժվար թե դուրսընթաց հաջողվեր նրանց դուրս մղել Լոռվա տարածքից:

Երկրորդ՝ գրավյալ տարածքների հայ բնակչութեան կողմից ՀՀ կառավարութեանը հասցեագրված բազմաթիվ բողոք-հեռագրերը միանշանակորեն հավաստում էին, որ վրացական զորքերի գործադրած բռնութիւններն ու թալանը այնպիսի դժվարագույն, անտանելի իրավիճակ էին ստեղծել, որ այդ շրջանների բնակչութիւնը յուրաքանչյուր պահի հարկադրված կարող էր դիմել զենքի անգամ չսպասելով հայկական զորամասերի գործողութիւնների սկսվելուն:

Հաշվի առնելով բոլոր թեր եւ դեմ հանգամանքները, Հայաստանի Հանրապետութեան կառավարութիւնը վճռում է սկսել Դիլիջան-Լոռի գործառնի ուժերով հայկական շրջանները վրացական զորքերից մաքրելու մարտական գործողութիւնները:

Հայկական զորաբանակի զինվորական կազմը, առանց բացառութեան, ուներ ոչ միայն պատերազմական հարուստ փորձ, այլեւ մարտական ոգի եւ հրաշլի ֆիզիկական կոփվածք: Իսկ Արեւմտահայ Ազգային խորհրդի նախագահ Վահան Փափազյանի (Կոմս) բնորոշմամբ «Իրոյի զօրագունը պատերազմներու մէջ թրծուած ուժ մըն էր, իսկ հրամանատարը՝ կորովի, վճռական եւ յանդուգնի մէկը»¹:

Դեկտեմբերի 13-ին Դրոն իր զորաբանակին տալիս է հարձակումն սկսելու առաջին հրամանը:

Հայկական զորքերի հարձակումը, ինչպես արդեն նշվել է, ընթանալու էր երեք հիմնական ուղղութեամբ, եւ դա պատահական չէր. ամեն ինչ խելամտորեն հաշվարկված էր եւ կշռադատված:

Իր գնահատականներում չափազանց ժլատ, բայց օբյեկտիվ՝ ՀՀ զինվորական նախարար, գեներալ Հախվերդյանը, արժանվոյնս գնահատելով Դրոյի գլխավորութեամբ ռազմական գործողութիւնների կազմակերպման ու մշակման մտահղացումը՝ գրում է. «...Գործողութեան պլանը կազմված էր ճիշտ, այսպես, զորամասերի հիմնա-

կան զանգվածը կենտրոնացվել էր գլխավոր՝ դեպի Թիֆլիս տանող ամենակարճ ճանապարհի ուղղութեամբ, իսկ զորամասերի մյուս, փոքրաթիվ մասը երկրորդական՝ Ախալքալաքի ուղղութեամբ: Երեք զորախմբերով հարձակվելը հնարավորութիւն է տվել դուրս գալ հակառակորդի թիկունքը, որը լեռնային պայմաններում մարտ վարելու համար շատ կարեւոր հանգամանք է...»²:

Կռիվների առաջին օրվա արդիւնքները հրաշլի էին: Դեկտեմբերի 13-14-ին փոխգնդապետ Նեստերովսկու հրամանատարութեամբ գործող զորագունը հաջողութեամբ գրավում է Սանահին կայարանը: Դեկտեմբերի 15-ին համառ կռիվներ են տեղի ունենում Ալավերդի հանքերի բարձունքներում, ուր դիրքեր էին գրավել գեներալ Մուլուկիճեի անմիջական հրամանատարութեամբ գործող զորքերը: Նույն օրը մեր զորքերը գրավում են Ալավերդին ու Սանահին գյուղը եւ վերցնում երկու թնդանոթ, մի քանի գնդացի ու մեծ քանակութեամբ ռազմամթերք²:

Վրացական կողմը, ինչպես ցույց տվեց ժամանակը, շատ լավ էր նախապատրաստվել շարունակելու պատերազմը: Դեկտեմբերի 15-ին Թիֆլիսից ռազմաճակատ են հասնում վրացական նոր զորամասեր, բայց լուռի կամավորների աջակցութեամբ գործող հայկական զորքերի հարձակումն անկասելի էր:

Հայկական զորագնդերը միայն առաջին օրվա մարտերում գերվարում են տասնյակ զինվորների եւ որպես ռազմավար վերցնում զգալի քանակութեամբ զենք ու զինամթերք:

Ռազմաճակատում կռիվներն ընթացել են հետեւյալ ուղղվածութեամբ. «...ճախ թեւում գնդ. Տէր-Նիկողոսեանի զօրամասը, գիշերային խիզախ յարձակումով, գրաւեց Վորոնցովկան ու Պրիւտնոյէն: Գերի առնուեցին 6 վրաց սպաներ, 45 զինուորներ, 3 լեռնային թնդանոթ, 1 մաքսիմ գնդացի, առատ փամփուշտ եւ մեծ քանակութեամբ ձիեր: Մեր կորուստներն էին՝ սպանուած տեղակալ՝ Զարաֆեան, վիրաւոր 8 զինուոր եւ տեղակալ Ազատեան, որը մինչեւ կռուի վերջը զօրամասից չհեռացաւ:

Կենտրոնում հարձակվող «փոխգնդ. Նեստերովսկու զօրամասը գրաւեց Սանահին կայարանը, ուր մերոնց ձեռքն ընկան 49 վագոն ու մի շոգեքարչ եւ գերի առնուեցին 15 զինուորներ: Վրացիներն ունեցան մեծ կորուստ: Մեր կողմից վիրաւորուեց մի զինուոր»³:

¹ Փափազեան Վ., Իմ յուշերը, Պէտրոպ. 1953, հ. 2, էջ 496:

¹ ՀԱԱ, ֆ. 45, ց. 1, գ. 32, ք. 8:

² Տե՛ս «Ձանգ», 1918, դեկտեմբերի 29, քիւ 86:

³ «Հայրենիք» ամսագիր, 1957, քիւ 2, էջ 9:

Այրումի ուղղությամբ, ուր մարտնչում էր գնդապետ Կորոլկովի զորամասը հայ զինվորները հաղթահարելով 3 զրահագնացքների ու վրացական զինավաշտերի համառ դիմադրությունը՝ դիչերային գրոհով գրավում են Լավվարը եւ հասնում մինչեւ Ախտովկա եւ Հաղպատ: Զարգացնելով հարձակումը՝ Կորոլկովի զորամասը հայ կամավորների համագործակցությամբ պայթեցնում են զրահագնացքներից մեկը եւ հաջորդ օրը ջախջախելով վրացական 1000 զինվորներից բաղկացած գունդը՝ դեկտեմբերի 16-ին գրավում Այրում կայարանը: Գնդապետ Կորոլկովի զորագնդի հաղթանակի արդյունքն էր. «...Վրացիներից գերի ընկան 12 սպաներ, գնդ. Վաչնաձէի գլխաւորութեամբ եւ 300 զինուորներ: Մօտ 200 հոգի սպանուեցին եւ վիրաւորուեցին, միւսները փախան: Մեր կողմից սպանուեցին տեղակալ Մուկուչ Տէր-Յովհաննիսեան եւ մի զինուոր, վիրաւորուեցին 7 հոգի»¹:

«Հայրենիք» ամսագրում տեղ գտած հայկական զորքերի ձեռք բերած հաղթանակներն ու վերոհիշյալ տվյալները գրեթե նույնությամբ նշում է Ս. Վրացյանը²:

Հայ-վրացական ռազմաճակատում տեղի ունեցած մարտական գործողությունների ամփոփագրերն առավել մանրամասնությամբ իրենց արտացոլումն են գտել նաեւ այդ օրերում Երեւանում հրատարկվող «Զանգ» լրագրի էջերում:

«Զանգ»-ի տեղեկացմամբ՝ դեկտեմբերի 13-15-ին մեր զորքերը մի քանի հաղթական կռիվներից հետո գրավում են Սանահին կայարանը, Ալավերդին, իսկ դեկտեմբերի 16-ին՝ «...Այրումի մեր զորամասը, Կորոլկովի ղեկավարութեամբ, յամառ կռիւներից յետոյ համարեա ջարդում է վրացական մի էջելոն 1000 հոգուց բաղկացած: Այս կուում վրացիների կորուստը մեծ է լինում: Նրանք գերի են տալիս 12 սպայ, սրանց մէջ նաև գնդապետ Վաչնաձէն եւ 300 զինուոր: Սպանւածների ու վիրաւորների թիւը լինում է 300-ից աւելի: Որպէս աւար մերոնց ձեռքն են ընկնում 4 գնդաձիր, 31 հրացան, 34 արկղ ումը, 200 ձի, մի շոգեշարժ մեքենայ, 60 վագոն, մէկ զրահապատ գնացք, հագուստեղէն ու ռազմամթերք:

Դեկտ. 17-ի լուսաբացին, առ. ժամը 3-ին, Ախթալա-Այրում ճանապարհի վրայ, մի քանի ուժեղ գրոհներից յետոյ, գնդապետ Նեստերովսկին ջարդում է վրացական մի զորամաս եւ գերի է վերցնում

երկու զրահապատ գնացք: Մանրամասնութիւնները պարզում են, որ այդ կուում փչանում են վրացական 5-րդ եւ 6-րդ գնդերի մասերը եւ նահանգական պահակային բատալիոնը: Որպէս աւար մերոնք ձեռք են անցնում բացի երկու զրահապատ գնացքներից, նաև 2 գաուքեց, 2 դաշտային թնդանօթ եւ 25 գնդացիր: Հաղորդագրութեան համաձայն մեծ են լինում վրացիների կորուստները»¹:

Իր հուշագրությունում ՀՀ պաշտպանության նախարար, գեներալ Հախվերդյանը, նույնպես անդրադառնալով այդ նույն մարտերի վերլուծությանն ու գնահատմանը, տալիս է մի փոքր այլ տեղեկութիւններ. «Գլխավոր զորախումբը հակառակորդի կողմից հանդիպեց լուրջ դիմադրության Սանահինի մոտ, ուր հայերը կռիվների ընթացքում վերցրին վրացական երկու, իսկ երրորդ զրահագնացքը պայթեցվել էր վրացիների կողմից... Աջ զորախումբը չըջանցել եւ փակել է Այրում տանող ճանապարհը, ինչը եւ ստիպել է վրացիներին նահանջել Սանահինից:

Սանահինի եւ Այրումի արանքում, այդ ամենից բացի, բռնագրավել են գնացքը երկաթուղայինների կազմով, 3-4 վագոն սննդամթերքով եւ հագուստ, իսկ Այրումի մոտ վրացական զորքերի հրամանատար գեներալ Մազնիբեի սալոն վագոնը (ճիշտ չէ, պետք է լինի գեներալ Մուկուկիձեի վագոն, այդ ժամանակ վրացական զորքերի հրամանատարը գեներալ Մուկուկիձեն էր: Գեներալ Մազնիբեը ճակատի հրամանատարությունը ընդունել է գեներալ Մուկուկիձեից, մի փոքր ավելի ուշ -Հ.Գ.):

Այդտեղ գերի են վերցրել մի ամբողջ գումարտակ գնդապետ էրիստովի գլխավորությամբ»²:

Ռազմաճակատի մյուս հատվածներում նույնպիսի հաջողությամբ էին ընթանում նաև հայկական մյուս զորագնդերի հարձակումները: Վրացական զորքերի հրամանատար գեներալ Մուկուկիձեն Դրոյի զորաբանակի սրընթաց հաղթարշավը կանգնեցնելու նպատակով մարտադաշտ է նետում Թիֆլիսից ժամանած մարտական նոր ուժեր: Սակայն, դեկտեմբերի 17-ին հայկական զորագնդերը լոռեցի կամավորների ակտիվ աջակցությամբ անկասելի հարվածով խորտակում են վրացական զորքերի կատաղի դիմադրութիւնը եւ Ախլաթի կայարանում բռնագրավում հակառակորդի մնացած 2 զրահագնացքներն ու մեծ քանակությամբ ռազմամթերք:

¹ Նույն տեղում:

² Տե՛ս Վրացեան Ա., Հայաստանի Հանրապետութիւն, Թեհրան, 1982, էջ 220:

¹ «Զանգ», 1918, դեկտեմբերի 29, թիւ 86:

² ՀԱԱ, ֆ. 45, ց. 1, գ. 32, թ. 9:

«Մերոնց,- նշում է Վ.Փափազյանը,- խիզախ գրոհով ջարդուփշուր եղան 5-րդ եւ 6-րդ վրացական զնդերը եւ գվարդիայի սահմանապահ գումարտակները»¹:

Հաղթանակի շնորհիվ Հայ զինվորներին բաժին է հասնում հետեւյալ ռազմավարը. «...2 հաուբիցներ, 2 դաշտային թնդանօթ, 25 գնդացիք եւ 2 կազմ ու պատրաստ զրահապատ գնացքներ, որոնք տեղնուտեղը գործողութեան դրուեցին հակառակորդի դէմ»²:

Վրացական ճակատի հրամանատար գեներալ Մուլուկիճեն, հետեւելով իր ջախջախված զորքերին, փախչում է Սաղախուր եւ Դրոյին որպես ռազմավար թողնում իր սալոն-վագոնը³:

Վրացական զորքերը, պարտութիւն կրելով ռազմաճակատի բոլոր 3 ուղղութիւններում, նահանջում եւ կենտրոնանում են Սաղախուր կայարանի շրջանում:

Համաձայն «Ձանգ»-ում տպագրված ռազմաճակատում կատարվող մարտական գործողութիւնները լուսաբանող ամփոփագրերի՝ «Կռիւները վարում են Դրոյի անմիջական ղեկավարութեամբ»⁴:

«Ձանգ»-ի հավաստմամբ՝ մինչեւ դեկտեմբերի 16-ը «Դրոյի զօրաբանակի դէմ գործել են՝ Թիֆլիսի նահանգական բատալիոնը, 5-րդ եւ 6-րդ զնդերի մասերը, Բ. սահմանապահ գունդը, Բ. առանձին հեծեալ հարիւրակը, կարմիր գլխաւորականներ, 3 զրահագնացք, որոնցից մէկը խորտակում է, 4 բատարեա (հրետանային մարտկոց), որոնցից մէկը գաուբեցային»⁵:

Դրոն փայլուն կերպով է իրագործում Լոռի-Փամբակը վրացական զորքերից մաքրելու հանրապետութեան կառավարութեան առաջադրանքը: Վատ հանդերձավորված ու զինված Հայկական զորագնդերը, հաշված օրերի ընթացքում հաղթահարելով բուքն ու ձյունը եւ հակառակորդի համառ դիմադրութիւնը, մաքրում են Լոռի-Փամբակի ողջ տարածքը վրացական զորքերից եւ հասնում մինչեւ Սաղախուր կայարանը: Իսկ գնդապետ Տեր Նիկողոսյանի գլխավորած զորագունդը Վորոնցովկան գրավելուց հետո, դեկտեմբերի 17-ի առավոտյան հասնում է Բոլնիս-Խաչեն գյուղ եւ գերի է վերցնում երկու սպա, մի բժիշկ ու 30 զինվոր: Վրաց հրամանատար

րությունը՝ համարելով իր զորքերի մարտաշարքերը՝ հակադրոհներ է ձեռնարկում ու հասնում է մինչեւ Բոլնիս-Խաչենից մի քանի կիլոմետր հեռավորութեամբ գտնվող թուրքական Քյափանակ գյուղն ու փորձում կանգնեցնել հայկական զորքերի առաջխաղացումը, սակայն չդիմանալով գնդապետ Տեր Նիկողոսյանի զորամասի հարձակմանը՝ նահանջում է մինչեւ Արախլու: Այս կովում մեծ զոհեր են տվել հատկապես վրաց հեծելազորային մարտիկները:

Եթե ընդհանրացնենք դեկտեմբերի 13-ից մինչեւ դեկտեմբերի 19-ը ընկած ժամանակահատվածում Հայ-վրացական կռիվներում հայկական զորքերի նվաճած հաղթանակների արդյունքը, ապա տեղին է հիշատակել Երեւանի Ազգային Խորհրդի անդամ Արամայիս Աստվածատրյանի հետեւյալ գնահատականը. «...Դրոն իր սահմանափակ ուժերով, սկսած Հայ-վրացական պատերազմի առաջին օրից, ծեծելով, ջարդեր տալով ու մասամբ ոչնչացնելով՝ քրեց-հանեց վրացական զորքերը Հայկական Լոռիի սահմաններից»¹:

Հայկական զորքերի հարձակումների հետեւանքով տագնապալի իրավիճակ է ստեղծվում Վրաստանում: Հանրապետութեան կառավարութիւնը երկրում հաստատում է արտակարգ դրութիւն եւ զուգահեռաբար ռազմաճակատը կայունացնելու ու զորքերը համարելու հայտարարում է զորահավաք: Հայկական զորքերի հարձակման հաջորդ օրը՝ դեկտեմբերի 14-ին Վրաստանի հանրապետութեան արտաքին գործերի նախարար Գեգեկչկորին «...հաղորդում էր Բաթումում վրացական ներկայացուցչին, որ կռիվը երկիրը դրել է խիստ ծանր կացութեան մեջ»²:

Հայկական զորքերի հարձակումը կասեցնելու նպատակով դեկտեմբերի 18-ին ռազմաճակատ է գալիս Վրաստանի պաշտպանութեան նախարար Գեորգաձեն՝ իր հետ բերելով 1000 զինվոր, մեկ հեծյալ հարյուրյակ ու վերջին զրահագնացքը: Սակայն Դրոյի զորախմբի հարձակումն անկասելի էր: Դեկտեմբերի 20-ին Հայկական զորքերը գրավում են Հայկական Շուլավեր գյուղը եւ հասնում Խրամ գետին³:

Կարելի է ասել, որ դրանով ավարտվեց Հայ-վրացական կռիվների առաջին շրջանը եւ դեկտեմբերի 19-ից սկսվում է երկրորդ շրջանը:

Մինչ մարտական գործողութիւններ շարունակելը, արյունահեղութիւններից խուսափելու եւ Վրաստանի կառավարութեանը զգաստութեան կոչելու նպատակով Դրոն հղում է հետեւյալ հեռագիրը.

¹ «Հայրենիք» ամսագիր, 1957. թիւ 2, էջ 9:

² Հովհաննիսյան Ռ., Եզվ. աշխ., էջ 119:

³ Տե՛ս նույն տեղում:

¹ Փափազեան, Իմ յուշերը, հ. 2, էջ 9:

² «Հայրենիք» ամսագիր, 1957. թիւ 2, էջ 9:

³ Մարտադաշտում որպէս ռազմավար վերցրած սալոն-վագոնը, որին անվանել են գեներալ Օուլուկիճեի վագոն, ՀՀ կառավարութեան որոշմամբ օգտագործվել է Հայաստան ժամանած բարձրաստիճան հյուրերին դիմավորելու ու ճանապարհելու եւ այլ կարգի հատուկ նպատակներով:

⁴ «Ձանգ», 1918. դեկտեմբերի 29, թիւ 86:

⁵ Նույն տեղում:

«Վրացական կառավարությունը

Չեր եւ ձեր կողմից դեկավարվող զինվորների կողմից հայկական բնակչության նկատմամբ գործադրված ճնշումները անցնում են բոլոր հնարավոր սահմանները: Այդ ճնշումների հետեւանքն է այն, որ հայկական կառավարությունը հարկադրաբար կայացրեց հայկական աշխատավոր գյուղացիության նկատմամբ գործադրվող բոլոր կարգի ճնշումներին գնեքի ուժով վերջակետ դնելու հրամանը:

Ուշքի եկեք, հիշեցեք, որ դուք զորքերն եք դեմոկրատական հանրապետության, որը գլխավորում են ժողովուրդների ինքնորոշման գաղափարի ջատագովները: Եթե դուք չեք ցանկանում հետագա արյունահեղությունը, ապա անմիջապես պետք է մաքրեք մեր տարածքները:

Դիլիջան-Լոոի զորախմբի պետ Դրո: 17 դեկտեմբերի 1918 թ.¹:

Չնայած կռիվներում կրած պարտություններին ու Դրոյի կողմից արված առաջարկությանը՝ պատերազմը շարունակվում էր:

Պատերազմի բռնկման առաջին օրերին Ղարաքիլիսայում գտնվող անգլիական սպա կապիտան Գրինը փորձել է միջամտել՝ առաջարկելով կազմել հայ-վրացական խորհրդակցություն ու վիճելի հարցերը լուծել խաղաղ ճանապարհով: ՀՀ կառավարությունն ընդունել է այդ առաջարկությունը եւ Ղարաքիլիսա է ուղարկել մի պատվիրակություն, որի կազմում էին՝ Մ. Հարությունյանը (նախագահ), Ս. Խաչատրյանը, Ս. Մամիկոնյանը, Ա. Խոնդակերյանը եւ Գ. Տեր-Խաչատրյանը: Ղարաքիլիսայում նրանց է միանում գեներալ Ղորղանյանը²:

Միաժամանակ, դեկտեմբերի 18-ին ՀՀ արտաքին գործոց նախարար Ս. Տիգրանյանը Վրաստանի կառավարությանն է հեռագրում Հայաստանի Խորհրդի որոշումը. «...Հայաստանի կառավարությունը իր զորքերը Բորչալուի գաւառից կարող է հանել միայն այն դէպքում, երբ երաշխիք ստանայ, որ այս, ինչպէս եւ Ախալքալաքի գաւառը կապահովեն Վրաստանի նոր յարձակումներից...»:

Մեր պատգամաւորութիւնը ուրախ կը լինի հանդիպելու ձեր լիազօրներու հետ, որպէսզի համերաշխաբար աշխատեն լաւագոյն պատմական ականդրութիւններով կապած եւ ընդհանուր մշակութային տենչերով համակլած երկու հարեւան ժողովուրդների բարօրութեան համար»³:

¹ ՀԱԱ, ֆ. 201, ց. 1, գ. 149, ք 76:
² Վրացեան Ս., Հայաստանի Հանրապետութիւն, էջ 218:
³ Լույս տեղում:

Վրացական կողմը ոչ միայն չի կարեւորում ՀՀ կառավարության առաջարկությունը, այլեւ նույնիսկ պատվիրակությունն էի ուղարկում Ղարաքիլիսա: Վրաստանի կառավարության պահանջը մեկն էր. «Հայերը պիտի հեռանան Լոռիից, իսկ իրենք մնան Լոռիում եւ Ախալքալաքում»⁴:

Չնայած այն իրողությանը, որ վրացական կողմը պատվիրակությունն չուղարկեց Ղարաքիլիսա եւ մերժեց ՀՀ կառավարության ներկայացրած առաջարկությունները, այնուամենայնիվ, հայկական զորաբանակի սրընթաց առաջխաղացումը տագնապալի իրավիճակ է ստեղծում ողջ Վրաստանում եւ նրա մայրաքաղաք Թիֆլիսում: Վրաց կառավարությունը տենդագին միջոցներ է ձեռնարկում կայունացնելու Դրոյի զորախմբի հարվածներից խարխիված ռազմաճակատն ու կասեցնելու հայկական բանակի առաջխաղացումը: Վրաստանի զինվորական նախարարությունը ռազմաճակատը ուժեղացնելու նպատակով զորահավաքի է կոչում վրաց ողջ մարտական ուժերը:

Դեկտեմբերի 18-ին Հրանտթային մարտկոցներով եւ 1000 զինվորների գլուխն անցած վերջին 4-րդ զրահագնացքի ուղեկցությամբ Սադախլու է ժամանում Վրաստանի Հանրապետության զինվորական նախարար գեներալ Գեորգաձեն²:

Ըստ «Ձանգ» լրագրի տվյալների «Վրացիք մեծ քանակութեամբ թարմ ուժեր են կենտրոնացնում Սադախլույի շրջանում: Թիֆլիսից բերում են երկու հետեւակ նոր պոլկ եւ մէկ պոլկ ձիաւոր, այդտեղ է գալիս նաև վրաց զինւորական մինիստր Գէորգաձէն: Բերում են նաև 4 բատարէա»³:

Դեկտեմբերի 19-ին թեժ կռիվներ են տեղի ունենում Բուլխիս-Խաչենից դեպի հարավ մի քանի կիլոմետր հեռավորության վրա գտնվող գերմանական Եկատերինֆելդ գյուղի մերձակայքում: Ավելի քան 14 ժամ ընթացող կռվում մեր զորքերը թեպետ կարողացել են հաջողությամբ հետ մղել վրաց զորախմբերի հարձակումը եւ որպես ռազմավար վերցնել 4 թնդանոթ, սակայն տեղի տալով մարտադաշտում հայտնված վրացական զորքերի ճնշմանը՝ նահանջում են Բուլխիս-Խաչեն⁴:

Վրացական ճակատի հրամանատար գեներալ Մուլուկիձեն, կենտրոնացնելով մարտական ողջ ուժերը՝ պատրաստվում է վճռական ճակատամարտի:

¹ Լույս տեղում:
² Տե՛ս «Հայրենիք» ամսագիր, 1957. թիւ 2, էջ 9:
³ «Ձանգ», 1918, դեկտեմբերի 29:
⁴ Տե՛ս Լույս տեղում:

Անկասկած, Սադախլուի ճակատամարտի ելքը վճռորոշ նշանակություն էր ունենալու ոչ միայն Հայ-վրացական պատերազմում, այլև վճռելու էր Լոռվա ճակատագիրը, նրա պատկանելիության հարցը: Եթե Հայկական զորքերը չկարողանային պարտության մատնել զինվածությունները ու քանակական առումով իրենցից զգալի գերակշռություն ունեցող վրացական զորագնդերին, ապա որեւէ կասկած լինել չէր կարող, որ վրացական զորքերը դարձյալ կգավթեին Լոռի-Փամբակը եւ դեռ հարց էր, արդյոք չափազանց ծանր կացությունում գտնվող Հայաստանի Հանրապետությունը ի զորու կլիներ շարունակելու պատերազմն ու վերստին ազատագրել Լոռի-Փամբակը:

Դրոն եւ նրա գլխավորած զորագնդերն այլընտրանք չունեին, նրանք անպայմանորեն պետք է պարտության մատնեին վրացական զորքերին ու տոնեին Հերթական հաղթանակը:

Հարկ է նշել, որ նախորդ մարտերում Հայկական զորագնդերը նույնպես զգալի կորուստներ էին կրել: Ի տարբերություն վրաց զորաբանակի, որն անընդհատ համալրվում էր ի հաշիվ թիկունքային զորամասերի, Հայկական զորագնդերն այդ օրերին չէին ստանում եւ ոչ մի համալրում:

Ձյան պատճառով ճանապարհների փակվածությունը չափազանց դժվարացնում էր զորքին պարեն եւ ուղիքները մատակարարելու գործը: Ձմռան խստաշունչ պայմաններում կռիվների հնոցում անընդհատ մարտնչող թերսնված Հայ զինվորների մոտ արդեն նկատելի էին հոգնածությունն ու գերլարվածությունը: Չնայած անասելի դժվարություններին, այնուհանդերձ, Հայ զինվորների մարտական կորովն ու հաղթելու ձգտումը դեռեւս բավական բարձր էին: Դրոն լի էր պատերազմը հաղթական վախճանի հասցնելու հաստատակամությամբ: Նրա կամքին ու վճռականությանը անգամ չէր կարող խոչընդոտել այն իրողությունը, որ վրաց հրամանատարությունը կարողացել էր ուղիղ խոչոր միավորումներ կենտրոնացնել Սադախլուի շրջանում եւ հօգուտ իրենց փոխել ուժերի հարաբերությունը: Չերկնչելով վրացական ուղիղ խոչոր բացահայտ գերակշռությունից՝ Դրոն, այնուամենայնիվ, վճռում է իր հրամանատարությամբ գործող համեմատաբար փոքրաքանակ ուժերով հարձակվել ու ջախջախել գեներալ Մուլուկիձեի զորքը: Ընդամին, համաձայն նրա ծրագրած մարտավարության, Հայկական զորքերը տարբեր ուղղությամբ ձեռնարկվող գրոհներով պիտի շրջափակեին մեծ վերջնական Սադախլուում կենտրոնացած վրացական զորքերին ու ճկուն մարտավարությամբ խորտակեին նրանց պաշտպանությունն ու նվաճեին վճռական հաղթանակ:

Ժիշտ է, Դրոյի զորախումբը կենտրոնից դեռեւս չէր ստացել անհրաժեշտ ուղիղ շարժման արձակություն, սակայն մատնված չէր պարսկազորի: Վրացական զորքերի քանակական ու տեխնիկական գերակշռությանը մեր զորքերը պիտի հակադրեին կշռադատված ու ճկուն մարտավարությունն ու մարտնչելու մարտական ոգի ու պատրաստակամություն:

Դեկտեմբերի 18-ին եւ 19-ին Հայկական զորախումբը իր վերահսկողության տակ է վերցնում երկաթուղագծին զուգահեռ գտնվող ուղիղ շարժման կարեւորագույն նշանակություն ունեցող լեռնաշղթան, որը ձգվում է Շուլավերի արեւմտյան եւ արեւելյան կողմից մինչեւ Սադախլու կայարանը: Ձուտ մարտավարական առումով լեռնաշղթայի տեղանքին գերիշխող բարձունքները հենակետերի վերածելը շատ կարեւոր էր: Վրացական զորքերը, եթե փորձեին երկաթգծի ուղղությամբ հարձակվել Սադախլուի վրա, ապա կհայտնվեին ծուղակում եւ նրանց վրա կտեղար բարձունքների հենակետերում տեղադրված թնդանոթների ու գնդացիների կրակը:

Բացի վերոհիշյալ ձեռնարկումից, վրացական զորքերին Հերթական անգամ պարտության մատնելու նպատակով Դրոն ծրագրում է գործել հետեւյալ մարտավարությամբ.

«Գնդ. Տէր-Նիկողոսեանին նա հրամայեց Բոյնիս-Թաչչինից մի գումարտակ առաջ քաշել դէպի արեւելք՝ երկաթուղու կողմը եւ ցուցական շարժումներով օժանդակել Կորովովի զորասիւնին, իսկ Կորովովին հրամայեց երկու թնդանոթ եւ 3 վաշտ թողնել Այրումում եւ մնացած ուժերով, Բարդաձորի եւ Գիւլբէգիի վրայով, անցնելով Դամիա գիւղը, վրացիների թիկունքը՝ ջարդել նրանց՝ լուրջ ուշադրութիւն դարձնել Շուլաւերից Օփրէթ տանող ճանապարհի վրայ: Դեկտ. 19-ին փոխգնդ. Կորովովին միացաւ եւ միլիցիոն գունդը 350 զինուորներով ու 2 գնդացիներով, որին հրամայուեց գրաւել Շուլաւերը»¹:

Եվ մինչ Հայկական զորախմբի հիմնական մարտական ուժերը, համաձայն Դրոյի հրահանգի, ձեռնարկում էին հակառակորդին շրջապատելու ուղիղ շարժումները, տեղի է ունենում անկանխատեսելի գործողություն: 4-րդ գնդի 6-րդ վաշտը եւ 2-րդ հեծյալ հարյուրյակը փոխտեղակալ Ֆեյերկովսկու եւ տեղակալ Տեր-Մարտիրոսյանի գլխավորությամբ, առանց հրամանատարության գիտության, գրոհում եւ փորձում են գրավել Սադախլուի կայարանը: Սակայն դեպքերն ընթանում են վատթարագույն ուղղ-

¹ Վրացեան Ս., Հայաստանի Հանրապետութիւն, էջ 222:

վածութեամբ: Այդ ժամանակ Սաղախլուի կայարանում կազմու-
պատրաստ կանգնած է եղել վրացական վերջին 4-րդ զրահագնաց-
քը: Հարձակվողներին առավել հեշտութեամբ ջախջախելու դիտա-
վորութեամբ վրացիները դիմում են խորամանկութեան: Նրանք
բարձրացնում են սպիտակ դրոշակը, իսկ Հայ մարտիկները անտե-
ղյակ հակառակորդի պատրաստած ծուղակին, խաբվելով մոտենում
են երկաթգծին, ուր կանգնած էր զրահագնացքը: Անմիջապես հե-
տեւում է պատասխան անսպասելի ու հուժկու հարվածը, եւ «...մե-
րոնց վրայ զրահապատից և դիրքերից վրաց զօրքերը բացում են
Թնդանօթային և գնդացրային շատ ուժեղ կրակ ու միաժամանակ
չըջապատում: Խաբէական այդ ակտի շնորհիւ մերոնք առաջին մեծ
ու անտեղի զոհեր են տալիս: Մերոնց մի մասը ջարդւում է, մի մասը
գերի է ընկնում, իսկ մի մասն էլ կարդանում է փախուստի դիմել և
ազատել»¹:

Հայկական զինաջոկատի հրամանատարների ինքնագործունեու-
թյունը կարող էր բացասաբար անդրադառնալ ճակատամարտի հե-
տագա ընթացքի վրա: Վրաց հրամանատարութեանը ոչ մեծ ջանքե-
րի գնով Սաղախլուում կենտրոնացնելով մեծ քանակութեամբ մար-
տական ուժեր, զրահագնացքի աջակցութեամբ կարող էր արմատա-
կան բեկում մտցնել արդեն ընթացող ճակատամարտում: Սակայն
վրացական կողմի ձեռքբերած մասնակի հաջողութեանը, ինչը
հստակորեն մատնանշում է այդ օրերին տեղի ունեցող մարտական
գործողութեանների ուսումնասիրութեանը, այլևս չէր կարող փո-
խել ճակատամարտի ընթացքը: Անհրաժեշտ էր շարունակել գործել
ծրագրած մարտավարութեամբ, այն է՝ ավարտին հասցնել վրա-
ցական զորքերի շրջափակումը, զրկել նրանց կենտրոնաձիգ հարված
հասցնելու հնարավորութեանից, ապա վճռական գրոհով ջախջա-
խել Սաղախլուում կենտրոնացած խմբավորումը:

Նույն օրը մեր զորքերը գրավում են կարեւորագույն նշանակու-
թյուն ունեցող երկու կետեր՝ Դամիան գյուղը, իսկ քաջարի Կուռո
Թարխանյանը հանդուգն գրոհով հասցնում է վերցնել Շուլավերը:
Այդ երկու կետերի գրավմամբ, հատկապես Շուլավերի, կարելի է
ասել, Հայկական զորքերը գրեթե ավարտում են Սաղախլուում
կենտրոնացած վրաց խմբավորման շրջափակումը: Այժմ արդեն հար-
կավոր էր գործել արագ ու վճռական:

Ինչպե՞ս պիտի իրականացվեր վճռական հարվածը. «Շուլավեր-
Սաղախլու շրջանում գործող վրաց ուժերի մի մասը մի կողմ քաշե-

լու նպատակով՝ Դրոն հրամայեց գնդ. Տէր-Նիկողոսեանին, դեկտ.
21-ին 1 գումարտակ ու 2 Թնդանօթ թողնել Մեծ Դումանիսում, իսկ
մնացած ուժերով շարժուել Արախլուի վրա: Սկսուեց տաք կռիւ: Մե-
րոնք յարձակուում էին անվերջ, վրացիները յուսահատական դիմա-
դրութիւն էին ցոյց տալիս: Գլխ. Մնացականեանի Շուլավերի զօրա-
մասը կռուի բռնուեց Թիֆլիսից նոր հասած վրացական թարմ ուժե-
րի հետ: Մերոնք քանդեցին Սաղախլու-Մամայ երկաթուղագիծը՝
կտրելով վրաց զրահապատի նահանջի ճանապարհը: Կուռո Թարխա-
նեանը, յանդուգն յարձակումներ գործելով Աշաղա-Սարայլի ուղ-
ղութեամբ, գրաւեց մի Թնդանօթ եւ մի գնդացիք»¹:

Վրացական զորքերին լիակատար շրջապատելու նպատակով
Դրոն դեկտեմբերի 22-ին գրոհի է նետում Ճոճկանի գորախումբը,
որը փոխտեղակալ Պետրոսյանի գլխավորութեամբ ճեղքում է վրաց
զինվորների մարտաշարքերը եւ ներխուժում Սաղախլու: Փոխտե-
ղակալ Պետրոսյանի գորախմբի հաջողութեանը չափազանց կա-
րեւոր էր: Փաստորեն Սաղախլուում դիրքավորված վրացական
ուժերը մասնատվելով կորցնում են նախկին ուժն ու հզոր հարված
հասցնելու հնարավորութեանը: Ճակատամարտը գնալով ավելի է
չիկանում: Գնդապետ Կորոլկովի զինավաշտերը քանդում են եր-
կաթգիծը եւ զրահագնացքին զրկելով տեղաշարժելու հնարավո-
րութեանից՝ հարձակվում են Սաղախլուի մոտակայքում կենտրո-
նացած վրաց զորախմբի վրա:

Վրաց հրամանատարութեանը՝ խուսափելով շրջապատումից,
փորձում է աննկատ նահանջել, բայց դա նրանց չի հաջողվում:
Դեկտեմբերի 22-ին մեր զորքերը Այրումի ուղղութեամբ մոտենում
եւ դիրքեր են գրավում Սաղախլուի մերձակայքում:

Դրոյի ծրագրած մարտավարութեանը իրականանում է, վրացա-
կան զորքերը Սաղախլուի ճակատում հայտնվում են շրջափակման
մեջ: Դեկտեմբերի 22-ին վրաց հրամանատարութեանը, ստիպված
նոր ուժեր կենտրոնացնելով Բոլնիս-Խաչենի մոտակայքում՝ սկսում
է անընդմեջ գրոհներ ձեռնարկել Սաղախլուի շրջանում իրենց գո-
րախմբին պաշարման մեջ վերցրած Հայկական զորախմբի վրա, բայց
ապարդյուն: Հայկական զորքերի հրամանատարութեան կիրառած
մարտավարութեանն այս անգամ դարձյալ ավելի կենսունակ էր ու
վճռորոշ: Վրացական այդ հենակետը վնասագրեծելու ու ջախջախե-
լու նպատակով Դրոն անհապաղ դիմում է հարձակման եւ «Բոլնիս
Խաչենից Հայկական զորամասերը յարձակուում են եկատերինՖելդիի

¹ «Ձանգ», 1918, դեկտեմբերի 29:

¹ Վրացեան Ա., Հայաստանի Հանրապետութիւն, էջ 222:

գնդի վրա, ջարդում են վրաց զորքերը, իլում նրանցից 4 թնդանօթ ու մեծ աւար և քշում են դէպի Բելիյ-Կլիչ»¹:

Վրաց հրամանատարութիւնը՝ իր զորքերը վերջնական ջախջախումից փրկելու նպատակով արագորեն մարտադաշտ է հասցնում նոր զորագնդեր եւ փորձում կանգնեցնել հայկական զորքերի հարձակումը, սակայն նրանց հարվածներն անկասելի էին: Հայկական զորքերը հետ են մղում վրաց զորագնդերի գրոհները եւ մոտենում ընդհուպ Սադախլուի:

Ստեղծված իրավիճակում վրացական զորքերը համար այլընտրանք այլեւս գոյութիւն չունեն: Վրաց հրամանատարութիւնը խուսափելով չրջապատումից՝ հարկադրված նահանջում է դեպի իրաւ գետը: Անհրաժեշտ էր դիմել վճռական գործողութիւնների եւ թույլ չտալ, որպեսզի վրացական զորքերը դուրս գային չրջափակումից ու անկորուստ հեռանային: Հասել էր այն պահը, երբ իր վճռորոշ խոսքը պիտի ասեր զորախմբի հրամանատարը: Վրացական զորքերի նահանջը խոչընդոտելու ու նրանց վերջնականապես պարտութեան մատնելու վճռականութեամբ Դրոն անձամբ առաջնորդելով զորախումբը՝ դեկտեմբերի 23-ի գիշերը սրբնթաց գրոհ է ձեռնարկում վրացական զորամասերի վրա:

Ըստ ճակատամարտի մանրամասները ներկայացնող թղթակցութեան «... Դրօն մի խիզախ քայլի է դիմում. իր զորքերի գլուխն անցած մի հմուտ շարժումով անցնում է վրաց զորքերի թիկունք և մեծ ջարդ է տալիս»²:

Կարելի է աներկբա փաստել, որ Սադախլուի ճակատամարտում Դրոն մեկ անգամ եւս դրսեւորում է զորքերն առաջնորդելու ու նրանց ոգեշնչելու իր անզուգական քաջութիւնն ու կոխիների ամենավճռորոշ պահին արագորեն կողմնորոշվելու եւ ամենակենսունակ ու անհրաժեշտ վճիռներ կայացնելու զորավարական փայլուն կարողութիւնն ու ռազմագիտական տաղանդը: Եթե Բաշ-Ապարանի ճակատամարտում նա հաղթել է կիրառելով կենտրոնաձիգ, խոյահարիչ հարվածի մարտավարութիւնը, ապա Սադախլուի ճակատամարտում՝ հակառակորդի ուժերը պաշարելու, չրջափակման մեջ վերցնելու մարտավարութիւնը: Երկու Բաշ-Ապարանի ու Սադախլուի ճակատամարտերում նրա կիրառած մարտավարութիւնը խորապես կշռադատված էր ու արդյունավետ:

Դեկտեմբերի 23-ի երեկոյան ժամը 4-ին ռազմաճակատից պաշտոնապես հեռագրում են. «Կոխները Սադախլուի մօտ վերջացան: Վրացիները նահանջում են:

...Չնայած Սադախլուում հաւաքած մեծ ուժերին՝ մօտ 2 հազար հետեակ, 400 ձի, 12 թնդանօթ, մէկ զրահապատ գնացք, կարմիր գւարդիական գունդ և այլն-չեն դիմացել մեր զորքերի գրոհին և, հաւանաբար, կնահանջեն մինչև իրամի միւս ափը»¹:

Չորս օր տեւողութեամբ ընթացող կատաղի ճակատամարտն ավարտվում է վրացական զորքերի դաժան պարտութեամբ:

Գնեքրալ Մուլուկիձե՛ն դարձյալ դիմում է փախուստի եւ շնորհիվ չրջակա թուրք բնակիչների օգնութեան, կարողանում է ազատվել անխուսափելի կործանումից: Իսկ ռազմաճակատի մյուս հատվածներում կոխիները դեռեւս շարունակվում էին:

Ճակատամարտի ավարտին հայ զինվորների տնօրինութեանն է մնում հետեւյալ ռազմավարը.

«...մերոնց ձեռքը գերի ընկան 6 սպայ, 126 զինուոր, 2 կոլտ գնդացի, աւելի քան 100 վագոն պարէն, ռազմամթերք ու փամփուշտ, 3 շոգեքարչ եւ ուրիշ պաշարեղէն:

Մեր կորուստներն էին փոխ. գլխապետ Ալեքսանդրովը վիրաւոր, 7 զինուոր սպանուած եւ 11 վիրաւոր»²:

Ճակատամարտում հայկական զորախմբի վերցրած ռազմավարի մասին փոքր-ինչ այլ տվյալներ է հաղորդում «Զանգ»-ում տեղ գտած թղթակցութիւնը: Նրա տեղեկացմամբ՝ «Ճակատամարտը, ինչպէս ստացւած պաշտօնական տեղեկութիւններն են հաղորդում, շատ կատաղի է լինում, մերոնք ջարդում են վրաց զորաբանակը, գերի են վերցնում 37 սպայ, 500 զինուոր, աւար են վերցնում երեք շոգեքարչ մեքենայ, 100 վագոն, 200 հրացան, 2 թնդանօթ, 1 գնդացի, փամփուշտներ և պաշարեղէն...»³:

Ամփոփելով տասն օրվա կոխիների արդյունքները եւ պատշաճորեն գնահատելով Դրոյի զորախմբի հաղթանակներն ու ակնառուն վաճառումները՝ Հայաստանի Հանրապետութեան խնամատարութեան նախարար Արտաշես Բաբայանը նշում է. «Դեկտեմբերի 13-ին, մեր զորքերը, ի պատասխան Ուզունթալայի դէպքերի, յարձակման դիմեցին եւ, Լօւիի վրէժինդի արգաբնակչութեան օգնութեամբ, դէն շարտեցին յոխորտացող վրացիներին, մեծամեծ կորուստներ պատճառելով նրանց: Տասն օրուայ ընթացքում ամբողջ Լօւին հայկական բանակի ձեռքին էր: Վրացական զորքը ջախջախուեց, թողնելով 2000-ից աւելի գերիներ, որոնցից 100-ի չափ սպաներ, մեծ

¹ «Ձանգ» 1918, դեկտեմբերի 29, թիւ 86:

² Նույն տեղում:

¹ Նույն տեղում:

² «Ղայրեմիք» ամսագիր. 1957, թիւ 2, էջ 10:

³ «Ձանգ» 1918, դեկտեմբերի 29:

թույլ վագոններ, շոգեմեքենաներ, ուղղամթերք եւ երեք զրահապատ գնացք»¹:

Վրաստանի կառավարության որոշմամբ մի շարք ճակատամարտերում պարտված գեներալ Մուլուկիձեն ազատվում է պաշտոնից, իսկ նրա փոխարեն վրաց զորքերի հրամանատարությունը ստանձնում է Վրաստանի առավել հարգված զինվորականներից՝ գեներալ Գեորգի Մազնիեւը (Մազնիաշվիլի): Ընդունելով վրաց զորքերի հրամանատարությունը՝ գեներալ Մազնիեւը նույնպես չի կարողանում կանգնեցնել հայկական զորքեր հաղթարշավը²:

Հայկական զորքերի հերթական հաղթանակն արդեն նրանց ընդամենը 50 կիլոմետր է բաժանում Վրաստանի մայրաքաղաքից:

Հայկական զորախմբի հաջողություններն ակնառու էին, բայց պատերազմը դեռեւս շարունակվում էր: Անժխտելի է, եթե այդ ժամանակ Դրոյի առաջնորդած զորախումբը կենտրոնից ռազմական փոքր-ինչ օգնություն ստանար, ապա վերջնականապես կջախջախեր խուճապի մատնված վրաց զորքերը եւ, անտարակույս, հաշված օրերի ընթացքում կհասներ Վրաստանի մայրաքաղաք: Ի տարբերություն հայկական կողմի, գեներալ Մազնիեւը զորախումբը հոկտեմբերի 25-ին ստանում է նոր համալրում, ավելի քան 1000 զինվորներ եւ նույնիսկ ինքնաթիռներ, որոնք Շուլավերի մոտակայքում առաջին անգամ ռմբակոծում են հայկական զորամասերի դիրքերը: Հոկտեմբերի 25-ին հայկական զորքերի հարձակումը փոքր-ինչ դանդաղում է:

Հայ-վրացական կռիվների բռնկման պատճառներն ու ընթացքի ուսումնասիրությունը միանշանակորեն մատնանշում են, որ Հովհ. Քաջազնունու գլխավորած Հայաստանի Հանրապետության կառավարությունը պատերազմի հարցում ի սկզբանե տրամադրված է եղել ավելի քան խաղաղասիրաբար: Լոռի-Փամբակի խնդիրը խաղաղությունամբ լուծելու եւ արյունահեղությունը դադարեցնելու Հայաստանի կառավարության խաղաղասիրական դիրքորոշումը դրսևորվել է նույնիսկ այն պահին, երբ հայկական զորքերը, ջախջախելով Լոռին բռնազրաված վրաց զորամասերին եւ մաքրելով չրջանի տարածքը, հասնում են հայ-վրացական սահմանի բաժանարար իրամ գետը: Այդ ժամանակ պատերազմը դադարեցնելու առաջարկությունը ՀՀ կառավարությունը թիֆլիս է գործուղում հաշտարար պատվիրակություն:

Վրացական կողմը ոչ միայն անուշադրություն է մատնում եւ չի պատասխանում ՀՀ պաշտոնական առաջարկությանը, այլև անցկացնում է նոր զորահավաք ու հետեւողականորեն շարունակում նորանոր զորամասերով համալրել ռազմաճակատը ու դեկտեմբերի 19-ին ՀՀ կառավարությանը հասցեագրած պաշտոնական հեռագրում հայտնում Հայաստանի հետ դիվանագիտական հարաբերությունները խզելու մասին:

Ի տարբերություն վրաց իշխանությունների դիրքորոշման՝ վրացական զորքերի պարտությունը տագնապ ու խուճապային տրամադրություններ է հարուցել Վրաստանում, նույնիսկ Ադրբեջանում: Անհանգստացած հայկական զորքերի հաղթանակներով, «Ադրբեջանի արտ. գործ. մինիստր Աղայևը հեռագրով դիմել է Հայաստանի Խորհրդարանին՝ պատետիկ խոսքերով խնդրելով վերջ տալ եղբայրասպան պատերազմին վրացիների հետ»³:

Ի՞նչ պիտի արվեր, որպեսզի վերջ տրվեր պատերազմին: Գործին կարող էին միջամտել հաղթող տերությունները, հատկապես Անգլիան եւ Ֆրանսիան, որոնք իրենց դիվանագիտական ներկայացուցչություններն ունեին թիֆլիսում: Իսկ նրանց դիրքորոշումն այդ ժամանակ այնքան էլ հայանպաստ չէր:

Դեկտեմբերի 25-ին թիֆլիսում գտնվող Անգլիայի ներկայացուցիչ, գեներալ Միլը եւ Ֆրանսիայի ներկայացուցիչ գնդապետ Շարդինին Վրաստանի եւ Հայաստանի հանրապետությունների ներկայացուցիչներ Ժորդանիայի ու Վրաստանի կառավարության առընթեր Հայաստանի Հանրապետության գործերի հավատարմատար Ա. Զամայանի մասնակցությամբ հրավիրում են խորհրդակցություն: Գեներալ Միլի եւ գնդապետ Շարդինինի թելադրանքով հայ-վրացական պատերազմը դադարեցնելու վերաբերյալ խորհրդակցության մասնակիցները ընդունում են որոշումներ, որոնց մասին հեռագրով տեղեկացնում են ՀՀ կառավարության նախագահ (վարչապետ) Հովհաննես Քաջազնունուն:

Հայաստանի Խորհրդարանի դեկտեմբերի 26-ի նիստում Հաստատանի Հանրապետության վարչապետ Հովհաննես Քաջազնունին պատգամավորներին հայտնում է, որ Անգլիայի եւ Ֆրանսիայի ներկայացուցիչների գործուն մասնակցությամբ թիֆլիսում տեղի է ունեցել խորհրդակցություն, որտեղ որոշում է կայացել հայկական, վրացական, անգլիական ու ֆրանսիական ներկայացուցիչներից կազմված հանձնաժողով ուղարկել ռազմաճակատ ու իրականացնել

¹ Բժ. Բաբալեան Ա., էջեր Յայաստանի անկախութեան պատմութիւնից, Գահիրե, 1959, էջ 26:

² ՅՅԴ ԿԱ, թժ. 65, գ. 1, էջ 2:

³ «Ձանգ» 1918, դեկտեմբերի 29:

պատերազմը դադարեցնելու ու համաձայնություն կայացնելու հետեւյալ պայմանները.

«1. Վրաց զորքերը Բորչալու մնում են իրենց ներկայ տեղում:

2. Հայոց զորքերը գրաւում են Դսեղ-Ջալալօղլի գիծը:

3. Միջի տարածութեան վրայ ստեղծւում է խառն վարչութիւն Հայերից և վրացիներից:

4. Անգլիական զինուորական պահակները գրաւում են երկաթուղին:

Ախալքալակի վրաց վարչութեան վրայ հաստատւում է դաշնակիցների կոնտրոլ հայերի և մուսուլմանների մասնակցութեամբ:

6. Անմիջապէս ֆրոնտ է մեկնում անգլիական, ֆրանսիական, Հայկական ու վրացական խառն մի յանձնախումբ:

7. Անմիջապէս Եւրոպա են մեկնում Հայկական և վրաց պատերազմականները այնտեղ վերջնականապէս լուծելու համար Հայ վրացական սահմանների խնդիրը»¹:

Խորհրդակցությունում ընդունած որոշմամբ չէր սահմանվում բացարձակապես հայաբնակ Լոռիի կարգավիճակը, իսկ Ախալքալակի գավառը պիտի գրավվեր վրացական զորքերի կողմից: Բնական է, որ նման որոշումը չէր կարող գոհացնել Հայկական պատվիրակությանը: Այդ որոշման կապակցութեամբ իր անհամաձայնությունն ու բողոքն է արտահայտել Հայաստանի դիվանագիտական ներկայացուցիչ Արշակ Ջամալյանը:

Հայաստանի Խորհրդարանը՝ լսելով ՀՀ կառավարության նախագահ Հովհ. Քաջազնունու զեկուցումը, քննում է Հայ-վրացական պատերազմը դադարեցնելու կապակցութեամբ դաշնակիցների, այն է՝ Անգլիայի ու Ֆրանսիայի առաջադրած պայմաններն ու ընդունում է հետեւյալ բանաձեւը. «Հայաստանի Խորհրդարանը լսելով կառավարութեան նախագահի զեկուցումը Հայ-վրացական կոնֆլիկտը լուծելու համար դաշնակիցների առաջարկած պայմանների մասին, ընդունում է երկու հարեան ժողովուրդների եղբայրասպան պատերազմին վերջ տալու առաջարկը:

Ապա գտնելով, որ ներկայացած պայմանները չեն համապատասխանում Հայաստանի Հանրապետության իրավունքներին և արդար պահանջներին, հրահանգում է կառավարութեանը բանակցութեան միջոցով ջանալ փոփոխել այդ պայմանները համաձայն Խորհրդարանի նախորդ որոշումների»²:

¹ Նույն տեղում:

² Նույն տեղում:

Վիճելի հարցի վերաբերյալ Հայաստանի Խորհրդարանի եւ կառավարութեան տեսակետն ու որոշումը մեկն էր՝ Հայոց պատմական Գուգարաց աշխարհի Լոռվա շրջանը Հայաստանի Հանրապետութեան անբաժանելի մասն էր, եւ դատապարտելի էին Վրաստանի կառավարութեան դրսեւորած զավթողական նկրտումներն եւ բնակչութեան նկատմամբ վրաց զինուժի կիրառած անօրինականություններն ու բռնությունները:

Պիտի ասել, որ այդ ժամանակահատվածում պատերազմը շարունակելու վերաբերյալ տարբեր դիրքորոշումներ են զարգացրել Հայ քաղաքական կուսակցությունները:

Հարկ է ընդգծել, որ պատերազմը Լոռի-Փամբակում սկսվել է Հայաստանի Խորհրդարանի որոշմամբ, եւ այդ հարցում բոլոր կուսակցությունները, բացառութեամբ Սոցիալ-դեմոկրատական ֆրակցիայի, կողմ են քվեարկել Տոգուտ ռազմական գործողությունների ծավալման: Սոցիալ-դեմոկրատները ընդունելով Լոռի-Փամբակի Հայաստանի մասը կազմելու օրինականությունը, միաժամանակ դեմ էին գեներալի դիմելուն եւ համաձայն, որ վրացիները գրավեն Լոռին եւ Ախալքալակը:

Հայ ժողովրդական կուսակցությունը այդ օրերին հրաժարվելով իր պաշտպանած նախկին տեսակետից, նույնպես Հայաստանի կառավարությունից պահանջում էր վերջ տալ եղբայրասպան կռիւն: Չափազանց տհաճ իրավիճակ է տիրել Հայ քաղաքական կյանքում: Հայութեան համար բախտորոշ նշանակություն ունեցող ժամանակահատվածում անհրաժեշտ էր, որ Հայաստանի բոլոր ուժերն՝ անկախ կուսակցական պատկանելիությունից ու սոցիալական դիրքից, միավորվեին ու հանդես գային միասնաբար: Փոխանակ իրենց զորակցությունը բերելու ՀՀ կառավարութեանն ու բանակին՝ Հայ քաղաքական վերոհիշյալ կուսակցությունները կառավարութեանից պահանջում էին հրաժարվել տարած հաղթություններից ու հետոնալ ազատագրված տարածքներից, որն աներկբա հավասարագոր է Լոռի-Փամբակը Վրաստանի անբաժանելի մասը ճանաչելու իրողությունը:

«Ջանգ»-ում տպագրած «ԽՄԲԱ ԳՐԱԿԱՆ»-ում համառոտակի ներկայացնելով պատերազմը սկսելու պատճառները՝ Հայաստանի Հանրապետության կառավարությունը Հայ քաղաքական կուսակցություններին հայտնում է. «Արիւնահեղութեան վերջ տալը բնաւ մեզանից չէ կախւած: Մենք ստիպւած եղանք զէնքի ուժով գրաւել մեզ պատկանող Բորչալուն: Հասնելով սահմանին՝ Խրամ գետին,

մենք լուծած ենք համարում այս ուղղութեամբ մեզ առաջադրած խնդիրը: Ուղարկելով հաշտարար պատուիրակութիւն Վրաստանի պատվիրակութեան և դաշնակիցների ներկայացուցչի հետ բանակցելու՝ մենք անկեղծօրէն արտահայտել ենք մեր խաղաղար տրամադրութիւնը և պատրաստակամութիւն յայտնել վերջ տալու արյունահեղութիւնը»¹:

«ԽՄԲԱ ԳՐԱԿԱՆ»-ում շեշտելով պատերազմը դադարեցնելու իր պատրաստակամութիւնը՝ հայկական կողմը միաժամանակ հայտնում է. «...Հիմա արիւնահեղութիւնը կարող է դադարեցնել միայն Վրաստանը և ուրեմն նրան էլ պիտի դարձնեք ձեր հաշտարար խօսքը: Իսկ եթէ դուք պահանջում էք Հայաստանի կառավարութիւնից վերջ տալ արիւնահեղութեան, ապա բարի պիտի լինէք ասել, թէ ի՞նչ եղանակով հնարուոր է իրագործել այդ պահանջը զիջելով վրացիներին, մաքրելով Լոռին, հայ գօրքերը յետ քաշելով մինչև Ղարաքիլիսէն: Այդ դեպքում ի՞նչ կասէ ձեր խիղճը հանդէպ այն արեան, որ թափեց Բորչալուում նաև ձեր կամքով, ի՞նչ կասէ հայ զինուորութիւնը, որին դուք երէկ դէպի կոիւ էիք քշում, իսկ այսօր հրամայում էք հրաժարել տարած հաղթութիւններից ու հեռանալ. վերջապէս, ինչ կասէ Լոռուայ հարստահարած Հայ ազգաբնակչութիւնը...»²:

Իզուր էին ՀՀ կառավարութեան դիմումներն ու պատերազմը դադարեցնելու ու հարցը խաղաղ ճանապարհով լուծելուն նպատակաուղղված քայլերը: Չնայած Անգլիայի ու Ֆրանսիայի և պատերազմող կողմերի կայացրած վերոհիշյալ որոշմանը՝ պատերազմը չթուլացող ուժգնութեամբ շարունակվում էր:

Վրաստանի կառավարութիւնը, լարելով հանրապետութեան ողջ կարողութիւններն ու զորաշարժի ենթարկելով զենքի ընդունակ բնակչութեանը, շարունակում է նորանոր զորամասերով համարել ու ուժեղացնել ռազմաճակատը ու փորձում բեկում մտցնել պատերազմական գործողութիւններում:

Վրաստանի կառավարութեան որոշմամբ՝ նույնիսկ այն զորամասերը, որոնք գտնվելով ներկայիս Աբխազիայի տարածքում, պիտի դիմակային զեներալ Դենիկինի գլխավորած Կամավորական բանակի հնարավոր ներխուժմանը ծովափնյա շրջաններ (Սուխում, Ադլեր, Գագրա), շտապ տեղափոխում են հայ-վրացական ճակատ կանգնեցնելու հայկական զորքերի առաջխաղացումը:

Ռիչարդ Հովհաննիսյանը որպես հիմք ընդունելով զեներալ Դենիկինի ու այլ հեղինակների աշխատութիւններում հայ-վրացական պատերազմին վերաբերող փաստերը՝ գրում է. «...վարչապետ Նոյ Ժորդանիան առաջ քաշեց այն մեղադրանքը, որ Կամավորական բանակի(նկատի ունի Դենիկինի գլխավորած բանակը-Հ.Գ.) ներխուժումը Սև ծովի երկայնքով նախապատրաստված էր հայկական ռազմերթին Լոռիում աջակցելու համար, որ հետամտում էր Վրաստանի անկախութիւնը տապալելու համար: Իրոք, մի շարք վրացական զորամիավորումներ ծովափնյա կայազորներից շուտափուլթ փոխադրվեցին՝ դիմակայելու Դրոյի զորքերի վտանգավոր հարվածին»³:

ՀՀ պաշտպանութեան նախարար, զեներալ Հախվերդյանի գնահատմամբ. «...Չնայած այդ հաջողութիւններին (նկատի ունի մինչ այդ հայկական զորքերի նվաճած հաղթանակները-Հ.Գ) Հայերի վիճակը յուրաքանչյուր օր դարձել է ավելի ու ավելի ծանր: Վրացիները անընդհատ մոտեցնում էին օգնական, համարող ուժեր: Թիֆլիսից մշտապես իրականացվող մատակարարումները կատարվել են ժամանակին եւ անընդմեջ, իսկ այդ ընթացքում հայկական զորամասերը չէին ստանում ոչինչ...»²:

Չնայած այն հանգամանքին, որ ՀՀ կառավարութիւնը դեռեւս ի զորու չէր լուրջ զինական աջակցութիւն ցույց տալու Վրաստանի Հանրապետութեան դեմ միայնակ մարտնչող եւ դեռեւս ոչ մի համալրում չստացած Դրոյի առաջնորդած զորամբին, այնուամենայնիվ, որոշակի քայլեր ձեռնարկում է բանակը մարտական ուժերով համալրելու ու հզորացնելու ուղղութեամբ: Ամենաբարդ ու դժվարին լուծելի խնդիրը թերեւս նոր զորահավաքի կազմակերպումն էր: Երկրում տիրող տնտեսական ծայրահեղ դժվարին կացութիւնն ու աղքատութիւնը, ինչպես նաև բազմահազար անօթեւան գաղթականութեան առկայութիւնը մեծապես խոչընդոտել են իրականացնել զորահավաքը: Ձեռքի ընդունակ տղամարդիկ, հոգնած անվերջ շարունակվող կռիվներից եւ խիստ մտահոգվելով իրենց ընտանիքների ճակատագրով, հրաժարվում էին ենթարկվել զորակոչի հրամանին ու մեկնել բանակում ծառայելու, առավել եւս հայտնվել մարտադաշտում:

Այդ ժամանակահատվածում ՀՀ կառավարութեան եւ զինվորական նախարարութեան ուշադրութիւնը զամված չէր միայն հայ-վրացական ռազմաճակատում ծավալվող իրադարձութիւնների

¹ Նույն տեղում:

² Նույն տեղում:

³ Գովհաննիսյան Ռ., Եզվ. աշխ., էջ 402-403:

² ՂԱԱ, ֆ. 45, ց. 1, գ. 32, ք. 9:

վրա: Հանրապետության անվտանգությանն սպառնում էին նաև վտանգավոր այլ ուժեր:

«...կառավարութեան ուշադրութիւնը, - գրում է Ա. Աստվածատրյանը, - զբաղուած էր Շարուրի ճակատում սպառնացող բարդութիւններով: Պարսկաստանից ու Նախիջևանից հայրենիք վերադարձող բազմահազար թուրք զինուորները՝ անկարգ ու բոլշեւիկացած, ահուդողի էին մատնել մերձակայ շրջանների հայերին, եւ մեր կառավարութիւնը ճիգ էր լարում՝ այդ փորձանքից ազատելու: Վրաց ճակատը գրեթէ ամբողջապէս մնացել էր Դիլիջան-Լոռի զօրամասերին եւ Ղազախի ու Լոռիի կամաւորներին»¹:

Նոր զորահավաք կազմակերպելու նպատակով ՀՀ զինվորական նախարար, գեներալ Հախվերդյանը ստորագրում է պաշտոնական հրամանը, որը գուտ ճանաչողական առումով հետաքրքիր տեղեկութիւններ է հաղորդում ու որոշակի պատկերացում տալիս բանակի կազմակերպման դժվարութիւնների եւ զորակոչի ենթակա քաղաքացիների դրսեւորած վերաբերմունքի մասին:

Գեներալ Հախվերդյանը հրամանի 1-ին կետում, դիմելով զինվորականներին ու քաղաքացիներին, հայտնում է, որ հայկական Բորչալուի հայ բնակչութիւնը չհանդուրժելով իր նկատմամբ վրաց իշխանութիւնների կողմից կիրառված բռնութիւնները, ապստամբել է օտար իշխանութիւնի դեմ եւ դիմել է Հայաստանի կառավարութիւն օգնութիւնը²:

«Մեր քաջարի զորքը, - նշվում է գեներալ Հախվերդյանի հրամանում, - աչքի չառնելով սառնամանիքն ու կովի դժվար պայմանները հառաջ շարժելով ազատել է մեր եղբայրներին ճնշումներից ու ստրկացողներից: Բայց մեր հարազատ, իր կյանքն ու առողջութիւնը իր եղբոր համար զոհող զինվորին օգնութիւն է հարկավոր: Թանկ է ըոպեն, նրանից է կախված Բորչալուի եղբայրների ու խիզախ զինվորների կյանքը: Դուք, որ մինչեւ հիմա խուսափել եք զինվորական ծառայութիւնից ու թողել եք Ձեր զորամասերը՝ շտապեցեք մտնելու զորքի շարքը, այդ է պահանջում Ձեզանից հայրենիքն ու ազնիվ քաղաքացու պարտքը»³:

Հրամանի 2-րդ կետում տեղեկացվում է, որ զորահավաք կազմակերպելու նպատակով հանրապետության տարածքը բաժանվում է ութ շրջանների՝ Դիլիջանի (Ղազախի հարավային մասը), Նոր Բայազետի, Երեւանի, Սուրմալուի, Էջմիածնի, Ալեքսանդրապոլ-Ախալքա-

լաքի, Լոռի-Ղարաքիլիսայի (Բորչալուի հարավային մասը), Շարուր-Դարալագյազի¹:

Համաձայն հրամանի 3-րդ կետի՝ սահմանվում է, որ Հայաստանի Հանրապետութիւնում բնակվող 20-25 տարեկան հայերն ու ասորիները պարտավոր են երեք օրվա ընթացքում ներկայանալ համապատասխան կենտրոններ²:

Ճիշտ է, գեներալ Հախվերդյանը ստորագրել է զորահավաքի կատարման հրամանը, բայց Դրոյի զորախումբը մինչեւ կռիվների ավարտի նախափերջին օրը համալրում չի ստացել:

Հրամանի վերջում զինվորական նախարարը խստորեն հայտնում է. «Եւ կարգադրութիւն էի արել բոլոր նրանց, որոնք չեն գտնվում զորամասերում, կատարեն իրենց զինվորական պարտքը զինվորական ծառայութիւն, բայց քչերը կատարեցին իրենց պարտքը, այդ պատճառով ներկա հրամանով նորից կոչ եմ անում ու հայտարարում, որ բոլոր նրանք, որոնք ըստ սույն հրամանի 4 կետի ժամանակամիջոցին չեն ներկայանա հավաքական կենտրոններ ու չեն ստանա համապատասխան վկայականներ՝ կհամարվեն կովի մասնակցելու հրամանից խուսափողներ եւ... կենթարկվեն մահվան պատժի...»³:

Իսկ այդ ընթացքում վրացական կողմը ձեռնարկում է ավելի վճռորոշ գործնական քայլեր: Դեկտեմբերի 24-ին Վրաստանի զինվորական նախարարութիւնը հրամանով 1500 զինվորից կազմված զորագնդի գլուխն անցած՝ ճակատամարտի դաշտն է հասնում ռազմաճակատի նոր հրամանատար, գեներալ Մուլուկիձեին փոխարինած գեներալ Մազնիբը (Մազնիաշվիլի):

Ի տարբերութիւն վրացականի, հայկական զորաբանակը դեռեւս որեւէ օգնութիւն չէր ստացել, թեեւ արդեն հրապարակվել էր զորակոչի վերաբերյալ ՀՀ պաշտպանութիւնի նախարար, գեներալ Հախվերդյանի հրամանը: Հաղորդակցութիւնի փակվածութիւն, հատկապէս երկաթուղու բացակայութիւնը եւ երկրում տիրող ծայր աստիճանի աղքատութիւնը պատճառով հայ զինվորները հարկադրված անվում եւ կովում էին վրացիներից նվաճած աննդով ու ռազմամթերքով: Հարկ է նշել, որ նախորդ մարտերում հայկական զորամասերին ակտիվորեն օժանդակել եւ նրանց շարքերում մարտնչել էին լոռեցի կամավորները: Սակայն իրավիճակը կտրուկ փոխվում է, երբ կռիվներն արդեն ընթանում էին ոչ թե Լոռվա տարածքում, այլ նրա սահմաններից դուրս:

¹ «Հայրենիք» ամսագիր, 1957, թիւ 2, էջ 9-10:

² Տե՛ս ՀԱԱ, ֆ. 200, ց. 1, գ. 22, թ. 9:

³ Նույն տեղում:

¹ Նույն տեղում:

² Նույն տեղում:

³ Նույն տեղում:

«Հէնց որ ամբողջ Լոռին գրաւուեց, - նշում է Ա. Աստվածատրյանը, - եւ պատերազմը սկսեց տեղափոխուել Հայկական շրջաններից դուրս, լոռեցիները, մեծ մասամբ, հեռացան իրենց տները: Այս պարագան, ի հարկէ, վատ անդրադարձաւ մնացած գինուորների հոգեկան վիճակի վրայ:

Այսպիսով, Հայկական բանակը, առանց օգնական ուժեր ստանալու, աստիճանաբար փոքրանում էր, իսկ վրացիները, ընդհակառակը, աւելանում էին արագօրէն»¹:

Պրոֆեսոր Ռիչարդ Հովհաննիսյանի գնահատմամբ՝ «Ոչ մի համալրում չր նախատեսվում, քանի որ բանակի մեծ մասը զբաղված էր Հանրապետութեան հարավային անապահով շրջաններով: Ավելին, որքանով որ ռազմաճակատը տեղաշարժվել էր Լոռու Հայկական գյուղերից այն կողմ՝ հյուսիսի հարակից հարթավայրերը, պարտիզանական խմբերը այլեւս կանոնավոր գուքերի հետ առաջ չէին գնում: Դրա փոխարեն, Լոռու հայ ապստամբները վերադարձան հայրենի գյուղերը՝ գոհ իրենց հաղթանակից եւ համոզված, որ իրենց հողերը վերջնականապես կմիացվեն Հայաստանին»²:

Նույն իրողութիւնը, այսինքն ռազմաճակատից Լոռվա ապստամբների հեռանալը եւ Դրոյի Դիլիջան-Լոռի գործախմբին համալրում է չուղարկելու փաստը իր հուշագրութիւններում հաստատում է նաեւ Հայաստանի Հանրապետութեան պաշտպանութեան նախարար գեներալ Հախվերդյանը³:

Կռիվների ժամանակ Հայկական զորախմբին դիմակայողը միայն վրացական զորքերը չէին: Շրջակայքի թուրք զինյալ հրոսակախմբերը, հիմնականում Բորչալուի թուրքերը, հնարավոր բոլոր միջոցներով օժանդակում էին վրաց զորքերին ու շարունակաբար հարձակումներ գործում Հայկական զինաջոկատների վրա ու խափանում նրանց կապակցող հաղորդակցութեան ուղիները:

Բացի դրանից, վրաց զորքերը Հայկականի համեմատ ունեցել են եւս մի առավելութիւն: Թիֆլիսը ռազմաճակատից բաժանող տարածքի փոքրացումը ավելի մեծ հնարավորութիւն է ընձեռում վրաց հրամանատարութեանը՝ ժամանակին եւ պարբերաբար համալրելու իր բանակի մարտաշարքերը:

Ջարմանքի ու հիացմունքի էին արժանի հայ զինագնդերն ու նրանց հրամանատարը: Դեռեւս ոչ մի համալրում չստացած ընդա-

մենը 5000-անոց կիսասովյալ զորաբանակը, որի շարքերը նախորդ մարտերում արդեն զգալիորեն նոսրացել էին, փաստորեն միայնակ մարտնչում էր Վրաստանի Հանրապետութեան ողջ ռազմական ուժերի դեմ եւ, որպէս օրենք, գրեթե բոլոր մարտերը նշանավորում էր հաղթանակով: Այս առումով ուշագրավ է ու պերճախոս «Ձանգ»-ում տեղ գտած թղթակցութիւնում հայկական ու վրացական զորքերին եւ նրանց վիճակը ներկայացնող բնութագիրը:

Թղթակցութեան բնութագրմամբ, վրաց զորքերը բացի գերազանց զինվածութիւնից ու քանակական գերակշռութիւնից, Դիլիջան-Լոռի գործախմբի համեմատութեամբ ունեցել են նաեւ հետեւյալ նպաստավոր պայմաններն ու առավելութիւնները. «...թիկունքի մօտ լինելը, առատ ռազմամթերքը, տաք հագուստը, լաւ պարեմաւորման միջոցներն ու դիւրութիւնները, զրամների առատութիւնը, եւ վերջապէս այն երկարատեւ հանգիստը, որ վայելել է վրաց զորքը հանգէպ մերի: Մեր զորքերի ներկայ յաջողութիւնները կարելի է բացատրել միմիայն հերոս ու տոկուն զորքերի յատկութիւններով, եւ իրօք, մեր զորքը հերոս զորքերից է, մանաւանդ երբ նկատի ենք առնում այն մեծ զրկանքները, որ նա կրում է»¹:

Հայկական զորքին տված այդ բնութագրին, անկասկած, պիտի գումարել նրան առաջնորդող հրամանատարութեան, սպայական կազմի մարտական գերազանց պատրաստվածութիւնն ու կռիվների ժամանակ առավել կենսունակ եւ գործող մարտավարութեամբ առաջնորդվելու կարողութիւնը:

Ըստ Հայաստանի կառավարութեանը գեներալ Սիլիկյանի ներկայացրած դեկտեմբերի 26-ին թվագրված հեռագրի. դեկտեմբերի 25-ին ժամը 2-ին վրաց հրամանատարութիւնը Շուլավերից Աշաղա-Սարալի բնակավայրի մոտ գնացքից իջեցնում է 1500 զինվորներ եւ հրետանային մի դասակի կրակի աջակցութեամբ գրոհում է գնդապետ Կորուկովի գնդի վրա:

«Մեր մասերը, - հաղորդում է գեներալ Սիլիկյանը, - կանգնեցրին յարձակումը, իսկ 7-րդ բատարէայի վզվողը սուր կրակով ջարդեց թշնամու հրետանին եւ ցրեց հետեակներին»²:

Այդ օրը վիրավորվում է նախորդ կռիվներում իրեն քաջաբար դրսեւորած գնդապետ Կուռո Թարխանյանը:

Գեներալ Սիլիկյանի տվյալներով՝ «Առ դեկտ. 26-ին մեր զորքերը վրացիներից առել են 48 սպայ, 882 զինւոր, 3 բժիշկ, 17 թնդանօթ,

¹ «Չայրենիք» ամսագիր, 1957, թիւ 2, էջ 10:

² Հովհաննիսյան Ռ. Հայաստանի Հանրապետություն, Երեւան, 2005, էջ 125-126:

³ Տե՛ս ՀԱԱ, ֆ. 45, ց. 1, գ. 32, թ. 9:

¹ «Ձանգ» 1918, դեկտեմբերի 29:

² Նույն տեղում:

39 գնդացի, 600 հրացան, 12 շոգեմեքենայ, 4 կիսափչացած զրահապատ գնացք (նկատի ունի նաև գեներալ Մուկուկիճեի սալոն-վագոնը-Ն. Գ.), 48 արկղ ուումբ, 49 հեռախոսային գործիք, շատ փամփուշտ, հագուստեղէն, ուտելիք և ուրիշ իրեր»¹:

Նույն հեռագրում գեներալ Մ. Միլիկյանը հաղորդում է. «Մեր զորքերի տրամադրությունը շատ բարձր է: Թէ՛ զինւորները և թէ՛ ժողովուրդը կուտան են քաջութեամբ և իրենց գործի լիակատար գիտակցութեամբ»²:

Ճիշտ է, մարտական գործողություններն անմիջականորեն գեներալ Մ. Միլիկյանը չէր ղեկավարում, սակայն հայկական զորքերի ընդհանուր հրամանատարը նա էր և պիտի ընդունել, որ նրա վկայակոչած տվյալներն ավելի հավաստի են:

Դեկտեմբերի 27-ին Թիֆլիսից Լոռի են մեկնում Անգլիայի ու Ֆրանսիայի դիվանագիտական ներկայացուցիչներ գեներալ Միլը և գնդապետ Շարդինին: Դաշնակիցների ներկայացուցիչներին հայկական պատվիրակության և Լոռի-Դիլիջան գորախմբի կողմից դիմավորում են գեներալ Ղորղանյանն ու կապիտան Պուազեբարը³:

Մեկ օր անց՝ դեկտեմբերի 28-ին, անգլիական կապիտան Դրզլեզ Վիցերիսի գլխավորությամբ Ղարաքիլիսա է հասնում 2 անգլիացի, 1 ֆրանսիացի ու 1 վրացի սպաներից բաղկացած հանձնախումբը և հայկական հրամանատարությանն է հանձնում անգլիացի Ռայկրորֆտի, ֆրանսիացի Շարդինի և Ժորդանիայի ստորագրությամբ վավերացված, մայիսի 25-ին Թիֆլիսի խորհրդակցությունում ընդունած որոշումը, որի ընդունման կապակցությամբ, ինչպես արդեն նշվել է, իր բողոքն ու անհամաձայնությունն էր ներկայացրել Վրաստանի կառավարությանը առընթեր շէ գործերի հավատարմատար Արշակ Զամալյանը⁴:

ՀՀ կառավարության հանձնարարությամբ՝ Ղարաքիլիսայում նրանց դիմավորել են ՀՀ կառավարության պատվիրակության նախագահ Մ. Հարությունյանն ու գեներալ Ղորղանյանը:

Հանձնախմբի ժամանումը ռազմաճակատ դեռևս որևէ էական ազդեցություն չի գործում այնտեղ ծավալվող մարտական գործողությունների վրա: Ճիշտ հակառակը, դեկտեմբերի վերջերին վրացական զորքերի նոր հրամանատար, գեներալ Մազնիելը, համալրելով ու կարգի բերելով նախորդ մարտերում ջախջախված զորագնդերը, դիմում է մարտական ակտիվ գործողությունների:

Վերջին կռիվների նախօրերին «Զօր. Մազնիելի յետագայ յայտարարությունների համաձայն, վրացիները ամբողջ հայկական ճակատի վրայ ունէին 8000 կուռուղներ»¹:

Այժմ արդեն վրացական զորքերն ավելի քան կրկնակի քանակական գերակշռություն ունեին հայկական զորախմբի նկատմամբ:

Դեկտեմբերի 27-ին վրացական զորքերը, օգտագործելով իրենց քանակական գերակշռությունը, հարձակում են ձեռնարկում երկու գլխավոր՝ Շուլավերի և Սադախուլուի ուղղությամբ: Այս անգամ վրացական հրամանատարությունը լիահույս էր, որ իրենց գերակշռող ռազմական ուժերին ի վերջո կհաջողվի խորտակել անընդմեջ մարտերում հոգնած ու զգալի կորուստներ կրած և առայժմ ոչ մի համալրում չստացած հայկական զորախմբի դիմադրությունն ու հաղթական վերջակետ կղնի պատերազմին: Ընդամին, վրացական կողմին առավելագույնս օգնելու ու աջակցելու նպատակադրությամբ իրենց գործողություններն ավելի են ուժեղացնում Բորչալուի թուրքական ընկավայրերի զինյալ հրոսակախմբերը:

Գեներալ Մազնիելը, ունենալով զորքերի քանակական գերակշռություն և թուրք հրոսակախմբերի աջակցությունը, փորձում է չղաղարող անընդմեջ գրոհներով վճռական գերակշռություն ձեռք բերել ռազմաճակատի մերթ այս, մերթ այն հատվածում, սակայն ամենուրեք հայ զինվորների խիզախ հակահարվածները ձախողում են վրաց զորահրամանատարի ձեռնարկումները: Ռազմաճակատի բոլոր հատվածներում հայ զինվորները մարտնչել են աննահանջ, անձնուրաց համառությամբ ու խիզախումով:

Արժանվույնս գնահատելով պատերազմում հայկական զորքերի դրսևւորած խիզախությունը՝ Հովհաննես ավ. քահանա Հաճյանը նշում է. «...հակառակ թշնամու ուժերի խիստ գերակշռութեան և հայկական զորքերի չափազանց յոգնածութեան ու սակաւութեան, հայկական բանակը ճիշտ որ հրաշքներ գործեց, շնորհիվ իր փորձած հրամանատար Դրօի, այնքան նւիրւած ճակատապետների և հայրենասէր զինւորների»²:

Վրաց հրամանատարությունը վերջին կռիվների ժամանակ առանձնակի ուշադրություն է դարձրել ու կարեւորել Շուլավերի բարձունքները, քանի որ տեղանքի վրա գերիշխող դիրք ունեցող բարձունքներից ավելի հարմար էր հարձակումը զարգացնել դեպի

¹ Նույն տեղում:

² Նույն տեղում:

³ Տե՛ս նույն տեղում:

⁴ Տե՛ս Վրացեան Ա., Գայաստանի Գանրապետութիւն, էջ 225:

¹ Նույն տեղում:

² Յովհ. ավ. քահանա Գաճեան, նշվ. աշխ., էջ 127:

Սադախլու: Շուկավերի բարձունքներից ձեռնարկվող հարձակումով Սադախլուն գրավելու համար վրաց զորքերը պիտի ապահովվեին իրենց թիկունքի անվտանգությունը: Քանի որ Շուկավերը զուտ հայաբնակ մեծ գյուղ էր եւ բազմիցս զգացել էր վրացական կողմի բռնությունները, ուստի չէր բացառվում, որ կռիվների ժամանակ գյուղի զինված խմբերը եւ այնտեղ գտնվող հայկական զորամասը հարվածեին դեպի Սադախլու առաջացող վրացական զորքերի թիկունքին: Նկատի ունենալով այդ հանգամանքը, վրաց հրամանատարությունը ավելի է ուժեղացնում Շուկավերի մերձակայքում կենտրոնացած իր զորամասերը:

Շուկավերի շրջանում կենտրոնացնելով 3500 զինվոր՝ գեներալ Մազնիեւը 12 թնդանոթներից տեղացող կրակի աջակցությամբ գրոհում է գնդապետ Կորոլկովի զորամասի վրա: Չնայած հակառակորդի քանակական ու կրակային կրկնակի գերակշռությանը՝ գնդապետ Կորոլկովի զորամասը, դեկտեմբերի 26-ից սկսած, չորս օր շարունակ մեծ կորուստներ հասցնելով վրաց զորքերին, հաջողությամբ հետ է մղում գրոհները:

Զկարողանալով հաղթահարել գնդապետ Կորոլկովի զորամասի դիմադրությունը՝ գեներալ Մազնիեւը փոխում է ճակատամարտը շարունակելու մարտավարությունը: Վրացական զորքերը պիտի հարձակվեին հայկական զորքերի կենտրոնի՝ գնդապետ Տեր-Նիկողոսյանի զորամասի վրա եւ հրանոթային հզոր կրակի աջակցությամբ խորտակեին նրա պաշտպանությունը, ապա գրոհեին ռազմաճակատի թեւերում դիրքավորված զորամասերի վրա: Համաձայն վրաց հրամանատարության մշակած մարտավարության՝ հայկական զորքերի կենտրոնի պարտության հետեւանքով դժվարին իրավիճակում պիտի հայտնվեին նաեւ թեւերում մարտնչող գնդապետ Կորոլկովի ու Իշխանյանի գլխավորած զորամասերը¹:

Նույն օրը՝ դեկտեմբերի 27-ին, վրացական զորքերը հարձակվում են գնդապետ Տեր-Նիկողոսյանի զորամասի վրա: Եթե գնդապետ Կորոլկովի զորամասը կարողանում է գրեթե անկորուստ հետ մղել հակառակորդի բազմիցս կրկնվող հարձակումները, ապա գնդապետ Տեր-Նիկողոսյանի զորամասը չդիմանալով վրաց զորքի գրոհին, հարկադրված նահանջում է Շուկավերի հյուսիսային կողմը, դրանով ծանր կացության մատնում ուսմաճակատի թեւերում գտնվող զորամասերին:

Գնդապետ Կորոլկովի զորամասը, ավելի հարմար դիրք գրավելու նպատակով, զուտ մարտավարական նկատառումով, կռվելով նա-

հանջում է: Միաժամանակ, վրաց զորքերը Բորչալուի թուրքական հրոսակախմբերի աջակցությամբ հարձակվում են գնդապետ Իշխանյանի զորամասի վրա: Հայկական զորքերը՝ օգնական ուժեր չստանալով, առանց խուճապի, հետ մղելով հակառակորդի անընդմեջ ձեռնարկվող գրոհները, նույնպես նահանջում են:

Ճակատամարտի մանրամասները ներկայացնող ռազմական ամփոփագրի հավաստմամբ՝ «Մեր գլխավոր ոյժերը երեկոեան ամրացան և հիմնաւոր կերպով բռնեցին Գեառուշ-Թափա-Սադախլո բարձունքները: Նահանջը կատարեց կարգապահութեամբ, զինւորների տրամադրութիւնը լաւ է: Մեր զոհերը սպանւած և վիրաւոր 7 սպայ և 200 զինւոր, 3 թեթեւ թնդանոթ: Վրացիները կենտրոնացնում են եկու կէտերում՝ Շուկաւերի տակ մօտ 3500 զինւոր, 12 թնդանոթ և Կալազանի մօտ 600 մարդ: Վերջիններիս են միացել նաև տեղացի թուրքերը»¹:

Վրացական զորքերը մի քանի անգամ գրոհում են Սադախլու կայարանի վրա եւ դեկտեմբերի 30-ին թուրք ամբոխի հետ միասին ներխուժում են Սադախլու, բայց հայ մարտիկները՝ վրացիներից վերջրած զրահագնացքի կրակի աջակցությամբ, փախուստի են մատնում նրանց ու դարձյալ ամրապնդվում Սադախլուում:

Այդ կռիվներում արդյունավետ է գործել զրահագնացքը, որը փոխտեղակալ Սուլթան-Շահի (Բաշ-Ապարանի ճակատամարտում Սուլթան-Շահը հրետանային մարտկոցի հրամանատարն էր՝ Ղ.Գ) հրամանատարությամբ «...յանդուզն յարձակումներ էր գործում եւ ահագին վնաս պատճառում հակառակորդին»²:

Հայ-վրացական պատերազմը մոտենում էր իր վախճանին: Ո՞վ պիտի նվաճեր հաղթանակը հարյուրամյակներ շարունակ միմյանց հարեւանությամբ ապրող երկու ազգերի միջեւ բռնկված պատերազմում:

Դրոն իր մարտական հարուստ կենսագրությամբ արդեն բազմիցս ապացուցել էր, որ ճակատամարտերում հաղթելու անհրաժեշտ պայմանը բոլորովին էլ զորքի թվական գերակշռությունը չէ, իսկ մարտերի ընթացքում սուկ պաշտպանվելը, թեկուզ եւ հաջողությամբ, երբեք նրա դավանանքը չի եղել: Պատերազմելու նրա տարերքը սրընթաց հարձակումն էր եւ անսպասելի ու հուժկու հարվածները:

Դեկտեմբերի վերջերին ծավալված կռիվներում հաջողությամբ հետ մղելով վրաց զորքերի գրոհները՝ նա դարձյալ մտածում է նոր հարձակում ձեռնարկելու մասին: Հարկ է խոստովանել, որ Հայաս-

¹ Տե՛ս «Ձանգ» 1918, դեկտեմբերի 29:

¹ Նույն տեղում:

² Վրացեան Ա., Հայաստանի Հանրապետութիւն, էջ 227:

սահմանափակ էին, ուստի գրոհները պիտի զարգացնեին ավելի առաջ ու վճռական: Հաղթանակի դեպքում բացվելու էին Թիֆլիս տանող ուղիները:

Հայ-վրացական պատերազմում տեղի ունեցած մարտական գործողությունների, առանձին դրվագների, մասնավորապես վերջին՝ դեկտեմբերի 31-ի կռիվների վերլուծությունն ու նկարագրությունն առավել ամբողջական իր հեղինակած «Հայաստանի Հանրապետութիւն» աշխատությունում ներկայացնում է Ս. Վրացյանը: Բոլոր այն հեղինակները, ինչպես նաև տողերիս հեղինակը, ովքեր անդրադարձել են Հայ-վրացական կռիվների վերլուծությանն ու նկարագրությանը, գլխավորապես օգտվել են հենց Ս. Վրացյանի «Հայաստանի Հանրապետութիւն» գրքի «Պատերազմ եւ Հաշտութիւն» գլխում տեղ գտած նյութից: Ավելորդ կրկնաբանություններից խուսափելու համար նպատակահարմար ենք գտնում ներկայացնել այդ ճակատամարտի վերջնամասի նկարագրությունն ամբողջությամբ:

Ճակատամարտը իր մտահղացած մարտավարությամբ ծավալելու համար Դրոն զորամասերին տվել է հետեւյալ հրամանը. «Աջ թեւը, ժամը 2-ին, սկսում է յարձակումը, գրաւում 2660 բարձունքը եւ, եթէ ձախ թեւը առաջանայ յաջողութեամբ, Մամայում կապոււմ նրա հետ: Կենտրոնական զորամասը՝ զարնում է ճակատից եւ զբաղեցնում Սաղախլուի թշնամուն: Ձախ թեւը շարժւում է կենտրոնի հետ միաժամանակ եւ գրաւելով Սիոն-Դամիա շրջանը՝ Ամայում միանում է աջ թեւին: Այսպիսով թշնամին առնւելու էր օղակի մէջ եւ ջախջախւելու:

Սակայն ճակատամարտը տեղի է ունենում նախատեսվածից մի քիչ տարբեր ձեւով: Հեռախօսային կապ չլինելու պատճառով Կորովովը մի քանի ժամ ուշ ստացաւ հրամանը, եւ նախաձեռնութիւնը նրա ճակատում անցաւ թշնամու ձեռքը: Ժամը 8-ին վրացիները, սպայական գումարտակի գլխաւորութեամբ, դիմեցին ուժեղ յարձակման, Գիւլ-Գագիի մօտ պատուեցին մերոնց շղթան եւ շարժեցին դէպի Գեղեք-Բուռուն լեռը: Ժամը 1-ին թշնամու առաջխաղացման մասին լուր ստացւեց զօրամասի սպայակույտում, եւ Դրոն շտապեց պահեստից օգնութեան հասցնել 2-րդ գնդի 2-րդ գումարտակը, որը կանգնեցրեց վրացիների արշաւը:

Ժամը 2-ին ուժգին յարձակման անցաւ 6-րդ գունդը՝ շարժելով դէպի 2660 բարձունքը: Կենտրոնական ճակատից անընդհատ տեղեկութիւններ էին ստացւում, որ վրացիները 2600 բարձունքի կողմից, Մամայից ու Դամիայից Սաղախլու էին քաշում իրենց ուժերը եւ

շարժւում դէպի Գիւլ-Բաղի: Եւ որովհետեւ ձախ թեւը չէր շարժւում, Դրոն հրամայեց աջ զօրասիւնին ցոյց տալ վճռական գործունէութիւն եւ մի զօրասիւն ուղարկել դէպի Սաղախլու՝ Գիւլ-Բաղի ուղղութեամբ վրացիներին թիկունքից հարվածելու համար:

6-րդ գունդը յառաջացաւ երկու թեւով. մէկը 1-ին գումարտակ՝ Գիւնաչ-Թափայից 2660 բարձունքի լանջերով շարժեց դէպի Համբալու եւ Սաղախլու: 6-րդ լեռնային մարտկոցի 2 թնդանօթ կրակ բաց արին Սաղախլուի վրա. 2660 բարձունքի վրա դրեց մի պահակ: Միւս գումարտակը գործում էր Քարամուլուի եւ Կաչաղանի շրջանում: Միաժամանակ Սաղախլուի վրա կրակ բաց արեց եւ 7-րդ լեռնային մարտկոցը, եւ 2-րդ գնդի 3-րդ գումարտակը 2702 բարձունքից սկսեց հարակից իջնել դէպի Սաղախլու: Ջրահապատը, առաջ անցնելով, օգնում էր 3-րդ գումարտակի:

Ձախ թեւի վրա շարունակւում էին կատաղի կռիւները, վրացիները տարածւում էին Գեղեք-Բուռունի ուղղութեամբ:

Ժամը 3-ի մօտերը, 6-րդ գնդի 2-րդ գումարտակը սկսեց մոտենալ 2660 բարձունքի կատարին: Վրացիները բաց արին ուժեղ գնդացրային կրակ, բայց մերոնք առաջ շարժեցին գնդակների տարափի տակ՝ պատրաստ անցնելու սւինամարտի: Վրացիները խուսափեցին սւինամարտից եւ ժամը 4 ու կեսին փախան: 2660 բարձունքը անցաւ հայերի ձեռքը, որոնց առաջաւոր մասերը սկսեցին իջնել դէպի Մամայ՝ կտրելով Սաղախլուի ճակատում գործող վրացական զօրամասի թիկունքը: Երեկոեան 6-րդ գնդի ձախ զօրասիւնը գրաւեց Համբալուն, իսկ 2-րդ գնդի 3-րդ գումարտակը ներս խուժեց Սաղախլուի հարաւային մասը:

Գիշերը կռիւը դադարեց: Թիկունքից կտրւած՝ վրացիները կանգնեցին Գիւլ-Բաղի շրջանում եւ սկսեցին կամաց-կամաց յետ քաշել: Մեր ձախ զօրամասը բռնեց բարձունքները Խոժոռնիի, Գիւլ-Բաղի ու Բարդաճորի Գլխին...»¹:

Ինչպես հայտնի է, Սաղախլուի մոտակայքում մղվող այդ ճակատամարտը մնում է անավարտ: Անգլիայի եւ Ֆրանսիայի դիվանագիտական ներկայացուցիչների միջնորդությամբ Հայաստանի եւ Վրաստանի կառավարությունները համաձայնվում են դադարեցնել պատերազմը եւ պարտավորվում սահմանային հարցերը լուծել դիվանագիտական ճանապարհով:

Վ. Փափազյանի գնահատմամբ՝ «Կարճ միջոցի մէջ, Դրոն յաջողեցաւ-հակառակ անոր որ վրացիները գրահաւոր գնացքներ բերած էին ճակատէն-Նոսիի եւ Ջալալ Օղլուի շրջանէն քշել օտարամուս

¹ Վրացեան Ա., Յայաստանի Յանրապետութիւն, էջ 228:

ուժերը, մօտենալ թիֆլիզ տանող ճամբուն՝ հովտի ելքին եւ Շուլավէր գիւղաքաղաքին: Այդ ատեն էր, որ Կովկաս գտնուող անգլիական զինուորականներու միջամտութեամբ վերջ տրուեցաւ այդ ամօթալի կռիւններուն¹:

Հարց է ծագում. ո՞վ էր հաղթողը այս պատերազմում: Պատերազմող երկու կողմերից յուրաքանչյուրը պնդում է, որ ճակատամարտը շարունակվելու դեպքում հաղթանակն ինքն էր նվաճելու:

Եզրափակելով ճակատամարտի նկարագրութիւնը՝ Ս. Վրացյանը փորձում է տալ այդ հարցի պատասխանը:

«Եւ իրոք, ուշադրութիւն դարձրէ՛ք ճակատամարտի քարտէսինուժերի ի՛նչ տարօրինակ դասակարգութիւն: Հայ-վրացական զօրամասերը խառնել են իրար. վրացիները մտել են խորունկ հայկական շրջանը, հայերը սպառնական անցել են վրացիների թիկունքը: Կը դիմանայի՞ն Կորոլկովի զօրամասերը վրացական գրոհին, կը կարողանայի՞ն վրացիները մաքրել թիկունքը հայկական խուժումից. կը կարողանա՞ր Մազնիեւը տոկալ Դրոյի հարւածին...»²:

Նկատի ունենալով Դրոյի երկաթյա կամքը, ռազմագետի անբասիր կարողութիւններն ու նպատակապացութիւնը, ինչպես նաեւ նրա զորաբանակի մարտական փայլուն պատրաստվածութիւնը, կարգապահութիւնն ու պատերազմը մինչեւ հաղթանակը շարունակելու ձգտումը՝ կարելի է անվարան պնդել, որ նա անպայման կը խաջարի գեներալ Մազնիեւի բանակն ու կզրավեր Վրաստանի մայրաքաղաքը, եթէ չլինեին անգլիացիների ու ֆրանսիացիների միջնորդութիւնները:

Հայ-վրացական պատերազմի մանրամասները ներկայացնող փաստերը վկայում են, որ ռազմաճակատում հայկական զորքերի նվաճած հաղթանակներն ու առաջխաղացումը տազնապալի կացութիւն էին ստեղծում Վրաստանի մայրաքաղաքում եւ Վրաստանի ողջ Հանրապետութիւնում:

Օրինակ, Խորեն Ռահանյանը (ամերիկահայ կամավոր զինվոր: Մարտնչել է Անդրանիկի 1-ին կամավորականի շարքերում, ապա եղել է Սեբաստացի Մուրադի զորախմբում եւ մասնակցել Երզնկայի, Էրզրումի, Սարիղամիշի մարտերին-Հ. Գ.): Հայ-վրացական կռիվների ժամանակ գտնվելով թիֆլիսում՝ ձեռքակալվում ու տեղափոխվում է Քութայիսի բանտը-Հ. Գ.) իր բանտային հուշերում անգրագառնալով Հայ-վրացական կռիվներին, ներկայացնում է հետեւյալ ուշադրով փաստը. «Գիշերը չէինք կրնար քնանալ, կառքերու ճունճիւններուն եւ բանտին անտանելի մթնոլորտին պատճառով: Օր

մը հարցուցինք պահակ Սրիկին. թէ այդ ի՞նչ ձայներ էին գիշերնեւրը: Պատասխանեց թէ վրացիները իրենց մայրաքաղաքը հոս կը փոխադրէին, «որովհետեւ ձեր Դրօն շատ զոռ կընէ եւ թիֆլիսը իյնալու վտանգի տակ է»:

Նույն օր բանտ եկան երկու բժիշկ, հայ թարգման մը եւ երկու սպաներ ու ըսին, թէ հաշտութիւն կար եւ թէ հայերու եւ թէ վրացիներու միջու կազմուած էր չեզոք գոտի»³:

Պրոֆեսոր Ռիչարդ Հովհաննիսյանը, վկայակոչելով հայ-վրացական պատերազմին վերաբերող հետեւյալ վիճակագրական տվյալները, համաձայն որի «...հայերը ավելի քիչ կորուստներ էին ունեցել, քան վրացիները եւ տվել էին հարյուրից պակաս զերիներ, մինչդեռ գրավել էին 2 զրահագնացք, մոտ 75 գնդացի, 200 բռնված ապրանքատար վագոն եւ գերել էին ավելի քան հազար վրացական զինվոր», ընդհանրացնում է. «Բայց անգամ այս թվերը թեեւ գալիս են ծխտելու վրացական պարծենկոտութիւնը ջախջախիչ հաղթանակի մասին, ինքնրատինքյան, չեն ապացուցում հայերի վճռորոշ հաղթանակը»²:

Ռ. Հովհաննիսյանը՝ ի ապացույց հայկական գեներալապետութեան, մեջբերում է անգլիացի մի թղթակցի եւ հեղինակի հետեւյալ խոստուն խոստովանութիւնը. «... ինքը Կովկաս էր գնացել հայերի խոստուն «առհասարակ եւրոպական նախապաշարումներով լցված» եւ այդպիսով, կիսով չափ հակված հավատալու այն ցինիկ տեսակետին, որ «Հավանաբար, աստվածային նախախնամութեամբ հայերը նախասահմանված են կոտորվելու համար», պնդում է, որ բրիտանական զինվորական իշխանութիւնները փրկեցին 1918թ. դեկտեմբերին եւ, ի զարմանս նրանց, ովքեր կարծում էին, թե հայերը փողամուկների այլասերված ցեղ են, փախուստի մատնեցին վրացիներին եւ, թերեւս, կզրավեին թիֆլիսը՝ վրացական մայրաքաղաքը, եթէ դաշնակիցները չմիջամտեին»³:

Մի ուշադրով փաստարկ եւ արժեւորում այդ հարցի լուսաբանման վերաբերյալ. հայկական պատմական տարածքների, այս պարագայում Բորջալու գավառի Լոռվա շրջանի համար մղված միանգամայն օրինական եւ անհրաժեշտ պայքարը խորհրդահայ մի շարք պատմաբանների կողմից որակվել է որպես Հ. Յ. Դաշնակցութեան կողմից հարեւան երկրների տարածքների նկատմամբ դրսեւորած նվաճողական քաղաքականութիւն:

¹ «Հայրենիք» ամսագիր, 1966, քի 50, էջ 63:
² Հովհաննիսյան Ռ., Եզվ. աշխ., էջ էջ 127:
³ Նույն տեղում:

¹ Փափագեան Վ., Իմ յուշերը, հ. 2, էջ 496:
² Վրացեան Ս., Հայաստանի Հանրապետութիւն, էջ 228:

ցական պատերազմը կասկած չի թողնում մի բանում, այն, որ Դրոն իր վրա դրված պարտականությունը կատարեց փայլուն կերպով¹:

Բնականաբար հարց է ծագում. ինչպիսի՞ր ճակատագրի կարժանանար Լոռին, եթե Դրոյի զորաբանակին չհաջողվեր շրջանը մաքրել վրացական զորքերից: Մեր պատմությունը արդեն տվել է եւ տալիս է այդ հարցի միանշանակ պատասխանը: Եթե հայկական զորաբանակին չհաջողվեր Լոռին մաքրել վրաց զորքերից, ապա այն անխուսափելիորեն կարժանանար Արցախի ճակատագրին եւ նրա նմանողությունը մինչեւ օրս կռվածադիվ կղառնար Հայաստանի եւ Վրաստանի միջեւ:

Կարելի է աներկբա պնդել, որ եթե հայկական Լոռին այսօր գտնվում է Հայաստանի կազմում, ապա այդ գործում չափազանց մեծ են հայ-վրացական պատերազմում հակառակորդի մարտական ուժերին քանակական առումով, զինվածությունը եւ սննդամթերքի ու հանդերձանքի մատակարարմամբ զգալիորեն զիջող եւ անասելի դժվարին պայմաններում հերոսաբար մարտնչած Դրոյի եւ նրա գլխավորած քաջարի սպաների ու հայ զինվորների, հիրավի, անգնահատելի ծառայությունը:

Արժանվույնս գնահատելով հայ-վրացական «անմիտ, խելացնոր, բայց անխուսափելի կռիվներում» (Ս. Վրացյանի գնահատականներն են - Ն.Գ.) Դրոյի ծառայությունը՝ Ս. Վրացյանը գրում է.

«Դրոն այդ օրերին իսկապէս հանճարեղ ռազմագէտի հմտութիւն երեւան բերեց, որ յարգանք պարտադրեց նոյնիսկ թշնամուն: Ես յիշում եմ Երեւան գերի բերուած մի քանի տասնեակ վրացի սպաներին եւ բարձրաստիճան զինուորականներին ի պատիւ տրուած մի ճաշկերոյթի Հայաստանի սպարապետութեան կողմից: Այդպիսի բաներ էլ հնարաւոր էին դեռ, որ պատերազմի միջոցին, գերի զինուորականութեան ի պատիւ ճաշկերոյթ տրուի: Իրենց բարձր յատուկ վրացի գերիների լեզուները արագ բացուեցին եւ գինու հետ միասին սկսեցին հոսել նաեւ բաժակաճառերը: Պերճախոս զինուորականներից մէկը ասաց. - Ես առաջարկում եմ խմել տաղանդաւոր եւ վեհանձն զօրահրամանատար Դրոյի կենացը: Ես առաջարկում եմ խմել Հայ եւ վրացի եղբայրական ժողովուրդների կենացը»²:

Արժանվույնս գնահատելով Դրոյի ավանդը հայ-վրացական պատերազմում՝ Երեւանի Ազգային խորհրդի անդամ Ա. Աստվածատ-

րյանը գրում է. «Հայ-վրացական պատերազմը կասկած չի թողնում մի բանում, - այն՝ որ Դրոն իր վրայ դրուած պարտականութիւնը կատարեց փայլուն կերպով»¹:

Ավարտվում է հայ-վրացական պատերազմը եւ Ս. Վրացյանի արտահայտվածը՝ «Խոսքը անցնում է քաղաքագետներին»:

Զինադադարի հաջորդ օրը հայկական հաշտարար պատվիրակությունը մեկնում է Թիֆլիս, ուր հունվարի կեսերին բացվում է հայ-վրացական խորհրդաժողովը: Վրացիների կողմից խորհրդաժողովին մասնակցել են Ե. Գեգեչկորին, Ն. Ռամիշվիլին, Սարախտարաշվիլին եւ գեներալ Գեղեւանովը, իսկ հայկական պատվիրակությունը ներկայացրել են Մ. Հարությունյանի գլխավորած Ղարաքիլիսայի պատվիրակությունն ու գեներալ Ղորղանյանը: Խորհրդաժողովում քննարկվել են ոչ միայն պատերազմին ու հաշտության, այլեւ երկու երկրների փոխհարաբերություններին վերաբերող կարեւոր խնդիրները: Խորհրդաժողովը շարունակվել է մոտ երեք ամիս եւ ինչպես որ սպասվում էր, այնտեղ ծավալված վիճաբանությունների գլխավոր նյութը եղել է սահմանների հարցը²:

Ս. Վրացյանի գնահատմամբ՝ վրացական կողմը դիտավորյալ ձգձգել է խորհրդաժողովի աշխատանքները: Քաջատեղյակ լինելով Հայաստանի Հանրապետությունում տիրող ծանրագույն իրավիճակին, վրացական կողմը հույսեր է փայփայել, որ Հայաստանում գնալով ավելի ու ավելի կծանրանա տիրող դժվարին կացությունը, ու հետեւաբար հայ պատգամավորությունը հարկադրված կլինի լինել ավելի զիջող ու կրնդունի իրենց առաջադրած պահանջները:

Վրաց պատվիրակության հույսերը չեն իրականանում: Հասկանալով վրացական կողմի դիրքորոշումն ու հետապնդած նպատակը՝ Հայաստանի կառավարությունը հրահանգում է իր պատվիրակությունը մինչեւ մարտ վերջացնել բանակցությունները եւ վերադառնալ Երեւան: Խորհրդաժողովի աշխատանքները ընդհատվում են, բայց փետրվարի 28-ին վերսկսվում ու ընդունվում են մի քանի որոշումներ³:

Խորհրդաժողովի ընդունած որոշումներից պիտի առանձնացնել. 1. երկու հանրապետությունների փոխադարձ անկախությունների ճանաչման եւ դիվանագիտական հարաբերությունների վերականգման դաշինքը: Բացվում է Բաթում-Երեւան երկաթուղու շրջափակումը, եւ օրեր անց Հյուսիսային Կովկասից գնացքները Հայաստան

¹ Նույն տեղում:

² Վրացեան Ս., Կեանքի ուղիներով, 1965, հ. Դ, էջ 186:

¹ «Յայրենիք» ամսագիր, 1957, թիւ 2, էջ 11:

² Տե՛ս Վրացեան Ս., Յայաստանի Յանրապետութիւն, էջ 237:

³ Տե՛ս Նույն տեղում:

են հասցնում Անտանտայի երկրների, գլխավորապես ԱՄՆ-ի կառավարության կողմից հայ ժողովրդին տրամադրած այլուրի ու աննդամթերքի այլ տեսակների բեռները, որոնք այդ օրերին փրկարար նշանակություն ունեին Հայաստանի Հանրապետությունում հանգրվանած բազմահազար գաղթականության ու հատկապես որբ եւ անապաստան երեխաների համար:

Լոռվա վիճելի շրջանը հայտարարվում է չեզոք գոտի, եւ մշակվում է Լոռիի չեզոք գոտու վարչություն առանձին կանոնագիր: Այդ ճանապարհով լուծվում են քրիստոնյա հարեւանի հետ ունեցած վիճելի հարցերը¹:

Լոռվա չեզոք գոտու ընդհանուր կոմիսարը, որը պիտի լինե՞ր արտակարգ լիազորություններով օժտված դաշնակիցների սպաներից որեւէ մեկը, որը ունենալու էր հայ եւ վրացի մեկական օգնական:

«Չեզոք գոտին, գրում է Ռիչարդ Հովհաննիսյանը, որն ընդգրկում էր Ալավերդու հարուստ պղնձահանքերը, 43 գյուղ՝ գերազանցապես հայկական, և երկաթուղու մոտավորապես 30 մղոնանոց հատված՝ 6 կայարաններով, բաժանվեց Ուզունյարի, Վորոնցովկայի և Ալավերդու շրջանների: 13 գյուղախմբեր ընդգրկող երեք շրջաններից յուրաքանչյուրը պետք է ունենար տեղացի կոմիսար: Արդեն վճռված էր, որ հրաձգային բրիգադի 4-րդ գումարտակի կապիտան Ա. Շ. Ջ. Դուգլասը պաշտոնավարելու էր որպես Դաշնակիցների ընդհանուր կոմիսար»²:

Նորհրդաժողովում քննարկվել է նաեւ Ախալքալակի խնդիրը:

Ըստ Ռ. Հովհաննիսյանի հայկական պատվիրակությունը ծայրաստիճան զեկամությունը, անուամենայնիվ, համաձայնվել է, որ «...Վրաստանի երկու հետեւակ վաշտերի ժամանակավոր տեղակայմանը Ախալքալակում, բայց միայն այ պայմանով, որ շրջանը դրվի Դաշնակիցների (նկատի ունեն Անտանտի տերություններին-Հ. Գ.) հսկողության տակ և երաշխավորվի հայերի մասնակցությունը: Փոխգնդապետ Ալան Ռիչին պաշտոնավարելու որպես բրիտանական զինվորական ներկայացուցիչ»³:

Պատերազմն ավարտվեց, բայց արդյունքը՝ Լոռին որպես չեզոք գոտի, Հայաստանի համար այնքան էլ գոհացուցիչ չէր, այն անկասկած կարող էր ավելի ակնառու լինել: Այս առումով կարելի է միանգամայն ընդունել Արտաշես Բաբայանի հետեւյալ տեսակետի իրավացիությունը. «Դժբախտաբար, անգլիական նորեկ իշխանութեան

միջամտութեամբ, դեկտեմբերի 31-ին վերջ տրուեց պատերազմին մեզ համար ոչ ձեռնտու պայմաններով:

...Դժբախտութիւն էր մեզ համար, որ ա՛յնքան վճռական ըուպէին Արամը հիւանդ էր եւ անկարող եղաւ մասնակցել գործին:

Մենք նպատակ ունէինք գրաւել Լոռին մինչեւ Նրամ գետը, որ համարում էինք մեր սահմանը Վրաստանի հետ:

Բայց յոխորտացող թշնամուն վերջնականապէս պատժելու համար ի վիճակի էինք գրաւել Թիֆլիսը, եթէ կառավարութեան գլուխը անշարժ եւ վեհերոտ չլինէր»¹:

Չգոհանալով հայ-վրացական կռիվների արդյունքում հայկական կողմին բաժին հասած փաստական նվաճումներով՝ Արտաշես Բաբայանը, այնուամենայնիվ, որպես դրական, շահավետ երեւույթ նշում է. «...երկու շաբաթ տեւող պատերազմը ունեցաւ իր բարերար հետեւանքները-ճանապարհները բացուեցին, եւ այլուր անարգել սկսաւ տեղափոխուել Հայաստան: Վերջ գտան բոլոր կարգի ստոր խախտումները եւ Հայաստանը տրանզիտի իրաւունք ստացաւ Վրաստանի վրայով»²:

Այսուհանդերձ, եթե ըստ ամենայնի ու անաչառ գնահատենք հայ-վրացական պատերազմում հայկական զորքերի ձեռք բերածը, ապա անտարակույս պիտի հաշվի առնել երկրում տիրող իրական կացությունը՝ սովը, տիֆն ու համաճարակը եւ այդ ամենին գումարած բազմահազար սովյալ ու անօթեւան գաղթականության առկայությունը: Միայն այն փաստը, որ հայկական զորքերը կարողացան հաշված օրերի ընթացքում ջախջախել ռազմական հազեցվածությունը եւ քանակապես իրեն զգալորեն գերազանցող հակառակորդին ու Լոռվա ողջ տարածքը մաքրել վրաց զորքերից, կարելի է անվարան պնդել, որ հայկական զորքերը հայրենիքի ու բովանդակ հայրենիքի հանդեպ կատարել են մեծագույն ու անգնահատելի ծառայություն:

¹ Տե՛ս Ուոյն տեղում, էջ 238:

² Դովհաննիսյան Ռ., Եղվ. աշխ., էջ 130:

³ Նույն տեղում, էջ 129:

¹ Բժ. Ա. Բաբայան, Եղվ. աշխ., էջ 26:

² Նույն տեղում:

**4.2. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆՆԵՐԻ
ԸՆԴԱՐՁԱԿՈՒՄԸ, ՄԱՀՄԵԴԱԿԱՆ ԲՆԱԿՉՈՒԹՅԱՆ
ՁԻՆՎԱԾ ԵԼՈՒՑՔՆԵՐԸ**

Հայ-վրացական պատերազմի ավարտից մի փոքր անց Հայաստանի իշխանությունները ձեռնամուխ են լինում լուծելու հանրապետության համար նոր, կենսական նշանակություն ունեցող խնդիրներ, որոնց իրագործմանը դարձյալ իր գործուն մասնակցությունն է բերում ռազմադաշտից նոր-նոր դուրս եկած եւ դեռեւս կռիվների ծանրությունը չթոթափած Դրոն:

Հանրապետության համար անասելի դժվարին ժամանակում Երեւանյան զորախմբի հրամանատար Դրոն կառավարության որոշումով նշանակվում է զինվորական նախարարի օգնական: Այդ նշանակումը պատահական չէր:

Նախ, երկիրը շրջապատված էր թշնամական պետություններով, որպիսիք էին Թուրքիան, Ադրբեջանը, իսկ Վրաստանի հետ պատերազմը դեռ նոր էր ավարտվել: Հանրապետության կայացման համար նախ եւ առաջ անհրաժեշտ էր կազմակերպված, մարտունակ բանակ: Բանակի կազմավորման գործում նկատելի հակասություն եւ անհանդուրժողականություն էր նկատվում ռուսական բանակի բովով անցած կադրային զինվորականության եւ ոչ կադրային ռազմիկների միջեւ, որոնք ծնունդ էին հայոց ազգային-ազատագրական պայքարի եւ սկսած 1905-1906 թթ. հայ-թուրքական (թաթարական) ընդհարումներից մինչեւ Հայաստանի Հանրապետության հռչակումը մշտապես գտնվելով մարտադաշտի ամենաշիկացած տեղերում՝ ձեռք էին բերել մեծ փորձառություն:

Քննադատատաբար վերլուծելով Հայաստանի նորաստեղծ հանրապետության կյանքում, մասնավորապես ՀՀ զինված ուժերի համակարգում տեղի ունեցող առավել արմատական նշանակություն ունեցող իրադարձությունները՝ պրոֆեսոր Ռիչարդ Հովհաննիսյանը գրում է. «Բանակի հրամանատարությունը, որ վարժված էր ավանդական ցարական ռազմական դպրոցին, չափազանց դժվարությամբ էր համակերպվում այդպիսի մի հեղհեղուկ, նորահայտ պետության պահանջմունքներին: Հրամակազմը հայերեն վատ գիտեր, և՛ վարչական աշխատանքում, և՛ վարժական ծրագրերում օգտագործվում էր ռուսերենը...»

Ձեռքի, զինամթերքի և պահեստամասերի պակասը խորացնում էր անառողջ իրադրությունը զինվորականության մեջ: Ավելին, գո-

րակոչվածներն անընդհատ կռիվների մեջ էին գտնվում մահամեղական ապստամբների դեմ և զրկված էին որևէ խաղաղ ընդմիջումից՝ անհրաժեշտ վարժությունների կամ դրանք ավելի արդյունավետ կազմակերպելու համար: Լայնորեն տարածված էր դասալքությունը: Շատ գյուղեր թաքցնում էին իրենց երիտասարդներին կամ բացահայտորեն հրաժարվում էին կատարել նոր զորակոչերի մասին հրամանները¹:

ՀՀ կառավարությունը հանրապետությունում տիրող իրավիճակի թելադրանքով, նկատելի փոփոխություններ է կատարում ոչ միայն կառավարության վարչական կազմում, այլև բանակի հրամանատարության կազմում ու զինվորական աստիճանակազմում: Նկատի ունենալով բանակում տիրող անառողջ մթնոլորտը, ՀՀ կառավարությունը գնդապետ Քրիստափոր Ալավերդյանին բարձրացնելով գեներալ մայորի աստիճանի՝ գեներալ Հախվերդյանի փոխարեն նշանակում է զինվորական նախարար:

Ջուզահեռաբար, Ռ. Հովհաննիսյանի բնութագրմամբ՝ «կոփված պարտիզանական ղեկավար Դրոն մտցվեց կառավարության մեջ՝ որպես զինվորական նախարարի օգնական, այն հույսով, որ այդ գույքը ի վիճակի կլիներ ստեղծել ամրապինդ, կարգապահ, այլև ճկուն հրամանատարություն և նախապատրաստել բանակը այն տեղայնացված անկանոն կռիվներին, որոնց մեջ ներքաշված էր»²:

Ռուբենի դիպուկ բնութագրությունը. «Հայաստանի բանակը ունէր իր արժանիքները գիտական տեսակէտից, բայց ունէր իր թերութիւնները ոգու եւ ազգային տեսակէտից»³:

Դրոն ցեմենտող ուժ էր այդ երկու կարգի զինվորականության ներդաշնակության կայացման գործում:

Հետաքրքիր եւ խոսուն է նաեւ Վահե Արծրունու (1919-1920 թթ. նա ԱՄՆ-ից գալիս է Փարիզ ու աշխատակցում այնտեղ գործող Ավ. Ահարոնյանի գլխավորած ՀՀ պատվիրակությանը, ապա ԱՄՆ-ի ու Անգլիայի դիվանագիտական աշխատանքներին աջակցելու նպատակով ՀՀ կառավարության հանձնարարությամբ գալիս է Հայաստան-Հ.Գ.) հետեւյալ բնութագիրը. «Մեր բարձր սպայութեան մէկ կարեւոր մասը չէր սիրում ժողովրդական խաւերից դուրս եկած, ռազմական արժանիքի հասած, բայց խմբապետ անունով ճանաչած

¹ Յովհաննիսյան Ռ., ԳԶՎ. աշխ., էջ 160-161:

² Նոյն տեղում:

³ Ռուբէն, ԳԶՎ. աշխ., հ. 7, 1979, էջ 331:

դասակարգին: Հակառակ այս ամէնի, սակայն, երբ Հարցը վերաբերում էր խմբապետ Դրոյին, անգամ մեր բաժնի սպայութիւնը, զգուշութեամբ էր նրա անունը բերան առնում...»¹:

Արժանւոյնս դրվատելով նորաստեղծ Հանրապետութեան բանակի կազմակերպման գործում գեներալներ Նազարբեկյանի, Սիլիկյանի, Հախվերդյանի ծառայութիւնները՝ Հայաստանի Հանրապետութեան վարչապետ Ալ. Խատիսյանը շատ բարձր է գնահատում նաեւ Դրոյի եւ Սեպուհի դերը:

«Դրօն, - գրում է Ալ. Խատիսյանը, - թէեւ յեղափոխական գործիչ մըն էր, բայց օժտուած ըլլալով զինուորական խոշոր ձիրքերով, արտակարգ քաջութեամբ եւ ողջամտութեամբ մեր զինուորական շտաբի հեղինակաւոր վարիչներու իսկ վկայութեամբ շատ մեծ եւ դրական դեր մը կատարեց Հայաստանի բանակի ստեղծման եւ կռիւներու մէջ: Դրօն շատ ողջամիտ մարդ էր եւ գիտէր գնահատել զինուորական գիտութիւնն ու արուեստը... նախապաշարուամենք եւ յետին մտքեր չունէր երբեք, եւ կաշխատէր միշտ որեւէ որոշում տալէ առաջ ծանօթանալ զինուորական հեղինակութեանց կարծիքներուն: Դրօն խորապէս հաւատարիմ էր Հայաստանի Անկախութեան գաղափարին, անոր հարազատ էր հայ զինուորը, որուն հետ կապրէր միեւնոյն կեանքով եւ ձգտումներով, կը մօտենար հայ զինուորին, իբրեւ հաւասարը հաւասարին, բայց կրթուած սպաներն ալ շատ կը սիրէին աշխատել Դրօյի հետ, որովհետեւ ան կը գնահատէր զինուորական գիտութիւնն ու պատրաստութիւնը: Իր անձնական քաջութեամբ Դրօն դարձած էր հայ զինուորի կուռքը եւ այդ պատճառով ընդունակ էր անոր հետ հրաշքներ գործելու: Դրօն ծայրահեղութիւններու սիրահար չէր, եւ միշտ ալ չափաւոր կարծիքներ կը պաշտպանէր: Անկասկած՝ Դրօն վարչական խոշոր դիրքեր ալ ունէր, որով ան կրրնար համեմատութեան դրուել Արամի, Կարճիկեանի եւ Մանասեանի հետ»²:

Երկրորդ, Երեւանի սահմանամերձ Ձանգիբասարի (Մասիսի շրջան), Լամարուի (Արտաշատ), Դավալուի (Արարատ), Շարուր-Նախիջեւանի շրջանների թուրք ազգաբնակչութիւնը շարունակում էր զինված ելույթները եւ դատելով դեպքերի զարգացումից՝ որեւէ մտադրութիւն չէր ցուցաբերում կամովին ենթարկվելու Հանրապետութեան իշխանութիւններին:

Երրորդ, երկրի ծայրահեղորեն քայքայված, անկայուն կացութիւնը պարարտ հող էր նախապատրաստել զանազան մարդկանց ու անօջիւնական խմբերի ի հայտ գալուն, որոնք իրենց հակապետակա, թալանչիական ու քայքայիչ գործողութիւններով ապակայունացնում էին Հանրապետութեան առանց այն էլ անմխիթար քաղաքական ու տնտեսական իրավիճակը: Անհրաժեշտ էր ուժեղ ու կարող ձեռք, որպէսզի սանձեր ոչ միայն թուրք բնակչութեան մոլեգնող ելույթները, այլեւ կարողանար կայուն քաղաքական իրավիճակ հաստատել մայրաքաղաքում ու նրա մերձակա շրջաններում եւ դրանով իսկ հող նախապատրաստել Հանրապետութեան խաղաղ վերակառուցման համար:

Դրոն իր ժողովրդականութեամբ, կազմակերպչական տաղանդով եւ նվիրվածութեամբ տվյալ ժամանակահատվածի հայ նշանավոր այն եզակի գործիչներից էր, որը կարող էր մեծագույն պատասխանատվութեամբ կենսագործել այդ դժվարին գործը:

«Դրօն, - գրում է Ս. Վրացյանը, - ամէն տեղ էր եւ պետական բոլոր գործերի մէջ: Նրա անմիջական մասնակցութեամբ կազմակերպուեց բանակը: Իբրեւ Հայաստանի Խորհրդի, ապա՝ Խորհրդարանի պատգամաւոր, նա զինուորական յանձնախմբում գործոն դեր էր կատարում բանակի օրէնքների եւ էլեմուտքի օրինագծերի պատրաստութեան մէջ: Նրա առաջարկով եւ անմիջական գործակցութեամբ հիմնուեց Քանաքեռում սպայական դպրոց: Ամէն անգամ, երբ բանակում ծագում էին դժգոհութիւններ, սպարապետ Նազարբեկեանը դիմում էր նրա խորհրդին եւ աջակցութեան: Ամէն անգամ, երբ երկրի այս կամ այն մասում առաջ էին զալիս բարդութիւններ, կառավարութիւնը օգտւում էր նրա հեղինակութիւնից եւ պատրաստակամութիւնից: Բանակի լաւագոյն սպայութիւնը մտերիմ կապերով կապուած էր նրա հետ: Երկրի երիտասարդութեան շրջանակում նա մեծ հմայք էր վայելում: Բացառիկ ազդեցութիւն ունէր Դրօն եւ նախկին կամաւորների ու մարտիկների վրայ: Իր շէն ու կենցաղագէտ բնավորութեան շնորհիւ: Նա սիրուած էր ամէն տեղ, բոլորի կողմից»¹:

Իսկ կռիվներում դրսեւորած նրա խիզախութեան եւ անվախութեան մասին հյուսված լեգենդների իսկութիւնը, առանց բացառութեան, խոստովանել են նրա զինակիցներն ու բոլոր նրանք, ովքեր մոտիկից չփվել ու ծանոթ էին նրա գործունեութեանը:

Մի ուշագրավ վկայութիւն բծիշկ Եր. Խաթանայանի հուշերից. «Մի երիտասարդ դաշնակցական, որ հմայվել էր հայ հերոսների փառքով, հարց տուաւ Դրօյին.

¹ «Ալիք» բացառիկ, 1956, էջ 60:

² «Յայրենիք» ամսագիր, 1925, թիւ 9, էջ 109:

¹ Վրացեան Ս., Յայաստանի Յանրապետութիւն, էջ 299:

-ինչպէս կարելի է երբեք վախ չունենալ, մշտապէս անվախ լինել:
Դրոն իր խորաթափանց հայեացքը սեւեռեց երիտասարդի աչքերի մէջ, ուր կարողաց անկեղծութիւն եւ հոգեկան վերացում:

-Բախիկս-ասաց Դրոն, հայրական քնքուշ հոգածութիւնով, - մարդ էակը ստեղծուել է վախի զգացումով: Արարչութիւնն այդ բնազդով օժտել է նրան ինքնապաշտպանութեան համար: Դա բարիք է: Բայց չարիք է դառնում այդ, երբ փախուստ է տալիս նրանից: Որքան փախչես, այնքան պինդ կը կպչի քեզ: Համարձակ նայի՛ր նրա աչքերի մէջ, երբ ճանաչես նրան, նա զինաթափ կը լինի:

Ինձ զարմացրեց Դրոյի ինքնատիպ բացատրութիւնը, որ հոգեբանական վերլուծումներով չէ, որ գտել էր, այլ փորձառութեամբ, մանաւանդ ներիմացումով¹:

Զինական նախարարի օգնականի պաշտոնի ստանձնումը ավելի է մեծացնում նրա պարտականութիւնների եւ գործունեութեան շրջանակները, բնականաբար, նաեւ ծանրաբեռնվածութիւնն ու պատասխանատվութիւնը:

Առաջին աշխարհամարտի ավարտական փուլում հոկտեմբերի 30-ին կնքվում է Մուզրուսի զինադադար, որի համաձայն պարտված Թուրքիան պարտավոր էր իր զորքերը դուրս բերել նաեւ Կարսի, Սարիղամիշի, Օլթիի, Կաղզվանի եւ այլ շրջաններից:

Հայաստանի Հանրապետության առաջնահերթ ու կարեւորագույն խնդիրն իր սահմանների ընդարձակման հարցն էր, առանց որի իրագործման անհնարին էր փոքրիկ լեռնաշխարհում ապահովել տեղի բնակչության եւ հարյուր հազարավոր գաղթականության ֆիզիկական գոյութիւնն ու կենսամակարդակը:

Հայաստանի կառավարութեան համառ պահանջներից հետո Անդրկովկասի անգլիական գլխավոր հրամանատարութիւնը 1919 թ. ապրիլին վերջապես համաձայնվում է Թուրքական զորքերի կողմից պարզված հայկական տարածքները հանձնել Հանրապետության տնօրինութեանը: Հայաստանի կառավարութեանը վերջապես հնարավորութիւն էր ընձեռվում, ի թիվս բազում այլ կենսական նշանակութիւն ունեցող հարցերի, լուծել նաեւ Հանրապետության տարբեր շրջաններում ժամանակավորապես հանգրվանած արեւմտահայ գաղթականության տեղաբաշխման հույժ կարեւոր խնդիրը:

Այդ նույն ամսին, երբ արդեն իրականութիւն էր դառնում, ի հաշիվ Թուրքական զորքերի կողմից հայկական տարածքները պար-

պելու հետեւանքով, Հանրապետութեան տարածքների ընդարձակումը, Ձանգեզուրից իր առաջնորդած զորախմբով եւ հազարավոր արեւմտահայ գաղթականներով Արարատյան դաշտ է անցնում Անդրանիկը: Հայաստանի կառավարութեան հանձնարարութեամբ նրան պետք է դիմավորեր ու մայրաքաղաք հրավիրեր ՀՀ ռազմական նախարարի օգնական, Երեւանյան զորախմբի հրամանատար Դրոն: ՀՀ կառավարութեան կողմից Անդրանիկին դիմավորելու պարտականութիւնը Դրոյին հանձնարարելը պատահական լինել չէր կարող: ՀՀ կառավարութեան անդամները հույս ունեին, որ Անդրանիկը կհարգի իր մարտական զինակցի հրավերն ու մոռանալով ՀՀ կառավարութեան հետ ունեցած նախկին տարաձայնութիւնները՝ զորամասով մուտք կգործի Երեւան: Սակայն, ինչպես հայտնի է, Դրոյին չի հաջողվում համոզել Անդրանիկին, որը հրաժարվելով Երեւանում հյուրընկալվելուց, զորամասով մեկնում է Էջմիածին: Անդրանիկի կենսագիրների մեծ մասը անդրադարձել է մայրաքաղաք չմտնելու եւ մի քանի օր անց Երեւանի շուկայում նրա եւ մայրաքաղաքի ներքին ծառայութեան զինվորների միջեւ տեղի ունեցած ոչ ցանկալի բախման պատմութեանը:

Ակադեմիկոս Հր. Սիմոնյանը իր հեղինակած «Անդրանիկի ժամանակը» պատմագիտական աշխատութիւնում, որը տողերիս հեղինակի խորին համոզմամբ Անդրանիկի կյանքին ու գործունեութեանը նվիրված լավագույն աշխատութիւնն է, նույնպես անդրադառնում է Անդրանիկի ու Դրոյի վերոհիշյալ հանդիպմանը եւ կատարում հետեւյալ եզրահանգումը. «Ողջագուրվելուց հետո Անդրանիկը եւ Դրոն կարճատեւ զրույց ունեցան: Թե ինչի մասին նրանք խոսեցին, մեզ հայտնի չէ, բայց հայտնի է, որ այդ զրույցը խորացրեց այն հակակրանքը, որ հայ ժողովրդի այդ երկու մեծ զավակները տածում էին միմյանց հանդեպ»¹:

Այդ նույն աշխատութիւնում՝ բնութագրելով Անդրանիկ, Արամ Մանուկյան եւ Դրո փոխհարաբերութիւնը՝ Հր. Սիմոնյանը նշում է. «Անդրանիկի նկատմամբ խիստ բացասաբար էին տրամադրված հատկապես Արամ Մանուկյանը և Դրոն: Երկար տարիների մարտավարական մի շարք հարցերում նրանք գաղափարական լուրջ տարաձայնութիւններ ունեին Անդրանիկի հետ: Վերջինիս և նրանց հարաբերութիւնները խիստ լարվել էին հատկապես այն բանից հետո, երբ Անդրանիկը հեռացել էր Դաշնակցութիւնից, իսկ Հայաստանի

¹ «Ալիք», բացառիկ, 1956 թ., մայիսի 4, էջ 24:

¹ Սիմոնյան Հր., Անդրանիկի ժամանակը, հ. 2. էջ 564:

Հանրապետության հռչակումից հետո հրաժարվում էր համագործակցել կառավարության հետ, հայոց պետությունը համարելով «թուրքից ստացած նվեր»¹:

Հարկ է ընդգծել, որ Անդրանիկը Սասունի 1904 թ. ապստամբության պարտությունից հետո մեկնել էր Հայաստանից և մինչև 1-ին աշխարհամարտի բռնկումը, իսկ ավելի որոշակի, մինչև կառավարական շարժման ծավալումը, բնակվում էր Բուլղարիայում եւ որեւէ անգամ չէր եղել ոչ միայն Հայաստանում, այլեւ Կովկասում: Արամ Մանուկյանին, որը գործում էր Վան-Վասպուրականում, Անդրանիկը հանդիպել է միայն 1907 թ. Վիեննայում կայացած ՀՅԴ 4-րդ Ընդհանուր ժողովում: Անդրանիկը, ճիշտ է, վճռական ձայնի իրավունքով մասնակցել է Ընդհանուր ժողովին, բայց, կարելի է ասել, շատ թույլ մասնակցություն է ունեցել ժողովի աշխատանքներին ու քննարկվող հարցերի նկատմամբ հազվադեպ է արտահայտել իր տեսակետը: Ընդհանուր ժողովի նյութերի ուսումնասիրությունը միանշանակ ապացուցում է, որ Անդրանիկը Արամ Մանուկյանի հետ չի ունեցել զաղափարական որեւէ վեճ ու տարաձայնություն: Իսկ Հայաստանի Հանրապետության նկատմամբ Անդրանիկի տածած բացասական վերաբերմունքն ու «թուրքից ստացած նվեր» արտահայտությունը չպետք է միանշանակ ընդունել որպես տեղին ու արդար գնահատական:

Այս կապակցությամբ ուշագրավ են վերոհիշյալ աշխատությունում Հր. Միմոնյանի մեջբերումները, որոնք ներկայացնում են Հայոց Ազգային խորհրդին ուղղված Անրանիկի հեռագիրը եւ հայկական բանակային կորպուսի հրամանատար, գեներալ Նազարբեկյանի պատասխանը:

Հայտնի է, որ Անդրանիկը խիստ զայրացել ու չի ընդունել Բաթումի պայմանագիրն ու հետեւաբար, նորաստեղծ Հայաստանի Հանրապետությունը՝ որակելով այն «թուրքից ստացած նվեր»: Այդ կապակցությամբ արտահայտելով իր բացասական վերաբերմունքը՝ Անդրանիկը հունիսի 4-ին Հայոց Ազգային խորհրդին ու Ապահովության խորհրդին է ներկայացնում հետեւյալ հեռագիրը. «Նկատի ունենալով, որ Դուք սեփական ձեռքով Ձեր վրա եք նետել սև ստրուկի հավերժական շղթաները և՛ ներքին խիղճը, և՛ պատիվը անամոթաբար ծախելով դրանց նկատմամբ ոտնձգություն անող անպատկառ հակառակորդին, հաղորդում եմ, որ իմ զինվորը այսուհետեւ չի կարող մնալ իր դիրքերում որպես անգն մարտիկ և լինել

լիտի հակառակորդի կողմից բազմաչարչար հայրենիքի սուրբ մարմնի պղծման լուռ վկա, ուստի իմ ջոկատը այսօր երեկոյան կամ վաղը առավոտյան կմեկնի այստեղից...»¹:

Ի պատասխան Անդրանիկի հեռագրի՝ գեներալ Նազարբեկյանը գրում է. «Ստանալով Ձեր հեռագիրը, հայտնում եմ, որ դա ինձ չի վիրավորում, որովհետեւ անհաջողության գլխավոր հանցավորներից մեկը ես համարում եմ Ձեզ և Ձեր զորամասը: Ունենալով այնպիսի մեծ ուժ, ինչպիսին Ձերն է, միամիտ է պաշարման վտանգի և կորպուսի շտաբի հետ կապ չունենալու պատճառաբանությունը: Զալալությունից նահանջեցիք, ունենալով Ձեր դիմաց տաճկական մի գումարտակ հետևակ զորք և որով մերկացրիք Հարաքիլիսայի զորամասի շատ կարևոր թևը: Նման երևույթ տեղի ունեցավ նաև էրզրումի ու Սարիղամիշի տակ: Նախքան այդպես անթույլատրելի կերպով մեղադրեիք ձեր ղեկավարին, որի անձնավորությունը և հայացքները անցյալ փորձերից շատ լավ գիտեք, պետք էր որոնել ամոթալի հաշտության իսկական հանցավորներին ու պատճառները:

Պատվավոր հաշտություն մենք ստանալ չէինք կարող այն միջոցին, երբ մեր ժողովուրդը ենթարկվում էր բռնության ու կողոպուտի, և մարտական հրամանները ինձ ենթարկվող հրամանատարների կողմից չէին կատարվում: Պատմությունը կքննի ու կդատապարտի իսկական հանցավորներին, որոնց պատճառով Հայոց Ազգային խորհուրդը ստիպված եղավ ընդունել ստորացուցիչ հաշտությունը»²:

Ընդհանրացնելով, կարելի է պնդել, որ քիչ հավանական է, որ Անդրանիկի նկատմամբ խիստ բացասաբար էր տրամադրված Արամ Մանուկյանը ու առավել եւս՝ Դրոն:

Գուցե եւ հարգարժան պատմաբանին հայտնի են Դրոյի նկատմամբ Անդրանիկի տածած հակակրանքը մատնանշող ծանրակշիռ փաստեր, բայց ամենայն պատասխանատվությամբ կարելի է պնդել, որ Դրոն երբեք հակակրանք չի տածել Անդրանիկի նկատմամբ: Ավելին, ինչպես արդեն նշվել է, Դրոն Հայոց ազատամարտի նշավոր գործիչներից առավելապես ու անվերապահորեն սիրել ու հարգել է իր իսկ արտահայտություններով իր Մեծ ուսուցչին՝ Նիկոլ Դումանին, Աղբյուր Սերոբին եւ Անդրանիկին, որոնց նկատմամբ դրսևւորած սերն ու հարգանքը նա պահպանել է ընդամիշտ:

Ինչ խոսք, որոշակի տարաձայնություններ, նույնիսկ հայրենական գոյապայքարին եւ ապագային վերաբերող կենսական նշանակու-

¹ Նույն տեղում, էջ 442:

¹ Նույն տեղում, էջ 165:

² Նույն տեղում, էջ 166:

թյուն ունեցող խնդիրները վճռելիս, նրանց միջև եղել են: Օրինակ, կարելի է մեկ անգամ եւս հիշատակել 1915 թ., երբ հայկական կամավորական զորախմբերի հրամանատարները Ազգային Բյուրոյի ներկայացուցիչներ Նիկոլ Աղբալյանի եւ Սիմոն Վրացյանի մասնակցութեամբ տեղի ունեցած խորհրդակցութիւնում, պիտի որոշեին Ախլաթի տարածքից Տարոն-Սասուն արշավելու հարցը: Նույնը վերաբերում է 1917-1918 թթ., երբ Հայոց Ազգային Խորհրդի ու հայկական բանակային կորպուսի հրամանատարութեան առջև ծառայել էր ռուսական զորքերի հետեւանքով մերկացած 720 կմ. երկարութեամբ ձգվող կովկասյան ռազմաճակատը հայկական փոքրաքանակ մարտական ուժերով, եւ ըստ այդմ, Արեւմտահայաստանը պահելու կամ թողնելու խնդիրը: Տվյալ ժամանակահատվածում հայութեան համար կենսական կարեւորագույն նշանակութիւն ունեցող վերահիշյալ խնդիրների կենսագործման վերաբերյալ նրանք պաշտպանել են հակադիր, բայց յուրովի փաստարկված տեսակետներ: Սակայն դա բոլորովին չի նշանակում, որ նրանց որդեգրած հակադիր տեսակետները վերածվել են հակասութեան եւ հակակրանքի:

Դրոյի կինը՝ տիկին Գայանեն, անկեղծորեն խոստովանելով Անդրանիկի նկատմամբ ամուսնու տածած մեծագույն համակրանքը, պատմում է, որ նրա ներկայութեամբ որեւէ մեկը չէր համարձակվում դուրզն-ինչ քննադատական խոսք ասել Անդրանիկի մասին:

«Անդրանիկը, - ասել է Դրոն, - սուրբ մարդ է, սրբապղծութիւն է նրա մասին վատ բան ասելը»¹:

Հր. Սիմոնյանը վերոհիշյալ աշխատութեան ծանոթագրութիւնում անդրադառնալով Անդրանիկ-Դրո փոխհարաբերութեանը՝ գրում է. «Առանձին աշխատութիւնում եւ արխիվներում պահպանվող մի շարք հուշերում այն կարծիքն է հայտնվում, որ եթե Դրոյի փոխարեն կառավարութեան կողմից մի ուրիշ պաշտոնյա գար Դավալու եւ դիմավորեր Զորավարին, ապա վերջինս կգնար Երեւան»:

Այսուհանդերձ, Հր. Սիմոնյանը՝ միաժամանակ ներկայացնելով իր տեսակետը՝ նշում է. «Մենք դժվարանում ենք հաստատ կարծիք հայտնել մանավանդ, որ այդ հանդիպմանը հետագայում չեն անդրադարձել ո՛չ Անդրանիկը եւ ո՛չ էլ Դրոն»²:

Այ՛ո, Անդրանիկը չի անդրադարձել, բայց հետագայում Դրոն, այնուամենայնիվ, անդրադարձել է իրենց հանդիպմանը:

Պետք է նշել, որ Անդրանիկին ընդունելու համար ՀՀ կառավարութիւնը կայացրել էր հետեւյալ հատուկ որոշումը.

«ՀՀ կառավարութեան որոշումը գեներալ Անդրանիկին Երեւանում զինվորական պատշաճ պատիվներով ընդունելու մասին 9 ապրիլի 1919 թ.

Լսեցին. ներքին գործերի մինիստրի գեկուցումը Անդրանիկի Երեւան ժամանելու մասին:

Որոշեցին. Ընդունել Անդրանիկին զորամասի հրամանատարին պատշաճ պատվով, իսկ նրա զորքի վերաբերմամբ խորհրդակցել զինվորական վարչութեան հետ, համակերպվելով զորքի տրամադրութեան հետ»¹:

Համաձայն Դրոյի պատմածի, կառավարութեան հանձնարարութեամբ ինքն է Անդրանիկին դիմավորել եւ հրավիրել է Երեւան, խոստանալով նրան տրամադրել վրացիներից բռնագրաված գեներալ Ծուլուկիճեի սալոն - վագոնը: Այդ հանդիպումը բացարձակապես չի խաթարել եւ չէր կարող խաթարել միմյանց նկատմամբ նրանց ունեցած հարգալից վերաբերմունքը: Դրոյի պատմածը մատնանշում է ճիշտ հակառակը.

«Մեր հանդիպումը, - պատմել է Դրոն, - սիրալիք եղաւ, ողջագուրեցինք, որից յետոյ ես հրաւիրեցի Անդրանիկին Երեւան:

- Ես Երեւան չեմ գար, ես այդ կառաւարութիւնը չեմ ճանչնար, - պատասխանեց Անդրանիկը:

- Լաւ, եթէ չես ուզում Հայաստանի կառաւարութեան հիւրը լինել, եղիր իմ հիւրը: Քո պատուական տեղը կը գտնես Երեւանում: Երեւանի ժողովուրդը քեզ իր գլխի վրայ կընդունի, - ասացի ես:

- Ուրտեղ որ ուզես՝ կուգամ, բայց Երեւան չեմ գար, քու հիւրը կըլլամ ուրտեղ որ ուզես, բայց ոչ Երեւանի մէջ, - կրկնեց Անդրանիկը: Պնդելն այլեւս աւելորդ էր»²:

Դրոն, իրոք, անկեղծորեն ցանկացել է Անդրանիկին հաշտեցնել ՀՀ կառավարութեան անդամների հետ եւ նրան բերել Երեւան եւ այդ ուղղութեամբ նույնիսկ որոշակի քայլեր է ձեռնարկել: Անդրանիկին համոզելու եւ նրան ՀՀ կառաւարութեան անդամների հետ հաշտեցնելու նպատակով դիմում է խմբապետ Ասլան Ստեփանյանի միջնորդութեանը:

«Այդ օրերին, - պատմում է խմբապետ Ասլանը, - Դրոն ժամանեց Էջմիածին եւ նվաստիս Իգդիրից Էջմիածին կանչեց հեռախոսով: Ծանապարհւեցի անմիջապէս:

¹ Տիկին Գայանեի հուշերի ծայնագրութիւնից:

² Սիմոնյան Դր., Անդրանիկի ժամանակը, հ. 2. էջ 564:

¹ ՀԱԱ, ֆ. 206, ց. 1, գ. 27, ք. 95:

² Ահարոնեան Վ., նշվ. աշխ., էջ 174:

... Անդրանիկն եկել- նստել է էջմիածին, չի համաձայնում գալ Երեւան: Որպէս իր գինւոր, գուցէ կարողանաս համոզել:

Շատ էի կապւած Անդրանիկի հետ, նա սիրում էր այդ յուշը պատմողին, այդ գիտէր Դրօն եւ դրա համար էր կանչել:

Անդրանիկը վշտացած էր նաեւ նւաստիցս, թէ ինչո՞ւ արեւմտահայ բանակի (նկատի ունի Անդրանիկի գլխավորած զորամասը, որը կազմված էր բացառապէս արեւմտահայերից: Ասլանի գլխավորած զորաշնորհը, որը այդ ժամանակ տեղաբաշխված էր Ղամարլուում (Արտաշատ), մասն էր կազմում Անդրանիկի զորամասի- Հ. Գ.) մեր զորամասն էլ չի հետեւեց իրեն, չչարժեց դէպի Նախիջեւան, այնտեղ իրեն միանալու համար:

Ժողովրդի լեզուով ասած, սիրտն առայ, Անդրանիկը ոչ միայն մոռացաւ այդ, այլեւ համոզեց՝ ճի՛շտ էր այն ժամանակ մեր բռնած ընթացքը:

Անդրանիկն ուզում էր Երեւան գնալ, բայց իր շրջապատում եղած վատ մարդիկ չթողեցին, պղտորում էին նրա միտքը:

-Ձի լինում համոզել: Օրւայ մէջ մի քանի անգամ փոխում է իր միտքը...»¹:

Այս ամենին գուցե եւ հարկ չկար անդրադառնալու, եթե հայ պատմագիտութեան մեջ բացակայեր հետեւյալ, մեղմ ասած, ոչ այնքան գովելի միտումը: Որոչ հեղինակների աշխատութեանն ենք, խոսքը բացարձակապէս չի վերաբերվում վաստակաշատ պատմաբան Հր. Սիմոնյանին, նկատվում է Հայոց Ազատամարտի նշանավոր գործիչներին անհիմն կերպով միմյանց հակադրելու, որոչ գործիչների ինչ- որ մտացածին արարքներ վերադրելու ու նրաց գործունեութեանը նսեմացնելու հաշվին, իրենց ներկայացրած հերոսին գովելու միտումը: Հայ պատմագիտութեան մեջ այդ միտումը վերաբերվում է նաեւ սփյուռքահայ հեղինակներին, որոնց զգալի մասը զուտ կուսակցական դիրքերից է ներկայացնում եւ արժեւորում Հայոց ազատամարտն ու նշանավոր գործիչներին: Հայրենական պատմաբաններից Հ. Կարապետյանը Դրո-Անդրանիկ փոխհարաբերութեան որոշ դրվագներ, մասնավորապէս Երեւանի շուկայում տեղի ունեցած միջադեպը ներկայացնելիս, իր «Անդրանիկ» եռագրութեանում վկայակոչում է այնպիսի փաստարկներ, որոնք իրականութեան հետ որեւէ կապ չունեն: Հ. Կարապետյանը գրում է, որ Անդրանիկի զինվորներից մեկին Զանգվի կամուրջն անցնելիս, կա-

մուրջը հսկող ոստիկանը խուզարկում է եւ նրա գրպանից հանելով ապրուստի համար հենց նոր ստացած ուռլինները, դիմում է փախուստի: Անդրանիկի զինվորն ու նրա ընկերը գողացած փողը խլելու նպատակով, վազում են ոստիկանի հետեւից եւ փորձում բռնել նրան: Կամրջի պահակութեան սպան պաշտպանում է փողը գողացած ոստիկանին ու օժանդակում, որպեսզի նա կարողանա ազատվել հետապնդողներից: Այդ պահին գալիս են Անդրանիկի մի քանի զինվորներ, եւ կռիվը նրանց միջեւ բորբոքվում է²:

Շարունակելով այդ միջադեպի պատմութեանը, հեղինակը՝ որեւէ սկզբնաղբյուր չնշելով, գրում է. «Դիպվածի վայրն է գալիս Դրոն, սկզբում մի հիսնյակով, որին լրացնելու է գալիս նաեւ հարյուրակը: Սրանք, բարեբախտաբար, իրենց մեջ ունենալով արեւմտահայեր, հակառակ Դրոյի հրամանի, հրաժարվում են կրակ բացել Անդրանիկի զինվորի վրա: Եւ իրարանցումը բորբոքվում է: Շտապ, լուրն ստանալուն պես, տեղից ոստնում, գալիս է Անդրանիկը մի զորախմբով եւ տեղնուտեղը զինաթափում է կրակողներին, իսկ նրանց սպաներին տանում է իր հետ էջմիածին»³:

Այս միջադեպը արագորեն լուծելուց հետո Անդրանիկը, ըստ Հ. Կարապետյանի պատմածի, սպանութեան հանգամանքները պարզելու եւ ոստիկանների կողմից գերի վերցրած իր զինվորներին ազատելու նպատակով, գալիս է Երեւան, բայց կամրջի վրա նրան ընդառաջ են գալիս մայրաքաղաքի պարետը՝ գնդապետ Ա. Շահխաթունին եւ Երեւանի անգլիական ներկայացուցչութեան սպաներից մեկը, որոնք իրենց հետ բերում են «...ընդամենը մի վիրավոր զինվոր, ժխտելով մահացութեան փաստերը: Պարետն ու անգլիացին ասում են, թե մեղավորը Դրոն է, խոստանալով, որ իրենք կպատժեն հանցավորներին»³:

Այս պատմութեանը, ինչպէս արդեն նշվել է, իրականութեան հետ որեւէ առնչութեան չունի:

1. Նախ, վերոհիշյալ միջադեպը տեղի է ունեցել ոչ թե Զանգվի կամուրջի վրա, այլ քաղաքային շուկայում, գատիկի նախօրին, երբ մյուս օրերի համեմատ, շուկան ավելի մարդաշատ է եղել:

2. Դրոյի գործունեութեանը ներկայացնող բոլոր փաստերը միանշանակորեն ապացուցում են, չկա որեւէ դեպք, նույնիսկ ծան-

¹ «Ալիք» բացառիկ, 1956, մայիս, էջ 79:

¹ Տե՛ս Կարապետյան Դ., Անդրանիկ, հ. 3, Երեւան, 1994, էջ 631:

² Նույն տեղում:

³ Նույն տեղում:

րագույն ու անելանելի, երբ հայ զինվորները հրաժարվեին կատարել նրա հրամանները:

3. Դրոն, պարզապես, չի գտնվել դեպքի վայրում: Նրա հավաստմամբ, Անդրանիկի Երեւանի վրա արշավելու մասին իրեն առավոտյան ժամը 2-ին հայտնել են Երեւանի հոգեւոր թեմի առաջնորդ Խորեն արքեպիսկոպոս Մուրադբեգյանն ու Գարեգին վարդապետ Հովսեփյանը (Խորէն արքեպիսկոպոս Մուրադբեգեան, յետագային Խորէն Առաջին Կաթողիկոս Ամենայն Հայոց, որ խեղդամահ է եղել սովետական Չեկայի ձեռքով: Գարեգին վարդապետ Յովսեփեան, յետագային Գարեգին Առաջին Կաթողիկոս Մեծի Տանն Կիլիկիոյ)¹:

Համաձայն խմբապետ Ասլանի խոստովանութեան, Անդրանիկի զինվորների ու ոստիկանների բախման եւ զորախմբով Երեւանի վրա Անդրանիկի հարձակվելու մասին Դրոյին տեղեկացրել է նաեւ ինքը: Ըստ նրա վկայութեան, Անդրանիկին ՀՀ կառավարութեան անդամների հետ հաշտեցնելու իր առաքելութեան անհաջող ավարտից 48 ժամ անց Անդրանիկի հանձնարարութեամբ իրեն ներկայացել են չորս զինվորներ եւ հանձնել «... երեք նամակ, որից մէկն ուղղած էր նւաստիս, 2-րդը խրաբշակցի խմբապետ Մուրադին, իսկ 3-րդը՝ եզդիների պետ Ջհանգիր Բէգին:

«Նւաստիս գրած նամակի բովանդակութիւնը հետեւյալն էր.-իմ զինւոր Ասլան, անմիջապես, զօրամասով շարժւիր դէպի Էջմիածին: Գնում ենք Երեւանի վրայ:

Ենթադրելով, որ միւս նամակներն եւս նոյն բովանդակութիւն պիտի կրեն, չյանձնեցի տէրերին:

...Առաւոտեան հանդիպեցի Դրոյի համհարզ գլխապետ (կապիտան) Մուրադեանին, յայտնեցի ստացածս նամակի բովանդակութիւնը, իսկ միւս 2 նամակները յանձնեցի նրան, Դրոյին ուղարկելու համար»²:

4. Անդրանիկին անշուշտ հայտնի էր հանրապետութունում Դրոյի ունեցած անառարկելի հեղինակութիւնը եւ բնականաբար նա չէր կարող հավատ ընծայել Շահխաթունու «... իրենք կպատժեն հանցավորներին» խոստմանը:

Հ. Կարապետյանը ձեռնպահ է մնում նշելու Երեւանի վրա Անդրանիկի հարձակվելու իրողութիւնը: Ամենայն հավանականութեամբ այնքան էլ հաճելի չէ նկարագրել, թե ինչպես է ազգային հե-

րոսը զորախմբով հարձակում գործում Հայաստանի մայրաքաղաքի վրա:

Դրոն, ինչպես արդեն նշվել է, անդրադարձել է այդ միջադեպի մեկնաբանմանը: Նա այդ ժամանակ Երեւանի զորախմբի հրամանատարն էր, եւ նրա պարտականութիւնների մեջ էր մտնում ոչ միայն մայրաքաղաքի պաշտպանութիւնը, այլ նաեւ ներքին կարգուկանոնի պահպանումը: Ըստ Դրոյի մեկնաբանման, դեպքը տեղի է ունեցել զատիկի նախօրեին: Այդ օրը քաղաքային շուկան մարդաշատ է եղել: Գյուղացիները տարբեր շրջաններից մայրաքաղաք էին բերել վաճառելու գյուղատնտեսական մթերքներ: Քանի որ այդ օրը քաղաքի շուկան լեցուն կլինէր գյուղերից եկածներով ու մարդաշատ, ուստի անցանկալի դեպքերի ու հնարավոր անկարգութիւնների տեղիք չտալու նպատակով Դրոն քաղաքի եւ շուկայի կարգուկանոնի վերահսկողութիւնը հանձնարարում է գնդապետ Կուռտ Թարխանյանին, որը զեկուցել է. «... խառնակիչները (նկատի ունի այդ օրը շուկայում հայտնված Անդրանիկի զինվորներին-Հ. Գ.) ոտքի տակ են տուել Երեւանի շուկայում գիւղերից եկած գիւղացիների մթերքներով լիքը զամբիւղներն ու կողովները եւ Հայաստանի կառավարութեան հասցէին լուստանքներ են թափել: Անզուսպներին զսպելու եւ կարգը վերահաստատելու համար գնդապետ Կուռտ Թարխանյանը հրամայել է իր զինվորներին օդի մէջ համազարկ տալ: Ըստ երեւոյթին, գնդապետ Թարխանյանի զինւորներից մէկի անզգոյշ կրակոցից ոտքից վիրաւորւում է Անդրանիկի զինւորներից մէկը: Դրանից յետոյ անկարգութիւն անող զինվորները փախչում են Էջմիածին...»¹:

Այս նույն միջադեպին իր «Անդրանիկի ժամանակը» աշխատութիւնում անդրադարձել է նաեւ Հր. Սիմոնյանը: Նա նշում է, որ միջադեպը տեղի է ունեցել քաղաքային շուկայում, Երեւանի կայազօրի եւ Անդրանիկի մի խումբ զինվորների միջեւ, որն ի վերջոյ վերածվել է ձեռնամարտի: Հեղինակն ընդունում է, որ կատարվածը Անդրանիկին ներկայացնում են չափազանցրած, իբր թե նրա զինվորներից մի քանիսը սպանվել են, եւ անհավասար կոիվը դեռ շարունակվում է: Նրա կարծիքով, հենց դեպքերը չափազանցված տեսքով ներկայացնելը «Անդրանիկին հանց հավասարակշռութիւնից» եւ նրան մղեց արշավելու Երեւանի վրա²:

¹ Ահարոնեան Վ., Եզվ. աշխ., էջ 175:

² «Ալիք» բացատիկ, 1956, էջ 79:

¹ Ահարոնեան Վ., Եզվ. աշխ., էջ 175:

² Սիմոնյան Գր., Անդրանիկի ժամանակը, հ. 2, էջ 564:

Այս տեսակետը համահունչ է Վարդգես Ահարոնյանի պատմածին, որը նրան գրավոր հայտնել է այդ դեպքի մասնակից, Անդրանիկի զինվոր Լեոն Պարոնյանը¹:

Բնական է, որ ով էլ փորձեր հարձակում գործել մայրաքաղաքի վրա, Դրոյի պարտականությունն էր, անհապաղ համապատասխան քայլեր ձեռնարկել եւ թույլ չտալ, որպեսզի որեւէ մեկը ներխուժեր Երեւան: Մայրաքաղաքը պաշտպանելու նպատակով անհրաժեշտ քայլեր ձեռնարկելուց հետո նա այդ եղբայրասպան ու միաժամանակ չափազանց անցանկալի եւ անպատվաբեր բախումը կանխելու նպատակով Անդրանիկին է դիմում հետեւյալ խնդրանքով ու զգուշացումով.

«Անդրանիկ,

Մենք Սասունի քո յեղափոխական կուիւներով, քո յեղափոխական շնչով դաստիարակուած սերունդն ենք: Այսօր, հիմնուած մի քանի հարբածների անճիշտ, յերիուրածոյ լուրերի վրայ, դու գալիս ես Երեւանի վրայ:

Ես խնդրում եմ իմ պաշտած հայդուկապետին, որ նա սեւ արատ չբերի իր յեղափոխական անցեալին եւ հրաժարուի Երեւանի դէմ քայլեր անելուց:

Միաժամանակ, իբրեւ Երեւանի նահանգի հրամանատար, պարտք եմ զգում զգուշացնել քեզ, որ եթէ չհրաժարուես քո մտադրութիւնից, դու ինձ կը ստիպես դիմել զէնքի եւ կարող եմ վստահացնել քեզ, որ Երեւան չես կարող մտնել: Այդ ուղղութեամբ հարկ եղած հրամանները տրուած են: Աւելորդ է փորձ անել, նպատակիդ չես հասնի...»²:

Այս գրութիւնը յուրօրինակ հավաստումն է եւ խոստն վկայութիւնը Անդրանիկի նկատմամբ Դրոյի տածած հարգանքի:

Բարեբախտաբար, արյունալի բախումը հաջողվում է կանխել: Այդ միջադեպի մասին պատմող հեղինակները տարբեր կերպ են ներկայացնում եւ արժեւորում ընդհարումը կանխելու գործում վճռական նշանակութիւն ունեցող հանգամանքները: Համաձայն Դրոյի պնդման, ընդհարումը կանխելու գործում կարեւոր նշանակութիւն է ունեցել նաեւ իր գրութիւնը:

Անդրանիկի կենսագիրներից ոմանք, ներկայացնելով այս միջադեպը, չեն նշում Դրոյի պատմածի հետեւյալ վերջաբանը. «Այս երկտողը տուի մեր հին յեղափոխական ընկերներից քեաչալ Համբոյին, որ տանի: Համբոն գնաց եկաւ եւ պատմեց, որ Անդրանիկը կարդա-

ցել է իմ երկտողը, մի մտրակ է քաշել Համբոյին, նամակս պատուել է եւ ասել. «Ես Դրոյի «մասսարը». ան խենթ է, ան կրնէ, ես անոր հետ գործ չունիմ, ես Երեւանի կառաւարութեան հետ գործ ունիմ»:

Շատ չանցած նստել է ձին եւ իր զօրագունդը առած վերադարձել է էջմիածին: Յետագայում իմացայ, որ վերադարձին Փարաքարում մտրակի տակ է առել իր խմբապետներին, որոնք սուտ տեղեկութիւններ էին հաղորդել իրեն...»³:

Դժվար է ասել, թե ինչ ազդեցութիւն է գործել Դրոյի գրութիւնը, բայց մի փաստ անժխտելի է. եթե Անդրանիկը, այնուամենայնիվ, փորձեր հարձակվել Երեւանի վրա, ապա Դրոն անկասկած կկատարեր «կարող եմ վստահացնել քեզ, որ Երեւան չես կարող մտնել» խոստումը եւ այստեղ կարեւորն այն է, որ հաջողվեց կանխել ընդհարումը, որը Հր. Սիմոնյանի գնահատմամբ. «... կլինէր հայոց պատմութեան խայտառակ էջերից մեկը...»²:

Այս առումով, կարելի է նշել, որ միանգամայն տեղին է ու անաչառ այդ միջադեպին տված Ս. Վրացյանի հերեւյալ գնահատականը. «Ուրիշ պայմաններում արիւնահեղութիւնը անխուսափելի կը դառնար՝ անջնջելի արատ թոնելով նորածնունդ պետութեան անուան վրայ: Առաւելապէս Դրոյի աչալըջութեան, բացառիկ վարելակերպին պէտք է վերագրել, որ Անդրանիկը հաւաքեց մայրաքաղաքի գլխին արուած զինուորները եւ քաշուեց-հեռացաւ էջմիածին»³:

1919 թ. Հայաստանի Հանրապետութեան կյանքում նշանավորել է մի շարք կարեւոր իրադարձութիւններով: Այդ նույն տարում Երեւանում տեղի է ունենում Հ. Յ. Դաշնակցութեան Գրդ Ընդհանուր ժողովը, որը Սիմոն Վրացյանի գնահատմամբ՝ «...տեղի ունեցավ յոյզերի եւ յոյսերի բարձր մթնոլորտում՝ որոշելով հայկական պետութեան ապագայ ուղիները»:

Խիստ թերի կլինի. եթե Դրոյին բնութագրենք ու նրան անվանենք սոսկ ռազմական գործիչ: Նա այդ ժամանակ Հայաստանի Խորհրդարանի անդամ էր: Այդ նույն տարում Հայաստան Հանրապետութիւնը վերաբաժանվել էր նոր վարչական միավորների, իսկ Երեւանին տրվել էր հատուկ կարգավիճակ՝ հանրապետական վարչակազմով: Դրոն ստանձնել էր առաձնակի գործառնափ հրամանա-

¹ Ահարոնեան Վ., Եջմ. աշխ., էջ 172:

² Նույն տեղում, էջ 176-177:

¹ Նույն տեղում:

² Սիմոնյան Գր., Անդրանիկի ժամանակը, հ. 2, էջ 574:

³ Վրացեան Ս., Մրկածին Դրոն, էջ 113:

տարութիւնը, իսկ նրա հրամանատարական նստավայրն ու շտաբը գտնվում էին մայրաքաղաք Երեւանում:

Նա վճռական ձայնի իրավունքով մասնակցել է ՀՅԴ Գործ Ընդհանուր ժողովին, ուր ի թիվս մի շարք հարցերի, քննարկվել են Հայաստանի Հանրապետության ապագա վաչակազմին ու կուսակցության նոր կանոնադրութեանը վերաբերող հարցերը, որոնց վերաբերյալ զեկուցումներով հանդես են եկել Ռուբեն Տեր Մինասյանն ու Սիմոն Վրացյանը:

Ըստ Ռուբենի տեսակետի՝ Հայաստանը դեռեւս հասունացած չէր ազատ ժողովրդավարութեան ու Հ.Յ. Դաշնակցութեան ապակենտրոն գործունեութեանը պիտի փոխարինվի կենտրոնացման: ՀՅԴ Բյուրոն պիտի դառնա Կենտրոնական կոմիտե, որին պիտի ենթարկվեն բոլոր կենտրոնական կոմիտեները, ինչպես նաեւ Խորհրդարանի ՀՅԴ Ֆրակցիան¹:

Ռուբեն Տեր Մինասյանը ձգտում էր Հայաստանի Հանրապետութեանը հաստատել ՀՅԴ կուսակցութեան դիկտատուրան, ինչը իրականացվեց 1920 թ., բոլշեւիկների մայիսյան խռովութիւնից հետո, երբ Ալ. Խատիսյանի կառավարութեանը փոխարինեց Համո Օհանջանյանի գլխավորած կառավարութեանը, որի կազմում նա ղեկավարում էր միաժամանակ պաշտպանութեան ու ներքին գործերի նախարարութեանները:

Ըստ Ս. Վրացյանի տեսակետի, «...Հայաստանի պետականութեան պայմաններում այլեւս օգտակար չէր կուսակցութեան բացարձակ ապակենտրոնացումը եւ Բյուրոն եւ Կենտրոնական Կոմիտեները պէտք է օժտուէին աւելի լայն վարչական իրավունքներով, բայց պետութիւնը պէտք է լինէր պետութիւն՝ ժողովրդավար խորհրդարանով եւ խորհրդարանի առջեւ պատասխանատու կառավարութեամբ...»²:

Եթե զուտ ժողովրդավարութեան տեսանկյունից գնահատենք երկու տեսակետները, ապա պիտի ասել, որ Ս. Վրացյանի տեսակետն անկասկած, ավելի է ընդունելի: Ավելին, հակառակ Ռուբենի, նա գտնում էր, որ «Կուսակցութիւնը պէտք է մնար նախաձեռնողի, հսկողի, հակակշռողի սահմաններում խորհրդարանական իրավակարգի սկզբունքներով: Ուրիշ խօսքով՝ Հայաստանի Հանրապետութեան վարչաձեւը պէտք է լինէր իրաւական պետութիւն»³:

Դրոն դեմ էր ՀՅԴ կուսակցութեան դիկտատուրան Հայաստանում հաստատելու Ռուբենի առաջարկած տեսակետին: Նրա կարծիքով «...իրեւ գործի մարդ-գրում է Ս. Վրացեանը, - նա շատ լաւ էր ըմբռնել հայկական միջավայրի պահանջները, քաջ ծանօթ էր հայ ժողովրդի հոգեբանութեանը...Նա իրաւամբ համոզված էր, եթե Ռուստոմը ողջ լինէր, պիտի պաշտպանէր «ապակենտրոնացումը», որին «Ռուստոմիզմ» էր կոչում»¹:

Այդ նույն ժամանակահատվածում, ինչպես արդեն նշվել է, Հայաստանի Հանրապետութեան կյանքում տեղի էին ունենում նշանակալի տեղաշարժեր, որոնցից կարեւորագույնը հանրապետութեան սահմանների ընդարձակման խնդիրն էր:

Անգլիական իշխանութիւնների անդրկովկասյան դիվանագիտական ներկայացուցիչների մշակած ծրագրի համաձայն նախատեսվում էր գրավյալ տարածքներում հայկական իշխանութեանների հաստատումը սկսել գարնան սկզբներին:

«Պէտք էր, - գրում է Ալ. Խատիսյանը, - իրագործել որոշումը: Եւ ահա այդ նպատակին համար նշանակուեցաւ գնդապետ Թեմպրլէյը, որ անգլիական ներկայացուցիչն էր Երեւանի մէջ: Անկէ զատ Թիֆլիսէն եկաւ Ալեքսանդրապոլ նաեւ զօր. Պիչը: Մարտ ամսու սկիզբը, գիշերուայ ժամը 12-ին, ես հանդիպում ունեցայ անոր հետ՝ ինձ հետ ունենալով զօրավարներ Յովսէփեանը, Փիրումեանը եւ Դրօն: Խորհրդակցութեան մասնակցեցաւ նաեւ անգլիացի զօր. Տեւին: Որոշուեցաւ, որ մեր զօրամասերը պիտի շարժին դէպի Կարս երկու ուղղութեամբ: Մէկը երկաթուղային գիծով, միւսը՝ խճուղիով: Հայ զինուորների թիւը պիտի ըլլար 1200, իսկ անգլիական զինուորները պիտի ըլլային սկիզբը՝ 1500 եւ ապա 300»²:

Համապատասխան նախապատրաստական աշխատանքներ իրականացնելուց հետո՝ Հայաստանի կառավարութեան ներկայացուցիչները վարչապետ Ալ. Խատիսյանի գլխավորութեամբ անգլիական եւ հայկական զօրամասերի ուղեկցութեամբ ուղեւորվում են Ալեքսանդրապոլից Կարս, Սարիղամիշ, Մերդենեկ, Արդահան, ապա նաեւ Նախիջեւան եւ Շարուր:

Մահմեդականների կողմից Հայաստանի կառավարութեան անդամների ընդունելութեանը, որը հավասարազոր էր հայկական իշխանութեանների ճանաչմանը, երբեմն այնքան էլ սիրալիւր չի եղել: Մի շարք շրջաններում Շուրանների (գաղտնի կառավարու-

¹ Տե՛ս նույն տեղում, էջ 120:
² Նույն տեղում:
³ Նույն տեղում, էջ 121:

¹ Նույն տեղում, էջ 122:
² Խատիսեան Ալ., նշվ. աշխ., էջ 162:

թյուն) ներկայացուցիչները բնակչության աջակցությամբ փորձել են խոչընդոտներ հարուցել եւ չհնազանդվել հայկական իշխանություններին, բայց սկզբնական շրջանում մահմեդականների դիմադրությունը եղել է թույլ եւ ոչ այնքան կազմակերպված: Շուրաների ձեռնարկած ընդվզումները առանց մեծ դժվարությունների արագորեն հաղթահարվել է անգլիացի եւ հայ զինական ուժերի կողմից:

Այ. Խատիսյանի կառավարության խնամատարության նախարար Արտ. Բաբայանը, անդրադառնալով այդ օրերին հանրապետությունում ծավալվող դեպքերին, գրում է. «Հայ-վրացական պատերազմից յետոյ անգլիական իշխանութիւնը քչեց տաճիկներին Կարսի նահանգից, ձերբակալեց թուրքական Շուրան եւ մեր իշխանութիւնը հաստատեց նահանգում: Յաղթական դաշնակիցները մէկ հրամանով մաքրել տուին նահանգի մեծագոյն մասը եւ սարսափահար տաճիկները նահանջեցին դէպի Էրզրում»¹:

Դաշնակիցների աջակցությամբ Հայաստանի Հանրապետության սահմանների ընդարձակման գործընթացը իրականացվում էր բավական արագ եւ արդյունավետ: Բայց դա միայն գործի սկիզբն էր, հիմնական գործողությունները ծավալվելու էին մի փոքր ավելի ուշ:

Չափազանց կարեւոր էր հանրապետության թուրքաբնակ բնակավայրերում խաղաղություն հաստատելու, թուրքական գործերի կողմից դեռեւս նոր-նոր պարպած շրջանների, որոնց թվում՝ ապստամբ ամենավտանգավոր օջախներից մեկի՝ Շարուր-Նախիջեւանի, հնազանդեցման եւ վերամիավորման հարցը:

Իրենց գորամիավորումները հարկադրաբար դուրս բերելով Հայաստանի գրավյալ մի շարք տարածքներից՝ թուրք իշխանությունները երբեք չէին կարող համակերպվել Հայոց անկախ պետականության գոյության իրողության հետ եւ ձեռնարկում էին հնարավոր ամեն ինչ՝ Հայաստանի Հանրապետությունը ներսից քայքայելու եւ այն կործանելու ուղղությամբ:

Հայ-վրացական պատերազմն էլ նրանց գործադրած մեքենայությունների ցայտուն դրսեւորումներից մեկն է:

«Թուրքերը, - վկայում է հայկական Ցորդ գնդի Յորդ վաշտի հրամանատարի տեղակալ Հովհ. Սահակյանը, - Կովկասը պարպել է եւ 1914-ի սահմանները քաշուել է առաջ, Իգդիրէն Կաղզուան, մինչեւ Կարս տարածութեան վրայ գտնուող քիւրտ-թաթար եւ թուրք ժո-

¹ Բժ. Ա. Բաբայան, ԵՂՎ. աշխ., էջ 37:

գովրդի մեծերէն կազմուած ժողով մը ունեցած են Շուրան անտեւով դադարի կառավարութիւն մը հաստատած, որուն նպատակն է եղած չնանչնայ Հայկական սրբէէ կառավարութիւն: Ամէն շրջանի մէջ ձգած են դադարի ծպտեալ սպաներ, զէնք, փամփուշտ եւն...»¹:

Հայաստանի Հանրապետության տարածքում թուրքերն ստեղծել էին երկու Շուրան (գաղտնի կառավարություններ).

1. Արեւմտյան Կովկասի կառավարությունը (Շուրան) պետք է իրականացներ Կարսի, Աբրիզամիշի, Կաղզվանի, Արգահանի շրջանների գեկավարումը:

2. Արեւելյան Կովկասի կամ Արաքսյան Հանրապետություն (Շուրան), որի կազմում էին ընդգրկված Շարուր-Նախիջեւանի, Չանդիրասարի, Վեդիբասարի, Սուրմալուի շրջանները Նախիջեւան կենտրոնով:

Այս «Հանրապետությունները», բաժանվելով ավելի փոքր միավորումների՝ գավառների, ունեին նաեւ թուրք սպաների կողմից գեկավարվող, շատ լավ, անգամ թնդանոթներով ու գնդացիներով զինված զորաջոկատներ²:

Հայաստանի տարածքում ստեղծված գաղտնի կառավարություններին՝ Շուրաներին Փինանսավորում, զինում եւ գեկավարում էր ոչ միայն Թուրքիան, այլեւ՝ Ադրբեջանը: Եվ այդ ամենը իզուր չէր, ժամանակը ակնհայտորեն սպացուցեց, որ թուրքերի կողմից կյանքի կոչված այդ «կառավարությունների» գործունեության արդյունքները բավական արգասաբեր էին: Արհեստավարժ սպաների եւ հատուկ գործակալների կողմից գեկավարվող մահմեդականությունը առաջին իսկ հնարավորության դեպքում ապստամբում էր եւ իրենց վայրագ ու թալանչիական գործողություններով ապակայունացնելով հանրապետությունում տիրող իրավիճակը՝ խոչընդոտում Հայաստանի իշխանություններին զբաղվելու երկրի տնտեսության զարգացմանը, սահմանների ընդարձակմանը եւ հզոր բանակի ստեղծմանը նպատակաուղղված խնդիրների լուծմամբ:

Անասելի բարդ եւ դժվարին խնդիր էր ծառայած հանրապետության կառավարության առջեւ: Մի՞թե հակահայ թույնով ներարկված մահմեդականները, որոնք փաստորեն երբեւէ չէին առնչվել հայկական իշխանությունների հետ, հոժարակամ կհամաձայնեին առանց դիմադրության ենթարկվել Հայաստանի Հանրապետության կառավարությանն ու առավել եւս կհամաձայնեին Հայոց

¹ Մատենաշար «Ուազմիկ», 1937, թիւ 1, «էջեր մեր ազատագրութեան պատմութիւնից», գրեց Յ. Սահակեան, էջ 18:

² Վրացեան Ա., Հայաստանի Հանրապետութիւն, էջ 282:

անկախ Հանրապետության բաղկացուցիչ մասը կազմելու գաղափարին: Ինչպիսի՞ր անհրաժեշտ քայլեր պետք է ձեռնարկելին Հանրապետության իշխանությունները երկիրը վերակառուցելու եւ կայուն խաղաղություն հաստատելու ուղղությամբ:

Հանրապետության մահմեդական բնակչության նկատմամբ կիրառվելիք քաղաքականության հարցում Հայաստանի ղեկավար շրջաններում այդ օրերին տիրապետում էր երկու տեսակետ:

Տեսակետներից մեկի համաձայն, որի ջերմեռանդ պաշտպանն ու առաջադրողը Դրոն էր, անհրաժեշտ էր մահմեդական բնակավայրերի, առաջին հերթին Շարուր-Նախիջեւան, Վեդիբասարի, Զանգիբասարի, Ղամարուււի, Դավալոււի հարցը լուծել գեներալ միջոցով: Նրա համոզմամբ, այդ շրջանների հարցը խաղաղ ճանապարհով լուծելու համար որեւէ երաշխիք չկար եւ չէր կարող լինել, մահմեդականները կարող էին կեղծ խոստումներով միայն ժամանակավորապես պահպանել խաղաղ իրավիճակը: Նա իր մարտական հարուստ կենսափորձով համոզվել էր, իսկ այդ բնակավայրերի «խաղաղեցման» գլխավոր «մեղավորներին» մեկը, անցյալ ժամանակներում, նաեւ ինքն էր, որ մահմեդականները երբեւէ չէին հնազանդվելու Հայաստանի իշխանություններին եւ առաջին իսկ հնարավորության դեպքում անպայմանորեն կդիմեն գեներալ ու կապտամբեն: Առաջնորդվելով այդ իրողությամբ՝ նա պնդում էր եւ պահանջում, որ եթե կառավարությունը ձգտում է, որպեսզի հիշյալ շրջանները մաս կազմեն Հայաստանի Հանրապետությանը, ապա անհրաժեշտորեն, քանի դեռ նրանք չեն հասցրել ինչպես հարկն է կազմակերպվել ու մարտական ուժեր կուտակել, մեկընդմիջ լուծել մահմեդականների հարցը: Իսկ մահմեդականները արդեն սկսել էին պատրաստվել:

Հուլիսի 17-ին Երեւանյան գործարմբի հրամանատար Դրոն Երեւան է ուղարկում հետեւյալ հեռագիրը.

«... Ազուլիսի կոմիսարը հաստատում է այնտեղ եկող ազրբեջանական սպաների եւ ասկյարների մասին: Նորաչենից հաղորդում են, որ այնտեղ եկող ազրբեջանական սպաներն ու ասկյարները զբաղվում են մուսուլմանների ուսուցմամբ եւ Հայաստանի Հանրապետության իշխանությունը չճանաչելու քարոզչությունով¹:

Թուրքաբնակ շրջանների խնդիրը խաղաղ միջոցներով լուծելու տեսակետի ամենաջերմեռանդ կողմնակից, Հայաստանի Հանրապե-

տություն վարչապետ Ալ. Խատիսյանը հետագայում խոստովանում է. «Թրքական պրոպագանդիստի եւ պայքարի գլխավոր օժանդակներն էին Բէօյիք Վերին, Զանգիբասարը, Զարուշատը, Աղբաբան, Գարա-Գոյանլիի ձորը, Հաճի Սամլուն (ներկայիս ԼՂՀ Քարավաճառի շրջանը-Հ. Գ.), Օրդուբազը եւ շարք մը ուրիշ վայրեր, ուր թրքական սպաներու ղեկավարությունները կանոնաւոր դիմադրութիւն էր կազմակերպուած Հայաստանի Հանրապետութեան դէմ: Սպաներ կու գային էրզրումէն եւ ապա Անկարայէն, դրամը կու գար Պաքուէն»²:

Դրոյի կարծիքով, մինչեւ Շարուր-Նախիջեւանի գավառների նկատմամբ վճռական գործողություններ ծավալվել, նախ եւ առաջ պետք է լուծվեր մայրաքաղաքից դեպի Սուրմալու, Շարուր-Նախիջեւան ձգվող շրջանների՝ Զանգիբասարի, Վեդիբասարի, Ղամարուււի եւ Դավալոււի մահմեդականների հարցը, որոնք շարունակաբար կրկնվող զինված ելույթներով ու ավազակային գործողություններով անջրպետում ու մեկուսացնում էին հիշյալ գավառները Հանրապետության մայրաքաղաքից ու մյուս շրջաններից²:

Մյուս հիմնական տեսակետի համաձայն, որի գլխավոր պաշտպանն էր ՀՀ վարչապետ Ալ. Խատիսյանն ու նրա գլխավորած կառավարությունը, թուրքաբնակ շրջանների եւ մասնավորապես Շարուր-Նախիջեւանի գավառների հարցը պետք է լուծվեր բացառապես խաղաղ ճանապարհով: Հարկ է նշել, որ Հանրապետության կառավարության այդ տեսակետը պայմանավորված էր ոչ միայն երկրի դժվարագույն կացությամբ, այլեւ տվյալ հարցի նկատմամբ դաշնակիցների, առավելապես անգլիական իշխանության ներկայացուցիչների որդեգրած քաղաքականությամբ: Անգլիացիները, նույնը նաեւ նրա դաշնակից Ֆրանսիացիները, Հայաստանի իշխանություններին ոչ միայն պարտադրում էին մահմեդականության նկատմամբ իրենց պաշտպանած դիրքորոշումը, այլեւ հետեւողականորեն առաջ էին քաշում Անդրկովկասի վարչատարածքային բաժանման խնդիրները:

Հայաստանի եւ Վրաստանի կառավարությունների նախագահներին հասցեագրված ուղերձում (1919 թ. ապրիլի 14) Անդրկովկասում անգլիական զորքերի հրամանատար գեներալ Թոմսոնը նշում է.

«... 1. Ախալքալաքի գավառը պետք է լինի Վրաստանի ենթակայության տակ:

2. Դեպի Քուռ գետի ուղղությամբ ձգվող Արդահան գավառի մի մասը, ներառյալ Արդահան քաղաքը, նույնպես պետք է հանձնվի Վրաստանի ենթակայությանը:

¹ ՀԱԱ, ֆ. 200, ց. 1, գ. 254, ք. 133:

¹ Խատիսյան Ալ., ցվ. աշխ., էջ 154:

² Տե՛ս ՀՀ ԲԿԱ, պ. 15, թժ. 10, գ. 15/3:

3. Բորչալու գավառի մի մասը ջրբաժանից սկսած մինչև Ան-
քար, ներառյալ գյուղերը եւ Ալավերդի կայարանը, պետք է գտնվի
Վրաստանի ենթակայութեան տակ:

4. Բորչալու գավառի մյուս մասը, հարավից մինչև ջրբաժան ներա-
ռյալ Սանահին կայարան, պետք է լինի Հայաստանի ենթակայութեանը:

5. Կարսի եւ Կաղզվանի գավառները Հայաստանի ենթակայութեանը:

6. Նախիջևանի գավառը սահմանափակված հյուսիսային եւ հա-
րավային ջրբաժաններով, ընդհուպ մինչև Զուլֆա պետք է լինի
Հայաստանի ենթակայութեան ներքո:

7. Օլթիի գավառը եւ Արդահանի գավառի մի մասը պետք է ենթարկվի
Բաթումիում գտնվող բրիտանական զինվորական նահանգապետին...¹:

Նախիջևանի հարցում դաշնակիցների եւ մասնավորապես անգ-
լիացիների տեսակետը միանշանակ էր. այն պետք է մաս կազմեր
Հայաստանի Հանրապետութեան, եւ հարցը պետք է կարգավորվեր
միմիայն խաղաղ միջոցներով: Անգլիացիների կարծիքով, ոչ միայն
Նախիջևանի, այլ նաեւ բոլոր այն տարածքների հարցը, որոնք
մտնելու էին Հայաստանի Հանրապետութեան կազմում, պետք է
լուծվեր խաղաղ միջոցներով: Նրանց ներկայացուցիչների հավաստ-
մամբ վիճելի հարցերը պետք է հարթվեին առանց արյունահեղու-
թյան, իսկ անհրաժեշտութեան դեպքում անգլիական զինական ուժի
օգնութեամբ:

Հայաստանի թուրքաբնակ շրջանների հարցը խաղաղ ճանա-
պարհով լուծելու տեսակետը պաշտպանում էին ոչ միայն դաշնա-
կիցներն ու անգլիացիները, այլեւ հարեւան նորաստեղծ Ադրբեյջա-
նի Հանրապետութիւնը, որի կառավարութիւնը Հայաստանում եւ
Վրաստանում Անգլիայի դիվանագիտական ներկայացուցիչ գեներ-
րալ Թոմսոնի միջոցով խոստանում էր ներգործել Շարուր-Դարալա-
գյազի, Սուրմալուի եւ Նախիջևանի մահմեդականութեան վրա՝
Հայաստանի իշխանութիւնը ճանաչելու գործում:

Իհարկե, նման քաղաքականութեամբ առաջնորդվելու համար
ադրբեյջանական իշխանութիւններն անկասկած հետապնդում էին
իրենց որոշակի նպատակները:

1919 թ. մայիսի 8-ին թվագրված զեկուցագրում Թիֆլիսում Հա-
յաստանի դիվանագիտական ներկայացուցիչը հանրապետութեան
արտաքին գործոց նախարարին ուղղված զեկուցագրում նշում է.

¹ ՀԱԱ, ֆ. 200, ց. 1, գ. 191, ք. 34:

«Գեներալ Թոմսոնի խոսքերով Ճատալի Խան-Խոյսկին (Ադրբե-
ջանի Հանրապետութեան վարչապետը - Հ.Գ.) խոստանում է իր ամ-
բողջական ազդեցութիւնը գործել Նախիջևանի, Շարուր-Դարալա-
գյազի եւ Սուրմալու գավառի մուսուլմանների վրա՝ ճանաչելու Հա-
յաստանի կառավարութեան հեղինակութիւնը: Այդ պատճառով գե-
ներալ Թոմսոնը ուզում է համանման քաղաքականութիւն տեսնել
Հայաստանի Հանրապետութեան կառավարութեան ներկայացուցիչ-
ների կողմից Արցախում:

Փախստականները կվերադառնան Նախիջևան եւ Հայաստանի
մյուս շրջանները միայն այն ժամանակ, երբ Արցախում հայերը
կհանդարտվեն ու այդ առնչութեամբ գեներալ Թոմսոնը կհետագրի
գեներալ Դեւրին»¹:

Առաջին հայացքից կարող է թվալ, որ վիճելի հարցերը խաղաղ
միջոցներով կարգավորելու վերաբերյալ ադրբեյջանական իշխանու-
թիւնների տեսակետը, կարելի է ասել, մեղմ է, քանի որ խոսվում է
սոսկ տարածքների փոխանակման եւ այնտեղ օրինականութիւն
հաստատելու մասին: Բայց այդ ժամանակաշրջանում Ադրբեյջանը
իրականում վարում էր երկակի քաղաքականութիւն. մի կողմից՝
անգլիացիների միջոցով փորձում էր սիրաշահել Հայաստանի իշխա-
նութիւններին, իսկ մյուս կողմից՝ Հայաստանում իր դիվանագիտա-
կան ներկայացուցիչ Թեքինսկու միջոցով ֆինանսավորում ու կազ-
մակերպում էր մահմեդականութեանը եւ ուժեր կուտակում Արցախի,
ինչպես նաեւ Չանգեզուրի հարցը գեներալ Թեքինսկու միջոցով վերջնականապես
լուծելու համար:

Հայաստանի Հանրապետութեան կառավարութիւնը անգլիացի-
ների թելադրանքով եւ զորակցութեամբ գրավյալ տարածքների
(Կարս, Կաղզվան, Սուրմալու, Արդահանի մի մասը եւ այլն) եւ մաս-
նավորապես Շարուր-Նախիջևանի մահմեդականութեան նկատմամբ
կիրառում է ճիշտ եւ ճիշտ Դրոյի առաջարկութեանը հակադիր քա-
ղաքականութիւն:

«Մենք գրում է ՀՀ վարչապետ Ալ. Խատիսյանը, կը շտապէինք
գրաւել Նախիջևանը օր առաջ՝ վախենալով որ անգլիական զոր-
քերու տրամադրութիւնը կրնայ փոխվիլ: Միայն Դրոն էր, որ անհ-
րաժեշտ կը գտնէր նախ մեր զինուորական ուժերով գրաւել բոլոր
մահմետական գիւղերը, որոնք կը գտնուէին Նախիջևանի ճանա-
պարհի վրայ՝ սկսած Դաւալուէն եւ Գայլի-Դրունքէն: Բայց այդ

¹ ՀԱԱ, ֆ. 200, ց. 1, գ. 355, ք. 34:

եղանակը երկար ժամանակ կը պահանջէր: Կառավարութիւնը խնդիրը բազմակողմանի քննութեան ենթարկելէ ետք գերադասեց նախ տէր դառնալ Նախիջեւանին քաղաքական միջոցներով՝ օգտվելով անգլիական հովանաւորութենէն, եւ յետոյ միայն աստիճանաբար մտցնել մեր զօրամասերը: Մեր նպատակն էր ցոյց տալ Նախիջեւանի մահմետական բնակչութեան, որ Հայաստանի Հանրապետութիւնը խաղաղ ձգտումներ ունի»¹:

Շարուր-Նախիջեւանի խնդիրը խաղաղ ճանապարհով լուծելու վարչապետ Ալ. Խատիսյանի տրամադրվածութիւնը որոշակիորեն պայմանավորված էր նաեւ այն հանգամանքով, որ հայկական զորքերին հաջողվել էր առանց որեւէ ռազմական միջոցների գործադրման մուտք գործել Կարսի, Կաղզվանի, Արդահանի եւ մյուս շրջանները: Այսինքն, այդ շրջաններում հայկական իշխանութիւնը հաստատվել էր խաղաղ ճանապարհով: Հանրապետութիւնում տիրող իրական կացութիւնը թելադրում էր, որ տվյալ ժամանակահատվածում ամենակարեւոր խնդիրներից մեկը, եթե ոչ ամենակարեւորը, խաղաղութեան հաստատումն ու ամրապնդումն էր, մանավանդ որ բանակը թույլ, անբավարար պատրաստվածութիւն ունենալու պատճառով դեռեւս ի գորտւ չէր լուծելու մարտական լուրջ խնդիրներ:

Վաշինգտոնում Հայաստանի դիվանագիտական ներկայացուցչին հասցեագրած ուղերձում (18 նոյեմբերի 1919 թ.) Ալ. Խատիսյանը՝ ներկայացնելով ՀՀ ծանրագույն կացութիւնը, գրում է «Ինչպէս Ձէզ յայտնի է, տաճիկների Կովկասեան սահմանները անցնելու օրից մինչեւ այսօր մեր զինւորական ոյժերը շարունակ լարւած դրութեան մէջ են եւ մեր խեղճ զինւորները կատարում են իրանց պարտականութիւնը սոված, տկոյր եւ ոտաբորիկ»²:

Ընդհատ է, Հայաստանը դեռեւս գնվում էր ոչ բարվոք վիճակում, եւ կային մի շարք դժվար լուծելի խնդիրներ, բայց միաժամանակ շատ կարեւոր էր չթուլացնել զգոնութիւնը եւ մոռանալ հայկական իշխանութիւնների նկատմամբ մահմեդականութեան իրական վերաբերմունքն ու տրամադրվածութիւնը:

Շարուր-Նախիջեւանի խնդրի լուծումը, ինչը հստակորեն ապացուցեց ժամանակը, ի տարբերութիւն Կարսի, Կաղզվանի, Արդահանի եւ մյուս շրջանների, կապված էր առավել բարդ ու դժվարին գործոնների հետ:

¹ Խատիսեան Ալ., նշվ. աշխ., էջ 162:

² ՀՀԳ ԿԱ, թժ. 3/3, գ. 3.3, էջ 1:

Հայաստանի Հանրապետութեան սահմանների քննարկման խնդիրների, մասնավորապէս Շարուր-Նախիջեւանի, լուսարանումը տեղ է գտել նաեւ Ռիչարդ Հովհաննիսյանի «Հայաստանի Հանրապետութեան» աշխատութիւնում:

Ռ. Հովհաննիսյանը նույնպէս գտնում է, որ Նախիջեւանի խնդիրը խաղաղ ճանապարհով կարգավորելու բրիտանական ռազմավարների դիրքորոշման վրա իր վճարող ազդեցութիւնն էր գործնկ Կարսում առանց որեւէ լուրջ խոչընդոտի հաջողությամբ իրականացված գործողութիւնը:

Այդ հարցի վերաբերյալ բրիտանական կողմի որոշումը հետեւյալն էր. «Նախիջեւանի զինվորական վարչութիւնը պետք է վերացվի եւ շրջանը հանձնվի հայկական կառավարութեանը, այնպէս որ թույլատրվի բրիտանական զորքերի գուրս բերումը մինչեւ 1919թ. ապրիլի 30-ը:

Այդ պետք է կատարվի՝ խորհրդակցելով հայկական կառավարութեան հետ եւ Կարսի Շուրայի ձեռքակալութիւնից հետո»¹:

Ազատագրված շրջաններում հայկական իշխանութիւն հաստատելու իրականացումը հանձնարարվում է Կովկասում տեղաբաշխված բրիտանական զորաբաժնի հարավային զորախմբի հրամանատար, գեներալ Քիթ Մեյթլենդ Դեյվիին: Նախիջեւանում հայկական իշխանութիւն հաստատելու ուղիները քննարկելու եւ համապատասխան վճիռ կայացնելու նպատակով գեներալ Դեյվիին ապրիլի 17-ին Ալեքսանդրապոլում հանդիպում է ՀՀ վաչապետ Ալ. Խատիսյանին, ապա անցնում Երեւան: Քանի որ Դրոն Նախիջեւանում հայկական իշխանութիւն հաստատելու վերաբերյալ մշակել էր առանձնահատուկ ռազմական ծրագիր, ուստի անգլիացի գեներալի համար, մինչեւ հիմնական գործողութիւն ձեռնարկելը, կարեւոր էր ծանոթանալ նաեւ Դրոյի ծրագրին:

Հայաստանի Հանրապետութեան պատմութեան, մասնավորապէս այդ ժամանակահատվածի, ուսումնասիրութիւնը մատնանշում է, որ հանրապետութեան կյանքում տեղի ունեցած արմատական նշանակութիւն ունեցող իրադարձութիւնների, հատկապէս ռազմական ուղղվածութիւն ունեցող, ծրագրմանն ու կենսագործմանն աշխատանքներին գրեթե միշտ իր մասնակցութիւնն է ունեցել Դրոն:

Ի՞նչ էր նախատեսում Դրոյի ծրագիրը:

Պրոֆեսոր Ռիչարդ Հովհաննիսյանը, այս հարցը քննարկելիս, մեջբերելով բրիտանական 82-րդ բրիգադի ռազմական օրագրում

¹ Հովհաննիսյան Ռ., նշվ. աշխ., էջ 259:

տեղ գտած նյութերը, գրում է. «Հայաստանի ականավոր ռազմիկը նախատեսում էր արագացրած երթով միացնել Հարավային գավառները երեք փուլով՝ մայիսի 1-5 -ին Դավալուն և Վեդիչայ-Սադարակ գոտու մնացյալ մասը, մայիսի 5-10-ին՝ Բաշ-Նորաշենից մինչև Նախիջևան, և մայիսի 10-15՝ Նախիջևանից մինչև Օրդուբադ և Ագուլիս: Նա խնդրում էր, որ 1,5 Ռաջպուտները (նկատի ունի բրիտանական հրամանատարության կողմից նաև Հայաստանում տեղաբաշխված հնդկական զորաբաժնի վաշտերը-Հ.Գ.) մտնեին Սադարակ և պահպանեին երկաթուղու երկայնքով շուրջ 65 կիլոմետր տարածություն՝ այդ առանցքային գյուղից մինչև Նախիջևան:

Դրոն առաջարկում էր բրիտանական դիտորդներ ուղարկել գրավվելիք բնակավայրերը, որպեսզի վկա լինեին, որ ինքը բոլոր ազգություններին նայում է հավասար աչքով, քանի որ մտադիր էր զինաթափել ամբողջ բնակչությանը՝ անկախ ազգությունից»¹:

Ծրագիրը մշակելիս Դրոն կարեւորել էր մի շատ կարեւոր հանգամանք. գոյություն չունեին որեւէ կայուն երաշխիք՝ հաստատելու, որ թուրք բնակչությունը կարող էր ենթարկվել Հայաստանի իշխանություններին և հանրապետության տարածքում ընդմիջտ ապրել հաշտ ու խաղաղ: Ժամանակը միանշանակորեն ապացուցել և ապացուցում էր ճիշտ հակառակը: Հայաստանի տարածքում բնակվող մահմեդական բնակչությունն անհրաժեշտ ու հարմար պահին կապստամբեր, և հանրապետությունը դարձյալ կհայտնվեին քառսային ու ճգնաժամային իրավիճակում: Ահա այդ կարեւորագույն հանգամանքը, ինչպես նաև հանրապետության ներքին իրավիճակի կայունացմանն ու խաղաղությանը մշտապես սպառնացող վտանգը նկատի ունենալով, նա առաջարկում է զինաթափել մահմեդական բնակչությանը:

Դժվար չէ նկատել, որ բրիտանական հրամանատարությանը ներկայացրած Դրոյի վերահիշյալ ծրագիրը զգալիորեն տարբերվում է Նախիջևանի հարցի լուծման նկատմամբ նրա դավանած նախկին դիրքորոշումից: Եթե նախկինում նա վճռականորեն պնդում էր, որ «... ամբողջ ճակատով սրբող-մաքրող հարձակումը Նախիջևանի վրա միակ միջոցն է, որի շնորհիվ երեւանը կկարողանա ազատվել ապստամբության և անջատման մշտական սպառնալիքից, և որի շնորհիվ մահմեդական բնակչությունը կհակվել խաղաղությանը»:

պահպանելու կառավարության հետ», ապա այժմ նրա ծրագրի սլաքը հիմնականում նպատակաուղղված է բնակչության զինաթափման իրականացմանը¹:

«Աւելորդ է նաև համարում, - գրում է Մարտիրոս Աբրահամյանը, - տալ այն տեսակետները, որ կային Նախիջևանի և Շարուրի գրաւելու ժամանակ: Խնտիսեանը առաջարկել էր խաղաղ միջոցներով զօրք մտցնել Նախիջևան և Շարուր և մեղմութեամբ ենթարկել թուրքերին Հայաստանի կառավարութեանը, իսկ Դրոն եղել էր հակառակ տեսակետի վրայ և առաջարկել էր զինու ուժով մաքրել Շարուր-Նախիջևան գիծը թուրքերէ, որպէսզի իր քիչ ուժերով հնարաւորութիւն ունենար պաշտպանելու ճակատը: Բայց չէր անցել այդ առաջարկութիւնը...»²:

Դրոյի դիրքորոշման փոփոխությունն անշուշտ պայմանավորված է Հայաստանում տիրող կացությամբ և այդ հարցի նկատմամբ վարչապետ Ալ. Խատիսյանի գլխավորած կառավարության և բրիտանական կողմի որդեգրած քաղաքականությամբ:

ՀՀ վարչապետ Ալ. Խատիսյանի տեսակետը պայմանավորված էր նաև հետեւյալ հանգամանքով:

«Հայաստանի դիւանագիտական ներկայացուցչին Վաշինգտոնում» խորագիրը կրող հեռագրում ՀՀ վարչապետը հայտնում է, որ չի կայացել իր գլխավորած կառավարության առաջարկությամբ ու Ադրբեջանի համաձայնությամբ նախատեսված նոյեմբերի 20-ին Բաքվում անցկացվող Հայ-ադրբեջանական կոնֆերանսը, ուր պիտի վճռվեր այն բոլոր վիճելի խնդիրները, որոնց պատճառով շարունակվում էր երկու հարեւան երկրների թշնամությունը:

ՀՀ վարչապետի տեղեկացմամբ այդ կոնֆերանսի հետաձգման հետեւանքով Հայ-ադրբեջանական հարաբերություններն ավելի սուր կերպարանք են ստացել³:

Ալ. Խատիսյանի փաստարկմամբ՝ կոնֆերանսը չի կայացել, քանի որ «Շնորհիվ Հասկելի միջամտութեանը Ադրբեջանը արդեն ընդունել էր մի պայմանագիր, որով Շարուրի, Նախիջևանի Գողթանի շրջանները պիտի կազմէին Ամերիկեան նահանգապետութիւ (General-Gубернаторство), չեզոք զօնա, մինչև Փարիզի Կոնֆերանսի վերջնական որոշումը Կովկասի մասին: Գերագոյն Կոմիսարի կարգադրութեամբ, Ամերիկեան նահանգապետը հոկտեմբերի 23

¹ Նույն տեղում, էջ 260-261:

¹ Տե՛ս նույն տեղում:

² «Չայրենիք» ամսագիր, 1934, մարտ, էջ 115:

³ Տե՛ս ԳՅԴ ԿԱ, թծ. 3/3, գ. 3.3, էջ 1:

ին հանդիսաւոր կերպով պիտի մտնել նախիջեւան եւ Ազրբեյջանի եւ Հայաստանի ներկայացուցչների հետ միասին, բայց վերջի ընդհանր Ազրբեյջանը հրաժարուց մասնակցել այդ հանդեսին, միեւնոյն ժամանակ ծածուկ կազմակերպելով նախիջեւանի թրքական ամբոխի կողմից դիմադրութիւն»¹:

Գեներալ Դեյվին եւ նախիջեւանում զինվորական նահանգապետ նշանակված գեղապետ Սիմփսոնը հավանութիւն են տալիս Դրոյի մշակած ծրագրին եւ որոշ ուղղումներ ու լրացումներ կատարելով այն ներկայացնում են վերադասի հաստատման: Ի ցավ Դրոյի եւ Հայաստանի, այդ ծրագիրը բրիտանական հրամանատարութեան եւ անձամբ գեներալ Թոմսոնի կողմից, որը բազմիցս է արտահայտել իր ազրբեյջանամետ տրամադրվածութիւնը, մերժվում է²:

Հարց է ծագում. ինչպիսին կլինել Դրոյի, գեներալ Դեյվինի եւ գեղապետ Սիմփսոնի ներկայացրած ծրագրի նկատմամբ բրիտանական հրամանատարութեան եւ անձամբ գեներալ Թոմսոնի վերաբերմունքը, եթե Հայաստանի Հանրապետութեան կառավարութիւնը նույնպես պաշտպանելու եւ հետեւողականորեն պահանջներ հաստատել հենց այդ ծրագիրը:

Մերժելով իրեն հաստատելու ներկայացված ծրագիրը՝ գեներալ Թոմսոնը ապրիլի 23-ին թելադրում է հետեւյալ հրահանգները, որոնք գեներալ Դեյվիսը հանձնում է Դրոյին, ապա փոխանցում կառավարութեանը.

« Ես գեներալ Թոմսոնին ներկայացրի նախիջեւանի գրավման եւ փախստականների վերադարձի հարցի մասին գեներալ Դրոյի առաջարկութիւնը:

Գեներալ Թոմսոնը համաձայն չէ այդ առաջարկութիւններին հետեւյալ պատճառով.

- ա. Ուժերը չափազանց մեծ են, այսինքն գորքը չափազանց շատ է...
- բ. Դա կարող է ցնցում առաջ բերել,
- գ. Բնակիչներին զինաթափ անելը անիրականանալի է եւ չպետք է փորձել այն իրականացնել:

...Նախատեսված է, որ նախիջեւանի նահանգը պետք է հանձնվի հայկական կառավարութեանը, եւ նախիջեւանի զինվորական նահանգապետութիւնը վերացվելու է: Հայկական ռազմական օկուպացիայի հարցը ներկայացված չէ...

Ես կարծում եմ, որ 2000 սվիններ, 2 դաշտային թնդանոթներ եւ հեծյալ էսկադրոնի ուժերը բավարար են (օկուպում գտնվող բրիտանական զորքի օգնութեամբ) նախատեսված նպատակը իրագործելու համար:

... Բոլոր ուժերը պետք է նպատակաւորվի, որպեսզի թույլ չտրվեն բախումներ, եւ պետք է հասկանալ, որ ռազմական օկուպացիան լավ արդյունքներ չի կարող տալ...»³:

Հարցն արդեն վերջնականապես վճռված էր: Հայաստանի կառավարութիւնը անգլիացիների զորակցութեամբ ձեռնամուխ է լինում խաղաղ ճանապարհով իր իշխանութիւնը հաստատելու թուրքական զորքերի կողմից պարսկական տարածքներում, իսկ Դրոն միաժամանակ նշանակվում է նաեւ նախիջեւանը գրավելու կոչված զորամասի հրամանատար: Իսկ ժամանակը ցույց կտա, որ խաղաղ ճանապարհով այդ շրջաններում հայկական իշխանութեան հաստատումը սոսկ ժամանակավոր ու երերուն երեւութ էր:

«Համաձայն անգլիական կառավարութեան հրահանգին, - գրում է Ալ. Խատիսյանը, - անգլիական գերագոյն յանձնակատարը Կովկասի մէջ առաջարկեց զօր. Տէյվին Հայաստանի կառավարութեան հետ միասին կազմել գործնական ծրագիր մը, որով հայկական իշխանութիւնը պիտի հաստատուէր նախիջեւանի մէջ: Մեր կողմէն այդ ծրագրի մշակման կը մասնակցէին 1) եւ՝ իբրեւ արտաքին գործերու նախարար (ՀՀ վարչապետ Ալ. Խատիսյանը միաժամանակ զբաղեցնում էր նաեւ արտաքին գործերի նախարարի պաշտոնը - Հ.Գ.), 2) զօր. Ախվերտեանը՝ իբրեւ զինուորական նախարար, 3) Դրոն՝ իբրեւ նախիջեւանը գրաւելու կոչուած զորամասի հրամանատար, եւ 4) Խորհրդարանի անդամ Գէորգ Վարչամեանը՝ իբրեւ նախիջեւանի ապագայ նահանգապետ»²:

Համաձայն Հայաստանի Հանրապետութեան խնամատարութեան եւ աշխատանքի նախարարութեան կողմից Հայաստանի կառավարութեանը ներկայացված օրինագծի (1919թ. ապրիլի 27).

« 1912 թվին նախիջեւանի գավառում կային 55.684 հայ, իսկ Շարուրում 10.000 հայ, ուրեմն երկու գավառում ընդամենը՝ 63.684 հայ: 1912-1918 թվականներին անցման քանակը հայտնի չէ...»³:

Թեպետ բրիտանական կողմը ձգտում էր գաղտնի պահել Հայաստանի սահմանների վերաբերյալ ՀՀ կառավարութեան ձեռք բերած

¹ Նույն տեղում, էջ 1-2:
² Տե՛ս Գովհաննիսյան Ռ., Եզվ. աշխ., էջ 261:

¹ ՀԱԱ, ֆ. 200, ց. 1, գ. 212, թ. 192:
² Խատիսեան Ալ., Եզվ. աշխ., էջ 162:
³ ՀԱԱ, ֆ. 199, ց. 1, ր. 52, թ. 8:

պայմանավորվածությունները, այնուամենայնիվ, Ադրբեջանի իշխանություններին հայտնի է դառնում Շարուր-Նախիջևանում հայկական իշխանություն հաստատելու անգլիական իշխանությունների որոշումը: Հայաստանում Ադրբեջանի լիազոր ներկայացուցիչ Խան-Թեքինսկին, տարբեր աղբյուրներից տեղեկանալով ՀՀ կառավարության եւ բրիտանական կողմի համատեղ ձեռնարկումներին, այդ մասին հաղորդում է Բաքու ու փորձում հնարավոր միջոցներով արգելել եւ թույլ չտալ, որ հայկական զորքերը մուտք գործեն Նախիջևան: Միաժամանակ Խան-Թեքինսկին ոչ միայն տեղեկություններ է հաղորդում Ադրբեջանի կառավարությանը Հայաստանում տեղի ունեցող իրադարձությունների վերաբերյալ, այլեւ այդ նույն օրերին Թիֆլիսում գտնվող Ադրբեջանի արտաքին գործոց նախարարին առաջարկում. «... ուղղակի խոսել անգլիական երկու գեներալների հետ, որոնք այն ժամանակ գտնվում էին Թիֆլիսի վերադարձի ճանապարհին: Երբ, ինչպես ինքը նախագրուչացրել էր, մայիսի 3-ին հայկական զորայունը սկսեց առաջխաղացումը, Խան-Թեքինսկին թախանձեց իր կառավարությանը զորքեր կենտրոնացնել Հայաստանի սահմաններին: Նա հավատացնում էր, որ Նախիջևանի ժողովուրդը պատրաստ է դիմադրելու, բայց բրիտանացիներից երկյուղելով, սպասում է, որ Ադրբեջանը քաջալերության նշան տա»¹:

Եթե այդ հեռագրում Խան-Թեքինսկին Ադրբեջանական կառավարությանը առաջարկում է զորքեր կենտրոնացնել Հայաստանի սահմաններին, ապա մինչ այդ հեռագրում է, որ «...եթե իր կառավարությունը կարողանա զորքեր տրամադրել, թեկուզ եւ միայն կամավորների անվան տակ, մահմեդական բնակչությունը անպայման գեների կղիմի»²:

Բաքուն, ստանալով Խան-Թեքինսկու տագնապալի հեռագրերը, իր պատասխանում հայտնում է, «... որ «առկա որոշ հանգամանքներ» խանգարում են կառավարությանը ուղղակի ուղղակի օգնություն ցույց տալ, բայց Ադրբեջանը խորապես բավարարված կլիներ, եթե տեղի բնակիչները հաստատապես դեմ կանգնեն հայ նվաճողներին»³:

Ավելի քան տարօրինակ կարող է թվալ ադրբեջանական իշխանությունների դիրքորոշումը: Խուսափելով ուղղակի միջամտու-

թյունից՝ նա փաստորեն իր համաձայնությունն է հայտնում եւ խրախուսում, որպեսզի Նախիջևանի թուրք բնակչությունը «հաստատապես դեմ կանգնեն հայ նվաճողներին», որը հավասարազոր է զինված պայքարի, ընդամին կարծես ամենեւին հաշվի չառնելով այն հնարավոր վատթարագույն հետեւանքները, որոնք անխուսափելիորեն կառաջանային զինված առճակատման հետեւանքով:

Իրականում ադրբեջանական իշխանություններն առաջնորդվում էին մեկ այլ ուղղակի վարումը: Նրանք այդ նույն ժամանակահատվածում արդեն կազմավորել էին գեներալ Շիրվինսկու գլխավորած զորաբանակը, որը շատ շուտով հարձակվելու էր Զանգեզուրի վրա: Մյուս կողմից, ադրբեջանական իշխանությունները խիստ գաղտնի ֆինանսավորում, զինում եւ թուրք սպաների միջոցով մարզում ու կազմակերպում էին Հայաստանում բնակվող մահմեդական բնակչությունը:

Մայիսի 3-ին Երեւանյան զորախմբի հրամանատար Դրոն, որը միաժամանակ նաեւ Շարուր-Նախիջևանը գրավող զորամասի հրամանատարն էր, հայկական զորքերին առաջնորդում է Նախիջևան:

Նախիջևան մուտք գործելու նախօրեին Դրոն բրիտանական հրամանատարությանն է նրկայացնում մի նոր ծրագիր: Նա առաջարկում է թույլատրեն, որ հայկական զորքերը Նախիջևան առաջանալու ընթացքում գրավեն Սուրմալու գավառի Արալըխի գավառակը, սակայն «...բրիտանական հրամանատարությունը չթույլատրեց Սուրմալուում Արալըխի գավառակը գրավելու՝ Դրոյի ծրագրի իրագործումը: Գնդապետ Փլաուդենը Երեւան ժամանելուց կարճ ժամանակ անց առաջարկեց, որ արգելքը վերացվի, ի նկատի ունենալով խոտվարարական ակտիվությունը Սուրմալուում, բայց գեներալ Կորին կրկնեց Դեյվիի պնդումը, որ հայերն արդեն շատ առաջ են շարժվել և որ *statys quo*-ն» պետք է պահպանվի այդ սահմաններում տարածքում՝ մինչև Փարիզի Հաշտութեան վեհաժողովի ձեռնարկելիք միջոցառումները»¹:

Մուտք գործելով Նախիջևան, Դրոն՝ ավելորդ բարդություններից խուսափելու նպատակով անգլիական գեներալ Դեյվիի եւ զորամասի շտաբի պետ կապիտան Մուրադյանի համատեղ ստորագրությամբ իր գլխավորած զորամասի զինվորներին եւ գավառի բնակչությանն է ներկայացնում դիմում-հռչակագիրը:

Դիմելով զորամասերի հրամանատարներին ու զինվորներին՝ նա խստորեն զգուշացնում է, որ չտրվեն թալանի եւ կողոպուտի, պաշտպանեն հանրապետության բոլոր քաղաքացիների, անկախ

¹ Դովիանցիյան Ռ., Եզվ. աշխ., էջ 264:

² Նույն տեղում, էջ 263:

³ Նույն տեղում:

¹ Նույն տեղում, էջ 270:

ազգային ու կրոնական պատկանելությունից, իրավունքներն ու ունեցվածքը՝ հարգելով նրանց ազգային պատկանելությունը: Հուշակագրում միաժամանակ տեղեկացվում է, որ տեղնուտեղը կգնդակահարվեն բոլոր նրանք, ովքեր կփորձեն միմյանց դեմ գրգռել տարբեր ազգությունների և դավանանքի պատկանող բնակչությանն ու ապակայունացնել գավառում տիրող իրավիճակը:

Դիմելով Նախիջևանի բնակչությանը՝ Դրոն հայտնում է.

«... Ես իմ գործով մտա այս շրջանը իմ կառավարության և դաշնակիցների հրամանով իրենց տուն վերադարձնելու համար իրենց բնակավայրերից կտրված ինչպես հայ, այնպես և մահմեդական գյուղացիներին:

... Բոլոր հողերը, ում կողմից ուզում է զավթված լինեն մեր Հանրապետության ամբողջ տերիտորիայի վրա, պետք է վերադարձվեն իրենց նախկին տերերին:

Ամեն մի քաղաքացու դեմ լինի դա հայ թե թուրք, որ կհամարձակվի հակառակել ամբողջ աշխատավոր ժողովրդի այս ամենաօրինական պահանջի անհապաղ կատարմանը, իմ կողմից ձեռք կառնվեն ամենավճուղի միջոցները մինչև մահապատիժ:

Այն գյուղերն ու ավանները, որոնք դիմադրություն ցույց կտան, կհամարվեն օրենքից դուրս և կրակի ու սրի կմատնվեն:

... Ջորամասերի հրամանատարներին հրամայում եմ համակվել մեր կառավարության գաղափարներով և կարողացածին հնարավորության չափով սահմանել ամեն տեղ կարգ ու խաղաղ կյանք: Իսկ չարամիտ մարդկանց ենթարկել ամենախիստ պատիժների: Կարողացածին և հնարավորության չափով օգնել կարոտյալ բնակչությանը, ինչ ազգության էլ որ պատկանելու լինի նա: Ամեն բան, ինչ որ անհրաժեշտ է գործերի համար, գնել կանխիկ դրամով»¹:

Դատելով Հայաստանի կառավարության ձեռնարկած քայլերից և Դրոյի, որը մահմեդականներին հնազանդեցնելու առավել կոշտ միջոցների կողմնակից էր, վերոհիշյալ ուղերձից, կարելի է անվարան ասել, որ մահմեդական բնակչության նկատմամբ հայկական իշխանությունների տրամադրվածությունը ավելի քան խաղաղասիրական էր: Հանրապետության տարածքում արմատավորված հայթուրք փոխհարաբերությունները, ինչպես արդեն նշվել է, խաղաղ ճանապարհով կարգավորելու կողմնակիցներն էին դաշնակիցները և մասնավորապես անգլիացիների ներկայացուցիչները: Սակայն հանրապետությունում, այդ թվում նաև Շարուր-Նախիջևանում

բնակվող թրքությունը այս հարցում առաջնորդվում էր միանգամայն այլ սկզբունքով ու չափանիշներով: Նախիջևանի նահանգապետ Գ.Գ. Վարչամյանի կողմից Հայաստանի Հանրապետության ներքին գործերի նախարարին հասցեագրված զեկուցագրերն ակնհայտորեն մատնանշում են, որ Նախիջևանի թրքության գերակշիռ և առավել ազդեցիկ զանգվածը, որը ղեկավարվել է հայր և որդի Ջաֆար Կուլի խան Նախիջևանսկու և Քալբալի խանի կողմից, վճռականորեն դեմ է եղել Հայաստանի մասը կազմելուն²:

Զգաստանալով անգլիացիների ներկայությունից և միմիայն առերես ընդունելով Հայաստանի իշխանությունը՝ նրանք լայն քարոզչություն են ծավալել բնակչության շրջանում և աշխատել նրանց տրամադրել ընդդեմ հայկական իշխանությունների:

Հայաստանի Հանրապետության ներքին գործոց նախարարին ուղղված մայիսի 29-ին թվագրված զեկուցագրում Նախիջևանի նահանգապետ Վարչամյանը, նկարագրելով նահանգում տիրող անմխիթար իրավիճակը, նշում է. «...Վերջերս սա (նկատի ունի Ջաֆար Կուլի խան Նախիջևանսկուն-Հ. Գ.) մի ժողով էր գումարել, ուր վճռել են մեզ տնտեսական բոյկոտ հայտարարել, ոչինչ չծախել և ամեն կերպ խուսա տալ մեզ հետ հարաբերություն ունենալուց: Հիմնել են իրենց դատարանները և պատվիրել են՝ ոչ մի մուսուլման մեր դատարաններին և իշխանության չզդիմի: Տնտեսական բոյկոտ շատ ուժեղ կերպով տանում են: Ես Ագուլիսից և Օրդուբադից գրություն ստացա, որով հայտնում են, թե վերջերս իրենց անհասկանալի պատճառներով թուրքերը ոչ մի փուլի ցորեն չեն ծախում և, առհասարակ, հարաբերությունը փոխվել է...»³:

Հեռագրում նշված միջոցառումներին զուգընթաց՝ թուրքերն առավելագույնս կազմակերպում են իրենց մարտական ուժերը և պարբերաբար անցկացնում զինավարժություններ: Նախիջևանի թուրք պարագլուխները, չթաքցնելով իրենց նպատակը, հայտարարում են. «Նախիջևանի նկատմամբ կատարվեց մեծ անարդարություն: Նա պետք է կպցվեր կամ Աղբթանին, կամ Պարսկաստանին, հայերը երբեք չէին կարող կառավարել այս երկիրը: Սա լինելու է երկրորդ Մակեդոնիա և շատ շուտով դժգոհ էլեմենտները չեթեներ են կազմելու և հարձակումներ գործելու (Այս խոսքերը ասել է Քալբալա Ալի խանը անգլիացիների ներկայությամբ-Հ.Գ.) »³:

¹ Բանբեր Հայաստանի Արխիվների, 1993, թիւ 1-2, էջ 103-104:

¹ Տե՛ս նույն տեղում:

² Նույն տեղում, էջ 107:

³ Նույն տեղում:

Այս կարգի անբռնազրոս, համարձակ հայտարարութեան համար Նախիջեւանի թրքութեան առաջնորդն անշուշտ ունեւ որոշակի անհրաժեշտ հիմքեր, որոնք առաջին հերթին պայմանավորված էին նրանց կազմակերպած մարտական ուժերի առկայութեամբ:

Հայաստանում Ադրբեջանի դիվանագիտական ներկայացուցիչ թեքինսկու՝ արտաքին գործոց նախարարին ուղղված հունիսի 11-ի թիվ 16 հեռագրից պարզվում է.

«...Շարուր-Նախիջեւանի շրջանն ունի վեց հազար կիսականոնավոր զորք՝ հեծելազորով, թնդանոթներով եւ գնդացիներով: Ռազմունակութեամբ հետ չեն մնում հայերից, որոնց օժանդակում են անգլիացիները: Պատերազմական գործողությունների ժամանակ զինված ուժերի թիվը կարող է հասնել մինչեւ 10 հազարի: Կարծում եմ, որ մենք պետք է պահենք միայն վեց հազար ասկյար հին հրամանատարական կազմի հետ միասին, տեղավորելով նրանց այն վայրերում, ուր գտնվում էին մինչեւ հայերի գալը, իսկ մի մասն էլ Ջանգեզուրի սահմանի վրա՝ լեռներում:

...Դրամը հրամանատարներին բաց կթողնեմ մաս-մաս... Վաղը դուրս է գալիս զինվորական կցորդը, լսեցք նրա զեկուցումը եւ միասին քննեցք՝ Այսօր սուրհանդակ ուղարկեցի Նախիջեւան»¹:

Նույն էր իրավիճակը հանրապետության թուրքաբնակ գրեթե բոլոր շրջաններում եւ մասնավորապես Նախիջեւանին սահմանակից Շարուրի գավառում:

Նույն թվականի հունիսի 30-ին Դրոն՝ տեղեկանալով Շարուրի գավառում տիրող իրավիճակին, այդ մասին հանրապետության ներքին գործոց նախարարին հաղորդում է. «Մինչեւ այժմ Շարուրում վարչակազմը ինչպես հարկն է դեռեւս չի հաստատվել: Իր տրամադրության ներքո ունենալով ընդամենը 10 հեծյալներ՝ կոմիսարը ֆիզիկապես անկարող է այցելել գյուղեր, որոնք միմյանցից գտնվում են մեծ հեռավորության վրա:

Շարուրում դատական իշխանությունների՝ դատախազ, քննիչ; դատավոր, բացակայությունը հանգեցրել է նրան, որ մուսուլմանների մոտ մշտապես կասկած է առաջացնում երկիրը ղեկավարելու մեր ունեցած կարողությունների նկատմամբ: Միայն անհրաժեշտ քանակի անձնակազմով եւ այլ կարեւոր միջոցներով հագեցված իշխանությունների հաստատումը տեղերում կբարձրացնի մուսուլմանների աչքում մեր կառավարության հեղինակությունը: Վերջին հանգամանքը այս պահին ես համարում եմ առավել կարեւոր»²:

¹ Նույն տեղում, էջ 145-146:

² ՀԱԱ, ֆ. 201, ց. 1, գ. 45(2), ք. 719:

Դեռեւս ի զորու չլինելով ազատագրված շրջաններում կայուն իշխանություն ու խաղաղություն հաստատելու՝ հանրապետության կառավարությունն, ապավինելով դաշնակիցների զինական աջակցությանն ու խոստումներին, աշխատում է ժամանակ շահել: Իսկ թուրքերը համառորեն ու նպատակաւորված պատրաստվում էին եւ սպասում հարմար պահի: Շատ շուտով նրանց զինված ելույթների համար նպաստավոր պահը ներկայանում է: Թուրքերի եւ նրանց աջակցող Ադրբեջանի իշխանությունների լարված ու հետեւողական աշխատանքներն իզուր չանցան: Ընդամենը երկու ամիս է տեւում խաղաղությունը: Անգլիացիները իրենց զորքերը դուրս են բերում Հայաստանի տարածքից, սկզբում մայիսի 15-ին Կարսից, ապա նաեւ մյուս տարածքներից, իսկ մայիսի 30-ին՝ անգամ Նախիջեւանից: Թուրք հրոսակախմբերի համար դարձյալ հրաշալի պահ է ներկայանում զինված ելույթներ սկսել ընդդեմ հայկական իշխանությունների: Անգլիացիների հեռանալուց հետո այլեւս չկար մահմեդականությունը կաշկանդող հիմնական խոչընդոտ, նրանց ձեռքերն արդեն ազատ էին:

«Դժբախտաբար, գրում է հանրապետության վարչապետ Ալ. Խատիսյանը, մեր ուրախութիւնը երկար չտեւեց: Հազիւ երկու ամիս Նախիջեւանը խաղաղ մնաց: Այդ ժամանակաշրջանի մէջ Քերպալի խան Նախիջեւանսկին եւ մեր իշխանութեան թշնամի միւս խաները անդադար պատրաստութիւն կը տեսնէին: Անգլիական զորքերը Նախիջեւանէն հեռացան անմիջապէս որ մեր զորքերը մտցուցինք:

Մեր կառավարութիւնը շատ խնդրեց որ անգլիացիք մնան մինչեւ աշուն, բայց Լոնտոնէն եկած հրամանը վճռական էր: Անգլիացիներու հեռանալը թեւ տուաւ մահմետական դաւադիրներուն»¹:

Անգլիական իշխանությունների կողմից իրենց զորքերի դուրս բերումը Հայաստանի տարածքից մեծ եւ ինչ-որ առումով անակնկալ հարված էր հանրապետության կառավարության համար, որը դեռեւս հնարավորություններ չունեւ հզոր մարտական ուժեր տեղաբաշխել թուրքաբնակ շրջաններում եւ արմատախիլ անելով հայկական իշխանությունների դեմ ուղղված զինված ելույթները՝ խաղաղություն հաստատել հանրապետության տարածքում: Օրինակ, Նախիջեւանի նահանգում հանրապետության կառավարությունը, անգլիացիների հեռանալուց հետո, չհաշված նահանգապետի թիկնազորն ու սակավաթիվ ոստիկանական ջոկատը, կարողացել

¹ Խատիսեան Ալ., Սշվ. աշխ., էջ 162:

էր տեղաբաշխել միայն գեներալ Շելկովնիկյանի գլխավորած փոքրաքանակ զորամասը, որը մահաբերականների կազմակերպված զինյալ ելույթների դեպքում բացարձակորեն ի զորու չէր որեւէ լուրջ գործողություն իրականացնել:

Միաժամանակ գեներալ Շելկովնիկյանի վրա է դրվում Նախիջևանի նահանգապետի պարտականությունը:

1919 թ. Հունիսի 26-ին Շելկովնիկյանը, նկատի առնելով նահանգում տիրող ծանր կացությունն ու հայկական զորքերի փոքրամասնությունը, կառավարությանը հղած հեռագրում նշում է.

«Զորքը քիչ է: Զուրֆայում կա պահակախումբ: Չեմ կարող պահակախումբ ուղարկել Գողթանի չրջան»¹:

Մթնոլորտն օր օրի ավելի ու ավելի է չիկանում:

Վաչինգտոնի Հայաստանի դիվանագիտական ներկայացուցչին հասցեագրած վերոհիշյալ ուղերձում ՀՀ վարչապետ Ալ. Խատիսյանը հայտնում է. «Անգլիացիների գնալուց յետոյ մենք գտնուում ենք ամերիկացիների հովանաւորութեան տակ, բայց այդ հովանաւորութիւնը կրում է միայն պատոնական բնաւորութիւն, որովհետեւ ամերիկացիք զրկւած լինելով զինւորական ոյժից, ոչ մի հնարաւորութիւն չունեն ստիպելու թաթարներին եւ տաճիկներին կատարել իրենց կարգադրութիւնները»²:

Այդ նույն հեռագրում ՀՀ վարչապետը նաեւ հայտնում է, որ չի կայացել իր գլխավորած կառավարության առաջարկությունը ու Ադրբեջանի համաձայնությունը նախատեսված նոյեմբերի 20-ին Բաքվում անցկացվող հայ-ադրբեջանական կոնֆերանսը, ուր պիտի վճռվեին այն բոլոր վիճելի խնդիրները, որոնց պատճառով շարունակվում էր երկուհարեւան երկրների թշնամությունը:

ՀՀ վարչապետի տեղեկացմամբ՝ այդ կոնֆերանսի հետաձգման հետեւանքով հայ-ադրբեջանական հարաբերություններն ավելի սուր կերպարանք են ստացել³:

Թուրքական կողմը մահաբերական բնակչության ապստամբությունը ծավալելու եւ այն արդարացնելու նպատակով որոշակի քայլեր է ձեռնարկել նաեւ դիվանագիտական ուղղությունը:

Բազմիցս Ադրբեջանի կառավարությանը ներկայացնելով Հայաստանին հարվածելու առաջարկը՝ Խան-Թեքինսկին Հունիսի 20-ին կառավարությանը հայտնում է, որ «...Դրոյի զորքերը Շարուրում և

Նախիջևանում գրավել են ռազմավարական շատ կետեր: Նախիջևանի շուրան, հայտնում էր նա, դիմել է դաշնակից տերություններին՝ հայկական դաժանությունների առթիվ և բողոքել, որ, չնայած Խատիսյանի և գեներալ Դեյվիի հանդիսավոր խոստումներին, խաղաղ բնակիչները հաճախակի զինաթափվում և ձերբակալվում են...»

Ազգի պատիվն ու ապագան Ադրբեջանի Հանրապետությունից պահանջում են ընդունել մարտահրավերը»⁴:

Հուլիսի սկզբներին սկսվում են թուրք հրոսակախմբերի զինյալ ելույթները Բոյուք-Վեդի գյուղից եւ աստիճանաբար ու արագորեն տարածվում գրեթե թուրքաբնակ բոլոր չրջանները:

Հայաստանի կառավարությունը, գտնվելով աննպաստ իրավիճակում, սկզբնական չրջանում չի կարողանում վճռական քայլեր ձեռնարկել մահաբերականության զինյալ ելույթները կանխելու եւ ջախջախելու ուղղությամբ: Հանրապետության կառավարությունը հայտնվում է շատ ծանր իրավիճակում:

Հուլիսի 24-ին Հայաստանի վարչապետ Ալ.Խատիսյանը Կովկասում բրիտանական զորքերի հրամանատար գեներալ Քարիին հղած հեռագրում ներկայացնելով Նախիջևանի, Շարուրի եւ Բոյուք-Վեդիի, Ղամարուտի եւ Դավալուտի չրջաններում մահաբերականների զինված ելույթների պատճառով ստեղծված կացությունը, նշում է. «Ես գտնում եմ, որ Զերդ Գերազանցությունը անհրաժեշտ է հայտնել հետեւյալը. մեր կողմից բրիտանական կողմին հանձնված փաստաթղթերը վկայում են, որ ամբողջ շարժումը կազմակերպվել է ադրբեջանական կառավարության կողմից, նրա ծախսերով եւ թուրք սպանների օժանդակությամբ: Որպես ապստամբներին աջակցություն սահմանի մոտ կենտրոնացրել են ադրբեջանական զորքեր»²:

Ի տարբերություն Ադրբեջանի, թուրք գործակալների եւ նրանց կողմից ղեկավարվող մահաբերականության, Հայաստանի իշխանությունը այդ ուղղությամբ դեռեւս չէր հասցրել ինչպես հարկն է նախապատրաստվել եւ հայտնվելով անպատրաստ վիճակում ստիպված դարձյալ դիմում է անգլիացիների օգնությանը. «Նոր արյունահեղությունը, - նույն հեռագրում շարունակում է Ալ.Խատիսյանը, - կանխելու նպատակով ես պատիվ ունեմ Հայաստանի կառավարության անունից խնդրել Զերդ Գերազանցությունը կարճ ժամանակամիջոցում ձեռնարկել համապատասխան միջոցներ, որպեսզի պահանջվի ադրբեջա-

¹ ՀԱԱ, ֆ. 202, ց. 1, գ. 39(մ. 3), ք. 103:

² ՀՀԳ ԿԱ, քծ. 3/3, գ. 3.3, էջ 1:

³ Տե՛ս նույն տեղում:

¹ Հովհաննիսյան Ռ., Եզվ. աշխ., էջ 271:

² ՀԱԱ, ֆ. 276, գ. 1, գ. 147, ք. 67:

նական կառավարությունից դադարեցնի իր կողմից ազերին ցուցաբերած օժանդակությունը»¹:

Վաշինգտոնում Հայաստանի դիվանագիտական ներկայացուցչին հասցեագրած վերոհիշյալ հեռագրում ներկայացնելով անգլիացիների հեռանալու հետեւանքով Հայաստանում տիրող անմխիթար իրավիճակը՝ Ալ. Խատիսյանը գրում է. «Մեր երկրի այմեան ծանր վիճակի պատճառները մէկը այն է, որ Փարիզի Կոնֆերանսը մինչեւ հիմա դեռ չի յայտարարել Հայաստանի անկախութիւնը. օգտւելով այդ հանգամանքից, տաճիկները եւ թաթարները աշխատում են ոչնչացնել մնացորդ հայութիւնը եւ մեր հանրապետութիւնը»²:

Ալ. Խատիսյանի գնահատմամբ՝ Հայաստանը ծանր իրավիճակից դուրս բերելու համար «Անհրաժեշտ է, որ անմիջապէս Ամերիկան հենց այժմանից ճանաչի մեր անկախութիւնը եւ Կովկաս ուղարկի յատուկ լիազորութիւն ունեցող անձնաւորութիւններ...»³:

Իզուր էին Հայաստանի վարչապետի խնդրանքն ու հույսերը: Անգլիացիների միջնորդությունը որեւէ դրական արդյունք տալ այլեւս չէր կարող, իսկ Ամերիկան համաձայն ՀՀ վարչապետի խոստովանության՝ «Մինչեւ այժմ ամերիկացիներից ալիւրից գատ ուրիշ ոչ մի օգնութիւն չենք ստացել...»⁴:

Իսկ ժամանակն աշխատում էր հօգուտ հակառակորդի: Հայաստանի մահմեդական բնակչությունն այս անգամ տրամադրված էր ավելի քան վճռական ու անզիջում: Ընդ որում՝ հակառակորդը շատ լավ տեղյակ է եղել հանրապետությունում տիրող կացութեանն ու բանակի կազմին եւ հնարավորություններին:

Հանրապետության տնտեսության ծայրահեղ անմխիթար վիճակը, հարյուր հազարավոր գաղթականների առկայությունը եւ այդ ամենին գումարած՝ մահմեդականության պարբերաբար կրկնվող զինյալ ելույթները մեծապես արգելակում էին կառավարությանը լիարժեք զբաղվելու երկրի վերաշինության, կայունացման եւ մասնավորապես բանակի կազմավորման խնդիրներով: Հանրապետության բանակը քանակական եւ որակական առումով դեռեւս խիստ սահմանափակ էր, թույլ եւ անկազմակերպ:

ՀՀ բանակն ըստ Ս. Վրացյանի՝ ուներ հետեւյալ կազմը. «... երեք հետեւակ բրիգադ՝ իւրաքանչիւրը երկու գնդից եւ գունդը՝ երեք գումարտակից, երկու ձիաւոր գունդ՝ իւրաքանչիւրը վեց հա-

րիւրեակով, 12 մարտկոց՝ ամէն մէկը 4 թնդանօթով, 3 զրահապատ զնացք եւ մի քանի տեղական զորամասեր: Այդ ուժերը ցրուած էին երկրի բոլոր կողմերում, ունէին թերի կազմ, չնչին քանակութեամբ ռազմամթերք, վատ հագուստ ու պարէնաւորում»¹:

Համաձայն Ռուբեն Տեր-Մինաստյանի՝ 1919 թ. ՀՀ զինվորական նախարարության հաշվից օգտվում էին 18.000-24.000 հոգի, իսկ իրականում «...գործող բանակի թիւն էր 7.900 սուլին, 350 թուր, 26 թնդանօթ, մօտ 8.500 մարդկանցով, կյուր թիւով մօտ 9.000 մարդ:

.... Բացի յիշեալներից, կային եւ զօրամասեր, որոնք կարող էին համարուել գործօն բանակի եւ ներքին ապահովութեան եւ թիկունքի կազմակերպման զօրաբաժիններ: Բանակի համար ֆիզիքական ոյժ ներկայացնողները հետեւեալներն էին.-

Գողթանի առանձին բաժին՝
Նժդեհի ղեկավարութեամբ՝-----180 սուլին-թուր
Յատուկ զօրաբաժին Դարալագեազի, Ղարաբաղի եւ
Զանգեզուրի (Դրոյի զօրամաս)-----1.000 »
Երեւանի պահակային գունդ-----1.000 »
Ալեքսանդրապոլի պահակային գունդ-----1.000 »
Կարսի պահակային գունդ-----400 »
Սահմանային վաշտ, Կասեղիովի-----300 »
Ընդամենը՝ 3.800 »²:

Ռուբենի գնահատմամբ՝ «Այս ուժերից, զինուորական տեսակէտից արժէքաւոր էր Յատուկ զօրաբաժինը (նկատի ունի Դարալագեազի, Ղարաբաղի եւ Զանգեզուրի Դրոյի զօրամասը-Հ. Գ.), իսկ միւսները արժէք կը ներկայացնէին միայն իրենց տեղի վրայ: Ի գուր չէր, որ Խորհրդարանի զինուորական յանձնախմբում հարց էր բարձրացնում շարունակ կամ կրճատել մանաւանդ պահակային զօրամասերի թիւը եւ կամ տալ նրանց այլ բնույթ...»³:

Վերոհիշյալ թվերը ակնհայտորեն ցույց են տալիս, որ գործող բանակը, զուտ քանակական առումով զգալիորեն զիջում էր բանակի ընդհանուր թվին:

Ռուբենը վկայակոչում է ՀՀ զինված ուժերում դեռեւ գոյություն ունեցող մի քանի ուշագրավ երեւույթներ, որոնք մեծապես պայմանավորում էին գործող բանակի իրական կացությունը:

¹ Նույն տեղում:
² ԳՅՊ ԿԱ, թժ. 3/3, գ. 3.3, էջ 3:
³ Նույն տեղում:
⁴ Նույն տեղում:

¹ Վրացեան Ս., Հայաստանի Հանրապետութիւն, էջ 297:
² Ռուբէն, Աշխ., աշխ., էջ 336:
³ Նույն տեղում, էջ 336-337:

Օրինակ, Ռուբենի հավաստմամբ՝ «Անհամեմատ մեծ թիվով մարդիկ էին կլանում թիկունքային աշխատանքների համար, ինչպես օրինակ, սպայակոյտերի, զինամթերքային կէտերի, վերակացուների(պարենաւորման), հեռագրերի եւ այլ բազմաթիւ հիմնարկութիւնների վրայ»¹:

Ռուբենի վկայութիւններէց պարզվում է, որ ընդօրինակելով ռուսական բանակում արմատավորված սովորույթներին, հայկական բանակի սպաները նույնպես ունեցել են դենչիկներ(ծառայողներ), որոնք մեծ թիվ են կազմել: Դենչիկները օգտվել են բանակին հատկացրած պետական միջոցներից եւ սպասարկել ու ծառայել են միմիայն իրենց տերերին՝ սպաներին:

«Եւ եթէ հաշուելու լինենք, գրում է Ռուբենը, դրանց վրայ սպաների դենչիկներին(ծառայողներին) եւ գործող բանակի թիկունքում աշխատողներին, ինչպէս օրինակ արողչիկներին, այդ պարագային զորակոչի ենթարկուած սպաների եւ զինուորների 60 %-ից աւելի դառնում էին հաց ուտողներ եւ հազիւ 40 %-ն էր որ պիտի գործող բանակում դառնար թնդանօթ, սւր կամ սուին բռնող:

...Օրինակ ունենալով ռուս զինուորական օրէնքները, կազմակերպւում էին սպայակոյտերը, զինամթերքի կէտեր եւ այլն... Հսկայածաւալ Ռուսիոյ համար դա անհրաժեշտ էր, բայց փոքրիկ Հայաստանը նոյն դրութեամբ առաջնորդւում էր՝ թիկունքը նախ կազմակերպելով ռուսական դրութիւններով, այլեւ մարդկային ուժեր քիչ պիտի ունենար գործօն բանակը լրացնելու համար »²:

Հիմք ունեննալով ՀՀ բանակում տիրող վերոհիշյալ իրավիճակը՝ Ռուբենը տալիս է հետեւյալ գնահատականը. «Ահա այդ էր պատճառը, որ Հայաստանի զինուորական կառուցվածքը մի հրեշ էր, որի գլուխն ու փորը մարմնի երեւէ-չորրորդը կը բռնէր, իսկ գործող անդամները՝ փոքրիկ, աննշան»³:

Միանգամայն ակնհայտ է, որ այդպիսի սահմանափակ մարտական ուժերով հանրապետութեան բանակը ի գորտու չէր արագորեն խորտակել ինամբողջ նախապատրաստված ու բավականին լավ զինված եւ կազմակերպված բազմաբանակ ապստամբ զորախմբերի դիմադրութիւնը: Մահմեդական բնակչութեան զինված ելույթները մարելու ժամանակահատվածում առավել դաժան ու արյունահեղ

կռիվներ տեղի են ունեցել Բոյուք-Վեդիում, ուր թուրք սպաներն ու ապստամբների ղեկավարները, կենտրոնացնելով ավելի քան 4000 (չորս հազար) զինյալներ, կարողացել էին այդ շրջանը վերածել պաշտպանութեան ամրակուռ ամրոցի: Մշտապես համալրելով Բոյուք-Վեդիի պաշտպանների մարտաշարքերը՝ թուրքերը կարողանում էին հաջողութեամբ դիմագրավել եւ չեզոքացնել հայկական կանոնավոր զորամասերի հարձակումները:

Հանրապետութեան ներքին իրավիճակն ավելի է ապակայունանում ու սպառնալի կերպարանք ձեռք բերում, երբ Բոյուք-Վեդիի ղեպքերից մի փոքր անց մահմեդական բնակչութեան զինված ինամբողջ նախապատրաստված զանգվածային ելույթներ են բռնկվում Ջանգիրասարում, Լամարլուում, Շարուր-Նախիջեւանում, ապա նաեւ Կարսի նահանգում եւ Սուրմալուի գավառում: Հանրապետութեան կառավարութեան համար մահմեդական բնակչութեան զինված ելույթները չպետք է անակնկալ ու անսպասելի լինեին: Կատարվում է այն, ինչի մասին ժամանակին բազմիցս ահազանդում էր Դրոն: Անհրաժեշտ էր ժամանակին մեկընդմիջտ լուծել այդ շրջանների թրջութեան հարցը, քանի դեռ նրանք չէին հասցրել ինչպես հարկն է զինվել ու նախապատրաստվել եւ ինչպես հատակորեն ապացուցեց ժամանակը, անհնարին էր ակնկալել, որ թուրքերը երբեւէ կհամակերպվեին հայկական իշխանութիւններին ենթարկվելու, առավել եւս համակերպվելու Հայաստանի Հանրապետութեան անքակտելի մասը կազմելու իրողութեանն ու գաղափարին:

Հուլիսի 23-ին մահմեդական հրոսակախմբերը, նախահարձակ լինելով, անակնկալ հարձակում են գործում գեներալ Շելկովնիկյանի զորախմբի վրա: Հայկական զորախումբը հանկարծակիի գալով եւ անկարող լինելով դույզն-ինչ դիմադրելու թշնամու գրոհներին՝ խուճապահար թողնում է Նախիջեւանի տարածքը: Զորախմբի մի մասը սպանվում եւ գերի է ընկնում, իսկ մյուս մասը, մի կերպ ազատվելով թուրքերի հետապնդումից, նահանջում է Երեւանի ուղղութեամբ:

Հանրապետութեան զինվորական նախարարը Նախիջեւանի դեպքերի կապակցութեամբ ստանում է հետեւյալ զեկուցագիրը.

«Նախիջեւանում ստեղծված դժվարին իրավիճակի պատճառով մեր զորամասերը նահանջել են Դավալու: Նախիջեւանի շրջանը Սարաղակի կողմից կտրվել է թաթարների կողմից: Թաթարների թիվը հասնում է 10000-ի, նրանց հրամանատարն է թուրքական բանակի գնդապետ Խալիլ բեյը, որի հրամանատարութեան ներքո գործում են թուրքական եւ ադրբեջանական բազմաթիվ սպաներ:

¹ Նույն տեղում, 334:
² Նույն տեղում, էջ 334-335:
³ Նույն տեղում, էջ 335:

Գեներալ Շելկովնիկովի զորախումբը (Նախիջևան) եւ գնդապետ Կարաքեչիչովի (Սադարակ) զորախումբը դուրս են եկել թաթարների շրջապատման օղակից եւ միացել են Դրոյին:

Երկու զորախմբերն էլ կրել են ծանր կորուստներ¹:

Հայաստանի Հանրապետութեան վարչապետ Ալ. Խատիսյանի հաւաստմամբ՝ այդ նույն պահին Նախիջևանում է գտնվել ամերիկյան նահանգապետը, բայց նրա ներկայութիւնն ու տրված կտրուկ հրամանները եւ սպառնալիքները որեւէ ազդեցութիւն չեն գործել մահմեդական բնակչութեան վրա, որը թուրք սպանների գլխավորութեամբ, զինված թնդանոթներով ու գնդացիներով, հարձակվել է Դարալագյազի վրա, նպատակադրվելով անցնել Ջանգեզուր եւ անմիջական կապ հաստատել Ադրբեջանի հետ²:

Դրոն՝ տեղեկանալով Նախիջևանում եւ Շարուրում կատարվող դեպքերին, շարժվում է նրանց ընդառաջ, փորձում օգնել, բայց արդեն շատ ուշ էր: Նա իր փոքրաթիվ զորամասով եւ գեներալ Շելկովնիկյանի ու գնդապետ Կարաքեչիչյանի ջախջախված զորախմբերի մնացորդներով տվյալ պահին այլեւս ի զորու չէր որեւէ լուրջ հակահարված կազմակերպել ընդդեմ բազմահազար մահմեդական զինյալների, մանավանդ որ իրավիճակը շատ ծանր էր նաեւ Բոյուք-Վեզիրի եւ մյուս ապստամբ շրջաններում:

Մահմեդականները հրաշալիորեն են օգտագործում իրենց ընձեռված ժամանակը եւ հետեւողականորեն նախապատրաստվելով եւ օգտվելով անգլիական զինական ուժերի բացակայութեանից՝ նախահարձակ են լինում եւ Հանրապետութեան իշխանութիւններին դնում շատ ծանր կացութեան առջեւ:

Անդրադառնալով այդ օրերին Հայաստանի Հանրապետութեանում կատարվող դեպքերի գնահատմանը՝ Հանրապետութեան խնամատարութեան նախարար Ար. Բաբայանը գրում է. « 1919 թուի զարնանը, մայիսի 19-ին, անգլիական զօրքերը գրաւեցին Շարուրն ու Նախիջևանը եւ այդ երկու գաւառների իշխանութիւնը յանձնեցին մեզ: Հազիւ երկու ամիս կարողացանք պահել Նախիջևանն ու Շարուրը մեր ձեռքը, տեղական ազգաբնակչութիւնը, ղեկավար ունենալով տաճիկ սպաններին, յուլիսի 23-ին ապստամբեց մեր իշխանութեան դէմ, եւ մեր զօրքերը ստիպուած եղան, մեծ կորուստներ տալով, նահանջել դէպի Երեւան:

Ապստամբութեան ժամանակ անգլիական զօրքերը չկային այդ գաւառում: Ընդհանրապէս անգլիական հրամանատարութիւնը շատ քիչ ժամանակ պահեց իր զօրքերը Կարսի եւ Նախիջևանի նահանգներում: Եւ դա եղաւ պատճառը, որ նախիջևանցիները գլուխ բարձրացրին ու յարձակուեցին մեր զօրքերի վրայ ու խլեցին իշխանութիւնը մեր ձեռքից:

Անգլիական իշխանութիւնը Անդրկովկասում չկարողացաւ ըմբռնել արեւելքցու հոգեբանութիւնը եւ ժամանակ չտուաւ, որ մեր իշխանութիւնը ամրապնդուի թրքաշատ այդ շրջաններում³:

Շարուրի գավառում դեպքերը զարգանում են ավելի ողբերգական ուղղվածությամբ: Շարուրի հինգ հայկական գյուղերի 5000 բնակիչներ եւ նրանց պաշտպանող երկու վաշտերը, հավատ ընծայելով այդ շրջանի թուրք զինյալների հրամանատար Խալիլ բեյի կեղծ խոստումներին, թշնամուն են հանձնում իրենց ունեցած զենքերը:

Հայաստանի խորհրդարանին հասցեագրված դիմումում այդ հինգ գյուղի ներկայացուցիչները ներկայացնելով իրենց ողբալի վիճակը՝ գրում են. «...Հայ ժողովուրդը բարկոք համարեց առանց կովի ու դիմադրութեան անձնատուր լինելու թուրքերին, գուցե այդպիսով կարելի լիներ ազատելու իրենց կանանց ու երեխաների կյանքը, բայց, ավաղ, այսօր պատկերը այլ է փոխվել, ներկայումս մեզ հասնող ճիշտ ստացված լուրերի համաձայն թուրք ամբոխը իր դարավոր ոխերի համար, առավել եւս չմոռանալով եւ այն հատուցումը, որ նա ստացավ Շարուրի հայերից 18 թվի դեպքերի ժամանակ, զանազան պատրվակների տակ, հազար ու մի տեսակ չարչարանքների ու տանջանքների է ենթարկում զինաթափ եղած անմեղների կյանքը, կոտորելով, սպանելով Հայ երիտասարդներին, բռնաբարելով կանանց եւ այլն, եւ այլն⁴»:

Նկարագրելով Հայ գյուղացիների ողբերգական իրավիճակը՝ շարուրցիների ներկայացուցիչները խնդրում են Հայաստանի խորհրդարանին համապատասխան քայլեր ձեռնարկել տառապալ ժողովրդին ազատելու համար⁵:

Այդ օրերին Դրոն դարձյալ գտնվում էր Հանրապետութեան տարածքում ծավալվող մարտական գործողութիւնների կիզակետում: Որպես Երեւանյան զորախմբի պետ եւ Հանրապետութեան զինված ուժերի նախարարի օգնական, նրա անմիջական պարտականութիւն-

¹ Տե՛ս ԳԱՍ, ֆ. 276, ց. 1, գ. 177, ք. 30:

² Տե՛ս ԳՅԴ ԿԱ, քծ. 3/3, գ. 3.3, էջ 2:

¹ Բժ. Ա. Բաբայան, Եզվ. աշխ., էջ 37:

² Բանբեր Հայաստանի Արխիվների, 1993, թիւ 1-2, էջ 119-120:

³ Տե՛ս Մուսն տեղում:

ների մեջ էին մտնում թուրք զինյալ հրոսակախմբերի պաշտպանական դիրքերը գրոհող հայկական զորամասերի կազմակերպումն ու ղեկավարումը: Թուրք ապստամբների օջախները «խաղաղացնելուն» նպատակաուղղված այդ գործողությունները եղել են նրա մարտական կենսագրության թերեւս ամենազոհվարին էջերից մեկը: Թուրքերը շատ լավ ամրացնելով իրենց բնակավայրերը, հատկապես Բոյուք-Վեդիին, կատաղի դիմադրություն են ցույց տվել:

Հայկական բանակի հրամանատարության համար բնավ էլ անակնկալ լինել էջը կարող մահամեղակության զինյալ ելույթների իրողությունը, բայց այն, որ թուրքերը կկարողանային շատ լավ նախապատրաստվել, ըստ ամենայնի զինվել եւ պաշտպանական հզոր հանգույցների վերածել իրենց բնակավայրերը՝ սպասվածից վեր էր:

ՀՀ զինվորական նախկին նախարար, գեներալ Հախվերդյանի տեղեկացմամբ, հայկական բանակի հրամանատարությունը կոիվների սկզբնական շրջանում թույլ է տվել մարտավարական որոշակի վրիպումներ եւ ավելորդ շտապողականություն:

Նրա գնահատմամբ՝ փոխանակ կենտրոնացված հարվածներով մեկ հիմնական ուղղությամբ իրականացնելու հարձակումը, հայկական զորամասերը գրոհները ծավալել են մի քանի ուղղությամբ եւ դրանով իսկ թուլացնելով իրենց հարվածների ուժգնությունը՝ հնարավորություն են ընձեռել հակառակորդին հաջողությամբ դիմադրավելու եւ հետ մղելու հայկական զորքերի հարձակումները: Այս գործում նա մեղադրում է նաեւ Դրոյին¹:

Գեներալ Հախվերդյանի դիտողության իրավացիությունը կարելի է ընդունել, բայց հարց է ծագում. իսկ ինչո՞ւ ինքը որպես զինվորական նախարար, անհրաժեշտ քայլեր չի ձեռնարկել, որպեսզի թույլ չտրվեին, կանխվեին Բոյուք-Վեդիի ամրակուռ հենակետերի վրա ՀՀ զորքերի ձեռնարկած հարձակումները, որոնք իր գնահատմամբ հրամանատարության չկշռադատված մարտավարության հետեւանքով մատնվել են անհաջողության: Անժխտելի է, եթե Հայկական զորքեր հրամանատարությունը զուտ մարտավարական առումով Բոյուք-Վեդիի թուրքական հենակետի վրա ձեռնարկած հարձակման ժամանակ թույլ էր տվել սխալներ, ապա այդ գործում գլխավոր մեղավորները նախեւառաջ ինքն էր՝ որպես զինվորական նախարար եւ ՀՀ բանակի սպարապետ գեներալ Թ. Նազարբեկյանն ու նրանց գլխավորած շտաբը:

Մահամեղական բնակչության զինված ելույթների ծավալման օրերին, Հայաստանի Հանրապետության կառավարության որոշմամբ՝

որոշակի փոխություններ է իրականացվում զինվորական նախարարության համակարգում:

Երեւանյան զորամասի հրամանատար Դրոն հենց այդ օրերին, երբ Հանրապետության տարածքում բռնկվել էին մահամեղական բնակչության զինված զանգվածային ելույթները, ՀՀ կառավարության որոշմամբ ստանձնել է զինվորական նախարարի օգնականի պաշտոնը: Հանրապետության կառավարության կողմից նրան այդ պաշտոնում նշանակելու համար կային որոշակի օբյեկտիվ հիմքեր ու պատճառներ:

Ինչպես հայտնի է, մինչեւ Հայաստանի Անկախ Հանրապետության հռչակվելը, հայկական բանակը ի դեմս գեներալ Նազարբեկյանի գլխավորած Հայկական բանակային կորպուսի, որն իր ուսերին տարավ ողջ պատերազմի հիմնական ծանրությունը, արդեն կազմավորվել էր: Սակայն, Հայաստանի Հանրապետության կառավարության եւ մասնավորապես զինվորական նախարարության կայացմանը զուգընթաց ավելի է ընդգծվում ու կարեւորվում բանակը կազմային սպաներով համալրելու, պրոֆեսիոնալիզմի սկզբունքներով ու օրինաչափությամբ եւ հատկապես ռուսական բանակի նմանողությամբ կազմավորելու անհրաժեշտությունն ու պահանջը:

Ռուբեն Տեր-Մինասյանի հավաստմամբ, այս տեսակետը առավելապես պաշտպանել է Հանրապետության առաջին վարչապետ Հովհ. Քաջազնունին¹:

Վերոհիշյալ նպատակով զինվորական նախարարի պաշտոնը վստահվել է փորձառու, պրոֆեսիոնալ զինվորական, գեներալ-մայոր Հախվերդյանին, որը քաղաքական որեւէ կուսակցության էջը պատկանում:

«Այս վերջին հանգամանքը, գրում է Ռուբենը, ոչ միայն կը բաւարարէր կուսակցութեանց մրցակցութեան ու նախանձին, այլ կը համապատասխանէր այն ռուսական մտայնութեան, թէ «բանակը դուրս է քաղաքականութիւնից»...

...Գլխաւոր հիմունքն է լինում - «Ձինուորականութիւնը դուրս է քաղաքականութիւնից, ժողովրդական ոչ մի ոյժ մուտք պիտի ունենայ նրա մէջ, նրանք են զինուոր, որոնք ենթակայ են զօրակոչի, նրանք են ղեկավար, որոնք աւարտած են զինուորական դպրոց»²:

Առաջնորդվելով բանակը կառուցելու համար Ռուբենի թվարկած չափանիշներով, բանակի շարքերն ավելի ու ավելի են համալրվում կազմային զինվորականներով:

¹ Տե՛ս ՀԱԱ, ֆ. 45, ց. 1, գ. 78, ք. 16:

¹ Տե՛ս Ռուբեն, ԳՂ. աշխ., հ. 7, էջ 331:

² Նույն տեղում:

«Այդպիսով, շարունակում է Ռուբենը, շայաստանի Հանրապետության տնտեսական կազմակերպության հիմնադրամիջոցների վրայ, նա ունի իր արժանիքները գիտական տեսակետից, բայց ունի իր թերութիւնները ոգու եւ ազգային տեսակետից: Այս վերջին հանգամանքը դժգոհութիւններ առաջ բերած էր թէ կուսակցական շարքերում եւ թէ ինտելեկտուալում...»¹

Դրանից խուսափելու համար, Զինուորական նախարարի օգնական Հրաւիրուեց Դրոն:

... Եթէ նախարարութեան մէջ հիմնական փոփոխութիւններ յառաջ չեկան, բայց գործող բանակի թիւը զգալի չափով աւելացաւ եւ կազմակերպուեց: Դրան նպաստում էր եւ այն հանգամանքը, որ զինուորական նախարարի օգնական Դրոն յաճախ իբր արեւելյան ճակատի հրամանատար դուրս կը գար եւ անձամբ կը ղեկավարէր Վեդիի ճակատի գործերը: Եւ այսպէս օր աւուր ուժեղանում էր զօրքը եւ բազմանում»²:

Դրոն, կարելի է ասել, ՀՀ-ում ունեցած իր ազդեցութեամբ ու հեղինակութեամբ եւ մարտական փորձաքննութեամբ կազդային եւ ոչ կազդային զինվորականների կողմից ընդունված եւ հարգանք վայելող գործիչ էր: Որպես զինվորական նախարարի օգնական, նա անտարակույս կարող էր ցեմենտող, միավորող ուժ լինել կազդային եւ ոչ կազդային զինվորականների միջեւ:

ՀՀ կառավարության որոշմամբ զինվորական նախարար գեներալ Հախվերդյանին փոխարինում է հրետանային ծառայության գնդապետ Արարատյանը, որը Մայիսյան հերոսամարտերի ժամանակ Հայկական բանակային կորպուսը հրետանային բրիգադի հրամանատարն էր: ՀՀ կառավարության հրամանագրով նրան շնորհում են գեներալ-մայորի զինվորական աստիճան:

Ռուբենի բնութագրմամբ՝ «Զօրավար Արարատեանը նախարար լինելով, չունէր առանձին մի ծրագիր, աստիճանով, պատրաստութեամբ եւ բնաւորութեամբ աւելի ցածր էր, քան իր սպայակոյտում նստած զօրավարները, ինչպէս Նազարբէկեան, Հախվերդեան, Սիլիկեան, Գամազով, Բրիսենկո եւ այլն, եւ նա շարունակում էր այն ինչ սկսուած էր, անում էր այն ինչ գլխաւորապէս Հախվերդեանը կը թելադրեր կամ ներշնչէր: Զօր. Արարատեանի նախարարութիւնը աւելի շատ քողարկուած Հախվերդեանի նախարարութիւն էր...»²:

Մահանդակային բնակչության զինված ելույթները Հայաստանի Հանրապետութեանում, իրոք, ստեղծել էին չափազանց տագնապալի

իրավիճակ: Բնականաբար, ՀՀ-ում ծավալվող դեպքերի թելադրանքով զինվորական նորանշանակ նախարարն ու փոխնախարարը՝ գեներալ Արարատյանն ու Դրոն պիտի գործին ավելի ծանրաբեռնվածութեամբ ու պատասխանատվութեամբ:

Վաչինգտոնի Հայաստանի Հանրապետութեան ներկայացուցչին հացեագրած գրութեանում ներկայացնելով նաեւ Նախիջեւանում ու Շարուրում տեղի ունեցած դեպքերն ու այդ ուղղութեամբ Անգլիայի ու Ամերիկայի դիվանագիտական ներկայացուցիչների ձեռնարկած անարդյունավետ քայլերը՝ ՀՀ վարչապետը հաղորդում է. «Կառավարութիւնը բողոք ներկայացրեց բոլոր դաշնակից պետութիւնների ներկայացուցիչներին:

Անդրկովկասում ԱՄՆ-ի դիվանագիտական ներկայացուցիչ Հասկելի փոխանորդ գնդապետ Բեյը կտրուկ կերպով հրամայել է, որ Ադրբեյջանի զօրքերը դադարեցնեն իրենց շարժումը դէպի Զանգեզուր, բայց, ինչպէս երեւում է, թաթարները մեծ նշանակութիւն չեն տալիս այդպիսի սպառնալիքներին: Ամերիկացիք շատ են հեռու, իսկ Բաթումի նահանգի անգլիական զօրքերը մտադրութիւն չունեն միջամտելու: Մեզ կարող են այս վտանգաւոր դրութիւնից ազատել միայն ամերիկեան զօրքերը»¹:

Իգուր էին ամերիկյան զօրքերի միջոցով վտանգավոր դրութեանից ազատվելու ՀՀ վարչապետի փայփայած հույսն ու ակնկալիքը: Երկրում ստեղծված տագնապալի իրավիճակը հանրապետության իշխանութեանը հրամայաբար թելադրում էր դիմել անհրաժեշտ եւ վճռական գործողութեանների: Հաշվի առնելով տվյալ ժամանակահատվածի համար առավել կարեւորագույն նշանակութեան ունեցող խնդիրների յուրահատկութեանը՝ հանրապետության կառավարութեանը ձեռնարկում է արտակարգ միջոցառումներ:

Նախ եւ առաջ հարկավոր էր համալրել ու ամրապնդել բանակը, հանրապետության բնակչության շրջանում ուժեղացնել կարգուկանոնը եւ կարգապահութեանը: Առաջնորդվելով այդ առաջնահերթ խնդիրների կենսագործմամբ՝ կառավարութեանը հուլիսի 23-ին Երեւանի, Էջմիածնի եւ Սուրմալուի գավառներում, իսկ օգոստոսի 18-ին նաեւ ողջ հանրապետութեանում, հայտարարում է 26, 27, 28 տարեկանների զորահավաք, իսկ օգոստոսի 24-ին հատուկ որոշմամբ մահապատիժ է սահմանվում պետական դավաճանութեան եւ զորակոչից խուսափելու ու դասալքութեան համար²:

¹ Նույն տեղում:

² Նույն տեղում, էջ 333:

¹ ՀՅԴ ԿԱ, ք. 3/3, գ. 3.3, էջ 2:

² Տե՛ս ՀԱԱ, ք. 276, գ. 1, գ. 177, ք. 24:

Հատկապես խիստ զգացնել տվեց զենքի ու զինամթերքի պահասությունը: Հանրապետութեան կառավարութեան նախագահի եւ զինվորական նախարարի կողմից Թիֆլիսում Հայաստանի զինվանագիտական ներկայացուցչին եւ զինվորական կցորդին զենք ու զինամթերք գնելու պահանջով ուղարկված հեռագրերը վկայում են, որ չնայած ֆինանսական սուղ միջոցներին՝ կառավարությունը զգալի գործունեություն է ծավալում բանակին եւ նոր կազմավորվող զորամասերին զենքով, զինամթերքով ու հանդերձանքով ապահովելու ուղղութեամբ:

Մի օրինակ այդ հեռագրից.

«Գնե՛րալ Կամիչեւին (Թիֆլիսում Հայաստանի զինվորական կցորդ - Հ.Գ.) «Պետք է գնել 3 գծանի փամփուռներ: Չնայած փամփուռի գինը թանկ է, բայց այնուամենայնիվ պետք է գնել: Կարծում եմ, որ առայժմ պետք է գնել 300000, իսկ եթե կհաջողվին, գնեցե՛ք 500000 փամփուռ:»

18. 08 -1919 թ.

Գնե՛րալ Արարատյան¹:

Քանի որ նոր կազմավորվող զորամասերը գինեւու համար միջոցները խիստ սահմանափակ էին, անբավարար, ապա կառավարությունը հարկադրված դիմելով կտրուկ միջոցների, ժողովրդից հավաքում է զգալի քանակութեամբ զենք ու զինամթերք եւ սահմանում է պարտադիր զինական տուրք:

Ձորակոչի ենթակա տղամարդկանց եւ մինչեւ 40 տարեկան սպաների զորահավաքը կազմակերպելու եւ ժողովրդից պարտադիր զինական տուրքը ժամանակին գանձելու նպատակով, Արշակ Ջամալյանի գլխավորութեամբ ստեղծվում է հատուկ մարմին՝ զինատուրով: Իսկ երկրի պաշտպանութունը կազմակերպելու ու ղեկավարելու համար ստեղծվում է լայն լիազորութուններով օժտված երեք հոգուց՝ վարչապետ, ներքին գործոց եւ զինվորական նախարարներ, կազմված ղեկավար մարմին, որը կոչվում է Ապահովութեան կոմիտե²:

Ձեռնարկած միջոցառումների շնորհիվ հանրապետության կառավարութունը կարողացավ կազմավորել մի քանի նոր զորամասեր եւ բանակը համալրել մարտական կենսափորձ ունեցող սպաներով ու զինվորներով: Ի հաշիվ ժողովրդից գանձվող պարտադիր զինական տուրքի ու նրանից հավաքած զենքի եւ զինամթերքի, հնարավոր

եղավ բարելավել նոր կազմավորվող զորամասերի մատակարարումն ու հանդերձավորումը: Նոր կազմավորվող զորամասերը, դեռեւս ինչպես հարկն է չմարզված եւ բավարար մարտական պատրաստվածութուն չստացած՝ մեկնում են ռազմաճակատ: Ուրիշ ելք չկար. թուրք հրոսակախմբերի զինված ելույթները գնալով ավելի ու ավելի էին շիկանում եւ տարածվում: Ամենաշիկացած շրջանը, ուր թուրքերն առավելապես կատաղորեն էին դիմադրում, Բոյուք-Վեդին էր: Հայկական բանակի հրամանատարութեան եւ անձամբ Դրոյի գործուն մասնակցութեամբ մշակվում է Բոյուք-Վեդիի պաշտպանների դիմադրութունը վերջնականապես խորտակելու գործողության ծրագիրը: Համաձայն հայկական բանակի հրամանատարութեան մտահղացման, նախատեսվում էր կենտրոնացնել զինական բավարար ուժեր եւ գրոհել ոչ թե անմիջականորեն Բոյուք-Վեդիի ինժեներական ու տեխնիկական առումով հրաշալիորեն կառուցված պաշտպանական հանգույցի վրա, այլ գյուղը շրջափակող թուրքաբնակ մյուս բնակավայրերը, որոնք կռիվների ընթացքում հնարավոր բոլոր միջոցներով օգնում եւ օժանդակում էին Բոյուք-Վեդիի իրենց արյունակիցներին:

Օգոստոսի 10-ին հայկական զորքերը անցնում են հարձակման: Թուրքերը ռազմագիտական կանոններով կառուցված ամրություններից դիմաճար եւ փոթորկալի կրակով կատաղի դիմադրութուն են ցույց տալիս հայկական զորամասերին: Թուրքերի կողմից պաշտպանվող հողի յուրաքանչյուր հատվածը հայ զինվորները նվաճում էին մեծագույն դժվարութեամբ: Մի քանի օր ընթացող արյունահեղ կռիվներից հետո հայկական զորքերը խորտակելով թուրքերի դիմադրութունը՝ գրավում են Բոյուք-Վեդիի շրջակա գյուղերն ու բարձունքները, բայց բուն ամրացված շրջանը՝ Բոյուք-Վեդին, նախկին համառութեամբ շարունակում է դիմադրել:

Հանրապետության պաշտպանության նախարար զենե՛րալ Հափվերդյանը կառավարութեանը ներկայացրած օգոստոսի 16-ի հաղորդագրութունում գեկուցում է.

«Օգոստոսի 10-ի հարձակումից հետո իրավիճակի բարդացման հետեւանքով որոշվել է անցնել պաշտպանության: Մեր զորամասերն այդ շրջանում զբաղեցնում են Կոտոր, Բոգ-Բուրուն, Շիրագյուլ, Քյուչուկ-Վեդի, Խոր-Վիրապ գիծը: Ձորամասի կազմը նույնն է¹»:

Հանրապետության մի շարք շրջաններում նախկին ուժեղութեամբ դեռեւս շարունակվում էին կռիվները: Մինչեւ Բոյուք-Վե-

¹ Նույն տեղում, ք. 152:

² Վրացեան Ա., Հայաստանի Հանրապետութիւն, էջ 299:

¹ Տե՛ս ՀԱԱ, ֆ. 275, ց. 1, գ. 178, ք. 16:

դիւի եւ նրա չըջակա թուրքաբնակ գյուղերի վրա հարձակում ձեռնարկելը՝ հայկական զորքերը մեծ հաջողութեամբ կարողանում են լուծել Շարուրի չըջանը ասպատակող մահմեդական հրոսակախմբերի հարցը: Օգոստոսի սկզբներին ահազանգ ստանալով Շարուրի չըջանում թուրք զինյալների կողմից շարունակվող բռնութունների եւ հարեւան չըջանների հայկական գյուղերի վրա կատարած հարձակումների մասին՝ Դրոն ոչ մեծ զորախմբով արշավում է Շարուրի գավառակ եւ օգնում այդ չըջանն ազատագրելու նպատակով այնտեղ գործուղված մարտական ուժերին: Համատեղ հարվածներով հայկական զորախմբերը ջախջախում են թուրք հրոսակախմբերին եւ դուրս չպրտում Շարուրի տարածքից:

Օգոստոսի 7-ին հանրապետութեան կառավարութիւնը ստանում է հետեւյալ զեկուցագիրը. «Շարուրի թուրքերը, ավելի քան երկու հազար զինյալներով, երկու թնդանոթներով ու գնդացիներով, Խաչիկ գյուղի չըջանում համառ մարտերից հետո գլխովին ջախջախվել են եւ մեծ կորուստներով հետ շարտվել»¹:

Շարուրի թուրքերի ջախջախումն ու վնասագերծումը շատ կարեւոր էր, բայց գլխավոր թիրախը դարձյալ Բոյուք-Վեդին էր: Զիշտ է, օգոստոսի 10-ի հարձակումը չավարտվեց սպասված արդյունքով, սակայն հայկական զորքերը, գրավելով Բոյուք-Վեդիի մերձակա բարձունքներն ու բնակավայրերը, հակառակորդի նկատմամբ ձեռք բերեցին շոշափելի դիրքային առավելություն եւ նախկին իրավիճակի համեմատ հարձակումը զարգացնելու ավելի բարենպաստ հնարավորություն:

«Մի քանի օրուայ արիւնահեղ կռիւներից յետոյ, - գրում է Ս. Վրացյանը, - հայկական զօրքերը ամրացան դիրքերում Բէոյիք-Վեդիի առջեւ եւ վերջ տւին գործողութիւններին, դրութիւնը սկսել էր լրջանալ միւս մասերում»²:

Հայաստանի տարածքում բռնկված մահմեդականութեան զինյալ ելույթների հրդեհը ընդարձակվելով՝ տարածվում է նաեւ հանրապետութեան տարածքներից դուրս: Դիաղինի, Բայազետի, Ղարաքիլիսայի եւ Ալաշկերտի թուրքական ու նրանց միացած քրդական հրոսակախմբերը, օգտվելով Հայաստանի տարածքում իրենց արյունակիցների ու հավատակիցների սանձագերծած ելույթներից, ասպատակում են Սուրմալուի գավառ եւ վայրի մոլուցքով հարձակվելով հայկական բնակավայրերի վրա՝ սպանում, առեւանգում ու թալա-

նում են գավառի հայ բնակիչներին: Սուրմալուի ուղղութեամբ մարտնչող գնդապետ Տիգրան Բաղդասարյանի գլխավորած ծրուգուհը (1000 սվին), չկարողանալով ինչպես հարկն է դիմագրավել թշնամու մեծաքանակ ուժերի ճնշմանը, անընդմեջ կռիվներ մղելով, հարկադրված նահանջում է գավառի կենտրոն՝ Իգդիր: Ջարգերի ահավոր սպառնալիք է ծառանում գավառի հայ բնակչութեան վրա:

Օգոստոսի 16-ին հանրապետութեան կառավարութեանն ուղղած իր զեկուցագրում զինվորական նախարար գեներալ Հախվերդյանը նշում է. «...թուրք, քուրդ, թաթարական հրոսակախմբերը, մոտավորապես հինգ հազար թվակազմով, հարձակվել են մեր զորամասերի վրա Ինջայի եւ Մոլակոմարի չըջանում: Համառ մարտերից հետո մեր զորամասերը հակառակորդի ճնշման տակ որոշակի հաջողութեամբ հարկադրված նահանջել են: Օգոստոսի 14-ին Իգդիրյան զորախմբին հրամայված է թողնել Կողբը եւ նահանջել դեպի Կարակալայի կամուրջը, Չարալիի սարի, Խալֆալ գյուղի ուղղութեամբ եւ այնտեղ ամրանալով ամեն գնով կասեցնել հակառակորդի հարձակումը»¹:

Զինվորական նախարարի եւ պաշտոնական այլ փաստաթղթերում մատնանշված՝ Սուրմալուի գավառ ներխուժած թուրք-քուրդ հրոսակախմբերի անձնակազմը նույնն է՝ 5000, իսկ նրան դիմակայող հայկական միակ զորամասը՝ ծրուգուհը, իր թվակազմով հինգ անգամ պակաս:

«Մեր ուժերը, - գրում է ծրուգուհի Յրդ վաշտի հրամանատար Հովհ. Սահակյանը, - սահմանափակ էին, մէկ գուհը, իսկ թշնամին խուժան մը, թալանի եւ կոտորածի ախորժակով գինովցած, ոգեւորուած իր լեռներու ուժէն, իր մեծերուն, շէյխերուն, աղաներուն կապուած կոյր հնազանդութեամբ:

Ահա այս էր կացութիւնը: Եւ դեռ կային շատ ու շատ անյարմարութիւններ մեզի համար»²:

Ինչպիսի՞ մարտական ուժերից էր բաղկացած եւ ի՞նչ պաշտպանական բնագծեր էր զբաղեցնում ծրուգուհը:

Համաձայն տեղակալ Հ. Սահակյանի վկայութեան.

«Գուհըր ունէր երկու գումարտակ, չորսական վաշտով: Ամէն մէկ վաշտը կը բաղկանար 100-120 զինուորէ: Այս հաշուով մեր գուհըին ռազմական ուժը կը ներկայացնէր 8-900 սուին, չորս լեռնային թնդանօթ, 2 գնդացի, մօտ 50 հեծեալ:

¹ ՀԱԱ, ֆ. 275, ց. 1, գ. 178, էջ 16:

² Վրացեան Ա., Հայաստանի Հանրապետութիւն, էջ 300-301:

¹ ՀԱԱ, ֆ. 275, ց. 1, գ. 178, էջ 16:

² Մատենաշար «Ռազմիկ», 1937, թիւ 1, «Էջեր մեր ազատագրութեան պատմութիւնից», գրեց Յ. Սահակեան, էջ 42:

...Գուճնդը գետեղուած էր հետեւեալ կերպով. Ա. գումարտակի Ա. Բ. վաշտերը Մոլլա-Կամար եւ Ապագկեօլ եւ Դ. վաշտը՝ Կողբ:

Բ. գումարտակը կը գտնուէր Իգդիրի մէջ, Օրկովի ուղղութեամբ քշած էր երկու վաշտ:

Մեր գուճնդի պաշտպանութեանը յանձնուած էր Օրկովի բարձունքէն Բարթողեան լեռնաշղթայի գագաթները, մինչեւ Կողբ երկարող սահմանը, մօտ 30-40 վերստ տարածութիւն»¹:

Այս տվյալները պարզորոշ վկայում են, որ ընդամենը մեկ գնդի զբաղեցրած պաշտպանական բնագծերն ավելի քան ընդարձակ էին: Իրականում այլընտրանք չի եղել, քանի որ թուրք-քրդական զինյալ մարտախմբերը հարձակվել են միաժամանակ մի քանի ուղղութեամբ, տարբեր բնակավայրերի վրա, ապա գնդապետ Տիգրան Բաղդասարյանի գուճնդը հարկադրված իր ուժերը մասնատելով թշնամուն դիմակայել է գրոհի բոլոր ուղղութեամբ:

Սուրմալուում ծավալվող դեպքերը կարող էին ընթանալ վատթարագույն ուղղվածութեամբ: Առանց լուրջ օգնական ուժերի գավառի հայութեանը պաշտպանող միակ մարտական ուժը՝ Ծրդ գուճնդը, կարող էր հայտնվել անելանելի իրավիճակում: Այդ հանգամանքը հաշվի առնելով եւ սթափ գնահատելով ստեղծված կացութիւնը՝ գնդի հրամանատարութիւնը օգնական ուժեր ստանալու հույսով դիմում է Երեւան: Սուրմալուի շրջաններում տիրող տագնապալի դրութիւնը կարող էր ծայրահեղ վատթարագույնի հասցնել նաեւ այն, որ էրզրումից դեպի Սարիղամիշ շարժվող թուրքական կանոնավոր դիվիզիան, համաձայն հանրապետութեան բանակի հետախուզութեան ձեռք բերած տվյալների, յուրաքանչյուր պահի կարող էր արշավել նաեւ Սուրմալու:

Օգոստոսի 16-ին հանրապետութեան վարչապետի պաշտոնակատար Սահակյանը իր թիվ 26 հեռագրում Հայաստանի դիվանագիտական ներկայացուցիչ Լ. Եվանգուլովին գրում է.

«Թուրք-քուրդ-թաթարական ուժերի կազմակերպված ճնշումների հետեւանքով մեր զորամասերը նահանջել են Իգդիրից ներքեւ դեպի Արաքսի Կարակալա կամուրջը: Մեր աղահանքերը (Կողբ) տեղահանվել են, հավանական է, որ կտեղահանվի նաեւ Իգդիրը: Ունենք տեղեկութիւններ էրզրում հասած 40 թնդանութեան ունեցող թուրքական Զրդ դիվիզիայի մասին, որ շարժվելու է Սարիղամիշի ուղղութեամբ...»²:

¹ Նույն տեղում:

² ՀԱԱ, ֆ. 275, ց. 1, գ. 178, ք. 16:

Թուրքիայում արդեն սկսվել էր քեմալական շարժումը, որն ինչպես պարզվեց հետագայում, մեծ ազդեցութիւն ուներ նաեւ Կովկասում մահմեդական բնակչութեան ղեկավարման եւ մասնավորապես Հայաստանում գինված ելույթների հրահրման եւ կազմակերպման գործում: Էրզրում-Սարիղամիշի շրջանում թուրքական դիվիզիայի հայտնվելը նույնպես քեմալականների գործունեութեան արդյունքն էր, որի նպատակն էր օգտագործել ընձեռված հնարավորութիւնը եւ հարմար պահի ներխուժել Հայաստան, եւ միանալով մահմեդական ապստամբներին՝ մեկընդմիջտ լուծել Հայաստանի Հանրապետութեան հարցը: Այդ հարցում քեմալական գործակալները սերտորեն համագործակցում էին Ադրբեջանի հանրապետութեան համապատասխան մարմինների հանձնարարութեամբ Հայաստանում գործող անձանց հետ:

Մինչ հանրապետութեան ղեկավարութիւնը կձեռնարկեր համապատասխան քայլեր Սուրմալուի պաշտպաններին օժանդակելու ուղղութեամբ՝ գավառում դրութիւնը գնալով ավելի է վատանում: Թուրք-քրդական հրոսակախմբերը, շարունակելով հարձակումը երկու Կարակալայի, Քիթի եւ Օրգովի ուղղութեամբ, ներխուժում են Իգդիր եւ մի քանի ժամ ընթացող կռիվներից հետո ընկճելով պաշտպանվողների դիմադրութիւնը՝ գրավում են քաղաքը:

«Գիշերուան ժամը 3-ին, - նշում է տեղակալ Հ. Սահակյանը, - մերոնք Իգդիր ձգեցին: Թշնամին ամէն ուղղութեամբ խուժելով աւարի տւած էր քաղաքը»¹:

Իգդիրի հանձնումը վեր էր ամեն մի սպասվածից: Եթե այդ ամենին գումարվեր նաեւ այն, որ թուրքական դիվիզիան հանկարծ որոշեր շարժվել դեպի Սուրմալուի ճակատ եւ միանար այդ գավառում արդեն գործող թուրք-քրդական մարտախմբերին, ապա դժվար չէ կանխագուշակել, թե ինչպիսի ահալոր, անելանելի իրավիճակում կհայտնվեին Սուրմալուի հայ բնակչութիւնն ու նրան պաշտպանող հայկական զինական ուժերը: Ծայրահեղորեն անհրաժեշտ էր դիմել ամենավճուղական միջոցների եւ կտրուկ ու անսպասելի գործողութիւններով ջախջախել այդ գավառը ասպատակող զինյալ խմբավորումները եւ արագ ու հուսալիորեն կազմակերպել այդ շրջանների ինքնապաշտպանութիւնը, քանի դեռ թուրքերը չէին հասցրել լրացուցիչ մարտական ուժեր տեղափոխել էրզրում-Սարիղամիշ ուղղութիւնից Սուրմալուի ճակատ: Հակառակ պարագայում թուրք-քրդա-

¹ Մատենաշար «Ռազմիկ», 1937, թիւ 1, «Եջեր մեր ազատագրութեան պատմութիւնից», գրեց Յ. Սահակեան, էջ 44:

կան հրոսակախմբերը Սուրմալուի ճակատի հայկական ուժերի դիմադրությունը հաղթահարելուց հետո կարող էին զարգացնել հարձակումը եւ գետանցելով Արաքսը՝ ներխուժել Հանրապետության տարածքը, Արարատյան դաշտ:

Այն օրերին, երբ թուրք-քրդական հրոսակները, ասպատակելով Սուրմալուի շրջանները եւ ընկճելով հայկական գործախմբերի դիմադրությունը՝ ներխուժում էին Իգդիր, Դրոն գտնվում էր Ղամարլուի ռազմաճակատում եւ ղեկավարում էր Բոյուք-Վեդիի ու նրա շրջակա թուրքաբնակ գյուղերի վրա գրոհող զորքերի գործողությունները: Տեղեկանալով թշնամու կողմից իր ծննդավայրի՝ Իգդիրի գրավման մասին, Դրոն ոչ մեծաքանակ զորախմբով իսկույն եւեթ մեկնում է Սուրմալուի ճակատը: Բոյուք-Վեդիի շրջակա գյուղերը գրավելուց եւ թուրք ապստամբների հիմնական որջը շրջափակելուց հետո՝ իրավիճակը այդ շրջանում (Ղամարլուի ռազմաճակատ - Ն.Գ.) հուսալիորեն կայունացել էր, բայց վտանգը չէր անցել: Մահմեդական ուժերը դեռեւս վերջնականապես ջախջախված չէին, հարկավոր էր ծայրահեղորեն զգոն լինել եւ դուլզն-ինչ չթուլացնել Բոյուք-Վեդիի հզոր պաշտպանական հանգույցը շրջափակած հայկական զորամասերը, հակառակ պարագայում թուրքական ուժերը կարող էին օգտագործել պատեհ հնարավորությունը եւ նոր տհաճ անակնկալ մատուցել հայկական զորքերի հրամանատարությունը:

Մյուս կողմից՝ յուրաքանչյուր պահի կարող էին ապստամբել Կարսի, Սարիղամիշի մահմեդականները, եւ չէր բացառվում էրզրումի ուղղությունից թուրքական դիվիզիայի Կարսի նահանգ ներխուժման հնարավորությունը: Իսկ զորքերի քանակը բավական սահմանափակ էր եւ մեծամասամբ արդեն գտնվում էին գործող ռազմաճակատի տարբեր հատվածներում: Սակայն այլընտրանք գոյություն չուներ: Թշնամու կողմից գրավված էր իր հայրենի քաղաքը, եւ Դրոն ընդամենը երկու հարյուրակից բաղկացած հեծելախմբով, առանց դուլզն-ինչ ժամանակ կորցնելու, անվարան ուղեւորվում է Սուրմալուի ճակատ:

«Երեւանէն, - վերհիշում է տեղակալ Ն. Սահակյանը, - եկած ուժը Տէյիք-Թաշ հասաւ, - մօտ 200 ձիաւորներ ու հետեւակ-կամաւորներ Դրոյի հրամանատարութեամբ:

Յանդուզն եւ քաջարի հրամանատարը անմիջապէս հակայարձակման անցաւ...»¹:

¹ Նույն տեղում:

Առաջին հերթին անհրաժեշտ էր թշնամուց հետ նվաճել Իգդիրը, թուլ չտալ, որպեսզի թուրք-քուրդ հրոսակները մինչեւ վերջ քանդեն ու ավերակների վերածեն քաղաքը: Իգդիրի արագ ազատագրումը կարող էր վճռական նշանակություն ունենալ թշնամուն ջախջախելու եւ ողջ գավառը վերանվաճելու, տեղի հայության ինքնապաշտպանությունը կազմակերպելու գործում: Քանի որ ավելի քան սահմանափակ էին իր զորախմբի մարտական ուժն ու հնարավորությունները՝ Դրոն հաշվենկատորեն որոշում է առավելագույնս օգտագործել այդ ճակատում մարտնչող հայկական զորամասերի՝ Ծրդ զնդի մարտական ողջ կարողությունները:

Դրոյի ներկայությունը ոգի եւ մարտնչելու վճռականություն ու կորով են հաղորդում մինչ այդ նահանջող Ծրդ զնդի զինվորներին: Կարգի բերելով գումարտակների ուժերն ու արագորեն ծանոթանալով ճակատում, մասնավորապես Իգդիրի շրջանում տիրող կացութեանն ու հաշվի առնելով հայկական զորքի սահմանափակ հնարավորությունները՝ Դրոն վճռում է քաղաքի վրա գրոհ ձեռնարկել համեմատաբար փոքրաթիվ ուժերով, ընդամին, խստորեն ապահովելով հարվածի առավելագույն սրընթացությունն ու անսպասելիությունը: Թշնամու վրա հարձակվելու նման համարձակ որոշում կայացնելիս՝ նա, ելնելով իր մարտական հարուստ կենսափորձից, խելամտորեն արժեւորում է այն իրողությունը, որ թուրք-քրդական ոչ կանոնավոր զորախմբերն անսպասելի եւ հուժկու հարվածների դեպքում կարող էին արագորեն խուճապի մատնվել եւ դիմել փախուստի: Նրա համոզմամբ, թուրք-քուրդ հրոսակների խուճապի մատնվելուն մեծապես կարող էր նպաստել նաեւ այն հանգամանքը, որ ներխուժած զինյալների հետ էին նաեւ նրանց կանայք եւ անզեն տղամարդիկ, որոնց միակ նպատակը հայերի ունեցվածքի թալանն էր ու կողոպուտը:

Իր մտահոգացումը իրականացնելու նպատակով նա հրամայում է Ծրդ զնդի Ե. Տ. Մարտիրոսյանի եւ Ն. Սահակյանի (հուշագրության հեղինակը - Ն.Գ.) գլխավորած 2-րդ եւ 3-րդ զորավաշտերին աննկատ առաջանալ եւ դիրքավորվելով Իգդիրի եւ Սուլթանաբադի միջև ընկած տարածքում՝ փակել դեպի Օրդով նահանջող թշնամու ուղին: Իսկ ինքը հարվածող զորախմբով, դարձյալ աննկատ, խճուղու ուղղությունը պետք է ներխուժեր Իգդիր եւ անսպասելի ու հուժկու հարվածներով ջախջախեր եւ քաղաքից դուրս շարտեր այնտեղ բույն դրած թուրք-քուրդ զինյալներին ու նրանց ուղեկցող կանանց եւ անզեն տղամարդկանց: Գնդի մյուս զորավաշտերը պետք է մնային իրենց զբաղեցրած դիրքերում¹:

¹ ՀԱՍ, ֆ. 275, ց. 1, գ. 178, ք. 36:

Հարձակմանն առնչվող յուրաքանչյուր մանրուք հաշվարկված է եղել խելամտորեն եւ շատ ճշգրիտ: Թշնամու մեծաքանակ, նախորդ մարտերի հաջողութուններից զգաստութիւնը կորցրած հրոսակախմբերը, չկասկածելով, որ հայերն այդքան կարճ ժամանակամիջոցում կարող են արագ կազմակերպվել եւ հարձակում ձեռնարկել՝ խուճապի են մատնվում եւ դիմում փախուստի:

«Դրօն, - նշում է տեղակալ Հ. Սահակյանը, - իր ծննդավայրի պատիվը փրկելու համար դիմեց այդպիսի յանդուգն ձեռնարկի մը: Իր կարճ հրաման-որոշումը տալէն վերջ իր քաջերով դէպի Իգդիր յառաջացաւ:

...Դրօն իր մարդոցմով անշուշտ ու անարգել մտած էր քաղաքին կենդրոնի պարտէզը: Թշնամին այնքան վստահ էր իր յաղթանակին վրայ, որ բնաւ մտքէն չէր անցըներ թէ խուճապահար փախած հայ զօրքը պիտի յամարձակի մտնել քաղաքի կեդրոնը:

Դրօն քաղաքի կեդրոնը հասնելէն յետոյ, յարձակման կ'անցնի տասնոց մառուղիներով եւ սուխններով: Մէկ ժամէն արդէն քաղաքը դատարկուած էր»¹:

2-րդ եւ 3-րդ զորավաշտերը, համաձայն Դրոյի հրահանգի, հաղթահարելով ճանապարհի դժվարութիւններն ու խոչընդոտները, անշուշտ դիրքավորվում են Իգդիրի մերձակայքում եւ սառնասրտորեն սպասում թշնամու հայտնվելուն:

«Ճիշդ այդ վայրկեանին, - շարունակում է Հ. Սահակյանը, - Իգդիրը սկսաւ ոռնալ հարիւրաւոր անօթի գայլերու նման: Մենք մեր հրացանի փողերը դարձուցած Իգդիրի ուղղութեամբ կը սպասէինք: Խուճապային վայնասուն մըն էր որ ծայր տուաւ: Զիւաւորներու, հետեւակներու, կիներու, բեռնաւորուած մարդոց փախուստի շուքերը սկսան արագ արագ մեր կողմը շարժիլ անհասկանալի ձայներ հանելով:

... Մենք գործի անցանք:

Խաւարի մէջ ճարձատող գնդակները սարսափ ձգեցին ընդարձակ տափարակին վրայ: Մարդկային աղետարչ վայնասուն մըն էր, որ ծայր տուաւ:

... Մեր հրացանները շարունակ կը բացուէին ու կը խփուէին...

... Թշնամի խուճանը դէպի Օրկով փախուստի ճամբան բռնած, ինկած էր այդ տարածութեան տափարակի մէջ, մեր գնդակներու հարուածին տակ»²:

¹ Լույս տեղում, էջ 45-47:

² Լույս տեղում:

Շնորհիվ կշռաադատված ու հանարձակ մարտավարութեան, խելամիտ հաշվարկի եւ վճռական ու արագ գործողութիւնների, ձեռք բերվեց առաջին նշանակալի հաջողութիւնը: Սուրմալուի գավառի կենտրոն Իգդիր քաղաքը ազատագրվեց շատ արագ եւ գրեթե առանց զոհերի: Զարգացնելով հարձակումը՝ հայկական զորախմբերը հաջորդ օրը եւեթ չթուլացող արագութեամբ անկասելի հարվածներով խորտակելով խուճապի մատնված հակառակորդի դիմադրութիւնը, գրավում են Սուլթանապատ, Արհաճ գյուղերը, իսկ հաջորդ օրերին նաեւ թուրքաբնակ մյուս բնակավայրերը եւ ջախջախելով այդ շրջաններն ասպատակող թուրք-քրդական հրոսակախմբերին՝ դուրս են չպրտում նրանց Սուրմալու գավառի տարածքից:

Դրոն կրկին անգամ հաստատեց, որ կռիվներում հաղթանակներ նվաճելը բոլորովին էլ պայմանավորված չէ սոսկ մարտական ուժերի մեծաքանակութեամբ:

Գնահատելով Սուրմալուի գավառում ընթացած մարտերի արդյունքները՝ վերահիշյալ Հ. Սահակյանը գրում է. «Թշնամիի այս վերջին յարձակումը իրեն շատ սուղի նստաւ, իր բոլոր յարձակումներուն հետ քանի մը շէն ու հարուստ թաթար գիւղերու կործանումը փութացուց: Այս անգամի յարձակումը մարդկային մեծ կորուստի պատճառ դարձաւ, Սուլթանապատ եւ Արկաճ գիւղերը աւերակի վերածել տուաւ:

... Թերեւս իր առած այդ դասերէն խրատուած, բաւական ատեն մեզ հանգիստ ձգեց»¹:

Դրոն փայլուն կերպով է կատարում Հայաստանի Հանրապետութեան կառավարութեան հերթական հանձնարարութիւնը: Նրա գլխավորած համեմատաբար փոքրաքանակ մարտական ուժերը հաշված օրերի ընթացքում ոչ միայն գլխովին ջախջախում են Սուրմալուի գավառն ու նրա կենտրոնը՝ Իգդիր ներխուժած թշնամու ուժերն ու փրկում տեղի հայութեանը վերահաս կոտորածից, այլեւ խորտակում այդ ուղղութեամբ հանրապետութեան տարածքը ներխուժելու նպատակաւորված թուրք-քրդական բազմահազար հրոսակների ձեռնարկումները:

Սուրմալուի գավառում թուրք-քրդական վերջին հրոսակներին դուրս չպրտելուց հետո Դրոն անհապաղ վերադառնում է Երեւան:

Ճիշտ է, Սուրմալուի ճակատում հայկական զորամասերի նվաճած հաղթանակը շատ կարեւոր էր, բայց այդ գավառը զինված

¹ Լույս տեղում, էջ 49:

բախուճմաների թատերաբեմի վերածված բնակավայրերի ընդամենը մի շրջանն էր:

Օգոստոսի 23-ին Շարուր-Նախիջևեանի գինյալ հրոսակախմբերի առաջնորդ Նալի բեյի համհարզ Մահմեդ բեյի գլխավորութայամբ զենքի է դիմում Ջանգիրասարի մահմեդականությունը եւ նախորդ տարիներին ձեռնարկած գործողությունների համանամանութայամբ սկսում է զանգվածային հարձակումներ Ուլուխանլու, ապա էջմիածին կայարանների, հայկական բնակավայրերի ու հաղորդակցութայան ուղիների վրա:

Հանրապետության վարչապետ Ալ.Նատիսյանը, խոր անհանգստություն արտահայտելով Ջանգիրասարի շրջանում մահմեդական գինյալների ծավալած գործողությունների կապակցությամբ, Թիֆլիսում Հայաստանի դիվանագիտական ներկայացուցիչ Եվանգուլովին ուղղած նույն ամսի 27-ի հեռագրում նշում է.

«Անմիջապես հաղորդեցեք Հասկելին (Փարիզի վեհաժողովի հինգ անդամ տերությունների ներկայացուցիչների խորհրդի կողմից նշանակվել էր Հայաստանի կոմիսար. այդ օրերին գտնվում էր Թիֆլիսում - Ն.Գ.), որպեսզի անհապաղ Երեւան ուղարկի ամերիկական սպաների, քանի որ Կարսից անգլիացիների հեռանալուց հետո Ուլուխանլու-էջմիածին ճակատի վիճակը չափազանց ծանրացել է»¹:

Այն ժամանակահատվածում, երբ Դրոն Սուրմալուն մաքրում էր քրդական ցեղախմբերից, թուրքական հրոսակախմբերը Սուրմալուի տարածքից գետնացելով Արաքսը՝ պարբերաբար ներխուժում են Արարատյան դաշտ եւ իրենց տեղացի արյունակիցների աջակցությամբ հասնում մինչեւ էջմիածին: Դրոն, մշտապես գտնվելով շարժման մեջ, էջմիածինի շրջանի բնակչությանը սպառնացող թուրք հրոսակներին «խաղաղացնելու» գործը հանձնարարում է էջմիածնի գավառապետ Սեդրակ Ջալալյանին, որը մինչ այդ իրեն լավագույնս էր դրսևորել Բաշ-Ապարանի հերոսամարտում, ինչպես նաեւ ապստամբ մահմեդական զինախմբերի դեմ մղված կռիվներում: Սեթոն այս անգամ եւս անթերի է կատարում մարտական առաջադրանքը: Նրա գլխավորած զորախմբերը ջախջախում են ոչ միայն Արարատյան դաշտ ներխուժած հրոսակախմբերին, այլեւ հիմնահատակ կոչնչացնելին էջմիածնի գավառում գտնվող թուրքաբնակ բնակավայրերը, եթե չկանգնեցնեին նրանց հարձակումը²:

¹ ՀԱԱ, ֆ. 275, ց. 1, գ. 178, ք. 36:

² ՀՅԴ ԿԱ, քժ. 41, գ. 5, էջ 3:

«... Երբ,- իր ինքնակենսագրականում գրում է Սեթոն, -Սուրմալուի ճակատը խախտուած էր եւ թշնամու ոյժերը անցնում էին էջմիածնի գաւառը, Դրոի կարգադրութեամբ ձեռնարկեցի ռազմական գործողութիւններ ապստամբ թուրքերի դէմ: Որի հետեւանքով մեր կուսակցութեան թշնամիները մեծ աղմուկ բարձրացրին եւ ստիպուած հրաժարուեցի այդ պաշտոնից»¹:

Տվյալ ժամանակահատվածում, երբ Հանրապետության բանակի հիմնական զորամիավորումները զբաղված էին տարբեր ճակատներում ապստամբ օջախների վնասագործմամբ, Դրոյի գլխավորած խիստ սահմանափակ մարտական ուժեր ունեցող Երեւանյան զորախմբի համար չափազանց դժվար էր խորտակել թուրքական բազմաթիվ բնակավայրերի շատ լավ ամրացված պաշտպանական հանգույցների դիմադրությունը եւ ստիպելու թուրք պարագլուխներին ընդունելու Հանրապետության կառավարության գերիշխանությունը: Որպես զինվորական նախարարի օգնական Դրոն ակտիվորեն մասնակցում էր Հանրապետության բանակի մյուս զորամասերի կազմավորման եւ մարտական գործողությունների մշակմանն ու դեկավարմանը: Գործի բերումով նա մշտապես շարժման մեջ էր, ռազմաճակատի ամենաթեժ կետերում ու կռիվների հորձանուտում:

Մինչ Ջանգիրասարի եւ էջմիածնի դեպքերը, օգոստոսի 18-ին բռնկվել էր մահմեդականության շարժումը նաեւ Կարսի նահանգում: Թուրք-քրդական հրոսակները, որոնց իրենց զորախմբերով օգնում էին թուրք սպաները, կամենալով որեւէ կերպ օգնել Հայաստանի մյուս թուրքաբնակ շրջաններում զենքի դիմած իրենց արյունակիցներին՝ սկսում են զանգվածային հարձակումներ գործել հայկական բնակավայրերի եւ առաջին հերթին Սարիղամիշի, Կաղզվանի վրա՝ նպատակադրվելով շրջափակել ու մեկուսացնել այնտեղ գտնվող հայկական զորամասերը եւ զրկել նրանց մյուս շրջանները պաշտպանելու հնարավորությունից:

«Օգոստ. 18-ին 1500 զինւած քրդեր ու թուրքեր յարձակուեցին Կաղզւանի վրայ, բայց յետ մղուեցին: Օգոստ. 21-ից սկսեցին մի շարք ընդհարումներ քիւրդերի եւ հայկական կանոնաւոր ուժերի միջեւ: Օգ. 22-ին 400 թուրքեր գրաւեցին Բայքարա գիւղը, Սելիմից 15 վերստի վրա՝ կամենալով փչացնել երկաթուղին Բեգլի-Եհմէդի մօտ եւ կտրել Սարիղամիշի հայկական զօրամասի հաղորդակցութեան գիծը: Դեւիկի մօտ քրդերը գնդակահարեցին անգլիական մի

¹ Նույն տեղում:

ինքնաշարժ եւ վիրաւորեցին մի գինւոր: Հայկական հողերի վրայ երեւացին եւ թուրքական ուժեր»¹:

Սարիղամիշի շրջանում թուրք-քրդական հրոսակախմբերի ելույթներն ավելի են սաստկանում օգոստոսի 28-ին եւ հաջորդ օրն արդեն նրանց պարագլուխները վերջնագիր են ներկայացնում հայկական կողմին՝ 16 ժամվա ընթացքում շրջանի տարածքը թողնելու պահանջով: Հայկական կողմից չստանալով իրենց ցանկալի պատասխանը՝ թուրք-քրդական զինյալ ուժերը կենտրոնանում են Ղազիզման-Ղարաքուրդ շրջանում եւ անցնում հարձակման: Երկու օր տեսողութայնք ընթացող կռիվներում հայկական մարտական ուժերը հետ են մղում թուրք-քրդական հրոսակախմբերի գրոհները եւ անցնելով հակահարձակման խորտակում են հակառակորդի դիմադրությունն ու ամրապնդվում Երմիրյուրտան-Ներքին Սալախի բնագծում²:

Սարիղամիշում ծավալած մարտական գործողություններին զուգընթաց թուրք-քրդական ուժերը հայկական բնակավայրերի վրա հարձակումներ են սկսում գործել Մարդանեկի շրջանում եւ դարձյալ վերջնագիր ներկայացնում հայկական կողմին:

Այս շրջանում մարտական գործողությունները զարգանում են նույն ուղղվածությամբ, ինչ Սարիղամիշում: Մարդանեկի հայկական զորամասը, անկոտրում պաշտպանությամբ հետ մղելով թուրք-քրդերի գրոհները, անցնում է հակահարձակման եւ դուրս վանելով թշնամուն այդ շրջաններից՝ հուսալիորեն ապահովում հայկական բնակավայրերի անվտանգությունը³:

Այս հաղթական մարտերից հետո հանրապետության բանակի հրամանատարությունը հաջողվում է վնասագերծել ու խաղաղեցնել շիկացած շրջաններից մեկը եւս՝ Կարսի նահանգը: Իսկ ընդհարումների մյուս վայրերում, մասնավորապես Նախիջևանում, իրավիճակը շարունակում էր մնալ ծայրահեղորեն լարված, բայց ոչ այնքան վտանգավոր, քանի որ արդեն վնասագերծվել էր ապստամբ բնակավայրերի մի մասը եւ ամենակարեւորը, ձեռնարկած միջոցառումների շնորհիվ հանրապետության կառավարությունը հաջողվում է կազմակերպել ու հզորացնել բանակը եւ խաղաղեցված շրջաններից զորամասերի մի մասը տեղափոխել վտանգված շրջաններ:

Վաշինգտոնի ՀՀ ներկայացուցչին հասցեագրած ուղերձում Ալ. Խատիսյանը համառոտակի ներկայացնելով Անգլիայի եւ Ամերիկա-

յի ներկայացուցիչների կողմից հայ-ադրբեջանական զինված բախումները դադարեցնելու ու հարաբերությունները կարգավորելու նպատակով ձեռնարկած ոչ այնքան արդյունավետ միջոցառումները, նշում է. «Մեր զորքերը վեց տարւայ անդադար կռիւներից յետոյ, շարունակում են կատարել իրենց պարտականութիւնը, բայց ռազմամթերքի եւ շորերի պակասութիւնը այնքան մեծ է, որ կառավարութիւնը հնարաւորութիւն չունի օգտագործել երկրի բոլոր կուռղ ոյժերը Մենք հազիւ կարողանում ենք երկրի սահմանները պաշտպանել»:

Թուրքաբնակ ապստամբ բնակավայրերը վերջնականապես վնասագերծելու ու խաղաղեցնելու համար հայկական բանակին դեռեւս սպասում էին նոր գոտեմարտեր, բազում դժվարությունների հաղթահարում, եւ բնականաբար նորանոր զոհեր ու զրկանքներ: Բայց իրականում դեպքերն ընթանում են այլ ուղղվածությամբ:

Օգոստոսի 20-ին, երբ հանրապետության զանազան շրջաններում դեռեւս մոլեգնում էին մահմեդականների զինված ելույթները, Հայաստան է ժամանում Հաշտության վեհաժողովի Խորհրդի կողմից Հայաստանի կոմիսար նշանակված գեղապետ Հասկելը եւ ձեռնամուխ լինում պատերազմական գործողություններին վերջ տալու եւ խաղաղություն հաստատելու գործին:

Հայաստանի եւ Ադրբեջանի, ինչպես նաեւ ապստամբ շրջանների մահմեդականության պարագլուխների հետ տարվող բանակցություններում գեղապետ Հասկելին հաջողվում է համաձայնեցնել հակամարտող կողմերին:

«Հասկելը,- գրում է վարչապետ Ալ. Խատիսյանը Թիֆլիսում Հայաստանի դիվանագիտական ներկայացուցիչ Եվանգուլովին, - առաջարկում է իր կողմից Ադրբեջանի հետ ձեռք բերած համաձայնության հիման վրա դադարեցնել մարտական գործողություններն ընդհուպ մինչեւ Շարուրում եւ նահանգում (նկատի ունի Նախիջևանը - Ն. Գ.) Ամերիկյան նահանգապետության հաստատում:

Կառավարությունը համաձայնվել է դադարեցնել մարտական գործողությունները...»¹:

Շնորհիվ գեղապետ Հասկելի միջնորդությունների՝ դադարեցվում են մարտական գործողությունները, ապստամբ շրջանների մահմեդականները ընդունում են հանրապետության կառավարության գերիշխանությունը, իսկ Նախիջևանում ժամանակավորապես հաստատվում է Ամերիկյան նահանգապետություն:

¹ Վրացեան Ա., Հայաստանի Հանրապետութիւն, էջ 301:

² Տե՛ս ՀԱԱ, ֆ. 276, ց. 1, գ. 177, ք. 119:

³ Տե՛ս նույն տեղում:

¹ Նույն տեղում, էջ 61:

Ավարտվեցին ամիսներ շարունակ Հայաստանի տարածքում ձգձգվող արյունահեղ կռիվները, որոնք բացի մարդկային զոհերից, պատճառ դարձան նաև նյութական հսկայական միջոցների ոչնչացման: Երկիրը վերջապես խաղաղվեց եւ կառավարութիւնը հնարավորութիւն ստացավ զբաղվելու հանրապետութեան վերակառուցման գործով:

Դրոյի գործունեութիւնը սահմանափակված չէր միայն հանրապետութեան տարածքում ընթացող ռազմական գործողութիւնների դեկավարմամբ: Խաղաղ պայմաններում Դրոյին սպասում էր մի նոր փորձութիւն. ձեռնամուխ լինել երկրի ներքին կյանքում կարգուկանոնի, օրինականութեան հաստատման խնդիրներին, որոնց կենսագործումը մեծ նշանակութիւն ունեն հանրապետութեան իրավիճակի կայունացման եւ հետագա զարգացման գործում:

ՀՀ ՆԳ նախարար Արամ Մանուկյանի եւ Երեւանյան զորախմբի հրամանատար Դրոյի համագործակցութիւնը Հայաստանի Հանրապետութեան սկզբնավորման շրջանում տվել էր իր արգասաբեր պտուղները, սակայն դժբախտաբար 1919 թ. հունվարի 29-ին մահանում է Արամը, բայց հակապետական տարրերի եւ անօրինական զինված խմբավորումների դեմ պայքարը անհրաժեշտաբար պիտի շարունակվեր ու իր ավարտն ունենար:

Մեծ ողբերգութիւն է ապրել Դրոն՝ լսելով Արամ Մանուկյանի մահը: Այդ առնչութեամբ Ս. Վրացյանը գրում է. «...Դրոյի բնակարանում նստած էինք ճաշի: Յանկարծ, դրսի դրան զանգը հնչեց, եւ Դրոյի կինը՝ Արփինիկը ներս բերաւ սարսափահար աչքերով մի երիտասարդ: Արամը մեռաւ, ասաց նա: Դրոյի ձեռքից վար ընկաւ ապուրի գդալը: Առանց մի խօսք արտասանելու՝ նա դուրս թռաւ սենեակից...»¹:

Արամ Մանուկյանի կառավարման, ապա նաև հանրապետութեան ստեղծման առաջին տարիներին Հայաստանի տարածքում հայտնվել էին ինքնակոչ «խմբապետ-մատուցերիստներ», որոնք խմբերի գլուխն անցած, զենքի սպառնալիքով թալանում ու կեղեքում էին հայ գյուղացիներին եւ քաղաքի ունեւորներին:

Խորհրդային պատմագիտութիւնը, չխորշելով մեր ժողովրդի անցյալի հերոսական էջերը կեղծելու սկզբունքներից, հայութեան ազգային-ազատագրական պայքարի, ինչպես նաև Հայաստանի Հանրապետութեան կյանքում տեղ գտած բոլոր բացասական երեւոյթները անպայմանորեն վերագրում էր Հ.Յ. Դաշնակցութեանը եւ այդ հողի վրա վարկաբեկում ու խեղաթուրում բազում հայրենանվեր գործիչների պայծառ անունները:

Անդրադառնալով վերոհիշյալ «խմբապետ-մատուցերիստների» հիրավի անվայելուչ, ազգադավ արարքների լուսաբանմանը՝ խորհրդահայ մասնագետները հայութեան շրջանում տարիներ շարունակ տարածում էին այդ ամենի մեղքն ու պատասխանատուութիւնը դաշնակցական գործիչների եւ հատկապես Դրոյի վրա բարդելու մտացածին հորինվածքներ: Իսկ իրականում պատմական այդ ժամանակաշրջանի ուսումնասիրութիւնը ապացուցում է ճիշտ հակառակը: Հենց Դրոյի եւ նրա հրամանատարութեամբ գործող մարտական ջոկատների ջանքերով հնարավոր դարձավ Հայաստանի Հանրապետութիւնում արմատախիլ անել բոլոր տեսակի «հայրենասեր» խմբապետների եւ մատուցերիստների խմբերին: Պատմական հիշյալ ժամանակահատվածում Հայաստանի Հանրապետութիւնում տեղի ունեցած դեպքերի ուսումնասիրութիւնը միանշանակորեն ցույց է տալիս, որ գլխավորապես հենց Դրոյի հաստատակամութեան եւ անկաշառ վարվեցողութեան շնորհիվ է Հայաստանի իշխանութիւններին հաջողվում կայունացնել հանրապետութեան քաղաքական իրավիճակը, որով հնարավորութիւն է ընձեռվում կառավարութեանը զբաղվելու տնտեսական ու սոցիալ-քաղաքական, իրավական ու մշակութային առավել կարեւորագույն նշանակութիւն ունեցող խնդիրների լուծմամբ:

Դրոյի՝ «մատուցերիզմի» հիմնադրի մասին ուշագրավ դիտողութիւններ են ամփոփված գնդապետ Եգոր Տեր-Ավետիքյանի հուշագրութիւնում:

«Դրոյին մեղադրում են, որ նա եղաւ «Մատուցերիզմի» հիմնադիրը...նա էլ եմ Դրոյի ընկերն ու երկրպագուն, յայտարարում ու հաստատում եմ, որ Դրոն էր, որ կովկասահայութեան, խոր մրափի մէջ ընկած շրջանում, «Մատուցերիզմ»-ը հիմնադրեց: Ահա թէ ինչպէս եղաւ այդ, ինչո՞ւ Դրոն «Մատուցերիստ» դարձաւ:

Ձեզ բոլորիդ էլ՝ զէնք չսիրող, զէնքի արժէքը ժխտողներիդ յայտնի է, որ մեր դժբախտութիւնը, մեր կորուստները, մեր ամենաարժէքաւոր մասսայի - հայ գիւղացիութեան վախկոտութեան կամ այլ պատճառների չպիտի վերագրել, այլ գերազանցօրէն ներքին այն պատճառներին, որոնք են՝ զէնք չսիրելը, զէնքի արժէքը ժխտելը...»:

«...Գոյութեան կռիւը հիմնուած է միայն զէնքի վրայ, այլ ոչ թէ մորալի, շիտակութեան, մարդասիրութեան, արգարութեան սկզբունքների վրայ...»:

«Ցոյց տուէք, որ արարչի մի որեւէ ստեղծագործութիւն գրկուած լինի ինքնապաշտպանութեան զէնքից կամ հնարաւորութիւնից եւ այն ժամանակ միայն դատապարտեցէք մեզ, մեր արտահայտած կարծիքի համար, որ գերազանցօրէն Դրոյինն է միեւնոյն ժամանակ...»:

¹ Վրացեան Ս., Կեանքի ուղիներով, հ. Ե, էջ 50:

«...եւ երբ Հայաստանն ու Դրօն Համաձայնեցին իրենց Համար էլ մի գէնք գտնել գոյութեան կռուի Համար եւ մաուզէր ատրճանակն ընդունեցին առաջին Հերթին, անիրաւ, գէնք չսիրող, գէնքի արժէքը ժխտող Հայն ուրիշ բան չգտաւ եւ մխիթարեց իրենց մեզ Համար նոր տիտղոս գտնելով «Մաուզէրիստներ»¹:

Կռվում նրա առավել սիրած գենքերից էր նաեւ մաուզերը, որով նա ձգտել է գինել եւ իր մարտական ընկերներին: Այս հարցում նրա գործունեութեանը քաջատեղյակ եզոր Տեր-Ավետիքյանի դատողութիւնները ճշմարիտ են ու բավականին խոսուեն: Սակայն նրա գինվորների գենքերը, որոնց թվում նաեւ մաուզերները, գործածվել են միմիայն ի պաշտպանութիւն Հայ ժողովրդի: Իսկ «մաուզերի» սպառնալիքով ժողովրդի ունեցվածքը հափշտակողների նկատմամբ նա գործադրել է ամենախիստ պատժամիջոցները:

Դրոյի գլխավորած զորախմբերն իրենց գինվածութեամբ ու կազմակերպվածութեամբ, ինչպես արդեն նշվել է, գրեթե միշտ լավագույնն են եղել: Այս առում կարելի է վկայակոչել Հայկական դիվիզիայի շտաբի պետ գնդապետ Մ. Զինկելիչի, նույն դիվիզիայի հրամանատար գեներալ Սիրիկյանին 1918 թ. հոկտեմբերին 1-ին ներկայացրած թիւ 40-41 գեղուցագիրը:

Գնդապետ Զինկելիչը սեպտեմբերին հետաքննութիւն է անցկացրել իրենց գլխավորած դիվիզիայի զորամասերում եւ ուսումնասիրութեան արդունքների մասին հրամանատարին ներկայացրած գեղուցում հատկապես ընդգծում է Դրոյի զորամասի կազմակերպվածութիւնն ու բավարար քանակութեամբ գենք ու գինամթերք ունենալու իրողութիւնը: Գնդապետի գնահատմամբ՝ նոր զորահավաքի ժամանակ Դրոն կարող է լիովին ապահովել իր զորամասի գինվորների գինվածութիւնը²:

Միաժամանակ, Զինկելիչը թվարկում է զորամասի զորանոցային վատ պայմանները, սննդի ու հանդերձանքի անմխիթար վիճակը: Պիտի նկատել, որ նրա կողմից նշված թերութիւններն այդ ժամանակահատվածում ունեին համընդհանուր բնույթ եւ վերաբերվում էին հայկական գինուժին ընդհանրապես³:

Զինվորականութեան շրջանում գնդապետ Մ. Զինկելիչը հայտնի էր որպես խորագետ, գինվորական ստորաբաժանումների տաղանդավոր կազմակերպիչ ու անաչառ գինվորական եւ իհարկեւ, նրա կողմից Դրոյին ու նրա գլխավորած զորամասին տրված գնահատականը բոլորովին պատահական լինել չէր կարող:

Նիկոլ Դումանի երկաթյա խստապահանջութեան եւ կարգապահութեան դպրոցի բովով անցած Դրոն Հայ ռազմագետ-գործիչների մէջ եզակիներից էր իր մարտական գինակիցների, ինչպես նաեւ հասարակ գինվորի նկատմամբ դրսեւորած իր մարդասիրական ու հոգատար վերաբերմունքով: Պատահական չէ, որ նրա գործունեութեան մասին պահպանված հիմնական տեղեկութիւնները առավելապես հանդիպում են իր գինակիցների ու գինվորների հուշագրութիւններում: Վկայակոչենք մի օրինակ: Հայաստանի կառավարութիւնը հանրապետութեան տարբեր շրջանների միջեւ հաղորդակցութեան ուղիները ապահովելու նպատակով աշխատում էր ընդարձակել ոչ միայն երկաթուղային գծերը, ավտոմոբիլային ճանապարհներն ու խճուղիները, այլ նաեւ 1919 թ. կեսերին օգտագործում է Հայաստանի միակ նավարկելի՝ Սեւանա լճի հնարավորութիւնները: Սեւանա լճում առաջին անգամ շոգենավերի գործարկման հանդիսութեան օրը մի քանի պաշտոնատար անձանց ուղեկցութեամբ ներկա է լինում հանրապետութեան վարչապետ Ալ. Խատիսյանը: Նույն օրը մի խումբ գինվորականների հետ արարողութիւններին ներկա է լինում նաեւ Դրոն:

Այդ հանդիսութիւնների մասին պատմում է Նոր Բայագետի քաղաքագլուխ Վահան Աֆրիկյանը:

«...Կառավարութեան կողմից, նշում է Վ. Աֆրիկյանը, ներկայ եղողները հիւրասիրուեցին ճաշկերոյթով, որ ղեկավարում էր Ալ. Խատիսյանը: Երբ ջերմ խոսքերով առաջարկեց խմել Դրոյի կենացը, նկատեց, որ Դրօն ներկայ չէր. «Մ՛ւր է Դրօն», տեսանք, որ լճի ափին, մի խումբ գինուորների մէջ կանգնած Դրօն, խմեցնում է գինուորներին եւ կանչել տալիս՝ «Կեցցէ մեր հանրապետութիւնը»: Այդ ժամանակ զօրավար Սիրիկեանը ոտքի կանգնեց ասելով. «Կեցցէ Դրօն, ահա նրա մեծութիւնը»⁴:

Որպես Զինվորական նախարարի օգնական եւ Երեւանյան զորախմբի հրամանատար, Դրոն գործուն կերպով մասնակցել է Հայաստանի Հանրապետութեան քանակի շինարարութեան ու կայացման գործին: Միաժամանակ լինելով Հայաստանի Խորհրդի անդամ, հնարավորութեան սահմաններում նա իր մասնակցութիւնն է բերել բանակին վերաբերող օրենքների ու որոշումների մշակմանն ու ընդունման աշխատանքներին:

Նրա ղեկավարութեամբ տեղի են ունեցել բանակաշինութեանը նվիրված խորհրդակցութիւններ: Այս առումով արժանահիշատակ է 1919 թ. մարտի 12-ին նրա նախագահութեամբ Երեւանում տեղի

¹ «Ալիք» բացառիկ, 1956, էջ 85:

² Տե՛ս ՅԱԱ, ֆ. 204, ց. 1, գ. 42, ք. 96:

³ Տե՛ս նույն տեղում:

⁴ «Յայրենիք» օրաթերթ, ապրիլի 24:

ուենցած խորհրդակցութիւնը, որի աշխատանքներին մասնակցել են գեներալ-լեյտենանտ Մ. Սիլիկյանը, ՀՀ զինվորական նախկին նախարար, հրետանային բրիգադի հրամանատար, գեներալ-մայոր Արարատյանը, ինտենդանտական ծառայութեան գեներալ-մայոր Չումարովը, գեներալ Սիլիկյանի գլխավորած դիվիզիայի շտաբի պետ, գեղապետ Ջինկելիչը, 2-րդ եւ 3-րդ գնդերի հրամանատարներ Մելիք-Մուրադյանն ու Հայաբջանցն եւ զինվորական մի շարք այլ ստորաբաժանումների հրամանատարներ:

Խորհրդակցութիւնում Դրոյի, գեներալներ Մ. Սիլիկյանի եւ Բ. Արարատյանի ստորագրութեամբ հաստատվում են խորհրդակցութեան մասնակիցների կողմից ընդունված մի շարք որոշումներ, որոնք վերաբերում էին Հայաստանի Հանրապետութեան բանակի գրեթե բոլոր բնագավառներին ու անպայմանորեն որոշակի ժամանակահատվածում պիտի կենսագործվեն¹:

Դրոն, ՀՀ զինվորական նախարարի բացակայութեան դեպքում երբեմն ժամանակավորապես փոխարինելով նախարարին, կատարել է նրա պարտականութիւնները: Նրա գործունեութեան ուսումնասիրութիւնը միանշանակորեն մատնանշում է, որ նրա, որպես նշանավոր անհատի, արժանիքներից էր իր համոզմունքներն ու ճշմարտութիւնն ամենայն շիտակութեամբ՝ անթաքույց արտահայտելու համարձակութիւնն ու դավանանքը: Այլընտրանք լինել էր կարող, քանզի նրա գործունեութեան գլխավոր ուղենիշներից մեկը հայկական բանակի հզորացմանն ու կայացմանը նպատակաուղղված խնդիրների լուծումն էր:

1919 թ. հունիսին ժամանակավորապես ստանձնելով ՀՀ զինվորական նախարարի պարտականութիւնը, նա ՀՀ կառավարութեանը հունիսի 9-ին ներկայացրած զեկույցում ամենայն շիտակութեամբ ու փաստարկվածութեամբ շարադրում է ՀՀ զինված ուժերում տիրող իրավիճակն ու անում բազմաթիւ ուշագրավ եւ օգտակար առաջարկութիւններ:

Կառավարութեանը ներկայացրած զեկույցում դրվատելով գեներալներ Սիլիկյանի, Արարատյանի եւ իր գլխավորած զորամասերում կատարված դրական տեղաշարժերը, նա միաժամանակ ներկայացնում է զորքերում տիրող անմխիթար կացութիւնը: Ձորքերում աղետալի էր հանդերձանքի վիճակը, զինվորները շատ հաճախ ժամանակին չեն ապահովվել սննդամթերքով: Մշտապես գտնվելով արշավանքներում ու զինվորական պարապմունքներում, զինվորները տառապում են կեղտի մեջ, իսկ սարերում գտնվելու ժամանակ ապրում են ցրտաշունչ պայմաններում:

Դրոյի գնահատմամբ՝ բանակում տիրող վերահիշյալ աննպաստ պայմանների հետեւանքով զինվորները հիվանդանում են, իսկ բանակում արմատավորվում է դասալքութիւնը: Նա խստորեն բողոքում եւ դատապարտում է բանակում տիրող անարդարութիւնը, զինվորական հանդերձանքի ու պետական ունեցվածքի ապօրինի վաճառքը:

Ձեկույցում նա կառավարութեան ուշադրութեանն է ներկայացնում նաեւ Հանրապետութեան զինված ուժերում տեղ գտած այն ցավալի ու վնասակար փաստը, որ համապատասխան ծառայութիւնների կողմից բավարար ուշադրութեան չեն արժանանում զինվորների կողմից ներկայացված արդար բողոքները եւ անտեսվում ու խստագույն միջոցներ չեն ձեռնարկվում խստագույնս պատժելու հանրապետութեան այն քաղաքացիներին, ովքեր խուսափելով զորակոչից, զարտուղի ճանապարհներով աշխատանքի են տեղավորվում պետական հաստատութիւններում:

ՀՀ կառավարութեան ուշադրութեանն ու քննութեանը ներկայացնելով զինված ուժերում տիրող իրական կացութիւնը, Դրոն բանակի կազմակերպվածութեան ու մարտունակութեան բարձրացման վերաբերյալ արտահայտել է իր տեսակետները, որոնցից կարելի է ընդգծել զորամասերին ու զինվորական հաստատութիւններին ֆինանսական բավարար միջոցներով, հանդերձանքով, սննդամթերքով ապահովելու առաջարկութիւնները:

Նա առանձնապես կարեւորել է բանակում կարգապահութիւնն եւ արդարութիւնն հաստատելու անհրաժեշտութիւնը ու այդ առնչութեամբ առաջարկել է առավելագույն միջոցներ կիրառել արմատախիլ անելու դասալքութիւնը եւ խստագույնս պայքարել այն անձանց դեմ, ովքեր խուսափում էին զինվորական ծառայութիւնից¹:

Հանրապետութեան զինված ուժերին վերաբերող հարցերում նա եղել է խիստ հետեւողական:

1919 թ. մարտին Երեւանում կայացած ՀՅԴ Գրդ Ընդհանուր ժողովում ՀՀ բանակին նվիրված ենթահարցի մասին զեկույցը ներկայացրել է Դրոն: Հիմք ունենալով նրա զեկույցում տեղ գտած առաջարկութիւնները, ՀՅԴ Ընդհանուր ժողովը ընդունում է համապատասխան որոշում, պարտադիր երկամյա ծառայութեան, բանակի հայացման վերաբերյալ²:

Պիտի նշել, որ նրա առաջարկութիւնները մեծամասամբ անհետեւանք չէին մնում, քանզի այդ առաջարկութիւնների նախադրյալները խորապես ուսումնասիրված էին ու հիմնավորված եւ բխում էին բանակաշինութեան շահերից:

¹ ՀԱԱ, ֆ. 199, ց. 1, գ. 27. ք. 147:

¹ Տե՛ս նույն տեղում:

² Տե՛ս «Քաղվածքներ ՀՅԴ Ընդհանուր ժողովի որոշումներից», էջ 10-11:

4. 3. ԴՐՈՆ ԶԱՆԳԵԶՈՒԴՈՒՄ ԵՎ ԱՐՑԱԽՈՒՄ

Երիտասարդ Հանրապետությունը գերմարդկային ջանքեր էր գործադրում երկրի պաշտպանության ամրապնդման ու զարգացման ուղղությամբ: Արդեն նկատվել էին լուրջ նվաճումներ հանրապետության կյանքի գրեթե բոլոր բնագավառներում: Սակայն հարեւան պետությունների եւ հատկապես Ադրբեջանի հետ շարունակվող մշտական բախումներն ու հանրապետության տարածքում բնակվող թուրք բնակչության պարբերաբար կրկնվող ելույթները դժվարին խոչընդոտների առաջ էին կանգնեցնում ՀՀ կառավարությանը: Դժվարագույնն ու անլուծելին Արցախն ու Զանգեզուրն էին, որոնց նկատմամբ Ադրբեջանի իշխանություններն ավելի ուժգնությամբ էին շարունակում դրսեւորել իրենց զավթողական ձգտումները: Այդ հողի վրա Հայաստանի եւ Ադրբեջանի հանրապետությունների հակամարտությունը գնալով ավելի էր խորանում ու շիկանում:

Ինչպես արդեն նշվել է, հանրապետության սահմանների ընդարձակումն ընթանում էր մի քանի ուղղությամբ, եւ այս առումով Զանգեզուրի ու Արցախի խնդրի վերջնական լուծումը տվյալ ժամանակահատվածում ուներ արտակարգ կարեւորագույն նշանակություն: Առանց Զանգեզուրի եւ Արցախի հարցի վերջնական լուծման Հայաստանը չէր կարող հուսալիորեն ապահովել իր սահմանների անսասանությունն ու անձեռնմխելիությունը եւ, բնականաբար, հարկադրված պետք է լիներ մշտապես պատերազմելու Ադրբեջանական Հանրապետության եւ նրան սատարող թուրքիայի հետ: Ուստի, հանրապետության թուրքաբնակ շրջանների եւ հարեւան Վրաստանի հետ վիճելի հարցերը մեծ դժվարությամբ հաղթահարելուց հետո՝ Հայաստանի Հանրապետության իշխանություններն անհրաժեշտորեն պետք է ձեռնամուխ լինեին առավել հաստատակամությամբ զբաղվելու Զանգեզուրի եւ Արցախի խնդրի վերջնական լուծմամբ:

Նկարագրելով հանրապետության ընդարձակման ուղղությամբ իր գլխավորած կառավարության կենսագործած առավել կարեւոր եւ անհրաժեշտ միջոցառումները՝ ՀՀ վարչապետ Ալ. Խատիսյանը գրում է. «Հայաստանի սահմաններու ընդարձակումը երրորդ ուղղությամբ կը կատարուէր Զանգեզուրի եւ Արցախի գծով: Այստեղ կընդհարուէին Հայաստանի եւ Ադրբեջանի շահերը: Հայաստանի համար Զանգեզուրը եւ Արցախը երեք տեսակ շահեկանութիւն կը

ներկայացնէին. առաջին՝ բնակչութեան տեսակետով, որովհետեւ 300000 հայեր կապրէին այդ շրջաններուն մէջ: Երկրորդ՝ Զանգեզուրն ու Արցախը կը պաշտպանէին Հայաստանի թիկունքն այն թշնամիներէն, որոնք կերագէին անոնց վրայով միանալու իրարու հետ: Եւ երրորդ՝ երկու շրջաններու ալ բնակչութիւնը անբաժանելիորեն կապուած կը զգար ինքզինքը Հայաստանի Հանրապետութեան հետ»¹:

Զանգեզուրի լեռնականները կովկասյան թուրքերի(թաթար) եւ նրանց սատարող հավատակիցների դեմ պայքարելու հրաշալի մարտական դպրոց էին անցել: Սասունի 1904 թ. եւ Կովկասահայության 1905-1906 թթ. ինքնապաշտպանական մարտերի հերոսների՝ Սեբաստացի Մուրադի, Քեռու, Կայծակ Առաքելի, Գյումուշխանցի Ավոյի, Մեչեդի Ավետիսի եւ բազում այլ բազմապիործ Ֆիդայիների առաջնորդությամբ, որոնց շարքերում էր նաեւ Դրոն, զանգեզուրցիներն անմոռանալի ջարդ տվեցին հայկական բնակավայրերնասպատակող թուրք հրոսակախմբերին: 1918-1919 թթ. Անդրանիկի գլխավորած արեւմտահայ մարտական ուժերի գործուն աջակցությամբ զանգեզուրցիները դարձյալ հերոսական ինքնապաշտպանությամբ անառիկ պահեցին իրենց բնակավայրերը մահմեդական հրոսակախմբերի ոտնձգություններից ու ասպատակություններից:

Զանգեզուրին տիրելու Ադրբեջանի նկրտումները ավելի են ուժեղացել, հատկապես 1918 դեկտեմբերից սկսած, երբ Շուշում հաստատվեց անգլիական զինվորական ներկայացուցչությունը: Անգլիացիների համար Զանգեզուրի ու Արցախի խնդիրը վճռված էր: Անգլիացիների որոշմամբ Հայաստան աշխարհի երկու պատմական գավառները՝ Զանգեզուրն ու Արցախը իրենց հոծ հայ բնակչությունով պիտի մասն կազմեին Ադրբեջանական Հանրապետության: Հիմք ունենալով այդ գավառների նկատմամբ կայացրած վերոհիշյալ վճիռը՝ Ադրբեջանի կառավարությունը Կովկասում Անգլիայի առաքելության ղեկավար, գեներալ Թոմսոնի համաձայնությամբ Արցախ-Զանգեզուրի ընդհանուրնահանգապետ է նշանակում դոկտոր Խոսրով բեկ Սուլթանովին, որը հայտնի էր իր հայատացությունով ու ջարդարարի համբավով:

«Յունևարի 17-ին,-գրում է Եղիշե Իշխանյանը,-Դոքտ. Խոսրովբեկ Սուլթանովը, Ադրբեջանի կառավարութեան կողմից, զորավար Տոմսոնի համաձայնութեամբ նշանակուած իբրև Ղարաբաղի նահանգա-

¹ Խատիսեան Ալ., նշվ. աշխ., էջ 167:

պետ, գալիս է Շուշի ի հեծուկս հայերի: Աղբբջանի կառավարութիւնը Ղարաբաղի նահանգապետ, նշանակելով, Հայաստանի կառավարութեանը կանգնեցնում էր կատարած փաստի առջեւ, յուսալով տէր դառնալ Ղարաբաղին, թիկունքին ունենալով զօրավար Տօմսոնին, որպէս ուժեղ յենարան»¹:

Ի պատասխան այդ նշանակման, ՀՀ արտաքին գործոց նախարար Ս. Տիգրանյանը վճռական բողոք է ներկայացնում Աղբբջանական կառավարութեանը՝ հայտարարելով, որ Արցախն ու Ջանգեզուրը Հայաստանի անբաճանելի մասն են²:

Իհարկեւ, Ս, Տիգրանյանի բողոքը չէր կարող լուրջ ուշադրութեան արժանանալ, քանզի վիճակն Անգլիայի հովանավորութեամբ արդեն գցված էր: Աղբբջանը բազմապատկում է ջանքերը՝ վերջնականապես նվաճելու Արցախն ու Ջանգեզուրը:

Եթե 1919 թ. գարնանն ու ամռանն Աղբբջանի իշխանութիւնները Երեւանում հավատարմագրված իր դիվանագիտական ներկայացուցիչ Թեքինսկու անմիջական ղեկավարութեամբ Հայաստանի ապստամբ շրջանների թուրք բնակչութեանն օգնում էր Ֆինանսներով, զենքով, սպաներով եւ հրահանգիչներով, ապա Ջանգեզուրի նկատմամբ ոչ միայն կիրառում էր վերոհիշյալ միջոցները, այլեւ ուղղակիորեն ապավինելով զենքի ուժին՝ զորքով, որոնց միացել էին նաեւ Ջանգեզուրի հարեւան Հաճի-Սամլուի քրդական հեծելախմբերը, զեներալ Շիխլինսկու եւ դոկտոր Խոսրով-բեկ Սուլթանովի գլխավորութեամբ Գորիսի հյուսիսային ուղղութեամբ հարձակվում է Ջանգեզուրի վրա:

Գեներալ Շիխլինսկու առաջնորդութեամբ Ջանգեզուր ներխուժած բանակը բաղկացած էր հեծյալ ու հետեակ զորամասերից, որոնք համապատասխանաբար ունեցել են 800 եւ 4000 զինվորներ: Բացի դրանից, ազերի բանակը իր զինանոցում ունեցել է 12 հրանոթ ու ավելի քան երեք տասնյակ զնդացիրներ: Բանակի կազմում Ջանգեզուր է ներխուժել 400 հեծյալներից բաղկացած քրդական հրոսակախումբը: Միաժամանակ զենքի պիտի դիմեր Ջանգեզուրի մահմեդական բնակչութեանը³:

Հայաստանի Հանրապետութեան կառավարութեան հանձնարարութեամբ Ջանգեզուր գործուղված զնդապետ Արսեն Շահմազյանի գլխավորութեամբ զանգեզուրցիները մի շարք ճակատամարտերում

ջախջախիչ պարտութեան մատնելով զեներալ Շիխլինսկու գլխավորած Աղբբջանի կանոնավոր զորագնդերին եւ մահմեդական հրոսակախմբերին, փայլուն հաղթանակներ նվաճեցին:

Ըստ պաշտոնական տվյալների քառօրյա մարտերը տեղի են ունեցել Տեղ, Բայանդուր ու Խոզնավար գյուղերի մերձակայքում: Ջանգեզուրի մարտական ուժերը որպես ռազմավար հակառակորդից վերցրել են 14 զնդացիր, մեծ քանակութեամբ զենք ու զինամթերք, ինչպես նաեւ 150 զերի¹:

Գեներալ Շիխլինսկու գլխավորած զորաբանակի ու նրան աջակցող Հաջի Սամլուի քրդական հեծյալ հրոսակախմբերի հարձակումը Ջանգեզուրի վրա տեղի է ունենում 1919 թ. նոյեմբերին, այսինքն այն ժամանակ, երբ զնդապետ Հասկելի միջնորդութեամբ Հայաստանի հանրապետութեան տարածքում արդեն դադարեցվել էին մարտական գործողությունները եւ ապստամբ թուրքաբնակ շրջաններում աստիճանաբար հաստատվում էր խաղաղություն: Բայց Հայաստանում խաղաղություն եւ կայուն իրավիճակի հաստատումը թուրք պարագլուխների ու աղբբջանական իշխանութիւնների ծրագրերից դուրս էին: Առերես համաձայնելով Փարիզի վեհաժողովի խորհրդի կողմից Հայաստանում կոմիսար նշանակված զնդապետ Հասկելի առաջարկութեաններին՝ աղբբջանական իշխանութիւնները շարունակում էին իրենց գործակալների միջոցով գաղտնորեն, իսկ Ջանգեզուրի նկատմամբ բացահայտ, ճեռնարկել բոլոր հնարավոր միջոցները Հայաստանում կացութեանն ապակայունացնելու եւ իրենց նպատակներն իրականացնելու ուղղութեամբ:

Նույն թվականի նոյեմբերի 18-ին Հայաստանի վարչապետ Ալեքսանդր Խատիսյանը Վաչինգտոնում Հայաստանի դիվանագիտական ներկայացուցչին հասցեագրված ուղերձում նշում է. «... Ենթահիվ Հասկելի միջամտութեան, Աղբբջանն արդեն ընդունել էր մի պայմանագիր, որով Շարուրի, Նախիջեւանի եւ Գողթանի շրջանները պիտի կազմեին Ամերիկեան նահանգապետութիւն... Գերագույն կոմիսարի կարգադրութեամբ Ամերիկեան նահանգապետը հոկտեմբերի 23-ին հանդիսավոր կերպով պիտի մտներ Նախիջեւան, Աղբբջանի եւ Հայաստանի ներկայացուցիչների հետ միասին, բայց վերջին ռուսերի Աղբբջանը հրաժարվեց մասնակցել այդ հանդեսին, միեւնույն ժամանակ ծածուկ կազմակերպելով Նախիջեւանի թրքական ամբոխի կողմից գիմադրութիւն »²:

¹ Իշխանեան Ե., Եզվ. աշխ., էջ 326:

² Տե՛ս Վրացեան Ա., Հայաստանի Հանրապետութիւն, էջ 312:

³ Տե՛ս ՀԱԱ, ֆ. 200, ց. 1, գ. 395, ք. 26-27:

¹ Տե՛ս նույն տեղում:

² ՀԱԱ, ֆ. 200, ց. 1, գ. 5, ք. 4:

Ադրբեջանական իշխանությունները մեծ հույսեր էին փայփա-
յում վերստին գեների դիմած Նախիջևանի զինյալ հրոսակախմբերի,
տեղի մահմեդականության եւ Ջանգեզուր ներխուժած Շիխլինսկու
գլխավորած գորարանակի վճռական հարվածների շնորհիվ վերջնա-
կանապես լուծել այդ գավառը Ադրբեջանի բաղկացուցիչ մասը մեկ-
ընդմիջտ դարձնելու խնդիրը:

«...Չնայած, - շարունակում է Ալ. Խատիսյանը, - ամերիկացիների
կտրուկ հրամաններին եւ սպառնալիքներին, Նախիջևանի թրջու-
թյունը, տաճկական սպաների ղեկավարութեամբ, գինված թնդանոթ-
ներով եւ գնդացիներով, մի շաբաթ է, որ Դարալագյազի հայու-
թյան հետ կռիվ է մղում, աշխատելով անցնել Ջանգեզուր եւ անմի-
ջական կապ ստեղծել Ադրբեջանի հետ: Կռիվները շարունակվում են
Սոս եւ Մարտիրոս գյուղերի մոտ:

Միեւնույն ժամանակ ադրբեջանական զորքերը, մօտ 7000 սվին,
հազարավոր քուրդ եւ թուրք խուժանի հետ միասին, հուշակավոր
Խոսրով-բեկ Սուլթանովի եւ Շիխլինսկու առաջնորդութեամբ շարժ-
վել են Ջանգեզուր»¹:

Գեներալ Շիխլինսկու առաջնորդած բանակի ու Ջանգեզուրի
թուրք հրոսակախմբերի ջախջախիչ պարտութեամբ փաստորեն տա-
պալվում է գավառը Ադրբեջանի Հանրապետության անջակտելի
մասը դարձնելու ազերի իշխանությունների ծրագիրը:

Հայաստանի տարածքում թուրքական զորքերի առկայությունը,
ապա հարեւան Վրաստանի հետ գինված բախումները, մի փոքր
անց հանրապետության սահմանների ընդարձակման խնդիրները
եւ երկրի ծայր աստիճան քայքայված տնտեսության վերա-
կանգնման դժվարությունները խոչընդոտում էին հանրապետու-
թյան կառավարությունը առավելագույնս զբաղվելու Արցախի եւ
Ջանգեզուրի հարցերով:

Այսուհանդերձ, պիտի նշել, որ Հայաստանի Հանրապետության
կառավարությունը ի սկզբանե Արցախի նկատմամբ ունեցել է
հստակ դիրքորոշում, որը վարչապետ Հով. Քաջազնունին արտա-
հայտել է դեռեւս 1918 թ. օգոստոսի 31-ին, Խալիլ փաշայի հետ
կայացած երեւանյան հանդիպման ժամանակ:

Հանդիպման ընթացքում Հովհ. Քաջազնունին՝ Խալիլ փաշային
ներկայացնելով Արցախի ու Ջանգեզուրի հարցում ՀՀ կառավա-
րության դիրքորոշումը, ընդգծել է. «Հարաբաղի լեռնային մասը

եւ Ջանգեզուրը, իբրեւ հայկական հոծ ազգաբնակչություն ունցող
վայրեր, չեն կարող առանց այլեւայլութեան կցել Ադրբեջանին:
Սակայն, որովհետեւ վերջինս այս մտքի դէմ առարկություններ է յա-
րուցանում՝ Հայաստանի Հանրապետությունը կարծում է, որ Հարա-
բաղի քաղաքական վիճակը կամ Պուսի կոնֆերանսը պիտի որոշի եւ
կամ ինքը՝ Հարաբաղի ժողովուրդը: Մինչեւ խնդրի այս ճանապար-
հով լուծելը Հայաստանի կառավարությունը չի ուզում միջամտել
Հարաբաղի ներքին գործերին եւ պահանջում է, որ Ադրբեջանն էլ
չմիջամտի»¹:

Պիտի ընդունել, որ այդ ժամանակահատվածում, երբ ՀՀ կառա-
վարությունը դեռեւս նոր-նոր էր սկսել հիմնավորվել ու պիտի լու-
ծեր իր առջեւ ծառայած կենսական նշանակության բազում հրա-
տապ խնդիրներ, նրա համար Արցախի նկատմամբ ՀՀ ու Ադրբեջա-
նի կառավարությունների կողմից համանման մոտեցում դրսեորելը,
թերեւս ամնաընդունելի տարբերակն էր:

Խալիլ փաշան հավանություն է տալիս վարչապետի կողմից ներ-
կայացրած ՀՀ կառավարության տեսակետին ու խոստանում է խո-
սել Ադրբեջանի կառավարության հետ ու ստանձնել միջնորդի դեր
Հայաստանի ու Ադրբեջանի միջեւ²:

1919 թ. թուրքաբնակ շրջանները խաղաղեցնելուց ու նույն տարում
Ջանգեզուրում գեներալ Շիխլինսկու առաջնորդած բանակը ջախջախե-
լուց ու նվաճած հաղթանակից հետո, Հայաստանի կառավարությունը
վերջապես փոքր-ինչ հնարավորություն է ստանում ուշադրությունը
կենտրոնացնելու նաեւ Արցախի եւ Ջանգեզուրի վրա: Ջանգեզուրի, ա-
պա նաեւ Արցախի խնդիրը վերջնականապես լուծելու հերթը այժմ ար-
դեն Հայաստանի Հանրապետության կառավարությանն էր:

ՀՀ կառավարության 1919 թ. նոյեմբերի 26-ին կայացած
որոշմամբ, Ջանգեզուրի քաղաքացիական իշխանության կոմիսար
է նշանակվում Ս. Մելիք-Յոլչյանը, իսկ զինվորական մասի կոմի-
սար, այն է՝ գինված ուժերի հրամանատար՝ գեներալ Ղազարյա-
նը, որոնք ժամանելով Գորիս, պիտի փոխարինեին գնդապետ Ար-
սեն Շահմազյանին³:

Փոքր-ինչ առաջ ընկնելով՝ նշենք, որ ՀՀ կառավարության կող-
մից գնդապետ Արսեն Շահմազյանի փոխարեն Ջանգեզուր գավա-
ռի քաղաքային մասի ու զինվորական մասի կոմիսարի պաշտոննե-
րը Ս. Մելիք-Յոլչյանին եւ Ղազարյանին վստահելը, ինչն ապա-

¹ Նույն տեղում:

¹ ՀՀ ԲԿԱ, Պ. 12, դ. 5, թժ. 65|1, գ. 3, էջ 5:

² Տե՛ս նույն տեղում:

³ Տե՛ս ՀՀԳ ԿԱ, ֆ. 1469, գ. 1, էջ 18:

ցուցեց ժամանակը, այնքան էլ ճիշտ ու արդյունավետ չէր: ՀՀ կառավարութեան վերոհշարժ օրոշմանը կապակցութեամբ, Արցախ-Ձանգեզուրի գործիչները, հատկապես Դրոն բազմիցս արտահայտել են իրեն անհամաձայնութիւնն ու դժգոհութիւնը:

Ե. Իշխանյանի վկայութեամբ՝ «Դրոն դժգոհ էր թէ Ս. Մելիք-Յոլչեանից և թէ Զօրավար Ղազարեանից, որոնք խանգարել են իրեն և ոչ թէ աջակցել: Զօրավար Ղազարեանին անպետքութիւն է համարում, որովհետև աւելի ֆորմալիստ էր, քան կենդանի գործ անող»¹:

Ս. Մելիք-Յոլչեանի եւ գեներալ Ղազարյանի գործունեութիւնը քննադատաբար է գնահատել նաեւ Ձանգեզուրի հերոս, Սիսիանի մարտական ուժերի հրամանատար Պողոս Տեր-Դավթյանը: Արժանավոյնս գնահատելով գնդապետ Ա. Շահմազյանի ներդրումը գեներալ Շիխլինսկու գլխավորած զորքերի դեմ նվաճած Հաղթանակում՝ Պողոս Տեր-Դավթյանը նշում է. «...Արսէնը, որպէս Ձանգեզուրի մարտական ուժերի հրամանատար, հռչակեց հերոս, որին գէթ այդ ժամանակ, նոյնիսկ մէկ աստիճանի վրայից էլ անցնելով, պէտք է զօրավարի աստիճան տային, որով ոչ միայն գնահատուած կը լինէր Արսէնը, այլ և Ձանգեզուրի ժողովուրդը և ի մասնաւորի մարտական ուժերը: Մինչդեռ նոյնմբերեան յաղթանակի օրերին իսկ յետ են կանչում Արսէնին և նրա փախարէն ուղարկում ուղարկում Ս. Մելիք-Յոլչեանին ու նորակնունք, զինուորականների շրջանում անգամ անյայտ մնացած Զօրավար Ղազարեանին:

-Դրոն և Նժդեհը չէին հանդուրժում էդ զօրավար Ղազարեանին. Դրոն շատ էր առնւած նրանից և անւանում էր նրան անտաղանդ արարած: Դրոն իրաւունք ունէր այդպէս որակելու, նա ոչնչով օգտակար չեղաւ Ձանգեզուրում, իրա բոյով, բուսաթով, արտաքինով էր յայտնի միայն, նրա արած մի գործը չտեսանք»²:

1919 թ. նոյեմբերի վերջերին Հայաստանի կառավարութեան հրահանգով Ձանգեզուրում ստեղծվում է «Վարիչների խորհուրդ» մարմինը, որի ձեռքում է կենտրոնանում գաւառի ողջ իշխանութիւնը:

Ս. Վրացյանի տեղեկացմամբ՝ մինչեւ Դրոյի Ձանգեզուր-Ղարաբաղի ընդհանուր հրամանատար հայտարարվելն ու Գորիսում հաստատվելը, գնդապետ Արսեն Շահմազյանին փոխարինած գաւառի քաղաքային մասի կոմիսար Ս. Մելիք-Յոլչեանի ու զինվորական մասի կոմիսար գեներալ Ղազարյանի ղեկավարման օրոք Ձանգե-

զուրը ձեւականորեն կազմակերպվել էր որպէս Հայաստանի Հանրապետութեան մաս¹:

Ս. Մելիք-Յոլչեանի նախագահութեամբ գործող քաղաքային իշխանութիւնը (վարիչների խորհուրդ) Ձանգեզուրը բաժանել էր երկու գաւառի. «1. Բուն Ձանգեզուր, Տաթեւ, Դարաբաս, Սիսիան՝ Ձանգեզուր գաւառ անունով, 2. Ղափան, Բաղաբերդ-Գեղվայ ձոր, Արեւիք եւ Գողթն՝ Կապար Գողթ անունով»²:

Միաժամանակ Ձանգեզուրը բաժանվել է երեք զինվորական շրջանների: Առաջին շրջանի՝ Սիսիանի հրամանատարն է Պողոս Տեր-Դավթյանը, երկրորդի՝ Կապարգողթի (Ղափան, Գեներալ, Գողթան)՝ հրամանատարը Գարեգին Նժդեհը եւ երրորդը՝ բուն Ձանգեզուրը, այսինքն Գորիսը իր շրջակա գյուղերով:

Նշելով Ձանգեզուրի առաջին եւ երկրորդ զինվորական շրջանների հրամանատարների անունները՝ Ս. Վրացյանը չի ներկայացնում երրորդ զինվորական շրջանի հրամանատարին, թեպետ Գորիսում է գտնվել գեներալ Ղազարյանի հրամանատարական կետը:

Յուրաքանչյուր զինվորական շրջանի հրամանատարութեանը կից գործել է զինվորական շտաբ, որին ենթարկվել են մարտական խմբերի հրամանատարները: Նրանց գլխավորութեամբ գաւառում կազմակերպվել է զորահավաք, որի արդյունքում «25-50 տարեկան բոլոր տղամարդիկ դրւած էին գէնքի տակ, երկրապահ զինուորութեան դրութեամբ, 20-25 ընտիր սպաների ղեկավարութեան տակ»³:

Նախորդ տարիներին Ձանգեզուրում բացմիցս կրկնվող Հայթուրքական զինված բախումներն ու գաւառում տիրող իրական կացութիւնը հավաստում էին, որ Ձանգեզուրը միայն տեղի մարտական ուժերով թուրք բնակչութիւնից մաքրելը չափազանց դժվարին խնդիր էր: ՀՀ կառավարութիւնը՝ հիմք ընդունելով այդ իրողութիւնը, Ձանգեզուրի խնդիրը վերջնականապէս լուծելու նպատակով եւ ի պատասխան Ադրբեջանի իշխանութիւնների կողմից Խոսրովի Սուլթանովին Ձանգեզուր-Արցախի գլխավոր նահագապետ նշանակելու օրոշմանը, Դրոյին նշանակում է Ձանգեզուր-Արցախի նահանգապետ ու մարտական ուժերի ընդհանուր հրամանատար: ՀՀ կառավարութեան հրահանգով, Դրոն 1919 թ. դեկտեմբերի վերջերին 600 զինվորներով հասնում է Գորիս: Նրա ժամանումով զորահավաքի ու մարտական խմբեր կազմավորելու գործընթացն ավելի է արա-

¹ Իշխանեան Ե., Գլխ. աշխ., էջ 635:

² Նույն տեղում, էջ 671:

¹ Տե՛ս Վրացեան Ս., Հայաստանի Հանրապետութիւն, էջ 371:

² Նույն տեղում:

³ Նույն տեղում:

գազգվել, ընդ որում Ջանգեզուրյան մարտական ուժերի կազմակերպման նախապատրաստական աշխատանքները կատարվել են խիստ քողարկված, հակառակորդի համար աննկատ:

Ջանգեզուրի եւ Արցախի հարցի լուծումը վերջնականապես վճռելու հանձնարարությունը Դրոյին վստահելու իրողությունը պատահական չէր: Այդ շրջանների պատասխանատու գործիչների կողմից գործի ղեկավարումը ստանձնելու վերաբերյալ առաջարկություններ նրան արվել էին բազմիցս: Համաձայն Արցախի Ազգային Խորհրդի նախագահ Եղիշե Իշխանյանի հավաստման՝ այդ հանձնարարության իրագործումը Դրոյին վստահելու առաջարկության նախաձեռնողներից մեկը եղել է Հենց ինքը: Առաջին անգամ նրա կողմից համանման առաջարկություն Դրոյին արվել է նույն տարվա սեպտեմբերի 16-ին, եւ նրանից ստացել է հուժկո համեմված հետեւյալ պատասխանը. «Այ դարաբաղցի, Ջանգեզուր-Արցախ անունով շարունակ թնդացնում եք օդը, բայց չկարողացաք մի Ադրբեջանի հախիցը գալ, վախեցաք, տեսնո՞ւմ ես՝ Սուրմալուն քրդերի հախիցը ոնց է գալիս:

Տեսնում եմ, որ Դրոն իր հումորով ինձ ձեռք է առնում, ասացի՝ «Դրո, խօսքը մէջներիս, էն դէյրաթը, որ քո մէջ կայ, շնորհիւ քո սիւնեցի մօր արեան է, որ անցել է քեզ (Դրոյի մայրը ծնունդով Սյունեցի է՝ Սիսիանի շրջանի Մազրա գյուղից - Հ. Գ.): Այդ խելաթով պարտական ես Սյունիքին:

Դրոն չկարողացաւ զսպել ծիծաղը եւ մենք էլ ծիծաղեցինք:
- Լավ, հանաքը թողնենք, խնդիրը լուրջ քննութեան է առնւած, ասաց Դրոն, եւ պիտի կարգադրւի անպայման»¹:

Այս նույն առաջարկությունը Ե. Իշխանյանը կրկնել է նաեւ իրենց հաջորդ հանդիպման ժամանակ:

«Նոյեմբերի 1-ին, - գրում է Ե. Իշխանյանը, - Դրոյի մօտ եմ, խնդրում եմ միջնորդել զինուորական նախարարի մօտ՝ Արցախի սպաներն հաշվելու իբրեւ հայկական բանակի սպաների, որոնց ցուցակը ներկայացրել է Ա. Վարդապետեանը, ապա իմ կարծիքն եմ յայտնում, որ ինքը անցնի Ջանգեզուր որպէս Ջանգեզուր-Արցախի ռազմական ուժերի ընդհանուր հրամանատար, օգնականներ ունենալով Ա. Շահմազեանին, որը կվարէ միաժամանակ քաղաքացիական-վարչական գործերը, եւ Գ. Նժդեհին, որը կը մնայ Ղափանում եւ Գողթնում այնտեղի ինքնապաշտպանական գործը վարելու:

«Դրոն պատասխանում է, որ ինքը որպես զինուորական նախարարի օգնական Հեշտութեամբ չի կարող հեռանալ Երեւանից, անկախ իր կամքից, սակայն խոստանում է լրջորեն զբաղվել այդ խնդրով»²:

Այդ նույն, Ջանգեզուր եւ Արցախ մեկնելու առաջարկությունը, մեկ անգամ եւս նրան արվել է նոյեմբերի 14-ին, այս անգամ արդեն Գողթնի գավառապետ Աշոտ Մելիք Մուսայանի կողմից, բայց հարցի վերջնական լուծումը դարձյալ փոքր-ինչ ձգձգվել է:

«... Ջանգեզուրից, - նշում է Ե. Իշխանյանը, - եկաւ Աշոտ Մելիք Մուսեանը, Արսէն Շահմազեանի կողմից խոսելու կառավարութեան հետ... Աշոտը բարձր տրամադրութեամբ պատմում է Ջանգեզուրի կռիւների մասին մանրամասնօրէն (նկատի ունի Արսեն Շահմազեանի գլխավորութեամբ գեներալ Շիխլինսկու հրամանատարութեամբ ադրբեջանական զորքերի եւ Հաճի Սամլուի քրդական հրոսակախմբերի դեմ նույն տարվա նոյեմբերի սկզբներին զանգեզուրցիների հաղթական կռիվները - Հ. Գ.):

Դրոն, լսելով Աշոտի տւած տեղեկութիւնները, ոգեւորւած ասում է, որ պէտք է ստանձնած որոշ պարտականութիւնները փոխանցի ուրիշ մեկին եւ անցնի Ջանգեզուր:

Աշոտը Դրոյի Ջանգեզուր գնալը գտնում է անհրաժեշտ, աշխատելու այնտեղ Արսէն Շահմազեանի եւ Նժդեհի օգնութեամբ, սակայն նպատակահարմար չի գտնում Ս.Մ. Եօլչեանին ու գեներալ Ղազարովին Ջանգեզուր ուղարկելը, որովհետեւ ոչ նրանք գիտեն ժողովրդին եւ ոչ էլ ժողովուրդն է նրանց ճանաչում»²:

Ջանգեզուրցիների համար վերջապես գալիս է երկար սպասված ցանկալի պահը:

«Դեկտեմբերի 20-ին 1919 թ. Դրոն Երեւանից ժամանում է Գորիս էքսպեդիցիոն զօրամասով, որի, համաձայն Դրոյի յայտարարութեան, գլխավոր նպատակն էր զէնքի ուժով վճռելու վերջնականապէս Արցախի հարցը»³:

Դրոյի զորամասի կազմում էին փոխգնդապետ Թարիվերդյանի գլխավորած գումարտակը, գնդապետ Կուռտ Թարխանյանի հեծյալ ջոկատը եւ պարուչիկ Արզոնովի լեռնային հրանոթների մարտկոցը: Զորամասի շտաբի(սպայակուլտ)պետն էր գնդապետ Միրիմանյանը:

¹ Նույն տեղում, էջ 530:

² Նույն տեղում, էջ 547:

³ ԳԳ ԲԿԱ, (Հայաստանի Հանրապետության Բոստոնի կենտրոնական արխիվ), ֆ. Ս. Վ. (Սիմոն Վրացեան), թժ. 313, գ. 13:

¹ Իշխանեան Ե., Լեռնային Արցախ 1917-1920, Երեւան, 1999, էջ 523:

էքսպեդիցիոն զորամասը, որի շարքերում կային ընդամենը 500-600 զինվորներ, պետք է հանդիսանար Զանգեզուրում կազմավորվող մարտական ուժերի միջուկը¹:

Դրոյի զորամասի թվակազմի վերաբերյալ փոքր-ինչ այլ տեղեկություններ է ներկայացնում 1922 թ. հունիսին Արցախի եւ Զանգեզուրի գործիչների մասնակցութեամբ Թավրիզում տեղի ունեցած ժողովի նախագահ Գերասիմ Բալայանի եւ քարտուղար Զաքար Յոլյանի ստորագրութեամբ գրված «Ղարաբաղի դէպքերի պատմութիւն» խորագիրը կրող զեկուցագիր-տեղեկագիրը: Համաձայն զեկուցագիր-տեղեկագրի՝ Դրոն էքսպեդիցիոն զորամասով Գորիս է ժամանել դեկտեմբերի 20-ին: Զորամասի մարտական ուժերն էին՝ «...հետեւակ 400 հոգի, 2 թնդանօթ, 30 գնդացիր՝ գործելու Զանգեզուրում եւ գլխավորապէս Ղարաբաղում»²:

Դժվար էջը հասկանալ, որ եթե հանրապետութեան զորքերը մուտք գործեին Արցախ, ապա անկասկած ծավալվելու էին պատերազմական գործողութիւններ, այս անգամ արդեն մյուս հարեւանի՝ Ազրբեջանի հետ, որի զավթողական մտադրութիւնները Արցախի նկատմամբ վաղուց ի վեր հայտնի էին: Իսկ Հայաստանի իրական կացութիւնը դեռեւս հանրապետութեան կառավարութեանը էջը թելադրում կենսագործել այնպիսի քաղաքականութիւն, որը վերածվեր պատերազմի:

Արցախի նկատմամբ Հայաստանի Հանրապետութեան կառավարութեան որդեգրած ոչ այնքան վճռական, ինչ-որ առումով գուցե եւ կրավորական դիրքորոշումը պայմանավորված էր ոչ միայն հանրապետութեան տնտեսական ու քաղաքական իրավիճակով, այլեւ հանրապետութեան կառավարութեան եւ Հ.Յ. Դաշնակցութեան, որպես իշխող կուսակցութեան, ղեկավար շրջաններում Արցախի հարցի նկատմամբ արմատավորված ոչ այնքան հիմնավորված մտայնութեամբ: Առավելապես առաջնորդվելով հանրապետութեան սահմանների մեջ Արեւմտյան Հայաստանի տարածքներն ընդգրկելու հեռանկարով՝ ՀՀ կառավարութիւնն ու ՀԹԴ ինչ-որ տեղ ուշադրութեան տեսադաշտից կարծես դուրս էին թողել Արցախը:

Վկայակոչենք մի ուշագրավ տեսակետ, որն արտահայտել է ՀԹԴ Բյուրոյի ներկայացուցիչ Ռուբեն Տեր-Մինասյանը Արցախի Ազգային Խորհրդի նախագահ Եղիշ Իշխանյանի հետ Զանգեզուրի եւ Արցախի հետ կապված հարցերը քննարկելիս: Իսկ Ռուբենը այդ

¹ Տե՛ս ՀԱԱ, ֆ. 45, ց. 1, գ. 177, էջ 20:

² ՀՀԴ ԿԱ, քծ. 1649, գ. 1, էջ 23:

ժամանակահատվածում (1918-1920 թթ.) Հ. Յ. Դաշնակցութեան ղեկավար շրջանում առավել տիրական կշիռ ունեցող գործիչներից էր, եթե ոչ ամենատիրականը:

«Ռուբենը,-գրում է Ե. Իշխանյանը,-մատով քարտեզի վրայ անցնելով Զարուղի ձորով Հազարի գետի հոսանքն ի վեր եւ ի վար, ասում է. «Մեր զինուորական շտաբը այստեղ մեր բնական սահմանն է համարում, սկսած Մինքէնդի մօտի սահմանից մինչեւ Կոռնիձոր, էյվազլարի գլուխը: Ըստ մեր ռազմագետների, այդ սահմաններում հազիւ կը կարողանանք պահել Զանգեզուրը, դէնը գնալու հարկ չկայ: Մեր ձգտումն է դէպի Տաճկահայաստան, որտեղ շատ աւելի արգաւանդ գաւառներ ունենք, քան Արցախը, եթէ ճիշտ կուզես իմանալ, ցույց տրւած սահմանից այն կողմը գտնվող հայութիւնը վերջ ի վերջոյ պիտի գաղթէ Տաճկահայաստան»¹:

Այս՝ որեւէ լուրջ փաստարկով չհիմնավորված եւ ինչ-որ տեղ վնասակար տեսակետը, որը ՀԹԴ Բյուրոյի ներկայացուցիչ Ռուբեն Տեր-Մինասյանը արտահայտել է 1919թ. հունիսի 21-ին ՀԹԴ կուսակցութեան գրասենյակում, ճիշտ եւ ճիշտ հակառակն է 1917 թ. նոյեմբեր-դեկտեմբեր ամիսներին Թիֆլիսում գումարած ՀԹԴ խորհրդաժողովում Նիկոլ Աղբալյանի կողմից առաջ քաշված առավել հիմնավորված եւ իրատեսական հետեւյալ տեսակետին. «...այսօր մենք մնացել ենք մենակ եւ պէտք է մեր յուսյալ մեզ վրայ դրած, ազգովին մեր գլխի ճարը գտնենք: Մենք պէտք է նախ եւ առաջ մեր տեսակետը որոշենք, որպէս մեր թիկունքի յենարանը, ամրութիւնը, մեր ուժերի շարունակական եռանդ ու կորով ներշնչողը: Իմ կարծիքով մեր միակ յենարանն է Փոքր Կովկասեան լեռնաշղթան՝ ամբողջովին հայկական, սկսած Լոռիից մինչեւ Արցախ: Մեր ամբողջ ռազմամթերքն ու պարենը պետք է կենտրոնացնենք այնտեղ, որպեսզի կարողանանք դիմադրել թշնամունք»²:

Եթե հաշվի առնենք ժամանակաշրջանի յուրահատկութիւնները եւ հայութեան իրական հնարավորութիւններն ու կարողութիւնները, ապա պիտի խոստովանել, որ Նիկոլ Աղբալյանի առաջադրած տեսակետը շատ ավելի հիմնավորված էր եւ իրատեսական: Իրոք, մի՞թե ավելի նպատակահարմար էր Զանգեզուրի եւ Արցախի 300000 բնակչութեանը տեղահանել, ինչպես որ առաջարկել է Ռուբեն Տեր-Մինասյանը, իր շեն ու բարգավաճ բնօրրանից եւ տեղափոխել Արեւմտյան Հայաստանի արդեն ավերածութիւնների են-

¹ Իշխանեան Ե., Եջվ. աշխ., էջ 471:

² ՀԱԱ, ֆ. 45, ց. 1, գ. 177, էջ 20:

Թարկված ու քանդված բնակավայրերը: Այս առումով կարելի է համաձայնել եղիշե Իշխանյանի հետեւյալ պնդմանը. «...պիտի նկատի ունենալ, որ քարակոփ, տանիքը թիթեղապատ տան լուսաւոր սենեակում ապրող զարաբաղցիները, լսելով Տաճկահայաստանի գիւղերի խղճուկ վիճակի մասին, չի լքի իրա տունը եւ գաղթի ճամփանի բռնի»:

... սխալ է, որ մեր ամբողջ եռանդը վատնում ենք, ձգտելով դէպի անմարդաբնակ վայրերը՝ Տաճկահայաստան, որտեղ մեկ հատիկ հայ չկայ՝ ներկայիս, մինչդեռ՝ 300 հազարից աւելի հայութիւն ունեցող մի ամբողջ նահանգ՝ Չանգեզուրը- Արցախը, հետը հաշւած նաեւ Գանձակի լեռնային մասն ու Ղազախը, անուշադրութեան ենք մատնում կամ անհրաժեշտ չափով ուշադրութեան չենք արժանացնում: Մենք պէտք է նախ ուսուսայ նահանգներին տիրանանք, ապա միւս մասերին տիրանալու մասին մտածենք»¹:

Հետագայում հետադարձ հայացքով եւ քննադատար անդրադառնալով Չանգեզուր-Արցախ հիմնահարցին՝ Ռուբենը իր հեղինակութեամբ «Դրօշակի» 1926թ. թիւ 2-ում տպագրված հոդվածում Սյունիքը համարում է Հայաստանի ողնաշարը, այսինքն ընդունում է այդ հարցի վերաբերյալ նախկինում դավանած իր տեսակետի սխալականութիւնն ու չհիմնավորվածութիւնը: Չանգեզուրի եւ Արցախի հիմնահարցի վերաբերյալ աստիճանաբար փոխվում են նաեւ Հայաստանի Հանրապետութեան կառավարութեան որդեգրած նախկին դիրքորոշումն ու վերաբերմունքը:

Եղիշե Իշխանյանը ծանոթանալով «Դրօշակ»-ում տպագրված վերոհիշյալ հոդվածի բովանդակութեանը՝ Ռուբենին հասցեագրված նամակում գրում է. «Յուզումի թարմ տպաւորութեան տակ նամակ գրեցի Թաւրիզից Ռուբէնին և, ի միջի այլոց, ասացի՝ «Եթէ մինչև պառլամենտի զինւորական սեկցիայի անդամ-նախագահ և զինւորական նախարար դառնալը այդ ուսումնասիրութիւնը կատարած լինէիր, թերևս մենք այսօր այստեղ չգտուէինք, այլ մեր երկրում»²:

Պիտի նկատել, որ Ե. Իշխանյանի եզրահանգումն անտարակույս պատճառաբանված է եւ հեռու չէ ճշմարտութիւնից:

Անժխտելի է, պատմական Հայաստանի տարածքում հզոր հայկական պետականութիւն ստեղծելու կարեւորագույն պայմանը, Նիկոլ Աղբալյանի դիպուկ եւ պատկերավոր արտահայտութեամբ. «... մեր միակ յենարանն է Փոքր Կովկասեան լեռնաշղթան՝ ամբողջովին

հայկական, սկսած Լօռիից մինչև Արցախ: Մեր ամբողջ ռազմա-թերքն ու պարենը պետք է կենտրոնացնենք այնտեղ...» գործոնի արժեւորումն ու ճիշտ եւ նպատակասլաց օգտագործումն է:

Կարելի է աներկբա պնդել, որ եթե ժամանակին Աղբալյանի տեսակետը պատշաճ ու անհրաժեշտ ուշադրութեան արժանանար, եւ Արեւմտահայաստանի մի շարք վայրերում (Էրզրում, Երզնկա, Օլթի, Սարիղամիշ եւ այլն) ամբարված գնեքն ու զինամթերքը, հանդերձանքն ու պարենը, ինչը ուսական զորքերի կողմից ռազմա-ճակատը լքելու պատճառով անցել էր նաեւ հայերի տրամադրութեանը, ժամանակին տեղափոխվեր ու խնամքով պահեստավորվեր Լոռիից մինչև Արցախ ձգվող տարածքում, ապա հայութեան ինքնապաշտպանութեան կազմակերպումը կլիներ առավել դուրսին եւ արդյունավետ: Արդյունքում Արցախն ու նրա հարակից հայաբնակ շրջանները կհայտնվեին միանգամայն ավելի նպաստավոր պայմաններում:

Դատելով Չանգեզուրի եւ Արցախի գործիչների հետ կայացած հանդիպումների արդյունքները լուսաբանող վավերագրութիւնների բովանդակութիւնից՝ Դրոն վերոհիշյալ հարցի կապակցութեամբ առավելապես հակված է եղել առաջնորդվելու Նիկոլ Աղբալյանի, քան թե Ռուբեն Տեր-Մինասյանի տեսակետով, քանզի ընդունում էր, որ Չանգեզուրի եւ Արցախի հայ բնակչութեան տեղափոխութիւնն ու բնակեցումը Արեւմտահայաստանի գավառներում բնավ չէին նպաստելու Արեւմտահայաստանի ազատագրմանը եւ այն Հայաստանի Հանրապետութեան սահմաններում ընդգրկվելուն ու պահպանմանը:

Չանգեզուրում եւ Արցախում ծավալվող իրադարձութիւններն ու հատկապես 1919 թ. նոյեմբերին գնեքնալ Շիխլինսկու գլխավորած աղբաբնական զորքերի դեմ զնդապետ Արսեն Շահմազյանի առաջնորդութեամբ Չանգեզուրի մարտական ուժերի տոնած նշանակալի հաղթանակները միանշանակորեն ապացուցեցին, որ այդ խնդրի վերջնական լուծման համար անհրաժեշտ են առավել կազմակերպված, հաստատակամ եւ կտրուկ գործողութիւններ, ընդհուպ մինչև ուժային միջոցների՝ գնեքի կիրառումը: Իսկ դա աներկբայորեն հավասարազոր էր պատերազմել Աղբաբնանի Հանրապետութեան դեմ: Որպեսզի գնեքի ուժով հնարավոր լիներ վերջնականապես լուծելու Արցախի հարցը, հարկավոր էր ընտրել ու կենսագործել առավել արդյունավետ եւ կենսունակ մարտավարութիւն, այն է. նախ պետք էր, մեկընդմիջտ լուծել Չանգեզուրի մահմեդական

¹ Իշխանեան Ե., նշվ. աշխ., էջ 523:

² Նույն տեղում, էջ 474:

ընկերության հարցը: Ժամանակն արդեն բազմիցս ապացուցել էր եւ ապացուցում էր, որ Զանգեզուրի հայուկները ոչնչացնելու գործում տեղի թրքուկները թուրքիայի, իսկ այժմ արդեն Ադրբեջանի հուսայի պատվարն էր ու դաշնակիցը: Այդ կենսական նշանակություն ունեցող խնդիրը լուծելու համար անհրաժեշտ էր, ինչպես հարկն է, զինել ու կազմակերպել Զանգեզուրի մարտական ուժերը:

Պիտի նկատել, որ Զանգեզուրի գրեթե բոլոր շրջաններն ունեին իրենց մարտական խմբերը, որոնք ինչպես արդեն նշվել է, մարտական մեծ փորձառություն էին ձեռք բերել մահմեդական հրոսակախմբերի եւ Ադրբեջանի Հանրապետության կանոնավոր զորամասերի դեմ մղված բազմաթիվ կռիվներում: Դրոյի գլխավորած զորամասն այն հիմնական մարտական ուժն էր, որը պիտի միավորեր եւ առաջնորդեր Զանգեզուրի զինական խմբերին:

Երկրորդ՝ անհրաժեշտ էր Զանգեզուրում կենտրոնացնել զենք ու զինամթերքի բավարար պաշարներ, որոնք առաջին իսկ հնարավորություն դեպքում պիտի տեղափոխվեին Արցախ:

Երրորդ՝ հաստատել հուսայի կապ, հաղորդակցության միջոցներ Զանգեզուրի ու Արցախի միջեւ, որպեսզի Ադրբեջանի հետ պատերազմական գործողություններ սկսվելու դեպքում հնարավոր լիներ այդ ամենը անխափան եւ անկորուստ տեղափոխել Արցախ:

Մինչ այդ ամենի իրագործումը, անհրաժեշտ էր որոշակի քայլեր ձեռնարկել նաեւ Արցախի ինքնապաշտպանությունը կազմակերպելու համար: Իսկ այդ ընթացքում անգործության մատնված չէին նաեւ Արցախի գործիչները: Արցախում կազմվել էր Գաղտնի ինքնապաշտպանական Մարմին, որը ՀԹԴ կենտրոնական կոմիտեի հետ միասին 1919 թ. հոկտեմբերի 23-ին գումարում է միացյալ ժողով, որը որոշում է «...դիմել Հայաստանի կառավարության եւ խնդրել դրամական միջոցներ կազմակերպելու եւ լուրջ հիմքերի վրայ դնելու Հայկական Ղարաբաղի ինքնապաշտպանության գործը, այլեւ ՀԹԴ Բիւրօյից խնդրել, որ Ղարաբաղ ուղարկեն մի աւտարիտետ կուսակցական ընկեր, նմանապէս մի բարձրաստիճան հեղինակաւոր զինւորական՝ գործի յաջողութեան համար, որոնք տեղական ընկերների հետ համերաշխօրէն առաջ կը տանին Ղարաբաղի ինքնապաշտպանութեան պատասխանատու գործը...Այս դիմումի հիման վրայ Բիւրօն նշանակում է Արսէն Միքայէլեանին եւ գնդապետ Զաքար Մեսեանին»¹:

Հ. Ստեփանյանի գնահատմամբ՝ «Դժբախտաբար թէ առաջինը եւ թէ երկրորդը կ. կ-ի ուզած հեղինակաւոր անձնաւորութիւնները չէին, թէպէտ երկուսն էլ մեր համակրելի ընկերներն էին»¹:

ՀԹԴ բյուրոյի հանձնարարութեամբ Արցախ գործուղված Ա. Միքայելյանն ու գնդապետ Մեսայանը պիտի հաստատվեին ու գործեին գլխավորապէս Խաչենի, ապա Վարանդայի շրջաններում, սակայն ինչ-ինչ պատճառով նրանք նախատեսվածից ավելի մնում են Գյուլիստանում եւ ժամանակին չեն մեկնում նախատեսված վայրերը: ՀԹԴ Ապառաժի կենտր. կոմիտեի ու Ինքնապաշտպանության մարմնի անդամներն՝ անհանգստանալով նրանց բացակայությունից՝ դեկտեմբերի 24-ին թվագրված նամակում Դրոյին տեղեկացնում են, որ «...Հայաստանի լիազօրները տեղ չեն հասել, եւ խնդրում են մինչեւ վերջիններիս տեղ հասնելը որոշ քանակութեամբ դրամ ուղարկել...»²:

Ի պատասխան Արցախի գործիչների պահանջի՝ «Դրօն իր կողմից որոշ հրահանգով Ղարաբաղ է ուղարկում կազմակերպական նպատակներով՝ Սասունցի Մանուկին, Կ. Աթանեսեանին եւ ընտանիքը Տեր-Մարտիրոսեանին, եւ զանազան թղթադրամներ 400.000 ռ.: Սոքա պէտք է աշխատեն Ղարաբաղի ինքնապաշտպանության մարմնի հետ միասին, մինչեւ որ Հայաստանի լիազօրների Ղարաբաղ գալը, որից յետոյ երեք աշխատակիցները կգործեն Հայաստանի լիազօրների տրամադրութեան տակ»³:

Ա. Վրացյանի պնդմամբ՝ Դրոյի կողմից Արցախ գործուղված գործիչները, տեղական ընկերների հետ միասին պիտի կազմակերպեին արցախահայուկների ինքնապաշտպանությունը, մինչեւ որ կստեղծվեին քաղաքական նպաստավոր պայմաններ, զենքի ուժով Արցախը վերջնականապէս միացնելու Հայաստանին⁴:

Արցախի խնդիրը զենքի միջոցով լուծելու համար նախեւառաջ անհրաժեշտ էր որպեսզի անխափան գործեին Արցախը Զանգեզուրին կապող հաղորդակցության ուղիները: Արցախը Զանգեզուրից անջրպետող գլխավոր խոչընդոտը Գորիսից դեպի հարավ 10 վերստ (10, 67 կմ) հեռավորութեամբ գտնվող Էյվազլար, Շուռնուխ, Մազրա, Նավլու շրջանի թրքուկներն էր, որը սեպաձեւ մտնում եւ իրարից բաժանում էր Ղափանի ու բուն Զանգեզուրի ու Սիսիանի հայուկները⁵:

¹ Լույճն տեղում:

² ՀՀԳ ԿԱ, քժ.1469, գ. 1, էջ 18:

³ Լույճն տեղում:

⁴ ՀՀԳ ԿԱ, ք. Ս. 4. (Սիմոն Վրացեան), քժ/ 313, գ. 13:

⁵ Տե՛ս Լույճն տեղում:

¹ ՀՀԳ ԿԱ, քժ. 1649, գ. 3, էջ 2բ:

«Այս հարցը, գրում է Ս. Վրացյանը, Հերթական դառնալով, հա-
յութեան շահերի տեսակէտից պահանջում էր իր լուծումը: Ձանգե-
զուրի ընդհանուր կոմիսար Մելիք-Յուլիանը ծանօթանալով վերոյի-
շեալ հարցի հետ, մի քանի անգամ ժողով է հրաւիրում՝ մասնակցու-
թեամբ զինւորական ուժերի հրամանատար Դրօի, Շրջանային
խորհրդի անդամների ու զօրաւար Յ. Ղազարեանի»¹:

Ձանգեզուրում տեղի ունեցած զինվորական խորհրդաժողովում
քննարկվել է «1. Ղարաբաղի հարցը, 2. Շուռնուխի հարցը, 3.
Օրդուբաթի հարցը:

Ի նկատի ունենալով Ադրբեջանի ազրեսիւ քաղաքականութիւնը
եւ վերջինիցս բխող գործողութիւնները, որոնք էին նոյեմբերի 3-8-ը
Ձարուղի վրայով Ձանգեզուրի վրայ յարձակելը (նկատի ունեն գե-
ներալ Շիրախիսկու առաջնորդած բանակի հարձակումը-Հ. Գ.), նո-
յեմբերի 15-ի յարձակումը եւ նոյեմբերի 26-ին Նախիջեւանի կողմից
Սիսիանի վրայ յարձակելը: Այս գործողութիւնները ուղղուած էին
Ղարաբաղի եւ Ձանգեզուրի դէմ»²:

Ձանգեզուրի իշխանութեան եւ զինվորական խորհրդակցութեան
մասնակիցները հստակ գիտեին, որ իրենց առջեւ դրված վերոհիշյալ
երեք գլխաւոր հարցերի դրական լուծումից էր կախած Ձանգեզու-
րի եւ Արցախի հետագա ճակատագիրն ու ապահովութիւնը:

Ծանոթանալով Ձանգեզուրում տիրող իրավիճակին եւ խորհր-
դակցելով «Վարիչների խորհուրդ» մարմնի անդամների ու տեղի
ուսումնական ուժերի հրամանատարների հետ՝ Դրոն վճռում է առաջին
հերթին մաքրել Ձանգեզուրի հայութեան նկատմամբ թշնամաբար
տրամադրված էյվազլար, Շուռնուխ, Մազրա, Նավլու ու նրանց
մերձակա գյուղերը թուրք բնակչութունից: Թուրքաբնակ այդ
գյուղերը շատ լավ կազմակերպված էին ու զինված եւ մշտապես
կապի մեջ գտնվելով Ադրբեջանի իշխանութիւնների հետ՝ պատ-
րաստ էին նրա առաջին իսկ հրահանգի դեպքում հարձակվել հայ-
կական գյուղերի վրա»³:

Թուրքական վերոհիշյալ բնակավայրերը, ինչպես արդեն նշվել է,
սեպածեւ խրվելով Ղափանի եւ Գորիսի շրջանների արանքում,
Ձանգեզուրի տարածքը փաստորեն բաժանել էին երկու միմյանցից
անջրպետված մասերի: Հարկավոր էր վերացնել Ձանգեզուրի հյու-
սիսային ու հարավային շրջանների կապն ու հաղորդակցութեան

ուղիները արգելափակող պատնեշն ու ապահովել բնակչութեան
անվտանգ երթեւեկութիւնը: Այդ գործողութեան կենսագործմամբ
ոչ միայն Ձանգեզուրը կմաքրվեր մահմեդական բնակչութունից
ու անխափան կգործեին Ղափանի ու Գորիսի շրջանները միմյանց
կապող հաղորդակցութեան ուղիները, այլեւ բացվում էր դեպի Ար-
ցախ ձգվող ճանապարհը եւ այնտեղ ուղղման գործողութիւններ
ծավալելուց առաջ, կարելի էր ասել, լուծվում էր թիկունքի անվ-
տանգութեան հարցը:

Ձանգեզուրի «Մաքրման» գործողութեանը Դրոն մասնակից է
դարձնում Դարայազյազի մարտական ուժերի հրամանատար Յապո-
նին, որին հանձնարարում է գլխավոր ճակատի՝ Գորիսի զինվորա-
կան շրջանի հրամանատարութիւնը:

Իր հուշերում անդրադառնալով Ձանգեզուրը թուրք բնակչու-
թունից մաքրելու Դրոյի մարտավարութեանը՝ Յապոնը նշում է.
«...Դրոն կանչեց ինձ իր մոտ ու ասաց, որ Ձանգեզուրի Ազգային
Խորհրդի համաձայնութեամբ կայացուած որոշումով 1920-ի յու-
նուարի սկզբներին պէտք է յարձակուած լինի թրքական Շուռնուխի-
էյվազլար շրջանի վրայ՝ այդ շրջանի 28-ի չափ գիւղերին պարտա-
դրելու համար, որ ընդունեն Ձանգեզուրի հայկական իշխանութիւ-
նը ու զինաթափ լինեն, քանի որ այդ շրջանը մտնում է հայկական
Ձանգեզուրի մէջ: Այլապէս ամբողջ բնակչութիւնը պէտք է հարկա-
զրուի թողնել այդ շրջանը եւ հեռանալ:

... հաւանեցի Դրոյի ծրագիրը ու պատրաստակամութիւն յայտնե-
ցի մասնակցելու արշաւանքին...»⁴:

Հանրապետութեան զինվորական նախկին նախարար, գեներալ
Հախվերդյանն իր հուշագրութիւնում համառոտակիրորեն անդրա-
դառնալով նաեւ Ձանգեզուրին եւ Արցախին առնչվող խնդիրների
մեկնաբանմանը՝ գրում է. «Դրոյին առաջադրանք էր տրված առա-
ջին հերթին մաքրել Ձանգեզուրի հարավային եւ արեւելյան շրջան-
ներն ու Ղափանը, ինչպես նաեւ Ձանգեզուրի եւ Արցախի միջեւ ըն-
կած գոտին թաթար բնակչութունից, որպեսզի ապահովվեր նրանց
կապն ու փոխհամագործակցութիւնը»⁵:

Մինչ հիմնական գործողութիւններ սկսելը՝ Դրոն անցնում է
Ղափան, ճշտում Գարեգին Նժդեհի հրամանատարութեամբ գործող
զորախմբերի մարտական առաջադրանքը եւ ապա վերադառնում
Գորիս:

¹ Նույն տեղում:

² ՀՀ ԲԿԱ, ֆ. Ս. 4. (Սիմոն Վրացեան), թժ. 8, գ. 14, էջ 2:

³ Տե՛ս նույն տեղում:

⁴ «Հայրենիք» ամսագիր, 1941, յունիս, էջ 97:

⁵ ՀԱԱ, ֆ. 45, գ. 1, գ. 177, թ. 19:

Դրոյի գորամասի եւ զանգեզուրյան մարտական խմբերի նախապատրաստական աշխատանքներն ու տեղաշարժերը, զուտ մարտավարական նկատառումով, կատարվել են խիստ քողարկված, հակառակորդի համար աննկատ: Որպեսզի հակառակորդին հնարավորութուն չընձեռվեր տեղաշարժվելու, միայն օգնութուն հասնելու հնարավորութունն էր, հայկական մարտական ուժերի հրամանատարութունը ծրագրում է թուրքաբնակ գյուղերի վրա հարձակումը ձեռնարկել միաժամանակ, սրընթաց եւ հակառակորդի համար անսպասելի:

«Գորիսում» շարունակում է Յապոնը, որոշուեց ռազմական գործողութիւն սկսել յունուարի 6-ին(19)՝ նախապէս թուրք գյուղերին հպատակութեան եւ գինաթափութեան հրաւեր ուղարկելով: Թուրք զիւղերին ուղղուած հրաւեր ուղարկուեց էյվազլարի գիւղի կոմիսարի միջոցով, որին 3 օրից յետոյ պատասխանեցին մերժումով:

- Ոչ միայն չենք ընդունում Գորիսի իշխանութիւնը, - ասել էին նրանք, - այլեւ պատրաստուած ենք գրաւելու Ադրբեջանին պատկանող ամբողջ հայկական Ձանգեզուրը...»¹:

Գեներալ Հախվերդյանի վկայութեամբ՝ «... այդ բնակչութունը ադրբեջանական հրահանգիչների կողմից շատ լավ կազմակերպված էր եւ իրենից ներկայացնում էր որպէս գինված գորամասեր, ապահովված նույնիսկ գնդացիներով»²:

Դրոյին եւ զանգեզուրյան մարտական ուժերի հրամանատարութեանն այլընտրանք այլեւս չկար: Մերժողական պատասխան ստանալուց հետո մնում էր ապավինել զենքի ուժին:

Վարդան Գեւորգյանը, իր հեղինակած «Լեռնահայաստանի գոյամարտը (1919-1921)» գրքում ներկայացնելով այդ ժամանակահատվածում Ձանգեզուրում ձեռնարկված գործողութեան մանրամասները, «Շուռնուխի արշաւանքը» ենթագլխում հայ մարտական ուժերի հաղթանակները վերագրում է առավելապէս Նժդեհին ու նրա գլխավորած Ղափանի մարտախմբին:

Հարգարժան պատմաբան Արամ Սիմոնյանն իր հեղինակած «Ձանգեզուրի գոյամարտը» պատմագիտական աշխատութիւնում «Գարեգին Նժդեհի Շուռնուխյան ռազմական գործողութիւնը եւ նրա արձագանքները» հոդվածում նույնպէս այդ գործողութիւնը իրականացնելու գործում առավելապէս ընդգծում է Նժդեհի ու նրա գլխավորած Ղափանի մարտական ուժերի ներդրումը³:

«1920 թ. հունվարի 19-ից, գրում է Ա. Սիմոնյանը, զանգեզուրցիները բուն գրոհով մաքրեցին բուն Ձանգեզուրի եւ Ղափանի միջև ընկած տարածութիւնը՝ Դոնդաուլու-Շուռնուխ-Ասկալու-մի թուրքական շրջանը՝ մոտ 30 գյուղ: Շատ չանցած՝ զանգեզուրյան ուժերը նոր խոշոր հաղթանակ տարան՝ մարտ ամսին Ղախախեցին մուսավաթական բազմամարդ հրոսակախմբերը եւ գրավեցին Բարգուշատ-Մուսուլմանլար-Ալիանշու-Ավդալար շրջանը՝ մոտ 120 գյուղերով:

Թրքութիւնը թողեց եւ հեռացավ Ադրբեջանի խորքերը:

Այդ բոլոր գործողութիւնների ընթացքում վճռորոշ դեր խաղացին Նժդեհի զինված ուժերը»¹:

Հողվածում հեղինակը մեջբերում է արշավանքի նախօրեին Դրոյին հացեազրած Նժդեհի գրութիւնը, որտեղ ասվում է. «Որպէս հեղափոխական իմ բարոյական պարքն եմ համարում վերջին անգամ նախազգուշացնելու, որ Շուռնուխի գործողութիւնները շատ ծանր հետեւանքներ պիտի ունենան Ղարաբաղի եւ Գողթանի համար:

Իհարկե...իմ տեսակետը տվյալ Հարցերի մասին ինձ՝ որպէս գինվորականի, իրավունք չի տալիս չկատարելու ինձ տրվելիք հրամանը: Եղեք համոզված, որ տրվելիք ինդիքները իմ ուժերի կողմից կը կատարվին ամենապայլուն կերպով»²:

Այո, հայկական կողմը պարտավոր էր անհրաժեշտ քայլեր ձեռնարկել ու ապահովել Գողթանի հայութեան անտանգութիւնը, սակայն դժբախտաբար, նույն տարվա դեկտեմբերի վերջերին Գողթանի, հատկապէս Ագուլիսի հայութիւնն մեծ մասի կոտորածն արդեն տեղի էր ունեցել:

Գողթան գավառակը իր աշխարհագրական դիրքով, իրոք, ռազմավարական նշանակութիւն ուներ: Գավառակն այդ ժամանակ ունեցել է զուտ հայաբնակ 20-25 գյուղեր, որոնք գտնվելով Թուրքիայի եւ Ադրբեջանի հատման տեղում, միաժամանակ Արեւիքի(Մեղրի) շրջանի հետ Ադրբեջանն անջրպետում էին Նախիջևաքի: Գողթանի գավառակի վերացումը նշանակում էր ուղիղ ճանապարհ բացել Բաքվի, Անկարայի եւ Պոլսի միջև: Ահա հենց դա է եղել պատճառը, որ թուրք-ազերը համառորեն ձգտում էին գրավել ու մեջտեղից վերացնել Գողթանը, սակայն «Շնորհիւ իրենց ճկուն բնաւորութեան, գողթանցիք կարողացան պահել «Իսլամական կառավարութեան» իշխանութեան տակ»³:

¹ «Չայրենիք» ամսագիր, 1941, յունիս, էջ 97:

² ՀԱԱ, ֆ. 45, ց. 1, գ. 177, ք. 19:

³ ՀԱԱ, ֆ. 45, ց. 1, գ. 177, ք. 19:

⁴ Տե՛ս «Բանբեր Չայաստանի Արիսիւնների», 2005, քիւ 2:

¹ Սիմոնյան Ա., Ձանգեզուրի գոյամարտը, Երևան, 2000, էջ 42:

² Նույն տեղում, էր 199:

³ Տե՛ս Վրացեան Ա., Չայաստանի Գանրապետութիւն, էջ 335:

Գողթանի գավառակում իրավիճակը փոխվում է, երբ հայկական զորքերը Դրոյի առաջնորդութամբ ու անգլիացիների միջամտությամբ 1919 թ. մայիսին գրավում են Նախիջևեանը: Գողթանը դառնում է Նախիջևեանի նահանգի երեք գավառներից մեկը՝ Ագուլիս կենտրոնով: Նահանգապետ է նշանակվում Գեորգ Վարչամյանը, Գողթնի գավառապետ՝ Աշոտ Մելիք-Մուսյանը, իսկ միլիտար Մովսես Գյուլնազարյանը: Սակայն Նախիջևեանի նահանգում եւ այդ թվում Գողթան գավառում տիրող խաղաղ կացութանը վիճակված չէր երկարատեւ կյանք ունենալու: Նահանգում դեռ նոր-նոր էր հաստատվել Գ. Վարչամյանի նահանգապետութունը, երբ նահանգի մահմեդականությունը, դիմելով գենքի, բռնազավթում է նահանգի իշխանությունը, իսկ հայկական փոքրաքանակ ուժերը անկարող լինելով դիմազարավել թուրքական ավելի քան 10.000 թվակազմ ունեցող զինուժի ճնշմանը, հարկադրված լքում են Նախիջևեանը:

Նահանգի հայ բնակչությունը հայտնվում է օրհասական իրավիճակում:

«Օգոստոսի 3-ին, Ա. Մելիք-Մուսեանն ու Մ. Գյուլնազարեանը Վերին Ագուլիսից Հայաստանի Խորհրդարանին, Հայաստանի կառավարութեան, Գորիսի, Ղափանի, Գենուազի պետական ներկայացուցիչներին, Ազգային խորհուրդներին եւ ի լուր համայն հայութեան ահազանգում են «Նախիջևեանն ընկաւ. չըջանի հայութեան բաւական խոշոր մասը սրի է քաշւած, Արաքսի մէջ նկատւած են մեծ թուով դիակներ, ըստ Թուրքական լուրերի, կոտորածից ազատւած հայութեան մնացորդները նահանջել են Դէպի Դարալագեազ»:

...Յուլ. 25-ից՝ Գողթնում ուժեղ կռիւներ են տեղի ունեցել: Վերին գիւղերում (Փոռակա-Բիստ) յաջողութիւններն առ այժմ մերոնց կողմն են:

...Թուրքերը խոշոր պատրաստութիւններ են տեսնում մաքրելու Գողթնը հայութիւնից...

...Փրկւած է Գողթնը, եթէ մօտ օրերում 400 սրտացաւ զինուոր մեզ օգնութեան հասնի»¹:

Թուրքերի պաշարման օղակում են հայտնվում ոչ միայն Գողթանի գյուղերը, այլեւ Վերին եւ Ներքին Ագուլիսները:

Հայաստանի Հանրապետությունը թեեւ այդ օրերին մահմեդական բնակչության ապստամբության պատճառով նույնպես գտնվում ոչ բարվոք վիճակում եւ ինքը կարիք ուներ դրսի օգնության, այնուամենայնիվ, հասցնում է նյութական միջոցներ ու պա-

րենի պաշարներ ուղարկել Զանգեզուր՝ Գարեգին Նժդեհին, եւ նրան հանձնարարում կազմակերպել Գողթանին օգնութիւնը հասցնելու հույսով կարեւոր գործը: Միաժամանակ, որպես զինական օգնութիւն չէր կառավարութեան հանձնարարութեամբ Գողթան է ուղեւորվում Ղազար Քոչարյանի գլխավորած մարտական խումբը, որը սեպտեմբերին 2-ին դուրս է գալիս Երեւանից եւ հոկտեմբերի 2-ին հասնում Գողթան: Չէր կառավարութեան հանձնարարութեամբ՝ Գ. Նժդեհը եւ Ղ. Քոչարյանը գավառի պաշտպանության համար պիտի կազմեին զորամաս ու ուղարկեին Գողթան¹:

Ըստ Ս. Վրացյանի՝ «Հայկական զորքերի ժամանումը բարձրացրեց ժողովրդի տրամադրութիւնը: Ղազարը Մովսէս Գիւլնազարեանի եւ տեղական ուժերի գործակցութեամբ կազմակերպեց շրջանի ինքնապաշտպանութիւնը-7-8000 կուղիներ, 2 թիւղանօթ, 6 գնդացի,-եւ այնուհետեւ Գողթնը ո՛չ միայն դիմացաւ թրքական յարձակումներին, այլեւ ինքն էլ դարձաւ նախաձեռնարկ:

...Տեղի ունեցան տաք կռիւներ. թշնամին պարտւած՝ դիմեց խուճապային թախուտի՝ հայերի ձեռքը թողնելով առատ աւար, գերիներ ու մի դրօշակ»²:

Այսուհանդերձ, հայ մարտական ուժերը չեն զարգացրել հարձակումը եւ ինչպես հարկն է չեն կարողացել կազմակերպել Վերին ու Ներքին Ագուլիսի ինքնապաշտպանությունը եւ թուրքերին հաջողվել է վրեժխնդիր լինել Վերին Ագուլիսից:

Դեկտեմբերի 18-ին թուրք հրոսակախմբերը հարձակվում են նախ Ներքին Ագուլիսի վրա եւ սրի են քաշում քաղաքի բնակչության մեծ մասին: Կոտորածից փրկվածները փախչում են Վերին Ագուլիս:

Դժբախտաբար, Վերին Ագուլիսի բնակչությունը փոխանակ քայլեր ձեռնարկելու եւ միջոցներ գտնելու կազմակերպելու ինքնապաշտպանությունը, հույս է ունեցել կաշառքի ու սիրաշահելու միջոցով արժանանալ թուրք առաջնորդների բարեկամությանը եւ նրանց օգնությամբ փրկվելու կոտորածից³:

Ժամանակը միանշանակ ցույց տվեց, որ ի գուր էին ագուլիսցիներին փայտաբայած հույսերը: Թուրքական կողմը երկար սպասել չի տալիս: Ներքին Ագուլիսի անկումից հաշված օրեր անց՝ դեկտեմբերի 28-ին, թուրք հրոսակախմբերը Հենց ագուլիսցիների կողմից կաշառված ու նրանց անվտանգությունն ապահովելու բազմաթիւ խոստումներ շտաշած թուրք երեւիների առաջնորդությամբ ներխուժում են անպաշտպան Վերին Ագուլիս ու անխնայ կոտորում քաղաքի բնակչությանը, ապա

¹ Նույն տեղում, 337:

¹ Տե՛ս նույն տեղում, էջ 337:

² Նույն տեղում, էջ 338:

³ Տե՛ս նույն տեղում, էջ 339:

Թալանում ու ավերակությունը են վերածում անգամ միջազգային ասպարեզում իր հարստությանը հանրահայտ քաղաքը:

«Ագուլիսի կոտորածը, գրում է Ս. Վրացյանը, մեծ հարևած էր հայ ժողովրդի համար, եւ հասկանալի է այն յուզումն ու ցասումը, որ առաջ բերեց հայկական բոլոր շրջաններում: Լուրը Երեւան հասաւ դեկ. 29-ին, Գորիսից: Երկու օր յետոյ, դեկ. 31-ին, հնդեւրոպական հեռագրագծով հեռագիր ստացեց Թաւրիզից, թէ՛ «Քարտէսի վրա Ագուլիսն այլեւս գոյութիւն չունի. ներսէս եպ. »:

Յուն. 4-ին Մելիք-Թանգեան եպ-ը հաղորդեց, թէ՛ «Ամենքը կոտորած են: Մանրամասնութիւնները թոյլ չեն տալիս»¹:

Հարց է ծագում՝ եթե Գողթանի եւ մասնավորապես Վերին եւ Ներքին Ագուլիսների կոտորածն արդեն տեղի էր ունեցել, ապա ի՞նչ իմաստ եւ նշանակություն ունեւր Նժդեհի դիմումը, որով նա առաջարկում է Դրոյին չձեռնարկել Շուռնուխի գործողությունը՝ վկայակոչելով Արցախն ու Գողթանը:

Գողթանի հայութեան անվտանգութեան ապահովումը, որը չափազանց անհրաժեշտ էր, պարտավոր էին իրականացնել ՀՀ կառավարությունը, Զանգեզուրի քաղաքական ու զինվորական իշխանությունները՝ ի դեմս Մելիք-Յոյչյանի եւ գեներալ Ղազարյանի եւ անձամբ նաեւ Գարեգին Նժդեհը, որպես Կապարգողթի մարտական ուժերի հրամանատար: Չպետք է մոռնալ, որ Հայաստանի Հանրապետության կառավարությունը հենց Գարեգին Նժդեհին ու նրան օգնության ուղարկած Ղազար Քոչարյանին էր հանձնարարել կազմակերպելու Գողթանի գավառակի, այդ թվում Վերին ու Ներքին Ագուլիսների ինքնապաշտպանությունը:

Իսկ ինչ վերաբերում է Արցախին, ապա որևէ կասկած լինել չէր կարող, որ եթե Զանգեզուրը չմաքրվեր թուրք զինված հրոսակախմբերից, ապա դեպի Արցախ ձգվող հաղորդակցության ուղիների փակված լինելու, չգործելու պարագայում, Հայաստանի Հանրապետության համար չափազանց դժվարին կլինեւր անհրաժեշտ օգնության, առաջին հերթին մարտական ուժեր, զենք ու զինամթերք ժամանակին տեղափոխել Արցախ:

Անտարակույս, Զանգեզուրը մահմեդական բնակչությունից «մաքրելու» ՀՀ կառավարության որդեգրած ռազմավարությունը պատճառաբանված էր ու անհրաժեշտ, մասնավորապէս երբ արդեն ստացվել էր ՀՅԴ Ապառաժի կենտրոնական կոմիտեի եւ Արցախի Գաղտնի ինքնապաշտպանական մարմնի 1919 թ. հոկտեմբերի 23-ին կայացած միացյալ ժողովի դիմումը, որտեղ ասվում է. «... դիմել

Հայաստանի կառավարութեանը, խնդրել դրամական եւ ռազմական միջոցներ՝ կազմակերպելու եւ լուրջ հիմքերի վրայ դնելու հայկական Ղարաբաղի ինքնապաշտպանութեան գործը...»¹:

Բնավ պատահական չէ, որ Զանգեզուրում, ապա նաև Արցախում ծավալվող գործողությունների ղեկավարումը հանձնարարվել է ՀՀ-ում և հատկապես զինվորականության շրջանում անառարկելի հեղինակություն ունեցող Դրոյին:

Հարկ է ընդգծել, որ Զանգեզուրը մահմեդական բնակչությունից մաքրելու գործողությունների ռուսամասիրությունն աներկբա մատնանշում է, որ Շուռնուխյան ռազմական գործողությունը, այն է՝ Զանգեզուրը թուրք բնակչությունից մաքրելու ՀՀ կառավարության որոշմամբ իրականացրած գործողությունը Գ. Նժդեհին վերագրած գնահատականը այնքան էլ չի համապատասխանում իրականությանն ու չափազանցված է: Ծիշտ է, Գ. Նժդեհի գլխավորած Ղափանի մարտական ուժերը իրենց անգնահատելի ներդրումն են ունեցել գավառը թուրքերից մաքրելու չափազանց կարևոր գործողության իրականացմանը, սակայն գործել են ռազմաճակատի մեկ այլ հատվածում:

Զանգեզուրի «Մաքրման» գործողությանը, ինչպես արդեն նշվել է, Դրոն մասնակից է դարձնում իր մարտական զինակից, Դարալաբլաղի մարտական ուժերի հրամանատար Յապոնին (Հովհաննես Պարոնյան), որը որպես հեծյալ վաշտի հրամանատար մասնակցել էր նրա գլխավորած 2-րդ կամավորական զորախմբի մղած բոլոր մարտերին: Քանի որ Զանգեզուրի երեք զինվորական շրջաններից՝ կենտրոնականի, այսինքն բուն Զանգեզուրի (Գորիսն իր շրջակա գյուղերով) մարտական ուժերի հրամանատարը մինչ այդ դեռևս նշանակված չէր, Դրոն հենց Յապոնին է վստահում Շուռնուխի ճակատի հրամանատարությունը:

Այդ նույն գործողության մասնակից Արտեմ Խանզատյանի հավաստմամբ՝ «Գարեգին Նժդեհի առաջնորդած զափանցիների մարտախմբերին հանձնարարվում է. հարձակումը սկսել Եղվարդ գյուղի տարածքից և շրջապատման մեջ վերցնել ու «մաքրել» մինչև Ջելվա գյուղի անտառապատ սարերը ընկած թուրքական բնակավայրերը»²:

Արտեմ Խանզատյանի վկայությամբ՝ Յապոնի և տաթեւացի Վարդանի գլխավորած մարտախմբերին է վստահվում Զանգեզուրի ամենադժվարին ու պատասխանատու տեղամասի՝ թուրքական ա-

¹ Լույս տեղում.:

¹ ԳՅՂ ԿԱ, 1649, գ. 3, էջ 2ա:

² Ավո, 624, աշխ., էջ 482:

մենախիտ բնակչութիւնն ունեցող բնակավայրերի (Տանձավեր, Շուռնուխ, Մազրա, Նավլու ու նրանց հարակից գյուղերի) վրա հարձակվելու և այդ գյուղերը թուրք բնակչութիւնից իսպառ մաքրելու առաջադրանքը¹:

Ա. Խանգատյանի վկայութիւնը հավաստում է նաեւ Յապոնը:

Իր հուշերում անդրադառնալով Ջանգեղուրը թուրք բնակչութիւնից մաքրելու Դրոյի մարտավարութեանը՝ Յապոնը նշում է.

«Նա որոշեց ինձ յանձնել ուղղմական գործողութեան դաշտի ամենից պատասխանատու ու դժուարին ճակատը՝ Շուռնուխի կենտրոնական գիւղի վրայ քայլող Տանձաւէրի հովիտից առաջացող ճակատը...»²:

Այդ նույն իրողութիւնն անուղղակիորեն հաստատում է նաեւ Գ. Նժդեհը: Հարձակման նախօրերին՝ հունվարի 17-ին, իր հրամանատարութեամբ գործող զինավաշտերին ուղղված ուղերձում Նժդեհը ներկայացնում է ձեռնարկվող հարձակման նպատակը ու համապատասխան խոսքերով ոգեշնչելով մարտիկներին՝ նշում է նաեւ իր գլխավորած մարտական ուժերի հարձակման ուղղութիւնը՝ «...իմ եօթն անգամ սիրած եւ քաջ դափանցիներ, յառաջ դէպի այդ բարձունքները, դէպ Քեափազ, Ային-Տաղ, դէպ Հարթիզ»³:

Ծիշտ է, նրա մատնանշած վայրերից Քեափազն ու Ային-Տաղը ընկած են Ղափան-Գորիս խճուղու մերձակայքում, բայց դրանցից եւ ոչ մեկը չի գտնվում ուղղմական գլխավոր՝ Տանձավեր-էյվազլար-Շուռնուխ-Մազրա-Նավլու ուղղութիւնում: Իսկ Հարթիզը գտնվում է Ղափանի շրջանի Եղվարդ գյուղի մերձակայքում:

Ջանգեղուրի մարտական ուժերը, համաձայն այդ կռիվների մասնակից Արտեմ Խանգատյանի (Ջանգեղուրցի) վկայութեան, հարձակումը պիտի ձեռնարկեին հետեւյալ մարտավարութեամբ. Յապոնի եւ տաթեացի Վարդանի գլխավորած մարտախմբերը «...Տանձաւեր բէկերի գիւղերը քարուքանդ անել է ետք Շուռնուխ գիւղի վրայովը անցնել եւ արշաւանք կատարել Նաւլու մեծ գիւղի վրայ, ուր թուրքերը կանոնաւոր ուժեր էին կենտրոնացրել»⁴:

Նժդեհի առաջնորդած դափանցիների մարտախմբերին ինչպես արդեն նշվել է, հանձնարարվում է հարձակումը սկսել Եղվարդ գյուղի տարածքից եւ շրջապատման մեջ վերցնել ու «մաքրել» մինչեւ Ջեյվա գյուղի անտառապատ սարերը ընկած թուրքական բնա-

կավայրերը: Գնդապետ Ամիրխանյանի զորախումբի մարտիկները պիտի գերիշխող դիրքեր գրավեին Խնձորեսկից մինչեւ Հագարու գետնընկած բարձունքների վրա եւ թույլ չտային, որպեսզի Մազավուզի ու Մազմազակի թուրք ու քուրդ հրոսակախմբերը օգնութեան հասնեին Բարգուշատի թրջութեանը:

«Արտեմ Խանգատեանին եւ Եապոնացուն (նկատի ունի Սաքո-Յապոնին)՝ Համբարձում Սարգիսիան-Հ. Գ.) շարունակում է Ա. Խանգատյանը, հրահանգուած էր, իրենց խմբերովը կէսօրուա հանդի բարձրութիւններիցը Մաղանջուզ գիւղի վրայովը իջնել, կտրել Բարգիւշատի ձորերի բերանին կառուցած Լալազարենց մեծ կամուրջը, այնտեղից անցնել եւ յարձակումն սկսել, վարդ ու ծաղիկներով լեցուն, սոխակների հայրենիքը համարվող Դոնդարու Դամիրչիլար գիւղաքաղաքի վրայ»¹:

Համաձայն վաղորդ մշակած մարտավարութեան, զանգեղուրյան մարտական ուժերը թուրքական բնակավայրերի վրա հարձակումը պիտի ձեռնարկեին միաժամանակ՝ հունվարի 6-ի (19) առավոտյան: Գործողութեան առաջին փուլում ծրագրված էր ընդամենը երկու օրում՝ հունվարի 6-ին եւ 7-ին մահմեդական բնակչութիւնից մաքրել Շուռնուխ, էյվազլար, Մազրան եւ Նավլու գյուղերն իրենց շրջակա բնակավայրերով, ապա զարգացնելով հարձակումը՝ պիտի հասնեին մինչեւ Հագարու գետը:

Հունվարի 6-ին (19), առավոտյան Դրոն իր զորամասով դուրս է գալիս Գորիսից, ապա Քարահունջ տանող ճանապարհով անցնում Բարգուշատի ձորերով և շարժվում դեպի էյվազլար: Որպեսզի թուրքերին զրկել լեռների ամրութիւններում պաշտպանվելու հնարավորութիւնից, հրամայում է թնդանոթներից կրակ տեղալ թուրքաբնակ գյուղերի վրա:

«Տեղատարափ կրակոցներէն, պատմում է Արտեմ Խանգատյանը, - թուրք ժողովուրդը անակնկալի է գալիս: Այնքան անակնկալ է լինում յարձակումը, որ թուրքերը ժամանակ չունենալով որեւէ ապրանք վերցնելու, թողնում են տուն եւ տեղը եւ փախչում պատսպարուելու, գիւղերի շրջաններումը ընկած Ուզուն Մեշու (երկար Անտառ) անտառները»²:

Դրոյի զորամասի հարձակումը և թնդանոթներից արձակած կրակոցները ազդարարում են հարձակման սկիզբը: Ջանգեղուրյան մարտական ուժերը, համաձայն մշակած մարտավարութեան, միաժամանակ սկսում են հարձակումը և գրոհների բոլոր ուղղութիւններում

¹ Նույն տեղում:

² «Հայրենիք» ամսագիր, 1941, յունիս, էջ 97:

³ Գեորգեան Վ., Եզվ. աշխ., էջ 43:

⁴ Ավօ, Նոյեմ, 1968, Պէյրուօ, էջ 482:

¹ Նույն տեղում, էջ 481:

² Նույն տեղում, էջ 482:

նրանց ձեռնարկած հարձակումը ընթանում է մեծ հաջողությամբ: Էյվազյար գյուղը գրավելուց հետո, Դրոյի առաջնորդած զորախմբերը մեկը մյուսի հետեւից մաքրում են Էյվազյար գյուղի մերձակայքում գտնվող մահմեդական մյուս գյուղերը: Նույն հաջողությամբ էին ընթանում նաև մյուս ուղղություններում հարձակվող Չանգեզուրյան մարտախմբերի գործողությունները: Յապոնի եւ տաթեւացի Վարդանի գլխավորած զինվորական ուժերը Տանձավեր գյուղը մաքրելուց ու քարուքանդ անելուց եւ Մարքազի բարձունքը գրավելուց հետո, հարձակվում են թուրքերի գլխավոր հենակետի՝ Շուռնուխի վրա, ուր կենտրոնացել էին մեծ թվով թուրքական զինված հրոսակախմբեր:

Իր հուշերում ներկայացնելով այդ պահը՝ Յապոնը գրում է. «...Հրաշալի է զանգեզուրցու հետ կռուի գնալը: Էդ խօսմ կռիւ չէ, այլ քէֆ, հերոսական մրցութիւն՝ դժուարագոյն դիրքը գրաւելու, շարքում առաջինը լինելու համար...»

Լուսաբացի հետ Մարքազը մեր ձեռքումն էր:

...Այստեղից մեր թափը կրկնապատկած՝ խփեցինք ուղիղ Շուռնուխի վրայ: Թրքական այդ կենտրոնական գիւղը իր բազմաթիւ կռուողներով ու անառիկ դիրքերով հազիւ կարողացաւ մէկ ժամ դիմանալ: Առաւ ու փախաւ՝ հետը քաշ տալով շուրջն ընկած բոլոր գիւղերը...

Կէս օր չեղած, մաքրեցինք իմ զօրամասին յանձնուած ճակատի վրայ ընկած Տանձաւէր, Մաճ, Նավլու, Քոմիրլու, Շուրնախի, Մազրա գիւղերը՝ իրենց մօտիկ 3 ուրիշ գիւղերով, եւ Մարքազի բարձունքը»¹:

Գերազանց կատարելով առաջադրանքը եւ համառ կռիվներից հետո ամբողջովին «մաքրելով» վերոհիշյալ բնակավայրերը, Յապոնի գլխավորած զորախումբը շարժվում է Նավլու եւ միանում նույն ոգեւորութեամբ մարտնչող Սաքո Յապոնի (Համբարձում Սարգիս-Ղանյան) եւ Արտեմ Խանգատյանի գլխավորած մարտախմբերին: Համատեղ ուժերով զարգացնելով հարձակումը՝ Չանգեզուրի մարտական ուժերը գրավում եւ ամբողջովին կրակի են մատնում թուրքաբնակ գյուղը:

Միաժամանակ, իրեն հանձնարարված Եղվարդից մինչև Ջեյվա ձգվող տեղամասը թուրք բնակչությունից մաքրելուց հետո, Նավլու գյուղ է հասնում նաև Գարեգին Նժդեհի գլխավորած Ղափանի զորախումբը:

Արտեմ Խանգատյանի վկայությամբ՝ հաջորդ օրը «Նժդեհ զափանցի կտրիճների գլուխը անցած առաւօտեան եկաւ կրակի բաժին դարձած Նավլու գիւղը»¹:

Եզրափակելով Չանգեզուրը թուրք բնակչությունից «մաքրելու» նպատակով ձեռնարկած գործողության նկարագրությունը, Յապոնը նշում է. «Մազրայի գրավումով մենք լուծեցինք մեզ յանձնած ռազմական խնդիրը եւ շրջան կազմելով Էյվազյարի շրջանում կախուցեցինք Որոտանի գլխին, ուր հանդիպեցի Գորիսից առաջացող մեր ոյժերին: Դրօն դեռ հեռուից ողջունեց մեզ եւ մօտենալով մենք գրկախառնեցինք: Այդ օրը ամբողջ շրջանը, որ նախապէս ծրագրած էինք, գրաւեցինք»²:

Դրոն Չանգեզուրում Գարեգին Նժդեհի, Հովհաննես եւ Սաքո Յապոնների, Արտեմ Խանգատյանի եւ մյուս հրամանատարների ու քաջակորով զանգեզուրցիների համագործակցությամբ ընդամենը երկու օրվա ընթացքում հրաշալիորեն է լուծում Չանգեզուրը մինչեւ Հագարու գետը թուրքերից մաքրելու անգնահատելի գործը:

Պիտի ընդգծել, որ հայ մարտական ուժերի ձեռնարկած գործողությունների անվիճելի հաղթանակն անկասկած պայմանավորված էր նաև այն հանգամանքով, որ Չանգեզուրի երեք զինվորական շրջանների մարտական ուժերը թեպետ գործել են յուրաքանչյուրը իրեն հատկացված տեղամասում, սակայն գործել են վաղօրոք մշակված կշռադատված ճկուն մարտավարությամբ, փոխհամաձայնեցված, մեկ միասնական հրամանատարությամբ:

Արժանի գնահատելով Չանգեզուրը թուրք բնակչությունից վերջնականապես մաքրելու իրողությունը՝ գեներալ Հախվերդյանը գրում է. «Առաջին խնդիրը, Չանգեզուրի հարավային եւ արեւելյան շրջաններն ու Ղափանը, ինչպես նաև Չանգեզուրի եւ Արցախի միջև ընկած գոտին թաթար բնակչությունից մաքրումը, կատարվեց փայլուն կերպով: Չնայած համառ դիմադրությունը՝ թաթարական բնակավայրերը հրդեհվեցին, իսկ բնակիչները դուրս քշվեցին:

Արցախի հետ կապող ուղին բացված էր»³:

Ջարգացնելով հարձակումը, Դրոյի ընդհանուր հրամանատարությամբ գործող Չանգեզուրյան մարտական ուժերը հասնում են մինչև Հագարու գետը եւ մահմեդական բնակչությունից լիովին մաքրում այդ շրջանների բնակավայրերը:

¹Աւօ, Եղեթ, էջ 483:

²«Յայրենիք» ամսագիր, 1941, յունիս, էջ 97:

³ՀԱԱ, Ֆ, 45, ց. 1, գ. 177, ք. 19:

¹ «Յայրենիք» ամսագիր, 1941, յունիս, էջ 97:

Ձանգեզուրը մահմեդական բնակչութիւննից մաքրելու նպատակով հայ մարտական ուժերի ձեռնարկած գործողութիւնը, իրոք, ընթացել է շատ արագ ու արդյունքում՝ ավելի քան արգասաբեր: Ա. Վրացյանի գնահատմամբ՝ «Այսպէս կազմակերպւած զանգեզուրցիք մի գրոհով մաքրեցին բուն Ձանգեզուրի և Ղափանի միջև ընկած տարածութիւնը՝ Դոնդարու-Շուռնուխ-Ասկիլիում թրքական շրջանը, մօտ 30 գիւղ: Մարտին գրաւեց Աղալար-Ալեանչու-Մուսուլմանլար-Բարգիւշատ շրջանը, ուր գտնուում էին մօտ 120 թրքական գիւղեր»¹:

Եթե ընդհանրացնենք ու ըստ էութեան, անաչառորեն գնահատենք 1920 թ. հունվարի սկզբներին Ձանգեզուրում Դրոյի ընդհանուր հրամանատարութեամբ տեղի ունեցած գործողութիւնը, ապա աներկբա պիտի նշել, որ փաստորեն այդ նշանավոր ու չափազանց արգասաբեր գործողութեան արդյունքում ոչ միայն լիովին մաքրվում է Ձանգեզուրի տարածքը մահմեդական բնակչութիւննից, այլև բացվում են Արցախ տանող ուղիները: Ավելին, այն, ինչը ընդամենը երկու օրվա ընթացքում բուն Ձանգեզուրում, ապա նաև մինչև մարտ ամսին՝ Հագարու գետով ձգվող տարածքում, իրականացրին Հայկական մարտական ուժերը, անգնահատելի ու կենսական նշանակութիւն ունեցավ ոչ միայն Ձանգեզուրի, այլև բովանդակ հայ ժողովրդի կյանքում:

Հարց է ծագում. ինչպիսի՞նք իրավիճակում կհայտնվեր Ձանգեզուրը ու տարիներ անց ինչպիսի՞նք կլինէր գաղափար հայ և թուրք բնակչութեան քանակական հարաբերակցութիւնը, եթե չձեռնարկվէին վերոհիշյալ գործողութիւնները:

Եթե նկատի ունենանք, որ մահմեդական բնակչութիւնը անհամեմատ ավելի արագ է բազմանում, իսկ դա գաղտնիք չէ, ապա այդ հարցի պատասխանը դառնում է միանգամայն ակնառու, հստակ ու հասկանալի:

Ձանգեզուրում ծավալված վերջին դեպքերը մեծ իրարանցում են առաջ բերում հարեւան Ադրբեջանի հանրապետութիւնում:

Ադրբեջանական իշխանութիւնների համար մեծ հարված էր տասնյակ հազարավոր այն թուրքերի կորուստը, որոնց զինական աջակցութեամբ հույս ունէր լուծելու Ձանգեզուրը Ադրբեջանին բռնակցելու խնդիրը: Ինչպես եւ սպասվում էր, Ադրբեջանի կառավարութեան վերաբերմունքը Ձանգեզուրում կատարվող դեպքերի

նկատմամբ շատ բուռն էր եւ ցասկոտ, չնայած ընդամենը հազիվ երկու ամիս էր անցել այն օրերից, երբ իր կանոնավոր բանակի զորամասերը՝ թուրք-քուրդ հրոսակների համագործակցութեամբ ներխուժելով Ձանգեզուր, փորձում էին հնարավոր բոլոր միջոցներով մեկընդմիջտ բնաջնջել տեղի հայութեանը եւ զինու զորութեամբ վերջնականապես վճռել գաղափար Ադրբեջանի Հանրապետութեան գերիշխանութեանը ենթարկելու խնդիրը: Այժմ, կարծես, մոռացութեան մատնելով ոչ վաղ անցյալում իրենց գործադրած ոճիրներն ու վայրագութիւնները՝ բողոքի հեռագրերով եւ թիֆլիսում իրենց դիվանագիտական ներկայացուցչի ներկայացրած անվերջանալի բողոք-դիմումներով հեղեղում էին հաղթող տերութիւնների դեսպանատներն ու պահանջում նրանցից միջամտել եւ կանխել Հայկական զորքերի կողմից Ձանգեզուրում մահմեդական բնակչութեան նկատմամբ կենսագործվող ջարդերը եւ պատժել այդ գործի գլխավոր հանցավորներին:

Իրենց պաշտոնական բողոք-դիմումագրերում ադրբեջանական կողմը Անտանտի տերութիւնների ներկայացուցիչներից եւ անձամբ գնդապետ Հասկելից պահանջում է Ձանգեզուրից հեռացնել առաջին հերթին Դրոյին, որպես օտար պետութեան գործակալի (Հայաստանի հանրապետութիւնը Ձանգեզուրի համար Ադրբեջանի գնահատմամբ որակվում էր որպես օտար պետութիւն - Հ. Գ.) եւ մահմեդական բնակչութեան նկատմամբ կենսագործված ջարդերի հիմնական կազմակերպիչի¹:

Բայց դեպքերն անդառնալի էին, Դրոն իր գործը արդեն կատարել էր, Ադրբեջանը Ձանգեզուրում մեկընդմիջտ կորցրել էր իր հուսալի հենարանն ու դաշնակցին, Ձանգեզուրը մաքրված էր, այնտեղ արդեն մահմեդական տարր գոյութիւն չուներ:

Ադրբեջանի իշխանութիւնները ձգտում էին փոխվրեժի եւ այդ նպատակով տենդագին պատրաստութիւն էին տեսնում Ձանգեզուրում կորցրած արյունակից դաշնակիցների վրեժը լուծել Շարուր-Նախիջեւանում, ապա նաև Արցախում:

Հայոց Աշխարհի պատմական Արցախ աշխարհը իր մեկիքութիւններով (նամասյի մեկիքութիւն) համաձայն ցարական Ռուսաստանի եւ շահական Պարսկաստանի միջև 1813 թ. կնքված Գյուլիստանի պայմանագրի, անցնելով Ռուսաստանի տիրապետութեանը, միացվել էր թուրքական հարթավայրային շրջաններին ու մասն էր կազմում Գանձակի նահանգի: Ցարական իշխանութիւնները դիտա-

¹ Վրացեան Ա., Հայաստանի Հանրապետութիւն, էջ 371:

¹ Տե՛ս ԳԳ ԲԿԱ, , ք. Ա. Վ. (Սիմոն Վրացեան), թժ. 8, գ. 10:

վորութեամբ նահանգն այնպես էին ենթարկել վարչա-տարածքային բաժանման, որպեսզի գավառներում հայերը չկազմեն բնակչութեան մեծամասնութիւնը: Դրան հակառակ, Արցախի լեռնային տարածքում, որն ընդունված է անվանել Լեռնային Արցախ(Գյուլիստան, Ջրաբերդ, Խաչեն, Վարանդա, Դիզակ-ներկայիս Շահումյանի, Մարդակերտի, Ասկերանի, Մարտունու եւ Հաղուծի շրջանները) կազմում էին մի ամբողջութիւն, որտեղ հայութիւնը կազմում էր բնակչութեան մեծամասնութիւնը:

Հիմք ունենալով Դավիթ Անանուհի «Հայաստանի Կոպերացիա»-ի 1920 թ. սեպտեմբերի համարում տեղ գտած տվյալները, ինչպես նաեւ Ղարաբաղ-Ձանգեղուրի գործիչների, 1922 թ. հուլիսին, Թավրիզում կազմած զեկուցման նյութերն ու ՀՀ պատվիրակութեան եւ ՀՀ Թիֆլիսի դիվանագիտական ներկայացուցչութեան տվյալները՝ Ս. Վրացյանը գրում է. «Ղարաբաղի լեռնաստանում 1917 թ. տեւալներով ապրում էին՝ հայեր՝ 150.000 (70%), մուսուլմաններ՝ 58.000 (27%)», մնացած ազգեր՝ 5000 (3%)»¹:

Պիտի նկատել, որ Արցախի բնակչութեան թվաքանակը ներկայացնող տվյալների մեջ բացակայում է Գյուլիստանը:

Շարունակելով ներկայացնել Արցախի բնակչութեան իրական պատկերը՝ Ս. Վրացյանը նշում է. «Այժմ ազգութիւնների թւական յարաբերութիւնը միանգամայն փոխւած է: Ուրիշ ազգերից ուսաները հեռացել են Ռուսաստան: Ապա Լեռնային Ղարաբաղի որոշ գիւղերից հեռացել են նաեւ թուրքերը: Դրա դիմաց լեռներն են ապաստանել տափաստաններում եղած հայերը (Ջիվանշիր գաւառ): Այսպիսով, Հայկական Ղարաբաղում (Ջրաբերդ, Խաչէն, Վարանդա, Դիզակ) հայ տարրը ամրացել է թւով: Իսկ եթե սրան աւելացնենք նաեւ, որ հին Ղարաբաղի անբաժան մասը կազմող Գիւլիստանը վերջին տարիներն անց ու դարձի մէջ վերականգնեց իր կապը նախկին միաւորի հետ եւ ընթացաւ Հայկական քաղաքականութեան հունով, պատկերն աւելի կատարեալ կլինի»²:

Արցախում Հայաստանի Հանրապետութեան եւ ՀՅԴ Բյուրոյի ներկայացուցիչ Արսեն Միքայելյանը, ահազանգելով Արցախին սպառնացող իրական վտանգ, Դրոյին հետեւյալն է գրում.

«Ձանգեղուրի ռազմական գործողութիւնները սոսկալի յուզմունք են առաջ բերում Աղրբէջանի թրջութեան մէջ: Անմիջապէս զօրքեր են տեղափոխում: Թրջութիւնը զինւում, կամաւորական

խմբեր են կազմում եւ նախապատրաստական աշխատանքի են դիմում յարձակուելու Ձանգեղուրի եւ Արցախի հարցը ընդմիջտ լուծելու համար: Ի նկատի ունենալով Շուռնուխի գործողութիւնների հետեւանքով Արցախում ստեղծուած դրութեան բարդութիւնը, Արցախի ներկայացուցիչները խնդրում են Դրոյին, միջտ պատրաստ լինել Աղրբէջանի յարձակման դէպքում օգնութեան հասնելու: Մինչ այդ, պահանջում են ուղարկել փամփուշտներ եւ դրամ»³:

Դեպքերը զարգանում եւ իրար են հաջորդում չափազանց արագ: Եթե իրոք աղրբեջանական զօրքերը Հաճի Սամուի քրդական հեծելախմբերի համագործակցութեամբ ներխուժեն Արցախ, ապա ինչո՞վ եւ ինչպէս կարող էր Դրոն օգնել արցախցիներին:

Ավելին, նույն օրերին Դրոն իր հանձնարարութեամբ Արցախ գործուղված իր ներկայացուցիչներից ստանում է հետեւյալ ահազանգը. «Հայկական Ղարաբաղը զինւած է չափից դուրս թոյլ, իսկ ռազմամթերք կայ չնչին քանակութեամբ...»²:

Ի պատասխան արցախցիների դիմումի ու ՀՀ կառավարութեան ներկայացուցիչ Արսեն Միքայելյանի ու իր հանձնարարութեամբ Արցախում գտնվող գործիչների ահազանգի, Դրոն հայտնում է հետեւյալը. «... Ինչքան հնարաւոր է, իր ուժերի սահմաններում կօգնի ձեզ: Դրոն Արցախի գործիչներին տալիս է իր ապագայ գործողութիւնների ծրագիրը- Արցախին օգնութիւն հասնելու դէպքում, եւ առաջարկում է Աղրբէջանի յարձակման դէպքում Արցախի ինքնապաշտպանութեան գործողութիւնների տեղական նախագիծը ուղարկել իրեն: Դրոն յայտնում է, որ իր տրամադրութեան տակ եղած դրամի ու ռազմամթերքի պաշար շատ քիչ կայ, ուստի Գորիսից մեկնում է կարճ ժամանակով Քեշիչքենդ (Վայոց Ձոր), որտեղից ուղիղ գծով կապվելու է Հայաստանի կառավարութեան հետ՝ արագացնելու փամփուշտի եւ դրամի առաքումը Արցախի համար, եւ վերջնականապէս ստանալու կառաւարութեան հաւանութիւնը Արցախի գործողութիւնների սկսման վերաբերեալ եւ ծանօթանալու ընդհանուր քաղաքականութեան հետ »³:

Արցախցիների դիմումը եւ Դրոյի պատասխանն ու ձեռնարկած քայլերը մատնանշում են, որ Հայաստանի Հանրապետութեան կառավարութիւնը, գլխավոր ուշադրութիւնը բեւեռելով Ձանգեղուրը թուրք բնակչութիւնից «մաքրելու» հույժ կարեւոր խնդրի կենսա-

¹ Վրացեան Ս., Հայաստանի Հանրապետութիւն, էջ 309:

² Նույն տեղում, էջ 309-310:

¹ Տե՛ս ԳԳ ԲԿԱ., թ. 8, գ. 10:

² ԳԳԳԳ ԿԱ, թ. 1469, ֆգ. 1, էջ 24:

³ ԳԳ ԲԿԱ., թ. 8, գ. 10:

գործմանը, դեռեւս ինչպես հարկն է չէր նախապատրաստել անհրաժեշտ միջոցները՝ վերջնականապես լուծելու նաեւ Արցախի հարցը: Այդ պատճառով Դրոյի գլխավորած զորամասի մուտքը Արցախ ձգձգվում է, թեպետ այնտեղ ծավալվող դեպքերը թելադրում էին գործել ճիշտ հակառակ ուղղվածութեամբ՝ առավելագույնս արագ եւ կազմակերպված:

Արցախի ներկայացուցիչներին տված խոստման համաձայն՝ Դրոն մեկնում է Վայոց Ձոր եւ այնտեղից փորձում կապվել Երեւանի հետ: Սակայն այդ ուղղութեամբ նրա ձեռնարկած բոլոր փորձերն անցնում են ապարդյուն: Կապը Երեւանի եւ Վայոց Ձորի միջեւ խափանվել ու չէր գործում: Մնում էր կատարել միակ քայլը: Նա հարկադրված մեկնում է մայրաքաղաք՝ շէ կառավարութեան հետ վերջնականապես մշակելու եւ համաձայնեցնելու Արցախում ձեռնարկվելիք գործողութիւնների մանրամասները: Գնալու նախօրերին Դրոն Հայաստանի Հանրապետութեան եւ ՀՀ կառավարութեան ներկայացուցիչ Արսեն Միքայելյանին հրահանգում է շարունակել ինքնապաշտպանութեան կազմակերպման գործը, նախահարձակ չլինել եւ ադրբեջանական ուժերի հարձակման դեպքում ժողովրդին դաշտավայրերից տեղափոխել լեռնային մասերը եւ սպասել մինչեւ ինքը Արցախ կհասցնի հանրապետութեան կառավարութիւնից ստացած զենքն ու զինամթերքը¹:

Փետրվարի 14-ին Դրոն Վայոց Ձորից մեկնում է Երեւան: Այլուհիքի նահանգապետ Ջաքար Յոյանը (Ալեքսանդր Աշխատունի), որը Դրոյի հետ եղել էր Ջանգեզուրում, իսկ Երեւան մեկնելիս նրա ուղեկիցների թվում էր, գրում է.

«Փետրվարի 19-ին, 5-օրեայ ճամբորդութիւնից յետոյ հասանք Երեւան: Այստեղ ես լուսապէս ճանաչեցի Դրոյին, այդ երկաթէ մարդուն: Փետրվարի 22-ին նախարարների Խորհրդին ներկայացրինք մեր զեկոյցը Ջանգեզուրի եւ Արցախի քաղաքական ու ռազմական կացութեան մասին եւ շեշտեցինք, որ անխուսափելիօրէն դարնանը խոշոր դէպքեր տեղի կունենան Արցախում: Դրոյի կողմից պահանջ դրուեց՝ զէնքեր եւ փամփուշտ առաքել Ջանգեզուրի եւ Արցախի համար:

Դրոն յայտարարեց, որ ինքը գիտի գաղտնի մի պահեստ Քանաքեռում, ուր «սեւ օրուայ համար» պահում է կէս միլիոն մոսինի փամփուշտ: Դրոյին թույլատրուեց բացել այդ պահեստը եւ փամփուշտները փոխադրել Ջանգեզուրի եւ Արցախի պէտքերի համար:

Դրոն անմիջապէս գործի անցաւ, հայթայթեց փոխադրական միջոցներ եւ առաջին հերթին 200.000 փամփուշտ փոխադրեց Նոր-Բայազէդ, որտեղից հնարաւոր չէր փոխադրութիւնը շարունակել սայլերով, որովհետեւ ձիւնի խոր շերտը, որ հասնում էր 1 մետրի եւ՝ Ալեքիմ-Գեաղուկի փակուած լինելը, փոխադրութիւնը դէպի Դարալագեազ, դարձնում էին անհնարին»¹:

Դյուրին գործ չէր ձեռնարկ խոստաւումս պայմաններում զինամթերքը Երեւանից հասցնել Ջանգեզուր, ապա Արցախ: Սակայն, ի պատիվ Նոր Բայազետի շրջանի բնակիչների, պիտի ընդգծել, որ հաղթահարելով ձմռան հարուցած դժվարութիւնները՝ նրանք 200.000 փամփուշտները շալակով հասցնում են Դարալագեազ, ապա տեղացիների օգնութեամբ՝ Գորիսի ռազմական պահեստները, որտեղից պիտի տեղափոխեին Արցախ:

Նոր Բայազետի իշխանութեան ներկայացուցիչների հետ զենք ու զինամթերքի տեղափոխման անչափ կարեւոր ու դժվարին աշխատանքները կազմակերպելուց հետո Դրոն շտապ մեկնում է իր հայրենի Իգդիր: Դարձյալ ասպարեզում հայտնվել էին Սուրմալուի եւ նրա հարակից շրջանների քրդական հրոսակախմբերը, որոնք միավորվելով՝ շարունակաբար ասպատակում եւ թալան, ավարառութիւն ու անգամ սպանութիւններ են գործում գավառի հայկական գյուղերում: Ծանր բախումներ էին ծավալվում քրդական զինյալ հրոսակախմբերի եւ Սուրմալուի հայ ինքնապաշտպանական ջոկատների միջեւ:

ՀՀ զինվորական ուժերի հրամանատարութեան շտաբի՝ Հայաստանի ռազմա-քաղաքական իրավիճակը ներկայացնող համառոտ ամփոփագրում(1920թ. հունվարի 1-ից մինչեւ ապրիլի 1-ը), ի թիվս մյուս վայրերում տեղի ունեցած դեպքերի, Իգդիրի շրջանում (Սուրմալու) կատարված կոիվների մասին նշվում է.

«Մինչեւ մարտի կեսերը քրդերի հետ հաստատված խաղաղ հարաբերութիւնը խախտված չէր... Միայն Խուլբում Շամիլ-Բեկ Այրումլինսկին շարունակում էր մնալ թուրքերի ազդեցութեան տակ, որոնցից ստանում էր զենք եւ հրահանգիչներ... Բողբուրունյան մարտերի առաջին իսկ օրից սկսած, քրդերը տրվելով դրսի ագիտացիային, կտրուկ փոխում են իրենց վերաբերմունքը:

Մարտի 25-ին Բողբուրունի վրա ձեռնարկած հարձակմանը զուգընթաց՝ ավելի քան 3000 քրդեր զրոհում են Դաշուրուն գյուղի վրա: Երկու օր ընթացող կոիվներում քրդերը ջախջախվել են ու հեռացել: Իգդիրի շրջանում խաղաղութիւնը վերականգնվել է: Հայտ-

¹ Նույն տեղում:

¹ «Ալիք» բացառիկ, 1956, մայիսի 4, էջ 37:

նի է դարձել թուրք զինվորների եւ գնդացորդների մասնակցութիւնը, որոնք մարտի 25-ին քրդերի մոտ էին եկել Բայազետից»¹:

Այդ կռիվներին իր վճռորոշ մասնակցութիւնն է ունեցել Դրոն: Նա ոչ մեծ զորամասով հասնում է Սուրմալու եւ տեղի հայ զինված ջոկատների աջակցութեամբ ջախջախում է քրդական հրոսակախմբերին, ապա արագորեն ուղեւորվում Ջանգեզուր²:

Ջաքար Յոլյանի(Ալ. Աշխատունի) հավաստմամբ՝ Դրոն Սուրմալուի քուրդ հոսակախմբերին ջասխջախելուց հետո, Ջանգեզուր է հասնում նոր միայն ապրիլի 10-ին եւ նույն օրը տեղեկանում Շուշիի հայ բնակչութեան կոտորածի մասին³:

Երեւանում գտնվելու ժամանակ Դրոն մեկ անգամ եւս փորձում է ՀՀ կառավարութիւնից ստանալ Նախիջեւանի, ինչպես նաեւ Շարուրի եւ Օրդուբադի շրջանները թուրքերից մաքրելու համաձայնութիւնը: Նրա կարծիքով այդ հարցը վաղուց արդեն հասունացել էր, եւ լուծումը ոչ մի դեպքում չպետք է հետաձգվեր: Նա, իր ներկայացուցիչներին ուղարկելով Արցախ, ցանկանում էր ժամանակ շահել, լուծել Նախիջեւանի հարցը եւ ապա նոր, ողջ ուժով ձեռնամուկ լինել Արցախի խնդրի կարգավորման աշխատանքներին:

1. Նախ, Նախիջեւանը, Շարուրն ու Օրդուբադը, իրենց թուրք բնակչութեան հոծ զանգվածով եւ կազմակերպվածութեամբ մշտապես գտնվելով ապստամբական վիճակում, ապակայունացնում էին հանրապետութեան քաղաքական կացութիւնը եւ փաստորեն չենթարկվելով հանրապետութեան իշխանութիւններին՝ գրեթե անկախ կյանք էին վարում:

2. Նախիջեւան-Շարուրը կապող օդակ էր Թուրքիայի եւ Ադրբեջանի միջեւ: Ավելին, Նախիջեւանը թուրք գործակալների, սպանների մշտական հավաքատեղի էր, զենքի ու զինամթերքի պահեստավորման համար ամենահարմար ու ապահով վայրը: Անհրաժեշտ պահերին թուրք սպանները հենց Նախիջեւանի տարածքից էին անցնում հանրապետութեան թուրքաբնակ մյուս շրջաններն ու Ադրբեջան:

3. Նախիջեւանում ունենալով մարտական զգալի ուժեր՝ թուրքերը երբեմն, եթե իրավիճակը պահանջում էր, թիկունքից հարվածում էին Ջանգեզուրին եւ դրանով իսկ լարվածութեան մեջ պահելով հայ բնակչութեանը՝ մեծ օգնութիւն էին ցույց տալիս թուրք բնակչու-

թեանը: Ելնելով այս հանգամանքից՝ Դրոն ուզում էր եւ բազմիցս կառավարութիւնից պահանջում թույլ տալ իրեն գոնե այս անգամ մեկընդմիջտ լուծել Նախիջեւանի թրքութեան հարցը:

Նախիջեւանի պարագայում Դրոյի տեսակետը միանշանակ էր եւ այն չէր փոխվել հանրապետութեան հաստատման առաջին իսկ օրից: Ինչպես արդեն նշվել է, Նախիջեւանի հարցը զինու զորութեամբ վճելու տեսակետը նա առաջ քաշեց նաեւ հանրապետութեան տարածքների ընդարձակման ժամանակ՝ 1919 թ. ամռանը: Սակայն Հայաստանի կառավարութիւնը, առաջնորդվելով խնդիրը խաղաղ ճանապարհով լուծելու սկզբունքով եւ ապավինելով անգլիացիների խոստումներին, չընդունեց նրա առաջարկութիւնը, եւ ինչպես արդեն հայտնի է, հետեւանքը եղան Բոյուք-Վեդիի, Կարսի, Սուրմալուի, Ջանգիբասարի եւ, իհարկե, Շարուր-Նախիջեւանի արյունահեղ եւ դաժան կռիվները:

Դարձյալ լավագույն հնարավորութիւնն էր ընձեռվել վերջնականապես լուծելու Նախիջեւանի հարցը, եւ Դրոն բնականաբար չէր կարող այլ տեսակետ ունենալ: Ավելին, իր տեսակետը՝ Նախիջեւանի ու Օրդուբադի խնդիրը զինուժի միջոցով մեկընդմիջտ լուծելու համար, Դրոն ձեռնարկում է որոշակի քայլեր: Ջանգեզուր վերադառնալու հենց առաջին օրը նա իր զորամասով հարձակվում է թուրքաբնակ Ձուլ մեծ գյուղի վրա, որն այդ օրերին դարձել էր թուրք զինյալ հրոսակախմբերի հավաքատեղի: Այդ հրոսակախմբերը, պարբերաբար հարձակվելով հայկական գյուղերի վրա, սպանում եւ թալանում էին հայ գյուղացիներին: Ջախջախելով ու դուրս չարտելով այդ վայրերում բույն դրած հրոսակախմբերին՝ Դրոյի զորախումբը, կրնկակոխ հետապնդելով թշնամուն, հասնում է ընդհուպ Նախիջեւանի սահման եւ պատրաստվում ներխուժել գավառի խորքերը¹:

Մինչ Ջանգեզուրյան հունվար-փետրվարյան դեպքերը, Հայաստանի հանրապետութեան կառավարութիւնը Նախիջեւանի ու Օրդուբադի խնդիրը լուծելու գործում առաջնորդվում է միանգամայն հակառակ չափանիշներով: ՀՀ քաղաքական եւ տնտեսական վիճակը դեռեւս շատ հեռու էր բավարար լինելուց, եւ պատերազմական գործողութիւնների ծավալումը, թեկուզեւ ներքին թշնամուն հնազանդեցնելու նպատակով, հանրապետութեան համար իրոք կարող էր ծանր հետեւանքներ ունենալ:

Երկրում խաղաղ, կայուն իրավիճակի հաստատումը ծայրահեղորեն անհրաժեշտ էր: Հունվարյան նշանավոր դեպքերից անմիջա-

¹ Հայաստանի Հանրապետությունը 1918-1920 թթ. (քաղաքական պատմություն, փաստաթղթերի եւ ցյուրերի ժողովածու), Երեւան, 2000, էջ 179:

² Տե՛ս ԳԳԲԱ, պ. 76, թժ. 45/7, գ. 5:

³ Տե՛ս «Ալիք», Բացառիկ, թիւ 87, էջ 87:

¹ «Ալիք» բացառիկ, 1956, մայիսի 4, էջ 87:

պես հետո, երբ հայկական գինական ուժերը Դրոյի գլխավորութեամբ վերջնականապես լուծեցին Զանգեզուրի թրքութեան հարցը, նա փորձում է կառավարութեան ուշադրութեանը բեւեռել դարձյալ Նախիջեւանի ու Օրդուբադի վրա:

Հետագայում անդրադառնալով այդ հարցին՝ Ալ. Խատիսյանը խոստովանում է. «... Դրոն կը պնդէր, որ Արցախը ապստամբելուց առաջ թիկունքը ամրացնել: Եկած էր կառավարութիւնէն արտօնութիւն առնելու: Օրդուբատը եւ Նախիջեւանը Հայաստանի Հանրապետութեանը միացնելու»¹:

Զանգեզուրը մահմեդական բնակչութիւնից «մաքրելուց» հետո, Հայաստանի Հանրապետութեան կառավարութեանը վերջապես ընդունում է Օրդուբատի ու Նախիջեւանի խնդիրը գննքի ուժով մեկընդմիջ լուծելու Դրոյի կողմից բազմիցս առաջարկած ծրագիրը: ՀՀ կառավարութեան ընդունած կարեւորագույն այդ որոշման պատճառով փոքր-ինչ հետաձգվում է գինական ուժեր Արցախ տեղափոխելու ձեռնարկումը:

Համաձայն Գ. Բալայանի եւ Զ. Յոլյանի ստորգրութեամբ կազմված «Ղարաբադի դեպքերի պատմութիւն» խորագիրը կրող զեկուցագիր-տեղեկագրի՝ «Մարտի սկզբներին 1920 թ. ստացւում է նախարարապետ Ա. Խատիսյանի նամակ, որի մէջ գրում է, որ Ղարաբադի հարցի լուծումը պէտք է յետաձգել եւ Զանգեզուրի ուժերի գլխաւոր ուշադրութիւնը պէտք է դարձնել Օրդուբաթի եւ Նախիջեւանի վրայ, որովհետեւ Հայաստանը մեծապէս շահագրգռուած է այդ երկու շրջաններով: Այս տեղեկութիւնները հաղորդւում են Ա. Միքայելեանին, աւելացնելով, Զանգեզուրի իշխանութիւնը ներկա պայմաններում չի կարող շոյափելի օգնութիւն հասցնել Ղարաբադին. մանաւանդ որ Օրդուբաթի վրայ պատրաստում են ռազմական գործողութիւններ»²:

Ճիշտ է, ՀՀ կառավարութեանը համաձայնվել էր ձեռնարկել իրականացնել Օրդուբադի ու Նախիջեւանի խնդիրը վերջնականապես լուծելու գործողութիւնը, բայց հետագա դեպքերը ծավալվում են այլ ուղղվածութեամբ:

Նախիջեւանի մահմեդականութեան պարագլուխները Դրոյի գործառնալի ներխուժումը Նախիջեւանի տարածք կանխելու դիտավորութեամբ եւ կարծես ճշգրտորեն կանխագգալով Հայաստանի Հանրապետութեան կառավարութեան խաղաղասիրական սրամազրկածութիւնը. «... մի պատգամաւորութիւն ուղարկեցին Երեւան գնդապետ Քերբազի խանի գլխաւորութեամբ Հայաստանի Հանրապետու-

թեան կառավարութեան հետ բանակցելու՝ Հայաստանի իշխանութեան ենթարկելու մասին: Ի վերջոյ Հայաստանի զինուորական նախարարից մի հրաման հղեց, ըստ որում, Դրոյի զորամասը, ուր որ գտնւում է, այնտեղ էլ պիտի կանգ առնի: Դադարեցուցին ռազմական գործողութիւնները»¹:

Նախիջեւանի թրքութեան պարագլուխները, այս անգամ եւս գործելով ճկուն ու նպատակասլաց, հասնում են իրենց նպատակին: Հանրապետութեան իշխանութեանն ընդառաջում է նրանց պահանջներին, եւ Դրոն դարձյալ կորցնում է Նախիջեւանի թուրքերի հարցը գննքով լուծելու հնարավորութիւնը: Պատմական հիշյալ ժամանակահատվածում Արցախի ու Զանգեզուրի հարցի հետ կապված դեպքերի ուսումնասիրութիւնը ցույց է տալիս, որ Նախիջեւանի վրա Դրոյի զորախմբի հարձակումը չի իրականացվել ոչ միայն Նախիջեւանի թուրք պարագլուխների միջամտութեան հետեւանքով:

Այդ ընթացքում Արցախում դեպքերը զարգանում էին սպասվածից ավելի արագ ու ոչ հօգուտ արցախահայութեան:

Իր կազմավորման առաջին իսկ օրից սկսած՝ Ադրբեջանի կառավարութեանը, օգտվելով Հայաստանի Հանրապետութեան դեռեւս ոչ այնքան կայուն վիճակից եւ թուրքերի աջակցութեանից, հաստատակամորեն նպատակադրվել էր բռնութեամբ զավթել Արցախը եւ դրանով իսկ մեկընդմիջտ արմատախիլ անել Հայաստանին վերամիավորվելու արցախահայութեան ձգտումները:

Այս կապակցութեամբ արտահայտելով Արցախի նկատմամբ Ադրբեջանի իշխանութիւնների որդեգրած քաղաքականութիւնը՝ Ադրբեջանի գինված ուժերի շտաբի պետ, ցարական բանակի գեներալ-լեյտենանտ Սուլկեւիչը Խոսրով Բեկ-Սուլթանովին հասցեագրած հրահանգում գրում է. «...Ադրբեջանի կառավարութեան գերատեսչութեանից պահանջվում է ի կատար ածել պետական անհրաժեշտ մի խնդիր՝ ուժով գրավել եւ Ադրբեջանին միացնել Լեռնային Ղարաբադը»:

Ավելին, Սուլթանովին հասցեագրած մեկ այլ հրահանգում՝ գեներալ Սուլկեւիչը նշում է. «Գլխից հանել ու դեն շարտել Ղարաբադի հարցի խաղաղ լուծման վերաբերյալ հասկացողութիւնը»²:

Հստակ ներկայացնելով Արցախի խնդիրը բացառապես գննքի ուժով լուծելու Ադրբեջանի պաշտոնական դիրքորոշումը՝ Սուլկեւիչը միաժամանակ խորհուրդ է տալիս «...արդուհամիդյան հեծելազն-

¹ Տե՛ս ԳՅԴ ԿԱ, ք. 1649, գ. 6, էջ 3:

² ԳՅԴ ԿԱ, ք. 1649, գ. 1, էջ 25:

¹ «Ալիք» բացառիկ, 1956, մայիսի 4, էջ 87:

² Սեւյան Վ. Շուշի, Երեւան, 1991, էջ 74:

դերի օրինակով, քրդերից կազմակերպել գինված ջոկատներ և դրանք ամենուրեք օգտագործել հայերի դեմ»¹:

Ստանալով կառավարութեան հանձնարարութիւնն ու ֆինանսական միջոցները՝ Սուլթանովը թուրք սպաների աջակցութեամբ կազմակերպում է քրդական հատուկ խմբեր, որոնք կոչվում էին Ջանքեզարներ (կյանքից հոգնած, հուսահատված) եւ դրանք կենտրոնացնում է Շուշիում ու Արցախի սահմանամերձ շրջաններում (Աղդամ, Ջեւանշիր, Ջերբային): Ուշագրավ է, որ քրդական հեծելախմբերի հրամանատարութիւնը Սուլթանովը վստահում է իր եղբայրներին՝ Սուլթանբեկին եւ Իսկանդերբեկին²:

Միաժամանակ, Աղբթջանի իշխանութիւնները տնտեսական շրջափակման մեջ են վերցնով Արցախը՝ ձգտում են սովամահութեան սպառնալիով իրենց կամքը թելադրել արցախահայութեանը: 1919 թ. մայիս-հունիս ամիսներին կառավարութեան հրահանգով խստորեն արգելվում է արցախցիներին հացահատիկ, գյուղատնտեսական ուրիշ մթերքներ եւ այլն: Կառավարութեան որոշմամբ՝ կախաղան էր սպառնում բոլոր նրանց, ովքեր կհամարձակվեին խախտել հրահանգն ու որեւէ մթերք վաճառել հայերին:

Արցախի նկատմամբ կիրառած վերոհիշյալ գործողութիւնների հետեւանքով «Միայն Բերդաձոր, Հարար և Փարաջանց գյուղերի 5000 գաղթականներից բոլորի օրերին մահացան 1500 մարդ»:

Ժամանակակիցների վկայութեամբ Ղարաբաղի բոլոր գյուղերում սովը համաճարակի նման կոտորում հատկապես ծերերի ու երեխաներին: այսպես օրինակ, Ձամձոր գյուղում, որ ուներ ընդամենը 120 ընտանիք, երկու շաբաթվա ընթացքում սովամահ եղան 90 մարդ»³:

Այսուհանդերձ, արցախցիները, չհանդուրժելով մուսաֆաթականների զավթողական պահանջները, բազմիցս գումարված համաժողովներում, արտահայտելով ողջ արցախահայութեան կամքն ու ցանկութիւնները, մշտապես Հայաստանի Հանրապետութեանը վերամիավորվելու որոշումներ էին կայացնում: Հայոց հինավուրց Արցախ աշխարհում բազում անընդմեջ արյունալի բախումներ էին տեղի ունեցել հայերի ու թուրքերի միջեւ:

1919 թ. նոյեմբերին Ձանգեղուրում կրած խայտառակ պարտութիւնից եւ հաջորդ տարվա հունվար-փետրվարյան դեպքերից հետո աղբթջանական իշխանութիւնները եռանդով նախապատրաստու-

թիւններ են տեսնում զենքի ուժով լուծելու Արցախի խնդիրը: Իր հերթին, Արցախը նույնպես պատրաստվում է հերթական անգամ փլուզելու Աղբթջանի զավթողական ծրագրերը:

Հայաստանի Հանրապետութեան մարտական ուժերը մաքրել էին Ձանգեղուրի տարածքը մահմեդական բնակչութիւնից եւ դեպքերի զարգացմամբ պիտի լուրջ ուշադրութիւն բեւեռեին Արցախի վրա: Քանի որ արդեն բացվել էին Ձանգեղուրի տարածքով դեպի Արցախ տանող ուղիները, ուստի Հայաստանի Հանրապետութիւնը կարող էր մարտական ուժեր ուղարկել զենքի դիմած արցախահայութեանը օգնութեան ու վերջնականապես լուծել գավառը Մայր Հայրենիքին միավորելու խնդիրը:

Մինչ այդ Հայոց Ազգային Խորհուրդը, ապա նաեւ Հայաստանի Հանրապետութիւնը, ի դեմս Շուշի գումարտակի եւ ֆինանսական միջոցների, աջակցել էին Արցախին, բայց այդ օգնութիւնը, պիտի ասել, այնքան էլ ծանրակշիռ չէր: Այս առումով բավական խոսու են Արցախի Ազգային Խորհրդի նախագահ Եղիշ Իշխանյանի վկայակոչած հետեւյալ տվյալները. «Հայաստանը տասը գաւառ ունի և կառավարութիւնը ամսական ծախսում է 200 միլիոն ռուբլի, իւրաքանչիւր գաւառի վրայ 20 միլիոն, ուստի Ղարաբաղին պիտի բաց թողնել երէք ամսւանը միանւագ, որպէսզի նա կարողանայ ազատ, համարձակ աշխատել և երեք ամիս յետոյ դրամ ստանալ: Մինչև մեր աքսորելը, Ազգային Խորհուրդը դրամ է ստացել Բագւից երկու նւագով՝ 900.000 ռուբլի, Հայաստանի կառավարութիւնից միանւագ՝ Ա. Արզումանեանի միջոցով՝ 290.000 ռուբլի, Արսէն Շահմազեանից՝ երկու նւագով՝ 400.000 ռուբլի, հինգ ամսւայ ընթացքում, 1509.000 ռուբլի, որ մի կաթիլ էր ծով կարիքների դիմաց»¹:

Արցախին տրամադրած գումարի մեծութիւնը ավելի որոշակիացնելու համար՝ Իշխանյանը վկայակոչում է հետեւյալ համեմատութիւնը. «Երբ Աղբթջանի կառավարութիւնը, կանխելով Հայաստանի կառավարութեանը, ինսուրով Սուլթանովին նշանակեց Ձանգեղուր-Ղարաբաղ նահանգապետ և ուղարկեց Շուշի, 25 միլիոն ռուբլի աւանս տւին նրան և միաժամանակ պետական բանկում վարկ բաց արաւ նահանգապետարանի համար, մինչդեռ մեր կառավարութիւնը, բաւական ուշացած, մարտ ամսին Արսէն Շահմազեանին նշանակելով Ձանգեղուր-Ղարաբաղի կոմիսար, կանխիկ 400.000 ռուբլի է տալիս ձեռքը: Ի՞նչ համեմատութիւն»²:

¹ Լույս տեղում:

² Տե՛ս նույն տեղում, էջ 74-75:

³ Լույս տեղում:

¹ Իշխանեան Ե., նշվ. աշխ., էջ 541:

² Լույս տեղում, էջ 541-542:

Արցախում տիրող իրական կացութիւնը թելադրում էր, որ այնտեղ ձեռնարկվող գործողութիւնները պիտի իրականացվէին լրջագույն կազմակերպածութեամբ, առանց աղմուկի եւ ցուցադրական գործողութիւնների: Արցախում տեղի ունեցած դեպքերի ուսումնասիրութիւնը միանշանակորեն փաստում են, որ Արցախում բռնկված զինված ելույթները, հակառակ Դրոյի բազմաթիվ զգուշացումների, ծավալվում են առանց լուրջ նախապատրաստութեան եւ վաղաժամ: Ապստամբութեան կազմակերպիչները, ինչպէս հարկն է, չեն քողարկել իրեց նախապատրաստական աշխատանքները, իսկ Ադրբեջանական իշխանութիւնները շատ լավ տեղյակ են եղել Արցախում ձեռնարկվող դեպքերի մասին:

Եղիշ Իշխանյանը, որն այդ ժամանակ գտնվում էր Ձանգեղուրում, անդրադառնալով Արցախում տեղի ունեցած դեպքերի գնահատմանը, իր քննադատական վերաբերմունքն է արտահայտում ապստամբութեան կազմակերպիչների ոչ ծանրակշիռ, ցուցադրական գործողութիւնների նկատմամբ, եւ որպէս ապացույց իր քննադատական դիտողութիւնների, նշում է. «Ապստամբութիւնից առաջ մի անգամ Դալի Ղազարի առաջարկութեամբ Արցախի ձիաւոր մարտիկ ուժերի ընդհանուր ցուցադրում է կատարուում. բոլոր շրջաններից ձիաւոր մարտիկները կենտրոնանում են որոշեալ վայրում, հազարից ավելի հեծեալներ: Դալի Ղազարը չափազանց ոգեւորւում է ձիաւորներով ու բացականչում. «Այսքան ձիաւոր ուժ միտեղ հաւաքւած մեր կառաւարութիւնը չունի. այս ձիաւորներով կարելի է ամբողջ Մուղանի դաշտը գրաւել»¹:

Ինչ խոսք, որ համանման ելույթները եւ Արցախի մի շարք վայրերում բազմիցս կրկնվող բացահայտ զինվորական մարզումները եւ այլ բնույթի ցուցադրական ձեռնարկումները չէին կարող չգրավել Ադրբեջանական իշխանութիւնների ուշադրութիւնը:

«Արսեն Միքայելյանը, - շարունակում է Ե. Իշխանյանը, - Դալի Ղազարը եւ Մեսեանը թերազնահատել էին Ադրբեջանի զինուորական ուժը եւ ունեցած նիւթական կարողութիւնը: Եւ Արցախի հայութեան հասած դժբախտութիւնը ամբողջովին այդ թերազնահատման արդիւնքն է»²:

Փետրվարի 19-ին Ադրբեջանի կառավարութեան կողմից Արցախում գեներալ-նահանգապետ նշանակված Խոսրով-Բեկ Սուլթանովը վերջնագիր է ներկայացնում Արցախի Ազգային խորհրդին,

որով պահանջում է ընդունել Ադրբեջանի գերիշխանութիւնը: Ի պատասխան Սուլթանովի վերջնագրին՝ փետրվարի 28-ին Շոշ գյուղում գումարվում է Արցախի Ծրդ. համաժողովը, որը մեկ անգամ եւս արտահայտելով արցախահայութեան կամքը եւ հավատարիմ գտնվելով նախորդ վեհաժողովներին, բացառութեամբ 7-րդի, որոշումներին՝ միանշանակորեն վճռում է մերժել գեներալ-նահանգապետի պահանջը եւ միաձայն արտահայտվում Հայաստանի հետ միավորվելու օգտին:

Արցախահայութեան նման վճռից գազազած՝ Սուլթանովը որոշում է գեներլ ուժով ընկճել Արցախի դիմադրութիւնը եւ նոր զորահավաք անցկացնելով՝ ավելի է հզորացնում ադրբեջանական բանակը ու Արցախի վրա հարձակվելու նպատակով ուղղակի ուժերը տեղաբախում է մի քանի հենակետերում:

Ադրբեջանական իշխանութիւնների ձեռնարկած միջոցառումների մասին ՀՀ կառավարութեան ներկայացուցիչներ Արսեն Միքայելյանն ու Կ. Աթանեյանը Ձանգեղուրի իշխանութեանը հասցեագրած նամակում հայտնում են, որ «Ադրբեջանը խոշոր ուժեր է կենտրոնացնում 1. Ջերախիլ-Ձանգեղուր ուղղութեամբ, 2. Նախիջևանի եւ Օրդուբադի ուղղութիւններով՝ շրջափակելու Ձանգեղուրը...»:

Միաժամանակ Ադրբեջանը խոշոր ուժեր է մտցնում Թարթաուի հովիտը»³:

Ձանգեղուրի իշխանութիւններին տեղեկացնելով Արցախին սպառնացող վտանգի իրողութեանը՝ նրանք հուսով էին, որ ժամանակին կստանան ՀՀ մարտական ուժերի աջակցութիւնը:

Ստանալով նամակը՝ Ս. Մելիք-Յուլչյանը Ա. Միքայելյանի ու Կ. Աթանեյանի հաղորդածը տեղեկացնում է ՀՀ վարչապետին ու սպարապետին եւ պատասխան նամակում գրում է «Դրոն այստեղ չէ, սպասեցեք նրա վերադարձին, որովհետեւ Ղարաբաղի գործերի ղեկավարութիւնը մտնում է նրա իրաւասութիւնների մէջ, մանաւանդ որ մեզ մօտ չկա ոչ մի փամփուշտ ու ոչ մի դրամ»:

Ս. Մելիք-Յուլչյանը միաժամանակ նրանց հիշեցնում է Դրոյի հրահանգը. «...ինչքան կարելի է իրենց գործունեութիւնը տանեն գաղտնի, որ Ադրբեջանը չըլայանա...»²:

Ի՞նչ պիտի արվեր. Հայաստանի Հանրապետութիւնն այդ պահին չէր կարող օգնութիւն հասցնել Արցախ: Գործի շահերը հրամայաբար պահանջում էին, որ Արցախի ապստամբութեան կազմա-

¹ Նույն տեղում, էջ 614:

² Նույն տեղում, էջ 615:

¹ ԳԳԲԱ, Ֆ. Ս. 4. (Սիմոն Վրացեան), թժ. 8, գ. 10, էջ 3:

² Նույն տեղում:

կերպիչները գործեին սթափ, կշռադատված ու անպայման հաշվի առնեին արցախահայութեան հնարավորութիւններն ու Դրոյի կողմից իրենց տրված անաղմուկ ու առանց ցուցադրական ելույթներով գործելու խորհուրդն ու հրահանգը:

Ըստ Գ. Բալայանի եւ Զ. Յոլյանի կազմած վերոհիշյալ զեկուցագիր-տեղեկագրի՝ Զանգեզուրից Հայաստանի Հանրապետության վարչապետ Ալ. Խատիսյանի հաղորդած «Զանգեզուրի ուժերի գլխաւոր ուշադրութիւնը պէտք է դարձնել Օրդուբաթի եւ Նախիջևանի վրայ» տեղեկութիւնը ստանալուց հետո, «Ա. Միքայելեանը, Դալի Ղազարի հետ սկսում են իրենց պատասխանատուութեամբ ինքնագլուխ գործել: Ա. Միքայելեանը իր ստացած տեղեկութիւններին իրազեկ չէ անում տեղական ինքնապաշտպանութեանը գործակցող գործիչներին...»¹:

ՀՅԴ Ապառաժի կենտր. կոմիտեի անդամ Խաչիկ Մելքոնյանի հավաստմամբ՝ Արցախում ապստամբութիւն սկսելու որոշումը, տեղյակ չպահելով անգամ գաւառի ինքնապաշտպանական շրջանների հրամանատարներին ու առանց նրանց համաձայնութեան, կայացվել է Արսեն Միքայելյանի, Դալի Ղազարի եւ Դիզակի ինքնապաշտպանական շրջանի հրամանատար Հովակ Ստեփանյանի համատեղ համաձայնութեամբ ու վճռով²:

Մարտի սկզբներին վերոհիշյալ գործիչների մասնակցութեամբ տեղի է ունենում զինվորական գաղտնի ժողով, որտեղ ընտրվում է զինական ուժերի հրամանատարական կազմը եւ որոշվում՝ չսպասելով Զանգեզուրից սպասվող օգնութեանը՝ սկսել մարտական գործողութիւնները: Հարկ է նկատել, որ ավելի քան անհասկանալի է ՀՅԴ բյուրոյի ներկայացուցչի նախաձեռնութեամբ տեղի ունեցած ժողովի կայացրած՝ Արցախում տիրող կացութեանը ոչ համահունչ, միանգամայն չկշռադատված ու վնասակար այդօրինակ որոշումը:

Բալայանի եւ Զ. Յոլյանի ստորագրութեամբ ՀՅԴ բյուրոյին ներկայացրած զեկուցագիր-տեղեկագրի հավաստմամբ՝ «Ա. Միքայելեանը միանգամայն ոգին և սիրտը հանդիսանալով այդ գործողութիւնների, շատ չնչին միջոցներ էր ձեռք առնում՝ Ղարաբաղի հայ զինւորութեան գէնքի քանակը լրացնելու, երկու ու կէս ամսւայ ընթացքում հազիւ յաջողել է Զանգեզուրից մօտ 50.000 փամփուշտ եւ երկու գնդացիր ստանալ, իսկ Ղարաբաղի զինւորութիւնը առանց դրսից փափուշտ ներս մուծելու, չէր կարող դիմանալ մի մեծ կուլի»³:

Այդ նույն զեկուցագիր-տեղեկագրի տեղեկացմամբ, Արցախի ներկայացուցիչները՝ հիմք ունենալով Արցախում տիրող իրական կացութիւնը, նույն օրերին հայտնում են Դրոյին, որ «Հայկական Ղարաբաղը զինված է չափից դուրս թույլ, իսկ ռազմամթերք կա շատ չնչին քանակութեամբ, իսկ ինքնապաշտպանութեան գործը Հայաստանի ներկայացուցիչ Ա. Միքայելեանը առաջ է տանում»⁴:

Ըստ Արցախի ինքնապաշտպանութեան անդամ Խ. Մելքոնյանի՝ Արցախում թույլ կազմակերպված ապստամբութեան վաղաժամկետ բռնկման գլխավոր մեղսագործներից մեկը, եթե ոչ ամենագլխավորը, եղել է Դալի Ղազարը իր անխոհեմ, չկշռադատված ու ցուցադրական գործողութիւններով: Դալի Ղազարը, որն իր ձեռքն էր վերցրել Արցախի զինվորական գործը, փոխանակ, համաձայն իրենց տրված հրահանգի, գաղտնորեն ու անաղմուկ նախապատրաստել մարտական ուժերը, շրջել է շրջաններում եւ հրապարակավ ու ցուցադրաբար կազմակերպել Արցախի մարտական ուժերի զորահանդեսներ²:

Հ. Ստեփանյանի վկայութեամբ՝ «... ազատ լեռներում օդ ծծող Դալի Ղազարը, Արսէն Միքայելեանը, Զախար Մեսեանն ու ռուս միստր Տէր-Մարտիրոսեանը կազմակերպում են օրը ցերեկով պարատներ (գօրատես) եւ հազարաւոր զինւած հայ գիւղացիների վաշտերը թմբկահարութեամբ զինավարժութիւններ են կատարում վարանտայում եւ Զիւլանշիրում ու Խաչէնում»³:

Նույն օրերին, ըստ Հ. Ստեփանյանի՝ «... փետրուարի 22-ին 1920 թ.ի, Խանքենտում (ներկայիս՝ Ստեփանակերտ) Ասկերանի մօտ, Շուշի-Եւլախ ամբողջ խճուղու վրայ տեղի են ունենում կազմակերպւած հայկական կոտորածներ, իսկ Թարթառի հովտում եւ Մարզուչեան հայկական գիւղում Սուլթանովը զօրք է կենտրոնացնում եւ սպասում է գէնքի ոյժով անմիջապէս գրաւելու Զանախչին (Աւետարանոցը), Քիրսի բարձունքները, ապա Հատրութավանը եւ այլն»⁴:

Դալի Ղազարի չկշռադատված ու ցուցադրական վերոհիշյալ գործողութիւնների իրողութիւնը, ինչպես արդեն նշվել է, վկայակոչում է նաեւ Եղիշե Իշխանյանը:

Իհարկե քնած չէին Արցախում կատարվող իրադարձութիւններին ակնդետ հետեւող Ադրբեջանի իշխանութիւնները:

«... Դալի Ղազարի գալուց յետոյ, գրում է Խ. Մելքոնյանը՝ Ղարաբաղի ինքնապաշտպանական գործը այլ պատկեր է ստա-

¹ Նույն տեղում, էջ 3:

² ՀՀԴ ԿԱ, թժ. 1649, գ. 4, էջ 22:

³ ՀՀԴ ԿԱ, թժ. 1649, գ. 1, էջ 25:

¹ Նույն տեղում, էջ 24:

² Տե՛ս ՀՀԴ ԿԱ, թժ. 1649, գ. 4, էջ 22:

³ ՀՀԴ ԿԱ, թժ. 1649, գ. 3, էջ 8:

⁴ Նույն տեղում:

նում: Կամաց-կամաց ռազմականի է անցնում եւ ամբողջը յայտնի է դառնում Սուլթանովին: Այն որ մինչեւ Դալի Ղազարի գալը գաղտնի էր, յետոյ յայտնի է դառնում, որովհետեւ հրապարակի վրայ էր ամէն ինչ»¹:

Ավելին, Խ. Մելքոնյանի գնահատմամբ՝ «...խորապէս համոզված եմ, որ եթէ Դալի Ղազարը այդ օրերին չգար Ղարաբաղ, երբեք Ա. Միքայելյանը յանձն չէր առնել առանց Ջանգեղուրի եւ Դրօյի կարգադրութեան այդպիսի պատասխանատու գործ սկսել, անգամ եթէ ցանկանար էլ...»²:

Արցախում տեղի ունեցած դեպքերը ներկայացնող նյութերի ուսումնասիրութիւնն աներկբա մատնանշում է, որ արցախահայտնութեան ինքնապաշտպանութեան գործը ընթացել է թույլ կազմակերպվածութեամբ, անփութ եւ ոչ պատշաճ մակարդակով: Արցախ գործուղված ՀՅԴ բյուրոյի ներկայացուցիչներն ու ՀՅԴ Ապառաժի կենտրոնական կոմիտեի եւ Արցախի ինքնապաշտպանական մարմնի անդամները գործել ոչ թե միասնական ու փոխհամաձայնեցված, այլ միմյանցից կտրված: Արցախում տեղի ունեցած իրադարձութիւնները ներկայացնող վավերագրերի հավաստմամբ՝ այդ գործում հիմնական մեղավորները Արցախ գործուղված ՀՅԴ բյուրոյի գործիչներն էին:

Նույն տարվա մարտի 23-ին ադրբեջանական բազմահազարանոց բանակը, որին միանում են Հաջի-Սամյուրի քրդական հեյալ հրոսակախմբերը, տարբեր ուղղութիւններով ներխուժում են Արցախ: Սկսվում են անհավասար, իսկ մի քանի ինքնապաշտպանական շրջաններում՝ հերոսական մարտերը:

Արցախում եւ մասնավորապես Շուշիում ձեռնարկած գործողութիւններին զուգընթաց ադրբեջանական զինվորական ուժերը հերթական անգամ հարձակում են գործել նաեւ Ջանգեղուրի վրա:

Ըստ ՀՀ զինվորական նախարարութեան հետախուզութեան բաժնի պետ կապիտան Տիգրան Դեւոյանի կողմից Հայաստանի զինվորական ուժերի շտաբի պետին ներկայացրած գեկուցագրի՝ ազերի զինական ուժերը Ջանգեղուրի վրա հարձակում են գործել երեք ուղղութեամբ. 1. Մինքենդից դեպի Գորիս, 2. Կարլարայից Ղափանը Ջանգեղուրից կտրելու նպատակով դեպի Ալի-Ղուլի-Ուշաղի եւ Ջերբայիլի կողմից:

Ջանգեղուրի մարտական ուժերը, հերթական անգամ դրսեւորելով մարտական անկոտորում ոգի եւ մարտնչելու անզուգական

վարպետութիւն, մարտի 23-26-ին տեղի ունեցած կռիվներում ջախջախել են թնդանոթների եւ բազմաթիվ հրոսակախմբերի աջակցութեամբ հարձակվող ադրբեջանական 5-րդ եւ 7-րդ գնդերին, որոնք վերջերս էին Բաքվից ու Լենքորանից եկել Ջերբայիլ¹:

Ջանգեղուրում հերթական անգամ պարտութիւն կրելուց հետո Ադրբեջանի իշխանութիւնները իրենց ողջ ուշադրութիւնը կենտրոնացնում են Արցախի վրա:

Պահպանվել է Արցախի դեպքերի վերաբերյալ Հայաստանի Հանրապետութեան զինվորական նախարարութեան ներկայացրած տեղեկատվութիւն-փաստաթուղթը, որը կազմվել է Թիֆլիսի Ամերիկյան Հյուպատոսութեան պահանջով: Դատելով այդ փաստաթղթի կառուցվածքից ու բովանդակութիւնից՝ կարելի է պնդել, որ Հայաստանի զինվորական նախարարութիւնը, հետեւաբար նաեւ կառավարութիւնը, այդ ժամանակահատվածում լիարժեք տեղեկացված էին Արցախում տեղի ունեցած դեպքերի մանրամասներին: Այդ պատճառով Ամերիկյան Հյուպատոսութեան պահանջով կազմած փաստաթղթում Արցախում ծավալված դեպքերը ներկայացված են համառոտակիրորեն եւ ոչ այնքան իրազեկութեամբ:

Համաձայն այդ փաստաթղթի՝ Ադրբեջանի իշխանութիւնները, ձգտելով վերջնականապես լուծել Արցախը Ադրբեջանին ենթարկելու խնդիրը, մարտի կեսերին վերջնազիր են ներկայացնում արցախցիներին եւ պահանջում զինաթափվել, հանձնել զենքերն ու ճանաչել Ադրբեջանի գերիշխանութիւնը: Ադրբեջանի իշխանութիւնները Ադրամի, Խանքենդի եւ մյուս շրջաններում կենտրոնացնում են զինվորական ուժեր, որոնք պիտի ներխուժեին Արցախ ու սանձազերծեին Հայ բնակչութեան կոտորածները:

Մերժելով իրենց ներկայացված վերջնազիրը՝ արցախցիները դիմում են զենքի, եւ նրանց մարտական ուժերը մարտի 22-ին զրավում են Ասկերանը եւ փորձում շրջապատել Շուշիի եւ Խանքենդի (ներկայիս Ստեփանակերտ) թուրքական կայազորները²:

Արցախի մարտական ուժերի ծավալած գործողութիւնների ուսումնասիրութիւնը միանշանակորեն մատնանշում է, որ դրանք, հատկապես Շուշիում, ձեռնարկվել են ոչ այնքան կազմակերպված ու փոխհամաձայնեցված եւ տեղիք են տվել մեծ ողբերգութիւնների ու զոհերի:

Ե. Իշխանյանի հավաստմամբ՝ Շուշիի Հայ բնակչութեան կոտորածը կատարվել է Հայ մարտախմբերից մեկի չկազմակերպված եւ անմիտ

¹ ՀՅԴ ԿԱ, թժ. 1649, գ. 4, էջ 23:

² Նույն տեղում:

¹ Нагорный Карабах в 1918-1923 гг., Ереван, 1992, ст. 432:

² ՀԱԱ, ֆ. 120, ց. 1, գ. 563, թ. 173:

ինքնագործողութունների հետեւանքով: Մարտի 24-ին երեսունհինգ զինյալներ Բագրատ Միքայելյանի գլխավորութեամբ Երեւանյան դռներից ներս են մտնում քաղաք եւ առանց շուշեցիներին դուշըն- ինչ տեղյակ պահելու՝ աննկատ մտնելու եւ շրջապատում են թուրք զինվորների զորանոցը եւ համազարկեր տեղալով՝ պահանջում այնտեղ գտնվող ավելի քան 600 զինվորներին հանձնվել:

Բնական է, որ 600 զինվորներ հենց այնպես, առանց դիմադրութեան չէին կատարելու իրենց ներկայացրած հանձնվելու պահանջը: Այստեղ էլ կատարվում է ամենասարսափելին ու ամենաողբերգականը. վեց հարյուր թուրք զինվորներ արագորեն դուրս են գալիս զորանոցից, հրացանազարկ անում եւ փախուստի մատնում իրենց շրջապատողներին եւ հարձակվում Շուշիի հայ բնակչութեան վրա¹:

Արդյունքում. «... բացի հազարաւոր մարդկային կեանքի կորուստից, նիւթական հսկայական կորուստ ունեցանք, որ հարիւրաւոր միլիոն ռուբլու է հասնում...»

Հարկաւ, եթէ քաղաքի մարդիկ տեղեակ լինէին կատարելիք ակտին, կը կարողանային հնարաւորութեան սահմաններում խուսափել մեծ կորուստ ունենալուց եւ պաշտպանել²:

Ըստ Արցախի ինքնապաշտպանական Մարմնի անդամ, Դիզակի ճակատի հրամանատար Հովակ Ստեփանյանի վկայութեան՝ Շուշիի մեծ ողբերգութեան պատճառը ինքնքեանդում նախօրեին տեղի ունեցած դեպքերն էին:

Հ. Ստեփանյանի գնահատմամբ՝ ինքնքեանդը, որտեղ գտնվել են զենքի պահեստներն ու թնդանոթները, համարվել է Արցախի ապստամբութեան կենտրոնական ճակատը, որի հրամանատարութիւնը հանձնարարված էր գնդապետ Մեսյանին: Նրա գլխավորութեամբ մարտական ուժերը պիտի հարձակվեին ինքնքեանդի վրա, գրավեին այնտեղ ամբարված զենքն ու զինամթերքը, թնդանոթները, ապա առաջնային դեպի Շուշի եւ պաշտպանեին քաղաքը հակառակորդի հնարավոր հարձակումներից: Սակայն դեպքերը զարգանում են վատթարագույն ուղղվածութեամբ: Այն մարտական խումբը, որը մտնում է ինքնքեանդ, ինչ-ինչ պատճառներով առաջնորդում է ոչ թե անձամբ գնդապետ Մեսյանը, այլ Ալեքսանդր զային ու սպա Լալայանը, որոնք հաջողութեամբ գրավում են ավանը, բայց չեն կարողանում իրենց ձեռքում պահել: Ալեքսանդր զային անձնատուր եղած թուրք զինվորների վրա կրակ է բացում, իսկ թուրք զինվորներից

մի քանիսը զենքի դիմելով, սպանում են նրան, ապա եւ սպա Լալայանին: Առաջնորդների սպանվելը վճռական ազդեցութիւն է գործում: Արցախցի մարտիկները, խուճապի մատնվելով, լքում են մարդաշտն ու դիմում փախուստի¹:

Հ. Ստեփանյանի գնահատմամբ՝ «... այս դժբախտութիւնը պատճառ է դառնում Շուշու մեծ տրագեդիային, քանի որ ինքնքեանդում առատ ռազմամթերքը մտնում է թշնամու ձեռքում, ինչպես եւ դաշտային թնդանոթները... ամենամեծ անյաջողութիւնը հէնց այդտեղ պատահեց: Միւս կողմից դրսից մեծ յաջողութեամբ Շուշի մտած վարատար Ներսէս Ազբէկեանը փոխանակ անմիջապէս գրաւելու զորանոցը, բարձրանում է Ռիզին Բախչա կոչւած վայրը եւ այնտեղից յիմարաբար համազարկեր տեղում քնած ասկեարների վրայ, որոնք զարթնելով դիմում են ինքնապաշտպանութեան, ապա եւ գնդապետներից կրակ բաց անելով՝ զինւած հայերին փախուստի են մատնում: Գիւղացի առաջնորդները եւ զինւորները հեշտութեամբ նահանջում են՝ չմտածելով, թէ ինչ հանցաւոր քայլ են անում...»

Շուշում երբ թուրքերը հաստատ լուր են առնում ինքնքեանդը դեպքի մասին, իսկ քաղաք մտած հայ ոյժերի անշնորք գործողութիւնն էլ աւելի երես տալիս նրանց, սկսում են կրակել տները, թալանել եւ կոտորել հայ բնակչութեանը: Հայ քաղաքացիների մեծամասնութիւնը ահաբեկւած թողնում է քաղաքը եւ նահանջող ոյժերի հետ մտնում գաւառ: Շուշում մտնում են 3-4 հազար հայեր՝ Ռուբէն Շահնազարեանի յորտորներով: Դրանց մեծ մասը կոտորւում են եւ բռնաբարւում: Սպանւում է եւ թեմի առաջնորդը...»²:

Համաձայն Ադրբեյջանի զինվորական նախարարարութեան տեղեկագրում տեղ գտած՝ Զանգեզուրում ու Արցախում կատարվող դեպքերին առնչվող տեղեկութիւնների, «Մարտի 22-ին ապստամբները գրավել են Ասկերանը եւ շրջապատել Շուշիի եւ ինքնքեանդի թաթարական կայազորները:

Շուշիում թաթարները պատասխանել են անխտիր կոտորածներով (մարտի 22-ին սպանվել է 8000 մարդ) եւ Զանգեզուրի վրա ձեռնարկած ընդհանուր հարձակումով...»³:

Ինչպիսի՞ն էր Արցախի եւ ազերի մարտական ուժերի հարաբերակցութիւնը:

Ըստ ՀՀ զինվորական նախարարութեան գլխավոր շտաբի կազմած վերոհիշյալ տեղեկագրի՝ հայկական բանակի գլխավոր շտաբը

¹ Տե՛ս Իշխանեան Ե., Ըշվ. աշխ., էջ 612:

² Նույն տեղում:

¹ Տե՛ս ԳՅԴ ԿԱ, քծ. 1649, գ. 3, էջ 14, 14 ք:

² Նույն տեղում:

³ Нагорным Карабах в 1918-1923 гг., Ереван, 1992, ст. 416:

Ամերիկյան Հյուսիսատոսթյան ուշադրությունն է ներկայացնում Արցախի եւ ազերի մարտական ուժերի մոտավոր քանակը: Եթե հիմք ընդունենք տեղեկագրում ներկայացված տվյալները, ապա պարզվում է, որ այդ նույն ժամանակահատվածում Արցախում զինված տղամարդկանց քանակը հավասար է եղել մոտավորապես 30.000-ի: Տեղեկագրում նշված է, թե 30.000 զինված տղամարդկանցից որքանն է մասնակցել Արցախի տարբեր շրջաններում ընթացող ինքնապաշտպանական մարտերին¹:

Այս առումով տեղեկագրում համեմատաբար ավելի սպառիչ ու որոշակի են ներկայացված Արցախի վրա հարձակվող ազերի զորքերի քանակի մասին տվյալները:

Արցախի վրա տարբեր ուղղություններից հարձակվող զորքերի քանակը կազմել է. «Ընդամենը. 4 հետեւակային, 3 հեծյալ գնդեր եւ ռոտմիստր Սուլթանովի քրդական 4-5 ջոկատներից բաղկացած հեծյալ դիվիզիոնը: Սովորաբար դարաբաղյան կոիվների ժամանակ ադրբեջանական գործող կանոնավոր զորքերի գնդերի անձնակազմը առավելագույնս համալրվում էր, եւ նրանց կազմում կարելի է հաշվել 8000 սվին եւ 2000 սուր»²:

Եթե հիմք ընդունենք այդ տվյալները, ապա ստացվում է, որ Արցախի վրա հարձակվող 4 հետեւակային գնդերը իրենց կազմում ունեցել են 32.000, իսկ 3 հեծյալ գնդերը՝ 6000 զինվորները եւ այդ ամենին գումարած՝ ռոտմիստր Սուլթանովի քրդական 4-5 ջոկատներից բաղկացած հեծյալ դիվիզիան:

ՀՀ զինվորական նախարարության գլխավոր շտաբի կազմած տեղեկագրում ներկայացված տվյալները միանշանակորեն ցույց են տալիս, որ եթե նույնիսկ Արցախի 30.000 զինված տղամարդիկ ամբողջությամբ մասնակցեին մարտական գործողություններին, ապա դարձյալ գուտ քանակական առումով զգալիորով զիջել էին ազերի մարտական ուժերին:

Արցախում վաղաժամ բռնկված դեպքերի ուսումնասիրությունը հավաստում է, որ ազերի բանակի ու քուրդ հրոսակախմբերի հարձակման հետեւանքով Արցախի մարտական ուժերը կոիվների առաջին օրորին հայտնվել են ծանրագույն կացությունում:

Դեպքերի մասնակից Աբրամ Կիսիբեկյանը, որն այդ օրերին գտնվում էր Դիզակի մարտական ուժերի հրամանատար Հովակ Ստեփանյանի շտաբում, իր հուշերում գրում է, որ Արցախում ստեղծված դժվարին կացությունը հրամայաբար թելադրում էր ինչ-որ ելք փնտրել ու դուրս

գալ այդ ճգնաժամային իրավիճակից: Այդ նպատակով պիտի տեղի ունենար խորհրդակցություն, հանկարծ «... շնչապառ ու ստկալի թրջված, ամբողջապես ցեխի մեջ, հոգնած ու բեզարած՝ ներս մտավ կենտրոնական շտաբի պատանի սուրհանդակը: Նա գալիս էր Սարուշենից: Նա, ծոցից հանելով մի ծրար, հանձնեց Ստեփանյանին, որը բանալով ծրարը՝ նախ կարդաց մտքում և ապա բարձր ձայնով: Նա խիստ հուզված էր և այլալված. «Շուշվա հայկական մասը մոխրակույտերի է վերածված, ամբողջ քաղաքի հայկական մասը դեռ ծխում է. բնակչության մի մասը ազատված է, մի մասը՝ կոտորված, իսկ մի զգալի մասի վիճակն էլ դեռ անորոշության մեջ է: Ասկերանը՝ Դալի Ղազարի անմիջական մասնակցությամբ ու ղեկավարությամբ, շարունակում է պաշտպանվել, սակայն երկար շարունակել այս դրուժյունն անհնար է:

Ինչ գնով էլ ուզում է լինի, կապվեցեք Զանգեզուրի հետ և իրագեկ դարձրեք մեր դրուժյանը, հապաղումը կխորտակի բոլորիս: Աշխատեցեք փամփուշտ հասցնել մեզ»³:

Ա. Միքայելյանի աջակցությունը վայելող Դալի Ղազարի ինքնագործունեության համար Արցախը կարող էր շատ թանկ վճարել:

Իր հուշագրությունում հաստատելով Աբրամ Կիսիբեկյանի վերոհիշյալ տեղեկությունը՝ Հ. Ստեփանյանը գրում է. «Ա. Միքայելեանը օրական 3-4 անգամ սուրհանդակներ է ուղարկում ինձ մօտ եւ իր նամակներով ուղղակի աղաչում է ինձ փրկել Ղարաբաղը եւ իրեն:

«Դու արիր աւելին, ո՛վ հերոս Յովակ. ի սէր մեր ընդհանուր գործի շարունակիր եռանտով եւ գնա Զանգեզուրից բեր այն ազատարար զօրքը... Նեղճ Դալի Ղազարը թառել է Ասկերանի կիրճին եւ հայացքը յառել է դէպի քեզ: Ամբողջ Ղարաբաղի փրկութեան բանալին քո ձեռքին է...»²:

Այդ օրերին Արցախում կատարվող դեպքերի վերաբերյալ տարբեր թերթերում տեղ գտած անդրադարձներում նշվում են ոչ այնքան հավաստի տեղեկություններ, ըստ որոնց Արցախում ընթացող կոիվներին մասնակցում են նաեւ Դրոյի գլխավորած հայկական կանոնավոր զորամասերը: Վերոհիշյալ տեղեկագիրը, ժխտելով Արցախյան կոիվներին նրա մասնակցության փաստը, նշում է. «... նույնիսկ ադրբեջանական զորքերի կողմից ապրիլի 3-ին Ասկերանի գրավման ժամանակ Դրոն դեռեւս գտնվում էր Երեւանում»³:

Դժվար է միանշանակ պնդել, թե ինչպիսի՞ ճակատագիր էր սպասում արցախահայությանը, եթե Հայաստանի Հանրապետու-

¹ Տե՛ս նույն տեղում:

² Նույն տեղում, ք. 174:

¹ Կիսիբեկյան Ա., Դուշեր, հ. 1, Երևան, 2011, էջ 482:

² ԳՅԴ ԿԱ, քժ. 1649, գ. 3, էջ 16:

³ ԴԱԱ, ք. 120, գ. 1, գ. 563, ք. 173:

թյունը օգնութիւն չցուցարեբեր Արցախին: Անհրաժեշտ էր ինչ-որ ելք գտնել, վճռական քայլեր ձեռնարկել, արմատական բեկում մտցնել ծավալվող մարտական գործողութիւններում:

2. Ստեփանյանը Սարուշենի կենտրոնական շտաբին գրում է պատասխանը եւ այնտեղից եկած սուրհանդակին ճանապարհելուց հետո, գումարում է խորհրդակցութիւն: Ըստ նրա տեղեկացման՝ իրոք, ինչպես իրենց, այնպես էլ Արցախի մյուս շրջանները գտնվում են հուսահատական իրավիճակում: Նրա գնահատմամբ՝ եթե դեպքերն այդպես շարունակվեն, ապա Արցախը կենթարկվի սոսկալի ավերածութեան: Հիմք ունենալով Արցախում տիրող ճգնաժամային կացութիւնը՝ 2. Ստեփանյանը գտնում է. «...մեզ մնում է լուծել միայն մի խնդիր՝ Զանգեզուրին իրագեկ դարձնել: Ահա այժմ թէ ինչ է պահանջվում մեզանից. ինչ գնով էլ ուզում է լինի, այս գիշեր մենք պետք է մարդ ուղարկենք Զանգեզուր: Լեռնային Ղարաբաղը կարող են ազատել անձնուրաց, քաջ, ճարպիկ և ճանապարհների լավ ծանոթ մարդիկ»¹:

Մվ պետք է ուղեւորվեր Զանգեզուր: Այդ պահին դա էր 2. Ստեփանյանին եւ խորհրդակցութեան մասնակիցներին հետաքրքրող կարեւորագույն հարցը: Արդյոք կգտնվեն արժանավոր քաջարի եւ տեղանքին քաջածանոթ մարդիկ, որոնք հանձն կառնեն մեկնել Զանգեզուր ու այնտեղից Արցախ հասցնել փրկարար օգնութիւնը:

Խորհրդակցութեան մասնակիցների թվում է եղել Տումի գյուղի բնակիչ Թեւան Ստեփանյանը², որը ոտքի կանգնելով՝ ասում է. «-

¹ Եւրոպ. տեղում, էջ 485:

² Թեւան Ստեփանյանը Արցախում տեղի ունեցած բազմաթիվ կռիվներում իրեն դրսեւորել է որպէս լեգենդար հերոս:

Թեւան Ստեփանյանը ծնվել է 1892-ին ԼՂ-ի Դիզակի(Հադրութ) շրջանի Տումի գյուղում: Ուսանել է Թիֆլիսի ռազմական դպրոցում, ապա ցարական բանակի կազմում մասնակցել առաջին աշխարհամարտին: Հոկտեմբերյան հեղաշրջման հետեւանքով ռազմաճակատի քայքայումից հետո՝ 1918-ի գարնանը վերադառնում է Արցախ, հայրենի Տումի: Հադրութի շրջանում կազմում է մարտական խումբ, որը պաշտպանում էր Արցախի հարավային սահմանները ներկայիս Ֆիզուլիի կողմից պարբերաբար կրկնվող հարձակումներից: Թեւանի գլխավորած հեծյալ ջոկատը կարեւոր մասնակցություն է ունեցել 1918-ի հոկտեմբերի 18-ին Վարանդայի(Մարտունի) շրջանի Մամնա գյուղի մոտ տեղի ունեցած հաղթական ճակատամարտում:

1920-ին ապրիլին Շուշի կայսական կոտորածից հետո, երբ Դրոյի ղեկավարությամբ ՀՀ զինված ուժերը մուտք են գործում Արցախ, Թեւանը նշանակվում է Դիզակի հրամանատար: Եւրոպ. թվականի ապրիլի 28-ին Ադրբեջանի խորհրդայնացումից եւ մայիսի 26-ին Դրոյի հեռանալուց հետո բոլշեւիկները

ներխուժում են Արցախ: Սկսվում են ձերբակալություններ, քաղաքական հետապնդումներ: Բոլշեւիկ չեկիստները կալանավորում են Թեւանին, բայց նրան հաջողվում է բանտից փախչել ու վերադառնալ Արցախ: Հաստատվելով հայրենի եզերքում, նա ծրագրում է՝ կազմակերպել արցախահայության ապստամբությունն ու հռչակել Արցախի անկախությունը: Այդ նպատակով նա 1920 թ. նոյեմբերին մեկնում է Չանգեզուր, հանդիպում Ռուբեն Լարիմյանի ու Գ. Լժեհի հետ, ու նրանց հետ մշակում Արցախի ազատագրման ծրագիրը: Վերադառնալով Արցախ, Թեւանը ձեռք է բերում զենք ու զինամթերք եւ կազմակերպում է 800, ապա՝ 1800 մարտիկներից բաղկացած մարտական խումբ եւ բոլշեւիկներից ազատագրում է Մեծ Թաղար, Խժաբերդ, Դրախտիկ, Սուգ, Սարուշեն, Քեշիշքենդ, Ճարտար ու Մաւե ներկայիս Ստեփանակերտը եւ Շուշին կտրում Ադրամից: Խորհրդային զորամասերը փախչում են Ջերբայի կողմերը: Ազատագրելով Դիզակի ու Վարանդայի շրջանները, ինչպէս նաեւ Խաչենի որոշ գյուղեր՝ Թեւանը Արցախը հայտարարում է Հայաստանի անբաժանելի մաս:

Հայաստանի փետրվարյան, ինչպէս նաեւ Լեւոնդրամի ու, Թալիշի ապստամբությունները ճնշելուց հետո Կարմիր բանակի զորամասերը անցնում են հարձակման եւ ներխուժում են նաեւ Արցախ: Թեւանի սակավաթիվ ուժերը թեպէտ հերոսաբար կռվում են, սակայն չեն կարող երկարատեւ դիմադրություն ցույց տալ հակառակորդի մեծաքանակ ուժերի հարձակումներին: Կարմիր բանակի զորամասերը պաշարում են հաղորդակցության բոլոր ուղիները: Անհավասար մարտերում արցախցիները նահանջում են: 1921 թ. ապրիլի 18-ին Թեւանը 700 զինակիցների հետ կատաղի մարտերով հասնում է սյունեցիների բացած Չաբուղի միջանցքին եւ անցնում Լեռնահայաստան, ավելի ուշ՝ Պարսկաստան:

1941-ին Ադրբեջանի կոմկուսի կենտկոմի առաջին քարտուղար Միրջաֆար Բաղիրովը Իրանում խորհրդային հետախուզության աշխատակից Էդուարդ Մարտիրոսովին հանձնարարում է գտնել ու ձերբակալել Թեւանին: Մտավախություն կար. որ նա կարող է վերադառնալ Արցախ ու հակախորհրդային գործունեություն ծավալել:

Թեւանն այդ տարիներին Պարսկաստանում աշխատել է որպէս ճանապարհաշինարար: Մարտիրոսովն ու մի քանի չեկիստ, որոնցից մեկը՝ արցախցի, 1941-ի հոկտեմբերի 25-ին, համաձայն նախապէս մտածված ծրագրի, մեքենայով կանգ են առնում Թեւանի բրիգադի մոտ, բացում իբր խափանված մեքենայի շարժիչի խցի կափարիչը, եւ արցախցու ընդգծված բարբառով բարձրաձայնում՝ ճանապարհին մնալու, շարժիչից զլուխ չհանելու մասին: Թեւանը, լսելով հայրենակիցների ձայնը, մոտենում է եւ փորձում օգնել: Ու երբ կռանում է շարժիչը նայելու, չեկիստ, հայրենակիցները ուրրում են ձեռքերը, մտցնում մեքենա, ապա գնացքով տանում են Բաքու: Կանգառներից մեկում գնացքը վերահսկող չեկիստները բացում են խցիկի դուռն ու տեսնում, որ այն դատարկ է: Պարզվում է, որ անգամ ոտքերն ու ձեռքերը կապված վիճակում Թեւանը կարողացել է ատամներով պոկել հատակի տախտակներն ու իրեն

Պարոն Ստեփանյան, ձեր ցանկացած մարդիկ մեզ մոտ կան, որոնք և՛ քաջ են, և՛ ճարպիկ ու ճանապարհհեռի լավ ծանոթ, եթե թույլ տաք, իսկույն կկանչեմ նրանց:

Ստեփանյանը, մի տեսակ զարմացած և կարծես թեթեւություն գրավով, հարցրեց.

-Ովքե՞ր են դրանք:

-Հարար գյուղացի Բախչի Պողոսյանը և Խոծաբերդ գյուղացի Մանգի Թամրազյանը...»¹:

Այդ ժամանակ Արցախ- Չանգեզուրի կապը իրականացվում էր Խոծաբերդ-Հարար-Կոռնիձոր գծով, հիմնականում սուրհանդակների միջոցով, որոնք շատ լավ ծանոթ էին ճանապարհների, արահետների, զանազան անցքերին ու թաքստոցներին: Գլխավորապես հենց սուրհանդակների անմիջական մասնակցությամբ ու առաջնորդությամբ է կատարվել Չանգեզուրից զենք ու զինամթերքի փոխադրությունը Արցախ²:

Հաջորդ օրը՝ երեկոյան ժամը 6-ին, սուրհանդակները վերադառնում են ռազմակայան և Ն. Ստեփանյանին հանձնում մի ծրար, որտեղ գրված էր. «Հայկական զորքը գրավել է Հարարը, վաղ առավոտյան 200 ձի ու ջորի պետք է լինեն Հարարում՝ Չանգեզուրից ռազմամթերք տեղափոխելու համար»³:

Բախչի Պողոսյանի պատմածից պարզվում է, որ երբ իրենք առավոտյան հասել են Հագարու գետը, հանդիպել են սահմանապահ հայ զինվորներին, որոնք իրենց ստուգել են, ապա տարել ընդհանուր հրամանատարի մոտ: Սուրհանդակները հրամանատարին հանձնել են իրենց մոտ գտնվող նամակը և նրա կարգադրությամբ փորձել են փոքր-ինչ հանգստանալ, բայց ապարդյուն: Այդ պահին Հագարա-Հարար ուղղությամբ սկսել են գործել թուրքական թնդանոթները: Դեպի Արցախ ուղեւորվող հայկական զորամասերի դեմ

կանգնած էր ադրբեջանական կանոնավոր բանակը, որը, դիրքավորվելով Սաֆյան և Լուրթճիլար թուրքական գյուղերի արանքում գտնվող խոր ու նեղ ձորակում՝ թնդանոթներից կրակ էր տեղում հայկական Կոռնիձոր գյուղի վրա:

Սուրհանդակների հավաստմամբ՝ «Մոտ մեկ ժամ տեւող թնդանոթամարտից հետո հայտնաբերելով պատսպարված թշնամուն և ոչնչացնելով նրա հրետանին՝ դադարեց դիմադրությունը, որից հետո հայկական բանակը 2-3 ժամվա ընթացքում հասավ Հարարի արեւմտյան սահմանին: Մեր սահմանապահները՝ Հարարի արեւելյան սահմանակից սարից, իսկ Չանգեզուրից հասած բանակը՝ Հարարի արեւմուտքից գրոհելով գրավեցին Հարարը»¹:

Չանապարհը դեպի Արցախ բաց էր: Հ. Ստեփանյանի կարգադրությամբ հայկական գյուղերը իսկույն հավաքում են պահանջված 200 ձին ու ջորին և հաջորդ առավոտյան ուղարկում Խոծաբերդ, ապա Կոռնիձոր, որտեղ գտնվում էին զինապահեստները:

Իրենց հետ Չանգեզուր տարած 200 ձին ու ջորիները բարձելով զենք ու զինամթերքով՝ արցախցիների քարավանը Կոռնիձոր-Հարար- Խոծաբերդ գծով վերադառնում է Արցախ, իսկ հայկական զորքը Արցախ է հասնելու փոքր-ինչ ավելի ուշ:

Հ. Ստեփանյանի տեղեկացմամբ՝ «Մարտի 28-ին վերջապես գետն անցան հայկական զորքերը և ես մարտի 29-ին 300 հոգով հանդիպեցի զնդապետ Թարիվերտեանին, տեղի զեկուցում, ապա խնդրեցի առանց յետաձգելու հասնել օգնութեան Ասկերանին, որ քանիցս հերոսաբար յետ է մղել թշնամու գրոհները»²:

Այդ գործողությունների մասնակից Ա. Կիսիբեկյանի նկարագրությամբ՝ «Մեր քարավանը 1 կմ-ից ավելի էր ձգված: Առջևից գնում էին հարյուրյակ հեծյալներ, նրանց հետևում էր հետևակ զորքը՝ թվով 400 հոգի: Չորքի հետևից գնում էին ջորիներն իրենց ծանր քարավանը՝ բարձած ռազմամթերքով: Սրանց հետևում էին ևս երկու հարյուրյակ հետևակ զինվոր, իսկ բոլորի վերջը՝ հետևում էր մի հարյուրյակ հեծյալներ: Այսպիսով մեզ հետ գալիս էր 200 հեծյալ և 8000 հետևակ:

Մենք մեզ հետ բերում էինք Լարարաղ 2 թնդանոթ, 600 ուումբ, քսան չորս զնդացիք և մոտ միլիոն ու կես փամփուռ...»³:

Չենք ու զինամթերքով բեռնված քարավանը զնդապետ Թարիվերդյանի գլխավորած առաջապահ զորամասի պաշտպանությամբ

նետել գնացքից: Չեկիստները որոնում և գտնում են ուշակորույս վիճակում գտնվող Թեւանին:

Ինչպե՞ս է դասավորվել նրա ճակատագիրը. մինչ օրս այնքան էլ պարզ չէ: Հայաստանի Ազգային անվտանգության ծառայությունը պաշտոնական նամակով դիմել է Ռուսաստանի Անվտանգության դաշնային ծառայությանը՝ պարզելու նրա ճակատագիրը: Հարցման պատասխանում նշված է, որ Թեւան Ստեփանյանի մասին 1942-ի սեպտեմբերի 16-ին, ՈՂԽՍՅ քրեական օրենսգրքի 58-2, 58-6, 58-8 հոդվածներով կայացվել է գնդակահարության դատավճիռ:

¹ Կիսիբեկյան Ա., նշվ. աշխ., էջ 482:

² Տե՛ս նույն տեղում, էջ 483:

³ Նույն տեղում, էջ 490:

¹ Կիսիբեկյան Ա., նշվ. աշխ., էջ 490:

² ՀՀԳ ԿԱ, թժ.1649, գ. 3, էջ 16բ:

³ Կիսիբեկեան Ա., նշվ. աշխ., էջ 496:

անկորուստ հասնում է Դիզակի գավառի (ներկայիս Հաղրութ շրջանը մինչև Արաքս գետ) Մեծ Թաղյար, ապա Ներքին Թաղավար գյուղը եւ այնտեղից ուղեւորվում Վարանդայի շրջանի (ներկայիս Մարտունի) Սարուշեն գյուղը, որտեղ գտնվում էր Արցախի ինքնապաշտպանութան կենտրոնական շտաբը:

«Այսպիսով, գրում է Ա. Կիսիբեկյանը, 1920 թ. ապրիլի սկզբներին համառ պայքարով, սոսկալի տանջանքներով ու զրկանքներով, աննկարագրելի ու գերմարդկային զոհաբերութուններով Ղարաբաղի հայ ժողովուրդը կապվեց իր մայր երկրի հետ, և այսպիսով կատարվեց նրա իղձը»¹:

Ճիշտ է, Հայաստանի կողմից Արցախին տրամադրված գինական օգնությունը շատ կարեւոր էր, սակայն մարտադաշտում տիրող իրավիճակը դեռեւս բարդ էր ու անորոշ:

Արցախի մարտական ուժերի դիմադրությունը ընկճելու եւ մարզը մեկընդմիջտ նվաճելու նպատակով Ադրբեջանի իշխանությունները կենտրոնացնում են իրենց զինական ուժերը եւ գրոհներ ձեռնարկում հետեւյալ երեք ուղղություններով. «...1. Ասկերան-Շուշի խճուղի, 2. Խաչենի Վանք գյուղի ուղղությամբ դեպի Աղզամ, 3. դեպի Ղարաչինար, էրքեջ եւ Գյուլիստանի շրջանները»²:

Գերմարդկային ջանքերի զնով արցախցիները դիմադրում եւ մի շարք կռիվներում հաղթանակներ էին տանում ազերի կանոնավոր զորագնդերի դեմ, սակայն իրավիճակը շարունակում էր մնալ չափազանց դժվար ու անորոշ: Առանձնապես դժվարին կացություն է ստեղծվում Ասկերանի ճակատում:

Մարտի 27, 28, 29-ին եւ ապրիլի 1-ին Ադրբեջանի բանակի զորամասերը մահճողական հրոսակախմբերի աջակցությամբ բազմիցս հարձակումներ են ձեռնարկում Ասկերանի ինքնապաշտպանական ուժերի դիրքերին, բայց չեն կարողանում ընկճել քաջաբար դիմակայող արցախցի մարտիկների դիմադրությունը:

Ասկերանի ճակատի մարտիկներն անկոտրում պաշտպանությամբ հետ մղելով հակառակորդի բազմիցս կրկնվող հարձակումները՝ ժամ առ ժամ սպասում են Ջանգեզուրի մարտական ուժերի ժամանմանը:

Արցախում տիրող իրավիճակի ու արցախահայության ինքնապաշտպանական ուժերի մղած կռիվների մանրամասները քննարկվել են, ինչպես արդեն նշվել է, 1922 թ. հունիսին Ջանգեզուրի եւ Արցախի ՀՅԴ գործիչների մասնակցությամբ Թավրիզում կայացած ժողովի 15 նիստերում: Խորհրդածողովի նախագահ Գերասիմ Բալայանի եւ

քարտուղար Ջախար Յոլյանի ստորագրությամբ կազմվել է գեկուցագիր-տեղեկագիր, որը ներկայացվել է ՀՅԴ բյուրոյին¹:

Ներկայացնելով Արցախում եւ մասնավորապես Ասկերանի ճակատում տիրող կացությունը՝ գեկուցագրում նշվում է. «...Ասկերանի վրայ տեղի ունեցած յարձակումը թէեւ յետ է մղում թշնամու համար մեծ կորուստներով, բայց առիթ տալիս Դալի-Ղազարին պահանջելու Ա. Միքայելեանից, բերել տալ Ջանգեզուրից շտապ կերպով հայկական զորքեր, առանց որոնց հնարաւոր չէ Ասկերանի պաշտպանութիւնը:

Ա. Միքայելեանը, նոր ըմբռնելով թէ ինչ փորձանք է բերել Ղարաբաղի գլխին, թէ առանց դրսի զգալի օգնութեան, կարճ ժամանակամիջոցում, ամբողջ Ղարաբաղը պիտի աւերւի, գրաւոր, օրը երկու-երեք անգամ անդադար սուրհանդակ ուղարկելով Դիզակի հրամանատար Յ. Ստեփանեանի մօտ, աշխատում է՝ ինչ զնով ուզում է լինի, կապ հաստատել Ջանգեզուրի հետ եւ բացատրել, որ եթէ մի երկու օր էլ նոքա ուշանան, Ղարաբաղը դատապարտւած է կործանման»²:

Հովակ Ստեփանյանը Դիզակի (ներկայիս Հաղրութի շրջան) մարտական ուժերի հրամանատարն էր: Նրա հրամանատարությամբ գործող Դիզակի ինքնապաշտպանական ուժերը իրենց քաջաբար էին դրսեւորել կռիվներում եւ բազմիցս հետ մղելով հակառակորդի հարձակումները՝ թույլ չէին տվել ազերի զորքերին՝ ներխուժել Դիզակի տարածք:

Հ. Ստեփանյանի հավաստմամբ՝ «Մարտի 23-ից մինչև 27-ը 1920 թ. Դիզակի ճակատում իմ անմիջական հրամանատարութեամբ եւ Սասունցի Մանուկի օգնութեամբ տեղի են ունենում յանդուգն ու անհաւասար կռիւներ: Ինձ յաջողում է մարտի 24-ին մտնել Մուսուրմանլար, գրաւել երկու թնդանօթ, 120 հրանօթ (նկատի ունի թնդանօթի արկեր-Հ.Գ.), 25 հազար փամփուշտ եւ ամբողջ կայազորի (գարնիզոն) շտաբն իր բոլոր պարագաներով...»:

Թեպետ մարտի վերջին օրերին եւ ապրիլի 1-ին տեղի ունեցած կռիվներում Դալի Ղազարի հրամանատարությամբ մարտնչող Ասկերանի մարտական ուժերը կարողացել էին հետ մղել հակառակորդի բազմիցս ձեռնարկած հարձակումները, սակայն այդ ճակատում տիրող իրավիճակը մարտական ուժերի բացարձակ անհավասար

¹ Լույս տեղում, էջ 500:

² Լույս տեղում:

¹ Տե՛ս ՀԵՂ ԿԱ, քժ. 1649, գ. 1, էջ 34:

² Լույս տեղում, էջ 34:

րության պատճառով գնալով ավելի ու ավելի էր դառնում չափազանց ծանր ու տագնապալի:

Ապրիլի 3-ին ազերի 8-10.000 թվակազմ ունեցող մեծաքանակ զորքը եւ 6.000 զինյալներից բաղկացած հրոսակախմբերը 8 թնդանոթներից ու բազմաթիվ զնդացիներից տեղացող կրակի աջակցութեամբ վճռական գրոհ են ձեռնարկում Ասկերանի պաշտպանների դիրքերին: Կռիվը տեւում է ընդամենը երկու ժամ: Ասկերանի ինքնապաշտպանական ուժերը, սպառելով զինամթերքը, հարկադրված լքում են դիրքերն ու նահանջում: Զոհվում է Ասկերանի ճակատի հրամանատար Դալի Ղազարը¹:

Արցախում տեղի ունեցած մարտական գործողությունների ուսումնասիրութունը ցույց է տալիս, որ այդ բախտորոշ իրավիճակում ավելի քան անհասկանալի ու տարօրինակ է գնդապետ Ա. Թարվերդյանի կիրառած մարտավարութունը:

Ըստ իս. Մելքումյանի՝ ապրիլի 2-ին գնդապետ Ա. Թարվերդյանը, որի գործողություններն առավելապես աչքի են ընկել անվճռականութեամբ ու դանդաղկոտութեամբ, ապրիլի 2-ին Ասկերանի ճակատ է ուղարկել ընդամենը մեկ հեծյալ հարյուրյակ, այն էլ՝ ուշացած²:

Ա. Կիսիբեկյանը իր հուշերում նույնպես ընդգծում է, որ գնդապետ Թարվերդյանի կիրառած մարտավարութունում նկատվում էին թերացում ու անվճռականություն: Արցախում, հատկապես Ասկերանի տեղամասում ծավալվող դեպքերը հրամայաբար պահանջում էին, որ Արցախ հասած մարտական ողջ ուժերն անհապաղ շտապեին մարտադաշտ եւ օգնութեան հասնեին ծանրագույն իրավիճակում հայտնված Ասկերանի պաշտպաններին: Գնդապետ Թարվերդյանը պարտավոր էր գործել հենց այդ մարտավարութեամբ, բայց դրա փոխարեն, ըստ Կիսիբեկյանի, Սարուշենից ընդամենը չորս գնդացի է ուղարկել Ասկերանին օգնութեան: Իսկ հաջորդ օրը, երբ թնդանոթները հասնում են Հարավ գյուղը, ազերի հեծյալ գունդը հաղթահարում է Ասկերանի պաշտպանների դիմադրութունն ու ներխուժում բերդ:

Հենց այդ ժամանակ զոհվում է Ասկերանի ճակատի հրամանատար Դալի Ղազարը³:

Կիսիբեկյանի պնդմամբ՝ «...եթէ Թարվերդյանի փոխարեն աշխարհագրական դիրքին ծանոթ մի այլ զինվորական լիներ նա խճուղին,

որտեղով անցնում էր ադրբեջանական զորքը, իր կրակի տակ առնելով, թույլ չէր տա ազատ կերպով ներխուժելու թշնամուն»¹:

Դեպքերի թելադրանքով նույն ճակատի հրամանատարութունը ստանձնած գնդապետ Զ. Մեսյանը՝ ստեղծված կացութիւնը շտկելու նպատակով, հաջորդ օրը դիմում է Հանդուգն ու վճռական քայլի:

Արսեն Միքայելյանի վկայութեամբ, Մեսյանը, դիմելով զինվորներին ասում է. «Ես, իմ մաուզեր ատրճանակիս մէջ ունիմ միայն 8 փամփուշտ: Կա՞ն ձեր մէջ տղաներ մի քանի փամփուշտներով, որոնք կամենում են մեռնել ինձ հետ:

- Մենք բոլորս պատրաստ ենք, - պատասխանում են:

- Հետեւեցէք ինձ, ուրեմն:

Եվ նրանք՝ այդ կտրիճները, գիշերուայ մթութեան մէջ առաջ են շարժում եւ հասնում Աղնէքի բարձունքներին վրայ պառկած զինուորների դիրքերին: Գաղտագողի կերպով նրանք մտնում են թշնամուն, թուով մի քանի հարիւր, եւ «ուռաներով», - «Դրօն եկել է», «Հայկական զօրքը հասել է» ազաղակներով յարձակում են նրանց վրայ, ջարդում նրանց եւ խլում բաւականաչափ փամփուշտներ եւ մէկ գնդացի: Գիշերային եւ յուսահատական այդ յարձակումը անակնկալ է բերում թշնամուն, որ նահանջում է դէպի խճուղին եւ դէպի Շուշի»²:

Թեպետ Ասկերանի ուղղութեամբ գնդապետ Զ. Մեսյանի գլխավորած զորաջոկատին հաջողվում է փախուստի մատնել եւ դուրս պրծնել շրջապատումից, այնուամենայնիվ, ադրբեջանական բանակի հրամանատարութունը կարողանում է լրացուցիչ մարտական ուժեր նետել մարտադաշտ եւ ապրիլի 3-ին գրավել Ասկերանը:

Ապրիլի 7-ին ազերը հարձակման են անցնում նաեւ Շուշի հեռակետից եւ գրավելով մի քանի հայկական գյուղեր՝ ապրիլի 12-ին հասնում մինչեւ Քելիքենդ եւ Սինախ: Հայկական մարտական ուժերը համառ պաշտպանութեամբ կարողանում են կասեցնել հակառակորդի հարձակումը: Այս անգամ դարձյալ իր վճռորոշ խոսքն է ասել նախորդ կռիվներում աչքի ընկած գնդապետ Մեսյանը: Ծնորհիվ նրա կազմակերպած հուժկու հակահարվածի՝ ադրբեջանական զորքերը, մարտադաշտում թողնելով բազմաթիվ սպանվածներ ու վիրավորներ, դիմում են փախուստի:

ՀԹԴ բյուրոյին ներկայացրած վերոհիշյալ զեկուցագիրը՝ ներկայացնելով նաեւ Ասկերանի ճակատում եւ մասնավորապես գնդապետ Մեսյանի գլխավորութեամբ տեղի ունեցած ունեցած վերոհիշյալ մարտերը՝ նշում է. «...գնդապետ Զ. Մեսեանի մի փոքր

¹ Տե՛ս նույն տեղում, գ. 1, էջ 37:

² ՀԹԴ ԿԱ, թժ. 1649, գ. 4, էջ 36:

³ Տե՛ս Կիսիբեկյան Ա, նշվ. աշխ., էջ 500:

¹ Նույն տեղում, էջ 500:

² «Հայրենիք» ամսագիր, 1923, հոկտեմբեր, էջ 123:

յարձակումը թշնամու վրայ բաւական եղաւ, թշնամուն յետ մղել մինչեւ Շուշու պարիսպների տակ...»¹:

Ազերի զինական ուժերը թեեւ չեն կարողանում գրավել Խաչենի շրջանն ամբողջութեամբ, սակայն հասցնում են քանդել եւ ավարառութեան ենթարկել Ասկերանից մինչեւ Աղզամ ձգվող տարածքում գտնվող մի շարք հայկական բնակավայրեր:

Պատկերը ավելի ողբերգական է եղել Գյուլիստանի շրջանում:

Համաձայն Հայաստանի զինվորական նախարարութեան գլխավոր շտաբի կազմած վերոհիշյալ տեղեկագրի, «... բոլոր հայկական գյուղերը, ներառյալ Ազատը արեւմուտքում եւ Գյուլիստանը հարավում, հիմնավորապես ավերված են, իսկ բնակչուկները կոտորածից հաջողվել է փրկվել անտառներում ու սարերում պատսպարվելու շնորհիվ...»²:

Ասկերանի անկումից 2-3 օր անց Աղբբջանի զորքերի գլխավոր հրամանատար, գեներալ Մեհմենդարովը Սարուչեն է ուղարկում բանազնացների՝ Քրիստափոր Փիրիջանյանին եւ Եղիշե քահանա Թարխանյանին ու նրանց միջոցով հայկական կողմին ներկայացնում անձնատուր լինելու վերջնագիր: Չնայած Արցախի ինքնապաշտպանական ուժերը գտնվում էին ծանրագույն իրավիճակում, սակայն մերժում են իրենց ներկայացված վերջնագիրն ու շարունակում են պայքարը: Մերժումը ստանալուց հետո թուրքական կողմն ավելի է ուժեղացնում գրոհները: Վերջանում էին հայ մարտիկների փամփուշտները: Երկուստեք հիմնականում գործել է հրետանին: Ազերի հրամանատարութեանը թնդանոթները տեղադրում է Շուշիի եւ Խանքենդի բարձունքներում ու կրակ տեղում հայ ինքնապաշտպանական ուժերի դիրքերին: Հայկական կողմից գործել է ընդամենը երկու թնդանոթ: Զինամթերք ձեռք բերելու ու կոփվր շարունակելու նպատակով Արցախի քաղաքի մարտիկները հարկադրված գիշերով հարձակվում էին հակառակորդի զինվորների վրա եւ դիմելով սլինամարտի՝ փախուստի էին մատնում նրանց եւ նրացից վերցրած ռազմամթերքով ցերեկը շարունակում համառորեն ու աննահանջ մարտնչել³:

Այսուհանդերձ, Արցախի ինքնապաշտպանական ուժերի վիճակը գնալով ավելի սպառնալի է դառնում: Չնայած գիշերային հարձակումների շնորհիվ կարողացել են հակառակորդից բռնազրավել

զինամթերք, սակայն դա բավարար չէր հուսալիորեն պաշտպանելու դիրքերը: Նրանց դիրքերն ավելի է թուլացնում գնդապետ Թարվերդյանի կատարած անսպասելի ու անհասկանալի վճիռը: Ծակատում տիրող իրավիճակը հրամայաբար թելադրում էր, որ նա իր զորախմբով Արցախի մարտական ուժերի համագործակցութեամբ շարունակեւր աննահանջ պաշտպանել դիրքերը մինչեւ օգնական ուժերի տեղ հասնելը: Դրա փոխարեն գնդապետը կատարում է ճիշտ հակառակը: Նա թնդանոթները բարձել է տալիս ջորիների վրա ու առաջնորդելով իր հրամանատարութեամբ գործող զորքը՝ փորձում է թողնել Արցախի տարածքն ու անցնել Զանգեզուր: Զորքի անակնկալ հեռանալը խուճապ է առաջացնում, եւ բնակիչներից շատերը, հետեւելով հեռացող զինվորներին, բռնում են գաղթի ճանապարհը:

Այն պահին, երբ գնդապետ Թարվերդյանը թնդանոթներով ու զորքով հասնում է Արցախի սահմանագլուխը, մի խումբ զինակիցներով նրա առաջ դուրս է գալիս Թեւանն ու ասում. «Ղարաբաղը չի գաղթելու, Ղարաբաղի ժողովուրդը թուրքի առաջ չի փախչի, նա ավելի շուտ պատվով կմեռնի: Դուք եթե ցանկանում եք մեզ հետ միասին կռվել, հետ դառեք, իսկ եթե չէ, մենք ձեզ չենք ստիպում, կարող եք գնալ, միայն թողեք ձեր զինքերն ու թնդանոթները ...Թարվերդյանը ստիպված եղավ վերադառնալ»⁴:

Ճիշտ է, գնդապետ Թարվերդյանը իր զորախմբով մնում է Արցախում, սակայն առանց լուրջ օգնութեան չափազանց դժվար կլինեւր դիմակայել ազերի զորքերի անընդմեջ շարունակվող հարձակումներին:

Մի քանի օր հետո՝ ապրիլի 15-ին, Դրոն իր զորամասով հասնում է Արցախ: Նրա զորամասի կազմում էին իր վաղեմի մարտական ընկերներ Գարեգին Նժդեհը՝ Ղափանի զորախմբով եւ Բաջառնեցի Մարտիրոսն ու գնդապետ Կուռո Թարխանյանը: Զորամասի շտաբի պետն էր գնդապետ Միրիմանյանը:

Զանգեզուր-Արցախի կապն ու հաղորդակցութեան ուղիների պահպանութեանը հանձնարարվում է Յապոնին:

Հասնելով Զանգեզուր, Դրոն մինչ Արցախ մեկնելը, նախ հետաքրքրվում ու ծանոթանում է իր բացակայութեան օրերին Զանգեզուրում, ինչպես նաեւ Արցախում տեղի ունեցած իրադարձութեաններին ու այնտեղ տիրող կացութեանը:

ՀՅԴ պառլամենտական ֆրակցիային Արսեն Միքայելյանի ներկայացրած զեկուցագրից պարզվում է, որ Դրոն ծանոթ լինելով Զանգեզուրում տեղի ունեցած դեպքերին, միաժամանակ հետա-

¹ ՀՀԳ ԿԱ, թճ. 1649, գ. 1, էջ 38:

² ՀԱԱ, ֆ. 120, ց. 1, գ. 563, թ. 173:

³ Տե՛ս նույն տեղում, էջ 501:

⁴ Նույն տեղում, էջ 502:

քրքրվում ու լավագույնս տեղեկանում է գեներալ Ղազարյանի եւ Ս. Մելիք-Յուլյանի գործունեությունը, որոնք օգտվելով իր բացակայությունից, խիստ թերի էին նախապատրաստել արցախահայության ապստամբությունը կազմակերպելու գործողությունները, ինչպես նաեւ աննպատակ ու ավելորդ տեղը գործածել այն 200.000 փամփուշտը, որը Զանգեզուր էր տեղափոխվել ու պահվում էր բացառապես Արցախի համար¹:

Ա. Միքայելյանի հավաստմամբ՝ Դրոն «...իր անձնական պատասխանատուութեամբ ձերբակալեց եւ հսկողութեան տակ Երեւան ուղարկեց գեներալ Ղազարեանին-դէպք մը, որ կապուած է նաեւ Ղարաբաղի դէպքերի հետ»²:

Հարկ է նշել, որ մինչ այդ Հայաստանի Հանրապետության կառավարությունը Արցախի հարցի վերջնական լուծման ուղղությամբ, ելնելով հանրապետության աշխարհաքաղաքական, տնտեսական աղետալի, ոչ այնքան կայուն իրավիճակից, դեռեւս չէր կարողացել ձեռնարկել որեւէ վճռական քայլ: Սակայն գիտակցելով Արցախի հարցի լուծման կարեւորությունը՝ դեռեւս 1919 թ. սկզբներին փոխգնդապետ Շահնազարովի գլխավորությամբ ստեղծել էր Արցախի զորախումբ, կամ ինչպես գեներալ Մովսես Սիլիկյանն է անվանում՝ գումակ³:

Հայաստանի Հանրապետության խորհրդարանի որոշմամբ՝ որպես օգնություն Արցախին հատկացվում է 8 մլն ռուբլի: Այդ գումարից 1,5 մլն. տրամադրում են Արցախի զորախմբին, որը կազմված էր մեկ գումարտակից, 54 հեծյալներից եւ 2 լեռնային հրանոթից⁴:

Արցախյան զորախումբն իր սկզբնավորման առաջին իսկ շրջանում ենթարկվել է դաժան փորձությունների: Զորախմբի հիմնական խնդիրը սկզբնական շրջանում Արցախ եւ Զանգեզուր անհրաժեշտ բեռներ տեղափոխելն էր:

1919 թ. գարնանը այդ գումակը կամ զորախումբը, թվով 200 հոգի, ստանում է առաջին հանձնարարությունը. «Նախատեսված էր, գրում է գեներալ Սիլիկյանը, որ զորախումբը Դիլիջանից Սեմյոնովկայի լեռնանցքով, Չիբուխուր եւ Ելենովկա գյուղերով պետք է հասնեի Նոր-Բայազետ: Զորախումբը պետք է Զանգեզուր եւ Արցախ հասցնեի գեներ, զինամթերք, հանդերձանք եւ պարեն: Այդ գումակը պետք է անցնեի թաթարներով բնակեցված բնակավայրերով (Սեւա-

¹ Տե՛ս ԳՅՂ ԿԱ, թժ. 1649, գ. 2, էջ 5:

² Նույն տեղում:

³ Տե՛ս ՀԱԱ, ֆ. 121, գ. 1, գ. 35, ք. 17-23:

⁴ ՀԱԱ, ֆ. 199, գ. 1, գ. 14, ք. 132:

նի ափին եղել են 4 գյուղեր): Թաթարները հարձակվել են գումակի վրա եւ պահակախմբի անդամներին փախցնելով՝ թալանել ու տարել են զենքը, զինամթերքն ու պարենը: Զախջախված գումակի մնացորդները հասել են Նոր-Բայազետ, որտեղ որոշ ժամանակ մնալուց հետո վերակազմավորվել են:

... Այս գումակը կազմավորվել եւ ուղարկվել է ինչ-որ մեկի կարգադրությամբ, առանց իմ համաձայնության եւ իմ շտաբի իմացության եւ մասնակցության»¹:

Այս անկազմակերպ եւ արդյունքում ողբերգական դեպքերից հետո Հայաստանի Հանրապետության իշխանությունները՝ իրենց ուշադրության դաշտից չհեռացնելով Արցախյան զորախմբի կազմավորման հարցը, ավելի մեծ վճռականություն են դրսեւորում այդ խնդրի իրագործման ուղղությամբ: Հայոց Խորհրդարանի զինվորական խմբակցության պահանջով Արցախ ուղարկելու նպատակով, ՀՀ զինվորական նախարարության եւ անձամբ գեներալ Մ. Սիլիկյանի որոշմամբ, կազմավորվում է նոր զորախումբ գեներալ Դանիել Բեկ Փիրումյանի գլխավորությամբ:

«Մնալով Նոր-Բայազետում, -չարունակում է գեներալ Մ. Սիլիկյանը, -2-3 ամիս Դանիել Բեկ Փիրումովը չի կարողացել կազմավորել զորախումբը եւ հարկադրված հետ է վերադարձել: Այդ ամենից հետո զորախումբը կազմավորվել է Դրոյի գլխավորությամբ... Զորախումբը բաղկացած էր 4 վաշտերից, հեծյալ զորաջոկատ Թարխանովի հրամանատարությամբ եւ կապիտան Խաչիկյանի լեռնային մարտկոցը:

1919 թ. դեկտեմբերին կամ 1920 թ. հունվարին նա Նոր-Բայազետից անցնում է Ղարախուխ, Սելիմի լեռնանցքով Քեչիչ-Քենդ, Ղուչչի, Բելյակ, Բազարչայ եւ հաղթահարելով բազմաթիվ դժվարություններ՝ ուղեւորվում է Գորիս, իսկ այնտեղից Արցախ»²:

Արցախի կամ Շուշվա գնդի մասին փոքր-ինչ այլ տեղեկություն է հաղորդում այդ նույն գնդի 1-ին գումարտակի հրամանատար, վերոհիշյալ Հովակ Ստեփանյանը³:

Համաձայն նրա վկայության՝ Շուշիի գունդը Արցախ պիտի մեկնեի, նշանավոր պատմաբան, գրող Լեոյի (Առաքել Բաբախանյան) խորհրդով գծազրկված երթուղիներով, որոնք գործել էին նախկինում:

Լեոյի խորհրդով «...Շուշվա գունդը պէտք է մտնէր Արցախ՝ Մելիքների զնացած ճանապարհով, այսինքն՝ Սեւանայ լճի ափե-

¹ Նույն տեղում:

² Նույն տեղում:

³ Տե՛ս «Հայրենիք» ամսագիր, 1934, թիւ 1, 2, 1935, թիւ 3, 4, 5, 6, 7:

րով, Բայազէտ-Բասարգեչար խճուղիով, անցնելով Տաք ջրի մօտով, Ջօղի լեռնանցքի փէշերով ուղիղ Թարթարի հովիտը, ուր գտնվում են Ջափար, Վանք եւ Հաթերք գիւղերը, Խօթայ, ապա հոչակաւոր Գանձասար վանքերը...»¹:

Ղարաքիլիսայից իրենց շարքերը համալրելով եւս 100-150 մարդկանցով՝ գունդը, առաջ շարժվելով, հասնում է Սեւան եւ փորձում լծի ափերով մարտի 9-ին ուղեւորվել Նոր Բայազետ²:

Ըստ Հ. Ստեփանյանի. «Այդ օրը կարողացանք մէկէն փոխադրել 40 Ֆուրգոն ուղեւորները, խոհանոցները եւ 400 զինուոր: Կային եւ մօտ հարիւր հօգի տուն գնացող զինուորներ, որոնք մերոնց հետ խառն էին»³:

Մովսէսյան թուրքական գյուղերի տարածքով անցնելու ժամանակ արցախցի մի քանի զինվորներ կրակ են բացում ջրում լողացող բաղերի վրա: Պարզվում է, որ դրանցից մի քանիսին արդեն խփել էին թուրքերը, որոնք տեսնելով ֆուրգոնները՝ հարձակվում են գնդի վրա:

«Թիւրք գիւղացիները, գրում է Հ. Ստեփանյանը, մանաւանդ Հաջի Մուխանցիք, կրակ են բաց անում իրենց քարքարոտ ամուր դիրքերից, սպանում են ճանապարհով խաղաղ անցնող մի քանի տասնեակ զինուորների եւ փորձում խել ֆուրգոնների միջի ուղեւորները, սակայն դա չի հաջողուում»:

Ըստ գեներալ Սիլիկյանի պնդման, թուրքերին հաջողվել է փախցնել պահակախմբի անդամներին եւ թալանել ու տանել գեները, զինամթերքն ու պարենը:

Այդ դեպքերի մասնակից, արդեն բազմիցս հիշատակված Հ. Ստեփանյանի վկայութեամբ՝ «Մերոնք ուժեղ դիմադրելով յետ են նահանջում եւ ֆուրգոնները հասցնում ելենովկա»⁴:

Այդ դեպքերի մեկ այլ մասնակիցի՝ Չանգեզուրի ուղեւորական ուժերի նախկին հրամանատար գնդապետ Խաչատուր Մալինցյանի* տեղեկացմամբ՝ «Մարտ ամսում 1918 թ. Սեւան կղզիի ափին Գատժի Մուխան թրքակական գիւղում, գնտի փոխադրութեան միջոցին թուրքերը յարձակուում են մեր զինուորների վրան. 14 հոկտեմբերի սպանում, 22 հոկտեմբերի վիրաւորում, 7 սայլ փամփուշտ եւ այլ իրեր թալանում»⁵:

Ի տարբերութուն գեներալ Մ. Սիլիկյանի ու Հ. Ստեփանյանի, Խ. Մալինցյանը նշում է, որ այդ դեպքից հետո, իրենք կարողացել են Մաղկաձորի գյուղի կամավորներից կազմակերպել մարտական խմբեր եւ 1918 թ. մարտ ամսին հարձակվելով թուրքական գյուղերի վրա՝ գրավել են թուրքաբնակ Բեղլու, Էփինտիկինտ, Գատժի Մուխան, Աղջիբեր ու Հայրվանք գյուղերը¹:

Շուշիի գնդի հետ պատահած դեպքերը ցույց տվեցին, որ դեպի Արցախ տանող Լեռնի մատնանշած մելիքների պատմական ճանապարհը, այն է՝ Չոդ-Գանձասար, Սելիմի լեռնանցքով դեպի Դարալազազ, ապա Սիսիան, Չանգեզուր, Արցախ, այլեւս հարմար ու ապահով չէր, հարկավոր էր ընտրել այլ ճանակ երթուղի: Տեղի ունեցած դեպքերը ցույց են տալիս, որ մինչ այդ շատ թույլ է գործել, կամ գրեթե չի գործել Երեւան-Չանգեզուր-Արցախ կապը:

Չանգեզուր-Արցախ վերահիշյալ կապը խափանվել ու չէր գործում մինչ այդ տեղի ունեցած մեկ այլ դեպքի հարկադրմամբ:

Գերասիմ Բալայանի եւ Ջախար Յոլյանի ստորագրութեամբ գրված «Ղարաբաղի դէպքերի պատմութիւն» խորագիրը կրող տեղեկագրի տեղեկացմամբ՝ Բաքվի անկումից հետո (1918 թ. սեպտեմբեր), երբ Չամիլ բեյի գլխավորած թուրքական զորամասը, տեղացի թուրք բեկերի առաջնորդութեամբ ճանապարհին հանդիպած հայկական բնակավայրերը ուժեղացնելով՝ ներխուժում է Շուշի «...նույն օրում, օգոստոսի վերջերին 1918 թ. տանկա-թրքական հորտանները ոչնչացրին Շուշուց դէպի Չանգեզուր տանող խճուղու վրայ իշխող Ղարաղլաղ հայկական մեծ գիւղը, որը կապում էր Չանգեզուրը Ղարաբաղի Հետ»²:

Տեղեկագրի գնահատմամբ՝ «Ղարաղլաղի աւերումը ուղեւորական տեսակետից ճակատագրական նշանակութիւն ունեցաւ Ղարաբաղի եւ Չանգեզուրի հայրենան համար»³:

Ներկայացրած կենսագրականում գրում է, որ ինքը «1916 թ. ապրիլ ամսից շարունակ մինչեւ 1918 թ. իբրեւ սպայ ծառայել եմ միշտ Չայկական առաջին հրաձգային գումարտակի մեջ: Յունւար ամսից 1918 թ. Սիւնեաց Չանգեզուրում, իբրեւ առանձին գումարտակի պետ, համաձայն հրամանին Չայկական բանակի սպարապետ զօր. Սազարբէկեանի, իսկ մայիս 1918 թ., որպէս Չանգեզուրի ուղեւորական ուժերի հրամանատար, համաձայն Չանգեզուրի կենտրոնական խորհրդի հրահանգին, միաժամանակ իբրեւ ներքին գործերի գործավար լայն իրաւունքներով, ունենալով թէ գաւառական հետեւակ միլիցեան եւ թէ առանձին հիմնադիր գումարտակի հրամանատարութիւնը մինչեւ 24 նոյեմբերի 1919 թ.: Իսկ յունվար ամսից մինչեւ 1920 թ. 30 մայիս որպէս Սիսեանի գորաբաժնի հրամանատար Ղարաբաղի արշավանքի ժամանակ» (ՉՅԴ ԿԱ, թ. 160, գ. 59, էջ 2):

¹ Տե՛ս նույն տեղում:

² ՉՅԴ ԿԱ, թ. 1649, գ. 1, էջ 4-5:

³ Նույն տեղում, էջ 5:

¹ «Չայրեմիք» ամսագիր, 1934, թիւ 2, էջ 83:

² Տե՛ս նույն տեղում, էջ 89:

³ ՀԱԱ, Ծ. 199, գ. 1, գ. 14, , թ. 132:

⁴ «Չայրեմիք» ամսագիր, 1934, թիւ 2, էջ 89:

⁵ ՉՅԴ ԿԱ, թ. 160, գ. 59, էջ 2:

*Գնդապետ Խաչատուր Մակինցյանը Փարիզում հանգրվանած Չայաստանի Չանրապետութեան ղեկավարական ներկայացուցչութեան նախագահին

Արցախի Հասնելու Համար անհրաժեշտ էր ընտրել նոր, Համեմատաբար առավել հուսալի եւ անվտանգ երթուղի:

Հ. Ստեփանյանի հավաստմամբ՝ «Մեր քաջարի Դրօն, որին վիճակուեց 1920 թուին զօրամասով մտնել Ղարաբաղ եւ ապա ձախորդ պայմանների պատճառով յետ նահանջել, եկա այն եզրակացութեան, որ սխալ է միանգամայն Երեւանից զօրքը փոխադրել Շարուր-Ջանգեզուր, եւս առաւել նոր-Բայազետ-Դարալագեազ-Ջանգեզուրի վրայով Ղարաբաղ, երբ ամենակարճ եւ բնական ճանապարհն Երեւան-Բայազետ-Ջօղը: Վերջին ճանապարհով 90 տոկոս հայ բնակչութիւն ունեցող նոր-Բայազետի գաւառն անմիջապէս միանում է Ջրաբերդ-Խաչէն-Վարանդա-Դիզակ, միւս կողմից Գիւլիստան եւ Լեռնային Գանձակի հայաշատ գաւառների հետ: Այդ ճանապարհով Երեւանից Ղարաբաղ կարելի է հասնել 3-4 օրում, իսկ միւս ճանապարհներով 6-8 օրում...»¹:

Դրոյի առաջնորդած զորամասն Արցախ է ուղեւորվել Բայազետ-Ջող-Դիզակ-Վարանդա երթուղիով: Տվյալ ժամանակահատվածում նրա առաջնորդած զորամասի մուտքը Արցախ անտարակույս փրկարար նշանակութիւն ունեւ: Դժվար չէր գուշակել, թե ինչպիսի հրեշափոր վայրագութիւններ կարող էին գործել աղբրեջանական զինական ուժերը, եթե արցախահայութեանը, թեկուզ եւ ուշացումով, օգնութեան չհասնեին Դրոյի գլխավորած Հայաստանի Հանրապետության զորքերը:

Հովակ Ստեփանյանը իր հուշագրութիւնում մեջբերում է Սուլթանովի ձեռքով ուղեւորներն զրկած «Յոյժ շտապ եւ գաղտնի» հրամանագիրը, որտեղ զրկած է. «Հրամայում եմ հէնց այժմ, գրութիւնս ստանալուն պէս հօգալ բարձրացնելու թնդանօթները Քիրսի եւ գրաւել Չիրիշլուի սարը, այնտեղից կատարել հետախուզութիւն դէպի Տումի, Խձաբերտ եւ Չանախչի, ուսումնասիրել բոլոր անցքերը, որպէսզի մարտի 25-ին այտ հայկական զիւղերը ջնջւեն աշխարհի երեսից եւ այդպիսով մեծ վիճ բացւի Ղարաբաղի եւ Ջանգեզուրի միջեւ, կտրւի երկու հատվածների հայերի կապը...նույն հրամանը աւելի մանրամասնօրեն գրւած էր թուրքերէն...»²:

Բարեբախտաբար, ուսս զինվորները, որոնց հանձնարարված էր թնդանօթներն ու գնդացիները բարձրացնել Չիրիշլու եւ Քիրս, չեն կատարում Սուլթանովի հրամանը՝ պատճառաբանելով, որ «...անհնարին է այժմ ոտով բարձրանալ Չիրիշլու եւ Քիրս, ուր մնաց թէ թնդանօթները

բարձրացնել. ձիւնը մարտու հասակով ծածկել է ճանապարհները: Սպասում ենք Ձեր կարգադրութեանը»¹:

Աղբրեջանական զորախմբի հրամանատար Ջեյնալովը Աղբրեջանի զինվորական-ծովային կոմիսարին հասցեագրած զեկուցագրում (1920թ. մայիսի 9), հայտնելով Արցախում Դրոյի գլխավորած զորամասի հայտնվելու իրողութիւնը, նշում է. «... Աղբրեջանական զորքերի կողմից Ասկերանի գրավումից հետո, Արցախի բոլոր հայերը որոշել էին հանձնվել: Այդ պահին հայտնվեց գեներալ Դրոն, որը հայտարարեց 23-25 տարեկան հայերի զորահավաք...»²:

Բագրատ Ուլուբաբյանի գնահատմամբ՝ Դրոն Արցախ է հասնում այն ժամանակ «...երբ կործանված էին Շուշին ու տասնյակ ուրիշ բնակավայրեր, թշնամին կարող էր կոտորել էր հայոց դիմադրութեան ողնաշարը:

Դրոն իր հետ բերել էր փոքրիկ մի զորաջոկատ: Սակայն դա էլ բավական էր, մանավանդ հրամանատարի հմուտ ու անվեհեր վրիժառու անունը, որպեսզի Արցախը վերստին փարի փոքր-ինչ սասանված իր հավատին:

Դրոն իր նստավայրը դարձրեց Վարանդայի Ղարաբուլախ գյուղը...»³:

Արցախի Հասնելու հենց առաջին օրը, Դրոն գնդապետ Ջ. Մեսյանի ուղեկցութեամբ անհապաղ ուղեւորվում է Սարուշեն, որտեղ գտնվում էր Դիզակի ինքնապաշտպանական ուժերի շտաբը:

Արցախում Դրոյի եւ նրա գլխավորած զորամասի ծավալած գործողութիւնները իրենց հուշագրութիւնում ներկայացրել են Հ. Ստեփանյանը, Ա. Միքայելյանը, Արցախի Ինքնապաշտպանական Մարմնի անդամ Խաչիկ Մելքոնյանն ու այլոք: Դրոյի արցախյան գործունեութիւնը ներկայացված է նաեւ Արցախի եւ Ջանգեզուրի գործիչների մասնակցութեամբ 1922 թ. հունիսին Թավրիզում տեղի ունեցած խորհրդատողովի մասնակիցներ՝ ժողովի նախագահ Գերասիմ Բալայանի եւ քարտուղար Ջաքար Յոլյանի ստորագրութեամբ կազմած վերոհիշյալ տեղեկագրում:

Այսուհանդերձ, այդ մասին առավել մանրամասն իր հուշագրութիւնում անդրադարձել է Ա.Կիսիբեկյանը, որն այդ օրերին գտնվում էր Սարուշենում: Որպես դեպքերի ականատես ու մասնակից՝ Ա. Կիսիբեկյանը գրում է. «...հայկական բանակի գլխավոր

¹ «Հայրենիք» ամսագիր, 1935, թիւ 3, էջ 103:
² ՀՀԿԱ, ֆ. 1649, գ. 3, էջ 15 ր:

¹ Նույն տեղում:

² ՀՀԱ, ֆ. 1022, գ. 36, գ. 8:

³ Ուլուբաբյան Բ., Արցախի պատմությունը, Երեւան, 1994, էջ 129:

ուժերը գեներալ Դրոյի հրամանատարութեամբ Զանգեզուրից մտան Զարաբաղ և բռնեցին ամբողջ ռազմաճակատը, որպիսի հանգամանքը չէր կարող հայտնի լինել թշնամուն:

Դրոն գնդապետ Զ. Մեսյանի հետ մտալ Սարուշեն:

Դրոն բոլորին բարեկուց հետո անցալ գործի: Սենյակի մուտքի մոտ՝ հատակի վրա, փռեցին մի գորգ, որի վրա նստեցին այդտեղ գտնվողները, իսկ սենյակի վերին մասում՝ փոքրիկ սեղանի վրա, փակցր-ծին Զարաբաղի քարտեզը:

Գնդապետն սկսեց գեներալին ծանոթացնել ռազմաճակատների հետ: Երբ գնդապետը մատիտը սահեցնում էր քարտեզի վրայով, Դրոն նրան կանգնեցրեց:

-Սա ի՞նչ գյուղ է, -հարցրեց նա:

-Սա ադրբեջանական Ավդալ-Գյուլափլու գյուղն է և խիստ ամրացած է ու այդտեղ մեծ ուժեր են գտնվում, -պատասխանեց գնդապետը:

-Ուրեմն նրանց հաջողվել է ձեր ռազմաճակատը մի քանի կիլոմետրով երկարացնել, -ասաց Դրոն:

-Սա էլ ադրբեջանական Մալիբեյլի գյուղն է, որը խիստ ամրացված է, -պատասխանեց գնդապետը:

Մեսյանը շարունակեց.

-Ահա և Շուշին՝ Զարաբաղի կենտրոնը:

Դրոն խիստ ջղայնացալ ու խիստ կարմրելով, ձեռքը մեկնելով դեպի Արսեն Հովհաննիսյանը (նկատի ունի ՀՀ կառավարութեան ներկայացուցիչ Արսեն Միքայելյանին -Հ.Գ.)՝ ասաց.

-Դուք բոլորդ՝ փոքրից մինչև մեծը, երեխաներ եք, ուրիշ ոչինչ: Ի՞նչ եք մտածել, որ մտել եք Ասկերանի փոսի մեջ, և անուշադրութեան մատնելով՝ Շուշին թողել անտեր ու անտիրական: Մի՞թե դուք այդքանը չեք հասկանում, որ Շուշին ում ձեռքին է գտնվում, նա էլ Զարաբաղի տերն է: Ի՞նչ եք արել դուք, դուք ձեր դեմ փակել եք թշնամու բոլոր դռները և նրանց հարկադրել կռվելու ձեր դեմ: Դուք Ասկերանում ոչինչ չունեք անելու:

Այնուհետև նա հեգնորեն ասաց.

-Ասկերանի բերդի միջին Համազասպը պանծալի... և շարունակեց, -Դուք ձեր բոլոր ուժերը պետք է կենտրոնացնեիք հենց Շուշի վրա և այնտեղ մաքրեիք թշնամուց, որից հետո թշնամին Զարաբաղի որևէ կետում չէր կարող կանգնել»¹:

1905-1906 թթ. հայ-թուրքական ընդհարումների ժամանակ, լինելով Վարանդայի ու Դիզակի շրջանների ինքնապաշտպանական ուժերի հրամանատարը, Համազասպը հռչակվել էր հատկապես Ասկերանի կռիվների ժամանակ: Հեգնանքով մտաբերելով Ասկերանի հերոս Համազասպին ձոնված երգը՝ Դրոն դրանով ապստամբութեան կազմակերպիչներին հայտնել է իր դժգոհութունը եւ հասկացրել, որ նրանք ռազմավարական ու մարտավարական առումով մեծագույն սխալ են գործել՝ անուշադրութեան մատնելով Արցախի համար ռազմավարական նշանակութուն ունեցող Շուշին՝ մարտական ուժերը կենտրոնացնելով Ասկերանի կիրճում ու բերդում: Համանման մարտավարութունը կարող էր հանգեցնել անկանխատեսելի ծանրագույն հետեւանքների, ինչը իրականում կատարվել էր: Այստեղ է, որ նա արտասանում է «Ով տիրում է Շուշին, տիրում է նաեւ Արցախին...» թեւավոր խոսքը¹:

Հասնելով Արցախ՝ Դրոն արցախահայութեանն է դիմում հետեւյալ կոչով. «Զարաբաղի հայ ազգաբնակչութեան, ես մտա Զարաբաղ ամսույս 24-ին, այն ժամանակ, երբ արդեն հրդեհը սկսած էր և երբ բավական հայ գյուղեր ավերի մատնված էին թշնամու կողմից և երբ Զարաբաղի գյուղացիութունը, հերոսաբար դիմադրելուց հետո, նորից մնացել էր իր դիրքերում՝ կուրծքը դեմ տված թշնամու գնդակներին:

Դու պիտի ըմբռնես, Զարաբաղի հայ ժողովուրդ, որ Ադրբեջանի ծրագիրն է վերացնել հայ բնակչութեանը, շարունակել իրականացնել տաճկական փաշաների որոշումը, տիրել Զարաբաղին, ոտքի տակ տալ Զանգեզուրը և ոչնչացնել Հայաստանի Հանրապետութունն ու, այդպիսով, վերացնել մահամեղական աշխարհի մեջ ընկած այդ քաղաքակրթված ժողովուրդը:

Ես եկել եմ ձեր մեջ այն խորին համոզումով և հաստատ որոշումով, որ հենված ձեր վճռականութեան վրա և միացած ձեր քաջարի գինվորների հետ, պետք է հաղթենք թշնամուն: Ես վճռել եմ մնալ ձեր մեջ, կռվել ձեր հետ միասին և ազատութունն ու հաղթանակը տոնել այստեղ:

Հիշեցեք, որ պետք է միայն մի քանի հարյուր զոհ՝ վճռականորեն փրկելու Զարաբաղը:

Զարաբաղը միշտ հերոսներ է տվել Ռուսական մեծ բանակին և հայ ազատագրութեանը, որոնք կռվել են բոլոր ճակատամարտերում:

Այսօր մենք բոլորս, ձեզ հետ միասին ձեռք ձեռքի տված, պիտի շարունակենք կռիվը մինչև վերջնական հաղթանակ:

¹ Կիսիբեկյան Ա., , նշվ., աշխ., էջ 503-504:

¹ Տե՛ս ՅԱԱ, ֆ. 1022, ց. 36, գ. 8:

Ամուր կաց, Ղարաբաղի հայ գյուղացիութիւն: Միշտ դիրքերի մեջ ու պատրաստ թշնամուն ետ չպրտելու և մեր ազատութիւնը ձեռք բերելու:

Զանգեզուր-Ղարաբաղի հրամանատար Դրո
26-ին ապրիլի 1920 թ.»¹:

Նույն օրը՝ ապրիլի 26-ին արցիսի Դիզակի շրջան է հասնում Գ. Նժդեհի գլխավորած Ղափանի զորախումբը՝ վնասագեւործելով Դրոյի զարամասի աջ թեւին սպառնացող վտանգը:

Վ. Գեւորգյանը իր հեղինական Լեւոնհայաստանի հերոսամարտը (1919-1921) գրքում նշում է, որ Դրոն այդ կապակցութեամբ շնորհավորում է Արցախ մուտք գործած զանգեզուրցիներին եւ նրանց հղում հետեւյալ ուղերձը. «Շնորհաւորում եմ եմ քաջարի զանգեզուրցիների մուտքը Ղարաբաղ, որ ցանկալի պուպէին նոքա օգնութեան հասան հարազատ Ղարաբաղին: Իւրաքանչիւր զանգեզուրցի թող յիշէ, որ կուելով պատմական Ղարաբաղի լեռներում, դորանով նա կուում է ամբողջ Հայաստանի եւ մասնաւորապէս Զանգեզուրի ազատութեան եւ խաղաղութեան համար: Վստահ եմ, սպաներ եւ զինվորներ, առաջնորդութեամբ ձեր արժանաւոր հրամանատար փոխ-գնդապետ Նժդեհի, քաջարի տեղացիների հետ, որ ահա ամբողջ ամիս կուում են, ոչ միայն կթեթեւացնէք Ղարաբաղի հայերի վիճակը, այլ եւ ձեր կորովի ասպետական գործողութիւններով կը հանդիսանաք Ղարաբաղի հայ ժողովրդի բախտաւորութեան եւ ազատ գոյութեան ապագայի գրաւականը»²:

Շուշի կոտորածի ժամանակ, թուրքերը գերի էին վերցրել բազմաթիւ հայերի: Անկասկած նրանց մահ էր սպառնում, եթե ժամանակին չձեռնարկվեին համապատասխան քայլեր: Անհրաժեշտ հայ գերիներին փրկել անխուսափելի կործանումից:

Ե. Իշխանյանի տեղեկացմամբ՝ երբ Դրոն հասնում է Դրնվազ գյուղ, անմիջապէս վերջնագիր է ներկայացնում Շուշիի թուրքերին, որ ազատ արձակեն հայ գերիներին, միաժամանակ «զինւորականի պատույ խօսք է տալիս, իրենց ձեռք չտալ ու չանհանգստացնել: Թուրքերը Համեստին (Համեստը՝ Ե. Իշխանյանի քույրն է - Հ. Գ.) ուղարկում են Դրոյի մօտ՝ յայտնելու, որ համաձայն են և բաց են թողնում բոլոր գերիներին»³:

Որպեսզի զենքի ուժով վերջնականապէս լուծվեր Արցախը Հայաստանին վերամիավորելու հարցը, վերոհիշյալ Արսեն Միքայելյան

նի վկայութեամբ, Դրոն պիտի կենսագործեր երեք առաջնահերթ նշանակութիւն ունեցող խնդիրներ.

1. Վերակազմել եւ ուժեղացնել Արցախի դիմադրական ուժը:

2. Գրավել ամբողջ Արցախը:

3. Արցախը միացնել Հայաստանի Հանրապետութեանը եւ քաղաքի (նկատի ունի թուրքերի կողմից կործանված Շուշին-Հ. Գ.) եւ գյուղերի ավերածութիւնների, կոտորածների փոխվերժը լուծել թուրքերից»¹:

Նրա անմիջական նախաձեռնութեամբ ստեղծվում է Արցախը ղեկավարող «Վարիչների խորհուրդ», որը ստանձնելով մարզը ղեկավարելու լիազորութիւնները՝ հաջորդ օրը հայտարարում է զորահավաք:

Ապրիլի 18-ին Դրոյի նախաձեռնութեամբ Ներքին Թաղավարդ գյուղում տեղի է ունենում Դիզակի եւ Վարանդայի հայ բնակչութեան ներկայացուցչական ժողով, որտեղ մարզում տիրող կացութեան եւ հրատապ խնդիրների վերաբերյալ զեկուցումով Հանդես են գալիս մարզի թիկունքային գործերը ղեկավարելու նպատակով Արցախի ընդհանուր զորահրամանատարի կողմից նշանակված կոմիսար-վարիչները:

Ներքին գործերի կոմիսար Ասատուր Ավետիսյանը ժողովականներին տեղեկացնում է, որ Դիզակը եւ Վարանդան բաժանված են շրջանային վարչական կոմիսարիատների, եւ արդեն նշանակված են տեղամասերի կոմիսարները:

Հարց է ծագում. ինչո՞ւ է Արցախի հայ բնակչութեան ներկայացուցչական առաջին ժողովը հրավիրվել միայն Դիզակի եւ Վարանդայի ներկայացուցչների մասնակցութեամբ:

Դրոն, հասնելով Արցախ, հաստատվում է Դիզակում եւ Վարանդայում եւ այդ պատճառով առավել ուշադրութիւն է դարձնում նախ եւ առաջ կազմակերպելու ու ամրապնդելու հենց այդ շրջանները, որոնք պիտի դառնային յուրօրինակ ուժեղ հենակետեր՝ ձեռք բերած հաղթանակը առավելագույնս զարգացնելու գործում:

Ապրիլի 14-ին Դրոյի մասնակցութեամբ տեղի է ունենում Դիզակի եւ Վարանդայի հայ բնակչութեան ներկայացուցչական ժողովը, ուր բացի ներքին գործերի կոմիսարից, զեկուցումով Հանդես են եկել նաեւ պարենային մատակարարման, աշխատանքի եւ հողաշինութեան, սանիտարա-բժշկութեան եւ դատական գործերի վարչութիւնների կոմիսարները:

¹ Սիմոնյան Ա., նշվ. աշխ., էջ 43-44:

² Գեորգեան Վ., նշվ. աշխ., էջ 59:

³ Իշխանեան Ե., նշվ. աշխ., էջ 615:

¹ «Յայրենիք» ամսագիր, 1923, հոկտեմբեր, էջ 123:

Կոմիսարների զեկուցումներից Հետո ներկայացուցչական ժողովում ելույթ է ունենում Դրոն եւ ժողովականներին կոչ անում «... Հենարան լինել իրեն եւ իր կողմից նշանակված ղեկավարներին, միասնական ուժերով պայքարել ընդհանուր թշնամու դեմ ու ամեն ինչ անել թիկունքը կարգավորելու եւ կազմակերպելու համար: Հրամանատարի խոսքը ժողովը ընդունել է ընդհանուր ոգեւորութեամբ եւ ծափահարութեամբ: Ասատուր Ավետիսյանը (ներքին գործերի կոմիսար) Դրոյին դիմավորեց ճառով, որը ժողովն ընդունեց ծափահարութեամբ:»

... Զանգեզուր - Արցախի զինված ուժերի հրամանատար պ. Դրոյի հրավիրած Վարանդայի եւ Դիզակի հայ բնակչութեան ներկայացուցչական ժողովը, լսելով հրամանատարի կողմից նշանակված վարիչների զեկուցումները, որոշում է.

1. Ծանաչել հրամանատարի կողմից նշանակված վարիչներին լիազորութեամբ եւ ընդունել կազմակերպութեան այդ ձեւը:

2. Հնարավոր միջոցներով սատարել հրամանատարին եւ նրա նշանակած վարիչներին, ռազմաճակատում ընթացող կռիվներում հաղթելու եւ թիկունքում կարգապահութեան հաստատելու գործում»¹:

Կարճ ժամանակահատվածում Դրոյի հրամանատարութեամբ կազմակերպվում է ավելի քան 3000 թվակազմով գորազունդ: Արցախի տարբեր շրջանների, ինչպես նաեւ Զանգեզուրի միջեւ ստեղծվում է հեռախոսային հուսալի կապ:

Իր հուշերում անդրադառնալով նաեւ Արցախյան դեպքերի վերլուծութեանը՝ գեներալ Սիլիկյանը նշում է. «Տեղերում նա (Դրոն) ի հաշիվ տեղացի բնակիչների կազմավորում է հետեւակային եւ հեծյալ գորամասեր: Զանգեզուրում էլ մինչեւ այդ ջոկատի գալը զինվորական կազմավորումները ղեկավարում էր նահանգապետ Մելիք-Յուլչյանը եւ գեներալ-մայոր Լազարովը, որոնց գործողութեաններն անբավարար էին ճանաչվել, առավել եւս, որ Հետո էլ նրանք, օգտվելով Կանայան Դրոյի բացակայութեանից, ապստամբութեան բարձրացրին Շուշիում եւ նրա շրջաններում, որը ծայրահեղ անհաջող ավարտ ունեցավ: Դրոյի պնդմամբ Մելիք-Յուլչյանը եւ Լազարովը հետ կանչվեցին»²:

Արցախում հանգրվանելու առաջին իսկ օրից նրա գլխավոր մտահոգութեաններից մեկը, եթե ոչ ամենագլխավորը, մարզի մարտական ուժերի կազմավորումն էր: Իսկ մարտունակ գորամասեր կազ-

մավորելու համար նախեւառաջ անհրաժեշտ էին փորձառու եւ բանիմաց զինվորականներ: Վերոհիշյալ Զեյնալովը, իր զեկուցագրում անդրադառնալով Արցախի մարտական ուժերի կազմավորման խնդիրներին, նշում է. «...գեներալ Դրոն հրամանատարական կազմում ընդգրկում է նախկին, փորձառու սպաների: Զինվորներին զինելու համար օգտագործում են գյուղերում գտնվող եւ Զանգեզուրից բերած զենքերը...»

Գեներալ Դրոյի շտաբը գտնվում է Շուշիից ինը վերստ հեռավորութեան վրա գտնվող Քեչիչքենդ գյուղում...»³:

Ադրբեջանի զինվորական-ծովային կոմիսարին հասցեագրած մեկ այլ զեկուցագրում (1920թ. մայիսի 13, Զեյնալովը ուշադրով տեղեկութեաններ է հաղորդում հայկական գորամասերում ընդգրկված ռուս սպաների մասին, որոնք նախկինում ծառայել էին գեներալ Դենիկինի գլխավորած Կամավորական բանակում:

Ըստ Զեյնալովի տեղեկութեան՝ մայիսի 3-ին Մալիբեկու գյուղում իրենց կողմից գերի վերցված Կամավորական բանակի սպա Վլադիմիր Կովալեկը հայտնել է, որ ինքը Դենիկինի բանակի մի քանի սպաների հետ հասել է հայկական Չայքենդ գյուղ, ուր իրենց են միացել եւս 40 սպաներ:

«Այդ բոլոր սպաները, հայտնել է Վ. Կովալեկը, ուղեւորվել եւ ներկայացել են գեներալ Դրոյին, որը նրանց բոլորին հրավիրել է ծառայութեան: Կովալեկի խոսքերով՝ բացի այդ սպաներից հայերի մոտ պետք է լինեն նաեւ ոչ պակաս 200 մարդ Կամավորական բանակից...»

...Գանձայի եւ Արցախի շրջանների բոլոր գյուղերում հայտարարվել է գեներալ Դրոյի հրամանը, համաձայն որի Դենիկինյան բանակի սպաներին պիտի ցույց տրվի բոլոր կարգի օգնութիւն եւ աջակցութեան»²:

Համաձայն Դենիկինյան բանակի սպայի վկայութեան՝ թեպետ տասնյակ նախկին սպաներ ներկայացել եւ ցանկութեան էին հայտնել ծառայելու հայկական բանակում, բայց նրանք Արցախում տեղի ունեցած մարտական գործողութեաններին չեն մասնակցել: Ավելին, նրանք կամավոր հեռացել են՝ «...տեղեկանալով Խորհրդային Ռուսաստանի եւ Խորհրդային Ադրբեջանի դաշինքի մասին եւ հայկական կողմի ձեռնարկումը համարելով անհույս ավանտյուրա»³:

Դրոն հայտարարվում է Արցախ-Զանգեզուրի գլխավոր նահանգապետ-հրամանատար: Նրա մասնակցութեամբ արցախահայրենական

¹ Նույն տեղում:

² ՀԱԱ, ֆ. 121, ց. 1, գ. 35, ք. 6:

¹ ՀԱԱ, ֆ. 1022, ց. 36, գ. 8:

² ՀԱԱ, ֆ. 1022, ց. 38, գ. 1:

³ Նույն տեղում:

ընտրյալ ներկայացուցիչները նույն ամսին գումարում են Հերթական՝ Գրդ համաժողովը եւ մեկ անգամ եւս վճռականորեն հայտարարում Հայաստանին վերամիավորվելու որոշումը:

«Դրոն,- կարդում ենք «Հ.Յ.Դ. գերագոյն դատական ատեանին» հասցեագրված Արցախի վերջին դեպքերի մասին պատմող գեկուցագրում, - ժամանակաւոր կառավարութիւն կազմող վարիչների միջոցով ապրիլի 22-ին Թաղավարդ գյուղում հրաւիրում է արցախահայութեան Գրդ համագումար՝ ժողովրդի կարծիքը իմանալու, զինուորական գործողութիւններ սկսելու եւ պարէնաւորման հարցը կարգաւորելու համար:

Համագումարը, բացառութեամբ մի բուլչեհիկի, 44 ձայնով որոշում է, ինչ գնով էլ լինի, զինուորական գործողութիւնները սկսել՝ շտապ կարգով Հայկական Արցախից (նկատի ունի Արցախի դաշտային մասի դեռեւս ազերի վերահսկողութեան տակ գտնվող չըջանները - Հ.Գ.) արտաքսելու Ադրբեջանի զորքերը, նկատի ունենալով այն բարեյաջող պայմանները, որ տեսակէտից մենք աւելի կազմակերպուած ենք, քան Ադրբեջանը»¹:

Ադրբեջանական իշխանութիւնները, իրենց զորքերի անհաջողութիւնների հարկադրանքով թողնելով Արցախի տարածքը, շարունակում են պատրաստվել եւ ռազմական ամուր հենակետեր ստեղծել Արցախին սահմանամերձ շրջաններում: Այդ հենակետերից էին Ասկերանի եւ Վարանդայի շրջանների սահմանակից Աբդալ, Գյուլարլի գյուղերը, որտեղ ազերի հրամանատարութիւնը պահեստավորել էր մեծ քանակութեան զենք ու զինամթերք: Արցախում տիրող իրավիճակը թելադրում էր անհապաղ հարձակում ձեռնարկել ու վնասագերծել այդ հենակետերը:

«Դրոյի կարգադրութեամբ,-կարդում ենք «ՀՅԴ գերագոյն դատական ատեանին» ուղարկված մեկ այլ գեկուցագրում, - ապրիլի վերջերին հայերը յարձակուում են Աբդալ-Գյուլարլու թրքական գիւղերի վրայ եւ հիմնովին աւերում»²:

Ա. Կիսիբեկյանի հավաստմամբ՝ Սարուշեն հասնելու հաջորդ օրը «...Դրոն անձամբ դիտեց Ֆրոնտը: Նա այցելեց Ղզղալա, Նորշեն, Ավդուռ, Մյուրիշեն, Ասկերան եւ այլն:

Հասարակութիւնը ամենուրեք ցնծութեամբ էր դիմավորում նրան: Ղզղալայում եւ Նորաշենում կանգնած էին հաղթական կամավորներ: Դրոն Ղարաբաղ մտնելուց 3-4 օրվա ընթացքում գրավեց Ասկերանը, Ավդալ-Գյուլարլուն, ուղղվեցին բոլոր սահմանները, եւ Շուշին առնվեց նեղ օղակի մեջ»³:

Կարծես թե ամեն ինչ ընթանում էր շատ լավ, եւ դժվարութիւններն արդեն հետեւում էին մնացել, բայց իրականում ամենասարսափելին դեռեւս առջեւում էր:

Այդ նույն ժամանակահատվածում Կովկասյան ռազմաճակատում կատարվում են այնպիսի արմատական տեղաշարժեր, որոնք ճակատագրական նշանակութիւն են ունենում ոչ միայն Արցախի, այլեւ Հայաստանի հանրապետութեան համար: 1920 թ. ապրիլին Միխայիլ Տուխաչեւսկու հրամանատարութեամբ խորհրդային բանակը, որի ռազմական խորհրդի անդամն էր Սերգո Օրջոնիկիձեն, Հյուսիսային Կովկասում պարտութեան է մատնում դեռիկիւնյան զորքերին եւ պատրաստվում ներխուժել Հարավային Կովկաս, այն է՝ Ադրբեջան, Հայաստան եւ Վրաստան: Կովկասյան անկախ հանրապետութիւնները նվաճելուց հետո, խորհրդային զորքերը պիտի շարունակեին իրենց հաղթարշավը դեպի հարավ, ապա կապեր հաստատեին քեմալական Թուրքիայի հետ ու համատեղ ուժերով Մերձավոր ու Միջին Արեւելքից դուրս մղեին «Միջազգային իմպերիալիզմ»-ը ներկայացնող տերութիւններին: Խորհրդային Ռուսաստանի բուլչեհիկյան իշխանութիւններն առաջնորդվելով ծավալապաշտական քաղաքականութեամբ՝ ձգտում էին վերականգնել Ռուսական կայսրութեան նախապատերազմական սահմանները:

Նույն տարվա ապրիլի 28-ին կարմիր զրահագնացքը առանց որեւէ արգելքի մուտք է գործում Բաքու եւ մուսաֆաթական Ադրբեջանի Հանրապետութիւնը հռչակում է խորհրդային: Ապրիլի 30-ին Ադրբեջանի հեղկոմը, ի դեմս Ադրբեջանի խորհրդային Սոցիալիստական Հանրապետութեան արտաքին գործերի կոմիսարի տեղակալ Միրզա Հուսեյնովի, Հայաստանի կառավարութեանն է ներկայացնում հետեւյալ վերջնագիր-նոտան.

«Ադրբեջանի Սովետական Սոցիալիստական Հանրապետութեան բանվոր-գյուղացիութեան կառավարութիւնը, ի դեմս Հեղափոխական կոմիտեի, պահանջում է. 1. Ձեր զորքերից մաքրել Զանգեզուրն ու Արցախը: 2. Հետ գնացեք ձեր սահմանները: 3. Դադարեցրեք ազգամիջյան կոտորածները: Հակառակ դեպքում Ադրբեջանի Սովետական Սոցիալիստական Հանրապետութիւնը իրեն պատերազմական դրութեան մեջ կհամարի Հայաստանի Հանրապետութեան հետ»¹:

Ադրբեջանի հեղկոմը իր վերջնագրի պատասխանը ստանալու համար Հայաստանի Հանրապետութեանը տալիս է ընդամենը երեք

¹ ՀՅԴ ԿԱ, քժ. 1949-4, գ. 42:

² Նույն տեղում:

³ Կիսիբեկյան Ա., Եզվ. աշխ., էջ 504:

օր ժամանակ եւ որպէս զգուշացում՝ պահանջը չկատարելու պարագայում սպառնում պատերազմով:

Կապի բացակայութեան պատճառով Հայաստանի կառավարութիւնը առաջին օրերին չի կարողացել Արցախի ժամանակավոր կառավարութեանն ու Ջանգեզուր-Արցախ զորախմբի հրամանատարութեանը տեղեկացնել Խորհրդային Ադրբեջանի կողմից իրեն ներկայացված վերջնագրի մասին: Այսուհանդերձ, Ադրբեջանի հեղկոմի կողմից Հայաստանի կառավարութեանը ներկայացված վերջնագիրը Դրոյի եւ արցախահայութեան համար, այնուամենայնիվ, չէր կարող գաղտնիք լինել: Տարբեր աղբյուրներից նրանց հայտնի է դառնում մուսաֆաթական Ադրբեջանում խորհրդային կարգերի հռչակման իրողութիւնը:

Այդ նույն օրերին Դրոյի եւ Ջանգեզուր-Արցախ զորախմբի շտաբի պետ Միրիմանյանի ստորագրութեամբ Ադրբեջանում տեղի ունեցած արմատական փոփոխութիւնների մասին Գ. Նժդեհին ուղարկում են մի գրութիւն, որը, կարելի է ասել, ինչ-որ իմաստով մատնանշում է նրանց ապագա ձեռնարկումների ուղղվածութիւնն ու մարտավարութիւնը:

«Հարավային Արցախյան ջոկատի պետ, փոխգնդապետ Նժդեհին.

Ադրբեջանում բոլշեւիզմի եւ Բաքուն գրավելու մասին լուրերը հաստատվում են...

Շուշիից եկած հայուհին եւ թաթարները հաղորդում են, որ սպաները հանել են իրենց ուսադիրները, նետել գնդերը, Սուլթանովը կապել է կարմիր ծապավեն եւ այլն: Թեեւ բոլշեւիզմը ակնհայտ է, բայց առայժմ, ինչպէս տեսնում եք, թաթարներին առաջնորդում են Սուլթանովը, Նուրի փաշան եւ այլոք: Ուստի մենք պետք է խիստ զգուշ լինենք: Գտնում եմ, որ ինչպէս միշտ, Ադրբեջանում առաջին շրջանն անցնում է անցավագին, բայց, հավանաբար, շուտով կսկսվի բանակի քայքայումը:

Մեզ անհրաժեշտ է այժմ հակառակորդին հնարավորութիւն տալ ինչպէս հարկն է կազմալուծվելու եւ ձեռնպահ մնալ ամեն մի ելույթից, քանզի դա կարող է նրանց ստիպել ինքնակազմակերպվելու: Մինչեւ բոլշեւիզմի բնույթի պարզելը պետք է սպասողական դիրք գրավենք:

Սպասում ենք տեղեկութիւնների երեւանից եւ Զիվանշիրից:

Մի՛ ձեռնարկեք հարձակողական գործողութիւններ եւ կազմակերպեցե՛ք Ձեզ վստահված շրջանի համար պաշտպանութիւնը...»¹:

Թեպետ Նժդեհին հասցեագրած գրութիւնում Դրոն եւ Միրիմանյանը նրան հրահանգում են չձեռնարկել հարձակողական գործողութիւններ, բայց քանի որ Ադրբեջանում տեղի ունեցած արմատական փոփոխութիւններն արդեն իրողութիւնն էին, ուստի անհրաժեշտ էր քննարկել ստեղծված կացութիւնը եւ որդեգրել տիրող կացութեանը համահունչ մարտավարութիւն:

Ի պատասխան Ադրբեջանի հեղկոմի վերջնագրի՝ Արցախի ժամանակավոր կառավարութիւնը 1920 թ. մայիսի 14-ին Դիզակի (ներկայիս Հաղրութի շրջան) Տող գյուղում ՀՀ կառավարութեան ներկայացուցիչ Արսեն Միքայելյանի նախաձեռնութեամբ գումարում է Դիզակի շրջանի բոլոր գյուղերի ներկայացուցիչների համագումար, ուր քննարկվել են հետեւյալ հարցերը.

«1. Քաղաքական կացութիւն

2. Ընթացիկ հարցեր

Ժողովում նախ եւ առաջ քննարկել են քաղաքական ներկա կացութիւնը. ինչպէս է Արցախի ժողովուրդը վերաբերվում Արարատյան կառավարութեանը (նկատի ունեն Հայաստանի Հանրապետութիւնը-Հ.Գ.) ներկայացված ադրբեջանական վերջնագրին: Այդ հարցի կապակցութեամբ տեղի է ունեցել մտքերի փոխանակութիւն: Երկար քննարկումներից հետո ժողովը հանգել է միասնական եզրահանգման. ադրբեջանական վերջնագիրը համարել ընդամենը նոր պատրվակ հայերին նոր դժբախտութիւններ պատճառելու եւ Արարատյան կառավարութիւնը ընդունել որպէս հարազատի ու Ջանգեզուրի հետ միասին մտնել Արարատյան Հանրապետութեան կազմում...»¹:

Եթե Արցախի մարտական ուժերի ու այնտեղ գտնվող Դրոյի զորամասին դիմակայողը լիներ միայն Ադրբեջանը, թեկուզեւ իր ռազմական ողջ կարողութեամբ, ապա որեւէ կասկած չի կարող, որ Արցախում ծավալվող դեպքերը կզարգանային բոլորովին այլ ուղղվածութեամբ: Մանավանդ որ Արցախում գտնվող ազերի մարտական ուժերը Դրոյի զորամասի հարվածների հետեւանքով լքել էին իրենց նախկին դիրքերը եւ պատասպարվելով Շուշիում կտրվել էին արտաքին աշխարհից ու հայտնվել շրջափակման մեջ:

Սակայն, ի դժբախտութիւն արցախահայութեան, այդ ժամանակահատվածում նրան դիմակայող հիմնական եւ վճռորոշ ուժն արդեն ազերիները չէին:

«Միջազգային իմպերիալիզմի» դեմ պայքարող, իրեն «համաշխարհային հեղափոխութեան» առաջնորդ ու դրոշակակիր հռչակած

¹ Սիմոնյան Ա., Ջանգեզուրի գոյամարտը 1920-1921 թթ, Երևան, 2000, էջ 57:

¹ ՀԱԱ, ֆ. 4033, ց. 5, գ. 461, թ. 90-91:

Խորհրդային Ռուսաստանը եւ Թուրքիայի Ազգային մեծ ժողովի (մեջլիս) նախագահ Մուսթաֆա Քեմալը Հանուն «Համաշխարհային հեղափոխութեան», բայց իրականում Հանուն իրենց քաղաքական շահերի, խորհրդայնացնելով՝ զոհաբերեցին ադրբեջանական անկախ Հանրապետութիւնը:

Հայրենական պատմարաններից է. Զոհրաբյանը իր հեղինակած «1920 թ. Թուրք-հայկական պատերազմը եւ տերութիւնները» աշխատութիւնում հավաստի փաստերի վերլուծութեամբ հաստատում է, որ Թեպետ այդ ժամանակահատվածում Քեմալն ու նրա համախոհները պանթուրքիստական ընդարձակ ծրագրեր դեռեւս չէին կարող կենսագործել, սակայն «...իրագործման ճանապարհին որպես քար ընկած էր Հայաստանի Հանրապետութեան ոչնչացումը, որը միշտ էլ պանթուրքիստների առաջնահերթ խնդիրն է Հանդիսացել, ստեղծված պայմաններում նրանց իրագործելի էր թվում: Այս տեսակետից չի բացառվում, որ նրանք կարող էին համաձայնել, ավելի ճիշտ, չընդդիմանալ՝ չնայած մուսաֆաիստների հետ կնքած պայմանագրին, Ադրբեջանի խորհրդայնացմանը, եթե դա պայմանավորվեր Հայաստանի ոչնչացումով, եթե բոլշեւիկյան կառավարութիւնը համաձայնելու ձեռքերի ազատութիւն տալ նրանց Հայաստանի հարցում...»¹:

Որպես ապացույց իր եզրահանգումների՝ է. Զոհրաբյանը մեջբերում է Քեմալի հետեւյալ խոսքերը. «Թուրքական կառավարութիւնը իր վրա է վերցնում պատերազմական գործողութիւնները իմպերիալիստական Հայաստանի դեմ եւ պարտավորվում է ստիպել Ադրբեջանի Հանրապետութեանը մտնելու խորհրդային պետութիւնների շրջանակի մեջ»²:

«Համաշխարհային հեղափոխութեան» առաջնորդ ու դրոշակակիր Խորհրդային Ռուսաստանը, առաջնորդվելով արեւելքի ճնշված ժողովրդին «Միջազգային իմպերիալիզմի լծից ազատագրելու» եւ արեւելքի երկրներում խորհրդային կարգեր հաստատելու միջոցով նրանց ազատագրելու շինծու ու խորապես կեղծ լոգունգներով եւ կարգախոսներով, ձգտում էր արեւելքի ժողովուրդների վրա հաստատել իր գերիշխանութիւնը ու նրանց աջակցութեամբ մերձավոր եւ միջին արեւելքից դուրս մղել «Միջազգային իմպերիալիզմի», այն է՝ Անտանտի տերութիւններին:

Խորհրդային Ռուսաստանի իշխանութիւնների «ազատագրական եւ հումանիստական» առաքելութեան ու նպատակների կենսա-

գործման գլխավոր խոչընդոտը «Միջազգային իմպերիալիզմն» էր եւ նրա դաշնակից Հայաստանի Հանրապետութիւնը: Մերձավոր եւ միջին արեւելքում իր գերիշխանութիւնը հաստատելու համար Խորհրդային Ռուսաստանին անհրաժեշտ էր դաշնակից ու հենարան: Հանձին իրեն «կարմիր հեղափոխական» հորջորջող Մուստաֆա Քեմալի, որի պայքարի սլաքը նույնպես ուղղված էր «Միջազգային իմպերիալիզմի» դեմ, Խորհրդային Ռուսաստանը գտավ իր հուսալի եւ «գաղափարակից» դաշնակցին: Խորհրդային Ռուսաստանի եւ Քեմալական Թուրքիայի շահերը փոխադարձաբար համընկնում ու ներդաշնակում էին: Նորաթուխ դաշնակիցների համար «Միջազգային իմպերիալիզմի» դաշնակից Հայաստանի Հանրապետութիւնը դիտվում էր որպես թշնամի, իրենց նպատակների կենսագործման ճանապարհին կանգնած խոչընդոտող ուժ: Այս առումով ուշագրավ է Խորհրդային մեծ Հանրապետարանում Հայաստանի Հանրապետութեանը տրված հետեւյալ որակավորումը. «1920թ. սկսած Խորհրդային Ռուսիայի եւ Անկարայի բարեկամական հարաբերութիւնները բախվում էին այդ երկու պետութիւնների (այդ ժամանակ քեմալական Թուրքիան որպես անկախ պետութիւն դեռեւս որեւէ տերութեան կողմից ճանաչված չէր-Ղ.Գ.) միջեւ ընկած որպես թշնամի ուժ, Հայաստանի ընդդիմութեանը»¹:

Միմոն Վրացյանի պնդմամբ՝ բոլշեւիկների ու Թուրքերի միջեւ գոյութիւն ունեին շատ սերտ բարեկամութիւն եւ համագործակցութիւն: Իր պնդումը հիմնավորելու համար նա մեջբերում է բոլշեւիկ-քեմալական-ադրբեջանյան համագործակցութիւնը հավաստող երկու փաստարկ.

1. Ադրբեջանի գինվորական նախարարի օգնական գեներալ Ալի Աղա Շիրվանսկու եւ Թուրքական բանակի հրամանատար Քեազիմ Կարաբեքիր փաշայի 1920 թ. ապրիլի 15-ին էրզրումում կայացած հանդիպումն ու կնքված համաձայնագիրը:

Համաձայն այդ համաձայնագրի 5-րդ կետի՝ «Ազրբեջանի կառավարութիւնը խոստանում է շարունակել նպաստել Խորհրդ. Ռուսաստանի «Անատոլիայի ու Ռումելիայի իրաւունքների պաշտպանութեան կոմիտէ» միջեւ մերձեցումն իրականացնելու: Անհրաժեշտութեան դէպքում ինքն էլ է յարում այդ միութեանը»²:

Իսկ ըստ համաձայնագրի 7-րդ կետի՝ Անատոլիայի ու Ռումելիայի իրավունքների պաշտպանութեան կոմիտեն պարտավորվում է «...երբ Հայաստանը յարձակում գործէ Ազրբեջանի վրա, եւ

¹ Զոհրաբյան է, նշվ. աշխ., էջ 27:
² Նույն տեղում:

¹ Большая Советская Энциклопедия, 1926, т. 3, ст. 438.

² Վրացեան Ա., Հայաստանի Հանրապետութիւն, էջ 448:

Աղբբէջանի կառավարութիւնը վճռականօրէն խոստանում է, որ այդ ղէպքում, երբ Թիւրքիայի արեւելեան շրջանները կը տրւեն եւ կը միացեն Հայաստանին, այս երկու ղէպքում էլ համաձայնութեան երկու կողմերն էլ պաշտպանելու եմ միմիանց շահերը եւ գործելու են որպէս միացած բանակ»¹:

Ուշագրավ է այդ համաձայնագրի կապակցութեամբ իր նամակներէց մեկում Կարաբեքիր փաշայի ներկայացրած հետեւյալ փաստերը. «Մեր, Աղբբէջանի եւ բոլշեւիկների միջեւ կնքուած պայմանների հիման վրա, մեծ թիւ մեր սպաների, բժիշկների եւ պաշտօնեաների գնացել են Աղբբէջան: Բոլշեւիկները մեզ առաջարկեցին անյապաղ պատերազմական գործողութիւններ սկսել հայկական սահմանների վրա, հայերի դէմ...»

Աղբբէջանեան զօրքերը պէտք է ցոյց տան կեղծ-խաբուսիկ դիմադրութիւն, որպէսզի կարողանան իրենց արդարացնել դաշնակիցների հանդէպ: Միանալով կանաչ բանակին՝ աղբբէջանեան զօրքերը պէտք է առիթ որոնեն ընդհարելու Հայաստանի հետ եւ Անատոլիայում գտնւող թիւրք զօրքերի հետ միասին անցնեն Հայաստանի սահմանները ու սկսին զինւորական գործողութիւններ Հայոց Հանրապետութեան դէմ»²:

Ըստ Ս. Վրացյանի վկայակոչած 2-րդ փաստարկի՝ «...յայտնի կոմունիստ Սուլթան Գուլիեւը 1920 թւի մայիսին գրում էր «Իզվեստիա»-յում. «Միլլի կազմակերպութիւնը Դենիկինի Մոսկւայի վրա գործած յարձակման ժամանակ նրա թիկունքում առաջացրեց ապստամբութիւն եւ ստիպեց կուրի վճռական ընդհանրին նրա բանակից մի քանի զօրամասեր ուղղել դէպի յետ՝ ճնշելու համար ապստամբութիւնը: Այդ ձեւով է աշխատել «Միլլի կազմակերպութիւնը եւ Բաթումիի, Կարսի, Արդահանի շրջաններում: Աղբբէջանի բանակում աշխատող տաճկական սպաները գաղտնի քարոզչութիւն են անում միանալու Խորհրդային Ռուսաստանի հետ»³:

Կարելի է ասել, որ մեկնաբանութիւններն ավելորդ են:

Կարաբեքիր փաշայի արտահայտած «աղբբէջանեան զօրքերը պէտք է առիթ որոնեն ընդհարելու Հայաստանի հետ» ցանկութիւնը, հանձին վիճելի տարածքներ համարվող Արցախի, Չանգեզուրի եւ Նախիջևանի, ներկայացվել էր:

¹ Նույն տեղում, էջ 448-449:

² Նույն տեղում:

³ Նույն տեղում:

Աղբբէջանի կառավարութիւնը վճռականօրէն խոստանում է, որ այդ ղէպքում, երբ Թիւրքիայի արեւելեան շրջանները կը տրւեն եւ կը միացեն Հայաստանին, այս երկու ղէպքում էլ համաձայնութեան երկու կողմերն էլ պաշտպանելու եմ միմիանց շահերը եւ գործելու են որպէս միացած բանակ»¹:

Ուշագրավ է այդ համաձայնագրի կապակցութեամբ իր նամակներէց մեկում Կարաբեքիր փաշայի ներկայացրած հետեւյալ փաստերը. «Մեր, Աղբբէջանի եւ բոլշեւիկների միջեւ կնքուած պայմանների հիման վրա, մեծ թիւ մեր սպաների, բժիշկների եւ պաշտօնեաների գնացել են Աղբբէջան: Բոլշեւիկները մեզ առաջարկեցին անյապաղ պատերազմական գործողութիւններ սկսել հայկական սահմանների վրա, հայերի դէմ...»

Աղբբէջանեան զօրքերը պէտք է ցոյց տան կեղծ-խաբուսիկ դիմադրութիւն, որպէսզի կարողանան իրենց արդարացնել դաշնակիցների հանդէպ: Միանալով կանաչ բանակին՝ աղբբէջանեան զօրքերը պէտք է առիթ որոնեն ընդհարելու Հայաստանի հետ եւ Անատոլիայում գտնւող թիւրք զօրքերի հետ միասին անցնեն Հայաստանի սահմանները ու սկսին զինւորական գործողութիւններ Հայոց Հանրապետութեան դէմ»²:

Ըստ Ս. Վրացյանի վկայակոչած 2-րդ փաստարկի՝ «...յայտնի կոմունիստ Սուլթան Գուլիեւը 1920 թւի մայիսին գրում էր «Իզվեստիա»-յում. «Միլլի կազմակերպութիւնը Դենիկինի Մոսկւայի վրա գործած յարձակման ժամանակ նրա թիկունքում առաջացրեց ապստամբութիւն եւ ստիպեց կուրի վճռական ընդհանրին նրա բանակից մի քանի զօրամասեր ուղղել դէպի յետ՝ ճնշելու համար ապստամբութիւնը: Այդ ձեւով է աշխատել «Միլլի կազմակերպութիւնը եւ Բաթումիի, Կարսի, Արդահանի շրջաններում: Աղբբէջանի բանակում աշխատող տաճկական սպաները գաղտնի քարոզչութիւն են անում միանալու Խորհրդային Ռուսաստանի հետ»³:

Ա. Վրացյանի պատմագրութեամբ Վազրուճանի մասին քննարկումները արժանաւորան արդարաւորապէս կենտրոնանալով Չուլիանի ԶԺԿՆ Մոսկւայից հեռու է փոքրամասնական մտայն, լիարժեք եւ հարուստ ինչ օրինակներով հարմար պարզապէս չենք կարողանալ բնութագրել: Երբ արդեն Երեւանի մասին է լինում փոքրամասնական շահակից՝ քարոզակերպութեանը՝ Բաթումիի հարցերը համալրելու նպատակով: Բուսաստանի արմատները հարցնենք Արթուրից, Կարաբեքիրից, Սեփարից, Միլլիի կառավարչութեանը: Բայց ան քայլիս քարոզակերպ կամայարները: Ընթացին Երեւանի մասին օրինակները՝ փոքրամասնական շահակիցի զինվորական շահակիցը հարցաքննելու քննարկումները:

Բանակը սխառտ արտագրումն կառավարութիւնը եւ Թուրքի փաշայի զինակիրութեամբ մեկներ Ռուսիայի»:

Ինչպիսի արեւելք տանող մայրուղու առաջին արեւելատարներն էլ Արցախն էր, ապա Զանգեզուրը: Արցախի կիսաօկուպիտներն արեւելի գրաւութեամբ Հայկա-Հարսիս համար քարոզակերպն «առաջատարները» Հետոյն կիրառուած էին իրենց հարազատ եւ քարոզիցս փարձար կամ մեթոդները, այն է՝ կեղծ եւ շուրջ խոստումների քարոզչու-

¹ Տե՛ս նույն տեղում, էջ 449-450:

Թյամբ ապակողմնորոշել ու սիրաշահել ժողովրդին եւ տեղերում հաստատել խորհրդային իշխանութիւն կառուցներ՝ հեղկոմներ:

Որոշակիորեն տեղյակ լինելով Զանգեզուրի եւ Արցախի նկատմամբ խորհրդային իշխանութիւնի գործած չարագործութիւններին ու զավթողական տրամադրվածութեանը՝ Ադրբեջանի նորանշանակ բոլշեւիկյան իշխանութիւնը՝ հեղկոմը, ապրիլի 29-ի որոշմամբ նրան է վստահում Արցախի հեղկոմի դեկր: Առաջնորդելով խորհրդային իշխանութիւնների կենսագործած քաղաքականութեամբ՝ խորհրդային իշխանութիւնները նրանց գործուն քաղաքականութեամբ սկսում է հեղկոմներ հիմնել նաեւ Արցախի շրջաններում¹:

Զբաղարարվելով այդ ամենով՝ Սուլթանովը Շուշիի փրկված հայերի միջոցով հայտնում է Արցախի ղեկավարութեանը, որ «Կարմիր Բանակը գրավել է Բաքուն և Շուշիում կազմված է Հեղափոխական կոմիտե (Ռեկոմ)՝ իր նախագահութեամբ, և առաջարկում է դադարեցնել հարձակողական գործողութիւնները»²:

Սուլթանովի առաջարկութիւնը, կարելի է ասել, հավասարազոր է գրեթե վերջնագրի: Ավելին, իր իշխանութիւնն Արցախում հաստատելու նպատակադրութեամբ Սուլթանովը խաղաղութեան եւ համերաշխութեան է կոչում Արցախի բնակչութեանը, ընդամին ժողովրդին ապակողմնորոշելու եւ նրա համակրանքը շահելու նպատակով մինչ այդ տեղի ունեցած ազգամիջյան ջարդերի ողջ մեղքն ու պատասխանատվութիւնը բարդում է դաշնակցականների եւ իր նախկին կուսակիցների՝ մուսաֆաթականների վրա: Սուլթանովը թեպետ փորձում է կիրառել զանգվածներին մոլորեցնելու եւ սիրաշահելու բոլշեւիկների, իհարկե նրանց իսկ թելադրութեամբ, գործադրած մարտավարութեան ձեւերն ու միջոցներն, սակայն նրա ջանքերն ապարդշուն էին: Արցախահայութիւնը, քաջատեղյակ լինելով նորաթուխ բոլշեւիկի հակահայ գործունեութեանն ու տրամադրվածութեանը, բնականաբար չէր կարող հավատ ընծայել նրա քարոզչութեանն ու խոստումներին:

Արցախահայութիւնը, միանշանակորեն իր անվստահութիւնն ու բացասական տրամադրվածութիւնն արտահայտելով Սուլթանովի եւ նրա ձեռնարկումների նկատմամբ, մայիսի 7-ին Լենինին եւ Ադրբեջանի հեղկոմի նախագահ Նարիմանովին (պատճեն) հասցեագրած հեռագրում ներկայացնում է Արցախում տիրող իրավիճակը, միաժամանակ հայտնում, որ «...Արցախի 360 հազար գիւղա-

ցիւնները ներկայումս էլ հարկադրված է լինել մարտաշարքերում, որովհետեւ Շուշիի հեղկոմից ծանուցագիրը նա ստացել է այն պահին, երբ գնդացիների ու հրանոթների որոտը շարունակում է ոչնչացնել խաղաղ հայ բնակչութեանը...

Շուշիի հեղկոմի առաջարկութեանը մենք չենք հավատում...¹:

Այդ նույն հեռագրում իր հավանութիւնը արտահայտելով խաղաղութիւնը հաստատելու հեղկոմի կոչի նկատմամբ՝ արցախահայութեան անունից հանդես եկող Արցախի գյուղացիութեան պաշտպանութեան կոմիտեն հայտնում է. «Արցախի 360 հազար հայ գյուղացիութիւնը երեք տարի շարունակ պայքարել է թուրքական ռեակցիայի եւ խան-բեկական Ադրբեջանի Հանրապետութեան դեմ: Կրկնապատկված եռանդով նա կշարունակի պայքարը ռեակցիայի դեմ, քանի դեռ խորհրդային Ռուսաստանի հեղափոխութեան հավատարիմ զավակները չեն մտել Լեւոնային Արցախի սահմաններ»²:

Այդ հեռագրում արցախահայութեան արտահայտած խորհրդային Ռուսաստանի հեղափոխութեան հավատարիմ զավակներին Արցախում տեսնելու ցանկութիւնը շատ շուտով իրականանում է:

Մայիսի 1-ին Ադրբեջանի տարածքում գտնվող 11-րդ կարմիր բանակի հրամանատարութիւնը Օրջոնիկիձեի, Կիրովի ստորագրութեամբ՝ խորհրդային իշխանութեան անունից, պատերազմ հայտարարելու սպառնալիքով նոր վերջնագիր է ներկայացնում Հայաստանի կառավարութեանը եւ առանց պատասխանի սպասելու կարմիր բանակի զորադնդերը շարժում Արցախ: Պահանջում են Դրոյից հայ զինական ուժերը դուրս բերել Արցախի տարածքից: Եթե չընդունվեն Կարմիր բանակի պահանջները, ապա հանրապետութիւնը ստիպված կլինի պատերազմել ոչ միայն «խորհրդային մուսաֆաթի», այլև հենց խորհրդային Ռուսաստանի դեմ: Բացի դրանից, խորհրդային իշխանութեան հետ բանակցութիւնները վարելու առաքելութեամբ Մոսկվա ուղեւորվող Լեւոն Շանթի պատվիրակութիւնն արդեն ճանապարհին էր, եւ Հայաստանի կառավարութիւնը հույս ուներ բանակցութիւնները վարել մեծ տերութեան հետ:

Մայիսի 5-ին Դրոյի հետ բանակցելու համար Արցախ են ժամանում Ս. Օրջոնիկիձեի ներկայացուցիչներ Սահակ Տեր-Գաբրիելյանն ու Լեւանդովսկին եւ խորհրդային իշխանութեան անունից պահանջում հայկական զորքերը դուրս բերել Արցախի տարածքից եւ անցնել Զանգեզուր:

¹ ՀԱՍ, ֆ. 200, ց. 1, գ. 581, ք. 57:

² Կիսիբեկյան Ա., Հուշերը, հ. 1, էջ 507:

¹ Հարությունյան Հ., Լեւոնային Արցախը 1918-1921, Երևան, 1996, էջ 238:

² Նույն տեղում:

«Դրօն,- շարունակում է Արսեն Միքայելյանը,- պատասխանում է, որ ինքը զինուորական է, ներս է մտել Արցախ իր կառավարութեան հրահանգով եւ այն ժամանակ միայն, երբ Ադրբեջանը սկսել է կոտորել Շուշի քաղաքի անզէն բնակչութիւնը եւ աւերել հայկական գիւղերը, կը հեռանայ միայն այն ատեն, երբ համապատասխան հրաման ստանայ Հայաստանի Հանրապետութիւնից»¹:

Խորհրդային իշխանութեան ներկայացուցիչները Դրոյին համոզելու նպատակով դիմում են կեղծիքի ու խաբուսթեան.

«Բայց Հայաստանի նախկին կառավարութիւնն այլեւս գոյութիւն չունի, եւ մայիսի 2-ին Հայաստանի մէջ հաստատուած է Խորհրդային իշխանութիւն (Հայաստանի կառավարութեան հետ կապի բացակայութեան պատճառով Դրոն դեռեւս տեղեկութիւն չունի հանրապետութիւնում բոլշեւիկների սանձազերծած մայիսյան խռովութիւնների մասին-Ն. Գ.),- յայտարարում են նրանք:

- Ես զինուորական եմ, ես կը սպասեմ իմ կառավարութեան հրահանգին, այդ կըլլայ հին թէ նոր,- լինում է Դրոյի պատասխանը:

Այն ժամանակ Օրջոնիկիձէի ներկայացուցիչներն առաջարկում են Վարիչներին խորհրդի իշխանութիւնը տարածել միայն Վարանդայի եւ Դիզակի վրայ:

Դրօն միեւնոյն պատասխանն է տալիս»²:

Դրոյի մերժողական պատասխանը, ինչը հստակորեն ապացուցեց ժամանակը, խորհրդային իշխանութեան ներկայացուցիչների համար լուրջ խոչընդոտ չէր կարող ծառայել: Կարմիր Բանակը մուտք էր գործել Անդրկովկաս, իսկ տվյալ պարագայում՝ Արցախ, հստակ առաջադրանքով եւ նպատակադրվածությամբ, ու այն պետք է կենսագործվեր: Առաջին հանդիպումից չանցած երկու շաբաթ մայիսի 20-ին, խորհրդային իշխանութեան ներկայացուցիչները նույն պահանջը իրականացնելու նպատակով դարձյալ հանդիպում են Դրոյին:

«Մայիսի 21-ին,- հաղորդվում է Բաթումի Հայաստանի Հանրապետության հյուպատոսի կողմից Հայաստանի արտաքին գործերի նախարարին հասցեագրված գեկուցագրում,- Դրօն հեռագրել է Արցախից, հայտնելով, որ Շուշիից իր մոտ եկել են Կովկասյան բանակի ռազմական խորհրդի նախագահ Օրջոնիկիձեի ներկայացուցիչներ Սահակ Տեր-Գաբրիելյանը, Կայդալովը եւ Պարանկինը, որոնք Օրջոնիկիձեի անունից Դրոյին հաղորդել են, որ ռուսական

կարմիր զորամասերը մտադիր են խորհրդային իշխանութիւնն հաստատել Արցախում..

Դրօն պատասխանել է, թէ հարցի այդօրինակ լուծման համար անհրաժեշտ է դիմել Հայաստանի կառավարութեանը, քանի որ ինքը բանակցութիւնների համար չունի լիազորութիւններ»¹:

Խորհրդային Ռուսաստանի զորքերը առանց Արցախի օրինական իշխանութեան «Վարիչների խորհրդի» եւ Դրոյի համաձայնութեան, արդեն մինչեւ մայիսի 20-ը հայ բոլշեւիկների առաջնորդությամբ մուտք են գործում Արցախի մի շարք շրջաններ եւ ամենուրեք հաստատում խորհրդային կարգեր: Արցախը գրավելու ամենահարմար եւ «անարյուն», «մարդասիրական» միջոցը տեղի բնակչությանը շլացուցիչ խոստումներով ու կեղծ գաղափարներով խաբելն էր: Իսկ «խաղաղութիւն», «հավասարութիւն», «եղբայրութիւն» գրավիչ կարգախոսներով առաջնորդվող բոլշեւիկներին դժվար չէր մոլորեցնել ադրբեջանական զորքերի մշտական սպառնալիքի տակ ապրող եւ իրենց բազմամյա պայքարով դեռեւս բաղձալի նպատակին չհասած արցախցիներին:

Մի հատված դարաբաղցիների հետ հանդիպման ժամանակ Սահակ Տեր-Գաբրիելյանի արտասանած քարոզչությունից. «... Ռազմահեղափոխական խորհրդի ներկայացուցիչ ընկեր Գաբրիելյանը ասում էր, որ Կարմիր բանակը եկել է Անդրկովկաս ոչ թե նվաճելու, այլ խորհրդային իշխանություն, խաղաղություն եւ հանգիստ կյանք հաստատելու:

... Կարմիր բանակը հզոր է եւ արդեն ջախջախել է աշխատավոր ժողովրդի բոլոր թշնամիներին՝ Յուդենիչին, Կոլչակին եւ Դենիկինին: Խորհրդային իշխանությունը վերցնում է հողը կալվածատերերից, ֆաբրիկաները ֆաբրիկատերերից եւ այդ բոլորը տալիս է բանվորներին եւ գյուղացիներին»²:

Աստիճանաբար տարածվելով Արցախի տարածքում, բոլշեւիկները տեղերում ստեղծում են հեղափոխական կոմիտեներ (հեղկոմ) եւ նրանց միջոցով ակտիվ քարոզչական գործունեություն ծավալում գյուղացիության շրջանում: Մայիսի սկզբներին Շուշիում հիմնված հեղափոխական կոմիտեն տարածում է հետեւյալ գրությունը. «... Գրութիւնն ուղղուած էր Լեռնային Արցախի հայ գիւղացիութեան...

Յայտնելով, որ Բագուն, Գանձակը եւ Շուշին գրաւուած են բոլշեւիկների կողմից, որ ամբողջ Ադրբեջանում բոլշեւիկեան իշխանու-

¹ «Հայրենիք» ամսագիր, 1923, հոկտեմբեր, էջ 125:

² Նույն տեղում:

¹ Տե՛ս ԳՅՂ ԿԱ, ք. 1, էջ 40-41:

² Нагорный Карабах в 1918-1923 гг., Ереван, 1992, см. 267:

թիւն է եւ մուսաֆաթականները տապալուած են, Շուշայ յեղկոմը կոչ է ուղղում Հայ գիւղացիութեան՝ տապալելու Հայկական մուսաֆաթ «դաշնակներին» իշխանութիւնը եւ միանալու իրենց, եղբայրական ձեռք մեկնելու իրենց»¹:

Խորհրդային կոմիսարները ճիշտ էին հասկացել ժամանակի նրբութիւնը: Արցախի նվաճման լավագույն երաշխիքը բնակչութեանը հմայելու ու մոլորեցնելու միջոցով նրա բուլշեւիկացումն էր ու խորհրդայնացումը: Բուլշեւիկյան ժանտախտը արագորեն տարածվում է Արցախի բնակչութեան շրջանում: Հայ բուլշեւիկների ջանքերով բազմաթիվ գյուղեր հոժարակամ ընդունում են խորհրդային իշխանութիւնը:

Ստեղծված իրավիճակում Դրոն այլընտրանք չուներ. կամ պետք է գնեքի ուժով հարկադրել Կարմիր բանակին թողնել Արցախի տարածքը, որը միանշանակորեն նշանակում էր պատերազմական գործողութիւններ սկսել Խորհրդային Ռուսաստանի դեմ, կամ չխոչընդոտել Կարմիր բանակին Արցախի խորհրդայնացման գործում, որն էլ հավասարազոր էր համակերպվել Արցախը առայժմ Խորհրդային Ադրբեջանի կազմում թողնելու իրողութեանը:

Արցախի գործիչներից ոմանք հակված էին հարցը գնեքի ուժով լուծելու տեսակետին եւ այդ պատճառով, երբ Դրոն, այնուամենայնիվ, որոշում է, առանց մարտական գործողութիւններ վերսկսելու, խաղաղ ճանապարհով իշխանութիւնը Արցախում հանձնել Հայ բուլշեւիկներին: Արցախի այն գործիչները, որոնք համաձայն չէին իշխանութիւնը բուլշեւիկներ խաղաղ ճանապարհով հանձնելու իրողութեանը, մասնավորապես, Դիզակի ինքնապաշտպանական ուժերի հրամանատարներից Հովակ Ստեփանյանը «Հ.Յ.Դ. դատական գերագոյն ատեանին» ուղղված իրնց գեկուցագրերում, նկարագրելով Արցախում տեղի ունեցած վերջին իրադարձութիւնների մանրամասները, գտնում են, որ անհրաժեշտ էր մնալ Արցախում եւ բոլոր հնարավոր միջոցներով պայքարել ու թույլ չտալ, որպեսզի բուլշեւիկները կարողանային խորհրդայնացնելու ճանապարհով Արցախը մտցնել Ադրբեջանի կազմում²:

Իրոք, դժվար էր երկարատեւ ու արյունալի պայքարից ու կռիւներից հետո հաշտվել Արցախը դարձյալ Հայաստանի Հանրապետութեան կազմում չտեսնելու իրողութեանը: Արցախյան հարցի լուծման նման վերջաբանը անառարկելիորեն ծանր է եղել նաեւ Դրոյի համար: Այդպիսի իրավիճակը աննախադեպ էր նրա մարտական հա-

րուստ կենսագրութիւնում: Նա գլխավորապես ռազմի մարդ էր եւ Արցախի համար գուցե եւ ճակատագրական նշանակութիւն ունեցող վճիռ կայացնելու համար, տվյալ պարագայում նրանից պահանջվում էր խորագետ քաղաքագետի նրբին միտք, հավասարակշռված կողմնորոշում ու սթափ մտտեցում: Անբասիր ռազմագետի ու քաջ զինվորի անուն վաստակած Դրոյին, այս դեպքում, պետք է փոխարինել քաղաքագետ Դրոն, որին վիճակված էր լուծելու չափազանց դժվարին ու պատասխանատու խնդիր: Որպեսզի ստեղծված կացութեանը համապատասխան ու ճիշտ քայլեր ձեռնարկվին, անհրաժեշտ էր անպայմանորեն հաշվի առնել հետեւյալ հանգամանքները.

1) Արցախը եւ բնականաբար Հայաստանի Հանրապետութիւնը, արդյոք ի գորու էին եւ պատրաստ պատերազմելու հյուսիսի հզոր հարեւանի՝ Խորհրդային Ռուսաստանի դեմ:

Դատելով Հայաստանի Հանրապետութեան ներքին եւ արտաքին քաղաքական կյանքում տեղի ունեցող դեպքերի ընթացքից՝ աներկբա կարելի է պնդել, որ Հայաստանի կառավարութեան համար նման ճակատագրական որոշում կայացնելու համար ժամանակը եւ հնարավորութիւնները չափազանց աննպաստ էին եւ գրեթե անհնարին: Իսկ Արցախում հայտնված խորհրդային զորքեր դեմ պառերազմելը, որը հավասարազոր է Խորհրդային Ռուսաստանին պատերազմ հայտարարելուն, պատմական այդ ժամանայաշրջանում բնավ չէր կարող տեղ գտնել ՀՀ կառավարութեան քաղաքական ու առավել եւս ռազմական ծրագրերում:

Նախ, Հայաստանի կառավարութեանը դեռեւս նոր էր հաջողվել ճնշել Հանրապետութեան մի շարք շրջաններում բռնկված բուլշեւիկների գլխավորած մայիսյան խռովութիւնները, որից հետո «... իրերի տրամաբանական թելադրանքով, կառավարութեան առջեւ եկաւ թրքաբնակ վայրերի գրաւման հարցը: Մի շարք շրջաններ՝ Չանգի-բասարում, Վեդիբասարում, Զուլ, Կողբ եւ այլն, էլ չենք խոսում Շարուր-Նախիջևեանի մասին, որոնք մնում էին Հայաստանի իշխանութեան նկատմամբ ապստամբ վիճակում, ոչ միայն չէին ճանաչում նրան, այլեւ անվերջ յարձակումներով, սպանութիւններով դժուարացնում էին Հայաստանի կազմակերպման եւ վերաշինութեան գործը»¹:

Հայրենական պատմաբաններից Հ. Հարութիւնյանը իր «Լեւոնային Արցախը 1918-1921» պատմագիտական աշխատութիւնում, վերլուծելով խորհրդային զորամասերի հայտնվելու պատճառով

¹ ԳԳԱ, ֆ. Ս. 4., տուփ 2, «Տեր Յակոբեանի յուշերը», էջ 1:
² Տե՛ս ԳԳԱ, ք. 1649, գ. 1, 3, 6:

¹ Վրացեան Ա., Հայաստանի Հանրապետութիւն, էջ 915:

Արցախում տիրող իրավիճակը, գտնում է. «Ինչ վերաբերում է Հայաստանի Հանրապետության կառավարության դիրքին, ապա նա հնարավորություն չունի զինուժով օգնություն ցույց տալ, քանի որ հայկական բանակը ներքաշվել էր քեմալական թուրքիայի պարտադրած պատերազմի մեջ¹։

Որպես փաստարկ իր եզրահանգման, Հ. Հարությունյանը վկայակոչում է մայիսի 2-ին Սարուչենում կայացած Արցախի ժամանակավոր կառավարության նիստում Հայաստանի Հանրապետության ներկայացուցիչ Հակոբ Տեր-Հակոբյանի կողմից արված հետեւյալ հայտարարությունը. «...երկու ճակատի վրա մենք չենք կարող կռվել, որովհետեւ մեր ամբողջ ուժերը պետք է կենտրոնացնենք տաճիկների դեմ: Արցախին մենք կօգնենք ոչ թե կենդանի ուժերով, այլ ռազմամթերքով եւ դրամով»²։

Բ) Լեւոն Շանթի գլխավորած Հայաստանի Հանրապետության պատվիրակությունը դեռեւս գտնվում էր Մոսկվայում, եւ Հայաստանի կառավարությունը հույս ուներ բանակցությունների միջոցով խորհրդային Ռուսաստանին ճանաչել տալու ոչ միայն Հայաստանի Հանրապետությունը, այլեւ խաղաղ ճանապարհով լուծելու Արցախի եւ Զանգեզուրի հարցը:

Մայիսի կեսերին Հայաստանի Հանրապետության կառավարության ներկայացուցիչները արդեն հասել էին Արցախ եւ Դրոն նրանց պատմածներից որոշակիորեն տեղյակ էր Հանրապետության ներքին եւ արտաքին քաղաքական կյանքում տիրող վերոհիշյալ իրադարձություններին³։

Գ). Մայիսի 29-ին ստանալով Դրոյի կողմից դեռեւս մայիսի 21-ին ուղարկված հեռագիրը, որով տեղեկացվում էր Օրջոնիկիձեի ներկայացուցիչների եւ Կարմիր զորամասերի կողմից Արցախում կենսագործվող ձեռնարկումների մասին՝ Հայաստանի Հանրապետության վարչապետ Համո Օհանջանյանը հաջորդ օրը եւեթ բողոքի նոտա է հղում Մոսկվա, արտաքին գործերի ժողկոմ Ջիչերինին՝ հայտնելով. «... ապրիլի 20-ին Արցախի գյուղացիությունը Գրդ համազումարում հաստատել է նախորդ համազումարներում ընդունած Հայաստանի Հանրապետությանը միավորվելու իր որոշումը: Այդ նույն համազումարում խիստ կերպով մերժվել է Ադրբեյջանի իշխա-

նությունը ճանաչելու հնարավորությունը, նույնիսկ քաղաքական հեղաշրջման եւ այնտեղ խորհրդային իշխանություն հաստատելու դեպքում:

... Հայաստանի Հանրապետության կառավարությունը չցանկանալով Արցախի բնակչությանը պատճառել նոր թշվառություններ՝ բազմիցս առաջարկել է Ադրբեյջանի կառավարությանը, որը ձգտում է գնելի ուժով Արցախի բնակչությանը պարտադրել իր իշխանությունը, հարցը լուծել խաղաղ ճանապարհով՝ երկու հանրապետությունների փոխհամաձայնությամբ:

Այս պահին, երբ երկու պետությունների՝ Ռուսաստանի եւ Հայաստանի միջեւ բարեկամական հարաբերություններ հաստատելու նպատակով իմ կառավարության պատվիրակությունը գտնվում է Մոսկվայում, կոմիսար Օրջոնիկիձեի այն պահանջը, ըստ որի Արցախի բնակչությունը, հակառակ պարզ ու որոշակիորեն արտահայտած իր կամքի, համարվի Ադրբեյջանի մասնիկը՝ բոլորովին անհասկանալի է:

... Այժմ դարձյալ արտահայտելով իմ կառավարության բարի ցանկությունը, խնդրում եմ Արցախի բնակչության կամքի ազատ արտահայտվելու հնարավորություն ընձեռելու նպատակին ծառայող հարցերը մեր պատվիրակության հետ քննարկել Մոսկվայում եւ խորհրդային գործերի կողմից այդ երկրամասը բռնի ներխուժելու դեպքում, նրա բնակչությանը փրկել արյունահեղությունից»¹:

Դ) Խորհրդային Ռուսաստանի դեմ պատերազմական գործողությունների վերաբերյալ Հայաստանի կառավարությունը Դրոյին հստակ հրահանգ չի տվել եւ չէր կարող տալ, որովհետեւ հայ-ռուսական պատերազմը իր անկանխատեսելի հետեւանքներով ոչ միայն կարող էր վերջնականապես «լուծել» վիճելի տարածքների՝ Արցախի, Զանգեզուրի եւ Նախիջևանի խնդիրը, այլեւ հարցականի տակ դնել նույնիսկ Հայաստանի Հանրապետության գոյությունը:

2. Ինչպիսի՞ն կլինե՞ր Հայաստանի Հանրապետության կառավարության վերաբերմունքը Դրոյի նկատմամբ, եթե նա, կապի եւ հաղորդակցության միջոցների բացակայության պայմաններում, փորձեր սեփական նախաձեռնությամբ սկսել պատերազմական գործողություններ ընդդեմ ռուսական գործերի: Ձե՞ր անհաջողության դեպքում պատասխանատվությունը իր ողջ ծանրությամբ կընկներ Դրոյի վրա: Իսկ անհաջողությունը, չնայած Դրոյի՝ անպարտելի զորապե-

¹ Հարությունյան Յ., նշվ. աշխ., էջ 273:

² Նույն տեղում:

³ Տե՛ս ԳՅԴ ԿԱ, թժ. 1649, գ. 1, էջ 40-41:

¹ ՀԱԱ, ֆ. 368, ց. 1, գ. 5, թ. 182:

տի համբավին, բացառված չէր, քանի որ Կարմիր բանակը, պատե-
րազմը փոքր-ինչ երկարաձգվելու դեպքում, կարող էր իր մարտաշար-
քերը համարել ոչ միայն ի հաշիվ ռուսական զորագնդերի, այլև
առաջին հերթին հենց «Կարմիր Ադրբեջանի» զինական ուժերի:

Ըստ Արամ Միմոնյանի «Ջանգեզուրի գոյամարտը 1918-1921
թթ.» պատմագիտական աշխատությունում տեղ գտած տվյալների՝
մինչև խորհրդային կարգերի հաստատումը մուսաֆաթական Ադր-
բեջանի 30.000 հետեակ եւ հեծյալ մարտիկներից բաղկացած բանա-
կը ուներ. « ա. մեկ հետեակային դիվիզիա, որի կազմում կար հինգ
գունդ՝ մինչև 12.000 սվինով.

բ. երկու գնդերից կազմված մեկ հեծյալ բրիգադ՝ մինչև 2800 սրով:
Դերբենդի ուղղությամբ՝ Ադրբեջանի եւ Դաղստանի սահմանի վրա,
ինչպես նաև Կուսարի եւ Կուբայի շրջաններում մուսաֆաթական
բանակն ուներ զորքերի անկանոն ջոկատներ, որոնցում հաշվվում
էր 8000 մարդ: Բանակն ուներ նաև զորքերի այլ տեսակներ.

ա. Անմիջականորեն սահմանի վրա կանգնած էր ժանդարմական
դիվիզիոնը:

բ. Բաքվում տեղակայված էր հետեակային մի գունդ:

գ. Այստեղի յունկերական ուսումնարանն ուներ մինչև 500 մարդ:

դ. Քաղաքում կար ոստիկանական պահեստային մի գումարտակ՝
2000 մարդով»¹:

Մուսաֆաթական Ադրբեջանի 30.000 թվակազմ ունեցող բանակի
գլխավոր ուժերը՝ 20.000 մարտիկներ, կենտրոնացած էին ոչ թե
Բաքվի ուղղությամբ, այլ Արցախ-Ջանգեզուր հատվածում²:

Ադրբեջան ներխուժած Մ. Լեւանդովսկու 11-րդ Կարմիր բանակը
բաղկացած էր հետեւյալ զինական ուժերից. «2-րդ հեծյալ կորպու-
սը(հրամանատար՝ Վոդոպյանով), 32-րդ հրաձգային դիվիզիան (հրա-
մանատար՝ Շտեյգեր), 28-րդ հրաձգային դիվիզիան (հրամանատար՝
Նեստերովսկի) եւ 20-րդ հրաձգային դիվիզիան (հրամանատար՝ Վելի-
կանով) եւ երկաթուղային մարտական տեղամասը»³:

Դրան հակառակ, Դրոն պետք է ապավինեք միմիայն Արցախում
գտնվող ուժերին, քանի որ Հայաստանի կառավարությունը, գլխավոր-
ապես զբաղված լինելով ներքին թշնամու՝ մայիսյան խռովության,
ապա նաև հանրապետության թուրքաբնակ շրջանների «խաղաղեց-

ման ու մաքրման» գործերով, դժվար թե կարողանար անհրաժեշտ
պահին որևէ շոշափելի ռազմական օգնություն հասցնել Արցախ:

3. Արդյո՞ք արցախահայութունը պատրաստակամ էր մինչև
վերջ, գնեք ձեռքին կռվելու Կարմիր բանակի դեմ, որին միացել
էին խորհրդային Ադրբեջանի զորքերը: Պատերազմական նախորդ
գործողությունները ապացուցեցին, որ արցախահայության մարտն-
չելու ձգտումն ու մարտական որակները վեր էին ամեն մի գովա-
սանքից: Բայց պատմական ներկա ժամանակահատվածում, երբ բա-
ցի թուրքից, ասպարեզում էին հայտնվել հայ բոլշևիկների կողմից
եւ հզոր կարգախոսով առաջնորդվող ռուսական կարմիր զորամասե-
րը, իրավիճակը բոլորովին այլ իմաստ էր ձեռք բերում:

Դրոյի Արցախից հեռանալու կապակցությամբ ՀՀ վարչապետ Հ.
Օհանջանյանին, ներքին ու զինվորական նախարար Ռուբեն Տեր-
Մինասյանին եւ արդարադատության նախարար Աբ. Գյուլխանդա-
նյանին հասցեագրած հեռագրում(հունիսի 7), իր բողոքն ու անհա-
մաձայնությունն է արտահայել Ջանգեզուրի գեներալ-կոմիսար Ս.
Մելիք-Յուլյանը

«Հունիսի 1-ին, գրում է, Մելիք-Յուլյանը, Դրոն իր ամբողջ ջո-
կատով թողել է Ղարաբաղը եւ անցել Ջանգեզուր: Պատճառը
խորհրդավոր է եւ բոլորովին անհասկանալի մեզ: Ղարաբաղում վի-
ճակը անորոշ է: Մեր ձեռքով մենք կործանել ենք Ղարաբաղը:
Դրոն անձամբ է իշխանությունը հանձնել բոլշևիկներին: Ինչպես
հայտնում է հենց նոր Ղարաբաղից եկած գնդապետ Մեսյանը, այն-
հայտնում է հենց նոր Ղարաբաղից եւ ժողովուրդը տատանվում է:
Դրոյի եւ նրա ջոկատի խուճապահար փախուստը Ղարաբաղից
Ջանգեզուրում ստեղծել է որոշ հուսալքում...»⁴:

Մելիք-Յուլյանը թեպետ Դրոյի մորաքրոջ որդին էր, բայց նրանց
հարաբերությունները միշտ եղել են անսիրալիր ու լարված: Դրոն չի
համակրել իր մորաքրոջ տղային, նրան անվանել է անպտուղ, ան-
բան ու դատարկամիտ: Երբ Մելիք-Յուլյանին նշանակել են Ջան-
գեզուրի գեներալ-նահանգապետ, իսկ գնդապետ Ղազարյանին
չնորհելով գեներալ մայրի աստիճան՝ գավառի մարտական ուժերի
հրամանատար, Դրոն, ինչպես նաև Նժդեհը, խիստ ընդդիմացել ու
պահանջել են նրանց՝ որպես անտաղանդ ու անաժան գործիչների,
հեռացնել զբաղեցրած պաշտոններից⁵:

ձիշտ է, Դրոն հեռանում է Արցախից, ինչպես նշում է Մելիք-
Յուլյանը, բայց նրա հաղորդածը, կարելի ասել, ուռճացած է:

¹ Միմոնյան Ա., Եզվ. աշխ., էջ 46:

² Նույն տեղում, էջ 74:

³ Նույն տեղում:

⁴ ՀԱՍ, ֆ. 1022, ց. 8, գ. 51, թ. 3:

⁵ Տե՛ս Իշխանեան Ե., Եզվ. աշխ., էջ 671:

Նախ, նա իր զորամասով Արցախից չի հեռացել խուճապահար:

Ճիշտ է, Ազրբեջանում արդեն հաստատվել էր խորհրդային իշխանություն, եւ բոլշեւիկները ժողովրդին սիրաշահելու նպատակով շարունակում էին խաղաղություն պահպանելու բազմաթիվ շռայլ խոստումներ տալ, բայց, այնուամենայնիվ, հայերի եւ ազերիների միջեւ խաղաղ եւ կայուն փոխհարաբերություններ հաստատելու համար որեւէ իրական երաշխիք դեռեւս գոյություն չունենր: Անհրաժեշտ էր արցախահայության ինքնապաշտպանությունն ապահովելու համար որոշակի քայլեր ձեռնարկել: Հաշվի առնելով այդ հանգամանքը՝ Դրոն որոշում է Արցախում հայ բոլշեւիկների տնօրինութեանը հանձնել զենքի եւ զինամթերքի որոշակի պաշար: Այդ մասին հետագայում 1921 թ. հունվարի 26-ին թվագրված նամակներից մեկում խոստովանում է Գ. Նժդեհը. «Արցախից հաղորդում են ինձ. «Բչեցինք թշնամուն Տողայ, Տումայ, Թաղարու, Թաղավարու, Չանախչու եւ Սարգիսաշենի շրջաններից (խոսքը 1921 թ. խորհրդային բանակի դեմ Արցախի Դիզակի շրջանի (Հաղուրթ) հայության թեւանի գլխավորած ապստամբության մասին է - Հ. Գ.):

Վերցրինք Դրոյի թողած 7 գնդացիները, աւելի քան 100.000 փամփուշտը, 2 թնդանօթ, շատ սնարիադ (արկ) եւ անցնելով յարձակման վերցրինք 100 աւելի գերի...»¹:

2. Գնդապետ Մեսյանը չէր կարող ասել, որ Արցախում չկան ուսական բոլշեւիկներ, քանի որ մայիսի 21-ին հազիվ է կարողացել փրկվել կարմիր բանակի հարյուրյակի ու նրան միացած հայ բոլշեւիկների հարձակումից:

Հայաստանի Հանրապետության արտաքին գործոց նախարարությանն ուղղված զեկուցագրում նշվում է. «Արցախից մայիսի 23-ին ստացված տեղեկատվությունում ասվում է, որ բոլշեւիկները ուժեղացրել են իրենց գործունեությունն ու քարոզչությունը: Խաչենի, Զիվանշիրի եւ Գյուլիստանի շրջաններում, ուր մուտք են գործել ուսական զորամասերը, հաստատվել է խորհրդային իշխանություն: Համաձայն այդ նույն տեղեկության՝ Վարանդան եւ Դիզակը նույնպես մտադիր չեն դիմադրելու ուսական զորքերին»²:

«Մայիսի 18-ին, - նշում է Արսեն Միքայելյանը. - Դրոյի հրահանգով մի քանի սպաներ անցնում են Վանք՝ Զ. Մեսեանին օգնելու եւ այդ շրջանը ուժեղացնելու, բայց դեռ Խաչենը չհասած վերադառնում են, լուր ստանալով, որ Խաչենի շրջանը բոլշեւիկացել է:

Մայիսի 21-ին Զիվանշիրի հայ բոլշեւիկները՝ միացած ուս կարմիր բանակի մի հարիւրեակ ձիաւորների հետ, յարձակում են Վանք գիւղի վրայ՝ գնդապետ Զ. Մեսեանին ձերբակալելու, բայց չեն կարողանում:

Այդ ժամանակամիջոցում ուսական որոշ զորամասեր են տեղափոխում դէպի Շուշի եւ Զանգեզուր:

Եվ այդպիսով, հակառակ Դրոյին եւ Վարիչներու խորհրդի թափած աշխատանքներուն եւ կազմակերպած բանակին, Արցախը դրւում է նոր անակնկալի առջեւ»¹:

Հանրապետության կառավարության հետ կապի բացակայութեանն ավելի է ծանրացնում առանց այդ էլ անորոշ ու անելանելի իրավիճակը: Մայիսի 24-ին Արցախում տիրող կացութեան վերլուծության եւ հետագա անելիքները ճշտելու նպատակով Դրոն Զանախչի գյուղում հրավիրում է խորհրդակցություն:

Պատմում է խորհրդակցության մասնակից վերոհիշյալ Արսեն Միքայելյանը.

«Զանախչի գիւղի մէջ տեղի է ունենում Հայաստանից եկած պաշտօնեաներու՝ Դրոյի, Նժդեհի, գնդապետ Միրիմանեանի եւ Ա. Միքայելեանի (այս տողերի հեղինակը - Հ. Գ.) խորհրդակցութիւնը, որի մէջ պարզւում է.

Ա) Որ Արցախի ժողովրդի տրամադրութիւնները զգալապէս փոփոխութեան ենթարկուած եւ աստիճանաբար կարող են վերածուել թշնամութեան.

Բ) Որ մայիսի 12-ից սկսեալ Հայաստանի կառավարութեանն հակառակ բազմիցս եղած դիմումների, ոչ մի տեղեկութիւն չի ստացուել, ապա ուրեմն Հայաստանի Հանրապետութիւնը գտնուում է օրհասական վտանգի մէջ:

Գ) Որ Նժդեհի Ղափանի զորամասը չի կարող երկար մնալ Արցախում, որովհետեւ բոլորն էլ գիւղացիներ են եւ կամաւոր ու կրկամեան վերադառնալ դաշտային աշխատանքներու լծուելու:

Դ) Որ ուսական բանակի որոշ զորամասեր, խճուղու վրայով, գրաւում են կարեւոր դիրքեր, որով կտրուում են Արցախի հայկական զորամասի նահանջի ճամբան»²:

Այս բոլոր հանգամանքները նկատի առնելով խորհրդակցության մասնակիցները որոշում են իշխանությունը հանձնել հայ բոլշեւիկներին եւ մայիսի 26-ին անցնեն Զանգեզուր:

¹ ԳՅԴ ԿԱ, քժ. 46, գ. 2:
² ԳԱԱ, ֆ. 368, ց. 1, գ. 5, ք. 182:

¹ «Դայրեմիք» ամսագիր, 1923, հոկտեմբեր, էջ 126:
² Նույն տեղում:

Արցախից Դրոյի հեռանալուն իր հուշագրքում անդրադարձել է նաև Ա. Կիսիբեկյանը՝ ընդամին շեշտելով այդ գործում արցախահայրենային գրաւորած վերաբերմունքն ու տրամադրվածութիւնը:

Նրա հավաստմամբ՝ «Կարմիր բանակի ներկայացուցիչների Ղարաբաղում երևալը և այն, որ շուտով Կարմիր բանակը Ղարաբաղ պիտի մտնի, կայծակի արագութեամբ տարածվելով՝ մեծ ոգևորութիւն ու խանդավառութիւն առաջ բերավ Ղարաբաղի ողջ աշխատավորութեան մեջ:

Գններալ Դրոն, տեսնելով ու զգալով Լեռնային Ղարաբաղի ժողովրդի տրամադրութիւնը, որոշեց իր բռնելիք դիրքը. նա շատ լավ հասկացավ իրերի դրութիւնը, որոշեց իր բանակով ու գործիչներով հեռանալ Ղարաբաղից»¹:

Ա. Կիսիբեկյանի գնահատմամբ՝ Կարմիր բանակի մուտք գործելուց հետո Դրոն կամ պիտի կամովին զինաթափվեր, կամ պիտի սկսեր եղբայրասպան քաղաքացիական կռիւ, որին «նա դեմ էր՝ հոգով ու համոզմունքով:

Բավական երկար խորհելուց հետո Ղարաբաղի իշխանութիւնը հանձնեց բոլշևիկյան կազմակերպութեան ղեկավար բժիշկ Համբարձումյանին ու ինքն իր բանակով ու տեղի գործիչներով հեռացավ Ղարաբաղից»²:

Հայաստանի Հանրապետութեան արտաքին գործոց նախարարութեանը հասցեագրված զեկուցագրում անդրադառնալով այս հարցին՝ նշվում է. «Քաղաքական հետագա իրադրութիւնը դասավորվեց այնպես, որ Դրոն ստիպված Արցախից անցել է Զանգեզուր:

Մայիսի 28-ին նա մուտք է գործել Գորիս»³:

Իր «Լեռնային Արցախը 1918-1921» աշխատութիւնում անդրադառնալով Արցախից Դրոյի գլխավորած գործադուրս գալու իրողութեանը՝ պատմագիտութեան դոկտոր Հ. Հարութիւնյանը, ի թիւս մի շարք հական գործոնների, առանձնապես կարեւորում է արցախահայրենային դիրքորոշումն ու վերաբերմունքը:

Հիմք ունենալով նաև «Մայիսի 23-ին Արցախից Հայաստանի կառավարութիւնը տեղեկութիւն ստացավ այն մասին, որ ինչեւր, Զիվանչիբը և Գյուլիստանը (ներկայիս Ասկերանի, Մարդակերտի և Շահումյանի շրջանները-Հ.Գ.), ուր մտել են ուսական գործերը, իրենց հուշակել են խորհրդային» և «Համաձայն նաև լուրերի, Վարանդան և Դիզակը նույնպես տրամադրված չեն դիմադրութիւն

ցույց տալու ուսական գործերին» փաստերը՝ Հ. Հարութիւնյանը գրում է. «Արցախցին բարեհամբույր գտնվեց ուս գինվորի նկատմամբ: Նա հույս էր տածում, թե Արցախի խորհրդայնացումը հնարավորութիւն կտա վերամիավորվել մայր հայրենիքի հետ»¹:

Արցախում տիրող կացութեան վերլուծութեամբ Հ. Հարութիւնյանը հանգում է հետեւյալ եզրահանգման. «...քաղաքական հանգամանքները դասավորվեցին այնպես, որ Դրաստամատ Կանայանը ստիպված էր բավարարել կարմիր բանակի հրամանատարութեան պահանջը՝ հեռանալ Արցախի սահմաններից: Կրկնում ենք՝ Արցախի ներքին վիճակը անկայուն էր: Գյուլգացիութիւնը բարոյալքվել էր, չէր պայքարում օտարի սպառնացող վտանգի դեմ...»:

Ավելին, նրա համոզմամբ, եթե Դրոն չհեռանար Արցախից, ապա պատերազմը խորհրդային Ռուսաստանի հետ դառնալու էր անխուսափելի, իսկ այդ պարագայում «...դժվար չէր պատկերացնել, թե Ռուսաստանի հետ զինված առճակատումը ինչ աղետալի հետեւանքներ կարող էր ունենալ Արցախի և Հայաստանի Հանրապետութեան համար»²:

Ուշագրավ է ՀՀ զինվորական ուժերի հրամանատարութեան շտաբի պետ, գնդապետ Վեքիլովի և գլխավոր շտաբի աշխատակից, գնդապետ Պրիտոմանովի պատրաստած Հայաստանի ռազմաքաղաքական իրավիճակը (1920թ. հունվարի 1-ից մինչև ապրիլի 1ը) ներկայացնող տեղեկագիրը: Այդ փաստաթղթում նրանք համառոտակի վերլուծում են Հայաստանում, մասնավորապես Կարսի նահանգում, Շարուր-Նախիջևանի, Սուրմալուի շրջաններում, ինչպես նաև Զանգեզուրում ու Արցախում տիրող իրավիճակը, և վերջում որպես ընդհանրացնող եզրահանգում՝ նշում են. «Ինչպես որ սպասվում էր, գարնան գալու հետ միասին, կացութիւնը Հայաստանում անհամեմատ բարդացել է: Զանգեզուրում ու Արցախում տեղի ունեցող իրադարձութիւնները սպառնում են Հայաստանի և Ադրբեջանի միջև վերածվել բացահայտ առճակատման...

Կարսի նահանգից եկող տազնապալի տեղեկութիւնները հաստատում են Հայաստանի Հանրապետութեան սահմանների մոտ թուրքական գործերի կենտրոնացման և դեպի Մարդենիկի ու Սարիղամիշի շրջանները շարժվող սահմանամերձ քոչվոր ցեղախմբերի գործողութիւնների մասին: Նախիջևանում, Շարուրում և Իգդիրում հենց վերջերս կրած պարտութիւնները զրկել են մահմեդա-

¹ Կիսիբեկյան Ա., Դուշերը, հ. 1, էջ 508-509:

² Նույն տեղում:

³ ՀԱԱ, ֆ. 368, ց. 1, գ. 5, ք. 182:

¹ Հարութիւնյան Հ., նշվ. աշխ., էջ 273:

² Նույն տեղում:

կաններին գործուն կերպով ազդեցնանական կառավարութեանը աջակցելու հնարավորութիւնն է: Իսկ Ազդեցնանական ձգտում է զավթել հայկական վաղնջական հողերը եւ այդ տարածքներով միավորվել Թուրքիայի հետ:

Հայաստանը ոչ միայն չի կարող ձեռնամուխ լինել ավերված երկրի վերաշինութեանը, այլ պետք է նորից իր ողջ ուժերը պահպանի, որպէսզի խուսափի թշնամու դուրս քաշած սրի հարվածներէից:

Միայն Դաշնակիցների գործերի իրական օգնութիւնը կարող է կասեցնել հայ ժողովրդի գոյութեանը սպառնացող մուսուլմանների ոտնձգութիւնները¹:

Վեքիլովի եւ Պրիտոմանովի ստորագրութեամբ Հայաստանի իրավիճակը ներկայացնող փաստաթղթում տեղ գտած եզրահանգումները միայն նրանց կարծիքը չէ: Անկասկած, փաստաթուղթ ստորագրողները գուցե ոչ ամբողջութեամբ, այլ գոնե մասամբ ներկայացնում են ՀՀ զինվորական նախարարութեան գլխավոր շտաբի տեսակետը: Քանի որ այդ ժամանակահատվածում Խորհրդային Ռուսաստանը դեռեւս չէր ներխուժել Անդրկովկաս, ուստի այդ փաստաթղթում խոսք անգամ չկա Հայաստանի նկատմամբ ապագայում հյուսիսից սպասվող սպառնալիքների ու ոտնձգութիւնների մասին: Իսկ այժմ արդեն հայտնվել էր հյուսիսային հզոր տեղութիւնը՝ Խորհրդային Ռուսաստանը եւ վերջնագիր ներկայացրել Հայաստանի Հանրապետութեանն ու Արցախին:

Ինչ խոսք, որ այդ ամենին քաջատեղյակ էր նաեւ Դրոն:

Այո՛, որեւէ կասկած չի կարող, որ այդ ժամանակահատվածում Խորհրդային Ռուսաստանի դեմ պատերազմելը կարող էր անկանխատեսելի ծանրագույն հետեւանքներ ունենալ Արցախի եւ Հայաստանի Հանրապետութեան համար: Դրոն չէր կարող իր վրա վերցնել եւ չվերցրեց Համանման պատասխանատվութիւն, որը կարող էր ճակատագրական նշանակութիւն ունենալ Հայաստանի ու ողջ Հայութեան գոյութեան պահպանման եւ ապագայի համար:

Դրոյի՝ Արցախից հեռանալու մասին յուրօրինակ բացատրութիւն է տալիս Կ. Սասունին: Նրա գնահատմամբ՝ մայիսյան ապստամբութեան ժամանակ ապստամբների կողմից Ալեքսանդրապոլի, Կարսի, Նոր Բայազետի գրավման լուրը «...կայծակի արագութեամբ հասած էր Չանգեզուրէն Արցախ, ուր թէ՛ Դրոն եւ թէ՛ տեղական ազգաբնակչութեան մեծ մասը հաւատացած են, որ ամբողջ Հայաստանը

նր անցած է բոլշեւիկներու ձեռքը: Ուրեմն, կրկնակի պատճառներ ստիպեցին Դրոն, որ Մայիսի 10-17-ին ձգէ Հայկական Արցախը եւ գործերն ու ռազմամթերքը յանձնէ բոլշեւիկ ղեկավարներ՝ Սահակ Տէր Գաբրիելեանին եւ Համբարձումեանին...»¹:

Արցախից Դրոյի զորամասի հեռանալու օրերին Թուրքիայի զինվորական նախարար էնվեր փաշայի եղբոր՝ Նուրի փաշայի գլխավորութեամբ Գանձակում ընդդեմ խորհրդային իշխանութեան բռնկվում է ապստամբութիւն: Նուրի փաշայի գլխավորած մուսավաթական հրոսակախմբերը շրջապատում են Գանձակում գտնվող Կարմիր բանակի զորամասերին եւ սպառնում ոչնչացնել պաշարման մեջ Հայտնված խորհրդային զորքերին: Այդ ճակատագրական պահին պաշարված խորհրդային զորքերին անխուսափելի կոտորածից փրկում են հայ մարտական ուժերը: Գյուլիստանի եւ Բանանցի մարտական ուժերը գնդապետ Եգոր Տեր-Ավետիքյանի ընդհանուր հրամանատարութեամբ Գանձակի Բաղմանլարի ուղղութեամբ սրբնթաց հարձակում են ձեռնարկում Նուրի փաշայի գլխավորած Թուրքական զորքերի վրա ու գլխովին ջախջախելով նրանց՝ փրկում են շրջափակման մեջ Հայտնված Կարմիր բանակի զորամասերը²:

Ա. Կիսաբեկյանի հավաստմամբ՝ Գանձակում բռնկված մուսավաթական ապստամբութիւնը խիստ մտահոգել է բժիշկ Համբարձումյանին, որին Դրոն հանձնել էր Արցախի իշխանութիւնը: Նրան մտահոգել է այն հանգամանքը, որ ապստամբութիւնը կարող էր ծավալվել ու խորանալ, եւ Թուրքերն օգտվելով այդ իրավիճակից՝ կարող էին հարձակվել անպաշտպան Արցախի վրա:

Առաջնորդվելով այդ մտավախութեամբ՝ բժիշկ Համբարձումյանը հարկադրված «Շուշվա Ղուկասյան դպրոցի ուսուցիչ Գրիգոր Ղարաբաղյանին ուղարկում է Չանգեզուր՝ Դրոյին խնդրելու, որ Չանգեզուրից չհեռանա մինչեւ Կարմիր բանակը Ղարաբաղ մտնելը: Նա ասում է. «Միգուցե Ձեր վերադարձը նորից Ղարաբաղ անհրաժեշտութիւն է դառնում»³:

Իզուր էին բժիշկ Համբարձումյանի տագնապն ու մտավախութիւնը: Գնդապետ Եգոր Տեր-Ավետիքյանի գլխավորած հայ մարտական ուժերի աջակցութեամբ ազատվելով շրջափակումից, Կարմիր բանակի զորամասերը ճնշում են Գանձակում բռնկված Նուրի փաշայի գլխավորած ապստամբութիւնը, ապա մուտք են գործում Արցախ:

¹ Հայաստանի Հանրապետութիւնը 1918-1920 թթ. (քաղաքական պատմութիւն, փաստաթղթերի եւ նյութերի ժողովածու), էջ 180:

¹ Սասունի Կ., «Մայիսեան խոռվութիւնները եւ թաթարական ապստամբ շրջանները», 1968, էջ 132:

² Տե՛ս Կիսիբեկյան Ա., Գուշերը, հ. 1, էջ 509:

³ Նույն տեղում, էջ 509:

Հանրահայտ իրողությունն է. արցախահայությունը որոշակի հավատ է ընծայել Ռուսաստանի նկատմամբ եւ այդ հավատը շարունակվում էր պահպանվել անկախ Ռուսաստանի կարգավիճակից ցարական է, թե խորհրդային:

Արցախահայությունը, ըստ Կիսիբեկյանի վկայության՝ Արցախ մուտք գործած գործառնությունն ղեկավարում է «... մի մարդու պես՝ մեծ սիրով ու խանդավառությամբ՝ համոզված լինելով, որ եկել է իր ամենաազնիվ բարեկամը, իր իղձերի իրականացնողը»¹:

Ինչպե՞ս բացատրել Արցախ մուտք գործած Կարմիր բանակի գործառնությունն նկատմամբ արցախահայության դրսեւորած ջերմ ու խանդավառ վերաբերմունքը: Ի՞նչ հանգամանքներով էր պայմանավորված արցախահայության համանման վերաբերմունքը:

Ա. Կիսիբեկյանի գնահատմամբ՝ արցախահայությունը համոզված էր, որ «...իր հայրենիքի հետ միացումը վերջնականապես ապահովված է և դաժան թշնամին զրկված կլինի հնարավորությունից շարունակելու իր դավադիր գործողությունները:

...առանց որևէ կասկածի համոզված էր, որ եկել է իր իսկական բարեկամը, իր արդար դատավորը, մարդկային ու ազգային իրավունքների ամենամեծ ու հավատարիմ պաշտպանը և որ միանգամայն ապահովված կլինի բազմաթիվ զոհաբերություններով ու զրկանքներով ձեռք բերած իր ազատությունը:

Իսկ թե որքանով կարդարանան այդ մի բուռ ժրջան, քրտնաջան, կենսունակ, ազատասեր ու հայրենասեր ժողովրդի հույսերը, որքանով կապահովվեն նրա մարդկային ու ազգային տարրական իրավունքները, դա ցույց կտա մոտիկ ապագան...»²:

Շատ շուտով պարզվում է Արցախ մուտք գործած խորհրդային Կարմիր բանակի հրամանատարության իրական նպատակը: Ջրավարարվելով Արցախը «խորհրդայնացման» ճանապարհով նվաճելուց՝ Կարմիր բանակի գործառնությունն աստիճանաբար ներխուժում են նաև Ջանգեզուր, եւ այնտեղ հանգրվանած Դրոյի գործառնությունը դարձյալ հայտնվում է դժվարին իրավիճակում:

Այդ օրերին հայկական գործառնակի թիկունքում՝ Կարմիր բանակին օգնելու նպատակով, հայ բոլշեւիկները գործուն աշխատանք էին ծավալել ոչ միայն Արցախում, այլ նաև Ջանգեզուրում: Հետագայում խորհրդահայ որոշ պատմաբաններ հայ բոլշեւիկների կողմից Ջանգեզուրում ծավալած գործունեությունն արդարացնելու դիտավորությամբ իրենց աշխատություններում փորձել են Հայաստանի

նի Հանրապետության գործառնակի դեմ Ջանգեզուրում այդ օրերին ձեռնարկած գործողությունները որակել որպես համաժողովրդական շարժում, եւ այդ հողի վրա անարգանքի սյունին գամել Դրոյին ու նրա զինակիցներին:

«ՌԿ (բ) Կ Կենտկոմը եւ սովետական կառավարությունը, - գրում է Ք. Ա. Խուրավբրդյանը «Ջանգեզուր» գրքում, - ընդառաջելով տեղական բնակչության ցանկությանը, նպատակահարմար գտան ազատագրել Լեռնային Արցախի, Ջանգեզուրի եւ Նախիջևանի երկրամասերը»¹:

Մանրթանալով այս տողերին՝ կարելի է մտածել, որ այդ օրերին հիշյալ երկրամասերի բնակչության շրջանում հանրաքվե է անցկացվել, որի արդյունքում ժողովուրդը միանշանակ պահանջել է հրավիրել Կարմիր բանակին՝ «ազատագրելու» իրեն Հայաստանի Հանրապետության իշխանությունների լծից:

Իրականում բոլշեւիկյան իշխանությունը իր երկրամասում տեսնելու ժողովրդի պահանջն ու ցանկությունը արտահայտող որևէ փաստաթուղթ գոյություն չունի, չհաշված բոլշեւիկյան տեղական կազմակերպությունների կողմից գաղտնաբար տարածվող թուղթիկների, որոնց միջոցով աշխատում էին կեղծ քարոզչություններ խաբել գյուղացիներին եւ ապակայունացնելով իրավիճակը՝ Հեշտացնել խորհրդային գործերի առաջխաղացումը:

Դրոյի գործառնակի դեմ զանգեզուրցիներին տրամադրելու նպատակով Ջանգեզուրի բոլշեւիկյան գավառային կոմիտեն տարածում է հետեւյալ կոչը.

«Ժողովրդական ապստամբությունը Ջանգեզուրում եւ նրա շրջակա գյուղերում արդեն սկսված է: Շարժումը ուղղված է Արցախից դարձող հրոսակապետեր Դրոյի եւ Նժդեհի բանակների դեմ...»

Խնձորեսկն արդեն ապստամբել է եւ խորհրդային իշխանություն հաստատել, նույնը պատրաստվում են անել շրջակա մի քանի գյուղերը... Ապստամբությունը ընդհանուր դարձնելու համար Միսիանի բոլոր ընկերներն ու ամբողջ մասսաները պետք է ապստամբության դրոշ պարզեն եւ պատկառելի ուժերով շարժվեն դեպի Գորիս՝ մեզ օգնության հասնելու, որպեսզի գազանը հենց ճանապարհին (իսկ այժմ Կոռնիձոր է հաստատված, ուզում է ամրանալ Տեղ գյուղում) սպանվի...»²:

Այս կարգի իմաստազուրկ, կեղծ ու մտացածին կոչերով չափազանց դժվար էր ապակողմնորոշել ու մոլորեցնել զանգեզուրցիներին:

¹ Նույն տեղում, էջ 509-510:

² Նույն տեղում, էջ 512:

¹ Խուրավբրդյան Ք., Ջանգեզուր, Երևան, 1958, էջ 68:

² Սողոմոնյան Ա., Քաղաքացիական կռիվները Ջանգեզուրում, Երևան, 1958, էջ 41-42:

րին, որոնք քաջատեղյակ էին, որ բուլղերի կողմից «Հրոսակապետեր», «գազան» հորջորջվողը հենց Դրոն եւ Նժդեհն էին, որոնք ընդամենը մի քանի ամիս առաջ կազմակերպեցին եւ ղեկավարեցին Զանգեզուրն իրենց դարավոր թշնամուց մաքրելու անգնահատելի գործողությունները:

Այնուամենայնիվ, դուրահավատներ եւ մոլորվածներ միշտ էլ գտնվում են: Արցախից Զանգեզուր ձգվող ճանապարհին հայկական գորագնդին հարկ է լինում հաղթահարել մի չսպասված խոչընդոտ:

Խնձորեսկ գյուղում կեղծ խոստումներով ու ստերով մոլորեցնելով տեղի բնակիչներին՝ բուլղերը կազմում են մի քանի խմբեր եւ դիրքեր գրավելով գյուղի շրջակա բլուրների հետեւում նպատակադրվում են անակնկալ հարձակումով զինաթափել ու ձերբակալել Դրոյին, Նժդեհին ու մյուս հրամանատարներին:

Զանգեզուրի բուլղերի կազմակերպչի կոմիտեի անդամ Նիկոլայ Արզումանյանի «Հիշողություններ Զանգեզուրի քաղաքացիական կռիվների...» խորագիրը կրող գրառումներից պարզվում է, որ Խնձորեսկի բուլղերը մինչեւ առավել մեծ ծավալի գործողություններ ձեռնարկելը, մայիսի 28-ին ձերբակալվում են դաշնակցության ներկայացուցիչներին, գրավում նրանց շտաբը եւ ոգեւորված ձեռք բերած «հաջողությունից», գեները ցած դնելու, այսինքն զինաթափվելու ու հանձնվելու պահանջով վերջնագիր են ներկայացնում Արցախից նոր-նոր վերադարձած Դրոյին եւ Նժդեհին¹:

Միանգամայն պարզ եւ հասկանալի է Խնձորեսկում բուլղերի դրած մի քանի բուլղերի գավեշտալի ու ամոթալի վերջնագրի նկատմամբ Դրոյի եւ Նժդեհի դրսեւորած վերաբերմունքը: Բնականաբար չստանալով որեւէ պատասխան, հայ բուլղերը փորձում են ծուղակ պատրաստել: Խնձորեսկին մոտենալու պահին հայկական գորագնդի վրա է թափվում նրանց զինախմբերի մրրկային կրակը: Դրոն եւ Նժդեհը, ակնթարթորեն կողմնորոշվելով, շրջանցում են բլուրներն ու կարճատեւ հարվածներից հետո փախուստի են մատնում Ղարաբաղյանի խմբերին եւ ապա առանց որեւէ դիմադրության մուտք գործում Խնձորեսկ:

«Դրոն եւ Նժդեհը, - գրում է Արտեմ Խանգատյանը,- իրենց ուժերով պաշարում են Խնձորեսկ գիւղը եւ պահանջում ապստամբների ղեկավարներին, սպառնալով գիւղը աւերակի վերածել:

Միւս առաւօտեան, խնձորեսկիները բերում են Մկրտիչ Ղարաբաղյանին, եւ երկու ուրիշներին, որոնք գնդակահարուեցան»²:

Ն. Արզումանյանը խտացնելով ու գունազարդելով Խնձորեսկում կազմակերպած իրենց թույլ ձեռնարկումները եւ այն արդարացնելու միտումով նշում է. «...Խնձորեսկի բուլղերները, իհարկեւ, խիզախ եւ անձնագոհ քայլի դիմեցին: Բայց նրանք մնացին միայնակ, չստացան պատշաճ ղեկավարություն, չկարողացան համախմբել բոլոր ուժերը: Դաշնակցության մեծաթիվ զորքերի դեմ հանդիման միայնակ մնալով, Խնձորեսկի բուլղերները ստիպված եղան նահանջել, ընդհատակ անցնել կամ Ադրբեջան գնալ: Մայիսի 29-ին Խնձորեսկում արդեն դաշնակներն էին իշխում:

Այդ ապստամբության հիմնական պտճառն այն էր, որ Խնձորեսկը մնաց միայնակ, օգնություն չստացավ»¹:

Զանգեզուրի գավառային կոմիտեի անդամի խոստովանությունը լավագույն ապացույցն է այն իրողության, որ այդ ժամանակահատվածում բուլղերի կառույցները Զանգեզուրում դեռեւս չէին հասցրել տարածվել ու արմատավորվել եւ շատ թույլ էին: Եւ հենց դա էր այն հիմնական պատճառը, որ, համաձայն Ն. Արզումանյանի բնորոշման՝ «Խնձորեսկը մնաց միայնակ ու օգնություն չստացավ»:

Խորհրդահայ պատմաբան Ս. Վարդապետյանը, առավելագույնս ուռճացնելով այդ իրողությունը եւ Դրոյին վարկաբեկելու եւ նրա գործունեությունը հանիրավի խեղաթյուրելու նպատակով, գրում է. «Մայիսի 27-28-ին դաշնակցական զինված բանդաները Դրոյի հրամանատարությունը մտան Խնձորեսկ: Թեպետեւ Ռազմա-ուժեւ-լուծիտն կոմիտեի ջոկատները ուժեղ դիմադրություն ցույց տվեցին թշնամուն, բայց ուժերը անհավասար էին, եւ, ի վերջո, ապստամբները թողեցին գյուղն ու հեռացան: Դաշնակ Դրոն իր ջոկատներով շտապեց դեպի Սիսիան, ճնշեց այնտեղի ապստամբությունը եւ տանջամահ արեց գյուղացիներին, հատկապես ձերբակալեց կոմունիստներին»²:

Խնձորեսկի դեպքերին իր հեղինակած «Զանգեզուրյան դրվագները 1917-1921 թթ.» զրքույկում անդրադարձել է նաեւ Ա. Լալայանը: Համաձայն նրա տվյալների, Խնձորեսկի ռազմա-հեղափոխական կոմիտեի վերջնագիրը Կոռնիձոր-Խնձորեսկ ճանապարհին, Կուրաթի գետի մոտ Դրոյին հանձնել է Բախչի Առուչանյանը: Ստանալով վերջնագիրը՝ ըստ Ա. Լալայանի, «Նա կատաղում է: Նրա հրամանով գնդապետ Թարխանովի գլխավորած հեծելազորը սրընթաց հարձակվում է գյուղի վրա...»

¹ Տե՛ս ՀԱՍ, ֆ. 1021, ց. 4, գ. 73, ք. 41:

² Աւօ, Նժդեհ, Պէյրուք, 1968, էջ 485:

¹ ՀԱՍ, ֆ. 1021, ց. 4, գ. 73, ք. 41:

² Վարդապետյան Ա., Հայաստանի Կարմիր բանակը քաղաքացիական կռիվներում 1920-1921 թթ., Երեւան, 1960, էջ 15:

Խմբապետ Դրոյի հրոսակները մայիսի 28-ին առանց որևէ դիմադրութեան մտնում են Խնձորեսկ և հրապարակորեն գնդակահարում ռազմա-հեղափոխական կոմիտեի անդամ Իսկանդար Էքտիբարյանին ու Արմենակ Լարազյոզյանի հորը՝ անկուսակցական Մակիչ Լարազյոզյանին»¹:

Ըստ Ա. Լալայանի հեղինակած վերոհիշյալ գրքույկում տեղ գտած շինծու տվյալների՝ բոլշեւիկյան շարժումը ծավալվել է նաև Սիսիանի շրջանում, որտեղ կոմունիստների գինված խմբերը կարողանում են ձերբակալել Հ.Յ.Դաշնակցութեան տեղական իշխանութեան ներկայացուցիչներին, որոնց թվում նաև Սիսիանի մարտական ուժերի հրամանատար Պողոս Տեր-Դավթյանին: Ա. Լալայանի պնդմամբ՝ հեղափոխական կոմիտեի հրավերով բանակցութիւններ վարելու նպատակով, Դրոն ընդամենը յոթ գինվորների ուղեկցութեամբ մեկնում է Բոնակոթ: Ա. Լալայանի գնահատմամբ՝ ընդամենը յոթ գինվորի ուղեկցութեամբ Բոնակոթ մեկնելը Դրոյի կողմից մտածված խորամանկ քայլ էր: Իսկ ապստամբութեան գինված ջոկատների ընդհանուր հրամանատար Եղո Իսկանդարյանն՝ անտեղյակ Բոնակոթում կատարվող դեպքերից, իր գլխավորած մարտիկներով դարանակալած սպասում էր հեղափոխական կոմիտեի կարգադրութեանը՝ սկսելու մարտական գործողութիւնը:

«Բանակցութիւնները վերջանալուց հետո, գրում է Ա. Լալայանը, խմբապետ Դրոյին հաջողվում է ապստամբութեան գինված ջոկատների ընդհանուր հրամանատար Եղո Իսկանդարյանին հանձնարարութեամբ ուղարկել Երևան, որտեղ 1920 թվականի օգոստոսի 18-ին դաշնակցականները գնդակահարում են նրան...»²:

Ն. Արզումանյանը իր գրառումներում նույնպես նշում է, որ Դրոն գլուխ բարձրացրած բոլշեւիկյան շարժումը ճնշելու նպատակով արշավել է մյուս շրջաններ, այդ թվում նաև Սիսիան: Թեպետ նա խիստ ուռուցացած է ներկայացնում Դրոյի գլխավորած զորամասի գինվորների քանակը՝ 1500-2000, բայց ի տարբերութիւնն ց թույլ ձեռնարկումները եւ այն արդարացնելու միտումով նշում է. «... Խնձորեսկի բոլշեւիկներն, իհարկե, խիզախ ու անձնագոհ քայլի դիմեցին: Բայց նրանք մնացին միայնակ, չստացան պատշաճ դեկավարութիւն, չկարողացան համախմբել բոլոր ուժերը: Դաշնակցութեան մեծածիփ գործերին դեմ հանդիպման միայնակ մնալով, Խնձորեսկի բոլշեւիկները ստիպված եղան նահանջել, ընդհատակ անցնել կամ

Ադրբեջան գնալ: Մայիսի 29-ին Խնձորեսկում արդեն դաշնաետ նա խիստ ուռուցացած է ներկայացնում Դրոյի գլխավորած զորամասի գինվորների քանակը՝ 1500-2000, բայց ի տարբերութիւնն Ս. Վարդապետյանի, չի նշում Սիսիանի հայ գյուղացիների նկատմամբ «Դաշնակ Դրո»-ի գործած բռնութիւնները: Եթե իրականում նրա եւ Նժդեհի զորամասերի մարտիկները Չանգեզուրում եւ Սիսիանում փոքր-ինչ բռնութիւններ գործադրեին հայ գյուղացիների նկատմամբ, ապա բոլշեւիկյան գաժառային կոմիտեի անդամը՝ Ն. Արզումանյանը, երբեք չէր զլանա ու ձեռքից բաց թողներ նրանց գործած «մեղսագործութիւններն ու բռնութիւնները» բազմապատիկ անգամ առավել գունազարդված ներկայացնելու պատեհ հնարավորութիւնը¹:

Շարունակելով ոչ մի սկզբնաղբյուրով չփաստարկված մտացածին պատմութիւնը՝ Ա. Վարդապետյանը գրում է. «Մայիսի 28-ին գինված ապստամբութիւն բռնկվեց Խնձորեսկում: Ապստամբութիւնը հաջող ավարտելու համար Չանգեզուրի գաժառային կոմիտեն հատուկ նամակով դիմեց Ադրբեջանում գտնվող 11-րդ բանակի շտաբին, խնդրելով օգնութիւն»²:

Դժվար չէ հասկանալ, որ խորհրդահայ պատմաբանների այս կարգի դատողութիւնների բուն միտումն ու նպատակը հայ բոլշեւիկների կողմից Խորհրդային Ռուսաստանի Կարմիր բանակի զորամասերին աջակցելու, հանրապետութեան դեմ պայքարելու իրողութեան արդարացումն է: Իրականում Խնձորեսկի միջադեպն իր ընդգրկումներով այնքան էլ ծավալուն չի եղել, այն բոլշեւիկների համար պարզապես հարմար առիթ էր կարմիր բանակի զորամասերին Հայաստան «հրավիրելու» եւ նրանց գինու աջակցութեամբ իշխանութիւնը նվաճելու համար:

Խնձորեսկի միջադեպն արագորեն հարթելուց հետո Դրոն իր զորամասով գալիս է Գորիս, ապա մի փոքր անց տեղափոխվում Դարալագյազ, իսկ Նժդեհը՝ Ղափան:

Արցախը խորհրդայնացման ճանապարհով գրավելուց հետո Կարմիր բանակի մի քանի զորագնդեր հայ բոլշեւիկների առաջնորդութեամբ հուլիսի 1-ին մուտք են գործում Չանգեզուր: Շարունակելով առաջխաղացումը, Կարմիր բանակի զորամասերը հուլիսի 4-ին գրավում են Գորիսը, բանտարկում են գաժառի «Վարիչների խորհրդի» մի շարք անդամների եւ մեկ օր անց՝ հուլիսի 5-ին Հակոբ Կամարու

¹ Լալայան Ա. «Չանգեզուրյան դրվագները 1917-1921 թթ.», Երեւան, 1985, էջ 47:

² Սույն տեղում:

¹ Տե՛ս ՀԱԱ, ֆ. 1021, ց. 4, գ. 73, ք. 41-42:

² Վարդապետյան Ա., Հայաստանի Կարմիր բանակը քաղաքացիական կոիմիսներում 1920-1921 թթ., Երեւան, 1960, էջ 15:

նախագահութեամբ հիմնուած են գավառային ուսումնական-հեղափոխական կոմիտե (հեղկոմ)¹:

Ինչպես արդեն նշվել է, խորհրդային զորամասերի Զանգեզուր ներխուժումն ուղեկցվում էր ժողովրդի շրջանում տարածվող բուլ-շեւիկյան զանգվածային քարոզչութեամբ: Զանգեզուրի տարբեր շրջաններում ծավալելով հակապետական քարոզչություն՝ բուլ-շեւիկներն ամեն կերպ ջանում էին ժողովրդին տրամադրել Դրոյի եւ նրա գլխավորած զորամասի դեմ եւ դրանով իսկ ավելի հեշտացնել ու ամրապնդել Զանգեզուրում խորհրդային զորքերի հաստատումը: Այս առումով ուշագրավ է Յապոնի վկայութիւնը, որը Դարալազյազից տեղափոխվել էր Զանգեզուր, եւ այդ օրերին Տեղ-Կոռնիձոր ճակատի հրամանատարն էր. «...հազիւ մէկ շաբաթ էր, որ ընդունել էի Տեղ-Կոռնիձոր ճակատի պաշտօնս, եւ արդէն նկատեցի, որ այդ շրջանի մէջ զօրաւոր «կարմիր» պրոպագանդա է առաջ տարւում ապստամբեցնելու համար Զանգեզուրը, որպէսզի Դրոյի «իմպերիալիստական» զօրամասը ոչնչանա «յեղափոխականացուած» Ադրբեջանի ճանկերի մէջ»²:

Խորհրդային բանակի հրամանատարութիւնն օգնում եւ ուղղութիւն էր տալիս հայ բուլշեւիկների գործունեութեանը ու սիրահոգաբարբար ընդունում նրանց ծառայութիւնները:

Մուտք գործելով Զանգեզուր՝ խորհրդային Կարմիր բանակի 32-րդ դիվիզիայի հեծյալ բրիգադը եւ հեծյալ-լեռնային մարտկոցը հայկական զորքերի մուտքը Նախիջեւանի տարածք խոչընդոտելու դիտավորութեամբ՝ Գորիսի շրջանից Շաքի-Չուկար-Ղարամալիսովկա ուղղութեամբ արագորեն տեղափոխվում են Նախիջեւան եւ կապ հաստատում այնտեղ գտնվող թուրքական բայազետյան դիվիզիայի զորամասերի հետ³:

Նույն թվականի հունիսի 16-ին 11-րդ Կարմիր բանակի հրամանատար Ռեմեզովի՝ իր զորքերին տրված հրամանում ասվում է.

«1. Մեր զորամասերի կողմից Գորիսի շրջանը նվաճելուց հետո գեներալ Դրոյի ոչ մեծաքանակ զորախմբերը նահանջել եւ կենտրոնանում են Քազարքեներում:

2. Մեր տեղաբաշխման վայրն է ներկայացել Ջուլֆա-Օրդուբաս-Նախիջեւան շրջանում գտնվող թուրքական Բայազետյան դիվիզիայի ներկայացուցիչը եւ թուրքական հեղափոխական հրամանատարութեան անունից դիմելով ռուսական Կարմիր բանակի հրամա-

նատարութեանը՝ խնդրում է ամուր կապ հաստատել թուրքական հեղափոխական զորքերի եւ Կարմիր բանակի զորամասերի միջեւ»¹:

Թուրքական ներկայացուցչի դիմումին անմիջականորեն հետեւում է խորհրդային 11-րդ բանակի հրամանատարութեան որոշումը.

«28-րդ դիվիզիայի փոխհրամանատար ընկ. Լիտվինենկոյին. հունիսի 17-ի լուսաբացին 33-րդ դիվիզիայի հեծյալ բրիգադն ու հեծյալ-լեռնային մարտկոցը Գորիսի շրջանից Շաքի-Չուկար-Ղարամալիսովկա ճանապարհով շարժել Նախիջեւան, ընդ որում Չուկար-Շաչար-էնեգելյուրտ շրջանում հրետանային դասակի հետ թողնել մեկ գունդ... մյուս գունդը հրետանային դասակով ուղարկել Նախիջեւան թուրքական զորքերի հետ կապ հաստատելու համար: Գունդը պետք է Նախիջեւան հասնի հունիսի 21-ից ոչ ուշ: Գորիսի կայազորում թողնել մեկ գունդ 28-րդ դիվիզիայից»²:

Խորհրդային հրամանատարութեան ձեռնարկած այդ շտապողական քայլերը պատահական չէին, դրանք վաղօրոք մտածված էին ու ծրագրված:

1. Նախ, Նախիջեւանը քեմալական «հեղափոխական» թուրքիային Խորհրդային Ռուսաստանին «խորհրդային» Ադրբեջանի միջոցով կապող ցամաքային միակ ճանապարհն էր, որը դեպի արեւելք ձգտող Ռուսաստանի համար ուսումնասիրական կարեւոր նշանակութիւն ուներ: Խորհրդային զորքերը պետք է ապահովեին այդ ճանապարհի անխափանութիւնը ու պաշտպանեին տեղի թուրք բնակչութեանը հայկական զորքերի հնարավոր հարձակումներից:

2. Իր զորքերը տեղաբաշխելով նաեւ Նախիջեւանում, խորհրդային հրամանատարութիւնը «հեղափոխական» թուրքերի համագործակցութեամբ փաստորեն աքցանի մեջ էր վերցնում Հայաստանի Հանրապետութիւնը եւ դրանով իսկ իրական, ազդեցիկ նախադրյալներ ստեղծում ավելի հեշտ միջոցներով իր կամքն ու նպատակները Հայաստանի կառավարութեանը թելադրելու: Եվ այդ ամենը կատարվում է Անկարայի աջակցութեամբ եւ թելադրանքով:

Մինչ խորհրդային իշխանութիւնները «խաղաղ» ճանապարհով կփորձեին իրականացնել իրենց նպատակները, ճիշտ եւ ճիշտ նույն օրերին Հայաստանի Հանրապետութեան կառավարութիւնը ձեռնարկում է իրականացնել Հայաստանի եւ հայութեան ապագայի համար չափազանց կարեւորագույն նշանակութիւն ունեցող Հայաստանի տարածքը թուրքերից վերջնականապես մաքրելու կարեւորագույն գործողութիւնը:

¹ Տե՛ս Լալայան Ա, «Զանգեզուրյան դրվագները 1917-1921 թթ.», էջ 57-58:

² «Ղարաբաղ» ամսագիր, 1941, քիւ 9, էջ 114:

³ Տե՛ս Нагорный Карабах в 1918-1923 гг., см. 538:

¹ Նույն տեղում:

² Նույն տեղում:

Ինչպես արդեն նշվել է, Հայաստանի մի շարք շրջաններում կարսի նահանգում, Ջանգիրասար, Վեդիրասար, Շարուր-Նախիջևան, Կողբ եւ այլն, բնակվող թուրքերը Հայաստանի իշխանությունների դեմ մշտապես գտնվելով ապստամբ վիճակում պարբերաբար զինված հարձակումներ էին գործում հայկական բնակավայրերի, հաղորդակցության ուղիների վրա եւ սպանություններով, թալանով ու ավերումներով ապակայունացնում եւ խոչընդոտում էին հանրապետության վերակառուցման ու խաղաղության հաստատմանը նպատակաուղղված աշխատանքները:

Վերլուծելով հանրապետության տարածքում թուրք զանգվածների հակապետական գործողությունների հետեւանքով ստեղծված իրավիճակը՝ Ս. Վրացյանը գրում է. «Շարուր-Նախիջևանում իշխանութիւնը փաստօրէն անցել էր Անգորայի զինուորական գործակալ Խալիլ-բէյի ձեռքը: Սրա ազդեցութիւնը տարածում էր Վեդիրասարի ու Ջանգիրասարի վրայ, որոնք ամրացուած էին ոչ միայն տեղական, այլեւ թիւրք ասկերներով: Ջանգիրասարում փորուած էին անառիկ դիրքեր: Իլիսի-Ղորալի գիւղերում դրուած էր թնդանօթ: Ռազմավարական կարեւոր դիրքերը բռնուած էին զօրամասերով ու գնդացիներով: Գլխաւոր կէտերը միացուած էին իրար հետ հետախոսով: Թիւրքիայից ստացուած էր մեծ քանակութեամբ փամփուշտ ու ռազմամթերք: Զինուորական տեսակէտից, շատ լաւ կազմակերպուած ու ամրացուած էր Բէյութիւք Վեդին: Այս բոլոր շրջանները միասին կազմում էին «Հարաւ-Արեւմտեան Ազրբէջան»ը, ուր իշխանութիւնը խառն էր՝ թիւրք-ազրբէջանեան»¹:

Քանի որ Անկարայի կողմից ղեկավարվող Հայաստանի տարածքում բնակվող թուրք բնակչությունն իր ռազմատենչ գործողություններով արդեն բազմիցս ապացուցել էր հանրապետության կառավարությանը չենթարկվելու եւ իրենց բնակչության շրջանները Հայաստանից անջատելու անբեկանելի ձգտումները, ապա հանրապետության իշխանություններին ստեղծված կացությունում այլ ելք ու միջոց այլևս չէր մնում:

Մայիսյան խռովությունները ճնշելուց հետո Հայաստանի իշխանությունները ժամանակաշրջանի եւ ստեղծված իրավիճակի թելադրանքով վճռում են վերջնականապես լուծել հանրապետության համար կենսական նշանակություն ունեցող այդ հարցը:

Այդ նույն օրերին Դրոն իր զորամասով գտնվում էր Դարալագյազում: Ելնելով այն իրողությունից, որ Ջանգեղուր ներխուժած

խորհրդային զորքերը թուրքական զորագնդին միացած մուտք են գործել Նախիջևան եւ դրանով իսկ իրական վտանգ ստեղծել հանրապետությունը շրջապատման մեջ վերցնելու ուղղությամբ՝ նա Հայաստանի իշխանություններին առաջարկում է նախ եւ առաջ լուծել Նախիջևանի հարցը:

Դրոյի մշտական ուղեկից, արդեն բազմիցս հիշատակված Մարտիրոսը, անդրադառնալով այդ խնդրի լուսաբանմանը՝ գրում է. «Քեչիչքենդ (Եղեգնաձոր) ժամանեց զինուորական նախարար Ռուբէն Տեր-Մինասեանը...»

Այդ գիշեր երկար խոսակցութիւն տեղի ունեցաւ զինուորական նախարարի եւ Դրոյի միջեւ: Դրոն ուզում էր իր ուժերը միացնել Զօր.Ենկովնիկեանի ուժերին եւ արագ կերպով գրաւել Նախիջևանը, Դարալագեազի տեղական ոյժերին ամրացնել Շարուրում, Արագի ափին, Սիսիանի տեղական ուժերն ամրացնել Նախիջևանում, Արագի ափին, ապա խճուղով յարձակման անցնելով Բիչանակ մալականների գիւղով... բուլչեհիկներից վերցնել Ջանգեղուրը, Գորիսը եւ ամրացնել Զաբուղի բարձունքը»¹:

Տվյալ պարագայում դա բավականին համարձակ, իսկ Նախիջևանի հարցում, ինչը եւ ապացուցեց ժամանակը, շատ խելամիտ ու օգտակար ծրագիր էր: Հայաստանի իշխանությունները, ի դեմս ՀՀ զինվորական նախարար Ռուբեն Տեր-Մինասյանի, որն այդ ժամանակ Նախիջևանի եւ Ջանգեղուրի հարցը տեղում ուսումնասիրելու ու ձեռնարկվելիք քայլերը որոշակիացնելու նպատակով ժամանել էր Քեչիչքենդ (Եղեգնաձոր), վերջապես ընդունում է Դրոյի՝ արդեն բազմիցս արված առաջարկությունը:

Հունիսի 23-ին եւ 24-ին Դրոյի, Ռուբեն Տեր-Մինասյանի, գեներալ Սիլիկյանի եւ այլոց մասնակցությամբ Քեչիչքենդում կայանում է զինվորական խորհրդակցություն:

«Ռուբէնը, - գրում է այդ խորհրդակցության մասնակից Ե. Իշխանյանը, - զրահապատ զնացքով մինչեւ Նախիջևան հետախուզել եւ ստուգել էր, որ թուրքերը տեղահան են եղել, փախել Պարսկաստան»²:

Հետաքրքիր եւ զարմանալի իրավիճակ է ստեղծվում: Նախիջևանի մահմեդականությունը, որը մինչ այդ երբեւէ չէր ցանկանում ճանաչել Հայաստանի Հանրապետության իշխանությունը եւ առաջին իսկ հնարավորության դեպքում ապստամբում ու զենքի էր դիմում, հանկարծ ինքնակամ լքում է իր բնակավայրերն եւ անց-

¹ Տե՛ս Վրացեան Ս., Հայաստանի Հանրապետութիւն, էջ 415:

¹ Խմբապետ Մարտիրոս Աբրահամեան, ԵԶՎ. աշխ., էջ 161:

² Իշխանեան Ե., ԵԶՎ. աշխ., էջ 635:

նում Պարսկաստան: Ի՞նչն էր նրան հարկադրել դիմելու նման ծայրահեղ միջոցի: Նախիջևեանի թրքությանը, անշուշտ, ահ ու սարսափի էին մատնել հանրապետության մահմեդական բնակչության նկատմամբ կառավարության կողմից ձեռնարկված վճռական գործողությունները:

1920 թ. հունիս-հուլիս ամիսներին հանրապետության գլինված ուժերը, ընդամենը մեկ ամսվա ընթացքում, գերազանց կատարելով Հայաստանի իշխանությունների առաջադրած հանձնարարությունը, վերջնականապես մաքրում են հանրապետության տարածքը թուրք զանգվածից, բացառությամբ Շարուր-Նախիջևեանի շրջաններից: Հայկական զորքերի հարձակումը կանգնեցնելու եւ ժամանակ չահելու դիտավորությամբ Նախիջևեանի Մահմեդական Ազգային Խորհուրդը մի պատվիրակություն է ուղարկում Երեւան եւ փորձում հաշտության եզրեր գտնել ՀՀ կառավարության հետ:

«Կառավարութիւնը, գրում է Ս. Վրացյանը, - գինվորական նախարարի միջոցով, ներկայացրեց խիստ, ծանր պայմաններ... Պատգամաւորութիւնը ետ գնաց՝ զեկուցանելու համար Ազգ. Խորհրդին եւ այլեւս չվերադարձաւ: Յուլ. 22-ին կռիւները վերսկսեցին: Թուրքերը 3 օր ցույց տւին յուսահատ դիմադրութիւն: Յուլ. 25-ին մերոնք գրաւեցին Շահթախը: Թուրքերը փախան դեպի Մակու ու Պարսկաստան՝ ազատելով ամբողջ շրջանը մինչեւ Նախիջևեան»¹:

Ելնելով ընձեռված հրաշալի հնարավորությունից՝ Ռուբենը գեներալ Մելիք-Մուրադյանի հետ խորհրդակցելուց հետո, վճռում է օգտագործել հարմարավետ պահը եւ անհապաղ գրավել թուրքերի կողմից լքված շրջանները:

«Նույն եզրակացութեան է յանգում, - նշում է Ե. Իշխանյանը, - նաեւ Քեչիչքենդի խորհրդակցութիւնը Դրոյի մասնակցութեամբ. ուստի որոշում է կայացնում, որ Դրոյի զօրամասը եւ Վայոց Ձորի Ձօր. Մելիք-Մուրադեանին ենթակայ ուժերը շարունակեն յառաջխաղացումը, գրաւեն Նախիջևեանն ու շրջանը եւ շարժվեն առաջ, ամբողջականացնելով Նախիջևեանի գաւառի լրիւ գրաւումը: Որոշումը կայացնելուց յետոյ, հենց նոյն օրը զօրաւար Սիլիկեանը, Ռուբենը եւ Ա. Մելիք-Յուլչեանը մեկնում են Երեւան»²:

Գինվորական խորհրդակցությունում ճշտվում են Նախիջևեանը գրավելու գործողությունների մանրամասները, եւ որոշվում է հարձակումը սկսել հունիսի 25-ին: Համաձայն այդ նույն խոր-

հրդակցությունում կայացած որոշման, Դրոյի եւ գեներալ Մելիք-Մուրադյանի գլխավորած զօրամասերը գործողության առաջին փուլում պետք է գրավեն Նախիջևեանը, ապա նոր միայն ձեռնամուխ լինելին խորհրդային զորքերից Ձանգեզուրի ազատագրմանը: Որպեսզի նախատեսված գործողությունները զանգեզուրցիների կողմից ստանային անհրաժեշտ օգնություն ու աջակցություն, Ձանգեզուրի տարբեր շրջաններ են գործուղվում քարոզիչների խմբեր, որոնք բնակչության մեջ պետք է բացատրական աշխատանքներ իրականացնեն:

Թվում էր, թե ամեն ինչ խնամքով ծրագրված ու կազմակերպված էր, բայց իրականում դեպքերը զարգանում են բոլորովին այլ ուղղվածությամբ: Այն պահին, երբ Դրոն պատրաստվում է իր զօրամասով արշավել Նախիջևեան, ստանում է ՀՀ գինվորական նախարար Ռուբեն Տեր-Մինասյանի անսպասելի ու կտրուկ հրամանը. «Զինւորական նախարարը,- նշում է Մարտիրոսը, - նկատի ունենալով այն պարագան, որ Արցախից Գորիս անցած բուլչեիկեան հեծեալ մի գունդ Նախիջևեան էր գնացել թուրքերին օգնութեան, որպեսզի Հայաստանը չգրաւի Նախիջևեանը, գտնում էր, որ այդպէս շարժելը նշանակում էր պատերազմ յայտարարել Ռուսաստանին, ինչ-որ անխոհեմութիւն է»¹:

Հայաստանի Հանրապետության գինվորական նախարար Ռուբեն Տեր-Մինասյանը կասեցնում է Նախիջևեանի եւ Օրդուբադի գրավումը, բայց կարգադրում է հարձակում գործել միայն Ձանգեզուրի վրա, որը պետք է իրականացվեր Ղուչչի Բելանի եւ Գնդեվազի կողմից: Դարձյալ ձեռքից բաց է թողնվում Նախիջևեանի հարցը վերջնականապես լուծելու բացառիկ նպատակով հնարավորությունը եւ հիմնական պատճառը Կարմիր բանակի ընդամենը 400 հեծյալներից բաղկացած հեծելազունըն էր, որը ձեռնարկվելիք գործողության նախօրեին հասցնում է տեղափոխվել Նախիջևեան: Ավելի քան տարօրինակ էր ՀՀ պաշտպանության նախարարի որոշումը: Ընդամենը 400 հեծյալների առկայությունը խոչընդոտում է հայկական զորքերին իրականացնելու Նախիջևեանի գրավումը, որը Ձանգեզուրը ազատագրելու նախօրեին անկասկած կոգեւորեր եւ կքաջալերեր զորքին եւ բնակչությանը:

Դրոն, անդրադառնալով Հայաստանի Հանրապետության գինվորական նախարար Ռուբեն Տեր-Մինասյանի այդօրինակ որոշմանը՝ ասել է. «Կենտրոնն այն կարծիքին է, որ եթէ գրաւէինք Նա-

¹ Վրացեան Ս., Հայաստանի Հանրապետութիւն, էջ 418:

² Իշխանեան Ե., Եզվ. աշխ., էջ 635:

¹ Խմբագրատ Մարտիրոս Աբրահամեան, Եզվ. աշխ., էջ 161:

խիջեաւանն ու Օրդուբադը, չպիտի կարողանայինք այն մեր ձեռքում պահել, թեեւ ամբողջ թրքութիւնը փախել էր Պարսկաստան եւ ամսոյս 21-ից մինչեւ 26-ը բոլորովին լքված է եղել Նախիջեաւանի ամբողջ շրջանը: Բուսանքը գրահապատով գնացել է Նախիջեաւան, որը լքված ու ամառի էր գտել: Կենտրոնի կարծիքով եթէ Նախիջեաւանն ու Օրդուբադը գրավեինք, սահմանագիծը շատ կերկարէր եւ չէինք կարողանայ պահել»¹:

Կարելի է պատկերացնել Դրոյի եւ նրա զինակիցների հրասթափութիւնն ու զարմանքը: Համանման հրահանգ ստանալուց հետո նրանց այլեւս ոչինչ էլ չէր մնում անել, քան համակերպվել ստեղծված կացութեանն ու ձեռնամուխ լինել Զանգեզուրը խորհրդային զորքերից ազատագրելու ՀՀ զինվորական նախարարի հրամանի կատարմանը: Չէր բացառվում նաեւ հակառակ տարրերակը՝ շրջանցել եւ չկատարել կենտրոնի հրամանը: Ո՞րն էր ելքը:

Ադրբեջանի Հանրապետութիւնն ու Արցախը զավթած խորհրդային զորքերի զգալի մասը այդ ժամանակ արդեն գտնվում էր Զանգեզուրում եւ անհրաժեշտութեան դեպքում, յուրաքանչյուր պահի կարող էր համալրվել նոր զորագնդերով: Դրոյի զորամասը իր թվակազմով զգալիորեն զիջում էր Զանգեզուր ներխուժած խորհրդային զորքերին եւ տեւական կռիւմների ընթացքում, առանց օգնական ուժերի, համալրման, դժվար թե կարողանար երկարատեւ դիմադրութիւն ցույց տալ հակառակորդի գերակշռող ուժերին: Իսկ առանց բավարար մարտական ուժերի եւ լուրջ պատրաստվածութեան անիմաստ էր ու անօգուտ ձեռնարկել Զանգեզուրը խորհրդային զորքերից ազատագրելու կենտրոնից ստացած հրաման: Սթափ գնահատելով այդ հանգամանքը՝ Դրոն հեռագրով կենտրոնից պահանջում է ուղարկել օգնական ուժեր, ընդամենը 1500 մարտիկներից բաղկացած մի գունդ, բայց նույն օրն եւեթ ստանում է մերժողական պատասխան: Ի՞նչ պետք է արվեր, ձեռնարկել հարձակումը, թե՞ հրաժարվել կատարել կենտրոնի հրամանը: Իրենց հետագա անելիքները վերջնականապէս ճշգրտելու եւ որոշելու նպատակով Դրոն գումարում է զինվորական խորհրդակցութիւն:

«Երեկոյան, վկայում է այդ զինվորական խորհրդակցութեան մասնակից Ե. Իշխանյանը, ժամը 11-ին Դրոն մեզ կանչում է իր մօտ, ներկայ էին Կուռօն, խմբապետ Մարտիրոսը եւ Պողոս Տեր-

Դավթեանը: Դրօն հարց է դնում, ինչպես վարել: Ես կրկնեցի առաւօտեան ասածս, որի վրայ պնդեց Պողոսը, թէ չպիտի կարողանանք պահել Զանգեզուրը, ուստի պետք է յարձակում գործենք»¹:

Համաձայն Ե. Իշխանյանի հավաստման, զինվորական խորհրդակցութեան մասնակիցների տեսակետը միանշանակ էր. մարտական ուժերի սահմանափակ լինելու պատճառով չձեռնարկել հարձակում, այսինքն հրաժարվել կատարել կենտրոնի հրամանը: Հարցի վերջնական վճիռը կայացնում է Դրոն:

«- Սակայն արժանապատուութեան խնդիր է դարձած այժմ ինձ համար, ասում է Դրօն: Կենտրոնում թյուրիմացաբար պիտի կարծեն, թէ վախեցայ եւ այդ պատճառով յարձակում չգործեցի»²:

Իրոք ստեղծվել էր չափազանց դժվարին եւ ինչ-որ իմաստով անհասկանալի ու գուցեեւ անելանելի իրավիճակ: Եթե հայկական զորքերը, ինչպես ծրագրված էր, մաքրեին Նախիջեաւանը, ապա միանգամայն կբացառվեր թիկունքից սպառնացող վտանգը եւ ավելի հեշտ ու ապահով կլիներ կատարել Զանգեզուրը ազատագրելու առաջադրանքը: Իսկ առանց Նախիջեաւանը մաքրելու, Դրոյի զորամասը անխուսափելիորեն կհայտնվեր Զանգեզուրի եւ Նախիջեաւանի տարածքներից խորհրդային զորքերի կողմից տեղացող հանդիպակաց հարվածների խաչմերուկում:

Կենտրոնի որոշման կապակցութեամբ արտահայտելով իր անհամաձայնութիւնն ու զայրույթը՝ Սիսիանի մարտական ուժերի հրամանատար Պողոս Տեր-Դավթեանը նշել է. «Պարզապէս շտաբում նստածներից ոչ մեկը գաղափար չունի Զանգեզուր- Արցախի մասին, եւ ոչ մեկը չի կարողանում պատկերացնել մեր շրջանի իրական կացութիւնը: Եթէ Նախիջեաւանը գրաված լիներ, կարելի կը լիներ վստահ առաջ շարժել, իսկ այժմ, երբ գնանք, թիկունքից թշնամին միշտ կարող է զարկել մեզ»³:

Իրոք, Դրոյի զորամասի թիկունքից, այն էլ երկու՝ Նախիջեաւանի եւ Հաճի Սամլուի ուղղութիւններից հակառակորդի կողմից միաժամանակյա սպառնացող հանդիպակաց հարվածները միանգամայն հնարավոր էին, բայց, այնուամենայնիվ, անհրաժեշտ էր ինչ-որ գործողութիւն ձեռնարկել:

«Դրօն, վկայում է Ե. Իշխանյանը, շատ մտածկոտ, ծանրակշիռ խնդիրներ լուծող կենտրոնացած մարդու դէմք ունէր: Երկրնտրանքի մէջ էր: Իր կարծիքը պարզ էր եւ որոշ յայտնել էր, եւ իր հետ հա-

¹ Նույն տեղում:

² Նույն տեղում:

³ Նույն տեղում:

¹ Նույն տեղում:

մաճայն էին տղաները, որոնք շատ լաւ հասկանում էին խնդիրը, նույնիսկ ոչ զինւորականներս համամիտ էինք Դրոյին, որ առանց բաւարար ուժեր ունենալու հնարաւոր չէ Ձանգեզուրը պահել մեր ձեռքում, գտնելով թշնամու երկու բանակների՝ Նախիջեւանի եւ Հաճի Սամլուի խաչաձեւ կրակի տակ: Բոլորիս մէջ նույն դժգոհութիւնն էր բորբոքվում, թէ ինչու զինւորական շտաբը կասեցրեց Նախիջեւանի գործողութիւնը»¹:

Խորհրդաժողովի ժամանակ Դրոյի զինակիցները, բազում փաստարկներ վկայակոչելով, աշխատել են համոզել նրան, որպեսզի չկատարեն կենտրոնի հրամանը, չձեռնարկեն հարձակում մինչեւ օգնական ուժերի ժամանումը, սակայն նա կրկին անգամ հաշվարկելով բոլոր դեմ եւ թեր կողմերը՝ ասել է. «...Ես կարգադրութեան մարդ եմ, օգնական ուժ պահանջել եւ մերժում եմ ստացել, արշաւանքը կը սկսեմ եւ, ինչպես յայտնել եմ Կենտրոնին, շտաբին, վերջինիս վրայ կընկնի հետեւանքի պատասխանատուութիւնը: Ոչ մի դժուարութիւն չկայ Ձանգեզուրը գրաւելու, բայց եթէ չկարողանանք պահել, դրա մեղքը կընկնի Կենտրոնի վրայ: Այլեւս երկար ու բարակ մտածելու պէտք չկայ: Պողոս, անմիջապէս կարգադիր տղաներին, պատրաստ լինեն մինչեւ մի ժամ, բռնելու արդէն որոշած ելակէտերը»²:

Որոշումն արդեն կայացած էր, եւ Դրոն իր զորամասով ձեռնամուխ է լինում կենսագործելու Ձանգեզուրը խորհրդային զորքերից մաքրելու ՀՀ զինվորական նախարարութեան հրամանը:

Կարմիր բանակի զորամասերը, խորանալով Ձանգեզուրի տարածքը, գրավում են Գորիսը եւ բանտարկում ՀՀ իշխանութեան ներկայացուցիչներին: Ենհերի մի քանի գյուղացիների հաջողվում է Սիսիանի տարածքով հասնել Դարալագյազ ու Դրոյին հաղորդել խորհրդային զորքերի կողմից Գորիսի գրավման եւ Հայաստանի խորհրդարանի անդամներ Վահան Խորենու, Արշակ Շիրինյանի ու բազում այլ անվանի գործիչների ձեռքակալման լուրը:

1920 թ. Օգոստոսի 1-ին Դրոն իր զորամասով արշավում է «դիմավորելու» խորհրդային զորքերին եւ միաժամանակ հրահանգ է ուղարկում Ղափանի զորախմբի հրամանատար Գարեգին Նժդեհին՝ նույնպես անհապաղ շարժելու Գորիս:

Այդ գործողութեան ծավալումից օրեր առաջ Գորիսից դեպի Նախիջեւան պիտի մեկնեւր Կարմիր բանակի 1-ին հեծյալ գունդը: Հանրապետութեան զորքերի հնարավոր հարձակումներից հեծյալ

գնդի պաշտպանութիւնն ու նրա անվտանգութեան ապահովութեան պատասխանատուութիւնը հանձնարարվում է Սիսիանի շրջանում գտնվող 32-րդ բրիգադին: Այդ նույն երթուղով Նախիջեւան պիտի անցնեին Խալիլ փաշան եւ խորհրդային պատվիրակութեան անդամները, որոնք իրենց հետ պիտի տանեին մեծ արժեք ներկայացնող գույք ու տարբեր տեսակի իրեր:

Տեղեկանալով այդ մասին՝ Դրոն որոշում է հարձակվել Նախիջեւան ուղեվորով խորհրդային զորամասի ու պատվիրակութեան անդամների վրա ու բռնագրավել նրանց մոտ գտնվող արժեքավոր գույքն ու իրերը: Հարձակման ժամանակ Դրոյի զորամասը Նախիջեւան ուղեւորվող խորհրդային պատվիրակներից որպես ռազմավար բռնագրավում է ավելի քան 200,6 կիլոգրամ ոսկու ձուլածոներ: Հակառակորդի ձեռնարկած բոլոր փորձերը հետ վերցնելու կորցրածը՝ անցնում են ապարդյուն³:

Օգոստոսի 1-ին Դրոյի հրամանով գնդապետ Կուռո Թարխանյանի գլխավորած զորամասը գրոհում է Բազարչայ գյուղում հանգրվանած խորհրդային զինվորների վրա եւ խորտակելով նրանց դիմադրութիւնը՝ շարժվում Գորիս: Այդ օրը 11-րդ բանակի շտաբը Ձանգեզուրյան ռազմաճակատից ստանում է հետեւյալ տազնապալի հեռագիրը. «Դրոն Ջուլի կողմից հարձակվում է էնգելյուրտի վրա...8 հրանոթների ղազկցութեամբ 400 թրերի եւ 40 սփինների ճնշման տակ հրաձգային դիվիզիայի 32-րդ բրիգադը թողել է Բազարչայը»²:

Միաժամանակ, Պողոս Տեր-Դավթյանի գլխավորած զորաջոկատները հարձակվում են Սիսիան ներխուժած բոլշեւիկների զորամասի վրա ու պարտութեան մատնելով նրանց՝ ստիպում նահանջել դեպի Գորիս:

Դրոյի զորախմբի հարձակումը կանգնեցնելու համար Կարմիր բանակի հրամանատարութիւնը հրամայում է 84-րդ, 32-րդ եւ հեծյալ բրիգադների հրամանատարներին վճռական հարվածով ջախջախել Դրոյի դաշնակների հարձակումը եւ վերականգնելով նախկին դրութիւնը՝ ապահովել Գորիս-էնգելյուրտ-Կարամալինովկա, Նախիջեւան ուղին³:

Նույն հրամանով հանձնարարվում է հսկել նաեւ Ղափանի կողմից Նժդեհի զորախմբի կողմից սպասվելիք հարձակմանը եւ թույլ չտալ, որպեսզի նա ղազկցի Գորիսի վրա հարձակվող Դրոյին⁴:

¹ Նույն տեղում:

² Նույն տեղում:

¹ Տե՛ս Սիմոնյան Արամ, Եզվ. աշխ., էջ 138:

² Բանբեր Հայաստանի արխիվների, 1978, թիւ 1(50), էջ 40-41:

³ Տե՛ս Նույն տեղում:

⁴ Տե՛ս Նույն տեղում:

Օգոստոսի 1-ին Դրոյի զորամասերի հարձակումը կասեցնելու նպատակով կարմիր զորազնդերի ձեռնարկած գործողութիւնները ոչ մի արդէւոյնք չեն տալիս: Մի քանի ուղղութիւններում խորտակելով խորհրդային զորքերի դիմադրութիւնը՝ Դրոն ավելի է մոտենում Գորիսին:

Նույն օրը, Կարմիր Բանակի 28-րդ դիվիզիայի հրամանատար Նեստերովսկին, իր զինվորների տված հրամանում հայտնում է. «Դաշնակները գեներալ Դրոյի հրամանատարութեամբ շարունակում են հարձակումը էնգելյուրտ-Ղարաքիլիսայի (Սիսիան) շրջաններում տեղաբաշխված մեր զորքերի վրա: Հակառակորդի գերակշռող ուժերի ճնշման տակ 32-րդ Հեծյալ բրիգադի կողմից թողնվել է էնգելյուրտ գյուղը եւ նահանջել Շեկի, որը գտնվում է էնգելյուրտից արեւելք 4 վերստ հեռավորության վրա... Փոխգնդապետ Նժդեհի հրոսակախմբերը Գորիսից 40-50 վերստ հեռավորության վրա գտնվող Կատարյան գործարանի շրջանից, համաձայն Հետախուզութեան տվյալների, պատրաստվում են պաշտպանել դեպի Գորիս-Տեղ հարձակվող դաշնակներին»¹:

Իր գլխավորած զորամասերին տեղեկացնելով հայկական զորքերի հարձակման հետեւանքով իրենց սպառնացող վտանգավոր իրավիճակի մասին՝ Նեստերովսկին դիվիզիայի զորամասերի հրամանատարներին տալիս է անհրաժեշտ հրահանգներ՝ կասեցնելու հակառակորդի հարձակումը:

Կարմիր զորամասերի հրամանատարները, բանակի շտաբին հասցեագրած իրենց հեռագրերում հաղորդելով Դրոյի զորքերի հարձակման մասին՝ միշտ շեշտում են հակառակորդի գերակշռող ուժերի մասին: Իրականում Դրոյի զորամասը հակառակորդի համեմատ թվաքանակով ավելի փոքրաքանակ է եղել: Կարմիր զորազնդերի հրամանատարները, ուռճացնելով նրա զորամասի քանակական գերակշռութիւնը, պարզապես իրենց անհաջողութիւնները քողարկելու ու արդարացնելու պատրվակներ են հորինել:

Ըստ Մարտիրոս Աբրահամյանի տվյալների՝ Դրոյի զորամասը բաղկացած է եղել հետեւյալ զորաջոկատներից. «... Ասիկի գումարտակը՝ 126 հոգի, Կուռոյի ձիաւորները՝ 150-160, Նժդեհի ղափանցիները՝ 125-150 հոգի, իմ ուժերը՝ 180 հոգի»²:

Թվարկված ուժերին պետք է ավելացնել վերոհիշյալ ռազմական գործողութիւնների մասնակից Պողոս Տեր-Դավթյանի գլխավորած

սիսիանցիների եւ Յապոնի հրամանատարութեամբ գործող Դարալազյազի մարտական ուժերը: Ընդամին, Դրոյի զորամասի վերաբերյալ վերոհիշյալ տվյալները հաստատում են Կարմիր բանակի՝ Ձանգեզուրում գտնվող զորազնդերի հրամանատարների հեռագրերում ամրագրած փաստերը:

Օգոստոսի առաջին օրերին Ձանգեզուրյան զորախմբի հարձակումը զարգանում է մեծ հաջողութեամբ:

«... պաշտպանութիւն անդամ Արշակ Հավհանիսյանի անուշով՝ իր հուշերում գրում է Սեպուհի զորամասի շտաբի ծառայողներից մեկը, ստացվեց մի հեռագիր, որով հաղորդվում է, որ Դրոն Սիսիանում ջարդելով բոլշեւիկյան երկու էշելոն (երեւի զորասյուն) գրավել է Անգեղակոթը, Բազարչայ եւ Բորիսովկա գյուղերը, այսպիսով նա կտրել է Նախիջեւանում գտնվող սովետական գնդի ճանապարհը: Կարմիրները, իսպիլ բեյի ջարդված բանակի հետ միանալով, վերջնապէս են ներկայացրել մեր հրամանատարութեանը, որ անմիջապէս պարպենք Շարուր-Նախիջեւանի ամբողջ գավառը...»

Սովետական նենգավոր իշխանութիւնը կամաց-կամաց իր ժանիքները բաց է անում:

... Միխիթարականն այն է, որ Դրոյի կողմն են անցել Հայ գյուղացիները, որոնք շատ կարճ ժամանակում ճաշակեցին «կոմունիստ» տարրերի բռնակալական լուծը»¹:

Ձանգեզուրում ծավալվող մարտերում, հատկապէս Սիսիանի շրջանում, գերազանց է գործում Դրոյի կողմից այնտեղ գործուղված Պողոս Տեր-Դավթյանը, որը տեղացի ուժերի գլուխն անցած՝ ջախջախում է այդ վայրերում հայտնված բոլշեւիկյան զորամասը, գրավում է Սիսիանը եւ զարգացնելով հարձակումը՝ Գորիսի մոտակայքում միանում է Դրոյին²:

Կարմիր բանակի հրամանատարութեան համար ինչ-որ չափով անակնկալ էր հայկական զորքերի սրընթաց հարձակումն ու իրենց զորքերի հապճեպ նահանջը: Հարձակման հենց առաջին օրը՝ օգոստոսի 1-ին, Ձանգեզուրում կենտրոնացած 28-րդ դիվիզիայի հրամանատար Նեստերովսկին, հայկական զորքերի հարձակումը դադարեցնելու նպատակով դիմում է Դրոյին: Նեստերովսկին նախ իր դժգոհութիւնն է հայտնում այն կապակցութեամբ, որ հայկական զորքերն առանց Կարմիր բանակի հրամանատարութեանը տեղյակ

¹ Ազատ, անկախ եւ միացյալ Հայաստանի վերջին օրերը, Երևան, 1993, էջ 65-66:
² Տե՛ս նույն տեղում:

¹ ՀԱԱ, ֆ. 200, ց. 1, գ. 441, ք. 158:
² «Հայրենիք» ամսագիր, 1934, մարտ, էջ 123:

պահելու հարձակում են գործում իրենց գործառնաբերի վրա: Նրա գնահատմամբ, նմանօրինակ գործողություններ հայկական կողմը սկիզբ եւ հիմքեր է դնում Հայաստանի եւ Խորհրդային Ռուսաստանի բարեփոխման հարաբերությունների խզմանն ու չհաստատմանը: Նեստերովսկին հայտնում է նաեւ, որ Կարմիր բանակի գործառնաբերը մուտք են գործել Չանգեզուր ու Նախիջևան ոչ թե նվաճելու, այլ դադարեցնելու եւ վերջ դնելու հայ-թաթարական բախումներն ու միմյանց կոտորելը, նրա խնդիրը ավազակներին եւ հրոսակներին ոչնչացնելն է ու խաղաղություն հաստատելը:

Ըստ 28-րդ դիվիզիայի հրամանատարի, Կարմիր բանակը հայկական բանակի վրա հարձակվելու խնդիր չուներ: Այսուհանդերձ, Նեստերովսկին Դրոյին զգուշացնում է. «...Միայն Ձեր հրամանատարությունները գործող զորքերի, կամ Հայաստանի մեկ այլ գործառնաբերի կողմից թշնամական գործողությունների ձեռնարկման դեպքում, Կարմիր բանակը կդիմի վճռական գործողությունների եւ յուրաքանչյուր հարվածին կպատասխանի տասնապատիկ անգամ առավել հզոր հարվածներով...»¹:

Դրոյին հասցեագրած այդ նույն ուղերձում Նեստերովսկին վերջնազրի կարգով պահանջում է 48 ժամվա ընթացքում հայկական զորքերը վերադարձնել նախկին՝ ելման դիրքերը, եւ միաժամանակ զգուշացնում, որ վերջնազրի պահանջները չկատարելու դեպքում Կարմիր բանակը կդիմի հարձակողական գործողությունների²:

Չանգեզուրում ծավալվող հետագա դեպքերը մատնանշում են, որ Դրոն եւ նրա զինակիցները որեւէ լուրջ ուշադրություն չեն արժանացրել խորհրդային 28-րդ դիվիզիայի հրամանատարի կողմից իրենց ներկայացրած վերջնազրին: Հայաստանի Հանրապետության գործառնաբերի Չանգեզուրում ձեռնարկած առաջին ռազմական գործողությունը առանց դադարի շարունակվում է եւ ընթանում է հաջողությամբ: Դրոյի գործառնաբերը ընդհուպ մոտենում է Գորիսին: Միաժամանակ Գորիս է հասնում Գարեգին Նժդեհի առաջնորդած Ղափանի եւ Պողոս Տեր-Դավթյանի գործառնաբերը: Առանց ժամանակ վատնելու՝ Դրոն հարձակվում է Գորիսում կենտրոնացած խորհրդային զորքերի վրա եւ տարբեր ուղղություններից գրոհող զանգեզուրյան գործառնաբերի համագործակցությամբ ջախջախում է հակառակորդի ուժերը, գրավում Գորիսը եւ հետապնդելով դուրս վճռում Չանգեզուրի տարածքից:

Վերոհիշյալ հուշագրությունում հեղինակը, շարունակելով նկարագրել Դրոյի գործառնաբերի հարձակման մանրամասները, գրում է. «Գլխավոր շտաբի օգոստոսի զորաշարժական ասում է, որ մեր շեշտակի հարվածի տակ Բուղդա թափայից եւ էլի թափայից, Մինքենդի կողմից քոչվոր թուրքերը ջարդված են ու չարտված: 16 ժամին գորասյունը մոտեցավ Արփա-Գյաղուկի գծին՝ գրավելով էանթափա, Դաշթափա, Ալիաթափա եւ Ուզթայ: Մինչեւ 20 ժամին հրացանային, թնդանոթային ու գնդացրային ուժեղ կոիվ է եղել: 24 ժամին մեր շեշտակի ճնշումով, որն արեց Թարխանովի հեծելազորը, թշնամին ջարդվեց: Թշնամուն հետապնդող Թարխանյանի (նկատի ունի Թարխանովին-Չ.Գ.) հեծելազորը թշնամուց վերցրել է գնդացիրներ: Երկկոյան ժամը վեցին մեր գործառնաբերը հաղթականորեն գրավել են Գորիս քաղաքը...»¹:

Ջախջախելով Չանգեզուրի Գորիսի եւ Սիսիանի շրջանները ներխուժած խորհրդային գործառնաբերին՝ Դրոյի գործառնաբերը խորհրդային հիմնական ուժերից մեկուսացնում է Նախիջևանում բուլյն դրած թուրքական գործառնաբերը եւ իրական հնարավորություն ստեղծում այն վերջնականապես ոչնչացնելու: Դրոն, իհարկե, հասկանում էր, որ Գորիսի ազատագրումն ու Չանգեզուրից խորհրդային զորքերին դուրս վճռելը դեռեւս վերջնական հաղթանակ չէր ու բնավ չէր նշանակում, որ դրանով Չանգեզուրը ձերբազատվել էր Կարմիր բանակի հարձակումներից:

Դժվար չէր հասկանալ, որ Կարմիր բանակի հրամանատարությունը չէր կարող հրաժարվել խորհրդայինացման ճանապարհով Կովկասյան հանրապետությունները, այդ թվում նաեւ Հայաստանը նվաճելու եւ դեպի Արեւելք ծավալվելու իր ռազմավարական ծրագրերից, եւ անտարակույս հետեւելու էր Կարմիր բանակի նոր ու ավելի հզոր հարձակումը:

Դրոյի հրամանատարությունները գործող գործառնաբերն այդ պահին բաղկացած էր ընդամենը 770 մարտիկներից, որոնցից 300-ը՝ իր առաջնորդած ջոկատումն էր, 300-ը՝ Գ. Նժդեհի, 120-ը՝ Սիսիանի մարտական ուժերի հրամանատար Պողոս Տեր-Դավթյանի եւ 50 հոգի՝ Յրդ գնդից²:

Եթե Չանգեզուրի վրա հակառակորդի կողմից հետեւին նոր հարձակումներ, որը կասկած չէր հարուցում, ապա չափազանց դժվար կլիներ վերոհիշյալ սահմանափակ ուժերով հաջողությամբ

¹ ՀԱՍ, ֆ. 1022, ց. 8, գ. 8:

² Տե՛ս նույն տեղում:

¹ Ազատ, անկախ եւ միացյալ Հայաստանի վերջին օրերը, Երեւան, 1993, էջ 66:

² Տե՛ս ՀԱՍ, ֆ. 200, ց. 1, գ. 441, ք. 156:

դիմակայել Կարմիր բանակի Հարվածներին ու արգելափակել նրանց մուտքը գավառի տարածք: Նվաճած հաղթանակն ամրապնդելու ու զարգացնելու համար, անհրաժեշտ էր գինական աջակցություն: Այդ նպատակով գեներալ Միլիկյանին հասցեագրած օգոստոսի 6-ի հեռագրում՝ Դրոն նախ հայտնում է Գորիսն ազատագրելու իրողությունը, ապա խնդրում օգնական ուժեր¹:

Օգոստոսի 3-ին, Ձանգեղուրյան զորախմբի կողմից Գորիսի գրավման վերաբերյալ Կարմիր բանակի հրամանատարությունը ստանում է հետևյալ հեռագիրը. «... Ձանգեղուրի գավառում Դրոն կենտրոնացնելով նշանակալի ուժեր՝ հարձակվել ու գրավել է Գորիսը: 28-րդ դիվիզիայի հեծյալ գունդը անցել է Նախիջևան: Մեր դիվիզիայի առաջավոր զորամասերը օգոստոսի 4-ի դրությամբ զբաղեցնում են Նովրուզլու-Արավու-Տեղ բնագիծը...»²:

Հետապնդելով ջախջախված նահանջող կարմիր զորամասերին՝ Դրոյի Ձանգեղուրյան զորախմբի ավանգարդում ընթացող զորամասերը գնդապետ Կուռո Թարխանյանի եւ Գարեգին Նժդեհի հրամանատարությունում հասնում են մինչեւ Հագարու գետ:

Խուճապահար փախչելով՝ բուլչեհիկներն այնուամենայնիվ հասցնում են իրագործել իրենց սեւ գործը: Գնդակահարում են ձերբակալված բազմաթիվ անվանի զանգեղուրցի գործիչների, որոնց թվում նաեւ Հայաստանի խորհրդարանի անդամներ Վահան Խորենուն եւ Արշակ Շիրինյանին:

Գորիսը գրավելու հենց նույն օրը՝ օգոստոսի 3-ին, Դրոն երկու ուղերձ է հղում խորհրդային 28-րդ եւ 32-րդ դիվիզիաների հրամանատարներին ու գինկոմներին:

Ուղերձներից մեկում, արտահայտելով իր վրդովմունքը խորհրդային զինվորների կողմից Հայաստանի խորհրդարանի անդամներ Վահան Խորենուն եւ Արշակ Շիրինյանի եղբրական սպանության եւ Ձանգեղուրի հայ բնակչության նկատմամբ գործադրած բռնությունների կապակցությամբ, Դրոն նշում է. «Կատարվել է այն, ինչից մենք խուսափում էինք: Հայկական աշխատավոր գյուղացիության եւ ռուսական դեմոկրատիայի միջեւ, որին, հակառակ նրա կամքին ու ցանկությանը, դուք Հայաստանի դեմոկրատական հանրապետության տարածքները զավթելու նպատակով օգտագործում եք Հանուն Ձեր իմպերիալիստական նկրտումների, սկսվել են ռազմական գործողություններ: Զինկոմների եւ հեղկոմների չորսշաբաթյա գործունեությունը Ձանգեղուրում եւ Սիսիանում, որն ուղեկց-

վում է խաղաղ աշխատավոր գյուղացիության նկատմամբ գործադրած բռնություններ ու թալանով, ավարտվեց մեծագույն հանցագործություններ, պառլամենտի անդամներ Վ. Խորենուն եւ Ա. Շիրինյանի գազանային սպանություններ:

... Այդ գազանային արարքը եւ հայ գյուղացիության արյունարբու դահիճ Խալիլ փաշայի հետ ունեցած դաշինքը, լավագույնս են մատնանշում ձեր զավթողական նպատակները, որին դուք քողարկում եք Կոմունիզմի կարմիր շղարշով...

Հայտնում եմ Ձեզ. հեռու տարեք արյունոտ ձեռքերը, հեռացե՛ք ձեր կողմից զավթած Հայաստանի տարածքից:

Մի սանձագեղձեք արյունահեղություն, հակառակ պարագայում հայ եւ ռուս երկու եղբայրական ժողովուրդների թափած արյան ողջ պատասխանատվությունը համայն աշխարհի աշխատավորության առջեւ, ընկնելու է Ձեր վրա...»¹:

Խորհրդային զորքերի հրամանատարներին հասցեագրած Դրոյի երկրորդ ուղերձը յուրօրինակ պատասխան է 28-րդ դիվիզիայի հրամանատար Նեստերեվսկու ներկայացրած վերջնագրի:

«28-րդ եւ 32-րդ կարմիր դիվիզիաների հրամանատարներին.

Ստանալով իմ կառավարության կողմից Ձանգեղուրը բուլչեհիկյան նվաճողներից մաքրելու հանձնարարությունը, առաջարկում եմ Ձեզ, ձեր զորքերը հեռացնել Ձանգեղուրի հին սահմաններից այն կողմ, որն անցնում է Արցախյան լեռնանցքով:

Իմ կողմից զորքերին տրվել է Հագարու գետի ուղղությամբ պաշտպանական բնագծերում ամրանալու հրաման: Ձեզ տրվում է 24 ժամ ժամանակ, այդ տարածքները մաքրելու համար:

Ձեր կողմից ակտիվություն նկատվելու դեպքում, ամբողջ ռազմաճակատով անցնելու ենք վճռական հարձակման... Մինչեւ իմ կառավարության կողմից նոր, հատուկ հանձնարարության ստանալը, դիմակայության գիծը համարվում է Հագարու գետն ու Արցախյան լեռնանցքը»²:

Այդ ժամանակահատվածում խորհրդային զորքերի մուտքը Ձանգեղուր դեռեւս ծավալվող գործողությունների սոսկ նախբրզանքն էր, հիմնական գործողությունները տեղի էին ունենալու փոքր-ինչ անց:

Հարկ է ընդգծել, որ Դրոյի զորամասի հարձակումն առաջին լուրջ խոչընդոտն էր դեպի արեւելք «համաշխարհային հեղափոխություն» տարածող, եւ այդ ռազմավարությամբ արեւելքի ճնշված ազգերին «ազատագրելու» առաքելությունը ստանձնած բուլչեհիկ-

¹ Տե՛ս նույն տեղում:

² Բանբեր Հայաստանի արխիվների, 1978, թիւ 1(50), էջ 44:

¹ ՀԱՍ, ֆ. 1022, ց. 111, գ. 1:

² ՀԱՍ, ֆ. 1022, ց. 8, գ. 112:

ներ առաջնորդած խորհրդային զորքերի ճանապարհին: Մի՞թե արեւելքի ճնշված ազգերին «ազատագրելու» առաքելությունը ստանձնած խորհրդային զորքերը կհանդուրժեին հայ մարտական ուժերի հարուցած խոչընդոտը:

Մի քանի օր անց ջախջախված բոլշեւիկյան զորամասերին փոխարինելու են գալիս նոր զորամասեր:

Խորհրդային Ադրբեջանը պաշտպանելու, բայց իրականում ՀՀ Ձանգեզուրյան զորախմբի դիմադրությունը ընկճելու, ինչպես նաեւ Ձանգեզուրում իր ջախջախված զորամասերը համալրելու եւ վերախմբավորելու նպատակով Կարմիր բանակի հրամանատարությունը ձեռնարկում է վճռական քայլեր: Համաձայն ձեռնարկած քայլերի, Դրոյի զորախմբի դեմ գործելու եւ նրա դիմադրությունը խորտակելու նպատակով 11-րդ բանակի հրամանատարությունը կազմավորում է երկու զորախումբ:

1-ին հարվածային զորախումբը՝ 18-րդ հեծյալ, 20-րդ եւ 28-րդ դիվիզիաների 250, 251, 299-րդ գնդերի ու 83-րդ բրիգադի ուժերից եւ հրետանուց:

2-րդ օժանդակ զորախումբը՝ 248 եւ 249-րդ գնդերի ու հրետանու երկու մարտկոցների ուժերով¹:

Հակառակորդի վերոհիշյալ զորամասերին դիմակայող ՀՀ զանգեզուրյան զորախումբը, ըստ Կարմիր բանակի հրամանատարության տվյալների բաղկացած էր հետեւյալ մարտական ուժերից՝ Դրոյի զորաջոկատը՝ 300, Նժդեհինը՝ 300, Պողոս Տեր-Դավթյանի գլխավորած Սիսիանի զորաջոկատը՝ 120 եւ 3-րդ գնդից 300 հոգի²:

Կարմիր բանակի հրամանատարության ներկայացրած այս տվյալները գրեթե համընկնում են իրենց զորախմբի վերաբերյալ Բաշգառնեցի Մարտիրոսի հիշատակած թվերին:

Դատելով ՀՀ զանգեզուրյան մարտական ուժերի թվակազմը ներկայացնող տվյալներից, դժվար է նկատել, որ այն միանգամայն անհամեմատելի է լիովին համալրված զորամասերից եւ հրետանային մարտկոցներից բաղկացած խորհրդային բանակի ուժերին: Մի էական հանգամանք եւս. Դրոյի զանգեզուրյան զորախումբը ընթացող մարտերում կրել էր որոշակի կորուստներ եւ այդ ընթացքում կենտրոնից որեւէ օգնություն չէր ստացել ու հույս էլ չկար, որ կարող էր ստանալ անգամ կոխիները շարունակելու պարագայում:

Կենտրոնացնելով զանգեզուրյան զորախմբին բազմիցս գերակշռող ուժեր՝ Կարմիր բանակի զորամասերը առաջին հարվածը հասց-

նում են ռազմաճակատի սուր ծայրում գտնվող գեղապետ Կուռոթարիանյանի ու Գարեգին Նժդեհի զորաջոկատներին, որոնք, հերոսաբար դիմադրելով, բայց հարկադրված տեղի տալով գերակշռող ուժերի անընդմեջ կրկնվող հարձակումներին, սկսում են կանոնավոր զորաշարքերով քայլ առ քայլ նահանջել:

Կարմիր բանակի զորամասերի հարձակմանը զուգընթաց, իրենց գործողություններն են ակտիվացնում Ձանգեզուրի բոլշեւիկյան կազմակերպությունները, որոնց զինված շոկատները սկսում են թիկունքից հարվածներ հասցնել խորհրդային զորամասերին դիմակայող Դրոյի զորախմբին: Խորհրդահայ պատմաբան Ք. Խուդավերդյանը, ելակետ ունենալով խորհրդային զորքերի, կոմունիստների գործողությունները արդարացնելու ու դրականորեն արժեւորելու սկզբունքը, իր «Ձանգեզուր» գրքում, անդրադառնալով այդ ժամանակահատվածում Ձանգեզուրում տեղի ունեցած կոխիներին, գրում է. «Հարվածող խմբին (նկատի ունի Ձանգեզուր ներխուժած խորհրդային զորամասերին-Հ.Գ.) միացան Ձանգեզուրի կոմունիստական շոկատները: Մշակվեց հակահարձակման հատուկ պլան, որի համաձայն օգոստոսի 7-ին լուսաբացին սովետական զորքերն անցան հարձակման: Գերագանցապես Անգեղակոթի, Շագաթի, Մազրայի կոմունիստներից բաղկացած մի շոկատ առաջադրանք ստացավ Հագարու գետի հոսանքով բարձրանալ Իշխանասար եւ մտնել Սիսիանի շրջան, ամրանալ Անգեղակոթ գյուղի մոտ եւ թիկունքից հարվածել հակառակորդին: Կոմունիստական շոկատը հաջողությամբ կատարեց առաջադրանքը եւ արագացրեց թշնամու փախուստը»¹:

Մի փոքր, բայց էական ճշտում: Խորհրդահայ պատմաբանի կողմից «թշնամի» անվանվող Հայաստանի Հանրապետության զանգեզուրյան զորախումբը ոչ թե փախուստի է դիմել, այլ, ինչպես արդեն նշվել է, պատերազմական գործողություններում ընդունված օրենքներին ու չափանիշներին համապատասխան, հակառակորդի գերակշռող ուժերին անմիջականորեն բախվելուց խուսափելու նպատակով, կանոնավոր զորաշարքերով նահանջել:

Որքան էլ ցավալի է հիշատակել, Դրոյի զանգեզուրյան զորախմբի նահանջին նպաստել են նաեւ Կարմիր բանակին օգնելու նպատակով հայ բոլշեւիկների նախաձեռնությամբ կազմակերպված մարտական ուժերի գործողությունները: Այդ իրողությունները, հիշատակած աշխատությունում փաստելով Ա. Վարդապետյանը գրում է.

¹ Տե՛ս ՀԱԱ, ֆ. 200, ց. 1, գ. 441, ք. 158:

² Տե՛ս «Հայրենիք» ամսագիր, 1934, մարտ, էջ 123:

¹ Խուդավերդյան Է., Ձանգեզուր, Երևան, 1988, էջ 88-89:

«Այդ ժամանակ Հայաստանի Հարավային շրջաններում (Գորիս, Սիսիան, Ղափան) կոմունիստական կազմակերպությունների գլխավորությամբ կազմակերպվեցին պարտիզանական ջոկատներ, որոնք մեծ օգնություն ցույց տվեցին հայ ժողովրդի ազատագրության համար մարտնչող կարմիր բանակի մարտիկներին»¹:

Ձանգեզուրի հայ բոլշևիկների մարտական ուժերի «հերոսական» գործողությունների մասին հիշատակում է նաև Բաջառնեցի Մարտիրոսը. «Կուռտն եւ Նժդեհը յարձակուեցին գրաւելու Զարուղը, բայց թշնամու գերագանց ուժերի դէմ երկու օր (48 ժամ) դիմադրելուց յետոյ՝ ստիպուած եղան նահանջել, որովհետեւ ինձորեսկից էլ տեղացի բոլշևիկները խփել էին մերոնց թիկունքից: Մերոնք նահանջեցին ու բռնեցին Գորիսի բարձունքը»²:

Ձանգեզուր ներխուժած Կարմիր բանակի դեմ արդյունավետ գործողություններ ծավալելու համար Դրոյին անհրաժեշտ էին.

1. Համալրել ու վերախմբավորել զանգեզուրյան զորախումբը: Ձանգեզուրում տեղի ունեցած մարտական գործողությունները արդեն պարզորոշ ցույց էին տվել, որ Կարմիր բանակի զորամասերի դեմ անմիջականորեն ճակատելու, առավել եւս հաղթանակներ ակնկալելու համար Ձանգեզուրում գտնվող ռազմական ուժերը բացարձակապես անբավարար էին, իսկ ժողովուրդը, որն իրեն հերոսաբար էր դրսեւորել մամեղական հրոսակախմբերի ու ազերի կանոնավոր զորամասերի դեմ մղվող պայքարում, դեռեւս պատրաստ չէր ըստ ամենայնի պայքարելու խորհրդային ուս զորամասերի դեմ: Իսկ տվյալ ժամանակահատվածում, բացի Դրոյի ընդհանուր հրամանատարությունում գործող զորախմբից, Ձանգեզուրում կազմակերպված ու պատրաստ վիճակում գտնվող մեկ այլ մարտական ուժ դեռեւս գոյություն չուներ: Ձանգեզուրյան մարտական ուժերը կազմակերպելու եւ մարտադաշտ առաջնորդելու համար ժամանակ էր պահանջվում: Իսկ այդ պարագայում որեւէ երաշխիք չկար, որ կոիվները շարունակելու դեպքում կենտրոնը, այսինքն Հայաստանի Հանրապետության զինվորական նախարարությունը լրացուցիչ ուժեր կուղարկեր ու կհամալրեր նրա հրամանատարությամբ գործող զանգեզուրյան զորախումբը:

2. Ժողովրդի կազմակերպված եւ գործուն աջակցությունն ու գինված ելույթները: Նրա կարծիքով խորհրդային զորամասերի դեմ

մղվող պայքարին անհրաժեշտորեն պետք էր հաղորդել համաժողովրդական բնույթ եւ ուղղվածություն: Իսկ դրա համար մի փոքր ժամանակ էր պետք, որպեսզի զանգեզուրցիները խորապես հասկանային խորհրդային զորամասերին առաջնորդող բոլշևիկյան կոմիսարների քարոզչության ու խոստումների սնամթուղությունն ու կեղծիքը¹:

Մի ուշադրավ փաստ: Նկատի ունենալով հենց վերոհիշյալ հանգամանքը՝ Դրոն Գորիսից նահանջելիս արտահայտել է հետեւյալ միտքը. «... լաւ կլինի, ժողովուրդը ճաշակէ բոլշևիկների համն ու հոտը՝ թէկուզ ժամանակաւոր եւ ճիշտ կողմնորոշուէ...»²:

Արտեմ Խանզատյանի վկայությամբ, Դրոն այդ նույն միտքը. «... լաւ կլինի, ժողովուրդը ճաշակէ բոլշևիկների համն ու հոտը՝ թէկուզ ժամանակաւոր...», արտահայտել է դեռեւս հունիսի կեսերին, երբ Կարմիր բանակի զորամասերը առաջին անգամ էին հայտնվել Ձանգեզուրում³:

Նա, սկսած 1905-1906 թթ. Անդրկովկասում բռնկված հայ-թուրքական (թաթարական) կոիվների ժամանակաշրջանից, քաջատեղյակ էր Սեբաստացի Մուրադի ընդհանուր հրամանատարությունում գանգեզուրցիների մղած ինքնապաշտպանական հերոսամարտերին ու մարտական անբասիր կարողություններին ու շատ լավ էր պատկերացնում, թե մարտական ինչպիսի ուժ եւ հզորություն կարող էին ներկայացնել զանգեզուրցիները, եթե նրանք «... բոլշևիկների համն ու հոտը՝ թէկուզ ժամանակաւոր...» ճաշակելուց հետո, կազմակերպված միասնական ուժերով հանդես գային ընդդեմ կարմիր զորամասերի: Ժամանակը ցույց տվեց, որ իրոք, ամիսներ անց Գարեգին Նժդեհի գլխավորությամբ հռչակելով Ձանգեզուրի՝ Ինքնավար Սյունիք, ապա Լեռնահայաստանի անկախությունը, Ձանգեզուրի քաջակորով ժողովուրդը հրաշալիորեն դրսեւորեց մարտնչելու իր անհողողող կամքն ու պատրաստակամությունը:

3. Ձանգեզուր-Արցախ զրախմբի ընդհանուր գորհրամանատար Ձանգեզուրում Կարմիր բանակի դեմ մարտական գործողությունների հետագա շարունակումը նշանակում էր անխուսափելի պատերազմ Հայաստանի Հանրապետության եւ Խորհրդային Ռուսաստանի միջեւ: Դրոն ներկայացնում էր Հայաստանի Հանրապետությունը եւ նրա համար առանց Հայաստանի կառավարության համաձայնության չափազանց դժվար էր ու խիստ պատասխանատու

¹ Վարդապետյան Ա., Հայաստանի կարմիր բանակը քաղաքացիական կոիվներում 1920-1921 թվականներին, Երեւան, 1960, էջ 29:
² «Հայրենիք» ամսագիր, 1934, մարտ, էջ 123:

¹ Տե՛ս ԳՅ ԿԱ, պ. 5, թ. 3, գ. 2, էջ 3:
² Նույն տեղում:
³ ԱՍ, ԱժճԻ, էջ 485:

Խորհրդային Ռուսաստանի գործերի դեմ ձեռնարկել գործողություններ, որոնք կարող էին ճակատագրական նշանակություն ունենալ Հայաստանի եւ ողջ հայության համար:

Նրա հրամանատարությունը գործող մարտական ուժերի հնարավորությունները սահմանափակ էին: Կարմիր բանակի դեմ մարտական գործողություններ ծավալելու համար անհրաժեշտ էր Հայաստանի Հանրապետության կառավարության հրահանգը եւ զինական օգնությունը:

Իսկ նույն ժամանակահատվածում Մոսկվայում գտնվող Լեւոն Շանթի գլխավորած Հայաստանի Հանրապետության պատվիրակության եւ Խորհրդային Ռուսաստանի արտաքին գործերի ժողովոմ Զիչերինի միջև ընթացող բանակցություններն առանց որեւէ արդյունքի եւ համաձայնության ձեռքբերման ընդհատվել էին: Բանակցող կողմերի համաձայնությամբ բանակցությունները պիտի շարունակվեին Անդրկովկասում եւ Երեւանում:

«Յուլ. 20-ին, գրում է Ս. Վրացյանը, - Խալիլ փաշայի ընկերակցությամբ, Լեզրանը (Խորհրդային Ռուսաստանի լիազոր ներկայացուցիչ-Ն. Գ.) հասավ Բագու եւ Ադրբեջանի կոմունիստների հետ խորհրդակցելուց յետոյ անցաւ Թիֆլիս, ուր օգոստոսի սկզբին Զանգեզուրում, Նախիջևանում եւ Ղազախում տեղի ունեցող հայ-թուրքերի կռիւները դադարեցնելու նպատակով գումարուեց խորհրդածողով Հայաստանի ներկայացուցիչներ՝ Ա. Զամալեանի ու Ա. Բաբալեանի եւ Լեզրանի միջեւ եւ օգոս. 10-ին ստորագրուեց հաշտութեան համաձայնագիր, որով օգոստոսի 10-ին ժամը 12-ից սկսած վերջ էին գտնում պատերազմական գործողութիւնները Հայաստանի եւ Խորհրդային Ռուսաստանի միջեւ: Հայաստանի զորքերը գրաւելու էին Շահխախթ-Սոկ-Ազնաբերդ-Սուլթանբէգ եւ ապա Քիրիից հիւսիս եւ Բազարչայից արեւելք անցնող գիծը, իսկ Ղազախի շրջանում այն գիծը, որ բռնում էին յուլիսի 30-ին: Խորհրդային Ռուսաստանի զորքերը պիտի գրաւէին Արցախ, Զանգեզուր, Նախիջևան շրջանները: Այս գրաւումով չէր որոշուում այդ գաւառների վերջնական պատկանելիութիւնը. այդ հարցը պիտի որոշուէր Հայաստանի Հանրապետության եւ Խորհրդային Ռուսաստանի միջեւ կնքելիք դաշնագրով»¹:

Դրոն, մինչեւ Թիֆլիսում օգոստոսի 10-ի կնքված համաձայնագիրը, իր գործառնով գտնվում էր Դարալագյազում եւ հնարա-

վոր միջոցներով պահելով կապը Զանգեզուրի մյուս շրջանների եւ Հայաստանի կառավարության հետ, հետեւում էր խորհրդային զորքերի տեղաշարժերին:

Օգոստոսի 10-ին Հայաստանի Հանրապետության եւ Խորհրդային Ռուսաստանի ներկայացուցիչների միջեւ կնքվում է պատերազմական գործողությունները դադարեցնելու համաձայնագիր: Նույն օրը Խորհրդային Ռուսաստանի պատվիրակության ղեկավար Լեզրանը զինադադարի մասին Կովկասյան բանակի ռազմա-հեղափոխական խորհրդի նախագահ Ս. Օրջոնիկիձեին հայտնում է հետեւյալը. «Այսօր, ես Հայաստանի Հանրապետության կառավարության ներկայացուցիչներին տվեցի իմ համաձայնությունը պատերազմական գործողությունների դադարեցման վերաբերյալ հետեւյալ պայմաններով. հայկական կառավարությունը իր զորքերը հետ է քաշելու Զանգեզուրից եւ Նախիջևանից մինչեւ Հանքեր:

Հետ քաշվող զորամասերի սահմանը նշված է այնպես, որպեսզի Նախիջևան- Ղարաքիլիսա- Էնգելյուրտ ողջ ուղին դուրս մնա հայերի ազդեցությունից: Բազարչայի շրջանում հայերն իրենց զորքերը դուրս են բերելու Ղիսիրսարի լեռնաշղթայի շրջան (նկատի ունի Դրոյի զորամասը-Ն. Գ.):

Հայաստանի Հանրապետության կառավարությունը պաշտոնական համաձայնություն է տվել մեր զորքերի կողմից Նախիջևան-Զանգեզուր - Էնգելյուրտ ուղիների եւ Բազարչայի շրջանը գրավելու վերաբերյալ»¹:

Այս համաձայնագրի հաստատումը դեպի արեւելք ձգտող Խորհրդային Ռուսաստանի քաղաքականության կարեւոր նվաճումներից էր: Փաստորեն, խորհրդայնացնելով Ադրբեջանի հանրապետությունն ու խորհրդային զորքերը հաստատելով Արցախում, ապա նաեւ Զանգեզուրում եւ Նախիջևանում՝ Խորհրդային Ռուսաստանը նվաճում ու վերացնում է դեպի արեւելք տարածվելու եւ «հեղափոխական» Թուրքիայի հետ անմիջականորեն հաղորդակցվելու ճանապարհին գտնվող առաջին խոչընդոտները: Հաջորդը Հայաստանի եւ Վրաստանի Հանրապետություններն էին: Նույն համաձայնագրով իր զորքերը տեղաբաշխելով Արցախում, Զանգեզուրում եւ Նախիջևանում, Խորհրդային Ռուսաստանը փաստորեն շրջափակում է Հայաստանի Հանրապետությանը եւ անհրաժեշտ հող նախապատրաստում հետագա գործողությունների ծավալման համար:

¹ Վրացեան Ա., Հայաստանի Հանրապետութիւն, էջ 457:

¹ Բանբեր Հայաստանի արխիվների, 1978, 1(50), էջ 46:

Բուլչեւիկյան զորքերը, հաստատվելով Ջանգեզուրի շրջանում, շատ շուտով սկսում են թալանն ու ավերածութիւնները, իսկ երբեմն նաեւ բռնութիւնները: Գաւառում իրենց ծավալած հակաժողովրդական գործողութիւնները շարունակելու ու արդարացնելու նպատակով բուլչեւիկները «հակահեղափոխական դաշնակներին» վնասագրեծելու շինծու պատրվակով ձեռքակալում են բազմաթիւ խաղաղ բնակիչների: Բնական է, որ այդ ամենը չէր կարող չհարուցել բնակչութեան դժգոհութիւնը:

Բուլչեւիկների գործողութիւնները եւ տեղի բնակչութեան նկատմամբ դրսեւորված դաժան արարքները միանշանակորեն հաստատում էին, որ Ջանգեզուրում տիրող այդօրինակ կացութիւնը երկար շարունակվել չէր կարող: Ջանգեզուրցիներն աստիճանաբար սկսում են, ինչպես արտահայտվել էր Դրոն՝ բուլչեւիկների համն ու հոտը առնել: Իր հերթին, խորհրդային զորամասերի հրամանատարութիւնը իր գործակալների եւ ընդհատակում գործող հայ բուլչեւիկների աջակցութեամբ ուշի ուշով հետեւում էր Դարալագյազում եւ Ջանգեզուրի շրջանում տեղաբաշխված Դրոյի եւ Գարեգին Նժդեհի գլխավորած զորախմբերի տեղաշարժերին:

11-րդ Կարմիր բանակի շտաբին հասցեագրված էր օգոստոսի 26-ին թվագրված զեկուցագրում Ջանգեզուրում տիրող իրավիճակի վերաբերյալ հաղորդվում է. «Օգոստոսի 24-ին առավոտյան, հակառակորդը չպարզված ուժերով Ջազրիի շրջանում դիմել է հարձակման, բայց հեծյալ գնդի զորամասերի կողմից հետ է մղվել ելման դրութիւն: Դրոն, մնալով նախկին դիրքերում, ուժեղացրել է Ղիսիրսարի լեռնաշղթայի պահպանութիւնը, բայց առայժմ ակտիվութիւն չի ցուցաբերում: Նժդեհի հրոսակախմբերը, պահպանելով իր մշտական կապը Դրոյի հետ, սպառնում են մեր թիկունքին եւ այդ սպառնալիքը առավել ցայտուն դրսեւորեց Դրոյի վերջին հարձակման ժամանակ (նկատի ունեն օգոստոսի սկզբների հարձակումը-Ղ. Գ.)¹:

Ջանգեզուրում դեպքերը նոր-նոր սկսում էին ծավալվել, իսկ Դրոն, չնայած Կարմիր բանակի հրամանատարութեան ամփոփագրերում դեռեւս նշվում էր նրա անունը, իրականում նա այդ ժամանակ արդեն Ջանգեզուրում չէր:

Հայաստանի Հանրապետութեան եւ Խորհրդային Ռուսաստանի միջեւ կնքվել էր կռիւները դադարեցնելու օգոստոսի 10-ի համաձայնագիրը: Դրոն ներկայացնում էր Հայաստանի Հանրապետու-

թիւնը, իսկ դա նշանակում էր, որ նա առանց ՀՀ կառավարութեան համաձայնութեան ու հրահանգի իրավունք չունէր անձնական նախաձեռնութեամբ մարտական գործողութիւններ ձեռնարկել ընդդէմ խորհրդային զորքերի:

Քանի որ Հայաստանի Հանրապետութեան եւ Խորհրդային Ռուսաստանի միջեւ օգոստոսի 10-ին կնքվել էր կռիւները դադարեցնելու համաձայնագիրը, ուստի Դրոն Ջանգեզուրում այլեւս անելիք չունէր: Սեպտեմբերի սկզբներին նա Հայաստանի Հանրապետութեան կառավարութեան որոշմամբ Ջանգեզուրից տեղափոխվում է Երեւան եւ շատ շուտով հայտնվելով կռիւների ռազմաբեմում՝ հայրենի հողի վրա մղելու էր իր վերջին ու դարձյալ հաղթական ճակատամարտը¹:

Հեռանալիս, երբ բաժանվում էր Գարեգին Նժդեհից, նա տալիս է իր վերջին հրահանգը: Ըստ Մարտիրոսի վկայութեան՝ «Երբ Նժդեհը Լեռնահայաստան էր շարժւում իր ուժերով, Դրոն ասաց նրան.

-Աշխատիր ժողովրդին լաւ կապել քեզ հետ եւ ձեռքիցդ չտալ Լեռնահայաստանը, որովհետեւ հետագային շատ դժւար կը լինի վերցնել այն ... կրկին»²:

¹ Նույն տեղում, էջ 49:

¹ Տե՛ս Մույն տեղում, էջ 55:

² Խմբապետ Մարտիրոս Աբրահամեան, Գշվ. աշխ., էջ 465-466:

ՀԱԹԹՈՒՐՔԱԿԱՆ ՊԱՏԵՐԱԶՄԸ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԽՈՐՀՐԴԱԹՆԱՑՈՒՄԸ**

5. 1. ՄՈՒՐՄԱՆՈՒԻ ՃԱԿԱՏԱՄԱՐՏԸ

Քեմալական թուրքիան՝ Խորհրդային Ռուսաստանի հետ օգոստոսի 24-ին կնքված պայմանագրով, ստանալով Խորհրդային իշխանության համաձայնությունը, պատերազմ է սկսում Հայաստանի Հանրապետության դեմ: Պատերազմի առաջին իսկ օրերին հայթուրքական ռազմաճակատում ծավալված մարտական գործողությունները հստակորեն մատնանշում են, որ Հայաստանի Հանրապետությունը ինչպես հարկն է չէր նախապատրաստվել դիմագրավելու քեմալական թուրքիայի հարձակմանը:

Եթե Հայաստանի Հանրապետությունը գոյատևել է ընդամենը երկու եւ կես տարի, ապա որեւէ տարակույս լինել չի կարող, որ ՀՀ կառավարությունը իր գործունեությունը ժամանակահատվածում, ներքին ու արտաքին քաղաքականության մեջ ունեցել է օբյեկտիվ եւ սուբյեկտիվ սխալներ ու բացթողումներ: Օրինակ, հարց է ծագում. կարող էր ՀՀ կառավարությունն անհրաժեշտ քայլեր ձեռնարկել բարիդրացիական հարաբերություններ հաստատելու քեմալական թուրքիայի հետ ու կանխել թուրքական զորքերի հարձակումը: Հայաստանի Հանրապետության անկումից հետո քիչ չեն այն քաղաքական գործիչներն ու պատմաբանները, որոնց մի մասը, առաջնորդվելով զուտ կուսակցական նկատառումներով, իսկ մի մասն էլ պատմական ճշմարտությունը բացահայտելու մղումով, քննադատել ու դատապարտել են եւ չի բացառվում, որ հետայսու դարձյալ շարունակեն քննադատել ու դատապարտել ՀՀ կառավարության կենսագործած քաղաքականության սխալներն ու բացթողումները: Առաջ աջնելով՝ նշենք.

1. Այո, ՀՀ կառավարությունը կարող էր խուսափել պատերազմից, եթե անվերապահորեն ընդուներ եւ կատարեր քեմալական թուրքիայի առաջադրած պայմանները, որն աներկբայորեն հավասարազոր էր համակերպվել Հայաստանին պարտադրվող մեծագույն կորուստների եւ զոհողությունների իրողությունը:

Այ. Խատիսյանի մեկնաբանմամբ քեմալական թուրքիայի կողմից Հայաստանին պարտադրվում էին հետեւյալ զոհաբերությունները. «... թուրքերը առաջարկած էին Հայաստանի կառավարությանը հրաժարիլ Սեւրի դաշնագրէն եւ ընդունիլ Բաթումիի դաշնագիրը, այսինքն՝ փոխանակ 180,000 քիլոմետրի, ստանալ 9000»¹:

Որեւէ տարակույս լինել չէր կարող, որ քեմալական թուրքիայի կողմից Հայաստանին առաջադրված համանման պահանջների պատասխանը միանշանակորեն պիտի լիներ հետեւյալը. «Հայաստանի կառավարությունը բացարձակորեն մերժած էր այդ պահանջը: Յետոյ թուրքերը պահանջած էին հաւաքուիլ Խորհրդաժողովի ընդունելով իբրեւ հիմք Բաթումիի դաշնագիրը: Հայկական կառավարությունը պատասխանած էր, որ Սեւրի դաշնագիրը ստորագրուելէն յետոյ անկարելի է մտածել Բաթումի դաշնագրի մասին»²:

Հայաստանի Հանրապետության առաջին վարչապետ Հովհ. Քաղանկյանին, նույնպես անդրադառնալով այդ հարցի մեկնաբանմանը՝ տալիս է գրեթե համանման պատասխան. «Ի՞նչ պիտի առաջարկէին մեզ թուրքերը, եթե ընդունէինք բանակցելու հրաւերը:

Հաւանականօրէն պիտի սկսէին Բաթումիից ու Բրեստ-Լիտովսկից եւ ապա՝ աստիճանաբար զիջելով հասնեին մինչեւ 1914 թւականի սահմանները. գուցէ մի քայլ ետ գնային, հրաժարէին նաեւ Բայազետից ու Ալաշկերտից: Անհաւանական է, որ սրանից աւելի զիջող լինէին՝ նոյնիսկ 1920թ. սեպտեմբերին: Փոխարենը կպահանգիջէին, իհարկէ, որ Հայաստանի կառավարությունը հրաժարէր Սեւրի դաշնագրով նախատեսւած իրաւունքներից:

Ի՞նչպէս կընդունէր մի այդպիսի առաջարկ Հայաստանի կառավարությունը:

Կմերժէր անկասկած...

Եւ այդպես կանէր ոչ միայն դաշնակցական Բիւրօ-Կառավարություն, այլեւ ամէն մի ուրիշ հայ կառավարություն»³:

Կարմիր բանակի կողմից Արցախի գրավումով ու Զանգեզուրի վրա ձեռնարկած հարձակումներով իրականում արդեն դրվել էր Խորհրդային իշխանության կողմից իրականացվող «համաշխարհային հեղափոխությանն» արգելափակող Հայաստանի Հանրապետու-

¹ Խատիսյան Այ. Չայաստանի Չանրապետութեան ծագումն ու զարգացումը, «Համազգային», 1968, էջ 254:
² Նույն տեղում:
³ Բաջազունի Դովի., Գ.Յ. Դաշնակցութիւնը անելիք չունի այլեւս, Երևան, 1994, էջ 33:

թյան նվաճման հիմնաքարը: Թուրքական զորքերի հարձակումով հանրապետութիւնը հայտնվում է Հայաստանի անկախութիւնը կորցնելու եւ այն բռնազավթելու դիտավորութեամբ հյուսիսից ու հարավից տեղացող հարվածների աքցանում: Բոլշեւիկյան Ռուսաստանի եւ քեմալական Թուրքիայի փոխհամաձայնութեամբ իրականացվող գործողութեանը ճանապարհ էին հարթելու Հայաստանում բուլշևիզմի դրած հայ բոլշեւիկները, որոնք հայկական զորաբանակի եւ բնակչության շրջանում ծավալած իրենց ազդեցութեամբ քայքայիչ գործունեութեամբ հող նախապատրաստեցին Հայոց անկախ պետականութեան կործանմանը:

Հայաստանի վրա Թուրքիայի հարձակման նախօրեին, ՀԿԿ կԿ-ն, որը 1920թ. մայիսյան դեպքերից հետո հանգրվանել ու գործում էր Բաքվում, սեպտեմբերի 20-ին գաղտնի հրահանգ է տալիս Հայաստանում, մասնավորապես հայկական բանակում, գործող իր բոլոր կառույցներին, որով հանձնարարվում է լայն քարոզչական աշխատանք ծավալել ընդդեմ պատերազմի, ընդամին ընդգծելով.

«... 1. Թուրքիան այլեւս նախկին Թուրքիան չէ եւ Հայաստանի նկատմամբ ագրեսիվ նպատակներ չունի.

2. Քեմալական Թուրքիան ինդուստրիալ Ռուսաստանի դաշնակիցն է եւ պայքարում է իր ազգային-ազատագրութեան համար՝ ընդդեմ իմպերիալիզմի (Անգլիայի, Ճրանսիայի, Հունաստանի):

3. Հանրապետական Հայաստանի հաղթանակը Թուրքիայի նկատմամբ կնշանակի իմպերիալիզմի ուժեղացումը Մերձավոր Արեւելքում եւ դրանով իսկ կվտանգվի հեղափոխութեան հաղթանակը Անդրկովկասում, ապա նաեւ Արեւելքի խորհրդայնացումը:

4. Հայ բոլշեւիկ կոմունիստների խնդիրը պետք է լինի՝ արագացնել հանրապետական Հայաստանի պարտութիւնը, որով եւ կարագացվի Հայաստանի խորհրդայնացումը: Այս նպատակի համար պետք է.

ա. կազմալուծել հայկական կոմիտեի բանակը բոլոր միջոցներով, այն է՝

բ. կազմակերպել դասալքութիւն եւ ամեն կերպ խանգարել զորահավաքին,

գ. ուղղամտականութեամբ հասկացնել զինվորներին, որ նրանք չկրակեն առաջացող թուրքական զինվորների վրա, այլ լքելով դիրքերը՝ վերադառնան թիկունք,

դ. չենթարկվել սպաների հրահանգներին եւ հարկ եղած դեպքում ոչնչացնել նրանց:

ե. Այս ամենի հետ ամենաէականն է հասկացնել հանրապետական Հայաստանի զինվորներին, որ հաղթող թուրքական ասկարը հեղափոխական ասկար է...»¹:

Բաքվից առաքված այս «հուլիս գաղտնի» հրահանգի վերջում հանձնարարվում է «... գրութիւնը կարգաւ սահմանափակ ժողովներում եւ կարդալուց հետո անմիջապես այրել»:

«Հուլիս գաղտնի» հրահանգի տակ ստորագրել են Ս. Կասյանը, Ա. Մուսվաթյանը, Ա. Նուրիջանյանը, Ամիրխանյանը, Դովլաթյանը եւ Ա. Հովհաննիսյանը²:

Եւ պատահական չէ, որ հետագայում խորհրդահայ պատմաբաններն ու քաղաքական գործիչները, անդրադառնալով 1920 թ. հայ-թուրքական պատերազմի գնահատմանը, աշխատել են իրենց աշխատութիւններում ու ելույթներում վարկաբեկել եւ պատերազմի բռնկման ու նրա պատճառած ողջ արհավիրքների մեղքը բարդել բացառապես Հայաստանի Հանրապետութեան կառավարութեան եւ իշխող կուսակցութեան՝ Հ.Յ.Դաշնակցութեան վրա:

Մի փոքր, բայց խոստեն փաստարկ-վկայութիւն:

1920 թ. հայ-թուրքական պատերազմին տրված գնահատականներում առաջնորդվելով միմիայն նեղկուսակցական եւ հակադաշնակցական սկզբունքներով՝ ակադեմիկոս Մ. Ներսիսյանը, խոսելով պատերազմի պատճառների մասին, հանգում է իր դավանած գաղափարախոսութեանն ու ապրած ժամանակի ոգուն եւ պահանջներին համահունչ, կարելի է ասել, հակահայ հետեւյալ հետեւութեանը. «Հավատարիմ իր բուրժուական հակահեղափոխական էութեանը, դաշնակցական կառավարութիւնը 1920 թ. սկսել էր մի նոր ավանտյուրիստական պատերազմ ազգային-ազատագրական պայքարի բովում գտնվող Տաճկաստանի դեմ»³:

Հայ պատմաբանի կողմից Թուրքիայում ծավալված քեմալական շարժումը որպէս ազգային-ազատագրական պայքար ներկայացնելը եւ հայ-թուրքական պատերազմի բռնկման մեղքը դաշնակցական կառավարութեան «ավանտյուրիստական» ձգտումներին վերագրելը, կարծում եմ, որեւէ մեկնաբանութեան կարիք չունի, այսպիսի գնահատականի ու բնորոշման կենսականն եւ կողջունեն անգամ թուրք պատմաբանները:

¹ ՀԱԱ, ֆ. 1022, ց. 3, գ. 275, թ. 1:

² Տե՛ս նույն տեղում:

³ Ներսիսյան Մ., Նոյեմբերյան հեղափոխությունը Հայաստանում, Երեւան, 1935, էջ 115:

իրականում, քեմալական Թուրքիայի կողմից Հայաստանի Հանրապետության վրա ձեռնարկվելիք հարձակումը նախապատրաստվում էր դեռևս 1919 թվականից, Թուրքիայում Մուստաֆա Քեմալի առաջնորդած ազգայնական շարժման ձեռավորման ժամանակաշրջանից, եւ ինչպես իրավացիորեն նշում է Ս. Կարապետյանը. «... պանթուրքական պետություն ստեղծելու իր դիվային պլանները կենսագործելու նպատակով...»¹:

Այս իրողությունը պետք է ավելացնել այն, որ թուրքերը երբեք չէին կարող համակերպվել Հայոց անկախ պետականության գոյությունը եւ առաջին իսկ հնարավորության դեպքում պատրաստ էին կործանելու Հայաստանի Հանրապետությունը: Խորհրդային Ռուսաստանի հետ ձեռք բերած դաշինքը նրանց հրաշալի հնարավորություն էր ընձեռում ծնկի բերելու Հայաստանը, եւ թուրքերն, իհարկե, չէին կարող չիրագործել այդ հնարավորությունը:

Եւս մի կարեւոր փաստարկ. 1920 թ. օգոստոսի 10-ին արդեն կնքվել էր Սեւրի դաշնագիրը, որի համաձայն Թուրքիայի կառավարությունը նույնպես համաձայնվել եւ իր ներկայացուցիչների ստորագրությամբ վավերացրել էր ԱՄՆ-ի նախագահ Վիլսոնի եւ մյուս տերությունների ներկայացուցիչների կողմից, Տրապիզոն նավահանգստով ելք դեպի Սեւ ծով Հայաստանի Հանրապետության տարածքների սահմանները հաստատող համաձայնագիրը:

Քեմալական Թուրքիան, որպեսզի ձեռք բերեր Սեւրի դաշնագրի պահանջներն իրագործելուց, պետք է ասպարեզից հեռացներ եւ հնարավորության դեպքում մեկընդմիջտ վերացներ այդ համաձայնագրի իսկական իրավատիրոջը՝ Հայաստանի Հանրապետությունը: Քանի գոյություն ունեւր Հայաստանի Հանրապետությունը, Թուրքիայի համար իրողություն եւ սպառնալիք էր Սեւրի դաշնագիրը, իսկ եթե չէր լինի Հայաստանի Հանրապետությունը, ապա բնականաբար չէր լինի նաեւ Սեւրի դաշնագիրը:

Քեմալական Թուրքիայի կողմից առանց պատերազմ հայտարարելու Հայաստանի Հանրապետության վրա հարձակվելը նախ եւ առաջ հետապնդում էր նաեւ Սեւրի դաշնագիրը արժեզրկելու եւ նրա պահանջների կատարումը վերացնելու նպատակ:

Հայ-թուրքական պատերազմի բռնկման պատճառների մասին հետաքրքիր բացատրություն է տալիս Հ.Քաջազնունին. «1918

թվականին ջախջախուած Թուրքիան երկու տարի ձգտում էր հանգիստ...»

Այդ երկու տարուայ ընթացքում թուրքերը շունչ քաշեցին, կազդուրուեցին: Հանդէս եկան երիտասարդ, ձեռներէց ու հայրենասէր զինուորականներ, որոնք Անատոլիի խորքերում սկսեցին արագօրէն վերակազմել բանակը: Թուրքերի մէջ ուժգնօրէն արթնացել էր ազգային գիտակցութիւնը ու ինքնապաշտպանութեան բնագոր: Սեւրի դաշնագրին պէտք է հակադրէին ռազմական ոյժ, որպէսզի ապահոված լինէին իրենց ապագան գոնէ Փոքր Ասիայում: Պարզ է, որ այդ հակադրութիւնը պէտք է հանդէս բերուէր ոչ այնքան հիւսիս-արեւելքում, որքան հարաւ-արեւմուտքում (նկատի ունի Հունական ճակատը -Հ.Գ.): Բայց այնտեղ կենտրոնանալու ու Հունաստանի դէմ ճակատ պահելու համար պէտք էր կանխապէս ապահովէին իրանց թիկունքը հայկական սահմանի վրայ: Գուցէ կարիք ունէին զէնքի ու զինամթերքների, որ մենք ամբարել էինք Ղարսի ու Ալեքսանդրապոլի պահեստներում: Գուցէ եւ այն, որ պահանջ էին զգում փորձելու իրանց ոյժերը նախ թոյլ հակառակորդի վրայ, որպէսզի ինքնավստահութիւն ձեռք բերէին՝ աւելի մեծ ու դժուար ձեռնարկի համար»¹:

Հայրենական պատմաբաններից պրոֆեսոր է. Ջոհրաբյանը իր հեղինակած «1920 թ. Թուրք-Հայկական պատերազմը եւ տերությունները» աշխատությունում, վերլուծելով պատերազմի նախօրեին տարածաշրջանում տիրող իրադրությունը, մեկընդմիջ է թուրք պատմաբան Ջեվդեթ Քերիմի հետեւյալ՝ «Անատոլիայի ղեկավարները քաղաքական եւ ռազմական տեսակետից դրությունն Արեւելքում ավելի լուրջ էին համարում: Քանի որ հուլյաների եւ ֆրանսիացիների դեմ սկզբնական շրջանի համար պաշտպանական խնդիրներ էին դրված, ապա այդ ճակատներում մենք ձգտում էինք աննշան ուժերով խանգարել հակառակորդի հետագա առաջխաղացմանը. իսկ գլխավոր ուշադրությունը Արեւելյան ճակատի վրա էր դրված ...» խոստովանությունը, որը լավագույնս է հաստատում Հ. Քաջազնունու վերոհիշյալ գնահատականը: Թուրք պատմաբանը նաեւ փաստարկում է, թե ինչով էր պայմանավորված իրենց գլխավոր ուշադրությունը Արեւելյան ճակատի վրա կենտրոնացնելու ռազմավարությունը:

«...Հաջողությունը,-գրում է Ջեվդեթ Քերիմը,- այստեղ պետք է ոչնչացնել հայկական բանակը եւ հայկական պետությունը, որը

¹ Կարապետյան Ս., 1920 թ. հայ-թուրքական պատերազմը եւ Սովետական Ռուսաստանը, Երեւան, 1965, էջ 24:

¹ Քաջազնունի Յովհ., ԵԶՎ. աշխ., էջ 33:

Թարախապալարի նման դեռ պահպանվել էր մեր երկրի մարմնի վրա, քանզի այն ծուղակը, որ անգլիացիները ուզում էին ստեղծել մեզ համար Արեւելքում, արագացնել բոլշեւիկների հետ հաստատումը եւ արդյունքում ստեղծել նպաստավոր նախադրյալներ մեր ներքին ու արտաքին քաղաքականության համար»¹:

Սեւրի դաշնագրի ստորագրումից հետո Հայաստանի Հանրապետության իշխանություններն ավելի քան համոզված էին, որ դաշնագիրը ստորագրող տերություններն այս անգամ անպայմանորեն հետամուտ կլինեն ու կհարկադրեն Թուրքիային կատարելու ստորագրած համաձայնագրերը, եւ Հայաստանի Հանրապետությունը տեր կդառնա դաշնագրով սահմանված տարածքին:

«...Հայաստանը, նշում է Ալ. Խատիսյանը, այնուամենայնիւ, դեռ չէր կտրած յոյսը Եւրոպային, Դաշնակիցներէն, Փարիզի խորհրդաժողովէն, Ամերիկայէն: Ատով պէտք է բացատրել, որ ան առանձին անհրաժեշտութիւն չէր տեսած անմիջական բանակցութիւններու մէջ մտնել Թուրքերու հետ որեւէ համաձայնութեան եզր գտնելու համար: Մեծ պետութիւններու կողմէ ստորագրուած դաշնագիրը, որ կու տար Հայաստանին Կարիւր, Մուշը, Վանը, Տրապիզոնը, չէր կարելի վերաքննութեան ենթարկել միայն հայերու եւ Թուրքերու միջոցով: Այդպէս էր հոգեբանական եւ իրական դրութիւնը»²:

Եթե ընդունենք, որ, իրոք, Հայաստանի իշխանությունները վերահիշյալ պատճառաբանությամբ ի զորու չէին կանխել Թուրքական զորքերի հարձակումը, ապա անհրաժեշտաբար պիտի ձեռնարկեին հնարավոր բոլոր միջոցները ՀՀ բանակը ըստ ամենայնի հզորացնելու եւ պատրաստ լինելի ցանկացած պահի հաջողությամբ դիմադրավելու թշնամու հարձակմանը, մանավանդ, որ տեղյակ էին քեմալական շարժմանը ու նրա պայքարի նպատակին:

Ս. Վրացյանի գնահատմամբ՝ Հայաստանը «...բոլորովին պատրաստ չէր այդ պատերազմին: Դեռ նոր էր դուրս եկել ներքին քաղաքացիական կռիւների շրջանից: Մայիսեան բոլշեւիկեան շարժումները գրեթէ կազմալուծել էին նրա բանակը. Թուրքական շրջանների նւաճման գործողութիւնները աւելի եւս թուլացրել էին երկրի մարտական ուժերը:

...Թուրքերի ընդհանուր հարձակումը յանկարծակիի բերեց հայկական բարձր հրամանատարութեան...»³:

ՀՀ վերջին վարչապետի, որն այդ ժամանակ կառավարութիւնում գրադեցնում էր երկրագործութեան նախարարի պաշտոնը, հավաստմամբ՝ Թուրքական զորքերի հարձակումը Հայաստանի վրա «յանկարծակիի բերեց հայկական բարձր հրամանատարութեան...», այսինքն այն Հայաստանի Հանրապետության իշխանությունների համար անակնկալ էր:

Պատմական այդ ժամանակահատվածի ուսումնասիրությունն ու անկողմնակալ վերլուծությունը բավարար հիմք են տալիս պնդելու, որ Հայաստանի իշխանությունների համար չէին կարող գաղտնիք լինել Թուրքիայում Մուստաֆա Բեմալի գլխավորած ազգայնական շարժման իրողությունը եւ նրա հետապնդած նպատակների իրական բովանդակությունը: Իսկ քեմալական շարժումը կարճ ժամանակահատվածում ավելի եւ ավելի էր ծավալվում ու ամրապնդվում: Հայաստանի իշխանությունների համար չէր կարող գաղտնիք լինել նաեւ քեմալական Թուրքիայի իրական վերաբերմունքն ու զավթողական նկրտումները իր հարեւան տերության՝ Հայաստանի Հանրապետության նկատմամբ:

Ռուբեն Տեր-Մինասյանի խոստովանությամբ, Թուրք-բոլշեւիկյան կապերի ու Հայաստանի նկատմամբ նրանց ծրագրած նպատակների մասին իրենց հայտնի էր մինչեւ պատերազմ բռնկվելը, դեռեւս «...1919 թ. վերջերը, երբ հաստատ է դառնում այն լուրը, թէ բոլշեւիկ-Թուրք համաձայնութիւններ կան: Բոլշեւիկների դիրքը ճշտելու նպատակով էր, որ Բիւրոն, համարեա ամբողջ կազմով, գնում է Թիֆլիս եւ Վրացեանի միջոցով տեսակցութիւն ունենում նազարէթեանի (Ռեյս Կովկասյան բյուրոյի քարտուղար-Ղ.Գ.) հետ. պարզում է մեզ համար, թէ բոլշեւիկների եւ Թուրքերի համաձայնութեան շնորհիւ՝ պիտի զոհաբերուի Հայաստանը»⁴:

Ավելին, հայրենական պատմաբաններից Ա. Հակոբյանի «Հայաստանի խորհրդարանը եւ քաղաքական կուսակցությունները (1918-1920)» աշխատությունում հեղինակի կողմից մեջբերված ՀՀ ռազմական նախարարության գլխավոր շտաբի հետախուզական բաժանմունքի պետ, կապիտան Մուրադյանի գաղտնի ամփոփագրերից մեկը հավաստում է. «Ստացված լուրերի համաձայն՝ բոլշեւիկների եւ Թուրքերի միջեւ կայացել է նոր համաձայնություն, որի համաձայն մինչեւ Արփաչայը (Ախուրյան գետը) տրվում է Թուրքերին, իսկ վերջիններս դրա դիմաց պարտավորվում են Ադրբեջանի հետ միասին ուժեր հատկացնել կամավորների (Դենիկիների) դեմ կռվելու հա-

¹ Զոհրաբյան Է., 1920թ. Թուրք-Հայկական պատերազմը եւ տերությունները, Երեւան, 1997, էջ 18-19:

² Խատիսեան Ալ., Գշվ. աշխ., էջ 253:

³ Վրացեան Ս., Հայաստանի Հանրապետութիւն, էջ 476:Գշվ.

⁴ Ռուբեն, Գշվ. աշխ., հ. 7, էջ 321-322:

մար: Բուլչեկիները գենք են մատակարարում ինչպես Թուրքիային, այնպես էլ Ադրբեջանին»¹:

Հայրենական պատմաբաններից Վ. Վիրաբյանը իր «Հայկական հետախուզությունը առաջին հանրապետության տարիներին (1918-1920 թթ.)» աշխատությունում բազմաթիվ փաստեր է վկայակոչում ՀՀ հետախուզության ծառայության աշխատակիցների հաղորդած տեղեկություններից, որոնք հստակորեն մատնանշում են ոչ միայն քեմալականների ձեռնարկած բազմապիսի արգասաբեր գործողությունների իրողությունը, այլև բանակի կազմավորման գործում ձեռքբերած նվաճումները, կազմավորված զորամասերի թվակազմն ու տեղաբաշխման վայրերը: Վ. Վիրաբյանի վերոհիշյալ աշխատությունում տեղ գտած հայկական հետախուզության աշխատակիցների հաղորդած տեղեկությունները կրկին անգամ հավաստում են, որ քեմալական Թուրքիայի զավթողական նկրտումներն ու ըստ այդմ նրա հարձակումը Հայաստանի Հանրապետության վրա Հայաստանի իշխանությունների համար չէր կարող անակնկալ լինել²:

Այսուհանդերձ, Հայաստանի իշխանություններն առավել ճշգրտված եւ արժանահավատ տվյալներ չեն ունեցել քեմալականների մարտական ուժերի մասին եւ քանի որ խորապես հավատացել են անհրաժեշտ պարագայում դաշնակիցներից սպասվելիք օգնությունն ու աջակցությունը, ոչ իրատեսորեն ու սխալ են գնահատել ինչպես իրենց, այնպես էլ քեմալականների կարողություններն ու իրական հնարավորությունները:

Անդրադառնալով ՀՀ ղեկավար մարմիններում արմատավորված այդ սխալ համոզմունքին ու մտայնությանը՝ Հ. Տերտերյանը խոստովանում է. «Մեր պետական եւ կուսակցական որոշ շրջաններում այն կարծիքն էր տիրում, որ քեմալական ուժերի հետ բախման պարագային հայկական զորամասերը հեշտութեամբ կարող են գրաւել էրզրումը...»³:

Պիտի նկատել, որ բացի հայկական հետախուզության աշխատակիցների հաղորդած տեղեկություններից, արդեն 1920 թ. օգոստոս-սեպտեմբեր ամիսներից սկսած պարբերաբար բախումներ էին տեղի ունենում հայկական սահմանապահ զորքերի եւ թուրքական զորամասերի միջև: Սահմանապահ զորամասերի հաղորդագրությունները

ըր միանշանակորեն մատնանշում են, որ մշտապես նախահարձակ են եղել թուրքերը, որոնք հաճախակի խախտել են հանրապետության սահմանների տարածքային անձեռնմխելիությունը: ՀՀ սահմանամերձ շրջանների վրա թուրքական զորքերի կատարած հարձակումների մասին Հայաստանի Հանրապետության արտգործնախարարությունը մշտապես տեղեկացրել է Թիֆլիսում իր լիազոր ներկայացուցիչ Ս. Բեկզադյանին: Այդ հեռագրերից մեկում հաղորդելով Օլթիի եւ Սարիղամիշի ուղղությամբ սեպտեմբերի 13-ի վաղ առավոտյան թուրքական զորքերի ձեռնարկած հարձակման մասին, ՀՀ արտգործնախարարությունը Ս. Բեկզադյանին հանձնարարում է. «...այդ մասին անհապաղ հաղորդել դաշնակցային բոլոր ներկայացուցիչներին Թիֆլիսում, ինչպես նաեւ Կոստանդնուպոլսում ու Փարիզում եւ բողոքել թուրքերի գործողությունների դեմ, որոնք խախտում են թուրքիայի կողմից ստորագրված հաշտության պայմանագրի բուն հիմքերը»⁴:

Քեմալական Թուրքիան, Խորհրդային Ռուսաստանի օգնությունն ու աջակցությունը ստանալուց հետո, հեշտութեամբ չէր հրաժարվել իր ծրագրերից ու նպատակներից: Իսկ Հայաստանի կառավարությունը դեռեւս հույսեր է փայփայել, որ կարելի էր բողոքելով եւ դաշնակիցների միջամտությամբ «կարգի հրավիրել» քեմալական Թուրքիային, որը չէր ընդունում ու չէր ճանաչում առաջին աշխարհամարտում պարտված Թուրքիային եւ հետեւաբար նրա ստորագրած պայմանագիրը:

Սեպտեմբերի 23-ին թուրքական զորաբանակը Քեազիմ Կարաբեքիր փաշայի գլխավորությամբ ներխուժում է Հայաստան:

Պատերազմը սկսվում է: Ինչպե՞ս էին գնահատում Հայաստանի իշխանություններն ու ղեկավար գործիչները պատերազմ բռնկվելու պարագայում Հայաստանի Հանրապետության եւ քեմալական Թուրքիայի գինված ուժերի իրական վիճակն ու հնարավորությունները:

Պիտի ընդգծել, որ Հայաստանի Հանրապետության եւ քեմալական Թուրքիայի կացությունը, մարտական ուժերի իրական վիճակը, կարողություններն ու հնարավորությունները գնահատելիս Հայաստանի իշխանությունների եւ ղեկավար գործիչների դիրքորոշումները մեծապես պայմանավորված էին հետեւյալ հանգամանքներով.

1. Հայաստանի Հանրապետության տարածքը ՀՀ կանոնավոր զորամասերի ձեռնարկած մարտական գործողությունների շնորհիվ

¹ Դակոբյան Ա., Դայաստանի խորհրդարանը եւ քաղաքական կուսակցությունները (1918-1920, Երևան, 2005, էջ 85:

² Վիրաբյան Վ., Դայակական հետախուզությունը առաջին հանրապետության տարիներին (1918-1920 թթ., Երևան, 2003, էջ 135-145:

³ «Չայրենիք» ամսագիր, 1954, էջ 6:

⁴ ՀԱԱ, ֆ. 200, ց. 486, գ. 5, ք. 226:

ամբողջովին «մաքրվել էր» մահմեդական տարրերից, որոնք Թուրքիայի, ապա նաև Ադրբեջանի Հանրապետության աջակցությամբ ու զրդուժով պարբերաբար ապստամբում էին: Հայաստանի Հանրապետության տարածքում Թուրքիան եւ Ադրբեջանի Հանրապետությունը, Հանձինս իրենց արյունակիցների եւ հավատակիցների, այլևս չունենին հուսալի ու աջակից դաշնակիցներ:

2. Հայաստանի Հանրապետության բանակը շատ լավ զինված էր, Հանդերձավորված եւ ապահովված բոլոր անհրաժեշտ պարագաներով: Հանրահայտ փաստ է, որ Հայաստանը պատերազմի նախօրեին զգալի ռազմական եւ նյութական օգնություն է ստացել դաշնակիցներից, մասնավորապես Անգլիայի ու Ճրանսիայի կառավարություններից, որոնք ՀՀ զինված ուժերին էին տրամադրել համապատասխանաբար 40.000 եւ 10.000 թվակազմ բանակ զինելու համար անհրաժեշտ քանակության զենք, զինամթերք եւ Հանդերձանք:

Այս առումով չի կարելի համաձայնել Ս. Վրացյանի հետեւյալ պնդմանը. «...Ստալինի եւ Մոսկվայի անմիջական հաւանութեամբ եւ զրամական ու ռազմական աջակցությամբ Քեազիմ Կարաբեքիրի բանակը ազատութիւն ստացաւ յարձակվելու անպաշտպան Հայաստանի վրայ»¹:

Այո, Թուրքական կողմը ստացել էր Ստալինի ու Մոսկվայի աջակցությունն ու համաձայնությունը, բայց Հայաստանը բոլորովին էլ անպաշտպան չէր: ՀՀ բանակը քանակական առումով ու զինվածությամբ գերազանցում էր հակառակորդին եւ Թուրքական զորքերի հարձակման դեպքում ի զորու էր ու պարտավոր հաջողությամբ պաշտպանել Հանրապետության սահմանները, եթե պատշաճ բաժրութեան վրա գտնվեին՝ ՀՀ կառավարությունը, իսկ մարտական ոգու ու զինվորական կազմակերպվածության առումով՝ ՀՀ բանակի հրամանատարությունը եւ նրա առաջնորդությամբ ռազմաճակատում մարտնչող զինվորները:

3. Ինչպես արդեն նշվել է, Սեւրի դաշնագրի ստորագրումից հետո Հայաստանի Հանրապետության իշխանություններն ավելի քան համոզված են եղել, որ դաշնագիրը ստորագրող տերություններն այս անգամ անպայմանորեն հետամուտ կլինեն ու կհարկադրեն Թուրքիային կատարելու ստորագրած համաձայնագրերը: Այսինքն դարձյալ առաջին պլանի վրա էր եւ առավելապես գերիշխող՝ երրորդ ուժին ապավինելու սկզբունքը: Հանրապետության ղեկավար շրջաններում գերիշխում էր այն մտայնությունը, որ պատմական Հայաստանի տարածքի վրա Սեւրի դաշնագրով սահմանված հայկա-

¹ Վրացեան Ս., Մրկածին Դրոն, էջ 127:

կան հզոր պետականություն, այն է՝ Ազատ, Անկախ եւ Միացյալ Հայաստանի հիմնադրմանն ու կառուցմանը պիտի մեծապես օգնեն ու աջակցեն Սեւրի դաշնագիրը ստորագրած, առաջին հերթին Անտանտի տերությունները:

«Սեւրի դաշնագրի», նշում է Ս. Վրացյանը, ստորագրութիւնից յետոյ, Հայաստանում եւ բովանդակ հայութեան մէջ տիրում էր արտասովոր խանդաւառութիւն: Մայիսեան հակապետական ընդվզումները հաշուեյարդարի ենթարկուեցին եւ Զանգեզուրի ձեռնարկի առթիւ հասարակութեան որոշ խաւերում եւ Բիւրո-կառաւարութիւնից ներս ծագած դժգոհութիւնները մոռացութեան տրուեցին (նկատի ունի Զանգեզուրում խորհրդային զորքերի հաստատման կապակցությամբ ժողովրդի եւ կառավարության մեջ առաջացած դժգոհությունը-Ղ.Գ.): Ամէնքը ոգեւորուած էին ապագայ լաւատեսութեամբ»¹:

Այս հարցում Դրոն չի կիսել ՀՀ Բյուրո-կառավարության տեսակետը: Այդ նույն ՀՀ Բյուրո-կառավարության անդամ Ս. Վրացյանի գնահատմամբ՝ «..Դրոն չէր հաւատում դաշնակից ներկայացուցիչների (նկատի ունի Անտանտի տերություններին-Ղ.Գ.) խոստումներին: Եւրոպան կամ Ամերիկան շատ հեռու էին հայութիւնից եւ չէին կարող օգնութեան հասնիլ: Փոխանակ հեռաւոր սուրբից օգնութիւն սպասելու, աւելի խելացիութիւն էր մօտաւոր սուրբին ապաւինելու: Մօտաւոր սուրբը ռուսն էր ու Ռուսաստանը՝ ճերմակ թէ կարմիր՝ միեւնոյնն է: Որոշ ժամանակ պէտք է անցնէր, որպէսզի այդ սուրբից էլ հիասթափուէր ու հրաժարուէր»²:

Բնական է, որ վերոհիշյալ հանգամանքներն ու մտայնությունը անպայմանորեն իրենց կնիքը պիտի թողնեն պետական եւ ռազմական գործիչների դավանած դիրքորոշումների եւ տիրող կացությունը գնահատելու վրա: Պետական եւ ռազմական գործիչների մի մասը, առավելապես առաջնորդվելով Անտանտի տերությունների զորակցությանն ու աջակցությանն ապավինելու մտայնությամբ եւ կարծես անտեսելով քեմալական Թուրքիայի սպառնալիքը, ապագայի նկատմամբ տրամադրված է եղել լավատեսությամբ:

Ս. Վրացյանը՝ անդրադառնալով նաև այդ հարցի լուսաբանմանը, նշում է. «Ձարմանալի չէ, ուրեմն, Թրքական ու բոլշեւիկեան գործօնը, Անգարայից ու Բաքուից հասնող սպառնալիքները այն սպաւորութիւնը չգործեցին՝ ինչ որ պիտի գործէին ուրիշ պայման-

¹ Վրացեան Ս., Մրկածին Դրոն, էջ 129:

² Նույն տեղում, էջ 127-128:

ներում: Զինուորական նախարար Ռուբեն Տէր Մինասեանը բարձրաձայն խոսում էր էրզրումը գրաւելու մասին, իսկ զինուորական նախարարը պէտք է ծանօթ լինէր թշնամու ուժերին եւ Հայաստանի բանակի մարտունակութեանը: Այդպէս էր դատում հասարակութիւնը՝ վարակուած կառավարութեան լաւատեսութիւնին»¹:

Ավելին, ՀՀ զինվորական նախարարը խորապես համոզված է եղել, որ հայկական բանակը ոչ միայն ի զորու էր ջախջախելու հանրապետութեան տարածքը ներխուժած թուրքական բանակը, այլեւ կարճ ժամանակահատվածում ազատագրելու Արեւմտյան Հայաստանի այն տարածքները, որոնք Սեւրի դաշնագրի համաձայն պիտի մասն կազմէին Հայաստանի Հանրապետութեանը: Որպես ասվածի խոսուէն ապացույց, Ս. Վրացյանը վկայակոչում է հետեւեալը. «Ինձ ու բժ. Ա. Բաբալեանին բաժին ինկաւ Կարս-Սարիղամիշ ռազմաճակատը: Ռուբէնը մեզ ճանապարհ ձգեց ճառով Աբովեան պողոտայի վրայ. «Ցտեսութիւն Կարինում» եղաւ մեզ նրա վերջին խօսքը- այնքան վստահ էր, որ պիտի յաղթենք»²:

Անժխտելի է, որ հանրապետութեան ներքին եւ արտաքին կյանքում առկա էին դեռեւս չլուծված կենսական նշանակութիւն ունեցող բազմաթիւ խնդիրներ, որոնք խանգարում եւ խոչընդոտում էին հանրապետութեան բնականոն զարգացմանը: Հաշվի առնելով ու արժեւորելով հանրապետութեան ներքին եւ արտաքին կյանքում գոյութիւն ունեցող դեռեւս չլուծված բազում խնդիրներն ու դժվարութիւնները, այնուամենայնիւ, պիտի նշել, որ, այսուհանդերձ, հանրապետութեան կառավարութիւնն անհրաժեշտաբար պետք է իր ուշադրութիւնն ու գործունեութիւնը գլխավորապես բեւեռը ամենակարեւորի՝ ՀՀ զինված ուժերի կազմակերպման եւ հզորացման վրա, շատ լավ իմանալով Հայաստանի նկամամբ իր հարեւանի՝ քեմալական թուրքիայի զավթողական նկրտումները: Մի՞թէ Հայաստանի ու հայութեան վիճակը բազմապատիկ անգամ ավելի ծանր ու անելանելի չէր 1918 թ. Մայիսյան հերոսամարտերի նախօրեին, երբ Մեծ Եղեռնի ահաւոր սարսափներն ապրած հայութեան վերջին բեկորները, խմբված Արարատյան աշխարհի փոքրիկ հողակտորի վրա, մենմենակ հերոսական պայքար էին մղում իրենց գոյութիւնը պահպանելու համար: Այդ ճակատագրական ու ծանրագույն ժամանակահատվածում հայ ժողովուրդը, ապավինելով միմիայն իր սե-

փական ուժերին, կարողացավ ստեղծել կանոնավոր եւ մարտունակ բանակ ու նվաճել կենսական նշանակութիւն ունեցող հաղթանակներ: Մայիսյան հերոսամարտերը հայ ժողովրդի ազատաբաղձ ձգտումների, միասնականութեան եւ մարտական ոգու բարձրագույն դրսեւորումներն են, որի արդիւնքում ծնվեց Հայոց անկախ պետականութիւնը՝ Հայաստանի Հանրապետութիւնը:

Թեպետ 1920 թ. Հայաստանի եւ հայ ժողովրդի կացութիւնը բնավ համեմատելի չէր 1918 թ. Մայիսյան հերոսամարտերի նախօրեին Արարատյան աշխարհի փոքրիկ հողակտորում հանգրվանած, գոյապայքար մղող հայութեան վերջին բեկորների կացութեանը, բայց հայրենի հողի, ազատութեան համար միասնական ու կազմակերպված պայքար մղելու ու մարտական անընկճելի ոգի դրսեւորելու առումով 1920 թ-ը ճիշտ եւ ճիշտ հակապատկերն էր 1918 թ.: Եթէ անաշատրեւն ներկայացնենք պատմական այդ ժամանակահատվածում հայութեան կյանքում տեղի ունեցած արմատական, կենսական նշանակութիւն ունեցող երեւույթների ճշմարիտ գնահատականը, ապա պիտի նշել, որ անտարակույս «Հայաստանում եւ բովանդակ հայութեան մէջ տիրում էր արտասովոր խանդաւառութիւն»-ը, հակառակորդի ուժերի թերագնահատումն ու ամենագլխավորը՝ ոչ թե սեփական, այլ երրորդ ուժին, այն է՝ Սեւրի դաշնագիրը ստորագրած տերութիւնների ղեկավարութեանը ապավինելու տրամադրվածութիւնը: Պիտի փաստել, որ այդ հավատն ու համոզումն էր այն էական գործոններից մեկը, եթէ ոչ ամենաէականը, որը պատճառ հանդիսացավ Հայաստանի Հանրապետութեան պարտութեանն ու անկմանը:

Հարկ է նշել, որ ոչ բոլոր պետական եւ ռազմական գործիչներն էին խանդավառված Հայաստանին պարգեւած Սեւրի դաշնագրի շնորհներով եւ հանրապետութեան իրական կացութեամբ:

Օրինակ, Դրոն չի կիսել զինվորական նախարար Ռուբեն Տեր-Մինասյանի եւ Հայաստանի Հանրապետութեան կառավարութեան մի շարք անդամների լավատեսութիւնն ու խանդավառութիւնը: Հայաստանը, ըստ նրա գնահատման, պատրաստ չէր պատերազմելու, իսկ նման պայմաններում պատերազմելը կարող էր անկանխատեսելի ծանր հետեւանքներ ունենալ: Պատերազմի վերաբերյալ համանման դիրքորոշում են ունեցել նաեւ ՀՀ բանակի սպարապետ Նազարբեկյանն ու գեներալ Սիլիկյանը:

«Ծերունի սպարապետը, - գրում է Ս. Վրացյանը, - թէեւ ենթարկւում էր զինուորական նախարարի հրահանգներին, բայց սրտով ու գիտակցութեամբ Դրոյի հետ էր, նոյնպէս զօր. Սիլիկեանը եւ բանակի բարձր հրամանատարութեան լուրջ մասը, պատերազմը աղէտ էր

¹ Նույն տեղում, էջ 129:

² Նույն տեղում, էջ 131:

նրանց աչքին. ամէն գնով պէտք էր խուսափել պատերազմից, որ անհրաժեշտօրէն լինելու էր երկու ճակատի վրայ-հարաւից ու հիւսիսից- եւ գերազանց ուժերի դէմ»¹:

Դրոյին, ինչպես նաեւ գեներալներ Նազարբեկյանին ու Սիլիկյանին մտահոգողը միայն այն չէր, որ հայկական բանակը հարկադրված էր լինելու պատերազմելու «երկու ճակատի վրայ-հարաւից ու հիւսիսից- եւ գերազանց ուժերի դէմ»: Ինչ խոսք, նրանք անշուշտ քաջատեղյակ էին շէ զինված ուժերի թվակազմին ու զինվածութեանը: Բայց որպես փորձառու, բազում կռիւլների բովում թրծված զինվորականներ, նրանց քաջ հայտնի էր, որ պատերազմում հաղթանակներ նվաճելու գործում վճռորոշ չէին կարող լինել միայն զորքի քանակն ու զինվածութիւնը: Հաղթանակներ նվաճելու գործում չափազանց կարեւոր են զորքի բարոյա-հոգեբանական պատրաստվածութիւնն ու մարտունակութիւնը: Պիտի ընդգծել, որ այդ ժամանակահատվածում, հայկական լավ զինված բանակը, ինչը միանշանակորեն ապացուցեց ժամանակը, աչքի չէր ընկնում իր կազմակերպվածութեամբ ու մարտունակութեամբ: Մի՞թե այնպիսի բազմափորձ զորապետերի համար, որպիսիք էին Դրոն եւ Թ. Նազարբեկյանն ու Մ. Սիլիկյանը, կարող էին գաղտնիք լինել հայկական բանակի բարոյա-հոգեբանական անմխիթար իրավիճակն ու թույլ կազմակերպվածութիւնը:

Հայկական բանակին սպառնացող բարոյալքութիւնն ու անմարտունակութիւնը Դրոն կանխագուշակել էր հայկական կանոնավոր զորամասերի կողմից Հայաստանի Հանրապետութեան տարածքը 1920 թ. բոլշեւիկյան մայիսան խռովութիւնից հետո մահմեդական բնակչութիւնից «մաքրելու» նպատակով ձեռնարկված մարտական գործողութիւնների նախօրեին:

Այդ հարցում որոշակի տարածայնութիւններ են եղել նրա ու Բյուրո-կառավարութեան անդամների, հատկապես, Բյուրո կառավարութեան, կարելի է ասել, ամենաազդեցիկ անդամի՝ զինվորական նախարար Ռուբեն Տեր-Մինասյանի միջեւ:

Դրոն, ինչ խոսք, կողմնակից էր, որպեսզի հանրապետութեան տարածքը վերջնականապես ու մեկընդմիջտ մաքրվեր մահմեդական տարրերից: Ավելորդ չէ կրկին անգամ նշել, որ մինչ այդ մահմեդական բնակչութեան զինված ելույթները «խաղաղացնելու» գլխավոր կազմակերպիչը եղել էր հենց ինքը՝ Դրոն: Բայց այս անգամ նա կտրականապես դեմ է եղել, որ մահմեդական բնակավայրերի «մաքրման» գործողութիւններն իրականացվին կանոնավոր զորամասերի մասնակցութեամբ: Բանակը կոչված է պայքարելու արտաքին թշնամու դեմ եւ նրան պետք է հեռու պահել քաղաքացիական կռիւլներից:

Հայաստանի ու հայութեան համար հույժ կենսական նշանակութիւն ունեցող հանրապետութեան տարածքը մահմեդական բնակչութիւնից մաքրելու գործողութիւնները նրա համոզմամբ, անհրաժեշտ էր, իրականացնել ոչ թե շէ կանոնավոր բանակի, այլ հատուկ նշանակութեան զորամասերի ուժերով: Համաձայն Ս. Վրացյանի վկայութեան՝ «Նա անւիճելի փաստերով եւ իրատեսութեամբ աշխատում էր համոզել, որ բանակի մասնակցութիւնը քաղաքացիական կռիւններում, անխուսափելի կերպով կը խախտէ զինուորութեան կարգապահական ոգին, կը բարոյալքէ ու կը տկարացնէ մարտունակութիւնը:

Այդպէս էլ տեղի ունեցաւ...մահմեդական զիւղերի մաքրագործման մասնակցող զորամասերն էլ բարոյալքուեցին ու գրեթէ կազմալուծուեցին: Մաքրագործումը անխուսափելի կերպով կապւած էր թալանի եւ հարստահարութիւնների հետ...»¹:

Հայկական բանակին համանման գնահատական է տալիս նաեւ Հայաստանի Հանրապետութեան առաջին վարչապետ Հովհ. Քաղապուտեանը: Նրա բնորոշմամբ՝ «Բանակը բարոյալքւած էր ներքին կռիւների շրջանում (նկատի ունի շէ զինված ուժերի կողմից Հայաստանի Հանրապետութեան մահմեդական բնակավայրերը «մաքրելու» նպատակով իրականացրած մարտական գործողութիւնները-Ղ.Գ.) անմիտ աւերումների ու անպատիժ թալանների շնորհիւ: Բանակը բարոյալքւած էր ու հոգնած»²:

Դրոն, շատ ճիշտ արժեւորելով թալանին եւ հարստահարութիւններին տրվելու հետեւանքով զինվորին անխուսափելիորեն սպառնացող բարոյալքումն ու անմարտունակութիւնը, թույլ չի տվել, որ իր անմիջական հրամանատարութեամբ գործող զորամասերը մասնակցեին մահմեդական բնակավայրերի մաքրագործման գործողութիւններին: Հետագա դեպքերը միանշանակորեն ապացուցեցին, որ նրա դիրքորոշումը շատ ճիշտ էր: Փոքր-ինչ առաջ ընկնելով կարելի է ասել, որ հայ-թուրքական պատերազմի ընթացքում իրենց անբասիր մարտական որակները լավագույնս դրսեւորել են հենց այն զորամասերն ու զինվորները, որոնք չէին մասնակցել մահմեդական

¹ Նույն տեղում, էջ 130:

¹ Նույն տեղում, էջ 125:

² Քաղապուտեանի Յուլի., նշվ. աշխ., էջ 34:

բնակավայրերը «մաքրելու», հետեւաբար, թալանի ու ավարառութեան գործողութիւններին:

Ս. Վրացյանի խոստովանութեամբ՝ «Դրոն դիտեր այս եւ թոյլ չտեւեց, որ իրեն ենթակա զօրամասերը մասնակցին Զանգիբազարի (Զանգիբասար-ներկայիս Մասիսի շրջանը-Հ. Գ) գործողութեան: Եւ հետագայ դէպքերը ցոյց տուին, թէ որքան իրաւացի էր Դրոն, երբ միայն Սուրմալուի ճակատի վրայ, ուր գործում էին Դրոյի զօրամասերը, հայ բանակը ընդունակ եղաւ վճռական հակահարուած հասցնելու թշնամուն»¹:

1920 թ. հունիսին Հայաստանի Հանրապետութեան տարածքում մեծ հաջողութեամբ կենսագործած մարտական գործողութիւններից, այն է՝ թուրքական բնակավայրերը «մաքրելուց» հետո, ինչպես որ սպասվում էր, ՀՀ կառավարութիւնը հարկադրված գորացրում է այդ գործողութիւններին մասնակցած՝ թալանին ու ավարառութեանը տրվելու հետեւանքով բարոյալքված զինվորներին, որոնք այլեւս չէին ենթարկվում զինվորական կարգապահութեանն ու հրամանարարութեանը եւ պատերազմի նախօրեին հայտարարում է նոր զորահավաք, որի արդյունքում բանակի շարքերն են համալրում գեներալ հետ երբեւէ առնչութիւն չունեցող մարտական որակներից զուրկ բազմահազար նորակոչիկներ: Այսինքն կատարվեց այն, ինչը ժամանակին կանխատեսել ու բազմիցս զգուշացնում էր Դրոն:

Հովհ. Քաջազնունու գնահատմամբ ՀՀ կառավարութիւնը ճակատագրական սխալ էր գործում, երբ «...զօրքերի թիւը աւելացնելու նպատակով, նոր ու նոր զինակոչներ էր անում, գէնքի տակ առնում հասակաւոր, յոգնած, ընտանեկան ու տնտեսական հոգսերով ծանրաբեռնւած մարդկանց...»

Պատրաստի դեղերտօբներ (դասալիք) էին սրանք, որ մի աւելորդ բարոյալքում ու կազմալուծում էին մտցնում զօրական շարքերի մէջ»²:

Ընդհանրացնելով իր վկայակոչած փաստարկները՝ ՀՀ առաջին վարչապետը գտնում է, որ կառավարութեան գործած այդ սխալներով է գլխավորապես պայմանավորված այն ցավալի իրողութիւնը, որ «Բանակի դաստիարակութիւնը, ռազմական ոգին, կուռ կազմակերպութիւնն ու կարգապահութիւնը՝ ուրեմն եւ ընդդիմադրական ոյժը- թուլացած էին ծայր աստիճանի ու դա անակնկալ էր

կառուարութեան համար: Կառուարութիւր եւ ինքը զինուորական միմիստրը՝ չէին ճանաչում բանակը»¹:

Պատերազմն արդեն սկսվել էր, եւ ինչպիսին էլ լինեին հայկական բանակի վիճակն ու հնարավորութիւնները, ՀՀ կառավարութիւնը պետք է անհրաժեշտ քայլեր ձեռնարկեր հանրապետութեան բնակչութեանն ու ռազմաճակատները կազմակերպելու եւ հակառակորդի հարձակումը դիմակայելու ուղղութեամբ:

Ի՞նչ պետք է արվեր:
Հայաստանի Հանրապետութեան կառավարութիւնը նախ եւ առաջ պետք է լուծեր տվյալ ժամանակահատվածի համար առաջնահերթ կարեւորագույն նշանակութեան երկու հարց.

1. Ամրապնդել հանրապետութեան պաշտպանունակութիւնը ի հաշիվ ներքին ուժերի ու միջոցների եւ հզոր-կազմակերպված հակահարվածներով խոչընդոտել թուրքական զօրքերի առաջխաղացումը ու աշխատելով մանապէսական միջոցներով կասեցնել խորհրդային ուժերի հարձակումը Ղազախի ուղղութիւնից²:

Հանրապետութեան պաշտպանունակութիւնը ամրապնդելու համար նախ եւ առաջ անհրաժեշտ էր համալրել ու ուժեղացնել բանակը: Այդ նպատակով հանրապետութեան կառավարութիւնը հայտարարում է մինչեւ 37 տարեկան բնակչութեան զորահավաք եւ ընդամենը երկու շաբաթվա ընթացքում հաջողվում է Իգդիրից մինչեւ Մերդենեկ ձգվող ճակատներում կենտրոնացնել բոլոր անհրաժեշտ պարագաներով հագեցված մինչեւ 25.000 թվակազմ ունեցող զորաբանակ³:

Այս հարցում գործերը կարծես թե լավ էին ընթանում:

2. Հյուսիսից եւ հարավից միաժամանակ տեղացող հարվածներին հաջողութեամբ դիմադրավելու համար հարկավոր էր ստանալ դաշնակիցների (Անգլիա, Ֆրանսիա, ԱՄՆ) եւ Վրաստանի զինական ու ֆինանսական օգնութիւնը:

Այդ նպատակով Հայաստանի կառավարութիւնը դիմում է դաշնակիցների Թիֆլիսի ներկայացուցիչներին եւ արդյունքում ստանում է միայն դատարկ խոստումներ եւ հիասթափութիւն:

«Ոչ մէկ ուրիշ օգնութիւն, - գրում է Ալ. Խատիսյանը, - եվրոպական իշխանութիւնները Կովկասի մէջ ցոյց չտուին Հայաստանին:

Մեծ պետութիւններուն Փարիզի մէջ կատարուած դիմումը առաջ բերաւ վիճաբանութիւններ Ազգերու Լիկայի մէջ, ուր հիանալի ճա-

¹ Վրացեան Ս., Սրբկածին Դրոն, էջ 125:
² Նույն տեղում:

¹ Նույն տեղում:
² Տե՛ս ԳԳԿԱ, ք. 121, գ. 97 («Հայաստանի վերջին անցքերը», էջ 21):
³ Նույն տեղում, էջ 1-2:

ներ արտասանեցին դր. Նանսէնը, անգլիական ներկայացուցիչ Բալ-
ֆոտը, Ֆրանսիական նախարար Վիվիանին, ընտրուեցաւ միջազգա-
յին յանձնաժողով մը հայ-թրքական կռիւը խաղաղացնելու համար՝
բաղկացած առաջնակարգ եվրոպական գործիչներէ եւ Պոլսոյ ամե-
րիկեան նախկին դեսպան Մորկենթօ պէտք է երթար այդ նպատա-
կով Հայաստան: Բայց մինչ յանձնաժողովը կը պատրաստուէր այդ
քայլ ընել, Հայաստանի մէջ ամէն ինչ վերջացաւ»¹:

Հայաստանի համար բախտոր նշանակութիւն ունեցող ժամանա-
կում Ազգերի լիգան մերժում է իր կազմում ընդգրկել Հայաստանն
ու Վրաստանը, որպէսզի հարկադրված չլինի նրանց ցույց տալ
գործնական զինակցութիւն ու օգնութիւն: Ավելին, անգլիայի ներ-
կայացուցիչ Կ. Ստոքար իր կառավարութեան անունից ՀՀ կառավա-
րութեանը հաշտութիւն կնքել թուրքերի հետ, այն է՝ Մուտաֆա
Քեմալի գլխավորած իշխանութեան հետ, որի օրինակութիւնը որեւէ
տերութիւն, այդ թիվում նաեւ Անգլիան, դեռեւս չէր ճանաչել:

Վրաստանի Հանրապետութեան հետ փոխօգնութեան հարաբերու-
թիւններ հաստատելու առաքելութեամբ հոկտեմբերի 18-ին Թիֆլիս
է ուղեւորվում Հայաստանի Հանրապետութեան զինվորական նա-
խարար Ռուբեն Տեր-Մինասյանը: Վրաստանի Հանրապետութեան
կառավարութեան դիրքորոշումը, ի տարբերութիւն դաշնակիցների,
ավելի որոշակի ու հասկանալի էր, բայց դարձյալ ժխտողական:
Վրաց իշխանութիւնները Հայաստանի Հանրապետութեան եւ ողջ
հայրենիքի համար բախտորոշ, ճակատագրական նշանակութիւն
ունեցող ժամանակահատվածում դարձյալ ավելի են կարեւորում ու
նախապատվութիւն տալիս քեմալական թուրքիայի հետ հաստատ-
վելիք դաշինքին ու հարաբերութեանը եւ կտրականապէս մերժելով
Հայաստանի Հանրապետութեան հետ համագործակցելը՝ հայտնում
են. «... որ տաճիկների դէմ չեն կարող կռուել, որովհետեւ իրենց չե-
զոքութիւնը ապահովուած է...»

Այսպիսով, Հայաստանը իրապէս ոչինչ չստացաւ ոչ դաշնակից-
ներից եւ ոչ էլ վրացիներից իր գոյութեան համար ճակատագրական
պայքարի ընթացքում»²:

Թուրքերը մինչեւ Հայաստանի Հանրապետութեան վրա հար-
ձակվելը կարողացել էին ի նպաստ Թուրքիայի չեզոքացնել Վրաս-
տանին, որն ինչ-որ տեղ դիտվում էր Հայաստանի հնարավոր դաշ-
նակիցը: Իր պատվիրակներին առաքելով Թիֆլիս՝ Անկարայի իշխա-

նութիւնները կարողացան բանակցութիւնների միջոցով եւ որոշա-
կի խոստումներով Վրաստանի կառավարութիւնից կորզել պատե-
րազմական գործողութիւններ սկսելու դեպքում չեզոքութիւն
պահպանելու համաձայնութիւնը: Եվ պատահական չէ այն իրողու-
թիւնը, որ թուրքական զորաբանակի Կարսի բերդաքաղաքին մոտե-
նալուն պէս վրացական զորքերը ներխուժում են չեզոք գոտի՝ Լոռի
եւ Հայաստանի Հանրապետութեան տարածքում գտնվող Զալալ-
Օղլի եւ Շահանլիի շրջանները:

Հայաստանի զինվորական նախարար Ռուբեն Տեր-Մինասյանի՝
Վրաստանում ունեցած անարդունք առաքելութիւնից հետո խոր-
տակվում է դրսից օժանդակութիւն հայցելու վերջին հույսը եւ բո-
լորի կողմից լքված ու մեկուսացված Հայաստանը մեն-մենակ
հայտնվում է ընդդէմ թուրքական հարձակման:

Հայաստանի Հանրապետութեան կառավարութիւնը ժողովրդին
ոգեշնչելու ու նրա պայքարին վճռականութիւն ու կազմակերպվա-
ծութիւն հաղորդելու նպատակով ամենուրեք տարածում է հետեւ-
յալ մարտակոչը.

«Հայաստանի քաղաքացիներին.

Քաղաքացիներ, Հայաստանը նոր փորձութիւնների առաջ է
կանգնած: Տաճիկ փաշաները չեն ուզում հանգիստ թողնել մեզ,
նրանք ձգտում են քար ու քանդ անել մեր երկիրը, բնաջնջել հայ
ժողովուրդը:

Սեպտեմբերի կէսերին կենտրոնանալով Մերզենեկի եւ Բարդուսի
շրջաններում տաճիկ զորքերը յարձակման դիմեցին: Դաշտային աշ-
խատանքների պատճառով մեր զինուորների մի մասը իրենց տները
ցրուած լինելով՝ մեր զօրամասերը, յամառ կռուից յետոյ, ստիպուած
եղան նահանջել եւ գրաւել ռազմագիտական նոր դիժ, որով աժխա-
հանքերի շրջանը անցաւ թշնամու ձեռքը...»

...Քաղաքացիներ, տեղեկացնելով ձեզ այս մասին՝ Հանրապետու-
թեան կառավարութիւնը յայտնում է, որ ինքը ձեռք է առնում ամէն
միջոց՝ պետութեան անվտանգութիւնըն ապահովելու համար եւ
վստահ է, որ նենգ թշնամին շուտով դուրս կը շարտուի մեր երկրից:
Այն ժողովուրդը, որ կարողացաւ ձեռք բերել իր ազատութիւնը, որ
դեռ նոր ճնշեց բուշուիկեան խռովութիւնները՝ թոյլ չի տայ, որ
տաճիկական փաշաներին յաջողուի իրագործել իրենց դիւալիս ծրագ-
րերը: Հայաստանի կառավարութիւնը, իր հետ ունենալով յեղափո-
խական ժողովրդի կամքն ու վստահութիւնը, կանչ այն, ինչ որ իրե-
նից պահանջում է պատմական վայրկեանը: Սակայն, ժողովուրդն

¹ Խատիսեան Ալ., Ելզ. աշխ., էջ 265:

² ԳԳԲԱ, ք. 121, գ. 97 («Հայաստանի վերջին անցքերը», էջ 21), էջ 1-2:

եւս պէտք է լարէ իր բոլոր ուժերը: Տաճիկ զօրքերի առաջ մէկ անե-
լիք է մնում մեզ- յաղթել կամ մեռնել: Մենք պէտք է յաղթենք:

Քաղաքացիներ, որքան եւ աննպաստ լինեն պայմանները, թողէք
ձեր անձնական գործերը: Ամէն ոք եւ ամէն ինչ պէտք է յատկացուի
Ֆրոնտին... Ամէն ինչ զօրքի համար: Գիւղացի, բանուոր, մտաւորա-
կան, պաշտոնեայ, ուսանող, կանայք- բոլորդ պէտք է նպաստէք մեր
բանակի, որովհետեւ միայն ամէնքիս միահամուռ ջանքերով կը
խորտակուի փաշաների գարշելի բռնակալութիւնը, եւ Հայաստանը
բոլորովին ազատ կլինի տաճիկ շովինիստների մղձաւանջից:

Ոտքի ժողովուրդ:

Կեցցէ Միացեալ եւ Անկախ Հայաստանը:

Հայաստանի Հանրապետութեան կառաւարութիւն»¹:

Համաձայն Ս. Վրացյանի տվյալների, թուրք հրամանատարու-
թյունը Հայաստանի Հանրապետութեան վրա հարձակվելու ժամա-
նակ իր տրամադրութեան ներքո ունեցել է հետեւյալ զինական
ուժերը. «Թանի»-ի զինուորական թղթակցի ասելով, 1920թ ամա-
ռուայ վերջը, արեւելեան նահանգներում թիւրքերը ունէին 3-րդ,
12-րդ եւ 15-րդ կորպուսները, ընդամենը՝ 50000 հետեւակ, 2600
այրուճի եւ 306 հին ձեւի թնդանօթ: Ուրիշ զինուորական հեղինա-
կութիւններ Հայաստանի դէմ գործող թիւրք բանակը ցոյց էին տա-
լիս՝ 3-րդ, 9-րդ, 11-րդ, 12-րդ եւ խառը դիւիզիաները, երկու աշիրէ-
թական գնդեր, մի բրիգադ այրուճի, այսպէս կոչուած ազրբէջանա-
կան ճիւղեր հարիւրակը, թրքական եւ քրդական հրոսակախմբերը
եւ այլն: Զօրքը պարէնաւորուած էր շատ լաւ, ունէր առատ ռազ-
մամթերք, տաք հագուստ, որ ստանում էր իտալացիներից, ֆրան-
սիացիներից եւ ինքնուրու. Ռուսաստանից»²:

Կարելի է ասել, որ թուրքական զօրքերի թվաքանակը ներկա-
յացնող վերոհիշյալ տվյալները վերաբերում են ոչ թե 1920 թ.
սեպտեմբերին Հայաստան ներխուժած բանակին, այլ թուրքիայի
տարբեր շրջաններում Մուստաֆա Քեմալի ու Կարաբեքիրի դրոշի
տակ գտնվող մարտական ուժերին:

Հայաստանի վրա հարձակվող թուրքական բանակի թվակազմի
վերաբերյալ արժանահիշատակ տվյալներ է հաղորդում Վ. Արծրու-
նին: Նրա հավաստմամբ՝ իր վկայակոչած տվյալները հայկական
բանակի հրամանատարութեանն է հաղորդել Կարսի ճակատում գերի
ընկած մի թուրք վաշտապետ: Համաձայն թուրք սպայի տեղեկու-

թյան, «Մեր կոռուղ բանակն (նկատի ունի Կարսի ճակատում
գտնվող թուրքական զօրքերը-Չ.Գ.) ունի 12,000 կանոնաւոր զօրք,
300 ազրբեյջանցի ճիւղեր, 500 լազ, 1000 քիւրդ ճիւղեր եւ մօտ
6000 կամաւորներ, ընդամենը՝ 20,000 շունչ»¹:

Հայաստանի զինական ուժերը տեղաբաշխված էին չորս (Սարիղա-
միշ-Կարս, Սուրմալու, Նախիջեւան, Դիլիջան-Ղազախ) ճակատներում:
Համաձայն ՀՀ զինվորական նախարար Ռուբեն Տեր- Մինասյանի
պատրաստած տեղեկագրի, որը Ալ. Խատիսյանը ներկայացրել է դաշ-
նակիցներին, պատերազմի սկզբին վերոհիշյալ «...չորս ուղղութիւննե-
րի վրա մենք ունենք ընդամենը 16,700 սեփն, բացի դրանցից, Զանգե-
զուրում գտնուած է 800 սեփն, ուրեմն վերոհիշեալի հետ 17,500 սփն:

Երեւանում պահեստում մնում է 10-րդ գունդը (Հայապետանի)-
1500 սեփն, ընդամենը, ուրեմն, 19,000 սեփն:

Ընդունելով եւ միւս տեսակի զէնքերը՝ 6000 հոգի- ուրեմն, գոր-
ծող բանակում կանոնաւոր մարտական ուժեր կան 25,000 հոգի:

Աւելացնելով դրանց վրա նաեւ թիկունքում ծառայողներին, ...
ընդհանուր թւի 30 տոկոսը, կը ստանանք բանակի ամբողջ կազմը
34,000 հոգի, խմբերի հետ միասին 40,000 հոգի»²:

Հանրապետութեան բանակի 40,000 թվակազմը ընդունում է
նաեւ Վ. Արծրունին: Ըստ նրա հավաստման՝ «Փաստական վաւե-
րաթղթեր չկան հայկական զօրքի թուի մասին, բայց ինչպէս նկա-
տեր եմ, ընդհանրապէս ընդունուած փաստ կը համարուի, թէ Հայ-
թրքական պատերազմի ընթացքին զինուորական նախարարութիւնը
բաց կը թողուր 40000 զօրքի պարէն: Զօրքին մեծ մասը բանակին
մէջ առնուած էր Բիւրօ- կառավարութեան օրօք եւ, մասնաւորապէս՝
պատերազմը սկսուելէն յետոյ»³:

Ըստ Վ. Արծրունու վկայակոչած գերի թուրք սպայի տեղեկու-
թյան, « Մեր հրամանատարութիւնը շատ առաջ հաշուեր էր, որ հայ-
կական կառաւարութիւնը իր դէմ պիտի բերէ 20-26,000 զօրք»⁴:

Բացի թվարկված ուղղութիւններից, հայկական զօրքերը պատ-
մական որոշակի հանգամանքների թելադրանքով տեղաբաշխված
էին նաեւ ռազմավարական նշանակութիւն ունեցող սահմանամերձ
մի քանի շրջաններում: Այսպէս. քանի որ Հյուսիսից՝ Ղազախի
շրջանից, խորհրդային զինական ուժերը արդեն բազմիցս գործնա-

¹ Վահե Արծրունի, «Հայ-տաճկական պատերազմը, հայ սպայութիւնը, Շատախ», Երեւան, 2002, էջ 290-291:

² Վրացեան Ս., Հայաստանի Հանրապետութիւն, էջ 484:

³ Վահե Արծրունի, Ուշ. աշխ., էջ 31:

⁴ Նույն տեղում, էջ 291:

¹ Վրացեան Ս., Հայաստանի Հանրապետութիւն, էջ 468-469:

² Նույն տեղում:

կան քայլեր էին ձեռնարկում ներխուժելու Հայաստանի տարածքը, այդ պատճառով Հանրապետության կառավարությունը հյուսիսի սպառնալիքին դիմադրավելու նպատակով սահմանամերձ շրջանում հարկադրված պահում էր սահմանապահ զորամաս՝ Սեպուհի բրիգադը: Նույն նպատակով, Ձանգեղուրի ու Նախիջևանի տարածքներից սպառնացող հնարավոր հարձակումները դիմադրավելու համար Բասարգեչարի եւ Նոր-Բայազետի շրջաններում տեղակայված էին գեներալներ Շելկովնիկյանի եւ Մելիք Մուրադյանի գլխավորած մարտական ուժերը:

«Վերջին անցքերը Հայաստանում» վերնագրված վավերագրում, հեղինակը, ներկայացնելով Հանրապետության զորքերի տեղաբաշխման վայրերը, գրում է. «Հայաստանը մի երկիր էր, որ ունէր բազմաթիւ ճակատներ, որոնցից իւրաքանչիւրում կարեւոր էր ոյժեր կենտրոնացած պահել անակնկալների չհանդիպելու համար: Նրա գլխաւոր ճակատներն էին. Արտահան, Օլթի, Կարս, Կողբ, Իգդիր, Նախիջևան, Ձանգեղուր, Արցախ, Բասարգեչար եւ Ձէզոք գոտի (նկատի ունի Լոռին-Հ.Գ.), որտեղ սահմանապահ գնդեր էին պահում: Այդ ճակատների առանձնահատկութիւնն այն էր, որ դրանցից բոլորը, բացի Վրացականը, գտնւում էր մեր անմիջական թշնամիների՝ Ադրբեջանի, Սովետական Ռուսաստանի եւ Անգորայի սահմաններին կից, որոնք գործում էին համաձայնեցուած եւ իրենց աշխարհագրական դիրքով օղակում էին Հայաստանը»:

Առավել որոշակի, ըստ Ռ. Տեր-Մինասյանի ներկայացրած վերոհիշյալ տեղեկագրի, պատերազմի առաջին օրերին Հայկական զինական ուժերը, բացի Կարսի եւ Սուրմալուի ճակատներից, տեղաբաշխված էին հետեւյալ ուղղութիւններում.

«Նախիջևանի ուղղութեամբ կանգնած են՝ 3-րդ գունդը-2000 սւին, 2-րդ գունդը(երկու բատալիոն)-1000 սւին, ընդամենը 3000 սւին:

Դիլիջան-Ղազախի ճակատում գտնւում էր 6-րդ գունդը (գնդապետ Մանիւելի գլխավորած այդ գունդը պատերազմի նախօրերին գործել է Սեպուհի հրամանատարութեամբ-Հ.Գ.)-2000 սւին»²:

Հայկական զորաբանակի հրամանատարութիւնը, ելնելով ռազմաճակատում տիրող իրական կացութիւնից, մարտական ուժերը, ինչպես արդեն նշվել է, գլխավորապես կենտրոնացնում է Կարսի եւ Սուրմալուի ուղղութիւններում, ընդամին, առավելագույն ուշադրութիւնը բեւեռում է Կարսի ճակատի վրա:

«Այս պայմաններուն մէջ, - նշվում է «Ճակատամարտ» թերթում գետնողված ռազմական ամփոփագրում, - սպայակոյտը (նկատի ունի

ՀՀ ռազմական ուժերի գլխավոր շտաբը-Հ.Գ.) որոշեց Իգդիրի ուղղութեամբ թրջական յարձակողականը նկատել կեղծ, ուժերը կեղծունացնել Կարսի ուղղութեան վրայ, նահանջել մինչեւ Պէլլի Ահմէտ, զօրացնել Կարսի աջ թեւը, իբրեւ հոծ թրջաբնակ վայրեր եւ թրջական ծանր ճնշումի իբրեւ հաւանական գիծ, կոխ մղել Նովո Սէլիմի դաշտին վրայ, ի հարկին կանխելով թրջական ընդհանուր յարձակողականը եւ ժամանակ շահել ուժերը համախմբելու համար»¹:

Համաձայն ՀՀ զինվորական նախարար Ռուբեն Տեր-Մինասյանի պատրաստած տեղեկագրի. «Կարս-Ալեքսանդրապոլի ճակատում կանգնած են հետեւյալ զօրամասերը...առաջին գունդը (Մազմանեան)- 1000 սւին եւ 7-րդ գունդը(մի բատալիոն)-1500 սւին, 4-րդ գունդը (Միրիմանեան)- 2000 սւին, 5-րդ գունդը (Շաղուբաղեան)-800 սւին, 7-րդ գունդը (մի բատալիոն)-700 սւին, 6-րդ գնդի մի բատալիոն- 700 սւին (Իշխանեան-Գնդունի)- 8000 սւին եւ 8-րդ գունդը (Տիգր. Բաղդասարեան)-1500 սւին, ընդամենը 7200 սւին, բացի դրանցից կան նաեւ Ամբասի խմբերը:

Սուրմալուի ճակատում(Դրօյի մօտ) կան՝ 9-րդ գունդը-2000 սւին, 8-րդ գունդը (մի բատալիոն)-1000 սւին (Տ. Բաղդասարյանի գլխավորած 8-րդ գունդը պատերազմի առաջին օրերին տեղափոխվել է Կարսի ճակատ-Հ.Գ.) եւ 7-րդ գունդը (մի բատալիոն)-700 սւին, Արցախի առանձին զօրամասը(Կուռօ)-800 սւին, ընդամենը՝ 4500 սւին եւ փոքրիկ եզդիական զօրամաս»²:

ԵՐՊՀ-ի հրատարակած բուհերի համար նախատեսված «Հայոց պատմութիւն» դասագրքում այս հարցի կապակցութեամբ նշվում է, «Սուրմալուի ռազմաճակատը գլխավորում է Դրոն: Սկզբում նա ուներ շուրջ 25000 զինվոր, ավելի ուշ այդ թիվն անցավ 4500-ից»³:

Ճիշտ հակառակը, պատերազմի սկզբում Սուրմալուի ռազմաճակատում կենտրոնացած զօրամասերի կազմում եղել են 4500 զինվորներ, իսկ Տ. Բաղդասարյանի 8-րդ գունդը(1500 զինվոր) Կարսի ուղղութիւն տեղափոխելու հետեւանքով ռազմաճակատում մնացել են ընդամենը 3000 հետեւակ զինվոր(4500-1500) եւ Ջհանգիր աղայի 200 հեծյալ կամավորները:

Սուրմալուի ռազմաճակատի զինվորների այդ նույն թվակազմը հաստատում է նաեւ Վ. Արծրունին⁴:

¹ ԳԳ ԲԿԱ, թժ. 121, գ. 97 («Հայաստանի վերջին անցքերը», էջ 21), էջ 3:

² Վրացեան Ա., Հայաստանի Հանրապետութիւն, էջ 484:

¹ «Ճակատամարտ», 1921, փետրվարի 1:

² Վրացեան Ա., Հայաստանի Հանրապետութիւն, էջ 484:

³ «Հայոց պատմութիւն», Երեւան, 2012, էջ 608:

⁴ Արծրունի Վ., Շշվ. աշխ., էջ 198:

Պիտի նկատել, որ ՀՀ զինվորական նախարարի ներկայացրած թվե-
րը պայմանական են: Սարիղամիշ-Կարս ճակատը, ինչպես արդեն նշվել
է, դիտելով որպես գլխավոր եւ առավել կարեւոր ուղղութիւն, ՀՀ
զինված ուժերի սպարապետութիւնը (սպարապետ գեներալ Թ. Նա-
զարեկյան) եւ զինված ուժերի գլխավոր շտաբը Հենց այդ ռազմաճա-
կատում են կենտրոնացնում ՀՀ բանակի զորամասերի մեծ մասը,
որոնց գլխավորում էին Հայաստանի զինված ուժերի կազմում գործող
ամենաանվանի զորապետերի ու սպաների մեծ մասը, որոնց թվում
գեներալներ Մ. Միրիկյանը, Դանիել Բեկ-Փիրումյանը եւ Հովսեփյանը:
Քանի որ Սարիղամիշ-Կարս ճակատն էր դիտվում որպես գլխավոր
ուղղութիւն, ուստի Հենց այդ պատճառով պատերազմի առաջին իսկ
օրից Սարիղամիշ-Կարս ուղղութիւնը պարբերաբար համալրվել ու
ուժեղացվել է ի հաշիվ մյուս ռազմաճակատների:

Սարիղամիշ-Կարս ուղղութիւնում գործող զորքերի ընդհանուր
հրամանատարն էր գեներալ Միրիկյանը, Կարսի բերդապետը՝ գեներ-
ալ Դանիել Բեկ Փիրումյանը: Կարսի ճակատում կենտրոնացած
վերահիշյալ թվարկված զորամասերը մասն են կազմել գեներալ Հով-
սեփյանի եւ Սեպուհի հրամանատարութեամբ գործող բրիգադների:
Գեներալ Հովսեփյանի գլխավորած բրիգադը (գնդապետ Մազմանյա-
նի 1-ին գունդը, գնդապետ Միրիմանյանի 4-րդ գունդը, գնդապետ
Շաղաբադյանի 5-րդ գունդը), եւ Սեպուհի հրամանատարութեամբ
գործող բրիգադը (գնդապետ Իշխանյանի 7-րդ գունդը, գնդապետ Տ.
Բաղդասարյանի 8-րդ գունդը, գնդապետ Ղորղանյանի ձիավոր բրի-
գադը եւ Սմբատ Բորոյանի (Մախլուտո), Փիլոսի, Մուրադյանի կա-
մավորական խմբերը)¹:

Բայց ռազմաճակատների եւ այնտեղ տեղաբաշխված զորամասերի
հրամանատարների ընտրութեան հարցում Հայաստանի ղեկավար շրջան-
ները, հաշվի չառնելով մի շարք էական գործոններ, թույլ էին տվել որո-
շակի սխալներ: Ամենակարեւորը, ինչպես ցույց տվեց ժամանակը, չեն կա-
րեւորել հրամանատարների իրական կարողութիւններն ու փոխհարաբե-
րութիւնները: Ցավոք, պատշաճ բարձրութեան վրա չեն գտնվել Կարսի
նահանգի եւ քաղաքի քաղաքական ու ռազմական ղեկավարութեան,
ինչպես նաեւ ռազմաճակատի մի քանի բարձրաստիճան հրամանատար-
ների փոխհարաբերութիւնները:

Գնդապետ Տ. Բաղդասարյանը իր հուշերում գնահատելով նաեւ
այդ հանգամանքը՝ նշում է. «Կարսի ճակատամարտի հրամանատար
նշանակուած էր զօր. Յովսեփեանը:

...Երբ Դրոյի կամաւորական գունդը Շատախ մտաւ, անիկա Դրո-
յին կրնկերանար իբրեւ խորհրդական սպայ պարզապէս:

Կրնդունիմ, որ հայկական բանակին մէջ երիտասարդ ուժերու
եւ աստիճանաւորներու մեծ պահանջարկ կար, սակայն անհրաժեշտ
էր որոշ չափ ու կշիռ դնել: Վերջին ամիսներուն Յովսեփեանի մա-
սին շատ աննպաստ տեղեկութիւններ շրջան կրնէին, Յովսեփեանը
եւ բերդի հրամանատարը (նկատի ունի Կարսի բերդաքաղաքի զին-
վորական ուժերի հրամանատար գեներալ Դանիել Բեկ-Փիրումյա-
նին-Հ. Գ.) գտնուած էին: Լաւ չէին յարաբերութիւնները նոյնպէս
Կարսի քաղաքային եւ զինուորական շրջանակներու միջեւ: Մի՞թե
կարելի էր ներքնապէս այդպէս պառակտուած վիճակով դիմագ-
րաւել արտաքին վտանգը...»¹:

Այնուամենայնիւ, ու՛մ պիտի վստահին Կարսի եւ Սուրմալուի
ռազմաճակատներ հրամանատարութիւնը

Ռազմաճակատների հրամանատարների ընտրութիւնների հար-
ցում ՀՀ կառավարութեան եւ զինվորական ուժերի վերին հրամանա-
տարութեան, մասնավորապէս գեներալներ Նազարեկյանի ու Միրի-
կյանի տեսակետները միանշանակ չեն եղել:

Դրոյին Սուրմալուի ռազմաճակատի հրամանատար նշանակելու
կապակցութեամբ ՀՀ կառավարութեան ու բանակի հրամանատա-
րութեան շրջանում եղել են տարբեր տեսակետներ: Պիտի նկատել,
որ պատերազմի նախօրեին Արցախում, Ջանգեղուրում ու Նախի-
ջեանում խորհրդային զորքերի հաստատման պատճառով նկատե-
լիորեն ընկել էին ոչ միայն ՀՀ կառավարութեան, այլ նաեւ մինչ
այդ ժողովրդի եւ զինվորականութեան շրջանում անառարկելի հե-
ղինակութիւն ունեցող Դրոյի նկատմամբ ՀՀ բնակչութեան տա-
ծած հարգանքն ու վստահութիւնը:

«...իր մասին (նկատի ունի Դրոյին-Հ. Գ.),- գրում է Հայաստանի
Հանրապետութեան կառավարութեան ներգաղթի բաժնի վարիչ Վա-
հե Արծրունին, որը կոիվների ողջ ընթացքում գտնվում էր Կարսի
ճակատում,- որոշ եւ ամենէն կարեւոր շրջանակներուն մէջ կը տիրէր
բացասական, եթէ ոչ աւելի վատ տրամադրութիւն հրաւիրուեցաւ
ստանձնել վտանգաւոր ճակատի մը հրամանատարութիւնը»²:

Բայց թուրքական զորքերի հարձակման հետեւանքով ծանրա-
գույն իրավիճակում հայտնված Հայաստանի կառավարութեան ու

¹ Տե՛ս Վրացեան Ա., Հայաստանի Հանրապետութիւն, էջ 479:

¹ Մատենաշար «Ռագմիկ», թիւ 1, «Հայաստանի Հանրապետութեան վերջալոյ-
սին», գրեց Տ. Բաղդասարեան, Փարիզ, 1937, էջ 235:

² Վահե Արծրունի, Աշխ., էջ 198:

ինչպես նաև բնակչության համար տվյալ պարագայում այլընտրանք այլևս գոյություն ունենալ չէր կարող: Բնական է, որ Դրոն այն եզակի ռազմական գործիչներից էր, որին ուղղվելու էին հանրապետության ղեկավար շրջանների ու բնակչության հայացքն ու ուշադրությունը:

Պետական և ռազմական գործիչներից ոմանք, ելնելով հանրապետության պաշտպանության գործում Կարսի բերդաքաղաքի բացառիկ ռազմավարական նշանակությունից, պահանջում էին, որպեսզի Դրոն ստանձներ ոչ թե Սուրմալուի, այլ Կարսի ռազմաճակատի հրամանատարությունը: Դրոյին Սուրմալուի ռազմաճակատի հրամանատար նշանակելու տեսակետի ջերմեռանդ պաշտպաններից էին հանրապետության երկրագործության(գյուղատնտեսության) նախարար Սիմոն Վրացյանն ու ինժեներության նախարար բժ. Արտաշես Բաբայանը, որոնք ռազմաճակատում տիրող կացությունը ուսումնասիրելու, հրամանատարությանը օգնություն ցույց տալու և կառավարությանը համապատասխան տեղեկություններ հաղորդելու նպատակով կառավարության հանձնարարությանը այդ օրերին գտնվում էին Կարսի ճակատում: Նրանք, ժամանելով Կարս, լինում են ռազմաճակատի տարբեր հատվածներում տեղաբաշխված զորամասերում, ապա զորքերում տիրող իրական կացությունը առավել խորությամբ պարզաբանելու և անհրաժեշտ եզրահանգումներ կատարելու նպատակադրությամբ գումարում են խորհրդակցություն, որին մասնակցում են նահանգի քաղաքական ղեկավարությունն ու այդ ուղղությունում կենտրոնացած զորքերի բարձրաստիճան հրամանատարները:

Կարսի բերդաքաղաքի վերջին օրերի կացությունը ներկայացնող վավերագրերից մեկում այդ առնչությամբ նշվում է. «Կենտր. կոմիտեի նիստում, որ մասնակցում էին նահանգապետը և ուրիշ բարձրաստիճան պաշտոնեաներ, Փիրումեանը յայտարարեց, որ բերդը և նահանգը մատնուած է պարպման, որովհետև ֆուստի դրուժինը կատաստրոֆիկ է և «միմիայն հրաշքը կարող է մեզ փրկել»: Այդ յայտարարութեան շնորհիվ տեղի ունեցաւ խուճապ, որի մասին տեղեկութիւնը ուղարկուեց կենտրոնական կառավարութիւն: Կառավարութիւնը նշանակեց նախարարներ Վրացեանին և Բաբայանին Կարս, որոնք իրենց մէջ կենտրոնացնում էին կենտր. կառավարութեան բոլոր ֆունկցիաները և կարողացան իրենց հեղինակութեամբ յարդարել քաղ. և զինուորական իշխանութիւնների մէջ տեղի ունեցող անարդարութիւնները:

Երկու նախարարների ներկայութիւնը բաւականին ազդում էր ընդհանուր տրամադրութեան վրայ և թէ քաղաքացիք և թէ

պաշտօնեաները իրենց այնպէս անտէր ու լքուած չէին զգում, ինչպէս առաջ...»¹:

Ս. Վրացյանն ու Ա. Բաբայանը ռազմաճակատի տարբեր հատվածներում հաղորդակցվելով զինվորների, ինչպես նաև ազգաբնակչության հետ և մտտիկից ծանոթանալով ու առավել հստակ և որոշակի կարծիք կազմելով Կարսի ուղղությունում տեղաբաշխված զորամասերում տիրող իրավիճակին՝ համապատասխան զեկուցագիր տեղեկագիր են հղում հանրապետության կառավարությունը:

«Մենք,- գրում է Ս. Վրացեանը,- տեղեկագրում գրել էինք մի շարք պահանջներ, որոնցից յիշում եմ հետեւյալ կետերը:

Արագ և կտրուկ միջոցներ ձեռք առնել է մաքրելու համար զորամասերը անբաղձալի տարրերից, յատկապես թաքուն բուլչեիկներից:

Պաշտօնից հեռացնել Դանիէլ Բէկ-Փիրումեան(Կարսի բերդապետ գեներալ Փիրումյանը պատերազմի նախօրերին ավտովթարի ենթարկվելով կտորել էր ոտքը և դժվարանում էր ինչպես հարկն է ղեկավարել բերդաքաղաքի պաշտպանական գործողությունները-Ղ.Գ.) և Յովսեփեան զօրաւարներին և նրանց տեղերը նշանակել աւելի եռանդուն ու հաւատարմ հրամանատարներ»²:

Ամենակարեւորը, անկասկած, ռազմաճակատի հրամանատարի հարցն էր: Ու՞մ պետք է վստահել պատերազմի կարեւորագույն ուղղության՝ Կարսի ռազմաճակատի հրամանատարությունը:

Հանրապետության կառավարությանը հղած վերոհիշյալ զեկուցագրում անդրադառնալով նաև այդ հարցին՝ Ս. Վրացյանն ու Ա. Բաբայանը առաջարկում են. «Դրոյին Սուրմալուի ճակատից փոխադրել Կարսի ճակատ: Սուրմալուի ուղղությունում դեռ տաք կռիւներ էին տեղի ունենում, բայց մեզ թւում էր, որ Կարսի ճակատը աւելի էր վտանգուած: Մեր համոզումով թշնամին այստեղից պիտի հասցնէր վճռական հարուածը, հետեւաբար, անյետաձգելի անհրաժեշտութիւն էր ուժեղացնել ռազմաճակատը՝ Դրոյի նմա բացառիկ ժողովրդականութիւն վայելող մարտական մի ուժով: Բաբայանը և Բաբայանը առանձնապես պնդում էր այս պահանջի վրայ: Հետաքրքիր էր, որ Դանիէլ Բեգն էլ (նկատի ունի գեներալ Դ. Փիրումյանին-Ղ.Գ.) ցանկալի է համարում Դրոյի տեղափոխութիւնը»³:

Այս անգամ չի կրկնվում այն, ինչ տեղի ունեցավ 1918 թ. Մայիսյան հերոսամարտերի ժամանակ: Այն ժամանակ, ինչպես արդեն

¹ ԳՂԱ, ք. 10/10, գ. 65:

² Վրացեան Ս., Կեանքի ուղիներով, 1960, հ. Բ, էջ 3:

³ Նույն տեղում:

նշվել է, հայկական բանակի հրամանատարութունը, սթափ գնահատելով Սուրմալուի ճակատում ստեղծված ծանրագույն իրավիճակը, ճիշտ ժամանակին կատարեց ռազմաճակատի հրամանատարի փոփոխությունը, եւ Սուրմալուի ռազմաճակատի հրամանատար Դանիել Բեկ-Փիրումյանին փոխարինեց Դրոն: Բայց այս անգամ իրադարձությունները զարգանում են բոլորովին այլ ուղղվածությամբ:

Կարսի ճակատում եւ բուն բերդաքաղաքում տիրող կացութեան ու իրենց առաջարկությունների վերաբերյալ կառավարության ներկայացուցիչների կողմից Երեւանին հասցեագրած զեկուցագիր-տեղեկագիրը անհետեւանք չի մնում: Կառավարության ներկայացուցիչների կողմից առաջ քաշած հարցերն ու առաջարկությունները տեղում քննարկելու եւ համապատասխան վճիռներ կայացնելու նպատակով ՀՀ զինվորական նախարարության հանձնարարությամբ իր օգնականներով Կարս է գալիս Սարիղամիշ-Կարս ռազմաճակատի ընդհանուր զորահրամանատար գեներալ Սիրիկյանը (Սարիղամիշ-Կարս ռազմաճակատի հրամանատարական կետն ու շտաբը գտնվում էին Ալեքսանդրապոլում-Հ. Գ.):

«Բոլոր պաշտօնական տեսակցութիւններից եւ արարողութիւններից յետոյ,- շարունակում է Ս. Վրացյանը,- Զօր. Սիրիկեանը, Ա. Բարալեանը եւ ես, երեքով ունեցանք մտերիմ խօսակցութիւն զօրաւարի սալոն վագոնում: Ներկայ էր եւ զօրաւարի շտաբի պետը (գնդապետ Վեքիլեան:) Սիրիկեան դրեց մեր առջեւ Երեւան ուղարկած մեր տեղեկագիրը, որ զինուորական նախարարութիւնը փոխադրել էր նրան հեռագրով եւ ասաց.

- Գոլուբչիկի(սիրելիներ), այս բոլորը, որ դուք հեռագրել էք, ինձ ծանօթ է, բայց ասացէք, խնդրեմ, ես ի՞նչ կարող եմ անել: Ի՞նչ կարող եմ անել զինուորական նախարարը կամ սպարապետը: Ուզում էք Դրոյին բերել այստեղ- ես էլ եմ ուզում- բայց ո՞վ պիտի բռնի նրա տեղը: Եթէ Երեւանը անցնի թշնամու ձեռքը, ի՞նչ արժէք կունենայ Կարսի ճակատը:

Ասում էք պաշտօնից հեռացրէք Դանիել Բէգին կամ Յովսէփեանին: Շատ բարի, նրանց տեղը ո՞ւմ դնենք: Մեր երիտասարդ ու գործօն ուժերը կապուած են ռազմաճակատի հետ, թիկունքում մնացել են կամ ձերուկները կամ յիմարները...»¹:

Գեներալ Մ. Սիրիկյանի փաստարկները նույնպես տրամաբանական էին՝ թելադրված ու հիմնավորված ստեղծված կացութեամբ:

Իրոք, չափազանց ծանր էր տվյալ իրավիճակում մարտական ուժերի, հատկապես բանիմաց, կարող հրամանատարական կազմի ճիշտ եւ համապատասխան ընտրությունն ու տեղաբաշխում կատարել: Նույնիսկ այնպիսի փորձառու զորապետեր, ինչպիսիք էին գեներալներ Թ. Նազարբեկյանը, Հախվերդյանը (հանրապետության բանակի շտաբի պետ), Մ. Սիրիկյանը, իսկ հանրապետության զինված ուժերում նրանցից առավել խորագետ ու փորձառու զինվորականներ չկային, ի զորու չէին երբեմն ամենաարդունավետ վճիռներ կայացնել ու հրամանատարական կազմի ամենաճշգրիտ ընտրություն կատարել, քանի որ այդ նույն օրերին ռազմաճակատի գրեթե բոլոր ուղղություններից պահանջում էին համալրում ու օգնական ուժեր, իսկ ՀՀ զինված ուժերի հրամանատարության տրամադրության ներքո գտնվող մարտական ուժերը, հատկապես հրամանատարական կազմը, քանակական եւ առավելապես որակական առումով սահմանափակ էին:

Հանրապետության վերջին իրադարձությունների վերլուծությամբ նվիրված փաստաթղթերից մեկում այս հարցի լուսաբանման առնչությամբ նշվում է. «Հրամանատարական կազմի թուլութիւն: Այդ պակասը շատ մեծ էր եւ ամէն քայլափոխում զգացում էր: Ռուսական բանակում երկրորդական պաշտօններ վարող զինուորականները, որոնք լաւ ստորադրեալներ էին մեծ բանակում, շուտափոյթ կերպով աստիճանի բարձրացում ստացան եւ իրենց նոր պաշտօններին անհամապատասխան լինելով՝ վճռական ըրպէին երեւան հանցին իրենց թուլութիւնն ու անկարողութիւնը...»

Սպայութեան պակաս. Հայաստանի Հանրապետութիւնը իր գոյութեան կարճ ժամանակամիջոցում հնարաւորութիւն չունեցաւ ստեղծելու սպայութեան թաւմ եւ նոր կազմ ու հայկական զօրաբանակը կառաւարում էր ռուսական բանակից մնացած հայ սպաներով: Վերջին երկույ տարուա ընթացքում բազմաթիւ կոիւնների շնորհիւ այդ սպայութիւնը նուազեց, պակասեց եւ զօրամասերը մնացին աւելի քիչ թւով կամ նոր նշանակուած սպաների ձեռքը...»¹:

Անժխտելի է, որ պատերազմական իրավիճակում հրամանատարությունն անհրաժեշտորեն պարտավոր է, առանց որեւէ բացառության, կարեւորել բոլոր ճակատները: Բայց հայ-թուրքական պատերազմում ՀՀ զինված ուժերի հրամանատարությունը, այնուամենայնիւ, պարտավոր էր Սարիղամիշ-Կարս ուղղության վրա առաձնահատուկ ուշադրություն դարձնել, քանի որ այնտեղ էին կենտրո-

¹ Նույն տեղում:

¹ ԳԳԲԱ, քժ. 121, գ. 97 («Հայաստանի վերջին անցքերը», էջ 21), էջ 4:

նացված հակառակորդի հիմնական ուժերը, եւ հետեւաբար այնտեղ էին ընթանալու պատերազմական հիմնական գործողություններն ու, ինչպես ցույց տվեց ժամանակը, հենց այդ ուղղությունում էր վճռվելու Հայաստանի Հանրապետության ճակատագիրը:

Դրոյին Կարսի ռազմաճակատ տեղափոխելու կողմնակիցներից մեկի՝ գեղապետ Տիգրան Բաղդասարյանի վկայություններից պարզվում է, որ նրան հայկական բանակի եւ անձամբ սպարապետ գեներալ Թ. Նազարբեկյանի կողմից Կարսի ուղղություն տեղափոխվելու առաջարկություն, այնուամենայնիվ, եղել է: Այդ նույն վկայությունները նաեւ հավաստում են, որ Դրոն նախապատվություն տալով Սուրմալուին՝ չի համաձայնվել ընդունել Կարսի ռազմաճակատի հրամանատարությունը:

«Զորավար Նազարբեկեանը,- գրում է Ս. Վրացյանը,- առաջարկեց Դրոյին ստանձնել Կարս-Սարիղամիշ ճակատի հրամանատարությունը, Դրոն գերադասեց ընդունել Սուրմալուի ռազմաճակատի պաշտպանությունը...»¹:

Գնդապետ Տիգրան Բաղդասարյանը նույն հարցի կապակցությամբ նշում է հետեւյալը. «Գիշեր մը Դրոյի հետ Իգդիր, բրիգադի շտաբն ենք: Ուղիղ հարաբերութեան մէջ է սպարապետութեան հետ: Զոր. Նազարբեկեան կը յայտնէ թէ եղած կարգադրութեան համաձայն Դրոն պէտք է պատրաստուի անմիջապէս մեկնելու Կարսի ճակատը առանձին զօրամասով մը: Դրոն գոհ չմնաց այդ կարգադրությունէն եւ խնդրեց սպարապետէն, որ իրեն արտօնուի գիշերով երեւան հանդիպել եւ վերադառնալ:

Դրոն գնաց եւ եկաւ: Հրամանը փոխուած էր: Դրոն կը մնար Սուրմալու, մեր գունդը կը մեկնէր Կարս (նկատի ունի իր գլխավորած 7-րդ գունդը, որը մինչ այդ գտնվում էր Սուրմալուի ճակատում-Չ.Գ.)»²:

Ռազմաճակատների հրամանատարության ընտրության հարցում ներկայացնելով նաեւ Դրոյի դիրքորոշումը՝ գեղապետ Տ. Բաղդասարյանը դատապարտելով հայկական հրամանատարության այդ սխալ եւ վնասակար որոշումը՝ պնդում է. «Իմ կարծիքով առաջին մեծ սխալներէն մէկը եղաւ այս, զոր գործեց սպարապետութիւնը, կոիւներու սկզբնական շրջանին, ատոր հետեւանքները յետագային պիտի կրէինք դառնօրէն...»³:

Ռազմաճակատների հրամանատարների փոփոխություն տեղի չի ունենում: Հայկական բանակի հրամանատարությունը, վստահ իր զորամասերի մարտունակությանն ու կարողությանը, լրջորեն նախապատրաստվում է հոկտեմբերի 14-ին ընդհանուր եւ վճռական հարձակում ձեռնարկել Կարսի ճակատում: Ծրագրած գործողությունը հաջողությամբ կենսագործելու պարագայում հրաշալի հնարավորություն էր ընձեռվում ոչ միայն թուրքական զորքերին մեկընդմիջտ դուրս չարտել Հայաստանի տարածքից, այլեւ զարգացնել հարձակումը եւ շարժվել դեպի Էրզրում ու Արեւմտյան Հայաստանի խորքերը:

Ներկայացնելով Կարսի ճակատի հրամանատարության տրամադրվածությունը, Կարո Սասունին, որն այդ ժամանակ, որպես Ալեքսանդրապոլի նահանգապետ, գտնվում էր ռազմաճակատի ընդհանուր զորահրամանատարի շտաբում, նշում է, որ հայկական բանակի հաղթանակին չէին կասկածում գեներալ Միլիկյանն ու նրա գլխավորած շտաբը: Ավելին, իսկ նրա շտաբի պետ գեղապետ Վեքիլյանը «...չատ արհամարհական վերաբերմունք մը ունէր թրքական ուժերու հանդէպ. նա ոչ մէկ կասկած ունէր, որ մեր զօրքերը հոկտեմբերի 14-ի յարձակողականի յաջորդ օրն իսկ՝ ետ պիտի գրաւեն Սարիղամիշը»⁴:

Ս. Վրացյանը, որն այդ նույն օրերին Արտաշես Բաբայանի ընկերակցությամբ դեռեւս գտնվում էր Կարսի ուղղությունում, անդրադառնալով հայկական հրամանատարության կողմից շատ թույլ կազմակերպված հոկտեմբերի 14-ի ծ հարձակմանը, գրում է. «Մեր աշխարհը Կարսն էր: Մեր մտասեւեռումը՝ Հոկտեմբերի 14-ը: Անքուն գիշերներ: Ամէն ինչ հոկտեմբեր 14-ի համար: Սրտատրոփ սպասում էինք վճռական ժամին...Մեր թխանձագին խնդրանքը, գոնէ Հոկտ. 14-ի օրերին, Դրոյին ուղարկել Կարսի ճակատ՝ մնաց անլսելի: Սուրմալուի ճակատը կայունացել էր, եւ երեւանին անմիջապէս վտանգ չէր սպառնում. Դրոյի ներկայությունը Հոկտ. 14-ի ընդհանուր յարձակման վրայ անկասկած բարեւար դեր կը կատարէր:

Մեր խնդրանքը, որ գոնէ զինուորական նախարարը կամ նախարարապետը Հոկտ. 14-ից առաջ այցելեն Կարսի ճակատը, նոյնպէս դրական հետեւանք չունեցաւ...»⁵:

Ճակատամարտի նախօրեին՝ հոկտեմբերի 13-ին, Ս. Վրացյանն ու Ա. Բաբայանը բարձրացել են բերդ, ապա գնացել են առաջավոր դիրքերը, տեսել են ամրություններն ու հանդիպել Կարսի նահան-

¹ Վրացեան Ս., Կեանքի ուղիներով, հ. Բ, էջ 4:

² Մատենաշար «Ռազմիկ», թիւ 1, «Հայաստանի Հանրապետութեան վերջալոյսին», գրեց Տ. Բաղդասարեան, Փարիզ, 1937, էջ 234:

³ Նույն տեղում:

⁴ «Հայրենիք» ամսագիր, 1926, ապրիլ, էջ 82:

⁵ Վրացեան Ս., Կեանքի ուղիներով, հ. 2, Պէյրուս, 1960, էջ 248:

գապետ Ղորղանյանին ու զրուցել են զինվորների ու զորամասերի հրամանատարների հետ:

«... Ամէն ինչ-գորւմ է Ս. Վրացյանը,- լաւ էր երեւում: Հրամանատարները առանձին դժգոհութիւն ցոյց չէին տալիս: Զինուորները երեւում էին հանգիստ: Գիտէ՞ր թշնամին, թէ ի՞նչ հարուած էր պատրաստուում իր դէմ...»

...Ինձ այնպես էր թւում, որ յաջորդ օր, հոկ. 14-ին, պիտի որոշուէր Հայաստանի Հանրապետութեան բախտը¹:

Հարկ է ընդգծել, որ ճակատամարտի նախօրին հայկական զորքերը թվաքանակով ու հատկապես զինվածութեամբ զգալիորեն գերազանցել են թուրքական զորքին: Հավանաբար այդ հանգամանքն էր հաղթանակի հանդեպ վստահութիւն ներշնչում հայկական զորքերի հրամանատարութեանը:

Այս անգամ Ս. Վրացյանի ներքին զգացողութիւնը նրան չէր խաբում: Իրոք, հոկտեմբերի 14-ին տեղի ունեցած ճակատամարտը մեծապես պայմանավորեց ոչ միայն Կարսի եւ Դրոյի գլխավորած Սուրմալուի ռազմաճակատներում ծավալվող մարտական գործողութիւնների հետագա ընթացքը, այլ նաեւ Հայաստանի Հանրապետութեան բախտը:

Հոկտեմբերի 14-ի վճռորոշ ճակատամարտի ընթացքի, ճակատամարտող կողմերի մարտական ուժերի հարաբերակցութեան վերաբերյալ պահպանվել են խիստ ուշագրավ, նաեւ իրարամերժ տեսակետներ: Կ. Սասունու հավաստմամբ՝ հայկական կողմից հոկտեմբերի 14-ի հարձակմանը մասնակցել են «...Արտահանեն մինչեւ Հաճի-Նալիլ երկրորդ ճակատի վրայ գործող բանակի թիւը կը հասնէր 14 գումարտակի, մօտ 12000 զինուորներով, իսկ Ալեքսանդրապոլէն մինչեւ Կարս ընդհանուր պահեստի ուժերը կը հաշուին 4000 սուլին»²:

Ներկայացնելով հակառակորդի մարտական ուժերի քանակը՝ Կ. Սասունին նշում է, որ ըստ Կարսի ռազմաճակատի հրամանատարութեան տվյալների «...թրքական բանակի զինուորներու թիւը 4000 - էն վեր չէ: Իրոք, այդ գիշերուայ Կարսէն եկած զեկույցը կը յայտնէր, թէ թուրքերը ճակատի վրայ կեդրոնացուցած են 9 գումակ, ամենէն շատը 4000 զինուորով»³:

Եթե այդ ամենին, ըստ Կ. Սասունու, գումարենք պահեստի ուժերը, ապա ստացվում է, որ հայկական 15000 մարտիկներից բաղկա-

ցած զորաբանակին դիմակայելու էր թուրքական ընդամենը 5000 թվակազմ ունեցող զորքը, որին աջակցում էին քրդական հեծյալ զինախմբերը¹:

Ինչպիսին էլ լինեւր հակամարտող կողմերի զինական ուժերի քանակական հարաբերակցութիւնը, ուշագրավն այն է, որ ճակատամարտում հայկական զորքերը կարողացել են մինչեւ երեկո հաջողութեամբ զարգացնել հարձակումը, սակայն, այնուամենայնիւ, արդյունքում մատնվել են անհաջողութեան եւ դիմել անկանոն նահանջի: Ինչո՞ւ հայկական զորքերի հարձակումը, որի հաջողութեանը ՀՀ կառավարութիւնը, բանակի եւ Կարսի ճակատի հրամանատարութիւնը չէր կասկածում, մատնվեց անհաջողութեան:

Պիտի նկատել, որ չեն պայհպանվել կամ ընդհանրապես գոյութիւն չունեն ռազմաճակատում ընթացող մարտական գործողութիւնների, մասնավորապես Հոկտեմբերի 14-ի հարձակման մանրամասները ներկայացնող ռազմական ամփոփագրե: Հոկտեմբերի 14 - ի հարձակման անհաջողութեան լուսաբանմանը, ըստ իս, ոչ այնքան հիմնավոր եւ մանրամասնութեամբ անդրադարձել են Ս. Վրացյանը, Կ. Սասունին եւ Իրազեկը, որոնք այդ օրերին գտնվում էին Կարսի ռազմաճակատում: Առանձնապես ուշագրավ է եւ ինչ - որ տեղ առեղծվածային ու փոքր-ինչ անհավատալի է Ս. Վրացյանի հետեւյալ նկարագրութիւնը. «...Ճիշտ նշանակուած ժամին, ռազմաճակատի ամբողջ երկայնքի վրայ սկսուեց ընդհանուր յարձակումը: Որոտացին թնդանօթները: Հեռուից ու մօտից լսուեցին հրացանի համազարկերի եւ գնդացիների տրաքտրաքոցը: Ուուա՛, կեցցէ՛...»

Թշնամին, յանկարծակիի եկած, սկսեց յետ քաշուել:

...Թւում էր, թէ ամէն ինչ անցնում է առանց խոչընդոտի, ըստ ծրագրի... Մէկ էլ ի՞նչ պատահեց ձախ թեւում: Ինչ որ անորոշ աղմուկ, հեռուից հետզհետէ մօտեցող համազարկեր: Ծակատի հրամանատարի դէմքին ջղային անհանգստութիւն: Ի՞նչ է պատահել:

...Յիշում եմ միայն հրամանատարի խոպոտ ձայնը, որ աշխատում էր կեցնել սարսափահար փախչող զինուորներին, որոնց ալիքը ինձ էլ քշեց տարաւ հետը...»²:

Կ. Սասունին նույնպես վկայում է, որ մինչեւ երեկո ճակատամարտը ծավալվում էր հայկական բանակի առավելութեամբ ու թելադրանքով: Սակայն երեկոյան տեղի է ունենում անսպասելի արմատական բեկում: Թուրքական զորքերը պաշտպանութիւնից անց-

¹ Նույն տեղում, էջ 249:

² «Չայրեմիք» ամսագիր, 1926, ապրիլ, էջ 82:

³ Նույն տեղում:

¹ Տե՛ս նույն տեղում, էջ 93:

² Վրացեան Ս., Կեանքի ուղիներով, հ. Բ, էջ 250:

նում են հարձակման, եւ հայկական զորամասերը, առաջին հերթին 5-րդ եւ 7-րդ գնդերը, խուճապի մատնվելով սկսում են անկազմակերպ նահանջել¹:

Իրականում ի՞նչ կարող էր կատարվել, որը ստիպել էր հաջողութեամբ հարձակվող հայկական զորքին մատնվել խուճապի եւ անկանոն նահանջել: Հայկական զորքերի այդ, հիրավի, առեղծվածային նահանջի մասին Ս. Վրացյանը տալիս է հետեւյալ բացատրությունը. «Երեկոյան, երբ յոգնած ու ջարդուած հաւաքուել էինք Բժ. Գազանջեանի տանը, յայտնի եղաւ, որ մեր զօրքի յառաջխաղացման ընթացքում, ձախ թեւի թշնամու կողմից լսուել են հայերէն ձայներ. «Ընկերներ՛ր, մի՛ կուռէք մեր դէմ. մենք ձեր ընկերներն ենք... Անցկի՛ դաշնակների իշխանութիւնը»:

Բուշուեիկեան բացականչութիւնները լսուել են ոչ միայն թուրքական բնակում, այլեւ մեր զինուորների մէջ ջգտնվող հայ բուշուեիկների կողմից եւ այդ հանգամանքը առաջ է բերել իրարանցում ու անորոշութիւն: Թշնամին կենտրոնացրել է կրակը այդ թեւի վրայ, որտեղից սկսուել է փախուստը: Զախ թեւի փլուզումը անդրադարձել է եւ ճակատի միւս մասերի վրայ»²:

Ճակատամարտի մանրամասները ներկայացնող հեղինակների հավաստմամբ, հայկական զորքերի անկազմակերպ նահանջը անակնկալ էր ոչ միայն հայկական կողմի, այլ նաեւ թուրք հրամանատարութեան համար: Ըստ նրանց գնահատման, հենց այդ հանգամանքն է նպաստել, որ թուրքական զորքերը չեն շարունակել ինչպես հարկն է հետապնդել խուճապի մատնված անկազմակերպ նահանջող հայկական զորամասերին³:

Կարելի է եզրակացնել, որ ճակատամարտում տեղի ունեցածը թուրք հրամանատարութեան եւ նրանց համազործակցող ու ջակցող հայ բուշուեիկների կողմից նախատեսվել ու մշակվել էր վաղօրոք, այլապես ինչպէ՞ս բացատրել այն խայտառակութիւնը, ինչ կատարվել է ճակատամարտում:

Ըստ Կ. Սասունու հավաստման, կուլի ամենավճռական պահին հայկական զորքերի կենտրոնում գտնվող 5-րդ (մայիսյան դեպքերից հետո այդ գունդը գտնվել է բուշուեիկների ազդեցութեան տակ — Լ. Գ.), 7-րդ գնդերը եւ գնդապետ Մազմանյանի գլխավորած 1-ին գնդի երկու վաշտերը անսպասելիորեն լքում են մարտադաշտը:

¹ Տե՛ս «Չայրենիք» ամսագիր, 1926, ապրիլ, էջ 82:
² Վրացեան Ս., Կեանքի ուղիներով, հ. Բ, էջ 250:
³ Նույն տեղում:

Ճակատամարտի վճռական պահին այդ զորամասերի անկանոն հեռանալը իր բացասական ազդեցութիւնն է գործում ճակատի մյուս տեղամասերում մարտնչող զորքերի մարտական տրամադրվածութեան վրա: Հայկական զորքերը խուճապի են մատնվում եւ հարկադրված նահանջում⁴:

Քանի որ բացակայում են հոկտեմբերի 14-ի ճակատամարտի այդ բախտորոշ պահը, այն է՝ մարտադաշտից հայկական զորքերի անհասկանալի հեռանաու պատճառը փաստարկող մեկ այլ սկզբնաղբյուր, ապա դժվար է միանշանակորեն ընդունել կամ ժխտել Ս. Վրացյանի եւ Կ. Սասունու նկարագրածի իսկութիւնը:

Եթե ընդունենք, որ իրոք հայկական զորքերի շարքերում առաջացած խուճապը պայմանավորված է Ս. Վրացյանի ներկայացրած իրողութեամբ, ապա հարց է ծագում. մի՞թե հայկական զորքերն իրողութեամբ, ապա հարց է ծագում. մի՞թե հայկական զորքերն առաջնորդող հրամանատարներն ի գորու չէին վճռական քայլեր ձեռնարկել կանխելու զինվորների մեջ տարածված խուճապային տրամադրութիւնն ու շտկել ստեղծված իրավիճակը: Համանման քառսային եւ լարված կացութիւնում հրամանատարը պարտավոր է դրսեւորել իր մարտական ողջ կարողութիւններն ու անձնական օրինակով եւ խիզախութեամբ ոգեշնչել ու առաջնորդել զինվորներին: Կարելի է ասել, որ հոկտեմբերի 14-ի ճակատամարտի վճռական ժամանակահատիկին հայկական զորքերն առաջնորդող հրամանատարների մեջ պահին հայկական զորքերն առաջնորդող հրամանատարների մեջ հավանաբար չի գտնվել մեկը, որը կարողանար ճակատագրական պահին դրսեւորել բարձրակարգ հրամանատարին բնորոշ մարտական որակներ եւ անհրաժեշտ ու վճռորոշ քայլեր գործադրել՝ բեկում մտցնելու ծավալվող գործողութիւններում:

Այս առումով ուշագրավ է Վահե Արծրունու հետեւյալ գնահատականը. «Հայկական իրականութեան մէջ ո՞ր հրամանատարը վտանգի պահուն ինքզինք նետեց կրակին մէջ՝ փրկելու իր եւ իր զօրքի պատիւը. չկորցնելու ճակատամարտ մը ու առիթ չտալու, որ խուճապի հոգեբանութիւն մտնէր շարքերուն մէջ»⁵:

Մի էական հանգամանք եւս. ինչպիսի՞ն էին հայկական բանակի բարձրաստիճան հրամանատարների պատերազմական գործողութիւններ վարելու ուղղամարտութիւնն ու մարտավարութիւնը: Հանրապետութեան զինված ուժերի սպարապետ, գեներալ Թ. Նազարբեկյանի հրամանատարական կետը, անգամ մարտական

⁴ Տե՛ս Սասունի Կ., Չայ-թրքական պատերազմը (1920-ից), էջ 75-76:
⁵ Վահե Արծրունի, Սշվ. աշխ., էջ 374-375:

գործողութիւնները ղեկավարելիս, որպէս կանոն գտնվել է ռազմաճակատից հեռու: 1920թ. հայ - թուրքական պատերազմի ժամանակ նա գրեթէ մշտապես եղել է մայրաքաղաքում եւ հազվադեպ է հայտնվել ռազմաճակատում: Կարսի ռազմաճակատի ընդհանուր զորահրամանատար, գեներալ Մովսէս Սիլիկյանի հրամանատարական շտաբը, Ալեքսանդրապոլում էր, եւ նա նույնպէս մարտական գործողութիւնները ղեկավարել է՝ գտնվելով ճակատամարտի դաշտից զգալի հեռավորութեան վրա: Կռիվներ վարելու նույն մարտավարութիւնն են դափանել նաեւ գեներալներ Հովսեփյանն ու Դանիել Բեկ-Փիրումյանը, որը ոտքի վնասվածքի պատճառով ընդհանրապես որեւէ անգամ չի եղել մարտադաշտի առաջավոր բնագծերում:

Անժխտելի իրողութիւն է. մարտական անբասիր կարողութիւններով օժտված հրամանատարը կռիվների ժամանակ, որպէս օրենք, երբեք հեռու չի գտնվում իր զորքից: Նա պետք է գտնվի իր զինվորների կողքին եւ պատրաստ լինի յուրաքանչյուր պահին, հատկապէս ճգնաժամային, սառնասրտորեն ու սթափ գնահատել իրավիճակն ու կայացնելով ստեղծված կացութեանը համահունչ որոշում՝ համարձակորեն առաջնորդել զինվորներին:

Որեւէ կասկած լինել չի կարող, որ այդ ճակատամարտում հայկական զորքերի պարտութեան հիմնական պատճառը եղել է որ միայն Ս. Վրացյանի վկայակոչած իրողութիւնը, այլեւ Սարիղամիշ-Կարս ռազմաճակատի հրամանատարութեան թուլութիւնն ու կռիվներ վարելու նրանց դափանած ոչ կենսունակ, ստեղծված կացութեան անհարիր մարտավարութիւնը:

Համաձայն Կ. Սասունու վկայութեան, սպարապետ Նազարբեկյանն ու գեներալ Սիլիկյանը հոկտեմբերի 18-ին եկել են Կարս ու զորքերի հրամանատարութեան անհրաժեշտ հրահանգներ տալուց հետո, վերադարձել Ալեքսանդրապոլ¹:

Հայաստանի Հանրապետութեան զինվորական նախարար, գեներալ Հ. Հախվերդյանի գնահատմամբ՝ «Գեներալ Փիրումովը ո՛չ իր ռազմական գիտելիքների, ո՛չ ընդհանուր զարգացվածութեան եւ ո՛չ էլ խելքի առումով ամենեւին չէր համապատասխանում ամբողջ պարտի պաշտոնին»²:

Հայրենական պատմաբաններից Ա. Հակոբյանը, վերլուծելով հայ-թուրքական պատերազմի ժամանակ հայկական զորքերի կրած պար-

տութեան պատճառները, գեներալներ Փիրումյանի եւ Հովսեփյանի գործունեութեանը տալիս է հետեւյալ գնահատականը. «Բացի ռազմական գործի ճախողումներից վերջիններս առանձնապէս աչքի չեն ընկել նաեւ բարոյական կայունութեամբ եւ անձնական համեստ կյանքով: Նրանք, պատերազմի թե՛ շրջանում իրենց անձնական շահը վեր դասելով հայրենիքի պաշտպանութեան եւ անվտանգութեան շահից, ավելի շատ մտահոգված էին ոչ այնքան Կարսի դիրքերը պահելու, որքան իրենց թալանած նախիրները եւ կահկարասիքը անվնաս թիկունք փոխադրելու»¹:

Գեներալներին տրված Ա. Հակոբյանի որակումը առավելապէս վերաբերվում է Հովսեփյանին, որը թուրքական զորքերի Կարսի բերդաքաղաքին մոտենալու ժամանակ, վրացի առեւտրականների հետ զբաղված է եղել կռիւների առջ ու վաճառքով: Որպէս ապացույց գեներալներին տված իր վերոհիշյալ գնահատականի, Ա. Հակոբյանը մեջբերում է Կարսի նահանգապետ Գ. Չալխուշյանի հետեւյալ վկայութիւնը. «...զորավար Ա. Հովսեփյանը, փոխանակ զորքին ինքնաշարժերով փամփուշտ հասցնելու, դրանցով իր կահկարասիքը եւ կաթնատնտեսութեան գործիքները ապահով փոխադրում էր Ալեքսանդրապոլ»²:

Ի դեպ, հոկտեմբերի 14-ի ճակատամարտում հենց գեներալ Հովսեփյանի գլխավորած զորամասերն են առաջինը մատնվել խուճապի եւ դիմել անկանոն նահանջի, ավելի ստույգ՝ փախուստի:

Պիտի ընդգծել, որ համանման իրավիճակում արդարացի են բոլոր նրանք, ովքեր պահանջում էին Դրոյին տեղափոխել Կարսի ճակատ: Դրոն, ի տարբերութիւն վերոհիշյալ զորապետների, կռիվները վարելիս առաջնորդվել է ճիշտ հակառակ մարտավարութեամբ: Որպէս օրենք, կռիվների ողջ ընթացքում նա մշտապէս գտնվել է շարժման մեջ եւ գերադասել է առավելապէս լինել մարտադաշտում, զինվորների կողքին: Բազմաթիվ են դեպքերը, երբ նա, ամենաճգնաժամային պահին հայտնվելով մարտադաշտի ամենադժգոյարի տեղամասում, կարողացել է ակնթարթորեն ճիշտ կողմնորոշվել եւ իր անձնական օրինակով ոգեշնչել ու մարտի առաջնորդել խուճապի մատնված զինվորներին:

Կարելի է վստահորեն պնդել, որ եթէ Դրոն այդ պահին լիներ մարտադաշտում, անպայմանորեն կհայտնվեր ճակատամարտի ամենաշիկացած կետում, իր զինվորների կողքին եւ իր անձնական օրինակով կոգեւորեր ու կառաջնորդեր նրանց դեպի հաղթանակ:

¹ Տե՛ս Սասունի Կ., Հայ-թուրքական պատերազմը (1920-ից), էջ 83:

² ՀԱԱ, ֆ. 45, ց. 1, գ. 32, ք. 12:

¹ Հակոբյան Ա., 1920 թ. Թուրք-հայկական պատերազմի փորձն ու դասերը, Երեւան, 2004, էջ 19:

² Նույն տեղում:

Մի պերճախոս վկայությունն Դանիել Բեկ-Փիրումյանի հուշերից, որը լավագույն բնութագիր է Դրոյի մարտական կարողությունների ու դավանած մարտավարության:

«Դրոյի հետ, - վկայում է Դանիել Բեկ-Փիրումյանը, - Իզդիր ճակատում կուռում էինք տաճիկների դէմ: Մի օր, Արաքս գետի ձախ ափում, նստած ճաշում էինք մի քանի բարձրաստիճան զինուորականների հետ, մէկ էլ տեսնենք Արաքսի միւս ափից մեր զինուորները փախչում են: Դրան անմիջապէս տեղից վեր ցատկեց, մեզ մօտ արածում էր մի ձի, իրեն գցեց ձիու վրայ եւ քշեց գետի մէջ, անցաւ միւս ափը, կանչելով. «Տղերք ջան, ես ձեզ մատաղ հլնեմ, ո՞ւր էք փախչում, յետ դարձէք, պարոն Դրօն է: Զօրքը շունչ ու հոգի առած, յետ դարձաւ, մի լաւ ջարդ տալով տաճիկներին, բաւականի տեղ յետ գրաւեց: Եթէ մենք լինէինք, քարտէզին պիտի դիմէինք: Հետախուզութիւն կատարէինք, մինչ այն մեր բանակը կանցնէր Արաքս գետը: Դրոյի մեծութիւնը դրանում էր եւ հաջողութիւնն էլ նման երեւոյթների մէջ էր»¹:

Հոկտեմբերի 14-ի հարձակողական գործողությունից հետո ռազմաճակատում ժամանակավորապէս տիրում է հարաբերական հանգիստ իրավիճակ:

Ս. Վրացյանը Կարսի բերդաքաղաքից վերադառնում է մայրաքաղաք եւ իր նկատառումներն ու առաջարկություններն է ներկայացնում հանրապետության կառավարության քննութայնը: Հոկտեմբերի 21-ին տեղի է ունենում Հայաստանի կառավարության նիստը, որին մասնակցելու համար ճակատից մայրաքաղաք են կանչում նաեւ Դրոյին: ՀՀ կառավարության նիստում բազում այլ հարցերի թվում քննարկվում են Կարսի ռազմաճակատին վերաբերող հարցերը եւ նախարարներ Ս. Վրացյանի ու Ա. Բաբայանի ներկայացրած առաջարկությունները:

«Ժամը 3-ին, - գրում է Ալ. Խատիսյանը, որը նախորդ օրն էր վերադարձել արտասահմանյան գործուղումից, - ներկայ գտնուեցայ կառավարութեան նիստին, որուն կը մասնակցէին նաեւ զինուորական հրամանատարութեան ներկայացուցիչները եւ խորհրդարանի նախագահը (նկատի ունի Հովհ. Բաջազնուուն-Հ. Գ.):

...Նիստին ներկայ էր Կարսէն նոր վերադարձած երկրագործութեան նախարար Ս. Վրացյանը: Քննութեան էր դրուած թուրքերու դէմ պատերազմը շարունակելու լաւագոյն եղանակի խնդիրը: Զօրաւարներ նազարբէկեան եւ Յովսեփեան իրենց կողմէն տեղեկութիւն տուին, որ թէեւ հոկտեմբերի 14-ի յարձակողականը չէ յաջո-

ղած, բայց հայ բանակի պաշտպանողական ուժը բաւարար է: Սիմոն Վրացեան բերած էր Կարսէն անձնական տպաւորութիւններ, որոնք կը վկայէին զօրքերու բաւական լաւ եւ ամուր տրամադրութեան, բայց հրամանատարական կազմի թուլութեան եւ ղեկավարող ձեռքի բացակայութեան մասին:

... Խորհրդակցութիւնը հաւանութիւն տուաւ շարք մը վարչական կարգադրութիւններուն, որոնցով կառավարութիւնը կուժեղացնէր երկրի պաշտպանողական ուժը եւ ցրուեցաւ բաւական լաւ տրամադրութեան տակ»¹:

Խորհրդակցությունում ներկայացնելով նաեւ ռազմաճակատներում տեղի ունեցած մարտական գործողություններից հետո Հայկական եւ թուրքական զորամասերի զբաղեցրած դիրքերն ու պաշտպանական բնագծերը՝ մասնակիցները նշել են. «...Սուրմալուի ճակատը Դրոյի զօրամասերը կը պահէին թշնամիին, իսկ Կարսի ուղղությամբ թուրքերը բռնած էին Կարսի առջեւ գտնուած դիրքերը»²:

Այս հաղորդագրությունը փաստում է, որ Հայաստանի կառավարությունը քաջատեղյակ էր ռազմաճակատներում հետեւյալ իրողությունը. եթե հոկտեմբերի 21-ի դրությամբ Սուրմալուի ճակատում Հայկական զորքերը հաջողությամբ իրենց տնօրինության տակ էին պահում պաշտպանական բնագծերը, ապա Կարսի ուղղությունում թուրքական զորքերին հաջողվել էր ընդհուպ մոտենալ բերդաքաղաքի մատուցներին:

Եթե առաջնորդվենք Ալ. Խատիսյանի ներկայացրած տեղեկություններով, ապա պիտի խոստովանել, որ ավելի քան անհասկանալի է կառավարության նիստերում ռազմաճակատի կացության վերաբերյալ Ս. Վրացյանի պաշտպանած տեսակետը: Չիշտ է, նա բացասական գնահատականներով է ներկայացնում Կարսի ռազմաճակատի հրամանատարների կարողությունները, բայց շեշտում է «զօրքերու բաւական լաւ եւ ամուր տրամադրութեան» մասին, թեեւ օրեր առաջ ՀՀ կառավարությանը հասցեագրած զեկուցագրերում զօրամասերում տիրող իրավիճակը ներկայացրել էր ճիշտ հակառակ ուղղվածությամբ:

Վ. Արծրունին, իր հուշերում մանրակրկիտ կերպով անդրադառնալով Կարսի ռազմաճակատում հայկական զորքերի պարտության պատճառների վերլուծությանը, իրավացիորեն իր զարմանքն է հայտնում ՀՀ կառավարության վերոհիշյալ նիստերում Ս. Վրաց-

¹ «Հայրենիք» օրաթերթ, 1956, ապրիլի 24:

¹ Խատիսեան Ալ., նշվ. աշխ., էջ 270:

² Նույն տեղում:

ցյանի արտահայտած «զօրքերու բաւական լաւ եւ ամուր տրամադրութեան» տեսակետի կապակցութեամբ: Նա խստորեն քննադատելով Կարսի ռազմաճակատի մի շարք հրամանատարներին, գրում է. «Աշխարհ գիտէ, թէ զօրաւարներ Բէկ Փիրումեան (Դանիէլ) եւ Յովսէփեան իրենց գործի մարդիկը չէին, բայց, փոխադարձ փափկանկատութեան մը շնորհիւ մինչեւ վերջ անոնք մնացին իրենց ռազմական ընդունակութիւններուն անհամապատասխան պաշտօնին գլուխը»¹:

Հաշվի առնելով ՀՀ զինվորական նախարարութեան տնօրինութեան ներքո գտնվող սպայական կազմի իրական հնարավորութիւնները, բանակի հրամանատարութեան կարծիքն ու ռազմաճակատի տարբեր ուղղութիւնների ռազմավարական նշանակութիւնը՝ Հանրապետութեան կառավարութիւնը նպատակահարմար չի գտնում կատարելու նախարարներ Ս. Վրացյանի եւ Ա. Բաբայանի կողմից Կարսի ռազմաճակատի հրամանատարութեանը փոխելու առաջարկութիւնը, եւ Դրոյի հանձնարարվում է շարունակել ղեկավարել Սուրմալուի ռազմաճակատը: Ինչ խոսք, ՀՀ կառավարութեան ու բանակի հրամանատարութեան այդօրինակ որոշումը չէր կարող պայմանավորված չլինել Դրոյի դիրքորոշմամբ:

Հարց է ծագում. ինչու՞ Դրոն, այնուամենայնիվ, նախընտրել է ստանձնել Սուրմալուի, այլ ոչ թե Կարսի ռազմաճակատի հրամանատարութիւնը:

1. Ամենայն հավանականութեամբ՝ Սարիղամիշ-Կարս ուղղութիւնում կենտրոնացած զորամասերում տիրող անմխիթար իրավիճակն ու հրամանատարական կազմի չըջանում հաստատված ոչ այնքան բարյացակամ հարաբերութիւնները:

ՀՀ 1-ին վարչապետ Հովհ. Քաջազնունու կողմից Հայկական բանակին տրված գնահատմամբ. «Խմբային ու խմբապետական սիստեմը, որ մասնաւորապէս խրախուսել էր Բիւրօ-Կառաւարութեան կողմից, քանզի էր զինուորական կազմի ամբողջութիւնը, միութիւնը: Բանակի դաստիարակութիւնը, ռազմական ոգին, կուռ կազմակերպութիւն ու կարգապահութիւնը՝ ուրեմն եւ ընդդիմադրական ոյժը՝ թուլացած էին ծայր աստիճանի ու դա անակնկալ էր կառաւարութեան համար. կառաւարութիւնը եւ ինքը զինվորական մինխատրը՝ չէին ճանաչում բանակը»²:

Հայկական բանակին տրված Հովհ. Քաջազնունու այս գնահատականը, կարելի է ասել, վերաբերում է նաեւ Սարիղամիշ-Կարս

ուղղութիւնում կենտրոնացած զորամասերին, որոնցում տիրող կացութիւնը չէր կարող ծանոթ չլինել Դրոյին:

2. Սուրմալուն նրա ծննդավայրն էր, առավել հարազատ միջավայր: Նա հրաշալի ծանոթ էր գավառի բնակչութեանն ու բնակավայրին: Մինչ 1920 թ. հայ-թուրքական պատերազմը, նա իր հայրենակից սուրմալեցիների համագործակցութեամբ բազմաթիվ հաղթական կռիւներ էր մղել ընդդեմ թուրքական զորքերի եւ քուրդ հրոսակախմբերի:

Մի փոքրիկ, բայց խոսուն վկայութիւն Սեպուհի զորամասի ծառայողներից մեկի հուշագրութիւնից. «Իգդիրի շրջանում թուրքերն ու քրդերը գլուխ են բարձրացրել, նրանք նույնիսկ հարձակման են դիմել այսօր(թվագրված է Ծ-ը հոկտեմբերի-Հ. Գ.): Այնտեղ հիմա գործում է Դրոն, այն մարդը, որն անցյալ տարի 250 ձիավորներով Իգդիրից դուրս քշեց 5000-ից ավելի քուրդ խուժանին, որոնք ուզում էին կտրել մեր զորքերի ճամփան եւ տիրել նրանց:

Դրոն իր հայրենիքում է եւ այնտեղ յուրաքանչյուր քարն ու թուփը նրան քաջածանոթ է»¹:

Սուրմալուի հայ բնակչութիւնը, քաջատեղյակ լինելով իր նշանավոր հայրենակցի հեղինակութեանը, մարտական նշանակալի կենսագրութեանն ու հրամանատարական կարողութիւններին, մեծագույն հարգանք եւ վստահութիւն է տածել նրա նկատմամբ: Բնական է, Դրոյի համար ավելի դյուրին կլինելու ու նախապատվելի մարտնչել իրեն առավել հարազատ միջավայրում:

3. Պիտի ընդգծել, որ Սուրմալուի ճակատում գործող զորամասերը նախկինում մեծամասամբ գործել էին նրա հրամանատարութեամբ ու հիմնականում պահպանել էին իրենց մարտական կազմը եւ հետեւաբար նաեւ մարտական որակները: Սուրմալուի ճակատի զորամասերի հրամանատարներից շատերը, օրինակ գնդապետներ Լալայանցը, Խուրաբայանը, Մամաջանյանը, Կուռո Թարխանյանն ու խմբապետ Բաջառունեցի Մարտիրոսը, անգամ մինչեւ Հայաստանի Հանրապետութեան հռչակումը, գրեթե մշտապես ծառայել էին Դրոյի գլխավորած զորամասերում: Կարելի է վստահորեն ասել, որ նա քաջատեղյակ էր ու հավատում էր Սուրմալուի ճակատում մարտնչող զորամասերի եւ նրանց հրամանատարների մարտական կարողութիւններին ու նվիրվածութեանը:

4. Եթե Դրոյին, այնուամենայնիվ, տեղափոխելն Կարսի ուղղութիւն, ապա նա այդ դեպքում ստանձնելու էր ոչ թե Սարիղամիշ-Կարս

¹ Վահե Արծրունի, Եզվ. աշխ., էջ 37:

² Քաջազնունի Յովհ., Եզվ. աշխ., էջ 34:

¹ «Ազատ, անկախ եւ միացյալ Հայաստանի վերջին օրերը», Երեւան, 1993, էջ 89:

քերի Համագործակցութեամբ հաղթահարել հայկական զորքերի դիմադրութիւնն ու գետնանցելով Արաքսը՝ խորանալ հանրապետութեան տարածքը:

Դրոն մարտադաշտում եւ այլ պայմաններում բազմիցս առնչվել էր քուրդ հրոսակներին ու գերազանց գիտեր հայութեան նկատմամբ նրանց տրամադրվածութիւնը: Նա, խորապես գիտակցելով ու արժեւորելով Սուրմալուի ռազմաճակատի դժվարութիւնները եւ նրա դերն ու նշանակութիւնը Հայաստանի Հանրապետութեան պաշտպանութեան եւ գոյատեւման գործում, հայկական բանակի հրամանատարութիւնից պահանջում է իրեն վստահել Սուրմալուի, այլ ոչ թե Կարսի ռազմաճակատի հրամանատարութիւնը:

Ի տարբերութիւն 1918 թ. Մայիսյան հերոսամարտերի, հայկական բանակի հրամանատարութիւնը 1920 թ. հայ-թուրքական պատերազմի ժամանակ անբացատրելի պատճառով չի կիրառում հետեւյալ մարտավարութիւնը: 1918 թ. Մայիսյան հերոսամարտերի ժամանակ Սուրմալուի ռազմաճակատի զորքերը, որոնց հրամանատարը դարձյալ Դրոն էր, թուրքական զորքերի գրոհները կասեցնելուց հետո կազմակերպում են գաւառի հայ բնակչութեան տեղափոխութիւնը եւ այրելով Մարգարայի եւ Կարակալայի կամուրջները, գետնանցում Արաքսն ու կանոնավոր զորաշարքերով տեղափոխվում Արարատյան դաշտ: Ենորհիվ այդ մարտավարութեան, թուրքական մի ամբողջ դիվիզիա զամված մնում է տեղում՝ Արաքսի հակադիր ափին եւ զրկվում մարտական հիմնական գործողութիւններին մասնակցելու հնարավորութիւնից, իսկ հայկական զորամասերը, Սուրմալուի ճակատից տեղափոխվելով Արարատյան դաշտ, մեծ հաջողութեամբ մասնակցում են Սարդարաբատի եւ Բաշ-Աբարանի ճակատամարտերին:

Այս անգամ հայկական բանակի հրամանատարութիւնը անհասկանալի պատճառով չի կիրառում այդ մարտավարութիւնը, որը հույժ կարեւոր նշանակութիւն ունեցավ Մայիսյան հերոսամարտերում հայութեան նվաճած հաղթանակներում: Անհասկանալի է թե ինչու¹, ի՞նչ պատճառաբանութեամբ հայկական զորքերի վերին հրամանատարութիւնը Սուրմալուի ճակատից Արաքս գետի հակադիր ափը տեղափոխված զորամասեր չի տեղափոխել Կարսի ուղղութիւնը:

Սուրմալուի ռազմաճակատում ավելի քան 10,000 զինյալներից բաղկացած թուրքական կանոնավոր զորամասերի ու քրդական հեծելախմբերի դեմ, որոնք կռիվների ընթացքում պարբերաբար հա-

մալրվում էին, դիմակայում էին ընդամենը «...9-րդ գունդը՝ 1200 հետեւակ, 25 ձիաւոր, 16 գնդացի, հրամանատար գնդապետ Խուրաբաշեան, 8-րդ գունդը՝ 600 հետեւակ, 40 ձիաւոր, 8 գնդացի, հրամանատար գնդապետ Տ. Բաղդասարեան, էքսպեդիցիոն զորամասը՝ 5 վաշտ՝ 500 հետեւակ, 16 բեռնակիր եւ 8 գնդացի. Կուռոթ Թարխանեանի այրուձին՝ 260 ձիաւոր, 6 գնդացի»:

Հոկտեմբերի 1-ին 8-րդ գունդը փոխադրուեց Կարսի ճակատ, որ Սեպուհի բրիգադի մի մասն էր. դրա փոխարէն նոր լրացումներ եղան, որով ամբողջ Սուրմալուի զորամասի թիւը հասաւ 2000 հոգի², եւ 1000 կամավոր աշխարհագորայիններ¹:

Հետաքրքիր է ծանոթանալ Դրոյի գլխավորած զորամասերի հրամանատարների բնութագրերին՝ Վարդգես Ահարոնյանի մեկնաբանութեամբ, որը պատերազմի ժամանակ լինելով Սուրմալուի ճակատում, շատ լավ ծանոթ էր զորամասերի ու նրանց հրամանատարների մարտական ուղուն եւ որակներին:

«...Իրոք, գրում է Վ. Ահարոնյանը, այստեղ բոլոր աչքի ընկնող եւ պատասխանատու դիրքեր զբաղող սպաները երիտասարդներ են: Ահա, ծանրախոհ, քրդական հաւասարակշռուած գնդապետ Խուրաբաշեանը, որ հագիւ 30 տարեկան է: Ահա նրան հասակակից անըդով եւ առիւծասիրտ փոխգնդապետ Հալաբեանը: Մոայլ, սակաւախոս Թարխանեանը, որի արտաքինն իսկ ասես մի սեղմած բուռնցք լինի միշտ պատրաստ թշնամու գլխին իջնելու, ընդամենը 26-27 տարեկան, հաստատակամ ու վճռական Թարխանեանը, 26 տարեկան, չըջահայց, զգոյշ, հոտառու Շահբաղեանը, 26 տարեկան եւ վերջապէս կրակ ու բոց Մամաջանեանը միայն 24 տարեկան»²:

Վ. Ահարոնյանի բնութագրած արժանացած սպաները թեպետ շատ երտասարդ էին, բայց բազում կռիվների բովում կոփված եւ զինվորների ու վերին հրամանատարութեան շրջաններում անառարկելի հեղինակութիւն վայելող հրամանատարներ էին:

«Այդպէս են, շարունակում է Վարդգես Ահարոնյանը, այն զորաբանակի սպաները, որոնցից ամէն մէկի թիկունքում իբրեւ անբաժան ստուեր կանգնած է ինքը՝ զորաբանակի ընդհանուր հրամանատարը՝ Դրոն:

Ինչպէս իր ձագուկներին թռչել սովորեցնող արծիւ՝ տարածել է նա իր թեւերը բոլորի վրայ, ամէն մէկի համար ունի խրախուսանքի մի խօսք, քաջալերանք ու յորդոր:

¹ Կրացեան Ա., Հայաստանի Հանրապետութիւն, էջ 478:

² «Յառաջ», 1920, նոյնքերի 17:

Եւ չկա որեւէ այն թէկուզ վախկոտ զինուորը կամ սպան, որ Դրօ-
յի խօսքով բաց աչքերով, առանց տատանուելու դէպի մահը չի քայ-
լի: Որը նրա ենթակայ ռազմիկներից կյանդգնի խնայել իր կյանքը
այն ժամանակ, երբ ինքը ընդհանուր հրամանատարը չի խնայում
իր կյանքը հասարակ զինուորի պէս»¹:

Համաձայն Վահե Արծրունու տվյալների՝ Սուրմալուի ճակատում
գործում էին հետեւյալ զորամասերը. «...Զ-րդ, 10-րդ եւ 11-րդ գուն-
դերը, Երեւանի պահեստի ոստիկանութիւնը, սասունցի ձիաւորները,
Սուրմալուի եւ Վասպուրականի կամաւորները, ինչպես նաեւ եզխա-
ներու 200 կամաւորները՝ Ձեանգի աղայի ղեկավարութեամբ, ըն-
դամենը՝ մօտ 3000 շունչ...»²:

Սուրմալուի ճակատում գրեթե եռակի անգամ գերակշռող ուժեր
ունեցող հակառակորդի դեմ մարտնչող հայ զինվորների քանակը
երկու վկայութիւններում նույնն է: 3000 մարտունակ եւ իրենց
հայրենիքին նվիրված քաջակորով մարտիկներն ու նրանց անպար-
տելի հրամանատարն ավելի քան բավական էին թշնամուն ջախջա-
խելու համար:

Մինչեւ հոկտեմբեր ամիս տեղի ունեցած վճռական ճակատամար-
տերը՝ Դրոյին հարկ է լինում հաղթահարելու կարեւոր նշանակու-
թիւն ունեցող մի քանի արգելքներ, որոնք զուտ ռազմավարական
առումով անհրաժեշտ էին հետագայում հակառակորդի դեմ արդյու-
նավետ գործողութիւններ ծավալելու համար:

1920 թ. ամռանը հայկական զորքերի կողմից Հայաստանի Հան-
րապետութեան տարածքը մահմեդական բնակչութիւնից մաքրելուց
հետո, թուրքերը Հայաստանում կորցնելով իրենց արյունակից դաշ-
նակիցներին եւ այդ բացը մասամբ լրացնելու նպատակով, ձեռնար-
կում են որոշակի պատասխան գործողութիւններ:

Թուրքական հրամանատարութիւնը՝ հիմնական մարտական
գործողութիւններ ծավալելու նախօրեին, որպես ապագա արշավան-
քի հաջողութեան գրավական, ձգտում էր Հայաստանի մի շարք
սահմանամերձ շրջանները, այդ թվում նաեւ Սուրմալուի թուրքաբ-
նակ եւ քրդաբնակ բնակավայրերը, հատկապես Կողբի աղահանքե-
րը, վերածել ռազմական ամրակուռ հենակետերի:

«Անոնց շարժումը, նշում է Վ. Արծրունին, Օլթիէն մինչեւ Կաղ-
զուան, Կողբ եւ Շահթախթի եղաւ աստիճանական, սխտէմաթիք եւ
ներդաշնակ: Գնդապետ Շաղուբաթեանի Կաղզուան թողնելէն հա-

զիւ շաբաթ մը վերջ, Օրկօֆի ուղղութեամբ նախ՝ քրդական եւ,
ապա՝ թրքական կանոնաւոր շարժումներ նկատուեցան»¹:

Քեմալականներին հաջողվում է զգալի մարտական ուժեր կենտ-
րոնացնել Կողբի աղահանքերում: Եթե հայկական բանակի հրամա-
նատարութիւնը ժամանակին չձեռնարկեր համապատասխան քայ-
լեր, ապա Կողբի տարածքը, ապագա արշավանքի նախօրեին, փաս-
տորեն, կարող էր դառնալ այն հնրամարավետ հենակետը, որտեղից
թուրքական զորքերը ամենակարճ ճանապարհով կարող էին հարձա-
կում գործել Երեւանի վրա: Որպեսզի Սուրմալու գավառում եւ նրա
հարակից շրջաններում պահպանվեր կայուն, անվտանգ իրավիճակ,
անհրաժեշտ էր նախ եւ առաջ վերացնել Կողբի թուրքական հենա-
կետն ու թուլլ չտալ, որպեսզի հակառակորդն առավելագույնս ամ-
րապնդվեր այդ տարածքում:

Դրոն, ստանձնելով Սուրմալուի ուղղութիւնում տեղաբաշխված
զորքերի հրամանատարութիւնը, պիտի վնասագրեծեր Կողբի թուր-
քական հենակետերը: Դրվատելով Դրոյի կողմից հանրապետութեան
սահմանամերձ տարածքը պաշտպանող զորքերի հրամանատարու-
թիւնը ընդունելու իրողութիւնը, Վ. Արծրունին գրում է. «Ես
նրան տեսայ Կողբի ճակատի վրայ, ուր իր անակնկալ երեւումը, կի-
սամերկ ու կիսաբաղջ մեր զօրքի մէջ, առաջ բերաւ պաշտամունքի
տանող խանդաւառութիւն: Ես նրան տեսայ իր հայրենիքի յարկի
տակ, շրջապատւած բարձրագոյն կրթութիւն ստացած եւ ռազմա-
կան փառք վաստակած սպաներով, որոնք ո՛չ միայն սիրում էին
նրան, որպէս մարդու, այլեւ սրտանց, այո՛, անվերապահորեն արժէք
էին տալիս նրա ռազմական կարողութիւններին»²:

ՀՀ զինված ուժերի հրամանատարութիւնից ստանալով համա-
պատասխան առաջադրանք՝ Սուրմալուի ռազմաճակատի հրամանա-
տարութիւնը դեռեւս նոր-նոր ստանձնած Դրոն վճռում է նախա-
հարձակ լինել եւ ջախջախել Կողբի աղահանքերում կենտրոնացած
թուրքական զորքերին ու նրանց սատարող քրդական զինախմբե-
րին: Մրազրած հարձակողական գործողութեան կենսագործման հա-
մար նրա հրամանատարութեան ներքո տվյալ ժամանակահատվա-
ծում եղել են հետեւյալ մարտական ուժերը. «...Ա. Զախ թեւէն՝ գնդ.
Մամաջանեան 450 զօրքով, 2 լեռնային թնդանթով, 4 գնդացիքով
եւ 30 ձիաւոր հետախոյզներով, Բ. կեդրոնէն՝ գնդ. Բէգ. Զուրաբեա-
նը 450 զօրքով, 2 թնդանթ, 4 գնդացիք, 30 ձիաւորներով Գ. աջ

¹ Նույն տեղում:
² Վահե Արծրունի, Եզվ. աշխ., էջ 198:

¹ Նույն տեղում, էջ 197:
² «Ալիք», բացառիկ, 1956, ապրիլ, էջ 194:

թեւէն՝ Սասունցի Մանուկն իր ձիաւոր զօրամասով, գնդապետ Փի-
րումեանը Սարդարաբատի գումարտակով, 2 թնդանօթ, 4 գնդացիր,
ընդամենը 500 զօրքով: Այսպիսով, Կողբի վրայ շարժուող բանակը
1500 սուլին ունէր»¹:

Սեպտեմբերի 9-ի լույս 10-ի գիշերը Սուրմալուի ճակատում տե-
ղաբաշխված մարտական ուժերը Դրոյի հրամանատարութեամբ,
առանց որեւէ առանձնահատուկ նախապատրաստութեան հարձակ-
վում են Կողբի աղահանքերում դիրքավորված հակառակորդի վրա:
Քանի որ հայկական զորքերը մինչ այդ այնքան էլ չէին դրսևորել
հարձակումներ ձեռնարկելու տրամադրվածութեան, ուստի հակա-
ռակորդը անակնկալի է մատնվում եւ չի կարողանում լուրջ դիմա-
դրութիւն ցույց տալ: Հայկական զորամասերն անկասելի հարված-
ներով ջախջախում են Կողբի աղահանքերում դիրքավորված թուր-
քական զորքերին ու քրդական զինախմբերին եւ դուրս շարտում
Հայաստանի Հանրապետութեան սահմաններից:

Կողբի աղահանքերի գրավումը Դրոյի հրամանատարութեամբ
իրականացրած առաջին հարձակողական գործողութիւնն էր Սուր-
մալուի ռազմաճակատում, որն ավարտվում է հայկական զորքերի
փայլուն հաղթանակով: Ընդամին, նա, խելամտորեն հաշվի առնելով
կամավոր-աշխարհագորայինների ոչ այնքան մարտունակ կարգա-
վիճակը, հակառակորդի դիրքերի վրա գրոհները ձեռնարկել է միայն
կանոնավոր զորամասերի ուժերով:

Արժանվույնս գնահատելով այդ ճակատամարտում Դրոյի կեն-
սագործած խելամիտ ու արդյունավետ մարտավարութիւնը՝ Վ.
Արծրունին նշում է. «...Դրօ թոյլ չտուաւ, որ կամաւորները մասնակ-
ցէին կռիւներուն, ուր զանոնք գործածեց իբրեւ պահեստի ուժեր,
թիկունքը պահողներ: Այս քայլը գեղեցիկ հակադրութիւն մըն է
Կարսի ճակատի դրութեան հետ, ուր կամաւորներն ու կանոնաւոր-
ները միշտ քով-քովի մնացին՝ տալով այն ցաւալի արդիւնքը, որը
չատերը կը վերագրեն այդ իսկ ձախորդ քաղաքականութեանը»²:

Այս հաղթական գործողութիւնից հետո Սուրմալուի ուղղութիւ-
նում ժամանակավորապես հաստատվում է կայուն իրավիճակ, որն
էլ ՀՀ զինված ուժերի հրամանատարութեանը հնարավորութիւն է
ընձեռում ի հաշիվ Սուրմալուի ռազմաճակատի թուլացման՝ գնդա-
պետ Տ. Բաղդասարյանի գլխավորած Ծրդ գունդը տեղափոխել Կար-
սի ուղղութիւն: Իհարկե, մի ամբողջ գնդի տեղափոխութիւնը շո-

չափելի կորուստ էր, մանավանդ այն պահին, երբ ռազմաճակատում
հիմնական եւ առավել ծանր մարտական գործողութիւնները դե-
ռեւս նոր էին ծավալվելու:

Ծրդ գունդը Կարսի ուղղութիւն տեղափոխելուց հետո, ինչպես
որ սպասվում էր, Սուրմալուի ռազմաճակատում ստեղծվում է բա-
վականին անախորժ իրավիճակ: Դրոն, ռազմաճակատում առաջա-
ցած ճեղքվածքը փակելու նպատակով, հարկադրված, Տ. Բաղդասար-
յանի Ծրդ գնդի տարածքի պաշտպանութիւնը հանձնարարում է
գնդապետ Խուրաբաշյանի գնդին, որն այդ ժամանակ զբաղեցնում
էր Կողբի պաշտպանական բնագիծը:

«Նոր գրաւուած դիրքերը,- գրում է Վ. Արծրունին,- կը պա-
հուէին հետեւեալ կերպով. աջ եւ հիւսիսային թեւը՝ սասունցի
ձիաւորները Թաքալթուի բարձունքները, կեդրոն՝ մէկ վաշտ Ծրդ
գնդէն՝ Ագարակ եւ Գամիշլու գիւղերուն մէջ, ձախ եւ հարաւցիտե-
րը՝ 2 վաշտ նոյն գնդէն՝ Փիրսախի բարձունքները: Այս ճակատը,
որը կը հաշուէր 25-30 վերստ, կը պահէր գլխապետ Արամ Պատու-
մեան, իր տրամադրութեան տակ ունենալով 225 սուլին, 3 գնդացիր
եւ 2 լեռնային թնդանօթ»¹:

Ակնհայտ է, որ նշված ուժերով չափազանց դժվար կլիներ հուսա-
լիորեն պաշտպանել նոր դիրքերը: Տ. Բաղդասարյանի Ծրդ գնդի
բացակայութիւնը կարող էր խիստ բացասաբար անդրադառնալ
Սուրմալուի ռազմաճակատում ծավալվող իրադարձութիւնների հե-
տագա ընթացքի վրա: Բայց ուրիշ ելք չկար:

«Երեւանից մեկնելուց առաջ,- գրում է Ս. Վրացյանը,- ես տես-
նուեցի Դրոյի հետ: Նա մտայլ գույներով նկարագրեց կացութիւնը եւ
ցաւ հայտնեց, որ ես հեռանում եմ մայրաքաղաքից: Նա լաւատեղեակ
էր Կարսի զօրամասերի հոգեբանական վիճակին, մանաւանդ հրամանա-
տարական կազմի թուլութեան: Վրդովուած էր, որ զինուորական նախա-
րարութիւնը հրամայել էր Սուրմալուի ճակատի լաւագոյն զօրաբաժի-
նների մի մասը (խոսքը գնդապետ Տ. Բաղդասարյանի Ծրդ գնդին է վե-
րաբերում - Ն.Գ.) փոխադրել Կարսի շրջան: Նա չէր ժխտում Կարսի ճա-
կատը ուժեղացնելու անհրաժեշտութիւնը, բայց ոչ Սուրմալուի տկա-
րացման գնով: Սուրմալուն կորցնել, նրա կարծիքով, նշանակում է
Հայաստանը կորցնել»²:

Հարկավոր էր համակերպել ստեղծված իրողութեան հետ ու ապա-
վինելով եղած ուժերին՝ պաշտպանել ռազմաճակատը եւ թույլ չտալ
թուրքական զորքերին գրավելու Սուրմալուն ու գետնանցել Արաքսը:

¹ «Հայրենիք» ամսագիր, 1926, ապրիլ, էջ 94:

² Վահե Արծրունի, Եջվ. աշխ., էջ 198:

¹ Նույն տեղում:

² Վրացեան Ս., Կեանքի ուղիներով, հ. Բ, 1965, էջ 250:

Չնայած այն հանգամանքին, որ Սուրմալուի ուղղութիւնը սեպտեմբեր ամսին արդեն գործում էին թուրքական մեծաքանակ զորքեր ու քրդական հեծելախմբեր, սակայն թուրք հրամանատարութիւնը, նպատակադրւելով ավելի արագացնել այդ տեղամասում մարտնչող հայկական զորամասերի ջախջախումը, հոկտեմբերի սկզբներին Իգդիրի հատվածում մարտադաշտ է նետում նաև Բայազետի զորախումբը, եւ նույն ամսի 4-ին առաջապահ շրկատներով գրավում Արհաջ գյուղը: Միաժամանակ, օգտւելով ճակատի կողմի հատվածի մերկացումից, թուրքական զորքերը հոկտեմբերի 3-ի լույս 4-ի գիշերը վերսկսում են հարձակումը եւ չհանդիպելով լուրջ դիմադրութեան, գրավում Կողբը եւ զարգացնելով հարձակումը՝ փորձում են մոտենալ Արաքսի Կարակալ կամրջին: Ռազմաճակատի այդ հատվածում դիրքավորված գնդապետ Խուրաթալանի գունդը ստիպված էր պաշտպանել Դալիկ-Դաշից մինչեւ Արհաջ ընկած տարածքը:

Նկարագրելով այդ օրը Սուրմալուի ճակատում տեղի ունեցող ճակատամարտի մանրամասները՝ Վ. Արծրունին նշում է. «...թուրքերն աննկատ կերպով մօտեցան Թաքալթուի բարձունքներուն եւ կրակի տարափ մը տեղացին մեր ծայրագոյն աջ թեւի ուժերուն վրայ: Կէս ժամ չանցած յարձակում սկսաւ նաեւ Փիրսախի(ճախ) բարձունքներուն վրայ: Երկու թեւերուն հրամանատարներն ալ անմիջապես հեռախօսեցին տեղակալ Պուտումեանին... Վերջինս մէկ կողմէ՛ խստիւ հրահանգեց իր թեւերուն ամէն գնով պահել իրենց դիրքերը, եւ միւս կողմէ՛ մեծ դժարութեամբ կացութիւնը հաղորդեց գնդապետ Խուրաթալանին...»¹:

Եթե Թաքալթուի եւ Փիրսախի բարձունքներում դիրքավորված մարտիկները չկարողանային անառիկ պահել իրենց վստահված պաշտպանական բնագծերը, ապա հարձակվող ուժերը կարող էին թեւանցել նրանց, ամբողջովին մեկուսացնել ռազմաճակատի Կողբի հատվածը թիկունքից եւ զարգացնելով հարձակումը՝ առաջանալ դեպի Կարակալայի կամուրջը: Իսկ դա նշանակում էր, որ կարող էր շրջապատման մեջ հայտնվել գնդապետ Խուրաթալանի գունդը:

Տեղակալ Պուտումյանն ու գնդապետ Խուրաթալանը, մեծ ջանքեր գործադրելով, փորձում են իրենց հրամանատարութեամբ մարտնչող սակավաթիվ ուժերով ու անսպասելի հակահարվածներով

կասեցնել թշնամու հարձակումը եւ թույլ չտալ նրան մոտենալու Կարակալայի կամրջին: Թեպետ Տեղակալ Պուտումյանն ու գնդապետ Խուրաթալանը եւ նրանց հրամանատարութեամբ մարտնչող մարտիկները մեծ ջանքեր են գործադրում, բայց ուժերի խիստ սահմանափակ լինելու պատճառով չեն կարողանում կասեցնել հակահարձակ հարձակումը: Թուրքերի առաջխաղացումը շատ վտանգավոր էր: Եթե նրանց հաջողվեր հաղթահարել հայ մարտիկների դիմադրութիւնը, ապա կարող էին գրավել Կարակալայի կամուրջն ու հայտնվել Արարատյան դաշտում, իսկ դա չպետք էր որեւէ կերպ թույլ տալ:

Ճակատամարտը ղեկավարող գնդապետ Խուրաթալանը, սթափ գնահատելով մարտադաշտում ստեղծված իրավիճակն ու հաշվի առնելով Կարակալայի կամուրջի ռազմավարական կարեւորութիւնը, մեկնում է դեպի Կարակալայի կամուրջը եւ թշնամու գրոհները դիմակայելու այլ ելք չտեսնելով «...գնդապետ խնդրեց, որ Դրօ եւս աճապարէր նոյն տեղը, խորը համոզուած, որ շուտով տեղի պիտի ունենային ճակատագրական պայքարներ, որոնք տուեալ պայմաններուն մէջ մեզ համար աննպաստ հետեւանքներ պիտի ունենային, եթէ Դրօյի ներկայութիւնը զգալի չըլլար հոն»¹:

Գնդապետ Խուրաթալանը ճիշտ էր գնահատել կացութիւնը: Այդ ճակատագրական պահին Կարակալայի կամրջի մոտ Դրօյի ներկայութիւնն ավելի քան անհրաժեշտ էր:

Ճակատագրական պահ էր, մարտադաշտում ստեղծված ծանրագույն կացութիւնը հրամայաբար թելադրում էր գործել արագ, կշռադատված, ուժերի գերագույն լարումով ու վճռական:

Դրոն անհապաղ ուղեւորվում է մարտադաշտի ամենավտանգված եւ կարեւորագույն՝ Կարակալայի կամրջի տեղամասը: Թշնամուն պարտութեան մատնելու համար նախ եւ առաջ հարկավոր էր հուսալիորեն ապահովել Կարակալայի կամրջի պաշտպանութիւնը եւ դրանով իսկ խափանել Արարատյան դաշտ ներխուժելու թուրքական զորքերի փորձերը:

Քանի որ մշտապես կապի մեջ էր գտնվում գնդապետ Խուրաթալանի հետ եւ քաջատեղյակ էր մարտադաշտում տիրող կացութեանը, անհապաղ կայացնում է ճակատամարտը շարունակելու հետեւյալ վճիռը. «...Դրօն գնդապետ Խուրաթալանի սպայակոյտը հաստատեց Քեալակարխ գիւղը, գնդապետ Բէկ-Ջօհրաբեանին

¹ Վահե Արծրունի, ԵԶՎ. աշխ., էջ 199:

¹ Նույն տեղում, էջ 201:

յանձնարարեց կամուրջին պաշտպանութիւնը՝ երկու ափերը տեղավորելով»¹:

Մարտադաշտում նրա անմիջական ներկայութիւնն ու ձեռնարկած քայլերը ճիշտ ժամանակին էին: Հուսալիտրեն ապահովելով Կարակալայի կամրջի պաշտպանութիւնը՝ Դրոն ձեռնամուխ է լինում կազմակերպելու Հայկական զորքերի հակահարձակումը: Գնդապետներ Խուզարայանի եւ Բէկ-Ջօհրաբեանի գլխավորած մարտիկների դիմադրութիւնն աներեւ էր: Թուրքական զորքերի ձեռնարկած բուլբուր գրոհները՝ խորտակելու Հայ մարտիկների դիմադրութիւնն ու գետնանցելու Արաքս գետը, անցնում են ապարդշուն:

Կարակալայի կամրջի պաշտպանութեան հուսալիտրեան ապահովումը գեռուս լիակատար հաղթանակ չէր: Ռազմաճակատի հրամանատարութիւնը, կանխատեսելով դեպքերի հետագա զարգացման հնարավորութիւնները, ճիշտ է գնահատել հետեւյալ հանգամանքը. եթե թուրք հրամանատարութիւնը լրացուցիչ ռազմական ուժերով կարողանար ամրապնդել այդ հատվածում, որը միանգամայն սպասելի էր, ապա ռազմաճակատի այդ տեղամասում զորքերի քանակական ու դիրքային հաշվեկշիռը արմատապես կարող էր փոխվել, եւ Սուրմալուի պաշտպանների մարտնչելու ու հաղթելու հնարավորութիւնները կարող էին հասնել վատթարագույնի: Հարկավոր էր հակառակորդին թույլ չտալ իր զորքերը կենտրոնացնելու եւ նախաձեռնութիւնը իր ձեռքը վերցնելու հնարավորութիւն: Դրոն, խորամտորեն գնահատելով տիրող կացութիւնը, առանց վարանելու հրամայում է գրավել Արհաջ գյուղը: Հայ զինվորների գրոհն անկասելի էր: Սուրմալուի պաշտպանները, զարգացնելով հարձակումը, հուժկու հարվածով հետ են շարտում թշնամուն նաեւ Սուրմալու, Պիրու եւ մյուս բնակավայրերից եւ ստիպում հակառակորդին նահանջել: Թուրքական պարտված զորքերը հետ են շարտվում մինչեւ Մասիսի ստորոտը:

Նույն օրը Հայկական զորքերը սրընթաց հարձակումով գրավում են նաեւ Պիրլ եւ Խոզբալ բնակավայրերը, սակայն հակառակորդի մարտադաշտ հասած նոր զորախմբերի դիմադրութիւնն ու գեղեցիկ խավարը խոչընդոտում են զարգացնելու ձեռք բերած հաջողութիւնը: Այդ օրվա մարտերի վերաբերյալ Հայկական զորաբանակի շտաբը ստանում է հետեւյալ հեռագիրը. «Հոկտեմբերի 4-ի կեսօրվան նշվում է ռազմաճակատից առաքված ամփոփագրերից մեկում, - հակառակորդին հաջողվում է գրավել Պիրլ գյուղը եւ Խուլբ բնա-

կավայրը: Մեր զորամասերը հետ են քաշվել մինչեւ Կարակալայի կամուրջը: Մոտավորապես ժամը 15-ին Իգդիրի կողմից հասցված հակահարվածով մեզ հաղողվում է գրավել Պիրլ գյուղը, բայց Կամրջու գյուղի մոտակայքում թուրքերի եւ քրդերի զգալի ուժերի (մոտ 1000 մարդ երկու գործող հրանոթներով) կուտակման եւ մուծն ընկնելու հետեւանքով մեր հարձակումը կանգ է առել:

Իգդիրի շրջանում հոկտեմբերի 4-ի երեկոյան Խալֆալ եւ Խոջքաքար գյուղերը գրաված քրդերի հետ ունեցել ենք փոխհրաձգութիւն: Հոկտեմբերի 5-ի առավոտյան մեր հետախույզները գրավել են նշված գյուղերը եւ Արհաջ գյուղը¹:

Սուրմալուի ռազմաճակատում հոկտեմբերի 4-ին եւ 5-ին տեղի ունեցած կռիվները լուսաբանող մեկ այլ մեկնաբանութիւնում նույնպես արձանագրելով Հայկական զորքերի հաղթանակը՝ հեղինակը նշում է. «Թշնամին, տեսնելով Հայ զորքերու ուժեղ յարձակողականը, թոյլ դիմադրութիւն մը ցոյց տուաւ եւ քաշուեցաւ Մասիսի լանջերը: Այս կռիւներու ժամանակ օգնութիւն էր հասած գնդ. Ջհանգիր Բէգը (եզդի) իր 80 զինուորներով: Դրոյի կարգադրութեամբ Հայ զորքը իր նախկին դիրքերը կը վերադառնար ու հոն կ'ամրանար»²:

Սեպտեմբերյան հաղթական կռիվներից ճիշտ մեկ տարի առաջ, երբ Դրոն մի փոքրաթիվ ջոկատով գտնվում էր Իգդիրում, թուրքքրդական 3000- անոց հրոսակախմբերը, իջնելով Բարդոզյան լեռներից, ներխուժում են Իգդիր եւ հանկարծակի բերում քաղաքը պաշտպանող պահակազորին: Իգդիրում Դրոյի մղած այդ կռիվը կարծես հրաշքի է նմանվում: Նա, բնավ չբերնչելով թշնամու բազմապատիկ գերակշռող ուժերից, Կուռտ Թարխանյանի ընկերակցութեամբ ընդամենը 160 զինվորներով այնպիսի հուժկու հարված է հասցնում թուրքքրդական հրոսակախմբերին, որ նրանք գլխիկոր լքում են մարտադաշտը՝ թողնելով հարյուրավոր սպանվածներ ու վիրավորներ³:

Այդ հաղթական կռիվից մեկ տարի անց Հայկական մարտական ուժերը, նրա հրամանատարութեամբ նվաճելով եւս մի կարեւոր հաղթանակ, խափանում են Հայաստանի տարածքը ներխուժելու նպատակով թշնամու ձեռնարկած հարձակումները:

Յգրափակելով այդ կռիվների նկարագրութիւնը, Վ. Արծրունին որպէս գնահատականի խոսք, նշում է. «Տաճիկներն արդէն հասկա-

¹ ԳԳ ԲԿԱ, քժ. 17/17, գ. 3, էջ 3:
² «Դայրեմիք» ամսագիր, 1926, ապրիլ, էջ 95:
³ Տե՛ս «Յառաջ», 1920, նոյեմբերի 17:

¹ Նույն տեղում:

ցան, թէ Սուրմայուրի ճակատն արդէն ունէր բաւական տարբեր մատաղ, քան այն, ինչ որ իրենք գտեր էին Կարսի ռազմաբեմին վրայ: Անկախ վերջնական յաղթանակէն յետոյ յարակրկնած իրենց թրքաւայել մեծխօսիկութենէն, անոնք միշտ ալ ակնածանքով վարուեցան դէպի հայկական զօրքը...»¹:

Ռազմաճակատում ծավալվող մարտական գործողութիւններին զուգընթաց նշանակալի իրադարձութիւններ էին տեղի ունենում նաեւ հանրապետութեան քաղաքական կյանքում:

Հոկտեմբերի 11-ին Երեւան է ժամանում Լեզրանի գլխավորած Խորհրդային Ռուսաստանի պատվիրակութիւնը եւ Հայաստանի կառավարութեանը ներկայացնում հետեւյալ վերջնագիրը.

1. Հրաժարուել Սեւրի դաշնագրից:

2. Թոյլ տալ խորհրդային զորքերին իրենց ռազմամթերքով անցնիլ Հայաստանի երկաթուղիներով միանալու համար Մուսթաֆա Քեմալի զօրքերին՝ դաշնակիցներու դէմ կռուելու համար:

3. Հայաստանի եւ հարեւանների միջեւ գոյութիւն ունեցող սահմանային վէճերի լուծումը յանձնել Խորհրդային Ռուսաստանի իրաւասութեանը եւ մի շարք երկրորդական առաջարկներ²:

Լեզրանի պատվիրակութեանը Հայաստանի Հանրապետութեան կառավարութեանը պատասխանի համար տրվում է 48 ժամ: Նույն օրը հրավիրվում է նախարարների խորհրդի արտակարգ նիստ, որին, բացի կառավարութեան անդամներից, մասնակցում էին Մոսկվայից վերադարձած Հանրապետութեան պատվիրակութեան անդամներ Լեւոն Շանթը, Համբարձում Տերտերյանը, Լեւոն Ջարիֆյանը, ինչպես նաեւ Հայաստանի Հանրապետութեան նախկին վարչապետ Հովհաննես Քաջազնունին:

Լեզրանի առաջարկած պայմաններն ընթերցելուց ու համակողմանիորեն քննարկելուց հետո խորհրդակցութեան մասնակիցները, գալով ընդհանուր համաձայնութեան, մշակում են իրենց միասնական տարբերակը եւ այն ներկայացնում Խորհրդային Ռուսաստանի պատվիրակութեանը:

Հոկտեմբերի 13-ին սկսվում են բանակցութիւնները Խորհրդային Ռուսաստանի դիվանագիտական ներկայացուցիչ Լեզրանի, նրա խորհրդականներ Սահակ Տեր-Գաբրիելյանի, Սիլիսի եւ հայկական կողմի՝ Լ. Շանթի, Հ. Տերտերյանի, Լ. Ջարիֆյանի միջեւ: Բանակցու-

թիւնները շարունակվում են մինչեւ հոկտեմբերի վերջերը եւ Կարսի անկման նախօրեին երկուստեք ստորագրում են համաձայնագիր, որի գլխավոր կետերն են.

1. Ռուսաստանը հրաժարվում է Հայաստանի օգտին ամբողջ Երեւանի նահանգից, Լարսի նահանգից, Ջանգեզուրից, Լազախից եւ Լոռիից:

2. Տաճկական զորքերը դատարկում են ամբողջ Ռուսահայաստանը մինչեւ 1914 թ. սահմանը:

3. 1914 թ. սահմանագծից մինչեւ Տրապիզոն, Էրզրում, Մուշ գիծէն քաշուած են տաճկական զօրքերը եւ թողնուած է միայն ադմինիստրացիան, որից յետոյ Ռուսաստանի օժանդակութեամբ ու աջակցութեամբ սկսուած են բանակցութիւնները Անգորայի եւ Հայաստանի միջեւ, սահմանների վերջնական մշակման խնդիրը լուծելու նպատակով:

4. Դրա փոխարէն Հայաստանը նրանց զիջում է տրանզիտ գէնքի, ռազմամթերքի, որից 300 առ հարիւրը թողնուած է Հայաստանին, իսկ մնացածը անց է կացուած պարագրաֆ 3-ի մէջ յիշատակուած գծից արեւմուտք (նկատի ունի Թուրքիա-Հ.Գ.)...

5. Խորհրդային Ռուսաստանը պէտք է վճարէր Հայաստանին երկու եւ կէս միլիոն ոսկի ռուբլի, պէտք է բանար նաւթային ճանապարհ, տար երկրագործական գործիքներ, յանձնէր Մոսկուայում գտնուող Էջմիածնական գրքերը, դիւրութիւններ տար Ռուսաստանի մի քանի կենտրոններում հաւաքուած հայ գրեւական եւ գեղարուեստական երկերը Հայաստան փոխադրելու, արտօնէր եւ աջակցէր Հայ գաղթականների վերադարձին եւ այլն»¹:

Այս նախնական համաձայնագիրը ստորագրելուց հետո Մոսկվայի հետ կապվելու եւ նրա համաձայնութիւնը ստանալու նպատակով Լեզրանը մեկնում է Բաքու: Եթե Մոսկվան հավանութիւն տար այդ համաձայնագրի նախագծին, ապա Լեզրանը անհապաղ պետք է վերադառնար Երեւան, եւ Հայաստանի Հանրապետութեան եւ Խորհրդային Ռուսաստանի միջեւ կնքվեր «Նազաղութեան եւ բարեկամութեան» համաձայնագիր: Սակայն ժամանակը միանշանակորեն ցույց տվեց, որ իզուր էին Խորհրդային Ռուսաստանի աջակցութեամբ պատերազմը դադարեցնելու եւ թուրքական զորքերին հարկադրելու մինչեւ 1914 թ. սահմանը նահանջելու Հայաստանի Հանրապետութեան կառավարութեան փայփայած հույսերը: Խորհրդային իշխանութիւններն,

¹ Վահե Արծրունի, նշվ. աշխ., էջ 202:

² «Հայրենիք» ամսագիր, 1926, մայիս, էջ 6-7:

¹ Նույն տեղում:

առաջնորդվելով իրենց որդեգրած վաղորոք մշակված սկզբունքներով եւ քաղաքական նպատակներով ու շահերով, տվյալ ժամանակահատվածում որեւէ նպատակ չունեին անհապաղ կյանքի կոչելու համաձայնագիրը եւ օգնութեան ձեռք մեկնելու ծանր կացութիւնում հայտնված Հայաստանի Հանրապետութեանը:

Այս հարցի լուծման կապակցութեամբ «Հայկական սովետական Հանրագիտարան»-ը տալիս է իրականութեանը ոչ համահունչ, ճիշտ հակառակ մեկնաբանութիւնը.

«1920-ի սեպտեմբերին, երբ Թուրքիան պատերազմ սկսեց Հայաստանի դեմ, Լ.պ. (Լեզրանի պատվիրակութիւն) առաջարկեց իր միջնորդութիւնը պատերազմը դադարեցնելու համար, սակայն Հայաստանի դաշնակցական կառավարութիւնը հապաղեց ընդունել առաջարկութիւնը...»

Հոկ. 28-ին Լ.պ.-յանը հաջողվեց դաշնակցական կառավարութեան հետ կնքել նախնական պայմանագիր, որով Սովետական Ռուսաստանը ճանաչում է Հայաստանի անկախութիւնը, հրաժարվում է նրա նկատմամբ նախկինում ունեցած բոլոր իրավունքներին, խոստանում օգնել միացնելու հայկ. մարզերը, անվերադարձ տալ 2,5 մլն. ո. ոսկով, ապահովել թուրք բանակի ետ քաշվելը մինչեւ 1914-ի սահմանները: Սակայն թուրք. բանակի առաջխաղացումը խանգարեց պայմանագրի վավերացմանը եւ այն ուժի մեջ չմտավ»¹:

Հայաստանի Հանրապետութեան կառավարութեան եւ Լեզրանի պատվիրակութեան միջեւ նախնական պայմանագիրը, ինչպես արդեն նշվել է, իրոք, կնքվել է, բայց թե ինչո՞ւ այն Մոսկվայի կողմից չվավերացվեց, բոլորովին այլ հարց է: Որպեսզի առավել հավաստի ու պարզորոշ լինի, թե ինչու Մոսկվայի կողմից չվավերացվեց նախնական պայմանագիրը, վկայակոչենք այդ հարցին անմիջականորեն վերաբերող երկու պերճախոս փաստաթղթեր.

1. Նոյեմբերի 4-ին Բաքվում «Հայաստանի իրավիճակի մասին» օրակարգով տեղի է ունենում Խորհրդային Ռուսաստանի Կովկասյան Բյուրոյի (Կավ Բյուրո) եւ Ազրբեջանի կոմունիստական կուսակցութեան կենտրոնական կոմիտեի բյուրոյի համատեղ խորհրդակցութիւն, ուր. «Լսեցին. Լեզրանի որոշումը Հայաստանի իրավիճակի մասին: Որոշեցին.

Ա. Հայաստանի կողմից առաջադրված պայմանագրի մասին վերջնական որոշումը չընդունել՝ մինչեւ այդ հարցով բանակցու-

թիւններ չընթանան ՌԿԿ ԿԿ-ի հետ, որի վարումը հանձնարարել ընկեր Ստալինին:

Բ. Միաժամանակ հայտնել Քաղբյուրոյի կարծիքը, որ համաձայնագրով նախատեսված Նախիջևանն ու Զանգեզուրը Հայաստանին հանձնումը ձեռնտու չէ թե քաղաքական եւ թե ռազմավարական առումով...»²:

2. Առաջնորդվելով հենց այդ որոշմամբ՝ Ստալինը եւ Օրջոնիկիձեն, հաջորդ օրն եւեթ՝ նոյեմբերի 5-ին Խորհրդային Ռուսաստանի արտաքին գործոց կոմիսար Չիչերինին են ուղարկում հետեւյալ հեռագիրը.

«Ժամանել է Լեզրանը համաձայնագրի նախագծով, նրա կողմից Հայաստանի կառավարութեանը ոչ մի վերջնագիր չի ներկայացվել: Համաձայնագրի նախագիծը նախատեսում է Նախիջևանը եւ Զանգեզուրը հանձնել Հայաստանին, մենք ստանում ենք զենք եւ այլն Թուրքիա տեղափոխելու իրավունք, եթե թուրքերը մեր ճնշման տակ նահանջեն մինչեւ 1914 թ. սահմանը: Նախագիծը չի կարելի շտապ հաստատել, այն կարիք ունի համակողմանի եւ էական քննարկման ու փոփոխման (այս հեռագրի պատճենն ուղարկվել է Լենինին -2, Գ.)»²:

Մինչ Հայաստանում սրտատրոփ սպասում էին Խորհրդային Ռուսաստանի պատասխանին, ռազմաճակատներում ռազմական գործողութիւնները շարունակվում էին, իսկ Կարսի ուղղութիւնում թուրքական զորքերի ձեռք բերած նվաճումներն արդեն ակնառու էին: Հոկտեմբերի 14-ին Կարսի ռազմաճակատում հայկական զորքերի կրած անհաջողութիւնը թեպետ իր բացասական ազդեցութիւնն է թողնում նաեւ Սուրմալուի ռազմաճակատում ընթացող գործողութիւնների վրա, սակայն Դրոյի առաջնորդած մարտիկների ոգին ու վճռականութիւնն անսասան էին:

Պատերազմում վերջնական հաղթանակ նվաճելու համար թուրք հրամանատարութիւնն անհրաժեշտաբար պիտի վճռական քայլեր ձեռնարկեր ու բեկում մտցներ նաեւ Սուրմալուի ուղղութիւնում, ուր դեռեւս միայն պարտութիւններ էր ճաշակում: Սուրմալուի ճակատում մարտնչող հայկական զորքերի դիմադրութիւնը խորտակելու համար թուրք հրամանատարութիւնը համարում եւ վերախմբավորում է ռազմաճակատի այդ հատվածում կենտրոնացած զորամասերը:

¹ Հայկական սովետական հանրագիտարան, հ. 4, էջ 512:

¹ Բանբեր Հայաստանի արխիվների, 1993, թիւ 1-2, էջ 314:

² Նույն տեղում, էջ 315:

Սուբմալուսի ռազմաճակատը, համաձայն ռազմական ամփոփագրի, «... կազմում էր մի եռանկյունի, որի կատարը գտնվում էր Իգդիրում, երկու կողմերը կազմում էին Իգդիր-Մարգարա եւ Իգդիր-Կարակալա գծերը, իսկ հիմքը՝ Արաքս, Կարակալայի եւ Մարգարայի կամուրջները»¹:

Հոկտեմբերի կեսերին զգալի ռազմական ուժեր կենտրոնացնելով Դաշքորունի եւ Դալիկ-Դաշ գյուղերի ուղղությամբ՝ թուրք հրամանատարությունը ծրագրում է կենտրոնացված, խոյահարիչ հարվածներով ճեղքել հայկական զորամասերի պաշտպանությունն ու գրավել Արաքսի Մարգարայի եւ Կարակալայի կամուրջները եւ դուրս գալ Երեւան-Իգդիր խճուղին, ապա խորանալ Արարատյան դաշտ եւ իհարկե առաջանալ դեպի ՀՀ մայրաքաղաք՝ Երեւան:

Մարտական գործողությունները հաջողությամբ զարգացնելու դեպքում թուրք հրամանատարությունը նպատակադրվում է կտրել Երեւան-Ալեքսանդրապոլ հաղորդակցության ուղիները եւ աքցանի մեջ վերցնել Սարիղամիշ-Կարս ռազմաճակատն ու բերդաքաղաքը: Վերոհիշյալ հանգամանքների առկայության շնորհիվ Սուբմալուսի ռազմաճակատը ձեռք է բերում արտակարգ կարեւորագույն նշանակություն:

Հանրապետության ղեկավարությունն ու ժողովուրդը սրտատրոփ եւ մեծագույն հույսով ու հավատով ակնկալում էին Սուբմալուսի ճակատում հայկական զորքերի նվաճած հաղթանակի ավետիսին: Իսկ ժողովուրդը եւ այս անգամ եւս ՀՀ կառավարությունը նույնպես, իր ակնկալիքների ու վստահության մեջ էլ էր սխալվում. այնտեղ իր քաջակորով մարտիկներով մարտնչում էր Դրոն:

«Իր անձնական քաջութեամբ, գրում է Ալ. Խատիսյանը, Դրոն դարձած էր հայ զինուորի կուռքը եւ այդ պատճառով՝ ընդունակ էր հրաշքներ գործելու անոր հետ»²:

Այո՛, ժողովուրդը էլ էր սխալվում. Դրոն եւ նրա առաջնորդած մարտիկները գործելու էին հերթական հրաշքը:

Գլխավոր ռազմակայանից, նույնիսկ այդ ճակատագրական, բախտորոշ պահին, Սուբմալուսի ռազմաճակատի զորամասերի մարտաշարքերը համարելու համար չեն առաքվել որեւէ լրացուցիչ մարտական ուժեր: Հանրապետության կառավարությունն ու հայկական բանակի հրամանատարությունը ավելի քան վստահ էին, որ թեպետ զորքերի քանակական առումով իր սահմանափակ հնարավորությունը, Սուբմալուսի ուղղությամբ դեպի Արարատյան դաշտ եւ

մայրաքաղաքի դարպասները ձգվող ուղիներն անառիկ են ու հուսալիորեն պաշտպանված:

Արարատյան դաշտի եւ մայրաքաղաքի բնակչությունը սիրահոժար օգնում եւ ոգեւորում էր մարտադաշտում մարտնչող իր զավակներին, որոնք արդեն նախորդ մարտերում դրսեւորած հերոսականությունը իրավամբ վաստակել էին հայության սերն ու վստահությունը: Սուբմալուսի ռազմաճակատի թիկունքը գործում էր անխափան: Այդ օրերին կարծես մայիսյան հերոսամարտերի ոգին էր վերստին արթնացել ռազմաճակատին սատարող Արարատյան դաշտի հայության շրջանում:

Հոկտեմբերի 24-ին Սուբմալուսի ճակատում կենտրոնացած թուրքական զորքերի զորամասերն ու քրդական հրոսակախմբերը անհրաժեշտ վերախմբավորում եւ նախապատրաստական քայլեր կենսագործելուց հետո վերսկսում են մարտական գործողություններն ու մեծ ուժերով հարձակվում Մարգարայի ու Կարակալայի կամուրջների մերձակայքում պաշտպանական դիրքեր գրաված հայկական զորավաշտերի վրա: Արաքսի երկու կամուրջները չափազանց կարեւոր ռազմավարական նշանակություն ունեցող հանգույցներ էին: Փաստորեն Մարգարայի ու Կարակալայի կամուրջներն այն հիմնական հաղորդակցության միջոցներն էին, որոնք Սուբմալուսի ամբողջ գավառը կապում էին Արարատյան աշխարհի հետ:

Կարելի է ասել, որ այդ երկու կամուրջները Հայաստանի Հանրապետության յուրօրինակ դարպասներն էին: Ահա թե ինչու թուրք հրամանատարությունը հայկական ողջ զորաբանակը օղակի մեջ վերցնելու ու ջախջախելու նպատակով ձգտում էր նախ եւ առաջ գրավել կամուրջները եւ անգամ ուշադրության չարժանացնելով դոհերն ու կորուստները, ամենակատաղի եւ հզոր հարվածներ տեղում էր հենց այդ հատվածներում պաշտպանվող զորամասերի վրա:

«...հոկտեմբերի 23-ի լույս 24-ի գիշերը, պատմում է Վ. Արծրունին, ամենակատաղի յարձակում մը փորձեցաւ Գարակալայէն մինչեւ Դաշքօռուն: Պայքարը սուր էր: Թշնամին կը մտածէր ուժ գին գրոհով մը հասնիլ Գարագալա եւ Մարգարա կամուրջները եւ, սպառնալով Երեւանի գոյութեանը, ստիպել Կարսի պարպումը: Այդ բանին մէջ թուրքերը սխալ հաշիւ էին ըրեր: Հին Սարգարաբատի յիշողութիւնները դեռ շատ թարմ էին իրենց մայրենի հողը պաշտպանող հայ ռազմիկներու սրտի մէջ»¹:

¹ Վրացեան Ա., Կեանքի ուղիներով, հ. Բ, 1965, էջ 196:

² «Ղայրեմիք» ամսագիր, 1925, թիւ 9, էջ 106:

¹ Վահե Արծրունի, Աշխ., էջ 203:

Սուրմալուի ռազմաճակատի հրամանատարութեան համար չէր կարող գաղտնիք լինել թուրք հրամանատարութեան մարտավարութիւնը: Նախորդ կռիւմների փորձն արդեն մատնանշում էր, որ այս անգամ եւս թուրք հրամանատարութիւնը առաջին հերթին գրոհներ կգործի հենց այդ կամուրջների ուղղութեամբ: Հայկական կողմը, շատ լավ գնահատելով այդ իրողութիւնը, իր հերթին համապատասխան քայլեր է ձեռնարկում դիմադրովելու այդ ուղղութիւնից տեղացող հարձակումները:

«Երբ սկսուել են կռիւները այդ կամուրջի շուրջը, շտաբում շտաբին հետաքրքրել է այն հարցը, թէ ո՞վ է պաշտպանում այդ կարեւոր կետը:

- Գնդապետ Լալաեանը (45 տարեկան):

- Եթէ նա, կարելի է ապահով լինել: Եթէ թիրաքներն անգամ նրա միւր քրքրեն ատամներով, նա տեղից չի շարժուի...»¹:

Դրոն, որպես կանոն, շատ լավ տիրապետել է իր հրամանատարութեամբ մարտնչող յուրաքանչյուր զորամասի եւ հրամանատարի մարտական որակներին ու կարողութիւններին, որը նրան հնարավորութիւն է ընձեռել անհրաժեշտ պահին կատարել ուժերի ճիշտ եւ համապատասխան տեղաբաշխում: Կռիւմների ժամանակ նրա տարերքը շարժումն էր, մարտադաշտի ամենաշիկացած կետերում հայտնվելն ու անձնական օրինակով մարտիկներին ոգեւորելն ու սիրանքի կոչելը: Այս կռիւմների ժամանակ նա դարձյալ եղել է իր տարերքի մեջ: Կռիւմների ողջ ընթացքում ռազմաճակատում զորամասի եւ հրամանատարի հետ անխափան, որը շատ կարեւոր է, գործել է կապը: Զորագնդերի հրամանատարներին Դրոյի կողմից տրվող հրամանը միակն էր. զոհվել, բայց պաշտպանել Արաքսի գետանցումները եւ ոչ մի պարագայում թույլ չտալ թշնամուն անցնելու գետն ու ներխուժելու Արարատյան դաշտ:

Ճակատամարտի ընթացքում կամուրջների ուղղութեամբ թուրքական զորքերի ձեռնարկած մեկ գրոհը հաջողուել է մյուսին: Ռազմաճակատի այդ տեղամասում կենտրոնացած գնդապետներ Լալաեանի, Բեկ-Զուրաբյանի, Հալաբյանի եւ Բազառնեցի Մարտիրոսի եւ այլոց գլխավորած հայկական գրեթե քառապատիկ փոքրաթիվ ուժերի պաշտպանութիւնը ժայռի նման անսասան էր:

Ճակատամարտում Դրոն կիրառել է շատ հետաքրքիր, միանգամայն կշռադատված, իսկ հակառակորդի համար անսպասելի մար-

տավարութիւն: Եթե ճակատի մի հատվածում նրա գլխավորած մարտական ուժերը աննահանջ դիմադրութեամբ պաշտպանում էին Արաքսի գետանցումները, ապա մեկ այլ հատվածում, նախահարձակ լինելով, գրոհներ էին ձեռնարկում թուրքական զորամասերի վրա: Այդ օրը իրենց հարձակողական գործողութիւններով հատկապես աչքի են ընկել գնդապետներ Խուզաբաշյանի եւ Մամաջանյանի գլխավորած զորագնդերը: Զդիմանալով գնդապետ Խուզաբաշյանի առաջնորդած զորագնդի հարձակմանը, թուրքերը թողնում են Գյուլիկի իրենց զբաղեցրած բնագծերը եւ շարժվելով դեպի Կարակալայի կամուրջը, ձգտում են միանալ այդ տեղամասում գտնվող իրենց զորքերին:

Ներկայացնելով ճակատամարտի այդ պահը՝ Վահե Արծրունին նշում է. «...Հոն եւս սխալուեցան: Մեր հրետանին կրակը գետի երկու ափերէն եւ Բեալակարիսի առաջաւոր դիրքերու բարձունքներէն ստիպեց տաճկական կատաղած ալիքները՝ իրենք իրենց վրայ գալարուելով, ետ երթալու: Գնդապետ Խուզաբաշեան, հանգիստ չտալով թշնամիին, վերջինիս ստիպեց լքել նաեւ Քիթիկ(Գետիկ) եւ նահանջել դէպի Գամիչլուի եւ Սէօգիլիի բարձունքները: Աւելի դէպի ձախը՝ խմբապետ բազառնեցի Մարտիրոսի յաջող դիմադրութեամբ մը Խօշխաբարէն մինչեւ Եայլի երթալով, միացաւ գնդապետ Մամաջանեանի թեւին»¹:

Անհաջողութեան մատնվելով ռազմաճակատի վերոհիշյալ հատվածներում թուրք հրամանատարութիւնը, կենտրոնացնելով առավել մեծաքանակ մարտական ուժեր, գրոհը զարգացնում է Դաշբոտունի եւ Դալիկ-Դաշի ուղղութեամբ: Թուրքական զորամասերը քրդական հեծելախմբերի գործուն աջակցութեամբ կարողանում են ուժգին հարձակումով գրավել Դաշբոտուն գյուղը, այնուհետեւ հարձակումը զարգացնել Իգդիր-Մարգարա խճուղու ուղղութեամբ: Հաղթահարելով այդ հատվածում մարտնչող հայկական սակավաթիվ ուժերի դիմադրութիւնը՝ թուրքերը նույն օրը գրավում են Դաշար-Թոխանլու, Կարակոյնիլու գյուղերը եւ հասնում մինչեւ Դալիկ-Դաշ, որը մարտավարական առումով կարեւոր դիրք ունի: Դալիկ-Դաշի գրավումը հակառակորդին մեծ հնարավորութիւն կընձեռեր հարձակումը զարգացնելու Մարգարայի կամրջի ու Իգդիրի ուղղութեամբ եւ հաջողութեան դեպքում փակելու Սուրմալուի հայ բնակ-

¹ «Յառաջ», 1920, նոյեմբերի 17:

¹ Վահե Արծրունի, Ծշվ. աշխ., էջ 203:

չության ու գորքի նահանջի ուղիները, զրկել նրանց Արաքսը գետացնելու հնարավորությունից :

Ամբողջ օրը հակառակորդի ուժերի դեմ հերոսաբար մարտնչող զորախմբերը, այլևս անկարող լինելով դիմադրելու դեպի Արաքսի կամուրջները ձգտող թշնամու մեծաքանակ ուժերի գրոհներին, քայլ առ քայլ նահանջում են: Ռազմաճակատում շատ վտանգավոր կացություն է ստեղծվում: Եթե հայ մարտիկները չկարողանային կասեցնել թուրքերի եւ քրդական հրոսակախմբերի առաջխաղացումը, ապա նրանք կարող էին զրավել կամուրջներն ու ներխուժել Արարատյան դաշտ:

Ներկայացնելով հայ մարտիկների համար ստեղծված այդ ծանրագույն պահը՝ Մարտիրոսը նշում է. «Երբ տաճիկները անցնում էին մեր ոյժերի թիկունքը, Դրոն կարգադրել էր, որ առաջին գծից ոչ ոք չնահանջի եւ բոլորը մնան իրենց տեղերում»¹:

Թեպետ Դրոյի հրամանատարությունը մարտնչող զինվորները, որպես օրենք, նրա հրամաններն անառարկելիորեն կատարում էին, սակայն ռազմաճակատում ստեղծված տագնապալի իրավիճակը հրամայաբար թելադրում էր վճռական քայլեր ձեռնարկել ու հուսալիորեն պաշտպանել Արաքսի գետանցումները: Մթափ գնահատելով կացությունը՝ Դրոն կապվում է Երեւանի հետ եւ պահանջում, որ գնդապետ Կ. Թարխանյանը, որն այդ ժամանակ գտնվում էր Երեւանում, իր հրամանատարություն տակ գտնվող ուժերով անհապաղ օգնության շտապեր Սուրմալուի պաշտպաններին: Ստանալով Դրոյի տագնապալի հրամանը՝ Կուռո Թարխանյանը անմիջապես իր հրամանատարություն տակ գտնվող «...7 հատ խեղճ ու կրակ ինքնաշարժերով, 6 գնդացիներով սպառազինուած եւ 180 մարդով դուրս եկաւ Քանաքեռէն ժամը 4-ին...եւ հասաւ Մարգարա ժամը 6-ին»²:

Հասնելով մարտադաշտ՝ գնդապետ Կուռոն երկու բեռնատար ներուղարկում է Դաշոտունի պաշտպաններին օգնության, իսկ ինքը շտապում է Իգդիր, ուր այդ պահին գտնվում էր Դրոն: Պարզվում է, որ Մարգարայից Իգդիր ձգվող մայրուղին ամբողջովին բռնված է թշնամու զինվորներով եւ առաջ գնալու հնարավորություն չկար: Տվյալ իրավիճակում այլընտրանք գոյություն չունեւր: Այն, ինչ ձեռնարկում է Կուռոն, անտարակույս պահանջում է, որպեսզի զինվորականը օժտված լինի ընդգծված արիությունը եւ վճռականությամբ: Ինչ պետք է արվեր:

«...Առանց երկար մտածելու՝ Կուռոն դասաւորում է զինուորներին ինքնաշարժերի վրայ, ինքը նստում է առաջին ինքնաշարժի վարիչի մօտ եւ չորս ինքնաշարժերը իրարից յիսուն քայլ հեռու, արագութեամբ քշել է տալիս խճուղիով, միաժամանակ, գնդացիներին սաստիկ կրակ բանալով ճանապարհի երկու կողմով: Տալով գինուր վիրաւոր եւ գնդացրային մասի պետ հերոս Մալադկիին սպանուած՝ Կուռոն ճեղքում է թշնամու շղթան եւ հասնում օրհասական դիմադրութիւն ցոյց տուող Դալիգդաշին օգնութեան»¹:

Հարկ է ընդգծել, որ բեռնատարներով թշնամու վրա գնդապետ Կուռոյի ձեռնարկած հարձակումն ու նրանց մարտաշարքերը ճեղքելու հաջողությունը արմատական բեկում են մտցնում այդ օրն ընթացող ճակատամարտում:

Գնդապետ Կուռո Թարխանյանի կենսագործած այդ խիզախ եւ վճռորոշ գրոհի իսկությունը վկայում է նաեւ բաշգառնեցի Մարտիրոս Աբրահամյանը²:

Վ. Արծրունին, նույնպես արժանվույնս գնահատելով գնդապետ Կուռոյի կիրառած մարտավարությունը, միաժամանակ գտնում է, որ գնդապետ Կուռոյի այդ վճռորոշ մարտավարությունը «...կարելի է աւելի շուտ վերագրել Կուռոյի հոգեբանական վիճակին, քան ռազմագիտական հեռատեսության: Լինելով մէկը Դրոյի հիացողներէն՝ նա այժմ աւելի շատ կը մտածէր իր սիրելի հրամանատարը փրկելու, քան թէ յաղթանակ չահելու մասին»³:

Ինչպիսի հանգամանքով էլ պայմանավորված լինել գնդապետ Կուռոյի՝ հիրավի հիացմունքի արժանի մարտավարությունը՝ ճակատամարտում կտրուկ կերպով փոխվում է իրավիճակը: Գնդապետ Կուռո Թարխանյանը, իր ուժերին միացնելով Ջհանգիր աղայի եզդիների հեծելազորը, ջախջախում է Դալիկ-Դաշը պաշարած հակառակորդի ուժերը, ապա հաղթահարում մինչեւ Իգդիր դիրքավորված հակառակորդի դիմադրությունն ու բացում է Մարգարա-Իգդիր խճուղին եւ հաղթականորեն ներկայանում հրամանատար Դրոյին:

Մարտիրոսը, իր հուշերում համառոտ ներկայացնելով Սուրմալուի ճակատում ընթացող կռիվների մի քանի ուշագրավ դրվագներ, գրում է, որ գրոհներից մեկի ժամանակ թուրքերին քրդերի համագործակցությամբ հաջողվել է թափանցել նույնիսկ Իգդիր: Դատելով նրա ներկայացրած փաստերից, պարզվում է, որ Դրոյին հաջողվել է

¹ Խմբագրւած Մարտիրոս Աբրահամեան, Եջվ. աշխ., էջ 470:

² Վահե Արծրունի, Եջվ. աշխ., էջ 204:

¹ Վրացեան Ս., Հայաստանի Հանրապետութիւն, էջ 478-479:

² Խմբագրւած Մարտիրոս Աբրահամեան, Եջվ. աշխ., էջ 470:

³ Վահե Արծրունի, Եջվ. աշխ., էջ 204:

Իգդիրը թշնամու ուժերից մաքրել գնդապետ Կուռոյի նշանավոր ճեղքումն իրականացնելուց հետո միայն:

«Կուռոյի ուժերի գլուխն անցած, գրում է Մարտիրոսը, Դրոն դուրս է գալիս քաղաքից եւ վերադառնալով յարձակուում է նրանց վրայ: Քրդերն ու տաճիկները մեծ թւով դիակներ թողնելով Իգդիրի բուլւարում ու փողոցներում, դիմում են փախուստի»¹:

Կուռոյին հանձնարարելով Արաքսի գետանցումների պաշտպանութունը՝ Դրոն, համախմբելով ուժերը, վճռական հարձակում է ձեռնարկում բազմաթիվ ապարդյուն գրոհներից արդեն հոգնած ու հուսալքված հակառակորդի վրա: Թուրքական զորամասերն ու քրդական հրոսակախմբերը, կորցնելով զգալի քանակության սպանվածներ ու վիրավորներ, նահանջում են մինչեւ ելման դիրքերը:

Ընդհանրացնելով հոկտեմբերի 24-ի ճակատամարտի արդյունքները, կարելի է ասել, որ գերակշռող ուժերով ձեռնարկած հարձակումները թուրք հրամանատարությանը որեւէ շոշափելի արդյունք ու առավելութուն չեն տվել, նրա կողմից կենսազորած թաղում գրոհները ապարդյուն են անցնում: Դրոյի զինվորները հրաշալի քննութուն են բռնում: Ինչպես նախորդ, այնպես էլ այդ օրն ընթացող լարված ու դժվարին կռիվներում նրանք ոչ մի անգամ տեղի չեն տվել թշնամու անընդմեջ կրկնվող հարձակումներին եւ չեն լքել իրենց դիրքերը:

«Ճակատամարտ» լրագրի թղթակիցը այդ կռիվների վերաբերյալ մայրաքաղաքից խմբագրութուն է ուղարկում հետեւյալ հաղորդագրութունը.

«Թուրքերը յարձակում կը գործեն Իգդիրի վրայ, որ Երեւանէն 45 քիլոմետր հեռու է: Այդ կուռին թնդանօթի ձայներն են, որ կը լսուին հիմա: 80 ժամ է ի վեր կատաղի եւ անընդհատ կռիւ կը մղուի այդ ճակատին վրայ գիշեր ու ցերեկ: Երկու կողմերն ալ կը կռուին կատաղօրէն: Գաղափար մը տալու համար ըսեմ, թէ այդ շրջաններուն մէջ գիւղեր եղան, որոնք ինն անգամ թշնամիին եւ մեր ձեռքն անցան յաջորդաբար: Մոտ 4 հազար թրքական կանոնաւոր զօրք եւ 10 հազար քիւրտ եւ թուրք խուժան կը մասնակցէին յարձակումին, իրենց դէմ ունենալով հայկական հերոս բանակը, որուն թիւը կը հասնի 4 հազարի...»

Թրքական կորուստները շատ մեծ են եւ կը հասնին հազարի, մինչ մեր զօհերը կըլլան 50 հոգի...

Իգդիրի ճակատը կը պաշտպանէ Դրոն»¹:

Հոկտեմբերի 24-ի մարտերը, կարելի է ասել, ծավալվող գործողութիւնների միայն սկիզբն էին: Մարտերի արդյունքը անակրճակ էր, եւ իհարկեւ, բացարձակապես չէր կարող բավարարել շուտափուլից հաղթանակի ակնկալիքներ ունեցող թուրք հրամանատարությանը:

Հոկտեմբերի 25-ը խաղաղ է անցնում, բայց միանգամայն պարզ ու հասկանալի էր, որ այդ խաղաղութիւնը խաբուսիկ էր: Հակառակորդին ըստ ամենայնի նախապատրաստվելու համար մի փոքր ժամանակ էր պետք, որպեսզի առավել մեծ ծավալով ու ուժգնությամբ վերսկսի հարձակումները: Հայկական կողմը նույնպես պատրաստվում է նոր գոտեմարտերի: Հակառակորդի հրամանատարութիւնը, վերախմբավորելով ու համալրելով մարտական ուժերը, հոկտեմբերի 26-ին դարձյալ դիմում է լայնածավալ հարձակման, այն էլ մի քանի ուղղությամբ:

Հոկտեմբերի 26-ի ճակատամարտը, որը զգալիորեն տարբերվում էր նախորդներից, Սուրմալուի ռազմաճակատում մղվող կռիվներից ամենավճռականն էր: Նախորդ կռիվներում իրենց կրած պարտութիւններից ու ծրագրերի փլուզումից հետո թուրք հրամանատարութիւնը որոշում է ձեռնարկել առավել ուժգին եւ մեծածավալ ընդգրկումներով մարտական գործողութիւններ:

Այդ օրը հակառակորդի ձեռնարկած հարձակողական գործողութիւններին մասնակցել են ճակատում կենտրոնացած բոլոր զորամասերը, բազմաթիվ քրդական հեծելախմբեր, մեծ քանակությամբ հրետանի եւ գնդացիներ: Թուրք հրամանատարութիւնը, մեծաքանակ ուժեր կենտրոնացնելով ռազմաճակատի մի քանի հատվածներում, ծրագրում է հաջորդաբար գրավել գավառի կենտրոնը՝ Իգդիրը, նրան շրջափակող գյուղերը եւ պաշարման շղթայի մեջ վերցնել հայկական բանակի հիմնական խմբավորումն ու հրամանատարական կետը, որոնք գտնվում էին Իգդիրում: Զուգահեռաբար, թուրքական զորքերը ուժգին գրոհներ պիտի ձեռնարկեին Մարգարա եւ Կարակալա կամուրջների ուղղությամբ: Թուրք հրամանատարութիւնը, տեղյակ լինելով իրենց զորամասերին դիմակայող հայկական մարտական ուժերի սակավության իրողությանը, ձգտում է հզոր հարվածներ ձեռնարկել մի քանի ուղղութիւններում միաժամանակ, հույս ունենալով, որ հայկական փոքրաքանակ ուժերը ի զորու չէին լինի նույն հաջողությամբ պաշտպանել հարձակման ենթարկվող բոլոր հենակետերը:

¹ Խմբագրւած Մարտիրոս Աբրահամեան, Գշվ. աշխ., էջ 470:

¹ «Ճակատամարտ», 1920, դեկտեմբերի 2:

Մրագրած գործողութիւններն իրագործելու նպատակադրութեամբ թուրքական կանոնաւոր զորագնդերը քրդական հեծելախմբերի համագործակցութեամբ անցնելով Չնգլի լեռնանցքը, կենտրոնանում են Օրգով եւ Արհաջ գյուղերի մերձակայքում: Հակառակորդի ուժերի մի մասը՝ Բաշգառնեցի Մարտիրոսի վկայութեամբ «...գիշերով անցան Օրգովից եւ Մեծ Մասսի փէշերով» դուրս եկան Իգդիրի թիկունքը՝ գրաւելով Մալաքլուն ու Դալիքդաշը, նպատակ ունենալով կտրել Մարգարայի Կամուրջը»¹:

Այդ օրը հակառակորդի կողմից կիրառվել է նաեւ հետեւյալ մարտավարութիւնը: Իր զորքերի թվական գերակշռութեամբ ոգեւորված թուրք հրամանատարութիւնը, հայկական զորքերի պաշտպանութիւնը արագորեն խորտակելու դիտավորութեամբ, հոգեբանական գրոհ է ձեռնարկում հայ զինվորների վրա: Նվազախմբի եւ թմբուկների զարկերի ուղեկցութեամբ թուրքական զորաջոկատները մարտաշարքերով եւ խրոխտ քայլերով մոտենում են հայ մարտիկների դիրքերին: Սակայն իզուր էր թուրքական հրամանատարութեան փորձը՝ հոգեբանական գրոհների սարսափազդու տեսարաններով ահաբեկել Սուլումալուի պաշտպաններին: Դրոյին եւ նրա զինվորներին անհնարին էր վախեցնել ու ահաբեկել այդօրինակ, թեկուզեւ հոգեբանական գրոհներով ու սարսափազդու գործողութիւններով:

Հոգեբանական գրոհներին հաջորդում է թնդանոթային մարտկոցների փոթորկալի կրակը, որի պաշտպանութեամբ թուրքական զորամասերը եւ քրդական հեծելախմբերը նետվում են Սուլումալուի պաշտպանների հենակետերի վրա:

Նախորդ օրվա հաղթական կռիվները թեւավորել ու ոգեշնչել էին հայ զինվորներին ու հրամանատարներին:

Չնայած հայկական զորամասերում տիրող մարտնչելու տրամադրվածութեանը, այնուամենայնիվ, շատ ծանր իրավիճակ է տիրել ռազմաճակատի ամբողջ տարածքում: Թուրք հրամանատարութիւնը, հաշվի չառնելով կորուստները, անընդհատ պահեստային նորանոր ուժեր նետելով մարտադաշտ, ձգտում է ամեն գնով ընկճել հայ զինվորների դիմադրութիւնը եւ մոտենալ Արաքսի գետանցումներին: Մի շարք բնակավայրեր մի քանի անգամ ձեռքից ձեռք են անցնում:

«Այս, - շարունակում է Վ. Ահարոնյանը, - վերջին կռիւների ընթացքում եղել են վայրկեաններ, երբ չորս կողմից անդադար յարձակումների ենթարկուած մեր զորամասերից ոմանք ընկած են եղել չափազանց ծանր դրութեան մէջ: Կորցրած նահանջի ճամբան, որը

¹ Խմբապետ Մարտիրոս Աբրահամեան, Ըշվ. աշխ., էջ 470:

գրաւուած է եղել թշնամու կողմից, ճակատից կատաղի յարձակումների ենթարկուած մեր զորամասերից մէկի պետը հեռախոսով դիմում է Դրոյին (բարեբախտաբար ամբողջ կռիվների ընթացքում ճակատում հեռագրային եւ հեռախոսային կապը ոչ մի վայրկյան չի ընդհատվել - Հ. Գ.), խնդրելով հրահանգներ ստեղծուած ծանր կացութեան վերաբերմամբ:

- Ինչպէս էք հրամայում վարուել, հարցնում է զորամասի պետը:

- Հրամայում եմ բոլորիդ մեռնել, ոչ մի քայլ յետ, - հրամայում է Դրոն:

- Լսում եմ, պ. հրամանատար, - լինում է զորամասի հրամանատարի պատասխանը»²:

Դրոյի հրամանը անառարկելիորեն պիտի կատարվեր: Նրա հատու պատասխանից կրկնակի անգամ զգաստացած հրամանատարը վարպետորեն է կազմակերպում զորամասի պաշտպանութիւնը եւ մարտի մեջ մտցնելով տեղ հասած օգնական ուժերը՝ հուժկու հակահարվածով ջախջախում է թշնամու օղակող զորամասերն ու վերականգնում դրութիւնը: Կռիվների ողջ ընթացքում ռազմաճակատի հրամանատարը անընդհատ շարժման մեջ էր եւ ինչպես միշտ զինվորների կողքին՝ ամենաշիկացած կետերում:

«Կռուի ընթացքում, գրում է Վ. Ահարոնյանը, - Դրոն ամէն տեղ է: Չի մնում ոչ մի դիրք, որ նա չայցելի, չի մնում ոչ մի զորամաս, որի թիկունքում, նա գէթ մի քանի ընդհանրապէս չի չեղել: Մէկին խրախուսել, միւսին քաջալերել, երկրորդի սխալն ուղղել կամ նոր հրահանգներ տալ ստեղծուած կացութեան հանդէպ, ահա թէ ինչ է անում նա կռուի ընթացքում: Նրան ենթակայ զորամասերը միշտ զգում են նրա անմիջական ներկայութիւնը: Մի հանգամանք, որ չի կարող չանդրադառնալ նրա զօրաբանակի բարձր ռազմական տրամադրութեան վրայ»²:

Թեպետ Սուլումալուի մարտական ուժերի նկատմամբ ունեցած գրեթե եռապատիկ գերակշռութեանը, հակառակորդի ձեռնարկած գրոհները անհաջողութեան են մատնվում ռազմաճակատի բոլոր հատվածներում: Գրոհներից մեկի ժամանակ թշնամուն հաջողվում է գրավել Խանֆանլուն, բայց այդ հաջողութիւնը խիստ կարճատեւ էր: Այդ տեղամասում մարտնչող մարտիկները գնդապետ Մամաջանյանի գլխավորութեամբ անցնում են հարձակման եւ խորտակելով հակառակորդի դիմադրութիւնը՝ հետ են վերցնում Խանֆանլուն:

¹ «Յառաք», 1920, օրյոյնքերի 17:

² Եւրոյն տեղում:

նույն իրավիճակն էր տիրում նաև պաշտպանութան այն հատվածներում, որտեղ հայ մարտիկները գործում էին գնդապետներ նուղաբաշյանի եւ Թարվերդյանի գլխավորությամբ:

Թուրք հրամանատարությունը զուգահեռաբար գրոհներ է ձեռնարկում նաև Իգդիրի ուղղությամբ: Կենտրոնացնելով զգալի քանակության մարտական ուժեր՝ թուրքերն ու քրդական հեծելախմբերը հարձակվում են Քիթիկի ու Քյուլիկի պաշտպանական տեղամասերում դիրքավորված հայկական զորամասերի վրա: Հայ մարտիկները, տեղի տալով հակառակորդի ուժեղ ճնշմանը, նահանջում են Իգդիրի ուղղությամբ: Սակայն այդ հաջողությունը նույնպես վաղաժամ էր:

«...Պահեստի ոստիկաններու պետ Մարտիրոս, ետեւէն հասնելով, ո՛չ միայն արգելեց մերիներուն նահանջը, այլև Չարուխչիէն մինչև Քիւլիկ երեք անգամ տալէ եւ առնելէ յետոյ պահեց նոր նախկին դիրքերը...»¹:

Չնայած այն հանգամանքին, որ մարտերը ծավալվում էին ռազմաճակատի գրեթե բոլոր հատվածներում, այնուամենայնիվ թուրք հրամանատարության հարվածի գլխավոր ուղղությունը եղել ու մնում էին Արաքսի երկու՝ Մարգարա եւ Կարակալայի կամուրջները:

Մարգարայի կամրջի տեղամասի պաշտպանությունը՝ Դրոյի հանձնարարությամբ, իրականացրել են գնդապետներ Թարվերդյանի եւ Հալաբյանի գլխավորած զորագնդերը, որոնք հրաշալիորեն կատարել են հրամանատարի առաջադրանքը: Որպեսզի հաջողվեր մոտենալ Մարգարայի կամրջին, նախ եւ առաջ անհրաժեշտ էր գրավել Դաշտուունն ու Դալիկ-Դաշը: Գնդապետներ Թարվերդյանի եւ Հալաբյանի գլխավորած զորագնդերը, որպեսզի հակառակորդին անջրպետեին Մարգարայի կամրջից, դիրքեր են գրավում Դաշտուունն ու Դալիկ-Դաշ գյուղերի մերձակայքում եւ մեծ հաջողությամբ հետ մղում դեպի գետանցումները ձգտող թշնամու հարձակումները:

Գնահատելով այդ օրն ընթացող ճակատամարտում հայ մարտիկների դրսևւորած մարտական որակները՝ Մարտիրոսը նշում է. «Այդ օրերին Սուրմալուն պաշտպանող բոլոր զօրախմբերը կուռւմ էին հիանալի կերպով»²:

Եթե Մարգարայի կամրջի ուղղությամբ թուրքերի ձեռնարկած բոլոր գրոհները, հայ մարտիկների անկտրում պաշտպանության հետեւանքով, ապարդյուն էին անցնում, ապա Կարակալայի հատ-

վածում մարտերը ծավալվում են բոլորովին այլ ուղղվածությամբ: Այդ ուղղությամբ առաջացող թուրքական զորքն ու քրդական հեծելախմբերը հաջողությամբ զարգացնում են հարձակումը, հասնում են մինչև կամուրջը եւ հարձակվելով պաշտպանության այդ հատվածում դիրքավորված հայ մարտիկների վրա, գրավում են կամուրջն ու գետանցում Արաքսը: Ռազմաճակատում ստեղծվում է չափազանց վտանգավոր եւ տազնապալի դրություն: Եթե թշնամու տնօրինությունը թողնվեր եւ անհապաղ հետ չվերցվեր կամուրջը, ապա այդ իրավիճակը անխուսափելիորեն խուճապ կառաջացներ զորքերի շարքերում: Իսկ դա աներկբա նշանակում էր, որ հայկական զորքերն ու բնակչությունը լիովին կկտրվեին Արարատյան դաշտից, եւ նրանց վրա անխուսափելիորեն ծառանալու էր շրջափակման ու ոչնչացման սպառնալիքը: Այդ բխտորոշ եւ, թվում է, անելանելի իրավիճակում իր խիզախ ու վճռական քայլն է կատարում ռազմաճակատում կատարվող գործողություններին ուշի ուշով հետեւող Դրոն:

Ներկայացնելով Սուրմալուի ճակատամարտում ստեղծված այդ ճակատագրական ու ճգնաժամային պահը՝ Վ. Արծրունին նշում է. «Գարագալա կամուրջին գրաւումն աւելի կարեւոր էր եւ, եթէ չվերագրաւուէր՝ անկարելի պիտի ըլլար Արաքսի աջ ափը մնալ: Դրօն հասաւ կայծակի արագութեամբ, միաժամանակ հրամայելով Կուռուջին ու Մարտիրոսին աճապարել իր մօտ՝ Գէչարու գիւղը»³:

Հասնելով մարտադաշտ, Դրոն անմիջապես Գեչարու գյուղում գումարում է զինվորական խորհրդակցություն, ուր ստեղծված կացությունը փոքր-ինչ քննարկելուց ու գնահատելուց հետո, որոշվում է անհապաղ դիմել հարձակման եւ վերագրավել կորցրած դիրքերը: Շատ կարեւոր էր, որպեսզի կորցրած դիրքերն ու մասնավորապես Կարակալայի կամուրջը մեր զորքերի կողմից վերգրավվեին Հնարավորինս արագ, քանի դեռ թշնամու ձեռք բերած հաջողության լուրը չէր հասել ռազմաճակատի մյուս զորամասերին, գավառի բնակչությանը եւ Երեւանին:

Գնդապետ Բեկ-Ջոհրաբյանի փոխարեն Կարակալայի պաշտպանական հատվածում մարտնչող զորամասի հրամանատարությունը վստահելով գնդապետ Կուռու Թարխանյանին, Դրոն նրան հանձնարարում է Ջաֆարաբատ-Քյալակարխ - Կարակալա ուղղությամբ անհապաղ անցնել հարձակման:

¹ Վահե Արծրունի, ԳՂՎ. աշխ., էջ 206:

² Խմբապետ Մարտիրոս Արախամեան, ԳՂՎ. աշխ., էջ 470:

³ Վահե Արծրունի, ԳՂՎ. աշխ., էջ 206-207:

«Դրոյի յանձնարարութիւնը, գրում է Վ. Արծրունին, - անմիջապէս մագնիսացուց զօրքն ու սպայութիւնը, եւ ամէնքը Հավասարապէս փորձեցին իրենց գերագոյնը»¹:

Հայ մարտիկները փայլուն կերպով են կատարում ռազմաճակատի հրամանատարի հանձնարարութիւնը: Սրբնթաց հարձակումով ջախջախելով Կարակալայի հատվածում հաստատված թուրք-քրդական զորախմբերին՝ Հայկական մարտական ուժերն ամբողջովին վերագրավում են կորցրած տարածքներն ու ամենակարեւորը՝ Կարակալայի կամուրջը: Թուրք հրամանատարութիւնը, չհամակերպվելով կորցրածով, կենտրոնացնում է լրացուցիչ զինական ուժեր եւ լուսը բացվելուն պես դիմում հարձակման:

«Առաւօտ կանուխ, շարունակում է Վ. Արծրունին, - տեղի ունեցաւ 5 ժամ տեւող կատաղի կռիւ մը՝ վերջիվերջոյ յաղթանակը մնալով հայկական զօրքին: Դիրքերու եւ, յատկապէս, կամուրջի քարուքանդումին շնորհիւ, նոր դիրքերը շատ անապահով էին: Այդ պատճառով գնդապետ Կուռօ թշնամին երեք վերստ ետ քշելէ յետոյ կամուրջի մօտերը գետն ականներով եւ շարժական ցանցերով ծածկեց ու երկու ասիերուն վրայ հաստատեց զօրաւոր պահակախումբ»²:

Ճակատամարտի մեկ այլ հատվածում թուրքերը գրավում են Իգդիրից ընդամենը 3-4 կմ հեռավորութեան վրա գտնվող Սուլթանաբադ գյուղը: Սուլթանաբադ եւ Ալիգամար գյուղերի ուղղութեամբ մարտնչող 10-րդ գունդը համառ պաշտպանութեամբ կասեցնում է թուրքական զորամասի ու քրդական հեծելախմբերի առաջխաղացումը:

Նույն ժամանակահատվածում առավել ուժեղ եւ համառ կռիվներ տեղի են ունեցել գնդապետ Թարվերդյանի ճակատամասում, ուր Հայ մարտիկները դարձյալ մեծագույն ջանքերի գործադրմամբ կորողացել են դիմագրավել թշնամու գրոհները³:

Ռազմաճակատի ամբողջ տարածքում հայկական զորախմբերն անպատմելի խիզախումներով կասեցնում են թշնամու՝ միմյանց հաջորդող հարձակումները: Թուրքական զորաբանակի հարձակողական նախկին ուժն ու հզորութիւնը ի չիք են դառնում՝ բախվելով Հայ մարտիկների աներեր ու անխորտակ պաշտպանութեամբ: Սակայն սոսկ պաշտպանութիւնն ու հակառակորդի գրոհներին դիմակայելը Դրոյի տարերքն ու նախընտրելի մարտավարութիւնը

չէր: Ռազմաճակատում ստեղծված կացութիւնը թելադրում էր գործել առավելագույնս արագ ու վճռական, մանավանդ որ Սուլթանաբադի հակառակ ուղղութեամբ թուրքերին հաջողվում է գրավել Ալիգամար գյուղն ու ներխուժել Իգդիրի գերեզմանոցը: Իսկ քրդական հեծելախմբերն արագ տեղաշարժերով կարողանում են անցնել ռազմաճակատի թիկունքն ու հարձակվել Դալիկ-Դաշի վրա: Պաշտպանութեան այդ հենակետը պաշտպանող եղբի կամավորների զորախումբը, անկարող լինելով դիմակայել քրդական հեծելախմբերի հարձակումներին, թողնում է դիրքերն ու նահանջում: Տեղեկանալով ռազմաճակատի թիկունքում քրդական հեծելախմբերի հայտնվելու եւ նրանց վտանգավոր տեղաշարժերի մասին, Դրոն Իգդիրիցիների զորախմբով, որը կռիվների ողջ ընթացքում մշտապես գործել է նրա անմիջական հրամանատարութեամբ, գնդապետ Կուռոյի զինակցութեամբ անհապաղ ուղեւորվում է դեպի Դալիկ-Դաշի վտանգված հատվածը:

«Անմիջապէս, գրում է Մարտիրոսը, վրայ է հասնում Դրօն՝ Կուռոյի ուժերով, յետ դարձնում Եգդի կամաւորներին... իրենց դեկաւար Ջհանգիր Բէկի հետ եւ նրանց հետ գրոհում են քրդերի վրայ ու մի լաւ ջարդ տալով, փախցնում են նրանց»¹:

Ռազմաճակատի հարձակման ենթարկված բոլոր հենակետերում թշնամու գրոհները չեզոքացնելուց եւ թիկունքն անցած քրդական հեծելախմբերի սպառնալիքը վնասագերծելուց հետո արդեն հասունանում է պաշտպանութիւնից հարձակման անցնելու պահը:

Քանի որ հակառակորդի ուժերը երեք անգամ հարձակվել էին գնդապետ Մամաջանյանի եւ նրա հարեւանութեամբ մարտնչող Մարտիրոսի զորամասերի պաշտպանական դիրքերի վրա եւ յուրաքանչյուր անգամ պարտվելով ու մեծ զոհեր տալով նահանջել, Դրոն որոշում է զարգացնել այդ հենակետերում ձեռք բերած հաջողութիւնն ու հարձակումը սկսել հենց այդ տեղամասից: Նրա հրամանով գնդապետ Մամաջանյանը իր հրամանատարութեամբ գործող գնդի 1-ին գումարտակի գլուխն անցած՝ անակնկալ ու սրբնթաց գրոհով դուրս է շարժւում հակառակորդի ուժերը Սուլթանաբադի մտտակայքից եւ արագութեամբ զարգացնելով հարձակումը՝ գրավում է Ալիգամար ու Յաղջի գյուղերը: Ճակատամարտում ընդհանուր հարձակում ձեռնարկելու առաջին կայծը բռնկված էր, անհրաժեշտ էր այն արագորեն զարգացնել:

¹ Նույն տեղում:

² Նույն տեղում:

³ Խմբապետ Մարտիրոս Աբրահամեան, Ծշվ. աշխ., էջ 471:

¹ Նույն տեղում:

Դրոն, կենտրոնացնելով մի քանի գործախմբեր, վճռական հարձակում է գործում անընդմեջ ապարդյուն գրոհներից թուլացած ու հուսալքված թուրքական զորքի ու նրանց աջակցող քրդական հրոսակախմբերի վրա: Անկասելի ու անձնուրաց գրոհներով խորտակելով հակառակորդի դիմադրությունը՝ հայ մարտիկները ջախջախում են թշնամու մարտական ուժերի մարտաշարքերը, եւ «... թշնամին անհամար դիակներ թողնելով՝ դիմեց փախուստի, մինչեւ Բարթոլյան լեռների միւս կողմը»¹:

Հաղթությունը կատարյալ էր, ճակատամարտի հաղթական ավարտին մեծ հավատով եւ սրտատրոփ սպասող մայրաքաղաքի ու Արարատյան դաշտի բնակչությունը ցնծության մեջ էր: Սուրմալուի ուղղությունից մայրաքաղաքի ու Արարատյան դաշտի վրա ծառացած մահասարսուռ ուժերը խորտակվում են՝ բախվելով հայ զինվորների ու նրանց առաջնորդող զորահրամանատարների անկոտրում կամքին ու խիզախությանը:

Միանգամայն իրավացի է Կարո Սասունին, նշելով. «Երեւանյան բանակը յաղթական էր: Այն ոչ միայն մայրաքաղաքն իր շրջաններով վտանգէ ազատած էր, այլ իր փայլուն հաջողութիւններով այդ ճակատի վրայ յաղթական էր»²:

Որպես վկայություն Սուրմալուի ռազմաճակատում հայկական զորքերի նվաճած հաղթանակի, վկայակոչենք արդեն հիշատակված Սեպուհի զորամասի շտաբի ծառայողներից մեկի հուշերի հետեւյալ տողերը. «Ամսի 26-ին Իգդիրի ճակատում մեր զորայունը Դրոյի դեկավարությունը ետ է գրավել այն բոլոր դյուղերը, որոնք խլված էին թշնամու կողմից: Թուրքերը այստեղ կատարյալ պարտություն են կրել»³:

Ճակատամարտի հաղթանակը հավաստող եւս մի վկայություն. «Տաճիկների յամառ յարձակումները, նշվում է Հայաստանի Հանրապետության վերջին անցքերի լուսաբանմանը նվիրված վավերագրերից մեկում, - չորս օր շարունակ անյաջողութիւն էին ունեցել Իգդիրի ճակատում, ուր Դրոյի հրամանատարութեամբ մեր զորամասերը ցոյց էին տուել հերոսական դիմացկանութիւն եւ յամառութիւն»⁴:

Պիտի փաստել, որ Սուրմալուի ճակատամարտի հաղթանակի կարեւորագույն նախադրյալներից էր նաեւ Դրոյի գլխավորած

զորամասերի մարտական պատրաստվածությունն ու բարոյա-հոգեբանական կայուն վիճակը:

Ինչպես արդեն նշվել է, նա կտրականապես դեմ էր ու իրավացիորեն գտնում էր, որ բանակի կանոնավոր զորամասերը չպետք է մասնակցեին Հայաստանի տարածքը մահմեդական բնակավայրերից «մաքրման» գործողություններին: Նա իր հարուստ մարտական փորձառութեամբ շատ լավ գիտեր, որ թուրքական բնակավայրերի գրավումը անխուսափելիորեն նշանակուէն էր տրվել թալանի ու ավարատության, որը հավասարազոր էր բարոյալքության եւ անկազմակերպվածության: Դրոն թույլ չի տվել, որ իր հրամանատարությամբ գործող զորամասերը մասնակցեին «մաքրման» գործողություններին:

Իսկ դա նշանակում է, որ Սուրմալուի ռազմաճակատի զորամասերը չմասնակցելով «մաքրման» գործողություններին, էջին տրվել թալանի ու ավարատության ու պահպանել էին իրենց մարտունակությունն եւ բարոյահոգեբանական կայուն վիճակը:

Դրոն մեկ անգամ եւս պայցուցեց, իզուր էէ, որ վաստակել է անպարտելի զորավար անունը:

Բազմիցս հիշատակված Վահե Արծրունին, որը իր հեղինակած «Հայ-Տաճիկական պատերազմը» արժեքավոր գրքում իր քննադատական վերաբերմունքն ու անհամաձայնությունն է արտահայտում Դրոյի Արցախյան գործունեությանը, նկարագրելով Սուրմալուի ռազմաճակատում Դրոյի հրամանատարությամբ մարտնչող զորամասերի մղած կռիվների մանրամասներն ու վերլուծելով պատերազմում հայկական զորքերի պարտության պատճառները, տալիս է հետեւյալ ուշագրավ եզրահանգումն ու գնահատականը. «Հայկական զորքի պարտութեան պատճառները շատ էին եւ պարզ, եթէ մենք քաջութիւն ունենանք տեսնելու եւ, մանաւանդ՝ խոստովանելու գանոնք: Այս տողերը փակելէ առաջ անհրաժեշտ կը համարիմ ըսիլ, թէ այս բոլորը չեմ տարածիր Սուրմալուի հրամանատար Դրոյի վրայ, որու հետեւ ան, իրօք, իր անձնական հմայքով եւ մասնակցութեամբ՝ փրկեց նոյնքան վտանգաւոր ճակատ մը եւ, հաւանաբար, նաեւ այն, ինչ որ այժմ ունինք՝ փոքրիկ Հայաստանը»⁵:

Չնայած նրա անզուգական հրամանատարությամբ Սուրմալուի ռազմաճակատում ձեռք բերած փայլուն հաղթանակին, դժբախտաբար, Հայաստանի Հանրապետությունը արդեն պարտվել էր: Կարսի ռազմաճակատն, ի տարբերություն Սուրմալուի, ունենալով պաշտպանության հզոր միջոցներ, անգամ զրահագնացք ու մի քանի ինքնաթիռ, անկարող է լինում դուռնդ-ինչ դիմադրել թուրքական զոր-

¹ «Հայրենիք» ամսագիր, 1956, հոկտեմբեր, էջ 23:

² Նույն տեղում:

³ «Ազատ, անկախ եւ միացյալ Հայաստանի վերջին օրերը», էջ. 91:

⁴ ՀՀ ԲԿԱ, թժ. 121, գ. 97, «Հայաստանի վերջին անցքերը», էջ 2-3:

քերի հարձակումները եւ առանց որեւէ դիմադրութեան հզոր բերդաքաղաքը հանձնում է հակառակորդին:

«Հոկտեմբերի 31-ին, գրում է Ալ. Խատիսյանը,- ժամը երկուքի մօտ էր, երբ ես նկատեցի, որ Երեւան քաղաքի վրայ կը սլանա սաւառնակ մը: Անոր թռիչքի աղմուկը պարզ կը լսուէր քաղաքին մէջ: Սաւառնակը իջաւ գետին: Ոչ ոք չէր կրնար ենթադրել, թե ան բերած է սարսափելի լուր մը- Հոկտեմբերի 30-ին, առաւօտեան թուրքերը գրաւած էին Կարս: Ժամը երեքին ես հրաւէր ստացայ երթալ կառաւարութեան ժողովի: Նիստը բանալով նախագահը գեկուցեց ժողովին, որ լուր է ստացած Կարսի անկման մասին:

... Սաւառնակով եկած սպան կը յայտնէր, որ ինք անձամբ տեսած է , թէ ինչպէս կայարանին կողմէ քաղաք կը մտնէին թուրք ասկարները եւ թէ ինչպէս կը փախչէին քաղաքէն հայ զինուորները եւ ազգաբնակչութիւնը:

... միւս օրը, երբ Կարսի անկման ակնատեսները հասան Երեւան, պարզուեցաւ, թէ թուրքերը քաղաք էին մտել գրեթէ առանց զնդակ արձակելու»¹:

Կարս բերդաքաղաքի՝ մարտունակութիւնից գուրկ եւ անկազմակերպ զինվորները, նաեւ հայ բոլշեւիկների քարոզչութիւնից մթազնած, իրենց «եղբայր կարմիրներին» արժանիորեն ու եղբայրաբար դիմավորելու համար, առանց դուլզն- ինչ դիմադրութիւն ցույց տալու, հոկտեմբերի 30-ին հզոր բերդաքաղաքը հանձնում են թուրքերին: Հերոս գնդապետ Մազմանյանը հայ զինվորների բարոյալքված ու խաբված վիճակից շանթահար՝ ինքնասպանութիւն է գործում:

Ազգային գաղափարներից եւ արժանապատվութիւնից անանկ հայրենագուրկ հայ բոլշեւիկները կատարեցին իրենց սեւ գործը: Չանցած մի քանի օր նույն բախտին է արժանանում նաեւ Ալեքսանդրապոլը: Եթե հայկական զորքերը շարունակեին նույն ոգով ու կազմակերպվածութեամբ դրսևտրել իրենց, ապա որեւէ կասկած լիներ չէր կարող, որ շատ շուտով թուրքական զորքերը կներխուժեին Արարատյան դաշտ ու կհասնեին Երեւան:

Ալեքսանդրապոլի անկումից հետո հայկական զորքերը նահանջում են բերդաքաղաքից հյուսիս-արեւելք՝ Զաջուռ եւ հարավ-արեւելք՝ Աղին կայարանի ուղղութեամբ:

Կարս-Ալեքսանդրապոլ ռազմաճակատի կազմալուծման ու քայքայման, հայկական զորքերի բարոյալքման եւ չկուպելու տրամադրութիւններ սերմանելու գործում իր նշանակալի ավանդն ու ներ-

դրումն է ունեցել Ալեքսանդրապոլում բույն դրած՝ նախկինում ընդհատակում, իսկ քաղաքը թշնամու կողմից զավթելուն պես բացահայտ գործող բոլշեւիկյան կոմիտեն, որն այդ օրերին իրեն հայտարարել էր Հայաստանի հեղափոխական կոմիտեի:

«Հայաստանի այդ յեղափոխական կոմիտէն,- կարդում ենք «Ալեքսանդրապոլի բանակցութիւնները» խորագիրը կրող վավերագրում,- Կարաբեկիր փաշայի կամակատարն էր, առաջարկում էր նրան թէ զէնք եւ թէ գործունէութիւն ի վնաս Հայաստանի: Ալեքսանդրապոլի յեղ. կոմիտէն էր, որ հաւաքեց 20-40 տարեկան բոլոր երիտասարդներին Կարաբեքիրի հրամանով, որոնց վագոններով տանում էին դէպի Կարս եւ Սարիղամիշ իբր ինչ-որ աշխատանքների համար: Այդ կոմիտէն էր, որ թուրքիկներ եւ պրոպագանդիստներ էր դրել հայ գիւղերը եւ զինուորների մէջ, որ չկուռեն թուրքերի հետ, այլ ընդհակառակը ամէն կերպ նպաստեն նրանց զէնքի հաջողութեանը: Այդ կոմիտէն էր, որ «կուսակցական» կրքից կուրացած, թրքական խժոժութիւններն ու ապիկարութիւնները հերքում էր եւ յայտարարում, որ այդ թալաններն ու ապիկարութիւնները կատարել են Սեպուհի խմբերը...»²:

Պահպանվել է թուրքական զորքերի կողմից Ալեքսանդրապոլի գրավման կապակցութեամբ Ստալինին հասցեագրած՝ Կովկասյան ռազմաճակատի ռազմահեղափոխական խորհրդի անդամ Ս. Օրջոնիկիձեի հեռագիրը, որը ռազմապատեղեկութիւններ է պարունակում հայ բոլշեւիկների ու քեմալականների փոխհարաբերութիւնների եւ Հայաստանի «իմպերիալիստական» նկրտումների մասին:

Այդ հեռագրով Ս. Օրջոնիկիձեն Ստալինին տեղեկացնում է, որ համաձայն Կասյանի, Բեկզադյանի, Նուրիջանյանի հաղորդածի, դաշնակները թուրքերի հարձակման ժամանակ լքել են քաղաքը: Օգտվելով այդ հանգամանքից՝ քաղաքում գտնվող բոլշեւիկները բանտից ազատել են իրենց բանտարկված ընկերներին, կազմել են հեղկոմ եւ հանդես են եկել կոչով:

«Սեպուհի(դաշնակ) զորախումբը, - հայտնում է Ս. Օրջոնիկիձեն,- տեղեկանալով այդ մասին, հետ է վերադարձել եւ նորից գրավել Ալեքսանդրապոլը: Հեղկոմը, չունենալով մարտական ուժեր, կարմիր դրոշներով գնացել է դիմավորելու քեմալականներին...

Բանակ գրեթէ գոյութիւն չունի: Դաշնակները խոստովանում են, որ բոլշեւիկ - քեմալական դաշինքի մասին մեր քարոզչութիւնը առաջ է բերել Քեմալի դեմ չկուպելու տրամադրութիւնը...»³:

¹ Խատիսեան Ալ., Ընչվ. աշխ., էջ 278-279:

¹ Տե՛ս ԳԳԲԱ, քծ. 121, գ. 98, «Ալեքսանդրապոլի բանակցութիւնները», էջ 2:

² Նույն տեղում:

³ «Հայաստանի Հանրապետութիւն 1918-1920թթ.», Երեւան, 2000, էջ 349:

Հայկական գործերի պարտութեան գործում բոլշեւիկների քայքայիչ գործունեութեան ու վճռոչ ազդեցութեան փաստը շեշտում է նաեւ ՀՀ բանակի սպարապետ, գեներալ Թ. Նազարբեկյանը:

Սպարապետ Թ. Նազարբեկյանի գնահատմամբ՝ «Մենք մեծ սխալ գործեցինք, որ զորահավաք Հայտարարեցինք ամբողջ Կովկասում եւ դրանով առիթ տվեցինք Հայութեան ռիսկերիմ թշնամի Հայ Համայնավարներին իբր կամավորներ ներս սողոսկելու մեր բանակի մեջ ու այլասերելու, պարտութեան ոգի ներշնչելու նրան: Եթե մենք բավարարվեինք Հայաստանում մեր ունեցած գնդերով, ես Համոզված եմ, որ մեր զորքերը մեծ դիմադրութիւն պիտի ցույց տային Կարաբեքիի բանակին եւ պիտի կասեցնեին նրա առաջխաղացումը: Դժբախտաբար, Հայ Համայնավարները կերան մեր զինվորական ուժի արմատներն ու քայքայեցին, ջլատեցին, անզոր դարձրին նրա որեւէ դիմադրութիւնը...»¹:

Հայ բոլշեւիկների «հերոսական արարքները» ներկայացնող մեջբերումները բոլորովին չպետք է ամրագրեն, որ տողերիս հեղինակը կիսում է այն տեսակետը, թե հայկական զորքերի պարտութիւնն ու առանց որեւէ դիմադրութեան Կարսի բերդաքաղաքը թշնամուն հանձնելը գլխավորապես պայմանավորված էր Հայ բոլշեւիկների ազգադավ գործունեութեամբ:

Շեշտելով ՀՀ բանակի պարտութեան պատճառները, գեներալ Նազարբեկյանն այդ գործում անարդարացիորեն անտեսելով հրամանատարութեան դերակատարութիւնը, առավելապես ընդգծում է զինվորների թուլութիւնը, բոլշեւիկների քարոզչութեանն անվերապահորեն տրվելու ու հավատալու իրողութիւնը:

«Ի՞նչ կարող էիր ասել, նշում է գեներալ Նազարբեկյանը, ի՞նչպես կարող էիր հակաճառել, երբ մեր զինվորի գլուխը համայնավարները հաջողութեամբ մտցրել էին այն միտքը, թե հյուսիսից գալիս է ամենազոր Ռուսաստանը, Լենինի եւ Տրոցկու բանակը... Ոչ ոք զաղափար անգամ չունեիր, թե դա նախկին ցարական բանակը չէր, լավ հազնված, կանոնավոր մարզանք ստացած եւ կուշտ զիվորը, այլ ռուս ժողովրդի գավակների թափթփուք, ծարավ, ոտաբորելի ու ցնցոտիներով ծածկված բոլշեւիկ Ռուսաստանը...»

Իսկ մյուս կողմից՝ եկողը «ընկեր» Քեմալը չէր, այլ արյունառուշտ եւ հայակեր թուրքը, որ գալիս էր թալանելու, առեւանգելու, հոշոտելու մեր ժողովուրդը, բռնաբարելու եւ լլկելու մեր մատաղ սերունդը...»²:

Պարտութիւնը պայմանավորված էր մի շարք էական պատճառներով, որոնցից մեկը, անկասկած, հանրապետութեան տարածքում եւ բանակում հայ բոլշեւիկների ծավալած վնասակար ու քայքայիչ գործունեութիւնն է: Այս առումով հետաքրքիր եւ ծանրակշիռ փաստարկներ կան վերոհիշյալ թուրք սպայի տեղեկութիւններում: Համաձայն նրա վկայած փաստարկների, թուրքական կողմը հաղթանակին վստահ էր ու հավատացած հիմք ունենալով հետեւյալ հանգամանքները. «... Ամիսներ առաջ վրացիներն Անգորա գացած լայլութիւն էին յայտներ՝ խոստում ստանալով Արտահանի շրջանէն որոշ, հողամաս մը իրենց թողուլ:

... Մենք կանոնաւոր կապ ունէինք Հայաստանի թուրք, մալական եւ հայ կարմիրներու հետ: Դաշն էր կապուած մեր կառուարութեան եւ Բագուի բոլշեւիկներին միջեւ, որով վերջինները կը խոստանային, ի պահանջել հարկին իրենց ուժերը փոխադրել Գանձակի շրջանը եւ թիկունքէն հարուածել հայկական զօրքը: Մեր հրամանատարութեան երրորդ հիմքն այն էր, որ ձեր զօրքը ո՛չ թէ չէր կրնար դիմանալ մեզ, այլ պիտի չկուէր մեր դէմ: Հայաստանի հակահայկական մեր կոմիտէներու գաղտնի խոստումները մեծ գրաւական էին այս մասին»¹:

Ըստ գեներալ Թ. Նազարբեկյանի, Հայաստանի պարտութեան գլխավոր պատճառը պայմանավորված չէր միայն համայնավարների ծավալած հակահայ քայքայիչ գործունեութեամբ: Նրա գնահատմամբ՝ «Եւ, որ գլխավոր է, այս ահավոր պայքարի մեջ Հայը բացարձակապես միայնակ էր եւ մեր դաշնակից պետութիւնները՝ Անգլիան եւ Ֆրանսիան մատր մատին անգամ չտվին, մեզ օգնելու համար...»²:

Հայկական զորքերի պարտութեան գործում գլխավորապես մեղադրելով բոլշեւիկներին ու ՀՀ դաշնակիցներ Անգլիային ու Ֆրանսիային, սպարապետ Թ. Նազարբեկյանը չի նշում այն գլխավոր պատճառը, որի թելադրանքով ՀՀ կառավարութիւնը նոր զորահավաք է հայտարարել ամբողջ Կովկասում: Իսկ գլխավոր պատճառը թուրքաբնական բնակավայրերի «մաքուման» հետեւանքով թալանին ու ավառութեան տրված այդ գործողութիւններին մասնակցած զորամասերի զինվորներն էին, որոնք կորցրել էին մարտունակութիւնն ու այլեւս չէին ենթարկվել զինվորական կարգապահութեանն ու իրենց հրամանատարներին:

¹ «Յայրենիք», ամսագիր, 1954, թիւ 7, էջ 28:

² Նույն տեղում:

¹ Վահե Արծրունի, Եզր. աշխ., էջ 291:

² «Յայրենիք», ամսագիր, 1954, թիւ 7, էջ 28:

Այս հարցում, ինչպես արդեն ասվել է, տարածայնություններ կային Դրոյի ու ՀՀ զինվորական նախարարությունների ղեկավարության դավանած տեսակետների միջև: Իսկ ժամանակը միանշանակորեն ասպարեցնեց Դրոյի տեսակետի կենսունակությունը:

Սպարապետ Թ. Նազարբեկյանը՝ ՀՀ պարտություն գործում մեղադրելով դաշնակիցներին, չի նշում Անգլիայի ու Ֆրանսիայի կողմից Հայաստանի բանակին հանձնած ահռելի ռազմական օգնությունը (ավելի քան 50.000 թվակազմ ունեցող բանակին զինելու ու հանդերձավորելու համար անհրաժեշտ բոլոր պարագաններն ու միջոցները): Հարց է ծագում. միթե՞ այդքան զենք ու զինամթերք հայկական բանակին տրամադրելուց հետո Անգլիան ու Ֆրանսիան զորք պիտի ուղարկեին Հայաստան՝ դիմադրավելու թուրքերի հարձակումն ու պաշտպանելու ՀՀ սահմանների անվտանգությունը:

Պիտի աներկբա ընդունել, որ Սարիղամիշ-Կարս-Ալեքսանդրապոլ ճակատում հայկական զորքերի պարտության գործում իրենց մեղքի մեծ բաժինն ունեին ՀՀ կառավարությունն ու բանակի հրամանատարությունը: Հայ-թուրքական պատերազմի հպանցիկ ուսումնասիրությունն անգամ մատնանշում է, որ ՀՀ կառավարությունն ու բանակի հրամանատարությունը չեն գտնվել պատշաճ բարձրության վրա եւ գործել են չափազանց թույլ: Անտարակույս, նաեւ նրանց թուլության ու անկազմակերպվածության հետեւանքով պիտի բացատրել հայկական զորքերի պարտությունը:

ՀՀ առաջին վարչապետ Հովհ. Քաջազունու գնահատմամբ՝ «Պատերազմը վերջացավ մեր կատարյալ պարտությունով: Մեր բանակը, որ կուշտ էր, լաւ զինւած ու լաւ հագնւած, չկուեց. զորքերը շարունակ նահանջում էին կամ դիրքերը լքում, զենքերը թափում ու ցրւում՝ գիւղերը:

Բանակը բարոյալքւած էր ներքին կռիւների շրջանում, անմիտ աւերումների ու անպատիժ թալանների շնորհիւ: Բարոյալքւած էր ու յոգնած: Խմբային ու խմբապետական սխտեմը, որ մասնաւորապէս խրախուսւել էր Բիւրօ-կառաւարութեան կողմից, քանդել էր զինվորական կազմի ամբողջութիւնը, միութիւնը: Բանակի դաստիարակութիւնը, ռազմական ոգին, կուռ կազմակերպութիւնն ու կարգապահութիւնը - ուրեմն եւ ընդդիմադրական ոյժը - թուլացած էին ծայր աստիճանի ու դա անակնկալ էր կառավարութեան համար. կառավարութիւնը եւ ինքը զինուորական մինիստրը՝ չէին ճանաչում բանակը:

Դասալքության խնդիրը դժվարին ու խրթին խնդիր էր, և երբեմն դատելով փաստերից, տպավորություն է առաջանում, որ Առաջին Հանրապետությունը և նրա ղեկավարներին այդպես էլ

չհաջողվեց արմատապես լուծել այդ խնդիրը, ինչքան էլ որ ներքին Գործերի և Զինվորական նախարարությունները ջանքեր չգործադրեցին»¹:

Կարելի է հաստատապես պնդել, որ ՀՀ բանակին վերագրված Հովհ. Քաջազունու վերահիշյալ գնահատականը հաստատում է այս հարցում Դրոյի դավանած տեսակետի ճշմարտացիությունը:

Ավելորդ չէ նշել, որ եթե հայկական զորքերը Կարսի ճակատում կռվեին այնպիսի համառությունով ու հերոսականությամբ, ինչպես Սուրմալուի ճակատում, իսկ ճակատի հրամանատարությունը իրեն դրսեւորեւր նույնպիսի վարպետությամբ ու հաստատակամությամբ, ինչպիսին ճակատամարտի ողջ ընթացքում դրսեւորեցին Դրոն ու նրա գլխավորած սպաները, ապա անտարակույս հայկական բանակը պարտություն չէր կրի, եւ Հայաստանի Հանրապետությունը չէր կանգնի կործանման եզրին:

Հայկական զորքերի արագ պարտության պատճառով, կարելի է ասել, ՀՀ կորցրեց իր կշիռն ու արժեքը: Հայաստանի դաշնակից տերությունները Հայաստանն այլեւս չէին դիտում որպես հուսալի հեռարան այդ տարածաշրջանում: Իսկ եթե Հայաստանի Հանրապետությունը, այնուամենայնիվ, հաղթանակով դուրս գար պատերազմից, ապա չէր բացառվում, որ բոլորովին այլ կլինեւր դաշնակիցների, այն է՝ Անտանտի տերությունների վերաբերմունքը:

Պիտի ընդունել, որ եթե Հայաստանի Հանրապետության բանակը հաղթեւր քեմալական զորքերին, սակայն նվաճվեւր Խորհրդային Ռուսաստանի կողմից, ապա Հայաստանն այսօր անտարակույս կունենար անհամեմատ ավելի մեծ տարածք Խորհրդային Միության կազմում եւ միջազգային ասպարեզում ավելի ծանրակշիւ դիրք ու հեղինակություն:

Կարսի բերդաքաղաքի անփառունակ վախճանը կատարյալ անակնկալ էր Սուրմալուի ուղղությամբ մարտնչող զինվորների համար: Կարսի ռազմաճակատում ծավալվող աննպաստ մարտական գործողությունների թելադրանքով Սուրմալուի ռազմաճակատի հաղթական զորքերը հարկադրված թողնում են պաշտպանության իրենց բնագծերը եւ ապահովելով գավառի Հայ բնակչության անվտանգ տեղափոխությունը Արարատյան դաշտ, այրում են կամուրջներն ու գետանցում Արաքսը: Սուրմալուի ճակատամարտի հաղթան

¹ Յովհ. Քաջազունու, Գ. Յ. Դաշնակցութիւնը անելիք չունի այլ եւս, էջ 497:

կան գործամասերը այժմ արդեն պիտի պաշտպանեն Արաքսի գետանցումներն ու թույլ չտային թուրքական զորքերին ու քրդական հրոսակախմբերին ներխուժել Արարատյան դաշտ:

Անդրադառնալով Սուրմալուի ճակատը իրենց զորքերի կողմից պարպելու իրողությունը՝ Մարտիրոսը գրում է. «Տաճիկների բոլոր փորձերը գրաւելու Սուրմալուն եւ առաջանալու Երեւան՝ անցան ապարդիւն, մինչեւ որ Կարսի ճակատի զօրամասը տեղի տուաւ տաճիկների ուժերին: Այս ամութալի դէպքից յետոյ Սուրմալուի զօրամասը ստիպուած եղաւ թողնել իր դիրքերը, այրել Մարգարայի եւ Կարակալայի կամուրջները եւ ճակատ ընդունել Արաքսի երկայնութեամբ մինչեւ Կարակալայի կամուրջը, այդտեղից էլ մինչեւ Ալագեազ կայարանը»¹:

Կարսի, ապա նաեւ Ալեքսանդրապոլի անկման պատճառով Դրոյի զորագնդերի կողմից Սուրմալուի տարածքը հարկադրաբար պարպելու իրողությունը արձանագրում է նաեւ Կարո Սասունին:

«Մինչ այդ թւականը, - նշում է Կարո Սասունին, - Դրոյի յանձնուած ճակատը կը մնար ամուր եւ թուրքերի փորձած վերջին յարձակողականներն ալ կը ձախողէին առաջիններու պէս: Բայց Ալեքսանդրապոլի անկումը կը ստեղծէր նոր զինուորական կացութիւն մը, որու պատճառով Իգդիրի եւ չրջանի հայ ազգաբնակչութիւնը իր բոլոր ունեցուածքով եւ կանոնաւոր նահանջով մը կը փոխադրուէր Մարգարա կամուրջէն էջմիածին եւ Երեւանի չրջանները: Հայ զօրքերը կու գային ամրանալու Մարգարա գիւղի մէջ, այրելով համառուն կամուրջը»²:

Թողնելով Իգդիրը՝ Դրոն նույնպէս տեղափոխվում է Արաքսի մյուս ափը եւ իր հրամանատարական կետը հաստատում Մարգարա գյուղում: Նրան այլեւս երբեք բախտ չէր վիճակվելու լինել իր հայրենի Իգդիրում:

Կարս-Ալեքսանդրապոլ ուղղությունում հանրապետության զորքերի կրած պարտությունների եւ ռազմաճակատում ստեղծված ծանրագույն կացության հարկադրանքով Հայաստանի կառավարությունը զինադադար կնքելու առաջարկությամբ դիմում է թուրքական զորքերի հրամանատարությանը: Նոյեմբերի 6-ին թուրք հրամանատարությունը, ի պատասխան Հայաստանի Հանրապետության կառավարության առաջարկության, ներկայացնում է զինադադարի հետեւյալ պայմանները.

«Հայաստանին կը պարտադրուէր յանձնել հազարներով ջորիներ, փամփուշտներ, թնդանօթի ռումբեր, հրացաններ, որոշ թուփ թնդանօթներ, գնդացիներ եւ ռազմական նոր կէտերու գրաւումներ»¹:

Չնայած ակնհայտորեն ծանր էին թուրք հրամանատարության ներկայացրած պայմանները, այնուամենայնիվ, ՀՀ կառավարությունը պատրաստակամություն է հայտնում ընդունել հակառակորդի առաջադրած պայմաններն ու գնալ բանակցությունների: Սակայն նույն օրերին ռազմաճակատում հայկական զորքերի դրսեւորած թուլության եւ անկազմակերպվածության պատճառով, իրենց զորքերի ձեռք բերած նոր նվաճումների թելադրանքով, փոխվում է թուրք հրամանատարության տրամադրվածությունը եւ նրանք Հայկական կողմին պարտադրում են ավելի ծանր պայմաններ: Ստանալով թուրքական կողմի առաջադրած նոր պայմանները, հանրապետության կառավարությունը նոյեմբերի 9-ի ժողովրդին ուղղված իր հերթական հաղորդագրությունում նշում է հետեւյալը. «...մեր երկրի շահը եւ խաղաղութեան պահանջը ժողովրդի մէջ հարկադրեցին մեզ ընդունել, մանաւանդ Անգորայի կառավարութիւնը իր նոյեմբերի 2-ին գրած պաշտօնական դիմումով առաջարկում էր մեզ սկսել հաշտութեան բանակցութիւններ:

Այն ժամանակ, երբ նոյեմբերի 7-ի զինադադարի պայմաններն արդէն իրագործուած էին, եւ մենք պատրաստուած էինք հաշտութեան պատուիրակութիւն ուղարկել, նոյն Անգորայի կառավարութիւնը իր նոյեմբերի 8-ի հռազրով յայտնում է, թէ ինքը փոխում է կնքուած զինադադարը...»²:

Թուրք հրամանատարության անհագուրդ պահանջներին մեծ լիցք էին հաղորդում ռազմաճակատում իրենց զորքերի ձեռք բերած դյուրին ու ակնառու հաղթանակները եւ հայկական բանակում տիրող զանգվածային դասալքումներն ու անկայուն իրավիճակը: Մարտադաշտում տիրող կացության փոփոխությանը զուգընթաց փոխվում էին նաեւ թուրքերի կողմից Հայաստանի Հանրապետության կառավարությանը ներկայացվող պահանջները:

Նոյեմբերի 8-ին թուրք հրամանատարությունը հաշտություն կնքելու առաջարկով հայկական կողմին թելադրում է հետեւյալ առավել ծանր պայմանները. «... 24 ժամուայ ընթացքում հայկական զորքերը պարտաւոր են նորից յետ քաշուել եւ այս անգամ բռնել Սուրմալու-Արաքս կայարան-Գրզըլ Զիարէթ- Արագած լեռան լանջը- Տանազիրմազ Նօվօ-Միխայլովկա-Լօռիքէնդ-Շերմուտ-Օալւան-

¹ «Ղայրենիք» ամսագիր, 1934, թիւ 5, էջ 126:

² Նույն տեղում, 1926, թիւ 9, էջ 111:

¹ «Ճակատամարտ», 1920, դեկտեմբերի 2:

² ՀՀ ԲԿԱ, ֆ. Ս. Վ. (Սիմոն Վրացեան), թժ. 29, գ. 15:

դազ գծից արեւելք: Այսինքն այժմ եւեթ զիջել Հայաստանի կէսից աւելին: Հայաստանի կառավարութիւնը պէտք է յանձնէ տաճիկներին Ալեքսանդրապոլում 2000 հրացան, 60 գնդացիր սարքով եւ զրաստներով, 12 թնդանօթ, 4000 ջորի, 1000 սնդուկ փամփուշտ, 6000 թնդանօթի ոււմբ, 2 շոգեմեքենայ, 50 վազօս:

Ձինդադարի կնքումից անմիջապէս յետոյ Սանահին-Ալեքսանդրապոլ յերկաթուղազծի վրայ պիտի դադարի ռազմամթերքի տեղափոխութիւնը եւ մի քանի ուրիշ պահանջներ»¹:

Թուրքերի առաջադրած պահանջները չափազանց ծանր էին ու անընդունելի: Հայաստանի կառավարութիւնը մերժում է ընդունել թուրքերի կողմից առաջադրված զինադադարի պայմանները: Իսկ դա նշանակում էր շարունակել պատերազմը, բայց ինչպե՞ս, ի՞նչ ուժերով:

«Ընդհանուր յուսալքման այս շրջանին, նշում է Վ. Արծրունին, մեր ղեկավար շրջանակի աչքերը դարձան դէպի Սեպուհ եւ Դրօ: Սպայութիւնը կորսնցուցած էր մարտունակութիւնը: Միակ երկու անձինքը, որոնք դեռ կարող էին կռուողներ հաւաքել իրենց շուրջը, այս երկու հին խմբապետներն էին: Զինուորական նախարարութիւնը, զանազան նկատառումով, ստեղծուած նոր ճակատը բաժանեց երկու մասի՝ մէկի հրամանատարութիւնը յանձնելով Սեպուհին, իսկ միւսը՝ Դրօին»²:

ՀՀ զինվորական նախարարութեան հրահանգով ռազմաճակատի հրամանատարութեան կազմում կատարվում են փոփոխութիւններ: Հետ է կանչվում Կարս-Ալեքսանդրապոլ ռազմաճակատի ընդհանուր զորահրամանատար, գեներալ Մ. Սիլիկյանը:

Եթե անաչառ գնահատենք գեներալ Սիլիկյանի գործունեութիւնը 1920 թ. հայ-թուրքական պատերազմում, ապա պիտի փաստել, որ նա փայլուն կերպով իրեն դրսեւորելով 1918 թ. Մայիսյան հերոսամարտերում, այս անգամ շատ թույլ է դրսեւորել իր հրամանատարական կարողութիւնները, իսկ Հայոց բանակի սպարապետ, գեներալ Թ. Նազարբեկյանի դերակատարութիւնը, կարելի է ասել, ավելի քան աննկատ է ու անհասկանալի:

ՀՀ զինվորական նախարարութեան որոշմամբ՝ Զաջուրի ճակատի հրամանատարութիւնը ստանձնում է Սեպուհը, իսկ Դրոն մեկնում է Ադին-Ալազյազի ճակատ՝ ընդունելու այդ ուղղութիւնում մարտնչող զորամասերի հրամանատարութիւնը:

Պիտի նկատել, որ ռազմաճակատի հրամանատարութեան կազմում կատարած փոփոխութիւնները, ինչը միանշանակորեն ցույց տվեց ժամանակը, արդեն ուշացած էին, եւ դրանք այլեւս ի զորու չէին փոխելու ռազմաճակատում տիրող ընդհանուր կացութիւնը:

Հարց է ծագում. ինչո՞ւ ժամանակին չկատարվեցին այդ փոփոխութիւնները, ինչո՞ւ ՀՀ ռազմական նախարարութիւնն ու սպարապետութիւնը Սուրմալուի հաղթանակից անմիջապէս հետո Դրոյին եւ նրա գլխավորած զորամասերի մի մասը չտեղափոխեցին Կարսի ուղղութիւն:

Ավելին, Սուրմալուի ճակատամարտի ավարտին, երբ հայկական զորքերի հաղթանակի հետեւանքով վերացվել էր այդ ուղղութիւնից թուրքական զորքերի ու քուրդ հրոսակախմբերի Արարատյան դաշտ ներխուժելու սպառնալիքը, Դրոն՝ հիմք ունենալով զնդապետ Կուռտ Թարխանյանի ձուլարկութիւնը, ՀՀ բանակի հրամանատարութեան ուշադրութեան է ներկայացնում պատերազմը շարունակելու հետեւյալ ուշագրավ մարտավարութիւնը:

Ըստ նրա առաջարկութեան՝ 800 մարտիկներից բաղկացած հեծելախումբը Կուռտի առաջնորդութեամբ պիտի անցներ Նախիջևանի եւ Անիի մեջտեղից ու թիկունքից սրընթաց ու անսպասելի հարվածներ հասցնէր Կարսը պաշարող զորքին: Դժվար է պնդել, թե ինչպիսի ուղղվածութեամբ կզարգանային ռազմաճակատում ծավալվող կռիվները, եթե ընդունվել այդ ծրագիրը: Ձեր բացառվում, որ եթե գնդապետ Կուռտի գլխավորած հեծելախումբը կարողանար արագ տեղաշարժելով թիկունքից հարվածներ հասցնել Կարսը պաշարող թուրքական զորքին, ապա դրանով ոչ միայն կսահմանափակէր նրան ազատ տեղաշարժելու ու վերախմբավորվելու եւ որեւէ ուղղութեամբ մարտավարական առումով գերակշռութիւն ձեռք բերելու հնարավորութիւնը, այլեւ կոգեշնչէր ու մարտական տրամադրութիւն կհաղորդէր այդ ուղղութեամբ մարտնչող հայ զինվորներին:

Դրոն եւ Կուռտ Թարխանյանը, կարելի է որակել, փաստորեն առաջարկում էին ճակատային գործողութիւններին համատեղ ձեռնարկել նաեւ զուգորտված պարտիզանական կռիվներ:

Սպարապետ գեներալ Թ. Նազարբեկյանն ու նրա գլխավորած շտաբը՝ առաջնորդվելով ինչ-ինչ նկատառումով՝ կտրականապէս մերժել են ընդունել այդ մարտավարութիւնը¹:

Հայ պետական եւ զինվորական գործիչները, անգամ Ս. Վրացյանն ու Հովհ. Քաջազնունին, որոնք անդրադարձել են հայ-թուրքա-

¹ Նույն տեղում:

² Վահե Արծրունի, նշվ. աշխ., էջ 283:

¹ Տե՛ս Նույն տեղում, էջ 224:

վորական նախարարութիւնը դեռեւս որոշակի հույսեր էին փայփայում բեկում մտցնել մարտադաշտում ընթացող մարտական գործողութիւններում ու շտկել իրավիճակը:

Բնակչութեան մեջ ծայր առած խուճապային տրամադրութիւնը վերացնելու եւ գինւորի մարտական ոգին ու պատասխանատուութիւնը բարձրացնելու նպատակով նոյեմբերի 9-ի հաղորդագրութիւնում արվում է հետեւյալ կոչը. «...այսօր, երբ թշնամին սպառնում է ոչ միայն քո ազատութեան, այլեւ կեանքիդ, պէտք է սթափուես, քանի դեռ ուշ է: Թշնամին գալիս է փոքր ոյժերով, նրա յաջողութիւնը քո թուլութեան մէջն է: Եթէ կուուես, նա ոչ միայն անզօր կլինի ոչնչացնելու քեզ, այլեւ պարտութեան մատնուած ձեռքը քաշի իր դիւային ծրագրերից:

Քաղաքացիներ, Հայաստանի կառավարութեան անյողդողդ որոշումն է կուուել թշնամու դէմ, որը ձեր դիակների վրայ է կամենում իր երջանկութիւնը: Անողք եւ վճռական կուու, մինչեւ որ թշնամին առաջարկէ մեզ հաշտութեան ընդունելի պայմաններ: Ուրիշ ելք չկայ, ոտքի՛ ել, հայ ժողովուրդ: Վերջին օրհասական կուու է այս»¹:

Հանրապետութեան կառավարութեան գործադրած որոշակի միջոցառումները, դժբախտաբար, դրական ու ցանկալի արդիւնք չեն տալիս: Ռազմաճակատում տիրող կացութիւնն արդեն անդառնալի էր:

Միեւնույն ժամանակահատվածում մարտեր են ծավալվել նաեւ ռազմաճակատի մյուս ուղղութիւնում: Նոյեմբերի 10-ին եւ 14-ին թուրքերը Կարակալայի կամրջի ու երկու՝ Արաքս կայարանի եւ Զաջուռ-Քյափանակ ուղղութիւններով հարձակում են գործել հայ մարտիկների դիրքերի վրա: Նոյեմբերի 10-ին թուրքական զորքերը երեք գումարտակի ուժերով, թնդանոթների ու գնդացիների աջակցութեամբ գրոհում են Դրոյի գլխավորած զորամասի վրա: Ինչպես եւ նախորդ մարտերում, այս անգամ եւս նրա առաջնորդած զորամասի գնդապետ Կուռո Թարխանյանի եւ Մարտիրոս Աբրահամյանի գլխավորած զորաջոկատները հուժկու հակահարվածներով ջախջախում են թուրքական զորախմբերի գրոհները եւ խափանում դեպի Երեւան շարժվելու թուրք հրամանատարութեան փորձերը:

«Մեր զինուորները, - պատմում է Մարտիրոսը, - սաստիկ վրդովուած էին ու իրենց մէջ խօսում էին ու ասում.

- Սպասէք եւ կը տեսնէք, թէ ինչպիսի դաս կը տանք ձեզ: Մի կարծէք, թէ Կարսի զինուորները ձեզ երես տուեցին, դուք էլ անպատկառօրէն պատրաստ էք զգում ձեզ առաջանալու: Մենք ցոյց

կը տանք ձեզ, թէ ինչպէս հայ զինուորը գիտի պաշտպանել իր հայրենիքի, գէնքի ու հրամանատարի պատիւը»¹:

Նոյեմբերի 12-ին՝ կրկին անգամ փորձելով թափանցել Արարատյան դաշտ, հարձակում են գործում Կարակալա կամրջի ուղղութեամբ: Սուրմալուի ճակատի մարտիկները, դիրքեր գրավելով Արաքսի մյուս ափին, արդեն հասցրել էին, ինչպես հարկն է, ամրացնել իրենց զբաղեցրած հենակետերը: Նրանց համար այլեւս անակնկալ եւ սարսափելի չէր թշնամու ձեռնարկած որեւէ հարձակում: Նոյեմբերի 12-ին տեղի ունեցած կուիւների ժամանակ գետանցումների պաշտպանները «...թոյլ չտալով, որ հակառակորդները գետը մտնեն անւախ ու անկասկած: Դեռ գետը չկտրած՝ Կուռոյի 4 գնդացիներն ահեղ տեղատարափ մը լեցուցին անոնց վրայ, որոնք, կարճ դիմադրութենէ մը յետոյ, փախան՝ Արաքսի ալիքներուն յանձնելով 3-400 զոհեր՝ առանց որեւէ փոխարինութեամբ»²:

Դրոյին հանձնարարված ճակատում տեղի ունեցած առաջին օրվա կուիւները հուսադրող էին, թուրքերի ձեռնարկած բոլոր փորձերը՝ գրավելու Ադին կայարանը, անցնում են ապարդյուն: Սակայն ռազմաճակատի մյուս հատվածներում մարտնչող զորամասերի հետ անհրաժեշտ կապ ու հաղորդակցութիւն չունենալու պատճառով Դրոյի զորավաշտերը, նաեւ զուտ մարտավարական նկատառումներով, նահանջում են եւ դիրքեր գրավում Արաքս կայարանի մերձակայքում:

Մի էական նկատառում եւս: Ի տարբերութիւն Սուրմալուի, Կարսի ռազմաճակատում մարտնչող հայկական զորամասերի միջեւ շատ հաճախ բացակայել են կապն ու հաղորդակցութեան միջոցները, որն, անշուշտ, իր բացասական ազդեցութիւնն է գործել մարտական արդյունավետ գործողութիւններ ծավալելու վրա: Դրոն անմիջապես նկատելի ու իրեն հանձնարարված ճակատում շտկել է այդ բացը:

«Սուրմալուի ճակատը, - գրում է Վ. Արծրունին, - Արաքսի ձախափը փոխադրուելէ յետոյ, Դրո կարգադրեց, որ Գրդ գունդը՝ հրամանատարութեամբ գնդապետ Թարվերդեանի, առաջանար եւ կապ հաստատէր գնդապետ Ղորղանեանի հեծելազորաց բրիգադայի հետ (Ղորղանյանի զորամասը մարտնչել է Կարսի ճակատում-Ղ. Գ.): Եւ, իրօք, առաջին անգամն էր, որ ծայրագոյն հարաւ-արեւելյան անկեան բացառութեամբ, հայկական զօրքը կանոնաւոր շղթայով մը կընդգրկէր տաճկական ճակատը»³:

¹ «Հայրենիք» ամսագիր, 1934, թիւ 5, էջ 125:

² Վահե Արծրունի, Եզվ. աշխ., էջ 294:

³ Նույն տեղում:

¹ «Ճակատամարտ», 1920, դեկտեմբերի 2:

Թուրքերը, կրնակոխ հետապնդելով հայկական զորամասերին, հարձակվում են Արաքս կայարանի վրա: Դրոն, այս անգամ եւս իրեն յուրահատուկ եռանդով ու կազմակերպվածութեամբ առաջնորդելով ճակատի ուժերը, հետ է մղում հակառակորդի գրոհները:

«Նոյեմբերի 14-ին, - գրում է Իրազեկը (Հակոբ Տեր-Հակոբյան), - տաճիկները յարձակուեցին մեզ վրայ երկու ուղղութեամբ-աջ թեւով Արաքս կայարանի վրայ, որ մեր զօրքերի ձեռքին էր, ձախով մեր Զաջուռ-Քեափանակ գծի վրայ: Արաքսը հերոսաբար դիմադրեց, իսկ Զաջուռ-Քեափանակում մենք չարաչար պարտուեցինք»¹:

Արաքս կայարանի ուղղութեամբ Դրոյի գլխավորած զորախմբի ձեռք բերած մասնակի հաջողութեանն արդեն ոչնչով չէր կարող փոխել ընդհանուր կացութեանը, մանավանդ նույն ժամանակահատվածում Արաքսում ընթացող մարտերում թուրքական առավել փոքրաքանակ ուժերից պարտութեան է կրում գեներալ Հովսեփյանի գլխավորած զորամասը²:

Անթաքույց դառնութեամբ պատմելով Կարսի ուղղութեամբ տեղի ունեցած ողբերգական իրադարձութեանների մանրամասներն ու վերլուծելով հայկական զօրքերի պարտութեան պատճառները՝ գնդապետ Տիգրան Բաղդասարյանը (Այդ ժամանակ նրա գլխավորած Ցրդ գունդը Սուրմալուից տեղափոխվել ու մարտնչում էր Կարսի ճակատում - Հ. Գ.) նշում է. «Պէտք է մոռանալ, թէ զին. կարգապահութիւնը դեռ ամրացած չէր հայկական բանակին մէջ: Կամաւորական եւ հայդուկային հասկացութիւնը, Հին անձնական կապերը, այս կամ այն անհատի հեղինակութիւնը շատ աւելի մեծ ազդեցութիւն ունէին հայ զինուորի իւրահատուկ նկարագրի վրայ: Ժամանակը միայն պիտի սրբագրէր բոլոր այն թերի կողմերը, իսկ ժամանակը չը շնորհեցաւ մեզի: Կուզէի, որ ընթերցողը հանգիստ խղճով համաձայնի ինձ հետ, թէ բոլորովին ուրիշ կերպ կը դասաւորուէին դէպքերը, եթէ Դրոն անձամբ գտնուէր Կարսի ճակատին վրայ: Անոր համեստութիւնը շոյելու բնաւ պէտք չունիմ, սակայն մենք արդէն նախընթացներ ունէինք, ինչպէս Բաշ-Աբարան, Սուրմալու եւ ուրիշ դէպքերը»³:

Համանման տեսակետ արտահայտելով զինվորի կողմից հրամանատարի նկատմամբ դրսեւորած հարգանքի ու վստահութեան վերաբերյալ՝ Վ. Արծրունին նշում է. «Հայ- տաճիկական պատերազմի օրերին մօտ լինելով մեր ճակատին(Կարսի) եւ պանդխտութեան

բազմամեա կարօտը դեռ սրտումս(նկատի ունի ԱՄՆ-ում երկարատեւ, ապա Փարիզում կարճատեւ ժամանակահատվածում գտնվելու եւ նոր-նոր Հայաստան վերադառնալու հանգամանքը-Հ.Գ.), ես ուշի-ուշով հետեւում էի մեր ճակատների հրամանատարների ռազմավարական ընթացքին:

... Եւ հէնց այդ թարմ ու յստակ տրամադրութեան տակ, սրանից երեք տասնեակ տարիներ առաջ աշխատասիրած իմ անտիպ «Հայ-տաճիկական պատերազմը» անունը կրող հատորին մէջ արձանագրեցի. «Եթէ այդ ճակատագրական օրերին Դրոն Կարսում լինէր, թեւեւ մեր ճակատագիրը մի տարբեր բան դուրս գար»¹:

Զաջուռի ուղղութեամբ կռիվները շարունակվում են եւս մի քանի օր, եւ չնայած Սեպուհի ու մի քանի փոքրաքանակ զորամասերի հերոսական դիմադրութեանը, հայ զինվորների մի մասը լքում է մարտադաշտը եւ թուրքերին հնարավորութեան ընձեռում անցնելու հայկական զորամասերի թիկունքը: Սեպուհը համառ դիմադրութեան է ցույց տալիս, սակայն մարտական ուժերի սակավութեան եւ զինվորների զանգվածային դասալքութեան պատճառով մեծ դժվարութեամբ է կարողանում դիմադրել:

Մի փոքրիկ, բայց ուշագրավ հատված այդ դեպքերի մասնակից, Սեպուհի զորամասի շտաբի ծառայողներից մեկի՝ արդեն հիշատակված հուշագրութեանից. «Դասալքութեանը սարսափելի չափերի է հասել: Գիշերները զինվորները հարյուրներով են փախչում: Զորքի բարոյական կորույր բավականին ընկած է. զորավարներից սկսած մինչեւ հասարակ զինվոր ոչ միայն դիմադրելու, առաջնադաշտում հույս չունեն, այլեւ հավատացած են, որ այլեւս ամեն բան վերջացել է: Բաբելոնյան խռովութեան է տիրում: Մեր բանակը բոլորովին չի կռվում եւ օր առաջ շտապում է տուն հասնել, որպեսզի թշնամուն չհանդիպի»²:

Ռազմաճակատի այս անմխիթար վիճակը ներկայացնող վկայութեանը թվագրված է՝ 31 հոկտեմբերի: Համանման ողբերգական իրավիճակը պահպանվել եւ ավելի է խորացել նաեւ հաջորդ նոյեմբեր ամսին:

Ցավալի եւ պատմական տարբեր ժամանակահատվածներում կրկնված եւ ինչ-որ տեղ անբացատրելի իրողութեան. հայ զինվորը ընդունակ է եւ ի զորու երբեմն սխրանքներ ու անգամ հրաշքներ գործել՝ եւ հաղթանակով ու արժանապատվութեամբ դուրս գալ ամենաձանր, անելանելի թվացող իրավիճակներից, իսկ երբեմն էլ,

¹ Իրագեն Յ., Սօսիկ անցեալից, էջ 81:

² Տե՛ս Վահե Արծրունի, ԳՂՎ. աշխ., էջ 293-300:

³ Մատենաշար «Ռազմիկ», թիւ 1, Փարիզ, 1937, էջ 235-236:

¹ Վահե Արծրունի, ԳՂՎ. աշխ., էջ 32:

² «Ազատ, անկախ եւ միացյալ Հայաստանի վերջին օրերը», էջ. 109:

անգամ առանց դուրսն ինչ մարտնչելու՝ պարտվել եւ թշնամու տնօրինութեանը հանձնել հսկայական տարածքներ ու նույնիսկ պաշտպանական առումով ամրակուռ շրջաններ, անգամ անմատչելի բերդաքաղաքներ:

1920 թ. հայ-թուրքական պատերազմում Սուրմալուի եւ Կարսի ռազմաճակատներում միաժամանակ ընթացող ու միանգամայն հակադիր վերջաբանով ավարտված մարտական գործողությունները վերոհիշյալի խոսուեն եւ իրական փաստարկներն են ու օրինակը:

Հայրենական պատմաբաններից Սուրմալուի ճակատամարտի լուսաբանմանն անդրադարձել է պատմագիտութեան դոկտոր Հայկազ Հովհաննիսյանը: Համադրելով Կարսի եւ Սուրմալուի ռազմաճակատներում տեղի ունեցած մարտերի արդյունքները՝ Հ. Հովհաննիսյանը տալիս է հետեւյալ գնահատականը. «1920 թվականի թուրք-հայկական պատերազմի գլխավոր օջախներից մեկն էլ Սուրմալուն էր, որը հերոսաբար դիմադրեց թշնամուն մինչև վերջին օրերը: «Սուրմալուի ճակատում», այսպիսի վերնագիր ունեին Սուրմալուի մասին պատմող վերջին ակնարկները: Եվ վստահաբար կարելի է ասել, որ եթե մյուս ռազմաճակատներում կռվեին այնպես, ինչպես Սուրմալուի ճակատում, հարցը այդքան չէր խորանա և միգուցե այդ դիմադրութեան արդյունքում պահեինք հենց Սուրմալուն: Ավաղ, Կարսի անկումը ոչ միայն բարոյական մեծ վնաս հասցրեց հայ ժողովրդին, այլև կորստաբեր եղավ մյուս ռազմաճակատներում կռվող մեր զինվորների մարտունակութեան վրա»¹:

5. 2. ԴՐՈՆ ՈՐՊԵՍ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԶԻՆՎՈՐԱԿԱՆ ՆԱԽԱՐԱՐ ԵՎ ԽՈՐՀՐԴԱԹԻՆ ՀԱՅԱՍՏԱՆԻ ԲԱՆԱԿԻ ԱՌԱՋԻՆ ՀՐԱՄԱՆԱՏԱՐ

Ռազմաճակատում տեղի ունեցող իրադարձությունները միանշանակորեն մատնանշում էին, որ բանակն ըստ էության արդեն գոյություն չուներ: Համանման իրավիճակում ապավինել հուսալքութեան, խուճապային տրամադրութեան եւ անկազմակերպվածութեան գիրկն ընկած զինվորներին ու հուսալ, որ նրանք ի զորու կլինեն զգաստանալ, համախմբվել եւ վճռական գործողություններ ձեռնարկել, անիմաստ էր ու անհույս: Այնուամենայնիվ, Հայաստանի Հանրապետութեան իշխանութիւնները կրկին դիմում են վերջին եւ ոչ այնքան հուսադրող քայլի: Թուրքական զորքերի հարձակումը կանգնեցնելու ու հաշտություն կնքելու նպատակով Հայաստանի կառավարութիւնը փորձում է օգտվել դաշնակից տերութիւնների աջակցութիւնից ու նրանց միջոցով ճնշում գործադրել թուրք հրամանատարութեան վրա:

«Եւ Ալ. Խատիսեանը,- գրում է Իրազեկը,- այդ առաքելութեամբ ուղարկում է Թիֆլիս դաշնակից պետութիւնների ներկայացուցիչների մօտ: Թէ ի՞նչ անցողաբար տեղի ունեցաւ Թիֆլիսում եւ ներկայացուցիչները ինչ խոստումներ տուին Հայաստանի պատերազմին, մեզ յայտնի չէ: Սակայն մի բան պարզ է, որ Խատիսեանի առաքելութիւնը որեւէ իրական արդիւնք չուներ, որովհետեւ դրութիւնը չփոխուեց եւ տաճիկները շարունակեցին իրենց յառաջխաղացումը»¹:

Հայաստանի նկատմամբ դաշնակից տերութիւնների դրսեւորած ժխտողական տրամադրվածութեան ու կեցվածքի վրա, անկասկած, չէին կարող իրենց նշանակալի եւ որոշիչ ազդեցութիւնը չգործել ռազմաճակատում հայկական բանակի կրած պարտություններն ու դրա հետեւանքով ծանրագույն կացութիւնում հայտնված հանրապետութեան իրավիճակը: Առաջնորդվելով իրենց աշխարհաքաղաքական շահերով՝ դաշնակից տերութիւնները, հանձին Հայաստանի Հանրապետութեան, այլեւ չէին տեսնում այն ուժը, որը կարող էր իրենց հուսալի գործընկերն ու հենակետը լինել այդ տարածաշրջանում: Որեւէ տարակույս լինել չի կարող, որ Հայաստանի նկատմամբ միանգամայն այլ կլինեի դաշնակից տերութիւնների

¹ «Հայկական Բանակ», 2007, թիւ 2, էջ 103:

¹ Իրազեկ 3., Երև. աշխ., էջ 82:

վերաբերմունքը, եթե հայկական բանակը կարողանար արժանիորեն դրսևորել իրեն և գոնե մի երկու շաբաթ աննահանջ դիմադրեր ու Կարսի բերդաքաղաքը գրեթե առանց կրակոցի չհանձներ թշնամուն:

Հայաստանի իշխանությունները գուցեև որոշակի հույսեր եւ ակնկալիքներ փայփայել են՝ դիմելով դաշնակից տերությունների աջակցությանը, սակայն Դրոն դաշնակիցներից որեւէ սպասելիք չունեի եւ չէր կարող ունենալ: Նա դաշնակիցների նկատմամբ ունեցած իր դիրքորոշումն ու վերաբերմունքը հստակորեն արտահայտել էր դեռեւս մայիսի 20-ին՝ Արցախում խորհրդային իշխանության ներկայացուցիչների՝ Սահակ Տեր-Գաբրիելյանի, Պարանկինի եւ Կայրալյովի հետ ունեցած հանդիպման ժամանակ:

«...Մի միայն Անգլիան ու Ամերիկան, -ասել է Դրոն, -այլ նաեւ կամավորական բանակը (նկատի ունի գեներալ Դենիկինի գլխավորած բանակը, որի հետ Հայաստանի Հանրապետության կառավարությունը ունեցել է որոշակի կապեր-Հ.Գ.) մեր բարեկամները չեն եղել: Մենք հարկադրված էինք դիմել նրանց օգնության, քանի որ Թուրքիան եւ Ադրբեջանը մեզ վրա հարձակվելով երկու կողմից, ձգտում էին ոչնչացնել Հայաստանը»¹:

Դաշնակից տերություններին ուղղված հայցադիմումները ոչ միայն որեւէ դրական արդյունք չեն տալիս, այլև ընդհակառակը, ունենում են բացասական հետեւանքներ:

«Ճիշտ նույն օրերին, -գրում է Ալ. Խատիսեանը, - ժրնեւ գումարուած է առաջին Ազգերու Լիկան եւ այնտեղ հարց էր դրուած Հայաստանն ու Վրաստանը ընդունելու մասին Ազգերու Լիկայի կազմի մէջ: Հայաստանի ծանր վիճակի մասին նոր ստացած տեղեկութիւնները ստիպած էին անգլիական, ֆրանսիական եւ իտալական ներկայացուցիչներուն՝ ժրնեւ չընդունել Հայաստանն ու Վրաստանը Ազգերու Լիկայի կազմի մէջ, որպեսզի Լիկայի 10-րդ յօդուածի համաձայն ստիպուած չըլլային օգնութիւն հասցնել Հայաստանին եւ Վրաստանին: Այսպէսով, ամէնատագնապալի եւ ծանր ըրպէին Հայաստանը լքուեցաւ եւ գիտակցաբար ձգուեցաւ մինակ: Թուրքերը տեսան այդ, եւ բոլոր եզրակացութիւնները բերին յօգուտ իրենց եւ ի վնաս Հայաստանի»²:

Տվյալ իրավիճակում դաշնակից տերությունների անտարբերությունն ու ժխտողական կեցվածքը խորտակում է թուրքական զորքե-

րի հարձակումը կասեցնելու եւ հաշտություն կնքելու Հայաստանի իշխանությունների փայփայած վերջին հույսը: Իսկ ռազմաճակատում թուրքական զորքերի հարձակումը անկասելիորեն շարունակվում էր, եւ նրա հետագա զարգացումը կարող էր կործանարար ազդեցություն ունենալ Հայաստանի Հանրապետության եւ ողջ հայութեան համար: Ստեղծված կացությունում այլընտրանք այլեւս գոյություն չունեի, ՀՀ կառավարությունը հարկադրված ընդունում է թուրքերի առաջադրած գինադադարի պայմանները եւ սկսում բանակցությունները Կարաբեքի փաշայի հետ:

Ալ. Խատիսյանը Թիֆլիս էր մեկնել բանակցելու դաշնակից տերությունների՝ Անգլիայի եւ Ֆրանսիայի ներկայացուցիչների հետ նոյեմբերի 19-ին եւ նույն ամսի 21-ին արդեն Երեւանում էր: Հետագրքի «զուգադիպությանը» նույն օրը՝ նոյեմբերի 21-ին, վերջապես Երեւան է ժամանում Խորհրդային Ռուսաստանի դիվանագիտական ներկայացուցիչ Լեգրանի գլխավորած պատվիրակությունը եւ որեւէ ձեւով չանդադառնալով ու անգամ դուլզն-ինչ չհիշելով Հայաստանի կառավարության հետ հոկտեմբերի 21-ին կնքված նախնական համաձայնագրի գոյությունը՝ Հայաստանի իշխանություններին է ներկայացնում բոլորովին այլ պահանջներով հագեցած առաջարկություն-վերջնագիր:

«...Լեգրանը, - գրում է Իրազեկը, - արդէն վերադարձել էր (նոյեմբերի 21-ին) իր ճանապարհորդութիւնից- Մոսկուա, Բագու եւ այլն- փոխանակ իր յանձն առած ռուսական օգնութեան աւետիսը բերելու, այժմ բոլորովին այլ երգ էր երգում: Օգտուելով Հայաստանի եւ հայութեան յուսահատական դրութիւնից՝ նա առաջարկում է որպէս ելք- խորհրդայնացնել Հայաստանը եւ Խորհրդ. Ռուսաստանի իշխանութիւնը ընդունել»¹:

Եթե փորձեք իմաստավորել ու գնահատել Խորհրդային Ռուսաստանի եւ քեմալական Թուրքիայի փոխհարաբերությունները եւ Հայաստանի Հանրապետության նկատմամբ նրանց դրսևորած ձեռնարկումները, ապա պարզորոշ նկատվում են որոշակի ուշադրավ զուգադիպություններ.

1. Ադրբեջանի խորհրդայնացումից հետո Խորհրդային Ռուսաստանի զորքերը մուտք են գործում Արցախ, ապա՝ Չանգեզուր, Նախիջևան եւ Հայաստանի կառավարությունը հարկադրում օգոստոսի 10-ին, ճիշտ եւ ճիշտ Սեւրի դաշնագրի ստորագրման օրը Թիֆլիսում

¹ Нагорный Карабах в 1918-1923 гг., ст. 468-469:
² Խատիսեան Ալ., նշվ. աշխ., էջ 291:

¹ Իրազեկ Յ., նշվ. աշխ., էջ 82-83:

կնքել մի համաձայնագիր, որով խորհրդային զորքերին, որպես խաղաղարար ուժերի, թուլյատրվում է տեղաբաշխվել Արցախում, Զանգեզուրում եւ Նախիջևանում: Այդ քայլով խորհրդային Ռուսաստանը փաստորեն ոչ միայն իրագործում է Հայաստանի Հանրապետությունը չըջափակելու առաջին կարեւորագույն քայլը, այլեւ բացում դեպի արեւելյան երկրներ, մասնավորապես Թուրքիա տանող մայրուղին:

2. Այս արգասաբեր հաղթարշավից հետո, օգոստոսի 24-ին խորհրդային Ռուսաստանի եւ քեմալական Թուրքիայի միջեւ կնքվում է մի համաձայնագիր, որով խորհրդային իշխանությունները պարտավորվում են ոչ միայն Ֆինանսական եւ զինական աջակցություն ցույց տալ Թուրքիային, այլեւ խոստանում լրիվ ազատություն շնորհել նրա գործողություններին: Ինչ խոսք, որ Թուրքիայի գործողություններին խորհրդային Ռուսաստանի շնորհած ազատությունը նախ եւ առաջ վերաբերում է Հայաստանի վրա ձեռնարկվող հարձակմանը:

3. Ձեռք բերելով խորհրդային Ռուսաստանի համաձայնությունը՝ քեմալական Թուրքիան առանց պատերազմ հայտարարելու հարձակվում է Հայաստանի վրա: Այդ նույն օրերին Երեւան է ժամանում Լեզրանի գլխավորած Մոսկվայի պատվիրակությունը եւ Հայաստանի իշխանություններին հանձնում Սեւրի դաշնագրից հրաժարվելու վերջնագիրը, որից հետո հանրապետության կառավարության ներկայացուցիչների հետ բանակցելով՝ ստորագրում է նախնական համաձայնագիր եւ մեկնում Բաքու: Աղբրեջանի մայրաքաղաքից Լեզրանը պետք է կապվեր Մոսկվայի հետ եւ այնտեղի համաձայնությունը ստանալուն պես անհապաղ վերադառնար Երեւան ու Հայաստանի կառավարության հետ կնքեր «Խաղաղության եւ համագործակցության» պայմանագիր: Սակայն, ինչպես արդեն նշվել է, Լեզրանի առաքելությունը ձգձգվում է եւ մինչեւ նրա վերադարձը դաշնագրի մասին որեւէ հիշատակություն ու խոսք անգամ չի լինում:

4. Ռազմաճակատում իրենց զորքերի ձեռք բերած նվաճումներից, Կարս բերդաքաղաքի, ապա նաեւ Ալեքսանդրապոլի անկումից հետո Թուրք հրամանատարությունը հաշտություն կնքելու նպատակով Հայաստանի կառավարությանն է ներկայացնում ծանրագույն պահանջներ: Հայտնվելով անելանելի իրավիճակում Հայաստանի իշխանությունները հարկադրված ընդունում են հակառակորդի առաջադրած պայմանները եւ նույն օրերին էլ, կարծես վաղօրոք գրված

սցենարի համաձայն, երկարատեւ ընդմիջումից հետո Երեւան է ժամանում Լեզրանը ու վերջնագրի տեսքով հանրապետության կառավարությունից պահանջում խորհրդայնացնել Հայաստանն ու ընդունել խորհրդային Ռուսաստանի գերիշխանությունը:

Միամտություն եւ անգիտություն կլինի կարծել, որ թվարկված զուգադիպությունները կարող էին պատահականորեն համընկնել: Զուգադիպությունները պատահական լինել էին կարող. դրանք խորհրդային Ռուսաստանի եւ Թուրքիայի կողմից վաղօրոք խնամքով ծրագրված ու համաձայնեցված էին: Իսկ նպատակը մեկն էր՝ խորհրդայնացման ճանապարհով բռնազավթել Հայաստանը եւ այն բաժանել միմյանց միջեւ: Հայաստանի իշխանությունների համար Լեզրանի վերջնագիրը ոչ միայն անսպասելի էր, այլեւ հուսահատեցնող ու ապակողմնորոշող: Ձէ՞ որ խորհրդային Ռուսաստանի դիվանագիտական ներկայացուցչից, որի հետ կնքել էին նախնական համաձայնագիր, իրենք սպասում էին բոլորովին այլ վերաբերմունք եւ առաջարկություններ:

Ինչո՞ւ խորհրդային Ռուսաստանը, որը խոստանում էր խաղաղարարի դեր ստանձնել տարածաշրջանում եւ միջոցներ ձեռնարկել Թուրքերի հարձակումները կասեցնելու ու նրանց զորքերը Հայաստանի տարածքից դուրս բերելու ուղղությամբ, հանկարծ տեւական լուծվումից հետո կտրուկ կերպով փոխում է արդեն նախապես համաձայնեցված տեսակետը եւ հանրապետության կառավարությանը ներկայացնում տվյալ իրավիճակում թերեւս ամենադժվարին ընդունելի, այն է՝ Հայաստանը խորհրդայնացնելու առաջարկությունը:

«Լեզրանը, - գրում է Հ. Տերտերյանը, - վերադարձաւ, բայց այլեւս ո՛չ մեր կողմից եւ ոչ էլ Լեզրանի կողմից խօսք բացուեց ստորագրուած դաշնագրի մասին: Մեզ համար պարզ է, որ Լեզրանը եւ իր ընկերները մտածում էին Հայաստանը օր առաջ խորհրդայնացնելու ձեւի մասին:

Շատ հատկանշական էր Լեզրանի պատուիրակութեան զինուորական կցորդ ցարական զօրավար Բորբիշեւիչի հետեւեալ արտայայտութիւնը, որ նա արաւ իմ ներկայութեան ընկ. Դրօշի տանը: Երբ վերջինս հարց տուեց Թուրքերին զգաստութեան կոչելու համար Ռուսաստանի միջնորդութեան մասին, զօրավար Բորբիշեւիչը հարբած վիճակում յայտարարեց. «Դիակը չի կարելի կենդանացնել»¹:

Բոլորովին զարմանալի չէ ուսու գնեւերալի արտահայտությունը, խորհրդային Ռուսաստանը հասել էր իր նպատակին, նրա գործուն

¹ «Հայրենիք» ամսագիր, 1954, քիւ 5, էջ 10:

աջակցութեամբ պարտված Հայաստանի Հանրապետութեանն արդեն կարելի էր որակել «Դիակը չի կարելի կենդանացնել» արտահայտութեամբ:

«Խորհրդային Ռուսաստանը, - շարունակում է Հ.Տերտերյանը, - մէկ կողմից քաջալերեց ու խրախուսեց թուրքերի ազգայնական ախորժակները, ցոյց տուեց նրանց ռազմական ու տնտեսական օժանդակութիւն եւ «արեւելեան ազգերի» Բագուի Համագումարի հրահրումով արագացրեց քեմալական թիւրքիայի յարձակումը Հայաստանի Հանրապետութեան վրայ: Միւս կողմից էլ՝ իր գործակալ Հայ բոլշեւիկների միջոցով բարոյալքեց Հայ զինուորին ու դրանով նպաստեց թուրքերի էֆանազին յաղթանակներին:

... Խորհրդային կառավարութեան պատուիրակութիւնը, անկախ Հայաստանը դիակ Համարելով, մտածում էր օր առաջ Հայաստանը խորհրդայնացնելու մասին, իսկ Հայաստանի կառավարութիւնը մտածում էր օր առաջ թուրքերի հետ հաշտութիւն կնքել Հայաստանը խորհրդայնացումից փրկելու նպատակով»¹:

Մի՞թե դյուրին է հարյուրամյակներ շարունակ պետականությունից զրկված, բազում մաքառումների, արհաւիրքների, զոհաբերությունների եւ հերոսական պայքարի բովով անցած հայութեանը՝ հրաժարվել իր անկախութեանից ու դառնալ մեկ այլ, օտար պետութեան, թեկուզ եւ Ռուսաստանի, բաղկացուցիչ մասերից մեկը: Իրո՞ք, դժվար է բնութագրել բազմաթիվ հարցականներով եւ անակնկալներով հագեցած այն ծանրագույն կացութիւնը, որում թե՛ քաղաքական, թե՛ բարոյական եւ թե՛ հոգեբանական առումով հայտնվում է Հանրապետութեան կառավարութիւնը:

Մեկը մյուսին հաջորդող՝ դահավեժ արագութեամբ ընթացող չարադետ դեպքերի թելադրանքով հայտնվելով, Միմոն Վրացյանի պատկերավոր արտահայտութեամբ. «Բոլշեւիկյան մուրճի եւ թիւրքական սալի» միջեւ, Հայաստանի կառավարութիւնը փորձում է իրավիճակից դուրս գալու ելքեր որոնել:

«... Ճարահատեալ, - գրում է Իրագեկը, - նա (նկատի ունի Հանրապետութեան կառավարութիւնը - Հ.Գ.) նորից իր հայեացքը դարձնում է դէպի Տաճկաստանը, փորձում է նորից բանակցութիւններ սկսել նրա հետ - գէթ վտանգը ճգճգելու եւ ժամանակ շահելու մտադրութեամբ: Իսկ ժամանակը յաճախ թոյլերի դաշնակիցն է...»²:

Քանի որ Խորհրդային Ռուսաստանի եւ Քեմալական թուրքիայի ներկայացուցիչները պատշաճ վերաբերմունք չէին տածում Հայաստանի կառավարութեան նկատմամբ, իսկ ծայրահեղ հուսալքութեան գիրկն ընկած ժողովուրդը հույսով սպասում էր մեկ այլ կարող ուժի՝ նոր իշխանութեան գալստյանը, որոշվում է կազմավորել նոր կառավարութիւն: Նոյեմբերի 23-ին իր գլխավորած վարչակազմով հրաժարական է տալիս Համո Օհանջանյանը եւ Միմոն Վրացյանի նախագահութեամբ ընտրվում է նոր կառավարութիւն: Դրոն նորընտիր կառավարութիւնում ստանձնում է զինվորական նախարարի պաշտոնը: Այլընտրանք լինել չէր էլ կարող, Հայ-թուրքական դեռուս շարունակվող կոիվներում նա թերեւս միակ հաղթանակած հրամանատարն էր եւ բնականաբար այդ օրերին հայ զինվորական ու պետական գործիչների շրջանում ամենամեծ հեղինակութիւն ու ժողովրդականութիւն վայելող գործիչը:

Նորընտիր կառավարութեան գերխնդիրն էր հնարավոր բոլոր միջոցների կենսագործմամբ փրկել Հայաստանի Հանրապետութիւնը, ժողովրդին՝ կործանումից եւ բարեկամական հարաբերութիւններ հաստատել Խորհրդային Ռուսաստանի հետ:

Հայութեան ֆիզիկական գոյութիւնը պահպանելու կարեւորագույն երաշխիքը պատերազմի դադարեցումն էր, թուրք հրամանատարութեան հետ, թեկուզ եւ նրա առաջադրած պայմանների ընդունման միջոցով, հաշտութիւն կնքել: Ռազմաճակատում ընթացող պատերազմական գործողութիւններն ու հայկական բանակի իրավիճակը միանշանակորեն Հայաստանի իշխանութիւններին նպատակաուղղում էին ընտրելու հենց այդ ուղին:

Ս. Վրացյանի գլխավորած կառավարութիւնը դիմում է «... թիւրքիայի Ազգային մեծ ժողովին հաշտութեան բանակցութիւններ սկսելու համար: Ս. Վրացյանի կառավարութիւնը դեռ աղօստ յոյս ունէր, որ Քեմալական թիւրքիայի հետ հնարաւոր էր հաշտութիւն կնքել եւ այդպիսով Հայաստանը փրկել խորհրդայնացումից»¹:

Թուրքիայի ազգային մեծ ժողովն ընդունում է Հայաստանի կառավարութեան առաջարկութիւնը, եւ նոյեմբերի 18-ին ՀՀ կառավարութիւնը թուրք հրամանատարութեան հետ կնքում է պատերազմական գործողութիւնները դադարեցնելու զինադադար:

Նոյեմբերի 20-ին ՀՀ կառավարութիւնը թուրքերի հետ զինադադար կնքելու եւ հաշտութեան բանակցութիւններ սկսելու վերաբերյալ հրապարակում է հետեւյալ հաղորդագրութիւնը.

¹ Նույն տեղում:

² Իրագեկ Յ., Ոչվ. աշխ., էջ 83:

¹ «Հայրենիք» ամսագիր, 1954, թիւ 5, էջ 10:

«Նոյեմբերի 18-ին մեր եւ տաճիկների միջեւ կնքված է գինադադար եւ այն օրից գինվորական գործողությունները կանգ են առել: Ըստ այդ գինադադարի պայմանների՝ թշնամու զորքերը բռնում են Ալազյուզ-Կրմզի-Նալբանդ-Վորոնցովկա գիծը, իսկ Հայ զորքերը՝ Սուրմալու-Արաքս կայարան-Ղզըլ-Ձիարեթ-Արազած-Տանագիրմագ-Բողիքենդ-Շերմուտ-Յալվանդուզ գյուղը: Միջին տարածությունը պիտի մնա չեզոք, Հայկական ադմինիստրացիայով: Իբրեւ գինադարի պայման, տաճիկներին տրվում է որոշ քանակությամբ զենք, ռազմամթերք եւ երկաթուղային ստացվածք: Ձինադադարի վերջին օրն է նոյեմբերի 25-ի երեկոյան ժամի 6 եւ 45 րոպեն:

Նոյեմբերի 24-ի երեկոյան պիտի սկսվեն Հաշտություն բանակցությունները: Տաճիկ պատգամավորությունն արդեն Ալեքսանդրապոլում է, իսկ Հայկական պատվիրակությունը պատրաստ է մեկնելու...»¹:

Ալեքսանդրապոլում սկսվում են Հաշտության բանակցությունները: Թուրքական կողմից բանակցություններին մասնակցում է Հայաստան ներխուժած զորքերի հրամանատար Քյազիմ Կարաբեքիր փաշան, իսկ Հայկական կողմից՝ Ալ.Խատիսյանը, Աբր. Գյուլխանդարյանը, Վահան Մինախորյանը եւ Կարսի նահանգապետ զենեբալ Ղորղանյանը:

Բացի վերոհիշյալ ձեռնարկումներից, Հայաստանի Հանրապետության կառավարությունը՝ Խորհրդային Ռուսաստանի օժանդակությունն ու բարեկամությունը ձեռք բերելու նպատակով շարունակում է բանակցությունները Լեզրանի գլխավորած պատվիրակության հետ: Հանրապետության կառավարության հիմնական պահանջը Խորհրդային Ռուսաստանից մեկն էր՝ կանգնեցնել թուրքական զորքերի հարձակումը եւ օգնել Հայաստանին դուրս գալու ստեղծված կացությունից:

Ի պատասխան Հայկական կողմի առաջադրած պայմաններին, Խորհրդային Ռուսաստանի ղեկավարողական ներկայացուցիչ Լեզրանը Հայաստանի կառավարությունից պահանջում է դադարեցնել թուրքերի հետ սկսած բանակցությունները, Հայկական պատվիրակությանը հետ կանչել Ալեքսանդրապոլից եւ Կարմիր բանակի զորամասերը մտցնել Հայաստան: Եթե Հայկական կողմը համաձայնվեր Լեզրանի առաջադրած պահանջներին եւ ընդհատեր թուրքերի հետ սկսած բանակցություններն ու պատվիրակությանը հետ կանչեր Ալեքսանդրապոլից, ապա ո՞վ կարող էր տալ այն կա-

յուն, իրական երաշխիքը, որ թուրքերը չէին վերսկսելու հարձակումները եւ օգտվելով Հայկական զորքերի թուլյլ, անկազմակերպ վիճակից՝ հաշված օրերի ընթացքում ներխուժել Արարատյան դաշտ եւ Երեւան, ինչն անվերապահորեն հղի էր կործանարար հետեւանքներով: Ահա այս էր Հայաստանի կառավարության համար այն կարեւորագույն, առաջնահերթ նշանակություն ունեցող հարցը, որն ընթացող բանակցություններում ուղղվում է Խորհրդային Ռուսաստանի ներկայացուցչին:

«... Լեզրանը պատասխանում է, թէ թուրքերը այդպիսի քայլ չեն առնի: Վրացեանը ցոյց է տալիս Լեզրանին, որ մինչեւ որ ռուսները կարողանան շոշափելի ոյժ հասցնել Երեւան, առնուազն մէկ շաբաթ պիտի պահանջուի, միջոցով թուրք բանակը կանգնած էր Արաքսի ափին, Մարգարայի կամուրջի մօտ, հագիւ 20-25 մղոնի վրայ Հայաստանի մայրաքաղաքից: Եթէ կառավարութիւնը խզէ բանակցութիւնները, այդ պիտի նշանակի պատերազմի վերսկսում. ի՞նչ ոյժ կարող էր արգելել թիւրքերին Հայաստանի մնացած մասն էլ գրաւելու: Խորհրդային իշխանութեան խօսքը: Ի՞նչ երաշխիք, որ թուրքերը կարեւորութիւն կը տան այդ խօսքին:

... Եթէ, համոզում էր Վրացեանն Լեզրանին, Խորհրդային իշխանութիւնը վստահ էր, որ թուրքերը խորհրդային իշխանութեան հակառակ քայլ չէր առնի, ուրեմն, նրանց խօսքն էլ բաւական պիտի լինէր որպէսզի թուրքերը ծայրահեղ պահանջներ չը դնէին Հայաստանին: Իսկ եթէ Խորհրդային կառավարութիւնը կարծում էր, թէ թուրքերը իրենց խօսքին ահանջ չէին դնի, նշանակում էր մի քանի հարիւր ռուս զինուորների մուտքն էլ Հայաստանի սահմաններից ներս արգելք չէր լինի թուրքերին վերջնականապէս մաքրելու իրենց հաշիւը հայերի հետ, մանաւանդ որ թուրքերի գլխաւոր մեղադրանքը հայերի դէմ այն է, թէ նրանք գործիք են ռուսների ձեռքին»¹:

Թուրքերի հետ արդեն ընթացող բանակցություններն արժեւորելիս Հայկական եւ ռուսական կողմերը առաջնորդվում էին միանգամայն տարբեր չափանիշներով ու սկզբունքներով: Հայաստանի կառավարության համար, բնականաբար, գերխնդիրը հայության ֆիզիկական գոյությունը կործանումից փրկելու անհրաժեշտությունն էր: Խորհրդային Ռուսաստանի եւ ցավալիորեն նրան, ինչպես նաեւ թուրքերի հարձակմանը ջակցող Հայ բոլշեւիկների համար կա-

¹ Հայաստանի Հանրապետությունը 1918 -1920 թթ. (քաղաքական պատմություն, փաստաթղթերի, նյութերի ժողովածու), Երեւան, 2000, էջ 348:

¹ Վրացեան Ա. Հայաստանի Հանրապետութիւն, էջ 491:

ընտրագույնը ոչ թե հայ ժողովրդի փրկութիւնն էր, առավել եւս պետականութեան պահպանումը, այլ Հայաստանն օր առաջ խորհրդայնացնելը եւ ապա դեպի արեւելք առաջ շարժվելը:

Զգտելով Հայաստանի Հանրապետութիւնը տեսնել օր առաջ խորհրդայնացած՝ Խորհրդային իշխանութիւնների շրջանում այն մտավարութիւնն էր արմատավորված, որ իրենց հապաղելու դեպքում թուրքերը արագորեն կարող էին նվաճել Հայաստանը եւ շարժվել դեպի Բաքու, ուր նրանց հայտնվելը անտարակուսյա կոզեւորեր տեղի մահմեդական բնակչութեանը եւ նոր դժվարութիւնների առջեւ կկանգնեցներ բոլշեւիկներին: Այսպիսի մտավարութեան համար Մոսկվան որոշակի հիմքեր ունէր, չէ որ հենց ինքն էր օգոստոսի 24-ին կնքված համաձայնագրով թուրքերին ընձեռել գործելու ազատութիւն եւ պարտավորվել աջակցել նրանց ձեռնարկումներին, իսկ Բաքվում թուրք ազգայնականները պատրաստ էին առաջին իսկ հնարավորութեան դեպքում ապստամբել խորհրդային իշխանութեան դեմ:

Տվյալ իրավիճակում Հայաստանի իշխանութիւնների համար միանգամայն միամտութիւն եւ անպատասխանատու ու հանցավոր քայլ կլինէր ապավինել Լեզրանի այն հավաստմանը, թե թուրքերը կլսեն իր խոսքը եւ զորքերով չեն շարժվի Հայաստանի Հանրապետութեան խորքերը: Բացարձակապես չկար այն հաստատ եւ հավատ ներշնչող երաշխիքը, որն իրոք ստիպել թուրքերին անվերապահորեն ընդունել Խորհրդային Ռուսաստանի ներկայացուցչի պահանջն ու չվերսկսել պատերազմական գործողութիւնները:

«Ուրիշ խնդիր,- նշում է Ս. Վրացյանը,- եթէ ռուսները խոշոր բանակ ունենային Հայաստանի մօտ եւ պահանջուած վայրկեանին կարողանային բաւարար ոյժ հասցնել, այն ժամանակ, հաւանական էր, թուրքերը չէին համարձակուի առաջ շարժուելու, բայց բոլշեւիկները այդպիսի բանակ չունէին մերձակայ վայրերում»¹:

Հայաստանի կառավարութեան եւ Լեզրանի գլխավորած պատվիրակութեան միջեւ ընկած բանակցութիւններն ընդհատվում են առանց որեւէ դրական արդիւնքի. «... կառավարութիւնը վախենում էր, որ եթէ Կարմիր բանակը Հայաստան մտնէր հիւսիսից, թուրքերը առաջ կը շարժուէին հարաւից եւ ռուսների հասնելուց շատ առաջ կը գրաւէին Երեւանը: Այդ պատճառով, կառավարութիւնը աշխատում էր Ալեքսանդրապոլի բանակցութիւնները չխախտուած հարցը հասցնել իր տրամաբանական վախճանին»²:

Բանակցութիւններում չհասնելով իրենց հետապնդած նպատակին՝ Խորհրդային Ռուսաստանի ներկայացուցիչները դիմում են առավել զորեղ ու ազդու միջոցի՝ զենքի ուժի:

«Հայաստանի Հանրապետութեան, - գրում է Հ. Տերտերյանը, - այդ ծանր ու բախտորոշ օրերին հայ բոլշեւիկները Բազուի Կարմիր զօրամասերի օգնութեամբ դաւադրօրէն խփել էին մեր թիկունքից եւ նոյեմբերի 29-ին մտել Ղազախ գաւառի Իջեւան գիւղը»¹:

Հաշվարկը շատ պարզ էր, եթե Հայաստանի Հանրապետութեան կառավարութիւնը չէր համաձայնվում խորհրդայնացման ճանապարհով կամովին հանձնել իշխանութիւնը, ապա հայտնվելով հարավից ու հյուսիսից միաժամանակ տեղացող հարվածների կիզակետում եւ կորցնելով պաշտպանվելու հնարավորութիւնը՝ աներկբայորեն հարկադրված կլինի ընդունել իրեն ներկայացրած ամենածանր պայմանները:

Կարմիր բանակի զօրամասերի մուտքը Հանրապետութեան տարածք բուռն վրդովմունք է հարուցում Հայաստանի կառավարութիւնում, վարչապետ Ս. Վրացյանը խիստ բողոք է հայտնում Լեզրանին եւ պահանջում խորհրդային զորքերը դուրս բերել Հանրապետութեան տարածքից: Ինչպես պարզվում է մի փոքր ավելի ուշ, Լեզրանը երկակի խաղ էր խաղում: Ցույց տալով, որ խորհրդային զորքերի մուտքը Իջեւան սոսկ ցավալի թյուրիմացութեան արդիւնք է, «... անմիջապէս գրաւոր ներողութիւն է խնդրում կատարուածի համար եւ ռազիոյով հրահանգում է Բազու, որ մտած զօրքը յետ քաշուի դէպի նախկին դիրքը: Որչուում է միաժամանակ, որ Խորհրդային Ռուսաստանի ներկայացուցիչը (գնդապետ Մանիեւ) միասին Իջեւան գնան լիզւիդացիայի ենթարկեն այդ միջադէպը»²:

Հայաստանի Հանրապետութեան կառավարութիւնը, չբավարարվելով վերոհիշյալ ձեռնարկմամբ, միաժամանակ հրահանգ է տալիս Ղազախ-Իլիլիան հայկական զորախմբին առաջանալ դեպի Իջեւան եւ, եթե խորհրդային զորքերը հոժարակամ չհամաձայնվեն պարպել Հանրապետութեան տարածքը, ապա դիմել զենքի ուժի: Պարզվում է, որ խորհրդային զորքերը Հանրապետութեան տարածքից անհապաղ դուրս բերելու Լեզրանի տված խոստումն ու ձեռնարկած քայլերը կեղծ էին:

«... թէպէտ Լրկրանը խոստանում էր Հայաստանի սահմաններից հեռացնել ռուսական զորքերին, բայց գաղտնի հրահանգել էր ա-

¹ Նույն տեղում:

² Նույն տեղում:

¹ «Չայրենիք» ամսագիր, 1954, թիւ 2, էջ 11:

² ԳԳ ԲԿԱ, թճ. 121, գ. 97 «Չայաստանի վերջին անցքերը», էջ 8:

ուաջ շարժուել: Այս հաւանական ենթադրութիւնը հիմնուած է հետեւեալ փաստի վրայ. Ալեքսանդրապօլում Մդեւանին (Ալեքսանդրապօլի բանակցութիւններում խորհրդային Ռուսաստանի ներկայացուցիչը - Ն.Գ.) դելեկացիային յայտնեց, որ թէպէտ ուսական գործերին հրահանգուած է թողնել Հայաստանը, բայց նա չի թողնի եւ ներս կը խուժի»¹:

Խորհրդային իշխանութեան կենսագործած վերոհիշյալ ձեռնարկումները վաղօրոք ծրագրուած եւ խնամքով հաշվարկուած էին: Բոլշեւիկյան գործառնաբեր հանրապետութեան տարածքը ներխուժելու հենց հաջորդ օրը Լեզրանը Հայաստանի իշխանութիւններին է ներկայացնում Հայաստանի Հանրապետութիւնը խորհրդայնացնելու վերջնագիրը: Խորհրդային Ռուսաստանի դիվանագիտական ներկայացուցչի կենսագործած գործողութիւնը մեծապես օգնուած է հայկական գործառնաբերի անկալուն եւ թույլ վիճակը: Հանրապետութեան կառավարութեան հանձնարարութեամբ Ղազարխ-Դիլիջան հայկական գործառնաբերի տրված խորհրդային գործքին գեներլ ուժով գրավալ տարածքից դուրս հանելու հրահանգը չի կատարուում:

«Տեսնելով, որ ուսաները չեն հեռանում հայկական հողամասից, հայ գործը առաջ է շարժուում: Ընդհարման միջոցին պարզուում է, որ հայկ. մի քանի հարիւր զինուորների հանդէպ կանգնած է վեց հազար գործ, համապատասխան հրետանիով եւ մեծաքանակ գնդացիներով, այնպէս որ հայկ. ոյժերին մնում է միայն անձնատուր լինել: Ձերբակալուում է նաեւ հայկ. գնդապետ Մանիելը իր օգնականով միասին, որը մի քանի ժամից յետոյ կարողանում է փախուստ տալ գերութիւնից եւ տեղեկացնում եղելութիւնը: Երեւանի ուսական միսիան (նկատի ունի Լեզրանի գլխավորած պատվիրակութեանը - Ն.Գ.) ապահովաբար տեղեակ էր այդ բոլորին»²:

Այն, ինչ այդ օրերին Հայաստանի նկատմամբ իրականացնում էին բոլշեւիկները, տեղյակ էին նաեւ Հայաստանի իշխանութիւնները: Միանգամայն պարզ եւ հասկանալի է, որ Կարմիր բանակի մուտքը հանրապետութեան տարածք եւ Լեզրանի վերջնագիրը ավելի է շիկացնում ու տագնապալի դարձնում Հայաստանի կառավարութիւնում առանց այդ էլ տիրող լարված եւ քառասային մթնոլորտը: Հայտնվելով օրհասական իրավիճակում Ս. Վրացյանի գլխավորած հանրապետութեան կառավարութիւնը, բնականաբար, պետք է կացութիւնից դուրս գալու ուղիներ որոներ:

Լեզրանի վերջնագիրը ստանալու հենց նույն օրը գումարվում է արտակարգ խորհրդակցական ժողով, որին մասնակցում էին Հին եւ նոր կառավարութեան նախարարները, խորհրդարանի դաշնակցական խմբակցութեան, Ն.Յ. Դաշնակցութեան եւ այլ կուսակցութիւնների ղեկավար գործիչներ եւ անլք, մոտավորապէս 40 հոգի: Խորհրդակցական ժողովին, բնականաբար, մասնակցում էր նաեւ Դրոն, որի խոսքը, որպէս ռազմական նախարարի, այդ օրերին առանձնահատուկ կշիռ եւ նշանակութիւն ուներ: Ժողովի հիմնական օրակարգը բոլշեւիկների ներկայացրած վերջնագրի քննարկումն էր, միաժամանակ ժողովականները սպասում էին Ալեքսանդրապօլում ընթացող բանակցութիւններից ստացվող լուրերին: Ինչպէս եւ սպասվում էր, բուռն բանավեճ է ծավալվում ժողովականների միջեւ քննարկվող օրակարգի կապակցութեամբ:

«Ժողովականների, - նշում է այդ ժողովի մասնակից Ն.Տերտեւրյանը (նա նոր կառավարութիւնում ելեւտական (ֆինանս.) նախարարն էր - Ն.Գ.), - մեծամասնութեան կարծիքը հակաբոլշեւիկեան էր, միայն թէ տաճիկների կողմից մեր ամենանուագագոյն պահանջները յարգուած լինէին, մենք պատրաստ էինք զիջելու Կարսի ամբողջ շրջանը: Ժողովի կէսին Ալ. Սատիսեանից ստացանք ծածկագրով մի հեռագիր - տաճիկների վերջնական պայմանները, որով ո՛չ միայն պահանջում էին Կարսի շրջանը, այլ նաեւ Սուրմալուն, Շարուր-Նախիջեւանը մնում էին Հայաստանից դուրս եւ Զանգեզուրն ու Արցախը թէ՛ական»¹:

Խորհրդակցական ժողովը, որը շարունակվում է մինչեւ դեկտեմբերի 1-ը, իր ընդունած որոշումներով հիրավի պատմական նշանակութիւն ուներ:

Նախ, պետք էր պատասխանել Ալ. Սատիսյանի հեռագրին, Քյազիմ Կարաբեքիր փաշան սպառնում էր իրենց պատվիրակութեանը առաջադրած պահանջները չկատարելու դեպքում ընդհատել բանակցութիւնները եւ անհապաղ վերսկսել պատերազմական գործողութիւնները:

«Թուրքերը, - գրում է Ալ. Սատիսյանը, - վերջնագրի ձեւով ներկայացուցին իրենց արդէն պատրաստուած դաշնագիրը՝ պահանջելով անվերապահօրէն ընդունել զայն, հակառակ պարագային կը սպառնային, որ թրքական զորքերը անմիջապէս շարժին Երեւանի վրայ:

¹ Նույն տեղում, էջ 9:

² Նույն տեղում:

¹ Վրացեան Ս., Կեանքի ուղիներով, հ. 2, «Յ. Տերտեւանի յուշերը», Պէյրուք, 1967, էջ 309:

Մենք առարկութիւններ ըրինք թուրքերուն եւ որոշեցինք, որ յամենայն դէպս, պէտք է դաշնագրի գլխաւոր կէտերը հաղորդենք Երեւան եւ սպասենք հրահանգներ մեր կառաւարութիւնէն: Ժամը չորսուկէսին հաղորդեցինք Երեւան թուրքերու վերջնագրի պայմանները եւ խնդրեցինք պատասխանել շտապ կարգով»¹:

Թուրքերն իրենց հերթին նույնպէս շտապում էին եւ աշխատում էին ինչքան հնարավոր է շատ տարածքներ կորզել հայերից: Խորհրդային զորքերի առաջխաղացումը կարող էր նրանց զրկել Հայաստանի տարածքում առավելապէս ընդարձակվելու հնարավորութիւնից: Այդ պատճառով պատերազմական գործողութիւնները վերսկսելու սպառնալիքով նրանք ձգտում էին Հայաստանի իշխանութիւններին հարկադրել շուտափուլթ ընդունել իրենց առաջադրած պայմանները, քանի դեռ խորհրդային զորքերը չէին թափանցել ու խորացել հանրապետութեան տարածք:

Ժողովի մասնակիցներին շատ լավ հայտնի էր, որ բացառութեամբ Արաքս կայարանը եւ Արաքսի գետանցումները պաշտպանող Դրոյի փոքրաքանակ զորամասերի, թուրքական զորքերին դիմակայող այլ ռազմաճակատ եւ մարտական ուժեր գրեթէ գոյութիւն չունեին: Թուրքերի առաջխաղացումը, անտարակույս, նշանակում էր տարածքների կորուստներ, նոր կոտորածներ եւ դաժան փորձութիւններ, որին պարտված Հայաստանի Հանրապետութիւնը դժվար թէ կարողանար դիմանալ: Ելնելով հանրապետութիւնում տիրող անասելի դժվարագոյն կացութիւնից եւ առաջնորդվելով ժողովրդի Ֆիզիկական գոյութիւնը փրկելու անհրաժեշտութիւնից՝ ժողովականները որոշում են ընդունել թուրքերի առաջադրած պայմանները եւ հեռագրելով Ալ. Խատիսյանին, արտոնում են նրան կնքել պայմանագիրը:

«Դիչերը, - շարունակում է Ալ. Խատիսյանը, - ստացուեցաւ հետեւեալ պատասխանը Վրացեանէն.

«Կառավարութիւնը հրաժարական տուեց: Դիլիջանում եւ Քարվանսարայում մեր զորքերը առանց կռուի հանդիպեցին բոլշեփկեան զորքերի հետ: Կազմում է կռալիցիոն կառավարութիւն բոլշեփկների հետ, մասնակցութեամբ Դրոյի եւ Տերտէրեանի՝ Դաշնակցութեան կողմից: Թուրքերի պայմանները ստիպուած ենք ընդունել: Դուք լիազօրուած էք ստորագրել դաշինքը»²:

Համաձայն Հ. Տերտերյանի վկայութեան, իրենք թուրքերի առաջադրած ծանր պայմանները ընդունելու, նրանց հետ հաշտութեան

պայմանագիրը ստորագրելիս՝ առաջնորդվել են երկու հիմնական նկատառումներով.

1. «Ընդունելով խորհրդայնացումը եւ Տաճիկների հետ հաշտութեան դաշինք չկնքելով, մենք նրանց իրաւունք տուած կը լինէինք շարունակել իրենց արշաւանքը, նորանոր գաւառներ գրաւել Հայաստանից եւ մտնել Երեւան: Մենք գիտէինք, որ ռուսները Հայաստան էին բերում ամենաշատը 3000 զինուոր, իսկ մինչեւ օգնական ուժեր ստանային՝ տաճիկները Հայաստանում քարքարի վրայ չէին թողնելու: Պէտք էր փրկել Հայութեան եւ Հայաստանի վերջին բեկորները...»¹:

Թուրքերի հետ դաշինքի կնքման կարելորագոյն պատճառը միակն է՝ փրկել Հայաստանն ու հայութիւնը:

2. «Մենք, - շարունակում է Հ. Տերտերյանը, - նայում էինք հեռուն, եթէ մենք դաշինք չստորագրէինք եւ քաղաքական հանգամանքների բերումով ռուսները ստիպուած լինէին հեռանալու Հայաստանից, տաճիկները մեզ համարելով պատերազմական վիճակի մէջ իրանց հանդէպ՝ կարող էին վերսկսել իրենց արշաւանքը, այնինչ՝ դաշինք ունենալու դէպքում հայ ժողովուրդն այդ վտանգից առժամապէս զերծ կը մնար, ինչպէս որ եղաւ իրօք հետագայ յեղաշրջման ժամանակ...»²:

Արտոնելով Ալ. Խատիսյանին թուրքերի հետ կնքելու հաշտութեան պայմանագիրը՝ խորհրդակցական ժողովը անդրադառնում է մյուս կարելորագոյն Հայաստանի Հանրապետութիւնը խորհրդայնացնելու, այն է՝ իշխանութիւնը բոլշեփկներին հանձնելու Լեզրանի վերջնագրի քննարկմանը: Այս խնդրի կապակցութեամբ ժողովի մասնակիցների շրջանում տիրապետել է երկու հիմնական տեսակետ.

1. Ժողովականների մեծամասնութիւնը, որոնց թվում նաեւ Դրոն, գտնում էր, որ անհրաժեշտ է ընդունել խորհրդային Ռուսաստանի ներկայացուցիչ Լեզրանի առաջարկութիւնը, Հայաստանի Հանրապետութիւնը հռչակել անկախ խորհրդային Հանրապետութիւն, եւ ռուսների զինու աջակցութեամբ դուրս քշել թուրքերին եւ փրկել հայութեանը Ֆիզիկական ոչնչացումից:

Այս տեսակետը պաշտպանողները, որոնց մեջ առանձնահատուկ դեր ու կշիռ ունէր Դրոն, առաջնորդվում էին հետեւյալ հիմունքներով ու պատճառաբանութեամբ.

¹ Խատիսեան Ալ., Եզվ. աշխ., էջ 309:

² Նույն տեղում:

¹ Վրացեան Ա., Կեանքի ուղիներով, հ. 2, «Ղ. Տերտերեանի յուշերը».

Պէյրուք, 1967, էջ 297:

² Նույն տեղում:

« ա. Ժողովուրդը ընդհանրապես (մի շարք պատճառներով) դժգոհ է մեր կառավարութիւնից եւ հետեւաբար մենք զրկուած ենք բոլշեւիկների դէմ կռուելու ամենակարեւորագույն գէնքից, որովհետեւ ժողովուրդը մեզ հետ չէ:

բ. Ժողովրդի ընդհանուր համակրանքը բոլշեւիկների կողմն է, որովհետեւ նախ նրա լուծը դեռեւս չճաշակած, բազմաթիւ ակընկալութիւններ ունի նրանից եւ երկրորդ՝ բոլշեւիկները կարող էին քշել տաճիկներին եւ իրենց կոտորածից փրկել:

գ. Զօրքը մեզ հետ չէ, նա չի կռուի մեզ համար»¹:

2. Ժողովի փոքրամասնութիւնը, որոնց թիւում էին ՀՀ նախկին վարչապետ Համո Օհանջանյանը, Վահան Նավասարդյանը, Հակոբ Տեր-Հակոբյանը (Իրագեկ), Սարգիս Արարատյանը, Արշակ Հովհաննիսյանը եւ այլք, գտնուում էին, որ անհրաժեշտ է շուտափույթ խաղաղության դաշինք կնքել թուրքերի հետ եւ ողջ մարտական ուժերը ուղղել խորհրդային զորքերի դեմ եւ գննքի ուժով նրանց դուրս քշել հանրապետության տարածքից: Այս տեսանկյունից առավել կարծր դիրքորոշում է ունեցել Արշակ Հովհաննիսյանը, որը առաջարկել է ոչ միայն նոր զորահավաք կազմակերպել ու բոլոր հնարավոր միջոցներով դիմադրել խորհրդային զորքերին, այլեւ ձեռքարկել Լեզրանին²:

Լեզրանի վերջնագիրը չընդունելու տեսակետը պաշտպանողների գլխավոր փաստարկներն էին.

ա. Երկիրը յանձնել բոլշեւիկներին կը նշանակի՝ խաչ քաշել Հայաստանի անկախութեան վրայ եւ ջուրը գցել այդ գաղափարի համար մինչեւ այժմ մեր ժողովրդի գործադրած բոլոր ջանքերը եւ տուած զոհաբերութիւնները:

բ. Երկիրը բոլշեւիկներին յանձնել կը նշանակի՝ քայքայել ու թալանի մատնել մեր ժողովրդի առանց այն էլ շատ քայքայուած տնտեսութիւնը, ստեղծել երկրում կացիներին ու տեւորի մի ուժեղ, ինչպիսին գոյութիւն ունի Ադրբէջանում եւ խորհրդային Արցախում:

գ. Միայլ է ու չափազանցուած այն տեսակէտը, թէ մեր ժողովրդի եւ մանաւանդ զօրքի համակրութիւնը մեր կողմը չէ: Մեզ վրայ եկող բոլշեւիկների ուժերը չնչին են (համաձայն արդեն հիշատակված տվյալների՝ Հայաստանի Հանրապետության տարածքը ներխու-

ծած խորհրդային զինվորների թիվը հավասար է եղել 3000-ից մինչեւ 6000 -ի - Ն. Գ.):

դ. Ներկայ դէպքում, երբ կոխը Ռուսաստանի դէմ է, այն էլ բոլորովին վարկաբեկուած ու քայքայուած Ռուսաստանի դէմ, մենք կարող ենք մի ընդհանուր լեզու գտնել տաճիկների հետ, թէկուզ առաւելագույն զիջումների ճանապարհով, որովհետեւ մեր եւ նրանց քաղաքական շահերը զուգադիպում են ներկայումս»³:

Այս հարցի վերաբերյալ ծավալված բուռն վիճաբանութիւններից ու քննարկումներից հետո որոշվում է հարցը վճռել քվեարկութեամբ: Ժողովականների ձայների 21 կողմ եւ 7 դեմ հարաբերակցութեամբ որոշվում է ընդունել Լեզրանի վերջնագիր-առաջարկութիւնը եւ Հայաստանի Հանրապետութիւնը հռչակելով Հայաստանի խորհրդային հանրապետութիւն՝ իշխանութիւնը խաղաղ ճանապարհով հանձնել բոլշեւիկներին:

Եթե ընդհանրացնենք նոյեմբերի 30-ից մինչեւ դեկտեմբերի 1-ը երեւանում գումարված արտակարգ խորհրդաժողովի արդյունքները, ապա պետք է ընդգծել, որ ընդունվել են Հայաստանի եւ հայութեան ապագայի համար կարեւորագույն նշանակութիւն ունեցող հետեւյալ որոշումները.

1. Լիազորվում է Ալ. Խատիսյանին ստորագրել թուրքերի հետ հաշտութեան պայմանագիր, ինչի մասին վարչապետ Ս. Վրացյանը հեռագրում է Ալեքսանդրապոլ:

2. Որոշվում է ընդունել խորհրդային Ռուսաստանի դիվանագիտական ներկայացուցիչ Լեզրանի ներկայացրած վերջնագիրն ու Հայաստանը հռչակել խորհրդային անկախ հանրապետութիւն:

«Բիւրոն, - նշվում է խորհրդաժողովի ընդունած փաստաթղթերից մեկում,- Ֆրակցիան (ՀՀ խորհրդաթիւնը որոշեցին ընդունել խմբակցութիւն - Ն. Գ.), կառավարութիւնը որոշեցին ընդունել կարմիրների առաջարկը սովետիզացիայի մասին: Դրեցին որոշ պայմաններ, ճանաչել Հայաստանի անկախութիւնը, հաշտութիւն կնքել տաճիկների հետ, թոյլ չտալ քաղաքացիական կոխ, մտցնել կառավարութեան մէջ մերոնց»²:

3. Քանի որ խորհրդաժողովում ընդունվում է Լեզրանի վերջնագիրը, ապա բնականաբար պետք է վճռվեր նաեւ իշխանութեան հարցը: Բնական է, որ վարչապետ Ս. Վրացյանի գլխավորած կառավարութիւնը հարկադրված պետք է հրաժարական տար: Իսկ Լեզրանի

¹ ԳԳ ԲԿԱ, ֆ. Ս. Կ., թժ. 2, գ. 5, «Յակոբ Տեր Յակոբեանի յուշերը», էջ 16:

² «Յայրենիք» ամսագիր, 1923, էիւ 1, էջ 70:

¹ ԳԳ ԲԿԱ, ֆ. Ս. Կ., թժ. 2, գ. 5, «Յակոբ Տեր Յակոբեանի յուշերը», էջ 16:

² ԳԱԱ, ֆ. 199, գ. 1, գ. 284, թ. 1:

հետ ընթացող բանակցությունները դեռևս չէին ավարտվել: Հայաստանի նախկին կառավարությունը կողմից ո՞վ պետք է վարեր բանակցությունները:

«...Նույն ժողովը, - նշում է Հ. Տերտերյանը, - որոշեց, որ Լեզրանի հետ պետք է բանակցեինք ես եւ Դրօն»¹:

Հաջորդ օրը ներկայացնելով իր հրաժարականը՝ Հանրապետության նախարաների խորհուրդը կայացնում է հետևյալ որոշումը.

«Ի նկատի ունենալով արտաքին Հանգամանքների շնորհիվ յերկրում ստեղծված կացությունը, Հայաստանի Հանրապետության կառավարությունը իր 1920 թվի դեկտեմբեր 2-ի նիստում որոշեց՝ հրաժարուել իշխանությունից եւ Հանձնել Ձինկորական եւ Քաղաքացիական բովանդակ իշխանությունը զօրաբանակի ընդհանուր հրամանատարին, որպիսզի պաշտօնում նշանակել ռազմական նախարար Դրօյին:

Նախարարների խորհրդի նախագահ՝ Ս. Վրացեան
նախարարներ՝ Ա. Յովհաննիսեան, Ա. Խոնդակերեան,
Հ. Տերտերեան, Դ. Կանայեան»²:

Նույն օրը եւեթ թիֆլիսում Հայաստանի Հանրապետության դիվանագիտական ներկայացուցիչ Բեկզադյանը ստանում է կառավարության առաքած շտապ հեռագիրը.

«Ի նկատի ունենալով յերկրի համար ստեղծված հանգամանքները, կառավարությունը որոշեց հրաժարել իշխանությունից եւ զինուորական ու քաղաքական իշխանությունը յանձնել Դրօյին: Լեզրանի հետ կնքված պայմանագրով Հայաստանը հայտարարում է անկախ խորհրդային Հանրապետություն: Ռուսաստանը պարտավորում է պաշտպանել Հայաստանի սահմանները, որոնց մէջ մտնում են նաեւ Նախիջևանը եւ Չանդեզուրը...»³:

Հայաստանի Հանրապետությունում տեղի ունեցած արմատական հեղաշրջման մասին զեկուցելով Լենինին եւ Ստալինին՝ Սերգո Օրջնիկիձեան նրանց հասցեագրած դեկտեմբերի 2-ի հեռագրում հաղորդում է. «Հենց նոր ստացվել է հեռագիր Երեւանից: Հին իշխանությունը հեռացվել է, Երեւանում հաստատվել է խորհրդային իշխանություն: Մինչեւ Հեղկոմի գալը, ամբողջ իշխանությունը հանձնվել է զինվորական հրամանատարությունը, Դրօյի գլխավորությամբ: Հայաստանի զինվորական կոմիսար է նշանակվել Սիլինը: Զորամասերին տրվել է Հեղկոմի տնօրինությանը անցնելու հրաման...»

...Հեղկոմը ստացել է շնորհավորական հեռագիր Թուրքական ճակատի հրամանատար Կարաբեքիրից եւ Թուրքիայի նախագահ Բյազիմ-Ֆեյից(նկատի ունի Քեմալ Աթաթուրքին-Հ.Գ.)...

Ալեքսանդրապոլից ժամանած ընկերները պատմում են, որ քեմալիստ զորքերի տրամադրվածությունը մեր նկատմամբ չափազանց բարեկամական է: Զորքերը կրում են կարմիր կրծքանշաններ եւ իրենց համարում են կարմիրբանակայիններ...»⁴:

Հայաստանի համար ամենաճակատագրական պահին նրա բախտն ապագան վստահվում է Դրօյին: Պատմական տվյալ ժամանակահատվածում՝ մեծապես նաեւ նրա ընդունած վճիռներից, վճռականությունից եւ հաստատականությունից էր կախված Հայաստանի եւ հայության ճակատագիրը: Նույն օրերին Դրօյի ընդունած ոչ հավասարակշռված ու ծայրահեղ, ժամանակի ոգուց ու հնարավորություններից չբխող վճիռները միանշանակորեն կարող էին վատթարագույն եւ անկանխատեսելի ազդեցություն գործել Հայաստանի եւ համայն հայության ճակատագրի վրա եւ տեղի տալ ծանրագույն հետեւանքների: Այդ պատճառով նա պետք է գործեր առավելապես կշռադատված ու սառնասրտորեն:

Հայ-ռուս փոխհարաբերությունների լուսաբանմանը նվիրված վավերագրերը եւ մասնավորապես Հ. Տերտերյանի, Ս. Վրացյանի, Հ. Տեր-Հակոբյանի (Իրագել) վկայությունները ցույց են տալիս, որ Հայաստանի Հանրապետության անարյուն խորհրդայնացման եւ իշխանությունը խաղաղ ճանապարհով բոլշևիկներին հանձնելու գործում վճռական նշանակություն է ունեցել Հայաստանի զինվորական նախարար Դրօյի դիրքորոշումը:

«... Ինձ համար, - գրում է Հ. Տերտերյանը, - ինչպես եւ շատ շատերի համար, այս խնդրի լուծման մէջ կարեւորություն ունեւր երկու զինուորական ուժերի կարծիքը՝ նախկին կաբինետի զօրական մինիստր Ռուբէնի եւ մեր կաբինետի զօրական մինիստր Դրօյի: Երկուսն էլ այն իմաստով արտայայտուեցին, թէ Հայաստանն ի վիճակի չէ դիմագրաւելու բոլշևիկներին եւ որ պետք է համաձայնել Երկիրը խորհրդայնացնելու»⁵:

Իսկ Հ. Տեր-Հակոբյանը, նույնպես անդրադառնալով Հանրապետությունը խորհրդայնացնելու հանգամանքների եւ այդ գործում

¹ Վրացեան Ս., Կեանքի ուղիներով, հ. 2, էջ 279:

² ՀԱԱ, ֆ. 199, ց. 14, գ. 284, ք. 4:

³ Նույն տեղում, ք. 3:

¹ Հայաստանի Հանրապետությունը 1918-1920 թթ. (քաղաքական պատմություն, փաստաթղթերի, նյութերի ժողովածու), Երևան, 2000, էջ 385:

² ՀՀ ԲԿԱ, ֆ. Ս. 4, թ. 2, գ. 5, «Յ. Տերտերեանի յուշերը», էջ 16:

Դրոյի ավանդի լուսաբանմանը, նշում է. «... նա, այդ զանգուածը (նկատի ունի հայկական բանակը -Ղ.Գ.) տրամադիր էլ չէր բուշուհիկների վրայ մի գնդակ անգամ արձակելու - ինչպէս յայտարարում էր Դրօն, կուսակցութեան եւ կառավարութեան ամենամեծ վստահութիւնը վայելող միակ զինուորական ընկերը»¹:

Ոմանք, մասնավորապես վերոհիշյալ Ղ. Տեր-Հակոբյանը (Իրազեկ) Դրոյին մեղադրում էին, որ նա իր հրամանատարութեան ներքո ունենալով 1200-1500 մարտունակ զինվորներ, կարող էր վճռակաւորեն պայքարել խորհրդային զորքերի դեմ եւ թույլ չտալ Հայաստանի Հանրապետութեան խորհրդայնացումը:

Պատմական տվյալ ժամանակաշրջանը բնութագրող փաստաթղթերի ուսումնասիրութեանը հստակորեն մատնանշում է, որ իրոք հայ պետական եւ զինվորական գործիչների շարքում Դրոն, մանավանդ Սուրմալուի ճակատամարտում հաղթանակ նվաճելուց հետո, թերեւս, ամենահեղինակավոր եւ վստահութեամբ վայելող մարդն էր: Հայաստանի եւ հայութեան համար ճակատագրական ու օրհասական ժամանակամիջոցում, հանգամանքների թելադրանքով, դարձյալ հայտնվելով պատմական իրադարձութեանների կիզակետում՝ Դրոն պիտի հանձնէր չափազանց պատասխանատու եւ բախտորոշ մի քննութեան եւս, այս անգամ արդեն ոչ թե ռազմադաշտում, այլ քաղաքական ասպարեզում:

Պատմութեանը կարծես կրկնվում է. դարձյալ նույն իրավիճակն է ստեղծվում, ինչ 1918 թ.: Թուրքական զորքերը, առանց լուրջ դիմադրութեան եւ առանց կրակոցի զրավելով Կարան ու Ալեքսանդրապոլը, սպառնում են ներխուժել երկրի խորքերն ու սրի մատնել հայութեան վերջին բեկորները: Նախորդ ժամանակաշրջանում թուրքական զորքերին դիմակայող հայկական բանակը շատ ավելի կազմակերպված էր, մարտունակ ու նպատակասլաց, իսկ այս անգամ Հայաստանի Հանրապետութեան բանակը, մատնվելով խուճապի եւ բարոյալքվելով, որեւէ լուրջ մարտական ուժ չէր ներկայացնում: Թուրքական սարսափներին գումարվում են նաեւ հայոց անկախ պետականութեան վերացմանը նպատակաուղղված Խորհրդային Ռուսաստանի նվաճողական գործողութեանները: 1918 թ., ի դեմս հայ ականավոր ազգային գործիչների, որոնց շարքերում էր նաեւ Դրոն, հայութեանը կարողացավ իրեն արժանապատվութեամբ դրսևորել թշնամու դեմ մղվող գոտեմարտում. արդյունքում Հայաստանի Հանրապետութեան ծնունդն էր ու կազմավորումը:

1920 թ. դժնդակ, քառասյին ժամանակահատվածում հայ պետական, զինվորական գործիչների շրջանում անառարկելի հեղինակութեամբ ու կշիռ ունեցող, բազմաթիվ հաղթանակների դասիններ նվաճած Դրոն մղելու էր գուցե եւ իր համար ամենաստույգ ու դժվարագույն ճակատամարտը: Ժողովուրդը, իշխանութեան ներկայացուցիչներն ու զինվորականութեանը, մեծ հավատ ու վստահութեամբ ունենալով նրա նկատմամբ, առավելապես հակված էին կատարելու նրա խոսքն ու վճիռները: Դրոն իրավունք չուներ դուրսնալու ինչ սխալվելու եւ տրվելու անձնական պատվախնդրութեան, արկածախնդրութեան, չմտածված ու անհավասարակշիռ քայլերի, որոնք կարող էին Հայաստանի եւ հայութեան համար նոր ողբերգութեանների պատճառ դառնալ:

Այսպես. ենթադրենք, Դրոն մերժում է Լեզրանի առաջարկութեան վերջնագիրը եւ պատերազմական գործողութեաններ է սկսում խորհրդային զորքերի դեմ, ինչն անտարակույս հավասարագոր է Խորհրդային Ռուսաստանին պատերազմ հայտարարելու:

Ինչպիսի՞ ուժերի կարող էր ապավինել Դրոն եւ ի՞նչ կատարել արդյունքում:

1. Խորհրդայնացման դեմ վճռականորեն տրամադրվածները առաջին հերթին մատնանշում են նրա գլխավորած 1200-1500 զինվորները, որոնք գլխավորապես տեղաբաշխված էին մայրաքաղաքի մերձակայքում եւ պաշտպանում էին Արաքսի գետանցումները: Պիտի նկատել, որ նախ, այդ ուժերը բացարձակապես անբավարար էին խորհրդային զորքերի դեմ արդյունավետ մարտական գործողութեաններ ծավալելու համար: Բացի դրանից, հայ զինվորը զուտ բարոյահոգեբանական առումով դեռեւս որոշակի համակրանք ուներ ու թշնամաբար տրամադրված չէր ռուսի նկատմամբ:

Սպարապետ Թ. Նազարբեկյանի, կարելի է որակել, անկողմնակալ բնութագրմամբ՝ «...մեր զինվորի գլուխը համայնավարները հաջողութեամբ մտցրել էին այն միտքը, թե հյուսիսից գալիս է ամենագոր Ռուսաստանը, Լենինի եւ Տրոցկու բանակը... իսկ ոչ ոք զազափար անգամ չուներ, թե դա նախկին ցարական բանակը չէր, լավ հագնված, կանոնավոր մարզանք ստացած եւ կուշտ զինվորը, այլ Ռուս ժողովրդի զավակների թափթփուկ, ծարավ, ոտաբորել ու ցնցոտիներով ծածկված բուշուհիկ Ռուսաստանը...»¹:

Երկրորդ՝ չէր կարելի լիարժեքորեն հավատ ընծայել թուրքերին ու թողնել անպաշտպան Երեւանի դարպասներն ու Արաքսի գետան-

¹ ՀՀ ԲԿԱ, ֆ. Ս. Վ., քժ. 2, գ. 5, «Յակոբ Տեր Յակոբեանի յուշերը», էջ 16:

¹ «Հայրենիք» ամսագիր, 1954, թիւ 7, էջ 28:

ցումները: Այս առումով ուշագրավ է Հայաստանի Հանրապետության վրա հյուսիսից հարձակվող թուրք զինվորին տված սպարապետ Թ. Նազարբեկյանի հետևյալ բնութագիրը. «Իսկ մյուս կողմից՝ եկողը «ընկեր» Քեմալը չէր, այլ արյունառուշտ եւ հայակեր թուրքը, որ գալիս էր թալանելու, առեւանգելու, հոշոտելու, մեր ժողովրդին բռնաբարելու ու լլկելու մեր մատաղ սերունդը...»¹:

Իսկ եթե սպարապետի բնութագրած թուրքերը հանկարծ դրժեին իրենց խոստումն ու շարժվեին դեպի մայրաքաղաք, այդ դեպքում հայերը ի՞նչ ուժերով պիտի կանգնեցնեին նրանց առաջխաղացումը: Իհարկե, չպետք է նաեւ անտեսել այն իրողութիւնը, որ Խորհրդային Ռուսաստանը ի վերջո՞ ոչ թե Հայաստանի, այլ քեմալական թուրքիայի դաշնակիցն էր:

2. Համաձայն ժողովականների փոքրամասնութեան կարծիքի, սխալ է եւ չափազանցված այն տեսակետը, թե հայկական զորքի համակրութիւնը մեր կողմը չէ եւ մեղադրում են Դրոյին նրա այն պնդման համար, որ «... ինքը զօրք չունի բոլշեւիկների դէմ կռուելու համար, որովհետեւ մեր զօրքերի համակրութիւնը բոլշեւիկների կողմն է եւ նրանք զնդակ չեն արձակի բոլշեւիկների վրայ»²:

Հարց է ծագում՝ եթե օրեր առաջ հայկական զորքերն առանց դիմադրութեան թուրքերին էին հանձնում հզոր բերդաքաղաքները՝ Կարսն ու Ալեքսանդրապոլը եւ խուճապի մատնվելով զանգվածաբար լքում մարտադաշտը, ապա ի՞նչ երաշխիք կարող էր լինել, որ նրանք այս անգամ հերոսաբար կկռվեին ընդդեմ Կարմիր բանակի: Մի՞թե իրենց դարավոր թշնամու՝ թուրքերի դեմ չկռվող զորքը կկռվեր ընդդեմ ուսանների: Իսկ մի քանի օրում նոր մարտունակ բանակ կազմավորել բացարձակապես անհնարին էր եւ ցնորք էր այդ մասին հույսեր փայփայելը:

Անկասկած իրավիճակը բոլորովին այլ կլիներ, եթե հայկական զորքերը եւ նրանց հրամանատարները Կարսի ուղղութեամբ եւ բերդաքաղաքը պաշտպանելիս իրենց ղրսեւորեին նույնպիսի արժանապատիւթեամբ ու հերոսականութեամբ, ինչպիսին էին Դրոյի գլխավորած զորագնդերը եւ նրանց հրամանատարները Սուրմալուի ռազմաճակատում: Ավելին, եթե Դրոյի գլխավորած զորամասերի նման հայկական զորքերը կարողանային հաղթել նաեւ Կարսի ռազմաճակատում, ապա ոչ թե թուրքն ու բոլշեւիկը կլինեին հային ստորացուցիչ պայմաններ թելադրողը, այլ հակառակը՝ հայը

կլիներ դրութեան տերը եւ ինքը հակառակորդին կթելադրեր իր պայմաններն, ու այսօր արդյունքում կունենայինք ոչ թե մասնատված, թույլ ու փոքրիկ Հայաստան, այլ գուցե Սեւրի դաշնագրով սահմանված Հայաստան: Հաղթանակի դեպքում, եթե նույնիսկ Հայաստանը խորհրդայնացվեր, ապա անկասկած Խորհրդային Հայաստանի սահմաններն ու տարածքն անտարակույս անհամեմատ ավելի մեծ կլինեին:

Վկայակոչենք հենց Դրոյին մեղադրողներից մեկի՝ արդեն բազմիցս հիշատակված, Հայաստանի խորհրդարանի անդամ Հակոբ Տեր-Հակոբյանի վկայութիւնները:

Նկարագրելով Կարսի ռազմաճակատում տիրող անմխիթար ու անկառավարելի իրավիճակը՝ նա նշում է. «Մերոնք փախչում էին խելակորույս՝ յաճախ իրենց վրայից ձգելով ամեն ինչ, որպէսզի աւելի թեթեւ փախչեն: Զգում էին ե՛լ հրացան, ե՛լ սուրին, ե՛լ փամփուշտ, անգամ գօտի ու կօշիկներ, որովհետեւ անգլիական գօտին ու կօշիկները բաւական ծանր լինելով, արգելք էին լինում արագ փախչելուն»¹:

Մի վկայութիւն եւս.

«Սրանք էլ (նկատի ունի խորհրդային զորամասերին - Ղ.Գ.), 3-12 թնդանօթներով սկսում են առաջ շարժուիլ ու նուաճումներ կատարել երեք ուղղութեամբ - մէկ թեւը դէպի Բարաւա աւանը, երկրորդը՝ դէպի Ղարաղոյլի ձորը, իսկ երրորդը՝ դէպի Դիլիշան:

Այդ կէտերում գտնուող հանրապետական զօրքերը, բացի Ղարաղոյլի ձորից, որեւէ դիմադրութիւն ցոյց չեն տալիս, որովհետեւ բոլշեւիկեան քարոզչութիւնն արդէն բարոյալքել էր նրանց, մանաւանդ եկողը բարեկամ ուսան էր: Ղարաղոյլի ձորում միայն դիմադրեցին բաւականին երկար, բայց նորից զէնքերը վայր դրեցին»²:

Կարելի է վկայակոչել համանման բազմաթիւ փաստեր:

Ընթերցելով Ղ. Տեր-Հակոբյանի արձանագրած փաստերը՝ կարելի է միայն զարմանալ, որ նման վկայութիւնների հեղինակը կարող է ապավինել իր իսկ նկարագրութեամբ խուճապի մատնված եւ հուսալքութեան ու դասալքութեան գիրկն ընկած բանակին եւ առաջարկել եղած թույլ ու անկայուն մարտական ուժերն ուղղել ընդդեմ Խորհրդային Ռուսաստանի զորամասերի:

Ծանոթանալով տվյալ ժամանակահատվածում Հայաստանի Հանրապետութիւնում տեղի ունեցած առավել նշանակալի իրադարձութիւն-

¹ Նույն տեղում:

² ԳԳԲԿԱ, ֆ. Ա. Կ., քծ. 2, գ. 5, «Յակոբ Տեր Յակոբեանի յուշերը», էջ 16:

¹ Իրագեկ Յ., Մօտիկ անցեալից, էջ 81:

² Նույն տեղում:

ներին վերաբերվող փաստաթղթերին ու հուշագրութուններին կարելի է պնդել, որ Դրոյին մեղադրողները առաջնորդվում էին առավելապես հակաբոլշևիկյան տրամադրվածութեամբ եւ իշխանութիւնը կորցնելու ցավով, քան իրական կացութեան անաչառ եւ սթափ վերլուծութեամբ ու գնահատմամբ, չնայած հանուն ճշմարտութեան պիտի շեշտել, որ իրոք չափազանց դժվար է համակերպել Հայաստանի Հանրապետութեան անկախութիւնը կորցնելու իրողութեանն ու գաղափարին: Իսկ մի՞թե հայոց անկախ պետականութեան կորուստը ավելի ծանր էր Դրոյի եւ նրա համախոհների համար: Մի՞թե կյանքի մեծագույն մասն անհամար կռիւլների հորձանուտում անցկացրած եւ իր կյանքն անգամ հանուն հայրենիքի եւ ազգի ազատագրութեանը զոհարելու պատրաստակամութիւնն անվերապահորեն ապացուցած Դրոն ընդունակ էր եւ ի գորու, առանց կովի ու դիմադրութեան, օտար ուժերի տնօրինութեանը հանձնել իրենց տքնաջան եւ հերոսական պայքարի հետեւանքով ձեռք բերած գլխավոր նվաճումը՝ Հայաստանի Հանրապետութիւնը: Եթե Դրոն եւ իր զինակիցները պատմական սովյալ ժամանակահատվածում համաձայնվում են Հայաստանի ապագան հոժարակամ հանձնել բոլշևիկներին, ապա անտարակույս նման պատասխանատու քայլի համար ունեցել են որոշակի լուրջ եւ հիմնավոր պատճառներ:

ա. Ամենակարեւորը՝ բանակն այլեւս գոյութիւն չուներ:

բ. Թուրքական զորքերը Ալեքսանդրապոլը գրավելուց հետո հասել էին Արաքսի կայարան եւ գտնվում էին մայրաքաղաքից ընդամենը 7-8 կմ հեռավորութեան վրա: Ռազմաճակատում թշնամուն դիմակայող հայկական զորքերը դասալքութեան հետեւանքով չափազանց թույլ էին եւ անկազմակերպ: Եթե թուրքերը զարգացնեին հարձակումը, ապա չէր բացառվում, որ կարճատեւ ժամանակահատվածում ներխուժեին Երեւան:

Կարմիր բանակի զորամասերը մուտք էին գործել Արցախ, Զանգեզուր, Նախիջեւան, իսկ այժմ արդեն Ղազախ-Իջեւան եւ սպառնում էին ներխուժել հանրապետութեան խորքերը: Այդ ուղղութեամբ տեղաբաշխված հայկական զորքերը առանց դիմադրութեան հանձնվում էին բոլշևիկների ողորմածութեանը:

Ռազմաճակատներում, բացառութեամբ Արաքս - Արագած ուղղութեամբ մարտնչող Դրոյի գլխավորած զորախմբի եւ Զանգեզուրում խորհրդային զորքերին դիմակայող Գարեգին Նժդեհի գանգեզուրյան մարտական ուժերի, փաստորեն մարտունակ զորամասեր արդեն չկային: Հարց է ծագում. ինչպիսի՞ ուժերի զորակցութեանը

կարող էր ապավինել հանրապետութեան զինվորական նախարար Դրոն, եթե մերժեր Լեգրանի վերջնագիրն ու սկսեր պատերազմական գործողութիւնները խորհրդային զորքերի դեմ:

Եթե Դրոն, այնուամենայնիւ, համաձայնվեր փոքրամասնութեան առաջարկութեանը եւ իրեն հավատարիմ ու մարտունակ զորամասի գլուխն անցած կարողանար պարտութեան մատնել հանրապետութեան տարածքը ներխուժած խորհրդային զորքերին եւ նրանց դուրս վանել Հայաստանից, որը խիստ կասկածելի էր, ապա դա արդյո՞ք կտար որեւէ հուսալի երաշխիք, որ բոլշևիկները կհամակերպեին կատարված իրողութեանն ու կհրաժարվեին Հայաստանը խորհրդայինացնելու մտադրութիւնից: Ժամանակը հստակորեն ապացուցում է, որ Խորհրդային Ռուսաստանը ավելի քան հաստատակամորեն էր տրամադրված նվաճելու անդրկովկասյան հանրապետութիւնները եւ ոչ մի պարագայում մտադիր չէր հրաժարվելու իր մտադրութիւնից: Այդ դեպքում Հայաստանը կներքաշվեր Խորհրդային Ռուսաստանի դեմ պատերազմի մեջ, եւ դեռ հարց էր, թե արդյոք խորխուժված, չափազանց թույլ տնտեսութիւն, բազմահազար գաղթականութիւն ունեցող ու տարածքների մի մասը թուրքերին զիջած Հայաստանի Հանրապետութիւնը կկարողանար դիմակայել խորհրդային հսկա տերութեանը եւ «ողջ-առողջ» ազատվել նրա ճանկերից: Խորհրդային Ռուսաստանի նկատմամբ հարաբերութիւնները մշակելիս անպայմանորեն անհրաժեշտ էր հաշվի առնել այդ հանգամանքը եւս:

Ոմանք հակված են կարծելու, որ Հայաստանի խորհրդայնացման դեպքում պակաս դեր չի խաղացել Դրոյի ռուսական կողմնորոշումը, նրա մեծ հավատն ու համակրանքը Ռուսաստանի նկատմամբ: Չպետք է մոռանալ, որ երբ անհրաժեշտ էր, այդ նույն Դրոն էր, որն ահաբեկում էր ռուս զենեւրալ - նահանգապետներին ու ոստիկանապետներին: Իսկ հայութեան համար բախտորոշ ժամանակաշրջանում նրա ռուսական կողմնորոշումը սոսկ կույր հավատի եւ զգացմունքի արդյունք չէր, այն անպայմանորեն պայմանավորված էր որոշակի օբյեկտիվ նախադրյալներով ու գործոններով: Նախ եւ առաջ Դրոյի ռուսական կողմնորոշումը պայմանավորված էր ժամանակաշրջանի եւ հայութեան իրական կացութեան յուրահատկութեամբ: Հայտնվեւեւելու Խորհրդային Ռուսաստանի եւ Քեմալական Թուրքիայի ձեռնարկով Խորհրդային Ռուսաստանի եւ Քեմալական Թուրքիայի ձեռնարկով միաժամանակյա գործողութիւնների խաչմերուկում Հայաստանի զինվորական նախարարը պետք է սառնասրտորեն գնահատեր ստեղծված իրավիճակը եւ, չտրվելով ավելորդ ու չպատճառաբանված զգացումներին, ճիշտ ընտրութիւն կատարեր:

«Ռուսաստանը,- վկայում է Ս. Վրացյանը,- նա ըմբռնում էր երկու իմաստով, նախ՝ իբրև Հայաստանի մօտիկ մեծ պետութիւն եւ երկրորդ՝ որպէս ժողովուրդ: Նրա տրամաբանութիւնը պարզ էր եւ, եթէ ուզում եք, տարրական. մէկ կողմից մահմեդական թրքութիւն, որ պատմականորէն թշնամի էր քրիստոնէութեան ու հայութեան, միւս կողմից ծովածաւալ քրիստոնեայ կայսրութիւն, որ պատմականորէն թշնամի էր մահմեդականութեան»¹:

Բնական է, որ Ռուսաստան - Թուրքիա երկրներանքում նա անվերապահորեն պետք է նախապատվութիւնը տար քրիստոնյա Ռուսաստանին:

1. Դրոյի ռուսական կողմնորոշումը պայմանավորված էր Ռուսաստանի նկատմամբ հայութեան դրսեւորած վերաբերմունքով:

«Մեր ժողովրդի համոզմամբ տաճիկը իր դարաւոր թշնամին է, իրեն բնաջնջողը, հետեւապէս իր եւ նրա մէջ խաղաղ համակցութեան որեւէ գրաւական լինել չի կարող: Մասնաւորապէս մեր արեւմտահայ հատուածը, որ դարերի փորձ ունի եւ շատ լաւ է ճանաչում տաճիկներին...»

...իսկ դէպի ռուսները, այս դէպքում դէպի բոլշեւիկները - ընդհակառակը: Մեր բովանդակ ժողովուրդը համակրանքի մի խոր գգացում ունի իր սրտում:

Ներկայ դէպքում նա անպայմանորէն հաւատացած էր, որ ռուսները (բոլշեւիկները) ոչ միայն իրենց չեն կոտորի, այլեւ տիրելով Հայաստանին, կքեն տաճիկներին»²:

2. Դրոն իրոք հավատում էր ռուսներին: Գուցեւ նրա կողմից մի փոքր միամտութիւն էր, բայց նա անկեղծորեն հավատում էր ռուսներին, անկախ նրանից, թե նրանք ինչ գուշի էին՝ կարմիր, թե սպիտակ:

«... Նա,- վկայում է իրագեկը,- հաւատացած էր, որ ռուսական զօրքերի գլուխ անցած ջարդելու է տաճիկներին եւ քշելու Հայաստանից: Դեռ աւելին, նա ուղղակի յայտարարում էր, թէ փրկութիւնը միմիայն Ռուսաստանին ապաւինելու մէջ է...»³:

Չպետք է մոռանալ, որ որպէս կամավորական զորախմբի հրամանատար ռուսների հետ կողք-կողքի բազմաթիւ անգամ մարտնչել էր թուրքերի դեմ եւ մեկ անգամ չէ, որ ականատես է եղել ռուս զինվորի խիզախութեանն ու հայասեր վերաբերմունքին: Մինչեւ իր

մղած վերջին կռիվները, նրա անմիջական ընկերակցութեամբ ու հրամանատարութեամբ հայկական բանակում արժանապատվորեն ծառայում էին բազմաթիւ ռուս սպաներ, որոնցից շատերը՝ գնդապետներ Կորովկովը, Պերեկրյոստովը, Սիլինը եւ ուրիշներ, իրենց արժանի ավանդը ներդրեցին Հայաստանի Հանրապետութեան կայացման գործում:

Պատմական տվյալ ժամանակահատվածում Դրոյի զգուշավոր գործելակերպը եւ հատկապէս՝ Խորհրդային Ռուսաստանի կողմից Հայաստանին ներկայացված պահանջների հանդեպ դրսեւորած հանդուրժողականութիւնն ու զիջողականութիւնը պայմանավորված չէին սոսկ անձնական մղումներով ու ռուսական կողմնորոշմամբ: Նրա հայրենասիրութեան եւ մարտերում ցուցաբերած խիզախութեան մասին, որի վառ ու խոսուն վկան եւ ապացույցը նրա մրկածուփ կենսագրութիւնն է, չեն կարողացել չխոստովանել նույնիսկ նրան չսիրողներն ու չընդունողները: Դրոյին մտատանջողը եւ նրա գործունեութիւնն ու կատարած քայլերը, պայմանավորող եւ առաջ մղող ուժը իր հարազատ ազգին ու հայրենիքին բաժին ընկած դաժան ճակատագիրն է:

Մայիսի 20-ին Արցախում Սահակ Տեր-Գաբրիելյանի հետ կայացած բանակցութիւնների ընթացքում, նույն հանդիպման մասնակից, 281-րդ հետեւակային գնդի հրամանատարի օգնական Պարանկինի՝ հրամանատարութեանը ուղղված գեկուցազրում նշվում է. «Դրոն վախենում է, որ հանկարծ համաշխարհային հեղափոխութիւնը երկրի երեսից չջնջի հայերին»⁴:

Իսկ այդ մտավախութեան իրականացումը Հայաստանի Հանրապետութեան իշխանութիւնների եւ հատկապէս Դրոյի չէզոքատված ու չմտածված գործողութիւնների եւ քայլերի դեպքում, բնավ բացառված չէր: Համաձայն արտակարգ խորհրդաժողովի եւ հանրապետութեան նախարարների խորհրդի որոշման՝ իշխանութեան արտակարգ իրավունքներ ստանձնած Դրոն, Ն. Տերտերյանի ընկերակցութեամբ պետք է շարունակեր եւ ավարտեր Լեզրանի հետ ընթացող բանակցութիւնները:

«Բանակցութիւնների համար, - գրում է Ն.Տերտերյանը, - մեզ տուել էին հետեւեալ հիմունքները.

1) Հայաստանը պէտք է ճանաչուի եւ յայտարարուի իբր անկախ սոցիալիստական խորհրդային հանրապետութիւն:

2) Անվիճելիորեն Հայաստանի անբաժան մասը պիտի համարուեն Երեւանի նահանգն ամբողջովին, Կարսի շրջանի մի մասը, Զանգեզուրը, Արցախ գաւառից այն մասը, որ մեզ էր անցնում բոլշեւիկների

¹ Վրացեան Ս., Կեանքի ուղիներով, հ. 2, էջ 278:

² Նույն տեղում:

³ ԳԳ ԲԿԱ, ֆ. Ս. Կ., թժ. 2, գ. 5, «Յակոբ Տեր Յակոբեանի յուշերը», էջ 16:

⁴ Нагорный Карабах в 1918-1923 гг., ст. 468-469:

Հետ նոյն 1920 թ. օգոստոսի 10-ին ունեցած համաձայնութեամբ, Թիֆլիսի նահանգի այն մասը, որ մեր տիրապետութեան տակ էր մինչեւ 1920 թ. սեպտեմբերի 28-ը, այսինքն մինչեւ հայ-տաճկական պատերազմի սկիզբը: Սա մեր նուազագոյն հողային պահանջն էր:

3) Որ ո՛չ մի սոցիալիստական քաղաքական կուսակցութիւն պէտք չէ հալածանքի ենթարկուի, ինչպէս եւ չպէտք է հալածուեն նրանք, որ մասնակցել են բուլշեւիկեան շարժման ճնշմանը, 1920 թ. մայիս ամսին»¹:

Դեկտեմբերի 1-ի երեկոյան Դրոն եւ Հ. Տերտերյանը, ստանալով հանրապետութեան կառավարութեան որոշումը, ներկայանում են Լեզրանին եւ հայտնում հետեւյալը.

1. Հայաստանի Հանրապետութեան կառավարութեանը համաձայն է երկրի խորհրդայնացմանը, եւ միաժամանակ նրան են ներկայացնում կառավարութեան կողմից առաջադրված սկզբունքները, որոնց հիման վրա պետք է իրականացվեր հանրապետութեան խորհրդայնացումը:

2. Հայաստանի հեղափոխական կոմիտեն (հեղկոմ) պետք է կազմավորվի կոալիցիայի հիմունքով եւ նրա կազմում պետք է ընդգրկվեն նաեւ Հ.Յ.Դաշնակցութեան ներկայացուցիչները²:

Մանոթանալով Դրոյի եւ Հ. Տերտերյանի միջոցով ներկայացված հանրապետութեան նախարարների խորհրդի կողմից մշակված սկզբունքներին՝ Լեզրանը նույնպես ներկայացնում է իրենց տեսակետներն ու հայտնում իր անհամաձայնութիւնը որոշ կետերի վերաբերյալ: Օրինակ, նա հավանութիւն չի տալիս կոալիցիոն հեղափոխական կոմիտե կազմավորելու եւ նրանում Հ.Յ.Դաշնակցութեան մասնակցութեան սկզբունքին: Իհարկե, պետք չէր սպասել, որ Լեզրանը այս հարցի կապակցութեամբ կարող էր որեւէ դրական վերաբերմունք ունենալ, քանզի բուլշեւիկները երբեք պատրաստակամ չեն եղել մեկ այլ որեւէ քաղաքական կուսակցութեան հետ կիսել իշխանութիւնը:

Այս պարագայում եւս. «Առարկելով կոալիցիային՝ Լեզրանը կողմնակից էր անհատական մասնակցութեան՝ յատկապէս մատնանշելով ինձ (Հ. Տերտերյան - Հ.Գ.) եւ Դրոյին»³:

Ուսումնասիրելով Դրոյի եւ Համբարձում Տերտերյանի ներկայացրած դրույթները՝ Լեզրանը նրանց ուշադրութեանն է ներկայաց-

նում յոթ կետից բաղկացած իրենց կազմած հաշտութեան համաձայնագրի նախագիծը: Մանոթանալով Լեզրանի ներկայացրած նախագիծին՝ Դրոն եւ Համբարձում Տերտերյանը հիմնականում հավանութիւն են տալիս համաձայնագրի դրույթներին, բայց առաջարկում են փոխել նախագծի 5-րդ կետը, ըստ որի «Դաշնակցութեան կուսակցութեան անդամները պէտք չէ ենթարկուէին հալածանքի, իսկ Խորհրդ. Ռուսաստանի եւ կոմունիստական կուսակցութեան ղեմ պայքարողներին խոստացւում էր կեանքի ապահովութիւն: Ես եւ Դրոն ուժեղորէն բողոքեցինք այդ կէտի ղեմ եւ առաջարկեցինք երկու ուղղում. առաջին՝ որ հալածանքի չեն ենթարկուելու ո՛չ միայն դաշնակցականները, այլեւ բոլոր սոցիալիստական կուսակցութեանց պատկանողները, եւ երկրորդ՝ որ հալածանքի չեն ենթարկուում նաեւ նրանք, որ մասնակցել են բուլշեւիկների ղեմ վարած կռուին»⁴:

Այս կետի վերաբերյալ եւս համապատասխան համաձայնութիւն կայացնելով՝ Դրոն եւ Հ. Տերտերյանը Լեզրանի ներկայացրած համաձայնագիրը ներկայացնում են կառավարութեան եւ Հ.Յ.Դաշնակցութեան կողմից գումարված համատեղ նիստի քննարկմանը:

«Եւ ահա, - վերհիշում է Հ. Տեր-Հակոբյանը, - դեկտեմբերի 1-ի երեկոյան (լոյս 2 դեկտեմբեր) ժողովի է հաւաքւում պառլամենտի դաշնակցական հատուածը, որը փաստորէն երկրի բարձրագոյն իշխանութիւնն էր - լուծում տալու համար իր առջեւ դրուած ճակատագրական հարցին: Նիստը դռնբաց է, որին ներկայ են ո՛չ միայն դաշնակցական Ֆրակցիայի ու կառավարութեան անդամները, այլեւ բազմաթիւ կողմնակի անձինք, գուցէ եւ մեծամասնականները:

...Այստեղ էլ նոյն տեսակէտներն են արտայայտւում, ինչ որ ժողովրդի մէջ: Այստեղ էլ ձայների ջախջախիչ մեծամասնութիւնը յօգուտ Խորհրդային Ռուսաստանի է խօսում եւ որոշում է իշխանութիւնը առանց կռուի յանձնել մեծամասնականներին ու հեռանալ»²:

Նիստը հավանութիւն է տալիս Լեզրանի ներկայացրած նախագիծին եւ լիազորում Դրոյին եւ Հ. Տերտերյանին Խ. Ռուսաստանի լիազոր ներկայացուցիչների հետ ստորագրելու համաձայնագիրը:

Դեկտեմբերի 2-ին, ժամը 13-ին հանրապետութեան արտաքին գործոց նախարարութեան շենքում սկսվում են բանակցութիւնները Խորհրդային Ռուսաստանի դիվանագիտական ներկայացուցիչ Լեզրանի, նրան ընկերակցող գեներալ Բոբրիշչեւի եւ Հայաստանի կառավարութեան լիազոր ներկայացուցիչներ Դրոյի եւ Հ. Տերտերյանի

¹ Վրացեան Ս., Կեանքի ուղիներով, հ. 2, «Յ. Տերտերեանի յուշերը», էջ 279:

² Տե՛ս նույն տեղում:

³ Նույն տեղում, էջ 280:

¹ Նույն տեղում:

² Իրագեկ Յ., Աշխ., էջ 87:

միջեւ: Համաձայնագրի նախագիծը նրանց կողմից արդեն ուսումնասիրվել ու քննարկվել էր, եւ այդ պատճառով կողմերը առանձնակի հարցերի վերաբերյալ մի փոքր վիճարանելով՝ զայիս են ընդհանուր համաձայնության ու նույն օրը՝ դեկտեմբերի 2-ին, ստորագրվում է հետեւյալ համաձայնագիրը. ՌԽՍՀ լիազոր ներկայացուցիչ Լեզրանի եւ Հայաստանի Հանրապետության լիազոր ներկայացուցիչներ Դրոյի, Ն. Տերտերյանի կողմից ստորագրվում է հետեւյալ համաձայնագիրը.

1. Հայաստանը յայտարարում է անկախ սոցիալիստական խորհրդային հանրապետութիւն:

2. Մինչեւ Հայաստանի խորհուրդների համագումարի հրաւիրումը կազմուում է ժամանակաւոր Ռազմա - Յեղափոխական կոմիտէ, որին կանցնի բովանդակ իշխանութիւնը Հայաստանում:

3. ...Հայաստանի Սոցիալիստական Խորհրդային Հանրապետութեան հողերի մէջ անվիճելի կերպով մտնում են Երեւանի նահանգն իր բոլոր գաւառներով, Կարսի նահանգի մի մասը, որը զինուորական տեսակէտից կապահովէ երկաթուղագծի տիրապետութիւնը՝ Զաջուռ կայարանից Արաքս կայարանը, Գանձակ նահանգի Զանգեզուր գաւառը եւ Ղազախ գաւառի մի մասը, օգոստոսի 10-ի համաձայնութեան սահմաններում եւ Թիֆլիսի նահանգի այն մասերը, որոնք Հայաստանի տիրապետութեան տակ էին գտնուում մինչեւ 1920 թ. սեպ. 28-ը:

4. Հայկական բանակի հրամանատարութիւնը չի ենթարկւում պատասխանատուութեան...

5. Դաշնակցութեան եւ ուրիշ սոցիալիստական կուսակցութիւնների անդամները ոչ մի հալածանքի չպիտի ենթարկուեն...

6. Ռազմա - Յեղափոխական կոմիտէի մէջ մտնում են հինգ անդամներ կոմունիստական կուսակցութեան կողմից նշանակուած եւ երկու անդամ ձախ - դաշնակցականների խմբակից՝ համաձայնելով կոմունիստական կուսակցութեան հետ:

7. Ռուսաստանի Խորհրդային կառավարութիւնը միջոցներ է ձեռք առնում անմիջապէս կենտրոնացնելու Հայաստանի սոցիալիստական խորհրդային հանրապետութեան անհրաժեշտ զինուորական ուժեր:

8. Սոյն համաձայնագիրը ստորագրելուց յետոյ, Հայաստանի Հանրապետութեան կառավարութիւնը քաշուում է իշխանութիւնից: Իշխանութիւնը ժամանակաւոր կերպով, մինչեւ Յեղափոխական Կոմիտեի գալը, անցնում է զօրաբանակի հրամանատարութեան, որի գլուխն է կանգնում Դրօն: ՌԽՍՀ-ի կողմից Հայաստանի զօրահրամանատարութեան կից կոմիսար է նշանակուում ընկ. Սիլինը:

ՌԽՍՀ-ի լիազոր ներկայացուցիչ՝ Լեզրան
Հայաստանի Հանրապետութեան կառավարութեան
լիազորութեամբ՝ Դրօ, Տէրտերյան»¹:

Յուրովի գնահատելով Հայաստանի Հանրապետության խորհրդայինացման իրողությունը՝ Հովհ. Քաջազունին նշում է. «Բոլշեւիկները մտան Հայաստան առանց որեւէ ընդդիմութեան հանդիպելու: Մեր կուսակցութեան որոշումն էր սա:

Երկու պատճառ ունէինք այդպես վարելու: Մէկ որ չէինք կարող ընդդիմադրել, եթէ նոյնիսկ ցանկանայինք - պարտւած էինք, ուժասպառ, երկրորդ, յոյս ունէինք թէ Խորհրդային իշխանութիւնը՝ յենւած Ռուսաստանի վրայ՝ թերեւս կարողանայ կարգաւորել մի քիչ պետական կեանք - մի բան, որ մենք ինքներս, մենակ մնացած, չէինք կարողացել անել ու պարզ էր արդէն՝ չպիտի կարողանայինք այլեւս: Մեր ցանկութիւնն էր. թողնել որ բոլշեւիկները անարգել կառավարեն երկիրը. մնալ լոյսը նոր իշխանութեան հանդէպ. գործակցել նրա շինարար աշխատանքներին»²:

Այդպիսով, կենսագործվեց Հայաստանի Հանրապետությունը խորհրդայինացման ճանապարհով նվաճելու վաղօրոք ծրագրված ու մշակված քաղաքականությունը:

Կարճատեւ, ընդամենը երկուսուկես տարվա կենսազրույթուն ունեցավ Հայ ժողովրդի արյունով, տառապանքով եւ բազմամյա պայքարով նվաճած Հայաստանի Հանրապետությունը: Քեմալական Թուրքիայի զինու զորութեամբ եւ «Համաշխարհային հեղափոխության» ու ինտերնացիոնալիզմի սայլին լծված Հայ բոլշեւիկների համագործակցությամբ Խորհրդային Ռուսաստանը բռնազավթեց Հայաստանի Հանրապետությունը եւ նրա տարածքը մի քանի ամիս անց՝ 1921 թ. մարտին «եղբայրաբար» եւ հավասարության սկզբունքով բաժանեց իր եւ Թուրքիայի միջեւ:

Պատմական երեւույթներն ու իրադարձություններն իրենց յուրահատկությամբ, հետաքրքրությամբ եւ ուսանելիությամբ շատ հաճախ նաեւ անկանխատեսելի են ու զարմանալի: Հայ ազգային - ազատագրական պայքարի ակնաւոր գործիչ, Հայաստանի Հանրապետության զինվորական նախարար Դրոն փաստորեն դառնում է Խորհրդային Հայաստանի զինված ուժերի առաջին գլխավոր հրամանատարն ու ժամանակավոր իշխանության ղեկավարը միջեւ խորհրդային իշխանության մարմինների հաստատումը:

¹ «Հայրենիք» ամսագիր, 1954, թիւ 5, էջ 11:

² Քաջագունի Յովհ., նշվ. աշխ., էջ 36:

Փոքր-ինչ առաջ անցնելով նշենք, որ ստանձնելով Խորհրդային Հայաստանի գինված ուժերի հրամանատարությունը՝ Դրոն կոմիսար Սիլիսի հետ համատեղ, դեկտեմբերի 2-ից սկսած ստորագրում է Խորհրդային Հայաստանի նոր կազմավորվող բանակին վերաբերող հրամաններն ու որոշումները: Հետաքրքիր է Հայաստանի Հանրապետության գինվորական վերջին նախարարը դառնում է Խորհրդային Հայաստանի բանակի առաջին հրամանատարը, եւ նրա հրամանով Խորհրդային բանակում իրականացվում են առաջին կառուցվածքային փոփոխությունները: Ըստ նրա եւ Սիլիսի համատեղ ստորագրած հրամանի՝ Խորհրդային Հայաստանի նոր կազմավորվող բանակի կառուցվածքում կատարվում են մի շարք փոփոխություններ:

1. Վերանում են նախկին սպայական աստիճանները, բայց հրամանատարները մնում էին իրենց զբաղեցրած պաշտոններում:

2. Բացի Կարմիր Դրոշի շքանշանից, որը համարվում էր գինվորական բարձրագույն պարգևը, արգելվում էր որեւէ շքանշան կրելը:

3. Զինվորական մասերում նշանակվում էին կոմիսարներ: Զորամասերի հրամանատարների հրամանները կարող էին գործնականում կիրառվել միայն այն դեպքում, եթե ստորագրված լինեին, այսինքն՝ հաստատվեին կոմիսարների կողմից:

4. «... բոլոր զորամասերը մնում էին իրենց տեղերում եւ առանց համապատասխան կարգադրության չէին կարող ուրիշ վայրեր տեղափոխվել»¹:

Մինչեւ Հայաստանում բոլշեւիկների իշխանության իրական հաստատումը՝ Դրոյին հանձնարարվում է Խորհրդային Ռուսաստանի ներկայացուցիչների հետ ընդհանուր համաձայնություն կայացնել երեք առաջնահերթ խնդիրների վերաբերյալ.

«Առաջին՝ որ երկրի կառավարութեան մէջ բոլշեւիկների հետ միասին տեղ ունենան նաեւ ոչ - բոլշեւիկ տարրերը, որպէսզի այդպիսով առաջն առնուէր բոլշեւիկեան սովորական բռնութիւնների ու հալածանքների...»

Երկրորդ՝ որ պաշտպանուեն հայ ժողովրդի գէթ ամենակենսական շահերը, որոնց շարքում առաջին հերթին Հայաստանի անկախութիւնը:

Երրորդ՝ որ հեռանային տաճիկները Հայաստանից եւ երկրի սահմաններն ընդարձակուէին գոնէ այն չափով, որ ժողովուրդը չխեղդուէր սահմանների նեղութիւնից եւ սակաւահողութիւնից»²:

Բոլշեւիկների հետ հարաբերությունները կարգավորելուց բացի, մնացել էր լուծելու եւս մի կարեւորագույն խնդիր: Ալեքսանդրապո-

լում հանրապետության կառավարության եւ թուրքական պատվիրակությունների միջեւ ընթացող բանակցությունները փոքրիկ ընդհատումներով շարունակվում էին: Չնայած Ալ. Խատիսյանը, ինչպես արդեն նշվել է, Հայաստանի կառավարությունից ստացել էր համաձայնագիրը ստորագրելու լիազորությունը սակայն բանակցող կողմերը տակավին չհանգելով ընդհանուր համաձայնության, դեռեւս չէին կնքել հաշտության պայմանագիրը: Ալեքսանդրապոլում հայ պատվիրակությունը սպասում էր նոր հրահանգների: Թուրքիայի առաջադրած պայմաններն ավելի քան ծանր էին, եւ բացառված չէր, որ երկրում հաստատված նոր իշխանությունը բանակցությունների եւ կնքվելիք համաձայնագրերի վերաբերյալ դրսևերեր բոլորովին այլ վերաբերմունք: Այստեղ, իրոք, վճռական է դառնում Դրոյի դերը. նա Սիլիսի հետ արդեն ներկայացնում էր նոր իշխանությունը եւ կարող էր արգելք հանդիսանալ դաշնագրի ստորագրմանը:

Ի՞նչ ուժերի զորակցությունը կարող էր ապավինել Դրոն, եթե արգելեր հայ պատվիրակությանը չընդունելու եւ չստորագրելու թուրքերի առաջադրած պայմաններն ու հաշտության պայմանագիրը: Հայաստանի Հանրապետության համար ամենաօրհասական պահին նրան լքած եւ որեւէ ձեռով անգամ դուլջն- ինչ օգնության ձեռք մեկնելու պատրաստակամություն չդրսևերած դաշնակից տեղությունների աջակցությամբ: Իհարկե, ոչ:

Բանակի³, դարձյալ ոչ:

«Պատերազմը, - գրում է Հ. Քաջագնունին, - վերջացաւ մեր կատարեալ պարտութիւնով: Մեր բանակը, որ կուշտ էր, լաւ զինւած եւ լաւ հագնւած, չկուեց. զօրքերը շարունակ նահանջուած էին կամ դիրքերը լքում, գէնքերը թափում ու ցրում գիւղերը:

...Բանակի դաստիարակութիւնը, ռազմական ոգին, կուռ կազմակերպութիւնն ու կարգապահութիւնը - ուրեմն եւ ընդդիմադրական ոյժը - թուլացած էին ծայր աստիճանի ու դա անակնկալ էր կառավարութեան համար, կառավարութիւնը եւ ինքը՝ գինւորական միսիսորը, չէին ճանաչում բանակը»⁴:

Խորհրդային Ռուսաստանի գինական եւ առավել եւս դիվանագիտական աջակցությունը տվյալ պահին բացառվում էր:

Օրինակ, Խորհրդային Ռուսաստանի ներկայացուցիչ Բուդո Մդիվանուն, որն Ալեքսանդրապոլում էր գտնվում Հայաստանին իբր օգնելու եւ բանակցող կողմերի միջեւ միջնորդ լինելու առաքելու-

¹ Սիմոնյան Ա., Չանգեզուրի գոյամարտը 1920-1921 թթ. էջ 351:

² Իրագեկ Յ., նշվ. աշխ., էջ 87:

³ Քաջագնունի Դովի., նշվ. աշխ., էջ 34:

Թյամբ, թուրքերը որեւէ ուշադրութեան չէին արժանացնում եւ նույնիսկ չէին թույլատրում ներկա գտնվել բանակցութիւններին:

«Այս առթիւ, - նշում է Ալ. Խատիսյանը, - հարկ կը համարեմ վճռականապէս յայտարարել, թէ ան աւելի շատ խանգարեց մեզ, քան թէ օգնեց: Խանգարեց այն բանով, որ ինչպէս Ալեքսանդրապոլի մէջ, այնպէս եւ Կարս կը կազմէր միտինգներ, ճառեր կ'արտասանեւ մեր դէմ, կը պախարակէր Հայաստանի կառավարութիւնը եւ պատուիրակութիւնը, կը քարոզէր բուլղարիկեան ծրագիրներ եւ յայպէտով ցոյց կու տար թուրքերուն, թէ ան իրօք մեր դէմ է եւ ոչ թէ մեզ հետ»¹:

Թուրքերի կողմից արհամարհված եւ ուշադրութեան չարժանացած Մոզիվանին, անգամ այս պայմաններում, անթաքույց վերաբերմունքով արտահայտելով իր հակահայ տրամադրվածությունը՝ ասել է. «... ուսական եւ թրջական կապերն այնքան սերտ են, որ եթէ անհրաժեշտ լինի դրա համար զոհաբերել ամբողջ Հայաստանը, մենք կանենք այդ»²:

Ի դեպ, Մոզիվանին առաջին անգամ չէ, որ դրսեւորում էր իր հակահայ տրամադրվածությունը: Այդ ամենը Հայաստանի կառավարությանը, Ալեքսանդրապոլի հայկական պատվիրակությանը եւ, իհարկեւ, նոր իշխանությունը ներկայացնող Դրոյի հայտնի էին, ու նաեւ այդ պատճառով հավատ չընծայելով Խորհրդային Ռուսաստանի ներկայացուցիչներին՝ աշխատում էին հնարավոր, անգամ ծայրագույն միջոցները ի սպաս դնելով, կանխել ժողովրդին սպառնացող աղետը:

«Վաղ առաւօտեան, - գրում է Ալ. Խատիսյանը, - դեկտեմբերի 2-ին մենք իմացանք, որ բուլղարիկեան հրամանատարը Քարանսարայէն ուղարկած է Կարաբեքիր փաշային հետեւեալ շնորհաւորական հեռագիրը. «Ռուսաստանի պրովետարիատից ողջոյն թուրքական պրովետարիատին»:

Մենք կը սպասենք հեռագրի, Հայաստանի նոր կառավարութենէն»³:

Ի՞նչ պետք է արվել, ո՞րն էր ելքը: Նկարագրելով ու վերլուծելով այդ ճգնաժամային ժամանակաշրջանում Հայաստանում տեղի ունեցող պատմական իրադարձությունների ընթացքն ու նրանում Դրոյի ներդրած ավանդը՝ Ս. Վրացյանը նշում է. «Ուրիշ ելք չկար, կամ պէտք է ընդունուէր Քեազիմ Կարաբեքիրի վերջնագիրը, կամ

Երեւանն էլ պիտի գրաւուէր թուրքերի կողմից. կարմիր բանակը հեռու էր եւ անզօր թուրքերի յառաջխաղացումը արգելելու:

...Դրոն գիտակցում էր, որ եթէ ասէր «ստորագրեցէք»՝ պատասխանատու պիտի մնար սովետական կառավարութեան առջեւ, եթէ արգելէր, թուրքերը անմիջապէս պիտի խախտէին զինադադարը եւ Մարգարայի կամուրջով շարժուէին դէպի Երեւան: Ռուսները անզօր էին նրանց առաջն առնելու»¹:

Դրոն, բազմակողմանիորեն քննելով ու գնահատելով ստեղծված կացությունը եւ վճռականորեն իր վրա վերցնելով ահռելի պատասխանատվությունը, կայացնում է Հայաստանի ու հայութեան համար, հիրավի, պատմական նշանակություն ունեցող վճիռ, որի համար հետագայում շատ-շատերը միտումնավոր եւ ոչ միտումնավոր կերպով պիտի բազմիցս քննադատեն ու դատապարտեն նրան ու նրա կայացրած որոշումը:

«Երեկոյեան, - գրում է Ալ. Խատիսյանը, - ժամը 6-ին ինձ հրաւիրեց ուղղակի հեռագրաթելի մօտ Դրոն, որը ըսաւ հետեւեալը.

- Յեղափոխական կառավարութեան անունից յայտնում եմ Ձեզ, որ Դուք ազատ էք ստորագրել դաշնագիրը կամ ոչ:

Լաւ գիտակցելով ստորագրելու կամ մերժելու ամբողջ պատասխանատուութիւնը, ես երկրորդ անգամ հարցուցի.

- Արդէօք կառավարութիւնը ստորագրելու՞ կողմն է, թէ մերժելու: Մենք սպասում ենք որոշ եւ պարզ հրահանգների:

Դրոն պատասխանեց.

- Ես Ձեզ ասացի արդէն: Գործեցէք համաձայն Ձեր հասկացողութեան: Ես խօսում եմ ընկեր Սիլինի եւ իմ անունից:

Սիլինը բուլղարիկների ներկայացուցիչն էր»²:

Անդրադառնալով Դրոյի եւ Ալ. Խատիսյանի երկխոսութեանը՝ Ս. Վրացյանը տալիս է հետեւյալ գնահատականը. «Դրոյի պատասխանը եղաւ «զիվանագիտական» եւ Խատիսեանը հասկացաւ, թէ ինչ էր ուզում ասել նա...»³:

Դրոյի հետ կայացած խոսակցության ավարտից հետո Ալ. Խատիսյանը հրավիրում է պատվիրակության անդամների եւ խորհրդականների ընդհանուր նիստ եւ հաղորդում. «Պարոններ, յեղափոխական կառավարութիւնը մեզ վրայ է դնում ամբողջ պատասխանատուութիւնը: Մենք պարտաւոր ենք ստանձնել այդ պատասխանա-

¹ Խատիսեան Ալ., Եջվ. աշխ., էջ 302:

² ԳԳԿԿ, ք. 121, գ. 98, «Ալեքսանդրապոլի բանակցութիւնները», էջ 2:

³ Խատիսեան Ալ., Եջվ. աշխ., էջ 310:

¹ Վրացեան Ս., Կեանքի ուղիներով, հ. Գ, էջ 197-198:

² Խատիսեան Ալ., Եջվ. աշխ., էջ 310:

³ Վրացեան Ս., Կեանքի ուղիներով, հ. Գ, էջ 197-198:

տուութիւնը մեր ժողովրդի առաջ, խնդրում եմ իւրաքանչիւրին ձեզանից յայտնել իր կարծիքը:

Բոլորը միաձայնութեամբ արտայայտուեցան յօգուտ դաշնագրի ընդունելուն եւ ստորագրելուն¹:

Դաշնագիրը ստորագրվում է ղեկտեմբերի 2-ի լույս 3-ի գիշերը, ժամը 2-ին, եւ նույն օրն եւեթ ղեկտեմբերի 3-ին, Հայաստանի պատվիրակութեան անդամները գնացքով ժամանում են Երեւան, ներկայանում են կառավարութեան տուն, ուր նրանց ընդունում են Դրոն եւ Սիլինը:

Պատվիրակութեան ղեկավար Ալ. Խատիսյանը, համակողմանիորեն ներկայացնելով Ալեքսանդրապոլի բանակցութեան արդյունքներն ու ստորագրված դաշնագրերը, սպասում է իրենց կատարած աշխատանքների գնահատականին:

«Դրօն, - նշում է Ալ. Խատիսյանը, - մեզի ըսաւ, թէ գործած ենք շատ ճիշտ, ստորագրելով դաշնագիրը, եւ թէ իր խուսափողական պատասխանը ինձ դաշնագիրը ստորագրելու մասին (երբ Ալեքսանդրապոլէն անոր հետ կը խօսի հեռագրով) պէտք էր հասկանալ այնպէս, ինչպէս որ մենք հասկացած էինք: Պարզ էր, որ յեղափոխական նոր իշխանութիւնը չէր ուզեր իր վրայ վերցնել պատասխանատուութիւնը դաշնագիրը ստորագրելու համար ո՛չ թուրքերու եւ ո՛չ ալ հայ ժողովուրդի առջեւ:

Երեւանի նոր իշխանութիւնը կուզէր, որ դաշնագիրը ստորագրուէր, բայց մեր եւ ոչ իր ձեռքով²:

Ինչո՞վ էին պայմանավորված Դրոյի ոչ հստակ, խուսափողական պատասխանի իրական իմաստն ու նպատակը:

Դաշնագիրը ստորագրելու նախօրեին, Ալ. Խատիսյանի հետ հեռագրով խոսելու պահին, Դրոյի համար առաջնահերթ գլխավոր խնդիրը, ինչպէս այդ մասին արդեն նշվել է, այն էր, որպէսզի թույլ չտրվեր թուրքական զորքերին վերսկսելու հարձակումները եւ ներխուժելու երկրի խորքերն ու Երեւան: Քանի որ չկային բավարար մարտական ուժեր դիմակայելու թուրքական զորքերի հնարավոր հարձակումները, այդ պատճառով համաձայնագիրը պետք է ստորագրվեր: Սակայն նաեւ հարց էր. ո՞ւմ ձեռքով ու պատասխանատվութեամբ: Եթե համաձայնագիրը կնքվեր նոր իշխանութեան, որի ներկայացուցիչները Դրոն եւ Սիլինն էին, պատասխանատվութեամբ ու համաձայնութեամբ, ապա ինքնրստինքյան կատեղծվեին ավելի

հիմնավոր նախադրյալներ այն վավերացնելու եւ բնականաբար, դրանում նախանշված կետերը ապագայում կենսագործելու համար: Այդ պատճառով խուսափելով դաշնագիրը ստորագրելու պատասխանատվութեան անմիջականորեն իր եւ Սիլինի, այսինքն նոր իշխանութեան վրա վերցնելու պատասխանատվությունից, Դրոն ամենայն հավանականութեամբ հետապնդում էր այն հետագայում ավելի դյուրութեամբ չեղյալ հայտարարելու նպատակը, մանավանդ որ, ինչպէս խոստովանում է Հ. Տերտերյանը. «... Այդ դաշնագիրը մենք համարում էինք ժամանակաւոր մի ակտ, եւ մեծ կարեւորութիւն չէինք տալիս նրան...»¹:

Դրոյի եւ նրա համախոհների ու այդ պայմանագրի կնքման կողմնակիցների վերոհիշյալ համոզմունքը բխում էր նաեւ Լեզրանի հետ կնքած պայմանագրի 7-րդ կետի պահանջներից. «Ռուսաստանի խորհրդային կառավարութիւնը միջոցներ է ձեռք առնում անմիջապէս կենտրոնացնելու Հայաստանի սոցիալիստական խորհրդային հանրապետութեան պաշտպանութեան համար անհրաժեշտ զինուորական ույժեր»²:

Եթե վավերացվեր այդ պայմանագիրը, ապա համաձայն 7-րդ կետի պահանջների՝ խորհրդային զորքերը պիտի պաշտպանեին Հայաստանի այն տարածքը, որը սահմանված էր դաշնագրով:

Խորհրդահայ պատմագիտութեանը միանշանակորեն ժխտում է Ալեքսանդրապոլի դաշնագրի ստորագրման անհրաժեշտութեանը եւ այն համարելով ստորացուցիչ, այդ հողի վրա դատապարտում ու քննադատում նրա ստորագրողներին:

Վատթարագույն երանգներով ներկայացնելով այդ պայմանագիրն ու նրա ստորագրողներին՝ այդ հարցին անդրադարձող պատմաբանները գլանում եւ խուսափում են նշել, որ Ալեքսանդրապոլի դաշնագիրն իրավական ոչ մի ուժ եւ արժեք չներկայացնող փաստաթուղթ է, քանի որ այն համաձայն նրա 14-րդ կետի, «Այս պայմանագիրը պէտք է ենթարկուի ռատիֆիկացիայի Հայաստանի պառլամենտի եւ Անգորայի ազգային մեծ ժողովի կողմից մի ամսուայ ընթացքում», չի վավերացվել ո՛չ Հայաստանի պառլամենտի, որն այլեւս գոյութիւն չունէր, եւ ո՛չ էլ Թուրքիայի ազգային մեծ ժողովի կողմից³:

Այսպէս, խորհրդային իշխանութիւնները, ցանկութեան եւ անհրաժեշտութեան դեպքում, կարող էին բացարձակապէս ուշա-

¹ Խատիսեան Ալ. Ոչվ., աշխ., էջ 310:

² Նույն տեղում, էջ 312:

¹ Վրացեան Ս., Կեանքի ուղիներով, հ. 2, էջ 297:

² «Ղայրեմիք» ամսագիր. 1954, թիւ 5, էջ 11:

³ ՀՀ ԲԿԱ, թ. 121, գ. 98, «Ալեքսանդրապոլի բանակցութիւնները», էջ 2:

դրության չարժանացնել որեւէ այլ իշխանության կողմից չվավերացված, ուրիշների ձեռքով ստորագրված եւ իր հետ բնավ առնչութիւն չունեցող համաձայնագիրը:

«Ալեքսանդրապոլի դաշնագիրը, - նշում է Ս. Վրացյանը, - սարսափելի էր եւ բոլշեիկեան տեսակէտից ապօրինի, բայց այդ օրերի համար անհրաժեշտ էր ու անխուսափելի: Ահա թէ ինչու բոլշեիկները քաջութիւն չունեցան մերժելու եւ պատասխանատուութեան ենթարկելու Դրոյին կամ նախորդ կառավարութեան անդամներին...»¹:

Եթե ընդհանրացնենք եւ փորձենք անաչառորեն արժեւորել Դրոյի գործունեութեան այս վերջին, թերեւս ամենաբարդ ու դժվարագույն շրջաններից մեկը, եթե ոչ ամենադժվարագույնը, ապա անվերապահորեն պետք է խոստովանել, որ նա իր հավասարակշռված, խելամիտ եւ խիստ հաշվարկված գործելակերպով կարողացավ ըստ ամենայնի ճշմարտացիորեն ու սառնասրտորեն գնահատել ժամանակաշրջանի յուրահատկութիւններն ու հնարավորութիւնները, եւ չտրվելով ավելորդ զգացմունքայնութեան ու զերծ մնալով վտանգավոր, չկռադատված արկածախնդրութիւնից՝ կյանքի կոչեց այնպիսի քայլեր, որոնք իրավամբ նշանակալիորեն պայմանավորեցին անդունդի եզրին հայտնված Հայաստանի ու Հայ ժողովրդի փրկութիւնն ու գոյատեւումը:

«Դրոն, շարունակում է Ս. Վրացյանը, դարձաւ քառութեան նոխազ ուրիշի մեղքերի համար: Ի հարկէ, նա կարող էր խուսափել այդ պարտականութիւնից, թողնել ու հեռանալ Հայաստանից, ինչպէս ուրիշները արին, բայց հայրենասիրութեան եւ պարտականութեան զգացումը նրա մէջ այնքան ուժեղ էր, որ նա չէր կարող այդպէս վարուել: Մնաց երկրում, ժողովրդի մէջ եւ չվախեցաւ պատասխանատուութիւնից յանուն հայրենիքի եւ Հայ ժողովրդի փրկութեան»²:

Համաձայն Խորհրդային Ռուսաստանի պատվիրակութեան հետ կնքված պայմանագրի 6-րդ կետի՝ Հայաստանի հեղափոխական կոմիտեի կազմում պետք է ընդգրկվելին հինգ կոմունիստներ եւ երկու դաշնակցականներ: Բանակցութիւնների ընթացքում Լեզրանն արդեն ներկայացրել էր ռազմա - հեղափոխական կոմիտեի (հեղկոմ) հինգ կոմունիստ անդամների անունները՝ Սարգիս Կասյան, Ավիս Նուրիջանյան, Սահակ Տեր-Գաբրիելյան, Դովլաթյան, Բեկզադյան: Հ.Յ. Դաշնակցութիւն կուսակցութիւնից կոմիտեի կազմում ընդգրկվելու էին Դրոն եւ Հ. Տերտերյանը:

«Երբ ես, - գրում է Հ. Տերտերյանը, - հրաժարուեցի Յեղկոմի անդամութիւնից, պատճառաբանելով, թէ ըստ իս, մեր մասնակցութիւնը ոչ թէ իր (նկատի ունի Լեզրանին - Հ.Գ.) հրաւերով պէտք է լինի, այլ մեր կուսակցութեան ցուցումով, նա առարկում էր, թէ կուսակցական կողմից չէ որ ընդունում են իրենք, այլ դաշնակցական անհատների գործակցութիւն եւ որ իմ թեկնածութիւնը, բացի իրանից, առաջարկուած է եւ Բագուից, Օրջոնիկիձէի կողմից եւ ընդունւած է բոլշեիկների անդրկովկասեան կենտրոնի կողմից, իսկ Դրոյի թեկնածութիւնը առաջարկել է ինքը:

- Օրջոնիկիձէին ես ճանաչում էի Ռուստովից եւ բարեկամ էիք իրար»¹:

Այսպիսով, Դրոն եւ Հ. Տերտերյանը ընդգրկվում են Հայաստանի նոր իշխանութեան ղեկավար կազմում:

Թեպետ համաձայն կնքված դաշնագրի ամրագրվում է, որ. « 4. Հայկական բանակի հրամանատարութիւնը չի ենթարկւում պատասխանատուութեան...

5. Դաշնակցութեան եւ ուրիշ սոցիալիստական կուսակցութիւնների անդամները ոչ մի հալածանքի չպիտի ենթարկուեն... », սակայն դա դեռեւս կայուն երաշխիք չէր լիովին ապավինել եւ հավատ ընծայել բոլշեիկների խոստումներին:

ՀՀ կառավարութեան հետ կնքված համաձայնագրի օրը, Ս. Օրջոնիկիձէին հասցեագրած հեռագրում (1920թ. դեկտեմբերի 2) Լեզրանը հաղորդում է. «Հայաստանում հռչակվել է խորհրդային իշխանութիւն, կառավարութիւնը հանձնել է իր իրավասութիւնները: Մինչ հեղկոմի գալը մեր կողմից իշխանութիւնը փոխանցվում է Դրոյին, որի մոտ որպէս կոմիսար լինելու է մեր ընկեր Սիլինը:

... Բանակի հրամանատարական կազմի, նաեւ դաշնակցականների, բացառութեամբ այն անձանց, որոնք պատասխանատու են Օհանջանյանի մինիստրութեան քաղաքականութեան համար, անվտանգութիւնն երաշխավորված է: Նրանց ձերբակալելու հրամանը իմ կողմից արդեն տրված է...»²:

Թեպետ Ս. Օրջոնիկիձէին հասցեագրված Լեզրանի հեռագրի բովանդակութիւնն այդ օրերին դեռեւս հայտնի չէր ոչ ՀՀ կառավարութեանը եւ ոչ էլ ՀԵԴ բյուրոյին, սակայն նրանց որոշմամբ պետական, քաղաքական եւ կուսակցական առավել հայտնի գործիչների մի մասը, որոնց նկատմամբ բոլշեիկներն առանձնապէս

¹ Վրացեան Ս., Կեանքի ուղիներով, հ. 7, էջ 199:
² Նույն տեղում, էջ 197:

¹ Նույն տեղում, հ. 9, «3. Տերտերեանի յուշերը», էջ 283:
² Հայաստանի Հանրապետությունը 1918-1920 թթ. (քաղաքական պատմություն, փաստաթղթերի, նյութերի ժողովածու), էջ 386:

բացասաբար էին տրամադրված պետք է շուտափուլթ հեռանալին Հայաստանի տարածքից: ՀՀ կառավարության եւ խորհրդարանի նախկին անդամներին, ինչպես նաեւ կուսակցական առավել հայտնի գործիչներին Հայաստանի տարածքից դուրս բերելու գործի կազմակերպումը հանձնարարվում է Դրոյին: Իսկ նա այդ դժվարին ու միաժամանակ չափազանց պատասխանատու եւ կարեւոր հանձնարարության կատարումը վստահում է իր մերձավոր զինակիցներին՝ բաշգառների Մարտիրոս Աբրահամյանին եւ Երեւանի միլպետ Սեդրակ Ջալալյանին (Սեթո):

Իր հուշերում անդրադառնալով իրեն վստահված այդ հանձնարարությանը՝ Սեթոն գրում է. «1920 թ. դեկտեմբերի 1-ին, կեսօրուայ ժամերին, Երեւանի մէջ հեռաձայնելով ինձ կանչեցին վարչապետի գրասենեակը:

Անմիջապես գնացի: Երբ ներս մտայ, սեղանի վերի կողմը նստած գտայ նախկին վարչապետ Համօ Օհանջանեանը, օրուան վարչապետ Ս. Վրացեանը եւ Դրօն, իսկ նրանց դիմացը՝ խմբապետներ Սեպուհը եւ Համազասպը»¹:

ՀՀ նախկին վարչապետ Համօ Օհանջանյանը, որը այդ ժամանակ ներկայացնում էր ՀՅԴ Բյուրոն, համառոտակիորեն ներկայացնում է Հայաստանում տիրող կացութիւնը եւ այն պատճառները, որոնք հարկադրեցին ՀՀ կառավարությանն ու բանակին եւ կուսակցութեանը (Հ. Յ. Դաշնակցութեան) խաղաղ ճանապարհով բուլշեւիկներին հանձնել իրենց իշխանութիւնը:

Հ. Օհանջանյանը նաեւ տեղեկացնում է, որ համաձայն Լեզրանի հետ կնքված դաշնագրի, Դրոն եւ Հ. Տերտերյանը ժամանակավորապես մտնելու են խորհրդային կառավարության կազմի մեջ, իսկ պետական եւ ռազմական գործիչները մինչեւ նոր կարգադրութիւն պիտի մնան Հայաստանում եւ առավելագույնս աշխատեն ու թույլ չտան, որ հանկարծ Հայաստանում բռնկվի քաղաքացիական կռիվներ: Շարունակելով բացատրութիւնը՝ Հ. Օհանջանյանը ավելացնում է. «-Իբր բացառութիւն, միայն մի փոքրիկ խմբակ պատասխանատու պետական գործիչներից պէտք է հեռանայ երկրից, եւ այդ խմբի մէջ մտնում էք դուք՝ երեքդ (նկատի ունի նաեւ Սեպուհին ու Համազասպին-Հ.Գ.):

... Ընդհանրացնելով իր խօսքը՝ Համօն յայտնեց, թէ մեր անելիքների մասին մանրամասն հրահանգներ կը ստանանք Դրոյից»²:

Չնայած այն իրողութեանը, որ խորհրդային իշխանութիւնը դեռեւս չէր հասցրել ինչպես հարկն է առավելագույնս ամրապնդվել Հայաստանում, բայց, այնուամենայնիվ, Հայաստանի Հանրապետութեան կառավարութեան եւ խորհրդարանի նախկին անդամների ու կուսակցական գործիչների անվտանգ տեղափոխութեան իրականացումը դուրին խնդիր չէր: Այդ ժամանակ Հայաստանից հեռանալու երկու հնարավոր ուղիներ կային. առաջինը Լոռի-Փամբակի տարածքով դեպի հարեւան Վրաստան, իսկ մյուսը Չանգեզուրով դեպի Պարսկաստան:

Մայրաքաղաքից մինչեւ Վրաստան եւ Չանգեզուր ընկած տարածքում արդեն տեղաբախչվել եւ հսկողութիւն էին իրականացնում, ճիշտ է, ոչ այնքան մեծաքանակ, բուլշեւիկների հրամանատարութեամբ գործող զինախմբերը: Գրեթե բոլոր շրջաններում արդեն բացահայտ եւ ոչ բացահայտ գործում էին բուլշեւիկյան կազմակերպութեան տեղական բջիջներն ու գործակալները, որոնք իրենց բնակավայրերում նկատվող ամենափոքրիկ կասկածելի շարժումների մասին առանց երկմտելու անմիջապես հաղորդում էին համապատասխան մարմիններին:

Դրոյի հրահանգի համաձայն, Սեթոյի առաջնորդած խումբը, որի կազմում էին նաեւ Համօ Օհանջանյանն ու ՀՀ արդարադատութեան նախկին նախարար Ռուբեն Դարբինյանը (Արտաշես Չիլինգարյան) մինչեւ Ապարան պիտի գնար կառքով, ապա այնտեղից ձիերով Սպիտակի, Դիլիջանի եւ Իջեւանի տարածքով ուղեւորվեր Վրաստան:

Սեթոյին եւ մյուս պատասխանատու ընկերներին համապատասխան հրահանգներ տալուց հետո «... Դրօն, - նշում է Սեթոն, - մեզ հրաւիրեց ճաշասենեակը, ուր սեղանը պատրաստ էր: Գաւաթները լեցնելով՝ նա մեզ բարի ճանապարհ մաղթեց:

- Դրօ ջան, ինչպէ՞ս համաձայնեցիր մնալ այս անօրէնների մէջ:

Մի՞թե հաւատում ես, որ մի բանով կարող ես նրանց միջոցով օգտակար լինել մեր ժողովրդին:

- Ես էլ չեմ հաւատում, բայց մենք պարտաւոր ենք ամէն զոհողութիւն անել հայ ժողովրդի վիճակը բարուրդելու յոյսով: Մենք յուսահատական մի փորձ ենք անում. եթէ խաբուեցինք՝ որտեղ կտրի կապը, էնտեղ...տիրու պապը. մէկ Դրօ էլ թող պակաս լինի:

Յուզւած սրտով մի քանի բաժակ էլ ըմպեցինք, եւ հրաժեշտի համբույրներով դուրս ելանք...»³:

¹ «Չայրեմիք» ամսագիր, 1951, թիւ 11, էջ 28:

² Նույն տեղում:

³ Նույն տեղում, էջ 22:

Սեթոյի խումբը Երեւանից անհապաղ պիտի մեկնեն, առանց որեւէ ժամանակ կորցնելու, սակայն ինչ-որ չնախատեսված խորհրդակցութեանը Հ. Օհանջանյանի մասնակցութեան պատճառով, նրանց մեկնումը փոքր-ինչ ձգձգվում է:

Ներկայացնելով այդ պահը՝ Ռուբեն Դարբինյանը գրում է. «Մանր նախազգացումով եւ չափազանց վրդովված՝ տուն վերադարձայ: Որեւէ ողջամիտ մարդու համար պարզ էր միանգամայն, որ մէկ օրուան ուշացումը կրնար աղետալի հետեւանքներ ունենալ մեզի համար:

... Երբ Դրոն իմացեր էր, որ մենք դեռ չէինք հեռացած Երեւանէն, չափազանց վրդովեր էր եւ յայտնեց, թէ ինք անմիջապէս պիտի դար մեր մօտ եւ ժամ առաջ ճամբու դնէր մեզ, քանի որ մեր մնալը կը կապէր իր ձեռքերը եւ կը զրկէր զինք գործելու ազատութիւնէն»¹:

Միանգամայն հասկանալի է նրանց մեկնելու ձգձգման պատճառով Դրոյին համակած անհանգստութիւնը: Ընդամենը երկու օրանց լրացուցիչ մարտական ուժերով մայրաքաղաք Երեւան էին ժամանելու Խորհրդային Հայաստանի նոր իշխանութիւնը ներկայացնող ռազմա - հեղափոխական կոմիտեի (հեղկոմ) անդամները, եւ բնավ չէր բացառվում, որ նրանք բոլորովին այլ պահանջներ ներկայացնէին ՀՀ կառավարութեան ու խորհրդարանի նախկին անդամների, զինվորական եւ կուսակցական գործիչների նկատմամբ:

Սեթոյի հավաստմամբ, իրենց մեկնելու ուշացման պատճառը պարզելու նպատակով Դրոն կապվել է իր հետ ու հայտնելով իր դժգոհութիւնը, հարցրել. «Սէթօ՛, ա՛յ տղայ, դեռ այստե՛ղ ես: Բա, էսպէս բան կանն՞: Բա, որոշումները այսպէ՛ս կը գործադրեն:

... Յայտնեցի բժ. Հ. Օհանջանեանի կարգադրութիւնը, որ առաւօտուայ ժողովից յետոյ պիտի մեկնէինք, եւ իմ զարմանքը այդ մասին: Դրօն իր արդար զայրույթը յայտնելուց յետոյ, ասաց.

- Հրամայում եմ քեզ անմիջապէս իմ պատուէրները գործադրես: Թէկուզ բռնի կերպով կը նստեցնես կառքը ու կը տանես:

- Անմիջապէս շարժում եմ: Դրօ ջան մնաս բարով, Աստուած քեզ հետ»²:

Սեթոյին համապատասխան հրահանգներ տալուց հետո նա անձամբ գնում եւ վերջին հրածեչտն է տալիս ու բարի ճանապարհ մաղթում դեպի տարագրութեան գիրկը մեկնող ընկերներին:

Վերհիշելով իրենց հրածեչտի պահը՝ Ռ. Դարբինյանը գրում է. «...Տասը ըստ է չանցած, եկաւ Դրոն եւ իր սովորական աղմկալի ձեւով իր վրդովմունքը յայտնելով ըսաւ.

- Եկայ՝ ձեզ անձամբ ճամբու դնելու: Ուշանալու ժամանակ չկայ այլեւս: Ոչ մի դէպքում մի աւելորդ ժամ իսկ պէտք չէ մնաք այստեղ: Ես արդէն խօսել եմ Սեթոյի հետ: Նա ամէն բան պատրաստել է արդէն: Նա շատ լաւ ծանոթ է ճանապարհին: 10-15 հոգի լաւ գինուած տղերք ունի, նրանք կարող են պէտք դալ ձեզ: Դուք ոչ մի բանի մասին մտածելու կարիք չունէք. նրանք ձեզ ապահով կը հասցնեն Վրաստանի սահմանը: Համբուրուեցա Դրոյի հետ եւ կինս ու ես դուրս եկանք փողոց»¹:

Դեկտեմբերի 3-ի առավոտյան խումբը Սեթոյի գլխավորած 25 զինավառ հեծյալ մարտիկների առաջնորդութեամբ Զանգուի (Հրազդան) կամրջի մոտից դուրս է գալիս Երեւանից եւ առանց որեւէ լուրջ պատահարի հասնում է Ապարան, ուր նրանց են միանում Հայաստանից մեկնող այլ անձինք, որոնց մեջ էր ՀՀ խորհրդարանի անդամ Վահան Նավասարդյանը:

Դժբախտաբար, Սեթոյին չի հաջողվում իրականացնել խմբի անդամների ապահով ուղեւորութիւնը եւ նրանց հասցնել Վրաստան: Ամենուրեք բույն դրած բուլչեւիկների գործակալները, տեղեկանալով խմբի անդամների ով լինելու մասին, անմիջապէս հայտնում են բուլչեւիկների համապատասխան ծառայութիւններին: Սեթոն իր առաջնորդած մարտիկներով հագիվ է կարողանում խուսափել խորհրդային մարտական ուժերի հետապնդումից, իսկ խմբի անդամները, բազում դժվարութիւններ հաղթահարելով, հասնում են մինչեւ Ղարաքիլիսա եւ ձերբակալվում Կարմիր բանակի զինվորների կողմից:

Ներկայացնելով իրենց ձերբակալութեան մանրամասները՝ Ռ. Դարբինյանը գրում է. «- Սեփական կառաւարութի՛ւն կուզէիք ունենալ, - կը ծաղրէին մեզ Կարմիր բանակային ռուս զինուորները՝ համեմելով իրենց խօսքերը գոնհիկ հայհոյանքներով, - բաժանուի՛ր կուզէիք Ռուսաստանէն...Մենք ձեզ ցոյց կը տանք, թէ ինչ կը նշանակէ բաժնուիլ մեզմէ... Նախարարներ...բուրժուաներ...սրիկաներ...Մեր Կարմիր Բանակի՞՞ դեմ կուզէիք կուռիլ...Սովետներու դէմ դուրս էիք եկած... Մենք ձեզ ցոյց կու տանք»²:

Ձերբակալվածների խմբին, որի մեջ էին Հ. Օհանջանյանը, Ռ. Դարբինյանը, Վ. Նավասարդյանը, Կորյուն Ղազարյանը, Վարոս Բաբայանը եւ այլք, Դիլիջանի հեղկոմի որոշմամբ բերում են Երեւան եւ նստում քաղաքային բանտ:

¹ Դարբինեան Ռ., Երկեր, հ. Ա, էջ 504:

² Լույս տեղում, էջ 523:

¹ Դարբինեան Ռ., Երկեր, հ. Ա, էջ 504:

² «Ղայրեմիք» ամսագիր, 1951, թիւ 11, էջ 28:

Մի ուշագրավ փաստ. ձերբակալվածներին բուլշեիկները կարող էին, առանց դուրսը- ինչ պատասխանատվություն կրելու, մահապատժի ենթարկել, բայց չեն գնացել նման քայլի: Կարծիք կա, որ նրանց կրքերին ու համանման քայլերի չդիմելուն ինչ-որ տեղ զսպել ու կաշկանդել են դաշնակցական փորձառու ահաբեկիչների վրեժխնդրությունն ու սպասվելիք պատասխան ահաբեկչական գործողությունները:

Որպես փաստարկ ձերբակալվածների նկատմամբ բուլշեիկների դրսևւորած հանդուրժողական վերաբերմունքի, Վահան Նավասարդյանը Ռուբեն Դարբինյանին պատմել է իր եւ ՀԿԿ քարտուղար Աշոտ Հովհաննիսյանի հանդիպման ժամանակ տեղի ունեցած հետեւյալ խոսակցությունը: Ի դեպ, Վ. Նավասարդյանին Երեւանի բանտից, որպես իր հայրենակցի(նրանք երկուսն էլ ծնունդով Արցախցի են- Հ.Գ.), ազատել է Աշոտ Հովհաննիսյանը:

Վ. Նավասարդյանը Ա. Հովհաննիսյանի հետ կայացած հանդիպման ժամանակ, որին ներկա է եղել Դավիթ Անանունը «...մեզ ազատելու մասին խօսք կը բանայ, Աշոտ Հովհաննիսյանն կըսէ.

- Բացի Ա. Զրիկնկարեանէն (Ռ. Դարբինեան), միւսներին հաւանաբար կազատենք կամ թեթեւ պատիժներ կը տանք...

Այդ ատեն կը միջամտէ Դավիթ Անանուն, ըսելով.

Աշոտ, երեւի լաւ չես մտածում հետեւանքների մասին: Պէտք է լաւ իմանաս, որ Դաշնակցութիւնը քեզ չի ների երբեք... Եւ վաղ թէ ուշ Դաշնակցութեան վրիժառու գնդակը կը պատժի քեզ: Ես խնդրում եմ, որ բոլորին ազատէք...

... Աշոտի դեմքը կը մռայլուի եւ լուռ թիւն կը տիրէ:

Վահան համոզուած էր, որ Աշոտ Հովհաննիսյանն շատ կը վախնար Դաշնակցութեան վրիժառու գնդակէն եւ այդ պատճառով ալ չէր համարձակած կատարել իր սպառնալիքը¹:

Դժվար է միանշանակորեն հաստատել կամ ժխտել Հայաստանում իշխանությունը բռնազավթած բուլշեիկների վրա Դաշնակցության վրիժառու գնդակի ազդեցության իսկությունը, բայց մի փաստ անժխտելի է. եթե փետրվարյան համաժողովրդական ապստամբության ժամանակ ապստամբ մարտիկները Երեւանի բանտ ներխուժեին թեկուզ հաշված ըոպեններ ուշացումով, ապա որեւէ կասկած չիներ չէր կարող, որ բանտում գտնվող պետական, քաղաքական, կուսակցական գործիչներն ու մտավորականներն արժանալու էին զինվորական բանտարկյալների ողբերգական ճակատագրին:

տագրին: Նրանց առանց խնայելու կկոտորեն ազդու թյամբ թուրք բանտապահները:

Հայաստանից մեկնելու մյուս հնարավոր երթուղին, ինչպես արդեն նշվել է, Երեւանից Դարալագյազի տարածքով դեպի Ջանգեզուր տանող ճանապարհն էր: ՀԹԴ Բյուրոյի որոշմամբ այդ երթուղով Ջանգեզուր պետք է ուղեւորվեին ՀՀ զինվորական նախկին նախարար Ռուբեն Տեր-Մինասյանն ու Լեւոն Քալանթարյանը, որոնց մի քանի մարտիկներով պիտի ուղեկցեր Բաշգառնեցի Մարտիրոսը, որը նոր-նոր էր, դարձյալ հաղթանակով, դուրս եկել հերթական կռիվներից եւ դեռ չէր հասցրել դուրս-ինչ հանգիստ շունչ առնել:

Հարկ է ընդգծել, որ թեեւ Ալեքսանդրապոլում ընթանում էին բանակցությունները հայկական ու թուրքական պատվիրակությունների միջեւ, բայց մարտական գործողությունները տեղ-տեղ շարունակվում էին: Թուրքերը, պարտություն կրելով Սուրմալուի ճակատամարտում, այնուամենայնիվ, երբեմն-երբեմն գրոհներ ձեռնարկելով, փորձում էին անակնկալ հարվածներով ճեղքել Արաքսի գետանցումները պաշտպանող Հայ մարտիկների պաշտպանական դիրքերն ու ներխուժել Արարատյան դաշտ:

Նոյեմբերի 28-ին թուրքական երեք գումարտակներ չորս թնդանոթների եւ վեց գնդացիների կրակի աջակցությամբ, հերթական անգամ հարձակվում են Կարակալայի կամուրջի պաշտպանական հատվածում դիրքավորված, Մարտիրոսի գլխավորած 600 մարտիկներից բաղկացած զորամասի վրա:

«Կռիւր, -վկայում է Մարտիրոսը, - տեւեց երկու օր: Մենք տվեցինք տասը սպանված եւ քսան վիրաւոր: Թշնամին նոյնպէս կորուստներ ունեցաւ: Երկու օրւայ կռիւների ընթացքին թշնամին ոչ միայն յառաջանալ չկարողացաւ, այլե՛ւ նահանջեց եօթ կիլոմետր ետ: Թուրքական նահանջող զօրքի մի մասը ուղղւեց դէպի Չբրըխէի, իսկ միւս մասը՝ դէպի Կողբ»¹:

1920 թ. նոյեմբերի 28-ին հայրենի հողի վրա մղած կռիվը Դրոյի գլխավորած զորամասի վերջին մարտն էր, որն ավարտվել է դարձյալ հաղթանակով:

Դեկտեմբերի 4-ին Երեւան են ժամանում Սարգիս Կասյանն ու Ավիս Նուրիջանյանը, ապա մի քանի օր անց՝ նաեւ հեղկոմի մյուս անդամները: Մայրաքաղաք հասնելու հենց առաջին իսկ օրից հեղկոմի անդամները, հատկապես Ավիսն ու Կասյանը, բուռն պայքար

¹ Նույն տեղում, էջ 500:

¹ Խմբագետ Մարտիրոս Աբրահամեան, նշվ. աշխ., հ. Բ, էջ 8:

են ծավալում հեղկոմում Դրոյի եւ Հ. Տերտերյանի ընդգրկվելու դեմ եւ պահանջում, որպեսզի նրանք հեռացվեն հեղկոմի կազմից: Ավելին, նրանք ղեգոհում են նաեւ ՀՀ կառավարութեան եւ Լեզրանի կողմից կնքված պայմանագրից եւ իշխանութիւնը խաղաղ, անարյուն ճանապարհով վերցնելու եղանակից: Նրանց համոզմամբ՝ հեղափոխութեան հաղթանակը եւ խորհրդային իշխանութեան հաստատումն անպայմանորեն պետք է կենսագործվեր դասակարգային պայքարով, քաղաքացիական կռիվներով ու արյունահեղութեամբ:

Բնական է, որ համանման անմարդկային ու ապագային գաղափարներով առաջնորդվողները որեւէ պարագայում չպետք է համակերպվեն ու հանդուրժեին իրենց շարքերում, առավել եւս նվաճած իշխանութեան վերին մարմիններում մեկ այլ կուսակցութեան ներկայացուցիչների՝ թեկուզ իրենց համակիր, ներկայութիւնը:

Ավելին, Ավիսը գործել է բացարձակապես ինքնուրույն, իսկ երբեմն՝ իր ընդունած որոշումների մասին հարկ չհամարելով տեղեկացնել Դրոյին ու երբեմն նրանից գաղտնի, կարեւոր նշանակութիւն ունեցող փաստաթղթերը ստորագրել է իր եւ Դրոյի անունից:

Օրինակ, 1920 թ. դեկտեմբերի 16-ին նրանց ստորագրած «Կոչ ուղիղ հեռագրաթիւով Երեւան-Քեիշքենդ-Չանգեզուրի գիւղացիութեան եւ հրամանատարութեան» հեռագիրը¹:

Այդ հեռագրում նշում են. «Թող յայտնի լինի բովանդակ Չանգեզուրին, որ Հայաստանը յայտարարուած է սովետական յեղափոխական հանրապետութիւն: Հին կառավարութիւնը նետել է երկիրը արեան ու արցունքի անդունդը... Հայաստան քայքայուած է, մենք կարող ենք վերականգնել միայն այն օգնութեան միջոցներով, որը ցոյց կը տայ մեզ Խորհրդային Ռուսաստանը եւ Խորհրդային Ազրբեջանը, առաջինն իր ուժով բանակով, իսկ երկրորդն իր նավթով...»

Ներկայումս ամբողջ Հայաստանում կազմակերպուած է Սով. իշխանութիւն: Քաղաքական հակառակորդներից ոչ ոք չէ հետապնդուած՝ բացի հին կառավարութեան անդամներից...

Չանգեզուրի բարձունքներում կուռելով կարմիր բանակի դէմ՝ դուք այդպիսով անգիտակցաբար խորացնուած էք վիշտն ու դժբախտութիւնը ձեր ժողովրդի, որի միակ փրկութիւնը կախուած է կարմիր բանակի ու Սով. Ռուսաստանի օգնութիւնից: Սով. Ազրբեջանը գիջել է Հայաստանին Չանգեզուրը, Ղարաբաղն ու Նախիջեւանը...

Մենք համոզված ենք, որ մեր բոլորի հարազատ Չանգեզուրը եւս կը մտնի Խորհրդային Հայաստանի մէջ, որպէսզի վերջ տրուի ամէն

մի թշնամական գործողութեան կարմիրների դէմ, որոնք բարեկամական եւ եղբայրական յարաբերութիւնների մէջ են գտնուած Խորհրդային Հայաստանի կարմիր զօրքի հետ...

Մենք կոչ ենք անում Չանգեզուրին Խորհրդային Հայաստանի իշխանութեան դրօշակի տակ կանգնել, մերձեցնալ Ռուսաստանին եւ Խորհրդային Ազրբեջանին: Մենք ազնուութեամբ, բաց սրտով յայտարարում ենք մեր ժողովրդին. որ կարմիր զօրքի դէմ յետագայ կռիվները ձեռնտու են միայն Հայ ժողովրդի թշնամիներին...

Խորհրդային Հայաստանի Հանրապետութեան Զինուորական կոմիսար Ա.Վ.Ս:

Խորհրդային Հայաստանի կարմիր զօրքերի հրամանատար ԴՄՕ¹:

Այս հեռագիրը իրենց հեղինակած աշխատութիւններում ամբողջովին մեջբերել են Ս. Վրացյանն ու Արամ Սիմոնյանը, որոնք որպես նախադրյալ հիմք ունենալով այս հեռագիրը, կատարում են տարբեր եզրահանգումներ:

Ս. Վրացյանը վստահեցնում է, որ 1. Դրոն, որպես ՀՀ զինվորական նախարար, չէր կարող իր ստորագրութիւնը դնել մի փաստաթղթի տակ, որը դատապարտում է «հին կառավարութիւնը, որը, իբր թէ, նետել է երկիրը արեան եւ արցունքի անդունդը...»²:

2. «...Դրոն չէր կարող ստել Չանգեզուրցիներին, թէ «Խորհր. Ազրբեջանն արդէն ուղարկում է մեզ համար նաւթ, մանուֆակուրա եւ մթերք», որովհետեւ նա գիտէր, որ այդ ճիշտ չէ»:

3. Դրոն չէր կարող ստել, որ «քաղաքական հակառակորդներից ոչ ոք չի հետապնդուած», որովհետեւ նա տեղեկ էր որ Հայաստանի բանտերն արագ կերպով լեցուած էին...»:

Ս. Վրացյանը գրում է, որ «Յետագային, Դրոն անձամբ հաստատեց, որ հեռագիրը քաշուած է Աւիսի առաջարկութեամբ եւ Կասեանի ու Մուսեանի հաւանութեամբ: Չանգեզուրցիին ասելիքի մասին ընդհանուր որոշում է տրւել, իսկ հեռագիրը շարադրել եւ ստորագրութիւնները դրել է Աւիսը ինքը»³:

Ա. Սիմոնյանի գնահատմամբ՝ եթե Ավիսն ու Դրոն միամտորեն խանդավառված էին Չանգեզուրը, Նախիջեւանը եւ Ղարաբաղը Հայաստանին գիջելու բոլշեւիկների ու Ազրբեջանի թուրք պարագլուխների խոստումներով, ապա «...դեպքերն ու իրադարձութիւնները խորութեամբ քննող Նժդեհը դուրսը-ինչ չէր կասկածում, որ դա բոլշեւիկյան և քեմալական հերթական խաբկանք է, համոզված էր,

¹ Գեւորգեան Վ., Լեոնահայաստանի հերոսամարտը (1919-1921) Երեւան, 2010, էջ 108:

¹ Նույն տեղում:

² Տե՛ս Վրացեան Ս., Հայաստանի հանրապետութիւնը, էջ 558:

³ Նույն տեղում:

որ թուրքը Հայաստանին կամավոր չի գիջի մի թիզ հող անգամ, եթե նա ստիպված չլինի գիջելու»¹:

Այո, միանգամայն իրավացի է հարգարժան պատմաբանը՝ պնդելով, որ «թուրքը Հայաստանին կամավոր չի գիջի մի թիզ հող անգամ», մանավանդ պատմական հիշյալ ժամանակահատվածում, երբ Հայաստանը պատերազմում սարսափելի պարտություն էր կրել եւ կանգնած էր կործանման եզրին: Օրինական հարց է ծագում. մի՞թե արեւելքը նվաճելու ուղղվարությունը առաջնորդվող Խորհրդային Ռուսաստանը կհամաձայնեի հող գիջել Հայաստանին, կամ Հայաստան-Ադրբեջան փոխհարաբերություններում նախապատվություն տար սատարելու Հայաստանին ու նրան գիջեր Ձանգեզուրը, Նախիջևանը եւ Ղարաբաղը, երբ նրա դաշնակիցը ոչ թե Հայաստանն էր, այլ քեմալական թուրքիան ու իրեն խորհրդային հուշակած Ադրբեջանը: Մի՞թե Խորհրդային Ռուսաստանի քաղաքական շահերը թույլ կտային Հայաստանի նկատմամբ դրսեւորել հանդուրժողական ու մարդասիրական քաղաքականություն, երբ դեպի արեւելքը ձգվող ճանապարհը նրա առջև փակում էր հայ գինվորը:

Մի՞թե Ա. Սիմոնյանի բնութագրմամբ՝ «ղեկներն ու իրադարձությունները խորությունը քննող Նժդեհը» այնքան վստահ էր, որ Ձանգեզուրը կարող էր հաղթել Կարմիր բանակին, երբ ՀՀ կառավարությունը Խորհրդային Ռուսաստանի հետ 1920 թ. օգոստոսին 10-ին թիֆլիսում կնքել էր, ինչպես արդեն նշվել է, խորհրդային զորքերը, որպես խաղաղապահ ուժեր Ձանգեզուրում, Նախիջևանում եւ Ղարաբաղում տեղաբաշխվելու պայմանագիրը, իսկ հայ-թուրքական պատերազմում պարտված ՀՀ կառավարությունը 1920 թ. դեկտեմբերի 2-ին իշխանությունը կամովին գիջել էր բաշխելներին:

Պիտի աներկբա ընդունել, որ Խորհրդային Ռուսաստանը եկել էր Անդրկովկաս ոչ թե Ձանգեզուրը, Նախիջևանը եւ Ղարաբաղը Ադրբեջանին, ապա նաեւ Կարսի մարզը, Սուրմալուն եւ Սարիղամիշը քեմալական թուրքիային հանձնելու, այլ այդ երկրամասը եւ այնտեղ գտնվող հանրապետությունները զավթելու ու դեպի արեւելք առաջանալու նպատակով: Ձանգեզուրի մարտական ուժերը խորհրդային զորքերի դեմ կռիվներ են սկսում 1920 թ., հոկտեմբերին, այսինքն՝ Ձանգեզուրում բացում են պայքարի երկրորդ ճակատը ճիշտ եւ ճիշտ այն ժամանակահատվածում, երբ ՀՀ բանակը ծանր պարտություններ էր կրում Կարսի ուղղությամբ, որի հետեւանքով Հայաստանի Հանրապետությունը հայտնվում է ծանրագույն իրավիճակում:

Չպետք է մոռանալ, որ բացի մարտադաշտից, որտեղ հարցերը լուծվում են ի հաշիվ գեներալի, գինվորի ու հրամանատարության դրսեւորած ճկուն մարտավարության ու քաջագործության, կա նաեւ դիվանագիտական ճակատ, որտեղ պիտի գործել թերեւս ավելի ճկուն մարտավարությամբ, սառը ու կշռատված հաշվարկով եւ, առողջ բանականությամբ: Այս առումով պիտի ընդունել, որ գոյություն ունի մեկ այլ անժխտելի իրողություն: Ցանկացած երեւույթ կարելի է փաստարկել ու գնահատել ոչ թե միարժեք տրամաբանությամբ, մեկ տեսանկյունից, այլ տարբեր տեսանկյունից եւ նոր միայն կատարել անհրաժեշտ եզրահանգումներ ու գործնական քայլեր:

Օրինական հարց է ծագում. ի՞նչպես կդասավորվեր Հայաստանի Հանրապետության, այդ թվում՝ Ձանգեզուրի, Նախիջևանի եւ Արցախի ճակատագիրն ու ապագա կարգավիճակը, եթե ՀՀ կառավարությունը, այնուամենայնիվ, կարողանար առավել սթափ գնահատել պատմական հիշյալ ժամանակաշրջանի առաձեռնհատկությունները եւ Հայաստանի իրական կարողություններն ու կացությունը եւ կանխելով քեմալական թուրքիային ու Ադրբեջանին՝ կարողանար ավելի շուտ անհրաժեշտ դիվանագիտական կապեր հաստատել Խորհրդային Ռուսաստանի հետ:

Թե որքանով էին իրավացի հայության ճակատագրական պահին խորհրդային ուժերի դեմ երկրորդ ճակատ բացած պատասխանատու գործիչները եւ թե ի՞նչ նպատակ կարող էր այն բերել ու բերեց Հայաստանին եւ հայ ժողովրդին, դա ուսումնասիրության մեկ այլ թեմա է: Այս հարցում պատմաբանը պիտի լինի ավելի քան անկողմնակալ, գերծ որեւէ զգացմունքայնությունից, քանզի նա պարտավոր է առաջնորդվել այն հիմնավոր սկզբունքով, որ պատմական կարեւորագույն երեւույթների անաչառ մեկնաբանությունն ու կշռատված գնահատականն անգնահատելի դասեր են յուրաքանչյուր ազգի ինչպես ներկան, այնպես էլ ապագան ճիշտ եւ արդյունավետ կառուցելու գործում:

Որպես նախադրյալ հիմք ունենալով վերոհիշյալ հեռագիրը՝ Ա. Սիմոնյանը գրում է. «Կոչը խորացրեց Նժդեհի եւ Դրոյի միջև եղած հակասությունները, որոնք գնալով վերածվեցին անձնական բացահայտ հակակրանքի»¹:

Դրոյի եւ Նժդեհի առեղծվածային փոխհարաբերությունների մասին, կարելի է ասել, կան բազմաթիվ, իսկ երբեմն իրարամերժ ու իրականության հետ որեւէ կապ չունեցող տեսակետներ:

¹ Տե՛ս Սիմոնյան Ա., Ընդ. աշխ., էջ 368-369:

¹ Նույն տեղում, էջ 369:

Ա. Միմոնյանի կողմից Դրոյի եւ Նժդեհի փոխհարաբերութեանը տրված վերոհիշյալ բնութագրի համար, կարելի է փաստել, որ հիմք ծառայում է նաեւ Ե. Իշխանյանի «Լեռնային Ղարաբաղ 1917-1920» գրքում տեղ գտած՝ նրանց միջեւ պատահած մի անցանկալի միջադեպի պատմությունը, որը տեղի է ունեցել ոչ թէ 1920 թ. մայիսի 24-ին Արցախի Ավետարանոց գյուղում, այլ Ձանգեղուրում¹:

Ե. Իշխանյանը գրում է, որ Արցախում «... Դրոն և Նժդեհը ընդհարել են իրարու հետ խստիւ, բայց շնորհիւ ընկերների միջամտութեան վերջ է տրւել վէճին:

Նույնը երկու անգամ կրկնել է Ձանգեղուրում, որտեղ Դրոն Նժդեհին մենամարտութեան է կանչում. առաջին անգամին, սակայն ինչպէս պատմում էր Մելիք Հասան-Ջալալեանը, որը ներկայ է եղել այդ միջադեպին, Նժդեհը ասում է՝ «մեր կեանքը մեզ չի պատկանում, այլ հայ ժողովրդին, իսկ եթէ ուզում ես խփել ինձ, առ քեզ» ասորձանակը չպրտում է Դրոյին: Դրոն փոթկացնում է ու ծիծաղելով ասում «դերասան շան որդի»²:

Բնավ չի բացառվում, որ դյուրբարբոք Դրոն տեղի տալով զգացմունքներին, մենամարտի է կանչել Նժդեհին: Ի դեպ, դա առաջին դեպքը չէր, երբ Դրոն մենամարտի է կանչում իր տեսակետին հակառակվողներին: Անգամ հավասարակշռված ու սառնասիրտ Նիկոլ Դումանը չի խուսափել խճճված հարցը համանման եղանակով լուծելու եղանակից ու երեւանում մենամարտի է հրավիրել իր կուսակցական ընկերոջը՝ ՀՅԴ Մրգաստանի կենտրոնական կոմիտեի անդամ Մելիք Մուսայանին³:

Դրոյի ու Նժդեհի կյանք ու գործունեության ուսումնասիրությունը ցույց է տալիս, որ, իրոք, մեր ժողովրդի երկու նվիրյալ զավակները Հայաստանին ու հայրենիքին վերաբերող կարեւորագույն մի քանի հարցերի վերաբերյալ դավանել են տարբեր տեսակետներ, որոնք երբեմն տեղիք են տվել բուռն վիճաբանությունների: Իսկ դա բոլորովին չի նշանակում, որ այդ վեճերը վերածվել են անձնական բացահայտ հակակրանքի, առավել եւս թշնամանքի:

Դրոյի կնոջ՝ տիկին Գայանեի վկայությամբ Դրոն եւ Նժդեհը բազմիցս հանդիպել են իրենց բնակարանում ոչ միայն Ռուսիայից, այլեւ Բեռլինում:

«Ես ներկա էի այդ հանդիպումներին: Յուրաքանչյուր անգամ հանդիպելիս, նրանք տարբեր հարցերի վերաբերյալ վիճաբանում

էին, երբեմն համաձայնում էին, իսկ երբեմն էլ՝ ոչ: Վերջում մոռանում էին վիճաբանությունները, սեղան էին նստում ու մի քանի զավաթ խմում էին Հայաստանի կենաց, ապա միասին քնում մեր բնակարանում գտնվող միակ թախթի վրա»:

Մի ուշադրալ դրվագ եւս տիկին Գայանեի ու Դրոյի զինակիցների պատմածներից:

Երբ Խորհրդային զորքերը մուտք են գործել Բուլղարիա, Նժդեհը, հույս ունենալով, որ Գեորգի Դիմիտրովը, որի հետ Բուլղարիայում ապրելու տարիներին ունեցել է ընկերական հարաբերություններ, կօգնի իրեն խուսափելու գերությունից, մեկնում է Սոֆիա ու հանձնվում ԽՍՀՄ բանակին: Դրոն՝ այդ մասին տեղեկանալով, խիստ զարմացել է ու զայրացած ասել. «Այդ մարդը խելքը թոցրել է, մի՞թե նա դեռեւս հավատում է բոլշևիկներին, պետք է Նժդեհին անհապաղ հետ բերել, քանի դեռ չի հանձնվել, հակառակ դեպքում նրան կձերբակալեն ու կզնդակահարեն»:

Նժդեհին հետ բերելու նպատակով Դրոն ինքնաթիռ է պատվիրում ու ուզում է մեկնել Սոֆիա:

Ըստ տիկին Գայանեի ու այդ դեպքի ակնատես Վահրամ Բարսեղյանի պատմածի, իրենք ու եւս մի քանի ընկերներ ուղեկցել են Դրոյին եւ երբ հասել են օդանավակայան, ուր կանգնած էր Սոֆիա թռչող ինքնաթիռը, զուտ պատահականությամբ իրենց է հանդիպել Դրոյի ծանոթներից մեկը: Նրանք առանձնացել ու մի քանի ըրոպե զրույցի են բռնվել: Այդ ընթացքում անսպասելիորեն պայթել է Դրոյի պատվիրած ինքնաթիռը: Պարզվում է, որ նրա դեմ մահափորձ էր կազմակերպված: Դրոյին ստույգ մահից փրկել է այդ պատահական հանդիպումն ու մի քանի ըրոպե տեւած խոսակցությունը¹:

Դրոյի եւ Նժդեհի փոխհարաբերության մասին հետաքրքիր հուշեր է պատմում Երվանդ Ֆնտքյանը*:

Պրագայի Համալսարանի քիմիայի բաժինն ավարտելուց հետո Ե. Ֆնտքյանը Դրոյի հրավերով գալիս է Փլոյեչտի եւ աշխատանքի անցնում նավթի գործարանում: Փլոյեչտիում ապրել է Դրոյի հետ

¹ Տիկին Գայանեի ու Վահրամ Բարսեղյանի պատմածները տողերիս հեղինակը ծայրագրել է ԱՄՆ-ի Բոստոն քաղաքում: Չայնագրությունները պահպանվում են իմ անձնական արխիվում:

* Երվանդ Ֆնտքյանը ծնվել է Տրապիզոնի Կրոպի գյուղում: Սովորել է Գեորգյան ճեմարանում, ապա Պրագայի համալսարանում: 1915-1916 թթ. կռվել է Չեքոսլովակի վաշտում եւ մասնակցել Ալեքսանդրապոլի կռիվերին: Թիֆլիսում ահաբեկել է ցարական պաշտոնյա Մ.Սախարովին, ապա ընդգրկվել է «Լեմեսիս» խմբին եւ Մ. Թորլաքյանի ընկերակցությամբ մասնակցել Ջիվանջիրի ահաբեկման գործողությանը:

¹ Տե՛ս Իշխանեան Ե., Նշվ. աշխ., էջ 681:

² Նույն տեղում:

³ Տե՛ս Գեորգյան Յ., Նիկոլ Դուման, Երեւան, 2002, էջ 252:

նույն բնակարանում եւ մի քանի անգամ հենց այդ նույն բնակարանում ականատես է եղել Դրոյի ու Նժդեհի հանդիպումներին:

Հանդիպումներից մեկի ժամանակ, Դրոն Նժդեհին կատակով ասել է. «Երկու գոյական միացրել ես եւ մի գոյական ես կազմել. ի՞նչ իրավունքով... (նկատի ունի ցեղ-ա-կրոն-Հ. Գ.)

«Այո՛, կարող են միանալ: Դու քերականութիւնից ի՞նչ ես հասկանում... Եւ վիճում էին երկու սքանչելի մարդիկ, երկու իրական մեծեր ու մէկը միւսին քաշքշում՝ մի փոքրիկ զուարճանալու համար...»¹:

1936 թ. ՀՅԴ Բյուրոյի հանձնարարութեամբ Դրոն գալիս է Սոֆիա՝ քննելու ՀՅԴ Բալկանների կենտրոնական կոմիտեի գործերը, որի անդամն էր Նժդեհը: Այդ հանդիպման մասին Ե. Ֆետեյանը պատմում է հետեւյալը. «...Դրոն հարց էր տալիս, թէ ինչու՞ իրենց տուած որոշումը չի գործադրուել, եւ Նժդեհը զանազան բացատրութիւններ էր տալիս, Դրոն յանկարծ նիւթին հետ բոլորովին կապ չունեցող մի հարց էր տալիս.

«Լսի՛ր Նժդեհ, դու հայոց պատմութեան մէջ Դրաստամատ անունով մէկին յիշում ես »

«Ձէ, չեմ յիշում:

Դրոն Նժդեհին պատմում է Անհուշ բերդում Արշակ Թագավորի ու նրա հավատարիմ զինվորական Դրաստամատի մասին եւ վերջում ավելացնում. «Ասում ես թէ ես քերականութիւնից բան չեմ հասկանում, բայց դու էլ ազգային մեր պատմութեան ամենակարեւոր դէպքերն ու նաեւ դէմքերը չես ճանաչում: Հիմա իմացա՞ր թէ Դրաստամատը ով է... (Դրո Դրաստամատի կրճատ ձեւն է...)»:

Այս խոսակցութիւնը տեղի է ունեցել սեղանի շուրջ: Նժդեհը Դրոյին լսելուց հետո, բարձրացրել է բաժակը եւ ասել «-Դրո ջան կենացդ, ամա՛ լաւ հայոց պատմութիւն գիտես, հա՛ր...

«Այո՛, Նժդեհ ջան, ափսոս որ հնարաւոր չէ, որ Մանուկ Աբեղյանին մի նամակ գրէի ու հրաւիրէի, որ գար ու քեզանից քերականութեան կամ շարահիւսութեան դաս առնէր, կենա՛ցդ»²:

Նժդեհի՝ որպէս իր մարտական զինակցի նկատմամբ Դրոյի դրսեւորած ընկերական ու հոգատար վերաբերմունքի լավագույն ապացույցներից մեկը Ս. Վրացյանին գրած վերոհիշյալ նամակն է, որը տեղ է գտել այս աշխատութեան հավելվածում:

Դրան հակառակ՝ Նժդեհը, ՀՀ ՍՍՀ ՊԱՆ ներքին բանտում գտնվելու ժամանակ իր հեղինակած «Դաշնակցութեան առաջաց-

ման պատմական պայմանները եւ նրա բնութագիրը» խորագիրը կրող ակնարկում համեմատելով ՀՅԴ հին եւ նոր սերնդի ներկայացուցիչներին, խստորեն դատապարտում է նոր սերնդի ներկայացուցիչների գործունեութիւնն ու բարոյական նկարագիրը, եւ միանգամայն անհարկի որակավորումներով բնութագրում Դրոյին ու Ռուբեն Տեր Մինասյանին:

Գարեգին Նժդեհի բնութագրմամբ՝ «Անհնարին է զուգահեռներ անցկացնել Դաշնակցութեան սկզբնական եւ այժմյան ղեկավարների, այն ժամանակվա հայդուկների ու հետո եկած մաուզերիստների միջեւ՝ առանց հիանալու առաջիններով ե՛ւ խորապես նողկալու վերջիններից»¹:

Միանգամայն ճիշտ է, մուզերիստների գործունեութեան ուսումնասիրութիւնը իրոք նողկանք է առաջացնում, բայց տարօրինակ է, որ Նժդեհը Դաշնակցութեան նոր սերնդին բնութագրելիս հիշատակում է մաուզերիստներին, մոռանալով, որ մեր ժողովրդի ամենաբախտորոշ ժամանակաշրջանում եւ անասելի ծանրագույն պայմաններում հայութիւնը գլխավորապէս հենց Դաշնակցութեան նոր սերնդի գործուն մասնակցութեամբ, այնուամենայնիւ, կարողացավ կազմավորել կանոնավոր բանակ եւ շնորհիւ Մայիսյան հերոսամարտերի նվաճած հաղթանակների ու ի դեմս Հայաստանի Հանրապետութեան՝ վերականգնել Հայոց պետականութիւնը, առանց որի խոսք լինել չի կարող հայ ժողովրդի գոյութեան պահմանմանը:

Շարունակելով Դաշնակցութեան հին ու նոր սերնդի համեմատութիւնն ու բնութագիրը՝ Գարեգին Նժդեհը նշում է. «Իսկապէս, ի՞նչ համեմատութիւն կարող է լինել Նիկոլ Դումանի եւ ավագակ Դրոյի, լեգենդար Սերբըի ու մորթապաշտ Տեր-Մինասյանի (Ռուբեն փաշա) միջեւ»²:

Հայ ազգային-ազատագրական պայքարի մեծանուն գործիչ Նիկոլ Դումանի գործունեութեան ուսումնասիրութիւնն աներկբա հավաստում է, որ չափազանց խստապահանջ եւ ազատագրական պայքարի գործիչների մեջ անառարկելի հեղինակութիւնն ու կշիռ ունեցող Դումանը իր հրամանատարութեամբ մարտնչած երիտասարդ ռազմիկների շարքում առավելագույնս գնահատել ու վստահել է հենց Դրոյին, այլապէս 20-ամյա երիտասարդին չէր հանձնարարի Բաքվի գեներալ-նահանգապետ իշխան Նակաչիձեի ու գեներալ Ալի-խանով Ավարսկու ահաբեկումը, իսկ հետո վստահեր Կոտայքի, Դաւրլազյազի, Լեռնային նախիջեւանի ինքնապաշտպանական ուժերի հրամանատարութիւնը, ապա մարտական խմբով ուղարկեր Ջանգե-

¹ ԱԿՕ, Նժդեհ, էջ 456:

² Տե՛ս նույն տեղում 456-460:

¹ Գարեգին Նժդեհ, Հատընտիր, Երեւան, 2006, էջ 680-681:

² Նույն տեղում, էջ 681:

զուր՝ օգնելու գավառի մարտական ուժերի ընդհանուր զորահրամանատար Սեբաստացի Մուրադին¹:

Իհարկե, այս անմենի մասին Նժդեհը չէր կարող չիմանալ: Նրան նաեւ քաջ հայտնի էր, որ երբ առաջին աշխարհամարտի նախօրեին Կովկասում ծավալվում էր կամավորական շարժումը, անհնարին էր, որ Հայոց Ազգայի բյուրոն եւ Կովկասյան ռազմաճակատի հրամանատարութիւնը Անդրանիկից հետո, կամավորական 2-րդ զորախմբի հրամանատարութիւնը վստահեին իր բնութագրմամբ՝ «ավազակի», երբ մարտաշարքերում էին հայ ազատագրական պայքարի այնպիսի համբավավոր ու բազմափորձ գործիչներ, որպիսիք էին Սեպուհը, Սմբատ Բորոյանը, Դաշնակցական Խնչոն, Իշխան Արղությանը, Խանասորի Վարդանը եւ այլք:

Ավելին, լինելով կամավորական 2-րդ զորախմբի հրամանատարի՝ Դրոյի օգնականը՝ Գարեգին Նժդեհը բազմիցս ականատես ու մասնակից է եղել նրա հրամանատարութեամբ տեղի ունեցած հաղթական մարտերին: Դրոյի հրամանատարական փայլուն կարողութիւնների ու մարտերում դրսեւորած քաջագործութիւնների մասին հիացմունքով են արտահայտվել ոչ միայն հայ, այլեւ ռուս բարձրաստիճան զինվորականները: Հարց է առաջանում. մի՞թե այդ անմենի մասին տեղյակ չէր Դրոյի օգնական Գարեգին Նժդեհը:

Հարց է ծագում, ի՞նչպես կարող էր Հայոց Ազգային Խորհուրդը Հայութեան ամենաճակատագրական ու բախտորոշ պահին, հայ մարտիկներին ռազմի դաշտ ու սխրանքների կոչելու նպատակով, որպես առաջնորդի ապավիններ «ավազակին»՝ նշելով. «Ո՛վ արի, նախնեաց մեր անզուգական հերոսների քաջութեամբ զինւած մարտիկներ, դէպի ճակատ՝ մեր նոր հերոսամարտին, ուր ձեր հրամայողը, մարտի սրբազան դաշտում ձեզ առաջնորդողը ԴՐՕՆ է, մեր ամէնքի պաշտելի հերոսը, որ երբեք պարտուել չգիտէ»:

Իսկ 1918 թ. Երեւանի նահանգում մահմեդական հրոսակախմբերի դեմ նրա ծավալած գործունեութիւնը, ապա նաեւ մասնակցութիւնը Սարիղամիշի ռազմաճակատի կռիվներին ու անգնահատելի ներդրումը Մայիսյան հերոսամարտերին (Սուրմալու եւ Բաշ-Ապարան) վեր է որեւէ գովասանքից ու գնահատականից:

Բացարձակապես ճիշտ չէ մատուցելիքը կապել Հ. Յ. Դաշնակցութեան ու Դրոյի գործունեութեան հետ:

Նժդեհին չէր կարող հայտնի չլինել, որ Հայաստանի Հանրապետութեան հռչակման առաջին իսկ օրերին, եւ նույնիսկ դրանից առաջ Արարատյան աշխարհում դիկտատոր հռչակված, իսկ հետո

ՀՀ ներքին գործերի նախարարի պաշտոնը ստանձնած Արամ Մանուկյանի համագործակցութեամբ մատուցելիքների անօրինական խմբերի դեմ գլխավորապես պայքարել է Դրոն եւ ինչ-որ տեղ նաեւ Ռուբենը: Պիտի նշել, որ հենց նրանց գործունեութեան շնորհիվ է հանրապետութիւնում վնասագործվել մատուցելիքների խմբերը եւ կարգուկանոն հաստատվել երկրում:

Շարունակելով որեւէ փաստով չհիմնավորված Դրոյին տրված բնութագրերը՝ Նժդեհը նշում է. «Դոկտոր Օհանջանյանի (նկատի ունի ՀՀ 3-րդ վարչապետ Համո Օհանջանյանին-Հ. Գ.) ու Նավասարդյանի աչքերում Դրոն «գյաղայի» տիպար է՝ ընդունակ ցանկացած հանցագործութեան: Տեր-Մինասյանը ինձ ուղղած մի նամակում Դրոյին անվանել «Հայ ժողովրդի դավաճան», որն «իր կամավորական հարձակումներով հարուցեց հայ ժողովրդի սպանող թուրքիայում»¹:

Առավել արդար ու համոզիչ կլիներ, որ Նժդեհը իր մեջբերումը հիմնավորելու համար վկայակոչեր Դրոյի կատարած գոնե մեկ հանցագործութիւն:

Անտարակույս, եթե Համո Օհանջանյանի աչքում Դրոն «գյաղայի» տիպար էր, ապա ինչպես՞ բացատրել, որ լինելով ՀՀ վարչապետ, ինչո՞ւ էր նրան վստահում ՀՀ պաշտպանութեան նախարարի օգնականի պաշտոնը, Զանգեզուր-Արցախ հատուկ նշանակութեան զորախմբի, իսկ հայ-թուրքական պատերազմի ժամանակ Սուրմալու ռազմաճակատի հրամանատարութիւնը: Իսկ ՀՀ վերջին վարչապետ Ս. Վրացյանի գլխավորած կաբինետում հենց Համո Օհանջանյանի առաջարկութեամբ է Դրոն նշանակվել ՀՀ զինվորական նախարարի պաշտոնում:

Հանրահայտ իրողութիւն է, որ Դրոյի մերձավորագույն ընկերները եղել են Սիմոն Վրացյանն ու Վահան Նավասարդյանը: Հարց է ծագում, ինչպե՞ս կարող էր Վ. Նավասարդյանի աչքում իր հարազատ ընկերը՝ Դրոն, ըստ Նժդեհի մեջբերման, լինել «գյաղայի» տիպար, երբ հենց նա է Դրոյին անվանել «...քաջերուն մէջ չքեղօրէն քաջը եւ հերոսներուն մէջ կախարդօրէն հերոսը», «Հայկական Ազատամարտի ամէնէն դիւցազնատիպ էջերը զարդարած...»:

Իսկ ինչ վերաբերում է Նժդեհի պնդմամբ իրեն հասցեագրած Ռուբեն Տեր-Մինասյանի նամակում Դրոյին վերագրած «Հայ ժողովրդի դավաճան», որն «իր կամավորական հարձակումներով հարուցեց հայ ժողովրդի սպանող թուրքիայում» մեղադրանքին, ապա

¹ Տե՛ս Գեւորգյան Գ, Նիկոլ Դուման, Երեւան, 2001:

¹ Նույն տեղում, էջ 684:

պիտի ասել, որ դա չի դիմանում որեւէ քննադատութեան: Եթե Դրոն իր գլխավորած կամավորական զորախմբի հարձակումներով հարուցել է հայ ժողովրդի սպանդը, ապա մի՞թե նույնը չեն արել հայ կամավորական մյուս զորախմբերը: Այդ դեպքում դավաճան կարելի է անվանել կամավորական զորախմբերի բոլոր կազմակերպիչներին ու այդ թվում նաեւ Անդրանիկին, Քեռուն, Սեպուհին, Համազասպին, Սմբատին, Խանասորի Վարդանին, Խեչոյին, Իշխն Արդուլթյանին եւ մյուս հրամանատարներին: Կամավորական զորախմբերը, ճիշտ է, չկարողացան ու չէին կարող կանխել Օսմանյան տերութիւնում իրականացրած հայութեան սպանդը, սակայն փրկեցին տասնյակ հազարավոր հայերի: Որպես վերոհիշյալի լավագույն ապացույց եւ օրինակ կարելի է հիշտակել դեպի Արեւելյան Հայաստան գաղթող Վան-Վասպուրականի բնակչութեան պաշտպանութեան ժամանակ Դրոյի գլխավորած Զ-րդ կամավորականի մղած փրկարար նշանակութիւնն ունեցող կռիւմները:

Մի էական պարզաբանում:

Մի՞թե գաղտնիք են ու անհայտ ձեռքալավածների նկատմամբ ԽՍՀՄ ՊԱԿ-ի պահվածքն ու վերաբերմունքը, հարցաքննութեան ձեւերն ու միջոցները: Համակ ուշադրութեամբ հետեւելով ձեռքակալվածների յուրաքանչյուր շարժումներին, ՊԱԿ-ի աշխատակիցները միջոցների մեջ խտրականութիւն չդնելով, նրանց ներկայացրել են մտացածին ու շինծու մեղադրանքներ եւ կիրառելով անպատմելի բռնութիւններն ու անմարդկային դաժան միջոցներ՝ ստորագրել են տվել իրենց անհրաժեշտ ցանկացած մեղադրանք:

Մի՞թե Գարեգին Նժդեհը կարող էր բացառութիւն կազմել: Ճիշտ չէ ԽՍՀՄ-ի ՊԱԿ-ի ճիրաններում հայտնված որեւէ բանտարկյալից հարկադրաբար կորզած «բացատրութիւններն ու խոստովանութիւնները», ինչպես նաեւ ՊԱԿ-ի աշխատակիցների դաժան հսկողութեան պայմաններում գրած ակնարկներն ու այլ գրութիւնները ընդունել որպէս սկզբնաղբյուր եւ նախադրյալ ու առանց անաչառ վերլուծութեան՝ կատարել եզրահանգումներ ու ընդհանրացումներ:

Ուշագրավ է, որ Գարեգին Նժդեհը «Դաշնակցութեան առաջացման պատմական պայմանները եւ նրա բնութագիրը» խորագիրը կրող ակնարկը գրել է 1947 թ. ՀՀ ՍՍՀ ՊԱՆ բանտում գտնվելու ժամանակ, այսինքն երեւանում:

Համոզված կարելի է պնդել, որ Գարեգին Նժդեհը իր բանտային գրառումները որոնց թվում՝ վերոհիշյալ ակնարկը, գրել է ՀԽՍՀ

ՊԱՆ բանտի աշխատակիցների հսկողութեամբ եւ բնավ չի բացատրում՝ նրանց թելադրանքով, այլապես նա որքան էլ չսիրեր Հ. Յ. Դաշնակցութեան նոր սերնդի ներկայացուցիչներին, Դրոյին, որին ի դեպ հենց ինքն է անվանել Հայաստանի Գարիբալդի եւ Ռուբեն Տեր-Մինասյանին, նման չփաստարկված ու անհարկի որակավորումներով չէր բնութագրի նրանց: Իսկ հայ կոմունիստների վերաբերմունքը Հ. Յ. Դաշնակցութեան եւ հատկապէս Դրոյի նկատմամբ ավելի քան թշնամական էր:...

Եթե ընդունենք, որ այդ ակնարկը գրվել է ինքնուրույն, առանց ՀԽՍՀ ՊԱՆ բանտի աշխատակիցների միջամտութեան ու թելադրանքի, որը շատ քիչ է հավանական, ապա կարելի է ասել, որ դա բնավ չի խոսում հօգուտ Նժդեհի:

Դրոյի կյանքի ու գործունեութեան ուսումնասիրութիւնը միանշանակ հավաստում է, որ նրա զորավարական տաղանդի, մարտերում դրսեւորած քաջագործութիւնների ու մերձավորների նկատմամբ դրսեւորած մարդկային բացառիկ վերաբերմունքի, ընկերասիրութեան մասին արժնավոյնս են գնահատել ոչ միայն նրա հրամանատարութեամբ մարտնչած զինվորականները՝ գեղապետներ Խուզաբաշյանը, Կարապետ Հասանփաշյանը, Կորոլկովը, Շնեուրը, Կուռ Թարխանյանը, Եգոր Տեր Ավետիքյանը, Տիգրան Բաղդասարյանն ու բազում այլ զինվորականներ եւ ոչ զինվորականներ, այլեւ ՀՀ բանակի բարձրաստիճան զորապետները՝ գեներալներ Թ. Նազարբեկյանը, Մ. Սիլիկյանը, Ք. Արարատյանը եւ այլոք: Իսկ նրա գլխավորած կամավորական զորախմբի հրամանատարներ Մարտիրոս Աբրահամյանը, Ղազար Քոչարյանն ու Յապոնը (Հովհաննես Պարոնյան) իրենց հուշագրութիւններում ներկայացնելով նրա հրամանատարութեամբ ու իրենց մասնակցութեամբ տեղի ունեցած կռիւնները, խորին հարգանքով ու ակնածանքով դրվատելով նրա մարդկային անբասիր նկարագիրը՝ նրան որակում են որպէս քաջազուն մարտիկ, լեզենդատիպ ու տաղանդավոր ռազմավար զինվորական:

Գեւորգ Հայրյանը իր հեղինակած «Վահագնի ծնունդը (Ասք ազգային հերոս Դրոյի մասին)» գրքույքում միանգամայն իրավամբ գտնելով, որ «Այդ կերպարն ամբողջական դարձնելու համար մի գիրք, այն էլ ոչ մեծածավալ, քիչ է», տալիս է Դրոյի ուշագրավ հետեւյալ բնութագիրը. «Վահագնածին Դրոն իր մեջ կրում էր հարազատ ժողովրդի լավագույն հատկանիշները, բարեկամների համար բարի էր ու սրտամոտ, թշնամիների նկատմամբ խիստ էր ու անգիջող: Իր ցեղի ազատագրական մարտերում գործած անօրինակ

սիրանքների շնորհիվ նրա կյանքը, դեռ կենդանության օրոք, կատարյալ առասպել էր դարձել: Նա ռազմական գործիչ լինելուց բացի պետական գործիչ էր, որը դեռ Սարգարապատից առաջ, անմոռաց Արամի հետ կառուցում էր անկախ Հայաստանի Հանրապետությունը, մնալով նրա հետագա զարգացման եռանդուն մասնակիցն ու ոգեշնչողը»¹:

Երեւանում հեղկոմի իշխանության հաստատվելուց հաշված օրեր անց մոռացվեցին ու անտեսվեցին բոլշեւիկների խոստացած դեմոկրատիան եւ պետական, զինվորական ու դաշնակցական գործիչների անձեռնմխելիությունը պահպանելու խոստումները: Դաժան հալածանքներ ու բռնություններ սկսեցին գործադրել քաղաքական, զինվորական եւ կուսակցական գործիչների ու մտավորականների նկատմամբ:

Ձերբակալությունից խուսափելու հարկադրանքով Հայաստանից տարբեր ուղղությամբ հեռացել են մի շարք ռազմական ու քաղաքական գործիչներ: Ռուբեն Տեր-Մինասյանին ու Լեւոն Քալանթարյանին Ձանգեզուր ուղեկցելու առաջադրանքը Մարտիրոսին հանձնարարում է Դրոն, որն այդ ժամանակ դեռեւս ՀՀ պաշտպանության նախարարն էր: Մարտիրոսն այնքան էլ չի ոգեւորվել այդ հանձնարարությունից եւ փորձել է իր մերժումը արդարացնել պատճառաբանելով, որ ինքը չպետք է լքի Դրոյին, թողնի նրան միայնակ ու գնա: Ռուբենին Ձանգեզուր ուղեկցելու համար նա խոստանում է տրամադրել հուսալի մարդկանց, որոնք ապահով նրան կհասցնեն Լեւոնհայաստան:

Երկրորդ անգամ Մարտիրոսին կանչելով իր՝ պաշտպանության նախարարի աշխատասենյակը, Դրոն հարցնում է.

«- Ինչո՞ւ ես հրաժարում եմ, պատճառն ուղղում եմ իմանալ:

- Քեզ դաւաճանել է՞մ ուղղում:

Դրոն դեմքը խոժոռեց, բռունցքը խփեց սեղանին:

- Հրամայում եմ քեզ, որ առանց այլուայլի գնաս, պատրաստ ես ու մեկնես Ռուբէնի հետ:

... Դու ամբողջապէս դրուում ես Ռուբէնի տրամադրութեան տակ: Քեզ ինչ որ կարգադրի, առանց առարկութեան պիտի լսես եւ կատարես, եթէ ապահով տեղ հասնելուց յետոյ նա թոյլ տա քեզ վերադառնալ, կարող ես յետ գալ»²:

Մարտիրոսը հաջողությամբ է կատարում այդ հանձնարարությունը: Նա ապահով ուղեկցում է մինչեւ Ձանգեզուր, եւ մինչեւ

¹ Գեւորգ Յայրյան, Եզվ. աշխ., էջ 6:

² Խմբապետ Մարտիրոս Արրահամեան, Եզվ. աշխ., հ. 2, էջ 13:

դեկտեմբերի 21-ը, համաձայն Դրոյի հրահանգի, մնում է Ռուբենի տրամադրության տակ, ապա դեպքերի թելադրանքով, ստանում է նրա համաձայնությունն ու անհապաղ վերադառնում Երեւան:

Հայաստանում կատարվող չարադետ դեպքերի եւ հեղկոմի կենսազորած «քաջագործությունների» լուրը տարածվելով՝ հասնում է Լեւոնհայաստան, ուր Ռուբենի պահանջով դեռեւս գտնվում էր Մարտիրոսը: Հայաստանում կատարվող իրադարձությունները, պետական եւ ռազմական գործիչների զանգվածային ձերբակալությունների լուրը կտրուկ կերպով փոխում է Ձանգեզուրում հանգրվանած Ռուբենի եւ նրան ուղեկցող Մարտիրոսի ու մյուս ընկերների տրամադրվածությունը: Եթե մինչ այդ Ռուբենը համառորեն պահանջում էր, որ Մարտիրոսը մնա իր հետ, գործի Լեւոնհայաստանում, ապա այժմ հարկադրված փոխում է իր ցանկությունը: Նա, դիմելով Մարտիրոսին, ասում է.

«- Մարտիրո՛ս, դու անյապաղ պէտք է վերադառնաս Երեւան: Բանտարկւած ընկերներին անխուսափելի մահ է սպառնում: Բոլոր միջոցները պէտք է գործադրես՝ բանտից ազատելու համար մեր ընկերներին կամ կաշառքի, կամ գաղտնի փախուստի եւ կամ ապստամբութեան միջոցով: Որքան ուշանաս, այնքան կը դժարանայ ընկերներին ազատելու խնդիրը»¹:

Երեւան վերադառնալու նախօրեին Ռուբենը Մարտիրոսին տալիս է չորս նամակներ, որոնցից մեկը նա պիտի Գորիսում հանձնե՞ր Գարեգին Նժդեհին, մյուսը Դարալազյազում՝ Եղիշե իշխանյանին (Արցախի Ազգային Խորհրդի նախկին նախագահ-Հ.Գ.), իսկ մյուս երկուսը՝ Դրոյին եւ Ս. Վրացյանին:

Մարտիրոսը, կատարելով Ռուբենի հանձնարարությունը, լինում է Գորիսում եւ նամակներից մեկը հանձնում Նժդեհին, որը կարդալով նամակը, ուրախանում ու հավանություն է տալիս նրանում արժարժված առաջարկություններին եւ իր կողմից ավելացնում. «Դու տեղ հասնելուն պէս, կարճ ժամանակում կազմակերպիր մեր համակիր ու դժգոհ ռազմական ուժերը, այդ ապստամբ ուժերի գլուխն անցած՝ աշխատիր զբաղվել Երեւանը եւ գնդակահարումից ազատել մեր բանտարկւած ընկերներին: Ապստամբների ղեկաւար մարմինը անւանիր «ՀԱՅՐԵՆԻՔԻ ՓՐԿՈՒԹԵԱՆ ԿՈՄԻՏԵ...»²:

Եթե հիմք ընդունենք Մարտիրոսի վկայությունները, ապա պիտի փաստել, որ խորհրդային իշխանության դեմ ապստամբելու եւ վերստին իշխանությունը նվաճելու գաղափարը Ռուբենը մտահղացել է

¹ Խմբապետ Մարտիրոս Արրահամեան, Եզվ. աշխ., հ. Բ, էջ 27-28:

² Նույն տեղում:

Ձանգեզուրում գտնվելու ժամանակ, որի մասին նա հայտնում է Հայաստանում գտնվող ընկերներին՝ Դրոյին եւ Ս. Վրացյանին: Իսկ ապստամբութեան ղեկավար մարմինը՝ «ՀԱՅՐԵՆԻՔԻ ՓՐԿՈՒԹԵԱՆ ԿՈՄԻՏԷ», առաջինը կոչել է Նժդեհը:

Մարտիրոսը առանց որեւէ դժվարութեան գալիս է Երեւան եւ Ռուբենի գրած նամակները, ապահով հանձնում է Հասցեատերերին՝ Դրոյին եւ Ս. Վրացյանին:

Մի ուշադրով երեւելթ. Ս. Վրացյանը, որն ընդամենը մեկուկես շաբաթ անց պիտի ստանձներ խորհրդային իշխանութեան դեմ բռնկված ապստամբութեան ղեկավար մարմնի՝ Փրկութեան կոմիտեի ղեկը, կարդալով Մարտիրոսի կողմից իրեն հանձնած Ռուբենի նամակը «...խիստ զայրացել ու ասել էր.

- է՛ս ինչ նոր աւանտիւրա է պատրաստուում - նամակն էլ սկզբում անպատասխան թողեց»¹:

Իսկ մի քանի օր անց, երբ բոլշեւիկները Երեւանի բանտում ավելի ու ավելի էին շատացնում ձերբակալվածների թիվը, իսկ Դրոյին ուղարկում «Պատվավոր աքսոր», Հայաստանում ծավալվող իրադարձութունների թելադրանքով «Ընկ. Ս. Վրացեանը, - նշում է Մարտիրոսը, - ոչ միայն ապստամբութիւնը չհամարեց ավանտիւրա, այլ եւ հրահանգեց, խնդրեց շտապեցնել այն եւ առաջին հերթին գրաւել Երեւանն ու ընկերների կեանքը փրկել ահաւոր վտանգից՝ գնդակահարութիւնից»²:

Դրոն, ծանոթանալով խորհրդային իշխանութեան դեմ ապստամբելու Ռուբենի առաջարկութեանը, որոշակիորեն կողմ կամ դեմ չի արտահայտել իր տեսակետը, բայց Մարտիրոսին փոխանցել է հետեւյալ հրահանգը. «Ձպիտի՛ գալիք: Որ եկել ես, առանց իմ գիտութեան եւ հրահանգի ոչինչ չձեռնարկես: Այնպէս կը թագնես, որ ձերոնք էլ տեղդ չիմանան»³:

Դատելով Մարտիրոսին տված նրա հրահանգից՝ կարելի է ենթադրել, որ նա սթափ գնահատելով Հայաստանում տիրող քաղաքական, սոցիալ-տնտեսական իրական կացութիւնը, տվյալ պահին կողմնակից չի եղել ապստամբութեան բարձրացմանը: Մանավանդ, որ արդեն ստորագրվել էր իշխանութիւնը խաղաղ ճանապարհով բոլշեւիկներին հանձնելու դեկտեմբերի 2-ի համաձայնագիրը, իսկ թուրքական զորքերը, որոնց դիմակայող հայ մարտական ուժեր

¹ Նույն տեղում, էջ 35:
² Նույն տեղում:
³ Նույն տեղում:

գրեթէ չկային, ընդամենը մի քանի կիլոմետր հեռավորութեան վրա էին գտնվում Արարարտյան դաշտից ու մայրաքաղաքից:

Հաստատվելով Հայաստանում բոլշեւիկներն ավելի ու ավելի են խստացնում բռնութիւններն ու հարստահարութիւնները:

Շատ շուտով Հայաստանից հեռացնելու հերթը հասնում է նաեւ Դրոյին, որն այդ ժամանակ պաշտոնապես դեռեւս համարվում էր Խորհրդային Հայաստանի բանակի հրամանատարը: 1921 թ. հունվարի 10-ին 11-րդ Կարմիր բանակի հրամանատար Գեկկերի «հրավերով» նա պիտի մեկնէր Բաքու:

Մարտիրոսի գնահատմամբ՝ «Յունւարի սկզբներին պարզեց, որ կոմունիստական շրջանակները Դրոյի ներկայութիւնը Հայաստանում համարում են անհանդուրժելի, նրա ունեցած բարոյական հեղնակութեան համար...»¹:

Մինչ Մոսկվա մեկնելը, բոլշեւիկների կողմից նրան տնային բանտարկութեան ենթարկելու իրողութիւնը ավետող լուրերը տարածվելով՝ հասել էին նույնիսկ Ձանգեզուր: Իրենց հրամանատարի կարգավիճակն ու նրա կյանքին սպառնացող վտանգն անշուշտ չէր կարող չմտահոգել ու անհանգստացնել Ձանգեզուրում գտնվող նրա զինակիցներին:

«Յունւարի 8-ին թէ 9-ին (1921 թ.)-գրում է Մարտիրոսը,- Երեւանից լուր հասաւ, որ Դրոյին բոլշեւիկները տնային բանտարկութեան ենթարկել: Ես սոսկալիօրէն ազդեցի: Անմիջապէս Լեւոնին մի նամակով ուղարկեցի Երեւան՝ նախ ստուգելու թէ ճի՞շտ է ինձ հասած լուրը, երկրորդ՝ ի՞նչ է մտածում ինքը՝ Դրոն:

Նամակովս յայտնում էի.
«Սիրելի Դրո».
Լսեցի որ քեզ տնային բանտարկութեան են ենթարկել: Ես ի վիճակի եմ երկու հարիւր զինւած ձիաւորներով գիշերը մտնել Երեւան եւ քեզ փախցնել: Միայն խնդրում եմ նամակաբերիս միջոցով յայտնես ժամը, տեղը եւ օրը»²:

Որեւէ կասկած չիւնել չէր կարող, որ Դրոյի համաձայնութիւնը ստանալու դեպքում Մարտիրոսն անպայմանորեն կկատարէր իր խոստումն ու 200 զինված ձիավորների գլուխն անցած՝ գիշերով կներխուժէր Երեւան ու մայրաքաղաքից դուրս կբերեր իրենց հրամանատարին: Ձինած հեծելախմբի ներխուժումը Երեւան եւ Դրոյի մանատարին: Ձինած հեծելախմբի ներխուժումը Երեւան եւ Դրոյի հեռանալը կարող էր դիտվել որպէս զինված ելույթ, ապստամբութեան փորձ ընդդէմ խորհրդային իշխանութեան: Համանման ձեռնարկում կարող էր հարմար պատրվակ ծառայել, որպէսզի արյուն

¹ Նույն տեղում, էջ 51
² Նույն տեղում, էջ 50:

հեղելու ցանկությունը տառապող Ավիսն ու Աթարբեկյանը եւ նրանց զինակիցներն առավելագույնս սաստկացնեն բռնություններն ու հալածանքները, ինչը կարող էր հանգեցնել անկանխատեսելի հետեւանքների:

Հայաստանից մեկնելու նախօրեին, Դրոն՝ անտարակույս հաշվի առնելով վերահիշյալ հանգամանքը, Մարտիրոսին գրած հաջորդ նամակում հայտնում է.

«Շատ սիրելի Մարտիրոս.

ժողովրդական ասէկօսէներին մի հաւատայ, ինձ տնային բանտարկութեան չեն ենթարկել: Միայն ես իմ կամքով, ուզում եմ գնալ Մոսկւա, որ համոզեմ, որպեսզի մեր երկիրն ու ժողովուրդը ազատագրեմ այս լակոտ - լուկուտների ահաւոր հալածանքներից:

...Դո՛ւ էլ, սիրելի Մարտիրոս, ինչպէս անցեալում էլ գրել եմ քեզ, ոչինչ չես անի, կը սպասես հրահանգի: Լաւ կը թագնես, որ տեղդ ոչ ոք չիմանայ»¹:

Այս նամակը մեկ անգամ եւս հաստատում է, որ ապստամբություն բարձրացնելու հարցում Դրոն այդ ժամանակ վճռականորեն տրամադրված չէր, քանզի դեռեւս հավատում էր, որ իրեն կհաջողվի բուլշեւիկյան կենտրոնական իշխանութեան անկախութեամբ փոխել Հայաստանում տիրող իրավիճակը:

Իհարկե, Դրոյի ներկայությունը Խորհրդային Հայաստանի հեղկոմի համար ավելի քան անցանկալի էր:

1. Նախ, ինչպես հայտնի է, բուլշեւիկների դավանանքը միահեծան իշխանութեան հաստատումն է, եւ այս առումով նրանց համար միանգամայն ընդունելի ու հանդուրժելի չէր Դրոյի կամ որեւէ մեկ այլ, ոչ բուլշեւիկ անձնավորութեան ներկայությունը հեղկոմի կազմում:

2. Դրոն դեռեւս հեղինակություն եւ ազդեցիկ ուժ էր Հայաստանում, հատկապես զինվորականության շրջանում: Նրա ներկայությունը ոչ միայն կարող էր ստվերել հեղկոմի անդամների, հատկապես արյունարբու Ավիսի եւ իր անպատմելի դաժանութեամբ հայտնի նշանավոր չեկիստ Գեւորգ Աթարբեկյանի հեղինակությունը, այլեւ ինչ-որ տեղ խանգարել կենսագործելու նրանց միահեծան իշխանությունն ու բռնապետական քաղաքականությունը:

Վկայակոչենք հայրենական պատմաբան Վ. Ղազարեցյանի կազմած ու խմբագրած «Հ.Յ. Դաշնակցությունը եւ Խորհրդային իշխանությունը» գրքում տեղ գտած մի քանի ուշագրավ փաստաթղթեր,

որոնք խոսուեն ապացույցներն են Դաշնակցության եւ Դրոյի նկատմամբ հայ բուլշեւիկների դրսեւորած վերաբերմունքի:

1920 թ. դեկտեմբերի 23-ին Ալեքսանդրապոլի գավառի պատասխանատու աշխատողների ընդհանուր ժողովը, քննարկելով Հայաստանում տիրող քաղաքական իրավիճակը, ընդունում է մի բանաձեւ, որում կարեւորելով դաշնակցական հակահեղափոխության դեմ անողոք պայքար մղելու ահրաժեշտությունը, միաժամանակ նշում է. «Ժողովը անհրաժեշտ է համարում նշել այն հանգամանքի մասին, որ մեր իշխանութիւնը մասամբ հենվում է Դրոյի եւ մյուս խմբապետների վրա, եւ որը վարկաբեկում է ինչպես մեր կուսակցությունը, այնպես էլ բանվորա-գյուղացիական իշխանությունը եւ կասկածի վերաբերմունք է ծնում մեր իշխանության նկատմամբ ինչպես բանվորա-գյուղացիական զանգվածների, այնպես էլ թուրքական ասկյարների կողմից, որոնց համակրանքը մեր իշխանության նկատմամբ աճում է օրեցօր»¹:

ՀՀ կենտկոմին հասցեագրած նամակներից մեկում Ռուսաստանում Հայաստանի լիազոր ներկայացուցիչ Սահակ Տեր-Գաբրիելյանը, անդրադառնալով դաշնակցականներին իշխանությունից հեռացնելու անհրաժեշտությանը, գրում է. «Քանի դեռ կոնֆերանսը չի սկսվել (նկատի ունի Թուրքիայի հետ կայանալիք կոնֆերանսը, որը տեղի ունեցավ 1921 թ. փետրվար-մարտ ամիսներին, եւ առանց Հայաստանի ներկայացուցչի մասնակցության ընդունվում է մարտի 16-ի հանրահայտ որոշումը-Հ.Գ.), Ձեզ անհրաժեշտ է մաքրվել դաշնակցական աղտեղությունից, Դրոյից եւ մյուսներից: Բանն այն է, որ Ռուսաստանին ուղղված դիմումներում թուրքերը անվստահություն են հայտնում դեպի հայ կոմունիստները ընդհանրապես, մասնավորապես մատնացույց են անում Դրոյի եւ մյուսների լինելը կառավարության կազմում: Որպեսզի մենք կարողանանք նույն ձեւով հարվածել թուրքերին, ինչպես, օրինակ, թուրքական կառավարության մեջ Նուրի փաշայի (էնվերի խորթ եղբայրն է Նուրի փաշան, որի գլխավորությամբ 1918 թ. թուրքական զորքերը գրավել են Բաքուն եւ մեծապես նպաստել Բաքվի հայության կոտորածին-Հ.Գ.), գնդապետ Ջեյնալովի եւ մյուս ակնհայտ հակահեղափոխական տարրերի առկայությունը, որոնք արդեն բախվել են փոխական տարրերի առկայությունը, որոնք արդեն բախվել են Ադրբեջանում կարմիր զորամասերի հետ, անհրաժեշտ է հրաժարվել Դրոյի եւ մյուսների ծառայությունից, եթե նույնիսկ նրանք ամբողջ անկեղծությամբ աշխատում են մեզ հետ»²:

¹ «Հ.Յ. Դաշնակցությունը եւ Խորհրդային իշխանությունը», Երեւան, 1999, էջ 11:

² Նույն տեղում, էջ 12:

Վերոհիշյալ փաստաթղթերը փաստում են մի ուշադրավ իրողութուն: Եթե հիմք ընդունենք Ալեքսանդրապոլի բոլշևիկյան կազմակերպության ընդհանուր ժողովի ընդունած բանաձևի եւ Սահակ Տեր - Գաբրիելյանի հավաստումները, ապա պարզվում է, որ Հայաստանից Դրոյի հեռացմամբ շահագրգռված էին նաեւ թուրքերը: Անշուշտ, թուրքական կողմին ծանոթ էին նրա զորավարական եւ կազմակերպական բազմաշնորհ կարողություններն ու ինչպես նաեւ Հայաստանում ունեցած նրա անփոփոխ հեղինակությունը: Միանգամայն հնարավոր է, որ Հայաստանից նրան հեռացնելիս բոլշևիկները հաշվի են առել նաեւ թուրքերի պահանջը: Ձի բացառվում, որ Դրոյին Հայաստանից հեռացնելու անհրաժեշտությունն ու ձգտումը թելադրեր հայ բոլշևիկներին, որպես հարմար եւ արդարացուցիչ պատրվակ, հորինել իրենց դաշնակից թուրքերի ներկայացրած մտացածին պահանջները:

Հեղկոմի անդամ, Խորհրդային Հայաստանի զինվորական կոմիսար Ավիս Նուրիջանյանը, որի իրավասությունն էին հանձնված Հայաստանի ներքին կարգուկանոնի հաստատումն ու վերահսկողությունը, Ադրբեջանում ՀԿ(Բ)Կ Կենտկոմի ներկայացուցչի հետ կայացած հեռախոսազրույցում, ներկայացնելով Հայաստանում իրենց ձեռք բերած նվաճումներն ու մասնավորապես Դաշնակցության դեմ ձեռնարկած արդյունավետ պայքարի արդյունքները, միաժամանակ նշում է. «Մենք ձեռնարկում ենք ամենաեռանդուն միջոցները նաեւ այլ կուսակցությունների նկատմամբ, ինչպես մենշևիկները եւ էսեռներն են: Մեզ մոտ, ինչպես եւ ձեզ մոտ, այլ վերաբերմունք լինել չի կարող, քան պայքարը նրանց դեմ: Ռուսաստանից ժամանող շատ ընկերներ զարմանում են այն եռուն աշխատանքից, որ նկատվում է մեզ մոտ: Հայաստանից դուրս կանգնած ընկերներին զարմացնում է մեր բանակում Դրոյի ներկայությունը փաստը...»¹:

Հայաստանից Դրոյի հեռացման հանգամանքին անդրադարձել է նաեւ Հ.Յ.Դաշնակցությունից Հեղկոմի կազմում ընդկրկված Համբարձում Տերտերյանը: Ըստ նրա՝ քանի որ իրեն եւ Դրոյին չէին հրավիրում մասնակցելու Հեղկոմի նիստերին, ուստի ինքը որպես ֆինանսական նախարարության վարիչ, որոշում է անձամբ ներկայանալ Հեղկոմի նախահարգիս Կասյանին՝ խոսելու իր անելիքների, կարգավիճակի մասին ու միժամանակ պարզելու Հեղկոմի ու Դրոյի եւ իր փոխհարաբերությունը:

Հանդիպման ընթացքում ի թիվս քննարկված մի շարք հարցերի՝ Սարգիս Կասյանը հաղորդել է, որ «...Ավիսը չափազանց դժգոհ է եղած Լեզրանից, որ նա խորհրդայնացումը կատարել էր անարիւն եւ Յեղկոմի անունից Դաշնակցութեանը տուել է որոշ աւանաններ, հրաւիրելով մինչեւ իսկ ինձ ու Դրոյին: Պարզուեց, որ կոմունիստ շարժանակները դժգոհ են, որ Յեղկոմի մէջ են մտնում երկու դաշնակցական, մասնաւորաբար դժգոհ են եղած Դրոյի մասնակցութիւնից»¹:

Եթե հիմք ընդունենք վերոհիշյալ նախադրյալները, ապա ամենաստույգ եզրահանգումը պիտի լինի այն, որ Հայաստանից Դրոյի հեռացումը պայմանավորված էր միաժամանակ ե՛ւ Հեղկոմի, ե՛ւ թուրքերի կողմից նրա նկատմամբ դրսեւորած անհանդուրժողական դիրքորոշմամբ ու վերաբերմունքով:

Շատերն էին հասկանում այդ «հրավերի» բուն էությունը եւ փորձում էին նրան համոզել հրաժարվել Բաքու մեկնելուց: Սուրմալուի ճակատամարտում հաղթանակ նվաճած Դրոյի գվարդիայի հիմնական միջուկը դեռեւս պահպանվել էր, եւ նա ցանկացած պահի կարող էր խույս տալ կարմիրների ճանկերից:

Հայաստանի Հանրապետության վերջին անցքերը լուսաբանող վավերագրերից մեկում կարդում ենք. «Հայաստանում աշխատում է 11-րդ ռուսական բանակի արտակարգ կոմիսիան, որը անկախ է իր գործողութիւնների մեջ, կարող է գնդակահարել եւ բանտարկել բոլորին անխտիր եւ ոչ ոք իրաւունք չունէ նրանից բացատրութիւն լորին անխտիր եւ ոչ ոք իրաւունք չունէ նրանից բացատրութիւն պահանջելու: Դրոյին կանչում են Բաքու, որ իբրեւ զօրքի հրամանատար հաշիւ տայ իր բանակի մասին - մեզ հաղորդուեց առ ժամանակ թոյլ չտալ, որ Դրոն գնայ - Դրոյի գնալը կը վերջանայ նրա կեանքի գնով: Այդպէս ենք համոզուած»²:

Առաջնորդվելով այդ մտավախության՝ Հ.Յ.Դաշնակցության Երեւանի պատասխանատու մարմինը փորձում է արգելել նրան չընդունել բոլշևիկների կողմից Բաքու մեկնելու «հրավերը»:

«Պատասխանատու մարմինը, վկայում է Հ. Տեր-Հակոբյանը,՝ դէմ էր Դրոյի մեկնելուն, գտնելով դա չափազանց վնասակար մեր երկրին, մասնավորապէս մեր կուսակցութեանը: Նրա որոշման համաձայն, ես եւ Յ. Բուտաղեանը գնացինք Դրոյի մօտ եւ կուսակցութեան անունից յայտարարեցինք, որ չգնայ, որ նրա գնալուց յետոյ պիտի առանց քաշուելու քայքայեն մեր զօրքը (իսկ նրա ներկայու-

¹ Վրացեան Ա., Կեանքի ուղիներով, «Համբարձում Տերտերեանի յուշերը», հ. 2, Պէյրուք, 1967, էջ 284:

² ՀՀ ԲԿԱ, թ. 121, գ. 97, «Հայաստանի վերջին անցքերը», էջ 10-11:

Թիւնից կվախնային) եւ ապա՝ որ նա, որպէս զինուորական ոյժ, հարկատր է մեր երկրին, ու երրորդ՝ որ նրա գնալուց յետոյ բոլշեւիկները աւելի ազատ կվարեն Դաշնակցութեան հետ: Առաջարկեցինք կամ մնալ Հայաստանում, եթէ դա հնարաւոր է, կամ անցնել Զանգեզուր կամ Թաւրիզ»¹:

Նույն՝ Բաքու գնալու մտադրութիւնից հրաժարվելու պահանջով նրան դիմում են նաեւ Ս. Վրացյանն ու Հ. Տերտերյանը:

«Յուշուարի սկզբներին պարզուց, - վերհիշում է Հ. Տերտերյանը, - որ կոմունիստական շրջանակները Դրոյի ներկայութիւնը համարում են անհանդուրժելի նրա ունեցած բարոյական հեղինակութեան համար հայկական զորամասերում: Նրան անպաշտօն հասկացրել էին, որ պէտք է հեռանա Հայաստանից: Նրա մեկնելուց առաջ ես եւ Վրացյանը եղանք մօտը եւ խորհրդակցեցինք մեր անելիքների մասին: Նախատեսելով ժողովրդական ապստամբութեան անխուսափելիութիւնը՝ մենք նրան խորհուրդ տուինք, որ եթէ հնարաւոր է համարում, չերթայ Ռուսաստան, այլ քաշուիլ Զանգեզուր: Դրօն անընդունելի էր համարում Զանգեզուր քաշուիլը, նախ անպատւաբար էր նկատում իր համար փախուստը, երկրորդ՝ անկեղծօրէն համոզուած էր, որ Մոսկուան համամիտ չէ Յեղկոմի քաղաքականութեան եւ կարծում էր, որ բաւական է ինքը բացատրութիւն տայ Մոսկուայի ղեկավար շրջաններին, իսկոյն կը փոխուի Հայաստանի Յեղկոմի թէ՛ ներքին եւ թէ՛ արտաքին քաղաքականութիւնը»²:

Հ. Տերտերյանի պնդմամբ՝ իրենց ներկայութեամբ Դրոյի սպաներից մի քանիսը դիմել են նրան, խնդրել ու աղաչել են չհեռանա երկրից ու անմիջապէս ապստամբութիւն բարձրացնեն:

Դրօն մերժում է սպաների, այսինքն իր մարտական զինակիցների առաջարկութիւնը, այդ պահին ապստամբութիւն բարձրացնելու վերաբերյալ նրա տեսակետն ու համոզմունքն անբեկանելի էր:

...Դրօն, գրում է Հ. Տերտերյանը, - ապստամբութիւնը համարում է աւանտյուրա, նկատելով, որ Հայաստանը ներկայումս անկախ չի կարող լինել եւ որ հայ ժողովրդի միակ փրկութիւնը Ռուսաստանի հետ կապուած լինելու մէջ է»³:

Կարելի է մեղադրել Դրոյին, որ նա հավատ ընծայելով Ռուսաստանին ու համակերպվելով տիրող իրավիճակին՝ դեմ է եղել ապստամբութիւն բարձրացմանը:

Հարց է ծագում. իսկ ի՞նչ կարող էր շահել հյուսիսից եւ հարավից, այն է՝ Խորհրդային Ռուսաստանի եւ քեմալական Թուրքիայի կողմից հարձակման ենթարկված ու չափազանց ծանրագոյն կացութիւնում գտնվող Հայաստանը, եթե Դրօն համաձայներ ապստամբութիւն բարձրացնել ու երկիրը ներքաշվեր քաղաքացիական կռիվների մեջ: Չէ որ Հայաստանի Հանրապետութիւնը օրեր առաջ էր հեշտագին պարտութիւն կրել Թուրքական զորքերից ու կնքել Թուրքական կողմի պարտադրած Ալեքսանդրապոլի, իսկ դեկտեմբերի 2-ին՝ իշխանութիւնը կամովին բոլշեւիկներին հանձնելու պայմանագրերը:

Պետական գործիչը, որի որոշումն ու գործելակերպը կարող էր պայմանավորել երկրի ճակատագիրը, նման պատասխանատու վճիռ կայացնելիս պիտի համակողմանիորեն ու կշռադատված սթափ գնահատեր երկրում տիրող իրական կացութիւնը եւ չտրվելով ավելորդ արկածախնդրութեանն ու չկշռադատված քայլերի՝ գործեր իրականութեանը համահունչ մարտավարութեամբ:

Ավելորդ բարդութիւնների տեղիք չտալու եւ երկրում տիրող առանց այդ էլ լարված մթնոլորտը ավելի չշիկացնելու նպատակադրութեամբ՝ Դրօն որոշում է ընդունել 11-րդ կարմիր բանակի հրամանատար Գեկկերի «հրավերքը» եւ 12 սպաների ուղեկցութեամբ, որոնց թվում էին վերջին մարտական գործողութիւններում նրա մշտական զինակիցներ՝ գնդապետներ Հասանփաշայանը, Միրիմանյանը, Խուրաբաշայանը, Մամաջանյանը, Թարվերդյանը եւ այլք, մեկնում է Բաքու¹:

Ըստ Մարտիրոսի՝ «Դրօն Երեւանից մեկնել էր 1921 թի Յուշուար 14-ին, իրեն հետ վերցնելով, հաւատարիմ ու գործակից հետեւյալ հայ սպաներին՝ գնդ. Հասան Փաշայեան, գնդ. Խուրաբաշեան, գնդ. Մամաջանեան, գնդ. Թարվերդյան»²:

Դրոյի կողմից իր հետ Բաքու մեկնող սպաների ընտրութիւնը բնավ պատահական չէր: Նա իր հետ Բաքու է տանում, կարելի է ասել, ՀՀ բանակի սպայութեան ընտրանուն, լավագոյններին: Թվարկված զինվորականները նրա ընկերակցութեամբ մասնակցել էին բազմաթիվ հերոսամարտերի եւ կռիվներում դրսեւորած քաջութեամբ ու հայրենիքին մատուցած անգնահատելի ծառայութեամբ արժանիորեն մեծ հեղինակութիւն էին վայելում ժողովրդի ու զինվորականութեան շրջանում:

¹ ԳԳԲԱ, ֆ. Ս. Ա., ք. 2, գ. 5, «Յակոբ Տր Զակոբեանի յուշերը», էջ 9:

² Վրացեան Ս., Կեանքի ուղիներով, «Գ. Տրտերեանի յուշերը», հ. 2., էջ 287

³ Նույն տեղում., էջ 287:

¹ ԳԳԲԱ, ֆ. Ս. Ա., ք. 2, գ. 5, «Յակոբ Տր Զակոբեանի յուշերը», էջ 9:

² Խմբագրւած Մարտիրոս Արքայապետ-Բաշագոնցի, ԳՂ. աշխ., հ. 2, էջ 51:

Տարիներ հետո անդրադառնալով Բաբու մեկնելու իրողության գնահատմանը՝ Դրոն «Արեւելք» հանդեսում Ջարեհ ծածկանունով ստորագրած՝ «Քոլչեւիկներն ինչպէս դրժեցին իրենց խոստումները» խորագիրը կրող հոդվածում անդրադառնալով այդ ժամանակահատվածում Հայաստանում տիրող իրավիճակին, գրում է. «...Հալածանք սկսաւ հայկական բանակի հրամանատարութեան դէմ: Յուճուարին Մոսկուայի կառավարութիւնը պահանջեց Դրոյի հեռացումը Հայաստանէն: Դրոն որոշեց երթալ՝ հակառակ անոր, որ իր ձեռքին տակ գտնուող հայկական բանակի թիւը շատ աւելի մեծ էր, քան եկւոր սովետական բանակը: Կուսակցութեան որոշումով եւ իր համաձայնութեամբ Դրոն բռնեց աքսորի ճամբան: Եթէ այդպէս չընէր, Հայաստանը պիտի իյնար քաղաքացիական սպանիչ կռիւներու գիրկը եւ առանց անոր ալ արիւնաքամ հայութիւնը պիտի ենթարկուէր նոր զրկանքներու»¹:

Հարկ է նշել, որ 1921 թ. փետրվարյան համաժողովրդական ապստամբության հարվածային հիմնական ուժերի զգալի մասը, եթե ոչ ամենահիմնականը, հենց Դրոյի՝ Սուրմալուի ճակատում մարտնչող զորամասի գնդապետ Կուռո Թարխանյանի, Մարտիրոս Աբրահամյանի գլխավորած զորաջոկատներն էին, որոնք իրենց հաղթարշավը սկսելով Կոտայքի տարածքից եւ մասնավորապես Բաշ-Գառնիից՝ առաջինը մուտք գործեցին մայրաքաղաք եւ ճիշտ ժամանակին մտնելով Երեւանի բանտը՝ հասցրին ստույգ մահվանից ազատել բոլշեւիկների կողմից բռնադատված հարյուրավոր մտավորականների, քաղաքական ու գիտնական գործիչների:

Հայրենական պատմաբաններից Ա. Սիմոնյանը իր հեղինակած «Ձանգեզուրի գոյամարտը 1920-1921 թթ.» աշխատությունում, անդրադառնալով Դրոյին Հայաստանից հեռացնելու իրողությանը, գրում է. «Դեռ 1921թ. հունվարի 5-ին Տրոյկին հեռագիր էր ուղարկել Երեւան եւ պահանջել, որ Խորհրդային Հայաստանի կարմիր բանակի հրամանատար Դրոն Բաքվի վրայով մեկնի Մոսկվա: Դա նախագգուշական քայլ էր, որ խորհրդային իշխանություններն անում էին որոշակի նպատակով. Դրոն մեծ հեղինակություն ուներ գիտնականության շրջանում, որը Հայաստանում խորհրդային իշխանության հաստատումից հետո իր հիմնական զանգվածով մնացել էր Երեւանում: Նախկին հայկական բանակի գիտնականությունը չեզոքություն էր հանդես բերել նոր կարգե-

րի նկատմամբ, իսկ շատ սպաներ, համակրելով խորհրդային իշխանությանը, ցանկանում էին ծառայել Հայաստանի կարմիր բանակում: Չնայած դրան՝ Հայաստանի խորհրդային եւ գիտնական մարմինների ոչ քիչ պատասխանատու աշխատողներ (Ավիս, Աթարբեկյան, Այվազյան եւ ուրիշներ) մնում էին այն տեսակետին, որ հին գիտնականությունը նոր իշխանության անուղղելի հակառակորդն է, ուստի պետք է հալածել նրան՝ կանխելու հնարավոր ըմբոստացումը: Այդ ուղղությամբ ձեռնարկած առաջին քայլերից մեկը հենց Դրոյին Երեւանից հեռացնելն էր...»²:

Դրոյին Հայաստանից հեռացնելով, Հայաստանի բոլշեւիկյան իշխանությունները փաստորեն վերացնում էին այն խոչընդոտը, որը կարող էր խանգարել նրանց՝ իրականացնելու հաջորդ քայլը, այն է՝ ձեռքարկել ու բանտերը լցնել պետական, քաղաքական գործիչներին եւ Ռուսաստանի խորքերը աքսորել հայ սպաներին:

Մոսկվա մեկնելու նախօրեին Դրոյին ճանապարհելու, նրան հայրենի հողում վերջին անգամ տեսնելու եւ հրաժեշտ տալու ու անհրաժեշտ հրահանգներ ստանալու նպատակով նրանց տանն էին հավաքվել նրա մտերիմները, մարտական գիտնակիցներն ու բարեկամները, ինչպես նաեւ հեղկոմի անդամները: Ինչպես միշտ, հյուրերին դիմավորելու ու հյուրասիրելու նպատակով նրա տանը պատրաստած սեղանը եղել է ճոխ եւ առատ:

«Դրոն, պատմում է բժիշկ Եր. Խաթանեսյանը, - բոլորին յանձնարարում էր պահել պաղութիւնը, համակերպւել եղելութեան: Իր մտերիմ ընկերներից մէկը՝ Վ.Ն. (նկատի ունի Վահան Նավասարդյանին- Ղ.Գ.) հիացմունքով նկարագրում է Դրոյի հոգեկան բարձր կորովը: Մինչ Դրոյի բարեկամները մտահոգութեամբ եւ չարագուշակ գալիքով տագնապում են, նա լիովին պահում է ոչ միայն իր հաւասարակշռութիւնը, այլեւ եռուն կենսուրախութիւնն ու լաւատեսութիւնը:

...երեք չէր խորտակում պարտութիւնից, որովհետեւ այնքա՛ն հզօր էր իր յղթելու կամքը, որի խոր գիտակցութիւնը ունէր - այնքա՛ն աներբ էր հաւատքը հայ ժողովրդի մեծութեան եւ յաւերժութեան վրայ, որ ոչ մի դժբախտութիւն չէր կարող իր լաւատեսութիւնն ու կենսուրախութիւնը սարսել»²:

Այդ օրը Դրոյի հյուրերի թիւում են եղել նաեւ հեղկոմի անդամները, Չեկայի ծառայողներն ու ռուս սպաները: Հյուրերին պատվելու համար

¹ «Արեւելք», 1948, փետրվարի 18:

¹ Սիմոնյան Ա, Յշվ. աշխ., էջ 386:

² «Ալիք» բացառիկ, 1956:

նրանց տանը ընթրիքի առատ սեղան են բացել: Կերուխումի շիկացած պահին Ասքանազ Մուսվանը կենաց է ասում ի պատիվ Դրոյի եւ նրա մասին որոշ ջերմ, դրվատանքի խոսքեր արտասանելով՝ մի փոքր սպառնալիքով շեշտում է. «Վաղը դու պիտի մեկնես Համաշխարհային մեծ յեղափոխութեան օրրանը: Բարի ճանապարհ եմ մաղթում քեզ, այն երկիրը, ուր ոտք պիտի դնես, մի հրեղէն, բոցավառ գետին է, որ կարող է քեզ այրել եւ մորկել»: Բոլորը լուռ են, լուռ է նաեւ Դրօն, որ անբաժան ժպիտը դէմքին, կարծես ուզում է Հասկացնել, թէ՛ «ըմբռնում եմ թէ ասածիդ իմաստը եւ թէ չասածիդ գաղտնիքը: Հայ ժողովուրդը թէ՛ ինձ է ծնել եւ թէ՛ քեզ: Քո՛ սիրտը թէ՛ օտարի լեզուով է խօսում եւ թէ՛ օտարի բերանով: Իմ սիրտը Հայ ժողովրդի սիրտն է, ուր օտարը չի կարողացել նստել: Դո՛ւ, խղճով վարձկան, ձայնդ բարձր է Հնչում միայն քո ականջին»:

Հասկանո՞ւմ են, կուհո՞ւմ են կոչականները՝ Դրոյի հոգում եռացող մտորումները: Թւում է, թէ՛ այո՛:

Մի քանի րոպէ յետոյ լուռութիւնը խզում է Սաշա Բեկգաղեանը.

–Ուղիղ է Մուսվեանը: Ռուս հողը համակ կրակ է, սակայն մի մոռանաք, որ Դրօն ինքը՝ համակ կրակ է: Կրակը կրակով չի այրւի»¹:

Հաջորդ օրը նա իր մի խումբ զինակիցների հետ Մոսկվա մեկնելու կապակցութեամբ ուղեւորվում է Բաքու:

Հունվարի 14-ին Երեւանում սոսկալի փոթորիկ էր, մայրաքաղաքի ողջ ժողովուրդը հավաքվել էր ճանապարհելու անհայտ ուղղութեամբ գնացող իր պաշտելի գորավարին: Նրան ճանապարհողների մեջ էին նաեւ նրա հրամանատարութեամբ բազում մարտերի մասնակցած զինակիցներն ու զինվորները:

Վերհիշելով հրածելի պահը՝ Մարտիրոսը նշում է. «Յուզիչ, արտակարգօրէն յուզիչ լուռութեան մէջ՝ Երեւանի ամբողջ ժողովուրդը, դուրս թափւած Աստաֆեան պողոտայի վրայ, լուռ հեկեկանքով ու արցունքներով ճանապարհ էր դրել Դրոյին եւ իր հաստարիմ, զինակից սպաներին»²:

Տասնամյակներ անց վերհիշելով եւ արժեւորելով այդ պահը՝ Դրոն «Արեւելք» հանդեսում տպագրված վերահիշյալ հոդվածում գրում է. «Դրոյի հեռացումը ճշող տպաւորութիւն թողուց ժողովրդի վրայ, որուն հակազդեցութիւնը ժողովրդական լուռ ցույցի մը ձեւ առաւ:

Արուսեան փողոցը լեցուած խիտ բազմութիւնը ցաւով ճանապարհ դրաւ Դրօն, որուն հեռացման մէջ Հայ ժողովուրդը կը տեսնէր իր վերջին յոյսերուն անհետացումը»¹:

Կ. Սասունին՝ ներկայացնելով Դրոյի հրածելի պահը, գրում է. «Դրոյի գացած օրը ժողովուրդը խռնուեցաւ անոր դուռն առջեւ: Դրօն խոսեցաւ իր հրածելի ճառը: Ունկնդիրները կուլային:

Դրոյի մեկնումով այդ լուռ միացող հաւաքականութեան յուսներն ալ օդը կը ցնդէին, որովհետեւ հասարակական բոլոր յայտնի դեմքերը կա՛մ բանտն էին, կա՛մ արդեն արտասահման անցեր էին»²:

«Ես, գրում է Ս. Վրացյանը, - չեմ ճանաչում Արամի մահից յետոյ ուրիշ որեւէ մէկը, որ Հայաստանում այդ օրերին աւելի ժողովրդական լինէր, աւելի համակրանք վայելէր, աւելի սիրուէր ժողովրդի բոլոր խաւերի կողմից, քան Դրօն»³:

Հայաստանից Դրոյին հեռացնելուց հետո, Հայաստանը զավթած բոլշեւիկյան իշխանութիւնները շարունակում են ավելի դաժան հալածանքներ ու բռնութիւններ գործադրել քաղաքական, զինվորական եւ կուսակցական գործիչների ու մտավորականների նկատմամբ: Աքսորի դաժան ճանապարհը բռնեցին 1200 զինվորականներ, որոնց թվում էին գեներալներ Նազարբեկյանը, Սիլիկյանը, Հախվերդյանը եւ այլք: Ընդ որում՝ Խորհրդային Հայաստանի Հեղկոմը 1200 զինվորականների կարողացել է ձերբակալել խաբուսթեամբ: Դավադրաբար նրանց հավաքել է հանրապետութեան Խորհրդարանի շենքում, ապա ձերբակալել եւ ոտքով Քանաքեռի ուղղութեամբ քշել Ռուսաստան⁴:

¹ «Արեւելք», 1948, փետրվարի 18:

² Սասունի Կ., Փետրուարեան ապստամբութիւնը, Պէյրուս, 1970, էջ 54-55:

³ Վրացեան Ս., Կեանքի ուղիներով, հ. 7, էջ 199:

⁴ Տես «Չայրեմիք» ամսագիր, 1957, թիւ 9, էջ 17:

¹ Նույն տեղում:

² Խմբագետ Մարտիրոս Աբրահամեան, Ըշվ. աշխ., հ. Բ, էջ 51:

5. 3. ԴՐՈՆ ՄՈՍԿՎԱՅԻՆ, ՆՐԱ ԳՈՐԾՈՒՆԵՆՈՒԹՅՈՒՆԸ
ԶՐԴ ՀԱՄԱՇԽԱՐՀԱՅԻՆ ՊԱՏԵՐԱԶՄՈՒՄ

Բաքվում գտնվելու ընթացքում Դրոն մի շարք հանդիպումներ է ունենում խորհրդային զինվորական եւ քաղաքական գործիչների հետ: Ըստ Ս. Վրացյանի հավաստման, Դրոն, հասնելով Բաքու, համաձայն իրենց պայմանավորվածության, հեռագրաթերի մոտ է կանչել իրեն եւ հայտնել, որ «... հանգիստ եւ ապահով հասել է Բաքու եւ շուտով պիտի մեկնի Մոսկուա: Ինչ որ բաներ ասաց Ձանգեզուրի մասին, ուր Նժդեհը մերժում էր ենթարկուել բուլշևիկներին: Իմաստն այն էր, որ պէտք է ղեկավարութիւններ ստեղծել սովետական իշխանութեան համար»¹:

Բաքվում հանդիպելով եւ բանակցելով խորհրդային պատասխանատու գործիչների հետ, Դրոն, ամենայն հավանականութեամբ հիմք ունենալով նրանցից ստացած խոստումներն ու երաշխիքները, Գրիգոր Վարդանյանի նախագահութեամբ Գորիս մեկնող խորհրդային պատվիրակության միջոցով երկու նամակ է ուղարկում հասցեագրած Գարեգին Նժդեհին եւ Ձանգեզուրի գյուղացիության կոմիտեին: Երկու նամակներն էլ, բնականաբար, պիտի վերաբերվեին Ձանգեզուրին: Ծիշտ է, քաջարի զանգեզուրցիները Գարեգին Նժդեհի ընդհանուր հրամանատարութեամբ տոնել էին մի շարք փայլուն հաղթանակներ ու հռչակել էին Սյունյաց աշխարհի անկախութիւնը՝ Ինքնավար Սյունիքը, բայց միանգամայն պարզ էր ու որեւէ գաղտնիք լինել չէր կարող, որ Խորհրդային Ռուսաստանը երբեք չէր կարող համակերպվել նման իրավիճակին, եւ վաղ թե ուշ կարմիր բանակի մեծաքանակ մարտական ուժերը կենտրոնացնելով, կրկին անգամ հարձակումներ կձեռնարկէր Ձանգեզուրի վրա:

Հարց է ծագում, կարո՞ղ էր արդյոք Ձանգեզուրը միայնակ, թեկուզեւ գերմարդկային դիմադրողականութիւն, համառութիւն եւ կարողութիւն դրսեւորեր ու երկարատեւ դիմադրութիւն ցույց տար խորհրդային զորքերի հարձակումներին, մանավանդ այնպիսի ժամանակահատվածում, երբ Ս. Վրացյանի պատկերավոր արտահայտութեամբ՝ Հայաստանի Հանրապետութիւնը հայտնելով «բուլշևիկայան մուրճի եւ թուրքական սալի միջեւ», խիստ կարիք ուներ օգնութեան եւ աջակցութեան: Իսկ

դա նշանակում էր, որ Ձանգեզուրը լիովին զրկված էր թիկունքից եւ որեւէ օգնութիւն ստանալու հնարավորութիւնից:

Որեւէ կասկած լինել չի կարող, որ Ձանգեզուրի ճակատագիրը չէր կարող խորապես չհուզել ու չմտահոգել Դրոյին, որի հրամանատարութեամբ էր գավառը վերջնականապես «մաքրվել» թուրք բնակչութիւնից: Կարելի է վստահորեն պնդել, որ միայն Ձանգեզուրի նկատմամբ ունեցած մտահոգութիւնն ու տագնապը կարող էին նրան մղել որոշակի առաջարկութիւններ պարունակող նամակներ հասցեագրել Նժդեհին եւ Ձանգեզուրի գյուղացիութեան կոմիտեին:

Նժդեհին գրած նամակում Դրոն արել էր հետեւյալ առաջարկութիւնները.¹ «Սյունիքը հայտարարել խորհրդային: 2. Դադարեցնել ապստամբական կռիւները Արցախում: 3. Ընդունել 11-րդ բանակի հրամանատարութեան ներկայացուցիչներին, եթե դա ցանկանում է Նժդեհը»¹:

Այս նամակը ավելի շատ խորհրդատվական բնույթ ունի, քան չի հարցի լուծման իրավունքը, այնուամենայնիվ, ընձեռվում է Նժդեհին, որը եթե նույնիսկ համաձայնվեր ընդունել 11-րդ բանակի հրամանատարութեանը, ապա անպայմանորեն նրանց կներկայացնէր Ձանգեզուրի շահերին համահունչ պայմաններ:

Կարելի է ասել, որ նույն մտահոգութեամբ ու առաջարկութեամբ է հագեցած նաեւ նրա մյուս նամակը՝ հասցեագրած Ձանգեզուրի գյուղացիութեան կոմիտեին:

«Ձանգեզուրի գիւղացիական կոմիտէին՝ պատճէնը՝ Նժդեհին Հայրենակիցներ, երկու տարի ու կէսուայ դառը փորձերը համոզեցուցիչ էին, որ իզուր էր հայ ժողովուրդը յոյսերը դրել Եւրոպայի վրայ, որն ամենակրիտիկական մոմենտում նամարդի նման թողեց ամբողջ ժողովուրդը թշնամու գրկում, որովհետեւ իր շահերը այդ էին պահանջում...»

Ներկայումս Մոսկուայում հաւաքում է կոնֆերենցիա, որտեղ պէտք է լուծի Հայաստանի սահմանների խնդիրը Ռուսաստանի, Տաճկաստանի եւ Հայաստանի մասնակցութեամբ:

1-ին. Ձանգեզուրի չճանաչելը Խորհրդային Հայաստանը խանգարելու է մեզ լուծել Նախիջևանի, Շարուրի եւ Արցախի խնդիրները:

2-րդ. Պատճառ է դառնում Ձանգեզուրի այդ բռնած դիրքը եւ գործիք է տալիս տաճիկների ձեռքը չհեռացնել իրենց զորքերը

¹ Վրացեան Ա., Մորկածից Դրոն, էջ 142:

¹ Տե՛ս Սիմոնյան Ա., Ձանգեզուրի գոյամարտը 1920-1921 թթ., էջ 88:

մեր երկրից, պատճառաբանելով թէ Հայաստանի խորհրդային իշխանութիւնը կեղծ է, որ մօտիկ ապագայում Հայաստանը նորից կրլինի գործիք իմպերիալիզմի ձեռքը:

3-րդ. Քանի Չանգեզուրը չի ճանաչել խորհրդային իշխանութիւնը, դեռ պիտի կասկածով վերաբերուեն Հայաստանին, չի սկսուիլ խաղաղ եւ շինարար աշխատանք մեր արիւնքամ եղած երկրում:

4-րդ. Դժար է խոստովանել եւ հաշտել այն մտքի հետ, որ կատարւած է մի շարք քաղաքական սխալներ, բայց դժբախտաբար դա դառն իրողութիւն է:

Ուստի դիմելով ձեզ ուզում եմ հաւատալ, որ Չանգեզուրը եւ նրա ղեկավարները վերջ կըտան իրենց բռնած քաղաքականութեանը եւ կը միանան իրենց մայր երկրին՝ Հայաստանին: Մոսկւայի տաճիկների հետ բանակցութիւնը կը գայ ապացուցանելու, որ Սովետական Ռուսաստանը պաշտպանելու է հայ աշխատաւորութեան շահերը:

Ա. Ուստի ձեզ պէտք է անմիջապէս յայտարարել խորհրդային եւ միանալ խորհրդային Հայաստանի հետ:

Բ. Եթէ որեւիցէ բան ունիք պարզաբանելու, առանց ուշացնելու պետք է ներկայացուցիչներ ուղարկէք Յեղկոմ՝ ԺԱ-րդ բանակի եւ Հայաստանի կառավարութեան մօտ:

Բազու, 21 Յունուար, 1921 Դրօ»¹:

Եթե փորձենք ըստ ամենայնի արժեւորել ու մատնանշել համանման առաջարկութիւններով եւ բովանդակութեամբ հագեցած վերոհիշյալ նամակներ գրելու ելակետերը, ապա պիտի առանձնացնել հետեւյալ գործոնները. 1. Նախ եւ առաջ Հայաստանի եւ հայութեան իրական կացութիւնը: 2. Դաշնակից տերութիւնների կողմից ամենաճակատագրական պահին Հայաստանին որեւէ օգնութիւն չցուցաբերելու եւ լքելու իրողութիւնը: 3. Հայաստանի տարածքում քեմալական թուրքիայի գործերի ներկայութիւնը:

4. Հայաստանի տարածքների նկատմամբ հարեւան երկրների՝ Վրաստանի եւ այժմ արդեն խորհրդային Ադրբեջանի գավթողական նկրտումները: 5. Ռուսաստանի նկատմամբ տաճած հավատը, թեկուզ ոչ այնքան հիմնավոր ու պատճառաբանված:

Չանգեզուրի գլուղացիական կոմիտեին գրած վերոհիշյալ նամակում Դրոն այդ առնչութեամբ նշում է. «Վերջին ըրպէին պետութեան գլուխ անցած դաշնակցական կուսակցութեան պատասխանատու ընկերները նոյեմբերի 26-ի ժողովում խոշոր մեծամասնութեամբ որոշեցին ընդունել Ռուսաստանի օրիէնտացիան:

Հայաստանը յայտարարեց խորհրդային, հիմնւած այն համոզմունքի վրայ, որ միակ յեղափոխական Ռուսաստանը կը գայ անկեղծ կերպով պաշտպանելու հայ աշխատաւորութեան շահերը եւ յետ կը շարտի մեր հայրենիքից քեմալական դժոխային ծրագիրներ կազմող բանակը»¹:

Չանգեզուրցիները հերոսական պայքարով արդեն ապացուցել էին ազատութեան համար մարտնչելու իրենց անկոտրում կամքն ու վճռականութիւնը եւ այդ պայքարը, կարելի է ասել, ի դեմս «Ինքնավար Սյունիքի» հռչակման, տվել էր իր դրական արդյունքը:

Հարց է ծագում. մի՞թե ավելի ճիշտ ու օգտակար չէր հետեւել Դրոյի «...պէտք է անմիջապէս յայտարարել խորհրդային եւ միանալ խորհրդային Հայաստանի հետ» խորհրդին, դադարեցնել մարտական գործողութիւններն ու դրանով խուսափել անհարկի կորուստներից եւ արյունահեղութիւնից: Այս առումով ուշագրավ է խորհրդային 11-րդ բանակի հրամանատար Հեկկերի եւ Ադրբեջանում խորհրդային Հայաստանի Հեղկոմի ներկայացուցիչ Գեւորգ Աթարբեկյանի կողմից Չանգեզուր գործուղված իրենց ներկայացուցիչներին տրված հետեւյալ հանձնարարականը.

«Ա. Դրոյի նամակները տանել ու հանձնել Նժդեհին և Չանգեզուրի գլուղացիական խորհրդին:

Բ. Բանակցել Գարեգին Նժդեհի հետ և նրան առաջարկել, որ Չանգեզուրը հայտարարի խորհրդային իշխանութիւն՝ միացած խորհրդային Հայաստանին:

Գ. Անհամաձայնութեան դեպքում աշխատել, որ Նժդեհն իր կողմից մարդիկ ուղարկի Շուշի կամ Բաքու բանակցութիւնները շարունակելու համար:

Դ. Համաձայնութեան դեպքում խոստանալ ամենալայն ամնիստիա իրեն՝ Նժդեհին և թե բոլոր յուրայիններին»²:

¹ Նույն տեղում:

² Սիմոնյան Ա., նշվ. աշխ., էջ 389:

Այս օրերին համանման բովանդակությամբ խորհրդային գերագույն հրամանատարութեան կողմից ինքնավար Սյունիքի կառավարութեանն է դիմել Շուշիի զինվորական կոմիսար Ա. Պոտեչին, քաղաքի կայազորի պետ Վայցեխովսկին, իսկ առանձին գրութեամբ Արցախում գտնվող խորհրդային զորամասի հրամանատար Սեմենովը¹:

«Հետեւելով իմ դաւանած գաղափարներուն,-կը գրէր, հրամանատար Սեմենով յունուար 22-ին, ես կառաջարկեմ ձեզ դադարացնել ամէն տեսակ ռազմական գործողութիւններ, կապ հաստատել մեզ հետ եւ փոխադարձաբար գտնել ընդհանուր լեզու:

Ես համոզուած եմ, որ մեր բարի դրացիական յարաբերութիւնները կամրապնդուին, ու կը դադրի ոչնչացումը անոնց, որ կը փափազին դիմել իրենց ապագայ խաղաղ ու շինարարն կեանքին»²:

Ինչպես հայտնի է, Նժդեհը, հետեւաբար նաեւ նրա գլխավորած Ինքնավար Սյունիքի կառավարութիւնը, չեն ընդունում խորհրդային իշխանութեան կողմից իրենց արված առաջարկութիւնը, եւ կռիվները Չանգեզուրում շարունակվում են:

Բաքվից 10 սպաների ուղեկցութեամբ Դրոյին «պատվավոր» աքսորի են ուղարկում Մոսկվա, Խորհրդային Ռուսաստանի ԲԳԿԲ-ի ռազմա-հեղափոխական կոմիտեի տրամադրութեան տակ: Մոսկվայում նրանց ծախսերի համար հատկացրել են դրամական աջակցութիւն ու տեղավորել ժամանակավորապես բնակվելու ՌևՅՍՂ արտաքին գործոց ժողկոմատի թիւ 2 հյուրանոցում³:

Հայտնի է, որ նույնիսկ այդ դժնդակ ժամանակահատվածում Հ.Յ. Դաշնակցութեան կառույցները գործել են ոչ միայն Կովկասում, այլեւ Ռուսաստանի մի շարք շրջաններում:

Դրոյի Մոսկվա մեկնելը համապատասխան աղբյուրների կողմից հայտնի էր դարձել նաեւ Ռուսաստանի Հ.Յ. Դաշնակցութեան կառույցներին եւ հայ բնակչութեանը: Բժ. Երվանդ Խաթանեսյանի հավաստմամբ, Բաքվից Մոսկվա ուղեւորվելու ճանապարհին «Բոլոր գլխաւոր կայարաններում, ուր Դրոյի գնացքը կանգ էր առնում, տեղացի հայութիւնը հոծ ու խուռն բազմութեամբ խուժում էր կառաչարը, դիմաւորելու մեծանուն հերոսին: Ականա-

տեսները վկայում են, որ ցուցաբերած հիւրընկալութիւնը, ընծայած մեծարանքը եւ հրճվանքի բացականչութիւնները կատարեցին այնպիսի ջերմութեամբ, անկեղծութեամբ դիմաւորողների կողմից, որ Դրոյի աքսորը ստացաւ շքեղ ու հանդիսաւոր երթի բնոյթ ու կերպարանք»⁴:

Երվանդ Խաթանեսյանի տեղեկացմամբ՝ նույնիսկ վրաց բուշեւիկները, որոնք քաջատեղյակ էին, որ հայ-վրացական պատերազմի ժամանակ Դրոյի գլխավորած զորքերն էին վրացական բանակին հուժկու հարվածներ հասցնողը՝ սիրալիր վերաբերմունք են դրսեւորել նրա նկատմամբ, քանզի «...չէին մոռացել, որ Դրոն այն անվրէպ բազուկն էր, որ վրացիների վրէժը լուծեց: Ալիխանովը (նկատի ունի գեներալ Ալիխանով Ավարսկուն, որին Նիկոլ Դումանի հանձնարարութեամբ ահաբեկել են Դրոն եւ Մարտիրոս Չարուխչյանը-Հ. Գ.)՝ Վրաստանի գիւղացիութիւնը կեղեքող եւ զուլումի ենթարկող ճիւղն էր, որի դէմ անէժք եւ լուտանք էին տեղացնում վրացիք, սակայն որին անզոր էին արժանի պատիժ տալու: Դրոյի ձեռքով կատարած ահաբեկումը երախտիքով, գոհունակութեամբ եւ շնորհապարտութեան զգացումով լցրին վրացիների հոգին»⁵:

Թեպետ նա խորհրդային իշխանութեան վերին մարմիններում ունեցել է իրեն հարգանքով վերաբերվող բարձրաստիճան պաշտոնյաներ, այնուամենայնիվ, Մոսկվայում նա գտնվել է հատուկ ծառայութիւնների հսկողութեան տակ:

«Արեւելք» հանդեսում տպագրված նույն հոդվածում անդրադառնալով Մոսկվայում իրեն արժանացրած վերաբերմունքին՝ նա նշում է. «Դրոն Մոսկուայի մէջ արգելափակուեցաւ, իրաւունք չունենալով առանց կառավարութեան գիտութեան 60 քիլոմէթրէն անդին երթալ եւ 84 ժամէն աւելի բացակայիլ»⁶:

Նա դեռ նոր էր հաստատվել Մոսկվայում, երբ Հայաստանում բռնկվում է Փետրվարյան ապստամբութիւնը: Ինչպիսի՞ն էր նրա վերաբերմունքը Փետրվարյան ապստամբութեան նկատմամբ, դժվար է միանշանակ պատասխան տալ: Չկա որեւէ լուրջ փաստաթուղթ, վկայութիւն կամ հուշագրութիւն, որը մատ-

¹ Տե՛ս Գեորգեան Վ., Եզվ. աշխ., էջ 131:

² Նույն տեղում:

³ Տե՛ս ՅԱԱ, ֆ. 114, ց. 1, գ. 85, ք. 1-2:

⁴ «Ալիք», բացառիկ, 1956, էջ 21:

⁵ «Ալիք», բացառիկ, 1956, էջ 21-22:

⁶ «Արեւելք», 1948, փետրուար 18:

նանչի նրա դրական կամ բացասական վերաբերմունքը: Միայն Ս. Վրացյանն է նշում, որ Դրոն հետագայում իրեն պատմել է, որ Մոսկվայում ինքը Սահակ Տէր-Գաբրիելյանի եւ ուրիշների միջոցով մշտապես ստույգ տեղեկություններ էր ստանում Հայաստանում տիրող իրավիճակի մասին: Փետրվարյան ապստամբությունը երկակի զգացում է պատճառել նրան. ե՛լ ոգևորիչ, ե՛լ սարսափեցնող: Նա վախենում էր, որ ցավագար Ավիսն ու Աթարբեկյանը դաժան հաշվեհարդար կտեսնեն ժողովրդի հետ եւ արյան մեղ կխեղդեն Հայաստանը»¹:

Շատ շատերին է զարմացրել ապստամբության առաջնորդների շարքում նրան չտեսնելն ու Հայաստանից նրա առեղծվածային բացակայությունը: Անգամ ՀՀ առաջին վարչապետ Հովհ. Քաջազնունին, նույնպես կարծելով, որ նա Հայաստանում է, ապստամբության ծավալման օրերին զարմանքով հարցրել է. «Իսկ ո՞ւր է Դրոն: Ձէ՞ որ այդ օրերին նա կարող էր հրաշքներ գործել»:

Իսկ ՀՀ վերջին վարչապետ Ս. Վրացյանը համոզված պնդում է. «Փետրուարեան ապստամբությունը պէտք է Դրոն գլխաւորէր: Այդ նրան էր յարմար»²:

Հարց է ծագում, ինչպիսի՞ ընթացք ու զարգացում կունենար Փետրվարյան ապստամբությունը եւ ինչպիսի՞ կացությունում կհայտնվեր Հայաստանը, եթե Դրոն լիներ Հայաստանում եւ դեկավարներ համաժողովրդական պայքարն ու Հայրենիքի Փրկության Կոմիտեի մարտական ուժերը:

Ինչ խոսք, եթե Դրոն ապստամբության օրերին լիներ Հայաստանում, ապա անտարակույս, չէր կարող դեպքերի պատիվ ականատեսը լինել ու անտարակույս կմասնակցեր ապստամբությանը:

Եթե անաչառ գնահատենք պատմական այդ ժամանակահատվածը իր յուրահատկությամբ ու Հայաստանի ու հայության իրական կացությունն անկողմնակալ գնահատմամբ, ապա պիտի հաստատապես պնդել, որ ինչպիսին էլ լիներ անպարտելի զորավարի դիրքորոշումը, եթե անգամ ճակատագրի բերմամբ Դրոն լիներ Հայաստանում եւ գլխավորեր Փետրվարյան ապստամբությունն ու Հովհ. Քաջազնունու արտահայտությամբ՝ հրաշքներ գործեր, ապա միեւնույն է, Փետրվարյան ապստամբությունը իր

¹ Վրացեան Ս., Մրկածին Դրոն, էջ 128:

² Նույն տեղում, էջ 145:

ունեցած որոշակի դրական նշանակությամբ հանդերձ, միանշանակորեն դատապարտված էր:

Մարտիրոս Աբրահամյանի վկայությամբ՝ Փետրվարյան ապստամբությունը գործուն մասնակցություն է ունեցել Դրոյի հայրը՝ Մարտիրոս Կանայանը (Կակո): Մարտի 19-23-ին Հայրենիքի Փրկության Կոմիտեի զորքերը Ղամարլուի ճակատում Մարտիրոսի հրամանատարությամբ փորձում են գրավել Վեդին, բայց ձեռնարկած հարձակումներն անցնում են ապարդյուն: Վեդիի գրավումը չափազանց կարեւոր էր: Անհրաժեշտ էր վնասագրծել այդ տարածքում կենտրոնացած հակառակորդի խմբավորումն ու ճանապարհ հարթել՝ միանալու Յապոնի գլխավորած Դարալագյազի մարտական ուժերին:

Հարձակումը հաջողությամբ զարգացնելու համար հարկավոր էին լրացուցիչ մարտական ուժեր: Ինչքան էլ տարօրինակ հնչի, ապստամբությանը մինչ այդ իրենց մասնակցությունը չէին բերել Սուրմալուի մարտական ուժերը, որոնք հայտնի էին իրենց կազմակերպվածությամբ ու բազմաթիվ կռիվներում դրսևւորած քաջագործությամբ: Որպեսզի սուրմալեցիներին մասնակից դարձնի համաժողովրդական պայքարին՝ Մարտիրոսը նամակով դիմում է Դրոյի հորը՝ Կակոյին ու եղբորը՝ Ջավենին:

«Սիրելի Կակո եւ Ջաւէն, -գրում է Մարտիրոսը,-այսօր թէեւ հայ ժողովրդի ապստամբութեան ղեկավարը Դրօն չէ, իր բացակայութեան մեղքը սակայն ոչ ինձ եւ ոչ էլ մեր արի հայ մարդոց վրայ է ընկնում: Այդ մեղքը թշնամուն է...»

...Մենք հիմա դուրս ենք եկել այդ թշնամուց՝ նաեւ Դրոյի վրէժը լուծելու համար:

Լա՞ւ է, որ սրբազան վրիժառուութեան պայքարին մի հատ սուրմալուեցի չմասնակցի:

...Կակո ջան, խնդրում եմ քեզ մօտ կանչես Արդաշէս Պահլավունուն (Փրկության կոմիտեի ներակայացուցիչն էր Սուրմալուում, որին մինչ այդ չէր հաջողվում կազմակերպել ու ճակատ ուղարկել այդ շրջանի մարտական ուժերը-Հ.Գ.), Յակոբին ու Ջաւէնին եւ քո հրամանով ու նրանց օգնութեամբ սուրմալուեցիներից մի զօրամաս կազմես եւ ուղարկես ճակատ...»¹:

Դրոյի հայրը՝ ստանալով Մարտիրոսի նամակը, ընդամենը երկու օրում սուրմալուեցի մարտիկներից կազմավորում է մի գուժարտակ եւ ուղարկում է մարտադաշտ: Փրկության Կոմիտեի զոր-

¹ Խմբագրւած Մարտիրոս Աբրահամեան, Ընդ. աշխ., հ. Բ, էջ 254:

քերի հրամանատար, գնդապետ Կուռո Թարխանյանն այդ գումարտակը փոխանակ ուղարկելու Մարտիրոսի տնօրինությունը, ուղարկում է Ախտայի ճակատը, ուր այդ ժամանակ խորհրդային զորքերի հարձակման հետեւանքով ստեղծվել էր չափազանց դժվարին իրավիճակ:

Որպեսզի սպարապետ Կուռո Թարխանյանի այդ որոշումը տեղի չտար ավելորդ ու անցանկալի դժգոհությունների՝ Դրոյի հայրը՝ Կակոն, Մարտիրոսին է ուղարկում խրատական բովանդակությամբ հետեւյալ նամակը.

«...Կարծում եմ, որ քեզ համար էլ տարբերություն չունի:

Ախտա կամ քեզ մօտ, չէ՞ որ նա էլ քո թիկունքն է:

Մարտիրոս ջան, ես քեզ Դրոյից չեմ ջոկել, չպէտք էլ ջոկեմ: Ես սրանից յետոյ պատահած սուրամալուեցիներին կուղարկեմ քեզ մօտ: Մի քիչ տարիքս ներէր, ես էլ քեզ մօտ կը լինէի: Եթէ կարող եմ օգտակար լինել, գրի՛ր. ես պատրաստ եմ գալ քեզ մօտ:

Լսիր, քո փորձած ծերունի Կակոյին:

Անխնայ եղիր մեր ընդհանուր, այդ թշնամու նկատմամբ, չինայես ո՛չ մէկին: Դրանք, մեր ժողովրդի ու մեր հայրենիքի չարիքներն են. նրանք ուզում են ոչնչացնել մեր սրբությունները, որոնք ժառանգություն են մնացել մեզ, մեր պապերից:

...Նորից կրկնում եմ, եթէ օգտակար կարող եմ լինել քեզ, պատրաստ եմ գալու»¹:

Մոսկվայում Խորհրդային Հայաստանի լիազոր ներկայացուցիչ Սահակ Տեր-Գաբրիելյանի եւ նրա տեղակալ Բ. Բորյանի կողմից նրան տրված վկայականները հավաստում են, որ նա Մոսկվայում գտնվել է հենց Խորհրդային Հայաստանի ներկայացուցչության վերահսկողության ներքո.

«Վկայական

Սույն ներկայացնողը, Հայաստանի Սով. Սոց. Հանրապետության բանակի նախկին հրամանատար ընկ. Կանայան Դրաստամատր իրոք գտնվում է լիազոր ներկայացուցչության տրամադրության տակ:

Հաստատվում է ստորագրությամբ եւ կնիքով:

Հայաստանի ՍՍՌ-ի լիազոր ներկայացուցչի տեղակալ Բորյան:

Քարտուղար

26-ը փետրվարի 1923 թ. »¹:

Մեկ այլ վկայականում հաստատելով նույն իրողությունը՝ նշվում է նաեւ նրա ապրուստի միջոցը.

«Վկայական հունիսի 3

Սույնով հաստատվում է, որ քաղ. Դրաստամատ Կանայանը գտնվում է Մոսկվայում Հայաստանի լիազոր ներկայացուցչի տրամադրության տակ եւ ապրելու համար միջոցներ է ստանում Հայաստանի իր հարազատներից յուրաքանչյուր ամիս 10 (տասը) չերվոնեց:

Տրվում է ներկայացնելու Տունկոմ (տնային կոմիտե):

ՌՍՖՍՌ-ում Հայաստանի լիազոր ներկայացուցիչ՝

Տեր-Գաբրիելյան

քարտուղար՝ Պոպովա»²:

Մոսկվայում Դրոն ապրել է ոչ թե միայնակ, այլ իր կնոջ՝ Արփենիկի եւ զավակների հետ միասին:

Խորհրդային Հայաստանի լիազոր ներկայացուցչության կողմից նույն օրը՝ հունիսի 3-ին, նրան տված մեկ այլ վկայական հաստատում է այդ փաստը.

«Տրվում է քաղ. Արփենիկ Կանայանին, առ այն, որ նա իրոք համարվում է Հայաստանի ՍՍՌ-ի բանակի նախկին հրամանատար ընկ. Դրաստամատ Կանայանի կինը եւ ապրում է ամուսնու խնամակալության տակ, որը յուրաքանչյուր ամիս հարազատներից ստանում է 10 (տասը) չերվոնեց:

ՌՍՖՍՌ-ում Հայաստանի ՍՍՌ-ի լիազոր ներկայացուցիչ

Տեր-Գաբրիելյան

քարտուղար՝ Պոպովա»³:

Դրոյի մասին պատմող սկզբնաղբյուրները վկայում են, որ գտնվելով խորհրդային հատուկ ծառայությունների հսկողության ներքո՝ նա, այնուամենայնիվ, ժամանակն իզուր չի վատնել: Իր գինվորական կրթությունն ու գիտելիքները հարստացնելու նպատակով նա հաճախում է ռազմագիտական եւ քաղաքական գիտելիքների ուսուցման դասընթացներ, ուր ուսումնասիրում է հեղափոխությունների, մասնավորապես Ռուսաստանում 1917- 1920

¹ ՀԱԱ, ֆ. 48, ց. 1, գ. 528, ք. 170:

² Նույն տեղում, ք. 275:

³ Նույն տեղում, ք. 274:

թթ. տեղի ունեցած քաղաքացիական կռիվների պատմությունը եւ առավել մանրակրկիտ՝ նույն քաղաքացիական կռիվներում կարմիր բանակի զորահրամանատարների կենսագործած ռազմավարությունն ու մարտավարության ձեւերը եւ եղանակները¹:

Տիգրան Դեւոյանի հավաստմամբ՝ Դրոն Մոսկվայում ապրում է ընդամենը երկու տարի եւ այդ ընթացքում օգտագործելով խորհրդային մի շարք պաշտոնյաների հետ ձեռք բերած կապերը, կարողանում է զգալի աջակցություն ցույց տալ Ռուսաստանում աքսորված հայ սպաներին²:

Նրա գործունեությունն այդ շրջանին վերաբերող փաստաթղթերը վկայում են, որ նա գործի բերումով իր ժամանակը անցկացրել է ոչ միայն Մոսկվայում, այլեւ Պետրոգրադում.

«Վկայական

Տրվում է ներկայացուցչության տակ գտնվող Հայաստանի Հանր. բանակի նախկին հրամանատար ընկ. Կանայանին Դրաստամատ, որ նա իրոք գործուղվում է Պետրոգրադ, որը եւ վավերացվում է ստորագրությամբ եւ կնիքով:

ՌՍՖՍՌ-ում Հայաստանի լիազոր
ներկայացուցչի տեղակալ Բորյան
քարտուղար Պոպովա
փետրվար 3»³:

Մոսկվայում անցկացրած տարիներին նրա կյանքում տեղի ունեցած ուշադրավ իրադարձություններից առավել արժանահիշատակելի է Ջեմալ փաշայի ահաբեկչության հետ կապված միջադեպը:

1922 թ. հուլիսի 21-ին Թիֆլիսում, Պետրա Վելիկի (Պետրոս Մեծ) փողոցում հայ վրիժառուների՝ Արտաշես Գեւորգյանի եւ Պետրոս Տեր-Պողոսյանի կողմից ահեղ ու արժանի դատաստանի է արժանանում հայոց ցեղասպանության գլխավոր մեղսագործներից մեկը՝ Ջեմալ փաշան: Ահաբեկիչներին հաջողվում է անվտանգ հեռանալ դեպքի վայրից ու խուսափել ոստիկանության հետապնդումներից⁴:

Երիտթուրքերի եռապետության (Թալիաթ, Էնվեր, Ջեմալ) անդամի սպանությունը մեծ արձագանք է գտնում: Անդրկովկասյան խորհրդային իշխանության հատուկ ծառայությունները սպանությանը մասնակից լինելու պատրվակով ձերբակալում եւ բանտերն են նետում 200-ից ավելի հայերի: Ջեմալ փաշայի սպանության առեղծվածը այնքան է հետաքրքրում խորհրդային իշխանություններին, որ արժանանում է նույնիսկ ՌԿ(բ)Կ կենտկոմի քաղբյուրոյի հատուկ քննարկմանը: Որպեսզի պարզեին, թե իրականում ովքեր էին Ջեմալ փաշայի սպանության իրական կազմակերպիչները, Ստալինն ու Ջերժինսկին դիմում են նրա օգնությանը:

«Մի օր Ստալինը եւ Ջերժինսկին՝ Չեկայի ընդհանուր պետը, տեսակցութեան են հրավիրում Դրոյին: Սրտողած եւ մեղադրանքի տեղատարափով, նրանք յայտնում են Դրոյին, թէ Դաշնակցութիւնը, անգլիական իմպերիալիստների փողով վարձել է երկու ռուսների, որոնք սպանել են Ջեմալ փաշային Թիֆլիսում՝ Չեկայի պաշտօնատան առջեւ...»¹:

Ջեմալի սպանության առեղծվածն ու մանրամասները պարզելու առաքելությամբ Դրոն Ստալինի եւ Ջերժինսկու համաձայնությամբ մեկնում է Թիֆլիս:

Մոսկվայում Խորհրդային Հայաստանի լիազոր ներկայացուցչության կողմից նրան հասցեագրած փաստաթղթերից պարզվում է, որ Վրաստանի մայրաքաղաքում Ջեմալ փաշայի սպանության կապակցությամբ Դրոյին Թիֆլիս գործուղելը կատարվել է նաեւ Օրջոնիկիձեի առաջարկությամբ եւ Սահակ Տեր-Գաբրիելյանի խնդրանքով.

«Ընկ. Դրաստամատ Կանայանին

Սույնը ստանալուն պես խնդրում եմ անհապաղ մեկնել Թիֆլիս ՊՎՍՕԿԱ (Կովկասյան բանակի ռազմա-հեղափոխական խորհուրդ-Հ. Գ.) անդամ Օրջոնիկիձեի տրամադրության տակ՝ համաձայն նրա հեռազրային առաջարկի:

ՌՍՖՍՌ-ում Հայաստանի լիազոր ներկայացուցիչ Տեր-Գաբրիելյան

քարտուղար Պոպովա»²:

¹ Տե՛ս Վրացեան Ա., Կեանքի ուղիներով, հ. Դ, էջ 188:

² Տե՛ս «Յայրենիք» ամսագիր, 1957, թիւ 9, էջ 17:

³ ՀԱԱ, ֆ. 48, ց. 1, գ. 528, ք. 69:

⁴ Տե՛ս Ազվին, Ջեմալ փաշայի սպանությունը, Մոսկվա, 1991, էջ 5:

¹ «Ալիք» բացառիկ, 1956, մայիսի 4, էջ 22:

² «Յայրենիք» ամսագիր, 1957, թիւ 9, էջ 17:

Դրոյի ուղեւորութիւնը ապահովելու նպատակով Հայաստանի լիազոր ներկայացուցչութիւնը արտաքին գործոց ժողովոմատին դիմում է հետեւյալ խնդրանքով.

«Սույնով Հայաստանի լիազոր ներկայացուցչութիւնը խնդրում է հունիսի 30-ի ճեպընթաց գնացքի միջազգային ընկերութեան վագոնում մեկ տեղ հատկացնել Հայաստանի բանակի նախկին հրամանատար ընկ. Կանայան Դրաստամատին մինչեւ Թիֆլիս...»¹:

Դրոն բարեհաջող հասնում է Թիֆլիս եւ ներկայանում Վրաստանի կոմկուսի կենտկոմի 1-ին քարտուղար Լ. Բերիային: Թիֆլիսում Վրաստանի բոլշեւիկների պարագլուխները նրան ընդունում են ջերմութեամբ եւ արժանապատվորեն, չնայած նրանք քաջատեղյակ էին, որ հենց նա էր 1918 թ. հայ-վրացական պատերազմի ժամանակ վրացական զորքերին ջախջախողն ու Լոռվա տարածքից իրենց դուրս մղելու հիմնական «մեղսագործը»:

Բժ. Եր. Խաթանեսյանի պնդմամբ, վրաց բոլշեւիկների սիրալիք վերաբերմունքը հիմնականում պայմանավորված էր այն հանգամանքով, որ «Նրանք չէին մոռացել, որ Դրոն այն անւրէպ բազուկն էր, որ վրացիների վրէժը լուծեց: Ալիխանովը՝ Վրաստանի գիւղացիութիւնը կեղեքող եւ զուլումի ենթարկող ճիւղն էր, որի դէմ անէծք եւ լուտանք էին տեղացնում վրացիք, սակայն որին անզօր էին արժանի պատիժ տալու: Դրոյի ձեռքով կատարւած ահաբեկումը երախտիքով, գոհունակութեամբ եւ շնորհապարտութեան զգացումով լցրին վրացիների հոգին»²:

Թիֆլիս հասնելուն պես նա ներկայանում է Բերիային ու նրա ուղեկցութեամբ այցելում հայ բանտարկյալներին:

«Դրոյի պատմելով, - վկայում է Տ. Դեւոյանը, - երբ Ձեմալ փաշան Թիֆլիսում տեւորի էր ենթարկուել, եւ շատ դաշնակցական ընկերներ ձերբակալվել էին, նա գնացել էր Թիֆլիս, Բերիայի հետ այցելել է բանտարկեալներին եւ, ապացուցելով ձերբակալվածների անմեղութիւնը, ազատ էր արձակել նրանց»³:

Ձեմալ փաշայի սպանութեան մեղադրանքով ձերբակալված ավելի քան 200 հայերի բանտից ազատելու իրողութիւնը հաստատում են նաեւ այլ վկայութիւնները⁴:

Ձերբակալված դաշնակցականների (Խորհրդային հատուկ ծառայութիւնների գնահատմամբ Ձեմալի ահաբեկիչները դաշնակցականներն էին-Ղ.Գ.) ազատման գործում Դրոյի վճռորոշ դերակատարութեան մասին փաստում է նաեւ Անդրկովկասի արտակարգ հանձնաժողովի նախագահ Մոզիլեւսկին, Մոսկվային հասցեագրած հետեւյալ հեռագրերում.

«Հեռագիր, Մոսկվա, Պետքաղվարչութիւն Թիֆլիսից
26 հուլիսի 1923 թ.
Ժամը 16-11

Հանձնել Մենժինսկուն (ԽՍՀՄ պետքաղվարչութեան հատուկ բաժնի պետ- Ղ.Գ.): Անդրերկոմի որոշումով վճռված է վերջացնել Ձեմալի գործի կապակցութեամբ ձերբակալված դաշնակցականների, այդ թվում դաշնակցականների կենտկոմի անդամների գործերը՝ Դրոյի հայտարարութեան ստորագրման հիման վրա: Դրա համաձայն այսօր Վրաստանի Արտակարգ հանձնաժողովը դաշնակցականներին ազատել է: Մենք նրանց կառավարկենք թողնել Անդրկովկասի սահմանները: Խնդրում եմ նշել, թե ուր ուղարկել նրանց:

Անդրարտ. հանձնաժողովի նախագահ՝ Մոզիլեւսկի»¹:

Նույն օրը՝ հուլիսի 26-ին, Մոզիլեւսկին նույն հասցեով ուղարկել է մի հեռագիր եւս, որում նշում է նաեւ Օրջոնիկիձեի առաջարկութիւնը.

«Հեռագիր, Մոսկվա, Պետքաղվարչութիւն Թիֆլիսից
26 հուլիսի 1923 թ.
Ժամը 18-34

Հանձնել Մենժինսկուն, պատճենը Վոլենբերգին: Սերգոն առաջարկում է համաձայնվել Դրոյի առաջարկութեան հետ, վերացնել բոլոր ձերբակալված դաշնակցականների, այդ թվում դատավարութեան պատրաստ ջեմալականների գործերը, նրանց ազատելով: Սերգոն (Օրջոնիկիձե) խնդրում է համաձայնեցնել Ստալինի հետ: Խնդրում եմ ցուցումներ տալ:

Անդրարտ. հանձնաժողովի նախագահ՝ Մոզիլեւսկի»²:

Դրոն Թիֆլիսից այլեւս Մոսկվա չի վերադառնում: Նրան հաջողվում է Խորհրդային Միութեանից անցնել Եվրոպա, նախ լի-

¹ Նույն տեղում, ք. 419:

² «Ալիք» բացառիկ, 1956, մայիսի 4, էջ 22:

³ «Յայտնիք» ամսագիր, 1957, թիւ 9, էջ 17:

⁴ «Յայտնիք» ամսագիր, 1957, թիւ 9, էջ 17, «Ալիք» բացառիկ, 1956, մայիսի 4, էջ 22:

¹ ՀՀ Դաշնակցութիւնը եւ Խորհրդային Իշխանութիւնը, էջ 28:

² Նույն տեղում:

նում է Փարիզում, ապա մեկնում Ռուսիին: Այսօր էլ հետաքրքրություն է ներկայացնում այդ իրողությունը, թե ինչպե՞ս, ի՞նչ հնարքով է նա կարողացել ազատվել բոլշեւիկների ճանկերից ու ողջ առողջ մեկնել արտասահման:

1. Բազմաթիվ փաստեր, օրինակ, Հայաստանի հեղկոմի կազմում ընդգրկվելը, Խորհրդային Հայաստանի բանակի հրամանատարությունը նրան վստահելը, Մոսկվայում անցկացրած տարիների նրա նկատմամբ դրսեւորած հարգալից վերաբերմունքը եւ վերջապես, Ջեմալի սպանության կապակցությունը ձերբակալվածներին նրա միջնորդությունը ազատ արձակելը, միանշանակորեն վկայում են, որ Խորհրդային իշխանության ղեկավար մարմիններում եղել են բարձրաստիճան պաշտոնյաներ, մասնավորապես Ստալինն ու Ջերժինսկին, որոնք հարգել ու օգնել են նրան: Դրոն մարդկանց հետ չփվելու, նույնիսկ ամենաքմահաճ եւ դժվարամարս մարդու հետ ընդհանուր լեզու գտնելու արտակարգ շնորհներով է օժտված եղել:

Պիտի նկատել, որ քաղաքական կուսակցությունների եւ նրանց անդամների, մասնավորապես Հ. Յ. Դաշնակցության ու Դրոյի նկատմամբ առավել անհանդուրժողական եւ թշնամական վերաբերմունք են դրսեւորել հատկապես հայ բոլշեւիկները: Համեմատության համար մեջբերենք հետեւյալ փաստաթղթերը:

Այն ժամանակահատվածում, երբ Հայաստանի բոլշեւիկյան կազմակերպությունները հեղկոմի եւ Չեկայի գլխավորությունը երկրում «կարգ ու կանոն» հաստատելու պատրվակով անողոք պայքար էին մղում եւ բանտերը լցնում հարյուրավոր մտավորականների եւ ռազմական գործիչների, որոնք երբեք որեւէ կուսակցության անդամ չէին եղել, ՌԿ(բ)Կ Անդրերկոմի քարտուղար Սերգո Օրջոնիկիձեն Ս. Կասյանին հասցեագրած հեռագրերում (1 փետրվարի 1921 թ. եւ 7 փետրվարի 1921 թ.), ներկայացնելով նրան ՀԿ(բ)Կ Կենտկոմի Կովկասյան բյուրոյի «Դաշնակցությունը, որպես կուսակցություն վերացման մասին» որոշումը, միաժամանակ շեշտում է.

«Դաշնակների դեմ մղվող պայքարում հարկավոր է չմոռանալ խորհրդային իշխանությունը համակրող կամ օժանդակող ներքին խմբավորմանը, օրինակ Դրոյի, Վրացյանի խումբը: Հակաժողովրդական կուսակցության վերացման համար մղվող պայքարը չպետք է դառնա մտավորականության դեմ, թեկուզ

անցյալում դաշնակցական, պայքար: Ձի կարող խոսք լինել այս կամ այն ընկերոջ հեռանալու մասին կուսակցական եւ պետական պատասխանատու պոստերից»¹:

Այդ հեռագրի հավաստմամբ՝ Դրոյի նկատմամբ ավելի հանդուրժողական վերաբերմունք է դրսեւորել Սերգո Օրջոնիկիձեն, քան հայ բոլշեւիկները:

Անկասկած, վերոհիշյալ հանգամանքներն ու ղեկավար գործիչների հետ ունեցած անձնական կապերը իրենց նշանակալի դերն են ունեցել եւ օգնել նրան արտասահման մեկնելու թույլտվություն ձեռք բերելու գործում:

2. Դրոյին արտասահման մեկնելու թույլտվություն ձեռք բերելու գործում, անտարակույս, կարեւոր նշանակություն է ունեցել 1923 թ. օգոստոսի 1-ին հրապարակած՝ Դաշնակցություն կուսակցության կովկասյան խմբերի ղեկավարացիան:

Այդ ղեկավարացիան ի լուր աշխարհի հայտարարում է. «... Դաշնակցություն կուսակցության կովկասյան կազմակերպությունները ամենամեծ կերպով վճռել են չգործել խորհրդային իշխանության դեմ եւ չխանգարել նրա աշխատանքներին Հայաստանում, հավատացած, որ խորհրդային իշխանությունը, հավատարիմ իր սկզբունքներին, կամրացնի հայ ժողովրդի քաղաքական անկախ գոյությունը:

Համոզված, որ սրանից հետո խորհրդային իշխանությունը Հայաստանում եւ ոչ մի կտոր հող չի զիջելու եւ, որպես ճնշված ժողովուրդների պաշտպան, իրականացնելու է հայերի իրավունքներն ու արդարացի պահանջները, մենք հայտարարում ենք մի անգամ ընդմիջտ, որ մենք խորհրդային իշխանության թշնամիներ չենք, որի հետ կապված է այսուհետեւ հայ ժողովրդի բախտը:

Եւ ով կուզի կմղի խորհրդային իշխանության դեմ, ինչպես Խորհրդային Սոցիալիստական Հանրապետությունների Միության տերիտորիայում, այնպես էլ սահմանից դուրս, հայ ժողովրդական մասսաների թշնամին ու դավաճանն է»:

1. Կենտրոնի Կովկասյան խմբերի եւ Վրաստանի լիազոր («Աշխատավոր») Դրո
2. Վրաստանի Կենտր. կոմի («Աշխատավոր») նախագահ՝ Կ. Ղազարյան Անդամներ՝ 3. Բ. Թոփչյան, 4. Մ. Մակարյան,

¹ Նույն տեղում, էջ 17:

Դրոյի արտասահման մեկնելու ստույգ ժամկետը որոշելու հարցում կան որոշակի չփոթութիւններ եւ տարբեր կարծիքներ:

Պահպանվել է Խորհրդային Միութեանից Դրոյի հետախուզական ծառայությանը նշող հետեւյալ ուղղադրով փաստաթուղթը, ուր արձանագրված է.

«ՀԿ(բ)Կ Անդրերկրոմի նախագահության
ընդլայնված նիստի որոշումը
23 հուլիսի 1923թ.

Լսեցին. Անդրերկրայան դաշնակցականների մասին:

Որոշեցին. 1) Ձառարկել ներկայացված Հայտարարութեան հրապարակման դեմ (խոսքը վերաբերում է ՀՅԴ Վրաստանի կենտր. կոմիտեի ընդունած գեկլարացիային, որը Դրոյի եւ Կ. Ղազարյանի ստորագրութեամբ հրապարակվում է 1923թ. օգոստոսի 1-ին-Հ.Գ.)...

2. Անհրաժեշտ համարել, որ Հայտարարութիւնը ստորագրվի դաշնակցական տեղական կենտկոմի բոլոր անդամների կողմից:

3. Կուսակցական պատկանելութեան համար ձերբակալված դաշնակցներին(նկատի ունեն Ջեմալ փաշայի սպանութեան պատճառով ձերբակալվածներին-Հ.Գ.) ազատել Հայտարարութեան հրապարակումից հետո:

4. Թույլատրել Դրոյին եւ Կորյուն Ղազարյանին մեկնել արտասահման...»¹:

Հայտնի է, որ Դրոն Թիֆլիսյան առաքելութիւնը հաջողութեամբ կենսագործելուց հետո այլեւս Մոսկվա չի վերադարձել: Պիտի ընդունել, որ «ՀԿ(բ)Կ Անդրերկրոմի նախագահութեան ընդլայնված նիստի որոշման մեջ նշված է Դրոյի արտասահման մեկնելու թույլտվութիւն տալու թվականը՝ 1923թ.:

Կարելի է փաստել, որ այս փաստաթուղթը ոչ միայն նշում է Դրոյի արտասահման անցնելու թույլտվութեան տարեթիվը, այլեւ կրկնակի անգամ հավաստում, որ Ջեմալ փաշայի ահաբեկման պատրվակով ձերբակալված հարյուրավոր դաշնակցականներին ազատելու եւ Դրոյին արտասահման մեկնելու թույլտվութիւն ձեռք բերելու գործում, այնուամենայնիվ, վճռորոշ նշանակութիւն է ունեցել ՀՅԴ Վրաստանի կենտր. կոմիտեի կողմից հրապարակած հանրահայտ գեկլարացիան:

Ըստ Տիգրան Դեւոյանի, որը 1920թ. եղել է ՀՀ բանակի հրամանատարութեան շտաբի հետախուզութեան բաժնի պետը, Դրոն

Մոսկվայում մնացել է ընդամենը երկու տարի, եւ այնտեղից մեկնել է արտասահման, այսինքն 1923 թ.¹:

Ճիշտ է, համաձայն ՀԿ(բ)Կ Անդրերկրոմի նախագահութեան որոշման Դրոյին թույլատրել են արտասահման մեկնել 1923 թ., սակայն նա արտասահման է մեկնել փոքր-ինչ ավելի ուշ, հավանաբար 1924 կամ 1925 թ.: Եթե նա 1923 թ. գտնվեր արտասահմանում, բնականաբար հարկ չկար, որպեսզի Ս. Վրացյանը նրան ուղարկեր 1923 թ. նոյեմբերի 10-ին թվագրված վերոհիշյալ նամակը, որը գրված է ոչ թե թղթի, այլ շորի վրա:

Ս. Վրացյանի հավաստմամբ՝ նա Խորհրդային Միութեանից Փարիզ է եկել 1925 թ եւ մասնակցել աղ օրերին այնտեղ կայացած ՀՅԴ 10-րդ Ընդհանուր ժողովին:

Միսաք Թորլաքյանի վկայութեամբ՝ «1925-ին, Մասկուայէն անցաւ Ռումինիա»²:

Համաձայն Դրոյի գործունեութիւնը ներկայացնող ԽՍՀՄ ՊԱժԿ (Պետական Անվտանգութեան Ժողովրդական Կոմիսարիատ) ծառայութեան, հանրահայտ НКГБ-ի 8-րդ բաժնի 2-րդ բաժանմունքի պետի ներկայացրած գեկուցագրի(Данные 4 Управления НКГБ СССР к 17.12. 1942 г. Об антимосковской деятельности дашнакского лидера Дро Канаяна в 1942 г.) «Դրոն, դաշնակցական Հայաստանի զինվորական նախարարը, ԽՍՀՄ-ում ապրել է մինչեւ 1925 թ., ապա Ռումինիայում...»³:

Այս հարցում Ս. Վրացյանի, Մ. Թորլաքյանի եւ ԽՍՀՄ ՊԱժԿ-ի վկայակոչած տվյալները միանշանակ են: Դրոն ԽՍՀՄ-ից մեկնել է արտասահման 1925 թ. ու մասնակցել ՀՅԴ 10-րդ Ընդհանուր ժողովին:

Եթե հիմք ընդունենք ՀԿ(բ) Կ Անդրերկրոմի ընդլայնված նիստի վերոհիշյալ որոշումը՝ 23 հուլիսի 1923 թ., ապա միանգամայն հստակ է, որ նա ՀՅԴ համաժողովին մասնակցել է ոչ թէ Փարիզում հանգրվանելու առաջին օրերին, այլ ավելի ուշ, երկու տարի անց: Հետեւաբար, կարելի է պնդել, որ Դրոն ՀՅԴ 10-րդ Ընդհանուր ժողովին մասնակցել է այն ժամանակ, երբ արդեն բնակութիւն էր ժողովին մասնակցելու համար թույլտվութիւն ստացելու համար: Բայց, մի՞թե Ս. Վրացյանը կարող էր հաստատել Ռումինիայում: Բայց, մի՞թե Ս. Վրացյանը կարող էր չփոթել 1923 ու 1925 թթ-ը եւ թյուրիմացաբար ներկայացնել ՀՅԴ 10-րդ Ընդհանուր ժողովին Դրոյի մասնակցութեան փաստը:

¹ Տե՛ս «Հայրենիք» ամսագիր, 1937, թիւ 9, էջ 17:

² Թորլաքեան Ս., նշվ. աշխ., էջ 545:

³ Абрамян Э., Забытый легион, Ереван, 2005, стр. 185:

Այս հարցում իրականությանն ավելի մոտ է Դրոյի որդու՝ Գուրգեն Կանայանի վկայությունը: Ըստ Գուրգենի՝ իր հայրը արտասահման է մեկնել 1924 թ. եւ իրենց ընտանիքը՝ մայրը՝ Արփենիկն իր երկու զավակների՝ յոթ եւ հինգ տարեկան տղաների՝ Սուրենի եւ Գուրգենի հետ, նույն տարում Մոսկվայից վերադարձել են Երեւան:

Գուրգեն Կանայանի վկայությունը հաստատում է Ռուբենին հասցեագրած Դրոյի նամակը, որը գրված է 1924 թ. օգոստոսի 24-ին, Ռուսիայի Փլոնշտի նավթընկերության անունը կրող բլանկի վրա:

Նամակում, Դրոն ի թիվս մի շարք հարցերի, Ռուբենին հայտնում է նաեւ իր բնակության վայրը:

«Սիրելի Ռուբէն

Ներիւր որ այդքան ուշ եմ գրում: Նամակդ իր ժամանակին ստացա, լաւ կանես, որ մէկ մէկ գրես: Ձէ որ գրիչ բանեցնելուն վարժվել ես եւ ապրում ես կուլտուրական կենտրոնում, ինձ պէս գործակատար չէս Բալկանի ձորերում...»¹:

Փարիզից նա մեկնում է Ռուսիայի: Դրոյին Ռուսիայի ճանապարհորդների թվում եղել է նաեւ Ս. Վրացյանը, որը պատմում է հրաժեշտի պահին Դրոյի հետ կատարված հետեւյալ ուշագրավ դեպքը. «Դրոն Փարիզից մեկնեց դառն յիշողութիւններով Յրանսիայի մասին: Իր մէկ մտերիմ ընկերոջից նա ստացել էր որոշ գումար, իբրեւ ճանապարհածախս եւ Ռուսիայում առաջին օրերին ապրուստի միջոց: Երբ պայուսակը վերին յարկից ուղարկեցինք վար եւ, ըստ Դրոյի սովորութեան, նստանք մի վայրկեան լուռ, յանկարծ նա ձեռքով շօշափեց գրպանը եւ պոռաց.

«Փողերը գողացել են...

...Ոստիկանական միջամտութիւն-կորած դրամը անկարելի եղաւ գտնել...

- Թո՛ւհ, անբարոյական Յրանսիա, հայհոյում էր Դրոն: Սրանց մի լաւ բոլշեւիզմ է հարկաւոր...»²:

Ռուսիայի ուղեւորվելիս՝ Դրոյին առաջինը դիմավորում է Միսաք Թորլաքյանը, որը Զիվանշիրին ահաբեկելու պատճառով Կոստանդնուպոլիսում կայացած դատավարության վճռով ազատ էր արձակվել ու մեկնել Ռուսիայի: Թաղեւոս Պետրոսյանից, որն այդ ժամանակ Կոստանդնուպոլի հայկական դպրոցի տնօրենն էր,

¹ ԳՅԴ ԿԱ, Ս. Կ. 99-65:

² Վրացեան Ս., Սրբկածին Դրոն, էջ 157-158:

իմանալով Դրոյի Ռուսիայի ժամանելու իրողությունը, անհապաղ մեկնում է դիմավորելու նրան: Միսաք Թորլաքյանը Դրոյին հանդիպում է Փարիզից Ռուսիայի մեկնող գնացքի վագոններից մեկում ու նրան ուղղում իրեն առավելապես հետաքրքրող հետեւյալ հարցը. «Առաջվա պես պիտի ըլլա, զորավար... Լավ ժամանակներու պես: «Հիմա խաղաղություն է, ասաց զորավար Դրոն: Ասանկ ժամանակ մեզի համար դժվար կըլլա պայքարելով մեր սահմանները շահիլ...»: «Բայց որքա՞ն դեռ համբերություն ունենանք», - շվարած հարցրեց Միսաք Թորլաքյանը: «Մինչեւ որ նորէն պատերազմ ըլլա, Միսաք, - ասաց զորավար Դրոն...»¹:

Ուշագրավ է, որ նա Մ. Թորլաքյանի ուղեկցությամբ առաջին հերթին այցելում է Բուխարեստի Հայոց հյուպատոսարանը, որն այդ ժամանակ թեեւ լուծարվել էր, բայց ձեւականորդորեն շարունակում էր գործել: Հյուպատոսարանում գտնվողները, որոնց թվում՝ ՀՀ կառավարության ներկայացուցիչ Հարություն Խնդիրյանը, նրան ընդունում են ընդգծված ջերմությամբ ու հետաքրքրասիրությամբ ու ուղղում բազմաթիվ հարցեր:

Դրոն, անշուշտ, հիասթափված ու խաբված էր բոլշեւիկներից ու Հայաստանի նկատմամբ Խորհրդային Ռուսաստանի դրսեւորած քաղաքականությունից: Խորհրդային Ռուսաստանի նկատմամբ նրա դրսեւորած գաղափարական ու քաղաքական համոզմունքներում տեղի էին ունեցել արմատական փոփոխություններ:

Հյուպատոսարանում պատասխանելով իրեն հասցեագրված հարցերին՝ նա ասել է. «Կհարցնեք թե որուն դեմ պիտի պայքարի՞նք: Առանց երկմտանքի կպատասխանեմ՝ բոլշեւիկներուն դէմ: Թուրքերը մեր մարմինը սպանեցին, իսկ բոլշեւիկները մեր հոգիները կսպանեն: Պէտք է մեր հոգիները փրկենք, որպեսզի հետո մեր ջարդված մարմինները վերակենդանացնենք»²:

Դրոն հաստատվում է Ռուսիայի Փլոնշտի քաղաքում եւ աշխատանքի անցնում Ղուկասյանների նավթագործարանում, սկզբում որպես հսկիչ, ապա մի փոքր անց՝ կառավարիչ: Լիովին վայելելով գործարանատիրոջ՝ Ա. Ղուկասյանի բարյացակամությունն ու վստահությունը, նա, չնորհիվ իր կազմակերպական ընդունակությունների, կարողանում է աստիճանաբար ընդլայնել իր գործարար կապերն ու գործունեության շրջանակները: Գնե-

¹ Վարուժան Վարդանյան, նշվ. աշխ., էջ 397:

² Նույն տեղում:

լում է նավթի պարունակութեամբ հարուստ հողամասեր ու դառնում նավթարդյունաբերող: Նրա մոտ, ինչպես Հին Բայազետում ապրած տարիներին, հետզհետե հավաքվում եւ նրա ձեռնարկութիւնում աշխատանքի են անցնում մարտական զինակիցներն ու բարեկամները, որոնց թվում՝ Կուռտ Թարխանյանը, Միսաք Թորլաքյանը, Գրիգոր Ամիրյանը եւ այլք:

«Ըստ լաւագոյն սովորութեան, գրում է Տ. Դեւոյանը (նա նույնպես մի որոշ ժամանակ ապրել է Պոլսեցի քաղաքում Դրոյի մոտ-Հ. Գ.), - նա իր մօտ տանում է իր սիրելի ընկերներին: Իր տունը անպակաս է լինում հիւրերով»¹:

Մինչ Դրոյին հանդիպելը, Մ. Թորլաքյանը Արամ Երկանյանի ընկերակցութեամբ ժամանակավորապես բնակել է Ռումինիայի Կոնստանցիա քաղաքում: Երկու նշանավոր վրիժառուներն ապրել են ոչ այնքան տանելի պայմաններում:

Իր հեղինակած «Օրերուս հետ» գրքում անդրադառնալով Արամի հետ Կոստանցիայում ապրած օրերին՝ Մ. Թորլաքյանը գրում է. «Ամերկայէն մաս մը դրամ էր ստացուած: Ասով Արամին հետ 6 հատ կով առինք, ագարակ մը վարձեցինք ու կաթնատնտեսութեան գործի սկսեցինք: 7-8 ամիս քաշքշեցինք: Շահ չկցանք բերել: Շատ մը դժուարութիւններու ենթարկեցանք անփորձութեան և այլ պատճառներով և ծայրը ծայրին չկրցանք բերել...»

Այդպէս, անկանոն կեանք մը վարելով, օր մը կուշտ, օր մը անօթի, քաշքշեցի Բոնսթանցիայի մէջ մինևեւ 1925 թ., երբ Դրօն եկաւ Ռումինիա: Դրօն այդ ժամանակ նաւթային շրջանի կեդրոն Միսիլայի մէջ կը ծառայէր յայտնի նաւթարդիւնաբերող Ղուկասովներու մօտ, որպէս անոնց գործի կառավարիչ: Գացի անոր մօտ և գործի դրաւ...»²:

Ռումինիայում հաստատվելու սկզբնական շրջանի նրա գործունեութեան ուսումնասիրութիւնը մատնանշում է, որ զուտ կուսակցական աշխատանքը նրա գործունեութիւնում դեռեւս առաջնահերթ խնդիրը չէր: Թեեւ նա Ռումինիայում հաստատվելու առաջին տարիներին գրեթե չի մասնակցել կուսակցական ժողովներում արծարծվող հարցերի քննարկմանը, այնուամենայնիվ, ընկերները, խոր հարգանք տածելով նրա նկատմամբ, ցանկանում

են նրան ընտրել ՀՅԴ բյուրոյի անդամ: Դրոն կտրականապես հրաժարվում է ընկերների առաջարկած շնորհից: Նրան այդ ժամանակ չէր հետաքրքրում կուսակցական գործունեութիւնը:

Ռումինիայում Դրոն, որպէս գործարար նավթարդյունաբերող, հանգիստ ու ապահով ապրում է մինչեւ երկրորդ համաշխարհային պատերազմի սկիզբը: Այդ ընթացքում նրա կյանքում տեղի ունեցած կարեւորագույն իրադարձութիւններից մեկը՝ նրա ամուսնութիւնն է: Նրա զինակիցներից Թադե Պետրոսյանը պատմում է, որ Փոլսեցի քաղաքի Դրոյի բնակարանում կայացած ՀՅԴ Ռումինիայի կառույցի հերթական ժողովի ավարտից հետո, նա իրեն ստիպել է, որ մի երկու օր մնա Փոլսեցիում իր տանը: Զրույցներից մեկի ժամանակ Դրոն անսպասելիորեն ասել է.

«- Թադէ ջան, ի՞նչ անխիղճ էք իմ հանդէպ: Բոլորդ ունէք ձեր ընտանեկան տաքուկ կեանքը: Միթե՞ մի օր էլ չպիտի մտածէք իմ մասին...»

Իմ հարցումներին նա պատասխանեց.

Դու կարող ես, եթէ ուզես, գտնել մի հալալ հացակեր ինձ համար:

Եւ մեր Դրոյի համար իր սրտին ուզած «հալալ հացակերը» եղաւ բոլորիս սիրելի Գայանէն»¹:

Դրոն Գայանեի հետ ամուսնացել է Ռումինիայում՝ 1935-ին: Վարուժան Ոսկանյանի զնահատմամբ՝ «Այնպես, ինչպես պատահում է ավելի շատ հատկապես կանանց, քան տղամարդկանց հետ, Գայանեն եղավ այն հազվագյուտ մարդկանցից, ում հաջողվեց հաղթել դարին՝ առանց ստիպված լինելու նրա դեմ պայքարել: 1900-ին Ղարաբաղի Նուխի բնակավայրում ծնված, հետո քարել: 1900-ին Ղարաբաղի Նուխի բնակավայրում ծնված, հետո Ռումինիային վերադարձված Բեսարաբիայի Չետատեա Ալբը բնակավայրում ապրած Գայանե Կանայանը մահացավ 2005 թ. Բոստոնում, 105 տարեկանում, ճիշտ ապրիլի 24-ին, երբ հայկական գաղութները ոգեկոչում էին 1915-ի ցեղասպանութեան իննսուներես տարին»²:

Դրոն մինչեւ 2-րդ համաշխարհային պատերազմի սկիզբը, ինչպես արդեն նշվել է, ապրել է Ռումինիայում ու այդ ընթացքում բազմաթիվ կապեր է հաստատել Գերմանիայի գործարար

¹ «Չայրենիք» ամսագիր, 1937, թիւ 9, էջ 17:

² Թորլաքեան Ա., նշվ. աշխ., էջ 512:

¹ «Չայրենիք» ամսագիր, 1956, թիւ 10, էջ 29:

² Վարուժան Ոսկանյան, նշվ. աշխ., էջ 184:

չրջանակների հետ: Դրոյի, որպես նավթարդյունաբերողի գործունեութունը շարունակվում է մինչև երկրորդ աշխարհամարտը: Եվրոպայում նացիզմի ի հայտ գալը եւ Գերմանիայում, Իտալիայում նրանց կողմից իշխանության նվաճումն ու ապա 2-րդ աշխարհամարտի բռնկումը, բնականաբար իրենց խոր կնիքն են դնում ոչ միայն նրա ապրելակերպի ու կենցաղի, այլեւ գաղափարական համոզմունքների, քաղաքական կողմնորոշման եւ նրա գործունեության ուղղվածության վրա:

Շատ է հղովվել ու հղովվում այն մասին, թե Դրոն 2-րդ աշխարհամարտի տարիներին համագործակցել է ֆաշիստական Գերմանիային: Այո՛, դա իրողութունն է:

Ինչո՞ւ Դրոն, որը մինչ այդ առավելապես Հայտնի էր իր ուսական կողմնորոշմամբ, հանկարծ հայտնվում է գերմանացիների հետ համագործակցողների շարքում: Մի՞թե նրա գաղափարական-քաղաքական համոզմունքներում եւ կողմնորոշման մեջ, պայմանավորված ժամանակաշրջանի յուրահատկությամբ ու տեղաշարժերով, կատարվել էին արմատական փոփոխություններ: Ինչպիսի՞ հանգամանքներ կարող էին նրան կողմնորոշել ու առավել եւս հարկադրել, որպեսզի նա համագործակցեր գերմանացիների հետ:

Գերմանիայում բնակվող Հայերը գերմանացիների հետ որոշակի բարեկամական կապեր էին հաստատել դեռեւս քսանական թվականների սկզբներին, երբ Յոհանես Լեփսուսի նախաձեռնությամբ Բեռլինում եւ հենց իր իսկ նախագահությամբ ստեղծվում է գերմանա-հայկական միութիւնը, որի փոխնախագահն էր Արտաշես Աբեղյանը: Ի դեպ, այդ միության գործավարներից մեկը եղել է Ավետիք Իսահակյանը: Լեփսուսի մահից հետո 1926 թ. միութիւնը գլխավորում է դոկտոր Պ. Ռորբախը: Նույն թվականին Արտաշես Աբեղյանի գործուն մասնակցությամբ Բեռլինի համալսարանին կից Արեւելյան լեզուների սեմինարիայում բացվում է հայագիտության ամբիոն: Արտաշես Աբեղյանի առաջարկությամբ եւ գերմանա-հայկական միության գործուն մասնակցությամբ 1928 թ. Բեռլինի նորաբաց փողոցներից մեկը կոչվում է «Հայկական փողոց»:

Բեռլինի խիստ փոքրաքանակ, մինչև 1000 հոգանոց հայ գաղութի կյանքը, նաեւ շնորհիվ Լեփսուսի հիմնադրած գերմանա-

հայկական միության ջանքերի, մինչև 1933 թ. ընթանում է խաղաղ, բնականոն հունով:

1933 թ. Հիտլերի կողմից Գերմանիայում իշխանության դեկրետով նվաճելուն զուգընթաց, իրավիճակը կտրուկ փոխվում է ոչ միայն այդ երկրում, այլեւ ամբողջ Եվրոպայում: Այդ ամենին զուգընթաց, կտրուկ փոխվում է նաեւ Գերմանիայի եւ մյուս երկրների հայկական գաղութների կյանքը:

Հայտնի է, որ ֆաշիստական վարչակարգը առանձնահատուկ բացասական վերաբերմունք ուներ ոչ արիական ծագում ունեցող, մասնավորապես սեմական լեզվաընտանիքին պատկանող ազգերի, հատկապես հրեաների նկատմամբ: Համաձայն ֆաշիստական Գերմանիայի պարագլուխների ու գաղափարախոսների դավանած սկզբունքների, ոչ արիական ծագում ունեցող ազգերը պետք է ոչնչացվեին եւ մասամբ վերածվեին արիացիների, իհարկե, առաջին հերթին գերմանացիների ծառայող ստրուկներ: Նացիստ գաղափարախոսներն իրենց հրապարակած բազում հոդվածներում հայերին ներկայացնում էին որպես ոչ արիական, սեմական լեզվաընտանիքին պատկանող ժողովուրդ, իսկ դա նշանակում էր, որ հայերը, որպես ոչ արիացիներ, հրեաների ու սլավոնների նման, նույնպես դատապարտված էին ոչնչացման ու ստրկացման: Հայերի ոչ արիական, սեմական լեզվաընտանիքին պատկանելու հորինվածքը մեծապես պայմանավորված էր Հիտլերյան Գերմանիայի դաշնակից Թուրքիայի դիրքորոշմամբ, որն իր գործակալների միջոցով ամենուրեք տարածում էր հայերի ոչ արիական ծագումը հաստատող միտումնավոր հորինված տեսակետներ ու զրանով իսկ ձգտում էին Գերմանիայի իշխանություններին տրամադրել ընդդեմ Հայության:

Հակահայկական տրամադրութիւններ են դավանել նացիստական կուսակցության բազմաթիվ անդամներ, որոնք պատեկաբար առաջ իրենց ելույթներում պնդել են, որ «...հայերին չի բազմից առաջ իրենց ելույթներում պնդել են, որ «...հայերին չի բազմից առաջ իրենց ելույթներում պնդել են, որ «...հայերին չի կարելի վստահել, քանի որ տառապում են ուսական հիվանդությամբ եւ այդ ազգին անհնարին է տրամադրել ընդդեմ ուսաների...»¹:

Եվրոպայի մի շարք երկրներում ապրում էին ավելի քան 500.000 հայեր: Ի՞նչ ճակատագիր էր սպասում նրանց, եթե

¹ Абрамян Э., Забытый легион, Ереван, 2005, стр. 23:

Գերմանիան նվաճեր այդ երկրները, ի՞նչ ճակատագիր էր սպասում բուն Գերմանիայում բնակվող հայերին: Կասկած լինել չէր կարող, որ Եվրոպայի տարբեր երկրներում ու Գերմանիայում բնակվող հայերին անխուսափելիորեն սպառնում էր նոր եղեռնը: Ի՞նչ պետք է արվեր հայությանը սպառնացող այդ վերահաս աղետը կանխելու համար:

1. Նախ եւ առաջ անհրաժեշտ էր արժանի հակահարված տալ հայերին ոչ արիական, սեմական ժողովուրդների շարքը դասող տեսաբաններին ու գաղափարախոսներին եւ ծանրակշիռ փաստարկներով ու օրինակներով հիմնավորել հայերի՝ Հնդեվրոպական լեզվաընտանիքին պատկանելու իրողությունը եւ արիական ծագումը:

2. Անհրաժեշտ էր մերձենալ, ընդհանուր եզրեր գտնել գերմանական իշխանությունների հետ եւ շահել նրանց համակրանքն ու վստահությունը: Իհարկե, այդ քայլի կարեւորությունն առավել հրատապ է դառնում փոքր-ինչ ավելի ուշ, պատերազմի ծավալման շրջանում:

1934 թ. գերմանահայկական միությունը դեկտրաբր 1934 թ. Թորբախը Արտաշես Աբեղյանի աջակցությամբ հրատարակում է «Հայկականություն-Արիականություն» նշանավոր գիրքը, որտեղ նրանք, գերմանացի մի քանի մտավորականների մասնակցությամբ, ծանրակշիռ օրինակներով ու փաստարկներով հիմնավորում են հայերի արիական ծագում ունենալու, Հնդեվրոպական լեզվաընտանիքին պատկանելու իրողությունը: Պիտի ընդգծել, որ այդ աշխատության լույսընծայմամբ դրվեց առաջին ծանրակշիռ հիմնաքարը հայերի արիական ծագումը ապացուցելու գործում: Աշխատությունը ուսումնասիրելու նպատակը ստեղծվում է հատուկ խումբ:

Է. Աբրահամյանը իր հեղինակած «Забутыи легоши» գրքում հիմք ունենալով այդ հարցի վերաբերյալ գերմանացի հեղինակների աշխատություններում տեղ գտած տեսակետները, գրում է «Այդ հարցը ուսումնասիրող խմբի ստեղծումից հինգ ամիս անց, անձամբ Ա. Հիտլերի սեղանին է դրվում Ռոզենբերգի զեկուցման տեքստը, որտեղ գիտական սկզբնաղբյուրների ուսումնասիրմամբ ապացուցված էր հայերի արիական ծագումը: Նրանում ասվում եւ ապացուցվում է, որ հայ ազգի լեզուն հնդեվրո-

պական ծագում ունի, իսկ ազգը հանդիսանում է հնագույն «Արիացիների» անմիջական ժառանգորդը»¹:

Համաձայն է. Աբրահամյանի վերոհիշյալ գրքում տեղ գտած մեջբերումների, Ռոզենբերգի զեկուցագրում հայերի արիական ծագման վերաբերյալ եղել են հարյուրավոր ապացույցներ ու փաստարկներ, մասնավորապես Դարեհի բանակի կազմում հայկական զորքերի գտնվելու մասին վկայող արձանագրության վիմագիրը: Պարսկական արձանագրությունում այդ զորամասերը կոչվել են «արիացիների բանակը Հայաստանի հողից...»²:

«Հայկականություն-Արիականություն» գիրքը արագ տարածվում է Գերմանիայում ու ունենում իր դրական եւ բարերար ազդեցությունը: Թերթերում եւ այլ պարբերականներում ու հանդեսներում դադարում են հայերի ոչ արիական ծագումը մատնանշող հոդվածների հրապարակումները: Գերմանիայի ներքին գործոց նախարարության որոշմամբ՝ հայերին որպես արիացիների տրվում են հատուկ վկայականներ:

«Հայկականություն-Արիականություն» գրքի հրատարակման ու տարածման շնորհիվ, ինչպես արդեն նշվել է, դրվեց հայերի ֆիզիկական գոյությանը սպառնացող վտանգը հեռացնելու առաջին կարեւորագույն հիմնաքարը, մնում էր այն ավելի զարգացնել ու ամրապնդել:

Պատերազմի հենց առաջին իսկ օրերից գերմանական զորքերը մեկը մյուսի հետեւից, աներեւակայելի արագությամբ, նվաճում են Եվրոպական մի շարք երկրներ: Եվրոպական տարբեր տերություններում բնակվող շուրջ 500.000 հայեր հայտնվում են գերմանական գերության մեջ, եւ դարձյալ Գերմանիայի իշխանությունների վերին մարմիններում վերստին ծեծվում են հայերի ոչ արիական ծագումը հաստատող չինձու հորինվածքները: Իրավիճակն ավելի է բարդանում ու սպառնալի կերպարանք ստանում մանավանդ Գերմանիայի կողմից Ֆրանսիայի նվաճումից եւ ապա Խորհրդային Միության վրա հարձակվելուց հետո:

«Ֆրանսիայի պարտությունից հետո, - նշվում է «Առթիւ դատավարության երեքամսի հայ պատերազմական նախարար՝ Կանայան Ռուստամատ» փաստաթղթում, - 1940-ին 3000 հայ պատերազ-

¹ Абрамян Э. , նշվ. աշխ., էջ 22:

² Նույն տեղում:

մական գերիններ Յրանսիական բանակէն եկան Գերմանիա: Անոնց ֆիզիկական գոյութիւնը վտանգի մէջ էր, զի գերմանացիները ցեղային հարցեր մէջտեղ նետեցին ու քանի մը աւագ անհատներ չէին ուզեր հայերը արիական ցեղէ հաշուիլ»¹:

ԽՍՀՄ գորքերի կրած արագ եւ դաժան պարտությունների հետեւանքով գերմանական գերությունում հայտնված հարյուր հազարավոր գերինների թվում կային նաեւ հազարավոր հայեր:

«Այս պատերազմի սկիզբը, - կարդում ենք վերոհիշյալ փաստաթղթում,- արտասահմանի հայութեան մեծ մտահոգութիւնն էր հայ ժողովրդի ֆիզիկական գոյութիւնը Հայաստանի, արտասահմանի մէջ, ու հայ պետութեան պահպանումը»²:

Իր ժողովրդի կյանքով ապրող յուրաքանչյուր ճշմարիտ հայրենասեր հայ, անհրաժեշտաբար պետք է լարեր իր ողջ ուժերն ու կարողությունները եւ միջոցներ փնտրեր ու օգնության ձեռք մեկնէր մահվան ճիրաններում հայտնված հայրենակիցներին: Մի՞թե Դրոն նման ճակատագրական եւ բախտորոշ ժամանակաշրջանում կարող էր ծավալվող դեպքերի ոչ գործուն ականատեսը լինել եւ առանց որեւէ գործնական քայլեր ձեռնարկելու, հանգիստ դիտել, թե ինչպես էին գերմանական գերության մեջ, համակենտրոնացման ճամբարներում ոչնչանում իր արյունակիցները: Նրա գլխավոր մտահոգությունն էր. ինչպե՞ս վարվել եւ ինչպիսի՞ քայլեր կենսագործել, որ հայրենիքը՝ Հայաստանը եւ եվրոպայի հայոց սփյուռքը, ինչպես նաեւ գերմանիայի գերության շղթաններում հայտնված հազարավոր հայորդիներ չհոչուվեն պատերազմի հետեւանքով:

Դրոյի համագործակցությունը, գործնական առումով, գերմանացիների հետ սկսվել էր դեռեւս Ռուսիայում՝ պատերազմի սկզբնական շրջանում:

«Данные 4 Управления НКГБ СССР к 17.12 1942 г. Об антисоветской деятельности дашнакского млера Дро Каваяна в 1942 г.» փաստաթղթի հավաստմամբ՝ «Մինչեւ ԽՍՀՄ-ի վրա Գերմանիայի հարձակվելը, Դրոն փորձել էր կապեր հաստատել ֆաշիստների հետ: Պատե-

րազմի հենց սկզբում նա ժամանել է Գերմանիա, որտեղ գործուն աշխատանքներ է ձեռնարկել՝ հայ հետախույզներից կադրեր պատրաստելու ուղղությամբ»:

Ճիշտ է, նա որպես նավթարդյունաբերող որոշակի կապեր արդեն հաստատել էր Գերմանիայի գործարար շրջանների հետ, բայց դա դեռեւս բավարար չէր: Հանուն իր հայրենիքի եւ ազգակիցների փրկության ու գոյության պահպանման՝ Դրոն աշխատում է միջոցներ փնտրել, մերձենալ, կապեր հաստատել Գերմանիայի բարձրաստիճան պաշտոնյաների եւ շահել նրանց վստահությունն ու համակրանքը:

Երկրորդ աշխարհամարտի սկզբնական ժամանակահատվածում խորհրդային գորքերը ներխուժում են Ռուսիայի տարածք եւ գրավում Չերնովցի ու Բուկովինիայի շրջանները: Գերմանիայի ռազմական ուժերը, ռուսիացիների գործուն աջակցությամբ, խորհրդային գորքերին դուրս են մղում Ռուսիայի տարածքից եւ պատրվակ ծառայեցնելով, թե իբր խորհրդային գորքերի առաջխաղացմանը նպաստել ու աջակցել էին հրեաները, սանձագերծում են հրեաների զանգվածային ջարդեր:

Գերմանական կառավարության հրահանգով ռուսիական իշխանությունները նույն պատճառաբանությամբ ու պատրվակով ցուցակագրում են Ռուսիայում բնակվող բոլոր օտարազգիներին, այդ թվում նաեւ հայերին: Եթե գերմանական իշխանությունները ցանկություն հայտնեին, կամ որոշակի իրական փաստերով հաստատեին նրանց ներկայացրած մեղադրանքները, ապա ցուցակագրվածներին անխուսափելիորեն սպառնալու էր հրեաներին բաժին ընկած ողբերգական ճակատագիրը: Այդ նույն օրերին Բուխարեստի մեջ ձերբակալվում եւ Ռուսիայի խորքերն ու ճամբարներն են աքսորվում 40 հայեր, իսկ Փլոյեչտի եւ մյուս քաղաքներում հաշվառման են վերցնում այնտեղ բնակվող բոլոր հայերին: Կասկած լինել չէր կարող, որ աքսորված եւ հաշվառման վերցված հարյուրավոր հայորդիները կարժանանային դաժան ճակատագրի, եթե նրանց ժամանակին չցուցաբերվեր անհրաժեշտ օգնություն: Իր հայրենակիցներին բաժին ընկած դժբախտ ճակատագիրը թեթեւացնելու, նրանց անխուսափելի կործանումից փրկելու նպատակով Դրոն գործի է դնում իր ողջ

¹ ՀՅԳ ԿԱ, ֆ. Ս. Վ., թժ. 46, գ. 59 (Դրոյի գործունեությունը համառոտակի ներկայացնող այս փաստաթուղթը կազմվել է նրա ձերբակալության կապակցությամբ՝ ամերիկացիներին ներկայացնելու նպատակով):

² Եսկյն տեղում:

կարողութիւնները, իշխանութիւնները ու գործարար շրջանների հետ ունեցած կապերը:

«Դրօն,- վկայում է Միսաք Թորլաքյանը,- անմիջապէս գործի անցաւ եւ իր բարեկամներու աջակցութեամբ յաջողեցաւ վերոյիշեալ 40 աքսորեալները բոլորն ալ ետ բերել տալ: Յաջողեցաւ նոյնպէս Բլօշէթի մէջ արձանագրուելու հարցը փակել տալ եւ այլեւս ոչ ոք քեցիկն քաղաքէն դուրս: Բոլորն ալ արտօնուեցան մնալու, պայմանով, որ քաղքէն դուրս չգան. քաղքէն դուրս գալ պարտաւորուելու պարագային պէտք էր որ առանձին թոյլտուութիւն ստանային: Ասքէ օգտուելով, յաջողեցայ առանձին արտօնագիր մը ստանալ իբրեւ Դրոյի պաշտօնեան եւ ազատ երթեւեկել նաւթային շրջանին մէջ»¹:

Քանի որ Դրոն Հ.Յ. Դաշնակցութեան անդամ էր եւ անվիճելիորեն մեծ հեղինակութիւն վայելող գործիչ, ուստի կարելի է կարծել, որ նա գուցեւ գործել է հենց կուսակցութեան որոշմամբ ու հանձնարարութեամբ: Նրա գործունեութեան այդ շրջանին վերաբերվող փաստաթղթերի, ՀԹԴ ղեկավար մարմինների կողմից ընդունված որոշումների ու բանաձեւերի ուսումնասիրութիւնը միանշանակ ցույց է տալիս, որ Հ. Յ. Դաշնակցութեան կողմից նման որոշում չի եղել եւ չէր կարող լինել:

1938 թ. հուլիսին Կահիրեում գումարված ՀԹԴ 13-րդ ընդհանուր ժողովում, որին ի դեպ Դրոն չի մասնակցել ընդունված որոշումներում եւ բանաձեւերում չկա որեւէ հստակ տեսակետ, դիրքորոշում Գերմանիայում տիրապետող քաղաքականութեան վերաբերյալ: Նույնիսկ երկրորդ համաշխարհային պատերազմի ծավալման ժամանակահատվածում Հ.Յ. Դաշնակցութիւնը այդ հարցի վերաբերյալ դարձյալ չի ընդունել ժամանակաշրջանի ոգուն եւ պահանջների յուրահատկութիւններին համահունչ եւ դրանցից բխող հստակ որոշում, որով պիտի առաջնորդվեին ու գործեին ՀԹԴ ապակենտրոն կառույցները:

Հ.Յ. Դաշնակցութեան Բյուրոյի անդամներն այս հարցի կապակցութեամբ տարբեր, իսկ երբեմն էլ իրարամերժ տեսակետներ են պաշտպանել: Օրինակ, իր անգլիամետ կողմնորոշմամբ հայտնի, Անգլիայի վարչապետ Ուինստոն Չերչիլի ջերմ երկրպագու Ռուբեն Տեր-Մինասյանը, ինչպես նաեւ Համո Օհանջանյանը

կտրականապես դեմ են եղել Խորհրդային Միութեան եւ Գերմանիայի հետ համագործակցելուն, գտնելով, որ այդ պետութիւնները վարում են հակաժողովրդական, բռնապետութիւններին յուրահատուկ բարոյազուրկ քաղաքականութիւն:

Դրոյի համոզմունքով, ազգի եւ հայրենիքի գոյութեան պահպանման եւ նրա ապագայի համար վճռորոշ նշանակութիւն ունեցող ժամանակաշրջանում իրենք կողմնորոշման եւ քաղաքականութեան հարցում չպետք է տուրք տային եւ առաջնորդվեին զուտ բարոյական ու ժողովրդավարական սկզբունքներով ու չափանիշներով, քանի որ քաղաքականութիւնը ինքնին բարոյագուրկ է, անկայուն եւ փոփոխվող: Նա գտնում էր, որ պետք է առաջնորդվել ազգային շահերի պաշտպանութեամբ եւ անպայմանորեն հաշվի առնել ու համագործակցել իրական հզորութեամբ օժտված վճռորոշ ուժերի հետ¹:

Պատերազմի բռնկման հենց առաջին իսկ օրերին Դրոն իր շուրջն է համախմբում իր երբեմնի մարտական զինակիցներին ու համախոհներին եւ նրանց աջակցութեամբ ծավալում բուռն գործունեութիւն:

«Հիտլերեան զօրաբանակները, - գրում է Թադե Տեր-Պետրոսյանը, - շանթահարող հարուածներով յառաջանում էին Ռուսաստանի սահմաններից ներս: Ս. Արարատեանի (Հայաստանի Հանրապետութեան կառավարութեան նախկին խնամատարութեան նախարարը Հ. Օհանջանյանի վարչակազմում - Հ.Գ.) եւ Դրոյի հրաւերով մի խումբ ընկերներ հաւաքուեցինք Պուքէշ: Հաւաքոյթի նպատակն էր պարզել քաղաքական կացութիւնը եւ մտածել թէ՛ ի՞նչպէս եւ ի՞նչ միջոցներով կարելի է օգնութեան հասնիլ պատերազմի վայրերի մէջ գտնուած հայ զանգուածներին եւ միաժամանակ ի՞նչ կարող էինք անել երկրի համար, եթէ նացիստական արշաւը հասնէր եւ մեր հայրենիքին»²:

Այդ նույն հավաքույթում ընդհանուր գծերով հրավիրյալներին ներկայացնելով պատերազմի հետեւանքով եվրոպական երկրներում ստեղծված քաղաքական կացութիւնն ու հայութեան վիճակը՝ Դրոն ասել է. «...Անակնկալներով յղի այս օրերին, մենք չենք կարող մնալ լուռ հանդիսատես եւ թողնել, որ մեր եղբայր-

¹ Տե՛ս ԳՅԴ ԿԱ, ֆ. Ս. Կ., թժ. 465, գ. 5 ք:

² «Հայրենիք» ամսագիր, 1956, թիւ 10, էջ 29:

ներն ու քոյրերը արեան ծովի մէջ խեղդուեն: Լուրջ մտածե՛նք, միջոց գտնենք՝ օգնութեան հասնելու համար նրանց, քանի որ, եղած ճշգրիտ լուրերի համաձայն, հրեաների պէս վտանգուած է ե՛լ Հայութիւնը...»¹:

Դրոյի եւ նրա զինակիցների մտահոգութիւնն ու գործունեութեան բռն նպատակը միակն էր. ողջ ուժերը, կարողութիւններն ու հնարավորութիւններն ի սպաս դնել, որպէսզի աշխարհասփյուռ հայութիւնը, ինչպէս կատարվել էր 1-ին աշխարհամարտի ժամանակ, զոհ չդառնար այս պատերազմին:

Դրոն ու իր զինակիցները ծրագրում են համապատասխան գործունեութիւն ծավալել գլխավորապէս հետեւյալ ուղղվածութեամբ.

1. Ձերձ պահել հնարավոր կոտորածներից ու աքսորներից եվրոպական պետութիւններում բնակվող հայութեանը:

2. Գերմանացիների նախաձեռնութեամբ տարբեր վայրերում կառուցված համակենտրոնացման ճամբարներից եւ հանքավայրերում գործող աշխատանքային բրիգադներից ազատել հայ ռազմագերիներին:

3. Քանի որ Խորհրդային Միութեան տարածքում գերմանական զորքերի սրընթաց առաջխաղացման հետեւանքով տասնյակ հազարավոր հայեր հայտնվել էին նացիստների գերիշխանութեան ներքո, ապա պետք է հնարավոր բոլոր միջոցների օգտագործմամբ կանխվեր գրավյալ շրջանների հայ բնակչութեանը սպառնացող մահացու վտանգը: Այդ նպատակով, նաեւ Դրոյի նախաձեռնութեամբ, ԽՍՀՄ-ից արդեն գրավված բնակավայրերում աշխատելու են գործուղվում այդ գործին զինվորագրված բազում նվիրյալներ:

«Յուրեանի (Հարութիւն Հարութիւնյան - Հ. Գ.) հետ, - գրում է Միսաք Թորլաքյանը,- նաեւ երկու հոգի, ղրկուեցանք Վարչաւա, անկէ անցնելու Ռուսաստան եւ օգտակար ըլլալու թէ՛ հայ ռազմագերիներու եւ թէ՛ փախտականներու փրկութեան ու պաշտպանութեան գործին: Նոյն նպատակով Պուքրէշէն ուղղակի Օտեսա անցած էին, գերմանացիներու թոյլտուութեամբ, Սիմոն Փիլիպոսեանը եւ Թաթէ Պետրոսեանը»²:

4. Ամենակարեւորը՝ Մայր Հայրենիքի՝ Հայաստանի ճակատագիրը: Մի՞թե հնարավոր էր կանխատեսել, որ մինչ այդ միմիայն արագ ու շուրջի հաղթանակներ նվաճած, Եվրոպայի մեծ մասը նվաճած հզոր Գերմանիան ի զորու էր պարտվել: Իսկ եթե հակարձ Գերմանիան տոներ իր հերթական հաղթանակը, ապա այդ դեպքում ի՞նչ էր սպասվում Հայաստանին, չէ՞ որ հայութեան դարավոր եւ ոխերիմ թշնամին՝ Թուրքիան, Գերմանիայի դաշնակիցն էր եւ կազմուպատրաստ, մշտաբերուն վիճակում հարմար պահել էր սպասում հարձակվելու Խորհրդային Միութեան վրա: Նկատի ունենալով այդ իրական եւ կարեւորագույն հանգամանքը՝ Դրոյի «դատարարութեանը» ներկայացված վերոհիշյալ փաստաթղթում նշվում է.

«Մեծագոյն վտանգ էր Թուրքիան...

Անկասկած էր, որ Թուրքերը պիտի արշաւէին Հայաստան եւ Կովկաս...Ռուս-թուրքական յարաբերութիւնները շատ պրկուած էին: Եթէ պրկուածքը վերջանար պատերազմով, Թուրքերու մուտքը Կովկաս պիտի նշանակէր հայ ժողովրդի բնաջնջում...

...անվիճելի էր, որ Գերմանիա-Թուրքիա միասին շուտով գործ պիտի ձեռնարկէին Կովկասի եւ Հայաստանի դէմ: Այս պարագային հայ ժողովուրդը դարձեալ, ինչպէս 1915-18-ին, Թուրքիայի զոհը պիտի ըլլար: Միայն գերման բանակը կրնար պաշտպանութիւն տալ հայ ժողովրդին ու երկրին»¹:

Թուրքերի Անդրկովկաս եւ Հայաստան ներխուժելու վտանգը, որը բնավ էլ բացառված չէր, անկասկած կարող էր հարցականի տակ դնել Հայաստանի եւ հայութեան գոյութիւնը: Դրոն գերմանացիներին մերձենալիս առաջնորդվել է նաեւ առաջ հենց այս հանգամանքով:

Այդ նույն փաստաթղթում նշվում է, որ Վերմախտի բարձրատիճան պաշտոնյաների հետ կայացած հանդիպման ժամանակ Դրոն ու հայկական պատվիրակութիւնը նրանց են ուղղել հետեւյալ հարցը. «Ի՞նչ է լինելու Գերմանիայի հաղթանակից հետո ու ինչպիսի՞ կարգավիճակ է ունենալու Հայաստանը, եթե Թուրքական զորքերը ներխուժեն Հայաստան»²:

¹ Նույն տեղում:
² Թորլաքեան Ս., նշվ. աշխ., էջ 515:

¹ ԳՅՂ ԿԱ, Ծ. Ս. Վ., քժ. 46, գ. 5բ, էջ 6:
² Ն ույն տեղում:

Դրոյին ու հայկական պատվիրակութեանը առավելապես մտահոգում էին Հայաստանի ու հայութեան անվտանգութեան ապահովմանը նպատակաուղղված Գերմանիայի կողմից ձեռնարկվելիք միջոցառումներն ու երաշխիքը: Պատասխանը միակն էր. «...երաշխիքը կազմավորվող հայկական լեգեոնն է, որը Գերմանիայի աջակցութեամբ պիտի պաշտպանի Հայաստանը»¹:

1942 թ. աշնանը Բեռլինում ռազմագերիների հետ կայացած հանդիպման ժամանակ, նկատի ունենալով այդ իրողութիւնը, նա ասել է. «Դաժան ճակատագիրը մեր քույրերին եւ եղբայրներին սփռել է աշխարհով մեկ: Արեւը մայր չի մտնում հայ մարդու վրա, որովհետեւ հայերը ամեն տեղ են, բոլոր աշխարհամասերում: Մենք ունենք մեկ կրոն, մեկ լեզու ու մեկ հայրենիք: Մենք պետք է օգնենք իրար, սիրենք մեր հայրենիքը: Այժմյան Հայաստանը, որ մոտավորապես 28 հազար քառակուսի կիլոմետր է, մեր լայնածավալ հայրենիքի մի սրբազան ու թանկագին կտորն է:

Զպետք է մոռանալ, որ մեր դարավոր թշնամին Թուրքիան է, որը սահմանի վրա կենտրոնացրել է երկու միլիոն զորք եւ ամեն ժամ պատրաստ է ներխուժել Կովկաս: Իհարկե, առաջին հերթին՝ Հայաստան: Թուրքերը ուշի ուշով հետեւում են կենտրոնական Ռուսաստանի արյունահեղ կռիվներին: Եթե ռուսները կորցնեն Ստալինգրադը, Թուրքիան կներխուժի Կովկաս»²:

Հանդիպման ընթացքում Դրոյի արտասանած այդ խոսքերը վկայում է նույն հանդիպման մասնակից, Ապարանի շրջանի Բուժական գյուղի բնակիչ Վահան Սարգսյանը «Հայաստանի Հանրապետություն» օրաթերթի 2000 թ. մարտի 21-ի համարում, «Հանդիպում Դրոյի հետ» հուշագրությունում*:

Եթե նկատի ունենանք Դրոյի հասուն տարիքը, նյութական ապահովվածությունը եւ բազմաթիվ երկրներում ունեցած գործնական կապերն ու ծանոթությունները, ապա դժվար չէ պնդել, որ նա, ցանկություն դեպքում օգտագործելով իր լայն հնարավորություններն ու ֆինանսական կարողությունը, կարող էր հեռու մնալ այդ ամենից ու ընտանիքով մեկնել՝ բնակվելու առավել ապահով որեւէ վայր, հանգիստ եւ խաղաղ անցկացնել իր կյանքի մնացած տարիները: Բայց մի՞թե դա էր նրա կյանքի իմաստն ու նպատակը:

Որպես կանոն, Դրոն իր գործունեության նպատակի ու ձգտումների մասին անթաքույց արտահայտել է անգամ համակենտրոնացման ճամբարներում հայ ռազմագերիների հետ կայացած հանդիպումների ժամանակ: Վերոհիշյալ Վահան Սարգսյանի հավաստմամբ՝ այդ նույն հանդիպման ընթացքում Դրոն, ներկայացնելով գերմանացիների հետ համագործակցելու հիմնական շարժառիթներն ու նկրտումները, ընդգծել է. «... Ես արդեն 60 տարեկան եմ: Հայաստանի անկախության ու ազատության համար կռվել եմ թուրքերի ու բուլղեհիկների դեմ: Միշտ ձգտել եմ օգնել իմ բազմաչար ժողովրդին: Նրան տեսնել ազատ, անկախ ու երջանիկ: Ահա ինչու այս տարիքում, անտեսելով բոլոր դժվարությունները՝ շարունակում եմ պայքարը իմ ժողովրդի ազատության եւ անկախության համար»¹:

Նրա գործունեության ուղղվածությունն արդեն վճռված էր, իսկ ի՞նչ դիրքորոշում պետք է որդեգրեր հայությունը սփյուռքում եւ հայրենիքում խորհրդագերմանական պատերազմի ընթացքում:

Սփյուռքահայ քաղաքական շրջանակներում այս հարցի վերաբերյալ հստակ, միանշանակ տեսակետ չի եղել: Քաղաքական, կուսակցական գործիչներից ոմանք, որոնք անվերապահորեն հավատացել են Գերմանիայի հաղթանակին եւ ընդգծված հակախորհրդային տրամադրվածություն ունեին, գտնում էին, որ եթե գերմանական զորքերը ներխուժեն Խորհրդային Միության տագերմանական զորքերը Հայաստանում պետք է ապստամբուժվեն, ապա հայ ժողովուրդը Հայաստանում պետք է ապստամբություն բարձրացնի ընդդեմ խորհրդային կառավարության եւ օգտվելով գերմանական զորքերի ներկայությունից՝ տապալի խորհրդային իշխանությունն ու երկիրը հուշակի անկախ հանրապետություն:

Դրոն ունեցել է ճիշտ հակառակ դիրքորոշում եւ դեմ էր ԽՍՀՄ տարածքում գերմանական զորքերի ներխուժման պարագայում Հայաստանում հայության ապստամբությանը: Նա մեծ գայում Հայաստանում հայության ապստամբությանը: Նա մեծ հավատ է ընծայել ռուս ժողովրդի ու ռուսական զենքի հզորության նկատմամբ եւ չի հավատացել Խորհրդային Միության պարտությանը: Նույնիսկ այն ժամանակ, երբ գերմանական

¹ Տե՛ս նույն տեղում:
² ԳՅԿ ԿԱ, Ֆ. Ս. Վ., քծ. 46, գ. 5բ, էջ 6:

2.*Տողերիս հեղինակի հավաքածուում պահպանվում է նաեւ այդ հանդիպման մանրամասները պատմող Վահան Սարգսյանի ձայնագրությունը:

զորքերը գտնվում էին Մոսկվայի մատուցներում, իսկ հետո հասել Ստալինգրադ, Դրոն համոզված է եղել, որ ուսանողները հաղթելու են: Այդ իսկ պատճառով նա կտրականապես դեմ էր ապստամբության եւ գտնում էր, որ նման ելույթը խորհրդային իշխանությունների համար հայերին աքսորելու կամ ոչնչացնելու առիթ կարող էր ծառայել: Մի փոքր առաջ անցնելով նշենք, որ Հայաստանում խորհրդային իշխանության դեմ ձեռնարկվող որեւէ բնույթի ընդվզում, ելույթ կանխելու նպատակով ձեռնարկում է որոշակի անհրաժեշտ քայլեր¹:

Միաժամանակ, քաջատեղյակ լինելով խորհրդային Միությունում տիրապետող իրավիճակին, նա խորապես համոզված էր, որ Հայաստանը չէր կարող ազատագրվել Ստալինյան դաժան բռնապետությունից ու վերստին հռչակել իր անկախությունը: Նա պիտի ընտրություն կատարեր՝ կա՛մ Հիտլերյան Գերմանիան կա՛մ խորհրդային Միությունը, այսինքն՝ ընտրել երկու չարյաց փոքրագույնը:

Բուհերի համար նախատեսված «Հայոց Պատմություն» դասագրքում հեղինակներն արժանվույնս գնահատելով սփյուռքահայերի ավանդը պատերազմում Ֆաշիզմի տարած հաղթանակներում, միաժամանակ նշում են. «Սփյուռքահայության միայն չնչին մասը չմիացավ հայ ազգային ճակատի ուժերին: Հայ հեղափոխական դաշնակցություն կուսակցության ղեկավարներից ոմանք Բեռլինում ստեղծեցին «Հայ ազգային խորհուրդ»՝ Արտաշես Աբեղյանի նախագահությամբ: Խորհրդի անդամներից էին՝ Աբրահամ Գյուլխանդանյանը (փոխնախագահ), Հարություն Բաղդասարյանը (քարտուղար), Գարեգին Նժդեհը, Դրաստամատ Կանայանը (Դրո), Վահան Փափազյանը (Կոմս) և ուրիշներ: Խորհուրդը գործում էր Ֆաշիստական Գերմանիայի կողմից զավթված ԽՍՀՄ արևելյան շրջանների նախարարության հովանու ներքո, որի հիմնական նպատակը Կովկասում գերմանական իշխանության հաստատումն էր և այն իրականացնելու համար գերմանական բանակի կազմում հայկական լեգեոնի ստեղծումը»²:

Պիտի ասել, որ «Հայոց Պատմություն» դասագրքի հեղինակների կողմից Բեռլինի Հայոց ազգային խորհրդի հիմնական

նպատակին վերագրված տեսակետը փոքր-ինչ թերի է ու միակողմանի: Հայոց Ազգային Խորհրդի հիմնական նպատակը բուլղեւիկների տիրապետությունից Հայաստանի ազատագրումն էր, իսկ լեգեոնի կազմավորումը սոսկ միջոց՝ միտված Հայոց անկախ պետականության վերականգնմանն ու Գերմանիայի բռնազավթած երկրներում բնակվող եւ համակենտրոնացման ճամարներում գերության մեջ տառապող հարյուր հազարավոր հայերի փրկությանը:

Այս առումով ուշագրավ տեսակետ է ներկայացնում Վարուժան Ոսկանյանը: Նրա համոզմամբ՝ «Ի վերջո, հայտնի դարձավ, որ չարյաց փոքրագույն գոյություն չունի և երկու չարիքների միջև ընտրությունն իրականում ոչ մի հնար չի թողնում: Այդպես եղավ նաև Դրոյի պարագայում այն տասնամյակի վերջում՝ պատերազմն սկսվելու պահին: Նա ընտրեց Բուլղեւիկյան Ռուսաստանի դեմ նացիստական Գերմանիայի հետ գործակցելը՝ այդպիսով համարելով, որ երկու նպատակ միանգամից պիտի կատարի. գերմանացիների գրաված Եվրոպայի հայերին պաշտպանելն ու բուլղեւիկների գրաված Հայաստանն ազատագրելը...»¹:

Որպեսզի կարողանային իրագործել իրենց որդեգրած ծրագիրը, Դրոն եւ իր զինակիցները, ինչպես արդեն նշվել է, բնականաբար պիտի համագործակցության ու շփման եզրեր գտնեին ու կապեր հաստատեին Գերմանիայի բարձրաստիճան պաշտոնյաների հետ եւ աշխատեին շահել նրանց համակրանքն ու վստահությունը:

Առավել արդյունավետությամբ աշխատելու եւ իրենց գործունեության ոլորտը առավելագույնս խորացնելու ու ընդարձակելու նպատակով Դրոն մեկնում է Բեռլին ու այնտեղ գործնական կապեր հաստատում գերմանա-հայկական միության անդամների եւ հատկապես Արտաշես Աբեղյանի հետ, որն այդ օրերին իր գաղափարակից բարեկամների համագործակցությամբ դարձյալ անխոնջ գործունեություն էր ծավալում Գերմանիայի կառավարող շրջաններին կրկին անգամ փաստելու եւ ապացուցելու հայերի ոչ սեմական, այլ արիական ցեղին պատկանելու իսկությունը:

Դրոյի խմբի կազմում ընդգրկվել են ՀՀ կառավարության նախկին անդամներ Սարգիս Արարատյանը (Ֆինանսների ու

¹ Տե՛ս ԳՅՂ ԿԱ, Ֆ. Ս. Կ., թժ. 46, գ. 5թ, էջ 6: Նաեւ «Դայրեմիք» ամսագիր, 1956, թիւ 10, էջ 30:

² Դայոց Պատմութուն, Երեւան, 2012, էջ 667-668:

¹ Վարուժան Ոսկանյան, Եզվ. աշխ., էջ 186-187:

առեւտրի նախարար), Գեւորգ Ղազարյանը (կրթութեան նախարար), Հովհաննես Դեւեճյանը (նախարարների խորհրդի 1-ին քարտուղար), Աբրահամ Գյուլխանդանյանը (Հաղորդակցութեանների և արդարադատութեան նախարար) եւ այլք:

Վարուժան Ոսկանյանի բնութագրմամբ՝ «Փաստորեն, վարչապետից մինչեւ քարտուղար. այդ ժամանակ կարելի էր կազմել Հայաստանի իսկական տարագիր մի կառավարութիւն»¹:

Դրոյին Բեռլինում ընդունել են պատշաճ մակարդակով:

Բեռլինում նա աշխատանքի է անցնում գերմանական բանակի մատակարարման ինտենդանտական ծառայութիւնում եւ շնորհիվ իր ձեռնբերեցութեան ու տարիների ընթացքում Փլոյեշտի նավթահանքերի շահագործումից ձեռք բերած Հարստութեան եւ նախկինում ունեցած ծանոթութիւնների լայն շրջանակների, կարողանում է ամուր կապեր հաստատել Գերմանիայի կառավարող շրջանների մի շարք հեղինակավոր պաշտոնյաների հետ ու կարճ ժամանակահատվածում նվաճել նրանց վստահութիւնն ու համակրանքը:

Այս առումով վերոհիշյալ «Данные 4 Управления НКГБ СССР к 17.12. 1942 г. Об антисоветской деятельности дашнакского лидера Дро Канаяна в 1942 г.» փաստաթղթում նշվում է. «Ուշագրավ է, որ Դրոն այն եզակի էմիգրանտներից է, որին հաջողվել է գերմանացիների մոտ նվաճել մեծ հեղինակութիւն: Պաշտոնական փաստաթղթերում նրան կոչում են «գեներալ Դրո» եւ հատկացվել է նրա անվտանգութիւնն ապահովող թիկնազորն ու եւ այլն...»²:

Այդ նույն փաստաթղթի հավաստմամբ՝ «Ըստ պաշտոնական տվյալների գերմանական հակահետախուզական ծառայութեան գնդապետ Վիգերին 17. 4. 42 թ. տրվել է հետեւյալ հեռագիրը. «Գեներալ Դրոն ժամանելու է երկու անձանց ուղեկցութեամբ: Պատրաստեցեք 3 սենյականոց առանձին բնակարան»³:

Համանման փաստաթղթերում տեղ գտած վկայութիւնները ցույց են տալիս, որ նա իրոք կարողացել է ծանոթութիւններ հաստատել ու հանդիպել Գերմանիայի մի շարք բարձրաստիճան պաշտոնյաների հետ: Բեռլինում նա հանդիպել է նույնիսկ էսէս ռեյսխֆյուրեր Հիմլերի (նա միաժամանակ ղեկավարել է Գերմանիայի ներքին գործերի նախարարութիւնը, գաղտնի ու-

տիկանութիւնը, էսէս-ը, գեստապոն ու այլ ծառայութիւններ) ու Ռոզենբերգի (1933թ. Ռոզենբերգը զբաղեցրել է Գերմանիայի ազգային-սոցիալիստական բանվորական կուսակցութեան արտաքին գործերի կառավարման ղեկավարի պաշտոնը: 1941 թ. նշանակվել է արեւելյան բռնազավթած տարածքների ռեյսխ նախարար) հետ:

Դրոն առավել սերտ կապեր է ունեցել Մարտին Բորմանի եւ Ալֆրեդ Ռոզենբերգի հետ:

«Մ. Բորմանի քարտուղարների ու ազգականների խոսակցութիւններում հաճախակի է հիշատակվել հայ Դրոն, որի հրամանատարութեամբ հայկական զորքերը 1918 թ. մայիսին Ապարանի ճակատամարտում հերոսաբար դիմագրավել ու հաղթել էին թուրքական մեծաքանակ ուժերին: Այդ պատճառով նրան բարեկամաբար անվանել են «Ապարանի հերոս»⁴:

«Հեռանալով Ռուսիայից, նշում է Տիգրան Դեւոյանը, Դրոն ընկնում է գերմանական շրջանը, ուր հայերին շատ տեղերում հրեաների տեղ էին ընդունում եւ կարող էին ուղղակի բնաջնջել: Հրեաների տեղ էին ընդունում եւ կարող էին ուղղակի բնաջնջել: Արտաշէս Աբեղեանի հետ նա յաջողում է համոզել գերմանացիներին, որ հայերը ոչ թէ սեմական, այլ արիական ցեղին են պատկանում, եւ այդպիսով կարողանում են փրկել հազարաւոր հայ երիտասարդների կեանքը»²:

Ս. Վրացյանի գնահատմամբ՝ «Պատմութեան ընթացքը անառարկելի վճռականութեամբ հստատեց, որ Դրոյի եւ ընկերների նախասիրութիւնները ճիշդ էին եւ հաշիւները իրական: Գերման քաղաքականութիւնը հայերի վերաբերմամբ հիմնովին բարեփոխվեց. հայերի դէմ սկսուած ճնշումներն ու հալածանքները վերջ գտան. կարմիր բանակի տասնեակ հազարավոր հայ գերիների կեանքը փրկուեց...»³:

Գերմանիայի իշխանութիւնները ԽՍՀՄ-ի կազմում գտնվող ազգային փոքրամասնութիւնների, այդ թվում նաեւ հայութեան, նկատմամբ ունեին առանձնահատուկ դիրքորոշում ու նրանց հետ հարաբերութիւններ հաստատելու համար առաջնորդվել են հետեւյալ նկատառումներով:

¹ Լույս տեղում, էջ 186:

² Նշված փաստաթուղթը:

³ Տե՛ս Լույս տեղում:

¹ Абрамян Э., նշվ. աշխ., էջ 34:

² «Հայրենիք» ամսագիր, 1957, թիւ 9, էջ 17:

³ Վրացեան Ս., Սրբկաթին Դրոն, էջ 168:

Նպատակադրվելով զավթել խորհրդային Միությունը՝ Գերմանիայի իշխանութիւնները ծրագրել էին բազմազգ խորհրդային պետութիւնը մասնատելու ու ոչնչացնելու համար որպես օժանդակ ուժ օգտագործել նաեւ Գերմանիայում ու նրա դաշնակից երկրներում բնակվող ազգային փոքրամասնութիւնների (ԽՍՀՄ-ի կազմում գտնվող) տարագրութիւն մեջ գտնվող ազգային կառավարութիւնների ու կուսակցութիւնների նախաձեռնութեամբ ձեւավորվող զինված ուժերը:

Ազգային փոքրամասնութիւններին իր կողմը գրավելու եւ ԽՍՀՄ-ի դեմ պայքարելու նպատակով, Գերմանիայի իշխանութիւնների որոշմամբ կազմավորվել են Ազգային Կոմիտեներ, որոնց կազմում ընդգրկվել են էմիգրացիայում գտնվող նախկինում գոյութիւն ունեցող պետական կառույցների ղեկավարներն ու ռազմական բարձրաստիճան զինվորականները:

Ի՞նչ նպատակ էր հետապնդում Հայոց Ազգային կոմիտեն եւ ինչու՞ էր այն կազմավորվել:

ՀՀ ՊԱԿ-ի արխիվում պահպանվող թիւ 6 փաստաթղթի (Ռոզենբերգի գլխավորած Արեւելյան գրաված տարածքների նախարարութեան հայտարարութիւնն է-Հ.Գ.) հավաստմամբ՝

«1 «Հայոց Ազգային կոմիտեն հիմնվել է Բեռլինում 1941 թ. դեկտեմբերի 15-ին Արեւելյան գրաված տարածքների նախարարութեան հովանավորութեամբ: Կոմիտեն իր վրա է վերցնում Գերմանիայի ու հայութեան միջեւ միջնորդ լինելու գործառնությունը...»

2. Հայոց Ազգային կոմիտեի նպատակն էր մի կողմից Հայաստանի ու հայ ժողովրդի ազատագրումը խորհրդային Ռուսական տիրապետութիւնից, մյուս կողմից՝ Հայաստանի քաղաքական անկախութիւնը:

3. Այդ նպատակների ու խնդրի իրականացման համար, Հայոց Ազգային Կոմիտեն հանվում է Գերմանիայի քաղաքական պաշտպանութեան վրա, որպես կայուն երաշխիք...

4. Իր որդեգրած խնդիրները հաջողութեամբ լուծելու համար Հայոց Ազգային Կոմիտեն անհրաժեշտ է գտնում միավորել հայ ազգային բոլոր առողջ ուժերը...

7. Հայոց Ազգային Կոմիտեն գտնում է, որ իր այն ցեղակիցները, ովքեր տարբեր ժամանակահատվածներում քաղաքական ու պատմական հանգամանքների հետեւանքով բռնութեամբ հար-

կադրված հեռացել էին եւ այժմ բնակվում են տարբեր երկրներում, աստիճանաբար պիտի վերադառնան Հայրենիք...

7. Հայոց Ազգային Կոմիտեն համոզված է, որ իր ազգի ձգտումները կպսակվեն հաջողութեամբ, իսկ Հայաստանը հզոր Գերմանիայի աջակցութեամբ կլինի ինքնուրույն: Հայ ժողովուրդը այդ ճանապարհով կարող է զարգացնել իր մշակույթն ու ազգային կյանքը բոլոր ուղղութիւններով...»¹:

Բացի Հայոց Ազգային կոմիտեից, ըստ ԽՍՀՄ ՊԱԿ (Պետական Անվտանգութեան Ժողովրդական Կոմիսարիատ) 4-րդ վարչութեան վերահիշյալ փաստաթղթի՝ Ռոզենբերգի գլխավորած Արեւելյան նախարարութեան կազմում գործել է Կովկասյան բաժանմունք հայկական ներկայացուցչութեամբ, որը ղեկավարել է ղոկտոր Բաղդասարյանը (Հարութիւն Բաղդասարյանը միաժամանակ Հայոց ազգային խորհրդի քարտուղարն էր-Հ. Գ.): Բաժանմունքի նպատակն էր կովկասյան ազգերին պատկանող ռազմագերիների մեջ քարոզչական աշխատանքների կազմակերպումը:

Ըստ այդ փաստաթղթի՝ «Ազգային-բուրժուական կուսակցութեան» «Դաշնակցութեան» ղեկավարութեան մեծ մասը գործուն կերպով համագործակցել է գերմանական հետախուզական ծառայութիւնների հետ: Թեպետ այդ փաստաթղթում նշվում է, որ «Դաշնակցութիւն» կուսակցութեան ղեկավարութեան մեծ մասը գործուն կերպով համագործակցել է գերմանական հետախուզական ծառայութիւնների հետ, սակայն հարկ է նշել, որ չկա որեւէ փաստաթուղթ, անգամ հիշատակումներ ու ակնարկներ, որոնք վկայեն Հ.Յ. Դաշնակցութեան վերին մարմնի՝ ՀԵԴ Բյուրոյի կողմից Գերմանիայի քաղաքական ղեկավարութեան հետ մերձեցանքում ու դաշնակցելու իրողութիւնը, հետեւաբար, նաեւ հայկական գործառնասեր (լեգեոն) կազմելու որոշումն ու պահանջները:

Պատերազմի սկզբնական շրջանում, երբ հայտնի են դառնում գերմանական իշխանութիւնների հետ Դրոյի ունեցած անձնական կապերն ու շփումները, անգլիամետ Համո Օհանջանյանն ու Ռուբեն Տեր-Մինասյանը նույնիսկ առաջարկել են նրան հեռացնել ՀԵԴ շարքերից եւ միայն Վահան Նավասարդյանի, որն, ի դեպ, ռուսների հետ համագործակցելու կողմնակիցն էր, Դրոյի

¹ Абрамян Э, ցվ. աշխ., էջ 188:

մտերիմ ընկերն ու ջերմ երկրպագուն, ակտիվ միջամտությունը կանխում է իրագործելու նրանց մտադրությունը:

Փաստորեն, պատերազմող տերությունների նկատմամբ կողմնորոշման վերաբերյալ միանշանակ որոշման բացակայության պայմաններում Հ.Յ. Դաշնակցության ապակենտրոն կառույցներն ու անդամները հարկադրված գործել են յուրաքանչյուրն ըստ իր համոզմունքի ու կողմնորոշման:

Գերմանիայի քաղաքական ղեկավարության հետ բանակցելու նպատակով Բեռլին է ժամանել ոչ միայն Դրոն, այլև Ալ. Խատիսյանի գլխավորած խումբը, որի կազմում էին Սարգիս Արարատյանը եւ Վահան Փափազյանը (Կոմս):

Նրանք առաջին անգամ Գերմանիայի բարձրաստիճան պաշտոնյայի անվտանգության նախարար Ռ. Հայդրիխի հետ բանակցել են 1941 թ. սեպտեմբերին, իսկ մեկ շաբաթ անց վրացական պատվիրակության ընկերակցությամբ հանդիպել են ռեյսիսանախարար Ա. Ռոզենբերգին, որը պրոպագանդայի նախարար Գեբելսի համաձայնությամբ նրանց հրավիրել է քննարկելու «Ազատ Կովկաս» ծրագիրը: Համաձայն այդ ծրագրի, Կովկասի գրավյալ տարածքում պիտի կազմավորվեն ազգային հանրապետություններ: Այդ նպատակով հիմնվել Հայաստանի, Վրաստանի եւ Ադրբեջանի «Ազատագրման կոմիտեներ», որոնք 1942 թ. ապրիլին ստացել են Գերմանիային «հավասարազոր անդամ» կարգավիճակը:

Մեկ ամիս անց վրաց ու ազերի պատվիրակությունների ընկերակցությամբ Հայկական պատվիրակությունը, որի կազմում էին Ալ. Խատիսյանը, Ալֆրեդ Մուրադյանը (Հայկական լեգեոնի հոգաբարձու, իսկ 1943 թ. Հայկական միացյալ շտաբի պրոպագանդայի բաժնի վարիչ), Սուրեն Բեկզադյանը, Վարդան Սարգսյանը (1944 թ. փետրվարի 22-ից ղեկավարել է Հայկական միացյալ շտաբը, իսկ 1944 թ. դեկտեմբերի 12-ին նշանակվել է Կովկասյան միավորման «Հայաստան» մարտական խմբի (գունդ) պետ եւ Դրոն¹:

Հանդիպման ժամանակ պատվիրակությունները Գերմանիային խոստացել են գերմանացիների կողմից Կովկասը ազատագրելուն պես Հայաստանը, Վրաստանը եւ Ադրբեջանն անմիջապես

կհռչակեն իրենց անկախությունը ու կլինեն Սյուվակիայի կամ Խորվաթիայի տիպի երկրներ:

Միանգամայն օրինաչափ է եւ տրամաբանական, որ եթե գերմանացիներն ընդառաջեին ու ընդունեին հայկական կողմի առաջարկած համագործակցելու պատրաստակամությունը, ապա պիտի ներկայացնեին նաեւ իրենց պայմանները:

Խորհրդահայ պատմագիտության մեջ շատ է ծեծվում այն տեսակետը, ըստ որի Դրոն եւ Հ.Յ.Դաշնակցության մի շարք անդամներ գերմանական իշխանությունների հանձնարարությամբ հայ ռազմագերիներից կազմել եւ ղեկավարել են հատուկ զորամասեր (Հայկական լեգեոն), որոնք գերմանական զորքերի կազմում կովել են ընդդեմ Խորհրդային Միության: Այս տեսակետը համապատասխանում է իրականությանը, սակայն միակողմանիորեն ուռճացված է եւ խեղաթյուրված: Իրոք, գերմանացիները որպես համագործակցության նախապայման առաջարկել են.

- « ա) կազմել յատուկ գունտեր,
 - բ) ղեկավարությունը եւ հրամանատարությունը՝ հայ գերիներէն կազմուած լեգէոններու,
 - գ) Այս նկատմամբ որոշակի աշխատանք¹:
- Դրոն եւ նրա համախոհները գերմանացիներին ներկայացնում են հետեւյալ պահանջները.
- «ա) եթէ թուրք-գերման բանակը մտնէ Հայաստան, գերման պետութիւնը պիտի ըլլայ երաշխաւոր հայ ժողովրդի ապահովութեան եւ հայ պետութեան պահպանումին,
 - բ) հայ սահմանների ընդարձակուել թուրքից գրաւուած մասերով ու Կովկասի մէջ սահմանի խնդիրներու հարթում,
 - գ) ճանչնալ հայերին Արիական ու չտարածել անոնց վրայ գերման օրէնքները ոչ արիականներու մասին»²:

1941 թ. գերմանական հրամանատարության որոշմամբ հիմնվում է չորս ռազմական կառույցներից (գումարտակ) բաղկացած «Արեւելյան լեգեոն»-ը: Իսկ նույն թվականի նոյեմբերին կովկասյան չորս լեգեոնի կազմավորման հրամանը ստուրագրում է անձամբ Հիտլերը: Նրա գնահատմամբ՝ «...այդ լեգեոնները ապագա անկախ հանրապետությունների համար հանդիսանալու են որպես միջուկ...»³:

¹ ՀՅԴ ԿԱ, Ֆ. Ս. Վ., քժ. 46, գ. 5թ, էջ 6:
² Նույն տեղում, էջ 7-8:
³ Նույն տեղում, էջ 8:

¹ Տե՛ս նույն տեղում, էջ 34-35:

Կտրականապես դեմ լինելով պատերազմին Գերմանիայի կողմից սլավոն ազգութունների զինվորներից կազմված զորամասերի մասնակցությունը, Հիտլերը հավանություն է տվել Կովկասյան ազգությունը պատկանող զինվորներից բաղկացած լեգիոն, այդ թվում նաև Հայկական լեգեոն կազմավորելու Վերմախտի կառավարությունը ու «Գրաված տարածքների նախարարություն» ներկայացրած առաջարկությունը¹:

Ըստ ձեռք բերած համաձայնության՝ պիտի կազմավորվեին անկախ պետական կազմավորումներ՝ Հայաստան, Վրաստան, Ադրբեջան եւ կովկասյան մյուս ազգություններից բաղկացած Լեռնականների Ֆեդերացիա:

Դժվար է միանշանակ ընդունել, որ Գերմանիայի իշխանությունները կհամաձայնեին թույլ տալ Կովկասում կազմավորվելու այնպիսի անկախ հանրապետություններ, որոնք կունենային Գերմանիային հավասարազոր կարգավիճակ: Անկասկած, նախատեսված էր, որ պատերազմի ավարտին Հայաստանին, Վրաստանին, Ադրբեջանին եւ Լեռնականների Ֆեդերացիային տրվեին մարիոնետային պետությունների կարգավիճակ:

Ուշագրավ է, իսկ ինչպիսի՞ն պիտի լինեին նորանկախ հանրապետությունների սահմանները, չէ՞ որ ի սկզբանե սահմանների գծագրման գործում նրանց միջև կային վիճահարույց խնդիրներ, որոնց լուծումը բազմիցս հանգեցրել էր պատերազմի:

Հայաստանին խոստացել են Արցախը, Նախիջևանը եւ Ախալքալաղի մի մասը: Ադրբեջանը այդ ամենի դիմաց, որպես փոխհատուցում, ստանալու էր Իրանական «Ադրբեջան»-ի մի մասը ու Հյուսիսային Կովկասի, մասնավորապես Դաղստանի այն շրջանները, որտեղ բնակչությունը խոսում էր ադրբեջաներեն: Վրաստանի տարածքը պիտի ընդարձակվեր ի հաշիվ Զակաթալայի եւ Սոչիի օկրուգների²:

Գերմանիայի իշխանությունների կողմից Լեգիոն կազմավորելու որոշում ձեռք բերելը Դրոյի ու նրա զինակիցների համար առաջնահերթ նշանակություն ուներ: Այդ որոշումն արդեն նրանց իրավունք էր ընձեռում շրջել համակենտրոնացման ճամբարներն ու լեգեոնը համալրելու պատրվակով ազատել ռազմագերիներին:

Կազմավորման առաջին շրջանում գումարտակներում ընդգրկվել են հակահոմունիստական ընդգծված տրամադրություն ունեցող ԽՍՀՄ-ի կողմից բռնազավթված ու խորհրդայնացված նախկին անկախ հանրապետություններից վտարանդի դարձած եւ տարբեր երկրներում հանգրվանած զինվորականները, որոնք ատում էին Խորհրդային Միությունն ու պատրաստ էին գերմանական զինուժի կազմում կռվելու ընդդեմ խորհրդային բանակի: Իսկ 1941 թ. դեկտեմբերին հատուկ հրամանով թույլատրվում է կազմավորել Հայկական Լեգեոնը, որի կազմում կարող էին ընդգրկվել ռազմագերիները, ինչպես նաև Գերմանիայի կողմից բռնազավթած երկրների գեներ կրելու ընդունակ հայերը¹:

Դրոն խոստացել է նպաստել այդ լեգեոնը զինվորներով համալրելու գործին, բայց իրականում գումարտակները կազմավորվել են հենց նրա գործուն մասնակցությամբ: Ավելին, նա Հայկական Լեգեոնը կազմավորելու ու մարզելու գործում ընդգրկում է մարտական փորձառություն ունեցող նախկին զինվորականների ու անգամ «Նեմեսիս» խմբի մի քանի անդամների²:

Վարուժան Ոսկանյանի գնահատմամբ՝ «...քանի որ Դրոն կարծում էր, -և իրավացիորեն, որովհետև ամերկացիներն ու Ֆրանսիացիները լքել էին Սևրի պայմանագիրը, որը մեծ Հայաստանի պատրանքն էր ներշնչել, -որ հայրենիքը միայն զինված պայքարով պիտի ազատագրվեր, իր մոտ վերցրեց «Նեմեսիս» խմբի Ռուսիայի գաղթած անդամներին՝ աջ ձեռք Միսակ Թորլաքյանին, ապա Երվանդ Ֆրնտրաքյանին, Արամ Երկանյանին, Մկրտիչ Մկրյանին»³:

Ընդհանուր առմամբ Հայկական լեգեոնում ընդգրկվել են 18.000 կամավորներ, որոնցից 11.000-ը զորամասերում գրանցված զինվորներն էին, իսկ 7000-ը՝ օժանդակ-օգնական ուժերը: Լեգեոնը բաղկացած էր 11 հետեւակային գումարտակներից:

Ճիշտ է, Դրոն չէր հավատում Գերմանիայի վերջնական հաղթանակին, բայց բացառված չէր բնավ, որ Բեռլինի դաշնակից Թուրքիան օգտագործեր հարմարավետ պահն ու ներխուժեր Անդրկովկաս: Եվ եթե հիտլերականները Հյուսիսից մտնեին

¹ Տե՛ս նույն տեղում:

² Տե՛ս «Հայրենիք» ամսագիր, 1956, թիւ 10, էջ 30:

³ Վարուժան Ոսկանյան, Ընդ. աշխ., էջ 186:

¹ Տե՛ս Абрамян Э, Ընդ. աշխ., էջ 36:

² Տե՛ս նույն տեղում, էջ 37:

Անդրկովկաս, իսկ հարավից՝ Թուրքիան, ապա Հայաստանը հուշակվելու էր Գերմանիայի դաշնակիցը: Հայ ռազմագերիներից կազմված լեգեոնը նախատեսված էր իրադարձությունների համանման զարգացման պարագայում անհապաղ տեղափոխել Հայաստան: Հայկական լեգեոնի հիմնական պարտականությունը մինչև կանոնավոր բանակի ստեղծումը, պետք է լիներ Հայաստանի Հանրապետության սահմանների ու ներքին կարգուկանոնի պաշտպանությունն ու պահպանումը: Ահա սա էր Դրոյի հիմնական մտահղացումը, ծրագիրն ու նպատակը եւ, լինելով հայրենանվեր, խորաթափանց ազգային գործիչ, նա էջը կարող չհաշվարկել եւ չկշռադատել հնարավոր տարբերակները:

Հայկական լեգեոնի կազմավորման եւ այդ առնչությամբ Դրոյի հետ կայացած հանդիպումներից հետաքրքիր հուշեր է պատմում Վահան Սարգսյանը «Հանդիպում Դրոյի հետ» վերահիշյալ հուշագրությունում: Այն զորամասը, ուր ծառայել է Վ.Սարգսյանը, պատերազմի հենց առաջին օրերին շրջապատվում է գերմանական զորքերի կողմից եւ գրեթե առանց դիմադրություն գերի վերցվում: Մի քանի ամիս տարբեր ճամբարներում դաժան օրեր անցկացնելուց հետո Վ. Սարգսյանը 1942 թ. աշնանը բազմաթիվ այլ ռազմագերիների հետ, որոնց թվում նաեւ կային հայեր, տեղափոխվում է Բեռլինի մոտակայքում գտնվող Բեռնաու քաղաքում կառուցված ռազմագերիների ճամբարը: Ընդամենը մի քանի օր Բեռնաուի ռազմագերիների ճամբարում հանգրվանելուց հետո, հազարավոր ռազմագերիների զինված պահակախմբի ուղեկցությամբ տանում են Բեռլին: Այդ օրը ռազմագերիների հետ հատուկ նպատակով հանդիպման էին եկել խորհրդային բանակի նախկին բարձրաստիճան զինվորականներ, ինչպես նաեւ մշակույթի գործիչներ: Գերմանական իշխանությունների թուլյությունների գերմանական բանակի կազմում կազմավորվում էին ազգային զորամասեր, եւ հանդիպման մասնակիցները, որոնց թվում եղել է հանրահայտ գեներալ Վլասովը, աշխատել են ռազմագերիներին համոզել, որ նրանք համալրեն նոր կազմավորվող ազգային զորամասերի շարքերը:

Հանդիպմանը մասնակցել է նաեւ Դրոն:

Բեռլինում կայացած այդ հանդիպման ընթացքում, մասնակիցներին ներկայացնելով հայկական լեգեոնի կազմավորման, հայ կամավորների հավաքագրման անհրաժեշտությունը՝ Դրոն նշել է. «Պատերազմը մոտենում է Կովկասին: Եթե այսպես չա-

րունակվի, շուտով մարտերը կլինեն Կովկասյան հանրապետություններում, նաեւ մեր հայրենիքում՝ Հայաստանում: Արդեն Բեռլինում ստեղծվել է հայ ազգային խորհուրդ՝ Բեռլինի Հումբոլտի համալսարանի պրոֆեսոր Արտաշես Աբեղյանի գլխավորությամբ: Խորհուրդը ծրագրել է ներկայացրել Գերմանիայի կառավարությանը եւ արժանացել ֆյուլերի հովանավորությանը: Ըստ ծրագրի՝ երբ գերմանական զորքերը մոտենան Հայաստանին, նրանց հետ կլինեն հայ կամավորներ, որպեսզի մեր հայրենիքում զոհեր ու ավերածություններ քիչ լինեն: Շուտով կսկսվի կամավորների հավաքագրումը, կոչ եմ անում առանց տատանվելու դառնալ կամավորներ ու մասնակցել մեր հայրենիքի ազատության պայքարին»¹:

Ինչպես արդեն նշվել է, Դրոյի եւ նրա գործընկերների առաջնահերթ նպատակներից մեկը տարբեր պատրվակներով այդ թվում նաեւ լեգեոնում ծառայելու, հայ ռազմագերիներին գերմանական ճամբարներից ազատելն էր: Իսկ եթե երբեմն չէր հաջողվում իրականացնել այդ խնդիրը, ապա աշխատել են հնարավորին սահմաններում փոխել ռազմագերիների կյանքի ու ապրելու պայմանները, տեղափոխել ավելի տանելի վիճակում գտնվող, հիմնականում աշխատանքային ճամբարները: Փաստերը վկայում են, որ եթե նրանց այցելությունները չեն նպաստել ռազմագերիների լրիվ ազատմանը, ապա գոնե զգալիորեն փոխել են ճամբարներում ապրելու պայմանները: Վահան Սարգսյանի հուշերից պարզվում է, որ Դրոյի այցելություններից հետո նույն դրական փոփոխությունները կատարվել են նաեւ իրենց ճամբարում:

«Դրոյի հետ ունեցած հանդիպումից հետո, խոստովանում է Վ. Սարգսյանը, ճամբարում մեր նկատմամբ եղած վերաբերմունքը կտրուկ փոխվեց: Մեզ արդեն ֆիզիկական ծանր աշխատանքներ չէին պարտադրում, բարելավվեց նաեւ սննդի հարցը: Մեր ճամբարում կային տարբեր ազգությունների պատկանող՝ ռուս, ուկրաինացի, վրացի, ադրբեջանցի մոտավորապես 2500 ռազմագերիներ: Մենք՝ հայերս, ընդամենը 125-130 հոգի էինք: Մեզ, միայն հայերիս, օրը մի քանի անգամ հատուկ հսկողությամբ տանում էին մոտակա գյուղերն ու քաղաքները գրոսնելու: Այլ ազգությունների ռազմագերիների հետ համեմատած՝ մեզ շատ ավելի լավ էին վերաբերվում, նրանք մեզ նախանձով էին նայում, նույնիսկ եղել են

¹ «Հայաստանի Հանրապետություն» օրաթերթ, 2000, մարտի 21:

դեպքեր, երբ նրանցից ոմանք փորձում էին իրենց հայ ներկայաց-
նել: Կարող եմ վստահորեն խոստովանել, որ այդ մարդկանց ջան-
քերի շնորհիվ, իսկ մեր ճամբարը Դրոյից բացի, մի քանի անգամ
այցելել են նաև Արտաշես Աբեղյանը, Գարեգին Նժդեհը, խնամա-
կալ Մուրադյանը, Շատլ Ազնավուրի մայրը՝ Քնարը եւ այլք,
կտրուկ կերպով փոխվեց գերմանացիների վերաբերմունքը հայե-
րիս նկատմամբ եւ մենք արդեն ապրում էինք անհամեմատ ավելի
լավ պայմաններում»¹:

Մի ուշագրավ հանգամանք եւս. Դրոն եւ իր գործընկերները,
գլխավորապես զբաղվելով հայ ռազմագերիների եւ ճամբարնե-
րում նրանց ապրելու պայմանները բարելավելու գործերով,
պատշաճ ուշադրություն են դարձրել նաև հայ ռազմագերիների
կրթութայն ու գաղափարական դաստիարակութայն հարցերին:
Այս առումով արժանահիշատակ փաստեր է վկայում Վահան
Սարգսյանը.

«Մի անգամ կապոցներով ստացանք հայ հեղինակների
գրքեր, հիմնականում պատմավեպեր՝ Բաֆֆի, Մերենց եւ բառա-
րաններ, գրելու համար թուղթ, մատիտ, ազատ ժամերին զբաղվե-
լու համար շախմատ ու խաղաքարտեր: Այդ ամենը Բեռլինից
մեզ համար ուղարկել էր Դրոն: Նա հոգ էր տանում, որ մեր ճամ-
բարում կարդալինք, սովորեինք մեր լեզուն եւ պատմությունը:
Դրոյի կարեւորագույն նախաձեռնություններից մեկն էլ այն էր,
որ նա բոլոր այն հայերին, ովքեր չգիտեին հայերեն խոսել, պար-
տադրում էր, որ նրանք անպայմանորեն սովորեն ու խոսեն մայ-
րենի լեզվով: Շատ հայեր Մոսկվայից, Տաշքենդից, ովքեր չգի-
տեին հայերեն խոսել, մեր օգնությամբ սովորում էին մայրենի
լեզվով խոսել, գրել եւ կարդալ»²:

Դրոյի գործունեության այդ շրջանը բնութագրող վավե-
րագրերը հավաստում են, որ նա հայերին, մասնավորապես
ռազմագերիներին, անկախ նրանց ծննդավայրից եւ կուսակ-
ցական պատկանելությունից, վերաբերվել է ընդգծված ուշա-
դրությամբ ու ջերմությամբ:

Եւս մի հատված Վահան Սարգսյանի վերահիշյալ հուշերից.

«Բեմահարթակից իջավ Դրոն:

- Բարե՛ւ, հայ եղբայրներ, - թավ ձայնով ասաց նա ու
առանձին-առանձին սեղմեց մեր ձեռքը...

... Շարունակեց հարցնել, թե ով որտեղից է:

- Դո՞ւ որտեղից ես, - հարցրեց Սուրենին: Լենինականից:

- Ո՛չ, դու Գյումրեցի ես: Ձեր քաղաքի պատմական անունը
Գյումրի է...

- Դո՞ւ որտեղից ես, - հարցրեց մեկ ուրիշի:

- Լեռնային Ղարաբաղից: Ո՛չ, տղաս, դու Արցախից ես: Չմո-
ռանաս, որ Ղարաբաղի իսկական անունը Արցախ է:

- Իսկ դո՞ւ որտեղից ես, - հարցրեց ինձ:

- Ապարանի շրջանի Բուժական գյուղից»:

Լսելով պատասխանը՝ Դրոն հետաքրքրվել է Ապարանի եկեղե-
ցու վիճակով եւ հուզմունքով ու անկեղծությամբ խոստովանել.
«Ա՛խ, ինչքան եմ ուզում տեսնել եկեղեցին, խմել Բաշ Ապարա-
նի հորդառատ ջուրը: Քսաներկու տարի առաջ հեռացել եմ հայ-
րենիքից, բայց Հայաստանը միշտ եղել է իմ սրտում: Օտարու-
թյան մեջ Հայաստանից եկող ուրախ լուրերը երջանկացրել են
ինձ, իսկ տխուր լուրերը մաշել են սիրտս...

- Աստված տա, որ պատերազմը շուտով ավարտվի, միասին
վերադառնանք Հայաստան, Բաշ Ապարանի եկեղեցու մոտ ուրա-
խության սեղան բացենք»¹:

Հարկ է նշել, որ Հայկական լեզեոնը խորհրդային զորքերի
դեմ շատ քիչ է կռվել: Ավելին, Դրոն ամեն ջանք գործադրել է,
որպեսզի Հայկական լեզեոնը ոչ միայն գերմանա-խորհրդային,
այլև ճակատ չմեկնի ընդհանրապես:

Դրոյին նվիրված իր հուշերում անդրադառնալով այդ իրողու-
թյան նկարագրմանն ու գնահատմանը՝ Արամ Տապաղյանը նշում
է. «Կովկասեան ազգերէ կազմուած կամաւորական բանակի
գունդերը զրկուեցան արեւելեան ճակատ: Մնացին միայն հայե-
րը, որոնց մեկնումը կուշանար:

Արեւելեան ճակատի հարաւային մասի սպայակոյտին նախա-
գահը, բարձրաստիճան սպայ մը, Պրաուն անունով, Դրոյի լաւ
բարեկամն էր: Անոր շնորհիւ մեր հայկական գունտը, փոխանակ
դէպի արեւելք շարժուելու, զրկուեցաւ Նորմանտիի ճակատը, ուր
անոնք առիթ չունեցան կռուի մէջ մտնելու...»²:

¹ Նույն տեղում:

² Նույն տեղում:

¹ Նույն տեղում:

² «Ղայրենիք» ամսագիր, 1957, թիւ 5, էջ 6:

Դրոն գերմանացիներին խոստացել էր նաեւ. «...օգնութիւն ընել, եթէ գերման բանակը գրաւի Հայաստան: Այս օգնութիւնը կը վերաբերուի միայն Հայաստանի ներքին կազմակերպութեան եւ պաշտպանութեան»¹:

Պատերազմի սկզբնական շրջանում գերմանացիները, առանց հաշվի առնելու գերիների ազգային պատկանելութիւնը, բոլորին անխտիր քշում էին թիկունք, որը մեծ դժվարութիւններ էր հարուցում հարյուր հազարավոր գերիների մեջ հայերին որոնելու ու նրանց ազատելու գործում: Գերիների այդ հսկայական բազմութիւնը, որոնց թվում նաեւ հայերը, կոտորվում էր սովից, ցրտից եւ տաժանակիր աշխատանքներից:

«Գերմանացիների,-գրում է Արամ Տապաղյանը (նա այդ ժամանակ բնակվել է Բեռլինում եւ համագործակցել է Դրոյ հետ-Հ.Գ.),- ձեռքը ինկած պատերազմական միլիոնաւոր գերիներու մէջ կային նաեւ բաւական թիւով հայ գերիներ, որոնք կը ղրկուէին թիկունք: Անոնք Լեհաստանի մէջ ցարական ժամանակէ մնացած անգործածելի դարձած հսկայ զօրանոցներու մէջ կը լեցուէին եւ ցուրտէն ու սովէն կը կոտորուէին, նորեկներուն տեղ բանալու համար»²:

Եթե հայերը շարունակեին մնալ գերիներին հատկացված ընդհանուր ճամբարներում եւ չառանձնացվեին, ապա չափազանց դժվար կլինեիր նրանց գերութիւնից ազատելը: Անհրաժեշտ էր նախ եւ առաջ նրանց մեկուսացնել ու տեղափոխել առանձին կացարաններ, որպէսզի առավել ստույգ պարզվի նրանց թիվն ու ով լինելը:

«Պերլինի մէջ, - շարունակում է, - Արամ Տապաղյանը, - չորս ազգերու միացեալ դիմումներով կարելի եղաւ հրաման ստանալ, որ կովկասեան ազգերու ներկայացուցիչները ղրկուին գերիներու կեդրոնացման կայանները՝ հասկանալու իրենց ազգակիցներու թիւը:

...Պերլինի հայկական մարմինը՝ գլխաւորութեամբ Դրոյի, նախ յաջողեցաւ հրաման ստանալ, որ հայ գերիները զատ-զատ բաժնյակներու մէջ հաւաքուին եւ սնունդ ստանան, աներեւակայելի պատահարներէ զերծ մնալու համար»³:

Շահելով գերմանական իշխանութիւնների վստահութիւնը՝ Դրոն իր զինակիցներով շրջում է գերմանացիների կողմից նվաճված երկրներն ու մեծ չարչարանքների ու անբասիր աշխատանքների գնով համակենտրոնացման ճամբարներից, բանվորական աշխատանքային բրիգադներից ազատում հազարավոր հայերի: Ըստ փաստաթղթերի ու վկայութիւնների, Դրոն իր զինակիցների ջանքերով ողջ պատերազմի ընթացքում կարողացել է գերութիւնից ազատել ավելի քան 40.000 հայերի¹:

Ս. Վրացյանի բնութագրմամբ՝ «Ինչպէս հայտնի, պատերազմի սկզբին, կարմիր բանակի ամբողջ զօրամասեր յօժարակամ անձնատուր էին լինում Գերմանիային: Գերման ճամբարներում միլիոնավոր կարմիր գերիներ հաւաքուեցին, որոնք ճանճերի պէս կոտորուում էին ձմեռուայ սառնամանիքից, բաց երկնքի տակ, անօթի ու թշուառ: Մօտ 40.000 հայ գերիների կյանքը փրկուեց Դրոյի եւ ընկերների շնորհիւ»²:

Հայ գերիներին ազատելիս նա բնավ կարեւորութիւն չի տվել նրանց կուսակցական պատկանելիւթյանն ու համոզմունքներին: Այդ հարցում նրա համար միակ չափանիշը հայ լինելն էր:

«Մենք,-ասել է Դրոն,- եկած ենք օգնելու եւ փրկելու հայերին այս արյունոտ պայքարին մէջ: Ամէն մի փրկուած հայ մի պլիւս է մեր տառապած ցեղի համար, հոգ չէ, թէ ինչ քաղաքական կամ կուսակցական հոսանքի է պատկանում նա, բաւական է, որ իսկական հայ է...»

Այդպէս էր բնորոշում Դրոն իր դերը այդ օրերին»³:

Նրան բնութագրող մի կարեւոր հանգամանք եւս. պատերազմի տարիներին ժամանակի հարկադրանքով համագործակցելով նացիստների հետ, Դրոն երբեք չի եղել նրանց գործերի, գաղափարների համակիրը, ջատագովն ու պաշտպանը: Որպէս ազատութիւն եւ ճշմարիտ ժողովրդավարութիւն նվիրյալի՝ նրա համար ֆաշիստական Գերմանիայի քաղաքականութիւնը եւ տիրապետող գաղափարախոսութիւնը՝ նացիզմը՝ որպէս բռնակալութիւն, եղել է խորթ եւ ատելի:

¹ ՀՅԴ ԿԱ, ֆ. Ս. Վ., թժ. 46, գ. 5բ, էջ 10: Վրացեան Ս., Կեանքի ուղիներով, հ. Դ, 1965, էջ 218: Այդ նույնը տողերիս հեղինակի հետ ունեցած հանդիպումների ժամանակ հաստատում էին նաեւ նրա գործունեության այդ ժամանակաշրջանին առնչվող մարդիկ, որոնց հետ 1990 թ. ԱՄՆ-ի Բոստոն քաղաքում կայացած զրոյցների ծայնագրութիւնները պահվում են իմ անձնական արխիւում:

² Վրացեան Ս., Մրկածին Դրոն, էջ 168:

³ «Հայրենիք» ամսագիր, 1956, թիւ 10, էջ 30:

¹ «Հայրենիք» ամսագիր, 1956, թիւ 10, էջ 8:
² «Հայրենիք» ամսագիր, 1957, թիւ 5, էջ 5:
³ Նույն տեղում:

Մի ուշագրավ վկայութիւնն Հայկական լեզեոնի ծառայողներին մեկի՝ Լեւոն Մկրտչյանի հուշագրութիւնն է: 1943 թ. ապրիլին Դրոն Հայ զինվորների հետ հանդիպելու եւ նրանց առջեւ ելույթ ունենալու նպատակով լինում է Հայկական լեզեոնի Բուլավիի ճամբարում, ուր այդ ժամանակ ծառայում էր լեզեոնական Լեւոն Մկրտչյանը:

«Ապրիլի 14-ը եւ 15-ը, - վերհիշում է Լ. Մկրտչյանը, - ուշագրաւ օրեր էին Լեզեոնի համար...»

Լեզեոն էր ժամանել չորս հոգուց կազմուած մի խումբ Բեռլինից, - զօրավար Դրօ Կանայեան, պրոֆեսոր Արտաշէս Աբեղեան, գնդապետ Տիգրան Բաղդասարեան եւ երիտասարդ ՅարութիւնեանըԱռաջին գծի վրայ էր գտնուում, իհարկէ, Դրոյի ելույթը:

Ես որեւէ տեղ չեմ լսել կամ կարդացել, թէ Դրօն աչքի ընկնող ճառախօս է եղել երբեւէ: Եւ իրականում էլ չի եղել հաւանաբար: Բայց մեր լսածը այնպիսին էր, որն անւարան կարելի էր կոչել «Կուռ եւ բովանդակալից ճառ»: Խօսքի չափը լաւ էր ընտրուած, ոչ երկար, ոչ էլ կարճ: Դրօն բեմից խօսում էր հանգիստ, սահուն, առանց ձայնի ու կշռույթի նուազագոյն խափանման: Խօսքը ներքուստ լիցքաւորուած էր եւ մշակուած համոզմունքի արդիւնք:

Դրոյի խօսքի սկիզբը բաւական զգացական էր: «Ցաւալի՛, շա՛տ ցաւալի է,- յատուկ շեշտով ասում էր նա, - որ այս երիտասարդութիւնը տեսնում եմ օտար հողին վրայ: Որքա՛ն կուզենայի, որ ձեզ հետ հանդիպու՞մը տեղի ունենար Երեւանում, Հայոց հողի վրայ»¹:

Հավաքի մասնակից լեզեոնականները կարծել են, որ նա անպայմանորեն գովեստի ու դրվատանքի խօսքեր կասի նացիստների, նրանց վարած քաղաքականութեան ու գաղափարախոսութեան վերաբերյալ, սակայն Դրօն բոլորի համար անսպասելի ունկնդիրների ուշադրութեանն է ներկայացնում բոլորովին այլ բովանդակութեան հարցեր:

«...Ապա Դրօն,- շարունակում է Լեւոն Մկրտչյանը,- ասաց, թէ խորհրդային պայմաններում մեծացած երիտասարդները Արեւմուտքը ճանաչելու պատեհութիւն չեն ունեցել: Իսկ այսօրուայ տեսածով չի կարելի չափել Արեւմտեան աշխարհը: «Դուք

գտնուում էք տիրողի եւ տիրուողի երկրում, - քանիցս կրկնեց նա,- այն էլ պատերազմի ժամանակ»: Ապա նա խստօրէն ներկայացրեց ու գովեց այն կարգերը, որոնք գոյութիւն ունէին ժողովրդավարական երկրներում, քաղաքական ու ընկերային ասպարէզներում: Այդ կէտը շատ արտասովոր թուաց ինձ, թերեւս նաեւ շատ ուրիշների, երբ Դրոյի նման աչքի ընկնող անձնաւորութիւնը՝ գերմանացիների տրամադրած բեմից ու նրանց ականջի տակ ժողովրդավարական աշխարհի գովքն էր անում, նրա անունը տալով կամ չտալով, բայց այնքան հասկանալի մակարդակով ու շեշտուած նախասիրութեամբ»²:

Պատերազմի սկզբնական շրջանում եւ մինչեւ 1942 թ. կեսերը՝ Դրօն բացառապէս զբաղվում է Եվրոպայի տարբեր երկրներում բնակվող Հայութեան անվտանգութեան ասպարէզման եւ Հայ ռազմագերիներին համակենտրոնացման ճամբարներից ու բանվորական բրիգադներից ազատելու գործով:

Նա այդ գործը իր զինակիցների գործունէ աջակցութեամբ կատարել է մեծ ջանասիրութեամբ, զրկանքներով ու զոհողութեամբ, բայց արդյունավետ:

Մի փոքրիկ դրվագ նրա կնոջ՝ տիկին Գայանեի հուշերից.

«Մի անգամ Բեռլինում հանդիպեցինք Դրոյի ջանքերով ազատված Հայ ռազմիկների հերթական խմբերից մեկին: Այդ օրը նա ուտելիք էր բերել նրանց համար: Ես տեսա, թե ինչպէս ուտելիքը նրանց բաժանելուց հետո Դրօն աննկատ հավաքում էր գետնին թափված հացի փշրանքներն ու արագորեն ուտում: Ինչքան սոված լինելու եւ կարիքի մեջ, միեւնույն է, իր վերջին ունեցածը տալիս էր Հայ ռազմագերիներին եւ դժբախտութեան ու կարիքի մեջ հայտնված հայրենակիցներին»²:

Համակենտրոնացման ճամբարներից ու աշխատանքային բրիգադներից ազատած ռազմագերիներին նա, գլխավորապէս իր Ֆինլանդական միջոցներով, ուղարկում էր ավելի ապահով վայրեր: Նրանց օգնելու համար Դրօն աշխատում է ներգրավել Եվրոպայի հայկական գաղթօջախների ողջ Հայութեանը, հատկապէս Ֆինլանդական կարողութեւններ ունեցողներին, իսկ նրա

¹ Ելույն տեղում:

² Դրոյի կնոջ՝ տիկին Գայանեի, ինչպէս նաեւ նրա մասին պատմող մյուս ծայնագրութիւնները պահպանվում են տողերիս հեղինակի հավաքածուում:

¹ «Բագին» ամսագիր, 1969, մայիս-հունիս, էջ 15-16:

խոսքն ու առաջարկութիւնները՝ որպէս օրենք, անհետեւանք չէին անցնում:

«Դրո՞ն,- նշում է Արամ Տապաղյանը, - պերճախօս չէր, սակայն խօսելու իւրահատուկ շնորք մը ունէր, եւ իր խօսածը ոչ թէ ականջիդ, այլ հոգիիդ մէջ կը մտնէր եւ հոն կը մնար...»

Երբ մենք ճոխ սեղանի մը շուրջ նստած կըլլայինք, կը սկսէր.

«Մենք իրաւունք չունինք այս ճոխ սեղանի շուրջը նստելու եւ կուշտ փորով ճաշելու: Հայութեան մէջ չկայ օրէնք, որ մէկը ուտէ, միւսը սոված մեռնի: Եղբայրնե՛ր, գիտեմ, հարուստ գաղութ չէք: Բայց գիտեմ, որ հոգով, սրտով, ազգասիրութեամբ հարուստ էք: Ազատենք սոված հայերը, որքան կարող ենք: Մեր պատառին կէսը մենք ուտենք, կէսն էլ սովեալներու տանք...»¹:

Հայկական լեզեոնի կազմավորման ու գործունեութեան որոշ դրվագների մասին արժանահիշատակ հիշողութիւններ է պատմում նախկին լեզեոնական, Թումանյանի շրջանի Շամուտ գյուղի բնակիչ Աշոտ Հակոբի Սարգսյանը, որն իր «Մեծ հայ զորավարները» եւ «Հայկական լեզեոնի ճակատագիրը» խորագիրը կրող հուշագրութիւններում ներկայացնում է ուշադրով պատահիկներ, իր իսկ բնորոշմամբ՝ Մեծ զորավարների՝ Դրոյի ու Նժդեհի հետ կայացած հանդիպումներից²:

Աշոտ Սարգսյանը, 1941 թ. օգոստոսի 22-ին Վիլնյուսի մոտակայքում ընթացող կռիվներից մեկի ժամանակ, նույն զորամասի հարյուրավոր զինվորների հետ, ծանր վիրավոր վիճակում հայտնվում է գերմանական գերութեան մեջ:

Նրան եւ բազմաթիվ այլ գերյալներից գերմանացիները աշխատանքային բրիգադներ են կազմում, ապա տեղափոխում են մի քանի երկրներ՝ Բելոռուսիա, Ուկրաինա, Լեհաստան, ուր բազում տաժանակիր օրեր անցկացնելուց հետո, ի վերջո 1942թ. ապրիլին հայտնվում են Գերմանիայի Գրան քաղաքի (Արեւելյան Պրուսիա) համակենտրոնացման ճամբարում: Համաձայն Ա. Սարգսյանի վկայութեան, այդ ճամբարի 240.000 գերյալների ճնշող մեծամասնութիւնը տարբեր հանգամանքներով ոչնչացվել էր: Ընդամենը մի քանի ամիս անց ճամբարում մնացել էին

4500 գերիներ, որոնց մեջ՝ 15 հայեր: Ի՞նչ ճակատագիր էր նրանց սպասում:

«Գերմանացիների դանակի ու մտրակի տակ, - վերհիշում է Աշոտ Սարգսյանը,- գերութեան մեջ էինք: Ամեն օր մեզ հույս տալով, թե վաղը լավ կլինի, աստված մեզ կօգնի: Սակայն մեր բախտն էր կտրվել, մեր աստվածն էլ մեր գլխին խռովել էր ու մեզ գցել շների ու զազանների ձեռքը»¹:

1942 թ. մայիսի սկզբներին Դրոն մի խումբ զինակիցների ուղեկցութեամբ Բեռլինից գալիս է Գրան քաղաք եւ այցելում գերիների ճամբար: Գերիների հետ կայացած հանդիպման սկզբում՝ առանց իր անձը ներկայացնելու, Դրոն հայտնում է, որ իրենք եկել են նրանց գերութիւնից ազատելու: Հենց նույն հանդիպման ժամանակ նա հայ գերիներին առաջարկում եւ խորհուրդ է տալիս՝ ընդգրկվել հայկական ազատագրական բանակի կազմում: Նա գերիներին տեղեկացնում է, որ իրենք՝ Հայոց հին զորավարները, գտնում են, որ Հայաստանի փրկութեան միակ երաշխիքը կարող է լինել նոր կազմակերպվող հայկական ազատագրական բանակը:

Գերիներին միաժամանակ տեղեկացնում է, որ իրենք նախօրոք համապատասխան ծրագրեր են ներկայացրել հիտլերյան վերմախտի շտաբին ու իրենց վրա վերցրել պատասխանատվութիւն՝ կազմավորելու հայկական ազատագրական բանակ, որը կմտնի Անդրկովկաս եւ գերմանացիների աջակցութեամբ «...նորհրդային կայսրութիւնից կազատագրեն Վրաստանը, ապա Թուրքիայի յաթաղանի ճամբուն կիսափանենք Հայաստանի վրայով Ադրբեջան ներխուժելուն, իսկ գերմանական հրամանատարութիւնը մեզ կվստահի, որ մենք ազատագրենք մեր հայրենիքը...»:

Ճամբար այցելելու իրենց նպատակները գերիներին ներկայացնելուց հետո միայն, ըստ Աշոտ Սարգսյանի վկայութեան, նա հայտնում է. «Ես Դրոն եմ, հայոց ազատ ու անկախ Հայաստանի զորապետը: Ինձ հետ է Ձեր սիրելի Նժդեհը, Գարեգինը Բեռլինում հենց այս հարցերով է զբաղված:

Դրո անունը ցնցեց բոլորիս, շփոթված չէինք իմանում ինչպես ողջագուրվենք: Մեծ հույս էր այդ գերբնական մարդու այցը մահվան ճամբարները»²:

¹ «Հայրենիք» ամսագիր, 1957, թիւ 5, էջ 5:

² «Կանչ Նախնայց», 1993, 24 սեպտեմբերի: Աշոտ Սարգսյանի ծեռագիր-հուշագրութիւնը պահպանվում է տողերիս հեղինակի արխիվում:

¹ Նույն տեղում:

² Նույն տեղում:

Հայ գերիներին մեկը, որին Աշոտ Սարգսյանը անվանում է քեռի Բաբայան (երեւանցի, մասնագիտութեամբ ճարտարապետ), առաջինն է մոտենում Դրոյին, սեղմում նրա ձեռքը, խրախուսում նրան բարի, հայրենանվեր ու միաժամանակ վտանգավոր գործը ձեռնարկելու համար եւ երախտագիտութեամբ ասում. «Պարոն Դրաստամատ, բարով տեսանք, էն մեզ համար աստված է ձեզ ուղարկել: Մեզ փրկեցեք, մեռնում ենք, լագերի կեսից ավելին կոտորվեցին, ինչ թավուր հայ տղերք մեռան՝ կորան, ինչ առաջարկեք, քեզ ճանաչում եմ, վատը չեք ցանկանաք ու զավակներին: Միայն մեզ շուտ դուրս բերեք մահվան այս սպանդանոցից»¹:

Հայ գերիները, հետեւելով քեռի Բաբայանին, հերթով մոտենում են խնամակալ Մուրադյանին եւ ցուցակագրվելով՝ զինվորագրվում նոր-նոր կազմակերպվող Հայկական լեգեոնին:

Հաջորդ օրը եւեթ ցուցակագրված բոլոր 15 հայերին ավտոմեքենայով տեղափոխում են Լեհաստանի Լյուբլին, ապա Զելյոնկա քաղաքը, որտեղ արագացված հրամանատարական դասընթացներում ուսուցանելուց եւ համապատասխան զինվորական կոչումներ շնորհելուց հետո, տեղափոխում են Լեհաստանի Պուլավա քաղաք:

Ըստ Աշոտ Սարգսյանի հավաստման՝ հենց այդ՝ Պուլավա քաղաքի ճամբարում կազմավորվում են Հայկական լեգեոնի թիվ 1-ին, 2-րդ եւ 3-րդ գումարտակները, որոնց հրամանատարները սկզբում գերմանացիներ էին, իսկ տեղակալները՝ հայեր: Գումարտակներին հանձնելով մարտական դրոշները՝ Դրոն ասել է. «... Այսօր հանձնելով հայկական երեք գումարտակներին իրենց մարտական դրոշները, հույս ունեմ, որ մեր այս սուրբ դրոշի ներքո, դուք, իմ թանկագին զինվորներ ու հրամանատարներ, ձեր կյանքն ու արյունը չեք խնայիլ մեր սուրբ հայրենիքն ազատագրելու համար...»:

Հայկական լեգեոնի ծառայողների համազգեստն ու ուսադիրները գերմանական էին, իսկ սպայական կազմի կարգանշանները՝ զուտ հայկական:

Լեգեոնի զինվորականները համազգեստի թեւքերի վրա կրում էին հայոց արծվի էմբլեմով նշան, որի վրա հայերեն եւ գերմաներեն գրված էր «Հայկական Լեգեոն», իսկ դրանից վերեւ կրում

¹ Նույն տեղում:

էին եռագույնը՝ Հայաստանի Հանրապետության դրոշը: Գումարտակները ունեցել են նաեւ իրենց զինվորական քայլերգերը, որոնք էին «Զեյթունցիները», «Անդրանիկը քաջ», «Սերոբ փաշան» եւ այլ հայրենասիրական երգեր¹:

Մի ուշագրավ տեղեկություն եւս. Աշոտ Սարգսյանը վկայում է, որ իրենց «...տակտիկական պարապմունքներն անցկացնում էին հայ Մեծ զորապետներ Դրոյի եւ Նժդեհի հսկողության տակ ու նրանց ցուցումով.

...բացի տակտիկական - ռազմավարական տեխնիկայի ուսուցումը, Դրոն ու Նժդեհը մեր հայ հրամանատարական կազմի հետ պարապում էին Հայոց պատմությունն ու նրա դասերը, հայ հոգեւոր եկեղեցու քրիստոնեությունն ու հավատը մեզ պարապում էր պարոն Մուրադյանը...»²:

Դրոյի հետ ունեցած հանդիպումից հուշեր է պատմել Մալկայի շրջանի Նարդեւան գյուղի բնակիչ Իշխան Պողոսի Այվազյանը, որի պատմածը գրի է առել ու մեզ տրամադրել նրա որդին՝ մանկավարժական գիտությունների դոկտոր Էդվարդ Այվազյանը:

Երբ բռնկվել է պատերազմը, Իշխան Այվազյանը ծառայել է Մոզդոկ քաղաքի մերձակայքում տեղակայված հայկական դիվիզիաններից մեկում: Նա ծառայել է որպես վարորդ եւ իրեն հատկացված Ձիւ մականիչի բեռնատար ավտոմեքենայով զենք ու զինամթերք է տեղափոխել ճակատ:

1942 թ. այն գործասար, որտեղ ծառայում էր Իշխան Այվազյանը, կրասնոդար քաղաքի մատույցներում հարձակման ենթարկվելով, հայտնվում է շրջապատման մեջ: Պաշարման մեջ հայտնված հայկական գործասար մեծ կորուստներ է տալիս, իսկ շատերը, որոնց թվում նաեւ Իշխան Այվազյանը, գերի են ընկնում: Գերմանացիները գերիներին տեղափոխում են Արմավիր քաղաքում գտնվող ճամբարներից մեկը:

«Ճամբար տեղափոխվելուց մի քանի օր հետո, պատմել է Իշխան Այվազյանը, գերմանացի սպաներից լսում ենք, որ ճամբար պիտի ժամանի մի հայ գեներալ, որին պատշաճ մակարդակով դիմավորելու համար գերմանացիները սկսում են կարգի բերել ճամբարը, գերիների հագուստն ու սննդամթերքը»:

¹ Նույն տեղում:

² Նույն տեղում:

Շատ շուտով գերմանական շքեղ մեքենայով ժամանում է գեներալը՝ Դրոն, որին դիմավորելու համար շարքի են կանգնեցնում ճամբարում գտնվող բոլոր գերիներին:

Վերհիշելով հոր պատմածները՝ էզվարդ Այվազյանը նշում է. «Հայրս ասում էր, որ ինքը այդպիսի համակրելի, գեղեցիկ արտաքինով սպա, տղամարդ չէր տեսել:

Գեներալը կանգնում է շարքի առաջ եւ մաքրամաքուր Հայերենով դիմելով հայ գերիներին՝ ասում.

-Բարեւ, արծիվնե՛ր ջան, ես Դրոն եմ: Եկել եմ, որ Ձեզ ազատեմ ու տեղափոխեմ Գերմանիա: Այնտեղ Ձեզ հայկական հատուկ լեգեոնում կվարժեցնեն ու կնախապատրաստեն ճակատ մեկնելու: Դուք ո՛չ ռուսների եւ ո՛չ էլ գերմանացիների դեմ չեք կռվելու: Ա՛յ, երբ որ գերմանացին անցնի Հյուսիսային Կովկաս եւ մտնի Անդրկովկաս, այդ ժամանակ մենք խփելու ենք շանը՝ թուրքերին: Դուք ինձ պետք եք, արծիվներ ջան: Ես պայմանավորվել եմ գերմանացիների հետ: Դե՛, Ձեզ տեսնեմ, ովքեր ի վիճակի են, ցուցակագրվեք, որ վաղը եւեթ տեղափոխվեք»:

Այնուհետեւ Դրոն հետաքրքրվում է գերիների վիճակով եւ կրկին անգամ հայտնում, որ ինքը Դրոն է՝ Դրաստամատ Կանայանը ու հարցնում՝ ի՞նչ է, իրեն չե՞ն ճանաչում:

Այդ նույն պահին, երբ նա տալիս է իր անուն ազգանունը՝ Դրաստամատ Կանայան, կատարվում է մի ուշադրավ դեպք:

«Հայրս պատմում էր, որ այս խոսքերի վրա իր կողքին կանգնած հայ զինվորներից մեկը բացականչում է՝ քեռի, ու ուշաթափվում: Դրոն հարցնում է, թե ի՞նչ պատահեց զինվորին: Հայրս պատասխանում է, որ զինվորը բացականչեց քեռի ու ուշաթափվեց: Դրոն գերմանացի պարետի հետ միասին վազելով մոտենում է ուշաթափված գերի զինվորին, եւ երբ նա ուշքի է գալիս, պարզվում է, որ այդ ուշաթափվածը Դրոյի քրոջ որդին է, որին նա ազատում է գերությունից ու մեքենայով տանում իր հետ»^{1*}:

Գերիներից շատերը ցուցակագրվում են եւ գնացքով մեկնում Գերմանիա, բայց ճանապարհին ռմբակոծության են ենթարկվում խորհրդային ինքնաթիռների կողմից:

¹ * Պարզվում է, որ Դրոյի երեք քույրերի որդիները ոչ մեկը պատերազմին չի մասնակցել: Հավանավար նրան քեռի անվանողը եղել է նրա ազգականներից որեւէ մեկի որդին:

Իշխան Այվազյանը իր ռուս ընկերոջ հետ միասին փախչում է ճամբարից, եւ Հովհաննես (Իվան) անունով տեղացի հայ բնակչի ու նրա ռուս կնոջ շնորհիվ թաքնվում է նրանց տանը: Տանտերերը բուժում եւ կազդուրում են Իշխան Այվազյանին, ապա հանձնում խորհրդային զորքերի հրամանատարությանը:

«Դրանից հետո, պատմում է էզվարդ Այվազյանը, հայրս Ֆեոդորովի պարտիզանական ջոկատի կազմում մինչեւ պատերազմի ավարտը մասնակցում է գերմանացիների դեմ մղվող կռիվներին: Պատերազմի ավարտին, Ֆեոդորովի եւ «Մահվան հովիտ» դաշտային հոսպիտալի գլխավոր բժիշկ Դիմովի տված տեղեկանքի շնորհիվ հայրս խուսափում է «գերի» որակավորումից եւ հաղթանակից հետո վերադառնում է գյուղ, միայն 1946 թ.:

Հայտնի է, որ Հայկական լեգեոնի անձնակազմի մեծ մասը, գլխավորապես հենց շնորհիվ Դրոյի միջամտության, տեղափոխվել է ոչ թե գերմանա-խորհրդային ճակատ, այլ առավել ապահով վայր՝ արեւմուտք: Սակայն Հայկական լեգեոնի մյուս մասը, մասնավորապես Պուլավա քաղաքում կազմավորված 808 եւ 809-րդ գումարտակները, ինչպես արդեն նշվել է, համաձայն գերմանական վերին հրամանատարության հետ ձեռք բերած համաձայնության, այնուամենայնիվ, տեղափոխվել են Խորհրդային Միություն:

Երբ գերմանական զորքերը հասնում են Ղրիմ եւ մոտենում Անդրկովկասին, Դրոն թողնում է Գերմանիան եւ մի խումբ զինակիցների ընկերակցությամբ ուղեւորվում Խորհրդային Միություն: Հասնելով Ղրիմ՝ Սիմֆերոպոլ, Դրոյի գլխավորած խումբն առանց ժամանակ կորցնելու բուռն գործունեություն է ծավալում այդ շրջանների հայության անվտանգությունն ապահովելու ուղղությամբ: Նրա գործունեության այդ ժամանակահատվածի վերաբերյալ արժանահիշատակ եւ հետաքրքիր հուշեր է պատմում իր հեղինակած «Օրերուս հետ» գրքում Միսաք Թորլաքյանը, որն այդ օրերին նույնպես գործել է Ուկրաինայում, Ղրիմում եւ Հյուսիսային Կովկասում: Այդ ժամանակ Ղրիմում եւ Հյուսիսային Կովկասում հայերի համար շատ բարդ եւ տագնապալի իրավիճակ էր ստեղծվել: Գերմանացիները ցուցակագրել էին հրեաներին, զնչոններին եւ այլոց, մոտավորապես 15.000 մարդու ու ապա մի փոքր անց հերթով բոլորին կոտորել¹:

¹ Տե՛ս Թորլաքեան, Գշվ. աշխ., էջ 519:

Ղրիմի թերակղզու թաթարները եւ Հյուսիսային Կովկասի մահաճեղականությունը հնարավոր միջոցներ էին ձեռնարկում գրգռելու գերմանացիներին ընդդեմ հայերի եւ աշխատում նրանց աջակցութեամբ ու թողտուգութեամբ կոտորել եւ հեռավոր համակենտրոնացման ճամբարները եւ այլ աքսորավայրեր քշել տեղի հայ բնակչութեանը:

«Ղրիմի թաթարները, - գրում է Մ. Թորլաքյանը, որն այդ օրերին Դրոյի հետ գտնվում էր Ղրիմում, - թուրքերու թելադրանքով մեծ պրոպագանդ կը մղէին, թէ հայերը նոյնքան գէշ են, որքան հրեաները. Այս թաթարները գերմաններուն տուած էին առանձին զօրամասեր եւ յայտնապէս կը գործակցէին անոնց՝ ուսներուն դէմ: Ուղղակի զինակից էին գերմաններուն, այս պատճառով ալ յաջողած էին անոնց վերի խաւերուն մօտ թափանցել եւ զանոնք նախապաշարել հայերուն դէմ: Այնքան լարած էին գերմանները, որ քիչ էր մնացել թոյլ տային թաթարներուն մաքրագործել հայերը»¹:

Շնորհիվ Դրոյի ունեցած կապերի եւ ձեռնարկած անխոնջ ու արդյունավետ գործունեութեան՝ հաջողվում է կասեցնել Ղրիմի թաթարների կողմից հայերի ֆիզիկական գոյութեանը սպառնացող վերահաս վտանգը:

Հաստատելով վերոհիշյալ իրողութիւնը՝ Մ. Թորլաքյանը գրում է. «Այստեղ անհրաժեշտ է արձանագրել թէ ինչպէս Դրոյի գլխաւորած կապերու շնորհիւ հայութիւնը փրկուեցաւ ստոյգ բնաջնջումէն: Եթէ չըլլար այս կապը եւ մեր աշխատանքը, այսօր իրիմի մէջ մէկ հայ ողջ մնացած պիտի չըլլար»²:

Տեղի հայ բնակչութեանն ու ազատագրված հայ ռազմագերիներին օգնելու նպատակով Դրոյի խմբի ջանքերով բացվում են հացի փոռ, արհեստանոցներ, խանութներ ու կրպակներ, որտեղ աշխատանքի են անցնում ռազմաթիվ հայեր: Բացի բնակչութեան եւ ռազմագերիների ցուցաբերած աջակցութիւնից, զգալի օգնութիւն են ցույց տալիս նաեւ տեղի հայկական եկեղեցուն ու դպրոցին: Ղրիմում նրա խմբի գործունեութիւնը ավելի է ծանրանում եւ ընդարձակվում, երբ գերմանացիները գրավում են Սեւաստոպոլը, Ֆեոդոսիան, Կերչը եւ ապա ներխուժում Հյուսիսային Կովկաս:

Հայտնի է, որ Ղրիմի թերակղզու եւ Հյուսիսային Կովկասի պաշտպանութեան ժամանակ մեծ կորուստներ են կրել հատկապես այդ ռազմաճակատներում մարտնչող հայկական ազգային զորամասերը:

Խորհրդային զորքերի պարտութեան հետեւանքով գերմանացիները գերեզմարում են ռազմահազար զինվորների, որոնց թվում էին զգալի քանակութեան հայեր: Այդ գերիներից շատերին, ինչպես նաեւ գրավյալ տարածքների բնակիչներին՝ կանանց ու երեխաներին, քշում էին Գերմանիայի խորքերը՝ աշխատեցնելու հանքավայրերում եւ բանվորական բրիգադներում: Նույն ճակատագիրը սպառնում էր նաեւ թերակղզում ու Հյուսիսային Կովկասում բնակվող հայութեանը:

«Ասիկա, - գրում է Մ. Թորլաքյանը, - համատարած կարգադրութիւն էր բովանդակ Եւրոպայի մէջ, ուր մուտք էր գործած գերման զէնքը: Խրիմի շրջանէն առաջին մեծ խումբին մէջ, ուր տարին դէպի Գերմանիա, կային 10-12 հայեր: Երկրորդ խումբին մէջ, զոր հաւաքած էին որ քշեն, 48 հայեր: Անմիջապէս լուր տուինք Դրոյին, որ յաջողեցաւ առաջը առնել: Եւ որովհետեւ գերմանները չէին կրնար բացառիկ կարգադրութիւն ընել միայն հայերու համար, ուստի հրամայեցին բացառութիւն ընել բոլոր կովկասցիներուն: Այնուհետեւ այսպիսի խումբերու մէջ որեւէ հայ չմտցուցին»¹:

Ղրիմում եւ Հյուսիսային Կովկասում Դրոյի խմբի գործունեութիւնը հիմնականում ծավալվում է հայ ռազմագերիներին փրկելու ուղղութեամբ: Նրանց համառ եւ քրտնաջան աշխատանքը տալիս է իր դրական արդյունքը:

«Գերմանները, - շարունակում է Մ. Թորլաքյանը, - կարմիր բանակի հայ գերիներու մէկ մասը տարին Ջանքէօյ (Խրիմ), մէկ մասը Ֆեոդոսիա եւ մէկ մասն էլ Կերչի մէջ պահեցին: Այստեղի ճամբարներուն մէջ մահուան ենթականերու տոկոսը շատ բարձր էր, որովհետեւ խիստ ձմեռ էր: Ջանքէօյի ճամբարներէն յաջողեցանք մէկ անգամ ազատել 350 հոգի, բերինք բոլորն ալ Սիմֆերոպոլ...»

Հետագային անոնք մասնաւոր արտօնագրեր ստացան, ազատ կացուցեցան եւ հոս հոն մեկնեցան:

¹ Նույն տեղում, էջ 519:

² Նույն տեղում, էջ 521:

¹ Նույն տեղում, էջ 522:

Նոյն ձեւով ազատեցինք նաեւ Ֆէոդոսիայի, Կերչի եւ Սիմֆե-
րոպոլի ճամբարներու գերիները: Կրնամ համարձակ ըսել, որ մեր
ընդհանուր աշխատանքներու եւ կապերու շնորհիւ կրցանք
փրկել մօտ 2000 հայ ռազմագերիներ»¹:

Ղրիմի մահվան ճամբարներում տիրող սոսկալի իրավիճակի
եւ հայ ռազմագերիների փրկութեան գործում Դրոյի ու նրա գոր-
ծընկերների ցուցաբերած հայրենանվեր գործունեութեան վերա-
բերյալ արժանահիշատակ հուշեր է պատմում Կոտայքի մարզի
Քասախ գյուղի բնակիչ Վազգեն Արտաշեսի Քոչարյանը, որի
վկայութիւնները, որպէս դեպքերի մասնակցի ու ակննատեսի,
ավելի էին հավաստի դարձնում եւ ամբողջականացնում Միսաք
Թորլաքյանի հուշագրութիւնները:

1941 թ. վերջերին խորհրդային բանակի հրամանատարութեան
կողմից Ղրիմի թերակղզին պաշտպանելու նպատակով ձեռնար-
կված հերթական ռազմական գործողութիւններից մեկի ձախող-
ման ժամանակ Վազգեն Քոչարյանը 1942 թ. հունվարի 16-ին
ուշակորույս վիճակում հայտնվում է գերմանական զերութեան
մեջ: Նրան եւ հազարավոր ռազմագերիների գերմանացիները տե-
ղափոխում են Մ. Թորլաքյանի հիշատակած Զանքոյի ճամբարները,
որտեղ սովի, սառնամանիքի, արսափելի պայմանների հետեւանքով
յուրաքանչյուր օր հարյուրավոր մարդիկ էին մահանում:

«Զանքոյի գերիների ճամբարում, - պատմում է Վազգեն Քո-
չարյանը, - պայմանները շատ ծանր էին, օրական մի քանի տա-
նյակ, հարյուրավոր դիակներ էին գերմանացիները լցնում փոսե-
րը: Չգիտեմ, ինչ կլինէր մեր վիճակը, եթե մեզ չհասներ հայերի
օգնութիւնը: Զանքոյի ճամբարը եկավ հայ խնամակալ Մուրա-
դյանը, որի հետ էր նաեւ զորավար Դրոն: Նրան ներկայացնելով
մեզ՝ խնամակալ Մուրադյանը ասաց. «Գեներալ Դրոն է»: Եր-
կուան էլ քաղաքացիական հագուստով էին, սեւ թիկնոցներով,
միջահասակ եւ լայնաթիկունք: Հայտարարեցին, որ եկել են մեզ
այս ծանր վիճակից ազատելու: Հունվարից մինչեւ մարտ ամիս
գերմանացիները ոչ մի մթերք չէին տվել գերիներին»:

Հետաքրքիրն այն է, որ հայ ռազմագերիներին ազատելիս
Դրոն եւ իր գործընկերները առաջնորդվել են հենց գերիների
կամքով ու ցանկութեամբ: Գերիների նկատմամբ չի եղել որեւէ
սպառնալիք ու հարկադրանք:

«Մուրադյանն ու Դրոն, - շարունակում է Վ.Քոչարյանը,-
ասացին, որ ազատվելը պետք է լինի մեր ցանկութեամբ, որպէսզի
հետագայում մեզ չմեղադրեք...»

Ձեզ ոչ Հիտլերն է պետք, ոչ էլ Ստալինը: Ձեզ հարկավոր է
տարբեր բնույթի աշխատանքներ կատարել, որպէսզի ոչ մի դեպ-
քում ռազմաճակատում չհայտնվեք ու փրկվեք: Պատերազմը
կվերջանա, կգնաք ձեր տները»:

Մարտի վերջերին Զանքոյի մահվան ճամբարներից փրկված
ռազմագերիներին, որոնց թվում նաեւ Վազգեն Քոչարյանին,
Դրոն եւ նրա գործընկերները տեղափոխում են Սիմֆերոպոլ:

«Զանքոյից Սիմֆերոպոլ, շարունակում է Վազգեն Քոչարյա-
նը,- երեք օրվա ճանապարհը անցանք ոտքով: Ավտոմեքենան եւ
սայիերը տանում էին վիրավորներին, հիվանդներին եւ ուտեստե-
ղները: Յուրաքանչյուր 3-4 կմ անցնելիս կանգ էինք առնում,
հանգստանում, ապա նորից շարունակում ճանապարհը: Քանի որ
անչափ հյուծված էինք, մեզ ուղեկցող բժիշկը թուլատրում էր
մեզ հաճախակի ուտել միայն հաց, այն էլ փոքր քանակու-
թեամբ: Ամբողջ ճանապարհին մեզ հետ միասին ոտքով քայլում
էին նաեւ Մուրադյանն ու Դրոն: Հայ խնամակալը՝ Մուրադյանը,
ինձ ծանոթացրեց Դրոյի հետ, գեներալը վերին աստիճանի հա-
մեստ էր եւ հայրենասեր: Հասանք Սիմֆերոպոլ, որտեղ կային
շատ գերիներ, անմիջապէս մեր բոլորի հագուստները հանեցին եւ
ախտահանեցին: Ինձ հետ էին Գրիգորյան Մամիկոնը, որն այժմ
ապրում է Նորքի 5-րդ զանգվածում, Ապարանի Քասախ գյուղից
Միսաքը, Թոռնիկը, Հովսեփը, Ամրոն, Ռուբենը, մարտունեցի
Հայկը, Ներքին Գետաշենից Գվիդոնը, Վարդենիկից Միրզոն, Ե-
րեւանից Պողոսը, Ամասիկը եւ այլք...»

Նրանք հետագայում բոլորն էլ տարբեր ճանապարհներով ողջ
առողջ վերադարձան իրենց տները:

Սիմֆերոպոլում պայմաններն անհամեմատ լավ էին: Կարող
եմ վստահորեն խոստովանել, որ Դրոյի եւ խնամակալ Մուրա-
դյանի շնորհիվ ստույգ մահվան սպառնալիքից փրկվեցին Զան-
քոյի ճամբարներում գտնվող ավելի քան 300 հայեր, որոնց
թվում նաեւ ես ու իմ կողմից հիշատակվածները»:

Գերմանական զերութիւնից ու համակենտրոնացման ճամ-
բարներից Դրոյի եւ նրա զինակիցների ջանքերով փրկված բազ-
մահազար հայերից շատ շատերը իրենց զավակների հետ ապրում
են Հայաստանում: Բազմաթիվ են այն հայերը, որոնք, գտնվելով

¹ Նույն տեղում, էջ 525:

գերմանական գերուժյան մեջ, չփվել են Դրոյի հետ ու երախտագիտութեամբ եւ մեծ համակրանքով են հիշում նրան ու նրա զինակիցների հայրենանվեր գործունեութիւնը:

Մինչեւ 1942թ. հոկտեմբերի 15-ը Պուլավայում կազմավորված գումարտակները մնում են Լեհաստանում: Հոկտեմբերի 16-ին այդ գումարտակների մարտիկներին, որնոց կազմում էր վերոհիշյալ Աշոտ Սարգսյանը, տեղափոխում են Վարչավայի երկաթուղային կայարան, ապա նստեցնում վազոններն ու տեղափոխում Խորհրդային Միութիւն՝ Հյուսիսային Կովկասի Արմավիր քաղաքը, ուր նրանց դիմավորում է Դրոն:

Նոյեմբերի 4-ին Արմավիրի հրապարակում մարտական շարքերով զգաստ կանգնած, Հայկական լեգեոնի գումարտակները պիտի ընդունեին Դրոյի ողջույնը:

Վերհիշելով այդ հիշարժան պահը՝ վերոհիշյալ Աշոտ Սարգսյանը գրում է. «Նժույգի վրա հայտնվեց գորապետը:

Լավեց գումարտակի հրամանատարի հրամանը.

- Գումարտակ, զգաստ - ուշադրութիւնը զորավարին: Պարոն՝ զորավար, Հայկական լեգեոնի առաջին գումարտակը լրիվ կազմով սպասում է Ձեր հայրական օրհնութեանը:

- Ողջույն Ձեզ, իմ հայ արծիւներ... Բոլորիդ փոխարեն համբուրում եմ Ձեր սրբի պես պաշտելի հայկական դրոշը: Այս դրոշը լավ պահեցեք, դա ձեր հայրերի ու պապերի արյունով ձեռք բերած ազատ ու անկախ Հայաստանի դրոշն է...

... Իմ սիրելի որդիներ՝ Ձեզ փրկելով սովից ու մահից, պարգևեւել ենք ազատութիւն ու զենք, որ այսօր Հայաստանի անկախութեան համար ոչինչ չխնայեք: Բարի ճանապարհ, սիրելի զավակներ, հանուն հայրենիքի անկախութեան...»¹:

Որեւէ գաղտնիք չէ, որ Հայկական լեգեոնի կոչումը եւ կազմավորման նպատակը բնավ էլ Խորհրդային Միութեան եւ նրա դաշնակիցների դեմ կամ ի շահ Գերմանիայի հաղթանակի մարտնչելը չէր: Լեգեոնականների զգալի մասը լքում է իրենց գործասերը եւ տարբեր ուղութեամբ հեռանում: Հարյուրավոր լեգեոնականներ կամովին հանձնվում են Խորհրդային հրամանատարութեան եւ նրա դաշնակիցների տնօրինութեանը: Իսկ լեգեոնի այն մարտիկները, որոնք չէին լքել իրենց գործասեր, գերմանական զորքերի նահանջից հետո նույնպես հեռանում են

Խորհրդային Միութիւնից եւ տեղափոխվում Եվրոպայի տարբեր երկրներ:

Հիշատակված հուշագրութեան հեղինակ Աշոտ Սարգսյանը 1945 թ. Եվրոպայից վերադառնում է Խորհրդային Միութիւն, բայց դեռեւս հայրենիք չհասած՝ կիսում է շատ շատերի ճակատագիրը, ձերբակալվում է Օդեսայում ու աքսորվում Սիբիր եւ մի քանի տարի տաժանակրութեան մեջ մնալուց հետո վերադառնում է իր հայրենի գյուղ¹:

Հյուսիսային Կովկասում Դրոյի ծավալած գործունեութիւնից մի ուշագրավ դրվագ են պատմում նրա հորեղբոր՝ Հովհաննեսի թողը՝ Բագրատ Կանայանն ու նրա կինը տիկին Անահիտը, որը այդ պատմութիւնը տարիներ առաջ լսել է ամուսնուց:

Բագրադ Կանայանը եղել է սամբո ըմբշամարտի Հայաստանի չեպիոն եւ 1963 թ. հավաքականի կազմում մեկնել է Գրոզնի քաղաք՝ մասնակցելու այնտեղ տեղի ունեցած համամիութենական մրցումներին:

Գոտեմարտի ընթացքում երբ հայտարարել են Կանայան ազգանունը, ավարտին նրան է մոտեցել մի անծանոթ հայ մարդ եւ հարցրել, թե նա որեւէ ազգակցական կապ ունի գեներալ Դրաստամատ Կանայանի հետ: Բագրատը, որը մինչ այդ չէր լսել Դրաստամատ Կանայան անունը, պատասխանում է, որ ինքը ազգակցական կապ չունի Դրաստամատ Կանայանի հետ ու երբեւէ չի լսել այդ մարդու անունը: Մրցումներն ավարտվելուց հետո, այդ նույն անծանոթ հայ մարդը Բագրատին հրավիրում է հյուր եւ նրան ավտոմեքենայով տանում է Գրոզնի քաղաքից 50-70 կմ հեռավորութեան վրա գտնվող մի հայաբնակ գյուղ:

«Երբ հասանք գյուղ, -պատմում է Բագրատը,-ինձ տարան մի շքեղ տուն, որտեղ մեծ թիվով մարդիկ էին հավաքվել, իսկ ընդարձակ դահլիճի սեղանների վրա շարված էին տարբեր տեսակի ուտեսիլներ ու ոգելից խմիչքներ: Ինձ ուղեկցող հայ մարդը դիմելով հավաքվածներին՝ նախ ներկայացրեց ինձ որպես մրցումների հաղթող, ապա ասաց, որ իրենց հյուրն է գեներալ Դրաստամատ Կանայանի թողը՝ Բագրատ Կանայանը: Լսելով գեներալ Դրաստամատ Կանայան ու իմ անունները՝ հավաքվածներն անմիջապես ոգեւորվեցին եւ մեծ ջերմութեամբ ու ծափողջույններով ընդունեցին ինձ: Ես զարմացած էի ու չփոթված եւ չէի հաս-

¹ Նույն տեղում, 26 հոկտեմբերի:

կանում, թե ինչ է կատարվում: Ներկանների պատմաձևներից պարզվում է, որ 1942 թ., երբ Խորհրդային Միության զորքերը պատերազմի ժամանակ նահանջել են, իրենց գյուղացիների խնամքին են թողել վերավոր մի քանի կարմրբանակայիններին: Երբ գերմանացիները գրավել են գյուղը, ինչ-ինչ աղբյուրից տեղեկանելով՝ Հայտնաբերել են այնտեղ պատսպարված վերավոր զինվորներին ու որոշել են այդ արարքի համար խստագույն պատժի ենթարկել գյուղի բնակչությանը:

Գերմանացի զինվորները բռնութայամբ հավաքել են բնակիչներին, լցրել են գոմերն ու սպառնացել կենդանի-կենդանի այրել նրանց: Բարեբախտաբար, Դրոն այդ ժամանակ գտնվում էր Հյուսիսային Կովկասում: Տեղեկանալով գյուղի հայ բնակչությանը սպառնացող սարսափելի աղետի մասին՝ նա անմիջապես կապվում է Բեռլինի, այդ տարաշրջանում գտնվող գերմանակի բանակի հրամանատարութայան հետ, իսկ հանդիպման մասնակիցների պնդմամբ՝ անգամ Հիտլեր հետ եւ կարողանում անխուսափելի կտորածից փրկել գյուղի բնակչությանը:

Գյուղացիների համոզմամբ, եթե այդ ժամանակ չլիներ Դրոյի միջամտութայունը, գերմանացիներն անպայման կայրեյին գոմերում բանտարկված իրենց համագյուղացիներին ու այսօր իրենց գյուղը գոյութայուն չէր ունենա:

«Մենք, մեր գյուղի ողջ բնակչութայունը,՝ ասում էին այդ հանդիպման մասնակիցները,՝ մեր փրկութայամբ պարտական ենք գեներալ Դրաստամատ Կանայանին»:

Ինչպես արդեն նշվել է, Հայկական լեգեոնը բաղկացած էր 11 հետեւակային գումարտակներից: Ճիշտ է Հայկական լեգեոնի մեծ մաս մեծ մասը, շնորհիվ Դրոյի ծանոթութայունների եւ գործադրած ջանքերի, տեղափոխվել էր արեւմտայան ճակատ, հատկապես Հոլանդիա, այնուամենայնիվ, լեգեոնի 808 եւ 809-րդ գումարտակները Լեհաստանից տեղափոխվել են ԽՍՀՄ տարածք ու կռվել ընդդեմ Խորհրդային զորքերի:

808-րդ հայկական հետեւակային գումարտակը կազմավորվել է 1942 թ. Լեհաստանի Պուլավա քաղաքում: Գումարտակ, որի կազմում եղել են 916 հայ եւ 41 գերմանացի զինվորներ, մասնակցել է Տուսպսի շրջանում տեղի ունեցած մարտերին: Գերմանական հրամանատարութայունը այդ գումարտակին գնահատել է որպես անվստահելի:

Գումարտակում գործել է անլեզալ խումբ, որն աշխատում էր լքել գերմանացիներին ու անցնել Կարմիր Բանակի կողմը: 1942 թ. հոկտեմբերին այդ գումարտակը զինաթափվել ու վերածվել է որպես ճանապարհաշինարարական գորամաս:

809-րդ հայկական հետեւակային գումարտակը (Ձեյթուն) կազմավորվել 1942 թ. նոյեմբերի 18-ին՝ դարձյալ Լեհաստանի Պուլավա քաղաքում:

Գումարտակի թվակազմն էր. 913 հայ եւ 45 գերմանացի: 1942 թ. նոյեմբերից մասնակցել է Հյուսիսային Կովկասում, մասնավորապես Կուբանի, Նալչիկի, Մոզդոկի շրջաններում եւ Կերչի թերակղզում տեղի ունեցած կռիվներին: Ի տարբերութայուն 808-րդ գումարակի, 809-րդ հետեւակային գումարտակը, որի սպաներն ու զինվորները համակված էին արիական գաղափարախոսութայամբ ու Հայաստանը Խորհրդային Միութայան կազմից դուրս բերելու եւ անկախ պետականութայուն հաստատելու նպատակադրութայամբ, Հյուսիսային Կովկասում ընթացող կռիվներում իրենց դրսեւորել են խիզախութայամբ ու անգամ ահ ու սարսափի են մատնել հակառակորդին: Այդ գումարտակը իր մարտական մկրտութայունը ստացել էր դեռեւս Պուլավայի զինվորական ճամբարում գտնվելու օրերին: Լեհ պարտիզանները բազմիցս հարձակվել են լեգեոնի ճամբարի վրա եւ յուրաքանչյուր անգամ հանդիպելով հայ լեգեոնականների դիմադրութայանը՝ չեն կարողացել գրավել ճամբարն ու նահանջել են: Լեհ պարտիզանների դեմ մղած կռիվներում հայ լեգեոնականները իրենց դրսեւորել են քաջաբար եւ կարողացել են անառիկ պահել իրենց ճամբարը, որտեղ նրանց մարզում ու մարտավարութայան դասեր էին ուսուցանում:

1943 թ. հեկտեմբերի 16-ին այդ գումարտակը տեղափոխվել է Հոլանդիա, ապա Բելգիա իսկ 1944 թ. օգոստոսին՝ Նորմանդիա, որտեղ հանձնվել է դաշնակիցների զորքերին:

Խորհրդային Միութայան անվտանգութայան ծառայութայուններին անկասկած քաջատեղյակ էին Ղրիմում, Հյուսիսային Կովկասում Դրոյի ու Հայկական լեգեոնի 808 եւ 809-րդ գումարտակների գտնվելու իրողութայունը: Ավելին, Խորհրդային անվտանգութայան ծառայութայունների համար որեւէ գաղտնիք լինել չէր կարող նաեւ մարտական գործողութայուններին նրանց մասնակցութայունն ու մարտերում դրսեւորած ուղմական կարողութայուններն ու մարտնչելու վարպետութայունը:

Դրոն, ճիշտ է, պատերազմի ժամանակ եղել է Ղրիմում եւ Հյուսիսային Կովկասում, սակայն անձամամբ չի մասնակցել կռիվներին: Հայկական լեգիոնի գումարտակների մարտական գործողությունները ղեկավարել է ոչ նա, այլ այդ գումարտակների հրամանատարներ: Սակայն նրա գործունեության հիշյալ ժամանակահատվածին վերաբերող սակավաթիվ փաստաթղթերից մեկի տեղեկացմամբ՝ պարզվում է, որ նա, այնուամենայնիվ, հարկադրված է եղել ղեկարել Հյուսիսային Կովկասում թուրք-ազերի զինվորների հետ տեղի ունեցած կռիվներից մեկը, որն ավարտվել է լեգիոնի լիակատար հաղթանակով¹:

Այդ փաստաթղթում չի նշվում նրա գլխավորությամբ տեղի ունեցած կռիվի ստույգ վայրը, թուրք-ազերի զինվորների քանակը, զորամասի տեսակը եւ կռիվն մասնակցած հայկական գումարտակի անվանումն ու համարը: Ելակետ ունենալով այն իրողությունը, որ 808-րդ գումարտակը աչքի չի ընկել իր մարտունակությամբ ու գնահատվել է որպես անվստահելի, հետեւաբար, կարելի է եզրակացնել, որ խոսքը վերաբերում է 809-րդ գումարտակին:

Այս հարցը մասամբ ստացավ իր պատասխանը, երբ «Հայ զինվոր» թերթում լույս ընծայվեց Հյուսիսային Կովկասում Դրոյի գլխավորությամբ Հայկական լեգիոնի մղած կռիվներից մեկի մասին պատմող հայ արձակագիր Նոր-Այրի^{2*} հուշերը, որը ժամանակին երջանիկ պատահականությամբ գրի է առել ու «Հայ զինվոր» թերթում «Դրոյի, նրա լեգիոնի եւ աղբբեջանական դիվիզիայի մասին (հուշ)» խորագրով, տպագրել է պատմական գիտությունների թեկնածու Արտյուշա Սանոսյանը^{3*}:

¹ Տե՛ս Տե՛ս 337 ԿԱ, ֆ. Ա. Վ., քժ. 46, գ. 5բ:

² * Նոր-Այր (Նորայր Ալեքանդրի Գարությունյան (1912-1981) հայ ածակագիր, լրագրող, ԽՍՀՄ գրողների միության անդամ 1934 թ-ից: □

Սկզբում գրական անուն ընտրել է պապի ազգանունը՝ Դովնանյան եւ գրվել է Նորայր Դովնանյան: 1932 թ-ին եղիչե Զարեցնը ջնջելով նրա Դովնանյան ազգանունը՝ կնքում է նրան Նոր-Այր անունով:

Աշխատել է ԴԿԿ կենտրոնում որպես հրահանգիչ, ապա մամուլի, գրականության ու արվեստի բաժանմունքի վարիչ, հետագայում վարել է գրական ֆոնդի հայկական բաժանմունքի տնօրենի պաշտոնը:

Սասնակցել է Հայրենական պատերազմին, ծանր վիրավորվել է Կրակովում: 1957-74 թթ. -ին եղել է Հայաստանի գրողների միության Կիրովականի (Վանաձոր) բաժանմունքի պատասխանատու քարտուղարը:

³ **Արտյուշա Սանոսյանը ծնվել է 1937 թ, Վրաստանի հանրապետության Բոգդանովկայի շրջանի Սաթխա գյուղում: 1989 թ, ընտանիքով տեղա-

Գրող Նոր-Այրի հետ Ա. Սանոսյանը ծանոթացել է 1960 թ. դեկտեմբերին: Նա այդ ժամանակ ուսանել է Խ. Աբովյանի անվան մանկավարժական ինստիտուտի 5-րդ կուրսում եւ Հայաստանի կենտրոնի 1-ին քարտուղար Թովմասյանի ու 2-րդ քարտուղար Զարուբյանի օժանդակությամբ, իրենց դասախոս Վ. Բոսյանի ղեկավարությամբ կուրսով մեկնել էին էքսկուրսիա՝ Մոսկվա եւ Լենինգրադ:

«Մոսկվայի կառավարություն,-գրում է Ա. Սանոսյանը,- մեր վագոն բարձրացավ մի միջահասակ հայ մարդ: Շուտով իմացանք, որ Հայաստանի գրողների միության Կիրովականի բաժանմունքի պատասխանատու քարտուղար Նոր-Այրն է »¹:

Հայ գրողի հետ հանդիպումը, նրա հետ զրուցի բռնվելն ապագա մանկավարժների համար անշուշտ մեծ հետաքրքրություն է առաջացրել: Նրանք շրջապատելով գրողին՝ կլանված լսել են տարբեր հարցերին վերաբերող նրա հետաքրքիր պատմություններն ու հիշողությունները: Հենց այդ ժամանակ էլ Նոր-Այրը հիշատակել է Դրոյի անունը:

Արտյուշա Սանոսյանի խոստովանությամբ՝ «Մեզ առանձնապես հետաքրքրեց Դրոյի (Դրաստամատ Կանայան) մասին նրա պատմածը...»²:

Այդ ժամանակ ուսանողները Դրոյի գործունեության մասին այնքան էլ տեղեկացված չէին, միայն գիտեին, որ նրա եղբայրը դասավանդում է համալսարանում եւ զարմացած էին, որ նրան Դրոյի պատճառով չեն ձերբակալել³:

Ի զարմանս ուսանողների՝ ՀԿԿ կենտրոնում մի շարք բարձր պաշտոններ զբաղեցած կոմունիստ գրողը իր կուսակցության կողմից մշտապես պարսավանքի արժանացած մեկ այլ

փոխվել է Հայաստան եւ բնակություն հաստատել Նաիրիի շրջանի Բուժական գյուղում: Ավելի քան տասը տարի Հայոց պատմություն եւ աշխարհագրություն է դասավանդել Նաիրիի շրջ. Բուժական գյուղի միջնակարգ դպրոցում: Այժմ բնակվում է Երեւանում:

Ա. Սանոսյանի կողմից գրի առած Դրոյի մասին պատմող Նոր-Այր հուշերը փոքր-ինչ ավելի մանրասնությամբ՝ ձեռագիր, գտնվում է տղերիս հեղինակի անձնական արխիվում:

¹ «Հայ զինվոր», 2014, թիւ 24:

² Նույն տեղում:

³ Նշտում. ոչ թե Դրոյի եղբայրն է դասավանդել համալսարանում, այլ նրա հորեղբորորդիները՝ Խաչատուր Սկրտչի Կանայանը, որը հայագիտական առարկաներ է դասավանդել ԵՊԳ-ում եւ Հայկ Սկրտչի Կանայանը, որը ակնաբանություն է դասավանդել ԵՊԳ-ի բժկության ֆակ-ում:

կուսակցութեան, այն է՝ Հ. Դ. Դաշնակցութեան ամենանշանավոր գործիչներից մեկին՝ «Դրոյին, ներկայացնում էր բոլոր բարեմասնութիւններով՝ այնպես, ինչպես եղել էր: Դրոն նրա գնահատմամբ իսկական ազգային հերոս էր՝ իր գործունեութեան բոլոր շրջաններում»¹:

Նոր-Այրը պատերազմի ժամանակ ծառայել է Հյուսիսային Կովկասի ռազմաճակատի կազմում գտնվող ազգային խառը կազմ ունեցող դիվիզիաներից մեկում: Այդ նույն ժամանակ Հյուսիսային Կովկասում էին նաև Դրոն եւ Հայկական լեգեոնի 808-րդ եւ 809-րդ գումարտակները:

Համաձայն Նոր-Այրի պատմածի՝ «Մի օր վաղ առավոտյան մեր դիվիզիան տազնապով հանեցին ոտքի և սկսեցին նախապատրաստել մարտի: Հրամանատարները բացատրեցին, որ այս անգամ մեր դիվիզիայի հակառակորդը գերմանացիների կողմից կովող Դրոյի հայկական լեգիոնն է, որը, ինչպես հայտնի է, շատ ամուր ընկույզ է...

Բոլորս սարսափի մեջ էինք...

Կարմիր բանակի Կովկասյան ռազմաճակատի հրամանատարութիւնը Կովկասի նախալեռներում Դրոյի լեգիոնի դեմ էր հանել ադրբեջանական մեկ դիվիզիա: Դա, իհարկե, արվել էր գիտակցաբար: Նկատի էին ունեցել, որ հայ լեգիոնականների դեմ առանձնահատուկ ջանադրութեամբ կկռվեին ադրբեջանցիները (կովկասյան թուրքերը), որոնք գործի կռնեին իրենց ցեղին հատուկ ատելութիւնը հայերի նկատմամբ, որ այնքան բացահայտ դրսևերվել էր 1917-1920 թվականներին...

Ինչ խոսք, Դրոյի հայ լեգիոնականները նույնպես գիտեին, թե ում դեմ են կռվում...»²:

Որեւէ կասկած լինել չի կարող, որ եթե մարտադաշտում լեգիոնի հակառակորդը լիներ խորհրդային մեկ այլ դիվիզիա, այլ ոչ թե ադրբեջանական, ապա համաձայն ընդունված կարգի ու իր դավանանքի՝ Դրոն չէր մասնակցի մարտական գործողութիւններին:

Ինչպես արդեն նշվել է, ամենայն հավանականութեամբ այդ կռվին մասնակցել է 809-րդ գումարտակը, որի թվակազմն էր. 913 հայ եւ 45 գերմանացի: Ադրբեջանական դիվիզիան իր թվակազմով (15.000 զինվոր) թեև բազմիցս գերազանցել է 809-րդ

գումարտակին, բայց իր կազմակերպածութեամբ, կռիվներ մղելու վարպետութեամբ զգալիորեն զիջել է հայկական գումարտակին: Իսկ Դրոն մեկ անգամ չէ, որ անհամեմատ փոքրաքանակ ուժերով պարտութեան է մատնել անգամ 1-ին աշխարհամարտի կռիվներում թրծված փորձառու հրամանատարների գլխավորութեամբ մարտնչող թուրքական կանոնավոր զորամասերի, որոնք իրենց մարտունակութեամբ անտարակույս ավելի բարձր էին ադրբեջանական դիվիզիայից:

Այդ կռիվը, որը իրավամբ կարելի է անվանել Դրոյի վերջին հաղթական ճակատամարտ, համաձայն Նոր-Այրի վկայութեան ընթացել է հետեւյալ ուղղվածութեամբ. «...Չնայած ադրբեջանցիների թվական գերակշռութեանը, ճակատամարտն ավարտվել է Դրոյի լեգեոնի փայլուն և լիակատար հաղթանակով, ամբողջովին ոչնչացվել էր ադրբեջանական տասնհինգ հազարանոց դիվիզիան:

...Ամբողջ դիվիզիայից փրկվել էր միայն 300 զինվոր, այն էլ իրենց արագավազութեան շնորհիվ:

Մարտից հետո բզկտված, քրքրված զինվորական արտահագուստով այդ ողորմելիներին հավաքել էին մարտադաշտի մերձակա անտառներից, այդպես ավարտեց Նոր-Այրն իր խոսքը...»³:

Ըստ Նոր-Այրի պատմածի՝ այդ զարմահարաշ հաղթանակից հետո լեգիոնն այնպիսի սարսափ է առաջացրել, որ խորհրդային զորամասերը խուսափել են նրա հետ առճակատելուց: Նոր-Այրն այդ ժամանակ ծառայել է դիվիզիաներից մեկի շտաբում եւ մշտապես ուղեկցել է դիվիզիայի հայազգի շտաբի պետին: Ըստ նրա վկայութեան, իրենց դիվիզիան նույնպես խուսափել է լեգեոնի հետ ընդհարվելուց:

Այդ նույն փաստաթղթում, ինչպես արդեն նշվել է, նկարագրվում է, թե ինչպես է Հյ. կովկասից հեռանալու ժամանակ նա ու նրան ուղեկցող մարտիկներն անսպասելի հարձակման են ենթարկվել խորհրդային հատուկ նշանակութեան ջոկատի կողմից, բայց կարողացել են ազատվել գերի ընկնելուց: Դեպքը տեղի է ունեցել 1943 թ. ամռանը՝ Կուբանի շրջանում, երբ Կարտեղի է ունեցել հարձակման հետեւանքով գերմանական զորքերը մի քանակի հարձակման հետեւանքով գերմանական զորքերը անկարող լինելով դիհանջել: Քանի որ գերմանական զորքերը անկարող լինելով դիմակայել խորհրդային զորքերի հարձակմանը, հարկադրված նա-

¹ Նույն տեղում:

² Նույն տեղում:

³ Նույն տեղում:

հանջում էին Հյուսիսային Կովկասից, Դրոյի եւ նրա խմբի ներկայութիւնն այլեւս ոչ միայն անիմաստ ու աննպատակ էր, այլեւ չափազանց վտանգավոր: Նա նույնպէս Հյուսիսային Կովկասից պիտի հեռանար Կերչի թերակղզի, ապա Ղրիմ ու այնտեղ սպասեր դեպքերի հետագա զարգացմանը:

Հարկ է նշել, որ Կովկասյան ռազմաճակատի հատուկ նշանակութեան ջոկատները բազմից փորձել էին գտնել ու գերազանցել Դրոյին, բայց երբեք չեն կարողացել գտնել նրա հետքերն ու գտնվելու ստույգ վայրը: Համաձայն վերոհիշյալ փաստաղթի վկայութեան, երբ Կարմիր բանակի հարձակման հետեւանքով գերմանական զորքերը հարկադրված հեռացել են Հյ. Կովկասից, ռազմաճակատի հետախուզական ծառայութիւնը կարողանում է գտնել Դրոյի գտնվելու տեղը ու հատուկ նշանակութեան ջոկատներից մեկը նրան ձերբակալելու հանձնարարութեամբ շտապ մեկնում է նախանշված վայրը: Այդ ժամանակ Դրոյի հետ են եղել սահմանափակ քանակութեանը մարտիկներ, որոնք ամիսներ շարունակ պատասպարվելով Մայկոպի մերձակա լեռներում, կռվել էին խորհրդային զինվորների դեմ:

Մ. Թորլաքյանի հավաստմամբ՝ այդ մարտիկները «... Տրապիզոնի, Իւնէյի և Չարշամպայի շրջանները լեռներու մէջ կռուած տղոնցմէ մաս մը, որոնք ազատուած էին և 1923-ին անցած Ռուսաստան, այժմ Մայքոպէն 30-40 քիլոմետր հեռու, կը կռուէին կարմիրներում դէմ...»¹:

Դրոն, երբ Կուռտ Թարխանյանի ընկերակցութեամբ եղել է Կրասնադարում, տեղեկանալով Մայկոպի լեռներում կռվող հայ տղաների մասին, հանձնարարում է Միսաք Թորլաքյանին, որ «...կապուիմ լեռներու մէջ վերոյիշեալ կռուողներու հետ, նաեւ անցնիմ նովորոսիսկ և այնտեղ տեսնեմ հայերու վիճակը...»²:

Կրասնոդարից Մ. Թորլաքյանը անցնում է Մայկոպ եւ նրա մերձակա լեռների մեջ հանդիպում է կռվող տղաներին:

«Ընդամենը, գրում է Մ. Թորլաքյանը, 20-25 հոգի, ուղղակի բերանն էին ուսական յառաջխաղացքին, որուն դէմ կկռուեին: Անոնք տիրական դարձած էին իրենց լեռներուն մէջ»³:

Երբ խորհրդային զորքերն անցնում են հարձակման, այդ տղաների մի մասը գալիս է Կրասնոդար ու ներկայանում Դրոյին: Այն պա-

հին, երբ Դրոյի խումբը հարձակման է ենթարկվել խորհրդային հատուկ նշանակութեան ջոկատի կողմից, նրան ուղեկից մարտիկները եղել են Մ. Թորլաքյանի թվարկած Մայկոպի լեռներում կռվող 20-25 տղաների մի մասը: Նրանք ձիաբեռնակառքերի վրա նստած շարժվել են անտառապատ խճուղիով ու անսպասելիորեն հարձակման ենթարկվել խորհրդային զինվորների կողմից, որոնք փորձել են շրջապատել ու գերի վերցնել նրանց: Ի՞նչ պիտի արվեր: Եթե չկռվեին, չփորձեին պաշտպանվել, ապա անպայմանորեն կհայտնվեին գերութեան մեջ, որը հավասարազոր էր մահվան: Ստեղծված իրավիճակում այլընտրանք գոյութիւն չունէր: Անհրաժեշտ էր վճռական քայիւր ձեռնարկել, խափանել հակառակորդի հարձակումը, ճեղքել պաշարման շղթան ու հեռանալ: Եւ վերջին անգամ Դրոն դրսեւորում է անվրեպ նշանառու ռազմիկի իր անզուգական վարպետութիւնը: Նա, վերցնելով մատուցեց ատրճանակն ու կարաբին հրացանը, իջնում է ձիաբեռնակառքից ու յուրաքանչյուր հարվածով տապալով իրենց վրա հարձակվող բազմաթիւ զինվորների, հարթում է ճանապարհը: Նրա անվրեպ հարվածներից ու մարտական անբասիր կեցվածքից ոգեւորված՝ նրան ուղեկցող մարտիկները նույնպէս ցույց են տալիս արժանի դիմադրութիւն ու համատեղ ջանքերով հետ մղելով հատուկ նշանակութեան ջոկատի հարձակումը՝ ճեղքում են պաշարման շղթան ու առանց որեւէ զոհ տալու արագորեն հեռանում վտանգված տարածքից¹:

Հյուսիսային Կովկասում եւ Ղրիմում գործելու ընթացքում Դրոյի գործունեութիւնը նպատակաուղղված էր ոչ միայն ի շահ այդ շրջաններում բնակվող հայ բնակչութեան անվտանգութեան ապահովմանն ու ռազմագերիների փրկութեանը: Նա իր զինակիցների համագործակցութեամբ պիտի կենսագործեր եւս մի կարեւորագույն առաքելութիւն:

Ստալինգրադի ճակատամարտից հետո Աբվերի ղեկավարութեան որոշմամբ պիտի կազմավորվեր հայկական հատուկ նշանակութեան խումբ, որին միանալու էր նաեւ Դրոյի գլխավորած 70 հոգանոց խումբը: Այդ խմբին տրվել է հատուկ նշանակութեան հոգանոց խումբը: Այդ խմբին տրվել է հատուկ նշանակութեան «Դրոմեդար» անվանումը: Խումբը ղեկավարել է Դրոն: Նա էլ նշանակել է իրեն տեղակալներ «...այսպէս կոչված «Ազատագ-

¹ Թորլաքեան Մ., Երկ. աշխ., էջ 529:

² Նույն տեղում:

³ Նույն տեղում, էջ 532:

¹ Տե՛ս ԳՅՂ ԿԱ, ֆ. Ս. Կ., ք. 51, գ. 15բ, էջ 3-4:

րական կոմիտեի» լիզերները Կոլոտյին (Նիկոլայ Թարխանյան), շտաբի պետ է նշանակվել Տիգրան Բաղդասարյանը: Հետախուզական-դիվերսիոն գործողությունների պատասխանատուն էր Միսաք Թորլաքյանը...¹:

Արվերի նախատեսամամբ՝ այդ խումբը պիտի «Յուճկերս ինքնաթիռով գիշերով տեղափոխվեր Հայաստան, բայց ուղիղ օդանավատում իրավիճակի վատթարացման հետեւանքով այդ ծրագիրը չի իրականացվում: Եթե նույնիսկ այդ խումբը կարողանար հասնել Հայաստան, ապա նա Դրոյի որոշմամբ պիտի կենսագործեր ոչ թե Արվերի հանձնարարությունը, այլ բոլորովին ուրիշ առաջադրանք:

Հիմք ընդունելով Հայաստանի Հանրապետության ՊԱԿ-ի արխիվներում այս հարցին, այն է՝ Խորհրդային իշխանության դեմ պայքար ծավալելուն վերաբերող նյութերը՝ է. Աբրահամյանը ընդձուլում է, որ 1942 թ. Լոռիի շրջանում Յուլակ Աբրահամյանի, ինչպես նաև Զանգեզուրում գործող ապստամբ ուժերը սպասում էին գերմանացիների ազդանշանին, որպեսզի սկսեին խռովությունները: Լոռիի եւ Զանգեզուրի խռովություններին զուգընթաց պիտի ապստամբեին Մենգրելիայի, Սվանեթիայի եւ Աջարիայի ապստամբները²:

Ինչպես արդեն նշվել է, Դրոն այնքան էլ չէր հավատում Գերմանիայի հաղթանակին եւ շատ լավ հասկանում էր, որ եթե գերմանական զորքերի առաջխաղացման պարագայում Հայաստանում որեւէ ելույթ կամ ընդվզում կազմակերպվեր ընդդեմ Խորհրդային Միության, ապա հետագայում խորհրդային վարչակազմը, անձամբ Ստալինը դաժանորեն հաշվհարդար կտեսնեին հայերի հետ: Եվ ինչպես ցույց տվեց ժամանակը, նրա այդ մտավախությունը միանգամայն իրատեսական էր ու հիմնավորված:

Դրոն ուղիներ է որոնել զգուշացնել եւ թույլ չտալ, որ Հայաստանում բռնկվի որեւէ ընդվզում, ելույթ ընդդեմ Խորհրդային Միության, քանզի հստակ գիտակցում էր դրա հետեւանքով հայությունը սպառնացող սարսափազդու աղետի լրջությունը: Ստալինգրադի ճակատամարտից հետո նրան հաջողվում է իր գինակիցներից մի քանիսին Հյուսիսային Կովկասից ուղարկել

¹ Տե՛ս Абрамян Э. Աշխ., էջ 36:

² Տե՛ս Անյոն տեղում, էջ 91:

Հայաստան, որպեսզի նրանց միջոցով արգելի նմանօրինակ գործողությունների բռնկումը¹:

Այս կապակցությամբ ուշադրավ վկայություններ է փաստում Դրոյի վաղեմի մարտական գինակից Թադեոս(Թողե) Պետրոսյանը, որն այդ օրերին նույնպես գործում էր Լրիմում եւ Հյուսիսային Կովկասում:

«Հիթլերեան բանակների յաղթական յառաջխաղացումը, գրում է Թ. Պետրոսյանը, եւ ամէն օր հրապարակուած «ազատարար» կոչերը կարող էին խլրտում առաջ բերել Մայր Հայաստանի ժողովրդի մէջ... Կերչի անկումից յետոյ մանաւանդ, ուր կարմիր բանակի հայկական ուժերը կրեցին ամենամեծ կորուստները, նացիստները հասան Անդրկովկասի դռներին՝ Նովոռոսիյսկ-Ալազիր-Արմավիր... ճամբաներից մեր ազատած ուղիներին, որոնց մէջ կային մեծ թուով եւ մտաւորականներ ու սպաներ, պատմում էին Հայաստանի ժողովրդի մեծ դժգոհութեան մասին...

...Այս բոլորը անհրաժեշտ կդարձնէին, որ մենք օր առաջ զգուշացնէինք հայ զանգուածները անժամանակ պոռթկումներից: Ամենափոքր շարժումը Երկրի մէջ ընդդէմ Սովետներին եւ ի նպաստ նացիզմի, կարող էր ողբերգական հետեւանքներ ունենալ:

Դիւրին գործ չէր: Օձն իր պորտով, թռչունն իր թեւով անգոր էին ճեղքելու արեան գիծը: Բայց Դրոն ստեղծեց այդ հնարաւորութիւնը եւ Ֆեօդոսիայից, Տամանից եւ Արմավիրից միանգամայն վստահելի անձնուէրների միջոցով լուր դրկեց Երկրի հակասովետ խմբերին, որ բացարձակապէս հեռու մնան որեւէ ցոյցից, լինի հակասովետ, թէ ի նպաստ նացիստների»²:

Անդրադառնալով Գերմանիայի հետ ունեցած նրա կապերի գնահատմանը՝ Թ. Պետրոսյանի վկայակոչած փաստերը հավաստում է նաեւ Ալեքսիք Իսահակյանը:

¹ Տողերիս հեղինակը ԱՄՆ-ի Բոստոն քաղաքում հանդիպել է 2-րդ աշխարհամարտում Դրոյի հետ համագործակցած անձանց, որոնց պատմածներից պարզվում է, որ Դրոյի հանձնարարությամբ Հյուսիսային Կովկասից Հայաստան է մեկնել Միսաք Թորլաքյանը: Եթե իրագործվեր հատուկ նշանակությամբ կազմած խումբը Հայաստան տեղափոխելու Արվերի ծրագիրը, ապա հենց Մ. Թորլաքյանը պիտի ղեկավարեր Հյուսիսային Կովկասից Հայաստան գործուղված այդ խմբի գործողությունները:

² «Հայրենիք» ամսագիր, 1956, թիւ 10, էջ 30:

«Ես Դրոյին,-վկայում է Ավ. Իսահակյանը,- վաղուց եմ ճանաչել: Մենք մոտ ընկերներ ենք եղած անցեալում: Նա մեծ հայրենասէր է, խիզախ յեղափոխական, հերոսական գործեր է կատարել: Բայց նրա մեծագոյն ծառայութիւնը Հայաստանին ու Հայ ժողովրդին եղաւ հէնց պատերազմի ընթացքին, երբ նա երեւութապէս գործակցում էր գերմանացոյ: Կուսակցութիւնը նացիստների պարտութիւնը՝ նա զնացել էր Հյուսիսային Կովկաս գերմանական բանակի հետ եւ զգուշացրել, որ Հայաստանի ժողովուրդը որեւէ ապստամբական շարժում չաներ բոլշեւիկեան տիրապետութեան դէմ, որը պիտի լինէր Հայաստանի մահը, ինչպէս որ եղաւ Ղրիմի, Քալմուքների (կալմիկների) եւ Չեչենների ինքնավար շրջանների հետ, որոնց ժողովուրդները սիրով դիմաւորել էին գերմանական զօրքերը:

Նացիստների նահանջից յետոյ բոլշեւիկները ոչ միայն վերջ տուին այդ երեք ինքնավար շրջաններին, այլեւ նրանց ժողովուրդներին գլխովին աքսորեցին Սիբիրի խորքերը, իսկ նրանց երկրները լցրին ռուսներով: Նոյն դաժան ճակատագիրը վերապահուած էր Հայաստանին, եթէ չլիներ Դրոյի նախազգուշացումը»¹:

Զրդ աշխարհամարտի վերջում, երբ դաշնակիցների զորքերը ներխուժում են Գերմանիայի տարածքը, ամերիկացիները Հայդելբերգ քաղաքում ձերբակալում եւ բանտարկում են Դրոյին:

«Սարսափելի դաժան օրեր ապրեցինք, - վերհիշում է տիկին Գայանեն, - Դրոյի ձերբակալութեան օրերին՝ քաղցած եւ գրեթե բոլորի կողմից լքված ու մոռացված: Նրա ընկերները՝ զգուշանալով ամերիկացիների հետապնդումներից եւ ձերբակալվելու սպառնալիքներից՝ խուսափում էին մեզ հետ հանդիպելուց: Թե որտեղ էր գտնվում նա, մենք ոչ մի տեղեկութիւն չունեինք»²:

Դրոյին օգնելու նպատակով զինակիցներն ու բարեկամները, այնուամենայնիվ, կազմում եւ ամերիկացիներին են ներկայացնում նրա կյանքն ու գործունեութիւնը լուսաբանող 17 կետից բաղկացած մի փաստաթուղթ³:

Մոտ մեկ ամիս անցկացնելով բանտում՝ Դրոն, կարելի է ասել, ազատվում է երջանիկ պատահականութեամբ:



1905թ. Բաքու, Մելիքյան (Ռեմբրանդ) լուսանկարչատուն



Դրոն Մարտիրոս Չարուխչյանի հետ
1905թ. Բաքու, Մելիքյան (Ռեմբրանդ) լուսանկարչատուն

¹ «Հայրենիք» ամսագիր, 1960, թիւ 3, էջ 94:

² Տիկին Գայանեի ծայնագրութիւնից:

³ Տե՛ս ԴՅԴ ԿԱ, ֆ. Ս. Վ., քժ. 46, գ. 5բ:



1-ին կամավորական զորախմբի հրամանատար Անդրանիկը՝ իր զինակիցներով




2-րդ կամավորականի հարյուրապետները՝ Հովհաննես Քուրանյան, Ջենյակ, Դալի Ղազար, Ռիծա Տիգրան (կանգնածներ), Կարբեցի Օնը, Յապոն, Բաշգառնեցի Մարտիրոս



3-րդ կամավորական գորախմբի հրամանատար Համազասպը՝ իր զինակիցներով



4-րդ կամավորական գորախմբի հրամանատար Քեռին՝ իր զինակիցներով




Դրոյի զորայտւումբը երրձման պահին (Էջմիածին, 1915)



Դրոն եւ Դաշնակցական իսեչոն



Պողոս Տեր-Դավթեան



1918 թ. ԱՅԹԱՅԻ ՔԱՅՆԱՍՄԱՆԻ ՀԵՐՈՍՍԱՄԱՐՆԻ ՀԵՐՈՍՍԱՄԱՐՆԻ ԱՄՍՏԱԿԱՆ ՆՇԱՆՆԵՐ

ՊԱՅՄԱՆԱԿԱՆ ՆՇԱՆՆԵՐ			
	Հայկական դիրքերը 22.05.1918 թ.		Ձորերի 28.05.1918 թ. կատարած հետագա խնդիրը
	Հայկական դիրքերը 22.05.1918 թ.		Ձորերի 29.05.1918 թ. կատարած հաջորդական խնդիրը
	Հայկական դիրքերը 23.05.1918 թ.		Հրետանային մարտկոցներ
	Հայկական դիրքերը ընդհանուր հակահարձակումից առաջ 25.05.1918 թ.		9-րդ բուրջական հեծանախյան դիվիզիայի զորասյունը
	Հայկական դիրքերը հարձակումից և հետանալու 23.05.1918 թ.		Յուրքական հրետանային զորասյունը
	Հայկական ուժերի հակահարձակումը 26.05 - 29.05.1918 թ.		Յուրքների հարձակումը
	Ձորերի 27.05.1918 թ. կատարած մտայնական խնդիրը		Յուրքների փայտատուր
			Առաջադրված 1:12 000 1 սմ - 120 մետր

ՔԱՅՆԱՍՄԱՆԻ ՀԵՐՈՍՍԱՄԱՐՆԻ ՄԱՍՆԱԿԱՆ ՈՒՇԵՐԸ


- Հայկական կորպուսի
- 6-րդ հրաձգային գունդ՝ հրամանատար գեղարքեպետ Դուրյանյան՝ 1800 ավի
 - Գարսիական հեծյալ գունդ՝ հրամանատար գեղարքեպետ Կողոլով՝ 600 սուր
 - 2-րդ հեծյալ գունդ՝ հրամանատար գեղարքեպետ Զաչիյան՝ 200 սուր
 - Գեղարքեպետ Սակինի գումարտակ՝ 400 ավի
 - Աշխարհագրորդ՝ 1000-1200 ավի
 - Տնտեսագիտական եզրի ինժեներներ՝ 300 սուր
 - Սեդրակ Գալստյանի, Արսեն Տեր-Պողոսյանի, Արամ և Եղիշյանի Մաթեմատիկական ինժեներներ՝ 150 սուր
 - Հրետանի, 2 մարտկոց՝ հրամանատար շապու-կապուստան Իգիթյանյան
 - Անկերտի հարուստի՝ 100-200 հոգի
 - Շրջանակ՝ 4600 - 5000 հոգի
- Յուրքական կորպուսի
- 9-րդ դիվիզիա - 9-10 հազար հոգի



Սեթո
(Սեդրակ Ջալալյան)



Սպարապետ Սուրեն
(Կուռո Թարխանյան)



Նիկոլ Դուման



Դրոն և Ս. Վրացյանը



Կապիտան Խորեն Իգիթխանյան



Մակեդոն



Գեներալ Մ. Սիլիկյան



Լեռնահայաստանի սպարապետ Գ. Նժդեհի




Դրոն




Միսաք Թորլաքյան

ՀՀ ՎԱՐՉԱՊԵՏՆԵՐԸ



Հովհ. Քաջազնունի



Համո Օհանջանյան



ՀՅԴ 15-րդ ընդհանուր ժողովում:
Կենտրոնում՝ Դրոն եւ Վահան Նավասարդյանը, 1951



Ալ. Խատիսյան



Ս. Վրացյան



Դրոն ավագ որդու՝ Լյուդվիգի հետ





Դրոյի գեղեցկաման-հուշարձանը Բաշ Ապարանի հերոսամարտի հուշարձանի հարևանությամբ

Ըստ «Հայրենիք» ամսագրում տեղ գտած բացատրության՝ «Այդ ժամանակները Փարիզից այդ քաղաքն է գալիս ՀՅԴ կոմիտեի անդամ Ա.: Երբ նա իմանում է, որ մի կարեւոր հայ է բանտարկուած, թոյլտուութիւն է վերցնում տեսնելու նրան: Երբ հեռուից տեսնում է, որ բանտարկեալը Դրօն է, ծունկի է գալիս, ծնկաչոք մօտենում է Դրոյին եւ ուզում է նրա ձեռքը համբուրել... Ամերիկացիք, տեսնելով այս, սկսում են քննել Դրոյի գործը եւ ազատ են արձակում նրան»¹:

Միտաք Թորլաքյանի հուշագրութիւններից պարզվում է, որ բանտում Դրոյին այցելողը ՀՅԴ այն ժամանակվա ճանաչված գործիչներից Հրանտ Ակոնայանն էր, որը մեծ կապեր ու ծանոթութիւններ է ունեցել ամերիկյան եւ ֆրանսիական գործարար շրջաններում եւ բանակում: Հրանտ Ակոնայանը պատերազմի ավարտական շրջանում գտնվելով Ֆրանսիայում, «...գաղթականական գործերով Փարիզէն Գերմանիա կու գայ ֆրանսիական կառավարութեան կողմէ:

Հայտելպերկի մէջ, իր առաջին գործը կըլլայ այցելել Դրոյին: Բանտի մէջ, երբ կը տեսնէ Դրոյին, ծունկի կու գայ, ու այդպէս յառաջանալով կերթայ համբուրելու մեծանուն հերոսին ձեռքը:

Այս տեսարանը ուշագրութիւնը կը գրավէ ամերիկացիներուն: Հետաքրքրուած, երբ կը հասկանան Հրանդէն Դրոյին մեծութիւնը, իրենց վերաբերմունքը կը փոխեն եւ փոխանակ պոլշեւիկներուն յանձնելու, օգնաւով կուղարկեն Ամերիկա»²:

Պատերազմից հետո Դրոն իր տիկնոջ՝ Գայանեի եւ երկու զավակների՝ Մարտիրոսի ու Օլգայի հետ մինչեւ 1952 թ. հաստատվում է Բեյրութում, ապա ԱՄՆ-ի Բոստոն քաղաքում: Օտար ափերում ապրած տարիներին մշտապես ընտրվելով Հ.Յ. Դաշնակցութեան ղեկավար մարմինների կազմում՝ նա մինչեւ կյանքի վերջն իր անսպառ եռանդն ու կարողութիւնը նվիրաբերում է սփյուռքում հայապահպանութեան եւ Հայ Դատը վառ պահելու ու սերունդներին ավանդելու անզնահատելի գործին:

Բեյրութում եւ Բոստոնում ապրելու տարիներին նա մշտապես մասնակցել է կազմակերպված հավաքույթներին ու միջոցառում-

¹ «Հայրենիք» ամսագիր, 1957, թիւ 9, էջ 17:

² Թորլաքեան Մ., նշվ. աշխ., էջ 545:

ներին եւ հաճախակի հանդիպել համայքների անդամներին ու Հատկապես երտասարդութեանը:

1997 թ. ձմեռանը, երբ տողերիս հեղինակը Արցախի հերոս Պետրոս Ղեւոնդյան նվիրված «Պետոն» գրքի վերահրատարակութեան կապակցութեամբ գտնվում էր Բեյրութում, բեյրութահայերի հետ կայացած հանդիպումների մեկի ժամանակ հանդիպման տարեց մասնակիցները պատմեցին, որ պատերազմից հետո իրենք Հ.Յ.Դաշնակցութեան կենտրոնում հանդիպել են Դրոյին, որի հետ է եղել նաեւ գնդապետ Տիգրան Բաղդասարյանը: Հանդիպման ընթացքում Դրոն անդրադարձել է միջազգային հարցերին, ապա առավել ոգեւորութեամբ ներկայացրել է ազատագրական պայքարի առավել ուշագրավ, պատմական նշանակութիւն ունեցող դեպքերը, ինչպես նաեւ մի շարք անվանի գործիչների գործունեութիւնը: Հանդիպումն ավարտելուց հետո, երբ դուրս են եկել դահլիճից, Դրոն նկատել է սրահի պատին փակցրած լուսանկարները եւ մոտենալով՝ սկսել է ուշագրութեամբ դիտել լուսանկարները:

Ըստ այդ հանդիպման մասնակիցների՝ նա խիստ կերպով գայրացել է տեսնելով, որ լուսանկարների մեջ բացակայում էր Անդրանիկի լուսանկարը: Դիմելով ներկաներին՝ նա խստորեն հրամայել է, որ անմիջապէս գտնեն ու բերեն Անդրանիկի լուսանկարը: Դրոյի հրամանն անպայմանորեն պիտի կատարվեր: Նա սրահում սպասում է այնքան ժամանակ, մինչեւ որ ինչ-որ տեղից գտնում եւ բերում են Անդրանիկի լուսանկարը: Դրոն գոհունակութեամբ վերցնում է լուսանկարը եւ բարձրանալով աթոռի վրա՝ իր ձեռքով այն փակցնում է իր պաշտելի հերոսի՝ Նիկոլ Դումանի լուսանկարի կողքին:

Երբ սրահից դուրս են գալիս բակ, այդ հանդիպման մասնակից երիտասարդներից մեկը դիմում է նրան եւ ասում. «Ձորավար դուք շատերի մասին պատմեցիք, իսկ ի՞նչու Ձեր կատարած գործերի մասին ոչինչ չհիշատակեցիք: Դրոն ժպտալով լսեց ինձ ու մատնացույց անելով գետնին ընկած քարի փոքրիկ կտորը՝ ասաց. «Մանչա կտեսնես այն փոքրիկ քարը, ապա վերցրում եւ չպրտիր վերեւ: Ես կատարեցի գորավարի հրահանգը, վերցրի քարն ու չպրտեցի վերեւ: Նա ակնթարթորեն վերցրեց իր կողքին կանգնած գնդապետ Տիգրան Բաղդասարյանի գոտկատեղին ամրացված պատյանի մեջ գտնվող ատրճանակն ու գրեթե

առանց նշանառութեան՝ կրակեց իմ չպրտած քարի ուղղութեամբ: Բոլորս ապշած էինք տեսնելով նրա անհավանական դիպուկ կրակոցի արդյունքը: Դրոն իր զարմահարազ կրակոցով փշուրփշուր արեց փոքրիկ քարը»:

Կյանքի վերջին տարիներին Դրոն տառապել է մի շարք հիվանդութիւններով, սկզբում միզափամփուռի քաղցկեղով (բարորակ ուռուցք), որը հետո բժիշկների ջանքերով հաջողվում է բուժել: Ապաքինվելուց մի փոքր անց նա հիվանդանում է թոքերի բորբոքումով եւ ամենասարսափելին՝ աջ ուսի ոսկորների վրա բժիշկները հայտնաբերում են արագ աճող ու տարածվող քաղցկեղի հյուսվածքներ: Այդ ամենին գումարած՝ նա տառապել է նաեւ հաստ աղիքի ու լյարդի հիվանդութեամբ: Տնային պայմաններում ձեռնարկված բուժումները չեն մեղմացնում նրա ցավերը, եւ հարազատները հարկադրված նրան տեղափոխում են Բոստոնի լավագույն հիվանդանոցներից մեկում: Զինակիցներն ու բարեկամները, ջերմ ուշադրութեամբ չըջապատելով իրենց ավագագույն ընկերոջը, մշտական հերթապահութիւն են սահմանել հիվանդասենյակում եւ ամեն օր արթուն պահակի զգոնութեամբ ու հոգատարութեամբ խնամել նրան:

Հիվանդանոցում Դրոյին հաճախակի այցելել է նաեւ Սիմոն Վրացյանը, որի վկայութեամբ՝ «Այդ շրջանում, մանավանդ, յաճախ էր յիշում իր ուսուցիչ Նիկոլ Դումանին, որ նոյնպէս բռնուկ քաղցկեղից եւ ինքնասպանութիւն գործեց: Իր մտքում Դրոն էլ որոշել էր հետեւել ուսուցչի օրինակին: Երբ գիշերները, ցաւից տանջուելով, անքուն նա, հառաչելով, ման էր գալիս սենեակում, սրտումս վախ էի զգում եւ աշխատում էի նրա ուշադրութիւնը ուրիշ բանով զբաղեցնել: Եւ բաւական էր որեւէ ձեւով յիշել Մարտիրոս Չարուխչեանի կամ Դաշնակցական Խեչոյի անունը, որպէսզի նա ընկնէր անցեալի վերիշումների մէջ, գիշերը լուսացնէինք անփորձանք»¹:

Դրոյի կյանքի վերջին օրերի վկաներից մեկը՝ ԱՄՆ-ի Բոստոն քաղաքի բնակիչ Վահրամ Բարսեղյանը պատմում է, որ նա սարսափելի ցավերի պատճառով երբեմն կորցնում էր գիտակցութիւնը եւ այդ վիճակում բարձրաձայն խոսում էր իր վաղամեծիկ զինակիցների հետ: Հատկապէս հաճախակի էր հիշում իր

¹ Վրացեան Ա., Մրրկածին Դրոն, էջ 177-178:

Մեծ ուսուցչին՝ Նիկոլ Դումանին եւ ահաբեկիչ ընկերոջը՝ Մարտիրոս Զարուխչյանին: Անհուն կարոտով մշտապես երազել ու տենչացել է Հայաստանը, Երեւանը, իր հայրենի Իգդիրն ու հիշել բոլոր նրանց, ում հետ տարիներ շարունակ մարտնչել ու արյուն էր թափել:

Ըստ Վահրամ Բարսեղյանի, Դրոն բազմիցս ցանկություն է հայտնել հետեւել Նիկոլ Դումանի օրինակին ու ինքնասպանությամբ վերջ տալ կյանքին:

Նա մի քանի անգամ դիմել է Վահրամին ու պահանջել՝ «Վահրամ, դու որպես նախկին մտուզերիստ, թաքցրած գեներ կուեննաս, տուր ինձ ինքնասպան լինեմ: Դրոն ֆիզիկապես շատ ուժեղ էր: Նույնիսկ գնվելով հյուծված եւ ծարազույն հիվանդ վիճակում, երբ հենվում էր ուսերիս, ես հազիվ էի դիմանում նրա ձեռքերի ճնշմանը»¹:

Երկարատեւ բուժումը, հարազատների հոգատար վերաբերմունքը չի տալիս որեւէ ցանկալի արդյունք:

...1956 թ. մարտի 6-ին ԱՄՆ -ի Բոստոն քաղաքում սարսափելի փոթորիկ էր: Այդ օրն «Ա՛խ, մեկ էլ Երկիրը տեսնեի...» բառերը շուրթերին, հայրենիքից հեռու, օտար եզերքում իր մահկանացուն էր կնքում «...քաջերուն մէջ շքեղօրէն քաջը եւ հերոսներուն մէջ կախարդօրէն հերոսը», «Հայկական Ազատամարտի ամէնէն դիւցազնատիպ էջերը զարդարած...» Դրոն՝ սերունդներին կտակելով հետեւյալ պատգամը.

«...Բանի բռնութեան տակ է մեր հայրենիքը՝ Հայաստանը, քանի մեր հողերը բռնազրաւուած են, Հայ Յեղափոխական Դաշնակցութիւնը ունի իր պայքարը եւ Դաշնակցութեան զաւակները, իբրեւ հայ ժողովրդի հարազատ զաւակներ, պիտի շարունակեն այդ պայքարը. արեւնով կը լինի, գրիչով կը լինի, պայքարով կը լինի, մինչեւ Հայը հաւաքուի իր բոյնին մէջ. հայը հային կառավարի, ոչ անգլիացին, ոչ ամերիկացին, ոչ ռուսը, ոչ թուրքը. հայը լինի իր երկրին տէրը, հայը լինի իր ազատութեան տէրը...»²:

¹ Վահրամ Ղեւոնդի Բարսեղյանի (ԱՄՆ, Բոստոն) ծայնագրութիւնից:

² Դրո, Պէյրութ, 1956, էջ 9:

Դրոյի նամակը Սիմոն Վրացյանին եւ ծանօթագրութիւններ

Սիրելի Սիմոն,

Դուն շատ լաւ գիտէս, որ մէկն ես իմ ամէնահարազատներից, մէկն ես նոյնպէս, որ ինձ լաւ ես ճանաչում եւ այդ իսկ պատճառով անվերապահօրէն կը գրեմ քեզ հետեւեալ տողերը, որուն ամէն մէկ կէտին պէտք է հաւատաս տառացիօրէն:

Ակսեմ Պալքանով եւ Նժդէհով 2:

Երբ 1936-ի փետրուարին «1 անընթեռնելի բառ (ա.բ.-Վ.Ղ.)» դեգերումներուն (՝) վրայ անցայ Պալքան, հետեւեալ կացութիւնը գտայ այնտեղ: Մէկ ամբողջ տարի Հայկ Աստրեանը 3 կենտրոնական կոմիտէ է խաղցուցէր առանձին (՝) եւ անպատասխանի թողուցած Բիւրօյի նամակները այն մասին, թէ ո՞վքեր են մարմնի անդամները: Այս միեւնոյն անձը բառի իսկական մտքով հալածանքի մէջ հագարեան մեթօտներով կախակայէր, արտաքսէր է բոլոր անոնք, որոնք իր կամակատարները չեն եղէր. նոյնիսկ Մազմանեանի⁴ պէս քառասուն տարուան ընկերոջ կախակայած էր՝ առարկելով. թէ իր եռամսեայ տուրքը չէ վճարած: Այս մենատիրութիւնը անձնական կ[«ենտրոնական»] կոմիտէութիւնը շարունակել է պահել մինչեւ դէհի Ամերիկայէն վերադառնալը 5:

Նժդէհի վերադարձէն «հե»տոյ, նախապէս պատրաստուած մարդկանցով գումարէր են փակ ժողով մը, գաղտնիացման պատրուակին տակ իմաց չէ տալով ոչ ոքի այն ընկերներէն, որոնք տասնեակ տարիներ պատասխանատու դէր են կատարած Պալքանի մէջ, նոյնիսկ անոնցմէ մէկ մասին վերաբերմամբ նախապէս պատժական որոշումներ են տվեր՝ զանազան պատրուակներով: Այս փակ ժողովը ուրիշ դէր չէ ունեցած, բայց միայն վաւերացնել Նժդէհի եւ Հայկի պատրաստած մարմինը, վաւերացնելով նաեւ այն պատժական որոշումները անոնց հանդէպ, որոնք չեն եղած իրենց անձնական համախոհները 6:

Երեք հոգիոց այդ մարմինն մէջ մտուցած էին նաեւ Ներսէս Աստուածատրեան⁷ անունով մէկը, որ նախքան կ[«ենտրոնական»] կ[ոմիտեի] մէջ մտնելը որեւէ այլ մարմնի անդամ չէ եղած: Նժդէհ, Հայկ եւ Ներսէս Աստուածատրեանէ կազմուած այս եռանդամը գործի անցնելով, իր գլխավոր պարտականութիւնն է

Գիտակցօրէն գնացի անարդարութեան, չպատժելով Նժդէհին, զինքը փրկելու միակ մտահոգութեամբ եւ կ.կ.-ի անդամներէն ու իրենց համախոհներէն պատժեցի միմիայն Հայկ Ասատրեանին, մինչեւ ընդհանուր ժողով հեռացնելով կուսակցութիւնէն, մինչ-դէռ դժգոհներէն պատժած էի մօտ 16 հոգի:

Սիմօն ջան, դու շատ լաւ գիտես, որ ոչ քաղաքացիական արիւթիւնը կը պակսէր ինձ եւ ոչ ալ կուսակցական այն գիտակցութիւնը, թէ կ.կ.-ի անդամները հաւաքաբար պատասխանատու են իրենց արարքներուն համար: Բայց ես չէ պատժեցի Նժդէհին, որովհետեւ բառին իսկական մտքով կուզէի փրկել զինքը. մեկու մը, որ դժբախտաբար երբէք ընդունակութիւնը չունեցաւ կարգին մարդկանցով ինքզինքը շրջապատելու:

Հակառակ վրան բաց իմ այս կողմնակցութեան, միմիայն Հայկ Ասատրեանին պատժած ըլլալու համար, անոնք ամէն կերպ սպօթածի ենթարկեցին մի քանի օրուան իմ վերակազմչական աշխատանքներս, նախ.

1) Փակելով Սօֆիայի ակումբին դռները իմ կողմէ հրավիրուած մէկ հաւաքումին, երբ ստիպուած եղայ դուռը կոտրել եւ բանալ:

2) Գոցել տալով էլէքտրական հոսանքը, որուն պատճառով ստիպուած եղայ անձնապէս տուգանքը յանձն առնել եւ ապօրէն կերպով լոյսը բանալ տալ:

3) Իմ կողմէ նշանակուած ժամանակաւոր կ.կ.-ի անդամներէն երեքը ընտրեցի իրենց ցանկութեամբ, մնացեալ երկուսէն մէկին համար եւս առարկութիւն ըրին, անոր ալ փոխեցի, հակառակ որ մեր հին ընկերներէն էր:

4) Որ Նժդէհի իսկ տան մէջ ինքը ինձ խնդրեց, որ ազատեմ իրեն Հայկ Ասատրեանէն. խնդրեց նաեւ, որ նիւթապէս օգնեմ Սէթօին, 18 որպէսզի յիշեալին կիներ միրգի խանութ բանայ: Իմ սեփական միջոցներով օգնեցի Սէթօին: Ու ի՞նչ տեղի ունեցաւ. մեկնումէս քսանեւչորս ժամ չանցած լուր տարածեցին, թէ ուղեցեր եմ կաշառել զիրենք: Ու այս անհեթեթ սուտը շրջանէ շրջան պտտուցին տարիներով, անշուշտ ինձմէ դրամը ստանալով եւ ծախսելով հանդերձ:

5) Հակառակ իրենց խոստումին, կուսակցական արխիւները չի հանձնեցին օրինական մարմիններուն. մի քանի ակումբներ պահեցին իրենց ձեռքը մինչեւ այսօր. իմ մեկնումէն անմիջապէս յետոյ փորձեցին պայթեցնել իմ նշանակած կ.կ.օմիտէն եւ յաջողե-

ցան անոնցմէ երեքին հրաժարականը տալ. կազմեցին ապօրէն շրջ[անային] ժողովներ եւ երեք տարիէ ի վեր կը շարունակեն շահագործել կուսակցութեան անունը՝ անվաւեր կ.կ.-ի մը անունով ուրոյն (°) կազմակերպութիւն մը պահելով Պալքանի մէջ:

Հակառակ այս ամէնուն եւ հակառակ Նժդէհի մասին ժ ընդհանուր ժողովի արտաքսման վճռին, ես կանչեցի նրան ինձ մօտ, ու մինչ ես այս տողերը կը թելադրէի՝ նա Պուքրէշում էր, որովհետեւ իմ այս նամակի վերամշակումը յապաղեցաւ մօտ մէկ ամսով, որովհետեւ կինս ծանրօրէն հիւանդացավ եւ ես հնարաւորութիւն չունեցայ զբաղվելու այս նամակով:

Կանչելով Նժդէհին ինձ մօտ, ես իրեն յայտարարեցի, որ զինքը կանչած եմ պարզապէս դուրս բերելու համար այն աղբէն եւ ապականութիւնէն, որուն մէջ խրել էր: Գտորդ Ղազարեանի տանը Սարգիս Արարատեանի, որուն հետ ինչպէս գիտես մօտ ինը տարի է չեմ խօսում, մեր Յարութիկի 19 եւ Գուրգէն Սարգիսեանի ներկայութեան խօսեցայ իրեն հետ: Ու այս հանդիպման չէ կանչեցի նոյնիսկ Մեկուսիի ներկայացուցչին, այլ միայն այն մարդկանց, որոնց հանդէպ ինք վստահութիւն ունի: Այդ հանդիպումին ես պատմեցի այն ամէնը, ինչ որ գրի եմ առած նախորդ էջերում Պալքանի մասին. ու հարց տւի Նժդէհին, ճի՞շտ են իմ ըսածներս, թէ՞ ոչ: Ու աւելցուցի. «Դու անբարոյական տարրերուն հետ դուրս կուգաս հրապարակաւ եւ յետոյ զէնքի ընկերներդ կը փնտռես: Ինչպէս այլ առթիւ ալ ըսած եմ քեզի, ես քեզ կանչեցի այստեղ աղբից եւ ապականութիւնից փրկելու համար: Եթէ իմ խօսքը, իբր զէնքի ընկերոջ, արժէք ունի քեզ համար, պէտք է խզես կապերդ այդ այլասերուած տարրերուն հետ: Տարբեր, որոնք ուրիշ հովերով են տարուած. հակառակ պարագային մենք այլեւս զէնքի ընկերներ մնալ չենք կարող»: Վերեւ ակնարկածս ընկերներու ներկայութեան, իմ այս բոլոր յայտարարութիւններու ոչ մէկ լուրջ առարկութիւն իր կողմէ իչացած մնաց:

Նախքան Պուքրէշէն մեկնելը, Յարութիկին եւ թէ շարունակեն իրենց ընթացքը եւ ինքն ալ մնայ այդ այլասերուածներու կողքին, անոնք արժանի կըլլան ծանրագոյն պատժին, եւ ես մէկը կըլլամ յարմար առթիւ ըսելու, որ թէր դէմ ուրիշ որոշում չունենք...

Կը հաւատամ, որ ինքն ալ կուզէ դուրս գալ այդ կացութիւնէն: Խճճուած է անգամ մը եւ վերջին օրը անկեղծօրէն յայտնեց,

Թէ կուզէ ազատուիլ այդ շրջանէն: Դժբախտաբար անձնական գործերս այժմ այնքան փայլուն չեն. բայց փոքր ինչ եթէ գործերս լաւանան, իմ սեփական միջոցներով պիտի փորձեմ փոխադրեր զինքը այլուր, որովհետեւ այսօր ալ իմ ամբողջ մտահոգութիւնս է փրկել այդ մարդուն, բան մը, որ կարելի է միմիայն զինքը այդ շրջանէն հեռացնելով: Թէեւ, ի հարկէ, փրկութիւնը նախ իրանից է կախուած:

Ամէն պարագայի, եթէ ես ընդհանուր] ժողով20 գացած ըլլալի, իր մասին իմ տեսակէտս պիտի ըլլար վերջին պատեհութիւնն մը եւս տալ, որոշելով, որ «Դաշնակցութեան ընդհանուր] ժողովը կարգի կը հրաւիրէ ընկ. Նժդէհին, պահանջ զնելով իզել ընդվը կարգի կը հրաւիրէ ընկ. Նժդէհին, պահանջ զնելով իզել ընդվը մասնաւորաբար այն տարրերուն հէտ, որոնք երբեւէ այլեւս չեն կրնար մուտք գործել Դաշնակցութեան մէջ, որից յետոյ եթէ ան շարունակէր գործակցութիւնը այդ այլասերուածներուն հետ, մեքենաբար կարտաքսուի կուսակցութիւնէն»:

Ես Նժդէհին արտաքսման լուրը ստանալուն պէս կարճ նամակ մը գրեցի իրեն, մօտաւորապէս հետեւեալ բովանդակութեամբ. «Սիրելի Գարեգին, իմացայ քո արտաքսման լուրը. ինձ չէ կարողցաւ չպատճառել այդ որոշումը: Բայց ինչո՞ւ դուն քեզ այդտեղ հասցրիր: Դու չուզեցար լսել քո զէնքի ընկերոջը: Այս փաստի առաջ դժուարանում եմ քօնկրեստ որեւէ բան. գրել քեզ. ես խնդրում եմ հաւասարակշռութիւնդ պահես եւ լուռ տեղդ նստես. տեսնենք ի՞նչ պիտի անել»21:

Նա ինձ յայտարարում է, թէ այս նամակս չէ ստացել, իսկ միւս կողմից իր հովանաւորած մամուլի մէջ այնպիսի այլանդակ դիրք է բռներ, որին հանդուրժել կարելի չէ: Այդ մամուլը անվայել, անթոյլատրելի պայքար մը սկսած է Ռուբէնին դէմ 22, որուն ներքին էութիւնը յար եւ նման է միհրանականութեան: Միհրանական շարժման ժամանակ եւս, Համբարձում] Առաքելեանը23 ուզեց այդ շարժման գաղափարական հագուստ հագցնել՝ պատրուակ ծառայեցնելով նախագիծը: Պալքանի մէջ ծայր տուած այդ շարժման համար ալ նոր Առաքելեան մը պիտի ծնի եւ անոր գաղափարական կերպարանք տայ, մինչդեռ տակը պարզապէս միհրանականութիւն է24:

Մի նեղացիր, եղբայրս, որ այս առթիւ մի քիչ էլ քեզ դիպչեմ: Խոսքս կը վերաբերի Կոմսի յուշերուն, որ տպեցիր «Վէմի»25 մէջ, քու ալ յաւելումովդ: Այդ գրութեամբ կարծէս թէ ուզած եք Ռու-

բէնին ցոյց տալ իբր միակ յանցաւոր Մշոյ ջարդերուն եւ այլն: Ինչո՞ւմն է, սակայն, Ռուբէնի մեղքը, որ ան չէ կարողացաւ ահագանգը տալ Մշոյ ժողովուրդին, թէ իրկուն պիտի ջարդեն եւ չէ կարողացաւ ի գէն հրավիրել անոր: Բայց, ըսէ, տեսնեմ, Դաշնակցութիւնը կարողացաւ կանխատեսել այն բոլոր ջարդերը, զոր տեղի ունեցան յետագային եւ կրցաւ հայ ժողովուրդին ի գէն գոռալ:

Տամ նաեւ Վանի օրինակը: Ճիշտ չէ, որ Վանի ղեկավարութեան ի գէն հրաւիրողը Արամն 26 է եղած: Ապստամբութիւնէն նոյնիսկ մէկ շաբաթ առաջ Արամը, Վուսեանը 27 եւ Իշխանը 28 ճնշում բանեցուցած են զինուորացուներուն վրայ, որ ներկայանան զինուորական իշխանութեան: Անոնց հիմնական մտահոգութիւնն է եղած միայն եւ միայն յետաձգել հաւանական ջարդերը: Իսկ երբ Շատախ ղրկելու պատրուակին տակ Իշխանին կը սպաննեն Հերս 29 գիւղին մէջ, եւ գիւղացի կին մը լուր կը բերէ այդ մասին, միւս կողմէն Ճէվղէթը 30 վար կը դնէ Վուսեանին, քիչ էր մնում Արամն էլ ընկնէր նոյն այդ թակարդին մէջ, եթէ Գէորգ ձեռածեանը 31 արգելք չըլլար իր մեկնումին: Ահա այդ պայմաններուն տակ է, որ Վանի երիտասարդութիւնը կը հարկադրէ Արամին անմիջապէս զէնքի դիմել:

Առենք Տրապիզոնի օրինակը: Նոյն վայրի կ.կօմիտէն չէ՞ր որ զինուած ուժերուն հրահանգում էր անձնատուր ըլլալ32:

Անցնենք կռիւներու շրջանը: Դուն չե՞ս գիտեր, թէ ինչպէ՞ս Բե[ր]կրի Կալայում, Վանի նահանջի ժամանակ, շատ թանկագին եւ քանիցս մահաւան դռան առաջ կանգնող ընկերներ խուճապի մատնուեցան ու Անդրանիկն անգամ ամբողջ բանակով թափեց եւ հեռացաւ:

Չե՞ս յիշեր նոյնպէս Կոմսի պարագան, որ Մուրադի եւ Սեպուհի հետ Թիֆլիզէն անցաւ Հիւսիսային Կովկաս ճիշտ այն պահուն, երբ ամբողջ երկիրը թուրքերուն հետ կռիւի էր բռնուած. Կոմսը, որ Արեւմտեան խորհուրդի անդամ ալ էր 33:

Ասա, խնդրեմ, եթէ մէկը դուրս գայ եւ մամուլի սեփականութիւն դարձնէ այս ամէնը, ի՞նչ կը շահէ Դաշնակցութիւնը եւ հայ ժողովուրդը:

Ու երբ այս ամէնը գիտենք, գիտենք նաեւ որ մարտահրաւրի կոչ ոչ մէկ տէղ չէ եղած, այլ տեղ-տեղ դէպքերն է, որ հարկադրէր են զէնքի դիմելու: Կարելի՞ է Ռուբէնը միայն մեղադրանքի աթոռին վրայ նստեցնել, այն առարկութեամբ, որ

Մուշը ոտքի չէ հանած 34: Եւ, վերջապէս, ասա, խնդրեմ, Սիմօն ջան, ի՞նչ բանի կը ծառայէն այդ յուշերը: Պատմութեան համար կուզէք գրի առնել, թէ՞ սերունդ դաստիարակելու համար: Եթէ պատմութեան համար է՝ հրապարակելը վաղաժամ է, իսկ եթէ սերունդ դաստիարակելու համար է՝ վնասակար:

Արդեօք նման յուշերը մէղքի իրենց բաժինը չունեն, որ Պալքանի այլասերած մամուլը նոյնիսկ Գէորգ Չավուշի սպանութիւնը Ռուբէնին վզին փաթաթելու անմարդկային լրբութիւնը կունենայ: Արդ յուշերու ազդեցութեան տակ չէ՞, որ այսօր ընկերոջ (՝) մը վարկաբեկելու, հարուածելու ներքին որոշումով, Տարօնականութիւն կը խաղցնեն եւ կը ջանան ճեղք բանալ կուսակցութեան մէջ:

Եւ, վերջապէս, մէկ բան գէթ մեզի համար. պարզուած չէ՞ արդեօք, որ 914-915-ի շրջանին Դաշնակցութեան միակ ընդհանուր գիծն է եղած կանխել հունական վտանգները 35 եւ երբէք առիթ չէ տալ թշնամիին արագացնելու բնաջնջման իր ծրագիրներուն գործադրութիւնը:

Սիմօն ջան, իմ համոզումով կուսակցութեան ժառանգները մարմիններու անդամները չեն միայն, այլ այն բոլոր հին ու նոր ընկերները, որոնք նոյնացած են կուսակցութեան հետ իրենց անցեալով եւ ներկայով: Ահա թէ ինչու կան ընկերներ, որոնք մեծ զգուշութեամբ պէտք է շարժեն իրենց գրիչները, որովհետեւ մեր բոլորիս ալ ցաւը, մտահոգութիւնը մէկ է, պահել կուսակցութիւնը եւ եթէ պիտի մեռնի հակառակ մեր ջանքերուն՝ նա մեռնի պատուով:

Անցնենք մի այլ նիւթի: Դա քեզ ծանօթ դէպքն է: Ոչ որոշումն էր ինձ ծանօթ, եւ ոչ ալ մանրամասնութիւններն են ծանօթ ինձ մինչեւ այժմ: Կը յայտարարեմ քեզ, իմ ընկերոջս, որ ես զայրացած եմ միմիայն վայրի եւ ամբոխավարական այն եղանակի համար, որով տեղի ունեցաւ այդ դէպքը: Բայց ես մէկն եմ անոնցմէ, որ իբր(եւ) կուսակցական կը վերցնեմ պատասխանատուութեան իմ բաժինս, առանց իմանալու մանրամասնութիւնները: Կը յիշե՞ս, ռուս եւ ճափոն պատերազմի ժամանակ, երբ մինչ մէկ կողմէն ցարբերու կառավարութիւնը մեր դպրոցները կը փակեր, մեր եկեղեցական կալուածները կը գրաւէր եւ կողակներու ձեռքով հարիւրաւոր անմեղ դիակներ կը փռէր անդին, հայ կոչնակը Բագու Բարապետի հրապարակում մաղթանք կը կարդար ռուսական զէնքի յաղողութեան համար: Ու ժամհարեանն ու Խեչօն էին, որ աղօթողներու

մէջ ռումբեր կը նետէին իբր բողոքի արտայայտութիւն, մինչեւ 20 վիրաւոր եւ սպանուած թափելով այնտեղ: Այդ դէպքի առթիւ ի՞նչ եղաւ վերաբերմունքը կուսակցութեան իսկական տէրերուն եւ ղեկավարներուն: Անոնք թեթեւ պատիժներ միայն սահմանելով, հաստատեցին, որ յեղափոխական զայրոյթը արդարացի էր նման քայլ մը առնելով 36:

Անցնենք ընդհանուր ժողովը սարքովի ըլլալու պատմութեան: Նախորդ էջերուն մէջ ակնարկածս հանդիպման բոլորի ներկաութեան Նժդէհը ոչ մի լուրջ բան չասեց, բացի ընդհանուր ժողովը սարքովի ըլլալու մասին: Բայց այս ուղղութեամբ շատ տեղերէ լսած եմ դժգոհութիւններ: Բայց մի՞թէ չենք կարող շատ տեղերէ լսած եմ դժգոհութիւններ: Բայց մի՞թէ չենք կարող ընդունել, որ փաստը կատարուած է եւ այդ փաստի առաջ ոչ մէկ ընդունել, որ փաստը կատարուած է եւ այդ փաստի հեղինակութիւնը մեր մարմնին, տարածելով նման խնդիրները կուսակցական շարքերուն մէջ:

Դուն պիտի հարցնես, թէ հապա ի՞նչ է քու կարծիքդ: Գրեմ նաեւ իմ կարծիքներու եւ անելիքներու մասին: Դուն գիտես, որ ինձ չի պակսիր քաղաքացիական արիւթիւնը ըսելու այն ամէնը՝ ինչ որ ես կը մտածեմ: Բայց զիս մտահոգողը մէկ բան է միայն: Զիրար զգգելով, կազմակերպութեան թշնամիներուն, քանդել ուզողներուն պէտք է սնունդ մատակարարենք: Գրեմ, սակայն, թէ ի՞նչ է իմ կարծիքս, իմ տրամադրութիւնս, իմ ցանկութիւններս ու իմ դէրս:

Դու պէտք է գիտնաս, որ ես սկզբից հրաժարեցի մարմնի մէջ մտնել եւ յետոյ ետ առի հրաժարականս, հակառակ այն կարգ մը որոշումներուն, որոնք իմ կարծիքով անթոյլատրելի էին Դաշնակցութեան ընդհանուր ժողովի մը համար: Կը բերեմ միայն մի քանի օրինակ, մնացածները համարելով երկրորդական ինձ համար: Առաջինը այն է, որ ՀԹԴ ընդհանուր ժողովը ցանկութիւն է յայտնած, որ ընկերները գրաւոր կապ չէ պահին անձնական գետնի վրա, կուսակցական խնդիրներու առթիւ: Այս ցանկութիւնը եթէ իբրեւ որոշում քուէարկուած ըլլար, բնական կերպով մարմիններու կողքին պէտք է կազմակերպուէր գաղտնի ուստիկանութիւն մը, որպէսզի հետապնդման ենթարկէր ընկերներու ներքին կապերը:

Երկրորդը այն հակասական որոշումն է, որ տուած են երկրի հետ կապի խնդրի առթիւ պատահած դժբախտութեանց զլխաւոր յանցաւորի՝ Եղիշէի 37 մասին:

Երրորդը այն է, որ ՀՅԴ ընդհանուր] ժողովը 38 այն օրին է հասեր, որ, բացի Ռուպինայէն 39 եւ Լիպարիտէն, խորհրդակցական ձայնով ուրիշ որեւէ ընկեր իր մէջ ունենալու հնարաւորութիւն չէ ունեցած:

Կուսակցութիւնը դէպի կենտրոնացում առաջնորդող միւս որոշումները ինծի համար երկրորդական նշանակութիւն ունին, բաղդատած այն բարոյական մթնոլորտին, որուն մէջ կայացած է ընդհանուր] ժողովը:

Այո, այդ բոլոր պարագաները չեն կրնար ճշող տպաւորութիւն չէ թողուլ ինձ վրայ: Ընդհանուր] ժողովի կազմակերպչները պէտք է չափէին իրենց ուժերով, որպէսզի աւելի լայն թիւով մարդկանց հնարաւորութիւն տրուէր մասնակցելու ընդհանուր] ժողովին: Այս թերացումը այսօր շատերը կը բացատրեն կանխամտածուած, դիտումաւոր: Բայց ինչքա՞ն ճիշտ է՞ ես չէ գիտեմ:

Ընդհանուր] ժողովէն առաջ, թէ՞ ընթացքին, ես Բիւրօյին ուղղուած նամակներ գրեցի: Թէեւ նամակներն ուղղած էի Բիւրօյին, բայց չէի ենթադրեր, որ իմ այդ նամակները կարգացուելու չեն ընդհանուր] ժողովին մէջ, մանաւանդ այն ատէն, երբ իմ թեկնածութիւնը կը դրուի մարմնի համար: Ես այդ նամակներովս որոշ տեսակէտներ պարզած էի եւ նոյնիսկ պահանջած, որ յետագեն ընդհանուր] ժողովը, այդ հաւաքման տալով խորհրդակցական բնոյթ:

Այս երեւոյթին համար էլ դժգոհ եմ անշուշտ: Բայց կը կրկնեմ, փաստը կատարուած է՞ արդէն:

Ու այս ամէնէն յետոյ ի՞նչ բանի մէջ ես գտնեմ դէրս: Լինեմ մարմնի մէջ, թէ մարմնէն դուրս, պիտի ձգտիմ իմ բոլոր հնարաւորութիւններովս հարթել բոլոր այն թիւրիմացութիւնները, որոնք ներսէն կը կրծեն մեր կուսակցութիւնը: Իմ համոզումն է, ձգտումն է եւ այս ուղղութեամբ դիմած եմ նաեւ մարմնին, որ Դաշնակցութիւնը պիտի ղեկավարուի հեղինակաւոր ընկերներու եւ մարմիններու համագործակից աշխատանքովը, որ ղեկավար, հեղինակաւոր ընկերը նոյնքան պատասխանատու է <իր> շրջանի կուսակցական աշխատանքներուն համար, ինչքան որեւէ մարմնի անդամ, որով բոլոր հիմնական խնդիրները պէտք է լուծուեն ու գործադրուեն այդ ընկերներուն <աջ>ակցութեամբ ու գործակցութեամբ:

Ես հաւատացած եմ, որ բոլոր այն դաշնակցականները, որոնք դեռ կը հաւատան, թէ դէր մը ունի կատարելիք. այս կուսակցու-

թիւնը հայ իրականութեան մէջ եւ <սա>նասիրտ կը դատեն ամէն ինչ, դուրս պէտք է շարունակեն <ի>նչ որ հետեւանքն է անհատական դաւանութիւններու <եւ> պարզ ու շեշտակի մարմիններու եւ հեղինակաւոր ընկերներու առաջ պիտի դնեն այն բոլոր խնդիրները, որոնք պիտի <ծ>առայեն Դաշնակցութիւնը փրկելու եւ ոչ թէ քանդելու:

Ներկայի իմ անձնական դրութիւնը այնքան փայլուն չէ: Բայց յոյս ունիմ, որ մօտիկ ապագայում հնարաւորութիւն կուենանամ ոտքս գցելու թէ Եգիպտոս, թէ Բարիզ, եւ թէ գուցե Շանթի եւ Աղբալեանի բնակած վայրը 40:

Իմ կարծիքս եղած է եւ կը մնայ, որ կուսակցութեան ժառանգները միմիայն մարմիններու մէջ գտնուող ընկերները չեն եւ ոչ ալ միմիայն մարմինները: Բայց միեւնոյն ժամանակ հիմնական կարծիքս է, որ հեղինակաւոր եւ պատասխանատու ընկերները նոյնքան պատասխանատու են իրենց գործունէութեան, թաքթի եւ վարմունքի համար, որքան մարմնի մէջ գտնուողները:

Վերջացնելով նամակս, Սիմօն ջան, դառնութեամբ լեցուն, առաջներումս մթութիւն, մեր ընկիւքները քաղաքական մարզի վրայ այնպէս մը դասաւորուած, որ ներկայ խմորումներու ընթացքին սուպեկտիվ շատ չնչին բան կարող ենք ընել մեր ուժերով: Այս պայմաններում ի՞նչ կը մնայ մեզ ընել, եթէ քանի մը տասնեակ ընկերներ ալ չէ կարողանանք գիրար հասկնալ եւ զիրար զգգգնք:

Շուտով կը լրանայ Դաշնակցութեան յիսնամեակը: Մեր բոլոր ճիգերը կենտրոնացնելով այդ յիսնամեակի առթիւ՝ դուրս պէտք է գանք աւելի ուժեղացած եւ կենսունակ, քանի որ մեր ժողովուրդի փրկութեան միակ ապաւենը Դաշնակցութիւնն է այսօր: Յամբիւրներով քո Դրօ

.Ե. Նժդէհը մեկնելուց առաջ, Գ. Սարգսեանին միջոցաւ լուր էր ղրկած, թէ նոր տարին, երբ կը վերջանան իրենց ձեռքը գտնուած ակումբներուն վարձակալական պայմանագրով, պիտի յանձնուին օրինաւոր մարմիններուն, ինչպէս նաեւ դրամները: Կը կատարի՞, անկե՞ղծ է արդօք, հնարաւորութիւն կուենանա՞յ, ապագան ցոյց պիտի տայ:

Մանրագրություններ

1. Միմոն Վրացյան:

2. Գարեգին Նժդէհ:

3. Հայկ Ասատրյան (1900-1956) - Հայ Հասարակական-քաղաքական գործիչ, փիլիսոփա: Մասնակցել է 1921թ. փետրվարյան ապստամբությանը, այնուհետև բնակություն հաստատել Բուլղարիայում եւ Ռուսիայում: Ավարտել է Բեռլինի բարձրագույն քաղաքական դպրոցը եւ Պրահայի համալսարանի փիլիսոփայության բաժինը, փիլիսոփայական գիտությունների դոկտորի կոչումով: Համագործակցել է Գարեգին Նժդէհի հետ: Խմբագրել է պարբերականներ, հատկապես նշանավոր «Թագմիկ» կիսաշաբաթաթերթը, Նժդէհի հետ միասին (1937-1944):

Համատեղ հիմնադրել եւ քարոզել են Տարոնական շարժում կամ Տարոնականություն գաղափարական հոսանքը, տպագրել «Ցեղ եւ Հայրենիք» ամսագիրը: Գործուն մասնակցություն է ունեցել Փաշխատական այն քարոզչության ժխտման գործում, որի համաձայն իբրև թե Հայերը ոչ թե հնդեվրոպական, այլ սեմական ծագում ունեն, եւ որը կարող էր սպառնալիք դառնալ Հայերի ջարդի համար, ինչպես այդ տեղի ունեցավ հրեաների հետ: Հայկ Ասատրյանը հանդես եկավ «Հայաստան-Արիական նախադիրք Առաջավոր Ասիայում» գրքով, որի առաջին մասը լույս է տեսել Նժդէհի առաջաբանով, իսկ երկրորդ մասը մնացել է անտիպ:

Հ.Ասատրյանը գրադվել է կուսակցական գործունեությամբ, եղել է ՀՅԴ Բալկանների կենտրոնական կոմիտեի անդամ, ունեցել է տարածայնություններ գործընկերների հետ, որի արդյունքում հեռացվել է կուսակցությունից (1935թ.):

Տարոնական շարժման ծավալման շնորհիվ, նշել է Ասատրյանը բանտային հարցաքննության ժամանակ, Բուլղարիայի դաշնակցական կազմակերպությունը կազմալուծվեց եւ հարեց մեր շարժմանը:

1944թ. Բուլղարիայում ձերբակալվել է «Սմերչի» կողմից, դատապարտվել է տաս տարվա ազատազրկման եւ մինչեւ 1955թ. տառապել խորհրդային բանտերում¹:

4. Վահան Մազմանյան:

5. ՀՅԴ Բալկանների կենտրոնական կոմիտեի անդամ Հովհաննես Դեւեջյանը խորհրդային բանտարկության ժամանակ, 1947թ. օգոստոսի 28-ին տվել է հետեւյալ ցուցմունքը. «Քարոզելով «Ցեղակրոն» գաղափարը, Նժդէհը Բուլղարիայում գրավեց ինչպես դաշնակցականների կենտրոնական կոմիտեն, որի անդամ էին ինքը՝ Նժդէհը, նրա գործակից Հայկ Ասատրյանը եւ բարեկամ Հովհաննես Օվանեսովը, այնպես էլ դաշնակցականների բուլղարական կազմակերպության մեծամասնությունը: Նժդէհի եւ Հայկ Ասատրյանի գործունեությունը հետաքննելու համար Բյուրոն Ռուսիայից Բուլղարիա գործուղեց Դրո Կանայանին, Հունաստանից՝ Գաբրիել Լազյանին, երկուսն էլ Բյուրոյի անդամ, որոնք տեղում ուսումնասիրելով գործը, կուսակցական տույժի ենթարկեցին Հայկ Ասատրյանին»: «Ցեղակրոնի» կողմնակիցները չենթարկվեցին այդ որոշմանը, ուստի Բյուրոն կուսակցությունից հեռացրեց 15-20 մարդու, այդ թվում Նժդէհին: Այնուհետև Դեւեջյանը ծանուցում է, որ ինքը բարեկամական հարաբերություններ չի ունեցել Նժդէհի հետ՝ սկսած 1923թ., եւ որոնք աստիճանաբար ավելի են խորացել:

Նույն թվականին Դեւեջյանի վերաբերյալ հարցաքննվել է նաեւ բանտարկյալ Նժդէհը, որը սակայն, մեզ հետաքրքրող հարցերին չի անդրադարձել¹:

6. Նժդէհը ԱՄՆ-ում գտնվել է 1933-1934թթ.: Աշխատանք է տարել ՀՅԴ 12-րդ ընդհանուր ժողովի (Փարիզ 1932թ.) որոշումների կենսագործման ուղղությամբ, այն է՝ «Հայ երիտասարդ սերնդի կազմակերպումը ապակուսակցական հողի վրա»: Նժդէհի գաղափարական-կազմակերպական գործունեության արդյունքը եղավ երիտասարդական ցեղակրոն կազմակերպությունների ստեղծումը: Ցեղ, ցեղակրոն, ապա նաեւ տարոնականություն (վերջինը Հայկ Ասատրյանի հետ միասին) հասկացությունների հիմքում դրվում էր հայրենասիրության ոգով երիտասարդության եւ ամբողջ ազգի դաստիարակությունը: Շուտով Ամերիկայի ցեղակրոն կազմակերպությունները վերանվանվեցին երիտասարդական կազմակերպության՝ Փաշխատական ռասայական տեսության հետ չնույնանալու եւ սահմանազատվելու համար:

¹ Տե՛ս Վաչե Օվսեայան, Գարեգին Նժդեհի ԿԳԲ, Եր., 2001, թ.82-86, 179-183: Մ. Լալայան, Տարոնական շարժումը: Հայկ Ասատրյան, Երեւան, 2002, էջ 22-26:

¹ Տե՛ս Վաչե Օվսեայան, Գարեգին Նժդեհի ԿԳԲ., Եր., 2001, ս.15-20:

Ընդ որում եղել են նաև ցեղակրոն շարժումը չընդունողներ եւ մերժողներ: Օրինակ, այդ մասին բանտում Հարցաքննության ժամանակ ցուցմունքներ է տվել պատմաբան-բանասեր Սիրունին (Հակոբ Զոլոյանը), ավելացնելով, որ շարժումը լայն տարածում չունեցավ ինչպես կուսակցության մեջ, այնպես էլ նրանից դուրս՝ բանտային հողվածներից մեկում Նժդեհը լավագույնս լուսաբանել է ցեղակրոն շարժման կազմակերպման շարժառիթներն ու նշանակությունը: Ես, գրել է Նժդեհը, «Հայրենասեր-գաղափարապաշտի խորին մտահոգությամբ» ձեռնարկեցի երիտասարդության կազմակերպման գործը, նրան համարելով «ամենակարող վերակերտիչ գործոն», երիտասարդ սերունդ, որը ծնված լինելով հայրենիքից դուրս եւ հեռու, իր տրամադրություններով դարձել էր մտահոգող: Իսկ գործը Ամերիկայից սկսելու կապակցությամբ գրել է, որ այնտեղ հայտնվել էր գաղութահայության ամենամեծ զանգվածը, եւ որ այդ երկիրն օժտված էր ամենակուլ ու ձուլող հատկությամբ¹:

7. Ներսես Աստվածատուրյան (ծնվել է Կոստանդնուպոլսում, մահացել խորհրդային բանտում)- բուլղարահայ կուսակցական-հասարակական գործիչ, ունեցել է առեւտրական գործունեություն: Բալկաններում աշխատակցել է Հայկ Ասատրյանի եւ Գարեգին Նժդեհի հետ²:

8. Արամ Հակոբյանի մասին տվյալներ ենք հանդիպել ՀԹԴ Բալկանների կենտրոնի անդամ Ասատուր Պետիկյանի հուշերում, որ տպագրվել են 1933 թ.: Արամ Հակոբյանը, գրել է Պետիկյանը, օրինակելի կուսակցական գործիչ էր Ֆիլիպեում, ապա Սոֆիայում: Նա այնտեղ էր, որտեղ գործ կար՝ կուսակցական մարմիններից մինչեւ ընթերցարան-մատենադարանը³: Արամ Հակոբյանի անունը հիշատակվում է նաև Նժդեհի «Դաշնակցությունը Բուլղարիայում» բանտային հողվածում (1947 թ.), որպես պատերազմի ժամանակ Բուլղարեստում Դրոյի հրավիրած ժողովի մասնակից:

9. Օնիկ Մխիթարյան - «Նոր խոսք» թերթի (Սոֆիա, 1932-1943) խմբագիր:

10. Թափառական- Հարաճյան:

11. Հովհաննես Դեւեջյան (1886-անհայտ)-1921-1945թթ. ապրել եւ աշխատել է Բուլղարիայում եւ Ռումինիայում: Զբաղվել է մանկավարժությամբ, վարել է կուսակցական գործունեություն, տպագրել է հողվածներ դաշնակցական մամուլում: Երկրորդ աշխարհամարտի ժամանակ գործակցել է Դրոյի հետ:

1955 թ. բանտարկությունից ազատվելուց հետո մեկնել է Արգենտինա, որտեղ տպագրել է (Արմեն Սեւան գրական կեղծանունով) «Բանտարկեալի մը յուշերը: Տառապանքի տարիները Գարեգին Նժդեհի հետ» գիրքը¹:

12. Համո (Համազասպ) Օհանջանյան:

13. Քրիստափոր Միքայելյան (1859-1905)- Հայ հասարակական-քաղաքական գործիչ, ՀԹԴ կուսակցության հիմնադիրներից: Զոհվել է Արդուլ Համիդի ահաբեկումը կազմակերպելիս ինքնաշեն ումբի փորձարկման ժամանակ:

Ռումբերի պատրաստումը եւ գործարկումը կապված է «Փոթորիկ» անունը կրող կոմիտեի հետ: Այն ստեղծվել էր 1901 թ. Ֆիլիպեում (Բուլղարիա) «Դաշնակցության կամքը ներկայացնող մարմին» կողմից: Նպատակը ազգային-ազատագրական շարժման համար հանգանակություն (հայ հարուստներից) կատարելն էր՝ զենք ու զինամթերք հայթայթելու նպատակով (հարցը քննարկվել էր ՀԹԴ 2-րդ ընդհանուր ժողովում 1898 թ.): Կոմիտեի ղեկավարը Քրիստափոր Միքայելյանն էր, որը 3-րդ ընդհանուր ժողովում (Սոֆիա, 1904 թ.) զեկուցել է կոմիտեի գործունեության առաջին արդյունքների մասին:

14. Պեյո Յավորով (Պ.Կրաչովով, 1878-1914)- բուլղար բանաստեղծ, Թուրքիայի կողմից 1890-ական թվականներին կազմակերպած հայկական կոտորածների անմիջական տպավորությամբ գրել է «Հայեր» նշանավոր բանաստեղծությունը:

15. Գաբրիել Լազյան:

16. Դոսար - դոսյե (դոսե)՝ գործ:

17. Ս.Ս.-ի ով լինելը չհաջողվեց պարզել:

18. Սեթո (Սեղրակ Զալալյան, 1884 1955 թթ., ծնվել է Ապարանի Քասախ գյուղում): Սովորել է Երեւանի ուսական գիմնազիայում, ավարտել Պետերբուրգի համալսարանի իրավաբանությունից: Դրոյի, Տիգրան Դեւոյանի, Սմբատ Եղիազարյանի

¹ Գարեգին Նժդեհ, Երկեր, հ. 2, Երեւան, 2002, էջ 441-446:

² Լալայան Ս., Տարոնական շարժումը: Դայկ Ասատրյան, Երեւան, 2002, էջ 26-27:

³ «Դայրենիք», 1933, թիւ 5, էջ 109:

¹ Տե՛ս Գարեգին Նժդեհ, Երկեր, հ. 2, Եր., 2002, էջ 504:

և ուրիշների հետ հիմնել է «Բորեաս» մարտական խումբը: 1905-1906 թթ. հայ-թուրքական ընդհարումների ժամանակ խմբապետ Սեթոն մասնակցել է Երեւանի, Նախիջևանի և Ղազախ-Շամշադինի ինքնապաշտպանությունը: 1918 թ. Բաշ-Ապարանի ճակատամարտի կազմակերպիչներից: Հայաստանի Հանրապետության տարիներին Երեւանի միլիտան էր: Երկրորդ աշխարհամարտի ընթացքում գործակցել է Դրոյի և Նժդեհի հետ: 1946-1951 թթ. Գերմանիայի Շտուտգարդ քաղաքի Հայ Ազգային կոմիտեի նախագահն էր¹:

19. Հավանորեն խոսքն այն Հարութիկի մասին է, որին անդրադարձել է Գարեգին Նժդեհը 1944 թ. հոկտեմբերի 18-ին բանտային հարցաքննության ժամանակ: Պատասխանելով առաջադրված հարցին, Նժդեհը նշել է, որ Դրոյի խմբից է եղել նաև Հին դաշնակցական, ոմն Հարութիկ: Պատերազմի ժամանակ Հարութիկը գերմանացիների գրաված տարածքներում զբաղվել է կուսակցական-կազմակերպչական գործունեությամբ²:

Ըստ Միսաք Թորլաքյանի՝ Հարություն, նույն ինքը Յուրեան, Յարութիւն Յարութիւնեան: Հիշատակում է պատերազմի ժամանակ Ղրիմում և այլ հայաբնակ շրջաններում (նաև ավելի վաղ տարիներին) համատեղ գործունեության մասին³:

Հարություն Հարությունյանը մասնակցել է 1918 թ. Դրոյի գլխավորությամբ տեղի ունեցած մարտերին, ապա անդամագրվել է «Նեմեսիս» խմբին և օգնել է Միսակ Թորլաքյանին՝ 1921 թ. հուլիսի 21-ին Կոստանդնուպոլսում ահաբեկելու Բաքվի հայության ջարդերի կազմակերպիչ Բահրետ խան Ջիվանչիրին:

2-րդ համաշխարհային պատերազմից հետո փնտրվել է ԽՍՀՄ պետանվտանգության մարմինների կողմից որպես «վտանգավոր պետահանցագործ»:

20. Հասկանալ 13-րդ ընդհանուր ժողովը (1938թ.):

21. Կուսակցությունից հեռացվելու հարցին հանգամանորեն անդրադարձել է նաև ինքը՝ Գարեգին Նժդեհը: Կարելի է վկայակոչել դեպքի թարմ հետքերով և բավական կրքով գրված

¹ ՀՅԴ ԿԱ, ք.65, գ. 5: Միսաք Թորլաքեան, Օրերուս հետ, էջ 391): Հանլետ Պետրոյան, Սեդրակ Ջալալյանի գործը և հուշերը, Երեւան, 2011:

² Վաչե Օվսեպյան, Գարեգին Նժդեհ ԿԳԲ, Եր., 2001, ռ.124: «Հայրենիք», ամսագիր, 1957, քիւ 9, էջ 17:

³ Միսաք Թորլաքեան, Աշխ., էջ 414, 482-497:

«Մատնություն թե՛ պրովոկացիա» (տպագրված է Սոֆիայի «Ռազմիկ» թերթում, 1938թ. դեկտեմբերի 7-ին), ինչպես նաև «Դաշնակցությունը Բուլղարիայում» 1947թ. խորհրդային բանտում գրած հոդվածները: Ըստ առաջին հոդվածի տվյալների՝ Նժդեհը Դաշնակցությունից հեռացվել էր «հակակուսակցական» և «հակակարգապահական» արարքների համար: Մամուլի հրատարակումների հետ մեկտեղ այդ ամենը Նժդեհը դիտել է որպես պրովոկացիա իր անձի դեմ և դրա հեղինակ ճանաչել Ռուբեն Տեր-Մինասյանին՝ որպես իր անձի ու իր քարոզած ցեղակրոնության մասին հայացքների թշնամի:

Այդ և այլ խնդիրների կապակցությամբ Նժդեհը հակամարտություն է ունեցել Ռուբեն Տեր-Մինասյանի հետ, մեղադրելով նրան դավադրության մեջ, և որը հասցրել է Նժդեհի հրաժարականին Դաշնակցության անդամությունից: «Այժմ դուրս է գալիս, շարունակում է գրել Նժդեհը, -որ ոչ թե ես եմ հեռացել..., այլ որպես թե «հակակուսակցական» ընթացքի մեջ եմ գտնվել և հեռացվել»:

Երկրորդ հոդվածը տեղեկացնում է, որ Նժդեհը Դաշնակցությունից հեռացել է 1937թ., կուսակցության ընդհանուր ժողովին ծանր մեղադրանքներ ներկայացնելով Բյուրոյի նկատմամբ: Այնուհետև կուսակցությունից հեռացածները հիմնել են «Ռազմիկ» թերթը և «Տարոնի արծիվ» ամսագիրը, որոնց քարոզչությունը, կրելով «ուելիգիոնիստական բնույթ», խնդիր է ունեցել «արտասահմանի հայերի մեջ ստեղծել «Հայկական Ինդեմնտա» (պահանջատիրություն.) կազմակերպություն, որն իր վրա վերցնելով Թուրքիայի հայկական տարածքների խնդրի լուծումը, Դաշնակցության գոյությունը կզարծենք ավելորդ»¹:

1938 թ. ՀԹԳ ընդհանուր ժողովը Նժդեհին արտաքսել է կուսակցությունից:

22. Ռուբեն Տեր-Մինասյան:

23. Համբարձում Առաքելյան - «Մշակ» թերթի խմբագիր:

24. Միհրանական շարժում, միհրանականություն-խմբապետ Միհրանի անունով (Գարբիել Քեչիշյան):

Ցարական ինքնակալության դեմ պայքարի ուղուն ՀԹԳ անցել է այն բանաձևի հետևություններ, որն ընդունվել էր 1904թ. Փարիզում կայացած Ռուսաստանի հեղափոխական ու ղեմադրա-

¹ Գարեգին Նժդեհ, Երկեր, հ.1, Երեւան, 2002, էջ 415-418 և հ.2, էջ 462-463:

կան կուսակցությունների (ՀՅԴ մասնակցութեամբ) խորհրդածո-
ղովի կողմից: Բանաձևեր հռչակում էր՝ բռնապետության ոչնչա-
ցում, միապետական (ինքնակալ) կազմի փոխարինում ազատ,
առավարական կարգերով, ազգային ինքնորոշման իրավունք:

Այդ հիման վրա ՀՅԴ խորհուրդը 1905թ. ընդունեց «Կովկաս-
սյան նախագիծը», որը 4-րդ ընդհանուր ժողովի (Վիեննա,
1907թ.) կողմից ճանաչվեց որպես ծրագրային հիմնադրույթ:
Ծրագիրը անհրաժեշտություն էր համարում մասնակցությունը
կովկասյան հեղափոխական կուլին, ինքնապաշտպանությունից
բուն հեղափոխական գործունեությունն անցնելը, Անդրկովկասը
դիտելով որպես ազատ Ռուսաստանի անբաժան, դաշնային մաս:

Միհրանականությունը դեմ էր այդ ծրագրին, գտնելով, որ
կուսակցությունը պետք է սահմանափակվի «թուրքահայ դա-
տով», նշելով, թե «Դաշնակցությունը հիմնված է ոչ թե սոցիա-
լիզմի համար, այլ թուրքահայերի դատը պաշտպանելու համար»:

«Մշակ» թերթում (խմբագիր՝ Համբարձում Առաքելյան)
ուպագրած հոդվածներում խմբագետ Միհրանը կոչ էր անում
հրաժարվել «Կովկասյան նախագծից» եւ նվիրվել միայն Արեւմ-
տյան Հայաստանի ազատագրությունը:

Միաժամանակ ՀՅԴ մեջ դրսևերկեց նաեւ ճախ հոսանք,
Լեւոն Աթաբեկյանի ղեկավարութեամբ: Սրանց կարծիքով արեւմ-
տահայ դատը եւ ամբողջ հայկական շարժումը ստեղծված է հայ
բուրժուազիայի կողմից եւ ծառայում է նրա շահերին:

ՀՅԴ 4-րդ ընդհանուր ժողովը որոշեց հետ մղել անջատման
առաջարկը եւ արեւմտահայ ու կովկասահայ երկու գործունեու-
թյուններն էլ վարել ՀՅԴ որոշակի ու ղեկավարութեան տակ: Իսկ
խմբագետ Միհրանը կուսակցության որոշմամբ՝ ահաբեկման
ենթարկվեց¹:

25. Կոմս-Վահան Փափազյան²:

26. Արամ Մանուկյան:

27. Վռամյան (Օնիկ Դերձակյան):

28. Իշխան (Սարգիս Պողոսյան):

29. Այլ տվյալներով՝ Հիրճ գյուղում, 1915 թ. ապրիլի սկզբին:

30. Զեւրեթ բեյ - Վանի կուսակալ (վալի):

31. Գեւորգ Զիտեչյան:

32. Տրապիզոնի անցքերի մասին տես. Միսաք Թորլաքեան,
Օրերուս հետ:

Լուս Անճէլըս, 1953: 2-րդ հրատ., 1963:

33. Այստեղ առկա է որոշակի շփոթ: Արեւմտահայ Ազգային
խորհրդի նախկին նախագահ Կոմսը (Վահան Փափազյան), Սե-
բաստացի Մուրադի եւ Սեպուհի հետ Թիֆլիսից Հյուսիսային
Կովկաս չի մեկնել: Սեբաստացի Մուրադն եւ Սեպուհը Անդր-
կովկասից հեռացել են Հայոց Ազգային խորհրդի որոշմամբ: Կոմսը
միայն կատարելով Հայոց Ազգային խորհրդի պահանջը, որպես ճա-
նապարհածախս, նրանց հանձնել է 5000 ռուբլի եւ խորհուրդ տվել
հեռանալ Անդրկովկասից: Կոմսը Հյուսիսային Կովկաս է մեկնել մի
փոքր ավելի ուշ¹:

34. Հայ պատմագրության մեջ լուսաբանվել եւ քննարկվել են
առաջին աշխարհամարտում ցեղասպանության ժամանակ Արեւ-
մտյան Հայաստանի տարբեր վայրերում ինքնապաշտպանական
կռիվների հիմնահարցերը, կռիվներ, որոնց շնորհիվ հայերը կա-
րողացան ունենալ պակաս զոհեր:

Ինքնապաշտպանության կազմակերպման գործում եղել են
նաեւ սխալներ ու դժվարություններ, մեղադրվել են քաղաքա-
կան ու ռազմական գործիչներ, արտահայտվել ինքնարդարա-
ցումներ: Մեղադրանք է հնչել նաեւ Ռուբեն Տեր-Մինասյանի
հասցեին, որին անդրադարձել է Դրոն իր տպագրվող նամակում:

Ինքնապաշտպանական կռիվների հետ առնչվող հարցերի պա-
տասխաններ կարելի է գտնել նորագույն գիտական ուսումնասի-
րություններում, որոնց թվում է նաեւ Ռուբեն Սահակյանի «Ա-
րեւմտահայության ցեղասպանությունը եւ ինքնապաշտպանա-
կան կռիվները 1915 թվականին» (Երեւան, 2005) խորագրով մե-
նագրությունը: Եվ, այնուամենայնիվ, հարկ ենք համարում սո-
ղեր մեջբերել Սասունցի Մուշեղի հուշերից, որ տեղ են գտել Ռու-
բեն Տեր Մինասյանի հուշագրություններում, ուր հեղինակն ան-
դրադարձել է նաեւ վերջինիս դերին Մուշ-Սասունի ինքնա-
պաշտպանության գործում:

¹ Վարանդեան Ա., Գ.Յ. Դաշնակցութեան պատմութիւն: Երեւան, 1992, էջ 291-292,
400-402, 412: «Հայրենիք», 1957, քիւ 4, էջ 14:

² «Վեմ», 1935թ., քիւ 3, 4, 1936թ., քիւ 1, 2, 3, 4: Նույնը տե՛ս Վահան Փափա-
զեան, Իմ յուշերը, Գ. 2, Պէյրուք, 1952, էջ 274-410:

¹ Տե՛ս Սեպուհ, եղբի իմ յուշերն, հ. 2, էջ 128-130:

Նկատի ունենալով ռազմամթերքի ու զենքի հայթայթման, ժողովրդի պարենավորման եւ այլ անհրաժեշտ խնդիրների լուծումը, Սասունցի Մուշեղը գրել է. «Այս բոլոր հոգերը, զինական, պարենավորման, ներքին անդորրութեան, ամբողջութեամբ ծանրացած էին Ռուբենի ուսերուն: Ամբողջ եօթը ամիս, անիկա ոչ գիշեր ունէր եւ ոչ ալ ցերեկ, շարունակ կը շրջեր դիրքերը, կռուողներուն խրախոյս կու տար, ճակատներու կացութիւնը կը քննէր, ռազմամթերքը քննութեան կենթարկէր»: «Սասնոյ եւ Տարօնի կռիւները տեւեցին մօտաւորապէս եօթը ամիս: Ասկից աւելի անկարելի էր դիմանալ»:

Այդ ամենից հետո միայն Ռուբեն Տեր-Մինասյանի ղեկավարութեամբ Անդրբլուս կայացած ժողովը եկավ եզրակացութեան, որ «այլեւս հաւաքական կռիւր չէ, որ կրնայ գործ մը տեսնել, փարթիզանական ձեւով կռիւր լաւագոյն միջոցն է, ով որ կրցաւ սահմանը անցնիլ թող անցնի, Սասնոյ սուրբերը բոլորիս օգնական: Գացողն ալ, մնացողն ալ ենթակայ է նոյն վտանգներուն, ով որ տեղ հասնի, թող պատմէ մեր վիճակի մասին»¹:

35. Հունական վտանգների իմաստը կարելի է ցույց տալ Հենց Հունական փաստաթղթերի միջոցով: 1890-ական թվականներին թուրքերի կազմակերպած ջարդերից հայ բնակչության առանձին խմբեր փրկվելու նպատակով զենքի Տրապիզոն, Սեւ ծովի ափերը գաղթելով եւ այնտեղ կազմավորելով փոքրակազմ համայնքներ: Հայերն սկսեցին «առեւտրում բարգավաճել, միտում ունենալով տեղացի հույն առեւտրականների նկատմամբ գերակշռություն ձեռք բերել վերջիններիս միանգամայն պատիվ բերող պատճառներով: Այս միտումն օգտագործվում էր թուրքերի կողմից, որոնք միանգամայն շահագրգռված էին աղավաղելու Պոնտոսի Հունական դիմագիծը, եւ այնպես ստացվեց, որ պոնտացիների շրջանում Հայաստանի հանդեպ խոր ատելության զգացում առաջացավ, նրանց արդեն հուզում էին ոչ թե առեւտրական շահերը, այլ սեփական երկրի հունական դիմագիծը»: «Այսպիսով, շարունակում է իր դիտարկումը փաստաթղթի հեղինակը, - արմենոֆոբիայի գաղափարի շուրջ համախմբելու համար ինչ հնարավոր էր անել, ամենայն հետևողականությամբ արվեց»:

Հունական փաստաթղթերից կարելի է վկայակոչել նաև այլ տողեր այն մասին, թե ինչպիսի վտանգավոր մտայնություն ու ծրագիր էր երեւան գալիս Թուրքիայի հույների շրջանում: «Ըստ երեւույթին Բաղկանյան պատերազմներից առաջ գոյություն ունեւր արտաքին քաղաքականության մի ծրագիր, որը թուրքերի հետ համագործակցություն էր դաժանում եւ որը, իմիջիայլոց, բավականին առաջ էր գնացել»: Հունական այս վտանգները կանխելու մասին է նամակում հիշվածը¹:

36. 1903թ. սեպտեմբերի 2-ին Բաքվի Բարապետի հրապարակում տեղի ունեցած իրադարձությունները վերարտադրել է նաև Մ. Վարանդյանը. «Անգէն ժողովուրդը ցրելէ յետոյ, մոտ 300 զինւած երիտասարդներ խմբուեցան եկեղեցիի ու դաւիթի մէջ եւ զանգակները ղօղանջեցին... Առաջ անցան ոստիկանական պաշտօնեաները եւ խիստ սպառնալիքներով պահանջեցին ցրել: Տրեցաւ միաձայն, մերժողական պատասխան: Ու յանկարծ գաւիթէն դուրս թռաւ քաջերու մի խումբ եւ ատրճանակի հարւածներով գրոհ տուաւ թշնամու դէմ: Ոստիկանութիւնը, ահաբեկ, յետ նահանջեց: Վայրկենաբար զինւորներու վաշտ մը պաշարեց եկեղեցիի պարիսպը: Հրացանաձգութիւն, իրարանցում, ճիչեր, վիրաւորներու տնքոց... Կռիւր կատաղի եղաւ: Ապստամբութեան ղեկավարներն էին մեր երկու կարող խմբապետները-Դաշնակցական Խէչօ եւ Զալլադ: Մէկ քանի ժամ տեւեց՝ առանց վճռական վախճանի: Մուֆթը կոխեց: Պաշարւած տաճարի զանգը կը շարունակէր իր մեյլամաղձոտ ղօղանջը: Բայց դիմադրութիւնը աւելի երկար տեւել էր կարող. փամփուշտը կը սպառէր»: «Բա՞նի կօզակ ու ոստիկան սպանւեցան մեր հայրուկներու գնդակներով-յայտնի չէ: Մերոնք ունեցան 11 սպանւած եւ 65 ծանր վիրաւոր»²:

Դաշնակցական Խէչօ (Նաչատուր Ամիրյան)- Հայ ազգային ազատագրական պայքարի անվանի գործիչ (ծնվել է 1872 թ. Հին Նախիջևանում, զոհվել է 1915 թ. Դատվանի կոլում): 1903թ. Բաքվում եւ Գանձակում ղեկավարել է հայկական մարտական խմբերի պայքարը հայ եկեղեցու գույքը բռնագրավող ցարական ուժերի դեմ: 1905-1906թթ. Հայ-թաթարական ընդհարումների

¹ Հունական արխիվային փաստաթղթեր հայ-հունական հարաբերությունների մասին առաջին հանրապետության շրջանում (1918-1920), Երեւան, 1998:

² Վարանդյան Մ., Դ.Յ.Դաշնակցութեան պատմութիւն: Երեւան, 1992, էջ 285-286:

¹ Ռուբեն, նշվ. աշխ., հ. 7, Թեհրան, 1982, էջ 72, 82-85:

ժամանակ եղել է Նիկոլ Դումանի մերձավոր օգնականներից, գործուն մասնակցություն ունեցել Երեւանի նահանգի եւ Զանգեզուրի ինքնապաշտպանության կազմակերպմանը: 1908-1910թթ., որպէս հայկական մարտական ուժերի հրամանատար, Պարսկաստանում մասնակցել է միապետականների բանակի դեմ մղված կռիվներին: Առաջին աշխարհամարտի տարիներին եղել է հայ կամավորական շրջ գորախմբի հրամանատար Դրոյի օգնականը, ապա գլխավորել Արարատյան գնդի հեծելազորը, առաջինը մուտք գործելով Վան:

Զալլադ (Երվանդ Բաբերյան) - Մնվել է Ալեքսանդրապոլում (Գյումրի), դաշնակցական գործիչ, մարտական խմբի խմբապետ, մասնակցել է Կուկունյանի (1890թ.) արշավանքին, գործել է Տարոնում, Կարսում, ղեկավարել զինատար խումբ:

37. Հավանորեն խոսքը Եղիշե Թոփչյանի (կեղծանունը՝ Երվանդ Թամարյան) մասին է: Եկեղեցական հողերի գրավման ժամանակ «Հայկական ինքնապաշտպանության կենտրոնական կոմիտեի» անունից «Ազդ» է ուղղել Կաթողիկոսին եւ եկեղեցու բոլոր գործիչներին՝ չկատարել ցարական իշխանությունների պահանջը, իսկ հայերին կոչ էր արվում միանալ «բողոքի հոսանքին եւ չխոնարհվել բռնակալ կառավարության պահանջի առաջ»:

Գործուն մասնակցություն է ունեցել «Յառաջ» թերթի (Թիֆլիս) տպագրությանը եւ տարածմանը, ՀՅԴ էրզրումի կազմակերպության աշխատանքներին:

Տվյալներ կան նաեւ ՀՅԴ Բալկանների կենտկոմի անդամ Ասատուր Պետրկյանի հուշերում. «Պոլսից Երկիր մեկնելու ճանապարհին նա եղավ Ֆիլիպեում (սա սահմանադրության ժամանակ էր), արեց բանախոսություններ: Ընկ. Ե. Թոփչեան, ինչպես յայտնի է, հայ չարագործի գնդակին զոհ գնաց Բաբերդի մօտ 23 հոկտ. 1909-ին, իսկ ոճրագործը իր մեղքը քաւեց կախաղանի վրա՝ Էրզրումի մէջ»:

Իսկ Ռուբեն Տեր Մինասյանի հուշերում Եղիշեի մասին կարդում ենք. «Ան սպանուեցաւ Յաթէթի կողմէն, որ «որսկան շուն» էր դարձած ուսական քաղաքականութեան եւ «Մշակ» թերթին»: (Միքայէլ Վարանդեան, Հ.Յ. Դաշնակցութեան պատմութիւն, Երեւան, 1992, էջ 277, 396, 454-455: Ռուբէն, Հայ յեղափոխականի մը յիշատակները: Թեհրան, 1982, հ.2, էջ 420:

«Հայրենիք» (Բոստոն), 1934, թիւ 3 (հունվար), էջ 155-159: Միսաք Թորլաքեան, Օրերուս հետ: Լոս Անճէլըս, 1953, էջ 141):

38. Հասկանալ 1938թ. կայացած 13-րդ ընդհանուր ժողովը:

39. Ռուբինա Արեշյան (1884-1971, Գրիստափոր Միքայելյանի հոգեզավակը, ՀՀ 3-րդ վարչապետ Համազասպ(Համո) Օհանջանյանի կինը) - ՀՅԴ անդամ (1900թ.), սուլթան Աբդուլ Համիդի դեմ անհաջող մահափորձի կազմակերպման մասնակից: Կյանքի վերջին տարիներն անցել են Կանադայում:

40. Բեյրութ (Լիբանան):

ԳՆՈՒՆ ԱՌԱՋԻՆ

ԴՐՈՅԻ ԳՈՐԾՈՒՆԵՈՒԹՅՈՒՆԸ 1905-1906ԹԹ.
ՀԱՅ - ԹՈՒՐԿԱԿԱՆ ԿՈՒՎՆԵՐԻ
ԺԱՄԱՆԱԿԱՇՐՁԱՆՈՒՄ

- 1. 1. Ուսումնառութեան տարիները: Գյուղապետ Գալափայի
և Բաքվի գեներալ-նահանգապետ Նակաշիճեի
աւարեկումները 8
- 1.2. Կոտայքի, Երեւանի, Դարալագյազի, Լեռնային Նախիջեւ
նի և Զանգեզուրի ինքնապաշտպանական մարտերում.....26
- 1. 3. Գեներալ Ալիխանով-Ավարսկու և ոստիկանապետ Տեր-
Սահակովի աւարեկումները, Դրոն Հին Բայազետում.....71

ԳՆՈՒՆ ԵՐԿՐՈՐԴ

ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԸ:
ԿԱՄԱՎՈՐԱԿԱՆ ՇԱՐԺՈՒՄ, ԴՐՈՆ ՀԱՅԿԱԿԱՆ
ԿԱՄԱՎՈՐԱԿԱՆ ԶՐԴ ԶՈՐԱՆՄԲԻ ՀՐԱՄԱՆԱՏԱՐ

- 2. 1. Զրգ կամավորականի առաջին արշավանքը, Կավրե-Շամեի
կոխը.....83
- 2. 2. Երկրորդ արշավանքը, դեպի Վան, Շատախ, Մոկս,
Ռշտունիք, Տարոն109
- 2. 3. Նահանջի դժվարին օրերը 160
- 2. 4. «Ալաղաղի պատժիչ զորախմբի» գործողութիւնները:
Երրորդ արշավանքը, դեպի Խնուս և Մուշ177

- 3. 1. Հայկական բանակային կորպուսի կազմավորումը:
Դրոն Երեւանի նահանգում, մահմեդական հրոսակախմբերի
ելույթների «խաղաղեցումը».....203
- 3. 2. Սարիղամիշի և Սուրմալուի ռազմաճակատներում.....261
- 3. 3. Բաշ - Ապարանի հերոսամարտը և Հայաստանի
Հանրապետութեան հռչակումը 316

ԳՆՈՒՆ ԶՈՐՐՈՐԴ

ԴՐՈՅԻ ԴԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՍԱՀՄԱՆՆԵՐԻ ԸՆԴԱՐՁԱԿՄԱՆ ԵՎ ՊԱՇՏՊԱՆՈՒԹՅԱՆ ԳՈՐԾՈՒՄ

- 4. 1. Հայ - վրացական պատերազմը -383
- 4. 2. Հայաստանի Հանրապետութեան սահմանների ընդարձակումը,
մահմեդական բնակչութեան զինված ելույթները..... -454
- 4. 3. Դրոն Զանգեզուրում և Արցախում..... 522

ԳՆՈՒՆ ՀԻՆԳԵՐՈՐԴ

ՀԱՅ - ԹՈՒՐԿԱԿԱՆ ՊԱՏԵՐԱԶՄԸ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԽՈՐՀՐԴԱՅԻՆԱՑՈՒՄԸ

- 5. 1. Սուրմալուի ճակատամարտը.....648.
- 5. 2. Դրոն որպես Հայաստանի Հանրապետութեան զինվորական
նախարար և Խորհրդային Հայաստանի բանակի առաջին
հրամանատար.....739
- 5. 3. Դրոն Մոսկվայում, նրա գործունեութիւնը Զրգ համաշ-
խարհային պատերազմում.....810

ՀԱՎԵԼՎԱԾ

Դրոյի նամակը Ս. Վրացյանին և ծանոթագրութիւններ.....893

ՀԱՄԼԵՏ ՄԱՐՏԻԿԻ ԳԵՎՈՐԳՅԱՆ

ԴՐՈ

(Մենագրություն)

**Խմբագիր՝ Սերգեյ Գասոյան
Շարվածքը՝ Լալա Մելքոնյանի
Զեկավորումը՝ Գևորգ Բաղդասարյանի**

Ստորագրված է տպագրության 18.11.2014:

Չափսը՝ 60x84 1/16:

Մակար 57.5 տպ. մամուլ:

Տպաքանակը՝ 500 օրինակ:

«ԳԵՎՈՐԳ - ԶՐԱՅՐ» ՍՊԸ



**Հրատարակչություն
Երևան, Գրիգոր Լուսավորչի 6:
Հեռ.՝ 52.79.74, 52.79.47
Էլ. փոստ lusakn@rambler.ru**